

56255/D

February
1947

70 70
Cullin
Hindle

Sum ex Libris
Joannis Gabrielis Philonis

VALENTINI

**AMPHITHEATRUM
ZOOTOMICUM.**

C

WITNESS

AMPHITHETRE
ZOOLOGICAL



*Sceletus ut pueros terret, Medicis res grata Theatris
Sic mors atraprobis terror inanis erit.*

Frankofurti ex Officina Eumenio Fungiana

Digitized by the Internet Archive
in 2018 with funding from
Wellcome Library

<https://archive.org/details/b30459345>

AMPHITHEATRUM ZOOTOMICUM

TABULIS ÆNEIS QUAMPLURIMIS

EXHIBENS

HISTORIAM ANIMALIUM ANATOMICAM

è

*Miscellaneis S. R. I. Academiæ Naturæ Curiosorum,
Diariis Societatum Scientiarum Regiarum, Parisiensis, Anglicæ
& Prussiacæ, Actis Hafniensibus & Lipsiensibus, Zootomiis
Anatomicorum celeberrimorum aliisque scriptis
rarioribus*

COLLECTAM.

ACCEDIT

METHODUS SECANDI CADAV. HUMANA,
cum enchiresibus injiciendi ceram, hydrargyrum & stan-
num in vasa sanguifera & lymphatica,

ut &

ARS DEALBANDI OSSA PRO SCELETO-
PŒIA, cum OSTEOLOGIA, TABULIS MYOLO-
GICIS ALIISQUE MSS. RAUIANIS,
hactenus summoperè expetitis,

accurante

J. Philo.

variisque notis & figuris illustrante

MICHAELE BERNHARDO VALENTINI,
Archiatro & PP. Gissen.

FRANCOFURTI AD MOENUM,
SUMPTIBUS HÆREDUM ZUNNERIANORUM
& JOH. ADAMI JUNGII.

GISSÆ, Typis JOHANNIS MULLERI,
M DCC XX.



Psal. 148. 5. 7. 10. & ultimo.

Laudate Dominum vos cete & omnes abyssi ! bestia &
universa jumenta, reptilia & volucres pennatae ! Halle-
luja.

SERENISSIMO

PRINCIPI AC DOMINO,
DOMINO

CAROLO,

LANDGRAVIO HASSIÆ,
PRINCIPI HERSFELDIÆ,
COMITI IN CATTIMELIBOCO,
DECIA, ZIGENHAINA, NIDDA,
SCHAUMBURGO

& reliq.

PRINCIPI AC DOMINO
CLEMENTISSIMO.



SERENISSIME PRINCEPS,
DOMINE CLEMENTISSIME.



*Unquam tantos in Historiâ Anima-
lium progressus fecissent Naturæ
Scrutatores, nî potentissimum Regum
Par, Alexander Magnus, Orientis
Domitor & Ludovicus XIV. Galliarum Rex tot
subsidiis illam excoli curassent. Quem-
admodum enim Prioris magnanimitate & munifi-
centia figura brutorum externa eorumque indoles
per Aristotelem explorata sunt: ita Posterioris cura
structu-*

DEDICATIO.

structura illorum interna, per Anatomiam comparatam, à Societate Regia Scientiarum, in apricum deducta fuit. Utriusque vestigiis insistit SERENISSIMA VESTRA CELSITUDO, dum non tantum tot animalia exotica domi alit, sed & illa subinde Theatro Anatomico Clementissime indulget. Non tenemur ævo nostro in Angliam trajicere, ut Leones in turri Londinensi intra clathra sua ferocientes admiremur, cum in Theriotropheo Insulæ Mauritiæ iidem nunquam non Stereuntii occurrant. Non tenemur Pardos, Tigrides maximasque Indiæ Orientalis aves, Struthiones, Casuarios & similes Versalesii in Gallia cum stupore intueri, cum & hæc in Vivario Principali ibidem sint conspicua. Neque in regno naturæ animali SE continere patiebatur SERENISSIMA VESTRA CELSITUDO, sed & subterranea diluvii universalis rudera & reliquias, in conchis, lignis aliisque corporibus petrificatis admiranda, per speciales huic negotio destinatos Inquisitores, è terræ visceribus erui & figuris æneis nitidissimis exsculpi jussit. Taceo alias in Technophylaceo SERENISS. V. CELSITUDINIS confertim collectas Artis & Naturæ delicias septemque Mundi miraculis adscribendam substructionem, quæ ad Leucolithum (zum weissen Stein) in perpetuum Hassiæ monumentum est erecta. Indulgere acquiesce, PRINCEPS SERENISSIME, ut Regiam hanc S. V. CELSITUDINIS Curam & Curiositatem aliis Magnatibus in exemplum ponam & æviterni mnemosyni loco in atrio præsentis Amphitheatri Zootomici suspendam, quò sub umbone Tanti Herois eò securius innotescat.

DEDICATIO.

notescat Historia Animalium Anatomica. Suscipe igitur, PRINCEPS SERENISSIME, ac Clementissimo intuitu haud dedignare viscera tot animalium, & sicut ex intimis cordis penetralibus vota devotissima pro incolumitate SERENISSIMÆ VESTRÆ CELSITUDINIS totiusque Domus Principalis Hassiacæ ad DEUM, Creatorem rerum Omnipotentissimum, persolvo, ita certa me spes tenet fore, ut SERENITAS VESTRA CELSISSIMA me meosque in Clientum Suorum & Servorum numerum Clementissimè susceptura sit, qui gloriæ summoque honori mihi duco, si audiam

SERENISSIMÆ VESTRÆ
CELSITUDINIS

Servus humilimus

MICHAEL BERNHARD VALENTINI,
PP. GISSENUS.



EPISTOLA INVITATORIA ad SPECIMINA ANATOMICA

Illustris Societatis Regiæ Prussiacæ Scientiarum

die 12. Aprilis A. 1717. Berolino in vernacula
ad me data.

P. P.



Lacuit Societati Regiæ Prussiacæ Nobilitatem Tuam hisce perquam officiosè certiore reddere, quòd SACRA REGIA MAJESTAS in Borussia, Rex atque Dominus noster Clementissimus, privilegia, immunitates reliquaque jura, quæ Inviçtissimus Borussia Rex FRIDERICUS I. Gloriosissimæ memoriæ, ceu Fundator Magnanimus illi clementissimè indullerat, non tantùm Gratosissimè confirmare, sed & aliis iisque summis Regiæ Gratiæ documentis atque beneficiis augere acquieverit: inter quæ haud minimum est, quòd S. R. M. ex speciali confidentiâ directorium Theatri Anatomici majoris illi Clementissimè ereditavit, quò Medici æquè ac Barbitonfores, cum Chirurgis Castrensibus, in Anatomia Practicâ, cum ad bonum publicum augendum, tum ad Sacræ Regiæ Majestatis copias militares conservandas informari possint. Ut igitur Clementissimæ Regis intentioni subjectissimâ devotione satisfaceret, non potuit non dicta Societas Regia adjectam hîc ichnographiam Anatomia Practicæ, prout illa per integrum anni cursum ordine conveniente continuari possit, obsequiosissimè conscribere & Sacræ Regiæ Majestati humilimè offerre, quæ & Gratosissimè ab Eadem approbata fuit.

Quodsi

EPISTOLA INVITATORIA.

Quodsi ergò Nobilitati Tuæ, tanquam Sodali Illustris hujus Societatis dignissimo, de Summa hac Regiâ Gratiâ participare & ad scopum hunc obtinendum vel

1. In *Chirurgia rationali therapeutica sive operativa*, per inventionem novorum, aut emendatorum instrumentorum, eoque pertinentium fasciationum, vel

2. In *Anatomia Experimentalì*, ratione structuræ & functionum partium solidarum & fluidarum, vel denique

3. Intuitu Artis & Scientiæ necessaria magis *Preparata Anatomica* bene conficiendi, eaque tam per humidam, quàm siccam *Balsamationem* ab omni corruptione præservandi, quò illorum ope structura partium interior quovis tempore ad oculum demonstrari possit, aut per descriptionem accuratam, vel in casu necessitatis icone quadam vel figura, quâ exercitia Anatomiae hujus Practicæ illustrari, corrigi aut augeri possint, symbolum suum conferre placeret: Nobilitas Tua non tantum publicum in universum, sed & nostram in specie Societatem summo-perè obstringet, quæ transmissa à Nobilitate Vestra specimina, facta semper Dn. Autoris mentione honorificâ, Erudito Orbi communicare non obliviscetur.

His Honoratissimum Dominum Divinæ protectioni committens persevero

VESTRÆ NOBILITATIS

Officiosissimus

JOH. THEODORUS JABLONSKI,

Reg. Soc. Secretarius.

SUCCIN.



SUCCINCTA DELINEATIO
EXERCITIORUM ANATOMICORUM,
 per totum anni decursum
 in
THEATRO ANATOMICO
 BEROLINENSI
 debitò ordine continuandorum.
 Oder
Kurtzer Entwurff
Der Anatomischen Übungen,
 wie solche das ganze Jahr durch
 auf
 dem **THEATRO ANATOMICO**
 zu Berlin
 in gehöriger Ordnung
 sollen fortgesetzt werden.

I.

SOn Michaelis an bis gegen
 Ostern / und also den ganzen
 Herbst und Winter durch/soll die
 Anatomie öffentlich an Mensch-
 lichen Körpern / so viel deren zu
 haben/so wohl als/in Ermangelung deren/an
 andern Thieren gehalten/gelehret/und inson-
 derheit denen Chirurgis und Feldscherern in
 folgender Ordnung gezeigt werden:

TRACTATIO I.

Die wahre und ordentliche method den
 Menschlichen Körper nach der Kunst und
 Anatomischen Wissenschaft zu zerlegen und
 zu seciren; woran einem Chirurgo sehr viel
 gelegen: welches geschehen wird

I.

AFesto Michaelis, usque ad festum Pa-
 schatos, sicque per totum autumnum
 & hyemem, Anatomia publicè in ca-
 daveribus humanis, quotquot illorum
 obtineri poterunt, iisque deficientibus
 in aliis animalibus instituetur & docebitur: cum-
 primis autem Barbitonsoribus & Chirurgis Ca-
 strensibus sequenti serie ob oculos ponetur:

TRACTATIO I.

Genuina & concinna methodus corpus hu-
 manum arti & scientiæ Anatomicae convenienter
 secandi, quod Chirurgi multum interest, id quod
 fiet

TRACTATIO II.

Dum omnium & externarum & internarum partium

1. *Divisio generalis earumque situs naturalis:*
2. *Illarum connexus & cohesio cum aliis partibus:*
3. *Earundem constructio functioque naturalis, & demum*
4. *Sub uniuscujusque partis latione occurrentes morbi externi indicantur & demonstrantur.*

TRACT. III.

Porro Structura & connexio omnium vasorum sanguiferorum, arteriarum scil. & venarum, indeque consequens circulatio sanguinis ostendetur. Abhinc

TRACT. IV.

In animalibus viventibus tam structura & cohesio illarum partium & vasorum, in quibus chylus elaboratur & promovetur, donec humoribus circulantibus permisceatur: quam textura illorum vasorum, qua lympham vehunt, demonstrari poterunt.

TRACT. V.

Abhinc non minus structura & connexio (non omisa functione) nervorum principaliorum, cum primis autem organorum V. sensuum externorum, ut & omnium partium musculosarum superioris & inferioris ventris aequè ac superiorum & inferiorum artuum, quibus scilicet homo sentit & se movet, ostenduntur.

TRACT. VI.

Sub quavis demonstratione lationes possibiles morbi que partium externi earumque vulnera periculosa ac lethalia notari, insimulque doceri debet, quâ ratione illis per operationes Chirurgicas & fascias convenientes obviam ire & succurrere possimus.

TRACT. VII.

Tandem Anatomia Experimentalis simul exerceri illicque Præparata Anatomica quoad partes internas confici debent, quò structura illarum interior ad oculum quoque ostendi, sicque via ad plures inventiones novissimas in corpore humano sternatur.

TRACTATIO II.

Wann aller Eusserlichen und Innerlichen Theilen

1. *Allgemeine Eintheilung und derselben natürliche Lager-Platz:*
2. *Derselben Verbindung mit andern Theilen/und wie sie an einander hängen:*
3. *Derselben Construction und ihre natürliche Verrichtung/ und dann*
4. *Die bey jeglichem Theile vorkommende eusserliche Kranckheiten gezeigt und angewiesen werden.*

TRACT. III.

Ferner soll die Structur und der Zusammenhang aller Blutgefäße/ nemlich der Puls- und Blut-Adern/ und die daraus folgende circulation des Geblüts gezeigt werden. Hiernächst kan

TRACT. IV.

In lebendigen Thieren so wohl die Structur und Zusammenhang derjenigen Theilen und Gefäßen/ in welchen der Nahrungs-Safft ausgearbeitet und fortgebracht wird/ biß sich derselbe mit dem Umlauff des Bluts vermische/ als auch die Structur derjenigen Gefäßen/ welche das Fließ-Wasser führen.

TRACT. V.

Hiernächst soll auch die Structur und der Zusammenhang (nebst derselben function) der principalesten Nerven/ vornemlich aber die Werkzeuge der 5. Sinnen/ wie auch aller musculösen oder fleischichten Theile des Ober- und Unter-Leibes/ und der obern und untern Gliedern/ wodurch nemlich der Mensch empfindet und sich bewegt/ gezeigt werden.

TRACT. VI.

Sollen bey jeglicher obgemeldten Demonstration die mögliche Verletzungen und eusserliche Kranckheiten der Theile und derselben gefährliche und tödtliche Wunden angemerket und dabey gezeigt werden/ wie man selbigen durch diese Chirurgische operationes und durch convenable Bandagen Hülff und Rettung schaffen soll.

TRACT. VII.

Endlich soll zugleich die Experimental-Anatomie exerciret und außen die Præparata Anatomica, oder so genannte Anatomische Vorbereitung der innerlichen Theilen/ gemacht werden/ damit derselben innere Structur auch sichtlich könne gezeigt und dadurch der Weg zu vielen neuen Erfindungen in dem Menschlichen Körper gebahnet werde.

II.

Von Ostern bis auf Michaelis, und also den ganzen Sommer durch / da man sonst wegen der Hitze die cadavera nicht wohl seciren kan / können in folgender Ordnung gezeigt werden:

TRACTATIO I.

Das Sceleton oder die Erkenntnis des Bein- Geripps und Gebäudes Menschlicher Knochen / welche der Grund aller übrigen Anatomischen Wissenschaften ist / die ein verständiger Chirurgus und Feldscherer nothwendig haben muß.

TRACT. II.

Die natürliche Verbindungen aller Knochen / und die darauf folgende natürliche und mögliche Bewegungs- Kräfte aller Glieder.

TRACT. III.

Alle Verrenkungen der Glieder / wie auch alle Brüche und Quetschungen der Beine.

TRACT. IV.

Alle dienliche Hülff- Mittel / wie die verrenkte Glieder wieder in ihren natürlichen Lager- Platz / nach den Grund-Regeln der Anatomie, sollen gesetzt werden / worzu eine gültliche Anleitung gegeben wird.

TRACT. V.

Die Demonstration aller hierzu nöthigen Bandagen / welche gezeigt werden sollen: entweder

1. An einer zu diesem Zweck inventirten machine, oder Glied- Mann / oder
2. An einem lebendigen Modell, oder
3. Bey vorfallender Gelegenheit an Kranken oder todtten Menschen in den Hospitälern und Armen- Häusern.

TRACT. VI.

Sollen endlich alle bey denen verrenkten Gliedern und verletzten Beinen vorkommende Chirurgische operationes, nebst denen darzu erforderlichen Instrumenten und Bandagen gewiesen und appliciret werden.

III.

Zu Ausführung dieses oben vorgeschten Zwecks nun sollen folgende Personen in Dienst genommen und die dazu nöthige instrumenta angeschaffet werden / welche die Societät auf ihre Kosten unterhalten / auch nach und nach vermehren will.

I.

Soll ein geschickter und erfahrener Anatomicus, welcher das ganze Jahr durch der Ana-

II.

A Festo Paschatos usque ad festum Michaelis, adeoque per integram astatem, cum propter astatem cadavera commodè secari non possint, sequenti ordine demonstrari poterunt:

TRACTATIO I.

Sceletus, seu notitia & compages ossium humanorum, quæ fundamentum præbet omnium reliquarum scientiarum Anatomicarum, Barbitonfori & Chirurgo Castrensi versatori quàm maxime necessaria.

TRACT. II.

Naturales omnium ossium connexiones, indeque fluens naturalis & possibilis vis motiva artuum & articulorum.

TRACT. III.

Omnes artuum luxationes, ut & fractura ossiumque comminutiones.

TRACT. IV.

Omnes & convenientes enchireses ac media, quibus articuli luxati in situm naturalem, juxta leges & fundamenta Anatomie, restitui debent: ad quæ sufficiens manu ductio subministratur.

TRACT. V.

Demonstratio omnium hæc necessariorum fasciarum & fasciationum, quæ ostendi debent:

aut

1. In machina quadam hunc in finem inventa, seu Viro articulari,
- aut*
2. in typo quodam vivente,
- aut*
3. pro re nata in agris aut demortuis hominibus, in Nosocomiis & Xenodochiis.

TRACT. VI.

Tandem omnes sub luxationibus artuum & lesionibus ossium occurrentes operationes Chirurgica, una cum instrumentis & fasciis ad illas requisitis, ostendi & applicari debent.

III.

Ad executionem ergo supradictæ hujus intentionis sequentes Persona annuo salario donari & necessaria ad eandem instrumenta procurari debent, quæ Societas propriis sumptibus conservatura & successivè augmentatura est.

I.

Anatomicus exercitatus & expertus, qui per totum anni decursum anatomiam excolet, constituetur,

stituetur, quò Cursum Anatomicum supradictum singulis annis penitus absolvere ipsumque Theatrum Anatomicum nunquam absque demonstrationibus otiosum relinquatur.

2.

Prosector simul ordinari debet, qui Anatomico modò dicto, sub continuis praparationibus necessarias suppetias ferre tenetur.

3.

Unus aut alter Chirurgorum versatiorum & expertorum è tribu Barbitonorum, in casu necessitatis, requiri possunt, ut sub demonstrationibus graviorum operationum Chirurgicarum instituendis consilio aequè ac ipso opere assistant, illasque in usum boni publici in actum deducere adjuvent.

4.

Unus aut duo famuli acceptari debent, qui Theatrum Anatomicum omniaque vasa & instrumenta repurgabunt & simul pro candelis, lignis aliisque sub Anatomia occurrentibus negotiis & laboribus curam gerent: ad quod officium illi, qui presenti tempore Societati à servitiis sunt, imposterum quique admoveri poterunt.

5.

Hunc in finem procurari & posthac augeri debent:

1. Omnia Instrumenta Anatomica atque utensilia, quæ tam ad executionem communis & vulgaris, quàm specialis & Experimentalis Anatomica requiruntur.

2. Omnia instrumenta Chirurgica & fasciæ, quæ ad exercendas operationes Chirurgicas inservire debent, quò Barbitonferes & Chirurgi Castrenses eadem non tantum secundum longitudinem, latitudinem & figuram dignoscere possint, sed & debitò modò applicare discant.

3. Omnia instrumenta & requisita, quibus Preparata Anatomica partim comparari, partim sicca & humida balsamatio partium humanarum, brutorum aliarumque rerum curiosarum procurari valent.

Anatomie obliegen soll/ bestellet werden/ daß mit Er den vorgeschriebenen Cursum Anatomicum alle Jahr völlig absolviren und das Theatrum Anatomicum nie ohne demonstration ledig stehen möge.

2.

Soll ein Prosector zugleich mit angenommen werden/ welcher dem vorgedachten Anatomico in der beständigen Vorarbeit die nöthige Assistenz leisten muß.

3.

Kan Ein oder Zween erfahrene und geschickte Chirurghi, aus der Junung der Barbier/ auf benöthigten Fall/ ersucht werden/ daß sie bey der vorzunehmenden Demonstration der wichtigen Chirurgischen Operationen/ mit Rath und That assistiren/ und selbige zu Nutzen des gemeinen Bestens mit ausführen helfen sollen.

4.

Soll ein oder paar Aufwärter angenommen und bestellet werden/ die vor die Reinigung des Theatri Anatomici und aller Gefäße und Instrumenten/ anbey zugleich vor Licht und Holz/ auch vor alle andere bey der Anatomie vorkommende Arbeiten und Geschäften Sorge tragen sollen/ und können die anjeko dabey sind/ dazu ferner employret werden.

5.

Sollen zu dem End angeschaffet und künfftig vermehret werden:

1. Alle Instrumenta Anatomica und Geräthschaften/ welche so wohl zu Ausführung der gemeinen/ als auch der besonderen Experimental-Anatomie nöthig sind.

2. Alle instrumenta Chirurgica und Bandagen/ welche zu Ausführung der Chirurgischen Operationen dienen sollen/ damit solche die Chirurghi und Feldscherer nicht allein nach ihrer Länge/ Breite und Figur erkennen/ sondern auch auf eine gehörige Weise zu appliciren lernen möchten.

3. Alle instrumenta und requisita, um theils die Preparata Anatomica anzuschaffen/ theils die trockene und nasse Balsamation der Menschlichen und Thierischen Theilen und anderer curiosen Stücke zu besorgen.



AMPHITHEATRUM ZOOTOMICUM • INTRODUCTION.



Uanquam inter corpora beluina & humana
discrimen haud exiguum intercedat, idque
non tantum quoad faciem & figuram exter-
nam, quâ

Corpore dum prono spectant animalia terram

Os homini sublime datum coelumque tueri;

sed quammaximè etiam quoad viscera partesque internas,
(ut oratione quondam inaugurali isthoc argumentum eru-
ditè admodum deduxit *D. Joh. Valentinus Scheidius*,

Anatomicus Argentinus:) attamen ex amborum compa-
ratione maximum, tam in Philosophiam naturalem, quàm
in Artem Medicam emolumentum redundare inde à

Willisio sic vocata **ANATOMIA COMPARATA**

ad oculum testatur, quæ licet à paucis hætenus ex profes-
so, quod dicitur, fuerit tractata, à quamplurimis tamen, iis-
que Celeberrimis Viris, summoperè fuit commendata,

quos inter *Thomas Bartholinus* in *Præfat. Anat. Re-
form. & Consil. de Anat. Pract. §. 7.* ac *Conringius*
Introduct. in Universam Art. Med. c. 4. pag. 149. pal-
mam tenent.

In brutorum enim anatome, non minus
quàm in humanorum cadaverum sectione, occursabunt
plurima, quæ nos in admirationem inexplicabilis sapien-
tiæ, bonitatis & omnipotentia divinae rapiunt, indubium

partium usum tandem revelabunt, morborumque sedem
atque causas sæpe prodent, iudice *Wepfero* in *Schol. ad*
Miscell. S. R. I. Acad. Nat. Cur. Dec. I. Ann. III.

unum aliquod systema redigeret, quò tanquam in Amphitheatro quodam, si non omnium, plerorumque tamen animalium gresilium, volatilium, natatilium & reptilium structura & figura, tam interna, quam externa compareret, oculosque non minus quam animos pasceret: sicque longe certior, quam hætenus observata fuit, Historia Animalium obtineretur. Periculum ergò hujus rei faciens tantum brevî apparatus sectionum obtinebam, ut completum ferè opus inde nasceretur: quod licet præter laborem & solertiam, in Versionibus & Collectaneis hujuscemodi adhibendam, nil aliud requirere videatur, ob figurarum tamen conquisitionem, delineationem & dispositionem plus, quam aliquis credere posset, negotii facessebat. Potuisset quidem, ex consilio Dn. *Heisteri*, partium specialiorum Anatomia comparata quoque addi, **MUSCULORUM** sc. ad imitationem Dn. *Douglas* in Specimine *Myographiæ comparatæ*, lingua Anglica, 1717. Londini editæ: **VENTRICULI & INTESTINORUM** è *Nehe-miæ Grew comparative Anatomy of stomach and guts*: **OCULI** è *Bidlovii & Hovii* tractatibus novissimis *de Oculis*: **NASI** è *Casserio* in *Anat. organorum sensuum externorum*, & *Casp. Bartholino* in *Analectis Anatomicis* & sic porrò; ast ob majorem Tabularum ænearum, eò pertinentium, molem sumtusque per illas nimium accrescentes hæc in aliud tempus & peculiarem (si hæc placuisse comperero) Terminum reservanda duxi. Ne verò solis brutorum cadaveribus, instar vulturum, inhærere videamur, addidi in fine nonnulla, eaque haud vulgaria, **ANATOMIAM HOMINIS** concernentia, quò per aureum illud *πρόσιον* ad Creatoris Optimi Maximi venerationem magis semper atque magis deducamur, in cujus gloriam & proximi commodum ut & præsens sylloge tendat atque vergat, est quod unice in votis habeo. Scrib. Gissæ Cattorum, pridie Calendas Augusti, Anno MDCCXIX.



AMPHITHEATRI ZOOTOMICI

SECTIO I.

DESCRIPTIO ANATOMICA ELEPHANTI

D. Georgii Christophori Petri ab Hartenfels

Conf. & Arch. Elect. Moz. & P.P. Ord. Erfurtensis

IN

ELEPHANTOGRAPHIA CURIOSA

A. 1715. in lucem
emissa.



Um interiora rerum earumque specificas formas accurato mentis scrutinio indagare in hac humana mentis caligine vix possibile sit, siquidem entium quorumcunque quidditas

& eorum veritas præcisa clausa est versus nos & patens ad infinitum, secundum *Helmontium tractat. anima p. m. 351.* exteriorem tamen illorum delibare corticem & curiosis perlustrare oculis licet: id quod etiam in Elephanti consideratione nobis contingit, cujus interna forma captum nostrum fugiens externarum partium contemplatione contentos nos esse jubet: quæ singula quo magis in Elephanto peculiariora præ aliis brutorum partibus exhibent, eo diligentius examinari merentur.

Hunc in finem optandum esset, ut anatomico cultro & oculo Elephantum trutinari nobis copia vel data fuisset, vel adhuc daretur: quia verò hoc animal rarissimum est, nostris præsertim in oris, vix illud sperare licet: ea propter illa, quæ exterarum Regionum Medici *αὐτοπται* literarum monumentis consignarunt, nobis hæc inservire debent. Inter hos post Aristotelem prima occupat subsellia *Ga-*

lenus, qui libro 17. de usu partium se Romæ Elephantum secuisse testatur: sed dolendum est, quod in describendis ipsius partibus nimis parvus sit, de quarum nulla allegato loco, nisi de proboscide, alibi autem de vesica felle differit.

Anno 1682. *A. Moulinus* edidit *Historiam anatomicam Elephantis* Ao. 1681. di. 17. Junii Dublini in incendio stabuli combusti, sed hæc valdè imperfecta est, nec quoad omnes partes absolvi potuit, cum in ambusto cadavere impossibile fuerit omnia accuratè observare: apud hunc autorem sceletum æri incisum videre licet, verum à flammis, in quibus Elephas perierat, aliquantisper mutilatum. Florentiæ vero in celebri Mediceorum Museo visitur ejusmodi sceletus integer adhuc & inviolatus. Nobis à capite ad calcem progredi, Elephantum, quantum licet, contemplari, atque à cute ordiri lubet, cujus poros *Moulinus* aliquibus in locis invenit tam amplos, ut ferè oculis paterent.

Cuticulam Elephantis, Dublini ustulati, modo citatus autor invenit ab incendio à cute adhuc integra, (quoniam super hanc jacens inventus est Elephas,) elevatam, quasi scabie quâdam infectam, quæ aliquibus in locis verrucis profundè radicatis similis erat: hanc

omnium, quas unquam viderit, fuisse densiorem tenacioremque testatur hic Autor.

Durissimum dorso tergus est, ventri mollius: setarum hirsutiae nullae, *Solinus* c. 38. Cutem Elephanti rugosam, glabram, rimis, rhagadibus & tuberibus obsitam, inaequalem & cancellatam *Plinius H.N. l. 8. c. 10.* *Cassiodorus* ulcerosis vallibus exaratam vocat: hæc in tantam duritiem solidatur, ut ossea fere appareat; hinc *Galenus* l. 3. de usu partium illam summe duram vocat: hæc facit ad arcendas aeris injurias, & ad securitatem contra Leones aliasque grandiores feras, quibuscum Elephanto nonnunquam dimicandum est: aspera valde est, fusci & cinerei coloris, ferè instar cutis equinae à funibus detrita: in tergo tam dura perhibetur, ut vix armorum ictibus aut bombardarum globis penetrari possit; hinc Mauri illa pro clypeo utuntur: Peguani verò hanc locò armorum gestant. Pone aures & juxta oculos tam crassa non est; unde *Oppianus* de illa verè:

*Scabra cutis corpus densa & crassissima
cingit,*

*Non ense ancipiti aut ferro penetrabilis
ullo:*

Vix ulli jaculo, vix ulli pervia telo.

Aretius librò 2 c. 13 illam ita describit: Corium habet asperum, crassissimumque, tumoribus inaequale, fissuras habens ceu semitas prælongas, alias divisuras concavas transversas, alias verò obliquas valde profundas. Cutem mortuo detractam inter tangendum totam viscosam fieri, autor est *J. B. Tavernier Itinerar. Ind. l. 1. c. 18.* Ad varios usus ut alia brutorum coria adhiberi à Ceilonensibus scribit *Joh. Jacob Saar in disc. de rebus Ind. cap. 4. pag. 67.*

A. Moulinus sub cute ustulati sui Elephanti multas glandulas cum interspersa quadam pinguedine reperit: nullum autem panniculum carnosum (fortè à flammis absumptum) se invenire potuisse scribit: cum tamen hujus beneficio cute corrugata muscas enecari concedat: quod etiam in cute cervi observare licet, quæ pariter adeò mobilis est, ut sua corrugatione muscas apprehendat: Vid. beati *D. Grabii Elaphographiam* cap. 30 p. 309. Hinc forte natum proverbium: Frustra involat in Elephantum culex: multitudo tamen culicum Elephanto sæpè facessit negotium, qui odore pellis Elephanti ad pungendum quasi invitantur:

*Ist schon der Elephant das größte von
den Thieren/*

*Muß er doch offermahlß der Mücken
Stiche spühren.*

de quo eleganter *Nicol. Taurellus* in emblem.

Magnum multa suis Elephantum musca fatigat

*Morsibus: huic nec opem cauda pedesque
ferunt:*

Sed calvum mirâ superat tamen arte Columbum:

Hic vespas motu pellit: at ille necat:

*Crudelesque ferus dura cute contrahit au-
ceps*

*Rugas, vespa quibus capta fremensque
perit:*

*Vincere quando feros nullâ vi possumus ho-
stes:*

Quidni victa sagax suppleat arma dolus?

Pleraque bruta pellem movent beneficio panniculi carnosii statim sub pelle conspiciui: hinc Elephanti contracta complicataque pelle & procul dubio panniculo carnosio muscas interceptas conterunt: cum enim extensi muscarum receperunt examina, arctatis in rugas repentè cancellis comprehensas enecant. *V. Plinius l. c.* has enim & tanta belluæ vastitas sentit; quamvis enim dura sit cutis, nihilominus illam pro lubitu contrahendo corrugant, hocque pacto Natura duce muscas sibi molestas enecare possunt atque elidere: caudâ enim glabrâ illud expedire non valent: ergò cute pro cauda, juba, villo hunc in finem utuntur: hinc natum est illud Phalaridis adagium: Culicem haut curat Elephantus: id quod dictum videtur ob singularem duritiem cutis Elephantinæ, quæ fertur etiam jacula excutere, tantum abest, ut culicis morsu possit offendi; adhiberi poterit, quoties significare volumus excelsis animis leves & vulgares injurias esse negligendas. Hæc merito reprehenditur *Plinius*, qui putat ea animalia magis bruta esse, quibus crassior est cutis: siquidem Elephanti, quorum tergora propter crassitiem vix armis penetrabilia sunt, nihilominus maxima præ reliquis brutis sagacitate pollent.

Anglabra vel pilosa sit cutis, dubitat *Plinius H.N. l. 11. c. 39.* alibi verò Elephantorum corpora setas habere scribit. *Aristoteles H. A. l. 2. c. 1.* scribit: ὁ δ' ἐλέφας ἥκιστα δασυὶ ἐστὶ τῶν τετραπόδων: id est, Elephante in quadrupedum genere hirtus minimè est. Pilos Elephanti ex novo Orbe deportatos duorum palmorum longitudinem æquantes vidit *Gillius*: nullum alioquin tergori datum est setarum tegumentum, ne in cauda quidem, pro abigendo tædio muscarum, sed cancellata cute in rugas coarctata illas enecant, ut modo dictum. *Cardanus* nudam esse ait Elephanti cutem, ratione additâ, cur talis esse debeat; rarissimum enim esse scribit, ut unus aut alter pilus hinc colligatur: pilosam tamen esse putat supremam dorso partem, una cum auribus, non secus ac in aliis animalibus: in reliquis verò corporis Elephanti partibus non fuisse commodum crescere pilos existimat: nam materia pilorum in cutem translata duriores illam efficit: ob id pili minus erant necessarii: qui si adfuissent, magnum incommodum attulissent

fig. I.




fig. II




fig. III.



fulissent in aquis & paludibus versanti: semel excussio autem tergore totus nitet, & celerissime siccescit.

Cadamustus nigricantes pilos duorum palmorum mensuram excedentes ex Elephanto se evulsiſſe testatur, cui calculum suum addit Gillius. *Augustinus Cassiodorus in descriptione Regni Congo cap. 10. p. 24.* scribit, in caudis Elephantorum nigras atque splendentes videri setas, junci crassitie, tanti apud Angolenses eorumque finitimos pretii, ut unus pilus pro duobus aut tribus mancipiis vendatur: quibus collum exornare solis Nobilibus sit concessum: & quò provectior ætate sit Elephas, eò nigriores in cauda pilos alere refert: addit, hos pilos tam firmos esse, ut à robustissimò Virò disrumpi vix ac ne vix quidem possint.

Pilos in suò Elephanto *A. Moulinus* paucos invenit, sed notabiliter rigidos & ferè porcorum setis spissiores, nigros, juxta radices viscido quodam rore pro suo nutrimento obductos: observavit præterea glandulas miliares, ipsius judicio a sanguinis massâ materiam aliquam excrementitiam nutritioni pilorum aptam probabiliter separantes. Cute pilosâ non indigebat ingens hoc animal in calidissimis Indiæ & Africæ locis nasciturum & victurum, nec opus erat, ut contra frigus pilis tegeretur, quos si haberet, facilè propter affricum, ad quem ob cutis pruritus valdè proclivis est, perderet.

In sectione Elephanti, à *D. duVerney* Anno 1681. celebratâ, in pelle distincta esse quatuor corpora advertit professor: primum erat cutaneum corpus, densum admodum, ex innumeris fibris mutuò implexis compositum: fibræ illæ magnâ ex parte erant tendineæ, venis, arteriis & glandulis conspersæ. 2. Corpus papillare in eâ cute manifestè apparebat: papillæ omnes penè erant uniusmodi & sibi similes. 3. Reticularis membrana ex thecis, quæ papillas involvunt, ita erat composita, ut unaquæque ex aliis constaret: postremò cuticula cum reticulari membrana arctè erat conjuncta, contra atque in homine. Vid. *Joh. Baptist. du Hamel histor. Regia Scientiarum Academiæ l. 2. sect. 9. cap. 1. pag. 203.*

Pellis Elephanti durissima & fusca est, accedens ad colorem boum, qui vulgò bubali appellantur, crassa medium digitum, lata novem pedes & decem digitos, longa verò a radice caudæ ad frontem tantundem: in quâ dimensione complectitur Gillius in descript. Elephanti colli pellem latam quinque pedes.

Elephanti corio circumtectus esse creditur, qui à *avaiodnt*, stupidus est, &

Vervecum in patria crassòque sub athere natus,

quem Germani *dicshautig* vocare solent: id quod *Plantini sales in Milit. glorios. act. 2. sc. 2.*

eleganter exprimunt, de quo supra cap. 2. dictum: nam antiquitus homo magnus simulque stupidus Elephanto vocabatur, crassitie & foeditate pellis Elephanti locum proverbio faciente. Vid. *Petrus Laurembergius in anatom. corpor. humani, exercitatione 2.*

Caput Elephanto obtigit prægrande, latum vastumque, sed vix à brevissimo collo distinctum, & in ipsis humeris confidens, cum fronte fornicatâ tam validâ, ut possit ea proceras palmas tantoperè impellere, donec ad casum inclinent, quas tandem pedibus impetens prosternit in terram. Vid. *Aristot. l. 9 H. A. c. 1.* cumque Natura ob robur & cornua (vulgò dentes) caput magnum efficere cogeretur, informe illud & sine rotunditate fecit: qualiscunque enim additio ad ornamentum facta capiti, ipsum in immensum auxisset: ob id valdè deforme caput habent Elephanti, ut scribit *H. Cardanus subtil. l. 10. p. m. 560.* Unde *Oppianus:*

Huic informe caput robustum ingensque.

Magnum hoc caput innititur curtæ quidem, ast robustissimæ Cervici, ut secundum *Areæum* in ipsis humeris considere videatur. Ut scilicet Elephas esset robustissimus, collo brevi ipsi opus fuit, inquit *H. Cardanus de subtil. p. 558.* ac minime flexili: unde & Leones cervicem rarò aut parum flectunt: estque id etiam signum in hominibus, si à natura sit, roboris & fortitudinis. Collum Elephanti brevius est, quam latius. Os vicinum pectori, quod oris porcini similitudinem aliquam gerit, atque hòc, non promulcide, sugunt, teste *Æliano & Aristotele histor. animal. l. 2. c. 6.*

A. Moulinus in anatomia sui Elephanti An. 1681. edita refert, in craniò Elephanti esse magnum cellularum numerum, plerumque triangularium, membranulis obductarum, in quibus multa sint vasa sanguinea curiosè disposita, istasque cellulas ex tenuibus bracteis ossibus factas esse. *Johannes Rajus* Anglus in *Synopsi animalium quadrupedum* observat, posticam cranii partem in duos prægrandes sinus ita dividi, ut clunes humanos referre videatur: neque ut in multis aliis quadrupedibus cerebello excipièdo cavitatem seu alveum productum extrorsum conspicuum habere, sed potius cranii humani figuram imitari. Cranium Elephanti in rarithecio *Laurentiano* Lipsiæ se vidisse ad me perscripsit Excellentissimus *Garmannus*, beatæ memoriæ, ponderans tres ferè centenarios, fortassis cum cornubus adhuc cranio adherentibus.

Sub cranio Elephanti serra diviso invenit *A. Moulinus* duram matrem validissimam, piamque matrem à substantiâ cerebri facilè separabilem: pars corticalis cerebri videbatur solitò candidior: cerebellum humano simile: hoc cum cerebro pendit libras decem:

nervos idem observavit validissimos, eorumque decem paria: vertebræ colli fuerunt septem, dorsi viginti quinque. Dorsum erat arquatum, quæ figura maximè confert ad robur. Vid. Autor locò citatò, ubi inferiorem maxillam Elephanti propemodum porci maxillæ similem fuisse scribit.

Cerebrum Elephantò majus esse, quam cæteris animalibus, statuit *Dominicus de Marchettis in anatòm. cap. 12. p. m. 189. quamvis Aristoteles l. 2. de part. animal. cap. 7.* soli homini hanc assignet prærogativam: hujus animalis naturalis sagacitas, cujus infra fiet mentio, facile evincit, quod sat cerebri possideat. Secundum tempora spiramentum esse *Strabo* refert, per quod mas pingue quoddam tempore congressus emittit, idque & fœminæ tum patens.

Utrunque capiti alarum instar adhærent aures magnæ, latæ, pro corporis ratione exiguæ, pendulæ, duas vel tres tamen spithamas, & quod excedit, longæ, ad tres usque pedes porrectæ, secundum *J. B. du Hamel histor. Reg. Scient. Academia l. 2. f. 9. c. 1.* conscisæ quasi ac fissæ, tam validæ, ut Rector vel Sessor, quamvis proceræ staturæ Vir, illis insidere possit. Sunt absque formâ aurium & quasi quadratæ, ut scribit *Caspar. Schott. Phys. Curios. l. 8. c. 33.* Sex spithamas in Regno Congo Elephantorum aures superare, & ovali suâ figura oblonga Turcarum scuta referre scribit *Aug. Cassiodorus in descript. Regni Congo p. 24.* Sex pedes in latitudine (fortè ambitu) aures habere scribit *Zeiler. centur. 1. epist. 25.* Pendent instar alarum ad jugulum usque & pectus: alis vespertilionum non sunt dissimiles secundum *Petrum della Valle itinerar. l. 2.* Harum concussione culices & muscas abigunt, id quod etiam proboscide & caudâ præstant, quousque licet.

Mobiles sunt aures reliquorum animantium more: movent enim illas ut ventilabra: solus homo aures non movet secundum *Aristotelem l. 1. histor. an. c. 11.* His foramen aurium, quod pollex implet, Elephas tegit, ut si velit, ne ventus quidem, multò minus insecta ingredi queant. Crassitudo auris totius non est crassior reliquâ pelle: circa aurem pilos habet frequentes tres transversos digitos longos, quales etiam videre licet in dorsi supremâ parte. Vid. *H. Cardan. lib. 10. de subtil. p. 550.* Secundum *Ælianum l. 8. c. 10.* aures cervicem armosque tegunt, quemadmodum navigia velis conteguntur. Vid. *Aretæum l. 2. de diut. morb. c. 13. P. Gillium in descript. Elephant. p. m. 20.* Sub auribus locus est, cui scalprò mallei ictu adactò bestia interficitur, quod inventum Hasdrubalis fuisse *Livius* refert: hac in parte Elephas maximè sensibilis est: hinc uncò ferreò illum insidens Rector sæpè ferit, pungit, & quaqua versus compellit, ut scri-

bit *Joh. Jacob Saar in discursu de rebus Indicis cap. 2. pag. 16. & Petr. della Valle l. c.* Apud *Sam-bros Æthiopixæ* pupulos omnes quadrupedes, atque etiam Elefantos auribus carere cum *Plinio Solinus* author est: an res ita se habeat, dubium: his enim cervicem armosque tegunt, sicut navigia velis conteguntur, quò simili utitur *Ælianus lib. 8. c. 10.*

Oculi quamvis satis magni & graviter se moventes, pro tanti tamen corporis magnitudine satis exigui apparent; hinc *Oppianus: Illi oculi tanti tantò pro corpore non sunt.*

Oculorum parvitas est, ut secundum *Cardanum de subtil. p. 559.* tutiores forent ab ictibus, cum recondi non possent: recondi autem non poterant, quia à lateribus positi non vidissent ea, quæ ante occurrerent: necessarium autem fuit esse à lateribus, ne ob nixum cornuum, vulgo dentium, & proboscidis propinquitatem læderentur, atque ita animal ante senium cæcum efficeretur, tum maximè, quia longissimæ vitæ futurum erat.

Solet autem hos suos oculos graviter movere: suillis non absimiles esse *Vartomannus & Casp. Hornius de Eleph. cap. 2.* scribit, qui ex *Petro Gillio Albienfi* citat sequentia: Similitudinem oculorum humanorum Elephantigerunt non modò figurâ, sed etiam affectu ipso: humani enim sunt, graves & moderati, ut sapientiam, justitiam, moderationem; reliquasque animi dotes ab homine secundas præ se gerant: tanta enim gravitas in oculis est, ut vel ipso obtutu Regem se animalium, atque adeò humanis sensibus vicinum, imò proximum profiteatur: ignotos homines ad se accedentes, leves, insolentes, petulantes oculis internoscere præ se fert à moderatis & gravibus, quos libentius intueri videtur.

Acutò valdè visu pollere credit *H. Cardanus lib. 10. de subtil. p. 550* & quàmprimum in lucem editus est, circumspicit de nutrimentò suò sollicitus. *P. à S. T. in itinerar. Or. p. 387.* scribit Elephantum habere oculos bovinis similes, sed pro proportionibus totius nimis parvos. Ovium oculis similes oculos habuisse suum Elephantum testatur *A. Moulinus* in descriptione Elephanti.

Sub proboscide, de quâ in sequente capite fusius agetur, latet os non adeò magnum in acumen definens ferè instar rostri suilli, canaliformis instar formatum, cui proboscidem cibò & potu onustam, toties, quoties opus est, satis profunde ingerit. Situm hoc est juxta colum & pectus, ut vult *Aloysius Cadamustus & Matthiolus coram. in l. 2. Dioscoridem c. 50. p. 215.* atque hoc, non proboscide, catuli sugunt, teste *Ælianò & Aristotele H. A. l. 2. c. 6.* Interrogati & assuefacti proferunt ore hunc sonum: Ho, de quo infra pluribus, quemadmodum equus ad sonum tubæ dicit: Ha, Ha, He, cum è longinquo odoratur bellum, ut legimus apud

apud Hiobum cap. 39. v. 28. Fabulosa sunt, quæ *Alcoranus* Mahometicus l. 1. c. 2. p. m. 13. refert de Elephanto Abdalmutalifum ita alloquente: Super te sit salus, dignitas, honor & victoria.

Elephantus citra nares ore ipso vocem edit spirabundam, quemadmodum cum homo simul & spiritum reddit & loquitur: at per nares simile tubarum raucitati sonat, ut scribit *Aristoteles* l. 4. *H. A.* c. 9. Idem l. 8. *H. A.* c. 26. autor est, quod interdum terram lapidesque ori ingerat, eosque devoret. Inferior maxilla hujus animalis porci maxillæ similis est in figurâ, sed quantitate longe major.

Linguam habet exiguam, aliquô modô latam, & magis quam in plerisque cæteris animalibus intus positam & retractam, ita ut vix videri queat. Vid. *Aristotelem* l. 2. *H. A.* c. 6. *H. Cardanum subtil.* l. 10. Lingua Elephantoprecipue lata inquit *Plinius* *H. N.* l. 11. c. 37. *Nic. Perottus in Cornucop.* p. 228. Gillius non latam, neque planam esse scribit, sed vergere in formam teretem, & definere in mucronem. Pro tanti animalis proportionem perperuilla, & pene abdita est, ut in vivente vix videri possit. Vid. *Casp. Horn. descript. Eleph.* p. 12. Brevicula & gracilis est, parumque mobilis, magnitudine cum bubula fere comparanda. Cum lingua sit ob dentes, Elephas autem dentibus anterioribus careat, lingua parva & intus recondita opus fuit, quoniam dentibus molaribus inservire debuit: simul si magna fuisset, impedimentum attulisset, ne proboscis cibum usque ad dentes molares porrigeret.

Lingua secundum alios major est bovina, in consuetô loco sita: sed annotante *A. Moulin* loc. cit. hoc habet peculiare in se, quod meatus deorsum ad ventriculum per eam patuit, fuit enim foramen prope radicem ejus, in cujus medio erat initium œsophagi. Asperam arteriam satis magnam observavit idem, sed epiglottide destitutam.

Quo loco aliis animalibus nasus est, Elephanti habent partem quandam pendentem, angustam, inanem, cavam ac longam, anteriùs carneam, & nonnihil cartilaginosa, quam pro libitu contrahere, & ad sex pedes & ultra extendere possunt; ad terram hæc pertingit, in fine perforata, flexilis, lubrica & volubilis est, serpentis in modum: *Lucretius* ideo Elephantos anguimaneos vocat. vid. *Johan. Jonston. hist. natural. de quadruped.* l. 1. cap. 5. vocatur Græcis & Latinis nasus Elephanti, vel potius pars à naso porrecta demissaque terram versus. *Plinius* nunc proboscidem, nunc manum nominat lib. 8. c. 7. Dicitur etiam Latinis tuba, Promusci, a muscarum ligula, ut vult *Scaliger. exerc.* 164. 204. proboscis, apud *Ciceronem* lib. 2. de *Natura*

Deorum manus, nasuta manus apud *Cassiodor. lib. 10.* varior, nam veluti manus illi, quaque omnia prensat, secundum *Oppianum*, promusciis apud *Vitruvium*. Græcè προβοσκίς, ἀπὸ τῆ βίσκειν, à pascendo, quoniam hujus membri adminiculô Elephas pabula ori ingerit, & ita pascitur. *Philostrato* vocatur ἡ τῆ ἐλεφαντος προνομαία parietymo ἀπὸ τῆ νέμειν, a pascendo: vel ἀπὸ τῆς νομῆς, a pastu, vel ἀπὸ τῆ νομῆς, a pabulo: aliis dicitur βίς ἐλεφαντος, ut & *Suida*: *Aristoteli* audit Μυκτηρ seu μυκασμός, ἀπὸ τῆ μυκάειν, a boando seu mugiendo: seu ἀπὸ τῆ μύζειν, quod secundum *Cæl. Rhodiginum* significat labiis occlusis sonum naribus elicere. Gallis dicitur Trompe, ou Museau d'un Elephant.

Hanc peculiarem partem, qua miranda præstat, à Creatore sortitus est Elephas; quamvis etiam alia minora animalia, v. g. lorigo, sepiæ, musca, secundum *Athenæum*, gaudeant eadem in suo genere; hac cibum tam siccum, quam humidum capit, orique perinde ac manu admovet: arbores etiam eadem complectendo evellit, ut scribit *Aristoteles* l. 2. de part. an. c. 16. Hinc *Cicero* l. A. 231. scribit: Manus data est Elephantis, quia propter magnitudinem corporis difficiles aditus habent ad pastum. De hac *H. Cardanus* l. 10. de subtil. p. 550. ita scribit: E suprema parte frontis nasus exporrigitur, non ut in aliis animalibus junctus capiti, sed disjunctus, quia usque ad terram propendet, & tanta ferme est ejus longitudo, quanta animalis altitudo: hanc narium loco esse nemo dubitat, postquam divisa est, ut nasus, & ea respirat atque odorat. Hinc *Aristoteles* loco citato ita scribit: Narem Elephante habet, ut spiret, quomodo & cætera animalia, quibus pulmo, eandemque prælongam atque in anfractum flexibilem, propter moram in humore diuturnam, & tardum inde discessum.

Vi odorandi præstat Elephas: nec solus vultur odoratu præcellit, aliis etiam animalibus hic abunde concessus est; sic Leo sentit coitum in adultera odore, annotante id *C. V. Schneidero* l. 5. de catarrh. cap. 1. pag. 97. Teste *Æliano* Elephas etiam suaveolentibus mirificè delectatur; hinc *Job. Faber* Lynceus prodit, ejus sudorem moschum olere. Odoratur, inquit *Plinius*, manu haut improprie sic appellatâ, quasi oblongâ tubâ multum conferente ad odorandum.

Proboscis ad prensandum pabulum contentius exporrecta pedibus quasi quinque & quatuor digitis a rictu antrorsum aut septemped. ad lineam inter oculos transversam mensurabatur a *Clarissimo Sturmio Tract. de Elephant* cap. 1. Substantia ejus nervosa & muscularis est, valde mollis, flexilis & corrugabilis, sed obrigescere quoque apta: siquidem

dem & in terram usque extendi potest, vixum humano brachio crassior, & retro colligi in unius fere cubiti brevitatem, sed valde spissa & lata dum evadens, suberigi denique tanto robore, ut insidentem Magistrum nullo negotio in sublime attollere, & quaqua versum circumportare possit: variâ ejus inflexione Elephas avenam ex vanno quasi manipulatim involvit, panes similagineos complectitur, & ori admovet, potulenta excipit, eaque introrsum flexa proboscide ad oris intima faucesque ipsas & linguæ radicem immediate transfert, miro imprimis tortuosi flexus in potulentis transportandis, (ne quid scilicet in via effundatur,) artificio: ut haut immerito proboscis hæc Elephantis manus, vel cum addidamento, manus nasuta dicatur. Vid. *Sturmius* loco citato. Nervosissima est extrema illius pars ac tenerrima, (cujus percussione valde metuit Elephas,) tribus velut apicibus prædita, quibus minutissimas res tanquam digitis comprehendere potest. Vid. beati *Job. Ludolphi Hist. Æthiop. c. 10. l. 3.* hac nummos in terram projectos tollit, & sessori suo porrigit: hæc scutellam vino plenam ita humo elevat, ut citra effusionem sessori det ebibendam; eadem ori suo una vice plures quam sedecim vini libras infundit, idque aliquoties iterat, si copia datur.

De hac *Galenus l. 17. de usu part. in princip.* ita scribit: habet hoc animal, quo loco aliis est nasus, partem quandam pendentem, angustam, ac longam, adeo, ut ad terram pertingat: quam cum primum sum conspicatus, supervacaneam atque inutilem esse putavi: cum autem animal ipsum ea uti pro manu animadverti, tunc non amplius ipsam judicavi esse inutilem, quod usus hujus partis cum actione utili esset conjunctus: quandoquidem partis usus ita demum apparet, si actionem habeat utilem: hac parte ceu manu sic omnia tractat Elephas, eamque ita rebus apprehendendis applicat, ut ne minima etiam numismata ipsum effugiant, quæ Rectori vel Sessori sui tradit; quemadmodum igitur, si animal parte hac non uteretur, ipsa esset superflua, & Natura, quæ ipsam conformasset, non ubique esset artificiosa: ita cum actiones per eam obeat utilissimas, ipsa quidem est utilis, Naturam autem ostendit esse artificiosam: postea vero cum ipsam animadvertissem in fine esse perforatam, intellexissemque præterea animal ipsum per foramina ista velut per nares respirare, cognovi sane, eum quoque usum animali partem hanc præstare; postquam autem mortuo Elephantis usque ad radicem partis ipsius dissecans, meatus, qui a foraminibus sursum feruntur, reperi non aliter, quam in nobis, exitum habere duplicem: unum quidem, qui ad ipsum cerebrum perveniebat, alterum au-

tem in os perforatum, impensius adhuc Naturæ artem sum admiratus: ubi autem etiam didici, ipsum animal, cum fluvium aut lacum profundum trajicit, ut totum ipsius corpus demergatur, per sublatam in altum hanc proboscidem respirare, Naturæ providentiam intellexi, non in eo duntaxat, quod partes omnes ipsius animalis pulchre construxerit, sed quod ipsum etiam eis uti docuerit. Hactenus *Galenus l. c.*

Hujus partis motus cum admirabilis sit, specialem utique & diffusorem requirit theoriam: hac utitur bellua ad varios usus cum insigni spectatorum voluptate, extendendo & contrahendo ipsam: hæc ipsius manus est apprehensionis inserviens: inquit *Aristoteles lib. 2. de part. an. c. 16.* ea enim non alio modo utitur, nisi ut manu: quin & omnis vis in ea videtur sita esse: eadem arbores dejicit, ab equo Equitem deturbat, peditem correptum, quo libuerit, projicit: gladio ad eam a ligato in bello hostes interimit: per hanc Rectores ascendunt & descendunt: hæc hominem in sublime tollunt, iterumque jussi deponunt; hæc grandia levant onera & asportant: eâ oculus inter reliqua animalia cibos tam siccos quam humidos colligit, capit & ad os admovet: eadem spirat, bibit, seu potius attracta potulenta ori ingerit & faucibus infundit, ut & odoratur: eandem Rectori suo & spectatoribus sæpè, quemadmodum homo homini manum in fidem offert: eâ aquam haurit & aspergit illâ circumstantes; hinc rectè *Cælius Rhodiginus lect. antiq. l. 2. c. 28.* inquit: in Elephantis mira & peculiaris narium ratio est: quippe implet iis manus vicem. Vide *Philostratus l. 2.*

Proboscis ei ad terram demissa & antèr carnosa est: hæc cibum potumque assumit in os, quod ei sub cervice est, sicut Sturioni: eadem aliquoties nummum è terrâ tollentem vidi, & aliquando detrahentem ramum arboris, quem Viri 24. fune trahentes ad humum flectere non poterant, eum solus Elephas tribus vicibus motum detrahebat, ut scribit *Vartomannus*. Secundum *Albertum Magnum* longa est decem cubitos, quando extenditur: hæc utitur tanquam manu in capiendi cibo, bello & aliis operibus.

A superiori maxilla, ubi alioquin genis locus est, emergit & propendit prælongum hoc rostrum, partim carne, partim cartilagine ob majus robur præditum, in omnem partem flexile: illud pro lubitu contrahit, interdum ad septem, imò decem pedes extendit: parte superiore latius est: inferiore sensim acuminatur & gracilescit: in extremitate rostrum suillum æquat, duobus foraminibus instar narium pertusum, quæ per longitudinem se extendentia illud totum intus cavum reddunt: hæc duo foramina usque ad pulmones

mones pertingentia, duplicisque tibiæ imaginem. referentia Naturam terebrasse Aretaus scribit: animal ipsum per foramina illa velut per nares, & cum fluvium aut lacum profundum trajicit, ut totum ipsius corpus demergatur, per sublatam in altum proboscidem respirat, ut supra dictum: hæc ferè se habet instar instrumenti urinatorum, quò quamdiu in profundo manent, aërem extrinsecus attrahunt.

Super illa foramina videre licet parvam quandam & acutam lingulam, quæ *Aristoteli* *τερχύτις* dicitur: hæc omnis generis acceptas res involvit, minutas v. gr. nummos, saccharum, hordei & tritici grana, semina, uvarum acinos & similia, concurrente beneficio aëris per modo dicta foramina attracti tollit, apprehendit, & nummum etiam humi projectum facili negotiò attollit, sublatumque populo ostendit, aut sessori suo porrigit: majores verò res incurvatâ nonnihil proboscide tam tenaciter & arctè tenet, ut citius Herculi clavam, quam huic illas extorseris: hæc exhaurit scyphum vini, quod postmodum ori infundit: hæc corollas necit, quod fecit Elephas Norisbergæ Anno 1629. visus, qui referente *D. Casp. Hornio l. c.* corollas ex stramine nexuit: hæc muscas abigit, & in illas arenam spargit: hæc gubernatorem suum elevat, & ad ipsius nutum circumgestat.

Nunquam hanc non occupatam videas, siquidem sine intermissione hinc inde movetur: in campo si fortè Elephas versatur, herbas vel arborum folia hæc decerpit, hæc lapides à se longè, imò nonnunquam ad scopum directos ejiculat, hæc aquam haurit, quâ aspersâ corpus lavat: hæc sublati humò terræ glebis aut saxi ludit: id quod eleganter *Gillius* locò citatò describit: In itinere, inquit, promuscidem gerit ad terram porrectam, & nisi paululum eam incurvarer, reptantem humi traheret, aut pedibus calcaret: hinc *Oppianus*:

- - - terram demittit ut usque
de medio omnigenos longissima naris ad usus
Incurva & tenuis. - - -

ipsam hûc illuc circumfert, semper inquirens aliquid, quod edat, nunquam otiosam habet, nunc folia stringit, nunc herbas decerpit, &c. & paulò post: Nunc à vicinis quippam exposcit, & cum hæc desunt, promuscide saxa volvit, aut terram projicit: hanc tam flexibilem habet, ut eâ utatur supinâ, pronâ, obliquâ, eamque modò infra ventrem, modo in latera inflectat, abigens & elidens crabrones, vel pulverem inspergat loco, cui insident, modò reflectat sursum versus, ut etiam supra caput erigat: hæc gestat catulos parvulos in sublime elevatos, cum per aquas transeundum est: natate enim nequeunt, utut impense delectentur aquis: quamvis natate Elephantum

putet *S. Gregorius*, quando sacram Scripturam comparat magno fluvio, in quò natat Elephas, & ovicula pedibus transir.

Proinde non inconcinne hæc pars nonnullis manus nasuta vel simpliciter manus vocatur, cujus similem usum ad unguem Elephantò exhibet; hinc eleganter *Oppianus*:

Illâ fera manus est, illâ quæcunque libido est

Expediunt, hanc mille modis variant Elephantanti:

hujus ope sicca & humida alimenta ad os deportant: siquidem ipsis non est integrum ob brevitate colli & ingentem corporis molem aliorum brutorum more pabulum humò tollere aut dentibus arripere: capropter opus habent hoc flexili & in omnes partes convolvibili organò, quò quælibet obvia, minuta, magna & mediocria apprehendunt mediantibus spiritibus per fibras musculares copiosè diffusis: cum enim pedes sat proceros & cervicem difficulter mobilem sortiti sint, atque insuper prælonga cornua, (vulgo dentes) cibum sumpturis remoram obijciant, non possunt ore decerpere gramina, vel boum more collò ad terram inclinatò pabula capere, aut aquam haurire, quam ob causam hoc organò à natura commodè substitutò indiguere, singulari privilegiò nullis cæteroquin quadrupedibus concessò. Veterum nonnulli Elephantos boves anguimanos appellarunt. Inter marina dantur conchæ & cochleæ, sepia & loligines promuscide donatæ, quibus capiunt & ori admovent cibum: inter insecta muscæ tam firmam habent, ut & quadrupedum terga penetrare & perforare possint.

Substantia autem proboscidis hujus multum à substantia nasi differt: nam tota nervea est & quasi coriacea, adè ut eam colligat atque remittat Elephas pro lubitu: tam brevem enim quandoque facit & contrahit, ut vix cubitum superet, & tum latissima est: interdum verò illam ita extendit, ut ad terram descendat, & tum vix humano brachiò est crassior: est tamen mollioris substantiæ, quam reliqua cutis: ideo Romani in acie eam præscindere aggrediebantur: facilimè enim illam amputari Pyrrhi prælorum experimentis patuit, ut scribit *Plinius l. 8. H. N. c. 7.* circumvolvitur eam undique & maxima cum celeritate: suo Reçtori eam porrigit atque offert, ut ascendat, eâ sylvas vastat, atque arbores prosternit unò vel altero tractu, quas plures homines evertere nequeunt, imprimis palmas ut earum fructibus potiatur: hinc *Oppianus*:

*Fagos ille altas, oleastros, celsaque sternit
Secula palmarum, & veteres radicitus ornos.*

Quando esuriunt, cibum extentâ promuscide capiunt, eam in os reflectunt, ejusdemque

que extremam partem pabulum tenentem intra os, ut homines solent cochlear, immittunt: pari modò, quando sitiunt, ut eleganter id describit, *Aretaus*, proboscidis extremam narem in aquam demergunt, deinde tanquam respirantes vice aëris multum aquæ attrahunt, iterumque effundunt, quoad ventrem tanquam oneratiā navem compleverint. Hòc officio pedes Elephanti, tanquam animalis digitati, fungi debebant, ut philosophatur *Aristoteles l. 2. part. an. c. 6.* hos enim manuum vice habet genus quadrupedum digitatum, (πολυδάκτυλον,) non solum ponderis sustinendi causa: cum autem vastissimum sit hoc animal, ejusque grandi ponderi sustinendo vix sufficiant pedes, proboscide utitur hęc natura, ad supplendum eorum ministerium.

Adjuvat & proboscidis longitudo ad decerpēdos fructus & ramos, ne universas arbores evertere cogeretur, quod fuisset laboriosum atque damnosum, nec solum ipsi, sed etiam aliis, sublatò scilicet alimento imposterum. Vid. *H. Cardan. de subtil. l. 10. p. 557. & seq.* qui vidit illum prementem capite ea, quæ voluit evertere. Ingentia onera proboscide attolunt: robustos viros proboscide comprehensos in sublime rapere, & terræ allidere possunt. Si fortè quis illos injuriā aut contumeliā affecerit, proboscidem putidā aquā replent, eaque adversarium foedè contaminant. Ensem solebant olim Indi alligare proboscidis imo, quò hostes occiderent: moniti enim sola Rectoris voce norant, quos ferire & à quibus abstinere debebant. Proboscidi tanta facilitas tractandi, ut etiam stipem Elephas illā colligat: unde illud adagium Augusti dicentis cuidam libellum supplicem sibi cum timore porrigenti: tanquam Elephantò stipem porrigis: constringit enim proboscidem in imo ut libet, partesque alias extendit, alias contrahit, ut vix homo melius digitis quicquam apprehendat.

Non malè *Scaliger l. c.* proboscidem vocat tubam, ob longitudinem scilicet & cavitatem, siquidem horribilem proboscide sonitum, raucam vocem, seu barritum edit, tubæ sono æquiparandum: per illam enim ceu instrumentum longum & concavum simile tubarum raucitati sonat, ut scribit *Aristoteles l. 4. H. A. c. 9.* instar hominis loquentis simul & spirantis, unde eam spirabundam vocat *Plinius l. 11. c. 51.* Itaque propria ipsius affectio barritus est, quod vocabulum vocem Elephanti non malè exprimit: edit enim istum sonum, quem prima refert syllaba: verbum autem barrire, an sit Romanum vel aliunde translatus, & postmodum forò Latinò donatus, aliis relinquo disquirendum. Barrire itaque secundum Festum dicuntur Elephanti à sonò vocis, hinc & ipsi barri vocantur: unde barrire etiam dicuntur

milites, cum ineunt prælium: solent enim clamore accendere animos, ut pugnam animosius aggrediantur.

Natura hanc Elephanti partem ad plura officia condidit, siquidem unius rei plures sunt fines: spirant enim & bibunt, odoranturque suā hauri impropiè appellatā manu, secundum *Plinium H. N. l. 8. c. 10.* Proboscide aërem attrahit: nam secundum *Aristotelem l. c.* omnia animalia, quibus pulmo est, nares habent, ut spirent: indiguit autem Elephas tam longò nasè pro faciliore non solum in terrestri itinere, verum etiam, quando ipsi per flumina ambulandum est, respiratione: hæc si nimis profunda sunt, proboscide extra aquam exserta se aquæ committit, more urinatorum, longo canali coriaceo capiti atque ori applicato, cujus orificium supra aquas eminet, pro captanda respiratione utentium, cujus adminiculo spiritum ducere, & ad tempus sub aquis permanere possunt.

Quando ad somnum se componit Elephas, spirat & respirat magno & longo sonitu: nam secundum *Gillium in descript. Elephanti p. 8.* ejus una spiratio tamdiu durat, ut triginta vocabula proferre possis, totidemque a fine expirationis ad initium inspirationis repetere valeas: in expiratione tantum temporis ponit, quantum in inspiratione; quæ utraque cum sit sonans velut fistulæ quædam, tamen spiratio est sine percussione soni: at respiratio habet quasdam percussiones velut fistula ad tactum foraminum. Citra nares ore ipso vocem elidit spirabundam, quemadmodum cum homo simul spiritum reddit & loquitur: At per nares simile tubarum raucitati sonat secundum *Aristotelem* loco citato; sternutamento similem edit sonum secundum *Plinium l. c.* interdum cum aliqua concussione corporis. Elephantorum spiritum serpentes extrahere ex latebris *Plinius H. N. l. 11. c. 53.* scribit: quemadmodum spiritus cervorum illos urit, autore eodem.

Non solum per proboscidem, verum etiam per os emittit vocem: quia ratione Elephas assuefactus ad interrogata respondet: Ho! quando scilicet ex illo quæritur, an Rectorem suum diligat? an vinum vel aliud quid bene sapiat? & similia.

Beneficio hujus proboscidis seu longi nasi Elephas exquisito pollet odoratu: nam iudicio Philosophi *l. 2. de gen. an. c. 2.* illa animalia, quorum nares porrectæ sunt longius, quam maxime valent olfactu: hinc Elephas melones & cucumeres, quibus impense delectatur, & longinquo odoratur. Hominem cum valde timeant, ejus vestigia solerter observant: dum ex sylvis progrediuntur, primus in ordine herabam ab homine conculcatam forte offendens, illam statim decerpit, eamque sociis suis communicat, quo facto omnes odore hominis percer-

percepto dilabuntur. Semper suæ proboscidi timet valdopere Elephas, gnarus illam facile amputari posse: quapropter illam urgente periculo sub alvum flectit & abscondit.

Promuscidis detractam pellem *P. Gillius* invenit latam pedem unum & sex digitos: à radice dentium exteriorum ad nares longam 4. pedes & 6. digitos: in extremitate, ubi nares exitum habent, crassam digitum unum: & differt pars inferior à superiore: nam inferior extremitas, facta velut labrum, lata est 5. digitos, crassa digitum: at pars superior in mucronem definit, & tres digitos longior existit, quam inferior pars: sensim definit in mucronem initio latum tres digitos, in extremo minimum digitum: hæc superiore parte aperire & tegere nares solet, & eam incurvare, ut nos digitos solemus, cum aliquid capere volumus.

Lubet hæc inferere illa, quæ Anno 1681. d. 5. Februarii in sectione Elephanti Versalis à *D. du Verney* facta observata sunt de proboscide, quæ ex parvis musculis pene innumeris erat composita, quinque & amplius pedes longa, quam ad libitum contrahebat & producebat: Extremum illius paulo latius instar crateris, cujus ora foris exstabat, & ex ea velut digitum proferebat, quo quidem perinde ut manu uti solent Elephanti, quo Elephas hic funiculum nodo astrictum solvebat, & minutiora corpora contrahabat, graviora frangebat, atque ex illa appendice onera sursum tollere vilis est: in imo hujus vasis sunt duo foramina, quibus ducunt & reddunt spiritum, atque hujus attractionis vi potus proboscidis cava subit, qua subinde inflexa per os hunc demittit non sine strepitu, ex imo pulsu aeris non ex suctione ipsa profecto. Sic herbam eodem proboscidis extremo avellit, eamque glomeratam in oris intima propellit: nullum enim cibum ore ipso sumit, nisi per proboscidem: unde & nares in proboscide sunt collocatæ, ut ciborum naturam olfactu ipso exploret, ne quid noxium aut ingratum intus subeat.

Itaque usus proboscidis & functio est multiplex: nam ducit aerem per aperta illa duo foramina: per eadem potum in oris cavitatem transmittit: in omnes partes se inflectit, variis quoque modis sese contrahit & producit, idque per membranas tendineas & nervosas, per carnem musculosam nullis ossibus firmatam. In medio proboscidis duo sunt tubi membranosi & laves, per quos aer spirando ductus & aqua epota transmittuntur, ille in pulmonem, hic in œsophagum & ventriculum: ductus illi in extrema sui parte sunt latiores: sic aer expiratione ipsa liquorem majore vi protrudit in oris cava, quod ex ampliori spatio in angustius com-

meet: non enim constrictione successiva, ut in œsophago & in ipsis intestinis hic motus perficitur, cum fibræ carneæ & circulares desint. Actiones quippe omnes proboscidis contractione & productione continentur, sed utraque diversis plane fit modis; fibræ enim utriusque actionis effectrices nactæ sunt contrarios situs: ex iis aliæ musculos componunt, qui una sui parte extrema cum interioris ductus membrana, parte altera cum exteriori proboscidis involucro connexi perpendiculares dici possunt, quod ad angulos rectos tum interiori, tum exteriori membranæ insistant. Alii vero musculi sunt quodammodo utrique membranæ paralleli, iique ab uno extremo proboscidis versus alterum incedunt.

Perpendicularium numerus est prope infinitus, atque horum pars carnosa versus ductum interiorum, tendinea versus exteriorum membranam dirigitur: contra accidit in musculis parallelis, qui ita sunt inter se aptati & conferti circa cujusque parvi musculi ventrem, ut plures unum & eundem velut musculum instar lori prælongi a summa proboscidis parte ad imam descendantis octo aut decem lineis lati efficere videantur. Horum tendines membranæ interioris ductui oblique inferuntur, alii ab aliis se junguntur per membranam e tendinibus perpendicularium musculorum conflata: sed minores muscoli, è quibus paralleli majores coalescunt, suos habent tendines cum parte carnosa cujusque perpendicularis musculi permixtas & confusas quodammodo: nam paralleli quique muscoli, cum duo extrema habeant interiori ductus membranæ, & ventrem exteriori proboscidis membranæ affixum, si non recti sed curvi semper manent. Ex iis utcumque intelligitur, qua ratione proboscis contrahatur & producat: cum enim muscoli perpendiculares vim suam exerunt, tum exteriorum proboscidis membranam ad ipsam ductus, membranam propius adducunt, sicque imminuta crassitie proboscidem in longum magis produci necesse est.

Paralleli vero junctis agunt viribus, atque id præstant, ut partes interioris ductus, quibus ii muscoli tendines suos habent affixos, ad sese mutuo accedant, unde & proboscidem contrahi necesse est: atque ut hi musculi variis in locis motus suos exerunt, diversi quoque motus fiunt, & variis modis proboscis ipsa inflectitur: & quidem ea distendi & contrahi potuisset per fibras circulares, & sphincteres quosdam: sed ea fibrarum structura ductus ipsos, qui patentes & aperti esse debent, plus satis coarctasset: unde huic incommodo per musculos perpendiculares cavit supremus naturæ opifex, iique uno & eodem tempore exteriorum proboscidis mem-

branam intus adducunt, & ductuum interiorum membranas diducunt: quæ enim necessaria est proboscidis productioni contractio, ea solis musculorum carnibus interjectis perficitur, unde & ductus semper aperti & liberi manent. Vid. *Job. Baptist. du Hamel Histor. Regia Scientiarum Academia l. 2. pag. 204.* Optandum esset, ut etiam illa, quæ in hac sectione de pellis Elephantinæ structura curiose annotata sunt, & quæ ad musculorum, viscerum, ossium & aliarum partium conformationem spectant, in lucem prodeant.

A. *Moulinus* in sectione sui Elephantum cum separasset à fronte proboscidem, observavit ejus substantiam ad amissimam similem linguæ bovinæ excisæ, cum multa interspersa pinguedine, potuitque ibi discernere tres distinctos fibrarum ordines, unum oblique & spiraliter descendentem, alium spiraliter sed crucis modo descendentem, tertius ordo constabat fibris rectis, quibus adminiculis proboscis extendi, contrahi, sursum, deorsum, dextrorsum & sinistrorsum pro lubitu animalis moveri potest: hic motus cum omnino sit singularis, & ab aliis plane diversus, requirit singularem theoriam, quam exactam & omnibus numeris absolutam videre Autor mecum in votis habet, & ab eruditissimis Anatomicis, quibus hæc animalia secandi datur copia, expectat: interim ipse existimat, hunc motum fieri à circularibus fibris. vid. Autor l. c.

Cornua propriè dicta cernuntur in animalibus, quorum robur, virtus & pulchritudo ex illis elucet: hinc in sacro codice cornu metaphorice sumitur pro potestate, siquidem cornuta animalia cornibus se defendunt, & adversarios prosternunt: ita dicitur Ps. 75. Cornua impiorum confringam: denotant præterea Cornua dominium & regimen: nam animalia, quæ magna habent Cornua, plerumque reliquis dominantur: hinc Propheta Daniel c. 7. potentiam regnorum, bella & victoriam per cornua animalium describit: tandem arguunt pulchritudinem, quoniam brutorum decus ex parte consistit in cornibus. Jobus etiam filiæ suæ perquam speciosæ à cornu nomen indidit, appellando eam Kerenhapuch, cornu conversionis, cap. 42. Ita Zacharias Lucæ cap. 1. Redemptorem nostrum pulchrè nominat κέρας σωτηρίας, Cornu salutis: & Regius Propheta David DEUM suum vocat Cornu salutis suæ, Psalm 18. qua de re pulchrè disserit D. B. *Meisnerus in Meditation. Evangel. festiv. p. m. 625.*

Cum itaque Elephas inter præcipua animalia bruta prima occupet subsellia, opus habuit ad suam defensionem & ornatum more reliquorum etiam cornibus, sed omnino singularibus: ex hujus enim ore utrinque eminent duo cornua, (Maulhörner) quæ Plinius ar-

ma vocat ingentia, resimata, deorsum retorta, recurva & aliquot pedes longa, nata è mandibula superiore, proboscidem in medio habentia, dignitatis & præminentiae argumenta, tantæ molis ac roboris, ut iis hominem, imò & trabem transversam imponere, atque in altum attollete nullo negotio queat: evertit ædificia cum impetu, dentes admovens magnos, inquit *Aristoteles H. A. l. 9. c. 1.* Hic statuit, cornua Elephantum esse denegata, cum magnitudinis ipsius exsuperantia ad injurias arcedas sufficiat: Veris autem cornibus Elephantum gaudere, patebit ex sequentibus: Denn er reisset von den Bäumen grosse Aeste vermittelst seiner Maulhörner herunter / ut scribit E. G. *Happellius p. 2. rel. Cur. p. 731.* Arbore exacuant limantque cornua Elephantum, ut saxo Rhinocerotes, & apri dentium sicas, ut legimus apud *Plinium H. N. l. 18. c. 1.* Juba vocat cornua: Ezechiel verò Propheta misto nomine nominat cornua dentis. Si quid ex cornibus & dentibus compositum esse dixerò, nemo vitio daturus est, scribit *Ulysses Aldrovandus l. 1. de quadruped. p. 200. Varro l. 6. de l. L.* Elephantos dicit quadrupedes cornutas.

Hæc cornua, (quæ masculis sunt reflexa, & quasi falcata, fæminis verò nonnullis recta & prona) Aretæus describit, quod sint communiter prorsum spectantia, recta non admodum, sed paululum in superiora retorta, ut pondus extollere possint: cui adstipulatur *Petrus Gilius*, inquit: errant, qui dicunt, ea vergere ad terram: non enim sursum, neque deorsum, sed recta in anteriorem partem sensim in fine incurvata sursum versus feruntur. Vulgus hæc cornua cum *Herodoto l. 8. c. 3.* & ipsa vulgari consuetudine dentes vocat, hinc *Priscianus*:

Vel dentes stringunt Elephantis ab ore revulsos,

sed minus rectè, ut infra patebit: cujus sententiæ etiam fuit *Plinius*, qui l. 11. c. 37. hæc habet: Dentium tria sunt genera, serrati aut continui aut exserti: Serrati pectinatim coeuntes, ne contrario occursum atterantur, sunt serpentibus, piscibus, canibus: continui homini, equo, bovi: exserti apro, hippopotamo, Elephantum.

Quemadmodum autem communiter dentium materia non est merè ossea, sed inter os & petram media sive neutra: ita etiam secundum *Helmontium de lithiasi c. 1.* cornu (vulgò dens) Elephantum magnam partem ossis habet, alteramque lapidis seu dentiformem: Sic ex mente ejusdem l. c. Cornu cervi partim de materiâ osseâ, partim de lignæâ participat: adeoque & propterea spinas atque ramos æmulari annueque decidere videtur, ob proprietatem frondium & partis lignææ retentam: cujus asseri valorem in medio relinquo, & *Ælianum*

l. 11. c. 37. secutus existimo, τὸν ἐλέφαντα ἢ ὀδόντας ἔχειν, ἀλλὰ κέρατα: Pagninus ἰψὸν πιαρὸν vertit cornua eburnea: & Tremellius cum Junio cornua eboris: Veteres etiam Elefantos cornutos quadrupedes vocarunt. Vid. N. Perottus in C. C. p. 22.

E superiore mandibula hæc cornua nasci negat Scaliger, exerc. 204. quando ait: Eorum maximus error, qui dentes illos (ut vocat) è superiori nasci mandibulâ atque deorsum spectare prodiderunt: nam præter sensus fidem, quæ id falsum esse docet, est subtilitas in duabus rationibus: priorem sumimus ab usu: alteram è constitutione: usum eorum in gentilitiis ajunt præliis: quamobrem obrectationis impatiens animal in rivalis perniciem illos acuere legimus: tam vasti dentis igitur ima cuspis quam in partem ictum infligeret? deinde quî fieri possit, ut tam latum pectus tam parvæ cederet distantiae, quanta à primore mandibula proficiscitur? Nam & eorum flexus & colli brevitates effecissent, ut aut pectori infligerentur, aut inter crura subtus ipsum pectus regerentur.

At contradicunt Scaligero plurimi Autores, inter quos Pausanias curiosus harum rerum indagator & oculatus testis expresse scribit: In Elephantis à superiore id, quod dentes multi esse putarunt, descendit maxilla: cui suffragatur Aretæus inquires: Cornua non semper frontem & tempora, qualis cornigeris natura est, sed in ore superiore maxilla sita sunt. His addit suum calculum Garzias ab Horto, per 30. annos in Indiis versatus, ut & Oppianus ita canens:

*E superis surgunt gemina arma valentia
malis*

*Porrecta in cælum geminos imitantia den-
tes.*

& alibi canit:

- - - vulgus dentes existimat esse:

Non sic appellare placet, sed cornua dici,

Cornea cum virtus illis videatur inesse.

Idem sentit Helmontius in tractat. Terra inscripto p. m. 56. referens: in Hingsene prope Scaldim 12. pedes subter Horizontem, humidò prato repertum fuisse cornu, vulgò dentem, Elephantis cum totâ maxillâ, cujus tertiam partem duorum pedum longitudine se asservare secum scribit & hinc quandoque vivos Elefantos in hoc tractu fuisse autumat. Sed cornua non dentes esse, ex quibus ebur fit, apud Habessinios etiam populos aliosque non ambigitur, & ipsa materia & situs id docent, ex cranio enim proveniunt: fæminæ illis ut plurimum carent, ut scribit Illustris Ludolphus, beatæ memoriæ Hist. Æthiop. cap. 10.

Petrus Gillius in descript. El. p. 12. statuit, ab ossibus anterioribus frontis hæc cornua oriri: nec abs re, cum viderit aliquando in Ele-

phanti cranio eorum partem multis securis ictibus excisam relictam intra capitis os, cavam, exorientem à fronte paulò infra radices promuscidis: maxillæ autem aliquò spatio ab illo loco distant: hõc pacto cornua hæc à temporibus orta per os extrorsum resupinata sese offerunt: ex ore ergò non prodeunt, sed ex pelle eminente supra os, qua circumdantur ad suas radices. Vid. Autor. p. 14. Decimò quoque annò secundum nonnullos Elephantia ea abijciunt & defodiunt, sicut cervi quotannis illa perdunt. Hinc Turnebus l. 13. cap. 24. ait: Ebur, ut opinor, non inepte nec inscitè in cornuum genere reponitur: quod confirmat Pausanias l. 1. Eliacor. qui Elephantia cranium se accuratè considerasse scribit: præterea ebur igne emollitur, hominumque arte & operâ expolitur, quod dentibus non convenit. Vid. Pausan. descript. veteris Græciæ. Elephas itaque ut magnitudine & specie corporis à cæteris animalibus multum differt, sic diversum etiam & peculiarem cornuum habet exortum.

Hæc cum ita se habeant, non videntur à januâ aberrare, sed potius ἀκριβολογεῖν illi, qui pro cornibus hos dentes habent: inter quos est Varro, qui l. 6. de l. l. Elefantos vocat quadrupedes cornutas, ut supra dictum: & addit: nam quos dentes multi nominant, sunt cornua: usum enim dentium non obtinent, siquidem non ad masticationem cibi, sed potius ad defensionem inserviunt: præterea certò tempore decidunt, & more cornuum cervi regenerantur, quod etiam in Elephantis quovis decenniò contingit secundum nonnullos: quod tamen Garzias ab Horto & Scaliger exerc. 204. verum esse negat. Plinius autem lib. 8. c. 3. ait: quod dentes casu aliquo vel senectâ decedentes defodiantur ab Elephantis: accedit, quod inter Elefantos solummodò mares cervorum more cornibus credantur gaudere, non fæminæ: quamvis de hoc similiter dubitet Scaliger, loco citato affirmans se legisse, in fæminis perbreves & palmi longitudine esse dentes. Nullis omnino cornibus fæminas armatas esse refert E. G. Happelius Relat. Curios. p. 2. p. 743. sed contradicit Aristoteles l. 2. H. A. c. 5. ita scribens: Duo prominent grandes, quos mares grandiores resimatosque habent: fæminæ minores deorsum reflexos, contra quam mares: vergunt enim deorsum, pronique deviant: at Gillius l. c. dicit, errare illos, qui dicunt, hos dentes ita dictos vergere ad terram: non enim sursum neque deorsum feruntur, sed recti in anteriorem partem sensim in fine incurvati sursum versus, ut linea à media dentis radice ad summum mucronem non excederet extra directionem, sed in mucrone rescissi erant, itaque minus curvi & breviores, longi sesquipedem, quorum singulorum perimenter in medio habebat pedem.

Juba & Pausanias olim contra Philostratum disputabant esse cornua, non dentes: nec destituebantur rationibus: Primum Juba sic argumentabatur: Cornua nunquam mutantur, quod videre licet in bobus & capris: dentes verò mutantur: Elephantorum dentes sic dicti non mutantur, non igitur sunt dentes, sed potius cornua. *Pausanias l. 5. Eliac. p. m. 198.* idem concludit, inquiring: Cornua mutantur, ut in cervis, capreolis &c. majores dentes nunquam: neque enim apris hi, qui prominent, mutantur: at sic dicti dentes Elephantorum mutantur: Sunt igitur cornua. Dentes præterea è mandibulis nascuntur: Cornua vero ex temporibus: at Elephantorum sic nominati dentes ex temporibus nascuntur, non ex mandibulis: hocque se vidisse in Elephantis calvariâ affirmat. Sunt autem hæc cornua ab aliorum animalium cornibus diversa, quemadmodum nec magnitudine nec figura cum aliis conveniunt.

Elephantorum cornua igne molliuntur ad varios usus, quod proprium est cornibus: dentes vero corrumpuntur & comburuntur ab igne, nunquam molliuntur: quibus Juba & Pausaniæ rationibus *H. Cardanus de subtil. p. 554.* adhuc duas firmiores adjicit: prima est, quod Elephantorum vulgò dicti dentes teretes sunt, & exactè rotundi absque acie, quod cornibus proprium est: nam dentes mucronati sunt, ut apri, canum atque aliorum omnium. Secunda est, quod Elephas dentibus caret in anteriore parte, non solum in superiore mandibula, sed inferiore etiam, quod proprium esse solum cornigeris animalibus *l. c.* scribit.

Celius Rhodiginus lect. antiq. l. 7. p. m. 348. laudat Pausaniæ sententiam, & rectissimè cornua dici statuit: Primum inquit cum Pausania, astruentibus diversam opinionem perpendenda Gallicæ feræ natura, quam vocant Alcen: spectandi & Tauri Æthiopici: Alcis utique in superciliis adnascuntur cornua, sed maribus modò, nam fæminæ prorsus carent eò adjumento: Æthiopici vero Tauri è naribus cornua proferunt: quæ cum ita sint, cuinam fiat admiratio, cum ex animalis ore promi cornua videat audiatve? Sed suppetunt & argumenta hæc: Cornua utique per annorum periodos corrupta decidunt, ac rursum succrescunt protuberantque: probant id cervi: probant & Dorcades: verum Elephantis itidem contingit: dens verò adultiori præsertim excussus quando suboriatur? aut ubinam renasci compertum? vel si dentes sunt, qui ex ore proferuntur, non cornua, quânam ratione progerminant denuo? adde, quod ignibus indomiti fermè habentur dentes: at boum & Elephantorum cornua in hac re sequacis maximè sunt naturæ: nam

ignis vi, utcunque collibuerit, efformantur. Hippopotamis suisque ex inferiore malâ dentes prorumpunt exserti, quos καυλιόδοντας appellant. Scito itaque ex temporibus profilire cornua, atque ita extrorsum reflecti: id quod non, quia audierim, commemoro: sed in Campania in Dianæ sacello Elephantum cranium pro arbitrio sum contemplatus: id ita comperi: nec sanè mirandum: nam & in aliis Elephas à reliquorum naturâ insigniter disparatus animadverti potest, tum formâ, tum mensurâ. Hactenus ex Pausania *Rhodiginus.*

Philostratus contra cum Herodoto, Dionysio Periogete, Plinio, Ovidio, Claudiano & Arabibus aliisque dentes esse, non cornua, evincere conatur tribus sequentibus rationibus: quarum prima est, quod cornibus juxta annorum numerum circuli quidam innascantur in radice, velut videre licet in bobus & capris: dentibus vero nulli sunt circuli, nam illi sunt undique læves, nec annorum numero quicquam accedit præter magnitudinem: at Elephantorum dentes tales sunt, leves scilicet & absque circulis: II. Dentes solidi sunt undiquaque, nec inane habent quicquam præter exiguum foramen, quod proprium est dentibus: cornua vero vacua sunt intus, id quod in bobus spectare licet. III. Nullum animal est cornibus præditum, nisi quod ungulas habet, & bifidas, ut cervi, capreoli, boves, capræ: at Elephas neque ungulam habet in pedibus, sed digitos: nec bifidos, sed in quinque partes distinctos.

Verum rationes istæ parvi sunt momenti: nam primo falsum est, quod in omnibus animalium cornibus sint Circuli: exempli loco sint Cervi Cornua, quibus prorsus nulli sunt circuli: præterea Cornua Elephantum sunt Cornua sui generis, atque aliis Cornibus non per omnia similia. Secundo contra experientiam est, quod Elephantorum dentes sint prorsus solidi, nec intus quicquam inane habeant: sunt enim manifestè vacui, quâ parte cranio, ut aprorum dentes, quâ parte mandibulæ inferuntur: deinde hoc abludit à veritate, quod omnia cornua sint inania: in bobus & bubalis quidem sunt talia: in Cervis vero non item, quemadmodum nec in capris, quorum Cornua pleraque sunt solidiora, nec in totum vacua. Tandem nec tertia ratio aliquid contra Elephantum Cornua concludit: nam Elephantum digitus est ungulæ sui generis, quamvis non sint bifidæ, sed in quinque partes distinctæ. De his plura vide apud *H. Cardanum* locò citatò, *Aldrovandum* aliosque.

Potiori itaque jure vocantur Cornua quam dentes: quod mecum statuunt Auctores omni exceptione majores ob graves rationes: nam primo è cranio oriuntur, quod

Cornuum proprium est: 2. quia facile secantur, poliuntur & in quamvis formam effinguntur, quod cum aliorum animalium dentibus fieri nequit: 3. quia decidunt, & renascuntur, ut Cornua Cervorum: cum alioquin soli homini dentes decidant: quod tamen Philosophus etiam equis, mulis & asinis contingere scribit *H. A. l. 2. c. 1.* Hinc ipsi etiam Æthiopes, apud quos vernaculum est hoc animal, Akronoth, id est, Cornua nominant: quin & analysis Chimica magis corneam quam osseam substantiam heic adesse evincit. Itaque recte *Ælianus* lib. II. cap. 37. sentit, inquiens: τὸν γὰρ ἐλέφαντα ἡ Φήμη ὀδόντας ἔχειν ἀλλὰ κέρατα: cui subscribunt *Aretæus*, *Varro* & *Pierius*, qui lib. 2. *hieroglyph.* nulli animalium cornua majora & speciosiora attribuit, quam Elephanto. *Oppianus* illa sequenti modò delineat:

- - *Arma exsertos imitantia dentes.*

Unde aliqui dentes decepti errore vocarunt. *Martialis* vocat cornua, lib. 13. de Ægle edentula, ideoque dentibus eburneis utente ita canens:

*Sic tentata sibi videtur Ægle
emptis ossibus Indicoque cornu.*

Nonnullis placet *Aldrovandi*, *Bochartique* de media illorum natura sententia, quam origo confirmare videtur, ut supra dictum, *Pausaniæ* notata, qui à temporibus superne eos descendere, & ita foras tendere non aurit, sed oculatus testis scripsit: *A. Moulinus* & *Rajus* vero è maxilla superiore eos deducunt, scribentes, illos intus concavos esse, & quadam velut medullâ compactiore, glandularum aliquam mixturam habente repletos.

Prominuli dentes eburnei, vulgo Gallis *Deffenses*, magis Cornua, quam dentes censerì debent, seu eorum spectemus originem, à dentium ortu longe diversam, seu naturam ipsam eboris, quod in igne emollitur, ut cornua, non item dentes. Vid. *Job. Baptist. du Hamel Hist. R. S. A. l. 2. p. 206.* Ubi è maxilla erumpunt, carneâ substantia impleta sunt, quam nihil aliud esse, quam vasorum congeriem pericranio involutam statuit modò laudatus autor l. c.

Circa cornua belluis maxima cura: alterius mucroni parcunt, ne sit præliis hebes: alterius usu fodiunt radices, impellunt moles, arbores extirpant, teste *Pliniò*, *Ælianò*, *Solinò*, & *Plutarchò*; cum ab Indis arborem radicitus extrahere compelluntur, non prius illum laborem aggrediuntur, quam concusserint arborem, sic periclitantes, an everti possit, vel ab impetu invicta sit futura. Quòvis decenniò decidere hæc cornua *Forerus* scribit in *Thierbuch* pag. 78. quæ Elephas homini invidens in terra abscondit, singulari artificio tamen illa posse reperiri scribit ibidem:

sed abludere à veritate, quod ante mortem cadant cornua Elephantis, dextrum etiam ab iis non sepeliri putat *Scaliger exerc. 204.* Propter hæc sua arma tamen non se peti norunt, & decidua casu aliquò vel senectâ defodiunt, ex invidia quasi ne hominès hoc thesauro potiantur.

Decidua igitur & regenerabilia esse hæc cornua, imo ab ipsis Elephantis interdum decuti multi Autores statuunt, quâ dere *Pasferatius* in encomio Elephantis:

*Hæc quando exhausta nequeunt defendere
vires,*

*Insidiaque urgent & spicula densa latro-
num,*

*Arboris impingunt trunco, fractosque re-
linquunt,*

Castoreò ut redimant usuram luminis astu:

Modum describit *Ælianus* l. 14. cap. 5. ita: Quando Elephantis in Mauritania degentes cornua decutiunt, procumbunt in genua, & cornua intrudunt terræ, ubi molliis & laxa est, donec amplius conspici nequeant: terram superinjectam postea pedibus complanant, quæ ob soli fertilitatem citò gramine obducitur, adeò ut vix explorari possit locus, in quo cornua sunt recondita. Mauri verò, ut cornibus hisce potiantur, rem aggrediuntur ita: in loco ubi defossa esse cornua suspicantur, hinc inde disponunt utres ex caprarum pellibus conflatos & aqua repletos: quod si sub utre aliquo lateat fortè absconditum Elephantis cornu, statim uter à mirabili & abscondita illius virtute exsiccabitur, & sic locus detectus est: Fidem vindicet Autor. Hoc ebur ab Elephantis defossum omnium præstantissimum esse, præsertim ab humanis pedibus aliquandiu tritum, scribit *Junius* in notis: non autem video, quomodo defossione istâ pedumque humanorum conculcatione quædam præstantia ebori accedere possit, cum potius sub terrâ nitore suo privari & vilius reddi videatur.

Ingentis magnitudinis nonnunquam sunt hæc cornua: vidit *Ludovicus Vardomannus* in Sumatra Insula duò, quæ appensa libras trecentas & triginta sex pendebant, teste *Jonstano histor. nat. de quadruped. p. m. 37.* Duo Elephantis cornua pependisse pondo trecenta viginti quinque *J. C. Scaliger ex Indicis historiis refert exerc. 204.* *Terzogus* in Museo Septaliano meminit unius 160. librarum pondere, & *Vielheuer* in der Beschreibung freinder Materialien dentem ita dictum delineat 220. libras pendentem: quod confirmat *H. Cardanus de subtil. l. 10. p. 549.* addens, se vidisse non semel Elephantis cornua, quæ ferme sex cubitos vel incurva æquarent, quæ si recta fuissent, longiora planè fuissent septem cubitis: modò citatus *Scaliger* vidit unum cornu se longè procerius: se verò ultra quinque pedes longum fuisse

fuisse scribit exerc. 263. *Aloysius Cardamustus* 8. pedum agnoscit longitudinem, qui aliquando unum Elephantem spectavit occisum, cujus cornuum amplitudo palmos ternos excedebat: unum cornu ponderasse, quod ferè fidem superat, 325. pondo memorat apud Taprobanem *Ludovicus Barth rerum Indicar. lib. 3.* & secundum Arabes ita crescunt, ut quandoque centum minarum pondus singuli exæquent. Vid. *Bochart. Hierozoic. l. 2. c. 24.* qui, ut supra memoratum, mediam inter dentes & cornua naturam producit in scenam, motus autoritate Ezechielis Prophetæ, qui misto nomine cornuum dentis mentionem facit cap. 27. v. 15.

De eorum magnitudine ita *Plinius H. N. l. 8. cap. 10.* Magnitudo, inquit, dentium (cornuum) videtur quidem in templis præcipua, sed tamen in extremis Africæ, qua confinis Æthiopiæ est, postium vicem in domiciliis & januis præbere, sepisque in iis & pecorum stabulis pro palis Elephantorum dentibus (cornibus) fieri Polybius tradit, autore Gulussa Regulo. De ejusmodi dentibus eboeis quarit *Martialis*:

An Libycas possint sustinuisse trabes?

Gillius sæpè longitudinem decem pedum æquare memorat. Venetus quidam Mercator unum aureis triginta sex emisse dicitur longitudine dodrantum ipsius quatuordecim, crassitudine dodrantum quatuor, tantò pondere, ut vix humò tolli potuerit. Sed & *Sabellicus* autor est, fuisse Firmo duos Elephantinos ita dictos dentes, tam enormi magnitudine, ut Aurelianus Firmi Victor eos pro miraculo Romam deportandos curaverit. In India Orientali & Regione Magni Mogol inveniuntur tantæ magnitudinis, ut in utroque possit insidere homo sine gravatione & molestiâ Elephanti. Vid. *Ettmülleri Zoolog. p. 172.*

Anno Christi 1546. ultra centum Elephantum cornua Basileam transportata fuisse, quorum unum 9. pedes longum, tres vero dodrantes crassum fuerit, & vix à se attolli potuerit, quippe circiter libras 100. pendens, scribit *Münsterus in Cosmograph.* idem bienniò ante ejusmodi Cornu Basileam advectum esse narrat, quod decem pedes longum fuerit, & pependerit centum & quatuordecim pondo. In Africâ tantam reperiri Cornuum Elephantinorum copiam, ut integra viva-ria, quæ ambitu suo aliquot millia passuum complectuntur, illis circumsepta reperiantur, scribit *I. B. Tavernier Itiner. Indic. l. 1. c. 18.* Largam eboris copiam apud Casras populos in vicinia promontorii bonæ spei reperiri refert idem *Itiner. Ind. l. 2.* Æthiopes occidunt Elephantos, ut eorum liceat potiri cornibus, quæ Lusitanis deinde vendunt, carnibus autem vescuntur. Vid. *Job. Hug. à Linschoten*

part. 4. Ind. Or. c. 2. Persarum Regi pro annuò tributò illà pendunt, *Forerius de Eleph. pag. 78.*

Quo juniores sunt Elephantum, eò candidiora & nitidiora obtinent Cornua: quorum unò, quod acutius est alterò, ad corporis defensionem, altero verò ad effossionem radicum & herbarum excisionemque arborum utuntur, quem in finem illa exæcunt, ut in durò Saxò Rhinocerotes. Elephantum masculi Cornua prorsum respicere, fœminæ autem vergere deorsum pronaque deviare & gibba esse cum *Aristotele H. A. l. 2. c. 5.* affirmat *H. Cardanus l. c.* adjectò schemate, quod ibidem videre licet: se tamen id in vivo animali vidisse negat. Fœminæ secundum *Garziam ab Hortò* non omnes Cornua habent: si verò adsunt, dodrantem vix excedunt. Elephantum Indici mares duntaxat obtinent Cornua: Æthiopicis vero ac Libycis sunt in utroque sexu, ut *Amyntianus* tradit in *libr. de Elephantis.* In Insula Zeylan natu primum saltem Elephantum catulum cornibus insignitum esse refert *I. B. Tavernier l. c.*

Palustrium Elephantorum Cornua livida sunt, rara, tractatu difficilia, & in plerisque partibus foramina sunt: in aliis vero partibus quasi grandinis grana seu tumores quidam insurgunt, & arti minimè obtemperant. Montanorum verò minora sunt, sed sufficienter alba, & nihil in eis difficile invenitur: optima autem sunt campestrium Elephantorum, maxima, longissima, & incidi facilia, ut nullo labore, in quamcunque manus voluerit partem, deducantur, ut scribit *Philostratus l. c.* Cornua fœminæ majus pretium quam maris habere refert *Ælianus l. c.* Abjiciunt ea decimo quoque annò & defodiunt. *Gesnerus l. 1. de quadrup. p. m. 412.* Ex candore dentium intelligitur juvenia secundum *Solinum cap. 33.*

Produnt nonnulli Elephantos à venatoribus circumventos, cum sciant, prædam solum in cornibus suis ab illis expeti, illa vehementer impingere arboribus, evellere, atque hóc modò se redimere: quâ de re vide *A. Matthiol. comment. in l. 2. Dioscoridis cap. 50.* quod tamen hic Autor credit fabulosum esse: quemadmodum etiam falsum esse ostendit, quod Fiber viso Venatore sibi ipsi testes amputet.

Os habet Elephas pectori propinquum, ut cum suillo aliquam ineat similitudinem, ut scribit *Matthiolus comment. in lib. 2. Dioscorid. cap. 50. pag. 215.* Inferior quoque maxilla hujus animalis porci maxillæ similis est in figurâ, sed quantitate longe major: hæc solummodo inter edendum movetur, dentes superiores nunquam, quamvis plurimi hoc nec in seipsis animadvertant, ut scribit *H. Cardanus l. c.* Dentes incisores nullos, maxil-

lares habet octo contra Plinium, qui duntaxat Elephanto intus quatuor dentes attribuit: suntque duo interiores dentes in singulis maxillis, quorum major est perpetuum os multis figuris distinctum, cujus superficies ad libellam plana est, longa septem, lata tres digitos, exasperata in decem velut gradus seu pulvinos, canaliculis distinctos, ferratos & exasperatos: singuli autem canaliculi transversî hujus superficiem secantes non modo à lateribus, sed etiam ab utrisque caputibus clauduntur pulvinis: alter dens intimus est, cujus superficies est plana, longa tres digitos, lata totidem etiam exiguis canaliculis exasperata: in lateribus utriusque dentis singularum maxillarum apparent pulvini, velut dentes respondentes pulvinis positus in superficie, distincti striis, velut naturâ unum dentem in decem formare condiscen- te. Vid. *Gillius in descript. Eleph. c. 3.*

Peireskii in Elephanto Bergenferium ad- vecto toro biduo seu rogando seu experiundo ita multa addidit, ut sibi factum putarit satis: inter cetera cum probasset omne genus edulii, jussissetque dulcia præsertim, quod gratissima forent, ministrari, adeo ut Elephas jam ipsum & agnosceret & blanditiis prosequeretur, fiduciam cepit, (sed præeunte animalis gubernatore) ingerendi brachium in os, explorantique ipsius dentes: deprehendit autem hinc in utraq. maxillâ binos, ut planè octo existerent, & non solum quatuor, ut voluerat *Plinius*: neque verò dentes attrectavit modo, sed etiam per Gubernatorem ceram ipsis applicuit, quò illorum simul magnitudinem formamque faceret expressam: inde autem perspectum habuit, grandem illum molarem dentem ex Africâ missum ab *Arcofio*, Elephantis esse non Gigantis dentem: neque est amplius demiratus, cur ex Gigante Teutobocho tam pauci fuissent dentes ostensi. *Gassendus in vita Peireskii l. 4. p. m. 156.*

Plurima Elephantorum viscera cum visceribus porcorum convenire, nisi quod multò illis majora sint, communiter statuitur: videtur hoc animal cum sue aliquid habere similitudinis, inquit *H. Cardanus de subtil. l. 10. p. 561.* quod confirmat *D. Casp. Horn. cap. 2. de Eleph.* alique non pauci. Viscera bubulis quadruplò majora illi assignat *Plinius l. 11. c. 37.* quemadmodum etiam ejus caro rubra est, ut bubulorum, & tenera, quâ aliqui in India usi carnem Elephantinam affirmant bubulâ meliorem, ut scribit *Petrus Gillius l. c. carnem & sanguinem Elephanti Moulinus* observavit sale urinosò scatentem, quod ipsi inter secandum innotuit, non solum ab urinosi effluviis nares adeò graviter afficientibus, ut vix ea perferre potuerit, verum etiam ab acuto dolore, quem sanguis manu tractatus in digitò casuali vulnere lætò inferebat, quod in aliorum animalium

sanguine non observatur, quem dolorem per aliquot dies noctesque durasse scribit: affata etiam & in sartagine frixa caro referebat saporem carnis bubulæ macilentæ sale conditæ His *ὡς ἐν παρόδῳ* præmissis ad partes mediæ ventris perlustrandas, quantum ex probatis Autoribus nobis constat, accingimur.

Pulmonum amplitudine Elephantum quater superare bovem statuit *Plinius l. c.* conveniunt tamen ratione figuræ, cum aliorum grandiorum animalium pulmonibus: cavitas thoracis implebatur pulmonibus & corde, ut refert de Elephanto à se secto *A. Moulinus l. c.*

Pericardium, ut scribit Autor modo citatus, constabat ex validissima membrana, magnamque feri quantitatem in se continebat: Cor usualement conicam habebat figuram ac situm velut in aliis animalibus: auriculæ & ventriculi cordis constabat dimensionibus cordis magnitudini competentibus: tales etiam fuerunt valvæ, & ferè eadem numero & figura, ut in aliis animalibus: item tres valvæ mitrales sat magnæ: in septo cordis medio autem nullum invenit meatum hic Autor, nec ossiculum, quod *Galenus* se reperisse affirmat in Elephanto Romæ à se dissecto.

De corde Elephanti ita scribit *Ælianus H. A. l. 4. c. 31.* Duplici tum corde, tum sensu animi Elephantis esse dicitur, & altero quidem iræ incendi, alterò mitigari & leniri, Maurorum sermonibus pervulgatum. Sic scribit *Conradus Gesnerus l. 1. de quadruped. pag. 414.* duplex Elephanto cor esse, unum quod furore accensus exserit, alterum, quod in clementiam propendet. Duorum descriptionem apud *Aldrovandum* vide. *Lipsius epistol. 50. centur. 1.* subscribit *Æliano*, inquit: & cur jam *Æliano* non credam, qui jure optimo duplex Cor tribuit animalibus tam cordatis? Sic refert *Theophrastus*, in Paphlagonia omnes perdices duo corda, in Bisaltia verò lepores duo jecinora obtinere: verum enim vero deceptos fuisse hos Autores existimo, dum aliquid aliud pro corde vel hepate habuerunt: quamvis *Franciscus Plazzonus* cordis appendicem aliquando invenerit alterius veluti rudimentum, cujus e-
ctypon in Theatro publico Anno 1622. & Anno 1624. ostendit. Vid. *Joh. Rhodii mantissam anatomicam ad Thom. Bartholin. p. 11. num. 12.* Revera igitur Elephas unum tantum cor habet, quod amplum pedem unum in quadrimo deprehendit *Gillius in descript. Eleph. p. m. 12.*

Falsò ex *Aristotele l. 3. de part. an. c. 4.* asseritur, Elephantum, balænam & alia majora animalia tres obtinere cordis ventriculos, quos utique *Galenus* Romæ in Elephanto à se dissecto non invenit: nec *Walaus & Sylvius* in dissecto balænæ foetu tres cavitates in corde observarunt. Non nisi rarissimè tres cordis sinus sunt

sunt inventi. *Æmilius Parisianus* tot vidit in corde cujusdam velaturam facientis: bis totidem reperit *Veslingius*: *Walaus* quoque in bove tertium cordis ventriculum vidit: *Cassalpinus* tres in avibus observavit, ut & piscibus. Vid. *Thom. Bartholin. l. 2. anatom. c. 7. p. m. 392.* Sed ista rarò contingunt & præter consuetum naturæ ordinem: nam in cordis fabricâ quandoque ludit natura: sic in bovini cordis septo intermedio supernâ parte secundum cordis longitudinem *Walaus* aliquando sinum invenit ad sinistrum ventriculum circa mucronem patulum, qui longitudine amplitudineque digitum indicem æquabat. Vide *Walaum* in epistola de motu Chyli.

In Elephanti corde duæ tantum reperiuntur cavitates, dextra scilicet & sinistra, superficiem habentes internam, inæqualem & asperam, maximè verò sinistra. *Galenus l. 7. anatomicar. administrat.* scribit, Elephanti cor duos tantum obtinere ventriculos contra *Aristotelem*, qui magnis animalibus tres attribuit: hujus historiam animalium partim falsam, partim imperfectam non sine ratione dixit *Olaus Borrichius Hermet. Ægypt. c. 10. p. 244.* & post hunc ejus exscriptorem *Alhanum* etiam reprehendit. *Aristotelem* etiam olim redarguit *Galenus l. 7. administrat. anatomic. c. 10.* ubi etiam eleganter de osse in corde Elephanti discurret.

Ex corde dissecti Elephanti *Galenus* magnum os exemit: Vid. *J. Jonston. hist. nat. de quadruped. c. 7. p. 32.* Hoc os in Elephantò maximò Romæ jugulatò, ad cujus dissectionem Medici convenerant discendi gratia, duosne cor haberet vertices, an unum, & an ventriculos duos vel tres, sine negotiò reperit unâ cum familiaribus digitos admolitus, & voluisset etiam astantibus inexercitatis, qui ut in minoribus, ita etiam in majoribus id non reperiri asserbant, id demonstrare, nisi familiares risissent, & ne illis ostenderet, rogassent: corde verò à *Cæsaris* coquis exemptò, misit aliquem ex familiaribus exercitatum in ejusmodi rebus, rogatum coquos, ut os ab ipsis eximi sinerent, & sic factum est. Id etiam non parvæ magnitudinis os, & quod vix fidem mereatur Medicos latuisse, apud nos asservatur. Hactenus *Galenus*, quam citat *Rolfincius*, beatæ memoriæ, *Dissertat. anatomic. l. 6 c. 19.* Nam adversus *Aristotelem*, Medicos veteres & sui ævi statuit *Galenus l. 6. de usu part. c. 19. & lib. 7. administrat. anatomic.* in omnibus animalibus tale os cordis inveniri. Os eximiam magnitudinis in corde jugulati Elephanti se vidisse scribit *Aldrovandus*. Vid. *J. Jonston. thymatograv. de quadruped. cap. 17.* quod tamen in dubium vocat *P. Lauremberg exerc. anatomicâ decimâ* scribens: id os, sicubi reperitur, præter naturam esse, & dispendio potius ac da-

mno animali, quam commodo ac usui fore. *A. Moulinus* in corde Elephanti à se dissecti nullum os fuisse inventum scribit loco citato.

Cum sanguis beneficio circulationis acquirit in corde ultimam suam perfectionem, non abs re erit, paucis hoc loco ejus facere mentionem: creditur autem sanguis Elephanti justò esse frigidior, respectu scilicet habitò ad illa animalia, quæ calidiorem obtinent: hinc Dracones tanquam animalia calidissima, sanguinem Elephanti frigidum valdè appetunt, utque illo potiantur, cum illo ἀσπονδον bellum gerunt, & tamdiu dimicant, donec Elephas tot ictibus enervatus Draconi in prædam cedat: nonnunquam tamen usu venire solet, ut Elephas cadens Draconem ipsum vastâ suâ mole preterat atque exstinguat, qua de re infra pluribus agetur. Vid. etiam *Plin. l. c.* De acrimonia sanguinis Elephantini supra in principio hujus capituli actum est.

Carotidem arteriam sæpè citatus Autor *A. Moulinus* in suo Elephanto tam amplam fuisse tradit, ut arundinem in se recipere capax fuerit. Idem ætrophagum observavit exterius musculosum, interius verò membranosum fibris densioribus instructum.

Mammas duas in anteriore parte juxta pectus habet & mas & fæmina valdè exiguas pro corporis vastitate, ita ut eas à latere conspiciere propemodum nequeas. *Aristoteles l. 2. histor. an. c. 1.* scribit, illas non esse in pectore, sed paulò citra sub armis: nullum enim animal præter hominem mammas parte gerit priore: cur duas tantum habeat, & non plures, ut alia bruta, causam assignat hanc Philosophus, quod uniprolis sit. Sed cur non inter femora? quia multifidum est animal: nullum enim inter femora mammas habet, cui pedes discreti in digitos sunt. Cur supra sub armis? respondet *Aristoteles*: quia in iis, quæ plures obtinent mammas, & primæ sunt, & plurimum lactis hauriunt, &c. Idem scrofa facere assolent: porcæ enim primis editis mammas præbent primas: itaque cui unum est, quod primum in lucem prodit, id primas habeat mammas necesse est: primæ autem sunt, quæ sub armis habentur: Elephas hæc de causa duas eoque locò mammas habet sapientissimo Creatoris ter Opt. maximi consilio, ut scilicet catulus lactens & ore fugens commodiorem haberet accessum proboscide non obstante, quam hòc anteriore loco quaquaversum flectere & amovere potest, ut sic commodius lactetur.

Ejusmodi Elephantem fæminam duas in anteriore parte mammas habentem & catulum lactantem Anno 1690. Amstelodami se vidisse, amicus mihi retulit: quod etiam confirmat *Bartholinus anatom. l. 2. c. 1.* Mammas duas

duas parvulas occultabat sub armis anteriorum crurum Elephas Clariss. Sturmii: cum post contrectatas populoque demonstratas mammas à Magistro suo interrogaretur, ubinam virgines suas haberent mammas, proboscide utrumque pectoris latus percussit.

Costarum crassitiem *Moulinus* in sua Anatomia Elephanti non indicat: longitudine autem longissimam illarum 32. digitos æquasse scribit.

Diaphragma validissimis carneis nervolisque fibris erat instructum.

Theodorus Ryckius in oratione de Gigantibus mentionem facit costæ cujusdam, forte ex India allatæ, quæ in anatomico Academiae Leidensis theatro ostenditur, & juxta exteriorem flexuram octo pedes longa est; & ubi spississima, circa ossis sterni commissuram, pedem unum cum tribus uncis circuitu suo implet. Ex Elephanto desumptam arbitratur hanc costam, quod tamen falsum est, & omnem fidem superat.

Ventriculum Elephanti quod attinet, videtur de ejus existentia in Elephanto *Aristoteles* esse dubius, nec ullam ejus facere mentionem: sic enim scribit *l. 2. H. A. c. 17.* intestinum est ei ita sinuosum, ut alvos quatuor habere videatur: in hoc etiam cibus recipitur: nullum enim receptaculum cibi aliud separatim adest. Quod confirmat *Gillius*, de secto ab Arabibus Elephanto referens, quod primo extracta fuerint intestina ingentia candidissima, & plane coloris eburnei, ita sinuosa, ut alvos habere quatuor viderentur. *Galenus* intestinum hoc latissimum & equi similem affirmat. Contra *Plinius l. 11. c. 37.* scribit: Elephantum more boum quatuor habere ventriculos: scilicet ventrem primum, reticulum, omasum & abomasum. Venter & pars ejus reticulum crudo cibo custodiendò dicantur: Omasus ab ore immediato tractu pabulum suscipit, si tenue sit: si crassum, prius à bove ruminatum, ab hoc brevi morâ in abomasum labitur; huic suum calculum addit *Hier. Mercurialis variar. lect. l. 5. c. 15.* hujusque rei causam ponit corporis Elephantini magnitudinem, cui unus non sufficeret ventriculus, ut & dentium paucitatem, quorum ex mente plurimorum quatuor tantum, revera tamen octo adsunt, nec ita, ut debebant, comminuunt alimenta, adeo ut longiore postmodum còctione in tot receptaculis opus habeant. Hæc si vera essent, sequeretur Elephantum more boum ruminare debere, quod tamen in illis non observatur: nam secundum *Aristotelem H. A. l. 9. c. 50.* omnia animalia, quæ plures habent ventriculos, ruminant: nunquam autem Elephas visus est ruminare, ut boves, aut masticationem more illorum in ore repetere,

quamvis quoad enumeratâ organa cum ruminantibus valdopere conveniat.

A. Moulinus quatuor ventriculos forte pro uno habuit, dum scribit, Elephanti sui ventriculum quatuor pedes & tres latos ungues in longitudine, in ambitu vero circiter tres & semi-pedes æquasse. Oesophagum hic Autor non invenit insertum, ut in aliis animalibus, sed circiter longitudine pedis versus medium; quoad tunicas autem & reliqua ventriculus ab aliorum animalium ventriculis non distabat: exterius autem musculosus, interius membranofus erat. In ventriculo sui Elephanti *Moulinus* reperit lapillos uncias quatuor ponderantes, in litore forte devoratos, quos hoc animal interdum solet deglutire.

De canna, quæ in ventriculo Elephanti in aula Magni Mogolis creverat, vide in *Athanasii Kircheri China illustrata, part 2. cap. 5.* sequentem memorabilem historiam: Contigit non ante multos annos Elephantum insignem & Regi maxime charum arundinum elu stomachum ita onerasse, ut gravem inde infirmitatem incurreret. quam Medici curaturi solitis suis medicamentis nihil profecerunt: belluâ interim proboscide intra fauces adactâ apertè aliquid sibi in stomacho latere demonstrare videbatur: quod Medicus Europæus advertens brachio pariter in ejus fauces adactò, belluâ id haut illibenter permitte, tandem invenit arundinem in fundo stomachi radicatam in folia effloruisse, undè materiam prius catarcticis magnæ efficacis medicamentis præparatam tandem radicitus evulsam foliis virentibus conspicuam extraxit; belluamque pristinæ sanitati restituit.

Pancreas invenit *A. Moulinus* in descript. sui Elephanti valde longum, à medio stomachi ferè usque ad jejunum se extendens: in hac glandula reperit ductum tam amplum, ut absque violentia minimum comprehenderet digitum: in hoc ductu invenit succum, quendam non quidem limpidum, qualis communiter apparere solet, sed subo, scuri & viridis coloris, fluidum tamen nec adeò viscidum.

Omentum modo dictus Autor invenit valdè tenue cum duplici tamen membrana & interspersis vasis sanguineis, cum modicâ pinguedine. Venæ mesaraicæ erant valde crassæ, quarum nonnullæ æquabant venam majorem grandioris molossi, nullam vero glandulam in mesenterio se vidisse scribit.

Jecur suillo jecinori quoad figuram externam prorsus simile, ast bovinò quadruplò majus est *Arist. l. 2. H. A. c. 17. Vid. Plin. lib. 11. c. 37.* ἄρχολον esse epar, & vesicula felleâ carere Elephantum scribit Philosophus *l. 2. H. A. c. 15.* incisa tamen parte, quâ fel adharere aliàs solet, humor felleus effluit: itaque felle non caret,

caret, quamvis illud in abscondita capsula lateat. *Ælianum*, qui fel in pectore Elephanti collocat, à januâ aberrare, nec assensum mereri liquet. Jecur felle carens ex medio centro quoquô versus habebat pedem, atque eo plus ubi anguli sunt obtusi, crassum erat septem digitos, scribit *P. Gillius in descript. Elephanti p. 12.* Plinius non jecur, sed pulmonem ejus quadruplo majorem bubulô asserit.

Jecur grande observavit *A. Moulinus* locô citatô & glandulosum cum *Malpighio*, divisum in duos lobos, stomachum Elephanti circumdantes: an autem hic fuerit naturalis locus stomachi, vel in ipso incendio ustulari situs fuerit mutatus, aliis determinandum relinquit; membrana jecur vestiens flammis fuit elevata, quasi nunquam cum epate fuisset juncta vel superficialiter saltem connexa: ubi vero videbatur intimè cohærere, levi negotio sine laceratione separari potuit.

Sunt, qui vesiculam felleam, quæ in Elephantô exigua est, in epatis parenchymate absconditam esse statuunt: dantur etiam, qui illam omnino deesse, vel venulis quibusdam inclusam esse censent cum *Aristot. l. 4. de part. animal c. 2.* ubi de cervô, camelô, vitulô marinô, delphinô, equô, mulô, asinô, damâ, docetur, quod felle careant: quod tamen experientia refellit: nam ut saltem Cervi solius hæc mentionem faciam, unde quæso tanta in ipsius intestinis amarities, nisi à bile? quo fit, ut & canes ab illorum esu, nisi forte multâ obducta sint pinguedine, abhorreant. Deceptos arbitror fuisse Veterum nonnullos, qui dum in enarratis animalibus exiguam & vix notabilem felle vesiculam invenerunt, illa prorsus felle carere putarunt.

Rectius *Galenus* affirmat Elephantos habere *χολήδοxon* vesiculam, id quod procul dubio in Elephantô à se Romæ dissectô observavit: bile itaque non caret Elephas, quâ tamen non abundat: hanc bilis paucitatem esse causam longævitatæ in quadrupedibus statuit *Aristoteles analyt. post l. 2. c. 17.* cum in his sit sanguis dulcis & ab excrementis biliosis depuratus: in quibus verò sanguis justô biliosior est, ad febres aliosque morbos facillè viam sternit.

Bilem invenit *A. Moulinus l. c.* in fine primi intestini, quod in hoc animali improprie duodenum dici putat, quoniam sat longum fuerit: ubi etiam investigavit ductum communem ad jecur ad videndam vesiculam felleam: sed illam defuisse scribit: ejus locô invenit porum biliarium exire à jecore veluti ductum hepaticum: notavit etiam, quod bilis illic reperta differret colore & consistentiâ ab eâ, quam invenerat in ductu hepatico: hæc enim erat lucidè flava, & mucilaginosâ: illa verò obscurè viridis, & parum fluidior felle bubulô: quod

talis autem in felle animantium sit differentia, nullum est dubium: dabitque id eruditæ animæ in hujus rei causam ulterius inquirendi. Porro in sectione hepatis nihil peculiariter notandum invenit modò citatus Autor, nisi quod ipsius substantia apertè glandulosa fuerit, id quod etiam à *Malpighio* observatum.

Lien secundum *Aristotelem l. 2. H. A. c. 17.* proportionem ad tam vastum animal habitû non adeò magnus est, sed valdè exiguus: in eo tamen, quem cultro anatomico submissam vidit *Gillius*, quatuor pedes longus, & dodrantem latus fuit. Splenem *A. Moulinus* in suo Elephantô observavit quatuor latos ungues latum, longum verò aliquot pedes: fuit autem valdè glandulosus: id quod *Malpighius* etiam observavit libro de structurâ viscerum: cæterum nihil singulare in eo advertere licuit huic profectori.

Renes in lumbis exactè adaptatos modò dictus Autor vidit l. c. quorum figura erat ovalis: membranæ includebantur valdè forti, quæ cum illis nullibi connectebatur, nisi ad vasa emulgentia: hæc membranâ ablatâ quilibet ren inventus est consistere ex sex lobulis: cavitas, quæ communiter aliis in renibus reperitur, heic defuit.

Renes succenturiati fuerunt siri, ubi in aliis animalibus locati sunt, in quorum cavitate continebatur nigricans sanguis: hinc veteres illos vocarunt capsulas atrabilarias.

Ureteres in aliquot partes divisi non ampliores erant bovinis: quemadmodum etiam vesica urinaria ejusdem erat dimensionis cum vesica bubula, validioribus tamen & densioribus tunicis prædita.

Extra suillis proxima sunt, *Jonston. hist. nat. de quadruped. l. 1. c. 5. p. 32.* sed longè majora. Vid. *Aristot. H. A. c. 17.* ubi ait: Elephantô intestinum ita sinuosum (*συμφύσεις ἔχον*) ut alvos habere quatuor videatur: quod confirmat *P. Gillius* in descr. Elephanti p. 12. *A. Moulinus* in suo Elephantô invenit intestina tenuia non adeò crassa & grandia, sed valdè longa: cæcum stercore durô distentum: Colon monstroscè amplum, 15. pedes longum: valvulam coli reperire non potuit: intestinum rectum circiter 4. pedes longum: tota longitudo intestinorum erat xxv. ulnarum. Fibræ intestinorum, tam rectæ quam spirales, valdè erant spissæ, ut & venæ mesaraicæ: in mesenterio valde denso nullum adfuit pinguedinis vestigium, nulla notabilis glandula. Ex stercore, quod in Elephantô intestinis hospiratur, in arca Nohe porcum exortum esse blaterat stultissimus impostorum Mahomet, referente *Scaligero de subtil. exerc. 194.*

Ecce! vis seu fortitudo ejus in lumbis, & robur ejus in umbilico ventris ejus, inquit

DEUS ter. Opt. Max. ad Hiobum ex turbine cap. 40. quæ verba nonnulli ad singularem in procreatione sobolis potentiam secundum communem S. Scripturæ sensum, quo filii ex Patrum lumbis egressi dicuntur, extendunt: quemadmodum Hebr. 7. extat: adhuc in lumbis Patris erat: & *Gregor. M. exposit. moral. l. 32. in caput 40. Hiobi cap. 11.* ait: Seminaria coitus in lumbis esse perhibentur. Nicolaus Lyra eandem fovet sententiam, quod nempe in his verbis agatur de virtute Elephantum generativa: per fortitudinem igitur lumborum intelligit semen, quod in animalibus hinc defluit ad genitalia: illa verò verba: virtus illius in umbilico ventris ejus hunc habere sensum innuit, quod in coitu superponat umbilicum dorso famellæ, & ideo ibi habeat fortitudinem nervorum, ne lædatur ex concussione corporum tam magnorum. *L. Ofsander* aliter hunc locum explicat in Commentario inquit: maximum suum robur habet in lumbis & ventre, ita quidem, ut olim Prisci turres ligneas hujus animantis tergo imposuerint. Per verba hæc Potentia in lumbis ejus: *J. C. Dietericus antiq. bibl. p. m. 444* putat Hiobum innuere etiam eas partes, quæ in reliquis animalibus molles sunt, in Elephantum esse durissimas & fortissimas, adeo ut sicut mole, ita & lumborum robore reliquas superet.

Elephantus genitale equo simile habet, sed parvum, nec pro corporis magnitudine, ut vult *Arist. H. A. l. 2. c. 1. Hier. Cardanus verò l. 10. de subtil. p. m. 550.* scribit, masculum habere maximum membrum genitale, adeo, ut ferè terram attingat: falsum hoc Cardani assertum esse docuit me *Autoψia* in Elephantum mare Augustæ Vindelicorum Anno 1690. à me viso, in quo genitale parvum & tantæ corporis magnitudini non respondens conspexi. Penem execut *A. Moulinus* ex suo Elephantum cum suis appendicibus tam sollicitè, ut potuit, nullas tamen observavit vesiculas seminales præter cellulas in lateribus penis. Videatur Autor loco citatò. Vagina penis in orificio erat nimis dura & tam arctè clausa, ut digitum minimum vix admitteret, quamobrem sine sectione ad penem penetrare non possibile erat: penis videbatur exiguus in vaginâ, quâ apertâ & remotâ æquabat virgam equi nondum castrati.

Fæminæ omnes ex averso mingunt: siquidem genitale, ut cæteræ, inter femora habent, ut scribit *Aristoteles l. 2. H. A. c. 1.* Ad genua procumbit fæmina, cum mas supervenit. *Sperling. Zoolog. c. 4.* Genitalia habent non à posticò, ut vaccæ sub alvo, sed infernè, quo loco vaccæ sua habent ubera, id quod verosimiliorem reddit illum coeundi modum, quo fæmella supina masculum desuper admittere fertur. Alvi excrementa per

postica more aliorum quadrupedum, urinam vero inter crura posteriora deorsum effundunt: nam secundum *Aristotelem l. 2. H. A. c. 1.* fæminæ pudenda habent eo loco, quo sunt ovium ubera. Fluxum menstruum illas habere scribit *Walther Schultz in der Ost-Indianischen Reise-Beschreibung andern Buch fol. 199.*

Testiculi intus reconditi latent, nec foris conspicui, sed ad alvum annexi sunt: ea propter celerius coeunt: quod secundum *Aristotelem lib. 1. de gen. animalium c. 4.* illis animalibus proprium est, quæ testes intra se continent: quæ enim illos extra habent, non prius semen emittunt, quam retrahant testes. Testes intus continent ad alvum alligatos, scribit *P. Gillius in descript. Elephantum pag. 12.* Propter pondus sui corporis testes intus Elephantum habere putat *Albertus Magnus*, ut scilicet velociorem exercere possit coitum, tempore coitus tamen illos emittere. Ob cutis duritiem id contingere censet *Plinius*, cum ex eâ scrotum non potuerit fieri. Nervos testium ipsius in ramos abire, legimus apud Hiobum cap. 40. Ridiculus est *Job. Hugo à Linschoten*, quando parte 4. Ind. Or. cap. 2. scribit, Elephantum testiculos habere in capite & pone aures.

A. Moulinus in descript. Elephantum de testibus annotavit sequentia: Inveni testes, inquit, non quidem in scroto seu capsulâ contentos, sed in perinæo ex utràque penis parte strictè junctos: non erant autem usitatæ formæ aut molis, propemodum castaneis majoribus similes, in parte, quâ ad penem vergebant, densiores, quam in opposita, uniformes & rotundi, nec tanto animali proportionati: pondus eorum ad summum sese extendebat ad uncias quatuor: jungebantur peni multis tubulis seminalibus, ceu vasis deferentibus, semen elaboratum in variis cellulis continentibus: hæ cellulæ spermate turgebant, ut & tubuli, qui grandiores erant, & quantas in nullo alio animali vidi: hæc ex Anglico exemplari excerpta & latinitate donata sunt. Cum itaque testes absconditos habeat Elephas, scroto non indiguit: quibus enim testes in propatulo sunt, habent operimentum cutaneum, quod scrotum vocant: jam autem quibus natura cutis præ sua duritie obstat, ne mollis & ad completendum habilis sit, iis intus habeantur testes necesse est: eadem de causa Elephas & Erinaceus testes habent intus: cutis enim iis inepta ad habendam particulam, quâ operiat.

Semen Elephantum exsiccatum adeò indurari, ut electro simile evadat, *Ctesias* affirmat: quod tamen vix verisimile putamus.

Cauda Elephantum satis longa est, adeò ut à terra imum ejus ne palmò distet, sed fer-

mè absque pilis ullis. Vid. *Hieron. Cardan. de subtil. l. 10. p. 550.* Vartomannus caudam habere similem bubalis trium fortè dodrantum longitudine cum paucis in extremitate pilis. prodit: in cauda tamen nullum illis esse pro abigendo muscarum tædio præsidium *Plinius* statuit, quas cute cancellatâ & in rugas coarctata enecare solent: invenitur tamen in descriptione Guinæ, istiusmodi caudis mulieres ab idolis arcere muscas, quem in finem etiam Ceilonenses his utuntur, ut refert *Job. Jac. Saar in disc. de reb. Indicis cap. 4. p. 67.* Plinius Indos Smaragdos, quibus abundant, perforare, eosque Elephantorum setis religare scribit: has in summo apud Indos esse pretio, adeò ut una seta sive pilus pro tribus mancipiis interdum vendatur, ex *Aug. Cassiodoro* constat: hic refert in *descriptione Regni Congo p. m. 24.* dari in Regione Bamba quosdam incolas, qui Elephantum in angustâ via ambulanti adoriri, eique caudam extremam cum nigerrimis iisque splendentibus pilis præscindere audent: sic enim Elephantum ob vastam corporis molem se infidiatori suo non obvertere nec se defendere posse norunt: contingere autem interdum, ut hi pilorum prædatores à bestia correpti ob hanc temeritatem vitæ iacturam patiantur.

Ætate provectiores Elephanti optimis pilis in caudâ gaudent: solis Nobilibus his uti concessum: crassitie æquant juncum vel filum crassius, quod à robusto Virò ægrè & vix sine manuum læsione discerpi potest: itaque quò Seniores sunt Elephanti, eò pretiosiores æstimantur eorum pili. De his pilis *Franciscus Redi in experimentis naturalibus p. m. 114.* habet sequentia: Elephanti in exigua suâ caudâ nigros aliquot pilos, vel ut melius dicam, setas nigras transparentes, quasi osseas, sed flexiles obtinent, quod si inter has nigras setas reperiatur alba, in magno apud Indos Orientales pretio est, maximè verò in Imperio Siam, & in Insula Ceylon, ubi cum nonnunquam Elephanti alibi inveniantur, major quoque setarum illarum copia est, quibus populi illi utuntur contra furditatem, frustulum illarum instar terundæ in aures immittendo: præterea credunt, eum, qui armillam ex his setis factam brachio gerit, ab omni impofterum vertigine, aëris marini infectione & peste immunem esse. Sed addit hic Autor, se novisse quosdam diu hoc medicamento usos, qui auditum non recuperaverint. *Philippus Pigafetta* affirmat, in magnò hos pilos esse pretio apud Africanos non ob aliam causam, quam ut ornatui Virorum sceminarumque inserviant.

Cardanus l. 20. de subtil. caudam fermè pilis destitutam esse, & rarissimè fieri scribit, ut unus aut alter inde colligatur. *Cadamustus*

sefe pilos nigricantes & duorum ferè palmorum mensuram excedentes extraxisse testatur: in extremitate caudæ paucos pilos observavit. *D. Casp. Hornius in descript. Elephant. p. 35.* Itaque Elephas caudâ non æquè uti potest, ut equi, boves & alia bruta.

Arrigi caudam sicut Cedrum ex *Hiob. cap. 40.* liquet, quod *L. Oslander.* ita explicat: ipsius cauda tam longa atque recta est, ut possis illam arbori Cedro erectæ comparare: in illâ tamen nullum habet præsidium, sed nihilominus à muscis valdoperè exagitur. Vid. *W. Frantzii histor. an. part. 1. cap. 4.*

Caudæ crassitudo juxta radicem dodrantalis, in medio septem digitorum est: extremitas crassa est quatuor digitos: setas habet tres digitos longas, secundum *Petr. Gillium in descr. Eleph. p. m. 19.*

A. Moulinus in suo Elephantò paucos invenit pilos, sed notabiliter rigidos & ferè porcorum setis spissiores, nigros, juxta radices, viscidò quòdam rore pro suo nutrimento obductos: observavit præterea glandulas miliares, ipsius judicio à sanguinis massa materiam aliquam excrementitiam nutritioni pilorum aptam probabiliter separantes: alioquin cutem pilosam aliorum brutorum more non habent Elephanti: non eoim opus erat, ut ingens hoc animal in calidissimis Indiæ & Africæ locis nasciturum & victurum contra frigus pilis tegetetur: quos si haberet, facile propter affricum, ad quem ob cutis pruritus valdè proclivis est, perderet. Numerum veterarum caudæ numerare non potuit *Moulinus* loco citato, igne enim erant maximam partem absumptæ.

Habent quadrupedes, quæ animal generant, omnes vice brachiorum crura priora: sed præcipue quæ multifida sunt: hæ manibus suò digitato pede respondent: hoc enim ad plura quasi manu utuntur: partem enim lavam minus quam homo absolutam habent & agilem excepto Elephantò, ut scribit *Aristoteles H. A. l. 2. c. 1.* Crura habet Elephas teretia supra & infra ferè æqualia, crassa & robusta ad columnarum modum, atque in his juncturas ab aliorum animalium juncturis diversas, videlicet talo propiores: hinc fit, ut in genua procumbentes vix humiliores fieri videantur: crura anteriora posterioribus longiora sunt, majora atque validiora: Hinc *Oppianus*:

Non eadem est mensura pedum, quippe anteriores

Altius exsurgunt paulò quam posteriores.

Singulorum crurum pellem in medio crure latam duos pedes scribit *Petrus Gillius.* Crura ejus æquali supra & infra sunt crassamento secundum Vartomannum. Magna sunt, & ex æquo ferè supra infraque crassa columnarum instar, ait *Albertus Magnus*: articuli

articuli crurum tam sublimes non sunt, ut aliorum animalium, sed humiliores terram versus secundum *Vartomannum l.c.* Pedes priores majores, cujus rei causam reddit *Albertus M. l. 2. tr. 1. c. 1. de animal.*

Genua Elephantos non posse flectere Ambrosius putat, quia secundum ejus opinionem rigidiorum crurum usu opus fuit, quibus velut columnis tanta posset membrorum moles fulciri: calcaneum modò leviter eos inflectere credit, rigere cetera pedum à summò ad imum. *V. Cælius l. 4. 12.* unde & credo, inquit *Vossius*, hæc bellua Ægyptiis, (quod est apud *Orum Hieroglyph. l. 2. c. 86.*) Symbolum erat Regis: nam Rex supplicat nemini. *I. B. Tavernier* in itinerario Persico scribit: Persarum Regem ab Elephantis, anteriores pedes prorsum, posteriores retrò, quantum poterant, porrigendo salutatum se vidisse, idque nonnullos pro genu flexione habuisse. Flexuras enim & juncturas habent Elephantii poplites contra Veterum sententiam, quod astringit *Aristot. l. 2. H. A. c. 1.* scribens: Viviparis inter animalia quadrupedia flectuntur priora crura antrorsum, posteriora verò retrorsum: & habent flexurarum cavitates ad se mutuo conversas: Elephas autem non ita, sicut aliqui dicunt: flectit autem posteriora crura sicut homo.

Crura is magna sunt & fortia, neque (ut quidam imperiti existimant,) unò tantum osse indivisa constant, sed genua flectunt more aliorum quadrupedum: eapropter Elephantii, (ut refert *Aloysius Cadamustus*, qui cum classe in Æthiopiam & Regionem Calicut navigavit,) ut eos, qui insidere volunt, suscipiant, genua submitunt, seque erigunt deinde. Vid. *A. Matthiolus comment. in Dioscorid. l. 2. c. 50. pag. 216.*

Quis Strabonem ceterosque non rideret, inquit *P. Gillius*, scribentes, Elephantorum venatores notare arbores, quibus Elephantii accumbere solent, atque ex altera parte truncum rescindere, cui bestia inhæserit, eamque pariter cum arbore rucere: cumque resurgere nequeat, propterea quod crura continuum & inflexum os habeant, ex arboribus desilientes illam obtruncare: quod commentitium deprehendi: nam etiamsi solo dorso ad terram adnitens quatuor pedibus erectis supinus constitueretur, tamen nullius auxiliò se facile invertibat atque erigebat: id quod etiam Anno 1689. Augustæ Vindelicorum in Elephantio mare quinque annorum vidimus, qui supinus in terrâ pedibus sursum versis jacens facili negotio resurgebat.

Os cruris anterioris in femore longum duos pedes, cujus medium habet perimetrum dodrantalem: ejusdem pars attingens genu, habet diametrum pedis & quindecim

digitorum: ejusdem cruris os tibiæ est longum pedem atque dodrantem, cujus pars, quæ annectitur juncturæ, ad quam alligatur pes, habet perimetrum pedis & quatuordecim digitorum: cujus medium habet ambitum quindecim digitorum. Os cruris posterioris femorale longum duos pedes & decem digitos: ejus medium habet perimetrum dodrantalem: hujus ossis pars attingens juncturam, quæ alligatur ad tibiæ, est perimetri pedalis, & tredecim digitorum. Tibiæ os est duplex vel potius unum, partim ita conjunctum, ut in suis duobus capitibus sit idem: deinde divisum ab uno capite ad caput alterum in duo ossa inter se distantia duos digitos, quorum unum magnum, alterum parvum: magni quidem perimenter in medio est dodrantalis: parvi verò sesquidigitalis.

Ossa ejus sunt viribus chalybeis, baculo arreo seu ferreo vecti similes *Hiob. c. 40.* Quoniam corporis magnitudo vasta pondusque ingens est, ideo sustinendi tantummodo gratiæ pedes habet priores, nec ad ullum alium usum utiles propter tarditatem flectendi atque ineptiam. Vid. *Aristotel. l. 2. de part. an. c. 16.*

Petrus Gassendus in vita *Peireskii lib. 4. p. m. 156.* de Peireskio refert, quod depingi Elephantum triplici facie curaverit, ac recubantem potissimum, ut commissuræ melius paterent, quæ inter pedem & tibiæ, tibiæque & femur, ad convincendum errorem, qui auctoritate Strabonis aliorumque invaluerat de inflexibilitate crurum fabulisque superstructis. Adjicere autem solebat, cum hæc deinceps memoraret, minimè potuisse antiquos articulationem latere, quod in quibusdam vulgò vocatis Metallionibus expressissent Elephantem funambulū, insigni quādam utique non mobilitate modo, sed & flexibilitate crurum.

Inflectit Elephas genua seu posteriores poplites secundum *Aristotel. H. A. l. 2. c. 1.* & *Plinium l. 11. c. 45.* sicut alia animalia & sicut homo, quamvis aliquantò tardius: eapropter illi totò cœlò errant, qui ex mente quorundam Veterum sibi persuadent, Elephantos habere crura sine juncturis, & semel in terram prolapsos resurgere non posse: huic enim opinioni refragatur non solum *Aristoteles lib. de animal. iness. c. 9.* ubi expresse scribit, quod antiquus hic de Elephantis sermo haut quaquam sit verus: sed & *Plinius, Ælianus* alique Autores, ut & ipsa experientia & *Avrophiæ*. Dulcis hæc est phantasia, inquit *Johann. Sperling in Zoolog. l. 2. c. 4.* quam visus refellit, cum Elephas nunc flectat nunc erigat crura, & genibus submissis fiat supplex: sæpè in pulvere & arenâ volutati confestim subiliunt atque se erigunt. Vid. *Happel. Rel.*

Cur. part. 2. pag. 736. & Petri della Valle Itinerar. l. 2.

Similiter & hoc abludit à verò, quod dormientes non decumbant humi, sed ad arbores se reclinant, cui expresse contradicit *Aristoteles H. A. l. 2. c. 1.* inquit: Elephas non ut aliqui retulerunt, agit, sed considendo crura inflectit: nequit tamen præ nimio pondere utrumque in latus æquilibriò quòdam vergere, sed aut lævo incubat aut dextro, atque cò ipso habitu requiescit: flectit hic certè suos posteriores poplites more hominis: in his secundum *Plinium* sunt articuli breves, quos si non flecteret, commode progredi non posset. In solo Elephantò flexura est seu articulatio in medio tibiæ, teste *Bontio*, præter alias communes, ut scribit *Bartholinus l. 4. de Ossibus p. m. 572.* interdum tamen ad arborem reclinatus dormit, non autem hanc ob causam, quod juncturis careat, sed ideò somnum crectò corpore capit, quia ei esset operosum decumbere, simul & deinde grave à cubitu resurgere, ut scribit *Ælianus l. 4. c. 31.*

Nonnulli tamen statuunt, Elephantos, postquam juventam excefferint, crura tibiæque non amplius flectere posse: propterea dormientes non recumbere, sed fessos se magnis arboribus applicare, eas tum succidere maximam partem Venatores, ut sic belluæ his innixæ facilius cadant & capiantur: sed falsum hoc esse, rerum Magistra docet experientia. Pori Regis Indorum Elephas Regem vulneratum descendere animadvertens se ipsum inclinavit, & flexis genibus mansit, ne fortè graviore casu Porus affligeretur: sic *Plinius de Elephantò* in circo pugnante l. 8. c. 7. refert, quod pedibus confossis reperit genibus in catervas: sic apud *Oforium l. 9.* legimus, Elephantum Leonis decimo An. 1514. missum, Pontificem è fenestra spectantem ter genibus flexis & demisso corpore venerabundum salutasse.

Malleolos posterioribus imis cruribus, teste *Aristotele H. A. l. 2. c. 1.* possident: sed de crurum flexu aliter alii tradunt: alii enim crura sine nodis articulisque habere, ossa solida & inarticulata, ideò crura tibiæque flectere non posse, & si cadant, nec surgere credunt: alii, ut *Plinius, H. N. l. 8. à cap. 1. ad 12.* in posterioribus articulos breves obtinere, & poplites intus hominis modo flectere prodidè, id quod experientia docuit. Vid. *Jonston l. c.* Elephantos crura sine nodis articulisque habere vanum esse asserit *Gillius*: imò putat, eos habere flexiones, ut alias bestias, cum pro lubitu crura flectant atque erigant: in imâ enim propemodum cruris parte junctiones & flexus habent. Idem *Gillius* de suo quadrimo Elephantò narrat, quod sæpe resupinus cruribus instar canum hinc inde motis luserit, & sine difficultate ulla pro lubitu resurrexerit, quod

utique sine articulis præstare nullus potuisset: & tum apertè vidi, inquit, quam mendaces sint illi, qui tradunt, Elephantorum crura carere articulis & juncturis, cum singula duas juncturas habeant, unam supra pedem, quâ pes annectitur ossi tibiæ, inter quam & pedem multiplex junctura multis ossibus compingitur, latis aliis super alia structis: post hanc junctura structuram sequebatur os tibiæ: deinde secunda junctura genuum & poplitum, supra quam os femoris: denique omnia ejus ossa eburnea, & tam candida, quam ipsius cornua vulgò dentes, quæ periti dicebant esse comoda ad ea, quæ ebore illustrari solent.

Ex Alcorano constat, de Elephantò fabulari priscos Arabes, annò quò natus est Mahomet, Regem Abyssinorum Abraheth venisse Mecham, ut Mechanum templum excinderet, & peregrinos, qui illud quotannis visitabant, ad aliud Templum invitaret à se exstructum in urbe Sanaâ & ruinis Palatii Belkis Regina Sabæorum, quæ R. Salomonem inviserat: cum autem tribus parasangis à Mechâ abesset vectus Elephantò, (qui Machmud vocabatur,) Prophetam quendam Naphil nomine Elephantò sequentia verba in aurem insusutrasse: Flecte genu, ô Machmud, aut rectâ viâ revertere: tu enim es in Regione Mechenfi DEO devotâ: tum verò Elephantum genu flexisse, nec pergere voluisse, quamvis virgâ ferreâ ad sanguinem usque caderetur: sed capite in Jeman, id est, intimam Arabiam, unde venerat, obverso, non solum surrexisse, sed & expedite ivisse: quâ de re vide plura differentem *S. Bochartum in Hierozoic. l. 2. cap. 26.*

Qui itaque Elephantò cruris flexuram adiungunt, eâdem operâ illum immobilem esse statuunt: verissimè enim *Philosophus librò de incessu animalium cap. 9.* inquit: si flexus non sit, neque erit incessus, neque volatus, neque natatio. Quia articulos crurum non tam sublimes habent, ut alia animalia, sed humiliores terram versus, ideò insidendi insuetis nauseam commovet: quod tamen de provectioribus intelligi debet: siquidem *Vartomannò & Gillio* attestantibus ex adolescentium molli gradu sessor tantopere delectatur, ac si mulâ gradaria veheretur: gradatim ambulant propter corporis gravitatem: neminem tamen ajunt tantæ esse pernecitatis, quem suo incessu non assequantur.

Grandiores etiam Elephanti adeo molliter incedunt, ut velut navigantibus per mare, his, qui non assueti insederint, aut in ligneis effedis vehuntur, nausea commoveatur propter corporis magnitudinem. Vid. *Cardan. l. c.* quem hóc nomine perstringit more solitò *J. C. Scalliger exerc. 204.* inquit: se nescire, quid sit molliter: aut forte Cardanum ironicè loqui: tam molliter autem incedit, ut sessor quasi immobilis

mobilis esse videatur: non solum Rectorem ascendere tentantem crure flexo incurvatôque in gradum excipit, sed alios quoque assidere volentes à tergô Rectoris: primum ascendentem crure priore erecto excipit, reliquos crure posteriore similiter erecto: ita enim crus inclinat, ut illud flectat, tibiamque in gradum dispositam etiam diu suspensam teneat, si quis cunctatur in ascensu: neque modò, si Rector jusserit, latere inclinatio & genu flexo excipit ascensorem, sed etiam totum latus inclinat, & simul ad terram abjicit ejusdem lateris tibiam priorem & posteriorem, ut facilius, quem Rector voluerit, suscipiat. Non etiam semper lentò gradu progreditur, sed ubi opus est, satis velociter se movet, atque adèò subsultat, ut Spectatori non levem terrorem incutiat, præsertim quando in rabiem agitur, quod interdum contingere solet.

Memorable est quod curiosi Naturæ indagatores de Elephanto scribunt, illum, quo magis oneratus est, eo firmitus incedere, si v. gr. 20. Viros cum armis & instrumentis bellicis in tergo portet, firmitus incedit, quam si decem gesserit, cujus rei rationem reddit Poëta:

*Cum leve gestat onus, illud non sentit, &
inde*

Segnius incedit: - - - -

ubi autem majori est gravatus onere robori suo conveniente, vires omnes exserit: non secus, ac videmus strenuos viros eò magis virtutem suam exserere, quò plures eos circumstant res adversæ. Vid. *Alsted. Encyclopæd. l. 7. Phys. part. 6. cap. 5.*

Pedes ejusdem cum equinis sunt rotunditatis, sed multo ampliores, in forma orbis majoris mensarii, disci instar rotundi, duos tresque palmos lati, & in quinque ungues divisi, ut planta quaquaversum ad binos dodrantes accedat. Vattomannus pariter pedis rotunditatem orbi mensario assimilat: ex callo nigerrimo & amplissimo constant cum ungulis quinque rotundis, mediocrium concharum magnitudine, ut scribit *Matthiolus in comment. in lib. 2. Dioscor. cap. 50. p. 216. P. à S. T.* scribit in *Itinerar. Orient.* illis in pedibus esse induram carnem, beneficio cujus suaviter currere, fessoresque suos sine succussione portare possint: ut facilius illi ascendant, porrigunt incurvatum pedem, quo tanquam scabello utuntur: incedunt promptè & alacriter, etiam sine duce, nullis constricti habemis & prorsus liberi, magistrosque suos præeuntes sponte sequuntur. Pedes in quinque digitos intus deducti sunt, planta pedis firma & densa solidiore ungulâ munita, ut scribit *J. B. du Hamel Histor. Reg. Societ. Academia lib. 2. f. 9. cap. 1.*

Ex Elephanti vestigio totius corporis vasti-

tatem conjectare licet: observatum enim est, cujus linea dimetiens esset palmorum trium & pollicis, inquit *J. C. Scaliger exerc. 204.* Vestigia maximorum Elephantorum in diametro quatuor spithamas, quæ duos pedes & octo digitos faciunt, excedere, scribit Philippus Pigafetta, in descriptione Africani Regni Congensis. In Elephanto quodam Antverpiæ viso calcis sive plantæ imæ diameter fuit pes unus & fermè digiti duo.

In extremo pede ungulæ quinque visuntur, & planta multipliciter scissa, ne scilicet altius pedes imprimat, si quando in humido solo fortè constiterit. Plantæ pedis in Elephanto *A. Moulini* erant planæ seu substantia instar cornu, ut aliorum quadrupedum, sed cute, sicut camelus: valdè informes & indistincti sunt pedes, ungulis magis quam unguibus præmuniti, in extremitate totidem grandium digitorum, sed valde brevium. Elephanti non bifurcos, non solidos pedes habent, sed digitatos: & quoniam magnitudo corporis vasta pondusque ingens est, ideo sustinendi tantummodò gratiâ pedes habent priores, nec ad ullum alium usum utiles, propter tarditatem flectendi atque ineptiam.

Quamvis autem Elephas sit πολυδάκτυλος, non tamen ut simiæ vel alia digitata animalia suis digitis ad apprehendendum utitur, aut illos ori admovet, sed iis saltem ad sustentandam ingentis sui corporis molem pro crurum adminiculo utitur. Elephas animal multiforme est secundum *Aristotelem l. 4. de gen. an. c. 4. l. 2. de part. an. c. 16.* Digiti ejus indivisi ac leviter formati, nec ungues omnino sunt, sed ungulis similes. Vid. *Ælianum l. 4. c. 31.* qui putat, eapropter hoc animal minimè esse ad natandum habile. Natura hos conjunxit, ut pes validior esset. *Jonstonus in hist. nat. de quadrupedibus l. 1. c. 5.* Elephanto inter μονόχυλα locum concedit: cisi enim ungula ejus in digitos videatur efformari, quia tamen sunt indivisi, dubitat, an & quomodo à solidipedibus excludi possit.

De Elephanto quadrimo *Gillius* in descript. Eleph. c. 4. ita scribit: Planta pedis prioris rotunda, quaquaversus habens diametrum pedis unius: at posterioris longa pedem & digitum: lata undecim digitos: in singulis pedibus anterioribus habet quinque ungulas inter se leviter discretas, sed non eminentes extra rotundam pedis formam, & in parte anteriore callus est loco ungulæ quintæ: planta omnium pedum æqualis est ungulis, callosa non perpetuo callo, sed divisa fissuris: tenera est, & spinis penetrabilis: ungularum singularum infera pars plana æqualisque est planitie plantæ, lata tres digitos, longa quinque digitos: ungula alta tres digitos. Ungulæ sunt ei datæ partim contra asperum iter, nam cum planta

ut te-

sit tenera, pes admittitur ad terram unguiculis: partim ad radices extirpandas: pede enim herbas radicitus evellit, eò pedis impetu utens, quo Agricola ligonibus extirpat frutices. Pedes Elephanti prosternunt acies, proterunt armatos: in rabiem interdum acti obvium quemque conculcant.

Ut omnibus animalibus secundum *Plinium l. 10. c. 38.* sic etiam Elephantò certus incessus est: progreditur autem ut plurimum molliter, at ubi opus est, velociter etiam movetur & currit: passu gradariò tantum conficit, quantum festinantes equi, ait *Gillius l. c.* Juniores Elephanti totum incedunt, ut equi totarii & muli nonnulli, non sine sessorum delectatione, cum tanta etiam celeritate, ut homo currens illos gradatim & pederentim saltem ambulantes vix assequi possit. Quam exiles tennesque sunt particulæ illæ spirituosæ, exclamat Clarissimus *Job. Major. Oper. Med. Phys. c. 10. p. 153.* quæ ingentem Elephanti machinam in motus plane stupendos concitant? Et quid demum de particulis insectorum minimis dicendum est? Etenim cum tota earum moles tantum se instar puncti habet, quam minutæ erunt partes illæ, quæ nec millesimæ totius existimandæ sunt? & utique affirmare ausus sum, hujusmodi motus naturales particularum ultra captum humanum minutarum ope perfici: quippe naturæ familiare est, maxima quæque minimorum ope perficere. Sic ἐλαχίστων ζῶων φύλλῳ ἀλματι μέγιστον Ἐλέφαντα νικᾷ: id est, minimum animal pulex saltu maximum superat Elephantum. Hæc ὡς ἐν παράδειγ.

In motu alacritatem ostendit vastissimum animal: incedunt sæpè gregatim, ordinique excellissimus præst: reliquos in medio collocant, ut agmen claudant paulò majores. Membrorum motus varius est, unde in theatris partes suas optime agunt. In fugam quando se proripiunt, dispeffis auribus currunt, quas ut nautæ vela, vel quemadmodum Struthio cameli alas extendunt: inter currendum proboscidem contractam sub cornibus quasi abdundunt, ne si nimis propendeat, illis remoram injiciat, & sic cum magno impetu feruntur per sylvas, præsertim quando venatores illos persequuntur, ubi quosvis arborum obvios ramos ab illis confringi contingit, per quos tam prompte, ut cervi leves per sarā penetrare possunt. Vid. *Ælian. l. 7. c. 6. & 41. & lib. 9. cap. 8.* Passibus incedunt longis, adeò ut etiam gradatim ambulantes hominem currentem assequi possint: tam molliter autem incedunt secundum Cardanum, ut non secus ac mare, iis qui non assueti infederint, nauseam commoveant, & sessor ferè immobilis videatur, raro aliquis tantā est velocitate, quem non vel suò tardò gradu assequantur, inquit *Gillius l. c.* Id efficit vasti animalis moles: quandoquidem

sui gressus longitudine humanam omnem pernicitatem evincat, ut scribit *A. Matthiolus* loco supra citato.

An natare possint Elephanti, ab Autoribus controvertitur: quod aliquando natare discant, affirmat Strabo, quod verisimile esse inde apparet, quod amnes impense ament, & libenter juxta fluvios & paludes versentur. *Aristoteles* non simpliciter negat illos ad natandum habiles esse, sed aliquā ex parte concedit: *Livius* verò & alii Historiographi referunt, illos aliquando profunda trajecisse flumina. Sic refert de Hannibale fluvium Rhodanum trajecturos, non autem tum temporis instructo pontibus navalibus, per quos transirent Elephanti, quod imperaverit bestiarum Rectonibus, ut illos ad transnatandum vi compellerent: quod cum frustra tentatum esset, jussisse tandem Hannibalem, ut miles quidam natandi peritus unum ex ferocioribus Elephantis juxta aurem leviter vulneraret, atque hoc facto confestim in fluvium se conjiceret: hæc injuriā irritatus Elephas vindictæ cupidus adversarium jam in fluvio natantem statim insecutus est, quem sequentes reliqui hoc stratagemate feliciter transfretarunt.

Sic scribit *H. Decimator Sylv. p. 2.* quod Elephanti, quos India alit, amplissimi Indiæ fluvii Gangis latitudinem natando superare possint: hic fluvius autem, qui vulgo Phison dicitur, & in quem 19. amnes influunt, quando intra suum alveum coercetur & minimus est, latitudine ab 8000. usque ad 20000. passus se extendit, ubi modicus est, stadia habet 100. Vid. *Plin. l. 5. H. N. Q. Curt. l. 8. Happel Rel. Cur. p. 2. p. 736.*

Gregorius M. in præfat. Moral. in Job., Sacram Scripturam comparat fluvio pleno & alto, in quo & Agnus ambulet & Elephas nater. Quomodo verò nater Elephas, autores non dilucidè tradunt: plures scribunt, quod aquam ægrè ingrediatur, cum propter magnitudinem corporis natare non possit: alii referunt, quod flumina intret, ubi immersus & invisibilis factus proboscide super aquas erecta in fundo alvei ad oppositum litus ambulet. Contra *Ælian. l. 4. c. 31. & lib. 7. c. 13.* natandi peritiam grandioribus Elephantis denegat, junioribus verò concedit, quando inquit: cum flumen trajiciendum est, natu minores primò ingressi aquam natando trajiciunt: grandiores verò pedibus innixi transeunt, & fluctibus obruuntur, duntaxat promuscidibus, quibus respirant, extra aquam eminentes, id quod ex Aristotele supra, ubi de proboscide actum est, notavimus: raro scilicet Elephanti ingrediuntur fluvium tam profundum, qui suā profunditate illos ad natandum cogat, ut scribit *D. Casp. Horn. in discursu de Elephantò cap. 4.* Aquas transitori proboscide gestant parvulos, ne sibi relict

relicti suffocentur. *W. Franz. hist. an. p. 1. c. 4.* scribit illos non posse natare, naves autem vehementer amare: unde Erasmus Roterdamus hanc similitudinem mutuatur: quem admodum, inquit, Elephantum, cum natare propter magnitudinem corporis non possint, navibus tamen impense delectantur, & circa illas versari gaudent: ita plurimi, cum ipsi literas nesciant, inter eruditos tamen libenter, & cum summâ voluptate versantur; unde hæc fuit admonitio, ne propter ignorantiam prorsus abiciamus vel contemnamus bonarum rerum studia, sed ea in aliis amemus & admirari discamus, ne audiamus illud: *Arts non habet osorem, nisi ignorantem.*

Si pedes Elephantum accuratè inspiciantur, videntur illi ad natandum non satis esse idonei, siquidem sunt indivisi, leviterque discreti: hinc *Lipsius epist. 59. cent. 1.* illos natandi inscios esse arbitratur: quod confirmat *Illustris quondam & celeberrimus Vir Jobus Ludolphus*, *vũv èv áγίοις*, in suo commentario *ἀνενδότω* ad lib. 1. c. 10. v. 18. *Hist. Æthiop. comment. 77.* inquit: à paucis, quod sciam, notatum, quod Elephas instar amphibii flumina permeet: cum enim ob corporis molem natare non possit, sub aquis in profundo tendit ad fluvii ripam, procul dubio tamen proboscide super undas exertâ respirans. Viam regiam pedibus suis Elephantos efficere, eamque ceu minus impeditam iter facientes libenter sequi, ex Gregorii relatione refert idem in suâ historiâ *Æthiopicâ* locò citato.

Ut in omnibus rebus, ita etiam inter Elephantos maxima differentia est: Sexus discrimen quod attinet, fecit DEUS ab initio, ut in reliquorum animantium, sic etiam in Elephantorum creatione marem & foeminam, & vidit DEUS, id esse bonum, *Genes. 1.* In perfectissimis animalibus mas & foemina distinctè habentur, inquit *Aristoteles l. 4. de gener. animal. c. 1. & lib. 4. H. A. c. 11.* dicit: in quadrupedibus omnibus alterum mas, alterum foemina est: quod tamen de Rhinocerote negat *Oppianus*, de illo ita canens:

Omnes suntque mares, (mirabile) fœmina nunquam

*Visa fuit, quæ res nos ignorare fateri
Cogit, quæ veniant aut producantur in oris,*

Petra feratne aliqua hoc nobis genus existiosum:

An vomat internò conceptum semine tellus,

Anne ipsi se ineundo mares, (ô monstra ferarum)

Progenerent, omni sine amore & compare fiant:

Denique an haut ullò crescant pariente: fatemur,

Nullat nos aut scire aus posse ostendere causas.

Nollem tamen subscribere *Oppiano*, more Poëtarum hæc forte ludenti: nam animal perfectum, quale Rhinoceros, & quod tanti roboris est, ut & sæpè ipsum Elephantum, cum quò capitales gerit inimicitias, prosterнат atque vincat, æquivocè generari impossibile est: quod vix credibile videtur, donec de ipsius æquivocâ generatione certiora proferantur, quod vix sperandum. Multa nos latent, quæ propterea neganda non sunt. Fateri equidem cogimur, pauca de Rhinocerotis generatione tradi ab Autoribus, qui sicco pede hanc prætereunt: quam tamen more aliorum animalium perfectorum univocè fieri nullum dubium est. Sic refert *Jacobus Bontius*, quendam urbis Bataviæ in Insula Java Secretarium, nomine *Dietericum Jemming*, cum duobus sociis in proximâ sylva Rhinocerotem foeminam cum catulis vidisse. Vid. *Happel. Rel. Cur. part 2 p. 745.*

Non tamen imus inficias, in quibusdam animalibus utrumque sexum deesse, quod *Aristoteles* etiam *l. 1. H. A. c. 3. & lib. 4 c. 11.* docet: Hinc pulchrè *Oppianus*:

*Si certè crudi nascuntur in aquore Ponti
Ostrea, quæ ex sese sine matre & sanguine fiunt,*

Imbellesque Apua & Cochlearum nexilis Ordo,

Et quæis testa ambit corpus munitque tennellum.

Aut quæ littoreis vivunt conchilia arenis.

In genere insectorum & piscium sunt, quæ omninò sexûs hoc discrimen alterutram in partem non habent: sic anguilla neque mas neque foemina est, neque prolem ex se aliquam potest procreare: sed qui eam capillamentis & lumbricis quædam similia interdum annexa sibi gerentem vidisse ajunt, inconsideratè id asserunt, antequam advertant, quâ parte illa gerantur: neque enim aliquid ejusmodi est, quod animal creet, nisi prius generarit ovum, quod in nulla anguilla visum est. Vid. *Aristot. l. c.* Sed hæc inciderent.

Elephas mas ut corporis quantitate, sic & ætate superat foeminam: præterea longè facilius cicuratur & mansuescit, quam foemina, quæ secundum *H. Cardanum lib. 10. de subtil. p. 552.* iracundior, laxior & robustior est masculo, licet corpore minor: hæc quamvis fuerit jam mansuefacta, facilè tamen pristinam induit ferociam, & homini multò infestior est, quam masculus, præsertim quando catulum habet, quò tempore animosior est, quam mas, qui ignem cane pejus & angue fugit, quem foemina tunc non timet: extra hunc casum verò foeminas multò pavidiore esse maribus scribit *Plinius l. 8. c. 8.* *Vartomannus* foeminam mare multò robustiorem & alacriorem, & in hoc genere planè virilem

rilem esse scribit : *Gillius* ad uestiones onerum fortiores esse fœminas existimat : Mas tamen præliis aptior est.

Duo illorum genera sunt, inquit *Solinus* cap. 38. Nobiliores indicat magnitudo, minores nothos dicunt : candore cornuum (vulgò dentium) intelligitur juventa, quorum alterum semper in ministerio est, alteri par-citur, ne hebetatum assiduo percussu minus vigeat, si fortè fuerit dimicandum ; cum venatu premuntur, pariter confringunt utrumque, ut ebore damnato non requirantur : hanc enim sibi causam periculi præsentiant.

Differunt inter se Elephantēs mirum in modum robore atque animo : sunt apud Indos in usu rei bellicæ non solum mares, verum etiam fœminæ, quæ tamen pauciores sunt, & secundum *Aristotelem* l. 9. *H. A. c. 1.* aliquantò timidiore, ubi pluribus docet, fœminas omnes minus quam mares esse animosas, sed malitiosiores, astutiores, insidiosiores atque in nutrienda prole magis sollicitas, mares con-

tra animosiores esse, ferociore, simpliciore, minusque insidiosos.

Fœminas Elephantorum nullis armari cornibus supra dictum est : id quod oculati testes plurimi affirmant : de quo vid. *Happel. Rel. Cur. part. 2. p. 743.* *J. C. Scaliger* tamen illis valdè brevia esse scribit de *subtil. exerc. 204.* Hic naturæ lusus est, illi ferè similis, qui in porcis sylvestribus videtur, quorum fœminæ etiam dentes exsertos, sed longè minores habent : Natura tamen luxurians secundum *Ælianum* interdum illis etiam ejusmodi arma indulget, quemadmodum cervas cornutas Cæsar Maximilianus cepit, referente *Jonstano*, quod etiam *Scaliger* observavit : ejusmodi cornigeram Cervam æri incisam reperire licet in *Ephemer. Acad. Natur. Curios. l. 9. obs. 88.* in agro Hufumensi Anno 1597. d. 18. Augusti captam, in atrio Ducali Hufumensi ad vivum depictam, & in atrio Gottorpiensi, quod viride appellatur, gypso affabrè efformatam, de quo elegantissima Clarissimi Viri *D. G. Morhofii* Elegia ibidem legi & evolvi potest.

SECTIO II.

DESCRIPTIO ANATOMICA SCELETI ELEPHANTINI

Ex Actis Eruditorum Lipsiensium Mens. Dec.

A. 1684. & Mens. Jan. 1697.

QUum multa adhuc in Anatomia desiderentur, hinc defectum in *Zootomia Democritea Severini & Anatomia Animalium G. Blasii* quodammodo suppleturus Elephantis Dublini casu incendii perempti historiam anatomicam, in literis ad Dn. Guilielmum Petty, tradidit A. *Moulinus*, Collegii Trinitatis, prope Dublinum, Medicus, in qua earum partium, quæ flammam effugerunt, descriptionem præmittit & abhinc quibusdam ad Elephantis Osteologiam pertinentibus finit simulque figuris integram ossium compagem, item proboscidem, linguam, colon, penem ac cranium (in quò cum primis notam merentur Ossa auditus quam maxima, quæ olim quoque mihi Parisiis ostendit Dn. du Verney, in Museo Theatro Anatomico adjacenti) in specie exprimens. Quandoquidem verò libri hujus usquedum particeps fieri non potuerim, suffecerit tantisper *Wilhelmi Ernesti Tenzelii Epistola* ad Antonium Magliabecchium de *Scelecto Elephantino Tonna nuper effosso*, in qua non-

nulla è priori libro repetuntur; quæ omnia à Dnn. Lipsiensibus ita breviter recensentur : Tonna, inter Thuringiæ dynastias haud postrema, Serenissimo Duci Saxo-Gothano hodie subiecta, binos præ cæteris habet pagos ejusdem nominis, quorum alter *Burg-Tonna*, alter *Grafen-Tonna* appellatur. Priori adjacet mons sive collis arenosus, arenam in fundo præbens purissimam albissimamque, in variorum artificum usum longe lateque transportari solitam : quam effodientes An. 1695. ossa quædam maxima reperiunt, ad pedes posteriores spectantia, unum novendecim librarum pondere : deinde globum sive caput rotundum acetabulo insertum, capite viri majus, novemque librarum : hinc majus os femori simile, triginta duarum librarum : mox spinam dorsi cum costis adherentibus, profundiusque in arena abditos globos longe majores binos, una cum ossibus eo pertinentibus, pedum nempe anteriorum ; tum os humeri, quatuor pedes longum, duasque spithamas latum cum dimidia :

Fig. I.




Fig. III.




Fig. III.

Fig. II.




Fig. V.



Fig. VI.




Fig. VIII.



TAB. II

dia: inde vertebrae colli cum vertice acuminato: denique caput prægrande cum quatuor dentibus molaribus, quorum singuli duodecim libras pendebant, & duobus maximis dentibus sive cornubus, duarum & dimidiæ spithamarum crassitie octoque pedum longitudine ex capite prodeuntibus. Dolendum vero, & caput & dentes, exceptis maxillaribus, quos integros ferme acceperunt, & reliqua ossa adeo fragilia, consumpta carie & situ corrupta jacuisse, ut nullum eorum ex omni parte incontaminatum erui potuerit, sed in plurimas particulas disiecta fuerint. Cum primum fama emanaret, vulgarem simul opinionem de ossibus gigantis circumferebat, quæ tamen viso capite statim evanuit. Postea duæ opiniones emerferunt, quarum altera pro elephanti sceletto, temporis diuturnitate maximam partem petrefacto, altera pro unicornu fossili, ut vulgo vocant, seu minerali jocantis naturæ foetu, habet. Prior sententia *Tenzelio* nostro cum primis placet, quam ita defendere aggreditur, ut primo ostendat, sceletto Tonnenfi omnia convenire, quæ ad vera elephanti ossa requiruntur; deinde evincat, non eadem minerale fossile, sed animale petrefactum; denique inquirat, quomodo in has terras ipsumque locum pervenerit elephanteus.

Primum ostendit ex collatione sceleti Tonnenfis cum anatomia elephanti, ab *A. Moulinio* in Hybernia suscepta & descripta, quam & in *Actis nostris* An. 1684. mense Decembri memoravimus. Refert *Moulinus*, in cranio exstare magnum cellularum numerum, plerumque triangularium, membranulis obductarum &c. Has cellulas in fragmentis cranii Tonnenfis monstrat *Tenzelius*, modo oblique, modo directe cranium transeuntes; membranulas autem vasis sanguineis exsiccatissimè agglutinatas, colore flavo subrubicundo tinctas, scalpro forte tentatas in frustula dissilire, simulque colorem istum auferre, ut cranii albedo emineat: meatum quoque medullæ spinalis & posticam cranii partem, in duos prægrandes sinus seu lobos ita dividi, ut clunes humanos referre videatur, quod *Rajus* in *Synopsi Animalium Quadrupedum* de elephantis notavit. Porro duos maximos dentes, singulos centum, & quod excurrit, librarum pondere, duarum & dimidiæ spithamæ crassitie octoque pedum longitudine ex capite prodire, simulque referre nativum lavorem, colorem subflavum, maculis nigricantibus subinde conspersum, curvaturam, & strias nullis aliorum animalium dentibus cornubusque communes: imo, quod maxime notari meretur, superesse adhuc cuspidem dextri dentis, apertissimo limationis signo conspicuam, de qua *Plinius* lib. XVIII.

initio. Allegat etiam *Tenzelius* mercatoris cujusdam, apud Indos diu versati, testimonium, secundum regulas Indorum ex dentibus illis judicantis elephantum nostrum plus quam ducentos annos vixisse: idque ex *Cadamusto* confirmat, simulque ex aliis scriptoribus ac itinerariis docet, nec pondus, nec longitudinem dentium Tonnenfium insolita esse. Veterem disputationem, cornua dentesne sint appellandi, non definit; placere tamen sibi innuens *Aldrovandi Bochartique* de media illorum natura sententiam, applicatque *Raji* observationes de interna illorum constitutione, quod ex conjunctis iisque admodum exilibus tubulis constent. Dehinc ad quatuor dentium molarium massas Tonnenfis Elephanti progreditur, evictaque illorum cum definitione *Raji* similitudine, inquit causam differentię, quod alii elephantum quatuor, alii octo dentes habeant molares. Brevioribus absolvit reliquorum ossium collationem, quoniam pauca ex illis fragmenta supersunt: varia tamen profert indicia, magnitudinem Hibernici elephanti Tonnensem bis æquasse. Situm denique totius animalis non naturalem vel ordinarium, sed extraordinarium plane violentumque attendit, quod cornua sive dentes maximos versus ortum ac septentrionem protendebat; pes anterior sinister lateri capitis adiacebat extensus: dexter sub corpore deorsum inclinatus: sinister posterior in acetabulo incurvatus: dexter initio statim repertus & hinc inde distractus fuit.

Alterum disquisitionis caput ita tractat *Tenzelius*, ut primo ex *Kircheri mundo subterraneo* describat rationem fossilium seu mineralium, calvariarum prægrandium, dentium ossiumque specie effectorum: & cum *Kircherus* discrimen eorum à veris ossibus in eo ponat, quod hæc semper tibiæ canales fistulososque meatus olim medulla refertos retineant, illa vero solidum lapidem sine ulla tibiæ concavitate mentiantur, *Tenzelius* ostendit, quæcunque in elephanto sunt ossa concava & fistulosa, medullisque referta, ea in Tonnenfi etiam sceletto paria facere; nec reliqua *Kircheri* observata omittit, probatque ex *Conringio*, non posse naturam sibi relictam, sine omnibus adminiculis, ossa undiquaque perfecta condere. Multo igitur verisimiliorem censet *Anselmi Boëtii* sententiam, qui tradit, margam lapidescente aquâ irrigatam lactis instar fluere per terræ cavitates, & si in ligna vel ossa vetustate arefacta incidat, ea transmutare eorumque partes sibi assimilare. Hoc sceletto Tonnenfi competere prolixè contendit *Tenzelius*, scrutiniumque Chymicum advocat, & varia ossium elephantinorum petrefactorum exempla ex *Bartholino*, *Lambecio*, *Ciampinoque* producit:

addens conjecturas de elephanti Tonnenfis sedecim pedum altitudine, quo tamen multo majores dari, & nonnullos ad 24. vel 27. ascendere docet.

Tertium caput exorsus *Tenzelius*, remouet aliorum conjecturas, qui elephantum quondam Tonnâ delatum ibique tumulatum finxerunt, iisque cum alia argumenta opponit, tum ipsam maxime montis arenosi rationem, qui diligentius inspectus nunquam se perfossum & deinceps rursus repletum manifestissime prodat. Primum stratum supeditat humus atra quatuor pedum: succedit glareâ friabilis duorum & dimidii pedum, cujus medium osteocollæ tofaceique lapides duorum pedum altitudine explent, ut & sub ea dimidii pedis spatium: sequitur argilla arenosa sex circiter pedum, in qua iterum osteocolla duorum digitorum, & infra unius pedis altitudine occurrit: hanc excipit alterum glareâ stratum sex circiter pedum, eique demum subjacet arena alba & pura, cujus profunditas nondum explorata est, quod in ea vix tres pedes effossa elephanti sceletus apparuit. Enimvero si unquam perfossum, injectoque elephante repletus iterum fuisset hic collis, minime strata stratis ordine imposita, sed omnia illa arenarum genera terræ nigræ permixta inueniremus, ut quotidie in tumulis fodiendis fieri solet: multo minus tofacei lapides in hanc duritiem coalescere, aut osteocollæ radices suas venasque, per totum montem ad ipsam usque superficiem

conspicuas spargere, tantave quantitate crescere potuissent, ut statim in medio primæ glareæ, quæ atram humum proxime contingit, duos pedes, & sub ea dimidium explerent, seque inferius in argillam arenosam extenderent, spatium duorum digitorum & sub ea pedis unius occupantes. Nihil igitur superesse dicit *Tenzelius*, præterquam universale diluvium, in quo perierit cum aliis sui generis diversique animantibus elephas noster, undisque immanibus raptus & jactatus, aquis tandem decrescere incipientibus fundum petierit, cui aquæ ista diversarum arenarum strata induxerint, iisque in superficie exsiccatis atra tandem humus sensim accreuerit. In subsidium itaque vocat celeberrimum Medicorum *Stenonis* & *Grandii* de diversis illis stratis, *Rudbeckii* de atra humo, & *Conringii* de variis in Germania diluvii indiciis, observationes iisque ad propositum applicatis concludit, *Magliabechii* aliorumque in Italia cruditorum, *Ciampini* præsertim, judicio omnia submittens, & collationem cum sceletto Elephanti Florentino fieri exoptans.

Atque hæc de celeberrimi Tenzelii sententia retulisse suffecerit, quæ quam pulchre cum nova clarissimi Angli Joannis *Woodwardi* circa naturalem Historiam Telluris hypothese (quam nuperrime in *Sectione I. Tomi III. Supplementorum* pag. 7. usque ad 19. prolixius exposuimus) congruat, non injucundum erit Lectori Benevolo expendere.

EXPLICATIO FIGURARUM

TAB. I.

IN PARTE INFERIORE

Elephas in figura naturali, quoad totum corporis habitum, ab oculos ponitur.

IN PARTE SUPERIORI

FIG. I.

Caput Elephantinum, seu potius partem ejus cui dentes infixi, ob oculos ponit, quod ex supra allegato Tractatu Anglico D. *Moulini* mutuò desumfit & in Tab. XXIII. depingit *M. D. S. Battnerus* in *Ruderibus Diluvii Testibus* p. 210. ubi videre licet, quod præter foramina vasis transmittendis destinata & lit. E. D. K. F. & c. plura adhuc in aliis craniis non occurrentia dentur, quod allegatus Autor singulari Dei providentia factum existimat, quò pars illa, quæ dentes aliquot Centenarios pendentes capit, quodammodo levior evadat & ab animali sustineri possit.

FIG. II.

Os est alicujus Elephanti haud procul à Quersurto è terrâ erutum, ubi

A. ipsum os

B. verò acetabulum V. pollices in diametro & duos cum dimidio in profunditate habens designat.

EXPLICATIO FIGURARUM

TAB. II.

FIG. I.

Sceletum Elephanti integrum ob oculos ponit.

II.

Cranium exhibet cum foraminibus majoribus.

III.

Idem cranium est, in quo foramina quamplurima & cellula triangulares, à *Moulini* observata, spectantur, una cum fossis & cavitatibus cerebro & cerebello excipiendis destinatis.

IV.

Intestina Elephantina sunt, valde sinuosa & plurimis cellis distincta.

V.

Dens Elephanti seu Cornu tenellum est, cum radice.

VI. & VII.

Proboscidem ejusque fibras sistunt, contractioni ejus & elongationi destinatus.

SECTIO III.

DESCRIPTIO ANATOMICA DROMEDARII

Societatis Scientiarum Regiæ Parisiensis.

QUOD hîc descriptum est animal *Dromedarium* vocamus, quamvis vulgò *Cameli* nomen simpliciter illi soleat attribui, quod instar ejus nonnisi unica protuberantia in dorso, *Dromedarii* verò (secundum *Solinum*) duas habent; secus ac *Aristoteles* & *Plinius* omnesque alii Autores de eò scripserunt, qui duas *Camelorum* Species efficiunt, quarum una, generis nomen retinens, duas habet eminentias & quoniam in partibus Orientalibus reperitur, *Bactriana* vocatur, insuper quoque major & oneribus portandis aptior: Altera verò minor & ad cursum habilior, unde *Dromedarii* nomen gerit, unum tantum tumorem in dorso gerens, quæ plerumque in Occidentalibus Asiæ tractatibus, Syria nempe Arabia, conspicitur. Dominus *Dipi*, Arabs, dissectioni nostræ adstans, *Camelos* suæ regionis nostro omnino similes narrabat.

Septem pedes cum dimidio ab apice capitis usque ad pedes erat altus: quinque & dimidium à summò spinæ dorsî flexu, qui gibbus est: Sex pedes cum dimidio à Stomacho usque ad caudam, cujus omnes simul vertebræ quatuordecim pollices totaque cauda, pilis comprehensis, duos pedes & dimidium erant longæ. Ab occipite usque ad nasum unus & viginti pollices numerantur.

Pili colore gaudebant ferinò, ad cinereum paululum inclinante. Tactui molles admodum occurrebant, mediocriter breves, imò breviores paulò bovinis, quibusdam locis exceptis, ubi longiores, ut in capite sub jugulo & in parte colli anteriori. Longissimi autem deprehendebantur in medio dorsî, ubi pes propemodum incipit. Hoc in loco molles & teneri quidem, sed erecti stabant, ita ut maximam Gibberis partem formarent, quæ eminentia pilis manu compressis vix magis elevatur, quam in *Canibus* & *Suibus*, quæ sunt animalia tergum depressum non habentia, uti *Equi*, *Vaccæ* & *Cervi* in universum; & certe sunt aliqui Autores *Dromedarium* à *Camelo* & *Porco* generari perhibentes. Hoc omnino *Aristoteli* repugnat, qui nullum animal, quod *Cameli* instar dorsum habeat gibbosum, existere statuit. Nec defunt, quibus callus hic particula quædam carnis, animali huic propria

videtur, quæ in dorso super vertebris excrescat, iterumque, quando per longam à pabulo abstinentiam admodum marcescit, absumatur. Nequicquam tamen nobis hac de carne apparebat in nostro animali, licet non esset macidum; imo & absque carne callus hicce, à sola pilorum erectione formatus, major fiebat, uti ex Figura videre licet.

Præter duo hæcce pilorum genera, longorum nempe in dorso, capite & collò, & brevium, residuum corporis obtegentium, tertium quoddam similiter cauda alebat; qui enim in ea erant pili ab aliis tam magnitudine quam colore differebant, cum glauci vel grysei, admodum hispidi, ac prorsus instar eorum essent, quales in caudâ *Equinâ* reperiuntur.

Caput in proportionem ad corpus erat parvum; nasus, uti in *Leporibus*, findebatur, dentesque similes erant illis quos animalia ruminantia habent, *Caninis* atque *Incisoribus* in superiori maxilla plane absentibus, quamvis & caput cornibus, quibus aliàs natura animalium ruminantium maxima instruxit, plane destitueretur. *Cardanus* naturam hunc defectum *Cameli* compensasse dicit pedes ipsius armando, qui ungulas more *Boum* habeant, uti *Plinius* tradit. Verum hoc non ita fuit repertum: neque enim cornua neque ungulas in pedibus, quæ eos periculosos reddere potuissent, habebat, quolibet pede tantum duobus unguiculis sub finem instructo. Plantæ etiam pedum, quæ planæ latæ & valde carnosæ, tantum molli, densa & aliquantum callosa cute erant obductæ, interim tamen peraptæ ad itinera in locis arenosis, quæ in Asia Africaque frequentia sunt, emetienda. Cutem hanc credebamus esse instar soleæ alicujus vivæ, quæ neque celeritate neque continuatione itinerum tereretur, quibus hocce animal propemodum defatigari nequit. Quando enim *Aristoteles* dicit *Camelos* in bello aliquando adigi ad pedes ocreis quasi muniendos, hoc non tam fieri videtur, ad eos à molestiis relevandos, quibus in itineribus perfungi necesse habent, sed potius ad vulnera, quæ, in bello infligi solent, præcavenda. Ubi & hoc dici potest, plantarum mollietatem, quæ se ad asperitatem & inæqualitatem vestigiorum

giorum accommodat, potius causam existeret, quo minus pedes conterantur, quod fieret si solidæ essent plantæ; quamvis *Plinius* non possibile esse credat, Camelos longas facere posse profectiones, nisi sint soleati. Ceterum callosa ejus genua multo sunt duriora, propiusque ad corneæ ungulæ soliditatem aliorum animalium accedunt.

Alia singularia in *Cameli* pede *Aristoteles* observavit, quæ tamen nos non invenimus. Dicit eum finem esse in partes duas ponere, & in quatuor antè, interstitiaque cute quadam esse juncta, instat pedum anserinorum. Sed hoc in nostro non reperiebatur, cuius pes solum erat finis in summitate, longitudine quatuor vel quinque digitorum; hæcque fissura non cute quadam connectebatur, verum infra eam, cum non adeo esset profunda, pes erat solidus.

Genuum CALLOSITATES numero sex erant, nimirum una in qualibet pedum vel crurum, anteriorum junctura, & quidem prima magisque elevata existerat, juxta eam partem quæ proprie Cubitum efficit: secunda vero & infima duarum anteriorum in junctura Genu, quæ brachium repræsentat, conspiciebatur. Quilibet pes posterior similiter unam Callositatem in prima supremæque junctura, quæ antrosum spectabat & verum Genu formabat, habebat.

Aristoteles, qui nonnisi quatuor ex hisce CALLOSITATIBUS observavit, quas genua vocat, quique absque fundamento Autorem quendam antiquum, *Herodotum*, sex statuentem refutavit, addit quædam magis insolita, Camelum nempe nullibi nisi in his quatuor locis pedes suos flectere. Verum certum est, quod eisdem octo in locis flectat, more aliorum quadrupedum; quodque solum duo flexus, locum calcantium in pedibus posterioribus supplentes, non habeant callositates.

Callositatibus hisce, ad eorum substantiam examinandam (quæ inter carnem, pinguedinem & ligamentum medium tenebat, h. e. mediz substantiæ erat) resectis, in quibusdam quantitatem puris spissioris reperiebamus; unde in eam, quam nonnulli Autores fovent, descendebamus opinionem, ac si *Cameli* arthritidi essent obnoxii, credentes, forte nostrum *Dromedarium* hoc morbo fuisse infectum, qui se postmodum per suppurationem finisset.

Præter has sex Callositates, septima quædam, ceteris major, in imo pectoris deprehendebatur, STERNO, eminentiam quandam hic habenti, firmiter juncta. Octo pollices erat longa, sex lata & duos crassa. Eodem modo plurimum puris continebat, hancque partem æque ac alios articulos & juncturas arthritide affici posse, judicabatur, quo-

niam, cum terram versus prostratus oneratur, pars hæc totum corpus solum sustinet, ubi durities postmodum partem hanc obnoxiam facit infirmitati & calori, quæ humores ad juncturas attrahunt, impediuntque, quo minus digeri aut dissipari queant. Magna temperantia in *Camelo* conspicua & incredibilis, quem suffert labor, demonstrant, duritiem articulorum maximam non minus ac otium & vitam dissolutam *arthritidem* producere posse.


Antequam *Dromedarium* nostrum, ad partes interiores observandas, dissecabamus, cognoscebamus non solum PRÆPUTIUM (quod admodum magnum (amplum) & laxum, extremitatem PÆNIS obtegere, sed etiam retrosum inflexum esse; quod ipsum forte occasionem illorum opinioni dedit, statuentium *Camelum* instar Leonis, Castoris, Leporis &c. (quorum penes non antrosum flexu,) retrosum mingere.

Partes internæ admodum similes erant partibus Equi. HEPAR habebat tres lobos, duos valde magnos, in quorum medio & infra quos unus adhuc conspiciebatur, qui minor & cuspidatus erat. Ligamentum, Hepar suspensum tenens, non CARTILAGINI XIPHOIDEÆ, sed centro DIAPHRAGMATHIS alligabatur, in quo membrana PERITONÆI, illud operientis, splendorem præ se ferebat, ac si tota esset inaurata. Fel non continebatur in CYSTIDE, sed super Hepar sparsum, in suo ductu CHOLEDOCHO.

VENTRICULUS, admodum amplus, & unum in aliis animalibus ruminantibus, in quatuor partes divisus, non habebat structuram diversam, prout in quatuor Ventriculis, ab *Aristotele* *Eula*, *Eylas*, *Karyopas*, *Erupor* vocatis: solum distincti erant quibusdam angustis, quæ ratione primus Ventriculus, amplior & vastus, alium producebat admodum parvum, quem sequebatur tertius, primo paulo minor & angustior, sed tamen longior, quem demum quartus, secundo similis, excipiebat.

In summitate secundi Ventriculi multæ videbantur foramina, quæ circiter viginti cavitationum officia erant, ad instar saccorum inter duas, quæ Ventriculus constabat, membranas, locatarum. Ex sacculorum horum conspectu conjectabamus, ac si ea Reservatoria essent, ubi, tradente *Plinio*, *Cameli* per longum tempus aquam retinent, quam si oblata fuerit in magnâ copia imbibunt, ad defectum eum, quem in aridis, ubi plerumque iter faciunt, locis experiri possent, eadem supplendum. Imò & hoc dicitur, quod illi, qui *Camelos* ducunt, extrema aliquando siti ad ventres eorum apertendos adigantur, ubi multum aquæ inveniunt. Similiter quoque haud abs te affici posse, in-

finctum



finctum illum, quem *Aristoteles & Plinius* à natura huic animali inditum observarunt, ut se. semper aquam, quam imbibere cupit, pedibus turbet, potissimum ad reddendam eam gravem, tendere, quò non tam citò transiret, sed potius longiori tempore in ipsius stomacho retineretur.

Intestina erant quadruplicis generis. Prima, circa quarti Ventriculi ingressum, erant mediocria, & sex pedes longa. Secundi generis quasi corrugata multisque plicaturis contracta conspiciantur, eodem ac COLON plerumque se habet modò, quod ligamento quodam contrahitur & acsi in multos cellulas esset divisum, adparet. Hæc etiam erant mediocria & viginti pedes longa. Sed ultima eaque exilia, quinquaginta sex: In universum undecim explebant ulnas, quæ supra quatuordecim se extendissent, si ea, quæ convoluta & contracta, fuissent explicata.

SPLEN sinistro reni erat injectus, novem pollices longus, quatuor latus & dimidium crassus.

PENIS, ex quo nervos fieri dicunt, novendecim pollices longus erat. Valde cuspidatus observabatur circa extremitatem, quæ inflexa & facta ac si unus cartilagineus esset, absque ulla Balani apparentia. URETERIS extremum præcensus quadam erat membrana.

PULMO in quolibet latere non nisi unum habebat lobum. Caput erat insolite magnitudinis, novem pollices longum, septem latum, & valde cuspidatum.

LINGUÆ hujus structura erat notabilis atque

in hac omnibus aliis linguis contrariebatur, quæ mediantibus plurimis parvis eminentiis introrsum tendentibus supernè omnes interiorum partem versus sunt asperæ. Pars hujus linguæ easdem habebat, partem interiori versus exteriorem spectantes. Dimidia pars versus extremitatem, quæ perexigua, erat aspera more solito, ab intra versus extra: sed altera dimidietas propè radicem, quæ valde crassa, medium versus habebat circellum, instar centri, inter multas & varias eminentias, quæ totam dimidietatem Linguæ obtegebant, & quarum cuspides omnes ab hoc centro erant averisæ; unde si quis eas centrum versus tangeret, asperitatem producebant. Hæc inter eminentias aliæ adhuc in duplici serie per lineam rectam erant locatæ, quinque in qualibet serie, quæ tubercula erant à rugis rotunde complicatis, eleganti & curiosâ structura formatæ. Figura clarius hæc explanat, quam discursus.

TOTUM CEREBRUM, CEREBELLO comprehenso, saltim sex pollices cum dimidio erat longum & quatuor latum. NERVUS OPTICUS per longitudinem suam erat perforatus, cum aliquibus cavernis sanguine repletis. PROCESSUS MAMILLARES largi admodum & cavi erant, unoquoque habente duos ductus, è quibus alter rotundus, alter verò instar lunæ crescentis apparebat, dum per transversum dissecabantur. Glandula pinealis crassitie nucem avellanam præter propter adæquabat & quasi ex aliis tribus glandulis composita foveolam in medio fovebat.

EXPLICATIO FIGURARUM.

TAB. III.

IN PARTE INFERIORI

Ipsam animal ita ob oculos ponitur, ut altitudo eminentiæ in dorso observari possit, quæ maximam ad partem è capillis, sursum erectis, constat. Quatuor igitur species Callositatum hinc observare licet, quæ in illis sunt partibus, quibus humi cubans se applicat, scilicet bini illi calli in pedibus anterioribus, tuberosior in dorso eminentia & ultima in pectore. Pedes ejus pariter ita sunt locati, ut portio solarum in oculos incurrat.

IN PARTE SUPERIORI

- A. Primus & maximus est è quatuor ventriculis r. Oesophagus.
- B. Ventriculus secundus.
- C. - - - Tertius.
- D. - - - Quartus.
- E. Pylorus.

F. F. F. Ventriculus secundus in quatuor partes dissectus.

G. Cavitas, quæ format transitum è primo & maximò ventriculò ad ventriculum secundum.

h. h. h. h. Cavitas sacculorum, qui inter membranas secundi ventriculi continentur.

j. Glandula pinealis.

K. Ungula pedis, quæ molli & delicatula tunica investita est.

L. Pars superior pedis, quæ parumper fissæ est.

M. Penis.

N. O. Lingua.

O. P. Pars, quæ intus ad finem usque aspera est, ob infinitas parvulas eminentias acuminatas.

N. q. Pars majoribus eminentiis instructa, minorum instar inflexis.

q. p. Illa pars, quæ similiter eminentiis majoribus, sed minoribus oppositis, gaudet.

q. Centrum eminentiarum majorum.


tii, nisi versus diaphragma ad dextrum cuspidis cordis, ubi cavitatem valde magnam habebat & amplam. Sed idem observatur etiam in felibus.

Pulmo in dextro latere sex, in sinistro autem tres lobos habere notatus est. Aspera arteria cartilagineas suas integras habebat omnes, duabus saltem exceptis tribusve infra laryngem, quibus ratione magnitudinis suæ, quæ ultra quatuor digitos, in circumferentiâ facit, non ultra duas lineas deficiunt, quin integræ sint omnino. Latitudo & firmitas huius organi vocis optimè nobis visa est idonea, rugituum sono horribili producendo. Canalis lacteus thoracicus valde erat exiguus, inque adiposo quodam longo tractu, qui secundum longitudinem vertebrarum corporis, quique duas lineas erat latus, absconditus erat.

Cor quod siccum inventum est & absque aquâ in Pericardio erat, multo majus juxta proportionem, quam in ullo animali, dum sex habebat secundum longitudinem digitos, quatuor autem secundum latitudinem basin versus, finiebatque in cuspidem valde acuminatâ. Substantia ipsius mollis apparuit antequam aperiretur, cognitum verò est postea, ex eo id esse, quod parum haberet carnis, & contra potius totum esset cavum. Ventriculi enim tam erant ampli, ut sinister, qui ad cuspidem usque protenditur, latitudinem pro carne haud majorem relinqueret, quæ eo in loco ipsum tegit, quam duarum linearum. Versus basin non plures habebat quam septem, quot etiam præditum erat septum ferè. Auriculæ cordis tam erant exiguæ, ut dextra, quæ major est, nonnisi dimidium exæquaret digitum. Cordis felium structura tam singularis haud est: Magis id enim obrusum est circa cuspidem & carnosum, uti esse communiter solet. Ramusculorum quos aorta ascendens projicit, proportio talis erat, ut carotides tantam haberent crassitiem ac ramus sub claviarius sinister & reliquum dextri, quo transeunt. Quod verò notatu dignum est, parvitas est cerebri, quod idem & in felibus observare licet, nisi quod ferè ratione proportionis ad magnitudinem ipsorum habitæ plus cerebelli habere videantur.

Cerebellum undiquaque duos digitos non excedebat, & inclusum erat cranio dimidium digitum crasso eo in loco, ubi tenuissimum erat, & unum penè digitum recta à fronte. Summitas elevata erat perinde ac crista in casside, inque eâ originem habebant muscoli Crotaphitæ, qui utrumve summitatis capitis latus tegebant inque medio frontis eam relinquebant cavitatem, quam *Aristoteles* in Physiologicis peculiarem Leoni facit. Uterque musculorum crotaphitarum quinque digitos

longus erat, & quatuor cum dimidio latus, crassus autem duos, & viginti ponderabat uncias. Ex quo capite carne ita munito, & ossibus propter structuram & substantiam adeò robustis composito colligere licet, quod si ursus caput habet tam tenerum atque debile, ut colapho facile necari possit, uti *Plinius* loquitur, Leonem occidere difficilimum sit; neque hoc ignoratum à *Theocrito*, qui de Hercule dixit, omne quod Leoni Nemæo clavâ inferre potnisset incommodi, hoc fuisse, ut stupidum bardumque reddiderit, interficere autem non valuisse nisi cum manibus strangulavisset. Os quod circa futuram lambdoidem inter cerebrum & cerebellum in brutis animalibus reperitur, unum cum dimidio digitum longum erat, latus autem decem lineas, & crassum duas; & quidem in figurâ magis quadratâ, quam observatur in canium & felium &c. cranio. Glandula pinealis erat diaphana, tamque exigua, ut non nisi lineam unicam longa esset, inque basi suâ duas lineas tertias lata. Nervi optici penes juncturam suam multò erant crassiores, quam in anterioribus partibus, id quod exinde erat, quod foramina, per quæ intrabant orbitam, non essent rotunda, sed in rimâ figurâ, hinc quod reddebantur plana non nihil, latiora apparebant. Ex orbitæ foramine egressi, ad globum usque oculi protendebantur in duorum cum dimidio digitorum latitudine. Cavitas hujus orbitæ non ubique osse interius munita observatur, sed perforata erat circâ tempora inter ossis frontis & primi maxillæ, non magis atque in felibus & canibus &c. se jungentis ossis apophysin. Oculi globus sedecim lineas in diametro habebat; cornea tertiam partem lineæ in medio erat lata, eaque magis ac magis versus circumferentiam crassa fiebat & augebatur per dimidiam tertiam, eum in modum, uti vitra conspiciendorum esse solent. Iris ex pallido illo colore erat qui Isabellæ vocatur. Facies choroidis flavedinem obtendebat, ad aurum accedentem, quæque nil quidquam de viriditate habebat, quam Autores maximam partem oculis Leonis adscribere solent, quique non magis rationem habent, quam illi qui eos charopos appellant, nisi quidem id intelligant uti *Hesiodus* fecit, per Antiphrasin, propterea, quod horridum nonnihil & terribile est in Leonis aspectu, id quod ab oculorum colore haud est, perinde ac pulchritudo atque gratia, quam vocabulum charopos denotat, non propriè est à colore quodam, utut nonnulli appellaverint ita aquam marinam, quandò viridis apparet. Facies uveæ anterioris averfa eo in loco, ubi humori chrySTALLINO incumbit, omnino apparet nigra. ChrySTALLINUS humor valde planus inventus est, & maxima ipsius convexitas, aliter ac solet fieri



communiter, in anteriore sui parte offende-
batur, id quod etiam in felium oculis animad-
vertitur. ChrySTALLINI figura talis erat, ut pro-
pter excavationem quandam, quam habebat
à latere, cornuta videretur, id quod sinistri
oculi chrySTALLINUM, ubi excavatio illa major
erat, in cordis formâ representabat. Ve-
rum alter chrySTALLINORUM, qui glaucomate
quodam degenerare inceperat, in eam nos
abduxit sententiam, ut contra naturam id esse
& cadaveri nostro peculiare suspicaremur. A-
queus humor in insigni copiâ repertus est, i-
tâ, ut vel sextam humoris vitrei partem refer-
ret. Quæ copia causa esse credita est, cur et-
iam post mortem oculi clari maneant, quan-
doquidem iidem pallore inducuntur, si pro-
pter humoris istius eam extendentis defectum
cornea coarctatur. Ultima observatio fuit,
quod, licet tempestas durante sectione fuerit
calida atque humida, & dispositio ad putre-
dinem in corpore animalis ex morbo mortui,
& licet Autores omnes habitum eos exspirare
dicant tam tetrum, ut omne quod appropin-
quat, inficiat, idque adeò ut reliqua animan-
tia haud tangerent, quod ex illâ, unde cibum
cepit, carne residuum est: nihilo tamen mi-
nus apparuerit nihil, quod singularem cor-
ruptionem denotaverit. Odor enim & hali-
tus quem spirabat, minus erat fortis, quam
Cervorum esse solet, qui paulò post evisce-
rantur, quam pilâ sunt trajecti: Et vermes,
qui quarto die in carne ejus inveniebantur,
ex muscis producti sunt, uti ex linguæ frusto,
quod chartæ inclusi, compertire licuit. Id
enim unius spatii noctis exsiccatum est atque
valdè induratum, ita ut nullum spargeret o-
dorem. Ex quo judicare licet, quod, si qui-
dem Leo laborat feбри, non nisi Ephemeris ea
sit, utut per totam suam vitam eâ laborare di-
catur. Monstratur etiam exinde bilem cor-
poribus animantium esse Balsamum, quippe
quæ resistat corruptioni, & causa sit cur Leo-

nes, in quibus abundat, tamdiu vivant. Pra-
terea etiam de paucitate cerebelli hujus a-
nimalis, de quo Historiographi naturales tor-
toras ingenii habent atque judicii, aliam ob-
servationem habuimus, & comparato illo
cum cerebello, quod capiosum habent vitu-
lus, Cerebelli paucitatem notam potius atque cau-
sam humoris esse ferocis atque crudelis, quam
ingenii defectus, judicavimus. Quæ con-
jectura observatione illâ, quam quatuor ante
diebus in Vulpe marino, in quo nihil pene
cerebelli inventum est, utur sagacitas atque
(quam habere dicitur) astutia hoc ipsi nomen
inter pisces marinos conciliarit, habuimus,
confirmata est. Notum autem est, omni ge-
neri piscium communiter copiosè de cerebel-
lo haud esse prospectum, ita ut parum ad so-
cietatem & disciplinam, cujus animalia terre-
stria sunt capacia, sit idoneum. Habuimus
adhuc alias Animadversiones plures circa mul-
ta, quæ observavimus, singularia, quæque
ad te non perscripsimus, non tam propterea,
quod tedium Tibi creare putemus enarratio-
ne rerum talium prolixâ, quæ non adeò sunt
magni momenti. Non enim me praterit,
quantum aliter longè sapias ac ille Philoso-
phus, qui *Aristotelem* multum perdidisse tem-
poris in conscribendis quinquaginta de Natu-
râ animalium voluminibus, quibusque con-
stitit Historia illa, pessimè impendisse du-
centas æris myriades dixit: Sed expectare po-
tius reditum Tuum libuit, donec particularia
illa Tibi communicemus & quidem sine sen-
tentia nostræ expressione, ut temetipsum ju-
cunditate eâ, quæ ex detectione oritur, quam-
que consuetudine illa, quæ observationes rerum
naturalium suggerere possunt, egregia, con-
clusa pariunt haud defraudaremus; ea spe-
certi, quod hæc tradita pars sit optima, aut
saltem propter luminis, quo in Philosophia
splendes, claritatem talis reddi possit.

EXPLICATIO FIGURARUM

Leonem congerentium in

TAB. IV.

Inferior figura totum ejus corpus refert,
capite versus alterum latus (quod idem sæpe fle-
xit) inverso, non obstante colli firmitate. Un-
gues utut revera ingente, minus discerni pos-
sunt, cum pilis sit obiecti, qui circa extre-
mitatem unguium valdè prolixi sunt. Caudæ
forma sub iisdem pilis pariter determinari ne-
quit, cum ob diversam pilorum longitudinem
crassities ejus eadem appareat ab initio ad fi-
nem usque.

INTER PARTES SUB ANATOME
OCCURRENTES.

A. denotat cristam in craniò

B. B. Zygoma

C. c. Caninos majores & minores

d. Incisores

E. Apophysin coronoidem maxilla inferioris

F. F. F. Dentes molares

G. Extremitatem radii.

H. Extremitatem cubiti.

i. i. Ossa Carpi.

1. 1. 1. 1. Quatuor ossa Metacarpi.

2. 2. 2. 2. Quatuor ossa, seu primum phalangem
digitorum in pede.3. 3. 3. 3. Quatuor ossa seu secundum phalan-
gem.O. O. Ultima digitorum illorum ossa; è quibus
unum in specie ex articulatione illorum
ostendimus, qui cum reliquis duobus
num 2. & 3. (qui similiter à reliquis
partibus

partibus unguarum separatus unum è digitis efficit. Notatu digna est incurvatio, qua in ossis num. 3. signati extremitate (quâ Condylus aut protuberantia formatur) occurrit, qua spatium concedit, ultimo ossi, quod illi jungitur, ut sursum moveri possit.

K. Pars est cutis seu tunica linguam obtegentis per microscopium inspecta.

L. L. Parva sunt eminentia, ad unamquamvis radicem papillarum lingualium sita.

M. M. M. Papilla seu spicula linguam asperam reddentes.

N. Spiculum à tunica separatum, ut ejus cavitas observari possit.

O. Vesicula biliaria.

P. Ductus Choledochus.

Q. Vesica Urinaria.

R. R. Prostata.

S. S. Ligamenta quibus cum urethra junguntur ad basin penis constituendam.

T. Principium urethrae.

V. Balanus.

X. Humor Crystallinus corruptus.

Y. Alter Crystallinus adhuc sanus.

r. Lingua.

Δ. Cartilago Thyroides in Larynge.

Θ. Cartilago Cricoides.

Λ. Cartilago Arythenoides.

Ξ. Glottis.

Σ. Epiglottis.

Φ. Infima Ventriculi pars.

Υ. Pylorus.

α. Oesophagus.

β.β. Aspera Arteria.

γ. Sinistra auricula Cordis.

δ. Cor.

ζ. Arteria subclavia dextra.

η. Carotis dextra.

θ. Carotis sinistra.

κ. Arteria subclavialis sinistra.

λ.λ. Pars diaphragmatis.

μ. Superius Stomachi orificium, vulgò ita dictum.

ν.ζ. Bina protuberantia in parte anteriori Stomachi.

1. 2. 3. 4. 5. 6. 7. 8. Lobi pulmonum.

IN TABULA SEQ. V.

Sceletus Leonis integri & capitis in Specie sistitur, de quibus Academia Germ. Cur. in Miscellan. suis consularur.

IN

ALIO LEONE


In eadem Societate Regiâ Parisiensi.

Non tantum antecedentia, sed & alia nonnulla observarunt, de quibus sequerè referunt: Leo hic insigniter vasti corporis erat, quamvis esset adhuc valde juvenis. Erat septem pedes cum dimidiò longus, ab apice nasi ad exordium caudæ, & quatuor pedes cum dimidiò altus, à summò dorsò ad imum.

Quæ hîc observavimus, eadem ferè erant cum illis, quæ modò diximus in anatome alterius Leonis; inter alia tamen stricta compages atque angustia pectoris, quam modo indigitavimus, videbatur valdè notabilis in hîc subjectò, nam in parte interiore, ab unò latere ad alterum in amplissimò spatiò non excedebat 7. uncias, ex quibus 4. cedebant cordi, adeò ut saltem tres remanerent pro pulmone, pericardiò, mediastinò & vasis ex corde emergentibus. Pericardium similiter aquæ expers erat, & intestina breviora, quam quæ vasto corpori responderent, cum saltem 25. pedes in longitudine continerent; quæ mensura exactè tripla ad reliquum corpus erat. Crystallinus oculorum humor erat magis in exteriori parte conversus, quam ex interiore.

Quæ reperimus differentia, sunt sq: Hepar, quod erat in priore leone tam obscuræ rubedinis, ut videretur nigrum, erat adeò pallidum in hîc subjectò, ut esset proximum colori, qui Gallis dicitur fucille morte.

Annulares cartilagine laryngis, quæ erant integræ in priore leone, qui tamen non erat senex, reperiabantur imperfectæ in hoc qui erat junior; facile vero adducimus, ut credamus, hoc deberi differentia ætatis utriusque bestia, quippe & in palmis pedum observavimus, quod in illis junioris leonis deprehenderetur cutis ejus longe minus dura & firma, quam in altero, adeo, ut prope extremitatem unius cujusvis digiti junioris istius esset pellis adeò soluta & flaccida, ut posset facile descendens atque extensa obtegere vel medium unguis; quod videtur dedisse originem fabulæ de quâ Plinius, revera tamen minus probabile videtur, quod hæc pellis possit conservare ipsius Leonis unguis, quod quidem hic autor refert, quippe Leo unguium solis apicibus utitur, qui tamen hac pelle minime obvolvuntur.



Præterea quædam nova observavimus, vid. quod epiploon esset adeo magnum & largum, ut interior ejus lamina, quæ immediatè tangit intestina, illa plane obvolveret, & renes ipsos obtegeret; & quod sola ejus superior membrana libera ab omni nexu esset, unde nomen huic membranz inditum; Porro observavimus, quod ipsius substantia propriè loquendo non esset continua membrana, sed luci obversa foraminibus pertusa apparebat, & similis texturæ valdè subtilium fibrarum, ut constitueret.

Quod renes, qui erant 4. uncias longi, & 2. cum dimidiâ lati erat respersa in suâ exteriori superficie magnâ copiâ vasculorum obsectorum membranâ renibus propria;

Quod pulmones essent exsucci, pallidi & pleni tuberculis; quod in oculis, iris esset visibiliter rugosa quibusdam circularibus plicis, quæ debebantur dilatationi pupillæ, quæ oritur ex constrictione membranz, quæ constituit iridem; Hæc constrictione est res, quæ communiter supponitur, sed non citra difficultatem percipitur; erat verò adeo longè minus angusta in hóc subjecto quoniam aqueus humor (qui erat valdè abundans in hoc subjecto) redderet ipsam immunem à contractione, quæ oritur ex siccitate; Vitreus humor erat fere æquè fluidus ac humor aqueus; tapethum uveæ tunicæ erat aureum per medium, ut in altero leone versus extrema verò virebat, quod non deprehendimus in altero: videtur tamen adfuisse quoniam Antiqui vocarunt oculos leonis *χαρῶτας* h. e. ornamentorum & gratiarum plenos, quippe deprehendebant, quod oculi virentes essent longè præ cæteris pulcherrimi;

Retina tunica erat sat alba atque opaca, quæ obstaculum poneret receptioni specierum, si modò verum sit, quod hæc ultra retinam pergant.

Locus, ubi vulgò visus fit, erat quasi decussatus vase quodam sanguine turgido, quod similiter intrabat nervum opticum, ubi efformabat cavitatem, & videbatur efficere porum s. ductum, quò quidam auctores somniant pertusum esse nervum opticum, quo transitum concederet spiritibus, qui intra cranium reciperentur.

Observata circa vasa, quæ apparebant copiosa in superficie parenchymatis Renum, quod est extraordinarium quidpiam, occasionem præbent duabus reflexionibus, quarum prior est, quod hæc vasa, quæ sunt rami truncorum arteriarum & venarum emulgentium facile detegantur oculis; quod jamdudum verissimum deprehendimus in quibusdam cadaveribus humanis, dum injiceremus lac vasis emulgentibus, postquam membranam propriam renibus detraxisse-

mus. Unde apparet, quod ramuli emulgentium vasorum non determinantur in mediò renum, (quod quidem *Highmorus*, in hóc *Vesalium* sequutus, censuit) sed quod saltem exteriorum renum superficiem pertingant; Nam separatio urinæ, (quæ fiat necesse est per filtrationem) requirit, ut sanguis vehatur arteriis tam longè ac possibile est, cum in finem, ut ibi inveniat majorem spissitudinem parenchymatis renum penetrandam, quæ quidem sic magis apta est ad perficiendam integram filtrationem;

Altera reflexio est, quod hæc vasa, quæ in genere in renibus non apparent, quorum substantia apparet solida & homogenea versus ipsorum externam superficiem, quæ erat plana & lævis deprehenderentur valdè conspicua in hóc subjecto; & videtur mihi probabile sanè, quod hoc in quibusdam morbis eveniat, & quod esset præternaturale huic subjecto, siue demum per inflammationem quandam siue obstructionem ortum fuerit, quæ vascula hæc insensibiliter sensim dilataverit, quod quidem in juniore animali facile fieri potest, utpote cui partes nec dum induratae sunt aptiores ad dilatandum, & humores exagitati magis sunt magis proni ad efficiendam hanc dilatationem; *Glissonius* cum observaret, quod sæpe rami quorundam vasorum essent majores ipsorum truncis, qui ipsa producerint, dicit, quod hoc potuerit oriri ex quodam malo corporis habitu: & sanè experientia quotidiana illud demonstrat per pulsationem, quæ fit in inflammationibus, per glandulas, quæ tumefactæ apparent in serophulis, & per venas, quæ deteguntur visui in oculis ophthalmia afflictis, quod nimirum illarum adsit insignis copia visibilis jam & sensibilis, dum vel augentur, vel mutant suam naturam, & acquirunt alienam, v. g. duram & densam pro molli & rara, qua prius juxta naturam se habentes, pollebant. Idem observavimus in glandulis, quas in quibusdam Gazellis vel Antelopibus, observavimus constituere parenchyma illarum hepatis, quod minimè apparebat in aliis;

Frustra quærivimus in Stomacho & pulmonibus nostri leonis quædam indicia causæ mortis illius, quam tamen præter opinionem deprehendimus, cum magnam sanguinis extra vasa profusi copiam in thorace deprehenderemus. Judicavimus autem ex variis circumstantiis, quæ nobis narratæ sunt, quod institutum quoddam extraordinarium, & minimè ferendum in animali jam tum languenti, leonem nostrum ægrotare fecerit; cognovimus verò, quod aliquò tempore ante ipsius mortem fuerit aliquot menses minus alacris ex dentibus ægrotans, & quod difficulter escam quò sumeret adduci potue-

rit; quod demum ex hac ratione varia ipsi præscripta remedia fuerit, & inter alia quidem, ut ederet solam carnem juniorum animalium s. catellorum, & quidem coctam; & quod ille, qui voce congregat bestias. vivarii Vincennensis, quò redderet escam nostri leonis magis delicatam, uteretur methodo plane insolita, quæ erat, quod agniam coqueret, & hanc ipsi repetitis vicibus vorandam obtruderet. Quæ quidem prima vice ipsum nostrum Leonem quasi reviviscere faciebat, dum ipsi appetitum procreabat, & alacrem reddebat; sed probabile est simul hanc escam generasse nimium in nostro Leone sanguinem, & quidem nimis subtilem pro bestia, cui natura dederat nullam industriam, ut degluberet prius, quod devoraret; est enim credendum sane, quod pili, lana, pennæ, & testæ, quibus omnia animalia, prædæ rapacium exposita, munita sunt, quasi condimenti genus, & necessaria correctio, sint ad avertendum à nimia repletionem oriturum in commodum, quod à nimis succulenta præda posset facillimè oboriri;

Plura de Natura Leonis Lector Benevolus è seq. Disputatione Dn. D. Petri Wolfarti, quam de Leone Cassellis A. 1711. publicè habuit haurire poterit.

Latinorum Poëtarum Princeps *Virgilius* *Æneæ* historiam ejusque in Italiam post excidam Trojam adventum enarraturus circa varia ut vocant *præliminaria* non occupatus dissertationis suæ scopum statim indicat, sic enim *lib. 1. Æneid.* incipit:

Arma virumque cano Troja qui primis ab oris

Italiam fato profugus Lavinaque venit Littora &c.

Nos de LEONE pauca quædam commentaturi hunc imitamur, qui variis *Etymologia*, *Synonymia*, vel etiam *Homonymia* circa Leonis vocabulum non involuti circulis ad rem ipsam aggrediendam sine mora nos accingimus. Et quid juvat prolixitati inhaerere, ubi opus non est? Ex præfatione enim luculenter patet, quid per Leonem hic indicetur. Non intelligimus scilicet per eundem Leonem illum *cælestem*, quintum ab Ariete fides. Nec, cujus meminit *Martialis lib. 10. Epig. 90.* Leonem hic consideramus. Multò minùs *Adeptorum* *Leoruber* vel aliud quid notandum venit, sed per Leonem intelligitur Brutum istud animans, *Quadrupedum Rex*, cujus insequentem prolixam definitionem, vel si mavultis concisam, quæ in progressu autem largius dilucidabitur, descriptionem ex *av-*

Leo est animal quadrupes digitatum, terrestre, viviparum, ferum, alienis ex oris ad nos advectum, rugiens, capite crasso, muscularis circa tempora validis, auribus parvis, fronte quadratâ, superciliò torvò, oculis flavis non adeò prominentibus, nasò crassiori, maxillis æqualibus, dentibus serratis, linguâ imbricatâ & asperâ, rictu amplò, collò magnò, jubâ caput, collum & ventrem large vestiente, pectore robusto, ventre lumbisque respectu colli & capitis gracilibus, artubus firmis, pedes anteriores quinis distinctum digitis, posteriores quaternis, ungibus magnis & aduncis, pilis ex flavo subcineritiis, caudâ ad decorem longâ & in apice boum more hirtâ, hisque omnibus gressum moresque heroicos jungens.

Leo est *Animal ζῷον* q. d. *vivens*, cujus intuitu etiam Homo aliquando caractere Animalis notandus venit; vel ad significandum Brutum, τὸ Irrationale scilicet. *Quadrupes*, hòc vocabulo etiam restrictionem generis facimus, quatenus motus localis, qui in Animalibus obtinet, rationem habemus, cujus respectu *Brutum* discriminant in *Volatile*, *Natatile*, *Gressile* & *Reptile*. Leonem autem ad *Gressilia* & quidem τετραπόδα referimus, quod ea omnia ipsi conveniunt; quæ ad Quadrupedis naturam requiruntur, cujus definitionem *Sperling. Zoolog. lib. 3. cap. 1.* hanc suppeditat: *Quadrupes est brutum gressile, caput, collum, dorsum, ventrem, pedesque quatuor habens* vid. etiam *Jonston. in præfat. ad libr. de Quadruped. p. 4.* Distinguunt porrò *Quadrupedia* in *Fissipeda* s. *Digitata*, *Bisulca* & *Solidipeda*, ad priora autem Leonem referendum esse, in apico est. Ad distinctionem *Aquatilium* & *Amphibiorum* adjecimus τὸ *Terrestre*, quo habitaculum pariter & locum consuetum naturæque ipsius proprium indicatum volumus. *Viviparum* vocavimus Animal, quoniam vivum excludit foetum reservatò uterò, ut discriminetur ab *Oviparis*, quæ cum utero ova incubatù fovenda & rumpenda ejiciunt. Hæc autem de pariendi saltim modò intelligenda sunt; ubi enim de ipsis generationum primordiis sermo est, ita Animalium in *Vivipara* & *Ovipara* divisio veritatis calculum minimè obtinet, siquidem ab *Insigni Harvæo Exercit. 1. de generat. Animal.* jam dudum ostensum est, quâ ratione omnia ac singula animalia etiam vivipara, imò & Homo Ipse, non exclusis plantis omnibus ex ovo progignantur, (de quibus ultimis vide Dn. Jo. Melchioris *Verdries* Profess. Gieffen. eruditam dissertationem de *Succi nutritii in plantis circuitu ventilatam* Gieffæ Respondente *Franck* Anno 1707.) ut taceam *Kerkringium*, *Grafium*, *Redi*, *Schruvamerdammium*, *Connor* &c. imò Recentiores omnes

omnes saltem saniores veritati huic in totum subscribentes. *Ferum* denique vocavimus Animal ob ferinos mores, utque distinguamus à *semiferis* & *cicuribus*.

Quo eo felicius in describendis reliquis Animalis hujus partibus pergere nobis integrum sit, pauca quædam de *patriâ* ipsius indicabimus. Alienis scilicet ex oris ad nos venit Leo, locumque natalem alias agnoscit *Mauritaniam*, *Parthiam*, *Lybiam*, *Caput Bona Spei* imò totam *Africam*, *Syriam* etiam, *India* & *America* Regiones quamplurimas, non autem Europam contra Aristotelem, nisi aliunde advectos pro indigenis habere velis. Sic *Magnus Dux Hetruria* semper quosdam Leones ex Africa sibi advehi curat. *Londini* quinque Leones vidit *Excellentissimus Dominus Prasfes*. In aula *Saxonica Dresdensi* aliquando etiam Leones asservabantur, an autem adhuc obtineat, nescio. Potentissimi *HASSIÆ LANDGRAVII* semper quoque Leones habuere. Nostros de quibus impræsentiarum agitur catulos *Algeriâ* ex *Africa* huc advexit *SERENISSIMI* Nostri ex multis generose susceptis & absolutis itineribus celebris & expertissimus *Leonum Prasfectus Plilippus Hoettem*, qui quidem ex nido eodem non sustulit, interim tamen venationem à Barbaris non aliter, quam quomodo *Aldrovandus lib. de Quadruped. digit. viviparis* Edit. Bonon. p. 17. fieri fatetur, asserit, quò Benevolum Lectorem relegatum volumus.

Sequitur explicanda Leonis Vox, quæ *Rugitus* vocatur. Iste sanè Rugitus adeò terribilis est, ut fateri queam, me ex animale terribiliorem nunquam audivisse sonum, ut meritò exclamari queat: *Leo rugit, quis non expavescet?* Tantæ autem esse efficacix editam istam vocem, ut cætera animalia, ea etiam, quæ Leonem non viderunt, ut scribit *Aldrov. l. c. p. 13.* adeò attonita exinde evadant, ut stent velut *Marpesia* cautes, nunquam vidi, quamvis non semel cum Leo rugiret, canes, cervos, vaccas, equos, simias & alia animalia cum attentione contemplatus sum.

Tam horribilem autem raucumque boatum ex immani admodum procedere capite necesse est, quod etiam tantæ crassitie est, ut, qui Leonem nunquam viderunt, horrorem illi indè concipiant. Utcunque autem magnum sit, *parva* tamen ei insitæ sunt *Aures* ad *nobilitatem* forsitan indicandam; notum enim est, quod qui parvas habent aures, pro ingeniosis habeantur, cum è contra *Auriti* ut plurimum stupidi sint. Utitur autem iisdem ad expiscandum tam reliquorum animalium quam etiam hominum vocem.

Frontem habet quadratam & amplam inque medio paululum cavam, infra quam bini flavi apparent non adeò magni, nihil-

que ferè prominentes oculi, quorum centrum *pupilla nigra oblonga* constituit; quibus mediantibus etiam objecta jucunda ab inimicis accuratè distinguit. De his autem plura infra. Mirari autem satis nequeo Veterum oscitantiam, qui *Leoni contractiores assignare palpebras, quam quæ apta nata essent pro tegendis in totum oculis, sic ut apertis etiam iisdem dormire cogeretur*; cum è contra ipsemet viderim, quod oculos exactissimè claudere queat, cæterumque certum sit luminibus bene clausis eundem dormire, ut taceam insuper falsum esse, quod refert *Ælianus, Leonem* nimirum *dormientem caudam movere*. *Hariolari* autem me confido, unde utraque fabula ortum suum traxerit: Nimirum memini, me vidisse non semel canes dormitantes & semisomnos qui oculos etiam non in totum clausos habebant; sic ex Veteribus quidam pariter semisomnum forsitan vidit Leonem, qui caudam insuper fortè fortuna moverit, hic ergo, ubi vidit periculum in mora esse, fugæ se tradens sciscitantibus postea mira narrat, se scilicet Leonem apertis dormientem vidisse oculis, & quod portento simile, eundem, cum cætera tamen membra profundissimus habuerit sopor, caudam movisse. Optimè! à *semisomnis scilicet argumentati fuistis ad perfectè dormientes*.

Naso noster Leo gaudet *crassiori*, cujus adminiculo egregiè odoratur, quippe qui ope odoris herum & consuetos homines ab inconstuetis facillimè internoscit non aliter ac faciunt canes. Infra bina hujus nasi foramina *subcineritios* sed admodum paucos *in morem barba* vel mustacis prominentes pilos habet, quemadmodum in quibusdam canibus observari etiam potest. *Rictus* ejus horribilis est, in cujus medio *aspera* tremulat lingua, quam binæ *maxillæ* crudelibus instructæ *dentibus*, circumdant, non aliter ac urbem vallò vallisque munitam videmus. Quæ omnia non solum immensæ crudelitatis, quam insana etiam *ingluviei* infallibile dant testimonium; nostri siquidem Leones quotidie 18. ad 20. libras carnis bubulinæ egregio cum appetitu consumere nati sunt, ut oblatam carnem unà cum ossibus non comedere sed vorare videantur. Utut autem voracissimus sit præprimis Leo mas, libentius tamen ipse caret cibus, quam qui *Leenam famelicam* sciret; & quamvis sufficiens adsit cibus, Leo solus comedit, non cum *Leana* una, cum tamen cum eadem ex uno eodemque bibat vase. Consuetus ipsis cibus est *Caro*, *potusque Aqua*. Non etiam veritati adeò dissonum videtur quod dicunt, herbas Leonem non degustare nisi ægrotum, ut scilicet sicut canis vomitum creat. *Leonem* verò *Simiarum* præprimis *carnem* appetere, quando in *tenebrosa* scilicet *febre quartanâ* corripitur, meritò

Paullini Zeit-kürtzender erbaulichen Lust 3ten Theil. cap. CXXX. pag. 828. inter mendacia erudita (gelehrte Lügen) recenset, unum enim æquè stolidum est ac alterum. *An Leonis os fœteat*, ut Zoologi scribunt, curatius scire non desidero, qui scilicet ad hoc expiscandum nasum meum ori ipsius propius non audeo admoveere, quod fieri tamen deberet si rei hujus certior esse vellem; per cancellos saltem nihil fœtidi ex ipsius ricu legi.

Tam autem ad elegantiam quam significantiam etiam generositatem ornatus est noster Leo prolixiori circa caput, & collum (quod cum pectore validissimum habet) *Jubâ* quæ tota ferè nigra est. Primum *Martialis* lib. 8. *Epigr. 55.* his innuit:

O quantum per colla decus, quem spargit
honorem,

Aurea lunata cum stetit unda jubæ.

Posterius indicant Zoologi, quippe quò prolixioribus decorantur Leones jubis non adeò crispis, quod ultimum etiam de pilis intelligendum, eò truculentiores æstimantur, si secus, contra.

Utut autem non tantum ex capite colloque, magnis, prolixiori *jubâ*, sed & pectore imò *toto trunco* validis, qui quatuor robustissimis insuper suffulcitur artubus, non sinistrum de totius machinæ eximia fortitudine augurium capere possumus, major tamen roboris portio antica corporis parti indita videtur, id quod natura tacitè quasi nobis indicare voluit, dum reliquum trunci à pectore ad caudam gracilius & per consequens infirmius fecit; quod clarius adhuc in artubus patet, quorum scilicet anteriores tanquam fortiores *quinis*, posteriores ut debiliores *quaternis* tantum *ungulatis* armatos videmus *digitis*. Ne tamen posterior *Leonis* pars omni destituta videretur robore, Deus ipsi ad decorem longam dedit *caudam*, quâ mediante palum dimidiâ ferè pedis crassitie iratus frangere potis est. Quod autem in modo laudata *caudâ corneum aculeum* gerat, cujus cuspide pungendo ad credulitatem se excitet, ut alii scribunt, veritati non congruum videtur, oculorum enim nostrorum acie usi in ipsius animalis cauda ejusmodi calcar invenire non potuimus, ut taceamus, quod expertissimus noster *Leonum Curator*, qui à primis ferè unguiculis inter *Leones* conversatus est, se hoc nunquam vidisse, vel unquam apud *Barbaros Leonibus* insidentes audivisse, confessus sit.

Curiositatis autem plenum notatuque dignum videtur, quod in *pueris Leonis maris* observare potuimus. Non enim *virga*, ut in aliis plerisque animalibus *antrorsum* tendit, sed *retrò* flexa est, ut urinam reddens, quæ ipsi à tergo sunt madefacere coactus sit *Leo*. Præter hoc incommodum, quo et-

iam ad coeundum infirma admodum nata sunt *Leonis* genitalia, aliud adhuc huic ferè æquale accedit, nimirum nimia *virga parvitas* & *brevitas*, ut facile adeò credamus, quod Zoologi narrant, *Leanam* scilicet, propter insufficientiam *Leonis*, arctius cum Pardo inire commercium, sicque marem *Acteonisare*.

Magnitudinem Leonis quod spectat, non enormis adeo est, ut in excessu, vel nimis parva, ut in defectu peccare videatur, sed quemadmodum cætera hujus animalis omnia justâ suâ symmetriâ tam pro egregiè fortis quam pulchri etiam Animalis charactere militant, sic ex decora ipsius inter maximum & parvum magnitudine contrarium etiam non elucet; quamvis negare non possimus unam *Leonem* speciem majorem esse altera, prout nempe patria vel colore Individua discrepant, vid. *Aldrovand.* l. c. p. 7. & 8. Unum autem illud hoc in passu pro Benevoli Lectoris informatione sufficere arbitramur, si indicamus saltem, quod noster *Marco* (prout *ferarum Custos* eum vocat) cum sua fœmina *ex maximis* sint, qui peregrini Europam unquam viderunt.

His omnibus *gressum* decorum *Leo* jungit, in quo à nemine se impediri patitur, id quod *Salomo* etiam innuit, quando *Prov. 30. v. 29.* ita inquit: *Tria sunt, quæ optimè incedunt, imò quatuor bene ordinant gressum. Leo qui fortissimus inter bestias, & non avertit se à conspectu cujusque &c.* Non autem eleganter tantum sed & sinceris dotatus moribus, aperte, non astutè incedere videtur, ita ut infucata sua & bene morata se commendans figurâ *Virum bonum* (non *Actæona*) sinceræque mentis hominem *Leo* depingat, cum è contra *Leana* subdola & blandientis alicujus *Mulieris* symbolum præ se ferat.

Hac de externarum *Leonis* partium configuratione, earumque officio, magnitudine, ejusque gressu in præmissis differere volumus paragraphis, nunc sanus decensque ordo, quo juxta *Xenophontem* lib. 1. de *Instit. Cyri*, in vitâ humana nihil melius nihilque utilius est, postularet, ut, antequam in eo, quod restat, enucleando pergere susciperemus, in delineanda internorum etiam viscerum structura præstemus præstanda; dolemus autem, quod hac in parte, prout deceret alias, *Benevoli* satisfacere *Lectori* non possimus, qui *Anatomica* frustrati. Ne autem nihil prorsus egisse videamur, missis fabulis, ea saltem pauca quidem, verisimiliora tamen, quæ Veneranda Antiquitas nobis reliquit sciendi cupido ob oculos ponimus. Sic *collum* vertebris distinctum contra *Cardanum* & alios contrarium tenentes *Autonius Scaliger Exercit. 208.* testatur. *Ossa Leonum* medullâ carere, propriâ edoctus experientiâ *Fallopianus* refuta-

vit. Ex musca autem Elephantum facere *Sperlingio Zoolog. Phys.* p. 148. & mihi videntur *Veteres*, asserentes *Leonis ossa collisa ignem gignere*, quemadmodum facit silex chalybe percussus. Utcunque autem hæc, ut innumera alia, quæ futilia passim de Leone blaterantur, falsissima sint, veritati tamen haud dissonum videtur id quod *Aristoteles lib. 5. c. 80. de Leoninorum viscerum structura* dicit, quod nimirum visceribus canum similia sint. Et profecto ille non adeo crassum errabit errorem, qui *Leonem* familiæ *Canum* & *Tigridem* generi felium annumerat.

In his recensitis ferè omnibus *Leanam* *Leoni* similem deprehendimus, exceptis *staturâ*, quæ in Leone excelsior, *membris genitalibus* & *jubâ*, quæ caret. *Oculis* etiam variat, quorum scilicet pupillas in *Leana* majores & rotundiores observamus; præter quæ in ventre tot *ubera* habet, quot canis: ut demirari satis nequeam, quæ ratione acutus alias *Aldrovandus*, qui l. supra cit. etiam gloriatur se *Leones* vidisse, eidem duas tantum assignare audeat *mamas*.

Dum in præcedenti thesi mentionem fecimus *mammaram* & *membrorum genitalium*, quæ ad producendum & sustentandum Animal necessario requiruntur, non inconsultum duximus, pauca quædam de Leonum generatione interponere. Audivimus scilicet superius, *Leones catulos* ut plurimum aliunde in *Europam* adduci, ubi postea in *Vivariis Principum* asservantur & sollicite foveantur: nam in Europa nunquam vel rarò pariunt *Leones*. Nostri quidem *Trigides*, qui tum temporis cum Leonibus venère, duos ante biennium pulcherrimos genuere *catulos*, qui autem hyemis sævitiam non superarunt. Jam iterum duos peperit *Tigris* fœmina *catulos*, quos ad justam ætatem *ferarum Curator* educare sperat. An autem pari ratione ex nostris *Leonibus* *Leunculos* aliquando visuri erimus, tempus docebit: speramus saltem; impossibile enim non est, quippe sub *Electore Saxonia Johanne Georgio II. Leana* peperit. Audiamus eum in finem *Tobiam Beutel*, in *Cedreto Electorali Saxonico*, sub titulo *Leonum*, ubi postquam alia in *Theriotropheo Saxonico* contenta animalia recensuit, ita pergit: *Inter hæc animalia hoc tempore etiam Leo & Leana est, quos ambos Serenissimo Nostro Electori Serenissimus Magnus Dux Hetruria ante duos abhinc annos Florentiâ hic Dresdam misit, ex quibus anno proximè præterlapso Leana tres catulos enixa est, qualia animalia terra Saxonica alias non fert.* Exinde saltem videre est, quam infirmo stet. talo *Veterum* asseritum, *Leanam* scilicet unum tantum excludere fœtum. Quomodo ipsorum coitus fiat? *autoψία* destitutus hæreo, quod vero post coitum cohæreant *Curator Leonum* affirmat.

Ex præmissis omnibus pronò quasi fuit alveò *Leonem* nostrum non tantum singularis pulchritudinis (ob quam *Elector Moguntinus* per celebrem *Francofurtensium ζωογέρον Rose* ante annum eundem cum *Leana* depingi curavit) sed & fortitudinis egregiæ animal esse: quam suam fortitudinem maxima cum truculentia conjunctam esse data occasione viribus suis fidens ostendere non intermittebat, quippe qui

- - - - - crudeli concitus irâ
Horrendus savit, mediumque per agmen
equorum

Infertur lateque omnes sternitque fugatque.

Data scilicet occasione & famelicus, alias enim placidè satis se gerit; fame autem vexatus & quando vorat, dirè rugiens immane quantum iratus & crudelis est.

Quemadmodum autem in exercitu militum non omnibus æquè, licet cataphractatis heroici animi ignis sub costis spuris gliscit, sic & idem in generosa Leonum familia obtinere videtur; quamvis enim *Leones* fortes & crudeles sint, nihilominus pauci quidam hoc in passu *generes* se exhibent, quos vide apud *Aldrov. l. c. p. 8. 9.* Inter *generosos* autem præter *Parthicos Lybici* generosiores habentur, propter quorum truculentiam nemo adeo facile meticulosa ipsorum adire latibula suscipit, quod elegantissimè *Hoffmannsvaldau* part. II. v. 10. exprimit:

Soll ich in Lybien die Löwen-Lager stören, &c.

Leo autem *furiosior est & fortior Leana*, quamvis contrarium ex *Æliano Gesnerus* hisce verbis scribat: *Semiramis Assyria, non si Leonem vel Pardalim similemve feram interfecisset, sed si Leanam esset nacta, in eo sibi placuisse fertur, fœminam scilicet mari ceu fortiolem præferens* vid. lib. de *Quadrup. digit. p. 577.*

Crudelitatem acquirunt, quando colla & armos vestiunt *jubæ*, *catuli* enim magis innoxii sunt, cum primis si à teneris unguiculis inter homines degunt. Sic summa cum delectatione *ferarum Custodem* cum *Leonibus catulis*, quos catenâ terrea ligatos tenebat, ludentem vidi, quem etiam, ut & servos & ancillas ejus, posticis pedibus stantes seque ad horum corpus allinentes canum more basabant & lambebant, quod & in *Tigridibus*, observavi. Jam autem adultiores factos *Leonum Curator* non amplius adire, neque in cubiculo ipso, sed per cancellos interpositos cum ipsis conversari audeat. In istiusmodi enim bruta illud quadrare antiquum:

Naturam furca expellat tamen usque recurrit, egregio cum damno Leonum Curatoris Cognata ante biennium in Tigridibus experta est, qui tamen tractabiliores tum temporis Leonibus erant, mulierculamque mirè amabant. Contigit scilicet, ut Tigrides aliquando acriter in-

ter se dimicarent, quid sit? muliercula videns hoc pacificatoris vicem subitura ipsorum pugnis audacula se immiscet, sed infausto eventu; horum enim alter seposita amicitia misella scapulam adeo crudeliter lacerabat, ut in posterum tale quid tentare sponte recusaret.

Quamvis autem hinc luce meridiana clarius appareat, quam periculosum sit istiusmodi brutis, etiam mansuefactis, nimis fidere, non tamen negari potest, quin Leo ita aliquando tractari queat, ut adultus innoxius plane & stolidus sit; quem in finem ipsum ferarum Curatorem narrantem Benevolo Lectori propono: Accidit aliquando, dixit, ut Leo quinque annos natus, quem ipse educaveram, remotis vinculis de nocte abiret, qui in proximam se conferens sylvam oves & vaccas venatus est; quid jam? advenientes rustici testantur se Leonem hic & ibi vidisse. Altero die mane in sylvam me dum confere, Leonis vestigia pressurus, ecce Leo, postquam per quadrantem horam in sylva commoratus eram, obviam mihi currens immane quantum latatur, gaudiumque suum subsultatione, adulatione, caudaque motione testatur, non aliter ac facit canis, qui amissum invenit herum. Ad quod catena, qua bestiam ligarem, destitutus unam ex fasciis, quibus tibialia mea firmabam, ei circa collum posui domumque sic Leonem latus duxi. Hec ille.

His, uti supra innuimus, non tantum Animalis in Rusticos innoxitas, sed & mirus Leonis erga Dominum suum amor probatur, quod in nostro Marco etiam verum est, qui scilicet ab hero suo libentissime, à peregrinis autem difficillime contrectari se patitur. Hujus etiam Domini sui vocem cum Leana Leo accurate agnoscit; cum enim hic clamat: Marco! Leo statim accurrit, non quod LEO intelligat sibi isto vocabulo indicari ut accedat, minime gentium! sed dum Leo vocabuli Marco sonum auribus suis haurit, iidem corporis & spirituum motus consequuntur, quos non suasu aut consilio, sed diuturna assuefactione cum illo toties iterato fame scilicet vel alia necessitate coactus conjungere didicit, & sic in ceteris. Nullam enim ulli bruto tribuimus cum ratione intelligentiam, contra quosdam Brutorum Advocatos, qui Animalibus non tantum animam rationalem, sed & quos novi, coelum aliquod, si Diis placet, assignare non erubescunt. Phuy! pudet me horum. Habeant sibi ipsis coelum illud, ego saltem cum iisdem id intrare non gestio. At transeant hæc cum cæteris erroribus vulgi. Nos e diverticulo in viam redeuntibus in nostro depingendo pergimus Leone, quem non tantum Heri sui amantem & quod ipsius cognoscat loquelam, sed & cujuscunque sui Benefactoris, post longum etiam temporis intervalum, memorem dicimus. Prius ex allatis legi potest, posterius ante breve tempus nos

docuit supra laudata ferarum Curatoris Cognata, quam scilicet, postquam ultra annum Cassellis abfuit, reversam Leo statim agnovit, lætitiæque gestibus suis omnimode testari non intermisit.

Prout autem non tantum objectorum amicorum præsentia delectatur, sic & peregrinorum corporum accessum non adeo difficulter fert Leo, quorundam tamen præsentia moleste afficitur. Sic certum est, quod ad aspectum flammæ alteretur & irriteretur, vid. Barthol. de luce anim. quod & ad aspectum coloris rubri evenisse vidimus. Quæ omnia certis & evidentibus quibusdam causis inniuntur Physicis. Utcunque autem hæc in profundam admirationem Sophum non facile ducant, peculiarem tamen attentionem mereri videtur, quod scilicet inter homines peregrinos unum ægrius ferat præ altero, & quod mirabile sane, quorundam præsentiam minime toleret; in cuius rei fidem non intermittere possum, quin Tibi Lector Benevole insequentem referam historiam: Exspatiati fuimus aliquando cum aliquot Amicorum nostrorum in Insulam Mauritanam, exoticorum animalium videndorum gratia; perventi ad locum quævis digna lustravimus, ad ultimum reservantes Leones, quos tandem cum adiremus, Leo antea quietus primo statim intuitu in unum ex nobis, charum alias mihi Amicum, horribilem saltum faciens, nobis omnibus terrorem incussit, nescientibus scilicet quid hoc rei esset. Aliquot elapsis momenti amicus, qui retro nos se contulerat, iterum prodit, inque alium Leonis conspiciendi gratia migrat locum, sed ecce Leo in visum iterum involat, ad quod denuo se abscondit amicus. Leo igitur hominem non amplius videns ad quietem se componebat. Sed nescio quæ curiositas modo laudatum amicum excitaverit, ut dimidia saltem corporis parte Leoni spectandum denuo se offerret, & ecce Leo non tam repente hunc vidit, ubi crudeliori quam antea modo una cum terribili rugitu in eundem, (in quo tamen nec ignei, nec rubri quid, quibus alias irritatur, erat) iterum furiebat, adeo ut cancellos rupturus videretur, quo abire coacti fuimus. Non defuere tum temporis quidam, qui mali ominis signum id esse pronuntiabant, hocque quasi portento Amico eximium aliquando periculum damnumque significari augurabantur. Fuerunt alii qui Antipathia inter hunc hominem & Leonem casum adscribebant, nescientes ipsi quid per Antipathiam istam velint. Nos neutri horum subscribentes hanc damus rationem: Radii prodeuntes ex Amici nostri oculis, vel etiam toto corpore ejusque positura, transeuntesque mediante lumine in Leonis oculos, ejus sunt figura, ut in eorundem tunica retina depingant imaginem, cujus idea sensationes Leonis organum non suaviter afficit vel demulcet, sed potius

potius ladit, spiritusque animales tumultuarie movet, sicque animal ad iracundiam per se primum in furorem agit. Idem etiam inter homines obtinere, quotidiana loquitur experientia; contingit scilicet sæpe, ut in hominem, quem per omne vitæ nostræ spatium non vidimus, primo statim aspectu, vel ob connatos ipsi mores, vultus corporisque figuram, vel propter aliud ignotum quid, non exiguum capiamus odium, de causa interrogati nil respondere apti, nisi:

Non amo Te Volusi, nec possum dicere quare,

Hoc saltem possum dicere: Non amo Te.
vel ut alius

Crispinam lieb ich nicht, man mag die Ursach fragen,

Crispinam lieb ich nicht, ich kan kein andre sagen.

Oculorum supra meminimus, quod nempe inimici forsitan ex Amici nostri oculis prodierint radii, quos Leo ægrè tulerit. Certum enim est, pleraque animalia hominum oculis alterari, in quibus scilicet Natura quasi Θεῶν τι posuit.

Magnanimum ex superba fronte severisque moribus etiam judicatur animal Leo, in quem parum timoris cadit; parum scilicet: non existimandum enim, ac si nullo plane percutiatur timore; contrarium enim audivimus ex ferarum custodis ore, qui recensuit, quod Pastores circa Algeriam in Africa ad arcendos a gregibus Leones vestibis campanulis nolisque obstitis, vel etiam tympanis utantur, quibus scilicet in fugam vertitur Leo; quod ultimum etiam Gesnerus l. c. p. 587. indicat. Aliis aliàs non facile terretur. Delira enim fabula est, circumactos rotarum orbes currusque inanes Leonem terrere, prout Fabularum Architector Plinius refert; ut taceam puerile illud, Leonem Simiam & Gallum ejusque cantum timere. Alii quidem putarunt albos tantum Gallos metum ipsi horroremque incutere, ast utrumque experientia reclamant, vide etiam apud Voss. l. dol. L. III. c. 53. p. 1017. Quid? ut minima non curat Prætor, sic Leo noster istiusmodi exigua aliaque vilia non æstimat, multo minus facile iisdem exagitur, quod videre fuit in Venationis spectaculo Florentia exhibito, quod Gabriel Simon in Dialogo suo ita enarrat: *Videlicet se in civitate Florentia interfuisse venationis spectaculo, in platea S. Crucis parato, ubi inter alia animantia duo Leones in Theatrum ducti fuerunt, quorum alteri in arena occurrit Capreolus, qui pedibus anterioribus ter aut quater caput Leonis percussit, sed Leo tanquam magnanimus & generosus similem percussione parvipendens Capreolum illasum prateriit, & ad bellandum cum superbissimo Tauro in altera Theatri parte morante alacri animo se contulit: hæc ille.*

Hic Leo profecto se gessit, sicut faciunt prudentes & magni animi homines, qui si forte à scurra scurriliter tractentur, non statim fulgure & tonitru reboant, nil scilicet nisi insanam glocitantes vindictam, sed cum Socrate (inbaptizato fere dixissem Christiano) à quodam calce percusso, nec tamen contra quicquam mussitante regerunt: *Quid sime Asinus calcitrasset, num illi diem dixissem?* Licet autem magnanimus sit Leo, non tamen persuadere mihi possum, magnanimam suam patientiam acriter etiam excitatum servare victisque parcere, juxta Ovidianum:

Corpora magnanimo satis est prostrasse Leoni,

Pugna suum finem, cum jacet hostis habet.

Vel quod Sperlingius l. c. p. 152. ex aliis scribit: si infestatur solum, telumque avertitur, non prosternit jaculatorem, sed leviter cauda percutit atque terret. Imo, bona verba, credat hoc Judæus Apella.

Utcunque sit, magnanimus manet, & propter hanc suam magnanimitatem, bellicositatem, excelsam indolem, copiam spirituum laudabilium, incessum heroicum, vultum majestate plenum, jubamque qua veluti corona caput ejus ornatum apparet, quadrupedum in Terra Rex Leo est, non secus ac in Æquoreis Delphinus, inter insecta Apis, inter pisces Balana, inter aves vagas, qui Ganymedem rapuit

Jovis Armiger Ales.

Quibus omnibus tamen ex beneplacito & constitutione summi Polarchæ potentior Dominus & Rex Homo dominatur, altiorque inter ea, sublimi cœlum tuenti supereminet ore, emicatque non aliter ac dum nox est sereno cœlo

— — Luna —

Inter minora sidera,

qui eo etiam audaciæ procedit, ut Leonum ferocissimorum latebras non tantum frequentare, sed & catulos auferre suscipiat, ablatosque quantum fieri potest, mansuefacere tentet. Loquantur pro me Antiqui Romanorum Triumphi. Nonne Marcus Antonius (ut ex multis unum afferam exemplum) post pugnam Pharsalicam jugatos currui Leones junxit, non recensendo, qui Leones ad artem venaticam aptam reddidere. Nec in eo alta hominum mens acquievit, quin crudelissimos etiam Leones cominus aggressi sint. Habetis exemplum in Hunonis Gloriosi Comititis Oldenburgici filio Friderico, qui præsentem Imperatorem Henrico IV. ad Parentis insontiam demonstrandam Leonem aggressus est vicitque, vid. prolixius apud Hermann. Hamelmann Chron. Oldenburg. P. I. c. 13. p. 32. Sic etiam anno 1647. quidam in præsentia Schach Choram Magni Mogolis Indici Leonem infelix feliciter trucidavit. Infelicem capropter

eapropter vocamus, quod in fortitudinis remunerationem *Magnus Mogol* victori ventrem cultro aperire iussit, quod & factum, eo quod aliter dimicaverat, quam *Mogol* imperaverat. vid. *Erasmi. Francisci Ost- und West- Indischen, wie auch Sinesischen Lust- und Staats-Garten 3ten Theil*, pag. 1456. ut taceam, quibus *mascula bilis* hoc in passu etiam intumuit *Samsona & Herculem*, modo *Hercules & Samson* non sint una persona.

Et sic in antecedente dissertationis nostræ nexu evicimus, qua ratione *Leo* post hominem generosissimum multarumque virtutum messe conspicuum sit animal. Hinc sponte sese manifestare videtur ratio, cur à prisco *Invi-etissima HASSIACÆ Gentis Bellicosissimorum Ducum* ævo ad nostra usque tempora *POTENTISSIMI HASSIÆ LANDGRAVII Leonem* pro *Insigni* habeant: Nimirum ut sit fortitudinis, generositatis & aliarum egregiarum virtutum symbolum; quamvis rationes Politicas, &, ut vocant, *Statistitas* non neglectas velimus, quas evolvendas *Antiquariis & Rei Heraldicæ gnaris* jure relinquimus.

Ulteriorem *Leonis* in foro *Erudito* cumprimis usum Benevolo Lectori explicandum suscepissemus, nisi jam dudum πολυμαθὴς *Aldrovandus* quicquid dici potest, felicicissime exhausisset; qui revera hoc in passu *Aquilam* se præbuit in nubibus. Habent enim uberime l. c. a pag. 24. ad 63. quibus delectentur *Philologi, Historici, Moralista, Politici, Antiquarii, Rei Heraldicæ Amantes* &c. Nec *Theologos* hic aliquid reperturos dubitaverim, quod ad textus divini dilucidationem non adeo inutile erit. Caveant autem sibi, inprimis *Juniores Prophetarum filii*, ne in applicatione ex defectu sufficientis *Rei notitiæ* (quod non adeo rarum alias est) absurda & fabulosa proferant, sicque acerbam non minus quam dignissimam *Perillustres ac Magnific. Dn. Doctoris Valentini, Antistitis Giesseni meritissimi*, quam *Mus. Museor.* pag. 429. adhibuit, incurrant reprehensionem, propriæque Autoritati multæque Eruditionis præsumptioni (quam alias forte apud reliquos habent) male prospicientes, indelebilem ignorantiae characterem sibi ipsis inurant. Plura juvenilis prohibet ætas.

Agmen tandem claudunt *Remedia à Leone desumpta*, quorum ne gry quidem mentionem facere antea mecum constitueram, nimirum quia experientia non frerum me omnino latet, an ea quæ hoc in passu *Gesnerus* l. supra cit. *Aldrovand.* l. c. *Guilielmus van den Bossche* in *Historia sua Medica*, & alii plures ex Veteribus allegant, in praxi calculum veritatis obtineant, nec ne? Cum autem hoc in casu maxima pars Lectorum eo morati sint modo, quo *Ægroti* quamplurimi, existimantes scilicet *Medicum officio suo non recte fungi, vel etiam non adeo eruditum esse, qui non semper aliquid præscribat*; hinc in horum gratiam, quæ sequuntur, pauca adjicimus. Sic *Pinguedinem Leonis* rite purgatam resolventem, maturantem, anodynam & nervinam, veluti existit axungia humana, canina &c. facile crediderim. Nec adeo absurdum est *Fel Leonis* ad claritatem oculis conciliandam conducere: felicius tamen res procedere videtur, si nimirum adsit visus obscuritas cum mordaci dolore, ex *sale* quodam *acido* sui juris facto, membranasque oculos constituentes pungente, quippe ad istiusmodi acidum heterogeneum subjugandum, scindentesque ejus cuspides involvendas *Leonis fel*, particulis suis *salino volatilibus oleosis amaris* aptissimum videtur natum. Nec laude sua privandus venit *Epilepticus* ille ex *Leonis sanguine & stercore prolectus Spiritus*, quem vide apud *Frid. Hoffmann. Meth. Med.* p. 283. & *Clav. Schroed.* p. 678. Hoc trino Medicamentorum ex Leone desumptorum & impari, quo *Deus ipse gaudet*, numero Ben. Lect. contentus vivat, rogamus. Nos interea dissertationi huic colophonem addentes Creatori mundi, qui mirabilia omnia fecit, pro gratiosissime concessio auxilio iufinitas agimus gratias eique tribuimus laudem & gloriam in ævum.



SECTIO V. DESCRIPTIO ANATOMICA LEÆNÆ

Societatis Regiæ Scientiarum Parisiensis.

Præter characterem sexui sequiori in leonibus peculiarem, qui est, quod careat longis in collo pilis, observavimus diversa alia, qualia erant, quod haberet longiorem nasum, caput in vertice planius & ungues Leonis unguibus minores.

Leæna hæcce erat tres pedes alta, ab extremo anterioris unguis ad summum dorsum: V. vero pedes longa, ab extremo naso ad exordium caudæ, quæ erat duos pedes cum dimidio longa.

Ungues, qui erant in fine, & divisi in diversas fibras, instar unguium leonis observabantur in hoc subjecto majore cura & exactitudine efformati, quam in reliquis; observatum est, quod conflati essent ex fibrosa & valde compacta substantia in respectu ad fibras istorum, nisi quod illius fibræ facile separarentur ab invicem: quæ res, ut facile judicari potest, servit ad soliditatem, qua debent pollere ungues, illosque compingit, non secus ac apparet in ligno fibroso, quod longe difficilius finditur, postquam exaruerit; revera, hæc leæna, quæ erat insigniter macilentata, habebat ungues scissuræ minus obnoxios, quam alteri leones, qui erant juniores & obesiore. Præterea situs unguium, & peculiaris modus, quo illos deprehendimus affixos ossibus extremis palmæ pedis, nobis visus est adesse primatio, ut suppeditaret humorem, qui est his partibus necessarius. Præterea ungues non erant immediate affixi ossibus per totum ipsorum tractum, sed erat quædam pars illarum, nimirum alterutro in latere, quæ erat cava, minusque ossibus annata; spatium illud repletum erat substantia ad hoc negotium plane apta & inter cartilaginem & ligamentum mediæ consistentiæ. Modus hic connexionis & firmationis horum unguium nobis videtur aptissime conducere ad usum ipsarum facilitandum; si enim omnes fibræ, ex quibus hi ungues conflati sunt, immediate ortæ fuissent ex osse, non potuissent haurire sufficientem humoris copiam, pro connexionē hac necessariam, & quæ reddit ungues firmos stabilesque; præterea si fuissent omnino affixi ossibus ligamentorum ope, non valuissent adeo exacte jungi, quam si fuissent suffulti corpore quodam intermedio.

Structuram ventriculi leæna nostra particula-

rem & plane differentem a prioribus obtinebat. In aliis enim leonibus, quos secumimus, deprehendimus ventriculum plane similem illi, qui est in canibus & catis, habentem amplum largumve fundum versus superius orificium, quod sensim fiebat angustius versus pylorum: hæc vero leæna habebat fundum ventriculi bipartitum, more animantium ruminantium. Peculiaris hæc ventriculi conformatio reperiabatur tantum in unico animalium, ex quatuor illis quæ secumimus hujus generis, nimirum 2. Leonibus, totidemque Leænis: ast in 2. leonibus, alteraque leænarum ventriculus erat canino plane similis. Est quidem omnino verum, quod ventriculus Leonis, quem primo secumimus, haberet duas protuberantias in superiore sui parte: ast illæ non erant consideratione dignæ, nec comparandæ cum plenaria divisione hujus exinde duplicis & in duas cavitates distincti ventriculi.

Intestina conjunctim sumpta æquabant 22. pedes & quatuor uncias in longitudine. Rectum intestinum habebat fere 4. uncias, colon vero duos pedes.

Colon non ostendebat quicquam exiguarum cellularum, sed saltem in quadam sui parte angustius erat: inde quasi in 2. partes sejungebatur, quarum una altera paulo longior erat. Cæcum erat 2. uncias longum, ejusque fundus spectabat superiora, orificium vero inferiora. Pancreas erat canino simile.

Mesenterium refertum erat glandulis lividis, quæ crassitie pisum æquabant, omnes vero ovalem figuram exprimebant. Vascula erant valde conspicua & dilatata, in specie venosa. Erant & valde conspicuæ venæ lacteæ, divisæ in varios ramos, quorum trunci commode suffulciebantur pancreate *Afelli*.

Pelvis renum repleta erat arena rubente, quæ censebatur produxisse restagnationem seri, cujus magna copia deprehendebatur in abdomine & thorace.

Vesica erat adeo arcta, ut cum maxime flatu distenderetur, non excederet amplitudine renem; *Aristoteles* & *Ælianus* asserunt, quod leones raro bibant; & *Albertus* observavit, quod Leæna non diu lactent ipsorum catulos, propter defectum nimirum humoris, qui est necessarius pro generatione lactis.

Hepar habebat 7. lobos, 6. majores, unumque magis tenuem. Unus amplissimorum, qui dextram occupaverat, bifidus erat & dilatatus, ut quasi spatium concederet dextro reni, qui situs erat altius, quam sinister, ut communiter in brutis esse solet. Vesica fellea erat anfractuosa, & formata quasi variae essent protuberantiae, uti & in tribus prioribus subjectis res se habebat.

Splen erat longus; rami vasis brevis, qui affigunt lienem fundo ventriculi, erant ampliores & numerosiores, quam communiter esse solent.

Uterus distinctus erat in 2. longa cornua, uti in canibus. Cornua ista erant firmata per larga ligamenta. Versus ipsorum extremitatem, prope & sub testicularis, conspiciebantur quaedam appendices, figurae irregularis, & quasi essent tornatae versus finem: quae censebantur esse corpora illa, quae Anatomicis modernis vocantur fimbriae Tubarum uteri in feminis: quod videtur iustificare & defendere Veteres ab errore, qui illis vulgo attribuitur; hoc enim demonstrat, quod non citra rationem putaverint cornua uteri in brutis nequaquam a tubis uteri humani differre. Quamvis enim Cornua uteri brutorum sint corpora cava, in quibus conceptio & nutritio ipsorum foetus maxime fit, & contra Tuba mulierum videatur solida & omni cavo destituta, adeo ut sit commoda recipiendo semini & ad peragendam ejusdem translocationem versus fundum uteri, supplendo locum prostarum in utero, juxta sententiam *Galeni*; & quamvis conceptio communiter in fundo uteri fiat, est nihilominus veritati plane consonum, quod structura & usus tubae muliebri uteri, & cornuum brutorum uteri essentialiter nequaquam differant; siquidem praeterquam quod exempla prostant conceptus facti in tuba uterina, gaudemus quibusdam observationibus, quae ad rem nostram plane faciunt & ostendunt, quod tubae uterinae habeant similiter quandoque evidentem cavitatem. Apposui hic figuram uteri muliebri, in quo deprehendimus 2. manifestas cavitates, quae faciebant quosdam flexus, octo lineas longos, & prope duas latos ad exordium ipsorum, quique ex fundo uteri ad tubas ejusdem pertingebant.

Ad finem cujusvis cornu, paulo infra testiculum, aderat longum corpus nervosae substantiae, quod reputabatur ligamentum teres, referte: porro descendebat ad inguen, ibique explicabatur ad instar pedis anserini, uti in

muliere fieri solet. Origo ipsius solum differbat in eo, quod in muliere haec ligamenta procedant ab ipso uteri fundo, in illo loco, ubi tuba exoritur, amplo satis intervallo a testiculo. *Soranus* tradit, quod in muliere quaedam viderit hoc ligamentum rotundum, (quod ipse vocat cremasterem musculum testiculi muliebri) affixum testiculo muliebri, non secus ac observavimus in leana nostra.

Mediastinum nullis foraminibus retiformibus pertusum erat, uti in priore leone, sed membrana ipsius erat spissa & sibi continua.


Pulmo 7. constabant lobis, tribus utrinque & uno intermedio; illi dextri lateris erant ampliores, quam hi ex sinistro latere. In universum pulmonum parenchyma erat scirrhum. Vena coronaria erat sat ampla: cor vero ipsum exilius longe, quam in leonibus, quos secumimus. Interior superficies ventriculi sinistri erat scirrhusa versus officium arteriae pulmonalis, & videbatur plane, quod pulmones communicaverint hoc malum cordi. Aderant & duo polypi, unus in quovis cordis ventriculo; universa basis cordis extenè erat circumdata viscosa materia, quae formabat diversas inaequales protuberantias, loco pinguedinis, quae hoc loco communiter deprehenditur.

Lingua, uti in leonibus, armata erat magnis aciebus instar unguium: erant vero hic minores, molliores & teneriores.

Ventriculi cerebri erant valde ampli, & cavitas, per quam falx intrat & quae cerebrum in duas secat partes, erat similiter plane profunda, nimirum 10. linearum. Glandula pinealis erat insigniter exilis, linea non amplior.

Humor crystallinus, uti in leonibus, erat magis convexus anterior, quam posterior; quod secus deprehendebatur in altera leana, in qua erat magis convexus posterior, & magis depressus anterior; membrana, quae posita est in fundo oculi & apposita choroidi, quam *TAPETUM* vocamus, erat coloris, qui dicitur Isabellinus, intermixtus cum tantillo viridicoeruleo; facile separabatur à choroide, quae remanebat ejusdem solitae sibi crassitiei, postquam removissemus membranam, quae *Tapetum* istud constituit.

NERVUS OPTICUS erat proximus oculorum axi; in ipsius medulla videbatur adesse foramen, quod disparebat, postquam universa retina esset ad alterutrum latus seposita, nec aequaliter extendebatur circum circa nervum opticum, ad cavitatem choroidis.



EXPLICATIO FIGURARUM

TAB. IV.

IN PARTE INFERIORI

Positura seu situs Leonis foeminæ ita est expressus, ut quam facile illi pecularia & propria observari possint. Caput ad alterum inclinatum, ut divisura frontis & longitudo faciei appareat, quæ tam elegans non est ac in Leone mare. Distincte etiam ostendit brevitatem colli, quæ caput scapulis quamproximum efficit.

IN PARTE SUPERIORI

- A. est Pylorus.
- B. Fundus stomachi, a reliqua parte separatus, simulans alium ventriculum, qualis in animalibus ruminantibus occurrit.
- C. C. Vena gastrica.
- D. Lien.
- E. E. Varia eminentia circa basin cordis, duram & tenacem substantiam, pinguedini minus similem, efficientes.
- F. Truncus vena cava.
- G. G. Truncus Arteria magna.

- H. H. Vasa spermatica preparantia.
- I. I. Testiculi.
- K. K. Appendices, quæ Tuba uterina fimbria esse videntur.
- L. Matrix.
- M. M. Cornua uteri.
- N. Collum uteri.
- N. Vesica.
- P. P. Ligamenta uteri rotunda.
- Q. Membrana iridem efformans, plurimas circulares plicas efficiens.
- R. Locus Tunica conjunctiva, qui albus est.
- S. Locus Tunica conjunctiva, qui nigricans est.
- T. Membrana cilium interius efformans.
- V. V. Ungula seu Unguium complexus.
- X. X. X. Ultimum os, cui ungula annexa est.
- Y. Cartilaginosa seu Ligamentosa substantia, quæ inter os illud & ungues reperitur, quæ spatium, inter illas partes occurrens, replet.
- a. b. c. Matrix Fœmella, in qua
- a. Representat fundum uteri, &
- b. c. Cavitatem in utroque cornu uterino.

SECTIO VI.

DESCRIPTIO ANATOMICA
URSI

Societatis Regiæ Scientiarum in Gallia.

Magnitudo & spissitudo pilorum, quibus universum Ursi corpus rectum est, tali modo, ut videatur unus quasi continuus pilorum cespes cæsariesve, in quo vix animal refert, ansam dedit *Virgilio Maroni*, ut æquissimo jure ursum appellaret informe animal; nihilominus non plane informis est noster ursus, siquidem detracta pelle ejusdem genuina figura videri potest sine ullo impedimento. Hæc deformitas, omnino ut illa in simia, (quæ exstimatur turpissima omnium bestiarum,) fundata est in pessima similitudine, quam utrumque horum animalium cum omnium animalium perfectissimo, homine nempe, habet, juxta generalem & verissimam regulam, quod optimi & perfectissimi turpissima & pessima sit corruptio.

Id quod corpus humanum admirandum reddit, juxta *Galen*i sententiam, est structura manuum atque pedum, quæ distinguit ipsius corpus ab illo reliquorum animalium, uti ex altera parte ratio reddit ipsius animam à brutorum anima diversam. Hæc structura est omnino & quasi excessive peculiaris in urso, dum

habet quædam, quæ aspectu externo accedunt ad id, quod reddit organa illa perfecta; est nihilominus deprehensum, quod id, quod maxime necessarium & insigne est in istorum conformatione, vel depravatum, vel insigniter mancum sit. *Galenus* annotat duo, quæ sunt primario necessaria ad convenientem usum illarum partium, videlicet in manibus, quod ipsi V. digiti sint communiter divisi in 2. partes, quorum IV. ex una parte sunt sibi contigui, & apparent quasi ejusdem generis, quintus vero illorum ex altera parte ita distinctim positus sit, ut inserviat principali manus actioni, quæ est, ut teneat & prehendat: In pede autem quod sit compositus ex calcaneo ab una parte & ex V. digitis, alternatim ipsi oppositis (plane, ut digiti in manu sunt oppositi pollici,) ad reddendum gradum magis securum & firmum, per diversam applicationem harum partium ad figuram rerum, super quas incedimus.

Plinius, ubi loquitur de similitudine quam palmæ & pedes ursi habent cum iisdem partibus in homine, non bene rem intellexit, dum tradit,

tradit, illam consistere in positione cubitorum & genuum, quam tradit in simia & urso esse ut in homine & contrario modo ac in aliis animalibus, quæ habent poplites posterius & cubitos antè. Ast & omnino verum est, quod omnia animalia habeant has partes eadem ratione dispositas, quicquid etiam *Aristoteles* de hac re narret; & id quod diversum ab illo situ reperitur, exinde procedit, quod calcanei in brutis accipiantur pro poplitibus, carpus autem pro cubito, quoniam scilicet per ossa, quæ constituunt calcem humanam, adeo elongatus est in brutis, ut pro poplite acceptum sit; & quoniam carpus, qui in homine constat ex 8. exiguis ossibus maximè rotundis, obtinet in brutis ferè omnibus unum suorum ossiculorum admodum longum, quod exinde accipitur pro crure anteriore, nihilominus accurate loquendo est unum ex ossibus carpi; adeo ut crura & palmæ ursi solum in eo humanis iisdem partibus similes dicantur, quod carne multà obrita sunt. Interim *Aristoteles* tradit, quod nil quicquam sit in homine, quod ipse eodem non habeat modo: quod os calcis sit breve, & constituat partem palmæ pedis: quod adsint 5. digiti sibi invicem juncti & calcis oppositi, & quod ejus palma habeat ossa carni ferè eadem ratione & sibi juncta instar ursi; ast in ipsius palma non adest ullus pollex distinctus à reliquis IV. digitorum, qui palmam constituunt, & qui solus habet eam magnitudinem, quam propter possit pro pollice accipi, est planè contrario, ac in homine sit, modo collocatus, nimirum exterius, & in loco minimi digiti, non secus ac in pede ursi idem sit, ubi maximus pedum digitus similiter externe collocatus est. Præterea pes ordinarie non consistit in calcaneo, quod membrum propterea pilis tectum est, plane ut reliquum crus, nec quicquam callosi ostendit, nec speciem illam pellis peculiaris, quæ defendit palmam pedis & ejus lamellæ sunt impressæ in loco, quo animal incedit. E contrario ejus palma se habebat quasi esset calcaneus: callositas illa, quæ est in palma, erat interrupta per pellem aliam pilis obritam, ut inciperet alia callositas paulum altior, verbo: digiti palmæ erant similiter admodum prave conformati, & malè facti pro ipsorum usu, cum essent vasti, breves & firmati ad se invicem, uti in pedibus.

Substantia harum partium non minus est notabilis, nec secus peculiaris, quam earundem structura. *Plinius* & *Plutarchus* tradunt, quod sit cibus suavissimus, & *Michael Herus* asserit, quod in Germania reserventur solis Principum mensis, pro quibus palmæ ursinæ asserventur sale fumoque conditæ. Observavimus autem, quod hæc substantia, quæ palato tantopere aridet, sit pingue quoddam ligamen-

tum, admodum album & delicatum, ferme 2. digitos crassum, quod erat in parte interiore palmarum pedumque. Hic vero quæri posset, annon probabile sit, quod ex hoc ligamento prodeat quidam humor, qui occasionem dederit *Plinio* & *Æliano*, ut assererent, ursum 40. diebus vivere posse, dummodo dextrum lambat pedem?

Ungues duorum, quos secuimus, Urforum, erant affixi ultimæ phalangi digitorum, eodem modo, ac in leonibus sit; præter illa vero, quæ in leonum unguibus singularia descripsimus, habebat facultatem cohibendi suos ungues elevatos, dum incederet, quo nimirum illorum apices conservaret illibatos. Interim apparebat, quod nostri ursi hanc rem plane neglexerint, siquidem ipsorum ungues erant semidetriti, simul nigri & multo minores, quam in leone, uti quidem judicari poterat ex eo, quod reliquum in iis aderat.

Dentes erant leoninis conformes, præterquam quod essent longe minores. Antea dictum est, quod solum utatur palmis suis ad frangenda retia & lacerandas plagas Venatorum, quoniam magnitudo & crassities labrorum ejusdem obstat, quo minus dentibus utatur ad idem negotium. Habent itaque labia illa omnino singularem structuram, cum inferius illorum sit tortuosum, & rescissum à duobus angulis, instar cristæ gallinacæ.

Longitudo universi corporis à fine angustationis faucium, ad finem pedis digitorum, erat 8. pedum, triumque unciarum, 5. autem pedes cum dimidio ad exordium caudæ, quæ erat 5. uncias longa, & unum pedem cum V. uncias ad posteriorem capitis partem, quod erat planum & constituabat angulum cum ossibus syncipitis, directe a sutura lambdoide ad medium, a quo consurgit crista elevata, uti illa in Galeis, sed multo minor, quam in Leone, & a qua muscoli erotaphitæ, qui similiter caput ursi tegebant, æque trahebant suam originem, sed erant longe minus carnosæ.

Thorax erat amplior, quam in Leone, & similiter valde longus; constabat quippe XIV. costis. Collum non erat breve, in proportionem ad latitudinem ejusdem, instar porcini, ut Autores tradunt, sed habebat 7. uncias in latitudine, & 9. in longitudine. Insignis spissitudo pilorum, qui circumvallabant hoc collum, est ratio, ob quam apparet brevius.

Os femoris erat proportionaliter longius, quam vulgo est in brutis, & erat articulatim junctum ossi cruris, ope rotulæ, seu patellæ, quam quidam Autores tradunt non deprehendi, nisi in homine.

Pellis, quæ erat valde dura & insigniter crassa in dorso, deprehendebatur valde tenuis & delicata sub abdomine. Pilus non erat tam contumax & rigidus, quam in Leone aprobe, quadam-

quadantenus lanam referens, magisque crispus, quam caprinus, multo vero minus quam ovillus.

Porro, quoad interiores partes corporis, epiploon erat valde amplum, sed summè macilentum, instar reliqui totius corporis, quod neque externe neque interne habebat quicquam pinguedinis: quod forte ortum fuit à morbo, quo subjectum hoc periit, siquidem animal hoc alias secundum naturam valde est obesum, cum primis tempore hyemali, quo ursi insigniter pinguescunt.

Hepar erat insigniter amplum, & in 7. lobos divisum, quorum unus erat multo minor reliquis. Vesicula fellea vix dimidiam crassitiem assequabatur illius in leone; erat vero plus fellis diffusum per membranas ipsi adjacentium partium.

Oesophagus, qui non excedebat 14. lineas in diametrò, nec latior fiebat versus superius ventriculi orificium, observabatur exterius valde carnosus ad ventriculum, qui erat extreme angustus. *Aristoteles* tamen asserit, quod Ursus habeat eundem valde amplum, non secus ac porcus, quod cum illo asserunt omnes reliqui autores; censuerunt siquidem, quod, cum ursus sit valde vorax, necessario habeat amplum ventriculum. Attamen in nostris subjectis non erat pedem longus, & ejus maxima latitudo, quæ erat prope summitatem, non excedebat 6. uncias & 2. cum dimidia versus medium, ubi erat coarctatus, ut demum ampliaretur, desinens in secundum ventriculum, ferme tres uncias cum dimidia, qui erat situs versus pylorum. Fundus utriusque ventriculi erat durus & tres lineas crassus, quinque vero versus pylorum, qui erat similiter durior. Ventriculorum illorum interior membrana erat æqualis, uti vulgo esse solet, excepta exigua illa asperitate, quam vocamus velvet, quoniam sericum villosum refert; referebat autem aliquatenus ventriculum ruminantium pecorum in eo, quod complures haberet eminentias, similes illis, quæ constituunt reticulum & echinon in ruminantibus: nisi quod illæ eminentiæ non haberent illam speciem regularitatis, quæ deprehenditur in ruminantium ventriculis.

Quoad intestina, dici posset, quod non adesset nisi unum, siquidem non observabatur illa discretio, quæ deprehenditur in reliqua animalium turba, per diversum nempe colorem, substantiam & crassitiem; similiter nullum plane cæci intestini aderat vestigium, nec cellularum coli quicquam apparebat. Erant vero summatim intestina 40. pedes longa, cum è contrario Leonis illa 25. pedes non superarent. Hac intestinorum uniformitas fortè in causa fuit, ut *Theodorus Gaza*, dum transferebat librum *Aristotelis de*

animalibus ex Græca in Latinam Linguam, quando autor de ursi intestinis loquitur, vocem Græcam *έντερον* exposuit per Latinam intestinum; est vero credibile, quod hæc particularitas fuerit incognita *Scaligero*, dum reprehendit *Theodorum*, quod temere hoc fecerit.

Lien erat gracilis & tenuis, quippe longitudine 6. uncias non excedebat, 2. uncias ferè latus, & minus una uncia crassus.

Structura Renum apparebat nobis admodum insignis & particularis. Illorum forma erat valde longa; habebant V. c. sem. uncias in longitudine, & III. c. sem. in latitudine. Membrana adiposa, quæ omni adipe destituta erat, postquam detracta esset, apparebat alia membrana valde solida & crassissima, quæ non erat sola in renibus insignis, nec parenchymati affixa, sed alia quæpiam membrana, quæ instar sacci continebat quinquaginta 6. exiguos renes angustosque, dummodo sic appellare illos liceat: totidem quippe parenchymata actu & apertè ab invicem secreta, propriis suis membranis tecta & sibi invicem juncta in quibusdam locis per fibras & pratenues membranas, ab illa, quæ illos renes omnes instar sacci prodeuntes involvebat. Hæc connexio erat peculiaris exiguis renibus, qui erant in concava parte totius hujus renulorum acervi s. renis totalis, at versus convexam partem illi renuli sibi minime connexi erant.

Figura cujusvis exigui renis referebat largam basin in exteriori parte, & sibi invicem appressi erant versus interioriorem partem totalis renis, ubi erant ad invicem firmati instar racemi uvarum. Illorum basis erat in quibusdam hexagona, in plurimis pentagona, & in reliquis quadrangula. Situ ergò differebant, at maxima illorum pars crassitudinem mediocris castaneæ habebat: paucæ ad parvam nucem accedebant. Acervus ille renulorum referebat conum pineum maturum.

Singuli isti parvi renes erant firmati quasi ad caudam quandam, conflata ex triplici vasorum genere, qui erant rami duorum vasorum emulgentium & ureter, qui intrat per apicem exigui cujusdam renis, qui in sinum quendam excavatus erat ad illum recipiendum, uti pomum excipit petiolum suum, contra ac communiter in totalibus magnis renibus fit. Rami hi erant ita dispositi ut arteria esset inter venam & ureterem, uti *Riolanus* observavit, cui videtur, quod hæc vasa sint sic cum disposita in finem, ut dum arteria super ureterem incedit, perpetuum urinæ fluxum per continuam pulsationem suam producat.

Trunci arteriæ & venæ emulgentis, quæ non erant calamo crassiores, singuli dividebantur,

bantur in 2. ramos, & posteriora versus in varios alios, quo mittant unum ad quemvis renem. Eorum tamen sæpe duo sunt, qui videntur quasi affixi ad simplicem & eandem caudam: sed saltim apparet sic, quoniam 2. rami, qui sibi invicem connectuntur, intrant exiguum renem, statim post ipsorum divisionem. Hi rami paulo penitus procedebant, & in parenchyma desinebant, adeo ut notabilis cavitates, quam vasa habebant dum exiguum renem absolverant, disparuerit, seu demum id fiat propter insignem copiam & consequenter imperceptibilem divisionem, quæ contigit exiguis vasorum ramulis, qui disperguntur per parenchyma, uti *Laurentius Bellinus* tradit fieri in emulgentibus renum humanorum, seu demum reverà hæc vasa ulterius non pergant, juxta *Higbmore* opinionem: & quod spongiosa parenchymatis substantia confestim sugat & filtret sanguinem ex arteriis, quo reddat illum venis puriorem & separatum à serositate sua, quæ depluit per papillas in ureteres, dilationem seu pelvim, non secus ac serum, dum caseus coagulatur, deponit butyraceam partem, & transit per caseosam partem: & uti lixivium, quod summitati vasis cuprei affunditur, ipsius universum pertransit corpus, postquam penetraverat linteum, nec eget ullis ductibus, qui ipsum illac deducant.

Conformatio ureterum erat diversa ab illa vasorum emulgentium; nam paulo post introitum ipsorum in membranam, quæ instar sacci sustinet universos exiguos renes, erant ampliari, & ipsorum crassities, quæ erat ferè calamo similis, tantopere augebatur, ut digitum æquaret. Erant posterius divisi in 2. ramos ejusdem crassitie, qui producebant alios minores, unicuique exiguo reni minorem sui ramulum subministrantes. Ultimus hic ramulus nihilominus superabat crassitie sua ramos venæ & arteriæ emulgentium, qui intrabant cum ipso exiguum renem, & per ipsum transibant ad anteriora, & propius ad medium, ad quem locum dividebantur in duos, & quandoque in tres ramos. Quisque horum ramorum paulum dilatabatur, & ad extremitatem suam formabat pelvim, quæ erat repleta carunculâ papilliformi; & ad latus hujus carunculæ pelvis apparebat pertusa tribus 4ve foraminibus, quæ non erant nisi sinuositates quædam, efformatæ per membranam pelvis, quæ erat rugosa interius, efformans quasi alios minores pelves, quæ nonnisi caput aciculæ caperent. Hæ papillæ, quæ grano tritici non erant crassiores, excedebant numero suo papillas in rene bovino, ubi erant adeo amplæ, ut apicem digiti caperent, sed numero 9. vel 10. vix superabant, cum supra centum essent in unô quoque renum nostri ursi. Videtur ergo, quod *Bartholinus* hoc non examinaverit,

dum tradit, quod ren ursi sit similis reni bovino, & infantis recens nati reni, quem secuit ipse coram Rege Daniæ; ast hi renes, de quibus *Bartholinus* loquitur, & quibus comparat ipse renem ursinum, habuerunt solum fissuras in sua superficie, quæ faciunt ut primo intuitu videantur similes reni ursino, revera tamen non habent illi, nisi unum & simplex & continuum parenchyma, cum hæ fissuræ non sint profundæ: dum contra 56. exigui renes ursi sunt revera divisi, & unusquisque illorum possidet omnes partes, quibus magnus Ren vulgo componitur.

Dum *Plinius* porro refert, quod penis ursinus, simulac animal est mortuum, induretur instar cornu, non possum non credere, quod autor ille minus exacte examinaverit penis materiam, & quod vel animus ipsi defuerit rem inquirendo se melius informare, qualis sit penis Ursi, dum vivit, nec curiosus adeo fuerit, ut secaret hoc animal mortuum. Nam putat se deprehendisse, quod illa durities penis sit congenita huic animali, non secus ac in canibus, lupis, sciuris, mustelis & variis aliis animalibus, quæ habent os in extremo pene, quod *Aristoteles* observavit. Penis nostri ursi erat quinque uncias cum dimidia longus, 4. lineas latus versus os pubis, à quo 5. unciarum spatio distabat, parum incurvatus.



Pulmones V. lobis constabant, tribus ad dextrum latus, & 2. ad sinistrum. Duo superioris dextri lateris erant valde ampli. Tertius, qui erat inter hos medius, divisus erat ad extremitatem suam in tres apices. In altero urforum nostrorum 2. lobi sinistri lateris erant insigniter tumefacti. Superior, qui albidus apparebat, turgebat magna aeris copia: in inferiore deprehendebatur corpus solidum, pugnum magnitudine æquans, simile spongiæ atramento imbutæ. In altero Urso, qui erat valde juvenis, structura mediastini erat valde singularis, cum esset pertusum in diversis locis magna copia foraminum, lineam unam cum dimidia latorum, cumque respersum & irriguum esset magna vasorum copia, quæ erant supra lineam crassa, adeo ut nonnisi pinguedo deesset, quo minus hæc membrana epiploo assimilaretur.

Cor, 6. uncias longum, & 4. latum, erat valde solidum in apice suo. Caro videbatur unciam crassa. Apex ejus non adeo acutus, ac in leone, cernebatur.

Asperæ arteriæ circuli omnes erant imperfecti, nec integri ut in Leone, quem secuimus: erant autem supra 5. uncias in circumferentia ampli.

Lingua erat lata & tenuis, uti in cane & felle, & gaudebat in extremitate sua exiguo caroso apice, sine ulla asperitate.

Cranium non erat adeo fragile ac scriptores tra-



tradunt, deprehendebatur enim serrantibus sat diu. Est autem omnino verum, quod dimidiam crassitiem cranii leonini non superaverit, quod deprehendimus 6. lineas crassum, ubi tenuissimum. Os quod eminet ad interiora, & quod separat cerebrum à cerebello, erat similiter tenuius, & magis irregularis figuræ, quam in Leone.

Cerebrum vicissim quadruplo majus. Erat siquidem 4. uncias longum, & totidem profundum, tres vero latum, dum Leonis cerebrum nonnisi 2. utrinque æquabat. Glandula pinealis erat valde exigua & maxima ex parte imperceptibilis, non secus ac in Leone.

Oculus erat tectus palpebra interiore, quæ oriiebatur in cantho majore & inde tendebat aliquantenus deorsum. Erat oculus simul valde exiguus. Ejusdem bulbus diametro 5. lineas non excedebat, & erat minor oculo cati. Humor crystallinus erat magna ex parte sphaericus, & ille in sinistro oculo nostri Ursi senioris deformatus erat glaucomate quodam, quod ipsum albicantem fecerat & omnino opacum. Ejus situatio videbatur similiter plane insolita, dum non erat directe oppositus aperturæ uveæ, sed retractus quasi lateraliter extrorsum axi oculi, adeo, ut similiter ante sectionem deprehenderetur per albedinem, quæ apparebat in fundo aperturæ pupillæ in interiore parte, quasi ibi cataracta delitesceret; & hoc productum erat à contractione fibrarum ligamenti ciliaris unius partis, & per extensionem vel relaxationem earundem in altero latere: quod videbatur factum ad concedendum liberum transitum visibilibus speciebus per 2. reliquos humores. Hæc crystallini humoris distortio probabiliter orta est eodem modo, ac fieri videmus in oculis infantium, qui postquam per longum tempus decubuerunt in loco ubi nonnisi obliquam lucem oculi recipere possunt, strabones fiunt, per dispositionem, qua muscoli oculi contrahuntur, dum exercentur, & qua mutatur id, quod in ipsis naturaliter se recte habet, per extensionem fibrarum quarundam, & per contractionem reliquarum. Hæc re facile adduci possemus, ut cogitaremus, quod hæc fibræ ligamenti ciliaris sint capaces dilatationis & contractionis voluntariæ, non aliter ac fibræ musculorum, & quod hæc actio possit augere vel diminuire convexitatem humoris crystallini, prout diversa distantia objectorum requirit variam in oculis eorumque partibus modo dictis dispositionem, quo magis clare distincteque objecta appareant.

Extrema duorum nostrorum urforum macies nobis obstitit, quo minus experimenta in illorum pinguedine caperemus, & nos informaremus de veritate ejus, quod *Aristoteles*, *Theophrastus* & *Plinius* de illa tradunt, quod, dum singula hyeme in speluncis suis reconditur

animal hoc, manifeste pondere augeatur. Quod si verum deprehendatur, videretur id confirmare vulgi opinionem, quod inter omnia animalia ursus citissime adolescat: siquidem dicunt, quod sub primordio vitæ suæ sit omnium animalium minimum in proportionem (nam juxta *Aristotelis* & *Plinii* assertionem glire sumere majore vix major nascitur) sed postmodum ad vastissimam molem adolescat, & quod, longo tempore licet enutritus lacte à muliere quadam, nec quicquam ederet, (si verum est, quod *Aristoteles* asserit, quod ursi educunt suos catulos, dum illos, prompte intra speluncam suam occludunt, ubi remaneant 40. dies sine ullo cibo, & quod præterea ursus quovis anno longum temporis spatium vitam sine cibo transigat) nihilominus tam subito adolescat, ut juxta *Albertum* crescat instar crocodili per universum vitæ suæ decursum, nec adolescere desinat post mortem suam, si modo id, quod Veteres de ipsius pinguedine tradiderunt, verum sit.

Considerata hæc particularia, observationibus nostris juncta, nos movebant, ut subsumeremus, quod temperamentum ursi, quod juxta *Aristotelem* est extreme humidum, debeat intelligi de humiditate quadam ad vivendum necessaria & apta; quod in eo consistit, ut non facile exarescat, & quæ est productum non cruditatis, quale est superfluum excrementorum humor, sed perfectæ concoctionis, ortæ ex bonitate constitutionis illarum partium, quæ sunt aptæ ad facile convertendum omne genus nutrimenti in laudabilem succum & ad assimilandum & mutandum illud in ipsarum propriam substantiam, aut ad dissipandam maximam ejus partem per exercitium suum, quod fructuose illæ faciunt, actiones suas continuè peragendo.

Notata, quæ juxta observationes has nos de perfectione temperamenti in urso reddiderunt certiores, erant primo, ejusmodi animal, quod sine discrimine vorat omne genus edulii, uti ursus facit, & quod eadem facilitate digerit crudos cibos, pisces, cancras, insecta, fructus arborum, pulmenta & mel, & quidem in valde angusto stomacho, & arctis intestinis, & inter quæ fere nullum deprehensum est intestinum cæcum, necessario gaudere mirabili facultate concoquendi, cum supplere possit per bonitatem temperiei suæ id, quod ipsi deest in commoditate structuræ, quæ deprehenditur in organis, quibus animalia alia gaudent ad reddendam hanc functionem magis perfectam, & quæ, ad digerendam magnam nutrimentorum partem, asservant illa longo temporis spatio in magnis receptaculis, & deferunt illa per infinitos circuitus & anfractuositates, uti observavimus in Camelo, cujus intestina erant fermè duplo longiora, quam in urso.

Secundo: exigua moles, quæ deprehensa est in nostrorum urforum hepate & splene ad recipienda excrementa, innuit, quod actio caloris naturalis tam bene constituta sit, ut non subiecta sit defectibus aut excessibus, ob quos, dum cibi vel aduruntur vel saltem semi-concoquuntur, sanguis, qui ex illis generatus est, indiget purgatione & deputatione superfluarum partium, quæ ad nutriendum corpus ineptæ sunt. Porro, quoad magnum numerum renum, quamvis natura illos fecerit ad evacuandam maiorem serositatis copiam, abundantia huius excrementi non debet æstimari pro signo debilioris caloris imperfectæve concoctionis, sed potius pro effectû minoris insensibilis transpirationis, quæ fit in urso, propter crassitiem habitus corporis ejusdem, quæ huic negotio minus favet; ad quod similiter addi posset, quod hic defectus transpirationis non possit esse signum defectus caloris, & terreæ saburræ; siquidem quamquam ineptum & minus agile animal ursus videatur, est tamen vix ullum animal; cujus agilitas vigorositasque magis possit contestari abundantiam & subtilitatem spirituum, quam calor naturalis vigens solet producere.

Terrio: hæc adeo potens facultas, quâ ursus adolescendo gaudet, est signum perfectis-

simæ humiditatis, siquidem hæc partes reddit aptas, ut possint extendi, ad augendam ipsorum molem, sine extrema imminutione eorum virium. Conjecturæ, quas deduximus ex nostris observationibus, ad credibilem reddendam ejusdem extraordinariam parvitatem, quam scriptores ei attribuunt, dum nascitur & sub prima ipsius conformatione, sunt fundatæ in exiguis ipsius oculis, dum modo gignitur, quoniam oculi, dum formatio est evidens & in exordio, sunt communiter tam ampli in proportionem ad reliquum corpus, ut singulus oculus excedat magnitudine totum caput; uti & capitis ipsius vastitas superat magnitudinem reliqui universi corporis, adeo ut supponendo, uti rationi sane conforme est, quod oculi ursi sint in prima conformatione tam magni proportionaliter ad reliquum corpus, ac debent postea semper esse per totam vitam, est facile judicatu ex parvitate oculorum, quam ipsi habent quando ursus adolevit, quanta fuerit parvitas totius ipsius corporis in prima conformatione, quod alioquin ut res incredibilis supponendum esset, videlicet quod ipsius oculi non increverint proportionaliter ad reliquum universum corpus, uti in aliis animalibus naturaliter fieri solet.

EXPLICATIO FIGURARUM.

T A B. VII.

IN FIG. INFERIORI

Ursus duplici forma ob oculos ponitur, scil. in priori cum ipsa cute unius lateris, in altera vero sine cute atque pelle, quo figura habitusque corporis (qui in posterioribus pedibus magis conspicuus est) eo clarius demonstrari possint.

IN FIG. SUPERIORI

- A. B. C. *Pes anterior sinister.*
 B. *Digitus pedis minor, qui pollicis locum tenet.*
 A. *Digitus major locum minimi occupans.*
 E. *Callositas in carpo.*
 D. E. G. *Pes posterior sinister.*
 E. *Digitus minor locum occupans crassioris.*
 D. *Digitus major locum minoris tenens.*

G. *Calcaneus pilis obsitus.*

H. I. *Duo ventriculi.*

H. *Oesophagus.*

I. *Pylorus.*

K. L. *Ren sinister.*

M. M. *Ureter.*

N. N. *Vena Emulgens.*

O. O. *Arteria Emulgens.*

P. Q. *Idem ren inversus, à quò nonnulli renulorum minorum separati sunt, ut vasorum emulgentium & ureteris distributio intus detegatur.*

R. S. T. T. *Unus è renulis per medium dissectus.*

R. *Arteria emulgens in renulo minori.*

S. *Vena emulgens.*

T. T. *Ureter in renulo quodam dissectus.*

V. V. *Papilla.*

Y. Y. Y. Y. *Pelvis.*

X. X. *Sinus exiguus inter pelves & papillas.*

* *Cerebellum.*



SECTIO VII. DESCRIPTIO ANATOMICA ALCES

Societ. Scientiarum Regiæ Parisiensis & Londinensis.

Hoc animal, quod omnibus septentrionalibus scriptoribus animal magnum, Germanis *Glend* & modernis Physicis *Alce* audit, nobis primò intuitu non videbatur esse *Alce*, cujus *Cæsar* meminit in Commentariis suis, & quod *Polybius*, *Solinus*, *Pausanias* & *Strabo* similiter post illum descripserunt, quoniam noster Anglorum *ELK* non plane convenire videbatur cum descriptione, quam hi Autores de *Alce* dederunt. Attamen, si consideremus, quod illi inter se non concordent, & quod descriptiones, quas illi de *Alce* reliquerunt, magis à se invicem discrepent, quam ea, in quibus conveniunt, a nostra *Alce* differunt; hinc censuimus, quod omnes hæ contrarietates, quæ solum in quibusdam particularibus male explanatis consistenterent, non essent sufficientes, ut refellerent nostram opinionem, quod nempe Anglorum *ELK*, & omnes antiquorum *alce* sint idem.

Nam ratio diversitatis harum Veterum descriptionum est, quod *Alce* vivat solum in locis, cum quibus illis nullum erat commercium; Et *Pausanias* narrat, quod inter animalia omnia sit *alce*, quæ hominibus sit incognita, siquidem ipsum ad se accedere non patiatur, quoniam sentiat illum ex longo intervallo per insignem odoris sui subtilitatem. Ast si hæc sit, si alia hujus rei ratio, manifestum ad minimum est, quod Autores segenius examinaverint *alce*, quam descripserunt. Quidam enim retulerunt, quod habeat pilos varii coloris, instar caprini generis; alii, quod pili ipsas omnes sint ejusdem coloris, instar camelinorum: quidam tradunt eandem esse cornutam, alii cornibus destitutam: quidam dicunt, quod nullas habeat juncturas in cruribus, & quod proinde non possit vel procumbere, vel surgere, adeoque dormiat acclinatum ad arborem, quam Venatores ad dimidium ferra abscindant, quo *Alce* illi incumbens prolaboratur, & insidiis ipsorum pateat: alii demum asserunt, quod hoc minime verum sit de *alce*, sed de alio quodam animali, vocato *Machlis*. Omnia hæc particularia, quam contraria invicem videantur, deprehenduntur in nostra *alce*; unde patet, quod hæ descriptiones non differant, quippe sunt diversorum animalium, & præterea illi,

qui nobis descriptiones illas ex aliorum relatione confarcinatas tradiderunt, forte non recte perceperunt illa, quæ ipsis narrabantur. Verum enim est, quod nostra *Alce* habeat pilos camelinis similes, hoc est, unius per universum corpus coloris; præterea nobis narratum est, quod pili omnium *Alcearum* sint diversi coloris, sed diversis anni temporibus. Revera enim nostra *alce*, quæ secabatur hyeme, habebat pilos omnes coloris glauco-flavi, qui est color Camelo similis: Septentrionales vero Historici asserunt, quod pilos ætate mutet, quo tempore pili pallidiores fiunt, non secus ac in Taxo, cujus pili ætate quam hyeme sunt pallidiores. Est itaque probabile, quod *Cæsar* retulit, *alce* habere pilos duplicis coloris, ex relatione illorum, qui animal hoc viderant ætate & hyeme: & cum ipse hanc diversitatem male intellexerit, vel illi obscure explicaverint, idem ipse de illo asserit, quod in capris annotaverat, quorum species eodem tempore habent diversi coloris pilos.

Sic cum *Cæsar* asserit, *Alce* nulla habere cornua, quæ tamen *Pausanias* illi attribuit, ambo vera dixerunt, quoniam fieri potuit, ut *Cæsar*is Venatores nonnisi femellas ceperint, quæ cornibus carent: & quod alii *Pausania* tempore mates cornubus præditos observaverint. Porò quod concernit crura *Alces*, quæ dicuntur nullas habere juncturas, quidam econtra autores referunt, quod sint *Alce* in Moscovia, quarum crura sint articulis distincta, valde probabile est, quod hæ opinio sit fundata & orta in illo, quod narratum est tam de his Sarmaticis *Alcis*, quam *Cæsar*is & *Plinii* *machlis*, quod sc. crura habeant tam rigida & inflexibilia, ut glaciem transeant absque lapsu: qua quidem ratione dicuntur se luporum persecutionibus subtrahere, qui in glacie illas minime sequi possunt: nec non ex insigni ictuum fortitudine, quos pedibus suis infligunt. Hi enim adeo validi sunt, ut si forte irritus cadat ictus, quem bestia cuidam minatur, pedibus suis posterioribus arbores, non secus ac fungos prosteruant, pedibusque suis anterioribus sæpe Venatores prostraverint.

Denique id, quo demonstratur, quod ex hac descriptionum diversitate, (quæ nonnisi quædam particularia concernit,) non debeat concludi, quod *Alce* Modernorum & *Alce*

Veterum sint 2. diversa animalia, est, quod & veræ descriptiones, quas Moderni de Alce tradunt, inter se invicem minus congruant, nec plane convenient cum illis, quæ in nostro subiecto observavimus. Nam quidam, v. g. *Erasmus, Stella, & Sigismundus* referunt, quod alce habeat ungulas solidas instar equinarum, *Plinio* assentientes, qui Alcen equo plane similem tradit, excepta cervice & auriculis, quæ aliter sint conformatæ. *Menabenus* similiter & *Johannes Cajus* ipsi barbam quasi caprinam attribuant, & referunt, quod reliqui ipsius pili non sint equinis longiores: quod in aliis autoribus non reperitur, nec in nostro subiecto, cujus ungulæ erant fissæ, & bovinis similimæ. Pili ejus similiter in omnibus partibus non solum caprinis multo erant longiores, sed similiter in proportionem superabant pilos caprillos, sine ullo barbæ vestigio.

Non reperivimus illud carnis frustum, quod *Polybius* post *Strabonem* refert esse sub alces mento, nec pilos, quos quidam collo ipsius affingunt, & quos *Gesnerus* refert se vidisse in quadam figura alces, quam ipsi miserit *Sebastianus Münsterus*; sed cum hæc 2. particularitates sint, his autoribus peculiares, nec quisquam præter illos de his loquutus sit, non debent obesse communi opinioni, quæ nullam inter ELK & alcen constituit differentiam.

Ast id quod magis hanc sententiam confirmat, est, quod omnia illa particularia, in quibus Veteres consentiunt, in nostro ELK inveniuntur; illi enim omnes consentiunt, quod alce sit animal statura Cervo proximum, quem similiter magnitudine auricularum refert, & caudæ parvitate, nec non in cornubus, quæ nec in alcis foeminis, nec in Cervabus reperiuntur. Idem similiter in hoc conveniunt, quod alce a cervo longitudine & colore pilorum differat, nec non in magnitudine labri superioris, in gracilitate cervicis, & crurum suorum firmitate.

Nostri alce excedebat $5\frac{2}{3}$. pedes à fine nasi ad initium caudæ, quæ solum 2. uncias longa erat. Nulla possidebat cornua, erat quippe foemina; collum ipsi breve, æque latum ac longum, nempe 9. uncias. Est itaque dignum admiratione, quod illi, qui censuerunt, quod alce autorum sequioris ævi, (quem illi pro nostro animali habent) sit Onager, vel asinus sylvestris Veterum, non provocaverint ad similitudinem auricularum, quæ in magnitudine illas cervorum, vaccarum & caprorum longe superant, & quibus nulla melius comparari possunt, quam asinorum, quos Alce nostra magis referebat in hac parte, quam in pilis pedibusve. Quamvis *Scaliger* affirmat, quod alces pedes sint asininis similes, *Stella* autem & *Sigismundus* referat, quod reperiantur quædam alce, quarum pedes sint solidi. Ratio

ergo suadet, ut credamus, quod, (si modo verum) hoc quibusdam aliis peculiare sit, non secus ac quibusdam equis est, ut habeant ungulas fissas, porcis vero, ut habeant illas solidas, uti quidem *Plinius* refert, quod hæc animalia in quibusdam regionibus ita se habeant.

Sic quoad pilos, color nostræ alcis parum admodum differebat à colore asini, cujus canities nonnunquam ad Cameli colorem accedit, cui jam antea in hac parte alcen nostram assimilavimus. Hic vero pilus in quibusdam locis valde diversus erat ab asinino, qui est longe brevior, & à Camelino pilo, qui multo tenerior est. Hi pili 3. uncias erant longi: crassities autem ad vilissimum equi pilum accedebat. Hæc crassities versus extremitatem minor fiebat, quæ erat acuminata; adversus radicem suam similiter coarctati erant pili, sed simul ut quasi manubrium lanceæ referrent; hæc ansa erat alius coloris, quam reliqui pili, erat enim pellucida instar setarum porcinarum. Hæc pellucida pars habebat ad extremitatem suam exiguum caput, vel rotundum quoddam corpus, quod erat radix pili; videbatur vero, quod hæc pars, quæ erat elegantior & flexilior quam reliquus pilus, sit conformata sic cum in finem, quo pilus alias durissimus servetur conclusus, nec in fine consistat. Hic pilus per medium s. transversim dissectus, per microscopium interius instar junci spongiosus apparebat, quod *Gesnerus* falsissime explicat, dum dicit, quod tantum sit cavus. Hic pilus erat instar ursini longus, sed angustior & magis combinatus, ubique ejus speciei.

Labrum superius erat vastum & à gingiva liberum, sed non tantum erat, quantum id *Plinius* alce attribuit, dum dicit, quod hæc bestia cogatur pasci retrograda, ne labrum suum dentibus mordeat. In dissectione enim observavimus, quod natura aliter incommodo huic occurrerit, ope scilicet duorum magnorum & validorum musculorum, qui peculiariter huic labro elevando destinati erant.

Similiter invenimus articulos crurum valide combinatos, per dura & crassa ligamenta. Hinc, si quis credere possit ea quæ de alce narrantur, sc. quod, cum sit valde epilepsiæ obnoxia, si hoc morbo obruatur, liberetur atque curetur, dum admoveat alterum pedum suorum auriculæ, & quod ungula istius pedis sit remedium epilepsiæ certissimum, sane hoc animal habeat, oporteret, juncturas magis concinne factas, quam in alce nostra apparuerunt illis, qui putaverunt, quod nullas plane haberet & quas in nostra alce non deprehendimus: aut denique necesse est, ut convulsiones, quibus exagitur, sint ejus conditionis, ut ingentem vim inferant ligamenti juncturarum, ut tantopere ipsa præter solitum extendat. Si vero *Olaus Magnus* instar Historici scripserit, &

si pro

si pro joco non sit habendum id, quod dicit de 2. ungulis, quæ sint ad finem cujusvis alceæ pedis, quod nempe solum illa, quæ sit in latere exteriori dextri pedis, sit ad curandam Epilepsiam apta: supponi omnino deberet longè magis admiranda dislocatio; & dici omnino posset, quod curatio hujus morbi, per simplicem contactum ungulæ alceis facta, si ex illa annulus paretur, non sit magis insolita, nec incredibilis magis quam contorsio, quæ in hoc pede concipi debet, quo nempe ungula (quæ est in latere externò) auriculæ admoventur. Adeoque ad percipiendam *Olaï* mentem probabile est, quod ipsius intentio fuerit deridere imaginariam virtutem hujus ungulæ alceis, & quod in hac re prudentissimè se gesserit. Cum enim nollet manifestè suam sententiam declarare, seu opinioni vulgari, quæ extollit specifica remedia, (inter quæ ungula alces est celeberrima) contrariam: & hæc ipsa non tam Medici (qui solent uti remediis certis, seu instrumentis aptis, ad efficiendas quasdam morborum curationes) quam illi, qui vana sui jactatione & arrogantia gaudent, æstiment & in eadem forma pro febrifugis, antipleuriticis, antipodagricis & antipleuriticis venditent, Magnus hic Vir se ipsum explicat per iconem, quæ notat & confutat illos, qui in errore suo decipi amant absque offensione, aliis vero rectius sapientibus mentem suam satis exponit. In proverbio enim est, quod oculi debeant cubito fricari, si sint ulcerati, ad indicandum quod plane non attingi debeant. Intimavit itaque nobis ille, quod nulla plane sit in alces ungula, quæ epilepsiam infallibiliter curet, virtus, dum dicit, quod non nisi illa, quæ est in latere exteriori pedis, quam alce possit auriculæ suæ admove, hoc possit efficere: simul addendo hanc impossibilem circumstantiam plurimis aliis, quarum Autores meminerunt, & quæ sunt difficilissimæ, absolutè tamen necessariae, (uti dictum est nobis) ad acuendam hujus remedii energiam: v. g. ut ictu securis refecetur ab animali vivo, die peculiari, ex masculo præterea lasciviente, qui necdum generaverit &c. quò manifestè ostenderet, quod Impostores & Agyrtæ, qui ungulas alces vendere volebant, addiderint omnes has difficiles condiciones, ut illi, qui ungulas alces, quibus usi erant, inutiles experti fuerant, cogitarent id ob defectum cujusdam harum circumstantiarum factum esse: id quod non potest non in illis, quas Mercatores vendiderunt, evenisse.

Postquam hæc circa firmitatem ligamentorum juncturarum in alces pedibus ratiocinati essemus, consideravimus figuram oculorum, quorum canthus major inferiora versus fissus erat multo magis, quam in cervis,

damis & capris sylvestribus, sed modo plane insolito, qui est, quod hæc fissura non responderet oculorum longitudini, sed cum linea, quæ ab uno oculi cantho ad alterum transit, angulum constitueret. Anatomia nobis patefecit, quod hæc fissura responderet glandulæ lacrymali, quæ $1\frac{1}{2}$. unciam longitudine & 7. lineas latitudine continere deprehendebatur.

Partes alces interiores habebant quædam bovinis similia, præsertim quod 4. ventriculos & intestina concernit. Veruntamen hæc partes id peculiare habebant, quod primus & maximus ventriculus ex parte inclusus esset membranæ, quasi sacco, quæ, cum vasis abundarit, pro epiploo accipi posset: & quod loco glandularum & pinguedinis, quæ communiter in hac parte sunt, adessent solum prope summitatem ejus quædam vesiculæ ære plenæ, castaneæ circiter crassitie. Intestina, 48. pedes longa, habebant cæcum citra appendicem, quod erat 13. uncias longum, & 5. latum. Figuram intestini humani prope modum referebat.

Hepar erat exile, quippe quod 1. pedem in longitudine, 7. vero uncias in latitudine non excedebat. Integrum autem erat, lobis destitutum, nec non citra omne vestigium fissuræ, quæ est supra cartilaginem xiphoidem. Adeo junctum erat diaphragmati, ut impossibile esset hoc à convexa illius parte separare, quin laceraretur. Non habebat vesiculam felleam, & erat universum, (ne fundo quidemejus parenchymatis excepto) glauci & lividi coloris.

Splen similiter valde gracilis erat, vix supra 8. pollices longus & 6. latus. Substantia 2. horum viscerum videbatur lævissima & valde homogœna: Renes vero in exteriori sua superficie 2. differentibus inter se coloribus distincti erant, unde ad aspectum asperi & inæquales, instar membranæ chagrin Gallis dictæ, apparebant, cum tamen tactu nequicquam inæqualis illic deprehenderetur. Idem lumbis per duplicaturam peritonæi non connectebantur, sed solum per vasa sua firmabantur.

Pulmones in 6. lobos divisi erant, quorum tres utrinque erant positi, unus vero in medio ipsorum, in cavitate mediastini delitebat. Inferiorum lobarum quivis superioribus duplo majores erant.

Cor erat 7. uncias longum, & 5. latum. Ejus figura erat acuminata, & à basi ad apicem spectabatur eminentia oblique conversa, quæ separationi 2. ventriculorum respondebat, adeo ut videretur esse sinus externæ partis dextri ventriculi supra sinistrum. Hæc eminentia, quæ rarò in cordibus aliorum animalium apparet, admodum manifesta erat in hoc

hoc subiecto. Septum & reliquum cordis parenchyma, quod sinistrum ventriculum circumdabat, crassitie unciam æquabat. Anuli asperæ arteriæ imperfecti erant.

Cerebrum, cum cerebello sumptum, erat saltem 4. pollices longum, & 2½. latum. Exilitas hujus partis comparata cum magnitudine lacrymalis glandulæ (quæ, ceu dictum, unciam longa erat,) videbatur nobis argumentum validum, ad roborandam opinionem illorum, qui censent, quod maxima pars glandularum circa cerebrum sitarum, ab ipso non recipient humores illos, quibus ex natura sua imbutæ sunt: sed quod hi ad illas deferantur vel per arterias, vel per nervos, à quibus illæ recipient materiam, ex qua lympham conficiant. Curisiorati nostræ, qua ferebamur ad exactius inquirendos ductus recipiendo & devehendo huic humori destinatos, (qui non potuerant non esse amplissimi in parte tam vasta) non poteramus satisfacere, propter corruptionem nostri subiecti, quod tam longo tempore asservatum fuerat, ut omnes partes putredine diffuere inciperent.

Substantia cerebri ab illa cerebelli non differebat, siquidem utraque erat candidissima & satis adhuc firma, non obstante dicta corruptione, ut apparerent sanissima in animali tam obnoxio quibusdam morbis, quorum theatrum in cerebro est, quod juxta *Cardanum*, frigidius, aquosius & magis phlegmaticum in hoc animali, quam in ullo alio.

Glandula pinealis insolitæ magnitudinis erat,

excedens quippe 3. lineas longitudine sua, non secus ac in Dromedarioprehendimus; sed ipsius figura erat conica, uti communiter, cum glandula pinealis Dromedarii trifolii formam præ se ferret. Hæc magnitudo, (quæ nobis valde consideratu digna videbatur in respectu ad exilitatem reliqui cranii,) faciebat, ut cogitarem, illos qui *Erasistratum* sequentes diversæ organorum cerebri formationi diversas internorum sensuum operationes attribuant, forte opinionem suam super similes quasdam observationes fundasse & corroborasse; siquidem Leones, Ursi, & aliæ feræ & crudeles bestię habent hanc particulam adeo exilem, ut fermè imperceptibilis omnino sit; & è contra maxima est in illis brutis, quæ sunt timida, instar alces, quod dicitur esse tam meticulosum animal, ut præ timore moriatur, si vel minimum vulnus acceperit: & observatu dignum est, quod nunquam reconvalescat, si vel unicam sanguinis sui guttam conspexerit.

Præterea in cranio & aliamprehendimus partem, cujus moles respondebat odoratum, qui magis exquisitus est in alce, quam in ullo alio animali, juxta testimonium *Pausania*, ut jam antea dictum & explicatum est: nempe processus mamillares, qui pro organo hujus sensus habentur, citra comparisonem majores erant, quam in ullo, quod secumimus, animali, siquidem supra 4. lineas in diametro continebant.

EXPLICATIO FIGURARUM TAB. VIII.

IN PARTE INFERIORI

Alce in situ naturali ob oculos ponitur, in quo longitudo pilorum, canthus oculi & os majus, quam in aliis ruminantibus, notanda.

IN PARTE SUPERIORI

A. Primus Ventriculus.

B.B. Tunica includens ventriculum, loco Epiploei.

C.C.C. Vesica nonnulla flutu turgida in hac tunica.

D. Initium secundi ventriculi.

E. Principium Coli.

F. Cæcum.

G. Conus Cordis.

I. Unus è pilis per transversum dissectus & microscopio inspectus.

K. Radix hujus pili alba & transparens.



L.L. Pilus integer major representatus, sed non tam crassus, uti pars ejus.

M. Unus ex oculis.



L

L





DESCRIPTIO ANATOMICO-MEDICA ALCEIS

D. Johannis Friderici Leopoldi, Lubecensis,

A. 1700. Basileæ pro gradu ventilata.

Supervacaneam quidem ac inutilem prorsus operam nonnulli appellant verborum extricationibus atque enodationibus immorari, nimirum aures tantum inani verborum sonitu, non mentem, fatiantem. Ast cum certum sit, nomina non solum signa, quæ diversa subjecta à se invicem distinguant, sed etiam certos quasi characteres existere, qui nos in certiore rerum cognitionem deducant, variosque ambiguitatum plexus, quibus sæpius irretitæ sunt, solvant: non inutile forte duximus, si de ALCE pauculis hisce pagellis hac vice acturi, genuinum ejus nominis ortum atque sensum historiæ ipsi præmiserimus. Quod itaque vocem Alcis attinet, plurimi eam Græcicam esse volunt, originem ἀπὸ τῆς ἀλκῆς, quod fortitudinem, auxilium & remedium denotat, non sine ratione derivantes; quippe quod hoc animal præter insigne, quo præditum est, robur, de partibus suis, ut infra dicendum erit, medicamina atque auxilia ægrotantibus concedat. *Latinis* vocatur Alce vel Alces: *Germanicè* Ellend/ Ellend/ aut cum aspiratione Hellennd/ vel enim, ut vult *Frantzius Histor. Animal.* c. 10. quia edit vocem, ab ipso auditam, admodum flebilem & adeo miserabilem, ut, si non conspiciatur, infantis ejulatum mentiat: vel ob miserum statum, dum sæpius epilepsiâ correptum, omnibusque sensibus orbatum creditur: vel etiam ob nimiam timiditatem, quodque ex conspectu tantum proprii sanguinis mortem oppetat. *Galli* nominant la grande Beste, *Scoti*que Gallos imitantes the great Beast. Conspirantes item *Itali* Magno Animali. Ab *Anglis* Elk, *Danis* Elsdieur, & à *Suevis*, *Norrvvegis*, *Finlandis*, *Lapponibus* que Ælg, Elg, Elgar, Rajo, Wormio, Schäffero atque *Olae Magno* testibus, appellatur. *Curoni* Alcem voce Bredhis, quod robustum, pingue & procerum in ista lingua significat, autore *Disp. Philosoph. de Alce*, exprimunt. *Poloni*, referente *Gesnero*, qui ab indigena se accepisse asserit, feram hanc Pouvod dicunt: & ab *Illyriis*, *Lithuanis* atque *Moscovitis* Lofs & Lozzi, *Herbersteinio* & *Schäffero* confirmantibus, nuncupatur. His recensitis appellationibus coronidis loco varia adhuc, & ex attributis desumpta, addimus nomina, quibus hæc fera ab Autoribus aliquot fuit insignita,

dum alii eam *Animal Magnum*, vel *Magnam Bestiam*, ob insignem corporis molem, alii ob aliqualem pilorum in colore cum asininis convenientiam, & aurium nimium propendentium longitudinem, cum *Olae Magno*, *Onagrum* s. *Asinum sylvestrem*, alii denique, quamvis malè, *Bisontem Plinii*, & *Tarandum* cognominarunt.

Ne ergo & nos in eundem incidamus errorem, notari volumus, quod hic Alcis titulo haud complectamur feram *Novi Orbis*, eodem nomine ornatam, quæ ungulas trifariam divisas, & crinium loco gibbum, ab humeris ad frontem usque protensum habere, eoque quasi cornu inter vepres ac ramos uti, quo sibi viam paret, interdum quiescere, nocte errare, à *Simone Magolo, Dier. Canicular. Tom. I. Colloqu. 7. p. m. 104.* traditur, & à nostro animali, ut mox patebit, prorsus est aliena. Multo minus sub Alcis nomine intelligimus *Alcidam*, fabulosam illam, & Poëtis olim notissimam feram, de qua *Diodorus Siculus lib. 4. rerum antiquarum p. m. 93.* inquit: „Minervam ferunt Alcidam peremisse, feram stupendam, ex terra natam, & antea; ut quæ natura plurimum ignis ex ore evomeret, insuperabilem pugna. Ea primum in Phrygia apparuit, regionem quandam comburens, quæ huc usque exusta Phrygia dicta est. Deinde ad montem Taurum descendens, sylvas continuas usque ad Indos incendio vastavit. Postmodum per mare in Phœniciam reversa, sylvas Libani incendit, perque Ægyptum in Lybiam profecta, ad loca pervenit occidua. Postremo, sylvis circa Ceraunia destructis, omnique incensa patria, cum homines partim flamma absumpti essent, partim timore, patriam relinquentes ad remotiora diffugerent loca, Minervam ferunt, tum sapientia, tum fortitudine ac viribus feram, eam, feram necasse, pellem pectori circumdedit, se, tum vestitus tutelæque corporis gratia, tum ad virtutis partæque gloriæ memoriam, ostendendam. At vero Alcideæ Mater Terra commota, Deorum hostes gigantes perit. Sed mittamus fabulas! eas ad Poëtarum scholas ablegando; & nos ad veram Ferae nostræ historiam convertamus.

Evolventibus igitur pro adipiscenda certiori Alcis notitia Veterum Scriptorum monumenta

numenta, primus omnium, qui hujus animalis mentionem fecerunt, sese nobis offeret *Pausanias*, in *Bæoticis* ita differens: „Alce „nominata fere specie inter cervum & camelum est: nascitur apud Celtas, explorari, „investigarique ab hominibus animalium sola „non potest, sed obiter aliquando, dum alias „feras venantur, hæc etiam incidit. Sagacissimam esse ajunt, & hominis odore per „longinquum intervallum percepto in foveas „& profundissimum specus sese abdere. Venatores montem vel campum ad mille stadia „circumdant, & contracto subinde ambitu, „nisi intra illum fera delitescat, non alia ratione eam capere possunt. Hunc servatō ætatis ordine excipiunt *Julius Cæsar*, atque cum *Plinio Solinus*, quorum alter *Libro VI. de Bellō Gallicō p.m. 247.* de animalibus Hercyniæ sylvæ agens in hæc erumpit verba: „Sunt „item (in hac sylva) quæ appellantur Alces. „Harum est confimilis capreis figura & varietas „pellium; sed magnitudine paulo antecedunt, „mutilæque sunt cornibus, & crura sine nodis articulisque habent, neque quietis causâ „procumbunt; neque, si quo afflētæ casu conciderunt, erigere sese aut sublevare possunt. „His sunt arbores pro cubilibus. Ad eas se „applicant, atque ita paullum modo reclinatæ quietem capiunt: quarum ex vestigiis „quum est animadversum à Venatoribus, quo „sese recipere consueverint, omnes eo loco „aut è radicibus subruunt, aut accidunt arbores tantum, ut summa species earum stantium „relinquatur. Huc quum se ex consuetudine „reclinaverint, infirmas arbores pondere affligunt, atque una ipsæ concidunt. Alter vero *Lib. VIII. Histor. Nat. p.m. 501.* de Alce sic fatur: „Septentrio fert & equorum greges ferorum, sicut Asinorum Asia & Africa: præterea Alcem, ni proceritas aurium & cervicis distinguat, jumento similem.“ Cui assentit *Solinus*, quando *Polyhist. c. 20.* dicit: „Est & Alces mulis comparanda, adeo propensio labrō superiore, ut nisi recedens in postetiora vestigia nequeat.

Mira hæc Autorum in depingendo unico hoc animali varietas, dum alius illud ad Jumentorum gregem, alius ob pellem variegatam ad Capreas refert, alius medium quid inter Cervum & Camelum censet, alius ipsi cornua assignat, alius vero illi denegat, ansam dedit quibusdam dubitandi, num Veterum Alce idem sit Animal, quod hodiernum sub eodem nomine populis Septentrionalibus notum est? quippe cum autopsia ipsa enarratis descriptionibus, & inprimis Cæsarianæ maximæ contrarietur. Sed nec desunt, qui Veterum effata cum Modernorum relationibus conciliare nituntur, dicentes, Cæsaris verba de varietate pellium Alcinarum non absolute,

& acsi semper variæ sint, sed respectivò sensu esse accipienda, cum ex patriis scriptoribus constet, hoc animal pro diversa anni mutatione pilos quoque, Damarum ad instar, mutare. Neque cornuum vel præsentiam vel absentiam aliquam indicare differentiam, quoniam Alce, quam Cæsar nobis cornubus denudatam sistit, pro fæmella, Alces v. *Pausania* visa pro mare haberi queat. Concedimus quidem ipsis propositam combinationem, quando autem Alcem Cæsareanam, suffraginum flexu carentem, cum Alce Moscovitica, juncturis crurum atque flexuris itidem destituta, comparare volunt, hæc vice, ob defectum Autorum, hoc assertum probantium, ipsorum sententiæ subscribere veremur: quin potius cum Dodonæo firmiter nobis persuademus, Alcem Cæsaris minime illud Magnum Animal Septentionale, *Glend* vulgò dictum, existere, sed ad *Machlini* l. *Achlin* *Plinii*, & *Solini* feram innominatam, è Scandinaviæ Insulâ missam, ob actionum similitudinem esse referendam. De reliquo non mirum Scriptores priscos ita à se invicem discrepare, cum Animal hoc rarissimè, & non nisi in Festis atque Ludis secularibus ad amphitheatralem pompam augendam, ipsis obveniret, uti hoc confirmat *Julius Capitolinus de Gordiano Sen. Imperatore* sic scribens: „Extat sylva ejus memorabilis, quæ picta est in domo rostrata Cn. Pompeji, quæ ipsius & patris ejus & proavi fuit, quam Philippi temporibus vester fiscus invasit. In quâ picturâ etiam nunc continentur Cervi palmati ducenti mixtis Britannis: Equi feri xxx. Oves feræ C. Alces X. Tauri Cypriaci C. Struthiones Mauri miniati ccc. Onagri xxx. Apri CL. Ibices CC. Damæ CC., Et in vita Gordiani III. „Fuerunt sub Gordiano Romæ Elephantis xxx. & II. quorum ipse XII. miserat, Alexander X. Alces X. Tigres X. Leones mansueti LX. Leopardi mansueti xxx. Belbi (i.e. Hyænæ) X. gladiatorum „Fiscalium paria mille; Hippopotamus & Rhinoceros unus; Archoleontes X. Camelopardali X. Onagri XX. Equi feri XL. & cætera animalia innumera & diversa: quæ omnia „Philippus ludis sæcularibus vel dedit vel occidit.

Nos igitur cum Recentioribus, & quibus frequentior hujus animalis concessa fuit inspectio, dicimus, esse *Quadrupes ruminans bisulcum*, cornubus deciduis, staturâ suâ ad cervum proxime accedens, præter quod eum corporis mole antecellat, & quarundam partium specialis conformatione ab ipso differat. Secuti sumus hac in parte *Clariss. Rajum* in *Synopsi animal. quadruped. & Serpent. gener.* qui animalia in certas suas classes redigendo, Alcem ob annuam cornuum solidorum atque ramosorum decidentiam, tanquam præcipuam notam caracte-

chastetificam, ad Cervinum genus retulit. *Ruminans* autem appellamus, quoniam organis ad Ruminationem requisitis à Natura est dotatum: *Ore* videlicet, dentibus primoribus in superiori maxilla destituto: deinde *gula* seu *Oesophago* è duobus musculis oppositis, quorum alter cibum ad ventrem depellit, alter vero eadem via pabulum in os, ad ruminationem perficiendam, repellit, constante: & tandem *quatuor ventriculis*, quorum *primus*, *κοιλία μεγάλη* s. magnus venter dictus, cibum leviter commansum excipit, eundem aliquandiu retinet, & deinde maceratione emolitura eructat, ut in os postea ad masticandum probe retrudatur. *Secundus*, qui à similitudine exavorum cellulis, quas interna sua superficie aliquatenus repræsentat, desumpta *κερφόφαλον* seu Reticulum nominatur: ut & *Tertius*, græcis *ἐχίνος*, Latinis Centipellio, & Germanis ob multiplicem membranarum inæqualium plicatarumque numerum *Mannigfalt* nuncupatus, ad conterenda lævigandaque assumpta contexti videntur. Qui succedit *quartus* & *ἄνυστρον*, Abomasus atque Afellus vocatur, fermentum quoddam acidum præparat, cuius ope, ut & plagarum, quibus interne distinctus est, plurimarum motu cibum ulterius perfici, credere fas est. Plura qui de recentiorum quatuor ventriculorum structura, & eorum officio scire desiderat, consulat *Celeberr. Peyerum* in aureo de *Ruminantibus atque Ruminatione* tractatu eruditissimè atque prolixè differentem. Associamus Ruminanti *bisulcum*, pro taxando errore Autorum, qui *Alcen* ob ipsi affixam ungulam hand divisam inter quadrupeda solipeda s. Solidungula numerarunt. Quod denique vasta corporis magnitudine *Alce* Cervos vincat, patet ex collecta partium proportionem, in ejusmodi Animalis occiso à *Göbelio* Seniore instituta, & à filio in *Epistola de Alce* sequentibus notata verbis: „Pectoris latitudo habuit xxii. uncias, „ aurium longitudo xi. earundem latitudo ix., „ à pectore ad genua erant etiam xxii. uncia, „ capitis longitudo xxvi. pollicum: circa crura posteriora altitudo lxxxii. pollicum fuit, „ quæ sex Romanos pedes expleat, nam mensurantis pollex unciam, quarum xii. pedem, „ Romanum faciunt repræsentabat. Jam si, „ trunco corporis altitudo colli & capitis adjiciatur, octenos pedes, & cum cornubus novenos ferè superare videbatur. „ Quod asserto *Wormiano* corroboratur, quando in *Musei sui descriptione* p. 336. testatur, *Alcen* magnitudine & proceritate Equum superare, imo in Norvegiâ tantam observatam fuisse, ut sub ventre ejus quis stare valeret; quamvis ordinario crassitie, altitudine & proceritate ad equum *Turcicum* accedat.

Hisque præmissis agendum *Alcen* nostram

secundum singulas corporis sui partes aliquanto penitus consideremus, ut eo clarius elucescat, quibus cum Cervo conveniat, & quibus ab ipso existat discriminata. Quo autem eo meliore hoc fiat ordine, à capite tanquam editiori loco capiemus initium, ad reliqua semper inferiora, usque ad calcem, naturæ ductum sequendo progressuri. *Caput* itaque tam in masculino, quam in foemineo sexu magnum est, & cervino oblongius, figura & colore mulino respondens, adeoque minus decoro aspectu. *Nares* patulæ sunt & amplæ, imo quandoque tantæ capacitatis, ut integros pugnos in foramina absque ulla violentia immittere liceat. *Aures* in utroque capitis latere pendulæ atque latæ longitudine novem, & quatuor unciarum latitudine asininas repræsentant. *Labrum* superius inferiori non solum crassius est, sed etiam propendendo illud obregit, non tamen tantæ existit molis, ut animali opus sit inter pascendum retrogradi, ne illud dentibus inferatur. Os magnum est, & in ea *Alce*, quæ spectante *Göbelio* Seniore cæsa fuit, decem uncias s. pollices continebat. In parte anteriore inferioris maxillæ octo visuntur *dentes* in semicirculum dispositi, qui ita acuti sunt, ut mediantibus ipsis *Alce* cortices arborum commode derodere valeat. Supra nullos habet inferioribus antrorsum è regione oppositos: sed mox post intervallum octo digitorum in superiore & inferiore mandibula sex sunt molares duplicati, ut in bobus, ad ruminationem comparati. *Linguam* habet bovinæ similem, nimirum acuminatæ scabritiei, ad detinendum pabulum ne excidat, atque ad protegendas papillas nervæas, quæ gustus organum, ab inclementia & obtritu rudioris alimenti. Nec hamata tantum lingua, sed pluribus asperum præterea *palatum*, ac interna malarum capedo omnis echinata incurvis horret apicibus. De qua oris atque palati figura, ut & dentium in Ruminantibus situ, audiamus elegantissimam *Peyeri* observationem l. c. p. 173. his expressam verbis: „In situ hoc præcipuè notandum, maxillares dentes magno esse intervallo ab incisivis remotos: ubi neutra oris parte quicquam eminet, sed quædam observatur maxillarum coarctatio, ut buccarum opera & linguæ illic se inter maxillas immittentium urgeatur cibus ad fauces. Quo quidem convenientissimo retinendi adminiculo simul, provide cavetur, ne excidant boli ruminatione. Quippe advertenti animum, ac ad singula paululum attento pecoribus buccas, inter ruminandum tantisper constringi subolet, dum fracto impetu boli sistantur in ore. Hæc *Peyerus*.

Reliqua corporis dispositio hæc est: *Pectus* validum & cum *humeris* amplum sese exten-

dit in corpus ipsum, non quidem adeo longum, attamen satis robustum, quod in *caudam* admodum brevem, nec ultra duos pollices longam definit, & versus coxas posticas ita coarctatur, ut pectoris pars antica proprius visui occurrat. Truncum, columnarum ad instar, quatuor sat longa, cervinisque altiora & robustiora sustentant *crura*, articulis atque flexuris distincta, ut Alces quietis causa procumbere, seseque iterum absque ulla difficultate erigere queat, & illi valde errent, qui eam stando vel arboribus se applicando somnum capere, cum Cæsare haftenus crediderunt: quamvis non negandum, articulationes genuum crassis atque durissimis ligamentis esse constrictas, quæ tamen eorum flexuram, uti Veteres maluerunt, non impediunt, sed efficiunt potius, ut non tantum supra lubricam glaciem currens, pedibus haud elabatur, sed calcitrando quoque insequentes canes majori ictus vehementia possit repellere. *Ungula* existunt bifidæ, ut cervorum, ipsis tamen longiores, acuminatæ & magis divisæ, quo fit, ut sese aliquantum explanare, atque firmiter fulcimentum innitenti corporis moli præbere valeant. Totum animalis corpus plerumque *pilis* tegitur atrorubentibus, qui versus ventrem & crura albescunt. Aliæ Alces habent maculas sub ventre, & in coxis subalbescentes; aliæ vero non: ideoque non unus ac idem color in omnibus, licet tergoribus nunquam sint discolores. *Pili* speciatim considerati digitum longi, & instar setæ porcinæ crassi sunt, in inferiori parte, qua corio appropinquant, canescentes ut muscus arborum. Versus extremum sensim attenuati in acumen desinunt, & ad basin quoque velut in manubrium coangustantur, molliores scilicet & flexibiliores hæc parte facti, ut in cutem procumberent, qui alias, rigidi & durissimi sunt, erecti starent.

Maribus paulo post supercilia protuberant *Cornua*, quæ dum tenella adhuc atque cartilaginosa sunt, molli & lanuginosa cute ceu cortice, quæ ipsis, incremento maximè indigentibus, pro arcendo noxio frigore inservit, tamdiu investuntur, donec ossa debitam consecuta fuerint duritiem. Ab initio, ubi enascuntur, ad tres vel quatuor digitos rotunda sunt, deinceps alæ instar ad utrumque latus dorsum versus sese expandunt, & crassitiem interdum duorum transversorum digitorum acquirunt, mucronibus aliquot in ambitu ceu digitis extantibus. Cervinis, si ramorum spectas multitudinem, sunt minora; si vero eorum latitudinem, alcina cervinis longè præferes. Duorum enim palmorum ferè latitudinem communiter excedunt, longitudinem autem duorum pedum vix æquant. Rami cornuum pali appellari solent, qui quo sunt

latiores & grandiores eo majori in pretio sunt, atque tanti fiunt, ut sint anathemata ac ornamenta splendorum palatiorum, pro candelabris multiplicibus affigendis. Nec minus æstimum eorum adauget cuspidum numerus, sicuti *Göbelius* cornua Alcina 17. & 18. cuspidibus præmunita inter rarissima à se visa recenset; quibus non immerito tanquam adhuc rarius adjungimus, quod in Arce Electorali Regiomontana asservatur & viginti cuspidibus superbit. „Ampla sunt (loquor cum *Göbelio*) sæpe numero, ac tanto intervallo disjuncta, ut spatium duobus conjunctim insedendi concedant, & largiantur, quod sub Illustrissimo Principe (Prussiæ) Alberto observatum fuit, sicut etiam in Uris simile accidisse meminit, Parens, ut Albertus & Guilhelmus Princeps, fratres, inter cornua Uri sederint. Hoc ramosum & onerosum capitis sui ornamentum Alce quotannis mense Februario & Martio deponit: quo tempore ingentem sub cornubus sentit pruritum, hincque ea frequenter ad arbores allidit, ac caput tamdiu atterit, donec se à molesto suo onere liberatam arbitratur. Sed nunquam otiosa Natura atque de amisso decore redintegrando sollicita, hunc defectum mox resarcit, atque novis cornubus circa advenientem Augusti menssem Alcinum caput denovo exornat.

Fæmineus sexus ordinariè cornubus caret, etiamsi impossibile non sit, quod etiam Actæonio ornatu capita earum possint condecorari: sicuti hoc Cervæ accidisse, ipsimet in Museo Tigurino observavimus, ubi inter alia rariora, quibus refertissimum est, cranium Cervæ cornu ostenditur, quæ per aliquot annos in fossa, mænia istius urbis cingente, tanquam in vivario, cum multis aliis cervis fuit sustentata, & postmodum à D. *Joh. Jacobo Scheuchzero*, Physicæ atque Anatomices Peritissimo Viro, anatomice fuit demembrata. Cornu autem ipsum unicum est, & ex cranii parte sinistra ad futuræ coronalis cum ossæ temporis juncturam spithamæ longitudine versus posteriora profectum; ita tamen, ut in duorum transversorum digitorum altitudine undique existat politum, quod vero reliquum est, & altitudinem quatuor ejusmodi digitorum attingit, una cum majori crassitie rugosum ac asperrimum evadat. Atque hæc de externa Alcis facie, & configuratione partium absque sectione visui occurrentium adduxisse sufficiant.

De interna ejus structura, atque iis, quæ adhibito cultro anatomico in conspectum veniunt, ne vestigium quidem apud Autores invenimus, si excipias ea, quæ Parisienses, occasione Alcis famellæ ab ipsis dissectæ, in libro, sub titulo: *Memoires pour servir à l'Histoire des Animaux Parisiens an. 1671 fol. reg. edito*

dito annotarunt. Quæ licet pro Regio tali opere exornando, & animalis hujus in isto Regno raritate sat brevia, manca, atque sterilia sint: intermittere tamen non potuimus, quin, cum iiber hicce ob exemplarium paucitatem nonnisi in Magnatum manibus versetur, mutatis tantum verbis observatorum seriem B. L. hic proponeremus. PARTES (inquiunt autem) INTERNÆ sive viscera (Alcis) aliquam convenientiam cum bovinis habebant, præsertim quod *quatuor* concernit *ventriculos & intestina*. Nihilominus hoc ipsis erat peculiare, quod *primus* & maximus VENTRICULUS ex parte membranæ, vasis quamplurimis conspersæ, & Epiploi vices sustinenti, tanquam sacculo esset inclusus; atque loco glandularum & pinguedinis, quæ ordinariè in hoc viscere visuntur, versus supremam sui partem vesicas aëre repletas castanearum magnitudine gereret. Inter INTESTINA, quæ quadraginta octo pedum longitudinem attingebant, apparebat *Cæcum*, tredecim pollices longum, quinque vero latum, & appendice destitutum; de reliquo figura sua Cæcum hominis intestinum æmulans. HEPAR parvum unius pedis longitudinem cum latitudine septem pollicum non excedebat; continuum insuper & absque lobis sine ullo vestigio fissuræ, quæ alias ad cartilagineum Xiphoidem conspicitur. Tam firmiter ad hæc annatum erat Diaphragmati, ut in parte convexa quicquam absque ejus ruptura separare, impossibile esset. VESICULA FELLEA plane carebat, & totum usque ad interiora sui Parenchymatis livido atque gryseo tinctum erat colore. LIEN itidem valde erat exiguum & in sex pollicum latitudine vix octo pollicum longitudinem superabat. Substantia horum duorum viscerum maxime æqualis & homogenea videbatur. RENES vero in superficie sua externa duobus diversis coloribus erant signati, qui talem asperitatem, qualem in corio, Chagrin dicto, observamus, oculis offerebant, quamvis admotis manibus nullam scabritiem vel inæqualitatem deprehendere liceret. Lumbis non per duplicaturam Peritonæi, sed saltem mediantibus propriis vasis adhærebant. PULMO sese in septem distribuebat lobos, quorum unus in medio cavitatis Mediastini, tres vero in utroque latere cernebantur, ita tamen ut inferiorum lobarum quilibet superioribus majus expleret spatium. COR septem pollices longum & quinque latum valde erat acuminatum vel mucronatum, & à basi usque ad apicem instructum eminentia, cochleæ in modum oblique torta, quæ ita septo cordis respondebat, ut pro duplicatura partium exteriorum ventriculi dextri super sinistram sit censenda. Et hæc eminentia, quæ vix in aliorum animalium cordibus dignosci potest, in

hac feta sese insueta magnitudine conspiciendam præbebat. Septum & reliqua cordis, quæ dextrum ambiunt Ventriculum, crassitiem pollicis habebant. Annuli autem asperæ arteriæ erant imperfecti. CEREBRUM una cum CEREBELLO quatuor tantum pollicum longitudinem adæquabant, duosque pollices cum dimidio erant lata. Substantia utriusque non erat diversa, sed ubique nivæ albedinis, satisque compacta, non obstante putredine incipiente: quæ indicabant, ea integræ existere sanitatis in hoc Animali, quod alias morbis istis, quorum sedes est in Cerebro, obnoxium perhibetur, cujusque cerebrum juxta Cardanum frigidius, humidius, & magis pituita repletum est, quam omnium cæterorum Animalium. GLANDULA PINEALIS erat singularis magnitudinis, nimirum tres lineas longa, similis isti, quam in Dromedario invenimus, (avellanæ minori magnitudine respondebat, ex glandulis tribus, foveam in medio relinquentibus, composita) excepta ejus figura, quæ in Alce ordinariè conica est, in Dromedario autem trifolii formam exhibebat. APOPHYSIUM MAMMILLARIUM, quæ pro odoratus organo vulgo habentur, diameter in hoc animali quatuor erat linearum, & ita hi processus majores, quam in aliis animalibus, quæ hæcenus cultro anatomico subjecimus. GLANDULA LACHRYMALIS habebat longitudinem unius pollicis cum dimidio, & latitudinem septem linearum. Circa labrum superius duo magni atque robusti erant muscoli, ad sustinendum prominens labium destinati. Hæcenus Parisienses.

Natalem Alcis nostræ locum unanimi consensu tam Veteres, quam Recentiores Zoographi constituunt Plagam Septentrionalem. Hæc vero cum quamplurimas sub suo ambitu contineat regiones, non è re erit, eas specialiter percurrere. *Olaus Magnus*, ut à longissime diffitis incipiamus, Alcen extimis Regni Sueciæ terminis assignat, quando *Hist. Sept. lib. XVIII. c. 1.* ait, *Alces sunt ab Aquilone, ubi vulgariter Elg vel Elgar appellantur: à quò Cardanus etiam non multum abludit, lib. 10. Subtilit. sub Boreali polo animal cervo simile, carneam habens promuscidem* (quæ de Alce sunt intelligenda) nasci, affirmans. De Lapponia inquit *Schefferus Hist. Lapponiæ c. 29.* *Alces parvo numero Lapponia nutrit, magis aliunde accipit, præcipuè ex Lithuaniâ: & alio loco ex Olao Petri de Alce recitat, Alces in Laplandia australi duntaxat parte versari; & ex Carelia (Ducatu Albæ Ræssiæ s. Moscoviæ) bis in anno in Maximâ copiâ per fluvium Nivâ transire, dum Vere catervatim in Careliam tendunt, & Autumno rursus remeant in Ruffiam.* Alit & Polonia Alces, & in Suecia haud parvo inveniuntur

tur numero: Nullibi tamen frequentius quam in Ducatu Borussiae occurrunt, ubi non solum ab animalibus rapacibus, quæ eas in vastissimis aliarum regionum desertis invadunt, & hominum nimis insidiis, ob restrictam venandi licentiam, existunt securæ: sed etiam hyberno tempore, tanquam sub temperiore climate, sufficiens reperiunt pabulum, quod alibi summa frigoris inclementia deperdit, ut hinc non immerito Borussiae Alces patriam nominaverimus. Meminit quoque *Lucas de Linda in descriptione Orbis libro XII. p. 1117.* de moribus ferorum hominum in nova Frantzia, & ibi Alces generari, dum ex Autore quodam ignoto, Escabor dicto, sequentia refert: „Qui circa Quebecus degunt, a mense Septembri in Octobrem usque mensem, piscationibus anguillarum se pro more recepto exercent. Has anguillas in usum hyemis duratas servant. Anguillis consumptis, Alces aliasve venantur feras, in quarum penuria aliquot dierum jejuni famelici esse solent.” An vero cum Alce nostra conveniant, ex solo nomine, absque aliis circumstantiis & descriptionibus, ab Autore omissis, hariolari non licet.

Amat Alces umbrosa & uliginosa loca, quercubus atque fagis obsita, tam voluptatis, quam sapidi ipsi & copiose illuc provenientis nutrimenti gratia. Carpit enim herbas virides, & delectatur corticibus arborum: ac ingesta post primam coctionem, uti boves ac cervi, ruminat. Decerpit gramen procedens, non retrocedens, ut falsa erat antiquorum opinio, ope dentium anteriorum inferioris maxillæ, quam inter edendum bovis ad instar hinc inde movet, & linguæ. A graminibus pervenit ad arbores, earum cortices ab imo sursum capræ instar abradens. Arbores sublimiores, quasque faucibus attingere nequit, guttore comprimit, paulatimque ad terram declinat, aut adaptato collo deflectit, donec pedè cacumina earumprehendat; quæ tantisper retinet, quoad se foliis exsaturavit, postmodum ea remittit ac resilire patitur. Arbores autem, quarum corticibus vel potius muscis illis adnascentibus quam maxime vescitur, ex plurimorum observationibus sunt *Alnus*, *Betula*, & *Populus Lybica*, seu *Tremula* ob foliorum tenuissimis pediculis appensorum continuum motum dicta. Ad *Salices*, quarum variae numerantur species, quandoque vicissitudinis ergo procedit. E Graminum amplissima classe cum primis sibi eligit *Gramen Daëtylon esculentum*, Germanis *Mann-grass* vel *Schwaden* nuncupatum, de quo *Casp. Bauhinus in Theatr. Botanic. lib. 1. p. 119.* ita: „Gramen hoc radice est fibrosiore, candida, in transversum porrecta, ex qua culmi cubitales & nonnunquam altiores, crebro ge-

„niculari, per maturitatem subrubentes, asurgunt: circa quos folia oblonga, Gramini similia, prioribus latiora, viridia, & ea parte, qua culmos ambiunt, villosa: panicula est viridi, per maturitatem nigricante, quæ in plures, septem, octo, & novem veluti spicas longas, sæpe uncias sex superantes, & pertenuës, dividitur: semen, ab una tantum parte utriculis inclusum, oblongum, compressum, Milio Panicoque minus, quod a glumis ac utriculis repurgatum candidum est, Oryzæ fere modo.

Silentii involuero minimè hic obtegi meretur singularis iste, quem in Alimentorum sibi proficuum comparatione Alce adhibet, delectus. Etenim, postquam sese foliis graminum atque herbarum, in paludosis & humidis istis locis, quæ Alces securitatis causa frequentat, ubertim provenientium saturavit, statim se convertit ad arbores, & vel earum cortices, vel iis inhærentes muscos, quales sunt Muscus capillaceus longissimus, *Usnea* officinarum, & Muscus crustæ modo arboribus adnascens C. B. utpote natura siccissimos, devorat: atque ita, humida siccis combinando, præternaturalem liquorum tum fluiditatem tum consistentiam avertit, salutique suæ ex innato Naturæ instinctu quam optime prospicit. Singularem itidem hujus animalis astutiam arguit, si vera sunt, quæ *Olaus Wormius l. c.* de ipso narrat, quod si nempe hyemali tempore, & terra nivibus tecta, plures Alces simul ambulent, ita progrediantur, ut una præcedat, reliquæ sequantur, eadem legentes vestigia, ita, ut unius saltem vestigia quis se videre existimet, nec numerum earum ex vestigiis cognosci valeat; quicquid etiam regerat *Göbelius d. l.* velut evidens simplicitatis imò stoliditatis signum proferens, quod viderit pullum ante foramen fornacis stantem tamdiu ignis calorem excipere, usque dum ab igne ambustus exspiraverit, præsertim cum sibi ipsi eodem in loco contradicat, quando Alcem tanquam animal providum & fallax persecutores suos ita circumducere & illudere confitetur, ut à venatione stomachantes desistere cogantur. Neque pro certissimo timiditatis (cum plerisque Autoribus Veteribus) indicio accipiendum est, quod ut plurimum gregatim, raro solitaria ad pascua procedat, & canibus insequentibus calcanea non cornua objiciat, sed salutem in fugâ quærat: cum potius heroicum existimandum, quod canes, hostes suos inferiores, contemnendo calcibus evincat, non ramosis cornubus, quæ ad necessariam sui defensionem contra superiores hostes, ut sunt Homines, Ursi, Lupi, reservare videtur. Inest ipsi præterea æque ac Cervis mira natandi peritia, ut sæpenumero maxima flumina atque latissimos lacus tranet: summaque

maque gaudet velocitate, quam & longa crura & metus instantis venatoris adhuc accelerat; quâ sit, ut incredibili pernitate, levissimoque gressu uvida loca (quæ Morassa vocant) transiliat, & venatores, canes ac lupos infensissimos longo post se relinquat intervallo. Quod ex conspecto proprio sanguine moriatur, & morbo comitiali valde sit obnoxium, ab eoque non liberetur, nisi altera pedum posteriorum ungula auri fuerit apposita, Recentiorum eloquio, fabulam sapiunt. Integræ potius & incorruptæ est sanitatis, atque incredibili pollet robore, cum primis pedum posteriorum, quibus lupum aut robustissimum canem unico ictu interimit, imo interdum elabente cane vel homine arborem elidit, ac si fungus adfuisset.

Cæterum mansuetum & innoxium existit animal, nemini damnum inferens, si modo ab aliorum invasionibus esset liberum. Pro foemina more Cervorum non dimicat, neque prælia instituit, sed quodlibet suam adjunctam habet sociam, cum qua sub finem Augusti coit, eamque imprægnat. Eo tempore clamorem cervino similem emittit, & in furorem quasi à nimio Veneris appetitu redactum, prioribus pedibus terram frequentissimè concutit, illisque contra quemcunque hostilem insultum summa cum agilitate utitur, ut illud tunc aggredi summe sit periculosum. Foemella foecundata permanet usque ad finem Maii, tunc verò prolem unicam vel binam, rarò ternam, excludit: quia vacca non plures quam duos vitulos simul nutrire potest, cum singulis ubera bina, quæ vacca habet quaterna, debeantur. Matrem sequuntur vituli annos duos vel tres, quam tanto amore amplecti Göbelius l.c. asserit, ut eâ trajectâ globulo bombardæ atque corruente, fixis pedibus consistent, donec ipsi transfixi simul concidant. Fugâ enim vitam non redimunt, sed ut vivi à lateribus matrum non discedunt, sic quoque mortuas deferere nolunt. Hoc certum est, quod mater hominem advertens vocem edat, quâ auditâ pulli se una cum matre fugæ committunt, aut, si ob virium defectum non possunt, humi procumbunt, terræque, ne à persecutore suo videantur, se firmiter applicant.

Pulli, quos cicurare animus est, ante decimum quattum ætatis diem in sylvis vel capiuntur, vel cum matre ad aquas, quas trahere cupiunt, coguntur, quo eo facilius illinc, tanquam natandi peritiâ adhuc destituti, manibus excipi queant. Postea admoventur uberibus vaccarum domesticarum, quæ eos libenter admittunt, & prout suos vitulos enutriunt. Nam hoc pacto ope vaccarum, in continuâ hominum frequentia versantium, mansuescunt, suamque feram indolem exuunt,

Wigandus in sua Alcis historia meminit, habuisse Præfectum quendam Alcen assuefactam, quæ quotidie ex prædio cum armentis in sylvas vicinas exierit pastum, & sub vesperam cum iis domum redierit. Cicurati pulli pane vescuntur ex manibus hominum, alias comedunt avenam, fœnum atque brassicam, veluti cætera animalia domestica; & in Borussia, ut mihi amicorum quidam retulit, vituli alcini tenui fœno atque avenâ, intermixto fructu, quem Misteln vocitant, & hyemali tempore apicibus Tiliarum inibi copiosè innascitur: omnibus minutissimè incisis, & aquæ inspersis farciuntur. Scire desideras, B. L. quisnam sit iste fructus Misteln dictus? en in promptu est Botanicorum Coryphaeus *Casparus Bauhinus*, qui tibi respondet, esse Viscum baccis albis, à *Fuchsio Histor. Plantar. p.m. 328.* „tanquam planta fruticosa, lenta,„ semper virens, intus porracei coloris, extra,„ subflava, foliis buxi, acinis exiguis, sine,„ flore, descriptum, additâque iconè exhibitum.„

In patentibus sylvis haud conspicitur Alce nostra, nec latos ingreditur campos, quo imminens vitæ suæ discrimen declinet, præscia, sibi cum ab hominibus, tum aliis feris frequentes insidias strui; sed in densissimis sylvis latibula sua quærit, & maximè horrendas solitudines tutissima sibi & jucundissima putat domicilia. At & illic secuta haud permanet, sed variis venatorum machinis atque instrumentis continuò fermè urgetur. Antiquissimum Alces vel extensis telis vel positis cuspidibus nocturno tempore excipiendi modum nos *Olaus Magn. l.c.* docet. Nec minus obsoleta videtur Alces capiendi ratio, quæ hominibus istis, quibus liberum non est prædatum aut venatum exire, usitata est, & à *Göbelio* sic commemoratur: „Lithuani nostri,„ qui in sylvis insidiosus hanc feram prosequuntur,„ tur, scientes, quibus escis Alces delectentur,„ illi magna vi & communi auxilio arbores,„ proceriores, ubi Alces transitum habere solent,„ contorquent ac deflectunt, ut resiliere,„ possint, funiculis adaptatis, ita ut cervicibus hæreant. Eum igitur locum quando,„ Alce pabuli gratia accedit, atque nescia doli,„ tangit decipulum seu *παιδία*, guttur includitur,„ ac resiliente arbore Alce suffocatur.„ Magis hodie usitatum est, quod vel fossis inopinato intrudantur, aut canum ope retibus impellantur, vel etiam globulis plumbeis bombardâ emissis trajiciantur. Notandum autem circa ultimum modum venit, quod Venatori hanc Feram bombardâ appetenti ventum adversum observare necessum sit, quia alias venatorem ob acutissimum olfactus sensum è longinquo odorans retrogreditur. Si ictu percussa non corrui, venatorem recta adoritur, & vin-

& vindictæ cupida eum qui læsit vel cornibus extollere, vel pedibus conculcare atque conterere allaborat, uti hoc quampluribus, si opus foret, funestis exemplis posset declarari; quare pro avertenda à se bestia irruente sese post arborem occulte venator, aut celerrimo equorum cursu se ingruenti vitæ periculo eripiat.

Sufficeret comodo atque pacifico huic animali homines sustinere venatores, telis, sagittis, millenisque lethiferis armis illud in vasta solitudine impetentes, si non adhæc insidiosis infestaretur lupis. Hi enim hyeme asperrimâ fame pressi eremi latebras vasto agmine circumeuntes Alcibus hortifono suo ululatu terrorem incutunt, easque in certamen provocant: quod Alces nec recusant, sed naturæ instinctu hostes suos in lubricam & crystallino nitore fulgentem glaciem, ubi mucronatis suis ungulis firmum figere possunt pedem, lupi verò ungulas suas, viribus vacuatas, in vaginis retinent, tanquam idoneum pro sui defensione campum deducunt, eosque illic ungulis & cornibus interimunt, vel effugant. Cum lupi procul dubio super congelatas nivium congeries, quibus Alces ob nimiam corporis molem immergerentur, tanquam leviter insultantes exciperent victoriam, victoresque prædam partirentur.

USUS hujus animalis tam vivi quam mortui multifarius est, nullaque ferme pars in toto ejus corpore invenitur, quæ ob singularem, quam generi humano præstat, utilitatem, singularem non mereatur laudem. Dum enim in vivis est, Alces cicurata rei vectoriæ assue fieri potest, quemadmodum hoc *Olaus Magnus* exemplo populorum Borealiū comprobatur, cum *l. XI. cap. 29.* de istis sic loquitur: „Onagrorum s. Alcium vehementissimus etiam „cursus in nivosa glacie est apud Sueones Septentrionales, maximè ultra Regiam Holmensem versus superiores partes Aquilonis. „Inferius verò ad plagam Meridionalem, eisi „in magna multitudine vastorum nemorum „sint, ob Regium tamen edictum in usu non „habentur, ne scilicet eorum currendi celebritate (quæ longè superat omnium equorum „velocitatem) proditores utantur, ad secreta „Regni inimicis quam ocysimè revelanda: „vel etiam (ut ex relatione aliorum accepimus) ne homicidis pro fugâ, ad evitandum justum criminis sui iudicium, & insequentem pœnam declinandam, acceleranda inserviat. Famis „enim ac sitis, laborisque patientissima est hæc „bestia, ut per diem noctemque immensa spatia ducentorum miliarium Italicorum currendo valeat perficere, privata cibo.

Dum mortua, *Carnem* suam ad menses Magnatum & Nobilium, eorumque, quibus vendendi licentia in istis oris concessa est, mittit,

quæ tamen in pullis delicatior, quam in adultioribus, utpote quarum caro magis fibrosa & sicca est, ideoque maxima butyri copia interassandum opus habet. *Os* amplum, & imprimis labia crassa atque mollia delicatulis in fereula cedunt. *Pellis* crassitie sua valde insignis materiam thoracis egregii suppeditat, cum ab alutariis piscium adipe, ad hunc usum alumini præferendo, præparata non modo grandines ac imbres arceat, verum etiam vehementes ictus ferri, casim punctimque factos, facile sine detrimento corporis, quod tegit, excipiat. Unde fit, ut moderno tempore milites primarii, tam in Septentrionalibus, quam aliis regionibus, maximo pretio sibi hujusmodi præparatos thoraces coëmant, & ferreorum instar hodiernum expetant. A cervina pelle, cui haud absimilis est, inspirata discernitur. Nam, licet densissima sit, transmittit tamen aërem ex ore spirantis afflatum, & acuto straminis culmo facili negotio perforari potest; quod in cervina non æque procedit. Confiuntur quoque ex illa balthei, cinguli, chirothecæ atque caligæ, quæ ob mollietiem crassitie conjunctam non solum commoda sunt, sed etiam interitum plane nesciunt, ut ad Nepotes, & qui ab illis aluntur, transmitti queant, nisi vi aliqua sponte ea disruperis. Cutem qui obtegunt *pilis* utuntur ephippiopœi atque lorarii ad ephippia, culcitras atque pulvinaria explenda. E *cornibus* artificum industria emollitis parantur capuli ac manubria cultorum & gladiatorum, præsertim venatoriorum, quos *Hirschfänger* appellant: & *ossa tibia* indurata, ob rectitudinem & longitudinem suam singularem, tornatoribus inserviunt, ad utensilia Gallico nomine notissima Gueridons, & hujus generis quamplura alia, item pocula pro exornandis conviviiis exinde formanda. *Ungula* alcis nigro colore tinctæ usum promunt exiguum in subministrandis armillis & torquibus Virginum, qui auro, plurimum tamen margaritis insertis, ornamenti hand vulgaris loco ab iis gestantur.

Sed prædictis usibus adhuc major est Medicinalis, cum tota Alces medicamentosa existat, & sibi Sacra Medicina optimo jure hoc animal ob haud satis extollendas ejus virtutes quantum quantum est vendicat. Tot enim ad sanitatem, nobilissimum vitæ humanæ cimentum, tam conservandam, quam restaurandam suppeditat remedia, ut merito habeat, cur sibi gratuletur, qui ejus sibi paravit notitiam. Ades dum igitur mens humana, & mecum collige thesauros, quos summus rerum Conditor in hoc animali recondidit, & noli amplius Alcen ex sola nominis fama, sed ex virtutum ipsi inditarum præstantia existimare. Ne vero in enarrandis iis absque ordine procedamus,

cedamus, in tam amplissima divitiarum serie agmen ducant CORNUA, ramosa illa capitum Alcinorum ornamenta, utpote quæ non solum plurima, sed etiam reliquis nobilitate antecellentia pharmaca porrigunt. Ex his autem cornubus ea, quæ in usum medicum trahuntur, non uno eodemque ab omnibus omnia colliguntur tempore, sed alii commendant illa, quæ Alces mense Februario vel Martio sponte dejicit: Alii vero his præferunt ista, quæ ab animali sub finem Augusti in furorem quasi venereum rapto atque maturo vi decerpuntur; quo scilicet tempore calidum, vegetum & succulentum magis, Veneris stimulo agitur, spiritum genitalem cum Sale vol. in universum quasi corpus, & præcipuè cornua diffundat: & quidem ducti ratione Botanicorum, qui radices vel plantas in usum pharmaceuticum vocandas Veris potissimum tempore conquirunt, rati, plantas tunc plane succulentas esse, ac, ut ita dicam, utero geri, nec dum ipsarum vigorem in flores, folia, caules, aut fructus abuisse. Quibus tamen idcirco non subscribimus, quin potius priorum sententiæ calculum nostrum addimus, judicantes, idem cornubus Alcinis accidere, quod aliis fructibus, qui nunquam efficaciores existunt, quam cum debitum maturitatis tempus adepti sponte deciderint. Maturitatis autem notæ certissimæ habentur, si cornua sint ponderosa, compacta, dura, & albicantia; cum contra ista, quæ injusto tempore & vi ab Alcibus desumuntur, aliis leviora, porosa, & in medio lituras & sanguinis vestigia exhibere deprehendantur.

Exhibent quamplurimi Cornu Alcis *crudum*, sine ulla prægressa præparatione, persuasi, vires in eo tunc concentratas & coadunatas majore vi in corpus humanum agere posse, quam cum adhibito igne subtiliores ejus particule expellantur ac dissipentur. Ideoque lina vel alio instrumento aspero in pulverem subtilissimum redigunt, eumque vel solum, vel aliis appropriatis sociatum v. g. in Epilepsia, Vertigine, Convulsionibus, cum aqua Lavendulæ, Majoranæ: in Febris cum aqua Carduibened. & Cent. min. aut contra Sputum sanguinis, & pro Hæmorrhagiis quibuscunque compescendis cum *Göbelio*, additō Extractō Tormentill. & Sanguisorb. & simil. propinant. Sed improbant hunc modum alii, experientiâ confirmati, Alcinum cornu pariter ac Cervinum frequenter eadem ratione, uti fuit exhibitum, ob insufficientem ventriculi calorem, tam duram substantiam in sua principia resolvere incapacem, per alvum sine ulla alteratione fuisse ejectum. Spirituosa enim substantia omnis actionis causa per terrestres cornuum particulas colligata impeditur, quominus virtutes suas exercere valeat, sed quasi

sepulta jacet: imo sal balsamicum vires suas exserere nequit, nisi à terrestribus suis vinculis prius fuerit liberatum.

Hinc & quo melius Naturæ nostræ consulant, Cornuque Alcinum nativo corporis calori obsequiosum reddant, ignem, tanquam universale instrumentum Chymicum, ideoque à *Tackenio* Chimiæ Professore publicum appellatum, in auxilium vocant, & mediante ipso, adhibita simul artificiosa manu, diligentique circumspectione, egregia medicamenta præparant: quæ nos pro diverso ignis gradu in duas Classes ita dividemus, ut prior contineat ea, quæ igne tantum leni, solave coctione ex cornu eliciuntur: posterior vero illa comprehendat, quæ aperto & vehementissimo igne ex isto proveniunt.

Sit itaque in prima Classe I. Decoctum Cornu Alcis, quod impetratur, si ℞. Raf. Corn. Alc. q. v. & cum s. q. aquæ simpl. coqu. in diplomate seu vase duplici, sibi invicem adaptato, atque optime clauso, ne inter coquendum vis medicamentosa avolet: Ex post sufficientem cocturam habebis liquorem, viribus medicamentosis imprægnatum. Operationis hujus *Ætiologia* nobis aliqua considerata offert: Etenim I. præcipitur coctio per diploma, quæ nihil aliud est, quam pharmacum decoquendum in vase æneo vel figulino contentum, una cum vase lebeti magno, aqua fervida repleto, vel M. B. imponere. Hoc enim pacto avertitur, ne ignis alias apertus nimis in medicamentum agat, & violentia sua disturbet vires eorum quæ decoquuntur, sed particule quæ sitæ per blandum aquæ calidæ fomentum, & pro extrahendis viribus sufficiens, successive quasi exprimantur. II. Pro menstruo assumitur aqua simpl. huic usui præ vino & aliis spirituosissimis apprimè conveniens, quo mucilaginosa & aquosa cornuum particule ob indolis similitudinem aquæ vires suas communicare, seseque invicem melius commiscere valeant. III. Requiritur diuturna coctio, ut particule viscosæ & glutinosæ, quæ in ossibus magis compactæ & firmiter inter se intricatæ sunt, prorsus disgregentur. Ideoque IV. cum per longam coctionem aquæ particule quamplurimæ exhalent, exigitur sufficiens liquoris copia, quæ juxta Autorum pharmaceuticorum calculum in aquæ decupla quantitate & ultra consisteret. *Ufus* hujus liquoris est, ut vel dicto modo præparatus solus vel cum aliis exaltatus, aut pro obtinendo suavi odore & sapore appropriatis junctus, in Febris, Variolis, Morbillis &c. ægrotantibus dari queat: Vel in Gelatinam s. Galredam redigatur, ℞. Brodii decoctionis filtrati & affusa aqua renovati, part. ij. sacchari albiss. p. j. & supra lenem ignem ad consistentiam crassam inspissando, quæ postmodum, si lubet, in scatulas

vel formas sculptiles effundatur, & congelata usui affervetur. Instituitur hic nova coctio, & subsequens inspissatio, ut 1. particulæ aquosæ mucilaginosæ atque nutritivæ cornuum intermixtæ tanquam inutiles separentur, & succus hic sale vol. turgidus magis congregetur, ac in unam massam compingatur: 2. ut ope coctionis particulæ salinæ sacchari, tam saporis suavioris, quam debita consistentiæ acquirendæ gratia additi, cum particulis glutinosis cornuum aptius socientur, & unicum corpus quasi constituere possint. Propinare autem hanc Gelatinam licet vel simplicem, in aqua, cerevisia, aut Julepis solutam, vel ad normam Gelatinæ C. C. aceto destill. eam irrorare, succo Citri acidulari, speciebus fragrantibus aromatizare, aut addito succo Berberum ipsi rubineum colorem ad libitum conciliare, & pro instituti ratione, Medicique prudentis judicio una cum aliis medicamentis petentibus tuto porrigere. Fit quoque ex ipsa Gelatina egregia Essentia sive Extractum cum Spiritu Juniperi, per fermentationem à baccis parato, cui si addatur sal proprium vol. Cornu Alcis, prodit Essentia elegans Alexipharmaca.

Secundum inter præparatæ primæ Classis locum obtineat Cornu Alcinum Philosophicè sive sine Igne, per Calcinationem philosophicam vel vaporosam dictam, ad differentiam calcinationis vulgaris, quæ aperto procedit igne, ad modum C. C. præparatum. ℞. Cornuum Alcinorum apices quot libuerit, suspendantur in collo vesicæ, ut vapor aquæ, ex quacunque velis herba, destillandæ (nisi pro obtinendo odore fragranti flores Rosarum, vel alias herbas benè olentes selegeris) assurgens eos lambere possit. Relinquantur autem ibidem tamdiu, donec albescere incipiant, & cultro derasi extimam nigricantem corticem, atque medullam intimam promptè deponant: postea blandè exsiccentur & in pulverem conterantur, vel sub præparatorum forma afferventur. Alii, quibus hæc calcinatio vaporosa ob longum, quod requirit, temporis spatium, nimirum ultra triduum durans, displicet, pro faciliore & celeriori scopi sui executione ℞. Cornuum Alcinorum frusta ferra dissecta q. v. ingerunt ahenò vel ollæ majori & affusa aqua, sale quoque alcoholisato pro emollienda exteriori nigredine imbuta, sufficienter per sex circiter horas aut ultra coquunt, usque dum nigricans cortex deglubi, & medullaris substantia cultro erui possit. Ipsa vero reliqua substantia albida, masticabilis & friabilis denuo ad eluendam falsedinem in aqua limpidissima coquatur atque exsicceetur, aut si rubro colore tinctam desideras, cum aqua flor. Tiliæ iterum ebulliat, rursusque exsicceetur & servetur. Quicquid sit! & vel

priori vel posteriori modo conficiatur, manet interim usus hujusmodi Cornu Alcini philosoph. præparat: multiplici experientia certus. Tamen si enim inficias ire haud liceat, illud præter gelatinosam viscositatem multum de sale vol. deperdere, virtus tamen diaphoretica, præcipitans, absorbens, anodyna, antifebrilis adhuc restat, unde in Variolis, Morbillis, Febribus malignis, Epilepsia, Torminibus infantum, & Lumbricis fugandis non minimum meretur encomium.

Subnectimus Cornu Alcino Philosoph. calcinato, ob operationis affinitatem, Tertium primæ Classis præparatum, quod est Aqua è typhis Alcinis, facili negotio acquirenda: Nimirum ℞. Novella Cornua sanguine adhuc succulenta, incidantur in frustula & retortæ indita per Baln. Mariæ aut Baln. Vaporis vel per se, vel cum parva vini generosi quantitate tamdiu destillentur, donec nulla liquoris guttula amplius exsudare observetur. Aquæ huic stillatiæ sale vol. succoque nutritio gravidæ ingens ut plurimum tribuitur efficacia in expellendis Variolis & Morbillis, atque sistenda cordis Palpitatione, vel sola vel vehiculi loco cum cæteris medicamentis alexipharmacis in morbis malignis ac pestilentialibus usurpata.

Confici adhuc ex Cornubus Alcinis licet Magisterium, si vel juxta præscriptum Augustanorum ℞. Limaturæ seu scobis Corn. Alc. q. v. irrigas cum Spiritu Nitr. postmodum superfundis acetum vini optime destillatum, ponis per aliquot dies in digestionem, dein filtras per chartam emporeticam, & instillato Oleo Tart. tanquam alcali acido Spiritus Nitri contrario pulverem ad fundum præcipitas, frequentioribus ablutionibus edulcorandum: vel si ad mentem Ludovici Rasur. Corn. Alc. mundi & torno ab extremo cortice & medulla separati v. gr. ʒj. affundatur f. q. Spirit. Nitri, ut fiat solutio, quæ ad medietatem liquoris iterum abstrahatur, & quod reliquum est Aqua simpliciter tam edulcorandi, quam Magisterium ad fundum præcipitandi gratia diluatur. Hæc enim methodo medicamentum evadit elegans, pulveribus cordialibus & confortantibus admiscendum, atque, cum in potu vel aliis liquidis facile diffuat, pro decipiendis infantibus, pharmacorum assumptionem recusantibus, satis commodum.

In altera & posteriori præparatorum Classe nobis obveniunt Spiritus, Sal vol. & Oleum Corn. Alc. quæ simul eadem operatione impetrantur, si nempe ℞. Cornuum Alcinorum ope ferræ in frusta mediocria dissectorum (non raspaturæ, ne ex nimis discontinuato corpore principia destillabilia impetuosius prorumpant) v. g. lb. ij. vel iij. & injiciantur Retortæ vitreæ pro sustinendo igne vehementissimo benè loricatæ, aut terreæ bonæ

notæ. furno destillatorio decenter commit-
tendæ. Huic applicetur recipiens capacissi-
mum, quo Salis & Spiritus particulæ vola-
tiles profilientes inveniant sufficiens sese ex-
pandendi spatium, & rupturæ periculum de-
clinetur, intercedente recipientis collo vi-
treo cum retorta firmandum, & juncturis
singulis probe clausis sibi intimè adaptan-
dum. Posthæc Retortæ immediatè admo-
veatur ignis carbonum primo mediocris, ut
lenissimo carbonum accensorum calore cor-
nua incalescant & sudorem suum phlegmati-
cum emittere cogantur. Hinc tamdiu eo-
dem ignis gradu insistendum, donec, phleg-
mate omni excepto, spirituosæ effluvia na-
res ferire incipiant. Quibus perceptis ignis
gradus semper sensim sensimque augeatur,
quoad ipse Spiritus subtilior sub nebulæ cras-
sioris facie sese diffuderit, & post eum Sal
volatile tam in collo, quam totius Recipien-
tis concavitate, instar ramulorum Corn. Alc.
aut vernantium stirpium, hinc inde latè di-
varicatorum, jucundissimo cum spectantium
oblectamento sese manifestarit, tandemque
Oleum spissum atque fœtidum, lentè pro-
pullulans, penitus fuerit protrusum. Ab-
soluta hoc modo destillatione colligatur sta-
tim, si libuerit, seorsim Sal. vol. & Oleum
per separatorium aut filtrum chartaceum a-
qua humectatum à Spiritu segregetur: cun-
cta cum majoris efficacix, tum puritatis &
nitoris acquirendi causa adhuc ulteriori de-
stillationi submittenda.

Pervenimus autem ad *Subtilisationem* tam
Spiritus quam *Salis vol.* Cornu Alcini dupli-
ci via, dum vel utrumque seorsim, vel am-
bo junctim rectificationi subicere possumus.
Si enim *Spiritus solus* desideretur, adjectis
ille cineribus clavellatis in Retorta cum alem-
bico purificetur, aut saltem per chartam bi-
bulam duplicatam trajiciatur, qui sese rubi-
neo commendabit colore. Si *Sal purissimum*
exoptas, conjice illud prius in Spiritum Vi-
ni phlegmaticum, & inibi aliquamdiu ad
solutionem relinque, dein immitte phiolæ
vel cucurbitæ altiori, angustò collo, ac mi-
nori orificio præditæ, atque adaptato alem-
bico rostrato destillationem ex arenæ lenissi-
mo igne institue. Sic videbis per longitudi-
nem colli cucurbitæ vel phiolæ particulas sa-
linas volatiles ascendere, seseque per an-
gustum orificium in alembici capitello con-
centrare, relictis in fundo phlegmate & o-
leo, quæ ob lenissimum ignis gradum istam
altitudinem tam facilè & citò attingere ne-
queunt. Si vero *Ambo* una destillatione si-
mul exaltare mavis, Spiritum ab oleo sepa-
ratum Sali vol. in phiola l. cucurbita longio-
ris colli contento, affunde, & imposito a-
lembico destillationem inchoa lenissimo igne,
qui sensim augmentum capiat, ut Sal. vol.

nivis instar in alembici capitellum subleve-
tur. Et tunc vel remoto alembico, ne à
Spiritu subsequente, & admoto sine ulla mo-
ra alio idoneo alembico, excipiendo solva-
tur, illud subito collige; vel pro obtinen-
do Spiritu Cornu Alcis Essentificato Sal una
cum Spiritu in excipulum propelle, hanc-
que destillationem tamdiu urgere perge, us-
que dum exstillantis Spiritus guttulæ manu
exceptæ, salina acrimonia atque volatilitate
orbata, phlegmaticum saporem habere di-
gnoscantur. Sal, quod remoto alembico
exemisti, similiter denuo in Spiritu Vini
phlegmatico solve, repetendæque sublima-
tioni destillatoriæ expone. Ita enim album
nitidumque permanebit, ac præcavebitur, ne
aliquamdiu asservatum nigerrimum induat
colorem, quod alias evenire solet, cum o-
leosæ particulæ, per vehementiorem ignem
adustæ, à Sale minus separata, sed sub ejus-
dem nitore primum delitescens, cum tem-
pore ad exteriorem superficiem conspicuam
à Salis activitate quasi solutæ extravertantur.
Et hæc est ratio, cur nonnulli pro earun-
dem particularum oleosarum sequestratione
jubeant Sal. vol. æque ac Spiritum cum cor-
nu Alcis usto, vel cineribus clavellatis aut
calce viva permiscere, & dein sublimatio-
nem perficere, utpote sub qua solæ parti-
culæ volatiles sublimia petunt, dum interea
oleosæ, ab admixtis terrestribus quasi absor-
ptæ, in fundo detinentur.

Receptissimus *Salia* hujusmodi volatilia
conservandi mos est, ea vitris vesica & epi-
stomio cereo, vel, quod omnium optimum
est, vitrò exactè polito benè munitis inclu-
dere; sed cum & hac ratione vix coerceri
queant, quo minus in auras avolent, in-
geniosa hominum mens de excogitandis de-
bitis vinculis, quæ servis hisce fugitivis ad-
jicerent, semper fuit sollicita. Hinc alii v.
g. Sal. vol. C. C. Spiritui C. C. rectificato inji-
ciunt, sicque Spiritum nexu stabili cum Sale
conjungentes essentificatum reddunt. Alii
Salis hujusmodi volat: q. v. immittunt cu-
curbitulæ vitreæ, instillando huic aliquot
guttulas Spiritus Vitrioli, Salis, aliusve mi-
neralis acidî, ut exoriatur effervescentia;
sub quâ Spiritus talismodi mineralis acidî
particulæ poros Salis vol. intrant, & cum
sint fixæ, Sal alias fugacissimum quasi ligant,
ac pondere suo detinent. Qua cessante ad
dilutionem aquæ fontanæ tantillum affun-
dunt; & post peractam filtrationem super
arenam exhalante humiditate superflua Sal
in crystallos concrefcere sinunt fixatas: quas
si iterum volatilifare cupiunt, Sali huic fixa-
to admiscunt Salis Tartari vel Salis Absinthii
duplum vel triplum, terentes ambo, ut non
solum exactè copulentur, sed etiam simul
Sal hoc alcoholisatum Sal acidum, in cujus

compedibus Sal vol. detinebatur, arripiat, & illud omnimode liberum faciat. Mixturam hanc induunt cucurbitæ, eamque una cum affuso Spiritu Vini imposito alembico leni igne tamdiu torquent, donec se Sal vol. alis quasi à Spiritu Vini acceptis, in capitelli summitate rursus sistat.

Huc etiam pertinet brevior & noviter à Cl. *Waldschmidio*, Kiloniens. Prof. Meritis, in *peculiari dissertatione de Salis vol. C. C. crystallisatione volat. essent.* p. 14. traditus modus figendi volatilitatem Salis C. C. in Aleino itidem tentandus, qui eo redit, quod Spiritum C. C. recens destillatum, & ab omni heterogeneitate ope filtri depuratum, per duorum vel trium mensium curriculum in locum frigidiorum reponat, & sic concretum crystallinum volatile, salis gemmæ pelluciditatem & splendorem æmulans, in fundum vitri iactat circuli subsidere promittat, vitro eximendum, & ablutis Spiritu Vini variis, quas in superficie sua ostendit, maculis flavescentibus, lenissimo igne exsiccandum: hasque crystallos communi Sali vol. longe præstantiores censet, ob duas quas pag. 16. addit rationes. „Non enim (inquit) earundem purificatione opus est, quæ in rectificando vulgari via producto sale aliquoties reiteranda. Præterea nec de virtute sua aliquot etiam annis servatæ quicquam amittunt, quod vulgari sali est familiarissimum, dum non sine aliquali activitatis suæ dispendio notabili tempore durare possit.

Dirigitur quidem & Olei à Spiritu per separatorium aut filtrum charraceum sejuncti Rectificatio, si illud cum vitro pulverisato, vel silicibus, vel limatura Corn. Alc. crudi, vel Colcothare vitrioli, vel pane furfuraceo, vel cineribus elixiviatis mixtum per Retortam destilletur, aut affuso Spiritu vini in liquorem balsamicum pellucidum rubescentem exaltetur. Attamen, cum nihilominus foetor ipsi inhæreat adversus, non facile interne præscribitur: quamvis non dubitemus, quin in temperando acido in corpore graviter peccante, corrigendaque pituita viscida, convenientibus aliis combinatum, voto exhibentis sit responsum. Quare plerumque usui tantum inservit externo, vel solum, vel cum Spiritu Corn. Alc. in frigidis Capitis & Cerebri affectibus, commissuræ coronali ac sagittali, item in sedandis torminibus colicis, flatibusque intestinorum discutiendis, regioni umbilici illitum.

Majus autem atque certius solatium in foro Medico à Spiritu & sale vol. Corn. Alc. sperandum in sudore provocando, putredine arcenda, acido quocunque invertendo, motibus epilepticis abruptendis, Asthmate pituitoso & convulsivo abigendo, salibus acris

scorbuticis mitigandis, lumbricis fugandis, & simil. ipsis internè assumptis. Vel si Spiritus solus pro terminando ulteriore malignitatis progressu ulceribus cancris phagedænicis affricetur, vel nervinis maritatus in Arthritide, affectibus Ischiadicis, aliisque doloribus leniendis, parti affectæ externè inungatur: aut si Sal vol. vitro angustioris colli inclusum, tam pro excitandis Spiritibus animalibus torpidis, quam obstructione, à lymphâ viscida orta, resolvenda, Apoplecticorum, Epilepticorum, Hystericarum, Catalepticorum, & Lethargô, Carô, aliisque morbis soporosis pressorum, naribus admoveatur. Sal Cornu Aleis fixum, licet quadantenus vires Salis vol. æmuletur, censetur tamen à multis ad calculum pellendum, & coagula Tartarea referenda cumprimis proficuum, nec postremum inter digestiva locum meretur. Ita quoque Crystalli Salis vol. essentialis ad imitationem crystallorum à *Waldschmidio* in Spiritu C. C. productarum paratæ, & cervinis virtute minime cedentes, si non antecellentes, tanquam sudoriferum satis potens, cum facultate incidendi, attenuandi, deobstruendique conjunctum, maxime profunt; præsertim, si juxta monitum ejusdem Autoris pulverisatæ cum calido herbæ Thee potu singulis diebus, à scorbutico viscido laborantibus, horis matutinis in sufficiente, imo copiosa hujus infusionis quantitate imbibantur.

Restat adhuc in posteriori Medicamentorum ex Aleinis cornubus procreandorum Classe Cornu Ustum, quod obtinetur, si caput mortuum, à destillatione Spiritus & Salis vol. Oleique relictum, vel Corn. Alc. crudi taleolas ollæ injicias, atque superimposita alia olla, rimis tamen non exactè clausis, igni sub destillatione Spirituum mineralium committas: vel furno figulino imponas, usque dum vehementissimo aperti ignis gradu ad perfectam albedinem calcinata fuerint. Hæc postmodum probè pulverisata in vitro cute testæ sub formâ pulveris recondas, vel denuo in mortario marmoreo aut vitreo minutissimè, aqua Rosar. vel alia aspersa, conteras, & in placentulas ad consuetum hodiernis Pharmacopæis modum efformes. Usus verò hujus medicamenti censetur insignis ad vermes puerorum enecandos, alvi fluxum nimium sistendum, ulcera intestinorum consolidanda, bilem oleosam imbibendam, acidumque morbosum, multorum malorum autorem, absorbendum, æque ac similia Terreo-alcalina concreta idem præstare Solent. Tribuit & ipsi *Fridericus Hoffmannus*, in *Animadv. ad Pharm. Schröderi*, virtutem proliciendi sudorem, quando p. m. 641. ita differit: „Ustum etiam observavimus diaphoreticum, licet particulæ salinæ cum Sulphureis sint demptæ; quæ illarum

illarum absentia vel diminutio nihil arguit; alia enim ignis, alia stomachi est resolutio, cum remedium adaptatione. Quibus colophonis loco annectimus, quæ idem Clariss. Vir. I. C. de Cornu Alcis viribus brevibus & velut in nucleo refert. Inquit autem: „Hic, „Cornu Alcis non prætereamus, D. Autor, „(Schröderus) hoc ipsum omisit, cum in Epi „lepticiis insultibus, Variolis, Morbillis &c. „vel cum Rasura, vel philosophicè s. igne, „præparatum miræ sit virtutis, qua nec caret, „ejus Sal vol. item Gelatina. „

Alcinum Cornu virtutum insitarum præstantia excipiant UNGULÆ, de quarum electione iterum inter se dissentiunt Medici, aliis nempe Unguem sinistram pedis posterioris, aliis dextrum cæteris efficaciorē æstimantibus. Sic enim *Olaus M. l. c.* inquit: „Ungula exterior dextri lateris posterioris pedis, „Onagri masculi, qui non genuit, abscissa à „vivo pede securi, vel alio instrumento avulsa, post medium Mensis Augusti, Spasmodum, „aut Morbum Caducum patienti adhibita, „continuo sanat. „ Quas tamen requisitas conditiones alii derident, & circumspectius omnes ungulas, omni tempore, etiam post mortem animalis, collectas hac vi pollere, non sine ratione asserunt. Constant Salibus volatilibus cum particulis oleosis in terreis multis inclusis, hincque non solum curatoriè, sed etiam præservativè Epilepsiam auferre, & Hystericas excitare creduntur. Adulterantur interdum Ungulis bovinis, cum quibus aliqualem habent affinitatem: sed odore facile judicantur; bovinæ enim, si paulum cultello raseris, foetorem spargent, Alcinæ non item.

Usurpantur autem Ungulæ vel Crudæ, vel Præparatæ. Cruda quatenus præservandi gratia particula earum à quibusdam superstitione de collo suspenditur, vel annulus ex ea confectus digito gestatur. Rectius in curatione ipsa Ungula in pulverem redacta cum aliis appropriatis, v. gr. Rasur. Cran. human. Unicorn. marin. Antimonio diaphor. Cinnab. nativ. elect. pro scopo antepileptico usurpatur, aut cum anatica Zedoariæ & Sal. vol. Succini parte mulieribus passione hystérica correptis internè exhibetur, vel externè pro animandis istis ungulæ accensæ fumus in usum vocatur. Quæ enim *Levinus Lemnius* atque *Mizaldus* de Epilepsia per portionem ungulæ auri immixtam, & aliquamdiu inibi motam curata referunt, fidem fermè superant, nisi effluviis insignem efficaciam tribuerimus. Sub *Præparatorum* Classe veniunt Ungulæ, si ad normam Augurorum earum Rasura ab omni spurcitie liberata probe contundatur, & in mortario sufficiente quantitate aquæ Lilior. convall. irroretur, ut fiat pasta, exsicccanda, pulverisan-

da, & cum s. q. aquæ fl. Til. denuo in massam redigenda: idque tertia vice ex aqua fl. Piconiæ repetatur: quarta verò vice ex aqua Cerasor. nigr. impastetur, & in forma pulveris ad usum reponatur. Prostat quoque ex Ungulis Magisterium, vel ad modum Magisterii ex cornubus Alcinis supra citati confectum, vel juxta præscriptum *J. C. Barckhausen, in Pharmacop. Synoptic. p. m. 102.* sequ. methodo paratam: & Ungul. Alc. mundificatas, coqu. tamdiu in aqua pura, donec omnis viscositatis fuerint expertes, postmodum eas dissolve in Aqua forti & solutioni aquam calentem affunde, quibus refrigeratis instilla Oleum Tartari p. d. & obtinebis desideratum Magisterium ungularum Alcis, sub Pulveris albissimi forma ad fundum delapsum, quod edulcoratum & exsiccatum usui reserva. Nam hac ratione & prægressâ diutina coctione extrahitur mucilago, quæ alias ob particularum suarum texturam impedimento est, quo minus cornea ungularum substantia, hamulis earum quasi detenta & irretita, à menstruo affuso omnimodè possit dissolvi & disjungi, atque sic tantò facilius adveniente alcalino Tartari liquore, acidi menstrui poros opplente, Terræ ungularum particulae aggravantur & deorsum mittuntur. De cætero ex Ungulis pollicere nobis possumus Spiritum, Sal vol. & Oleum, si eodem ordine, eademque ratione cum illis ac cum cornubus Alcinis, ut supra dictum est, procedamus, licet omnia quantitati & qualitati eorum, quæ ex cornubus proveniunt, exactè non respondeant.

Consideratis jam solidis ac durioribus Alcinis partibus, earumque ad usum Medicum præparatis potioribus, æquum est, ut nunc de SANGUINE, fluido illo primario, quantum instituti nostri ratio exigit, paucis quoque agamus. Hic enim à maceratione adhuc calens Retortæ vitreæ inditus, & lenissimo igne arenæ destillatus, præbet una cum Sale vol. & Oleo Spiritum copiosum, aurei coloris, parem, si non superiorem isti, qui è cornibus elicitor, per rectificationem pro lubitu purificandum, & ad eisdem cum Spiritu Corn. Alc. usus servandum. Præbet & Aquam, pro qua impetranda accipit *Göbelius* decem partes sanguinis, easque in vitro benè sigillato ad putrescendum in fimo equino vel columbino, collocat, singulis septimanis vitrum eximens & fortiter commovens, ut ima summis probè invicem misceantur, hæc per quadraginta dies continuando: quibus elapsis omnia ita mixta in alembicum ad eliciendam aquam per destillationem ponit, igne satis forti subjecto. Reliquas exsiccatas cacabo eximit, atque in marmore conterit, pluribus vicibus affusa Aqua stillatitia extractionem reiterando, donec aliquam fragrantiam non gratam acquirat,

quam Quintam essentiam sanguinis Alcini vocat, tam ad secretos usus ab ipso frequenter collectam, quam interne contra morbos malignos cum addito Spiritu Corn. Alc. propinatam, aut externè ad fovenda membra tabida l. purificandas fistulas usurpatam.

Tandem post magis usitata ad minus ex Alce usualia devolvimur: quæ inter numeramus Nervos, Medullam & Adipem. Nam ex NERVO aptatur Zona, quæ in Aqua Lumbric. terrestrium prius humectata, vel medulla Alcis inuncta, & dein membro spasmus patienti circumligata paroxysmum tollit. MEDULLAM ossium Göbelius, experientia Parentis, qui ægrum Arthritide per triennium laborantem & penè desperatum illita hac medulla valetudini pristinae restituit, confirmatus tanti facit, ut eam basin constituat Unguenti ab Apoplexia præservantis: ℞. Medullæ Crurum Alcis ʒj. Olei Nuc. Mosch. Olei Succin. alb. Olei Anis. ana gutt. x. vel xv. Ambra, Moschi, Zibethi, pulv. Ungul. Alc. subtiliter trita ana gr. vij. misc. cum cera alba, ut fiat Unguentum, quo futura coronalis interdum inungatur, aut tempora irrigentur. Ita quoque ADIPEM Alcis, utpote exsiccantem, emplastris quæ exsiccandi & digerendi potentia opus habent, addere suadet, vel etiam destillare, ut magis tenuium evadat partium, & per se sine ullo additamento linimenti instar uti.

Reliquum nunc esset, ut indicarem, quænam medicamenta ex his recensitis præparatis possint componi, quibusve pharmacis hinc inde queant substitui: Verum cum hac ratione positos & consuetos Dissertationis terminos nimia prolixitate excederemus, hic solum abrumpimus, ea prudentis Medici arbitrio atque iudicio relinquentes, & B. L. obnixè rogantes, ut velit specimen hoc æquis oculis aspicere, & cum tempore à perfectioribus nostris annis perfectiorem hujus materiæ exarationem expectare. Atque sic Infinito Numini pro Divina Benignitate & Clementia nobis concessa humillimis persolutis gratiis, præsentis Dissertationi felicem ponimus TERMINUM.

Vir Nobilissime, Clarissime,

FAUTOR ET AMICE

Honorande.

Μείνων δ' ὁ πρᾶσσόντων, ἔσαναν
Ἄυτικ' ἀγγελίαν

Ποτὶ γλυκεῖαν ἐσθλοῖ.

Amicis autem feliciter agentibus, congruere solent (congravi sunt)

Statim nuntium

Ad dulcem boni.

Id quod in Psaumidis Camarinai honorem ecciñit Pindarus Ol. A. 6, 7, 8. Tibi quo-

que accinere jubet ipse, quem literis misisti, nuntius dulcis, imo multis nominibus gratissimus, qui certiores nos reddidit de felici itineris progressu, æque ac aliarum rerum optata prosecutione, quas laudabili desiderio incensa voluntas Tua in Illustri Academia Basileensi peragere Tibi persuasit.

Θεὸς Ὀφρων

Ἐν λοιπαῖς Ὀχλαῖς. Plin. Ol. c. a. 6, 7.

Deus propitius

Sit reliquis votis,

Quæ vel alii fundunt, vel ipse Tibi, imò quæ merita Tua postulant. Merita in Rem Medicam æque ac Literariam, speciatim quoque Historiam Naturalem, quæ sanè ὡσητόν ἐστι πρᾶγμα, καὶ φύσει ἐνυπάρχει τοῖς ἀνθρώποις. Quid verba facio, ubi rerum Testimonia adsunt? Loquetur, quam omnium cum applausu defendes, quia omni cura in eam conficiendam incubuisti, Disputatio Tua Inauguralis, quam sedula non minus doctaque elaboratio, ac raritas materiæ de optima nota commendant. In ea quippe vivimus eruditionis omnigenæ vespera, qua peracto etiam rerum seligendarum spicilegio nobis vix ulla grana relinquuntur, ut hinc in ipsa copia destituamur inopes, ὥσπερ ὁ ἐνδεοπλήσιος τὰνταλός, & pluris sæpe æstimanda veniat materiei aptæ selectio, quam elaboratio. Spectat hæc Tua de Alce doctrina ad excolendam Historiam Patriæ Naturalem, & omnes simul Medicinæ angulos perreptat, dico, partes attingit, ut id facile demonstratu foret, si per partes ire liceret. Gratulationi huic, quam brevem esse cupio, simulque sinceram, ut tanto gravior accedat, comitem jungo, ob affinitatem materiæ, quo sic uni Ceratologiæ Cervinæ ambo litemus, Historicam relationem de Cervæ Cornuta, in districtu Raszensi capta, quam Virgo nobilis virtutibus æque ac generis antiqua prosapia aliquandiu (sed nondum cornutam) habuit ubique pedisequam, ἐλαφοτροφέιον Tigurinum per triennium circiter ad annum usque 1697. aluit, & nunc Museum Civicum Tigurinum, ex liberalitate Magnifici Nobilissimique VIRI, Dn. Wilhelmi Blaureri, Redituum Ecclesiasticorum Archiepiscopi, & Fossæ Cervinæ, Venationibusque Præfecti possidet. In Agro Tigurino natam & educatam scias velim Cervam nostram, ne forte suavi Te demulceas, aut vana spe, adducturum me Tibi illam,

Χρυσόκερων ἐλαφον Θήλειαν,

Auricornem Cervam foeminam,

Quam Pindaro teste Ol. r. B. 7. & c. olim Taygeta filia Atlantis Diana consecravir, vel κερασφόρον illam apud Sophoclem, aut κερεῖσαν ἐλαφον apud Euripidem in Iphigenia, aut κερεῖσαν apud Anacreontem de Cervæ, vel Cervas Cornutas alias, quarum mentio fit apud Scalig. l. 3. Poet. & ex eo Rittershus. ad v. 177. lib. 2.

κον. Oppian. *Ælian.* l. 7. de *Animalib.* c. 39. *Ion-
ston. Thaummatograph. Natur.* f. admirand. quadruped. c. 10. p. 298. *Eph. Germ. Dec. I. Ann. 9. p. 225.*
& alii forte, quorum tamen meminisse parum
juvabit. De productione hujus Cornu quum
procul dubio mecum sis sollicitus, hæc, quæ
rudis Minerva mihi suggerit, paucis habe, a-
liorum enim in hanc rem opiniones vel exa-
minare, vel refutare nec voluntas suadet,
nec angustia Epistolii exigit, nec concisa tem-
poris brevitās permittit. Hoc quidem facile
patientur oculatissimi *Malpighii* manes, ut ab
analogia κερατογενεσθαι in maribus, quam pro
more subtiliter, & observationibus ab ipso
factis convenienter deduxit, tantillum disce-
dam. Prohibent enim circumstantiæ quæ-
dam, quo minus Cornu hocce fœminini ge-
neris deducam ex *ulteriori papillarum corii, &
reticularis corporis productione*, sicut *Cornuum*
ordinaria in maribus *vegetatio* ex ipsius sen-
tentia huc in compendium redit, vel etiam
ex conatu interioris tumoris à copiosa fortasse
succo in continuatas cutis papillas elabente, eas-
que adjuvante compressione elongante, sicut mon-
strorum Cornu è collo Bovis enatum, & Museo
Aldrovandino postea consecratum ortum tra-
xisse vult *Celeb. Malpighius*. Est hoc, quod
lustrandum suscepimus, Cornu digitum unum
crassum, & duos longum, & prolongata qui-
dem eminentia ossis frontis sinistra, quam Cor-
nu vocat *Albucasis*, *Dionysiscum* alii, adeoque
continuum ipsi Cranio, dum, quod idem est,
lamina Calvariæ exterior elongata obtegit
spongiosam intus protuberantiæ Cornuformis
substantiam, quam ipsam diploen seu caver-
nosum Cranii medullium protensum esse
perhibeo. Procrevit itaque, ut faciliorem
tanto reddam ac citiorem ex præmissis indu-
biis subsumtionem hæc ἐξουχὴ, vel potius ἐξό-
σωσις ita, ut lamina Cranii exterior in teneræ
constitutionis Cerva fuerit, sive à causa ex-
terna, forte Cervo mare petulante, & ictum
durum intundente, vel Lapidis jactu, aliave,
sive ab interna, copiosiori scil. vel protusione
succu nutritii, vel acrioris erosione, læsa,

unde fibris in loco affecto laceratis, divisis,
vel contusis circulatio fuit impedita, stagna-
tio Sanguini ac succo alibili inducta, à novo
semper continuante affluxu fibræ ipsæ jam in
tono debilitatæ fuere extrorsum protusæ, qui-
bus per successivam nutritionem elongatis, &
cavernosa interiori substantia itidem protensa
κερατοειδὴς hæc ἐξόσωσις fuit genita, & in tantam
quidem longitudinem, qualem etiamnum in
seclero capitis videre licet. Eadem ratio cor-
nuum è capitibus hominum excrescentiam
possibilem reddit, quam experientia confir-
mat, testantibus id plurimis observationibus,
quarum congestionem consulto omitto. Mor-
bosum esse ipsum, quod præsentī considera-
tioni subjecimus Cornu, vel inde quoque pa-
tet, quod ad basin angustius id sit, & lævius,
versus apicem vero scabrum magis, & verru-
cosis veluti nodis tumidum. Sic quidem sese
terminat αἰτιολογία, cui instituendæ ansam de-
dit ipsa Tua doctissima de *Animali Septentrio-
nalia* *Magno Cornigero* *Dissertatio*, nondum
tamen finem Epistolæ pono, tacturus aliud
porro phænomenon non minus rarum, quod
huic Cervæ Cornigeræ contigit. Replebant
Uterum ossicula spongiolæ levitatis albida,
quæ etiamnum mecum asservo, unde colli-
go, embryonem secundo vel tertio circiter
mense vitam ante amisisse, quam in vitales pro-
dierit autas, & ipsam Cornigeram matrem
dubio procul non parum torxisse, iisque cir-
citer symptomatibus afflixisse, quæ ex foetu
in Utero mortuo matribus contingere solent,
quamvis læta semper discurrerit, & nec mor-
tem nec morbum inde passa fuerit. Huc fa-
cit Observatio *Clar. Dn. D. Joh. Baptistæ Wenckh,*
de Muliere, qua existente in Utero ossiculorum
congerie ex emortuo fœtu relicta, denuo bis con-
cepit, feliciterque peperit, inserta Ephem. Germ.
Dec. III. Ann. IV. obs. 87. Hisce, quæ sub-
ducto probe supercilio evolvi merentur, ut-
pote exactiori examine digna, nunc autem ob
temporis angustiam imposita, nec ullam li-
mam passa transmissio, contentus. Vale, φίλτα-
τον καίρω, & amare perge

Totum Tuum

Dabam Tiguri 14. Calend.
Maji st. v.

D. JOH. JAC. SCHEUCHZER,
N. C. Acarnan.

SECTIO VIII. DESCRIPTIO ANATOMICA RANGIFERI

Ex Actis Med. & Phil. Hafniensibus,

Vol. I. pag. 274.

INter alia animalia quæ celeberrimus Anatomicus D. *Nicolaus Stenonius*, ad nos redux, publicè privatimque indefessa manu dissectuit, spectatoribusque exhibuit, primum locum meretur Rangifer, nunquam ante cultro Anatomico subjectus. Raro enim ex Norvvegia ad nos defertur, & huc delatus raro supervivit. Duos autem, marem nempe & foeminam, in aulâ suâ aluit Illustris Mecænas noster, Dn. *Petrus Griffenfeld*, Eques & Serenissimo Regi à Consiliis Secretioribus, quos, cum sensim morbo conficerentur aeri nostro minus adsuæti, amore publici, quod unice procurat, Theatro nostro Anatomico concessit, ut publicis demonstrationibus paterent. Juniores autem erant, quod vel cornua indicabant tenella & lanuginosa. In adultioribus enim vasta sunt, sicut in Museo Academix videre est. In his tamen valde errant *Gesnerus*, *Jonstonus*, alique rerum naturalium scriptores, quando tribus cornibus armari Rangiferum scribunt pinguntque, cum duo tantum emineant variis utrinque ramusculis ornata.

Cæterum quæ in dissectione, à laudato *Stenonio*, in Anatomico Theatro nostro mense Octobri 1672. instituta, observata fuere, operæ pretium duxi hic annotasse. Maris autem sectio præcessit. Foeminæ mense Decembri successit. In mare hæc visa:

1. Tres intersectiones curvilineæ erant in rectis abdominis musculis, quarum inferior pollicis latitudinem æquabat, reliquæ duæ angustiores, ut vere pateret intersectiones illas esse tendines inter carnes interceptos.

2. Cæcum intestinum erat $\frac{1}{2}$ uln. longum.

3. Intestina superiora in septem gyros se involuebant, inferiora in novem. Duobus autem modis diversis involvuntur: uno, ubi orbes se invicem ambiunt in eodem plano, quod planum obvertebatur lateri dextro: Altero, ubi orbes illi impositi sibi invicem sacculum formant, expansam manum capientem. In intestinis autem duo fibrarum genera sunt, exteriores secundum longitudinem, interiores heliciformes. Ab intestino cæco initium suum sumunt intestinorum involutiones. Longitudo intestinorum ulnas 44. continet. Pul-

chra quoque est venarum mesenterii anastomosis, quæ in figura delineata exhibetur.

4. Renes succenturiati figuram renis & magnitudinem olivæ repræsentabant, cavitate donati.

5. Renum figura rotunda & oblonga, substantia admodum tenera. Dexter ren foveam in hepate fecerat. Ad dextrum latus sinister ren detrusus erat, incertian morbi vitio, an secantium.

6. Circa planum intestinorum erat mesenterium latum 3. vel 4. digitos, ubi & vena portæ ambiebat ultimum gyrum intestinorum, & glandulæ XVII. per eundem gyrum dispositæ conspiciebantur, quarum aliæ oblongæ, aliæ fabæ similes.

7. Pulmones partim miniati coloris, partim nonnihil obscurioris, resolvebantur in exiguos lobos communi membrana arcte inter se conexos, sicut renes in Urso, vel potius Vitulo: tres in sinistro & 4. in dextro pulmonum latere lobi viscebantur, quorum uni à parte dextra foramen erat superius ante bifurcationem solitam.

8. Lien ventriculo adhærebat & diaphragmati, latitudo ejus $\frac{1}{8}$ uln. longitudo $\frac{1}{4}$ uln.

9. Duæ hydatides in omenti circumferentia, una magna instar ovi gallinacci, altera parva instar ovi columbæ, quarum singulæ aquam purissimam continebant, illa tamen præter aquam materiam quandam gypseam pisi majoris magnitudine in se complectebatur: Et minor vesicula lymphatica in majori continebatur, quasi prægnante. Videntur hæ hydatides in Cervorum genere naturales, in aliis antea à me visæ. An ad celeritatem cursus aliquid conferant, alii inquirent. In hoc vero Rangifero, qui morbo confectus fuerat, præter has vesiculas lymphaticas, apostemata varia purulenta abdomen vitiant, & putredo inferiores partes abdominis infecerat, ut dissectoris manum remoraretur.

10. Hepar reperiebatur absque lobis, alioqui duæ adfuere incisiones, una supra renem, altera circa hepatis medium.

11. Humor crySTALLINUS magnus & aliquando compressior.

12. In Oesophago fibrarum duo genera à partibus

Fig. 1.




fig. 2.




Fig. 3.




Fig. 4.




Fig. 5.





Fig. 6.



Fig. 8.



Fig. 7.



partibus oppositis descendebant, & alternatim se invicem scandebant.

13. Glandula superior cerebri major erat quam in Urfa, quam eodem tempore in Theatro dissecuit Anatomicus Clarissimus, ut & tertium par tuberculorum; præterea tertii paris ad quartum par proportio erat major quam in Urfa.

14. Plexus choroides notabilior quam in Urfa.

15. Cerebelli lamellæ albæ crassiores quam in Urfa.

16. Ductus salivalis exterior descendit versus angulum inferioris maxillæ, ut in vitulo.

17. Striæ in corpore striato distinctiores quam Ursæ; erant etiam multæ striæ conspicuæ intra substantiam secundi paris tuberculorum, quæ alias appellantur thalamum nervorum opticorum, quarum striarum delineatio in figura conspicitur.

18. Inter radicem linguæ & epiglottidem spatium erat 2. digitorum transversorum, substantia membranosa interveniente.

19. In tonsillis erant novem cavernulæ per rectam lineam sitæ, quibus apponebantur aliæ ad latus exterius: similes cavernulis in pulmonibus avium.

Alias observationes in utroque Rangifero, uti in cæteris animalibus; in quibus quotidie occupantur studiosi nostri Duce *Stenonio* & in cadavere humano publice nuper dissecto, ipse *Stenonius* accuratius tradet, quando per occupationes licuerit.

Eodem tempore Ursum Illustrissimi Legati Gallici, Equitis *Terton*, habuimus, in cujus aula illam strangulari vidimus, quem in Theatro Anatomico dissecuit laudatus *Stenonius*. Quid dignum visu ostenderit, quidve observaverit, data occasione ipse publico non invidabit.

De utriusque Anatome, Rangiferi nempe & Ursi, ita lusi in Mercurio suo *Georgius Huberus*, Poëta laureatus Casareus, Musarum delictum, cum spectatum & ille venisset:

Rangifer atque Ursus sua jacta vere cerebra

Spectandumque dabat sectus uterque caput.

Is ratus est, multa ingenii se laude valere,

Extulit & cerebrum non minus hicce suum.

Adstans Mercurius risit, dixitque beatos

O vos ingenio, vos cerebroque nihil;

Verticibus vestris bona si mens ulla fuisset,

In Sylvis melius nonne manere fuit?

Ambo modo in partes concissi mille jaceris,

Tam cerebro ille suo, quam caret hicce suo.

EXPLICATIO FIGURARUM.

TAB. IX.

FIG. I.

Cerebellum Rangiferi dissectum exhibet.

FIG. 2.

Musculi oculorum exprimuntur.

FIG. 3.

Musculorum illorum concursus.

FIG. 4.

Cor Rangiferi.

FIG. 5.

Intestina in situ naturali.

FIG. 6.

Lien.

FIG. 7.

Pes posterior.

FIG. 8.


Glandula renalis dissecta.

FIG. 9.

Cornua Rangiferi tenella.

FIG. 10.

Ipsam animal cum traba, ex Martinerii lithærio versus Septentrionem.



SECTIO IX.

DESCRIPTIO ANATOMICA
CERVÆ*D. Johannis Georgii Volckameri, Jun.*

è Miscell. S. R. I. Acad. Nat. Cur. Dec. 2. Ann. VI.

Obs. 223. pag. 459.

REmota cute parum pinguedinis observavi, circa regionem vero sinistri inguinis in conspectum prodibat vas lymphaticum, magnitudinē pennam anserinam æquans, quod circa patellam exticam glandulæ ad sinistram inguen sitæ inferitur. Immisso ergo in canalem hunc mediante siphone flatu, plurima attollebantur vasa lymphatica in TAB. X. Fig. I. quæ una cum glandulis pulcherrimo ordine dispositis admirantium pascebant oculos. Junguntur tandem isti ductus receptaculo chyli lymphæque, cujus situs sub sinistro deprehenditur rene. Siphonis præterea auxilio, flatu distendentis receptaculum, observavimus ductum thoracicum duplicata serie sub diaphragmate ulterius procedentem, postquam iterum in unum coaluit ramum, tandem subclaviam intrare venam; comitantur autem hunc ductum ad utrumque latus glandulæ mox rubicundæ, mox nigricantes. Panniculum carnosum haud difficili negotio separavimus; hunc ad dorsum mox carnosum, mox tendinosum, pulcherrimisque coloribus ornatum deprehendimus.

Musculorum oblique descendentium separationem juxta inguina inchoavimus; horum tendines lineam albam versus progrediuntur, superius vero ad costas, musculis serratis anticis, serrata vice annectuntur. Musculi oblique ascendentes, antequam ad lineam albam pertingunt, cum supra nominatis mediante tendinum nexu sibi firmiter cohærent, ita, ut separationi nullus relictus sit locus; oriuntur à margine ossis ilei & superne costis junguntur, inferius vero lineæ albæ.

Transversales musculi fibris suis carnosus à processibus vertebrarum lumbarium transversalibus originem trahunt & ad medium usque abdomen procedunt, ubi tandem tendines eorum mutuo amplexu juxta lineam albam coeunt.

Musculi recti insigni latitudine dotati, novem pulcherrimis intersectionibus superbiebant.

Omentum firmiter adhærens ventriculo, variâ ram glandularum, quam vasorum lym-

phaticorum serie conspicuum erat. Prædictæ hæ glandulæ, proprio folliculorum tegmine munitæ, pus viscidum in sinu fovebant, pulti, parvulorum nutrimento, haud absimile.

Ex rene succenturiato sinistro canalis prodibat lymphaticus, duabus valvulis præditus, qui recta via sub sinistro rene procedendo in ductum thoracicum desinit.

Capsulæ atrabiliaræ firmiter cum omento cohærent, ex quo variæ ramificationes vasorum lymphaticorum sub ventriculo ad prædictas capsulas decurrentium observavimus.

Omentum plurimas hinc inde dispersas fovebat glandulas, quæ omnes lymphaticorum varias ramificationes absorbent. Multi præterea canales toriferi super arteriam magnam decurrunt; quid quod in ipso diaphragmate ad latiore ejus tendinem in gyrum quasi profeminata conspiciuntur quam plurima vasa lymphatica, quæ ductui partim Pecquetiano inferuntur, partim vero glandulæ, ad arteriam magnam juxta sextam dorsi vertebram sitæ, junguntur.

Ductus thoracicus Fig. 2. duplex utrinque ad latera arteriæ magnæ sursum vergit, & venas perreptando intercostales in subclaviam inferitur.

Tres aderant ventriculi, magnitudinis ac figuræ diversæ. Primus, œsophago proxime adhærens, vocatur omasus. Fibræ sive potius foliola ejus Fig. 3. internæ tunicæ adnata oblongam præ se ferunt figuram. In fundo similes observantur fibrillæ; juxta medium vero omasi minores papillæ denticulatis fibris affixæ visui sese offerunt, à subjecta ventriculi tunica faciliè separabiles.

Papillulæ hæ, ut sunt humidioris naturæ, ita liquore scatent fermentativo, qui ex denticulatis hisce fibrillis promanans cibo sese associat.

Ad omasi fundum Abomasus conspicitur Fig. 4. ventriculo similis humano, ornatus variis plicis ac inæqualitatibus, obscurioris mox coloris, mox albicantis, exiguoque fibrillarum denticulatarum numero conspicuus.

Tertius Reticulum vocatur Fig. 5. & oritur ab



fig. I.



X. BAT

ab œsophago 4. digitorum transversorum latitudine sub duodeno ad dextrum latus. Intima membrana quasi spinosa, aculeis mox hexaedris, mox heptaedris prædita erat, mirandum in modum contextis.

Intestinum duodenum & reliqua crassa tenuiorem ambiunt fistulam intestinalem, quæ in gyrum quasi convoluta medium occupat abdominis.

In Mesenterio plures glandulæ oblongioris formæ conspiciuntur, quæ lacteorum partim, partim vero lymphaticorum ramificationes absorbent. Nullas præterea in intestinis videre contingit glandulas: spatiola vero albicantia per tenuia transparentia observavimus.

Lien latus est & subrotundus Fig. 6. ventriculo valide annexus.

Duodeno adhæret pancreas, quod ex variis glandulis conglomeratum oblongam habet figuram.

Hepar sub diaphragmate ad partem convexam in 4. lobos divisum conspicitur, Fig. 7. Occupabant hoc viscus varii lumbricatiores, cucurbitini vulgo dicti (Eglen). Fellea de cæterò vesicula deficiebat.

Renes Fig. 9. erant prægrandes, ut & ureteres cum vesica & matrice.

In ovario, sive potius testiculis, ne ovulum quidem observavimus, ob ætatem forsitan huius cervæ provectiorem.

Cordis substantia musculosa Fig. 8. nullum in sinu fovebat os (alias Os Cordis Cervi dictum) tendines verò validissime erant contexti, ut & columnæ musculosæ cum valvulis.

Pulmonum quinque observantur lobi à dextris, à sinistris vero tres conspiciuntur. Oculo microscopio armato sese sistunt vesiculæ hexædræ in pulmonibus.

Ex ampliori oculorum angulo lachrymas cervæ extraximus, caseum olentes.

Ad linguæ radicem pus crassum propriis folliculis inclusum extirpavimus.

Externa linguæ facies, per microscopium considerata, minores papillas in acutum tendentes exhibet, cum subjectis glandulis rotundioribus; eadem membrana ad linguæ radicem sistit quamplures prominentias quasi corniculatas. Ad latus maxillæ inferioris per microscopium observantur monticuli sive tuber-

cula obtusa. In glandulæ mox quadrangulares, mox triangulares, in extremitatibus suis fusci coloris; situantur autem hæ glandulæ sive papillulæ circa molares. Caterum lingua similis erat vitulinæ, mollis atque carnosæ.

Cartilago scutiformis ab anteriori parte altius prominebat. Epiglottis, ut & cartilago arithenoides, versus interiora multis ornatæ foraminulis, ex quibus mediante pressione humor viscidus elicitur, asperæ arteriæ humectandæ pronus.

Os hyoides cartilaginis scutiformis processibus cartilagineis tendinoso principio adnectebatur, hinc osseum plane ad basin pergebat, unico utrinque articulo; à basi tribus ossiculis cornua ossis hyoidis exserta sunt, quorum ultimum erat instar claviculæ firmatum.

Dentes maxillæ superioris erant, juxta & inferioris, instar ruminantium animalium compositi, cavi & in medio protuberantes.

In Palato, juxta narium internas cavitates, varia sese visui nostro objecerunt foraminula, humorem viscidum plorantia.

Ductus salivales satis erant conspicui, ut & reliqui meatus sub lingua, juxta carunculam **Y** representantem.

Postquam Cranium cruciatim reciproco serræ motu abstulimus, observavimus duram matrem firmiter adhærere cranio, cerebrumque insigniter durum deprehendimus. Pia mater vasis erat petyia. Hinc nervi olfactorii primum in conspectum veniebant, deinde optici, tertio oculorum motorii, quarto pathetici, quinto gustatorii, tandem sexto & auditorii &c. Ablato à cerebello cerebro & dilatatis ventriculis anterioribus, ea omnia quæ in capite vitulino notantur, animadvertimus. Glandula pinealis membrana tenui ac pellucida cingitur, in quam florillæ nervæ à circumjacentibus prominentis exortæ terminantur: inus materiam fovet mucilaginosam: figura vero huius glandulæ erat oblonga. Prædicta glandula, ut & testes, fusco colore ornantur, reliqua tamen cerebri substantia tota erat albicans: Glandula pituitaria concavitate gaudebat manifesta.

EXPLICATIO FIGURARUM

TAB. X. & XI.

& quidem

FIG. I.

A. Caput.

B. Angulus oculi major, ex quo lachryma eruitur.

C. Lingua.

D. Collum.

E. Incisio facta pro extrahenda gula.

F. Pedes anteriores.

G. G. Pectus.

H. H. Musculus rectus cum intersectionibus.

I. I. Gula cum œsophago.

K. K. Omasi exterior tunica.

K 2

L. L. L. In-

- L. L. L. *Interior omasi pars.*
 M. M. *Reticulum.*
 N. N. *Abomasi externa membrana.*
 O. O. O. *Interior tunica abomasi.*
 P. P. *Omentum.*
 Q. Q. *Musculi oblique descendentes.*
 R. *Musculus transversalis.*
 S. *Os coccygis prolongatum, sive cauda.*
 T. T. *Pedes posteriores.*
 U. U. *Musculi intercostales.*
 X. X. *Vas insigne lymphaticum ad sinistrum inguen situm.*
 Y. Y. *Glandula rubicunda & nigricantes ad utrumque latus ductus Pecquetiani sita.*
 1. 1. 1. *Duodenum cum reliqua appensa fistula intestinali.*
 2. 2. *Intestinum colon cum recto.*

FIG. 2.

- A. *Vena axillaris sinistra.*
 B. B. B. B. *Ductus thoracicus inflatus.*
 C. C. C. C. *Ductus thoracici ramificatio.*
 D. *Sacculus chyliiferus.*
 e. e. *Rami inguinales ad sacculum protensi.*
 f. f. f. f. *Valvula in ductu thoracico.*

FIG. 3.

Papilla foliacea Cervæ in Omaso per microscopium.

FIG. 4.

Papilla cylindrica apice donata in Cervæ abomasi & omaso notabiles & per microscopium considerata.

FIG. 5.

Tertii Ventriculi Cervæ sive Reticuli particula per microscopium inspecta, in qua glandulae pyramidales instar crystallorum elevantur undique.

FIG. 6.

- a. *Lien ejusque vena.*
 b. *Arteria.*
 c. c. c. *Nervi ad Lienem.*

FIG. 7.

Hepar Cervæ cum Diaphragmate.

FIG. 8.

- A. *Aspera arteria.*
 b. *Arteria magna.*
 c. c. *Cor.*
 d. d. d. *Lobi pulmonis in sinistra parte.*
 e. e. e. e. *Lobi pulmonis in dextro latere.*

FIG. 9.

- A. A. *Renes.*
 b. b. *Renes succenturiati.*
 c. c. *Vena emulgens.*
 d. d. *Ureteres.*
 e. e. *Uteri fundus.*
 f. f. *Tuba uteri.*
 g. g. *Ligamentum latum.*
 h. h. *Ligamentum rotundum.*
 i. *Vesica urinaria.*
 k. *Vulva.*
 l. *Vena cava.*
 m. *Arteria magna.*

SECTIO X.

IN SECTIONE ANATOMICA CERVÆ


D. Johannes Jacobus Wepferus,

in Miscellan. Acad. Nat. Cur. Dec. 2. A. 6.

Obs. CXVII. pag. 241.

PArtes sexum distinguentes potissimum consideravit in seqq. Cervus (inquit) oestro Veneris percitus 22. Sept. 1683. prope Friedenweiler in sylva martia scelopeto trajectus fuit. Intestino recto cum vesica, vasis ejaculatoriis & vesiculis seminariis ruditer à Venatoribus exemptis, vidi vasa ejaculatoria posticæ partis vesicæ accumbentia, unciam cum dimidia longa, mole ferè parvum meum digitum æquantia, attactu dura: foris rubebant à vasis sanguiferis capillaribus: tunica illorum erat crassa, nervea, dura: cavitas illorum admisit pennam anserinam; con-

tinuit semen spumeum, pansum, fluidum; cum portione magis concreta: Injecta aqua atramento tincta profiliit ex rimula in urethra ampla, sub collo vesicæ, simulque in dextro latere intumuit vesicula seminalis: Contenta in utroque vase dilatato similia erant: Aqua injecta in sinistro per peculiare foramen alteri proxime adjacens prodiit: vi illa per siphonem adacta non oblique antrorsum, sed sursum exsiliit. Vesicula seminalis utraque habuit amplum sinum, continens humorem turbidum, viscidum, subflavum, crassiusculum; illo deterfo & foris pressâ vesiculâ similis humor



mor prodiit ex osculis rotundis pisi aut lentis capacibus, quorum limbus erat membranæus, connivens & regressum in foramina ex sinu quasi impediens. Foraminum plura erant; nam utraque vesicula longa erat z^{iv} . lata z^{ij} . crassa z^{j} . sinus z^{ij} . prope longus. Vesiculæ seminales foris rubebant à capillarium vasorum sanguiferorum copia: Intus in sinu eadem quoque valde conspicua erant. Substantia vesicularum quasi glandulosa erat & pulposa, nihilominus cavernosa. Ex utroque sinu exitus patet per canaliculum in rimulam illam, per quam utrinque se exonerat quodlibet ejaculatorium, osculum tamen oblique inseritur, non secus ac ureteres in vesicam, adeo ut vesicularum exoneratio per unam rimam in quolibet latere fiat cum vase ejaculatorio dilatato, non tamen ex vasis ejaculatoriis in vesiculas seminarias liquor infundatur. Certe manifeste patuit, ambos liquores diversæ conditionis esse, ac vesicularum liquorem in illis generari, colligi & servari.

In vasis ejaculatoriis inveni illas prominencias & valvulas transversas membraneas superficiarias, ut in tauris: in utraque conspexi quoque lineam prorsus nigram, ac si in vase capillari hæreret sanguis corruptus. Sub utraque rima in urethra ampla sinus erat membranaceus uncia dimidiæ longitudine, pennam anserinam admittens, in quos nec vasa ejaculatoria nec vesiculæ se exonerabant; in illis discissis vidi superficiem granulatam: An peculiaris liquor in illa stillet, agnoscere nequi. Testes erant mole insignes: Urethra tota oblinebatur mucò pellucido.

In injectione per vas ejaculatorium rima nullo modo premenda, & observandum, an aliquid atramentosi ad vesiculam seminariam perveniat; idem tentandum in sinibus sub rimis.

Alias famosæ etiam sunt LACRYMÆ CERVI, in quarum receptacula olim quoque inquisivimus. Anno sc. 1676. die 16. Septembris Receptaculum lachrymæ Cervi primum in sinistro latere excidi: Postea in dextro latere.

Ante excisionem observavi sulcum seu crenam superficiariam depilem, coloris lividi, uncia unius circiter longitudine ab oculi angulo majore ad principium usque receptaculi extensam. Hinc pellem circumcirca ad ossa undique incidi, ac ab osse maxillæ superioris separavi, & dum sinum receptaculi superficialium existimavi, ipsius fundum abscidi: In dextro latere cautius processi ac totum ex sinu osseo protraxi, sensim fibrillas per quas cum

perioestio cohærebat abscidi ac integrum extraxi. In osse maximo maxillæ superioris inveni sinum profundum, articulum parvi digiti fere admittentem, acuminatum, totum osseum, nullibi pervium: situm intra spinam orbitæ oculorum ad latus nasi: bene perioestio aliaque membrana nervea intus vestitum. In receptaculi parte postica duos musculos carneolatos, unum ab orbita oculi, alterum à radice nasi oriundum, quorum tendines inferebantur lateribus crenæ utrinque, ac si locum illum diducerent: prope tendines illorum inveni muscolum semicircularem, dimidii receptaculi orificium, versus angulum minorem oculi, cingentem; in altero latere versus radicem nasi vidi fibrillas semicirculares alteram partem ambientes. In parte ima receptaculi corpus glandulosum nuce moscata minus & compressius, valde durum & tenax, quasque nerveum, ganglio similis quam glandulæ cuivis.

Apex receptaculi ex sinu extractus totus membranæus & quasi nerveus erat, densus & compactus, quamvis non crassus erat: reliquum vero in ambitu usque ad externa labia crassum, nerveum & quasi ligamentosum. Externa forma receptaculi ovalis, longa ultra unciam, facile pollicem admittens usque ad apicem, quidum sinu continebatur, vix parvum digitum admisisset: extractum vero, qui apex extensibilis facile primum articulum indicis admisit. Illud quod lachryma vocatur, non fluidum quidpiam est, sed concretum aliquod, emplastro tenaci aut ceromati aurium indurato simile, portiones ejus quædam cum pilis conglobatæ libere fluctuantes erant, quædam tenacissime lateribus & fundo receptaculi adhærebant instar Emplast. Norimb. colore subflavo obscuro. In uno plus quam in altero reperii. Exempta lachryma, intus receptaculum obductum vidi tenerrima membrana quasi squamea, qualem quoque in receptaculo castorei vidi.

In cervis cicuratis vidi ostium hujus receptaculi se constringere, nunc circa digitum, nunc stilum immissum, adeo ut admodum angustum redderetur.

Similes sinus oves habere nuper observavi: capræ & capri his destituuntur.

Lachrymas cervi in lapidem indurari meminit Scaliger in *Exercit. & Neucranz de Purpura* p. m. 340.

NOTA.

Figurarum lachrymarum harum vid. in Museo nostro *Museorum Tom. I. in Cap. de Cervo.*

SECTIO XI.
ANATOME
CERVI CANADENSIS
& CERVÆ à SARDINIA
Parisiensium.

Cervus erat prægrandis, 4. pedes à summô dorsô ad terram usque adæquans. Cornua ipsius 3. pedes erant longa, & rami ipsorum super supercilia prominentes pedem longi; rami in quovis cornu erant 6. qui est summus ramorum cornu cervi numerus, juxta *Aristotelem* & *Plinium*: quod tamen in his regionibus secus se habet, ubi reperti sunt cervi ad 22. ramos in cornibus ostentantes.

Tota cornua pelle durissima testâ erant, & pilis densissimis brevibusque obsita, ejusdemque cum pilis corpus vestientibus coloris: variis in locis torta erant. *Plinius* admodum ineptè pilos hosce vocat plumas mollissimas. Univerſa hæc cutis magna pollebat copia venarum & arteriarum, plurimo sanguine refertarum, qui ipsas ad latus cutis interius cornibus proximum protuberare faciebat, unde cornuum superficies valde sulcis exasperata erat, ad locum vasis concedendum, non secus ac cranium sulcatum est interius, prout vasa in dura matre distributa ipsi vestigia sua impreſſerint. *Gesnerus* censuit, quod sulci, qui in superficie cornuum cervinorum apparent, oriantur à vermibus inibi æstate generatis, & cornua illa depascentibus: quod vero plane improbabile est. Similiter *Plinius* male examinavit naturam cornuum cervinorum, dum dicit, quod illa natura sua sint plantæ, ferulæ vel arundini similes: scapi enim harum plantarum, qui neque cavi sunt neque nervosi, male exprimunt soliditatem cornibus cervinis peculiarem.

Democritus melius circa generationem horum cornuum philosophatus est: hic enim asserit, quod in cervo, quoniam sanguine abundat, & valdè obesus circa primam ætatem fit, natura consumat partem nutrimenti, quo nimium onerata est, mittendo ipsum per quædam vasa, quæ in magna copia & considerabilis crassitie adsunt, ad locum unde cornua excreſcunt. Et certè est res planè stupenda, si quis videat magnam copiam sanguinis, quam reperimus inter cornua & cutim illa integram, dum cute à nobis detracta tu-

nicæ venarum valde teneræ & exiles dilacerantur.

Hæc observatio nos movebat, ut attendere-remus ad diversam generationem cornuum animalium, quæ cum duplicis sint naturæ, nempe quædam cava, alia verò solida, similiter duplici ratione crescunt: nam illa, quæ sunt solida & cavitatis expertia, qualia sunt cervi cornua, ossi frontis immediate adhærent, ex quo videntur pullulare. Hoc enim os in cervis magna ex parte rarius & spongiosius est, quam in aliis animalibus, uti *Democritus* observavit. Cum enim prima origo aut germinatio cornuum cervi procedat ab aliqua substantia ex osse prodeunte, eorundem incrementum dependet primario ex cute, qua reguntur, & quæ ipsis magnam nutrimenti quantitatem suppeditat, per vasorum insignem numerum, in ipsa disperſorum.

Cornua cava, qualia sunt bovina, generantur & crescunt modo plane à priori differente: nam hæc cranium non immediate connectuntur, sed ipsorum cavitas oppleta est quodam osse, quod est ossis frontis appendix; hæc vero appendix non secus ac reliquum cranium, testâ est pericranio, ope cujus hæc cornua cranium junguntur, generanturque & increſcunt ex illo nutrimento, quod ex vasis pericranii recipiunt: nam in pericranio, quod appendicem ossis frontis firmat, adest crista quædam apparenter facta per transfudationem materiæ contentæ in vasis hujus membranæ, quæ reperimus in cavitate cornuum Gazellæ incomparabiliter majora, sanguine pleniora & numerosiora, quam essent vasa in reliquo pericranio, cætera capitis ossa investiente. Ut adeoque intelligi debeat, quod non secus ac solida cornua accipiunt suum nutrimentum & incrementum per externam suam superficiem; è contra illa, quæ sunt cava cornua, trahant & accipiant idem per internam suam superficiem: nam cum prior crista ceperit ad productionem pericranii, acuminatam ossis frontis appendicem integram, indurari, quod non aliter contingit, ac si ungues in extremis digitis indureſcunt: inter hanc priorem cru-

stam & pericranium generatur alia, quæ præcedenti agglutinata eandem anteriora versus protrudit; ut adeoque ibidem successive diversæ generentur crustæ, una super alteram, eadem fere ratione ac testæ cochlearum & ostreorum generantur & componuntur ex diversis laminis vel planis ad invicem conglutinis. Hæc est sola ratio, quod cava cornua communiter sint turbinata & contorta instar testarum, & quod facile in diversa strata s. folia separentur.

Aristoteles dedit nobis quandam ideam generandorum cornuorum cavorum, dum dicit, quod in ipsorum cavitatem intret quidpiam durum, quod ex cranio oriatur; quod accipi debet de osse cavitatem horum cornuum ingrediente: non enim loquitur de pericranio, cui cornu immediate connexum est, & ex quo probabile cornu suum accipere nutrimentum.

Generatio cavorum cornuum similiter à solidorum cornuum generatione differt in diversa qualitate materiæ, quæ in cavis cornibus magis aquosa est, in solidis vero magis terrestris naturæ. Cava enim cornua facile coram igne mollescent, quippe quæ non per exsiccationem & concretionem aquosæ partis concreverunt, sed per coagulationem cujusdam materiæ, cujus consistentia non est sat firma, citra gelu ipsam indurans: solida vero cornua sunt ex natura ossium, ex quibus & oriuntur, & terrestris sunt materiæ, quæ juxta *Aristotelem* & *Plinium* in capite cervi per calorem Solis induratur; similiter *Aristoteles* & aliam nobis tradidit observationem, quæ ostendit materiam cornuum cervinorum esse terrestrem, siccam & ex natura lapidum: dicit enim, quod quandoque capti sint cervi, in quorum cornubus reperta hedera, quæ inibi radices egerat, uti alias in lapidibus fieri solet; præterea Physici observarunt, frequentem pullulare hederam in locis, ubi cornua cervorum inhumata sunt. Conjectura hæc confirmari posset per considerationem excrecentiæ illius, quæ peculiaris est cervis diciturque lachryma cervi: quæ, uti dicitur, ex majori oculorum cantho oritur, & ossi, ex quo pullulat, firmiter adhæret, uti *Scaliger* asserit; hæc enim excrecentia lapidi adeo similis est, ut quidam censeant eandem esse verum lapidem, & quod ex cervo minime oriatur, & ut nullam plane fidem habeant illis, quæ autores de ipsius generatione tradunt, scil. quod excreseat ex cantho oculi Cervi, si hic seipsum sanct & liberet à vermibus, in ipsius intestinis stabulantibus, dum vorat serpentes, & aquæ se ad oculos usque immergit. Os, quod ad basin cordis cervi reperitur, similiter testatur hoc animal insigniter abundare

humore quodam in osseam & quasi lapideam naturam facile convertibili.

Intestina omnia simul sumpta 96. pedes longitudine: Tenuia 66. pedes æquabant, crassa vero (cæco non adnumerato,) pedes 20. Cæcum pedem unum & 10. uncias longitudine & 6. uncias latitudine versus basin suam exæquabat. Versus apicem suum, uti fieri solet, extenuabatur. Hæc extraordinaria intestinorum longitudo, qua magnitudini ventriculi animalium ex gramine viventium proportionata est, non reperitur in animalibus carnivoris; quoniam nimirum gramen non adeo facile in sanguinem convertitur, & nutrimentum, quam caro, paucius suppeditat, necesse omnino erat, habere tam amplos ventriculos ad continendam magnam graminis copiam, & ut intestina proportionatè essent longa ad concedendum naturali calori spatium, quò eo longiori tempore in nutrimentum per longos anfractus deductum atque detentum ageret.

Duo aderant ventriculi, major & minor, qui videbatur esse duodenum ampliatum. Major ventriculus, cum inflaretur, 5. pedes diametro suo æquabat. Compositus autem erat ex diversis aliis ventriculis aggregatis; conspiciantur enim quatuor vel 5. rubera, quæ membrana intermedia connectebantur, & quæ in hoc ventriculo diversas cellulas efformabant. Ad hanc membranam aderat & alia, quæ tegebat & includebat universum ventriculum. Hæc membrana posterius ventriculo connexa erat; antè eadem non nisi in summitate jungebatur, reliquum ejusdem plane separatum erat & vastè extensum, per magnam copiam flatuum, quam includebat, una cum ventriculo & intestinis, quæ similiter instar epiploi tegebat. Superior ejusdem pars, quæ ventriculos integebat, erat tenuis & pellucida, pinguedine, glandulis vasisque conspicuis destituta: pars vero ejusdem altera, quæ ad intestina concludenda descendebat, quædam vasa & pinguedinem ostendebat, sed in minima quantitate.

Splen erat rotundus, tenuis & majori ventriculo totus adhærebat. 6. uncias diameter ipsius capiebat. Vasa, breve vas constituenta, plane imperceptibilia erant. Gibbosa ejusdem & superior pars diaphragmati per 3. longa ligamenta annexebatur.

Hepar uno saltim gaudebat lobo, & antè saltim fissum erat, interius vero plane integrum. Dextra pars quadantenus magis extensa erat, quam sinistra, & versus renem apicem constituebat. Vesicula fellea nulla aderat.

Renes erant maximi, 5. uncias longi & tres lati. Renes succenturiati deficiebant.

Penis osse non gaudebat. Propria testiculorum

culorum membrana immediate connexa erat substantiæ glandulosæ, adeo, ut plane & omnino non ab eadem separari posset, & magis quidem quam in reliquis animalibus. Supra hanc membranam infinitus vasorum sanguineorum conspiciebatur numerus, quorum quædam erant angusta, & subulæ crassitiem non superantia: alia denique erant undulata & quasi crispata, gracilia, circiter crassitiæ aciculæ. Glandulosa testiculorum substantia erat flava; illa vero epididymidum, pallidilividique ruboris erat. Vasa præparantia invicem unita erant obtorta & confusa, ac constituebant tubam circiter digitum crassam, producentem epididymidem, quæ tegebat & amplectebatur corpus testiculi, non aliter ac cupula glandem. Hæc pars glandem repræsentans producebat quoddam corpus circiter digitum crassum, quod juxta longitudinem testiculi descendens ibidemque firmiter adhærens versus fundum speciem papillæ efformabat, unde reversum secundum latus oppositum, ad quod descendebat, & formabat vas deferens, quod circiter pennam cygni crassitiæ æquabat.

Pulmones 7. constabant lobis, 4. ad dextram & 3. ad sinistram. Cor erat amplissimum, ferme rotundum & molle, quoniam ventriculi erant amplissimi. Ibidem erant ossa, qualia communiter in corde cervi reperiuntur.

Huic descriptioni cervi adjungimus & DESCRIPTIONEM CERVÆ, ut appareat in quibus hæc animalia convenient, & in quibus eadem, præter sexus diversitatem differant.

Altitudo hujus Cervæ erat 2. pedum & 8. unciarum, a dorso ad terram usque. Collum erat pedem longum. Posteriora crura, a genu ad extremum usque pedem, erant 2. pedum, ad calcem vero unius pedis.

Pili erant quadruplicis coloris, nempe ferini, s. qualis in cervis vulgo conspicitur, albi, nigri & glauci. Erant vero quidam albi, sub abdomine & ad latus interius coxendicis & crurum: in dorso erant obscure ferini coloris: ad latera abdominis dilutius ferini, utrumque vero latus ad truncum corporis respersum erat maculis albis diversarum figurarum: secundum dorsum series duæ erant in directa linea; reliquum erat confusus maculatum. Juxta latera abdominis utrinque alba erat linea. Collum caputque erant glauca. Cauda subtus plane candida, superius vero nigra, pilis 6. uncias longis vestita.

Epiploon peritonæo annexum erat directe super umbilicum, & inferius intestina involvebat. Compositum illud erat ex tenuissimis membranis & gracilibus vasis citra pinguedinem. Idem duplicatum erat.

Hepar erat exile & Cervino simile in eo,

quod in varios lobos non esset divisum, gaudens saltem fissura illa, quæ communiter est in ipsius vertice, versus medium & subtus alia ad latus dextrum inclinante. Similiter nulla apparebat vesicula fellea.

Quatuor ventriculi melius ab invicem distincti & separati erant, quam in Cervo, in quo distinctè nonnisi duo apparebant. Primus & maximus ventriculus interne membranæ ab exteriori facile separabilem possidebat, uti in Gazella. Hæc membrana interna erat aspera ex infinito papillarum numero, uti communiter in animalibus ruminantibus conspicitur. Totus hic magnus ventriculus variis in locis contractus erat, & in diversas quasi bursas, uti in Cervo, separatus. Turgebat gramine, inter quod deprehendebamus varia pellis frustra, ex soleis calceorum, ferme magnitudine aurei coronati anglici: quædam præterea frustra plumbi, ferme magnitudine unguis, quæ contrita & attosa videbantur: & quædam lapidis scissilis segmenta. Ex quo quis conjicere posset, quod hæc species animalium festinanter corripiat & abliguriat pabulum suum in campis, & quod postea valde cunctanter idem delibet, dum illud ruminat. Secundus, tertius & quartus ventriculus ab ovillis non differebant.


Intestina erant longissima, uti in Cervo, sed minus in proportionem. Eadem omnia simul sumpta 40. pedes exæquabant. Eadem erant duplicis generis: priora, quæ circiter quartam totius partem efficiebant, erant subglauca & collecta in plicas 6. uncias longas: reliqua obscuri erant ruboris & valde gracilibus cellis corrugata. Mesenterium ex tenerimis membranis constabat.

Splen dura, crassa & albicante membrana tectus erat: ipsius figura erat rotunda. Cervino lien similis erat, ventriculoque & diaphragmati firmiter alligatus.

Cornua uteri erant longa, & diversis anfractibus incurvata. Ipsorum extremitas applicata erat ventriculo, qui erat exilis; intra unumquodque horum cornuum in membrana interna aderant 2. plicæ, quæ quædam efformabant folia, juxta longitudinem cornuum sita, eadem ferme ratione ac conspiciamus in tertio & quarto animalium ruminantium ventriculo.

Cor insolitæ erat magnitudinis & molle: ipsius ventriculi magna sanguinis coagulati copia, ipsos distendente, turgebat. Pulmones 7. gaudebant lobis.

Trunci 2. jugularium, tam internarum, quam externarum, quilibet 6. gaudebant valvulis, in sex ordinibus dispositis, circiter 2. uncias ab invicem distitis. Quatuor superiores series singulæ consistebant ex 3. valvulis; quælibet inferior series saltem 2. possidebat, sed



sed ampliores, quam illæ sunt superius. Dispositio harum valvularum talis erat, ut apertura sacci, quem ipsa efformabat, esset versus caput, ad infringendum, uti probabile est, nimium impetum sanguinis, qui in reditu suo ex cerebro in axillares ramos irruit. Moderatorum illi, qui motus sanguinis per venas naturam ignorarunt, eundem usum omnibus omnium venarum valvulis attribuerunt, quorum situs deprehenditur adversari motui & cursui sanguinis tali, qualem illi sibi concipiunt, & contra reperiuntur eadem plane factæ aptæque ad promovendum sanguinis cursum circulatorium, h. e. dum ex partibus externis internisque per venas ad cor revertitur. *Bartholinus* 2. valvulas in quavis jugulari observavit. *Riolanus* (qui primus has 2. valvulas invenit) asserit, quod nunquam nisi in jugularibus internis reperiuntur: nos tamen semper valvulas tam in internis, quam externis venis jugularibus invenimus. Sed hic valvularum situs motui sanguinis versus cor per venas contrarius *Amato Lusitano* soli observatus est, qui quasdam hujus naturæ valvulas ad initium venæ azygæ observavit, quas ipse putavit obstare reditui sanguinis ex vena azygâ

in truncum venæ cavæ; ast hæc conformatio extraordinaria est, quidcunque demum hic autor garriat, dum sibi persuadet, quod illud vel milles viderit; omnes quippe anatomici unanimi consensu testantur & fatentur, se conspexisse contrarium, nec unquam invenisse in venis valvulas, quarum situs motui sanguinis versus cor non apertè faveret.

Cum carotides juxta longitudinem ipsarum aperiremus, observabamus, quod eadem habeant varios radios quasi scissuras transversales, quæ fibrarum continuitatem interromperent, quæ juxta longitudinem hujus arteriæ decurrebant: quod ad has fibras colligandas factum videbatur, & ad easdem confortandas, non secus ac videtur in fibris musculi recti abdominis, quæ tantopere lineis transversis albidis interruptæ sunt, ut eadem enervationes appellentur. Inquirebamus, anne idem in crurali arteria invenire possemus: sed hæc erat plane lævis & his scissuris destituebatur.

Bulbus oculi unciam $\frac{1}{2}$ in diametro continebat. Crystallinus posterius magis quam anteriorius convexus erat.

EXPLICATIO FIGURARUM TAB. XII.

IN PARTE INFERIORI

Disproportionem inter Cervum & Cervam ob oculos ponit, dum Cervus ferè ad alterum tantum major est Cerva. Similiter hic detegitur, qua ratione cornua cervina pellicula quadam circumdata & dorsum cum lateribus in Cerva variis maculis depicta sint.

IN PARTE SUPERIORI

- A. A. est Epar.
- B. Ventriculus Cervæ major.
- C. Ventriculus minor.
- D. Extremitas vasorum spermaticorum Præparantium.
- E. Testiculus ipse.
- F. Vasa spermatica deferentia.
- G. H. H. Epididymis.
- I. Uterus.
- K. Cornua uteri.
- L. L. Ligamenta uteri rotunda.
- M. Vesica.

- N. Unum è cornubus uterinis apertum, ut binæ productiones OO, quas intus fovet, detegantur.
- P. P. Carotides aperta, ad ostendendas lineas transversales, quas includunt.
- Q. Q. Vena jugularis aperta, ad observandas sex rugas seu valvulas ibi contentas, videlicet quatuor Lit. R. signatas, ubi tres in eadem serie habentur & duce lit. S. signata sibi collaterales junctæ.
- T. T. Portio jugularis ampliata, ut eo melius series trium valvularum Lit. V. V. V. distingui possit.
- X. Y. Z. Ω . Finis unius superciliorum cervi.
- X. Pars cornu cum tunica remota, ad radices & foveolas veteres ostendendas, quibus cornua cervina ordinariè excavata sunt, ut spatium concedant vasculis & fibris tunicæ illud obtegentis.
- Y. Frustum cuticula seu tunica resecta, in cujus superficie interiori vascula eo decurrentia deteguntur.
- Z. Ω . Reliqua pars supercilii villosa, cuticula oblecta.

SECTIO XII. ANATOMIE VITULI, VACCÆ & BOVIS.

S Istimus hic exercitationem Anatomicam, Tiguri in Capite Vitulino à Dn. D. *Johanne Georgio Volckamero*, Jun. Anno 1688. die 20. Septembr. in ædibus Dn. *Johannis Murali* institutam & *Miscell. S. R. I. Acad. Nat. Curios. Dec. 2. anno V. pag. 133. Append.* insertam, quæ ita se habet: In capitis vitulini dissectione oportet primò considerare externa, videlicet musculos, dein oculum, nasum, aurem, os, cum maxillis; & interna, nempe cerebrum. Occurrunt primò frontis utrinque unus musculus, à membrana carnosà ad musculos temporales enati, qui obliqui deorsum ad supercilia devolvuntur, fibris rectis donantur, inque frontis medio coeunt. Musculi duo palpebrarum clausores hinc sequuntur, de quibus postea specialius loquar, ut & de eo, qui palpebras aperit. Nunc ad musculos narium, qui alas utroque in latere attollunt & diducunt: Dilatantium musculi duo ab osse malarum juxta labiorum musculum tertium, & à canale osseo, utrinque unus exortit, partim in pinnam anteriorem, partim in labii superioris partem inseritur: Hi in olfactu alas sursum trahunt & aperiunt. His opponuntur intra alam musculi duo carnosì transversim delati, angulis alarum inserti. Communes genis labiisque musculi dicuntur Quadratus uterque & Buccinator. Quadratus sub collicute latitat & amplius est, circa claviculas & posteriorem colli partem exortus, fibris obliquis in Mentum, Labia & Nasum, aliquando & ad Aurium radicem, eas movendo, inseritur. Buccinator alio nomine dicitur rotundus & buccas efformat, originem habens in summis superioris maxillæ gingivis, tunica communioris succinctus est, definit in maxillæ inferioris gingivas, & collectis fibris buccas introrsum compellit. Porro labia moventur non saltem musculis, de quibus jam dictum, communibus, sed etiam propriis quinque juxta *Veslingium*: I. Par supernè labium attollit. II. Par tenue & latum, quod in labium subiectum demissum illud sursum commovet. III. Par carnosum est & teres, quod ad latera sursum versus abducit. IV. Par deorsum versus abducit labia, juxta latera maxillæ inferioris. V. Par oritur circa menti medium & la-

brum inferius deprimit. His carneam illam ac indigestam molem, quæ utrumque labium efformat, addere oportet. Sequuntur nunc musculi maxillæ inferioris, quæ voluntariè sursum, deorsum mordendi, secandique causa, ad latera molendi gratia, musculis utrinque quinque movetur. Primus in sectione obvius Temporalis dicitur, & temporum cavitatem implet, dicitur alias *crotaphites* & maxillam quoque attollit. 2. par, *Diagastrium* sive biventris dictum, prope mammiformem processum originem nanciscitur, ad menti partem anteriorem, mediamque interius definit, & maxillam deorsum trahit. 3. par, laterale appellatum, & *Masseterium*, à maxilla superiore atque osse jugali productum, maxillæ inferiori latè valideque connectitur. 4. par *pterygoideus* sive alare internum est, sic nuncupatum, quoniam ab interna sede processum aliformium demittitur, lato robustoque tendine in partem interni lateris maxillæ inferioris defertur. 5. Par Alare externum præbet: hoc gemino sæpe corpore carnosò ab externo processum aliformium latere prodit, & in latus pariter internum inferioris maxillæ defigitur, qua parte ad latiore ejus processum cervicula porrigitur. Ut sectio Oculi artificiosè peragatur, ex orbita eruendus est, absque læsione (vel nervorum, vel muscutorum, vel palpebræ) manifesta. Optimum proinde erit dissectionem cerebri præmittere, nervos tum oculum moventes, tum magnum opticum, prope exortum abscindere, orbitam frangere, & musculos ac pericranium ab osse liberare, sicque anatomiam integrum oculum sistere par erit. Lustrandæ hinc sunt primum palpebræ, quibus intertexuntur musculi duo, palpebrarum clausores dicti, qui semicirculari ductu ab angulis oculorum internis ad externos protensi, palpebras claudunt: hos musculos vid. apud *Vesling. p. 244. Fig. I. aa.* Cartilagineus circulus in extremitate palpebræ, *Tharsus* dictus, cui infixi sunt pili, cilia dicti, (ubi notandum sæpius sub naturali pilorum ordine plures nasci, atque introrsum converti, quo fit ut sphaera oculi compungatur, quod nunc tumentibus, nunc laxatis immodicè palpebris evenisse compertum est) 3. Palpebræ apertæ efformant angulos duos:

duos: quorum alter ad tempora minor, externus Canthus; alter ad nares major & internus Canthus dicitur. Ad maiorem sita est Caruncula spongiosa, lachrymalis dicta, quæ operit foramen in osse narium, per quod oculi excrementa in nasum destillant. Hæc caruncula, apice nigricante pilisque aliquot spectabilis, è medio punctorum protuberabat, supra quam exurgebat membrana nictatoria; ad sunt præterea duo puncta lachrymalia ad carunculæ latera, quæ in communem ductum coeunt, quod seta immissa videri potui. Transiit hic ductus per secundum ossis cuneiformis foramen. Minori cantho, intra oculi orbitam, glandula adjacet, quæ semota pinguedine in conspectum se dabit. Supra carunculam lachrymalem exurgit nictatoria, margine nigro conspicua. In superiore palpebra puncta lachrymalia, paulo infra cilia internè, mox dena, mox septena reperiuntur, ad glandulam conglomeratam, externo cantho oppositam, pergentia; hæc glandula sub osse Zygomatis immediatè latitat, & adhuc intra duram membranam sepulta jacet, propter ejus usum exitum, ne videlicet detrimenti quid capiat, aut cartilago, trochlea dicta, muscoli obliqui superioris læderetur. Inferuntur autem ductus lymphatici inter glandularum oblongarum interstitia, usque ad meditullium. Nervi complures cum arteriis ad hanc glandulam serpunt, ut nimirum lymphalem materiam spirituofam sufficienter eadem afferant. Separatâ palpebrâ in considerationem venit ipse oculus, vasis, pinguedine, musculis, membranis & humoribus instructus. Adeps copiosus inter inania musculorum & nervorum spatia reperitur, qui suspensa opera eruendus est, parcendo musculis, ne sub adipe delitescerent insimul auferantur, aut ejus nervi motorii lædantur. Ablato adipe conspiciuntur in oculo humano muscoli sex: hic vero septem, qui intra calvariae cavitatem nervum opticum comitantur, qui sunt vel recti quatuor, vel obliqui duo. Antequam muscoli separentur, consideranda est pars oculi musculorum tendinibus operta, qui tendines junctim membranam oculi innominatam efformant, de qua in seqq.

Primus ex musculis rectis separandus est: Attollens sive superbus, qui oculum attollit, Cui prope principium, sicut & aliquibus reliquis musculis, ramuli à nervo motorio (qui prope opticum paulò intimius originem consequitur, initio unitus moxque separatus, per foramen secundum ossis cuneiformis ad oculos fertur, & palpebræ superioris, oculique levatori musculo tum ejusdem adductori, & obliquo minori suis ramusculis prospicit) inferuntur, qui musculis sensum cum spiritu conferunt. Deinde huic oppositus separan-

mus, qui dicitur musculus rectus oculum depressans. Dicitur etiam humilis. Subsequitur musculus rectus oculum adducens ad angulum internum, & vocatur B. bitorius. Huic oppositus est Musculus oculum rectum Abducens ad angulum palpebræ externum, qui suum motum accipit à nervo, qui à *Veslingio* motorio nervo sociatur, quem propaginem minorem quinti paris appellant, qui à media cerebri basi profectus ad dictum musculum contendit. His in separatione Musculus obliquus superior, seu Amatorius major & trochlearis dictus jungitur, qui commune cum Bibitorio principium sortitur & juxta internum oculi angulum cartilagineam trochleam ingreditur. Nervulus pari tertio additus, qui à basi cerebri juxta prominentias, quæ testes appellantur, ortus, orbitamque oculi ingressus, ad trochlearem musculum fertur *Vesling. p. 22.* Tandem obliquus inferior, s. minor, versus externum palpebræ angulum oblique sursum ascendit, & brevi tendine ad Iridem propagatur. Septimus hinc sequitur, qui in oculi duram tunicam inseritur, & in plures partes separari potest, quo prona bruta terram spectant, & oculus attrahitur. His ritè administratis, removendi sunt causè muscoli obliqui, ut exactè appareat membrana communis, innominata dicta, de qua superius mentio facta: in medio hujus membranæ iris cum pupilla per corneam tunicam transpareat. Adnatam tunicam (quæ ipsum pericranium est, ad oculi album protensum) postmodum observabis, tenuem & albam, cujus interventu oculus orbitæ & interioribus ossibus adhæret. Hæ duæ dictæ membranæ sunt communes. Propriæ, sicut ordine Anatomico visui subsunt, sequentur: Membrana sclerotes, seu dura, ob crassitatem appellata, totum reliquum oculum ambit & nervi optici veluti expansio est: quæ parte anteriore pellucida est, & membrana cornea dicitur, quæ rotunda est, & introrsum nonnihil protuberat. Secunda propria oculi membrana in conspectum prodibit, quando corneam totaliter in tres æquales partes diviseris, incipiendo à nervo optico. Vocatur autem ea Uvea, parte scilicet anteriore, quæ parte ligamentum ciliare visitur, & uvea hujus membranæ pars posterior, sclerotidi annexa & nigricans, choroides tunica dicitur, quia vasa per eam sparguntur; dum disseca-veris scleroticam à parte anteriore, effluet humor aqueus vitreo circumfusus, maximè fluidus, in quo sæpissimè suffusiones fieri solent. Subsequitur tertia oculi membrana, Retiformis dicta, quæ protenditur ab ipso nervi optici centro, & supra vitreum humorem expansa ad ligamentum usque ciliare porrigitur. Quarta membrana crystallina appellatur, & ob tenuitatem quoque aranea dicitur, separum

pelliculis simillima est, & humorem crystallinum complectitur. Quinta denique vitrea tunica appellatur, & humorem vitreum includit, cumque à crystallino separat. Jam humores oculorum tres habitu differentes observantur. Aqueus, qui, ut dixi, obtenuitatem inter dissectionem diffluit, paucus admodum vitreo circumfusus remanet, spatium inter Corneam & Crystallinum humorem replet distenditque, ne corrugata cornea visus depravetur, splendorem confertim irruentem tanquam medium refringens. Crystallinus, qui glaciale gemmam æmulatur, in oculi centro positus, & in sinu vitrei humoris reclinatus, modicè durus antè, postè rotundus. Vitreus ultimum locum tenens, quo spiritum visivum, ne subito dissipetur, contineat, aqueo minus fluidus est, in cuius medio crystallinus reclinat: reliquis duobus humoribus copiosior est. Nasus in vitulo longus est, qui internos & externos musculos alares fibrosis tendinibus pluribus ad nares externas tendentes recipit. Intra eum conspiciuntur ossa spongiosa, muco plena, tubulata, oblonga, membrana pituitaria *Schneideri* investita, in quam olfactorii nervi protenduntur; hæc valdè sensibilis est, & rei odoriferæ effluvia recipit: nam materia olfactus sunt effluvia spirituosa partium sulphurearum, ut & partes volatiles. In parte nasi exteriori sub cute comparuit nervus maxillæ superioris os perforans, in musculos nasi alares terminatus secundum longitudinem. Ab oculi cantho majore ad nares dextram incisio & exempto osse, notavimus sinum longitudinalem huic ossi insculptum, cui mollior recumbendo s. pro culeitra inserviebat in parte superiore bifidus ductus nasalis, in infima verò extremitate amplo foramine in nares tendens, quo loco communis est fovea ad foramina narium interna, palatumque. Auris structuram mirandam invenimus: Dividitur in partem externam & internam. Externa auricula dicitur, in homine ferè semper immota, in brutis plerisque, ut hoc vitulo, mobilis, ideo muscoli hominibus tenuissimi, brutis verò magni & crassi, ut aures sursum deorsumque moveant. Constat è parte superiore, seu cartilagine semicirculari, & inferiore seu lobo. Vasa jugularia participat externa auris, & duos nervos, à secundo pari medullæ cervicalis, ut & furculum à quinti paris (juxta *Veslingium*) ramo duriorè, qui per foramen eorum egreditur. Quæ in aure exteriori videntur protuberantiæ, à figura denominantur Helix, Anthelix, Tragus, Antitragus. Cavitates auribus tres sunt: 1. est vestibulum meatus auditorii, 2. concha nuncupatur, 3. canalis in palatum productus. Vestibulum alias dicitur alveare, à collecto cerumine, quod glandulæ exsudant. In osse

petroso est Tympanum, circulo osseo affixum. In cavitate secunda, à qua tortuosus meatus in palati posteriora amplo foramine patet, reperiuntur quatuor ossicula, de quibus in osteologia. In cavitatibus his abstrusis ab ipso ortu aer continetur, internum auditus medium, in quo refractus aer motum suum figit. Acusticus nervus suscipitur intra foramen processus interioris ossis temporum: ab initio bifurcatur, ejusque portio una, postquam auris recessus peragravit, finitur intra cochleam, ubi à sono afficitur. In ore, juxta palatum, antè conspiciuntur ad extremitatem literæ Pythagoricæ Y. utrinque duo ductus palatini, tendentes ad ossa narium spongiosa, palatum internum & in ipsum ductum nasalem. In parte externa, prope papillam, ductus salivales sunt superiores: In maxilla inferiore, prope dentes anteriores, sub foliacea papilla ductus salivales quatuor inferiores invenimus, illum dictum Stenonianum, hunc vero Warthonianum. Quod attinet ad ductus superioris originem, eam sortitur à parotide conglomerata, multis radicibus in unum alveum confluentibus, hinc simplex fere, quandoque geminus, sub cute ad buccas tendens musculum buccinatorem perforans, unde ad dentium molarium anteriorem regionem utrinque in oris cavitate hiat. In hunc ductum liquor siphone injectus cœruleus ad glandulam facile tendit, ipsius meatus & conglomerationes pulchrè aspectui exhibet; cum vero varii nervei funiculi huic vasi comites se præsent, per divisas tunicas, in vasis cavitatem difficillimè intruditur stylus, cum is inter nerveos funiculos hærens, ab ulteriore progressu impediatur: terminus itaque ductus hujus a quo est parotis conglomerata: terminus ad quem, est centrum buccarum.

Ductus salivaris inferior ortum ducit è crassiore ac posteriore glandulæ conglomeratæ, maxillæ inferioris angulo acuto appositæ, parte rectaque mentum versus tendit; priusquam autem ad anteriorem ejus partem pervenit, ramulos subinde novos ab eadem excipit, adeoque ad medium menti spatium prolongatur, ubi immediate inter gingivas & papillam quandam utrinque terminatur, quo se facile exoneret, nihil vero ab ore refluxum admittat. Invenitur observata papillâ superficiali carnea, qui formam folioli suo modo in brutis constituit: in hunc stylus immissus, usque ad glandulam conglobatam deducitur, simul ac verò è glandulæ substantia emergit, instar trochleæ sub musculo digastrico fertur: exinde vero ad glandulæ medium reflectitur, ubi cum alio ramo jungitur, & inde canalis communis ex horum concursu aliquando auctior redditur, & sub fraeno linguæ exit. Invenimus & alium salivalem inferiorem ductum, qui provenit

ex papilla sublinguali jam dicta & in binos ductus salivales inferiores se terminat.

In ore sunt præterea notandæ plicæ denticulatæ transversæ, in superiore palato oblonga linea divisæ. Circa linguæ radicem anthiades glandulæ pluresque mucales, buccales, & sublinguales, quæ omnes fermentum ad subigendum & masticandum cibum promunt; lingua quoque, pars oris princeps, gustus & loquela instrumentum, figuram habet oblongam & laram, membrana investitur admodum glandulosa, & à parte anteriore in vitulo scabra, posterius ad radicem insigniter crassa est ac firma, antè libera acuta & tenuis: Maxillæ inferiori propè dentes incisores ligamento valido, quod frænum vocant, alligatur: Ossi vero hyoidi, tanquam basi innititur, laryngi quoque annexa. Hic in conspectum veniebant Musculi labiorum, rum proprii tum communes: Item maxillæ inferioris, videlicet Temporalis & Manfortius Pterygoides, seu alare internum par, it. alare externum, digastricum seu biventre, per ejus tendinem transeunt ductus salivalis inferior. Separavimus hic loci musculos colli, videlicet longos, scalenos, transversos, & spinatos, idque à parte anteriore sub œsophago: Præterea à parte posteriore videlicet splenius, complexos, rectos majores, rectos minores, obliquos superiores, obliquos inferiores, & mastoideos. Vidimus hic quoque musculos laryngis & pharyngis, linguæ, uvulæ & ossis hyoidis. Laryngis musculi sunt in universum sedecim, communium sex, quorum quatuor constringunt, duo dilatant, non à larynge prodeuntes, sed in eam inserti. Propriorum decem: 6. dilatant, 4. constringunt, qui à larynge oriuntur & in eam desinunt. Communium par primum dicitur Bronchiale. 2. par Hyoidæum, 3. Oesophagæum. Propriorum alii antè, alii postè, alii interius & alii exterius positi sunt. Anteriorum & exteriorum par primum dicitur Crycoidei antici, 2. Crycoidei postici, 3. Crycoidei laterales, 4. Thyroidei interni, 5. Arythenoidei.

Musculorum œsophagi sunt tria paria & sphincter: 1. Cephalopharyngei. 2. Sphæno-pharyngei, 3. Stylopharyngei.

Linguæ musculos egregios vidimus 1. Styloglossos, 2. Myloglossos, 3. Genioglossos, 4. Basiglossos, 5. Ceratoglossos.

Uvulæ nullos vidimus musculos, tali parte destituuntur vituli. Sed in homine uvula duobus musculis movetur; os hyoides vero movetur 1. Sternohyoideis 2. Coracohyoideis, 3. Stylo-ceratiohyoideis, 4. Geniohyoideis.

Post abscissum palatum nasumque, in conspectum veniebat in medio cartilaginosa os vomer, ad ejus latera utrinque ossa narium spongiosa, veluti totidem crucibula triquetra

infixa. Serram suspensa manu ad cranium adigimus, sed caute, ne duram meningem læderemus, quæ undique (præsertim circa suturas cranio adhæret per membranulas plures) cranio succingitur, & cerebro superinduitur. Cranium vulgò serra dividitur in quatuor æquales partes cruciatim: levatis à dura meningē tabularis beneficio manus aut forcipis, atque sepositis, dura meninx scalpello, aut forcice circa medium in utrolibet latere (non exacte in medio loco ubi falx est) incidatur & in quatuor partes solvatur ac ad latera reclinetur, postmodum falx ab osse cribroso abscinditur, & versus occiput seponitur. Falx autem hæc nihil aliud est, quam progressus duræ matris, geminus duplicatus: minor quidam processus cerebelli limites distinguit. His processibus sinus sive Canales sunt insculpti minores alii, alii majores: E majoribus duo per occipitis latera cerebellum obliquo ductu descendunt, principiis suis venæ Jugularis internæ ramum majorem admittentes. Tertius è majoribus juxta falcis longitudinem protensus ramulos copiosos tam ad meninges, quam ad medullam Cranii dispergit: Quartus è majoribus sinus brevior est, inter cerebrum & cerebellum incedens, productisque prius surculis duobus, partim corpori calloso insertitur, partim in anteriores cerebri ventriculos bifidus ingreditur, portionem plexus choroidei constituens. NB. Conscriptis his quatuor sinibus, tres alios D. D. *Francisc. Sylv.* addidit, quorum primus à *Vesalio* etiam nominatus est, vid. *Comment. supr. Vesling.* Ubi sinuum horum concursus, & veluti forum adest, ibi Torcular Herophilianum vulgò constituitur. Una opera piam matrem cerebrum ambientem spectare licet; hujus beneficio cerebri anfractus nullo negotio videri possunt, quippe hac membrana meatus quoque cerebri investiuntur. In his anfractibus & fissuris multa & insigniora vasa cernuntur, quam causam etiam esse putat *Franciscus Sylvius*, quod ita febricitantium, & quandoque etiam aliorum, partes illæ laterales doleant & pulsant. Cerebri pars est vel dextra vel sinistra, quæ mediante dura matre distinguuntur. Lato cultello quædam cerebri portio abscindenda est, quo videamus venulas & arteriolas visum propemodum effugientes, sanguinem effundere & ventriculos comparere, quo loco sub falce occurrit fornix, quæ tertio ventriculo superstructa est: fornicis portiones crura vocantur. Corpus callosum intra divisionem cerebri anteriorem conspicitur, cui à lateribus duo ventriculi anteriores subjacent, qui dividuntur in dextrum & sinistram, intercedente ab ipsa cerebri substantia tenui quodam septo, quod speculum lucidum appellant. Obvius quoque in anterioribus ventriculis Plexus

xus choroides; notanda prope illum plexum arteriola, quæ ramulos ad ventriculi superficiem venustissime dispensat. Quæ media decurrit ventriculorum anteriorum rima, tertium exhibet ventriculum, qui lateralium veluti concursus est: in hoc ventriculo observabiles sunt meatus duo, quorum anterior deorsum ad infundibulum fertur, eminente processu quem pudendo muliebri comparant: posterior quem ano assimilant, ad spinalis medullæ sinum fertur: ad ani latera sunt duæ protuberantiæ testes dictæ: in medio antrorsum glandula pinealis, quæ Penis dicitur: Protuberantiæ majores à figura qualicunque nates dicuntur. Jam cerebro (ablatis per diffusionem partibus) superiori ad latus reclinato cerebelloque detecto, basis utriusque cum spinalis medullæ principio patescit, à quibus nervi communem originem trahunt. Inter nervos qui intra cranium exortus suos habent, antè protinus sese conspiciendos exhibent Nervi olfactorii, qui principium à basi cerebri satis exile ducunt, supra os Ethmoides protenduntur, intercedente processu, quem cristam vocant: Extremis suis tumiduli Processus exprimunt mammillares dictos, qui in animantibus quibus odora vis major est, e. gr. Cane, conspectiores observantur. Sequitur proxime par nervorum opticorum, veteribus primum, molle præ ceteris, porosum, in medio sese itinere jungit, & iterum separatum per foramen utrumque primum ossis cuneiformis, in oculum tandem dextrum, sinistrumque conscendit; sub hoc pari venit in conspectum infundibulum, seu membranofus canalis, qui pertingit ad glandulam pituitariam in Ephippio ossis cuneiformis, in oculum tandem dextrum sinistrumque conscendit; apud nervos opticos arteria carotis pergit intra Calvariam. Succedit huic tertium nervorum par oculorum motorium (ab opere) dictum, quod prope primum paulo intimius originem consequitur, & in musculos oculorum inseri-

tur. Quartum par oculorum patheticum est: in processu annulari, prope nates & testes oritur, & in musculum trochlearem oculi inferitur. Quintum par gustatorium linguæ, è lateribus processus annularis cerebelli dimissum & in fasciculum collectum ad faciei partes varias spargitur. Sextum par nervorum ex ima processus annularis basi oriundum ad oculum defertur atque etiam ad intercostales nervos accedit. Septimum par auditorium dictum in exortu geminum, è latere inferiore protuberantiæ annularis ortum in meatum ossis petrosi defertur, una cum parte molliore, altera vero duriore, juxta meatum auditorium emergit. Octavum par sive vagum infra nervos auditivos è lateribus medullæ oblongatæ fibris numerosis exoritur, quibus nervus à spinali medulla accedit & adjungitur, eademque duræ matris tunica involutus, una cranio egreditur, ac si omnes in unum truncum coalescerent. Nervus ille spinalis etiam accessorius dicitur, & in musculos cervicis ac scapulæ defertur nonumque par constituit.

Tria reliqua paria innominata è principio spinalis medullæ oriuntur, & cranio superato in musculos feruntur & in ganglium coeunt.

In Cerebello consideratur præcipuè aliqualis respectu cerebri soliditas, & quod in 2. veluti globos distinctum sit, inter quos Vermiformis processus supra Pontem Varolii situs est. Cæterum inverso cum Cerebro Cerebello, medullæque dorsalis annexa portione, ac globis cerebelli blande diductis, in illius basi cavitas patescit, quam ventriculum quartum præcipui sectionum Professores constituunt. Dependere observamus quoque à Cerebello spinalem medullam, quæ circa sua principia manifeste dirempta est, & sinum exhibet terecem in acumen paulatim desinentem, fissuraque tenui distinctum, ab *Herophilo* calamus scriptorius dicitur.

Omnia è *Figura ultima* TAB. clariora fient,
in quâ

- A. Stylus est duplicatus ductui palatino utrimque insertus.
- B. Ductus nasalis.
- C. C. Puncta duo lachrymalia.
- D. D. D. D. D. D. D. Vasa lymphatica oculorum in palpebram superiorem inserta.
- E. E. Ductus salivaris superior.
- F. Glandula parotis conglomerata.
- G. Auris externa.
- H. Portiuncula parotidis.
- I. I. Processus acutus maxillæ inferioris.
- K. Condylus cavitati maxillæ superioris adaptatus.

- L. Plica transversales denticulata palati.
- M. Papilla linguæ nervea.
- N. N. N. N. Ductus salivales bini inferiores utrinque.
- O. O. Papilla juxta labia maxillæ inferioris prominula.
- P. P. P. P. P. P. Acuminata fibrilla nervea inter hispidam linguæ papillarum seriem surgentes.
- Q. Parischmia.
- R. R. Incisores maxillæ inferioris dentes.
- S. S. Superioris maxillæ dentes molares.

Præter hæc *Gerhardus Blasius* in *Observationibus Anatomicis* pag. 106. seqq. in hoc brutorum genere observat:

GULA

Bovis ab exterioribus ad interiora procedendo Tunicas sex exhibet: Prima earum pleura, interiora thoracis viscera investientis, thoracique limites constituentis continuatio est. Secunda & Tertia carnosæ sunt, fibris obliquis singulari ratione extensis seque invicem quasi intersecantibus. Quarta membranosa est, varias in lamellas divisibilis, unde mobilis ea. Quæ succumbit Quinta nervosa magis est, quæ tamen fibras carneas rectas possidet. Infima omnium sexta tenuis est membranosaque, nerveam integens. Vid. Fig. IV.

VESICA FELLIS.

Vasis bilariis insigniter hæc scatet ea parte, qua hepatis parenchymati cohæret, quod non solum laceratio eorum, ubi ab hepate separata, manifestissimè declarat, sed & flatus per cervicem vesicæ immissi per læsa hæc vasa facilis eruptio.

UTERI

Tunica intima subtilis admodum nihilque aliud videtur, siquidem substantiam spectemus, quam vasorum sanguineorum nervorumque reticularis quædam complicatio, unde sensilitatem etiam singularem possidet. Continua huic substantia quædam rubicunda glandulosa, per quam vasa uterina, sanguifera imprimis, miro ductu, variè contorta disseminantur, hinc inde ramulos notabiliores introrsum ad tunicam intimam ablegantia. Hanc vasorum circumgyrationem ad id à Natura factam suspicamur, quo extensioni substantiæ uterinæ in gravidis vasa hæc sese accommodare queant, plicis hinc inde abolitis. Tegit hanc tunicam mediam crassa alia, fibris carneis variè & satis largiter se habentibus instructa, vid. Fig. I. Orificium internum, rugosum valdè, plicis variæ longitudinis, figuræ, crassitieque gaudet, quarum beneficio quam arctissimè id clauditur. Imò etiam plicæ quædam vaginam exasperant, ast leviores, vid. Fig. II.

VASA UTERI

Spermatice atque hypochondriaca variis locis inter se coeunt, ita ut arteria cum arteria, vena cum vena jungatur. Confer pro exemplo arteriæ utriusque anastomosis ex Fig. III.

TUBA UTERINA.

Quæ nihil aliud quam vas deferens seminale, miris modis hic contorta: Extremum

eius valdè quoque laciniatum, acsi fimbriam variam, breviores longioresque acutas obtusasve productiones habentem videres. Amplius sane valde hic ductus, imprimis circa principium, quod testi proximum: sensim enim aliàs attenuatur, usque dum cornu uterini extremum acuminatum intraret, ut sic Tubam Musicam in Vaccis haud inconcinne referat. Facile admodum flatus, siquidem inflatur, per tubam hanc descendit in uteri cornu eidem continuatum, at nulla ferè opera aut saltem per quam difficulter idem ex uteri cavo in tubam deferri potest, saltem in vaccis iis quæ nunquam pepererunt, quales solas dum hæc scribo me dissecasse confiteor: non tamen ideo seminali spiritui transitum per eam ad testem denegari dicimus. Fimbria ipsa hujus ductus, innumeris iisque minutissimis glandulis valde exasperata, forsitan ad emollitionem atque distensionem necessariam. Inhæret tuba hæc membranæ cuidam laxiori, atque à vicinis partibus, ligamento imprimis aliformi, similiter membranæo, nonnihil versus ventris interiora recedenti; unde fit, quod, quoties tuba à spiritu seminali inflatur erigiturque, vicinior ea testi accumbenti fiat, extremo maximè eo, quod eidem proximius, adeoque tunc testis quasi membranoso sacculo excipiat, facileque, si quid habeat, fimbriatæ huic tubæ extremitati exhibere queat.

TESTES.

Vix crediderim subjectum aliquod occurrere, cujus testiculi in foemellis vesicularem magis substantiam exhibeant, quam eos, qui in vaccis occurrunt. Diversæ valdè magnitudinis vesiculæ hæ. Quædam enim globulum luforium, quædam granum hordei ex-corticati referunt, aliæ mediæ conditionis sunt: Nonnullæ tenui, aliæ crassa tunica gaudent. In quibusdam limpidus, in aliis lentus humor, mox albicans, uox obscurioris coloris continetur. Omnes autem inter se ope substantiæ fibrosæ cohærent. Vasis vesicæ hæ gaudent quamplurimis, à Spermaticis procedentibus.

SPINALIS MEDULLA

Cum Equina convenit.

EXPLICATIO FIGURARUM

reliquarum

TAB. XIII.

FIG. 1.

Vasorum uterinorum per substantiam uteri gyrosa distributio.

FIG. 2.

- a. a. *Uteri orificium internum.*
b. b. *Vaginae portio orificio vicina.*

FIG. 3.

- a. *Vasa spermatica uterina.*
b. b. *Vasa hypogastrica ejusdem.*
c. *Eorum anastomosis.*

FIG. 4.

- a. *Oesophagi tunica prima.*
b. *Ejusdem tunica secunda.*
c. *Tunica tertia.*
d. - - *quarta.*
e. - - *quinta.*
f. - - *sexta.*

FIG. 5.

Exhibet foetum bubulum cum membranis suis artificiosè separat.

A. *Funiculus Umbilicalis.*

B. B. B. B. *Vasa ejusdem per chorion sparsa & ad carunculas carneas tendentia, ubi obiter vasorum dictorum anastomoses representantur.*

C. C. *Chorion ipsum in duas partes deductum & convolutum, ita ut extra situm appareat; locus inosculationum illic potissimum est, ubi C. utrinque depingitur.*

D. D. *Allantoides extra situm, cujus extrema habent frequenter appendiculas*

E. E. *sibi annexas.*

F. F. F. *Amnios tunica pullum investiens.*

G. *Urachus ad vesicam tendens.*

Vid. Gualt. Needham in Disq. Anat. de Fœtu Tab. I.

SECTIO XIII.

DESCRIPTIO ANATOMICA

BUBALI,

SEU

BOVIS BARBARIÆ,





Parisiensium.

Hoc animal fermè vaccæ magnitudinem referebat. Ejus pili erant vulpini ruboris, ad summitatem suam pallidiores, quam ad radicem. Erant iidem paulo breviores, quam communiter sunt in vaccis, & fermè ejusdem crassitie prope radicem & prope summitatem: quod contra est ac in pilis aliorum animalium, qui sunt frequentissimè crassiores versus radicem, quam versus alterum finem. Veruntamen antehac observavimus irregularitatem contrariam præsentem in pilis alces, qui erant magna ex parte graciliores versus radicem, quam versus medium.

Dispositio corporis, crurum & colli faciebant, ut potius cervum, quam vaccam referret, quam solis cornibus exprimebat, quæ tamen & ipsa in plurimis à cornibus vaccæ diversa erant. Unumquodque illorum pedem erat longum, illorumque amborum origines

sibi quam proximæ erant, caput quippe hoc in loco extremè angustum est. Eadem erant crassissima, retrorsum inflexa, nigra, & instar cochleæ intorta, antèrè & prope summitatem detrita, adeo ut elevata pars, quæ cochleam efformabat, ibidem planè esset abolita. Cauda erat amplior in exordio suo, quam versus finem suum, instar omnium quadrupedum ungulis bisulcis ex Barbaria, quæ secui-mus. Non excedebat 13. uncias in longitudine, adnumerata casarie pilorum nigrorum 3. uncias longa, quam in extremitate sua gerebat. Auriculæ non in summis temporibus, nec sub cornibus, uti in vaccis, sed magis retrorsum erant sitæ: quoad reliqua similes erant auriculis Gazellarum, interius pilis albis tectæ in quibusdam locis, reliqua calva erant, & aurem nigerrimam glabramque ostendebant. Oculi erant adeo alti, & cornibus tam proximi, ut caput syncipite ferè carere videretur.

Ubera





Ubera erant valde parva, brevissima, & numero nonnisi 2. id quod ipsa à vaccinis uberibus diversa reddebat. Humeri erant præalti, constituentes gibbum in primo dorso. Aderat & alius gibbus illi in dorso oppositus, nempe in fundo sterni, non secus ac in Camelo.

Observavimus, quod omnia particularia in hoc animali animadversa conspiciantur in BUBALO, quem *Aldrovandus* describit, & cujus figura ipsi ab *Horatio Fontana* transmissa fuerat. Est solus sterni gibbus, de quo nec *Aldrovandus* nec *Fontana* mentionem faciunt. Probabile videtur quod hoc animal debeat potius accipi pro Bubalo Veterum, quam exiguis ille Bos Africanus, quem *Bellonius* describit: *Aristoteles* enim Bubalum cervo comparat. *Ælianus* vero refert, quod pedibus valde agilis sit; *Oppianus* ipsi cornua retrorsum inflexa attribuit; *Plinius* denique refert, quod plane cervo vitulove similis sit. Harum notarum nulla omnino deprehenditur in illo animali, quod *Bellonius* describit; eadem vero omnes occurrunt in animali, de quo loquimur, uti demonstratu facile est, si ad singula particularia antehac annotata advertatur. Ast minimè mirandum, *Bellonium* falsum fuisse, in attribuendo huic exiguo Bovi nomine Bubali, siquidem *Plinius* testatur, quod jam suo tempore hoc verbum & appellatio admodum æquivoca fuerit, sicque inditum animalibus cum Bubalo nullam similitudinem habentibus.

Quoad partes internas, Epiploon includebat & tegebat ventriculos. Compositum erat ex membrana tenuissima, continua tamen nec pertusa. Vascula denso reti inclusa erant. Ejus ligaturæ ad 2. posteriores ventriculos affixæ erant, nempe à pyloro ad secundum ventriculum, ad partem superiorem, quæ diaphragma attingit, & ab inde ad 2. priores extenditur, dum versus sinistram latum inclinatur.

Ventriculi erant numero 4. Primus illorum & maximus erat villosus infinito numero papillarum gracilium, quæ exteriorem superficiem internæ membranæ hujus ventriculi constituebant, uti in reliquis brutis ruminantibus communiter fit: ast hæc membrana facile separabatur ab interna, uti in Gazella. Ventriculus secundus habebat membranam internam retiformem; & hoc reticulum, uti & in ovibus, non erat aliud quidquam præter plicæ hujus membranæ, quæ erat magis soluta, quam exterior; hæc vero plicæ erant diversæ figuræ, quædam triangulares, quædam quadratæ, aliæ denique pentagonæ. Tertius ventriculus, uti usu venit communiter, habebat membranas internas multo laxiores quam secundus, & plicæ, quibus instructus erat, magis erectæ erant, sed eadem

omnes longitudinaliter dispositæ erant, constituentes quasi figuram foliorum dentatorum. Quartus, qui solus erat major quam secundus & tertius simul sumpti, similiter foliis prædictis repletus erat; sed hæc dentibus non incisa erant, & eorum situs transversus, quasi ad retinendum longius per tempus nutrimentum. Similis structura observata est in vulpe marina, in qua cavitates intestinorum per membranas transversaliter positas interruptæ erant, sic dispositas, ut cochleæ testam vel cochleatam scalam proximè referrent; & hæc plane transversa foliorum situatio deprehensa quoque est in cæco simiarum, in colo leporis 2. cæcis Struthiocamelorum & in jejuno humano. Color hujus ultimi ventriculi erat diversissimus ab illo reliquorum, quippe obscurissimè ruber videbatur.

Intestina omnia simul sumpta 78. pedes adæquabant. Cæcum 18. uncias longum erat & 3. latum. Idem ligamentum habebat nervosum, quod tamen nullas in ipso producebat cellulas.

Pancreas erat firmatum juxta longitudinem intestinorum tenuium. Splen 10. uncias longus, & 4. latus erat. Dimidium ipsius ventriculo jungebatur.

Hepar erat rotundum & loborum expers, parum saltem antè & postè fissum. In trunco venæ portæ observabantur exiguæ membranæ valvularum specie, quæ cavitates s. foramina ramorum, qui conducunt sanguinem ex trunco portæ in substantiam hepatis, dimidia occludunt, quo impediatur sanguinis ex ramis in truncum portæ retrogressus. Hæ valvulæ (quæ necdum in hepate ullius animalis visæ sunt,) admodum patrocinari videbantur pulsationi, quam *Glissonius* attribuit illis ramis, quos porta per hepar dispergit; hæc enim pulsatio est, quam ipse illis per arterias communicari judicat, quæ venis illis connectuntur & invicem colligantur ope capsulæ, venas & arterias in hepate una combinantis: quæ capsula cum habebat peculiarem motionem s. constrictionem, hæc non facile citra dictas modo valvulas concipi potest. Cum enim sanguis in hisce venis conclusus sit, difficile videtur, ut fiat ulla pulsatio, dum per dilatationem vicinarum artèriarum feriuntur venarum latera, nisi sanguis concludatur & retineatur per adjunctum quoddam obstaculum, quale sunt valvulæ; alias necessario sanguis retroflueret in truncum & ramos, qui sanguinem in truncum ex abdominis visceribus convexerunt: impetus enim motionis sanguinis istius versus truncum non potest huic difficultati mederi, uti *Glissonius* prætendit, ob teneritatem tunicarum in venis, quæ sanguinem hunc in portæ truncum deferunt: hæc enim venæ magis opus haberent capsula tali, qua corroborarentur,

rentur, quam rami isti, qui sunt in hepate, cujus parenchyma pro stabiliendis iisdem & roborandis satis sufficeret. Adeo ut videatur ob hanc valvularum absentiam pulsationem debere esse multo maiorem in ramis, qua deducunt sanguinem in venæ portæ truncum, quam in illis, qui distribuunt ipsum per substantiam hepatis; & quod hæc pulsatio debeat æquè contrariari motui sanguinis in his ramis contenti, quam favere illi, qui per hepar distribuendus est.

Vesica fellea erat ad extremitatem & ad marginem concavæ partis hepatis in dextro latere. Hepati per medium sui interius annexa erat, membrana vero, quæ externum vesiculæ hujus medietatem constituabat, erat tenuis, tenera, & tota rugosa, omni enim bile capsula hæc vacua erat.

Pulmones 7. habebant lobos, quorum 5. superiores erant exiles. 2. inferiores 9. uncias æquabant longitudine, 5. vero latitudine, sibi invicem ipsi annexi prope medium, ope membranosi ligamenti, dimidium unciam lati & $\frac{2}{3}$ uncie longi.

Annuli asperæ arteriæ, qui erant imperfecti, relinquebant spatium digiti latitudine citra cartilaginem in loco spinæ dorsii proximo, & oesophagum contingente. Hi annuli talis erant figuræ, taliterque dispositi, ut ipsorum extremitates explanatæ & dilatatæ, singulæ ef-

fingerent quasi 2. cornua s. auriculas, quæ sibi invicem incumberent; ea ratione, ut exempli gratia inferiores alæ s. auriculæ primæ cartilaginis tectæ essent superioribus, alis secundæ, quæ inferioribus suis auriculis similiter tegebat superiores pinnas cartilaginis tertiæ, quæ contegebat suas inferiores pinnas superioribus auriculis cartilaginis quartæ. Negotium hoc eadem ratione procedebat in omnibus asperæ arteriæ cartilaginibus, uti in iconè expressum est, quæ sola hanc extraordinariam structuram sufficienter demonstrare potest. Reliquum cuiusvis annuli, quod erat pars ipsius durissima, in medio suo cavum invenimus, & attollebat 2. ad latera sua eminentias. Hæc conformatio reddebat trachæam in hoc loco magis asperam, quam vulgo esse solet, quoniam præter inæqualitatem 2. diversarum, quæ ipsam constituabant, substantiarum, nempe membranæ & cartilaginis, (quæ in omnibus asperæ arteriæ speciebus inveniuntur) hæc trachæa haberet inæqualitatem modò explicatam extraordinariam, quam cavitates s. indentaturæ in singulis annulis obviæ constituabant.

Cornea oculi tunica figura gaudebat ovali, uti in aliis vaccis communiter esse solet. Iris flavescens, parum ad rubedinem inclinans. Crystallinus humor posterius magis, quam antèr connexus erat.

EXPLICATIO FIGURARUM

TAB. XIV.

IN PARTE INFERIORE

Insolita capitis longitudo detegitur, cum situ oculorum altissimo, & cornuum flexura. Collum similiter admodum longum, & gibbositas in dorso ab ipsis scapulis formata similis est protuberantiæ in sterno Camelorum. Cauda adhuc summè gracilis, cum reliquis particularibus, figuram hujus bestię à vacca & bove communi prorsus discrepantem exhibet.

IN PARTE SUPERIORE

A. Magnus est venter.

B. B. B. Tres reliqui ventriculi.

C. C. Origo Epiploï.

D. D. Pancreas.

E. Pars asperæ arteriæ in naturali crassitie.

E. E. E. Pars asperæ arteriæ membranosa, cui Oesophagus accumbit & quæ vertebrae colli respicit.

e. e. e. Extremitates semicircularum asperæ arteriæ expansæ & dilatatæ, quæ alas quasi formant, extremitates reliquorum semicircularum, qui sub illis jacent & lit. f. f. f. notantur, obtegentes.

g. g. Excavata semicircularum pars.

F. F. Hepar.

G. Vesicula fellea.

Γ. Truncus venæ portæ hepatis adharens, ut exterior ejus superficies appareat.

H. Dimidietas ejusdem trunci ab hepate separata, ut interior ejus superficies in conspectum veniat.


I. I. Cavitates ramorum venæ portæ, in substantiam hepatis penetrantes, una cum valvulis easdem ad dimidium claudentibus.


K. Caput in alio situ, quam in parte inferiori, ut cornuum flexura eo clarius appareat.

L. L. L. L. Quinque exigui pulmonum lobi.

M. M. Bini lobi majores.

n. Ligamenta duos majores lobos invicem connectentia.





SECTIO XIV.

DESCRIPTIO ANATOMICA

E Q U I

Ex Observat. Anatom. Gerh. Blasii p. 50.

IN equo, cujus Anatomen olim Italicè descripsit *Carolus Ruini* Bononiensis, SPINALIS MEDULLA præ aliis elegantem texturam obtinet, ut peculiari olim Tr. de Spinali medulla nervisque inde procedentibus ostendimus. Ad meliorem jam TAB. XIV. dilucidationem pauca hic ex multis proponemus.

Substantia ejus non sola cerebri albicans substantia, licet ea maximam partem constituat, sed ex cinereo rubescens alia, in medio maxime, locata est.

Membranis investitur duabus, Meninge nempe crassa & tenui. Inter has & tertia sese exhibere solet, arachnoides ob summam subtilitatem & figuræ conditionem merito appellanda. Adhæret hæc tenui meningi, à qua flatu stylove facile separari potest, etiam vasis sanguineis donata. Filamentis nerveis antequam duram meningem transeat, colligendis & in suo situ atque ordine servandis inservire videtur. Dictis integumentis quartum cum *Vesalio* aliisque addere nil fundamenti habet, cum hoc vertebris ligandis potius inserviat, ut bene *Galenus lib. 13. de us. part. c. 9.* habet.

Hoc inter & duram matrem materia reperitur unctuosæ, glandularum quasi variatum, pinguedine scatentium, conglomeratio, ad humectationem & emollitionem medullæ spinalis valdè conferens.

Vasa nobilissimam hanc partem quamvis nulla habere pronunciaverit *Clar. Lindanus*, contrarium tamen Anatomie animalium docet. Occurrunt etenim hic etiam in Equo & arteriæ & venæ.

Certè tenuis meninx licet sua habeat vasa & hæc præcipuè in oculos Anatomici incurrant, imo cum de vasis spinalis medullæ agimus, absolute intelligantur: ipsam tamen substantiam medullarem, ab his per meninges distributis sua vascula accipere certum adeo est, ut de præsentia eorundem in meningibus ipsaque medullæ spinalis substantia dubitare nullus amplius possit, præsertim si non fastideat, spinali medullæ partibusque circumjectis curiose dissectis animum oculosque advertere. Vasorum ipsorum descriptionem ex *Clariss. Dn. Willis Anat. Cerebr. dictoque Tr. nostro* petere licet.

Magnitudinem quod spectat, Anatomici varii circa primum descensum intra Cervicis vertebra multò ampliorem Spinalem medullam pronunciant, quam ubi in thoracis vertebris continetur, & in his longè majorem, quam cum lumbalibus comprehenditur: adeoque sic quo magis descendit, eo eam fieri angustiorē: quod effectum foraminum in vertebris, per quæ deorsum prolabitur, majori amplitudini in superioribus, quam inferioribus attribuunt. At vero & in primo & in secundo deceptus fuisse Clarissimos eos Viros, non est quod verbis demonstrare allaboremus, antiphsia contrarium in utroque evidentissime patefacit. Retinet fere ubique eandem crassitiem, nisi quod iis locis, ubi & à cerebro initium sumit, & nervi artubus destinati prodeunt, amplior multo notetur, quam circa cervicis medium & magis circa dorsum. Quemadmodum ex adjecta fig. satis manifeste colligere est.

Numero unica medulla hæc, inferius æque ac superius. Quod enim inferius in filamenta varia videatur se diffundere, maxime in animalibus caudatis, haud ita distinctionem numericam hujus partis, quam processum ramulorum, aut similium à parte ea procedentium, importat. Ne quid dicamus de incertitudine rei, an nempe funiculi hi, ad medullæ hujus finem se exhibentes, sint continuata ejus corpora.

Unica licet, non tamen omnibus locis continua. Præter id enim, quod circa vertebra omnes, & maxime circa sui extremum, in innumeras partes filamentosas abire videatur, quas nervos appellare solemus, præsertim cum, extra vertebrarum cavitatem unitæ, aut simplices, ad partes alias ablegantur, & antè & postè notabiliter fissa est: Sic ut leni tactu utriusque lateris partes à se invicem secedant, sicque rimam exhibeant. Fissurarum harum anterior minor est, posterior major. Illa spectat cor, hæc vertebrarum spinam. Major ad cavitatem medullæ, si quædam assumenda, excurrit; quæ vero minor, in albicante substantia, duas spinalis hujus medullæ partes conjungente, terminatur.

Partes filamentosas quod attinet, de quibus modò mentio facta est, aliter longè eas se habere existimamus, quam quidem communiter

Anatomici docent. Si accuratè eos examine-
mus, nihil aliud eos esse reperiemus, quam
meningis tenuis productionem filamentosam,
sine considerabili medullaris substantiæ addi-
tione, sic, ut quamdiu adhuc intra vertebra
conclusi sunt, notabili ea crassitie, & quidem
rotunditate, destituantur, qua ex plurium
coagmentatione extra eas gaudent. Hinc et-
iam provenire judicamus, quod nervi à spi-
nali medulla procedentes, etiam sat vasti, si
instrumentis aut digitis solis fiat eorum secun-
dum longitudinem divisio, vix aliud nobis ex-
hibeant, quam filamenta membranacea innume-
ra, medullari substantia, quantum mihi videre
licuit, omnino destituta.

Et quod, si nervis ipsis, ad artus aliasque
partes destinatis, materia quædam mollis, præ-
ter filamenta dicta, sese exhiberet, non tamen
inde concludimus certò, eam à Spinali me-
dulla procedere: posset enim & similis huic
substantia nervorum filamentis à natura com-
municata fuisse, absque eo, quod commu-
nio inter utrumque detur. Sic nervum costa-
lem sexti paris valde per additamentum durio-
ris substantiæ, ganglii similitudinem habentis,
augeri hinc inde, maximè ubi à trunco ipso
secedit, Anatome docet.

Qualitates, quas hic Anatome manifestat,
quod spectat, crassa est undique, etiam ubi
vertebris lumbalibus continetur. Imo si ac-
curatè consideretur, hic crassitiem majorem
adesse videbimus, quam in locis superioribus,
quamdiu nempe funiculi hic sese exhibentes
non sunt soluti & à se invicem separati. Alias
in nervulis, qui ab ea procedere dicuntur,
mira datur diversitas, etiam respectu crassitie,
sive superiora medullæ spectemus, sive infe-
riora, sive media.

Mollis tota substantia est, una tamen ejus
portio alteram mollitie multum superat. Du-
rior etenim ea est, quæ albicans magis est,
mollior quæ intima colore subrubio. Consi-
derationem hic singularem meretur durities
ea, quæ in hac medulla circa fissuras ejus oc-
currit utrinque, ubi fibrosa valde ea reperit-
ur, & quasi ex quatuor columnis fibrosis,
quarum duæ ad latera fissuræ anterioris, duæ
ad latera posterioris, constare deprehenditur,
quæ etiam, ubi filamenta nervea à spinali me-
dulla abstrahuntur, lacerari videtur, quæ res
occasionem præbuit nonnullis, ab his nervo-
rum filamentis quam tribuunt substantiam me-
dullarem deducendi.

Densæ satis quamvis substantiæ videatur,
tamen porositas omnis ipsi denegari haud po-
test; hæc enim & mollietati substantiæ & ipsi u-
sui conveniunt.

Non solum raritatem in corpore hoc me-
dullari spectamus, sed & manifestam cavitata-
rem duplicem, ad finem fissuræ majoris sese

exhibentem, mucosa quasi quadam substantia,
coloris subrubri, ab albicante circumjecta fa-
cile separabili, repletam.

Figura quandoquidem non melius quam
ex oculari inspectione haberi possit, eam Le-
ctori amico hic quam maxime commenda-
mus; interim non inutile aut inconveniens
judicavimus figura certa omnia delineare: ad
meliolem autem cognitionem necessarium o-
mnino annotare filamenta membranacea, quæ
nervorum initia sunt, numero, magnitudine,
exortu distributioneque valde esse diversa, an-
tequam duram meningem transeant.

Numero rarissimè, imò quantum nobis vi-
dere contigit, nunquam simplicia sunt, sed
ferè semper 3. 4. 5. 6. imò quandoque 10. 12. &
plura à dura meninge proveniunt, distinctis
principiis.

Originem variam nanciscuntur, ut ex figu-
ris colligere datur. Quædam enim recto quasi
ductu à spinali medullâ aut ejus meninge te-
nui procedunt, quædam obliquo, sive versus
exitum in dura meninge hoc modo adscen-
dant, sive descendant, non ita longe ab hoc
exitu, respectu altitudinis, aut profunditatis,
initium sumentia.



Distributio & dum intra meninges & dum
extra utramque detinentur, diversa notanda
suggerit.

Quod ad prius, conjunguntur statim, ubi
à meninge tenui parum recessere, sicque uno
corpore nervoso duram accedunt: Vel soluta
ad meningem duram procedunt.

2. Conjunctio eorundem ubi fit, omnium
est eorum, quæ ad foramen idem duræ me-
ningis tendunt, vel saltem quorundam, sic
ut & soluta & unita uno eodemque exitu gau-
deant.

3. Videntur & quandoque, sive simplicia
fuerint, sive duplicata, duplex foramen, uno
eodemque in latere, ad sui egressum petere,
quod in iis, quæ nervos cervicis constituunt,
sæpe evenire notavimus, sic ut ex medio quasi
eo, quod est in Spinali medulla, inter ner-
vosa filamenta, ad duo foramina tendentia,
emergat unus aut duplex funiculus membra-
naceus, qui semicirculariter, quasi adscen-
dens vel descendens, uno extremo transeat
foramen superius, altero inferius, sive extre-
ma hæc conjungantur aliis, per idem fora-
men meningis duræ exitum quærentibus, quod
magis ordinarium, sive absque ulla manifesta
unione idem transeat solutus, quod rarius.

4. Nonnunquam foramen illud transeunt,
quod est illi loco medullæ, ubi principium
suum sumere videntur vicinissimum, & hoc
in vitulo & equo fere universale videtur esse;
quandoque verò ad aliud huic subjectum pro-
perant, imò non rarò duo, tria aut plura fo-
ramina præterlabuntur, intra meninges adhuc
detenta,



detenta, antequam duram transeant, maximè inferiora.

5. Qui è lumbalibus vertebrae exitum quarunt, longè valdè descendunt intra meningem duram, tenui adhærentes, antequam illam perforant. Eadem & ratio suo modo, ossis sacri foramina exire ordinatis. An hoc, ut ea in parte, qua motus violentos patitur spinalis hæc medulla, ruptionis periculum evitaret, uti *Riolanus* aliique tradunt, videant Anatomici.

6. Valde in fine hocce Spinalis medullæ & multi & longi sunt funiculi, sic ut nil nisi pilos extensos referre videatur.

7. Non solum unius lateris funiculi ex una ejus parte, anteriori verbi gratia, procedunt, sed & altera opposita seu posteriore, ut ex Fig. cernere licet; sicque utrinque à meninge tenui æquali numero & ordine procedentes conjunguntur intra meningem duram & tenuem, manifestius intra illam & vertebrarum foramina eorum egressui destinata.

Quod ad posterius, duplex fere hic distributionis modus: 1. enim conjuncti intra duram meningem funiculi dicti uniusque quasi nervi specie egredientes, conditionem sim-

plicis nervi exhibent, sicque ad partes, quibus debentur, properant: vel statim extra duram in plures funiculos, plures partes separatim petentes, abeunt.

2. Idem in funiculis numero diversis, duram transgressis, obtinet; hi enim singuli ad singulas gradiuntur partes, vel in unum nervum conjuncti, unius etiam nervi rationem & usum, in una aut pluribus partibus habent.

3. Extra vertebrae dum sit variorum conjunctio, vel ita illi uniuntur, ut unus inde emergat truncus, sæpe sat insignis, varios in ramos divisibilis, vel uniti & quasi coaliti, sicque nodum prius singularem constituentes, de quo in Fig. in nervos quasi ramos separantur, varie iterum divisibiles, in partes varias abeunt, vel ut dictum, simplicis nervi nomine ad partes, quibus debentur procedunt.

4. Et hoc in nervis hisce notatu dignum occurrit, illos nempe, qui brachiis pedibusque destinantur, reliquis multo esse majores, ut velut chordæ nerveæ (sic loquitur *D. Willis*) amplæ & latæ appareant, varièque intercussatim unitas esse.

EXPLICATIO FIGURARUM.

TAB. XV.

In parte inferiore sistitur Equus in fig. naturali Equitibus accepta.

IN FIG. LATERALIBUS

- a. a. a. Transitum nervorum per duram meningem, secundum longitudinem ubique dissectam & reclinatam, indicat.
- b. b. b. Conjunctio dura meningis cum tenui, per membranacea filamenta.
- c. c. c. Sunt funiculi longi in fine spinalis medullæ.

IN FIG. SUPREMA

Sistitur Pullus Equinus cum membranis ex utero recens extractus, ex *G. Needham Tr. de Formato fætu*.

- A. Pullus equinus intra secundinas latens.
- B. Funiculus, cujus productio E. per cavitatem membrana urinaria ad chorion pergit.

(cum ASINO eandem viscerum structuram habentus.)

Equi

{ *Lienem* instar cultri calcearii
Ventriculum instar tibiæ utricularis
Renes instar rostri leporini
Pulmones instar pedis bovini b. fidi
 } formatos.

vid. in *Severini Zootomia*. pag. 290.

C. C. C. Amnion.

D. D. D. D. Locus chorii, qui membrana urinaria naturaliter adnascitur, sed hic removetur, ut transluceat fætus.

E. Funiculi productio, quæ illic bifurcatur & in K. K. abscinditur cum chorio.

F. Locus in funiculo, ubi urachi exitus designatur inter 2. maculas majusculas: qui urachus revera non membrana G. G. urinaria, sed C. C. seu amnii pars est & videtur ejus duplicatura ad vesicam usque rest. x1.

G. G. G. Membrana urinaria (quæ hic allantoides non est) totum fætum involvens, ut in homine, cane, fele & cuniculo.

H. H. Ejusdem membrana, ut & chorii progressus in cornua uteri: quum alias totus fætus in fundo jaceat, ut in utero muliebri sit.

a. a. a. a. Vasa sanguinea à funiculo in amnion sparsa, quibus destituitur urinaria.

SECTIO XV. DESCRIPTIO ANATOMICA TIGRIDUM

D. Laurentii Wolfstrigeli,

è Miscell. S. R. I. Acad. Nat. Cur. Dec. I. Ann. II.

Obs. 7. pag. 23.

TIGRIDEM apud *Scaligerum Exercit.* 208. animal dicunt ferum Indicum, at eum ille Pardum putat, quandoquidem & cursu minus valet & ex insidilis victum quærit. Maculæ aliæ sunt quam nostratium Pardorum, pilus est potius quam lana, orbiculi ad latera rotundi &c. quæ videri ibi possunt; neque etiam icones, quas habet *Aldrovandus l. 1. c. 4.* sub Tigride *Gesneri* ac quorundam nostrati correspondent: descriptioni tamen, quæ apud eundem ex *Solino & Alberto* habetur, apte satis convenit. COLLUM enim hæc fera habet breve, quale Leoni & Urso, unde non est Pardalis seu Panthera, quæ collum longum, colore fulvum, nigris maculis interundatum, quasi supercilia oculis imposita; & quod maximum est argumentum, quod teste *Alberto* hæc animantia felibus sint persimilia, tum quod Pelliones nostrates, pelles horum animalium communi hominum consensu pro Tigris pellibus divenditent. Maneat itaque fera hæc, cujus anatomia nunc trademus, TIGRIS, correspondentibus notis, quæ de hisce apud *Bontium*, Medicum Batavum in Java, afferri solent.

Viscera itaque abdominis felium intestinis persimilia observavimus. INTESTINA, strictè sic dicta, perpauca, nec multis spiris circumvoluta, ac crassa quidem omnibus cellulis destituta; unde & frequenter excernere solent hæc animalia alvi illuviam. In Tigride seniore ter emensa longitudinem corporis æquabant. Cæcum longum, ad cujus latera duæ glandulæ ovales ex mesenterio utrinque deferebantur, quas etiam in Tigride s. mensium, quem præsentibus Excellentissimis Dominis Doctoribus, Dn. *Ferdinando Hertodt*, Dn. *Jungio*, Dn. *Kielmanno*, Dn. *Pisano*, & aliis disseceveram, dilucide admodum repereram. HEPAR utrumque hypochondrium mole sua occupans in lobos 6. majores; ad cavam fermè usque pertingentes dividebatur: quorum maximus rursus bipertitus, intra quem VESICULA FELLIS lati-

tabat: quod & in brutis *Galenus lib. 6. de anat. administr.* observavit. DUCTUS hujus CYSTICUS reclinatus admodum duodenum petebat. LIEN non adeo magnus ac in Leonibus, ex angusto supra deorsum dilatabatur, colore sat floridus. PANCREAS laciniis duabus præditum, quarum brevior ad Lienem sub ventriculo ferebatur, longior ductum seu tractum duodeni ac jejuni insequens, in juniore Tigride spirhamam cum dimidia longitudine æquabat, in quo etiam videbatur duplici ductu in intestinum hiare. RENES SUCCENTURIATI humanis quoad figuram similes, neque ii renibus adcumbent, sed ad latera sibi: ipsi vero RENES pulchelli in juniore Tigride coloris floridi, glandulosi, quas glandulas venosæ inscriptionis propagines emulgentium dirimebant: qualis structura renum & in felibus domesticis junioribus conspicua est: Substantia interna fibrosa, membrana item facile superabili regebantur. VESICA, quod tamen præternaturale, in juniore Tigride, gangrana tacta & disrupta, unde in abdominis cavitate effluerat. MEMBRUM VIRILE in adulto Tigride, pro mole feræ, parvum. URETHRA cartilagine, ut in canibus instructa: In Junioris glande abscessus ac tumor, qui de sexu dubitationem injecerat, cum testiculi admodum adhuc valde contracto latarent, viscebatur, qui suppressionem urinæ, inflammationem vesicæ, gangranam ac tandem necem speciosæ huic feræ intulerat. DIAPHRAGMA concavum admodum conspiciebatur. In Pectore rari nil observatum, nisi quod MEDIASTINUM valde tenue esset: & quod in juniore THYMUS ad pericardium usque longe lateque disseminaretur. COR non adeo magnum, ut in Leonibus. PULMONES admodum laciniati, coloris rubicundi ac in adulto Tigride abscessibus scatebant, unde tabes & tandem mors. CEREBRUM à CEREBELLO processu osseo, ut in Leonibus, dirimebatur. In cerebro ventriculus tertius, vulgo dictus, valde pa-

de patulus. TUNICA RETINA oculorum venulis etiam plurimis suffusa. LINGVA etiam imbricata. EPIGLOTTIS musculis instructa. MUSCULI omnes robustissimi, ad quos copiosi nervi delati conspiciebantur: & in specie MUSCULI TEMPORALES etiam vastitate eminebant, deinde PECTORALES CUCULLARES ac omnes artuum, GLENIIS tamen non adeo pulposis existentibus. Ad caudæ musculos, qui propagines semispinati ac longissimi dorsi videntur, nervi copiosissimi feruntur: continuo enim hæ feræ rotando, seu potius contorquendo illam quatunt.

Ossa sat solida & robusta, medullosa tamen. CALVARIA ad suturam sagittalem & lambdoideam processibus protuberat, ad annexum firmiorem musculorum temporalium. ORBITÆ Oculorum non adeo dissitæ, ut in Leonibus, ab invicem, nec etiam extrorsum osseæ. OSSICULUM TRIANGULARE quin etiam ut in Leonibus conspicuum. BASIS CRANII seu cuneiforme os angustum, ut & ZYGOMATICI PROCESSUS extrorsum multum protuberantes, ad concedendum liberioris spatium

CROTAPHITICIS. In aure TYMPHANUM variat à Leonini foetus membranaceo, quod hic infra jam planè osseum ac subrotundum est. DENTES serrati ac acutie horridi, tales tamen ut in felibus; molares superiores inferiores superequitant. Foramen suborbitarium per amplum, ut in Leonibus insinuatum. Cætera non operæ pretium est curiosis commemorare. In spina & thorace nil peculiare observatum, quod de Leonis ossibus dictum non sit. In CAUDA tamen vertebrae seu partitiones 27. enumeravi, quibus processus transversii longius protensi sunt. Costæ claviculæ notæ, quoad numerum &c. cum ossibus Leonum coincidunt.

In ARTUBUS anterioribus circa ossis humeri extremitatem inferiorem perforatio patentior est. Ungues & reliquæ solidæ partes cum jam enumeratis etiam conveniunt, ita ut tandem finis brevi huic nostræ enarrationi anatomicæ imponendus sit. Conferantur interim quæ *Job. Faber*, Academicus Lynceus, in *Expos. ad Hist. Mexicanam Nardi Ant Recchi* f. 498. de Tigri de habet.

SECTIO XVI.

DESCRIPTIO ANATOMICA CATO - PARDI

Societatis Regiæ Scientiarum in Gallia.

Videtur omnino quod CATO-PARDUS seu CATUS MONTANUS noster sit ex numero illorum animalium, quæ generantur per mixturam duarum diversarum specierum, & quod necessario recipi debeat in numerum novitarum, quas Africa quotidie producit, juxta opinionem *Aristotelis*, qui ubi tradit rationem fertilitatis Africæ, qua pollet in producendis monstris, dicit, quod siccitas desertorum ejusdem Regionis compellat feras se congregandi in locis, ubi aquæ copia est. Supponit vero, quod hic congressus det occasionem diversis his animalibus secum invicem coeundi & generandi tertiam novam speciem, si contingat, ut illa sint in magnitudine æqualia & ut tempus pariendi catulos suos sit utrisque ferè commune. Sed si hoc *Aristotelis* assertum veritati consonum esset, animal hoc, de quo loquimur, vix videtur generandum ex Pardo & felle, nec ex cato & panthera, quæ juxta maximè receptam opinionem est Pardi foemina, siquidem neque statura horum animalium, neque tempus, quo gerere utero solent hæc anima-

lia, sunt ullatenus æqualia. Pardus enim & panthera sunt animalia longe majora, & quæ suos catulos longius multo utero gerunt, quam felis.

Cato - pardus noster erat ferè duorum pedum cum dimidio, à fine ipsius nasi ad initium caudæ ejusdem. Non excedebat pedem cum dimidio in altitudine, à summo dorso ad finem unguum anteriorum, & cauda erat ferè 8. uncias longa.

Nihil aderat in ipsius exteriori figura tota, quod non cum fele ipsi commune sit, præterquam quod ejus cauda non sit sat longa in proportionem ad reliquum corpus, cujus moles revera superabat illam maximi cujusvis cati, sed erat simul longè inferior quovis pardo & panthera, quoad corporis molem. Non habebat longum & gracile collum, uti hæc animalia habere solent, sed hoc erat è contrario in quibusdam brevius quam felis, quod deprehendimus procedere in quadam mensura ab ipsius eximia obesitate. Sed in hoc quoque nobis videbatur repugnare naturæ pardi, qui, juxta *Galenum*, est omnium animalium maci-

macilentissimum; nisi supponatur, quod non fater Gato pardus sit generatus ex pardo & felle, non vero ex Cato & panthera; quoniam observatum est, quod communiter, ubi specierum diversarum fit commixtio, quod id, quod inde producit, magis referat foeminam quam marem, maxime quoad formam & habitum corporis.

Crassities pilorum corporis erat proportionata ad longitudinem eorundem, non secus ac in canis fieri videmus, sed erat aliquantum brevior. Color toto corpore maxime effulgens, est rubedo, qualis in vulpe conspicitur: solum abdomen & latus interius crurum anteriorum erat coloris, qui dicitur *Isabella*: jugulum & fundus inferioris maxillae erant alba. Adsunt porro maculae albae per totum dispersae, longae quidem in dorso, rotundae vero in abdomine, & pedibus, ad quorum extremitatem maculae erant valde angustae, & dense conspersae. Ad auriculas erant quidam candidissimi tractus, qui decussabant illas: breviter: omnino referebat catum. Pili in barba erant breviores, proportionaliter ad reliquum corpus, quam in cato aderant; praeterea nulli pili in palpebris & faucibus, quum contra feles pilis ibi donati sint.

Dum aperiebatur corpus, deprehendebatur insolita adipis copia: nam omnia musculorum inferioris ventris intervalla illa repleta erant; in specie sub peritonæo erat glomer illius, pugno quovis amplior, qui includebat venam umbilicatum. Duae membranae epiplœ, (quod similiter pinguedine distentum erat) junctae descendebant, ut communiter fit, & porrigebantur usque ad inguen; inde sub intestinis procedentes, illa involvebant & custodiebant, quasi in sacco suspensa.

Intestina ferè omnia ejusdem erant crassitiei, & habebant duas tertias unciae partes in diametro; rectum & colon superabant reliqua crassitie sua nonnisi una tertia unciae parte. Duo hæc magna intestina junctim erant 12. uncias longa; reliqua à pyloro ad cœcum prope 7. pedes. Cœcum erat unciam unam cum dimidia in longitudine, & duas tertias unciae in maxima sua crassitie; desinebat denique in obtusum apicem.

Stomachus, qui erat maximus & amplissimus, habebat in sinuositate illa, quæ est in plurimis brutis inter superius & inferius orificium, membranam pinguedine insigniter oneratam, quæ jungebat invicem sibi duo illa orificia, & deducebat truncum venæ gastricae ad fundum curvaturæ, nequequam attingens membranas stomachi; vena enim gastrica erat in hac membrana eadem ratione ac vasa sunt in mesenterio, & spargit ramos suos in stomachum, non secus ac vasa mesenterii disperguntur per intestina, vel uti vas breve

producit, quo inferatur fundo ventriculi & lieni.

Pancreas erat firmiter annexum & decurrebat juxta duodenum & ileum; nec longe procurrebat sub stomacho.

Splen erat 4. uncias longus & 15. lineas in maxima sua latitudine, Coloris obscure rubri, ejusque figura optime referebat folium quercinum: erat quippe incisus in plurimis locis.

Hepar dividebatur in 6. lobos prægrandes, quorum tres erant sinuati in diversis locis. Illius substantia erat tenera, & apparebat composita ex diversis glandulis, ut jamdiu alibi annotavimus in hepate Gazellæ. In eodem hepate videbantur duo distincti colores, siquidem fundus erat niger & maculatus quadam clara & flavicante rubedine; sed hæ maculae non habebant regularem figuram instar illarum, quæ sunt observatae in hepate Gazellarum.

Vesica fellea erat in maximo lobo illorum, qui denuo divisus erat in duos. Hujus color ad flavedinem declinabat ejusque moles erat proportionata ad molem totius animalis, non secus ac renum, quorum membrana propria facile separabatur, quamvis vasa numerosissima extenderentur per externam parenchymatis superficiem, quæ vasa erant valde ampla & tumefacta, & disparebant per hanc membranam, non secus ac si firmissimè nexa fuisset parenchymati: nam vasa hæc erant tantopere visibilia, ut viderentur ad hanc membranam pertinere, quamvis revera substantiæ renum inclusa essent; quod jamdum annotatum erat in Leone juniore.

Quoad partes genitales, illæ erant valde imperfectæ & mancæ; nam præter penem, prostatas & carunculam, quæ est in urethra, illarum nec ullum signum, nec vestigium apparebat. Aderat solum vas quoddam, quod pro quodam deferentium haberi potuisset. Erat vero impossibile cognitu, an revera vas deferens fuerit, siquidem nil quicquam testiculorum apparebat, nec detegi poterat vasis istius origo; similiter quod reliqua spermatica vasa, illorum nequequam reperiri poterat licet, qua possibile erat, cura inquirerentur. Dubitabatur vero, annon per incuriam lacerata fuerint, quod & probabiliter ab *Hoffmanno* factum est, qui tradit, se secuisse foeminam quandam, in qua has 2. spermaticas arterias non deprehenderit, quæ tamen complures pepererat infantes. Ad eximendum nobis hunc scrupulum, vena cava premebatur, & sanguis in illa contentus cogebatur ascendere à ramis iliaceis ad venas emulgentes. Eadem compressio iterabatur in emulgente sinistra, sine profusione vel unicae sanguinis guttulæ, qui in vasis illis erat copiosissimus & ab omni coagulo

coagulo plane liber. Arteria magna similiter vulnerabatur parum supra emulgentem, & postquam inflassemus truncum illius, nil quicquam flatus ullatenus prorumpibat. Est verum omnino, quod, postquam ligassemus truncum supra divisionem iliacarum arteriarum, flatus disparuerit per superiorem mesentericam, quæ erat diffracta; sed cum hic ramus ligaretur, acri plane patebat via, unde erumperet, & proinde universus arteriæ magnæ intumescebat truncus.

Hæc spermaticorum vasorum, nec non aliarum partium (quæ sunt planè necessariæ ad generationem) defectus optime conveniebat cum ingenti copia pinguedinis, qua animal hoc scatebat, eadem ratione, qua omnia illa, quæ per causam quandam externam ad generationem reddita sunt inepta: utpote in quibus superfluum nutrimentum potest impendi progignendæ pinguedini.

Hæc res nos aliquatenus suspicari faciebat, si qua fortè noster Cato-pardus fuerit castratus, dum esset adhuc juvenis, juxta consuetudinem inter Turcas receptam, circa quosvis mares, quos in domos suas recipiunt, ubi frequentem quoque alunt hunc Cato-pardum, maximè in Barbaria. Aderat quippe quædam apparentia, quod hæc spermatica vasa fuerint per ætatem extincta & consumpta, non secus ac in anastomosibus cordis animalium brevi post ipsorum partum intervallo fieri solet, quandoquidem hæc vasa, ob actionem ipsarum & usum jam cessantem, concresecunt exsiccata & plane abolentur. Est autem & hoc omnino verum, quod nullam in corporis pelle cicatricem deprehenderimus; & si consideretur, quod umbilicalia vasa quæta remaneant semper contracta, dum non amplius exercent functionem, ad quam adhibebantur ante partum, & quod vasa spermatica, quæ & aliis usibus, quam generationi inserviunt, non habeant causam, ob quam exsiccantur, propter cessantem illorum usum, quamvis ille, cui potissimum destinata sunt, finis cesset: siquidem ordinarie videmus, quod eadem, dum procedunt, dimittant complures ramos pro nutrimento partium adjacentium. Remanemus proinde in præconcepta nostra opinione, quod defectus hic tam importantium & necessariorum organorum procedat oportet à quadam alia causâ, & quod sterilitas, quæ est communis haud paucis animalibus, quæ sunt progenita per mixturam duarum diversarum specierum, debeat habere particularem quandam causam in nostro subjecto. Equidem causa sterilitatis in mulis non est defectus ullius organi, quod ad generationem requiritur, siquidem differentia, quæ forte deprehenditur in conformatione matricis equarum & matricis asinarum, non potest (secus ac aliqui

asserunt) esse causa sterilitatis, cum eua (in qua quædam desunt, quæ adsunt in asina) non careat ulla illarum partium, quæ sunt absolute ad generationem necessariæ, siquidem & generant & concipiunt; præterea differentia, quæ est in organis equorum, & in illis asinarum, non impedit pariter generationem mulorum, qui procedunt ex mixtura harum duarum specierum.

Aristoteles itaque, juxta *Empedoclem*, attribuit hunc defectum soli temperiei hujus animalis, cujus partes contraxerint duritiem, quæ reddit illas inhabiles ad novam mixturam; quod negotium hic Philosophus explanat per comparisonem cupri & stanni, quæ ab invicem separata sunt valde ductilia & malleabilia, quo possint variis operibus impendi: at postquam hæc duo metalla fuerint in unam massam conflata, nullis porro usibus idonea sunt, nec ulla illis forma nova imprimi potest, idque propter duritiem & fragilitatem, quam metalla hæc commixta acquirunt.

Adeoque si verum sit quod *Lupi cervarii*, qui censentur generari ex Lupo & panthera, sicuti *Molossus* ex Leopardo & canicula, & maxima pars aliorum animalium, quæ gignuntur ex mixtura duarum specierum, propterea generare non possent, censendum sane, quod conformatio nostri Cato-pardi fuerit particularis ipsi atque accidentalis, & quod defectus partium, quæ deerant ipsi & qui ipsum ad generationem ineptum reddebat, non processerit ab hac specierum commixtione, quæ dum mutavit partium conformationem, non poterat illam tantopere corrumpere, ut istas partes ineptas redderet ad functiones, utpote, neutiquam sufficit ad producendam tantam mutationem, quæ potius potuit produci per vitium quoddam temperamenti, quod omnino necessarioque debet esse plane singulare, ob commixtionem specierum. Denique probabile est, si mulus sit solum animal, quod specierum confusio reddit sterile, quod necessario debeat esse quid peculiare in illis, qui eum genuerunt, quod non deprehendatur in aliis. Id quod *Aristoteles* observavit in equis & asinis, quod habeant ambo multo minorem facultatem generandi, quam omnia alia animalia, siquidem in hoc genere, quod oritur ex iis, quæ sunt brevis avi, & quæ proinde necessario quoque debent promptius generata esse, foemellæ conceptionem suam multo longiori tempore gestant multoque majorem difficultatem habent ad dandam illi ultimam perfectionem, quam alia animalia, hanc quidem ob causam (uti hic Philosophus asserit,) quoniam ipsorum uterus insigniter crassus est, similisque proinde terræ, quam siccitas & ariditas reddidit sterilem.

Sed his missis, deprehensum est, quod Mu-

lus sit sterilis, non solum ob generalem rationem repugnantia, quæ semper observatur in mixtura diversarum specierum, sed insuper propter defectum particularem, qui erat in ambabus his speciebus, quæ ad generationem congregiebantur, quæ proinde non superarunt repugnantiam istam tam potenter ac pardi, canes & vulpes, quæ animalia sunt sat fertilia, ut possint transmittere in foetus suos plenariam dispositionem qua gaudent generandi, non obstante contrarietate, quam mixtura diversarum specierum potuisset producere.

Penis erat insigniter gracilis, continens quippe ab eminentia ossis ischii (quæ est ipsius origo) usque ad finem suum, fere solum unciam cum dimidia, & nonnisi lineam cum dimidia in diametro. In eodem pariter nil quicquam ossis deprehendebatur.

Diaphragma erat carnosissimum, & ejusdem pars nervosa angustissima. Pericardium (quod nil quicquam aquæ continebat,) cordi proximè junctum erat, quod fortè propter tumorem hujus partis, quæ non secus ac omnia alia, quæ congelata sunt, inflata plane erat, contigit; hæc enim dissectio fiebat die 11. die Januarii 1670. quo tempore majus gelu, quam antea cognitum fuerat, incidebat. Ventriculi cordis repleti erant magna copia sanguinis congelati & indurati, ejus necquicquam in venis aderat, forte propter exiguam sanguinis quantitatem, quæ facile regelabatur in illis partibus, quæ necessario debebant manibus tractari sub dissectione & præparatione earundem. Cor erat rotundius minusque acuminatum, quam in felibus ferisque bestiis, quoniam (ut probabile est) extraordinaria distensio & ampliatio ventriculorum coegerat apicem cordis recedere versus basin.

Pulmones habebant 8. lobos, 4. in dextro latere, tres in sinistro, & octavum in medio, in cavitate mediastini prope diaphragma.

Os frontis gaudebat duobus amplissimis sinibus, qui erant quadrati & longi, sibi invicem proximi. Aderant & bini alii sinus in osse occipitis: hi erant triangulares, & ab invicem dissiti, erant enim à dextro & sinistro cerebelli latere. Os, quod cerebrum à cerebello separat, duobus erat apicibus insigne.

Cerebrum erat bipartitum per falcem, quæ erat amplissima, & cerebrum profundissime ingrediebatur. Anfractuositates extensæ erant in longitudine cerebelli ad anteriorem partem. In loco, in quo communiter glandula pinealis est, deprehendebatur solum exiguus apex, crassitie fermè æquans apicem aciculæ, qui recipiebatur pro hac glandula.

Orbita oculi erat tota & circumquaque ossæa, siquidem ossa temporum & jugale immediate illi juncta erant: saltem interior & superior pars erat aperta, usque adeo, ut orbita oculi contingeret musculos temporales.

Bulbus oculi continebat XI. lineas in diametro per medium. Cornea habebat 9. lineas. Aderat & palpebra interna, quæ erat sita in cantho majore oculi, & inde transibat ad canthum minorem.

Aqueus humor, qui valde abundabat, non reperiebatur congelatus, quamvis vitreus & crystallinus ingentem in modum essent contracti gelu: certo indicio, quod hic humor improprie sit vocatus aqueus, & quod ipsius substantia citius sit spirituosæ & quasi æthereæ, siquidem congelatio potissimum afficit aquosos liquores: qui vero sunt pingues & oleaginosi, nonnisi coagulationi sunt obnoxii, non secus ac spirituosæ latices & ætherei non ferunt aut congelationem aut coagulationem; adeoque probabile sit, quod hæc substantia, quæ conclusa est in anteriore oculi parte, nil cum aqua commune habeat, præter pelluciditatem & fluiditatem, quoniam opus habuit extraordinaria tenuitate & subtilitate, quo inserviret refractioni, quæ debet fieri in crystallino, cujus consistentia est crassior, quo nimirum constituatur diversum medium, quod omnino ad hoc negotium est necessarium.

Choroides erat spadicea s. brunna, & retina alba. Tapetum erat similiter albedinis subcoruleæ. In loco nervi optici observabatur niger quidam apex. Nervus intrabat oculum ferè directè supra medium Tapeti. Crystallinus continebat V. lineas in diametro: ejus denique posterior pars non erat adeo convexa ac anterior.

EXPLICATIO FIGURARUM


TAB. XVI.

IN PARTE INFERIORI

Observare licet animal hoc cato omnino simile esse, nisi quod habita proportionem collo breviori minorique cauda gaudeat: in quo longe distat à Leopardo, qui collo longiori & graciliori, caudaque satis proluxa (ut Physici eundem describunt) præditus est.

IN PARTE SUPERIORI

- A. A. est fundus ventriculi.
- B. B. Vena gastrica.
- C. C. Membrana duo ventriculi orificia connexens.
- D. Lien.
- E. Truncus vena cava.
- G. Truncus Aorta.
- H. Arteria mesenterica superior.
- I. Vena & arteria lumbares.





K. K. Ureteres.

L. Vesica.

M. Vas quod pro uno è deferentibus haberi posset.

n. n. Prostata.

O. O. Renes.

P. Penis.

Q. Q. Membrana renum propria.

R. R. Vasa in externa renum superficie com-
parentia.

S. S. Sinus magni in osse Frontis.

T. T. Bini alii sinus in osse occipitis.

V. V. Cerebrum.

X. Cerebellum.

SECTIO XVII.

DESCRIPTIO ANATOMICA

LYNCIS,

SEU

LUPI CERVARII,

Parisiensium.

Scriptores quidam putaverunt hoc animal dici LUPUM CERVARIVM ob figuram & colorem suum, siquidem habebat speciem lupi, non secus ac quadam ratione refert cervum colore pilorum suorum. Hæc ratio adegit alios cogitandi, quod sit THOS Veterum, siquidem *Oppianus* refert, quod Thos habeat formam patris sui, qui est Lupus & colorem matris suæ, quæ est Parda. Verum autem est, quod Lupus cervarius necquicquam possideat, quod Lupum referat, & exigua similitudo, quæ est deducta à pardo & cervo, tam communis est illis cum aliis plurimis animalibus, ut probabilius sit, ceu plurimis placet, quod nomen *Lupi cervarii* datum sit huic animali, quoniam venatur cervos, non secus ac lupus oves devorat.

Ille, quem secumimus, non habebat nasum longum & acuminatum, instar lupi, sed obtusum & brevem, unde citius referebat catum. Longitudo totius capitis erat 7. unciarum, colli vero 4. reliquum corpus continebat 24. uncias, cauda non admensa, quæ habebat ferè 8. adeoque universum animal magnitudine sua tres pedes & septem uncias æquabat. Altitudo ab extremo dorso ad finem unguium anteriorum erat 20. uncias, 23. vero uncias ab osse sacro ad extremos posteriores pedes.

Palma anterior habebat V. digitos posteriorum singula palma tantum 4. Omnes hi digiti erant armati unguibus aduncis, acuminatis & articulatis, plane ut in Leone, Urso, Tygride & Fele, quos dissecumimus.

Dorsum erat rubedinis vulpinæ, respersum nigris maculis. Abdomen & latus interius crurum erat coloris cineritii, respersa similiter maculis nigris, sed diverso modo; nam maculæ abdominis erant largiores, non adeo

nigræ, nec tam densè conspersæ, quam illæ in dorso, cruribus & palmis, quarum latus exterius erat rubicundum, non secus ac dorsum. Maxima pars pilorum, videlicet illa quæ rubra apparet, & illa quæ coloris est cinerei, erat omnino trium colorum: habebat enim radices coloris obscure glauci & extremitates albas: at hæc pilorum extremorum albedo tam exiguum pilorum partem occupabat, ut necquicquam impediret, quo minus videretur pilorum primarius color, qui medium illorum occupaverat, & faciebat saltim hæc albedo extremorum pilorum, ut totius corporis superficies videretur quasi pulvere Cyprio respersa. Pili, qui constituebant maculas nigras, erant saltim duplicis coloris: nil enim albi ad extremitatem suam habebant, & erant solum minus nigri prope radicem, quæ erat nihilominus magis brunna, quam illa reliquorum pilorum.

Dentes canini numero 4. erant 8. lineas longi in maxilla superiore: duo vero inferioris maxillæ non nisi 6. Inter caninos erant in singula maxilla 6. incisores, & illi quidem in superiore maxilla erant similiter longiores, quam hi in maxilla inferiore. Molares dentes aderant 10. utrinque quinque, videlicet duo superius, & tres inferius, in quavis maxilla.

Lingua erat 4. uncias cum dimidia longa, & unam unciam cum dimidia lata. Testa eadem erat aculeis, non secus ac in Leone & Fele. Hi aculei s. apices ab extrema lingua ad medium ejus erant durissimi & acutissimi, & ad radicem linguæ converfi. Illi vero, qui erant à radice linguæ usque ad medium ejusdem, erant contraria ratione dispositi, simul obtusiores & molliores.

Aures, quæ maxime felinas referebant, habebant,

bebant, singulæ prope summitatem suam, (quæ erat acuminata,) cespitem candidissimorum pilorum, quod nobis videbatur esse character plane peculiaris Lupo cervario, ad distinguendum eundem a diversis aliis animalibus, quæ describuntur in historiis à Veteribus, qualia sunt *Thos*, *Chaos* & *Panthera*, quæ moderni scriptores acceperunt pro lupo cervario, sed in quorum nullo fuit observata hæc cæsaries, quam *Ælianus* refert adesse ad finem auricularum lyncis, eodem modo, ac id deprehendimus in nostro subjecto, & aliis lupis cervariis, qui erant in Vivario ferarum Vincennensi.

Difficulus sane conicere possumus, cur moderni authores acceperint lupum cervarium pro Thoë Veterum, de quo quidam, v. g. *Theocritus*, solum tradiderunt, quod sit species lupi; alii vero v. g. *Homerus*, quod vocet cervos: ast prætenditur, quod hic autor quadam ratione descriperit naturam Thoïs, dum eum comparat cum multitudine Trojanorum, qui dum urgerent Ulysses in quadam prælio, in fugam agebantur ab Ajace, qui Ulyssi veniebat subsidio: nam per hanc comparisonem ille nobis demonstrat, quod Thos sit imbellis & ignavum animal; si enim congregiantur multi ad devorandum Cervum, à venatore jam vulneratum, illum Leoni inexpectato ipsos supervenienti relinquunt. Ob hanc rationem à *Scholiasse* Thos vertitur pantheria, quæ sit species timidi & imbellis lupi. *Aristoteles* & *Theocritus* similiter dicunt, quod Thos referat lupum, quod sit pedibus celerimus, & decurrat ingens spatium, quamvis habeat crura breviora.

Ast sunt aliæ rationes, quæ nos movent, ut censeamus, quod lupo cervario Thos minimè sit, quæ sunt longe potentiores prioribus argumentis. Nam præterquam quod non viderimus, quod noster lupo cervarius habuerit crura breviora, similiter aliæ notæ, quas Veteres Thoï attribuunt, deficiunt in illo, cum non habeat figuram Lupi, ut *Aristoteles* & *Ælianus* ipsum describunt, cum non sit imbellis, nec timidus, ut *Homerus* depingit illum, cum non habeat alium hyeme, quam æstate colorem, nec sit ex illo genere animalium quæ amant hominem, quæ illum non lædant, & quæ illum non fugiant: Nam constat, quod hi characteres, quibus *Aristoteles* & *Plinius* Thoem depingunt, non deprehendantur in lupo cervario: & major pars illorum sunt contraria his, quæ observavimus in lupo cervario, quem secuimus.

Erat sola pilorum mutatio, quam primo putavimus esse talem, qualem *Aristoteles* repræsentat in suo thoë; quoniam pilus lupi cervarii, qui nobis afferebatur prope finem autumnii, erat diversissimus à pilo illorum,

quos videramus æstate in Vivario Vincennensi, cum hi non haberent tergora rubra, nec maculis albis distincta, instar nostri, sed solum confuse permixta nigro, glauco & rubro: præterquam quod illorum pilus esset brevis, crassus & levidensis, ut in Molosso, cum contra noster lupo cervarius haberet illum longum, mollem & delicatum instar felis. Ast demum deprehendimus, quod hæc diversitas in colore pilorum non procedat ab alteratione, quæ ipsis contingat ob anni tempora diversa, sed ob differentiam specierum Lupi cervarii: nam aderant quidam, quorum dorsum erat rubrum, nigris maculis distinctum, qui veniunt ad nos ex Russia seu Moscovia, qualis erat noster, quem secuimus: & alii, qui veniunt ab Oriente & Canada, qui nil quicquam macularum in dorso habent, quales erant illi, quos vidimus Vincennis.

Proinde dissident authores à seipsis, & sunt illorum quidam, qui sibi plane contradicunt in hac opinione, quod Thos Veterum sit lupo cervarius. Nam quamvis *Scaliger* & *Gaza* semper in *Aristotele* vertant verbum Thos per lupo cervarius, quod *Gesnerus* & *Gillius* similiter faciunt in *Æliano*, *Scaliger* tamen, dum loquitur de lupo cervario, dicit, quod ipse censeat, quod sit Lynx mascula, quod nos suspicari fecit, *Scaligerum* accipere Thoem, Lynceum & cervarium Lupum pro uno eodemque animali, quod convenit cum explicatione *Cririti*, qui vertit Thoës in *Homero* per Lynces, & cum illa *Eustathii*, qui dicit, quod Thos non sit imbellis & timidum animal, quoniam nimirum opinatur, quod Thos sit lupo cervarius, qui certe est fortis & animosus.

Porro *Hermolaus* supra *Plinium* tradit, quod non possit satis mirari errorem illorum, qui accipiant lupo Cervarium pro Thoë: nam species illa lupi, quæ censetur esse Thos, est iners & timidum animal, quod apud *Gesnerum* *Gazam* & *Niphum* vocatur Lupo canarius, Lupo Armenius, & apud *Scholiassem* *Homeri* Panther; Et *Oppianus* enumerat Thoem inter exiguas & viliores bestias, quales sunt glires, sciuri & feles; quod confirmatur ab *Hesychio*, & videtur plane convenire cum idea, quam *Homerus* nobis de Thoë reliquit.

Restat itaque solum, ut videamus, an noster lupo cervarius, cui descriptio Thoïs & pantheræ Veterum tam malè convenit, magis conveniat cum illo, quod iidem scripserunt de Chao & Lynce. *Hermolaus* nequicquam dubitat, quin sit Chaos *Plinii*. Et sane, dum hic autor loquitur de lupis cervariis, eadem de illis refert, quæ de chao alibi prædicat. Hæc sc. est illa bestia, quam *Pompejus* populo Romano spectandam exhibuit, quæ erat maculata instar Leopardi, & quæ erat ex Gallia missa, h. e. ex borealibus regionibus, ubi lupi cervarii,





cervarii, qui habent pilos illis Leopardi similes, inveniuntur frequentes.

Ast restat difficultas, quod nempe *Plinius* dicat, quod Chaos habeat speciem Lupi; quod non deprehendimus, uti modo diximus, in nostro lupo cervario. Adeoque restat solus *Lynx*, de quo veteres nil tradunt, quod contrarietur illi, quod vidimus in nostro lupo cervario, in quo similiter invenimus omnia illa, quæ illi de lynce prædicant.

Nam præter floccum s. tractum nigrorum pilorum, quem *Ælianus* annotat in summis Lyncis auriculis, & quem observavimus adesse pari ratione in nostro subjecto, quod est nota plane peculiaris, similiter observavimus, quod habeat nasum brevem, non secus ac *Lynx Æliani*. Et constat præterea quod Lupus cervarius sit addictissimus venationi cervorum, quod *Oppianus* tradit peculiare esse lyncei majori; ex quo speciem constituit differentem à minore altero lynce, qui venatur lepores. At quoad colorem nigricantem, quem *Plinius* attribuit pilis lyncis Aethiopici, ipse hoc memorat, tanquam rem extraordinariam. Et breviter, quoad illud, quod concernit ipsius visum, quem *Plinius* tradit esse magis penetrantem, quam in aliis animalibus, nos observavimus nil quicquam quod obsteret vel impediatur, quo minus credamus, quod noster Lupus cervarius habuerit visum acutissimum; præterea non omnino constat de illo, quod refertur de visu Lyncis, an debeat capi de visu bestię feræ, aut hominis cujusdam *Lynx* vocati, qui haberet visum tam acutum, uti *Plinius* affirmat, ut videret lunam, cum mutaretur; aut de alio quopiam, qui (uti *Agricola* refert) habebat opinionem, quod videret per terram, quoniam nosset detegere loca, quibus plurima recondita essent metalla.

Porro quod concernit interiora nostri lupi cervarii, qui erat foemina, invenimus, quod haberet stomachum similem illi felis, habens nil quicquam extraordinarii, neque in ejus structura, nec magnitudine, quæ erat proportionata ad magnitudinem reliqui corporis.

Splen, juxta sinistram partem stomachi situs, erat coloris rubicundi. Ejus longitudo erat 7. unciarum, at ejus latitudo solum unius uncie. Per totam longitudinem alterius ejusdem lateris, scil. ejus quod erat ventriculo proximum habebat eminentiam, quæ faciebat angulum.

Epiploon, quod tegebat & includebat intestina, erat simile reticulato operi ex funibus duræ & solidæ pinguedinis, cujus vacua spacia erant repleta membranis, pertusis infinito foraminum numero, adeo, ut hæ membranæ non possent continere aquam, instar membranarum epiploi hominis & variorum aliorum animalium. Hi pinguedinosi funiculi in-

cludebant & tegebant fere omnia vasa epiploi.

Intestina, quæ erant inæqualis magnitudinis, continebant omnino 9. pedes cum dimidio in longitudine: quod videtur observatum esse à *Plinio*, qui dum loquitur de animalibus, quæ habeant brevia intestina, producit nonnisi duo exempla, quæ sunt lupo cervarius & anas. Jam autem observavimus in Leonibus, quos secumimus, quod illorum intestina non essent plus triplo longiora, quam integrum corpus, quod est & proportio intestinum Lupi cervarii. Aderat cæcum, sed habebat nil quicquam appendicis.

Hepar habebat 8. lobos, qui erant longi & recti. Longissimus erat 5. unciarum, & latissimus duas cum dimidia versus basin. Vesica fellea continebat 9. uncias in longitudine, nec vero unam dimidiam latitudine sua superabat.

Pancreas Asellianum erat 3. uncias longum & 15. lineas, in maxima sua latitudine. Cavitatem habebat repletam mucosa & putrefacta ferositate, quæ erat occasio abscessus in centro mesenterii delitescens.

Renes in æquali altitudine erant sibi invicem oppositi: Erant 3. uncias longi, & unam lati.

Matrix referebat illam canicularum & fellium. Continebat 4. uncias cum dimidia ab externo orificio ad bifurcationem 2. cornuum s. ductum, qui a bifurcatione sua ad extremitatem usque, ubi erant testiculi, continebant singuli 4. uncias cum dimidia in longitudine. Testiculi erant 6. lineas longi & 4. lati: iidem conflati erant ex variis glandulis.

Pulmo habebat 7. lobos non secus ac hepar. Illi erant magna ex parte retorridi & friabiles, per extraordinarium calorem sanguinis, qui erat denigratus ob adustionem. Hæc nigredo sanguinis reddiderat cor lividum, & tinxerat aquam pericardii, adeo ut esset sanguinea. Cor erat 2. uncias cum dimidia longum & 2. uncias latum. Auriculæ, vascula & valvulæ erant uti in fele.

Musculi temporales erant vasti & validi, erant enim 8. lineas crassi, & 2. uncias lati. Hæc magnitudo videbatur nobis esse valde considerabilis, adeo ut redderet dubiam nostram mentem, quam conceperamus de lupo cervario, quod nempe sit lynx Veterum; quoniam *Galenus* ubi loquitur de differenti magnitudine musculorum temporalium in variis animalibus, profert nonnisi tria exempla eorum, quæ habent illos extraordinariè angustos & debiles, quæ sunt homo, simia & lynx. Ast probabile videtur, quod *Galenus* intelligat exiguum lyncem *Oppiani*, qui nonnisi lepores venetur, non vero illum, qui devorat cervos, qui est lupo cervarius.

Sinus cranii erant amplissimi & aperti. Os, quod separat cerebrum à cerebello, erat simile illi, quod invenimus in tygride, vulpe, cane, fele & plurimis aliis animalibus.

Cum aperiretur cranium, anfractus cerebri transparebant per duram matrem, quæ erat pellucida. Exterior substantia & pars cerebri, quæ dicitur cortex, erat albissima & solidissima. Glandula pinealis erat angustissima.

Bulbus oculi erat uncia unius in diametro: fermè sphaericus, excepta cornea, quæ videbatur magis excitata & acuminata.

Crassities corneæ, quæ dimidiam habebat lineam, erat ubique eadem, juncta, ut vulgò fit, cum sclerotica, per mutuam attenuationem extremitatum duarum membranarum, quæ singulæ hic loci factæ erant uti sectio adamantis in vitro, cum sic junctæ essent ambæ, ut simul sumptæ non superarent singularem seorsim sumptam membranam, siquidem pars tenuissima unius, quæ est in extremitate ejusdem, crassissima alterius parti superposita est.

Membranæ hæ junctæ duas tertias lineæ latæ erant. Sclerotica, quæ exterius alba erat, & interius aliquatenus nigricans ob contactum uveæ, apparebat tenuissima in fundo, durior charta vix crassior. Duplo vero crassior erat ad extremitatem suam versus corneam.

Ad latus corneæ aderat membrana, uti in Leone, vices gerens palpebræ internæ, quæ facile tegebat totam pupillam, quando illi superinducebatur. Figuræ erat triangularis. Duo minora latera erant firmata ad conjunctivam. Tertium, quod erat maximum, poterat oculo superlabi, quo tegeret illum.

Anterior pars iridis erat coloris flavi, mixti cum insigni copia exiguarum rubrarum linearum, quæ erant interruptæ & inæqualis magnitudinis. Eadem erat nigra in parte sua posteriore, quæ crystallino humori superjacebat.

Humor aqueus erat copiosissimus, sed quandantenus limosus: erat enim foedatus per disruptionem quarundam partium nigræ substantiæ, quæ uveæ jungitur.

Crystallinus humor erat 7. linearum in diametro, & quinque crassus, quarum tres constituebant anteriorem convexitatem, & duæ posteriorem.

Vitreus humor erat clarissimus & insigniter pellucidus.

Tapetum uveæ, coloris albi ad coeruleum vergentis, erat pertusum à nervo optico, non ad extremitatem suam, uti apparet in plurimis animalibus, sed fermè in ipsius centro. Nervus opticus habebat in centro rubrum punctum, vergens ad nigrum.

EXPLICATIO FIGURARUM TAB. XVII.

FIGURA INFERIOR

Exhibet speciem & iconem ipsius animalis, seu LUPI CERVARII, in qua potissimam considerationem merentur capilli nigricantes in summitate auricularum, ut & rotunditas capitis, in quibus nequicquam cum Lupo participat.

IN FIG. SUPERIORI

- A. Unus est è Renibus.
- B. C. Lingua.
- D. D. Integumenta inferioris corporis partis.
- E. E. Hepar.
- F. Vesicula fellea.

- G. Ventriculus.
- H. Lien.
- I. Vascula vas breve constituentia.
- K. Epiploon.
- L. Intestina.

Quandoquidem vero in præcedentibus facta etiam fuerit mentio

LUPI CANARII, seu THOIS,


hinc illius quoque Anatomen hic addimus in TAB. XVIII. quæ se ipsam explicat. Vid. Beslerus in Gazophylacio rariorum, ubi integrum animal eleganter quoque depingitur.



Posterior Capitis Lupini, cum osse Zygomatico dicto, pars ubi singularem cavitationem galeam efformantem, cerebellum ab ipso cerebro separatim continentem animadvertere licet, quod in brutis alijs secus observatur ubi Cerebellum cerebro continuum est.

TAB. XVIII.


Caput lupi canarij ab inferiori maxilla separatim




Dentes, molares.



Osse Hyoidalis Linguae Lupinam
sufficiens mirae articulationes



Larynx cum aspera arteria.




Similis Lupini Musculi pars una cum venarum & arteriarum textura mi-
nistia cuius parenchyma egregie pedem hominis representat.



Gibba lienis pars foem.



Oesophagus Lupinus, cuius tunica interior, miram huius animalis voracitatem denotat, dilatatur per oratione assumptorum, unde non raro in Luporum stomachis non tantum quadrupedum costas, sed etiam ossa maiora una cum carne et crinibus conspiciere licet.



1 2 3 4 5 6

SECTIO XVIII.

DESCRIPTIO ANATOMICA

GAZELLÆ,

Parisiensium.

QUINQUE Gazellæ s. Antilopes, quarum descriptionem damus, ad nos deportatæ sunt diversis temporibus. Erant vero unus masculus, tres fœmellæ, & fera quædam, quæ similiter erat fœmina. Prima, quam secumimus, erat & corpore & annis maxima, nobisque afferebatur, una cum fera, ex vivario quod Versailles conspicitur: de quibus nobis narrabatur, quod utraque occisa fuerit ab alio Gazellâ mare; deprehendimus vero, quod sinister humerus damæ esset planè contusus & quod feræ tria crura fracta fuerint; id quod nos attentos reddebat ad id, quod *Belonius* dicit, quod Gazella sit ORYX Veterum, quam *Oppianus* depingit ut animal validum, ferum & crudele; ast non deprehendimus reliquas notas, quæ juxta Veteres erant peculiare Orygi, ut sunt: *habere cornu singulare in medio syncipitis*, ut *Aristoteles* tradit: quod *habeat singulos capillos conversos ad caput* juxta *Plinium*: quod *habeat barbam in mento*, & quod sit *sat validum ad pugnandum contra Leones Tygridesque*, ut *Oppianus* tradit.

Nostræ Gazellæ habebant aspectum planè mitem, & dictum est nobis, quod animalia ista non irascantur, nisi contingat quis ipsorum cornua. Scriptores Arabici vocant Gazellam ALGAZEL, h. e. caprum. Est autem plane vero simile, quod sit DORCAS, vel caper Lybicus, qui non est alius, quam caper Ægypti s. STREPSICEROS; *Scaliger* tamen asserit, quod Strepsiceros sit species ovis. *Ælianus* refert, quod Dorcas Lybica sit citissimi cursus: quod ipsius dorsum sit album, & reliquum corpus coloris ferini: quod color albus & ferinus per longitudinem laterum sit distinctus linea nigra: quod habeat oculos albos, & prægrandes auriculas. Strepsiceros, juxta *Plinium*, est caper Africanus, qui habet cornua supra caput elevata, valde acuta & circumdata variis rotundis rugis, & arcuata instar fidium lyræ, vel ut *Johannes Cajus* non veretur asserere, quod sint interdum inflexa ad exteriora, & nonnunquam ad interiora, adeo ut referant contorsionem quaternæ s. lyræ. Sed quæri posset, an lyræ tempore *Plinii* fuerint sic conformatæ?

Hæ notæ omnes & singulæ cum deprehendantur in his V. animalibus, quæ secumimus, dici posset, quod Strepsiceros, Dorcas ac Gazella sint unum & idem; jam vero nostra Gazella est animal Africanum, quod videbatur cursu præcipiti, si ex longitudine crurum de hac re judicandum sit. Erat fermè magnitudinis & formæ ejusdem cum capro sylvestri, cum pilis ferini coloris, excepto ventre & abdomine, quæ erant alba, cauda, quæ erat nigricans, & linea quadam, quæ magis nigricabat, veluti reliquum capillorum ab oculo ad nasum: pili verò omnes magis referebant caprum sylvestrem, quam domesticum, cum essent valde breves. Sub his pilis cutis plane nigra delitescerebat, & coruscans præ nigredine, in reliquis canescebat; & hæc nigredo apparebat plane in illorum auriculis, quæ erant amplæ pilisque interius destitutæ, ubi cutis erat nigra, lævis & polita quasi, instar ebeni, gaudens saltem quibusdam tractibus pilorum insigniter candidorum, magis rigidorum & longiorum, quam simul pili ventris. Tractus hi pilorum procedebant à basi auricularum, & fiebant ampliores versus apicem earundem. Oculi erant valde ampli & albi: cornua erant similiter alba, decussatim radiata, quindecim uncias longa, decem lineas lata prope basin, valde acuminata, eleganter striata, & quidem ex parte conversæ erant striæ ad exteriora versus medium: postea denuo posteriora versus ad anteriora reflectebantur, plane similes figuræ chordarum Lyricorum, quales apparent in sculptis quibusdam antiquis operibus. Cornua masculi erant paulo magis inflexa dorsum versus. Quatuor femellarum cornua erant rotunda masculus vero habebat illa paulo magis compressa & complanata, quod figuram illorum rotundam paulum turbabat: & dici fortè posset, quod hæc cornuum rotunditas apud Antiquos nomen dederit *Strepsicerotis* nostræ Gazellæ, quod rectius significare putandum est cornua intorta, quam inflexa, qualia sunt vulgo reliquorum caprorum. Hæc rotunditatis species est singularis & propria cornibus Gazellæ, inter genus caprinum (si modo species capri dicenda sit) siquidem cornua reliquorum hujus generis animalium gaudent angulis

angulis & planitiebus, ut omnium ovium, excepta Cretica sola, quæ rotundis cornibus prædita, ut *Bellonius* observat, dum dicit: quod moderno tempore in Creta vocetur Strepsiceros: quæ forte res *Scaligerum* movit, ut diceret, quod Strepsiceros sit species ovis.

Cornua ista erant cava dimidia ex parte, & repleta quodam acuminato osse, quod ipsa firmabat ad caput, ope cujusdam pericranii, quo os illud tegebatur. Pericranium illud erat valde durum, crassum, & madens magna copia sanguinis, ut & pars interior illius ossis, quæ erat spongiosa instar diploes in cranio. Exterior superficies erat plane solida & secundum longitudinem quibusdam sulcis insculpta, contra ac in sulcis cornuum ipsorum conspiciebatur, qui erant transversales, ut modo dictum est fuisse. Ad radicem horum cornuum erat quidam cespes pilorum, longiorum quam sunt reliquo in corpore.

Nasus erat parum depressus, uti in capris conspicitur, sed paulo magis in masculo, quam in foemellis; illius vero nasus erat brevior, ut brutis fere in genere evenire solet, quod scilicet masculi habeant caput omnino rotundius, quam foemellæ.

Palatum tegebatur pelle valde dura, ex longis quasi squamis conformata. Dentes incisorii, (qui in superiore maxilla vacillabant, quoniam hoc animal ruminat cibum suum) erant octo in inferiore maxilla, valde acuti & inæqualis quasi soliditatis: duo vero præ reliquis potissimum erant adeo largi, quam reliqui sex, quorum amplitudo cerei instar incedebat. Erant vero similiter magna ex parte ampliores versus ipsorum finem, quam versus radicem.

Cauda foemellarum habebat longos & nigricantes pilos: erat vero plana prope originem suam, & fere 2. uncias longa ab inde ad primum ipsius geniculum; erat porro reducta in se ipsam, in loco eo, ubi oriebantur longi piluli, qui dependebant usque ad poplites: cauda maris longis his pilis destituta erat, qui in omnibus foemellis referebant capillos humanos: erant solummodo paulo longiores, quam reliqui corporis pili, & molliores quam in cauda foemellarum.

Anteriora crura supra flexuram genuum tecta erant pilis aliquantum longioribus & durioribus, quam in reliquo crure. Erant vero illi siti & conversi ex dimidia parte ad latus dextrum, & ex altera dimidia ad latus sinistrum, instar jubæ equinæ: & in illo loco pellis erat longe crassior, quam alibi: quod constituerebat quasi speciem exigui cujusdam pulvinaris, ut commodius genu incumberet, uti & callositates ad genua camelorum sunt ejusdem usus. Gazella, quam *Fabius Columna*

descripsit, in hoc referebat camelum magis, quam nostram: nam habebat plane nullos in hoc loco pilos.

Pes, qui erat alte fissus, & munitus 2. insignibus ungulis, præter 2. exiguas ad calcem, plane ut pes capri sylvestris, referebat pedem cameli in eo, quod consisteret partim supra ungulam, quæ solum anteriora muniebat, partim supra pellem, quæ posterius tegebat rotundam & crassiore carnem, quam deprehenditur in pedibus cervorum, caprorum sylvestrium, & aliorum animalium, quæ habent ungulas fissas; & hæc caro, uti probabile videtur, magis conficta & ad commodius incedendum super arenas Libycas, quam supra solum aliarum regionum, quæ sunt lapidosa: quod quidem certius deprehendimus in pedibus unius ex nostris Gazellis, qui erat inflammatus & tumidus, quoniam teneriore sui parte allisus erat ex improvviso in ungulam quandam.

Præterea observavimus, quod hi pedes essent fissi, modo plane singulari & peculiari, siquidem binæ ungulæ, quæ necessario, dum incedit animal, longe à se invicem recedere debent, conjungebantur per pellem quandam, quæ perquam facile extendebatur: quæ res nos ambigere faciebat, annon hæc Gazella nostra animal illud sit, de quo *Ælianus* refert, quod apud Poetas Græcos vocetur *Kemas*, cui attribuit complures notas, quæ in Gazella nostra præsto sunt: ubi inter alia refert, quod ipsius pedes, caprinis similes, sint sic conformati, ut adjuvarent animal ad facilem natatum. Hæc pellis erat brevior in pedibus masculi, cujus ungulæ non tanto opere aperiebantur, quam illæ in pedibus foemellarum.

Gazellæ nostræ habebant tantum duo ubera, quorum unumquodvis suam habebat papillam. Ad latus & sub uberibus erant ad inguina 2. cavitates, sacculis similes, non omnino profundæ, quarum pellis pilis planè carebat, uti & supra papillas se res habet; sed hæc pellis non erat tam tenera, erat quippe aspera & similis grano hordei. Cavitates istæ repletæ erant substantia ceræ simili: quod forte occasionem dedit errori *Johannis Agricola Ammonii*, qui Catum Zibethicum habuit pro Gazella, solum propter saccos, quibus felis Zibethi gaudet ad continendum suum fragrantem, quem ibidem sudat, liquorem. Quoad alia vero felis Zibethi & Gazella sunt animalia plane dissimilia, & hæc cavitates vel sacculi, qui apparent in Gazella, magis referunt illos, qui in lepore apparent in eodem loco, quam istos, qui sunt in Zibethico animali. Tam mas, quam foemellæ his cavitatibus instructæ erant.

Omnes hæc particulares circumstantiæ, quas observa-

observavimus in femellis, erant solum in tribus nostrarum femellarum: quarta enim à reliquis differebat in eo, quod non haberet pulvinar memoratum in genu (aliæ tamen, quamvis juniores, gaudebant illo) nec tamen habebat hunc locum depilem, uti Gazella, quam secuit *Fabius Columna*, cui de ceteris similis erat, siquidem habebat lineam illam nigram in utroque latere, quam *Ælianus* observavit in *Dorcade Lybica*. Mas similiter hac linea insigni gaudebat.

Quoad internas partes, Epiploon omnium V. Gazellarum erat repletum duriuscula & rubicunda pinguedine, quæ tegebat & includebat fere omnia hujus partis vascula, dum assequebatur & concomitabatur illa per omnes illorum divisiones & ramificationes. Hoc epiploon non supernatabat intestinis, sed involvebat illa posterius, excepto uno nostrorum subjectorum, in quo versus sinistrum latus ileon affixum erat peritonæo, per magnam fibrarum copiam. In reliquis epiploon descendebat ab anteriore & media parte ventriculi, cui erat affixum, inde transiens in fundum inferioris ventris, sub majore intestinorum parte, incipiebat firmari ad centrum mesenterii: inde ascendens altius revertebatur ad inferiorem ventriculi partem. Cartilago Xiphoides quadruplo in proportionem major erat, quam in reliquis animalibus, erat quippe unciam unam cum dimidia lata, & porrigebatur ad utrumque latus sterni, cui affixa erat, & desinebat prope finem in duplicem & rotundum apicem. Hepar quoad figuram suam erat valde simile humano, quippe divisum in 2. prægrandes lobos, præter quos aderant 2. minores, quorum alter (qui erat ultimus) porrigebatur ad dextrum renem, quem dimidiam partem tegebat: alter erat in medio supra spinam. In concava parte hepatis feræ aderant duo rami lymphatici, crassitie fermè lineam referentes; hi videbantur, quasi essent plane referti nodulis, propter inæqualitatem, quæ propter insignem valvularum copiam firmat illos, dum se contrahit, adeo ut instar exiguarum coronarum crystallinarum hæc vasa truncum venæ portæ ad superius orificium ventriculi affigant.

Substantia hepatis nobis videbatur plane singularis, cum esset quasi composita ex infinito numero exiguarum glandularum, quarum quædam majores erant, quædam vero minores semine cannabis. Erant vero ruboris paulo obscurioris, quam id, quod ipsas connectit. Glandulæ istæ apparebant omnes & singulæ quasi essent in medio perforatæ, & quidem ob rubram quandam fissuram, qua gaudebant, & ex qua

sanguis prodibat, dum premerentur. Id, quod sejungebat unam ab alia, erat rubicundum, uti illud exiguae modo dictæ rimæ, sed hæc pars nullum fundebat sanguinem. Glandulæ partis concavæ erant longè majores, quam illæ partis convexæ. D. *Malpighius*, Medicus Messanensis, censet, quod omnia parenchymata sint constata ex diversis glandulis; nec vero exponit, quomodo observaverit jecur, quod communiter apparet quasi esset substantia continua sibi & homogenea, revera esse separatum in diversas partes ab invicem sejunctas, nec indicat, cujus magnitudinis sint istæ; sed cum dicit, quod hæc glandulæ sint similes varum acinis supra gibbum, dubitari posset, num istæ acini referant figuram an magnitudinem glandularum, quarum priorem tamen asserit esse hexagonam in hepate cati seu felis & diversam in variis aliis animalibus. Fuimus itaque suspicati, quod forte glandulæ, quæ componebant hepar nostrarum Gazellarum, visui oblata fuerint per aliquem morbum, siquidem longè magis conspicuæ erant in una quam in altera, & quod esset una Gazellarum, in qua hæc glandulæ omnino non apparebant, & in qua deprehendebatur parenchyma hepatis æque homogeneum & continuatum ut communiter esse solet, adeo ut merito censeretur possit, quod hæc glandulæ, quæ dum animal est sanum, sint spongiosæ & imbutæ sanguine, qui in universo hepatis parenchymate redundat, non videantur ab invicem sejunctæ, uti quidem apparent, dum indurata sunt morbo, & propterea recipiunt minus sanguinis; unde illarum differens substantia reddit ipsos magis distinguibiles per diversitatem coloris, qui in glandulosa parte est magis albus, propter defectum sanguinis, & rubicundior in illa parte hepatis, quæ est glandulis interspersa, propter sanguinem in illa abundantem. Verum, quod *Malpighii* opinionem firmat, est figura irregularis, quam observavimus in his glandulis, quæ semper hexagonæ propria est, & exiguæ fissuræ, quas omnes & singulæ habebant in ipsarum medietullio; hoc enim comprobatur, quod non oriantur glandulæ, dum hepar scirrhosum fit & præter naturam indurescit, sicque ipsius substantia fortuito in varias massas glanduliformes concrevit, uti fere fieri videmus in oleo, dum frigore coit; siquidem singulæ glandulæ, dum condensantur, servant naturalem sibi figuram.

Splen erat ovalis, valde angustus & totus affixus sinistro lateri ventriculi, excepto spatio fere digitum lato in parte anteriore, quod ab illo liberum erat; adeo ut vasa, quæ vocantur vulgo vas breve, & quasi

vinculum quod splenem stomacho conjungit, constituunt, non apparuerint, quippe confusa & recondita membranarum alterius horum viscerum. In V. nostris Gazellis splen erat coloris violacei in summo, cœrulei inferiorius, per totum vero respersus maculis albicantibus, quæ facile pro glandulis haberi potuissent, uti sunt illæ hepatis, si non essent figuræ regulatis.

Gazella, quamvis sit animal ruminans, non tamen habet nisi duos ventriculos, qui apparent plane distincti & ab invicem separati per evidentes contractiones, quales & in aliis ruminantibus videntur; est vero verissimum, quod in magna nostra Gazella 2. hi ventriculi fuerint magis distincti, quam in IV. aliis animalibus; nam præter contractionem & diversam qualitatem membranarum, quæ communiter facit differentiam inter 4. illos aliorum ruminantium ventriculos, aderat valvula, quæ separabat hos 2. & in membranarum, quæ illos componebant, deprehendimus omnes illas varias figuras & singulares substantias, quas IV. alias ventriculi habere solent.

Primus & amplissimus, qui recipit immediate ab Oesophago cibos, erat valde largus & amplus in summo, & figura ejusdem erat acuminata in fundo. Tectus erat interius duabus membranarum sibi invicem superpositis, quæ sunt illud quo specialiter tecti sunt duo primi ventriculi, qui Gallice vocantur Pance & Bonnet; hæ 2. membranæ facillime ab invicem separabantur. Exterior, quæ internam superficiem efficiebat, & quæ est id, quod est aptum ad Pance vel Paunch Gallorum, qui ab *Aristotele* κοιλία μεγάλη dicitur, erat instar seriei villosi, composita ex infinito numero exiguarum particularum, instar papillæ conformatarum, quæ erant triplo longiores, quam latæ; & ipsarum capacitas non superabat aciculam mediocrem. Reliquæ membranæ, quæ erant sub hac priore, sunt id, quod *Aristoteles* vocat κεφάλαιον, secundus nempe ventriculus, qui Latinis dicitur reticulum, quoniam habet quasdam protuberantias, quæ referunt rete exiguum, unde & hic Stomachus Gallis *Bonnet* dicitur, quoniam hic ventriculus refert fimbriatam vittam s. Bonnetum, quo olim foemina capillos suos inclusos gerebant. Hæ eminentiæ retiformes videbantur quasi in margine exceptæ essent exiguis quibusdam granulis.

Magnus hicce Stomachus, quem reputamus pro uno, quoniam ipsius duæ differentes membranæ æqualiter extensæ sunt, & æqualiter quidem una super alteram per totam ventriculi capacitatem, nihilominus duplex videri posset, siquidem ipsius superior pars,


quæ multo amplior, quam ejusdem pars inferior, erat aliquantulum separatus per contractionem quandam, quæ tamen considerari poterat.

Ad fastigium hujus magni Stomachi versus dextrum latus, ubi instar pylori coarctatus est, aderat orificium vel apertura, unde transitus ad secundum patebat; & hæc apertura clausa erat per quandam membranam, magnæ valvulæ similem & instar exigui sacci conformatam, quæ impedit, quo minus id, quod semel ex magno Stomacho infusum est secundo ventriculo, inde in priorem regrediat. Secundus hic ventriculus, ab orificio suo versus ipsius medium, similis erat tertio boum oviumque ventriculo, ab *Aristotele* dictus ἐχῖνος, Latinis Omasum, Gallis vero Millet, quoniam refertus est foliis secundum longitudinem dispositis, quæ respersa sunt exiguis tuberculis, similibus granis milii: præterea apparent scabra & acierum plena, unde Græci ipsi nomen dederunt ἐχῖνος, quod Erinaceum notat. Hæc asperitas, cum ad medium pervenerit, insensibiliter decrescit, & tandem plane evanescit. Color prioris partis secundi Stomachi erat similiter diversus à priori Stomacho magno, siquidem erat coloris rubri ad purpuram vergentis, cum prior s. magnus ventriculus esset albus, uti vulgo apparet in aliis.

Secunda pars hujus ventriculi erat longe amplior quam prior, & referebat ventriculum quartum aliorum animalium ruminantium, qui dicitur Aristoteli ἑνυσσρον, Latinis vero Abomasum, Gallis denique caillette, quoniam in hoc ventriculo fit coagulum, quod lac in colostrum mutat; habebat similiter quasdam protuberantias & eminentias folia referentes, sed magis politas lævesque; præterea ad orificium suum format saccum magnum, in modum sacci illius, quem gerebat infra primam partem secundi ventriculi; & versus exitum ipsius superiora versus retractus erat & contractus ad efformandum pylorum. Hæc structura binorum ventriculorum, (quæ reperiebatur eadem in omnibus foemellis;) erat nonnihil diversa in masculo, in quo major & prior ventriculus non erat in fundo acuminatus; & quamvis ipsius binæ membranæ separari possent, non secus ac in foemellis, illarum tamen inferior non habebat plicas retiformes, nec ullam valvulam sub introitu ad secundum ventriculum, qui habebat tuberculum quoddam, quod deerat in foemellis.

Intestina foemellarum erant tali modo disposita, ut jejunum & ileum essent ad invicem compacta per exiguas quasdam cellulas, & firmata secundum longitudinem coli, quod

inservie-



inserviebat illis loco ligamenti, ut starent hæ plicæ instar sinus. Colon nil quicquam cellularum habebat. Illa vel intestina tenuia erant ad summum 4. linearum in diametro; colon vero supra 6. Intestina Gazellæ masculi habebant anfractus suos aliter dispositos: nam pars illorum corrugata erat instar coli humani, efformans magnam exiguarum cellularum copiam: alia vero illorum pars erat reduplicata, juxta ipsius longitudinem instar trompeti. Singulæ harum plicarum erant supra 4. uncias longæ.

Rami venarum mesaraicarum erant valde ampli & firmati ad colon per insignem copiam exiguarum ramulorum, quos venæ illæ huc mittebant, & quivis major ramus, cum paulo ulterius processisset, similiter distribuebat exiguos ramulos ad intestina tenuia.

Cæcum 7. uncias longum, & unam unciam crassum videbatur.

Renes erant prope rotundi. Dexter locabatur sub exiguo dextro lobo hepatis, & sinister sub apice Stomachi: situatio autem renum Gazellæ masculi erat omnino insolita, nam sinister supra aortam, & dexter 2. uncias altior, quam sinister erant.

Ad originem arteriæ spermaticæ dextræ in masculo aderat corpus glandulosum quoddam, situm supra truncum venæ cavæ, quasi esset pulvinar hujus arteriæ.

Uterus divisus erat in 2. cornua, non secus ac in aliis brutis. Interius habebat magnam copiam eminentiarum papilliformium 7. vel 8. in singulo cornu, & ad internum uteri orificium aderat caruncula interius, quæ tegebat illud.

Aderant & duo ampla vasa, quæ pergebant ad mammas. Vena, quæ erat amplior arteria, directè tendens ad papillam, semper æquè magna, & subito disparsens, nec dimittens ullos insignes ramos. Arteria decurrebat

deorsum versus sacculum, qui est prope papillam, ubi dividebatur in V. vel IV. ramos, instar pedis anserini.

Pulmo habebat IV. lobos ad dextrum latus, & 2. ad sinistrum. In quadam Gazellarum erant omnes sibi invicem firmiter annexi, & ad costas, & ad diaphragma, ad quod hepatis tam arctè adnatum erat, ut ipsius parenchyma citius disrumperetur, quam separaretur.

In hoc subjecto vena azygos erat adeo ampla ac vena cava.

Omnes nostræ Gazellæ habebant cor longum & acuminatum: Erat autem, ubi amplissimum, 4. uncias longum cum dimidia, & 2. uncias cum dimidia latum. Ventriculi cordis illius animalis, (quod ob armum contusum mortuum fuerat,) maxima ex parte repleti erant dura & solida carne, quæ erat corpus validum & separatum à reliqua cordis substantia & ejusdem vasorum. Pericardium erat immediatè Sterno annexum & diaphragmati per duo valida ligamenta. Apex cordis conversus erat versus cartilaginem Xiphoidem. Cerebrum habebat paucos anfractus, & facile findebatur & in 2. partes dividebatur, in loco, quo falx sita est. Duo superiores ventriculi aperiebantur & hiabant in se invicem in anteriore parte septi lucidi, ferè ad duas tertias partes lineæ in latitudine.

Bulbus oculi, qui erat valde amplus, cum unciam diametro æquaret, rectus erat palpebra interiore. Cornea tunica erat ovalis. Uvea gaudebat viridi perlaceo colore; & retina erat hic loci decussata ramo venæ cujusdam, quæ projiciebat aliquot ramos, & plena sanguine nigricante videbatur. Ramus erat ferè magnitudinis majoris aciculi & assequebatur crassitudinem tunicæ retinæ.

EXPLICATIO FIGURARUM.

TAB. XIX.

IN FIG. INFERIORI

Descriptum animal lineis nigricantibus colorem ferinum in dorso à colore albicante ventris distinguendis caret, genuaque pedum anteriorum pilis destituta sunt, utpote quæ particularia erant quatuor illis Gazellis, quas secimus. Unum quoque erat, nempe mas, in quo cornua magis versus dorsum reflectebantur, quam in hoc observatur.

IN FIG. SUPERIORI

- A. est Oesophagus.
- B. media Ventriculi tunica.
- C. Ejusdem tunica interna.
- D. Membrana hac separata, ut pars substrata detegatur.
- E. Valvula secundum ventriculum claudens.
- F. Prior pars secundi ventriculi.
- G. Sinister pars secundi ventriculi.

H. *Saccus ventriculi secundi.*I. *Pylorus.*K. K. *Gibbosa hepatis pars.*L. L. *Ejusdem lobus dexter.*M. M. *Sinister.*N. *Lobulus in medio.*O. *Vesicula fellea.*P. *Duodenum.*Q. *Pylorus.*R. *Externa Ventriculi superficies.*S. *Lien.*T. *Duo vasa lymphatica.*V. V. *Renes.*X. *Tunica B. portio microscopio inspecta.*Y. *Portio membrana C. similiter per microscopium inspecta.*s. *Ultimum Sterni Officulum.*W. *Cartilago Xiphoides.*Z. *Unus è pedibus.*

SECTIO XIX.

DESCRIPTIO ANATOMICA
CAPREOLI*è Marci Aur. Severini Zootomia*

pag. 302.

IN pede Capreoli observata hæc sunt: Constat capreoli pes totus 9. ossibus: Unum longissimum; alterum quadrangulum; tertium sub plicatura oblongum, ut pollex; atque ambo hærent supremo capiti ossis maximi. Infimo capiri subjecta alia duo, quibus articulantur, & alia duo omnium infima; denique alia duo sesamoidea.

Capreolo prominulæ sub guttur ex-

ternum glandulæ; coryli vel pineæ fructibus prolixiores, quas fulcit intro exporrecta quædam cartilago teres & tenuis, quæ oritur à glandiformi quadam substantia.

Collum circumvolutum in caprino genere insigniter flexuosum. In genitali ductus ligamento intermedius secreta vena.

SECTIO XX.

ANATOMIE

CAPREOLI MOSCHIFERI

D. Lucæ Schræckii,

Ex Ejusdem Historia Moschi cap. 10. pag. 47.

OB raritatem & defectum ipsius animalis folliculi moschiferi ex eo petiti sectionem & accuratorem inspectionem instituit Autor; adeoque abrasis & abscissis primo exterioribus pilis, ne tædium quæcunque remoramque sectionis adferrent, aut foramina sub eis latentia oculis eriperent, mox sub eminentia illa acuta

foramen sic satis amplum Lunæ falcatæ forma se obtulit, ipsam in folliculi cavitatem oblique anteriora versus penetrans. Quin & ipsa eminentia sive fastigium non solidum (quod & Cl. *Segerus* cavum esse pronunciat, dum moscho exitum præbere adstruit) sed meatu aliquo (in cujus extremitatem pili, setarum fere instar duri, implantantur, caput rufum,

rufum, à moscho ex vicino meatu exstillante ita fortasse tinctum, reliqua eorum parte intus latente albida, exferentes, suaque protuberantia fastigium illud imprimis representantes) prædita itidem comparuit, cui immissus stylus per folliculi dorsum promte subiit, ad oppositam usque partem, ubi abscissus ille, dum nempe folliculus ab animali olim auferebatur, ulteriorem sui inquisitionem, & ubi tandem in corpore terminetur, denegavit.

Hisce incitatus Folliculi pellem internam, eo latere, quo abdomen respicit, glabram, quo vero cum pellicula mox describenda jungitur, rugosam circumcirca abstulit & mox pelliculam quandam fuscam in ipsius folliculi mediam cavitatem propagines quasdam emittentem, imo in Moschi etiam ipsius substantiam immersam, prout & per foramen falciforme sive semilunare extra utriculum protensam, cæterum à subjacentis membranæ nervosæ rugis pariter in rugas contractam, facili tamen opera ab eadem abscedentem, atque licet per se admodum tenuem, diligenti tamen manu in quatuor alias tenuissimas membranulas haud difficulter divisibilem atque moschum undique ambiente & ceu in sacculo eundem continente deprehendit ac separavit. Quæ natura sua quidem albicans est & argenteo quodam nitore resplendet, eo tamen latere, quo moschum proxime ambit, fusco colore tingitur; cujus lacinias Mercatores moscho commixtas sæpe vendere solent, in Moschi electi & follicularii substantia promptè deprehendendas. Quam itaque magni ut faceret *Fallopius*, satis causæ habuit, hunc in modum scribens: Ex his vesiculis aliquæ sunt ita vetustæ, ut nullum odorem servant: aliquæ odoratæ sunt & recentes, & sunt illæ, in quibus adest folliculus & membranula, ubi continebatur moschus. Ideo videte quando emitis: Scalpite digito, si adest pellicula, ematis: Sin minus, linquite, quia odorem amittit citius; non ergo negligatis pelliculam internam. Revera enim major folliculorum fragrantia membranulæ illi à moschato humore tinctæ debetur; diutius etiam ideo in eis persistens, cum ista ablata, cæteris dein folliculi in partibus citius avolet, utpote non ipsa Moschi crassiori ac durabiliori substantia imbutis, sed odoratis tantum quibusdam tenuioribus atomis, quas exhalantes in se

receperant, imprægnatæ, quibus avolantibus minus delectabilis odor & folliculo ac pelli naturalis remanet. Atque illa ipsa pellicula in causa fuisse dicitur, ut *Fallopius* folliculum moschatum tumorum tunicarum, sive qui in folliculo aliquo membranoso saniem instar lardi &c. continent, familiæ, quamvis minus bene, ut supra ostendit, infereret. Sed ad cavitatem receptaculi hujus potius revertitur.

In qua circa orificium meatus prædicti moschiferi tenuissimis satisque longis rufescentibus pilis munitum, glandularum (forte liquorem serosum ad humoris moschati, natura crassioris, dilutionem exstillantium) manipulus, in quas radices pilorum istorum implantari videtur, oculis sese objicit, latentes tamen alia sub membrana, quæ nempe sub illa tenui situm nacta, nervosa magis & crassa, in plurimas etiam fibrosas particulas, aliarum quarundam in modum, cultro separabilis & ipsius cutis propago existit, utpote à qua eandem separare non potuit; unde hæc cutis duplicatura glandulas modo dictas ductumque mox describendum & musculum, ceu in sacculo quodam completitur.

Sub hac itaque carnosæ aliqua & vere musculosa substantia circularibus suis fibris, oculorum judicium si non fefellerit, utrumque meatum incingens, cæterum crassa admodum & valida, cutique arctè adhærens, cujus carnosæ fibræ exsiccatis, membranosis tamen non omnino exclusis, folliculi ipsius soliditatem & renitentiam adscribit. Musculum autem hunc succi imprimis moschati retentioni inservire, verosimile est, quem Natura hoc artificio à continuo effluxu coercere voluit; non secus ac in s. h. notioribus intestinorum & vesicæ excrementis, quæ justo tantum tempore evacuari expediebat, simili ratione prospexerat.

Incumbit eidem canalis ille supradictus, in superiorem eminentiam foramine oblongo exitum habens, qui pro corpusculi follicularii parvitate latus admodum & amplius recto itinere per dorsum ejus decurrit, crassus satis & membranosus, dissectusque plicis eleganter instructus & in extremitate circa pilorum radices glandulis aliquot conspicuus, in quo humoris nihil reperiit unquam, licet vehendo & excernendo alicui succo inservire, situs ejusdem

& cavitas abunde confirmet; quem vero à succo moschato esse diversum exinde conjicio, quod nec odore admodum moschato, nec colore citrino aut fusco sit imbutus, nec etiam in ipsam folliculi cavitatem abeat; cujus tamen humor ille sit naturæ, me omnino fugit, cum & canaliculi ipsius ortus sive principium, longius nempe à folliculo locatum, me lateat. Unde inanibus

conjecturis Lectoris benignitatem dum onerare nolo, ista nude recensuisse sufficiet.

De vasis sanguiferis, quorum multa sparsim in folliculo occurrunt, nihil dico, cum eorum ortus me lateat. Unicum, quod canaliculi dicti latus utrumque stipat, magnitudine sua spectabile & ad musculosam carnem progrediens nominasse satis erat.

EXPLICATIO FIGURARUM TAB. XX.

In Basi sistitur animal moschiferum, juxta cutim penes pelliones inventam.

IN PARTE SUPERIORI

FIG. 1.

Folliculum moschiferum præbet.

- Lit. a. Locum orificii moschiferi denotat.
b. Orificium canalisi longa.
c. Ejusdem partem detruncatam.
d. Pilos à circumferentia centro incumbentes tenuiores.
e. Pilos crassiores limbo inhærentes.

FIG. 2.

Pelliculas in folliculo moschifero depingit.

FIG. 3.

Exhibet folliculi faciem internam, adempta pellicula fusca moschata intima, ubi

- Lit. a. Meatum moschiferum aliquantulum ampliatum.
c. Canalem longum in situ naturali, sed dissectum.
d. ejusdem orificium cum glandulis instructis.

Lit. e. vasa sanguifera insigniora juxta eum.

f. musculum circularem.

g. Cutaneam substantiam designant.

FIG. 4.

Pilum animalis illius crispum exhibet, in quo

- Lit. a. cavitatem in eo designat, reliquis pilis partibus
b. b. medulla fungosa expletis.

FIG. 5.

Pili cavi particulam dissectam & quidem

- Lit. a. eandem nudis oculis contemplatam.
b. per microscopium observatam ejus foraminulentam & reticularem texturam denotat.

FIG. 6.

Folliculi faciem externam sistit, derafis tamen nonnihil circa orificia meatuum, evulsis è canali prominentibus & reliquis etiam abscissis pilis, in qua

- Lit. a. meatus moschiferi orificium semitundum apertum.
b. orificium canalisi longi, labiis tamen ejusdem deductis ostendit.



Fig. i



Fig. ii TAB. xx



Fig. v




Fig. iii




Fig. iv



Fig. vii



Fig. vi



SECTIO XXI. DESCRIPTIO ANATOMICA RUPICAPRÆ

Dn. D. Joh. Jacobi Harderi,

è Miscell. S. R. I. Acad. Nat. Cur. Dec. II. Ann. I.
in Append.

De Rupicapris, animalibus sylvestribus, plures scripserunt Medici & Historici, nullus tamen, quantum mihi quidem scire datum est, earum interanea plene exposuit, quin aliqui circa vocis etymologiam, variasque hujus species enodandas maximam partem sunt occupati, omittis iis, quæ rei Medicæ addictis, & curiosis omnibus lucem afferre, famemque sæpius auctam satiare possent. Sunt tamen, qui cum Veterum monumentis, tum propria diligentia adjuti ac investigandi industria incitati, in cornigeri hujus naturam, mores, domicilium, cibum, usumque varium, quem corpori humano præstare comperitum est, studiose inquisiverunt, uti ex *Gesnero* & *Aldrovand. l. 1. de Quadrupedibus* prolixius haurire licet. Ex Recentioribus Beatus *Velschius*, Academia nostræ Nestor, Vir Celeberrimus, in Tr. de *Ægagropilis*, (quarum occasione de Rupicapris erudite etiam quædam inseruit Dissertationibus suis) æternam sibi famam comparavit, adeo ut labor frustaneus videri possit, post Homerum hunc Iliada velle scribere: Ast quum ipsa veritas aliorum etiam fide ac autopsya confirmari desideret, quo triumpho nobilioris omnes habere possit spectatores & fautores, male me non acturum speravi, si ea, quæ cum Velschianis experimentis longè accuratissimis consentanea, tum ab aliis hætenus vel non animadversa, aut saltem publico non prodita, deprehendi, heic in chartam conjicerem, inprimis quod Tuæ exhortationi parere, Amicorumque dubiis, quantum quidem pro tenuitate mea licet, satisfacere æquum est; Et quidem animus heic non est Caprarum sylvestrium plurimas similitudines enodare, aut rupicaprarum synonymias, vel differentes Autorum sententias excutere, quæ singula, pro summa, qua emicuit ingenii acie, in supra citat. opusc. feliciter ille peregit. Sufficit heic monuisse Rupicaprae vocem in sensu paulo strictiori me sumere, quam *Scaligerum* fecisse video, *Exercit. 207.* qui Ibicem & Capream illius species facit, à *Plinio* inter Caprarum genera,

cum illa recensita, ut & *Oryge*, *dama*, *pygargis* &c. quod ipsum *Gesnero* ansam dedisse arbitror c. l. eleganter multorum πολυονυμίων culpandi: Si accuratiores, inquit, singulorum descriptiones haberemus, minus molestum esset singulis convenientia nomina inde re: Hac autem deficiente multa ex his nominibus non intelliguntur, vel confunduntur, vel aliena interpretatione obscurantur: Mihi Rupicapra αἰγαγρος est *Oppiani*, qui lib. 2. Κυνήγει. p. 16. Edit. Paris. ita:

Ἀιγῶν δ' αὖτε πέλει, προβάτων τε, πανάγρια
φύλο,

Ἵου πολλὸν τέτων ὄων, λασίων τε χιμαῖρων
Μείζονες, ἀλλὰ θείην κραίπνοι, θενάροι τε μά-
χεσθαι

Στεπτοῖσιν κεφαλῇφι κορυσσόμενοι κεράεσσι.

Est agreste genus caprarum oviumque ferarum

Non multo nostris ovibus caprisque petulcis

Aspectu referens majorem corpore formam:

Sed multo levius celeres rapiuntur in aurar,

Pugnasque armata reflexis cornibus acres,

Miscent terribiles.

Ubi non opus esse autumo diu dubitare, num reapse rupicapras intellectas velit, an strepsicerotem, siquidem de cornibus reflexis sermo ei sit, quæ isti non competunt; & postquam in antecedentibus de eurycerote, dama, bubalo, doreade, multum differuisset, post de ægagro dicere incipiat, seu rupicapra nostra, majorisque declarationis ergo statim subnectat:

Ἀιγαγροῖς δὲ τις ἐστὶ δι' αὐτῶν αὐλὸς ὀδόντων
λεπταλέης πνοιῆς κέραων μέσον, ἐνθεν τῶν ἱ-
πειτα

Ἀυτὴν εἰς κραδίην, καὶ πνεύμονας ἐνθὺς ἱκάνει

*Est autem capris agrestibus ore foramen,
Angustum, medios per dentes cornua versum
Pervadens flexis anfractibus intima cordis.*

Quæ quî in rupicapras quadrent, mox explicare conabor: sitne autem hæc *Æliani* κεμάς, quam l. 14. c. 14. δραμῆν ὠκίστην θυέλλης δέκην, ἰδεῖν δὲ ἄρα πυρρόθριχα καὶ λασιωτάτην, instar turbinis cursus esse citissimi, quoad speciem vero pilis rufis & perquam hirsutam ait, equidem ignoro: Utrique saltem magna est pilorum affinitas, quæ forte etiam Celeberrim. *Bochard.* movit, ut κεμάδα pro *Plinii* Rupicapra sumeret in *Hierozoico* p. m. 912. l. III. Sed propius ad externam hujus animalis faciem delineandam accedo: Rupicapras tres cultro subjeci, mares duos, & femellam unam, quarum hæc, cum mare, ansam dederunt in thermis Leucensibus, partes genitales præcipue examinandi, utpote cæteris visceribus jam destitutæ: mas vero alter nupero demum Julio, in thermis Favariensibus, ubi Vener. Domini Parentis mei curæ itidem vacavi, curiositatem meam magis explevit, utpote quem nondum exenteratum per venatorem Reverendiss. Abbatis Favar. sex à thermis leucis apportari curavi, cum olim Nobiliss. *Pythagoras* noster, de ventriculorum pluralitate, à me quædam edoceri cupierit, egoque quoad ægagropilas, de quibus ante sermonem nonnullum cum Excell. *Celfo* habui, plura scire desiderarim. Capræ hæc agrestes singulæ magnitudine & figura villaticas nostrates optimè referunt, cornibus instructa nigricantibus, aduncis & sub finem sui non parum incurvatis: ab exortu horum ad usque medietatem evidentes sunt plurimi nodosi circuli, quibus exasperantur; quos excipiunt minores aliquot, minus conspicui, in unco nullis plane existentibus. Cæterum duplicem substantiam reapse videndam exhibent, unam exteriorem corticalem, ligneam quasi, quæ se rursus dividit in corticem exteriorem & interiorem, quorum uterque nigricat: alteram interiorem ossream, albicantem, cranii substantiæ congenerem, quæ solida admodum est & compacta, neutiquam pervia, minus cava. Color his fuit inter fuscum & rufum; albas tamen nigrasque distinctis coloribus dari *Albertus* affirmat, cujus autopsiæ ego nihil detraham, cum *Philosophus lib. de color.* καὶ λευκὸς δὴποτε πέφινε καὶ ἐλαφὸς καὶ ἄρκτος: album quandoque visum esse & cervum & ursum, asserere ausit: Aures oblongæ, pedesque ut in animantibus aliis bisulci, cauda latiuscula. Ex quibus patet, male rupicapris (voce pressè sumpta) accenseri capream unicornem, cujus mentionem injicit præf. *Bochard.* p. 967. & *Eustath.* *Antiochenus*, utpote quæ orygem *Plin.* & *Aristot.* magis æmulatur; ita enim hic l. 2. *hist. Animal.* Μονόκερατα δὲ καὶ μώνυχα, ἑλίγα, οἷον ὁ ἰνδικὸς ὄνος μονόκερος: Μονόκερων δὲ καὶ διχίλος ὄρυξ. Gui non contrariatur *Oppian.* l. 2. *Cyneg.* p. 18.

Ἐστὶ δὲ τις δρυμοῖσε παρέσιος ὄξυκερος θῆρ.
Ἀγριόθυμος ὄρυξ, κρυερὸς θήρεσσι μάλιστα.

Est etiam fera, quæ sylvas perlustrat opacas, cornu acuto, oryx, feris maxime horrendus: tum etiam errasse illos, qui cornibus spirare ægagros scripserunt, è quorum censu *Oppianum* esse volunt *supr. citat. lib.* canentem:

Ἐστὶ δὲ τις αἰγάγρος κηρὸν κέρασιν περιχένοι
ζωῆς ἐξέκλεισεν ὁδὸς, πνοῆς τε διαύλης

Quæ *Bodin.* ita reddidit:

*Quod si quis fusa sensim per cornua cera
Intercludat inane, citò restinxerit auras
Vitales, animamque, & respiracula cordis.*

Mihi vero dubium uterque videtur esse, per τὸ κηρὸν κέρασι περιχεύειν intelligendam esse ceræ in ipsa cornua injectionem, partim quod in præcedentibus foraminis meminit κερῶν μέσῃ quod ego inter cornua interpretor, partim quod juxta cornuum soliditatem ultimum rupicapræ examen me docuit, post cornua duo adesse foraminula patentia, quibus aërem haurire venator alique confirmarunt: quod primo intuitu mihi absurdum videbatur, cum sub foramine statim cranium delituerit, ductusque patentes alios invenire non licuerit: post autem fidem aliquam ipsi adhibere fecit & naturæ solertia, quæ animali isti, in summis alpibus degenti, viis hisce non frustra prospexit: & gratissimæ *Pythagoræ* nostri, quem super hac re primum consului, Amici verè fraterni, literæ; ita autem ille die 10. *August.* labentis hujus *An.* 1682:

Quæ de rupicapris notas, omnino sunt memoratu dignissima, nec tamen nova: Nam & *Oppianus* pridem ita cecinit *Cyneg.* l. 2. 339.

Αἰγάγροις δὲ τις ἐστὶ, δι' αὐτῶν αὐλὸς ὀδόντων.

Quibus ego quidem non potui non acquiescere, utpote exinde edoctus veteres plurimorum notitia non merè superficialia imbutos fuisse: scrupulus tamen animo hæsit adhuc, quem ob finem ulteriori aëris meatu animantia ista indigeant; unde die 25. *August.* seq. reposui: Locus, quem ex *Oppiano* tuis inseruisti, evidenter & inventum meum confirmat, & cercas injectiones veteribus notas fuisse monstrat. Illud autem mirari subit etiamnum, quare natura alia foramina pro aëre transmittendo huic quadrupedi insuper pararit, iisdem aliàs, quoad structuram, partibus pnevmonicis cum capris villaticis donato: nam quod locos excelsissimos scandunt & inhabitant, majori pabuli nitro aëri copie indigere dicendum est? hæreo: cum oves sylvestres, de quibus idem *Oppianus*, sedes eadem petant & (uti canit ipse) celeres rapiantur in auras. Ad quæ erudite rursus die 29. ejusdem Mens. respondit Amicissimus vir: uti ex eruditis ejus meletematibus, *Ephemeridibus*

dibus nostris itidem insertis, videre licebit. His non ingratum fore auguror, si quæ venerand. *Carol Sponius*, Medic. Lugdun. Celeberrimus ad me Kal. Novembr. St. N. dedit, adjecero: Quod te (inquit) à Pythagora nostro monitum scribis de miro foraminum pone ægagrocærata usu, juxta eximium Poëtam: Fortassis hoc ipso incitare ac allectare te voluit, ut rationem hujusce eventus singulari tua sagacitate investigares. Ego, ut quod sentio super hoc negotio libere dicam, nullus dubito; quin foramina ista hoc in animali, officia sint, in respirandi usum, à natura τῆς δαίμονος constructa, ut per hæc ipsa perque meatum ab ea parte palatum usque fistulæ instar pertinentem, aër facilius, uberius, tum attrahi, tum cum fuliginibus expelli possit, tanquam per idonea fumaria, in animali, pernicibus cursibus, saltibus & acclivium præruptorumque locorum scansionibus, per totum fere vitæ curriculum indulturo: præcipue quum venatorum (uti sæpe fit) incursum premitur, ac infestatur. Et certo memini, Naturæ scribam *Plinium c. 50. l. 8.* nec non ipso vetustiore *Varronem c. 3. l. 2. R. R.* ex Archelai auctoritate notasse, Capras auribus spirare, non naribus, quemadmodum & ab *Alcmaone* proditum fuisse memorat Philosophus, *c. 11. l. 1 de Hist. anim.* Quanquam naribus istiusmodi feras eodem tempore non respirare, absurdum putem: Utraque enim parte καὶ διὰ τῶν αὐτῶν καὶ διὰ τῶν μυκτῆρων omnino respirant, teste *Æliano περὶ ζῴων ἰδιότη. l. 1. c. 53.* modo aurium vocabulo foramina supradicta ponè cornua sita intelligantur, ut certe intelligi debent. Adeo ut abunde isthinc constet pnevmonica esse hæc organa, de quibus veteres paulo obscurius, si non omnes, plerique saltem locuti fuerint: rimari tamen oportebit ulterius, distinctam foraminum horum terminationem, quoties ansam vel alii, vel ego nacti fuerimus. Illud etiam de cornibus addendum, non inanem, uti quidem aliqui autumant, vel levem esse illorum usum; propterea enim, quod ad multam defensionem adhiberi nequeunt, inutilia non sunt, quod *Aristot. l. 3. hist. animal. cap. 2.* de bubalis capreisque præcociter asseruisse videtur, cum vel nostrates iis contraniti certum sit, utpote injuriam iis propellere assuetæ; neque penitus rejiciendum, quod *Scaliger præfat. Exercit.* habet: Capræ (sic illas vocat) ibice longe minores sunt. Mira earum comparata nobis prudentia, ubi errabundæ quærunt novas sedes aut pastum, perspecta proxima rupe, projecto pede sæpe periclitantur ejus fidem, nempe mobilisne sit, an fortasse lubrica.

Ajunt cornuum mucronibus (qui satis acuti sunt) tergum scabere: Ex ea scalburitione,

quæ pernicies evenerit, opus est cognoscere. Creditum est tanta illas illo in pruritu perfundi voluptate, ut extremum cornu vestigium in corium eousque adigatur, unde retrahi nequeat, quod ultimum penes autores ego reliquero, de priori neutiquam dubitans: quinimo extra omnem controversiæ alam positum non videtur, quod *Gesnerus* negat contra *Albertum & Isidorum*, qui cornibus de rupe se quasi suspendere ajunt, cum ad istud cornua apta habeant; unde & *Martialis* de Caprea *l. 13. epigr. 93.*

*Pendentem summa capream de Rupe videbis
Casuram speres, decipit illa canes.*

At satis de externa quadrupedis istius facie lallasse mihi videor, quam succinctè describere tantisper necesse duxi, ne aliis impostor audirem; de interaneis delineandis jam ero sollicitus. Abdomen refferatum epiploo superbit pingui admodum, cujus ductus adiposi, luci quum obverteretur, egregiè conspiciebantur; hoc remoto in hypochondrio dextro emicuit hepar, rubore suavi loborum suorum visum reficiens, in cujus cavo vesicula fellis delituit, suis ductibus versus intestinum duodenum vergens, qua destituuntur, si *Aristot.* Illustri Peripateticorum Dictatori credimus, cervus & dama, uti colligere est ex *l. 2. hist. animal. c. XV.* cujus rei fides sit penes ipsum: difficile enim credere est utcunque, balsamico hoc succo, quo insecta etiam, maxima saltem, quod sciam, ex parte, donantur, ruminantia ista destitui: hinc tertius & quartus ventriculus prominebant, quorum ille, prout in hircorum nostratium anatome olim animadverti, folia seu cellulas habebat serratas, hærentibus inter interstitia alimenti reliquiis penitus exuccis: hic vero membranis foliaceis undique ambiëbatur, conspiciis inter interstitia hinc inde plexibus glandulosis: Ille insuper pilas exhibuit duas minores, necdum cortice obductas, virides, fragmenta stirpium comestorum referentes, odoris summè fermentacei: de quibus aliquid adhuc infra; sub finem hujus & initium duodeni valvula apposita fuit insignis, regurgitationem ex intestinis versus superiora impediens. Ventriculus imus, seu omasum, & secundus, seu reticulum ingestis pariter tursunt, formati cæterum ut hircini, de quibus *Exercit. 17. ad Pythag.* Oesophagus pariter oblongus fuit & angustus, fibrosus tamen & glandulosus: Intestinorum tenuium tractus multiplex fuit, isque tortuosus, quæ cum crassis undique connectebat mesenterium, glandulis scatens, maxime circa medietatem sui, subfufcis, molliculis: post colôn appendicem notavi oblongam, in qua glandula solitaria *Pejeri* hinc inde protuberabant.

In sinistro hypochondrio ventriculum secundum amplexabatur lien, orbicularis omnino figuræ: Renes bini, quibus superius appensi erant succenturiati, subpingues intus & cavi, cum suis ureteribus ad vesicam pergebant: pone cujus collum vesiculæ seminales propendebant, aliquot uncias à prostaticis duriusculis & in juvenulo hoc capro parvulis adhuc distantes, ductibusque propriis in urethram tendentes, quos etiam in tauro ibidem loci distincte ostendi. Reliqua, quæ de prostaticis & utero hujus animantis animadverti, inserta sunt *Exercit. IV. & XII. ad Pythag.*

Medius venter cor ostendit majusculum, pericardio obvallatum, cum suis vasis, & pulmones, quorum vesiculæ, cum sanguine fere exhausti fuerint, eleganter admodum videri poterant; de horum structura, aliarumque partium, prolixior esse nolo, cum *Exercitativiss. Malpighius* & alii illam erudite enuclearint: Illud dixisse sufficiat, ex ventriculorum pluralitate, quibus quadrupes istud gaudet, patescere, ruminantium perfectorum numero illud utique accensendum esse, etiam si, quæ ruminatio absolvatur, jam declarare non instituerim, cum quicquid hujus est operæ, feliciter ac ingeniose *Nobiliss. Pythagoram* nostrum absoluturum, & *Erudito Orbi* aliquando exsoluturum sciam. Evidens est juxta ægagropilarum ex fragmentis comestorum compositio, de quarum generatione sagacissime differuisse constat *Excellentiss. Velschium*, cujus inventis parum omnino est quod potest addi, multum tamen, ubi majorem fidem ipsis hoc modo accersi videbimus.

Antequam autem de ipsarum natalibus plura fari incipiam, prius substantiam formamque earum delineabo, quas in ventriculo cellulato, torcularis vices sustinente, reperisse me superius memini; sunt autem quoad substantiam solidiusculæ, subrotundæ, colore virides, magnitudine globuli, ex innumeris fruticum, herbarumque subtilissime tritarum fibrillis secum invicem arctissimè involutis compactæ. Fibræ istæ ita implicatæ primæ pilæ stamina faciunt, primo generationis momento, sensimque adscitis aliis, quæ pariter implicantur, in corpus ovale, interdum oblongum ac quadratum, diversæ magnitudinis exsurgunt, & cortice quodam, qui in hisce evidentior est, vestiuntur: dico in hisce, scilicet pilis majoribus & magis absolutis; etenim non semper, aut saltem non æqualiter crescunt, nec cute perinde vestiuntur, sed ad sufficientem magnitudinem, quæ naturæ ut-cunque tolerabilis existit, semel evectæ, aliquo modo ab incremento sui ulteriore abstinere videntur, uti quidem in bulithis res evidentius ostendi potest, qui cortice nigricante

undiquaque secundum sui peripheriam obducuntur, relicto in parte superiore parvulo foramine, vel angulo, in quem quod pilorum accedet, adhuc recondi necesse habet, aut è ventriculo eliminari, ne novo ovo materia suppedietur: cujus veritatem haud parum me docuit bulithos insignis in omaso vaccæ ante biennium repertus à Ianio, mihiq; hinc dono datus: & confirmavit ægagropilus oblongus cute nigricante penitus obmunitus, quem ex *Nobiliss. Aretæi* nostri liberalitate possideo; neque forsan contraire potest pilarum diversa magnitudo, nî dicere malimus uno quasi ictu cute illas obtegi, quod autopsiæ non parum adversatur: imo & sanæ rationi; porro meæ circa basin suam ovalem quasi agglutinabantur cellulæ alterius ventriculi, & in peripheria majorem fibrillarum coagmentatarum firmitatem ostenderunt, reliquo ipsarum agmine, quod hisce parietibus ambiebatur, itidem artificiose compacto, nec dum absoluto (cujus etiam inæqualis in parte superiore conspicua cavitas indicium esse potest) existente, minusque retinente, quod ipsum succi, corticem naturaliter constituentis, præsentiam aliquam arguere mihi verisimile fit. De herbis, è quibus istis materia accedat, certi quid propalare non ausim, licet cum *Excell. Velschio* persuasum habeam, doronici solius ramenta illas non conficere. Adjungam aliquid de generationis modo, de multiplici illarum usu vicissim *Lectorem Laudatiss. Nestoris* ad meletemata remittens. Ægagropilas per coagulationem potissimum progigni ille statuit *pag. 22.* dum ait: *Quanquam vero ægagropilas fibrarum & succi plantarum nondum perfecte resoluti coagmenta verius statuerimus, haud parum tamen & aphronitri alpini & salis petrosi metallici ac arenarii linctum ad coagulationem acidi spirituosius fermenti in ventriculo facere monebamus:* quæ sententia, ubi acidi spirituosius existentia, (quam ab adversariorum injuriis salvam facere prudenter studuit,) & perversio ejusdem vel defectus substituerint, plausibilis satis est: mihi vero, qui fermentum spirituosius subacidum in *prod. Physiol.* pro ciborum dissolutione gnaviter, ex aliorum meaque hypothesei adstuxi, etiam citra hujus incommoda, ipsarum ortus si non evidenter demonstrari, saltem adumbrari posse videtur: videlicet si dicamus, ægagropilas illis potissimum in ventriculis progenerari, in quibus fibrillæ seu fragmenta plantarum minutissima facile hærent, & hinc temporis tractu, accedentibus aliis, sibi invicem magis magisque implicantur, ac fibrarum matricium ope, quæ in ruminantibus suas partes egregie fulciunt, tandem in corpus rotundum, nunc ovale magis, nunc oblongum excrescunt, quod singulari naturæ providentia ipsius animantis bono ita com-

compingitur, ne detrimentum gravius ventriculi parietes inde accipiant, & muco insuper viscido (cui partes salinas inesse non negarim) oblinitur, corticem dehinc constituyente: Sententiam istam verisimilem si reddere nequeat bulithi ex pilis deglutitis, nec tamen ita facile coagulabilibus, generatio, confirmabunt, ut spero, tum loculi ventriculorum, in quibus reperiri consueverunt, 1. videl. 2. & interdum tertii, idoneam, structuræ peculiari ratione denticulatæ & serratæ, sedem subministrantes, acidique fontes, hæcenus saltem, minus decantati: tum, quod grana quæpiam salis splendentis aut coagulati in omnibus non conspiciuntur, sique deprehendantur, magis de aphronitri ab acido, quam fibrarum coagmentatarum coagulatione testentur; reapse enim acidum ventriculi rupicaprae peccans (ex hypothesi loquor) cum aphronitro coagulatum, pilæ coagulum producere amplius non censendum, licet particulæ quædam coagulatæ iisdem coagmenti involucris impactæ quandoque inveniantur; ut taceam nondum extra controversiæ aleam positum esse, nonnisi in statu morbofo illas scaturire ventriculi fermento (quod huiusmodi aciditate imprægnatum graviora adhuc produceret symptomata) à statu naturali multum recedente, siquidem vegetas ac robustas, quibus ne gry quidem, ex interaneorum saltem lustratione, deesse dici posset, pilas ejusmodi progenerasse constet: generatæ autem præternaturales fiunt, dispositionemque morbosam, præsertim ubi majus incrementum sumserint, tandem inducere possunt, cui naturam, cum levitate, qua corpus istud pollet, tum artificioso illius compigmento & munimine, obviam ire tantisper, ego sane arbirotur: accedit huc, quod, supposita nuda coagulatione, agagropili mobiles forent, (qui autem non sunt) & generationis primordia adepti, à natura eliminari possent ac de-

berent, ni inertia ipsam accusare velimus, quæ corpusculum fluctuans, animantis detrimento, non modo non ejiciat, sed ulteriorem alimoniam ipsi insuper suppeditet: eventu proin & antopsia contrarium testante. Satius erit dicere fibrillas istas solutas, in unius alteriusve ventriculi loculo implicari, ac implicatas hære, & quasi agglutinari; quam agglutinationem faciliorem & frequentiorē reddi aphronitri, aut salis petrosi lincti copia, in aliis magis, in aliis minus, siquis statuere volet, cum usque quaque ἀτόπον non sit, per me liberum esto; mihi ista tantisper delibasse sufficiet, dum cum Deo & otio meliora ac evidentiora edocear. In quarto ventriculo agagropilos conspectos fuisse æterna laude dignissimus *Velschius* commemorat, ex aliorum magis fide, quam propria antopsia, unde & infrequentes inibi eosdem pronuntiat: ego aliorum testimonia irrita non faciam, quin potius decenter veneror, avem tamen hanc raram illic loci videre gestirem; mirum enim utcunque, ubi plantarum prima resolutio, ardua & laboriosa peragitur, fibrillas non hæsisse, sed eo delatas esse, ubi succi expressi forte ulterior sit agitatio & elaboratio, adque partes intestinales immediata transmissio. De fermento quoque spirituosio ventriculi, quod nonnulli penitus exulare faciunt, quibus glandularum liquor spiritui animali pro vehiculo (quo tamen non indiget) tantum est, quædam adjungere possem, non tam defensus aciditatem talem, quam ipsi inesse plures perperam arbitrantur, quam liquorem glandularum stomachicarum, à meris spiritus nitrosi servitiis vindicaturus: Verum in immensum exeresceret epistola, quam his inclusam volo cancellis, pluraque essent alia, quæ supra enarratis adjici possent, à quibus tamen hac vice abstinere consultius duco, dum experimentis reiteratis mihi vel aliis plura dicendi occasio succresceret.

SECTIO XXII.

ANATOMIE

DAMÆ SEU RUPICAPRÆ

Parisiensium.

Rupicapra, quam describimus, quantenus capro major erat. Longiora habebat crura: pili è contra erant breviores. Longissimi, qui abdomen & coxas vestiebant, 4. uncias in dimidia non excedebant: in dorso erant longè breviores. Pili, qui dorsum & latera tege-

bant, duplicis erant generis: nam præter magnos, qui apparebant pilos, aderant & alii exiles, brevissimi & teneri, infernè reconditi circa radicem maximorum, non secus ac in Castore. Caput abdomen & crura solum magnos possidebant pilos. Ubi hi pili erant longiores, uti in summo capite, in collo, dorso,

dorso, lateribus & abdomine, parum erant crispatis, undulatique, uti in capris.

Jugum dorfi, summus ventriculi locus, fundus juguli, latera, vertex capitis, & exterius auricularum latus, coloris obscure minati. Ab auriculis ad nares similiter erat tractus ejusdem coloris, qui oculos circumdabat. Reliqui pili coloris absolute rubicundo albi erant.

Cauda tres uncias longitudine non excedebat. Auriculæ erant V. Interior ipsarum margo pilis albis vallatus erat. Reliqua auricularum pars erat glabra & obscure punice coloris.

Oculi erant magni. Idem habebant palpebram internam, quæ versus minorem oculorum canthum attracta rubraque erat. Ex hac forte ratione *Albertus* tradit, quod Rupicapra rubros habeat oculos. Palpebra superior, parum erat fissa per medium, uti in Lepore.

Cornua in anteriore superciliarum parte parum supra oculos prominebant. Color ipsorum erat niger. Eadem erant rotunda & circulatim striata, non vero cochleatim. *Oppianus* rupicapram appellat strepsiceros, h. e. animal cornibus inflexis. *Aldrovandus* & *Gesnerus* vocem istam æquivocam interpretantur & ex bono fundamento opinantur, quod *Oppianus* senserit hæc cornua esse flexa & incurvata retrorsum, non vero, ut in ove Cretica, quam *Bellonius* appellat strepsiceros. Et certè cornua rupicaprae nostræ retrorsum erant inflexa: sed quoniam erat juvenis, non erant illa adeo hamata & resima, ac sunt in ætate magis provectis, in quibus illa tantopere retrorsum incurvantur & adeo acuta fiunt, ut narratum sit, quod hæc animalia sibi cutem deglubant, dum sibi ipsis impedimento sunt; & quod quandoque accidat, ut illa ibi remaneant tam intricata, ut animal illa retrahere nequeat: ex qua causa animal fame pereat necesse est. Similiter narratum est, quod hi unci inserviant animali ad se suspendendum, dum ex summis rupibus ruit, in quibus libenter discurret.

Dubitatur, an Dama Gall. *Chamois* sit illud animal, quod *Plinius* appellat rupicapram, vel an sit caprea; nam *Plinius* asserit, quod sint 2. caprorum sylvestrium species. *Jonston* censet, quod caprea *Plinii* sit Cheurevil Gallorum. *Scaliger* judicat, quod caprea sit Chamois, & quod Cheurevil sit capreolus, quem *Votto Columellam* explicans à Caprea non distinguit: uti nec *Aldrovandus*, dum dicit, quod caprea Gallis vocetur cheurevil. Ut adeoque rupicapra juxta *Scaligerum* sit genus capreae & ibici commune. Probabile tamen est, quod antiquo-


rum rupicapra sit noster chamois, quoniam *Plinius* asserit, quod rupicapra differat à dama in eo, quod habeat cornua retrorsum inflexa, & quod Dama, quæ est aliud animal, quam noster *Doe*, habeat eadem antrorsum inflexa. Idem præterea narrat, quod caprea ramosis gaudeat cornubus, quod in cheurevil sic se habet. *Bellonius* tradit, quod Gallorum chamois à Græco vocabulo *Kemas* nomen trahat: ast descriptio *Kemæ*, quam *Ælianus* tradit, ostendit, quod à chamois plane differat; inter alia enim dicit, quod *Kemas* possideat cornua antrorsum incurva. Idem similiter tradit, quod auriculas pilis prædensis instructas habeat, quod in nostro chamois nonprehenditur, uti modo annotatum est. Adeoque *Scaliger*, dum jure conqueritur de parva cura, quam veteres adhibuerunt in describendis & rite distinguendis animalibus, per propria ipsius nomina, ipse multum omnino adauxit confusionem, quæ hodierno temporeprehenditur in nominibus universi caprini generis, ex quo rupicapra s. chamois nostra est. Nam præter confusionem, quam inter capream & rupicapram facit, similiter *Aldrovandus* & *Gesnero* occasionem dedit putandi, quod *Kemas*, quem ipse pro chamois Gallorum habet, iisdem Gallis vocetur Faon; & hic error *Scaligeri* ortus est exinde quod non distinxerit inter *Kemas*, uti communis ipsius notat & popularis acceptio, & inter *Kemas* Poetarum: nam quoad primum, revera significat nostrum Faon s. hinnulum cervinum &c. *Kemas* enim descendit από τῆ κοιμάω, quod dormire significat, aut decumbere, quoniam hinnuli s. fœtus ferarum cavernis & spelæis suis egredi vix conantur, in quibus proinde ordinarie decumbunt: ast quoad alteram significationem, quæ Poetis propria est, uti *Ælianus* refert, significat *Kemas* animal plane diversum ab hinnulis ferarum, cervarum, aliorumque animalium, qui Gallis vocantur vulgo *Faon*.

Rupicapra itaque nostra habebat incisores tantum in inferiore maxilla, instar aliorum animalium ruminantium. Illi erant numero 8. inæqualis magnitudinis: nam medii magna ex parte erant lateralibus longiores, qui illos Gazellæ hac in parte referebant.

Pedes erant fissi, & subtus cavi, nec, uti in Gazella, carne appleti; Caro enim ad interiora retracta erat, ut adeoque quævis ungula solo vestigium instar equi imprimeret. Extremitas denique ungulæ, quæ solum effodit, erat acutissima.

Anterior epiploï pars sinistro lateri prioris ventriculi alligata erat. Inde ad dextrum

latus



latus transiens, tertio connectebatur. Ab hinc descendens inferiorem primi ventriculi partem subibat, & reascendens posterius fundo ventriculi prioris anneſcebatur; adeo ut hoc epiploon non intestinis superjaceret, uti alias communiter esse solet.

Ventriculi erant tres. Primus, qui erat maximus, ex 2. membranis compositus erat, quarum interior villosa ab exteriori altera facile separari poterat. Secundus, qui erat minimus, habebat plicas quasdam interne elevatas, quæ varias efformabant figuras, & quasi rete efficiebant. Tertius, qui erat mediocris magnitudinis, denticulatis gaudebat foliis, qualia in tertio Boum ventriculo conspiciuntur. *Bartholinus* in rupicapra, quam describit, invenit, quod duo orificia ventriculi, (nam de uno saltim loquitur) fuerint sibi invicem proxima; ast in nostro subiecto illa sat longe à se invicem distabant, uti icon illa exprimit. Tertius ventriculus insolitum corpus quoddam habebat, interiori ipsius membranæ annexum. Hoc corpus compositum erat ex dura membrana, cui sabulum inclusum detinebatur. *Gesnerus* asserit, quod rupicapra soleat sabulum deglutire, quo lingua & fauces suas purget, quæ communiter pituita s. phlegmate, appetitum ipsorum profligante, scateant. Præter hoc rarum corpus, quod naturaliter viscosum erat, aderat pila sc. seu corpus quoddam globosum, facile separabile. Figuræ illud erat ovalis, continens 13. lineas. Alterum ipsius extremum erat quasi reſectum, & hæc scissura simplici per medium suum gaudebat cavitate. Hæc pila coloris obscure olivacei erat. *Velschius* in tractatu suo de *Ægagropilis*, seu pilis, qui in ventriculis rupicaprarum reperiuntur, vocat ipsum Bezoardicum lapidem Germanicum. *Cardanus* eandem appellat ovum vaccinum, forte quoniam hæ pilæ interdum in ventriculis juvencarum * inveniuntur, uti *Plinius* observavit. *Bartholinus* tradit, quod in Dania equorum & ovium ventriculis familiares sint. Hic author opinatur, quod hæ pilæ oriantur vel ex pilis, quos vaccæ, dum seipsas lambunt, deglutiant, vel ex lana, quam oves ab invicem inter se devorent, cum per montes nive obſitos hyeme tranſeant, in quibus nullum gramen reperire possunt.

Pila illa, quam nos reperiebamus, non videbatur ex pilis conflata, sed potius ex fibris lignosis: quod cognoscebatur ex inæqualitate harum fibrarum, quæ non ejusdem erant molis, nec uniformis figuræ, uti alias si ex pilis constaret, necessarium fuisset. Præterea considerandum, quod hæ pilæ & in

ventriculis equorum inveniantur, qui non sunt è natura & familia animalium seipsa lambentium, in quibus proinde ex alia re quam pilis necessario constare patet. Propterea maxima pars Scriptorum, & inter alios præcipui *Camerarius* & *Gesnerus*, opinantur, quod hæ pilæ constent ex reliquiis plantarum, quas animalia hæc devoraverunt, quarum nempe duriores fibræ non concoctæ remanserint. Porro iidem asserunt, quod hæ fibræ sint ex herba *Doronici*, quod quidam pro specie aconiti habent: nam quamvis *Doronici* folia sint tenera & mollia, eadem tamen nervosis quibusdam donata sunt fibris, fermè instar foliorum plantaginis. *Plinius* videtur hanc opinionem confirmare, dum tradit, quod rupicapra vivat tum ex venenis, tum ex herbis siccioribus; Botanici vero nondum consentiunt circa venenosam *Doronici* qualitatem, & quidam disputant, an & homini venenum sic: iidem tamen omnes fatentur, quod plurimis brutis venenosum sit pharmacum. Creditur quod rupicapra devorent *Doronicum*, quo se muniant contra vertiginem, qua facile corripipi possent, dum per vertices rupium præaltorum præcipites discurrent. *Velschius* tradit has pilas nonnisi in primo vel secundo ventriculo inveniri: illa vero, quam nos invenimus, ventriculi tertii inquilina erat. *Camerarius* annotat, quod versus Novembrem mensem maxime inibi concreſcant: nostra vero anatomia in Decembri celebrata fuit.

Omnia intestina simul sumpta, (cæco tamen excluso,) 40. pedes longa erant. Cæcum 8. unciarum erat. Colon pedem non superabat.

Splen erat rotundus & instar placenta planus, 18. lineas crassus erat in illa medietate, quæ magno ventriculo adhærebat; alterum ipsius dimidium, quod nullibi adhærebat, in crassitie sua sensim minuebatur, usque ad finem, qui erat valde tenuis.

Hepar 3. habebat lobos, duos majores, & unum minorem. Vesica fellea in medio dextri lobi erat. Inter animalia bile carentia *Plinius* enumerat caprum, cujus rupicapra species est. Illa, quam *Bartholinus* secuit, bile carebat.

Renes duos pollices erant longi. Membrana adiposa non erat juncta & annexa, uti communiter, corpori renum, sed vacuum inter hæc duo remanebat spatium. Idem à *Bartholino* in rupicapra sua notatum est. Vertex membranæ adiposæ dextri renis exiguo hepatis lobo connexus erat.

Cornua uteri insolitæ erant longitudinis & plicis variis circumvolutionibusque inflexa.

* Vel potius boum antiquorum & vetustiorum.

flexa. Testiculi extremitati cornuum juncta erant, quæ cornua proprie uterus brutorum sunt. Vasa præparantia quosdam spargebant ramos, non solum ad testiculos & matricem, sed similiter in vesicam urinariam. Rotunda uteri ligamenta oriebantur ad latera matricis s. ductus, & uti solent, in inguina descende-
bant, ubi dilatata constituiebant id, quod pes anserinus dicitur.

Pulmones 8. habebant lobos, 4. in dextro latere, tres ad sinistram, & octavum intra duplicaturam mediastini.

Cor erat longum & acuminatum: Versus apicem ipsius aderat callosa, alba, dura atque rotunda apophysis, quæ ex corde prominebat circiter ad crassitiem minoris digiti extremitatis.

Cerebrum in proportionem ad corpus erat amplum, continebat enim 2. uncias in latitudine sua, & tres in longitudine, cerebello admenso. Anfractus erant plures & magis variati, quam ipsi communiter sunt in brutis.

Quamvis cerebrum, uti assolet, distinctum esset in dextrum atque sinistrum, per longam cavitatem intermediam, nulla tamen duræ matris aderat productio, ad constituendam, quæ dicitur, falcem; aderat saltem linea quædam parum admodum elevata, quæ responderebat cavitati cerebri. Choroides summe dilatata erat, ob sanguinem in vasis è quibus componitur retentum. Glandula pinealis larga satis erat, continens lineam integram in diametro.

Nervus opticus bulbum oculi extra axim, maxillam versus ingrediebatur. Interne sc. intrabat per extremitatem Tapeti, quod fuscæ coloris erat.

Humor crystallinus extus magis convexus erat, quam in parte interiore.

Membrana Arachnoides crassa omnino & dura erat, ita ut facile ab humore crystallino separari potuerit.

EXPLICATIO FIGURARUM TAB. XXI.

IN PARTE INFERIORI

Figura ipsius animalis sistit differentiam colorum in pilis: Magnitudinem oculorum: Cornuum reflexionem versus dorsum & labiorum statum.

IN PARTE SUPERIORI

A. A. est dexter hepatis lobe.

B. Lobus sinister.

C. Lobulus ejusdem minimus.

D. D. Ventriculus magnus.

E. F. D. Epiploon primum & tertium ventriculorum (quibus firmiter annectitur) tegens.

E. F. Tertius Ventriculus Epiploeo obtektus.

G. Ventriculus secundus.

H. Pila in tertio ventriculo inventa.

I. I. Vasa spermatica præparantia.

K. K. Rami vasorum præparantium ad vesicam terminata.

L. L. Rami ad cervicem uteri abeuntes.

M. M. Rami ad Testiculos demissi.

N. N. Rami ad cornua uteri tendentes.

O. O. Testiculi.

P. P. Cornua uteri.

Q. Vesica.

R. Apophysis callosa in cordis apice s. mucrone.

S. Humor crystallinus in tres partes divisus.

T. T. Oesophagus.

V. Pylorus.

SECTIO XXIII.

DESCRIPTIO ANATOMICA TAJACU, SEU APRI MEXICANI

*Moschiferi Anatomia, tradita ab Eduardo Tyson,
Medico Londinensi ac Societatis Regiæ Socio,*

Excerpta è Philosophicis Transactionibus Anglicis mensis
Novembr. 1683. Num. 153.

A Nimal hoc, Indis Quauhtla Coymatl & Quarizotl, it. Tajacu &c. dictum, præterquam quod exoticum, rara cum primis viscerum, qua gaudet structura, solertissimum nostrum Auctorem eo perduxit, ut, quæ occasione sibi ab amico

quodam oblata in eo observavit, summo hic divulgare studio minime fuerit gravatus. Ast cum integrum Auctoris discursum, qui prolixus satis, ad verbum in Latinum transferre sermonem nobis haut propositum sit, observata tandem ejus propria, omissis iis, quæ ex aliis

aliis *Historia Naturalis Indica* Scriptoribus, v. gr. *Fabro, Lerio, Gomara, Marcegravio, Pissone, à Costa &c.* de animalibus hujus exotici nominibus diversis, natura item, & loco naturali, &c. mutuatus fuit, lustrabimus brevissime.

Conformationis externæ intuitu animal hoc dissectum è porcorum erat genere, prout figura ejus, quam longe accuratiorem Autor noster, ac ullus alius, curavit delineandam, satis evincit: molem tamen nostratum porcorum domesticorum haut æquabat; ab extremitate siquidem corporis, ubi cauda, qua destituebatur, debebat esse locata, ad capitis usque inter aures summitatem, duos pedes cum duobus digitis, hincque ad nasi terminum undecim digitos longum, in corpore duos pedes, in cervice sedecim digitos, in capitis crassiore parte octodecim digitos, in rostro denique duodecim digitos illud observabatur crassum. Colorem corporis referebat gryseum, setis crassioribus, quam suillæ alias esse solent, ita confiti, ut hæ circulis albis & nigris variegatæ multo breviores in lateribus, in dorso vero, quo propinquiore hujus erant spinæ, graduale auctæ deprehenderentur longitudine, ceu quo in loco nonnullæ earum quinque digitos longæ cernebantur; è contrario penitus fere iisdem denudabatur venter. Aures erectæ, inter quas largas setarum maximam partem nigrarum erat complexus, duorum digitorum cum dimidio excedebant longitudinem, parvique oculi, porcellorum oculis similes, à minori cantho ad nasi terminum sex adæquabant digitos. Os appatebat haut largum, nasus vero à porcorum rostro haut dissimilis, quemadmodum & pedes atque ungulæ coincidebant plane cum suillis, unice superioribus exceptis ungulis, utpote secundum proportionem longioribus.

Quoad internam autem Tajacu conformationem, eæ primario partes, quæ diversa ab iisdem in porcis domesticis vel aliis animalibus maxime ordinariis fruebantur textura, nostro ab Autore habentur annotatæ. Ventriculus conspiciebatur triplex, quorum medius, ob œsophagi seu gulæ insertionem, merito salutandus primus, utroque latere in duos hiabat reliquos, intusque tali membrana albicante, crassa & dura, interiori propemodum ingluviei avium pelliculæ respondente, obducebatur, qualis neque secundi neque tertii ventriculi cingebat interiora. Interior quippe superficies ventriculi secundi, duabus extremitatibus contortis, cornuum ad instar, si inflatus, gaudens, lævis erat atque mollis, membrana tenui, qualis in carnivoris fere animalibus esse solet, instructa; ad cujus similitudinem & tertii ventriculi interna quodammodo accedebat membrana, nisi quod hæ crassior adhuc esset, largisque plicis corrugata.

Intestina tenuia, quæ in aliis animalibus ampliori connexa mesenterio inferiora versus ordinario magis propendent, arctius hic ob membranæ istius brevitatem colligabantur spinæ, & Colon, quod in aliis magis cernitur suspensum, hic propter peculiarem structuram situm potius liberum eumque inferiorem obtinebat. Duodenum namque, in quod tertius se exonerabat ventriculus, à pyloro brevi proveniens circumvolutione multos cum reliquis intestinis tenuibus constituebat gyros, ac etiamsi mesenterium multum esset abbreviatum spinam versus, ejusque circumferentia vere apparet exigua, ambitu nihilominus suo omnia intestina tenuia 27. pedes longa, complectabatur. Colon, quod reliquorum intestinorum intuitu revera largum erat, novemque pedes longum, mesenterii peripheriæ, sicut ordinario, haut adhærebat, sed a centro seu medio exsurgens spirali emensa linea, finem obtinebat liberum, gyrosque membranarum interventu arcte invicem unitos. Principio Coli breve quidem adstabat Cœcum, sed spatiosum omnino ac fecibus repletum. Vasa Mesenterii nullos hic, ac aliàs, describebant arcus, sed numerosa admodum recta potius incedebant via.

Lien coloris plumbei, aliquantum maculosum, decem longitudine superabat digitos, latitudine autem, quæ ubique fere erat eadem, in medio unum digitum cum dimidio exæquabat.

Hepar coloris obscure rubicundi, & è quatuor amplis conflatum lobis glandulosa evidenter gaudebat textura, omni vero carebat vesica fellea, biliarium saltem habens ductum, duodenum versus, eadem ratione ac aliàs progredientem.

Pancreatis multis ex glandulis contexti longitudo quinque vel sex digitos excedebat.

Testes Scroto involuti duorum digitorum attingebant longitudinem, latiores in parte superiori quam inferiori, in medio vero digitum unum latitudine transgredientes. Color eorum erat albicans, sicut structura adeo arcta, ut vascula, ex quibus componebantur, non æque ad oculum, ac in apris quidem ordinariis, apparerent. Deferentia vasa ab inferiori testium substantia incipientia ita desinebant, ut tantum non æqualiter vel in vesiculas seminales, vel in urethram se evacuare ipsis esset in proclivi. Commune hoc vasis deferentibus & vesiculis seminalibus osculum in tumorem quendam elevabatur, à Graeco caput gallinæ dictum.

Vesiculæ seminales unum digitum cum dimidio longæ & quibusdam in locis tres quartas, in aliis vero dimidium digiti latæ, multum deprehendebantur glandulosæ, notabili tamen destitutæ cavitate. Has exinde prostaticarum forsan

forſan hic obire munus ſuſpicatur Auctor, ni uſus idem iis potius binis glandulis veniat aſſignandus, quæ à muſculis penis erecto-ribus glanduloſas verſus veſiculas emergentes utri-que urethra lateri adjacebant, ſequè ipſas du-obus orificiis prope penis radicem in eandem evacuabant. Cylindricæ erant glandulæ iſtæ, coloris ex albo flaveſcentis, digitum cum di-midio longæ, tres octavas digiti craſſæ, ac ſubſtantiam alentes ſatis firmam, inſtar teſtium absque cavitate intus perceptibili. Penis ipſe longum ac gracile exhibebat corpus, multis è muſculis, è quibus duo inprimis perquam erant longi, coagmentatum.

Veſica urinaria rotunditatem æmulabatur exactiorem, quam in quibusdam aliis anima-libus, ceu in quibus ea oblongior fere eſſe ſo-let. Ureteres veſicæ cervici, non lateribus, ſicut in quibusdam, implantabantur.

Truncus arteriæ aoriæ deſcendens cor inter atque diviſionem, qua in iliacos abit ramos, tribus intumeſcentiis conſpiciebatur notabilis: harum prima prope cor omnium largiſſima, poſt levem ſui anguſtationem exonerabat ſe in ſecundam, quæ aliquantum quidem minor intumeſcentia prima; multo tamen adhuc ma-jor ſecunda, prope ramos iliacos collocata. Duo ex his tumoribus inciſi multas inæquales oculo ſiſtebant cellulas ſeu foramina, absque eo tamen, ut arteriæ membranæ hic locorum craſſiores, quam alibi, animadverterentur. Tales vero arteriæ intumeſcentiæ ſeu exten-ſiones Galeno anevriſmata, ſicut venæ varices, appellatæ, num pro naturalibus, an præterna-turalibus cenſendæ ſint, Auctor equidem no-ſter, quod aliud præter hoc Tajacu nullum anatomico ſubjicere cultro ſibi licuit, deter-minare vix audet, ita nihilominus colligit: ſi præternaturales fuerint, eo magis mereri an-notationem, quomodo hic, tanquam in arte-ria totius corporis robuſtiſſima pariter ac cras-ſiſſima, potuerint eſſe genitæ: ſi vero natura-les, cum nulla re comparari melius eas poſſe, quam cum protuberantibus iſtis tumoribus, qui in bombycum aliorumque talium inſecto-rum aorta obvii eſſe ſolent, à *Malpighio* pro totidem habiti cordibus.





Oculorum membrana niſtitans evidentior hic erat, quam communiter in quadrupedibus, muſculi vero eam haut attingebant diſtinctio-nem, quam in brutis quibusdam, unde nec oculorum motio adeo agilis vel regularis. Pu-pilla ſpectabatur rotunda, nervusque opticus axi propemodum oculi inſertus, in interna parte parvam exhibens impreſſionem; cho-roides autem ſub coloris pallido-violacei & a-liquantum fuſci apparebat ſpecie.

Præ partibus autem hucusque conſideratis ſingularem Auctoris excitabat attentionem cor-pus illud glanduloſum, in dorſo quod depre-

hendebatur collocatum, tanquam pars ani-mali huic plane peculiaris ac propria. In de-ſcriptione hujus concinnanda ſæpius depictas Auctor in ſubſidium vocat figuras, quæ ad vi-vum glandulam iſtam exprimentes diſtinctius eam, quam verba nuda phantaſiæ ſubjiciunt. In Figura II. lit. a. locum monſtrat Spina: dor-salis, ubi præciſe ſupra pedes poſteriores cor-pus modo nominatum glanduloſum erat po-ſitum, ſed longis ſetis ita coopertum, ut non niſi manus demum auxilio illud revelari po-ſſet; tunc enim in medio exilis ſpatii, fere glabri, paucioribus ſaltem, brevioribus & ſub-tilioribus exornati pilis, protuberans glandulæ comparebat orificium, ob labra ſcilicet ejus aliquantum ſupra cutis ſuperficiem reflexa. Hoc, prout naturaliter amplum accurate exhi-betur delineatum, ſtylum craſſum admitte-bat faciliſſimè, eique ad multas glandulæ par-tes concedebat aditum; levi vero ubi digiti comprimebatur attractu, parum liquoris albi-cantis ſubſtavi, cujus portio quædam obſcurio-ris paululum erat coloris, eructabat, adeo gra-tum ſpirantis odorem, ut ab omnibus odori Moſchi vel Zibethi judicatus ſimilis, novum Moſchiſeri Apro Mexicano impoſuerit cogno-men. Glandula ipſa conglomerata, ſeu ex mi-nutarum glandularum albicantium multitudine contexta, ac quoad dimensionem ſuam ex-acte repræſentata, inter cutem locabatur ac pan-niculum carnoſum, à quo cum anguli ejus (parte media, qua reſpiciebat dorſum, existen-te nuda,) obtegebantur, cutis vix absque ſi-multanea hujus glandulæ remotione poterat elevati; nullam intus notabilem fovebat cy-ſtim ſeu cavitatem, ſed ad ſpeciem pancreatis vel glandularum ſalivam ſecernentium acce-dens multis gaudebat ductibus excretoriis, in commune tandem paulo antea deſcriptum ori-ficium terminantibus. De uſu hujus quam di-verſa diverſi ſenſerint Scriptores, aliis pro um-bilico, pro mamma aliis, aliis denique pro ſpi-raculo quodam, per quod ducatur ſpiritus, eam reputantibus, fuſe noſter recenset Auctor, Hernandum admiratus, quod, cum ex glandu-loſa hac & molli, uti vocat, pinguedine humo-rem quendam viderit exſtillantem, odorem tamen, quem emittit, perceperit nullum; hu-jus quippe intuitu Auctor noſter glandulam præ-ſentem in numerum iſtarum glandularum ſeu capsularum, uti appellat, odoriferarum refert, quas in variis animalibus variis in locis à ſe fuiſſe obſervatas commemorat.

Tandem in oſſium compage cranium cerne-batur integrum absque ſuturis, à naſo ad capi-tis uſque extremitatem; (ubi cranium multum anguſtatum denuo in triangularem ſe expande-bat figuram, magno dorſum verſus foramine pro muſculorum quorundam inſertione reli-cto) digiti octo numerabantur cum dimidio.

Meatus



Meatus auditorius locum quodammodo notabilem prope capitis summitatem occupabat, in sceletio lit. h. expressum. Maxillæ superioris parti anteriori quatuor infigebantur dentes Incisores, a quibus haut procul dens quidam locabatur exertus, largus, præacutus & ad exteriora prominens, pone quem ab utroque latere sex gemini stabant molares. Maxilla inferior, cujus ossa à molaribus ad incisores videbantur cariosa, sex cum dimidio digitos erat longa & unum cum dimidio lata, eo videlicet in loco, ubi primus geminus hærebat molaris, quales sex itidem numero occurrebant, quemadmodum & quatuor incisores, dentibus exertis hic ob putredinem amissis. Vertebrae colli observabantur septem, quatuor cum dimidio digitos longæ: prima harum seu Atlas duobus latis processibus transversis erat instructa, omni vero carebat spina, non secus ac vertebra tertia, quarta & quinta, quam tamen laram vertebra secunda, quin imo acutam insimul sexta & septima possidebant. Dorsum novendecim habebat vertebrae, quarum prima, secunda, & tertia spinas longitudine tres digitos superantes obtinebant, reliquæ vero secundum proportionem minoribus gaudebant spinis, quo propiores erant à cauda. Ossis Coccygis ex pluribus quam septem vertebrae (quæ ultra ossis Ischii tractum haut protendebantur) conflati, vertebra primam ad duorum digitorum ac-

cedentem longitudinem, Autor in principio ex pluribus forsan ossibus, nunc in unum coalitis, fuisse coagmentatum suspicatur. A quovis latere quatuordecim comparebant costæ. Os Sterni ultra digitum prominebat, antequam prima ipsi implantabatur costa. Scapulæ longitudo quinque æquabat digitos, sicut ossis femoris quinque digitos cum dimidio; quam etiam longitudinem os tibiæ ex toto spectatum attingebat, licet à junctura ossis femoris ad os usque Metatarsi quatuor tantum digiti numerarentur. Tarsi ossa erant quinque, Metatarsi tria, duos digitos longitudine superantia; digitorum ossa novem, qualibet ungula tribus gaudente ossibus, & quolibet pede anteriore tribus ungulis dotato. Os femoris pedis posterioris ad sex fere digitorum accedebat longitudinem, prope suam cum ossis tibiæ juncturam parvum quoddam os, patellæ in homine simile, obtinens. Tibia hæc posterior non uno constabat osse, sicut anterior, sed duobus, Focili nempe majori & minori, quinque digitos cum dimidio longis. Tarsi ossa conspiciebantur quatuor, calcis osse duos fere digitos existente longo: Metatarsus quatuor pariter habebat ossa, quorum duo anteriora omnium erant amplissima, duos videlicet digitos cum una quarta longa; quatuor denique digitorum singuli tribus gaudebant ossibus, ultimo horum cooperito ungue.

EXPLICATIO FIGURARUM
TAB. XXII.

FIG. 1. sistens Sceleton.

- a. Dentes anteriores seu Incisores.
- b. Dens est exertus seu prominens.
- c. c. Dentes molares.
- d. Maxilla inferior.
- e. Pars ea, quæ cariosa erat, maxilla inferioris.
- f. Cranium.
- g. Oculi orbita.
- h. Porus seu Meatus auditorius.
- i. Triangularis Cranii expansio à parte ejus posteriori.
- k. Vertebra Cervicis.
- l. l. Vertebra Dorsi atque Lumborum.
- m. Ossis Coccygis vertebra.
- n. n. Costæ.
- o. Os Sterni protuberans.
- p. Scapula.
- q. Os Ischii.
- r. t. Os Femoris.
- s. Patella pedum posteriorum.
- t. Tibia pedis anterioris.
- u. Larga quædam Tibia protuberantia.
- w. Tibia seu Focile majus pedis posterioris.
- x. Fibula seu Focile minus pedis posterioris.
- y. y. Tarsus in pedibus aque anterioribus ac posterioribus.

z. Calx in pede posteriori.

α. α. α. Metatarsi ossa.

β. β. β. Digiti.

γ. γ. γ. Ungues.

FIG. 2. Glandula odorifera monstrans orificium, prout naturaliter exterius in dorso illud comparebat, quod propter levem quandam similitudinem plerisque hucusque imposuit, ut umbilicum idem crediderint, parvo spatio circumcirca hoc orificium setis fere existente denudato.

FIG. 3. Pleraque abdominis viscera, è corpore exempta, delineans.

- A. Oesophagus seu Gula.
- B. Ventriculus primus.
- C. Ventriculus secundus.
- d. d. Ventriculi secundi cornua.
- E. Ventriculus tertius.
- f. Pylorus.
- g. g. g. Intestina tenuia.
- H. H. H. Colon.
- i. Cæcum.
- k. Rectum.
- l. Mesenterium.
- m. m. Vasa Mesaraica.
- n. Pancreas.
- o. Lien.
- p. Hepar.
- q. Ductus biliaris ab Hepate ad Duodenum.

Q

FIG. 4.

Et quod pulmo sit cavernosus, potestis probare, si cum calamo intromisso infletur. Sub illis membris est panniculus, qui dicitur diaphragma, qui dividit ea à nutritivis, qui conjungitur tenuioribus costarum, in quibus colligitur humor, qui facit pleuresin.

Tunc debes reverti ad nutritiva & computa longitudinem oesophagi ad usque septimum spondyle, & incipit os stomachi supra diaphragma, stomachi vero inferius. Sub stomacho est intestinum, quod dicitur portanarium. Sub portanario est duodenum: sub duodeno jejunum: sub jejunio orbum: sub orbo sacculus: sub sacco longaon, & sunt ibi quædam gracilia intestina, quæ lateraliter vocantur, in quibus est iliaca passio.

Ex dextra parte sub fundo stomachi est hepatis positum, in cujus substantia est quædam vesica, quæ cystis fellis appellatur & super hepatis sunt duo panniculi, Zirbus & Siphach, qui sunt implicati velut rete. Quod apparet ibi pingue & grossum, dicitur Zirtus: quod autem subtile est Siphach; quæ procedunt usque ad splenem, per quos venæ transeunt, per quos melancholia ab hepate ad splenem mittitur.

Est autem splen membrum oblongum, in sinistro latere positum. Loca quæ sunt sub splene & hepate, dicuntur hypochondria. Tunc debes omnia inferiora extrahere & tunc occurrit tibi in medio spinæ arteria magna, sub qua & vena magna continetur, quæ arte-

ria fit de omnibus arteriis capitis, quæ condensantur in unam magnam arteriam, quæ descendit à lumbis & à se varias arterias transmittit, tam dextrorsum, quam sinistrorsum ad inferiora. Vena ibi magna fit de arteriis capitis condensans, quæ venit usque ad renes & bifurcatur & ibi fit vena chilis, in qua infinguntur capillares venæ, quæ præ nimia parvitate sui videri non possunt, per quas urina cum quatuor humoribus mittitur ad renes.

Tunc invenies ibi duos meatus, qui uritides dicuntur, & per eos resudat urina in Vesicam. Nam ipsi infinguntur vesicæ, qui etiam transeunt per quendam panniculum, quo omnia intestina, præter longaonem, clauduntur, qui vocatur epigoronysmeon Coli, quo rupto intestinum cadit in oschium, supra quem omentum est.

Finis Anatomiae Porci, ex traditione *Cephonis*. *Galeno* adscriptam hanc Anatomiam sub Anatomiae parvæ titulo, restantur spurii illius, qui sunt, libri.

A P E R

Nihil peculiare habet, quod non etiam in porco reperiatur, modo dentes majores in Apro excipias, qui in

APRO INDICO

cornuum instar resimi & inflexi spectantur, ut è figura 8. TAB. XXIII. è Museo Regio Hafniensi huc transcripta observari poterit.

Scelerum porci vid. in *Aldrovando*.

SECT. XXV.

ANATOMIE
COATI MONDI

Animalis Brasiliensis,

Societatis Scientiarum Regiæ Parisiensis.

COATI est animal Brasiliense, quod à Physicis varie descriptum est; illorum vero descriptiones non exactè conveniunt cum illis, quæ in nostro observavimus: unde quis suspicari posset, quod ipsius diversæ reperiantur species. *Deleri* in suo itineraio Brasiliensi attribui illi rostrum pedem longum, instar bacilli rotundum, & ab initio suo, usque ad finem æque gracile, proboscidi Elephantis similitum, cui & *Marcgravius* rostrum hoc comparat: sed in icone sua idem tale, quale in nostro Coati reperimus, effingit, quod nil plane cum proboscide Elephantis commune habet, præter mobilitatem suam: est & gracile, aliter quam in porco. In Bibliotheca Regia inter magnum numerum

iconum arte miniatoria pictarum insigni solertia & exactitudine est etiam figura Coati, quam quidam è Societate nostra secuerant, quæ utut nostrum animal quoque referat, est tamen in quibusdam admodum consideratu dignis particularibus diversa, v.g. in figura dentium atque pedum, qui erant valde inusitato modo in nostro subjecto constructi: sed nihilo secius deprehensum est, quod habeat satis similitudinis cum figura, quam *Marcgravius* & *Deleri* hujus animalis dederunt, ut & cum illa, quæ est in Bibliotheca Regia, ut pro specie Coati proinde haberi possit.

In Universum 35. uncias cum dimidia æquabat, nempe 6½ ab occipite ad initium caudæ, quæ 13. uncias longa; 12. uncias ad finem posteriorum

steriorum pedum continebat. Rostrum ejusdem erat longissimum, & instar suilli mobile; sed erat rectius & in proportionem longius. Ejusdem motio erat magis evidens, quam in porco, rostrum enim facile ad superiora movebatur.

Anteriores pedes singuli gaudebant V. digitis, quorum ungues nigri, longi, adunci, & instar unguium castoris cavi erant. Digi pedum anteriorum paulo longiores erant, quam illi pedum posteriorum, qui erant similes ursinis, nisi quod universa solea pilis esset destituta, quibus calcaneum Ursi tectum est. - Palmae & soleae pedum anteriorum tectae erant molli & tenera magis pelle quam in simia; & haec pellis mollities erat solares, quae nostro animali cum simia communis esset, cum qua de reliquo nullam similitudinem gerere invenimus: quamvis nobis obtruderetur pro Sagoino, quae est Cercopithecii species: verum cauda illius, cujus longitudo quadantenus referebat caudam simiarum, quae dicuntur cercopithecii, ab iisdem in longitudine pilorum differebat, qui longe breviores sunt in cauda simiae, in proportionem ad corpus illius. Solea pedum posteriorum erat longa, gaudebatque calcaneo, ad cujus extremitatem aderant variae squamae, lineam latae, & 4. vel 5. longae. Illae à posterioribus pullulabant, ad invicem conglobatae, instar squamarum in calyce chrysanthemi floris, quando hic noctu sponte connivet.

Pilus erat brevis, strigosus & nodosus. In dorso erat nigricans, ut & in quibusdam capitis locis & ad extremum palmarum rostrique. Sic quoad reliquum corpus pili erant nigro-rubrique, sibi invicem intermixti, sic tamen ut fundus abdominis & juguli ruboris esset intensioris in quibusdam locis, quam in aliis. Cauda obtecta erat pilis eorundem 2. colorum, qui diversos formabant circulos, quosdam quidem nigros, reliquos vero ex atro rubroque mixtos.

Lingua variis fissuris incisa erat, quae illam folii arboris extremitati similem reddebant.

Oculi erant minimi, instar porcinarum. Auriculae erant rotundae, instar murinarum & in summitate pilo per brevi tectae, interius vero longiori & albidiori.

Incisorii dentes in utraque maxilla aderant 6. Canini erant maximi, praesertim illi in inferiore maxilla. Ipsorum figura habebat quaedam magis particularia, siquidem non erant rotundi obtusi, uti in Canibus Lupis aut Leonibus, sed acuti ope trium angulorum, qui in extremitate formabant apicem ad instar acus acutum. Idem erant subglaucci & quadantenus pellucidi. Gula erat ampla, & instar porcinae bifida; & ma-

xilla inferior similiter ad porcinae accedebat, longe brevior quam altera superior.

Horum vero omnium nil quicquam in Sagoino animali deprehenditur; siquidem haec duo animalia nil praeter regionem, in qua gignuntur, nempe Brasiliam, commune habent. Nullam invenimus descriptionem in Autoribus, qui de animalibus Americae meridionalis particularibus egerunt, quae melius congruat cum illis, quae in nostro subjecto observavimus, quam eam illius animalis, quod *Marcgravius* & *Laëtius* in sua *Brasiliana historia* Coato appellant: quod nomen est generis, cujus duas species recensent, quarum una per universum corpus rubris pilis gaudet & simpliciter COATI dicitur; altera species solum abdomen & stomachum hoc colore praeditum possidet, quam illi COATI MONDI appellant.


In descriptione hujus animalis, quam dicti Autores tradunt, notae, quas modo dedimus, & quas in nostro subjecto observavimus, omnes & singulae occurrunt, exceptis dentibus & squamis, quae ad animalis hujus calcem occurrunt, quarum illi non meminerunt, & cauda, quam illi in suo Coati reliquo corpore multo longiorem praedicant. *Laëtius* vero refert, quod haec animalia caudam soleant admordere, & quod illa per aliquod tempus vitam sustentent, & denique totam devorent, 10. dierum spatio. Fieri itaque potuit, ut & nostri cauda hac ratione abbreviata fuerit. Idem similiter asserunt, quod Coati manibus instar Cercopithecorum gaudeant: id quod in nostro subjecto non apparuit, cujus pedes alioquin similimi erant figurae, quam *Marcgravius* libro suo inseruit.

In dissectione deprehendimus, quod sub cute & inter musculos magna pinguedinis copia adesset, albae & durae instar adipis. Penis erat reconditus in foramine quodam unciam alto, & aequae lato, cujus apertura erat sub abdomine circiter 4. digitis ab uno distans. Hic penis donatus erat osse, cujus longitudo in proportionem longe superabat illam ossium longitudinem, quae in pene aliorum animalium hoc osse gaudentium reperiuntur. In utroque extremo crassum erat, & figura os coxendicis gallinulae referebat. Juxta penem aderant duae venae amplissimae, & sanguine turgidae, quae ad balanum tendebat. Testiculi caninis similes erant.

Epiploon erat tenuissimum. Parum pinguedinis habebat, & erat complicatio fibrarum & filamentorum potius quam membrana. Non situm erat super intestina, sed super ventriculum collectum.

Splen 2½ longus erat, obscure-ruber ad latus ventriculi in concava sui parte, & subater





subater in extremitate gibbosæ suæ partis. Nul-
la vasa in externa ventriculi membrana obser-
vabantur, exceptis coronariis stomachicis,
quæ prope orificium ventriculi superius appa-
rebant, inde subito disparentia paucos de se ra-
mos spargebant.

Hepar quadantenus nigricabat. Est structuræ
valde homogeneæ, sine ulla glandularum
specie. Septem habebat lobos, duos quidem
maiores in sinistro, quinque vero reliquos mi-
nores in dextro latere. Vesica erat inter 2. su-
periores lobos.

Pancreas, quod juxta longitudinem duo-
deno firmiter nexum, magis ad dextrum re-
nem, quam ad splenem vergens, erat per-
angustum. Mesenterium scatebat durissima
adipe, quæ includebat & fermè abscondebat
omnia illius vasa.

Intestina simul sumpta 7. pedes erant longa.
Eadem omnia æque crassa erant & nequic-
quam habebant, quod illa ab invicem distin-
gueret; nullum quoque aderat cæcum.

Ren dexter sinistro longe altior erat, adeo,
ut 2. lobi hepatis ipsum contegerent.

Pulmones 5. lobos habebant; 2. ex dextro
latere, & 2. ex sinistro, qui quadantenus gra-
ciliores erant; quintum denique in media-
stino.

Cor, (quod canino simile,) dextram auri-
culam prægrandem possidebat. In dextro i-
pso ventriculo & in dextra auricula magna

viscosæ & induratae materiæ copia reperiēba-
tur.

Musculus crotaphites sub Zygomate tran-
siens ibi firmabatur. Idem erat insolenter car-
nosus, & prope insertionem suam, quæ per
largissimum fit tendinem, 2. carnis frustis in-
clusum, multo quidem crassioribus quam il-
læ, quæ communiter hoc loco reperiuntur,
& censentur ibi esse ad defendendum & robo-
randum tendinem musculi temporalis.

Orbita oculorum non omnino ossea erat, sed
integrabatur in parte superiore per ligamentum
cartilaginofum, quod apophysin ossis frontis a-
pophysi primi ossis maxillæ superioris conne-
ctebat.

Ossa, quæ cerebrum à cerebello separant,
erant utri in canibus. Dura mater cranio fir-
miter adhærebat. Sinus ossis frontis materia
adipi friabili simili turgebant. Mammillares pro-
cessus erant maximi.

Bulbus oculi $4\frac{1}{2}$ lineas in diametro non ex-
cedebat. Apertura palpebrarum erat amplior,
& papilla oculi toto oculi globo non erat mi-
nor. Crystallinus 3. lineas in latitudine, &
 $2\frac{1}{2}$ crassitie continebat & magis interius, quam
exteriorius convexus erat. Hæc crystallini cras-
sities efficiebat, ut 2. reliqui in quantitate mi-
nores essent. Choroides universa ejusdem co-
loris erat, nempe spadiceo ruberrimi, sine ullo
Tapeto, quod vix unquam omnino in aliorum
animalium oculis deest.

EXPLICATIO FIGURARUM TAB. XXIV.

IN PARTE SUPERIORI

Ob oculos ponitur differentia colorum in
pilis observanda, qui lucidiores sunt in abdo-
mine & stomacho, quam in dorso & pedibus.
Notetur etiam, oportet, quod rostrum quo-
dammodo plus incurvatum & aduncum sit in
figura, quam in dissectione observabatur: un-
de quam maxime mobilitas ejus observari po-
test, insignisque facilitas, qua superiora versus

moveri potest. Cauda deorsum versus ten-
dit, quum in hoc situ post mortem animalis
deprehendebatur. Alias Autores perhibent,
quod Coati caudam suam erectam tenere & por-
tare soleat.

IN PARTE SUPERIORI

- A. est Dens caninus.
- B. B. Lingua.
- C. C. Os penis.
- D. Pes posterior dextri lateris.
- E. Calcaria in calcaneo.

SECTIO XXVI. DESCRIPTIO ANATOMICA OVIS,

Ex Observat. Anatom. Gerh. Blasii p. 40.

VENTRICULI

Hic quatuor diversæ conditionis & ma-
gnitudinis similiter ac in Vitulis. Pri-
mus eorum, qui *magnus venter* dici-
tur, secundo, qui *reticulum* vocatur,

affidet. Ille capacior multo altero est, saccis
nullis, quales in vitulis notamus, præditus.
Hic (quem secundum diximus) gulam magis
recipit primo, nullis itidem plicis, quales in
vitulo observari solent, exasperatus. Uterque

simplicis vesicæ speciem intus extusve refert, ad recipiendum satis aptus. Tertius, *Omasus* appellatus, foliis membranaceis, valvularum conniventium in intestinis humanis similitudinem habentibus, quinque aut sex quasi excavatus est. Ad hunc facilis materiæ motus ex ventriculo secundo ipsique continuato primo. Ad ingressum tamen egressumque notabilis valde valvula est, viam variè angustare valens, membranosa omnino. Quartus, omnia ex tertio accipiens, *Abomasus* nuncupatus, capacissimus omnium est, oblongioris figuræ, pyloro continuus, plicæ in hoc nullæ, sed æqualis maximè superficies interna æque ac externa. *Fig. X. Tab. XXV.* clarius hæc proponit. Conferatur etiam *Fig. XIV.* quæ ventriculum tertium apertum, quo valvulæ dictæ notari queant, adumbrat.

ARTERIA SPLENICA

quamprimum Lienis corpus accessit, in duos insigniores dividitur ramos; horum unus, inferiora, alter superiora adit. Uterque iterum quamplurimas propagines de se dimittit. Qualiter hæc in præparata arteria observari potuerit *Fig. III. Tab. XXV.* delineatur, ubi subtiliores ramulos desiderari scias: omnes enim nec arte præparare licuit, nec ari incidere.

VENA SPLENICA,

antequam lienem ipsum intret in plures ferè distribuitur ramulos. Rarum enim nullam omnino ejus divisionem hic notari, quale exemplum haud ita pridem mihi obtigit. In ramorum horum quovis valvulas ordinario duas reperimus, refluxum sanguinis ad Lienem impediennes, vid. *Fig. II. Tab. XXV.*

UTERI

Orificium internum variè contortum intestinulum refert, siquidem artificiose extensum exsiccatumque spectetur, circulis membranaceis, valvularum intestinalium figuram referentibus, locis omnibus ubi plicatur incurvaturque, mire id angustantibus. Haud uniformis interna hæc cavitas est, utpote quam modo pollicem, modo vix minimi digiti extremum recipere posse observamus. Adumbrat hæc aliquo modo *Fig. III. Tab. XXV.* ubi portio quædam reclinata, quo plicæ interiores videri queant, uti plicæ ejus varias, quas per medium dissectum arefactum exhibet *Fig. I.* proponit.

TUBA UTERINA

extremo eo quo Testi vicinior est, ampla quoque admodum notatur valdeque lacinata, similiter ac in vaccis id observari suo loco docemus.

TESTIS

ex duplici substantia in ove fœmina constare videtur, glandulosa una, unicam qui-

dem glandulam, ast ex pluribus minoribus conglomeratam, exhibente, altera vesiculari omnino, acsi vesicarum minutissimarum aquoso humore repletarum congeries esset. Oblongioris hæc figuræ est, illa globosa magis; hæc quoque vasis spermaticis præparantibus vicinior, sic ut vesicula quævis singulari eorum ramulo gaudere videatur, ast illa ab iisdem remotior. Inspice *Fig. VII. Tab. II.*

VASA SPERMATICA

in fœmina recto ductu ab aorta, cava & emulgentibus ad testes haud descendunt, sed vero variis modis contorquentur, antequam eo deveniant. Adumbrat hæc aliquo modo *Fig. XIII. Tab. cit.*

MEMBRANARUM

in fœtu ovillo hic videtur situs: *Amnios* tenuis quidem, ast valida, laxè eum ambit, humore lento aquæ obscuræ viscidiori colore saporeque simili inter eum & fœtum collecto.

Huic ab una parte, quæ nempe funiculum umbilicalem respicit, *Alantois* cohæret, parte una ultra amnion, versus cornuum uteri extremum utrinque se extendens, ubi etiam acuminatam magis figuram adsumit, alterâ versus fundi uteri angustias eas, quæ orificio interno adstant. Utrique circumjacet, imo cohæret firmiter membrana *Chorion*, vasa excipiens umbilicalia iisque transitum permittens ad uteri tunicæ intimæ *Cotyledones*: has vero ubi intrant vasa hæc mire divisa complicataque glandulosa stipantur, sic ut ex vasorum extremis & substantia hac glandulosa globulus complanatus exsurgat, qui cavitae ea, *Cotyledon* dicta, recipitur. *Chorion* ex membranis duabus constat, qualis tunicarum numerus etiam in Amnio observatur, licet in chorio crassities major, quam in amnio notetur. *Alantois* liquidam summe & ex albo rubicundam continet materiam, quam veram urinam esse vel ex eo satis evidenter colligimus, quod inflata vesica urinaria flatus per urachum in tunicæ hujus cavum transeat, aquam eo contentam commovens. Sit hæc rudior dictorum adumbratio, quam exhibet *Fig. XI. Tab. XXV.*

IN FUNICULO UMBILICALI

arteriæ duæ sunt, quarum quævis separato loco arteriam iliacam fœtus accedit: duæ itidem venæ, quæ tamen circa eum locum, qui abdominis est, in venam unam coeunt, cujus progressus in hepar ipsum, præter urachum seu ductum urinarium. Tortuosa valde venarum arteriarumque in hoc funiculo distributio, at vero urachi recta omnino, usquedum in Alantoidis membranæ cavitatem hiet, vid. *Fig. IX.*

ALANTOIS

Membrana subtilissima valde substantiæ & amnio modo dicto cohærens, figuræ illius, quam Tab. cit. Fig. XII. exhibet.

INTESTINUM COECUM

in abortu ovis nil nisi coli quadam extremitas, similiter ac in Fele Zibethica aliisque animalibus variis, vid. Fig. V.

RENES

valde hic tuberosi atque inæquales, quasi ex quamplurimis globulis aut oblonge quadratis particulis essent constructi. Elegantissime figura eorum notari poterit, ubi tunica tegentes omnes ablata: sic enim egregie patinam eam lapideam refert, quam nos vulgo een Schulpchootel vocamus. Fig. IV.

Membrana adiposa ablata tunica integuntur propria, densa validaque satis. Huic, ubi aufertur, cohæret substantia quadam cinerea, instar crustæ carneæ intestinorum, ejusdem ubique crassitie, facile à substantia reliqua renis rubicundiore secedens; pelliculam muscosam cineream diceret, quæ instrumento à tunica ipsa facile postea separatur.

TESTICULUS

in Mare vaginali etiam tunica involvitur. Pars ejus inferior crassa adeo, ut testiculum testiculo additum referat. Alba est, densa globosiorisque figuræ, aliqua sui parte Testiculo vero continua; rubicundior hæc est exterius † ductibus seminariis, albicantibus per tunicam (uti videbatur) transparentibus. Quid particula dicta efficiat, & an vasorum seminalium complicatio quadam, necdum determinare licet, vid. Fig. VI.

Cæterum cum in Fig. X. hujus tituli quatuor ruminantium ventriculi ob oculos ponantur, illorum intuitu genuinam

RUMINATIONIS

historiam è D. Joh. Conradi Peyerii *Merycologia seu Commentario de Ruminantibus & Ruminatione* annectemus, prout illa recensetur in *Act. Erudit.* Lips. A. 1685. pag. 384. verbis ibi:

Tribus libris absolvitur universum opus, quorum summam ordine recensere, operæ fuerit pretium.

Libro I. de ruminantium speciebus & differentiis agitur, exhibitoque totius operis argumento, & ruminantium in certas classes distributione facta, enumerantur primum INSECTA RUMINANTIA, uti sunt gryllus, bombyx, eruca, lumbricus, limax, vermis cucurbitarius, seu gryllotalpa; moneturque simile quid ruminationi in musca, scarabæo, apibus, crabronibus & vespis quo-

que observari, ad veram tamen ruminationem non referendum. Dein AQUATILIA RUMINANTIA recensentur, scarus, salmo, aurata, mugil, echinus, turio & phocæna. Gammari, quoniam ventriculo gaudent dentato, oreque bidente, præmorsa alimenta ibidem iterum masticare solent, ruminare quodammodo videri dicuntur, inter vere ruminantia nihilominus non numerandi. Sequuntur VOLATILIA, velut ardea, ciconia, pelicanus, columba. QUADRUPEDUM vero plura occurrunt genera, bubulum, cervarium, ovillum atque caprinum, tandemque anceps & mixtum. Potiora sunt boves domestici pariter ac feri, vacca, cervi, alce, tarandus, platycerotes, caprea & capreolus, oves, aries, hircus, capra, ibex, rupicapra, taurelephantus, butragus, hippelaphus, onelaphus, tragelaphus, item camelus, lepus, cuniculi, mures Pontici & Alpini, cuniculi Brasilienses, &c. Denique HOMINUM RUMINANTIIUM exempla decem, partim ex *Fabr. ab Aquapendente, Sennerto, Salmutho, Joh. Fabricio Lynceo, Velschio, Ludovico, Wildio*, partim ex propria observatione narrantur.

Libro II. de organis ruminationi inservientibus differitur. Sunt vero, juxta Auctorem, partium ruminationi inservientium aliarum principales, os, gula & ventriculus: aliarum ministræ vel sociæ operis, diaphragma cum pectoris abdominisque musculis, & copiarum auxiliares spirituum animalium. Ventriculus nonnullis ruminantibus saltém unicus est, leporibus, cuniculis, muribus Alpini, scaro & hominibus ruminantibus: cæteris multiplex, duplex in capra Libyca, addace atque capreolis, quadrigeminus in primis notatur in quadrupedibus bisulcis. Nomina hinc ventriculo quadrigemino ab *Aristotele* imposita hæc sunt: primus dicitur κοιλία, secundus κερυφάλλος, tertius ἐχίνοσ, quartus ἡνύσσω. Ex versione *Theodori Gaza* venter, araneum seu reticulum, omasum & abomasum. In quibus vero duplex tantum est ventriculus, in iis observatur venter seu rumen cum abomaso; reticuli & omasi vestigia quidem apparent, verum ita confusa, ut pro singularibus reputari nequeant. Porro ubi de coagulo pilisque in ventriculo ruminantium repertis incidenter, sed curiose, actum est, de singulis ventriculi quadrigemini partibus, de κοιλία seu ventriculo primo, ejusve nominibus, magnitudine, figura, substantia & muniis: de κερυφάλλω seu reticulo: de ἐχίνοσ seu omaso: de ἡνύσσω seu abomaso tractatur. Leporum inde & cuniculorum describuntur ventri-

† Ductus hos & reliquam substantiam interiorem, cum primis corpus olorum (quod vocat) eleganter ob oculos ponit *Lealis Lealis* in *Epistola ad Dominicum de Marchettis, de Partibus semen conficientibus*, recensita in *Actis Erudit.* Lips. Ann. 1687. pag. 229.

ventriculi, pisciumque, ovium atque insectorum, quæ ruminatiōi analogum quid agunt. Hinc de gula & œsophago (quem proprie dici stomachum asserit,) sermonem faciens Autor, imprimis fibras ejusdem omnino obliquas demonstrat, ita ut motu contrario & pabulum ad ventrem impellere, & inter ruminandum in os repellere valeant. Explicat inde os, dentes atque linguam, inque lingua, palato atque malis notat asperitatem ad detinendum pabulum factam. Dentes in maxilla tantum inferiori ait reperiri incisores, caninos plane nullos, si bisulca intueamur ruminantia. Caninis tamen gaudere camelum; cuniculum & leporem binos in utraque maxilla monstrare incisores. Denique de partibus ruminatiōem adjuvantibus loquitur, ac docet, quomodo inter alias diaphragma faciat ad removendos quasi pabuli bolos. Hisque sic explicatis icones ruminantium ventriculos illustrantes exhibet.

Et icon quidem I. repræsentat universos ruminantium bisulcorum ventriculos, exemplo hircinorum, quos hic etiam in Fig. ovillis Fig. X. exhibere nobis visum est. Notandum vero de positura, in animalibus sinistro ferme condi hypochondrio, quæ hic à gulæ dextris pinguntur; qua conversione opus fuit, ut ventriculi omnes in conspectum venirent. Est vero κοιλία μεγάλη, magnus seu primus venter, in quem pabulum præmansum immittitur & ruminatiōe præparatur. Κεκύφθαλος, reticulus sive secundus ventriculus, in quo plerumque cibus ruminatus & succosus invenitur, sæpeque tam spumans, ut manifesta fermenti operantis signa pateant. Έχινος, omasum, ventriculus tertius ad compressionem magis cibi, quam ruminatiōem faciens. Ηνυστρον, abomasum, quartus & ultimus ventriculus, à quo intestina producuntur ruminantibus longissima. Pylorus, qua transitus est eliquatis cibus è ventriculorum novissimo ad intestina. Intestini tenuis portiuncula, quæ cum pyloro & abomaso communicans alimentum probe resolutum prima excipit & transmittit. Gulæ & œsophagi portio, alvum petens in magni ventris & reticuli confinibus. Conspicuius venæ ramus, magnum ventrem perreptans, & furculus etiam vicinæ porrigens. Arteriæ cœliacæ propago, ventrem ut vena pervadens, ramulis etiam vicinitati traditis. Nervos atque lymphæ ductus pictos non esse intuenti patet, quorum specimen in Th. Willis neurologia & parte I. de operat. medic. cernitur.

Icon II. ut ad reliquas progrediamur, (quas huc transferri omnes instituti nostri ratio non patitur) exprimit magnum ventrem scorsim,

qua faciem externam, sublata tamen extrema membrana, cum vasis atque pinguedine. III. eundem exhibet ventrem, qua fibras interiores, detractō involucri externo ablatisque fibris exterioribus. IV. internam faciem ejusdem ventris refert ex parte, potissimum ut illius imbricati apices conspiciantur. V. adumbrat reticuli fibras musculosas interiores. VI. spectandam proponit internam reticuli superficiem cancellatam. VII. schematismus est omasi bubuli, ab externis fibris denudati, ut interna in conspectum veniant. VIII. IX. X. Omasi folia membranacea majoris, minoris, ac mediæ magnitudinis delineant. IX. effigiem sistit ventriculi è cuniculo atque lepore, in quo curiosum est œsophagum medium ejus petere, & valvulam quandam membranaceam in duos quasi ventres eundem discriminare. XII. denique œsophagum bubulum spectandum offert.

Librum III. ab etymologia ruminatiōis & differentibus ejus speciebus auspicatus Autor, characteres ruminantium potiores dicit cornua, maxillam superiorem edentatam sub labro, pastum graminis & sceni expeditum, oris ac linguæ asperitudinem, ventriculorum pluralitatem, inque his nonnunquam motu complicatas & coactas pilas, coagulum item, lac spissum & pingue, denique uterum fœmellarum cotyledonibus præditum. Ex his autem non omnia ait omnibus competere, sed alia magis huic, quam alteri speciei; leporibus & cuniculis paucissima tribuit. Porro ruminatiōem aliam genuinam vocat, aliam simulatam; hæc ita dicitur, quando desunt essentialia quædam requisita, quale quid observamus in cancris & astacis. Hi enim escam quidem remandunt, ex analogia tamen ruminare solum dicuntur, quoniam cibum in os non refundunt, sed ventriculi dentibus conficiunt. Pariter aves & gryllotalpæ, quamvis pastum bis deglutiunt, non ruminant tamen legitime, quoniam secunda vice non ex ore, sed ingluvie cibum deglutiunt. De ruminatiōis deinde natura & causis ubi agit, cum ruminatiōis essentiam in motu consistere statuatur, hinc ad motus diversitatem explicandam triplicem eum constituit in animalibus, voluntarium, naturalem & spasmicum seu convulsivum. Brutis voluntarium omnino denegat, solique homini adscribit. Naturalis autem quatuor recenset species: Primus facit ad nutritionem animalis, secundus ad corpus de loco in locum transferendum, tertius ad defensionem corporis, quartus ad speciem propagandam. Cumque motus ille ad nutritionem tendens, vel sit majoris necessitatis, adeoque conti-

nuus, vel minoris ac intermittens, hinc appositè ad intermittentem motum naturalem referri ruminationem putat. Causas ruminationis, quarum communiter tres enumerant, pabuli asperitudinem, dentium inopiam & multitudinem ventriculorum, respuit, creditque causam impellentem tantum esse pabuli ruditatem seu asperitatem, duritiem, crassitudinem & cruditatem. Hac de causa, inquit, cum bruta fœno, stramine, stipulisque vescuntur hyeme, magis ruminant quam æstate, & quodocunque tenera aut mollis ac delicata est pastio, tunc vel nulla vel brevissima observatur ruminatio. Voracitati autem ac amplitudini ventris adscribendum censet, quod rude pabulum assumant animantes, idipsum vero cum mole sua distendat ventrem, incitare ruminationem videri. Progreditur inde Autor ad ruminationem humanam, præmissaque historia cum voluptate legenda ruminantis textoris, subjungit ruminationem homini non esse naturalem, sed à machinæ corporis depravatione ortam. Causas hujus rei tres addit, nempe errorem matris, morbos & consuetudinem. Gravida enim cum attentius aspicit animalia ruminantia, vi imaginationis dispositionem ruminationis tenellulo embryoni imprimere potest. In adultis stigmata, ulcera aut bilis similesque humores acres, ad cibi non immutati redditionem ventriculum cogunt. Prava quoque consuetudo in naturam interdum abit, ut pro lubitu alimenta in os revocari queant. Consilium vero suppeditat Autor ad tollendam ruminationem homini molestam, suadetque assumendum esse paucum & facillimæ digestionis; mediam nocivam pronunciat, at masticationem diligentem summè proficuum. Alimenta seligit minus acrida, sed temperata & mollia. Deambulationem quoque à pastu jubet, amicamque conversationem. Inter medicamenta omnia amara, acida, austera, acerba ac ingrata rejicit, nec nisi grata & ventriculo accepta præscribenda esse contendit. De ruminantium inde pastu acturus, facta distinctione pabuli in recens succosumque, & aridum atque exsuccum, recensitisque plurimis in nutritionem ruminantium cedentibus, quæstionem format, quomodo animantia, utpote sensibus destituta, salubria ab insalubribus & venenosis discernere queant. Respondet autem, eam esse narium subtilitatem & conformationem organicam, ut effluvia plantarum commodè excipere valeant, talem motum cerebro nervisque imprimant, unde constet vel congruum esse vel incongruum, i. e. edendum vel minus edendo aptum. Postmodum de varietate in pascendo loqui-

tur docetque, quomodo animalia quædam labris atque dentibus primoribus pastum avellant, alia fodiendo, alia lambendo eundem corripiant; item quodnam discrimen sit masticationis in ruminatione, dum nonnunquam magna sit, concinnata ac frequens, interdum vero exilis, tarda brevisque. Tandem explicat aeris in plantarum poris atque meatibus contenti efficaciam in ruminatione, utpote qui calore ventris rarefactus pabulum simul attollat, præsertim si pastus maceratione turgeat, venterque satis repletus sit. Subjungit porro utilitatem ruminantium & ruminationis: ac initio asserit ruminationem facere ad meliorem ciborum digestionem, ideoque pro sanioribus habenda esse ruminantia, quippe quæ etiam olim ab Israelitis, Deo sic statuente, pro mundis habitata fuerint, non modo ad usum quotidianum, sed & ipsa sacrificia. Rationem autem salubritatis duplicem monstrat, videlicet, quod simplici utantur victu: 2. quod ruminatio pastum extenuet recludatque, ut aditus fermento ventriculi ad intima pateat facilius: 3. quod propter ventriculorum pluralitatem intestinorumque longitudinem assumpta penitus digerantur, atque in alimentum excoquantur potissimum.

De impedimentis deinde ruminationis acturus ea partim ad morbos refert, partim ad pabuli malignitatem, aut nimiam quantitatem. Subnectit his curam modumque, juxta quem tolli ejusmodi impedimenta, servarique ruminatio queat. Ultimo loco Medicinæ atque Philosophiæ præstantiam, felicemque conjunctionem satis prolixè commendat.

Subjuncta operi Appendix, præter Sciagraphiam Autoris de Ruminantibus ad Naturæ Curiosos, continet sub titulo *Symbola* 1. Epistolam D. *Heiddeggeri*, quæ circa observandum ciborum discrimen præceptum divinum examinat, ac docet ejus rationem non simpliciter fuisse mysticam. *Symb.* 2. Epistolam *Wepferi*, quædam circa digestionem & ruminationem brutorum tradentem, quæ & alia ejusdem Autoris exempla ruminationis humanæ memorat, & quæ circa cervum bovemque observata sint. *Symb.* 3. Epistolam *Wagneri*, qua varia continet circa ruminationem notatu digna, in lepore, cuniculo, locusta, gryllotalpa, salmone, scaro, camelo, &c. *Symb.* 4. *Harderi* meditationes de chylicatione & ruminatione, inprimis contra *Glissonium*. *Symb.* 5. *Joh. de Muraltio* sententiam de ruminantibus, cur à Judæis habitata pro mundis fuerint, & quamobrem ea tantum vescantur vegetabilibus. *Symb.* 6. confert *Petrus de Apples*, anagrammate carmineque Græco in honorem Autoris facto concludens.

EXPLICATIO FIGURARUM.

TAB. XXV.

FIG. I.

Uteri orificium per longitud. dissectum

a. Orificium uteri.

b. b. Portio vaginæ uterina.

c. c. Prominentia loca hæc exasperantes.

FIG. II.

Valvulæ venæ splenicæ.

FIG. III.

Arteria Splenica per lienem distributa.

FIG. IV.

Renis Parenchyma.

FIG. V.

Intestinum colon &c. ex abortu.

a. Intestinum ileon.

β. Cæcum.

γ. Colon.

FIG. VI.

Testiculus virilis ex abortu.

a. Testiculus verus.

b. ejus appendix.

c. Vasa spermatica.

FIG. VII.

Testiculus Fœmineus.

a. Substantia ejus vesicularis.

b. Substantia glandulosa.

c. c. Vasa spermatica.

FIG. VIII.

Uteri orificium internum in situ naturali.

a. portio est reclinata, quo per apertum locum plicas intueri liceat variorque anfractus.

FIG. IX.

Vasa umbilicalia.

a. a. Venæ umbilicales separata.

b. Eadem unita.

c. c. Arteria.

d. Urachus ex vesica.

FIG. X.

Ventriculi omnes.

a. Ventriculus primus.

b. - Secundus.

c. - Tertius.

d. - Quartus.

e. Gula portio.

f. Intestinum duodenum.

FIG. XI.

Membrana fœtus in utero.

a. Amnios.

b. Alantois.

c. Chorion.

d. Fœtus ipse.

e. Vasa umbilicalia cum utero.

FIG. XII.

Membrana alantois ab alijs separata.

a. Ejus cornua duo.

b. Vesica urinaria.

c. Locus umbilici.

d. Penis.

e. Urachus.

FIG. XIII.

Vasa spermatica in sexu fœmineo.

FIG. XIV.

Ventriculus Tertius apertus, quo valvulæ ejus seu plicæ videri queant.

FIG. XV.

Ovis est cui cornu in latere dextro enatum. Vixit hæc in equili Serenissimæ Reginæ Danorum, SOPHIÆ AMALIÆ. Cornu circa costas spurias ex cute propendet pedis unius longitudine, latitudine 6. pollicum, figuræ quodammodo pyramidalis. vid. *Museum Regium Danicum* Olig. Jacobai pag. 6.

AGNI

singularem Ileii, valvulæ coli & cæci (unius palmæ longitudinem habentis,) ut & quatuor ventriculorum structuram, vid. in *Severini Zootomia Democrit.* p. 304. qui pag. 295

CAPRÆ

quoque uterum eleganter ob oculos ponit.

SECTIO XXVII.

DESCRIPTIO ANATOMICA MARSUPIALIS

Americani, in Collegio Greshamensi exhibita ab

EDUARDO TYSON, M. D. Collegii Medicorum ac

Societatis Regiæ Socio, & Anatomia apud Chirurgos

Londinenses Professore,


Excerpta è Philosophicis Actis (Transactions) Anglicis

Mensis Aprilis 1698. N. 239.

A Nimalis hujus exotici, quod è Virginia Londinum vivens non modo adductum, atque à Will. Bird, Equi-

te, Illustrissimæ Societati Regiæ Anglicanæ oblatum, sed & ab hac aliquamdiu enutritum fuit, varia prius commemorantur nomina, quam

Antor



Auto
nem
re e
refi
rigu
Fra
Her
ren
illu
rig
do
Ra
Se
au
M
ran
sup
den
mi
po
li
m
sp

ce
no
ne
mu
ob
jed
den
nu
fig
lin
ca
po
tu
co
q
nu
ra
qu
ba
tr
lie
cin
cip
po
fec
pu
ho
na
lie
fec
lo
co

r
ri
9

Autor Clarissimus ipsam ejusdem conformationem, tum externam, tum internam describere exactius aggrediatur. In Brasilia namque, testibus Maggravio & Pisone, à littoribus *Cariguyea*, à mediterraneis *Jupatiima* vocatur; Franc. Hernandez cum Indis *Tlaquatzin*. Anton. Herera *Taquatzin*, & moderni Hispani, ex Nicrenbergii annotatione, corrupta *Tlaquacum* illud appellant; Maffei & Barlæo *Cerigo*, *Sarigoy* Lerio, Stadio *Servoy*, Cardano & Oviedo *Chiurca*, in Virginia *Opossum* vel *Opassum*, Rajo cum Anglorum nautis *Possam*, Gesnero *Semivulpa*, & *Vulpi-Simia* Aldrovando idem audit. Nostro tamen Anatomico dexterrimo MARSUPIALIS AMERICANI nomenclatura inprimis arridet, quod à ventris infimi marsupio, quo catuli ejus ab omni periculo defendendi recipiuntur, ex eoque pro lubitu rursus emittuntur, tanquam parte animali huic prorsus peculiari, desumatur, alioque insuper epitheto limitari queat facillime, si diversæ fortassis animalium ejusmodi crumenatorum reperiantur species.

Quod à *Wilkino* & *Raio* canibus, gliribus autem à *Pisone* annumeratur animal, cum *Cardano* *Autor* è genere potius mustelino seu vermineo esse reputat, certo nihilominus tum demum determinaturus, quando marem itidem observandi fuerit occasio; præsens enim subiectum, depingendum nunc æque ac describendum, foemella exstebat. Scilicet cum nulla apud Autores hujus animantis occurrat figura vitii omnis expers, *Noster* ad vivum delineari (Fig. 1.) illud curavit, cujus à naso ad caudæ usque extremitatem dimensio triginta pollices & unum; caput sex pollicum longitudinem; cauda unum pedem, ac periphæria corporis quindecim pollices cum dimidio adæquare deprehendebantur, licet vivum ac sanum majorem præ se tulerit crassitiem. Crura anteriora sex pollices, posteriora vero crura quatuor tantum pollices ac dimidium notabantur longa; crassities caudæ juxta radicem trium erat pollicum, in extremo autem pollicem solummodo unum attingebat; caput circa aures latissimum conspiciebatur, in syn-cipite ab una aure ad alteram tres obtinens pollices, successive hinc nasum versus decrescens, sicque porcelli magis, quam vulpis caput referens; palpebrarum rima haud lata, nec horizontaliter, sed in linea recta ab auribus ad nasum excurrerat. Aures unum circiter pollicem ac dimidium longæ erant, non acutæ, sed rotundæ; rictus oris ab unius lateris angulo ad extremum usque nasum duos pollices cum dimidio continebat.

Sicuti autem *Marggravius* circa crura aberat, dum anteriora horum breviora posterioribus asserit, ita pariter nec ea, quæ de quinque pedum digitis instar manuum profert, au-

topsiæ undiquaque respondebant. Pedum quippe anteriorum quinque digiti longi æqualiter inter se locabantur, in extremitate unguibus curvis instructi; sed posteriorum quatuor tantum digiti unguibus incurvis armabantur, quintus vero pollicem humanum perfecte æmulabatur, ceu brevior ac in aliqua distantia à reliquorum digitorum ordine positus, nec non tenui & plano ungue, qualem *Figura 1. & 4. lit. a a.* exprimit, coopertus. Quæ crurum & unguum conformatio multum omnino animali confert, ut pro captandis avibus, quibus præter alia vescitur, incredibili pernecitate arbores, ex Historiæ Mexicanæ aliorumque observatione, possit scandere, in quantum manibus quasi crurum posteriorum atque quatuor digitorum ungulis aduncis melius amplecti arbores, anterioribus autem cruribus longioribus longius progredi, ramisque, interventu curvorum ac robustorum unguum, firmitus inniti valet; præterquam quod cruribus posterioribus, in modum manuum efformatis, ramus arboris istius, cui animal circumvoluta cauda se adpendit, ac in quem denovo se elevare nititur, commodius apprehendatur, quam ubi pollices desint.

Digiti isti, pilis denudati ac cute rubicunda stipati, unum excedebant pollicem, quem pollices inferius locati fere æquabant. Palma ubivis, præsertim dilatata, uti scandendum inter, lata exstebat, apta tamen etiam, quæ inter ambulandum contraheretur. In hac circa cujuslibet digiti radicem securitatis ergo protuberans aliquod carneum & ferme cartilagineum occurrebat corpus. Quæ alimenta assumit, in os pedibus anterioribus, cerco-pitheci vel sciuri ad instar, ingerit.

Cauda non minus, ac digiti, carebat pilis, modo parvum spatium prope radicem ejusdem excipitur; successive autem à radice apicem versus decrescens regulari quodam squammularum albicantium & oblongo hexagonarum ordine tegebatur, quæ colubrinis quidem, juxta Historiam Mexicanam persimiles, non tamen æque, ac in viperæ cute, sibi incumbabant, sed singulæ potius integræ una cum tantillo cutis sive membranæ, cui insiguntur, apparebant intermedio. Et ratione harum squammularum ipsa etiam cutis, coloris in se obscurioris, magis albicabat.

Uti digiti & cauda nudi, ita auriculæ pariter glabræ exstebant, & juxta Historiam Mexicanam, tenuissimæ mollissimæque ac penetrans-lucentes, coloris & substantiæ intuitu membranæ alarum vespertilionis referentes, erectæ nihilominus, neutiquam vero acuminatæ seu in apicem terminantes, prout à nonnullis describuntur, sed circularis magis sive ovalis figuræ. Tanta siquidem teneritate ac mollitie gaudebant auriculæ, ut similis substantia car-

tilaginosa, qualis plerumque in aliorum animalium auriculis habetur, nulla hic perciperetur, quasi vel ex duplicata solum membrana tenui, vel saltem ex cartilagine simul multo delicatiori, quam in reliquis animantibus, essent contextæ. Concha seu transitus ad meatum auditorium satis notabatur capax; rima vero auriculæ tunc, quando animal male se habere incipiebat, aliquantum contractior advertebatur, & cum moriretur, tam corrugata, ac si penitus exaruiisset, limbum haud lævigatum, sed ferratum constituens.

Maxilla superior longitudine inferiorem paulo separabat; nares, annuente *Marggravio*, cernebantur patentēs; oculi nigri, parvi, vividi & exerti, cum viveret, sed in mortuo multum collapsi; cervix brevis, ac pectus latum; barbam alebat felinam; pellis faciei contractior & candidior erat reliqua corporis. In dorso & circa latera pellis cinereo gaudebat colore, seu pilis nigris in areas digestis, cum albis interspersis, speciatim in dorso, cingebatur; in ventre colorem magis fuscum, quemadmodum in cruribus obscuriorem, obtinebat. Longiores pili, qui & crassiores, trium pollicum longitudinem æquabant, circa extrema candidi, secus ac *Historia Mexicana* & *Hernandez* tradunt, pilum longum & candidum, sed circa extrema fuscum & nigrum memorantes.

Verum partes inter externas, hætenus indigitatas, & internas, mox lustrandas, medium quasi locum occupabat singularis illa, quæ in alia animantium nondum deprehensa fuit specie, *Bursa* videlicet in ventre imo ad catulos tuendos mirabiliter extructa, *Marsupii* titulo à *Nostro* insignita; quemadmodum *Mantica* à *Pisone*, *Crumena* à *Cardano*, *Ventrale Marsupium* ab *Oviedo*, à *Joh. de Laet* *Ascus sub ventre pendulus*, *Pelliceus saccus* à *Fr. Ximenez*, seu hujus *Translator*, à *Jul. Cæsare* *Scortum subventrale*, à *Petro Martyre* *Uterus exterior*, à *Benzone* *Venter alter &c.* consuevit appellari. In medio enim abdomine inferius circa posteriora crura notabatur rima (Fig. 2. & 3.) duos pollices longitudine excedens, majoris tamen extensionis, ubi digitis dilatabatur, etiam in vivo animali capax. Hocce nempe burse os ita claudi, ut non appareat, nisi duobus digitis ab invicem distendatur, *Marggravius* æque vere innuit, ac quando generalem ipsius marsupii descriptionem sistit: *Mirum autem animal*, inquit, *nam in infimo ventre prope crura posteriora pellis ejus dupla est, & exterior rima duos & semis digitos longa, facitque quasi Bursam, quam Brasiliiani vocant Tambeio, pomi aurantii majoris capacem. Est autem Bursa hac intus pilosa, pilis puta perquam raris, cutim neutiquam obtegentibus, confita. E contrario ex utero inferius osten-*

dendo hallucinationis sine negotio convincentur, quotquot pro utero ipso marsupium tale venditant, nec alium uterum inveniri ex frequentibus etiam animalium horum dissectionibus affirmant; in præsentī mirandam potius marsupii rimari placet structuram, catulis omnino tutamenti ergo nunc recipiendis, nunc emittendis, juxta *Zoographos* omnes, accommodatam. In hac siquidem musculos, marsupium aperientes & claudentes, mox perpendere convenit, ubi duo peculiaria illa ossa, quæ in aliorum animalium sceletis frustra quærantur, quæque ab usu Ossa Marsupialia seu Janitores Marsupii merentur dici, prius fuerint indigitata.

Ossa hæc Marsupialia (Fig. 5.) seu Janitores Marsupii duo robusta existebant ossa, pollices duos longa & superiori ac inferiori ossium pubis margini ita adnexa, ut in basi præcise ad coalitum (b) ossium pubis (a. a.) se invicem contingerent, cum in altera extremitate ad duos pollices & dimidium mutuo distarent. In basi (d. e.) dimidium pollicem lata duo capita habebantur, alterum majus (d.) ad ossium pubis coalescentiam, alterum minus (e.) versus os coxendicis, una cum sinu intermedio, in quo protuberantia quædam ossis pubis recipiebatur. Qua ratione ossa hæc, in ascensu ab ossibus pubis tenuiora & in medio non nisi quartam pollices partem lata, non tam ad se, nec a se invicem, sed quodammodo introrsum versus spinam, & extrorsum ab hac, poterant moveri.

In quodlibet horum ossium quatuor musculorum paria implantabantur, quintum vero eadem tanquam trochleam transgrediebatur. Primum musculorum par, in prono animalis situ primum secundum, ac figuræ ratione triangulare nominandum, ab universa sedis internæ horum ossium longitudine oriebatur carneum, ac tendinibus oppositis in rimam marsupii utrinque inferebatur. Sub musculorum horum parte alterum locabatur par, planum ac tenue, ab interna ossium marsupialium sede superius exsurgens, ac tendinibus oppositis parum supra tendines priorum, quarum fibras carneas decussabat, desinens. Tertium musculorum par antè a basi ossium horum, ubi cum pubis osse junguntur, proficiscebatur, terminum postea in linea aspera ossis femoris acquirens. Quartum par prope basin dictorum ossium exterius emergebat, tendebatque in anteriorem ossis femoris partem juxta medium ad spinam ossis ilei pergens.

Ad fibras recensitorum musculorum jam attendenti ultro patefcit, marsupium a duobus primis paribus sese contrahentibus dilatarī, dum ossa ipsa loco fulcimenti sunt & ratione articulationis appropinquationem mutuam respuunt.

respuunt. A tertio autem & quarto muscutorum pari ossa ipsa extrorsum queunt tendi, ne hac ratione tunc, quando animal cauda se suspendit, viscera interna à pondere foetus in marsupio comprimantur. Quintum ac ultimum par, uti ipsi marsupio dilatando, ita & ponderi ejusdem suspendendo, ubi animal prono capite est, potest inservire, tanto facilius nempe illud retrahendo, si nimium graviter, quando magis ejus virtus eo ipso, quod ossa tanquam trochleam transcendat, augetur.

Sed antagonista horum muscutorum sphincter deprehendebatur marsupii, ex ovali robustarum fibrarum carnearum serie coagmentatus, tam exacte marsupii orificium constringens, ut nulla ejus, prout jamdum annotatum, pateat rima, nisi digitis prius dilatetur.

Marsupium ipsum membranosum erat corpus, non adeo crassum, è diversis tamen tunicis contextum, vesicularibus corporis partibus, quæ musculi partim, partim glandulæ munia i. e. motionem æque ac secretionem peragunt, accensendum. Etenim concavitas hujus bursæ, aliquantum pilosa, humore quodam flavescente a tunica glandulosa eructato & singularem foetorem spirante, hinc inde oblinebatur, quemadmodum animal instar Vulpis vel Martis foetere Marggravius etiam aliique observarunt; licet foetoris loco gratus potius instar musci odor perciperetur, postquam cutis cum marsupio aliquot dies asservata & exsiccata fuisset. Præter glandulosam vero tunicam, cujus intuitu marsupium capulas inter odoriferas poterit referri, duæ aliæ occurrebant, musculosa altera sive carnea, altera vasculosa, multis vasculis sanguiferis, a duobus ramis mammariis oriundis, irrigata. Cæterum multis membranis intercedentibus, facile tamen solis digitis separandis, marsupium cum musculis abdominis & cute cohærebat, uberibus omnibus, quæ Autorum nonnulli in eodem somniant, plane destitutum. Nec mammæ exterius in cute poterant notari, forsitan quod præsens animal catulos nondum peperit, adeoque papillæ, suctionis defectu minores, visum omnem effugerent. In quantum interim marsupium, in masculis pariter quod reperiri volunt, a foemellarum hætenus evoluto præcise discreper, altum apud eos etiam Autores, qui diversum illud innuunt, est silentium.

E partibus demum internis, quæ considerandæ supersunt, unice adhuc ossa, ab Autore ultimum descripta, propter Figurarum Tabulæ transumptæ explanationem, liceat contemplari; viscera vero, cum nonnullis ossibus in Tabula altera adumbrata, Tomi III. Supplementorum Sectioni IV. proxime edendæ reservare.

In capite nimirum, cujus ossibus primus in

Osteologia locus debetur, cujusque longitudo quatuor pollices cum tribus quartis æquabat, rostrum (Fig. 4. AA.) tres pollices longum advertebatur, ossaque exacte, ubi rostrum & cranium (bb.) concurrunt, adeo depressa utrinque cernebantur, ut cranium hic perquam esset angustatum ac proportionem totius corporis observata, longe minus, quam in quadrupedum ullo. Circa synciput rostrum unum pollicem erat latum, protuberantia (i.) utrinque instructum. In medio sutura (K.) ampla occurrebat, superiora narium ossa triangularia secundum longitudinem dividens. Quamvis autem singula cranii ossa specialius describere radiosum esset, negligendæ tamen haud veniunt peculiare protuberantiæ cranium à fractura omni egregie defendentes. Protuberantia altera ossa longitudinalis (ccc) ultra pollicis quartam partem eminens, per longitudinem cranii a syncipite ad occiput in medio, ubi sutura alias sagittalis esse solet, excurrebat. Aliæ vero protuberantiæ ossæ laterales, (d.) magis declives, utrinque a processibus styliformibus ad posteriorem occipitis partem oblique ascendebant, in medio vertice cum longitudinali junctæ. In priori protuberantia ossa longitudinali suturæ sagittalis, in posterioribus autem protuberantiis lateralibus suturæ lambdoideæ existebant vestigia, etiam si ossa jam per veram symphysin coaluissent.

Ast non tantummodo cerebrum, verum oculi pariter probe muniebantur ob osse zygomatico (e. f.) lato admodum & robusto, quod superius quidem tenue & acutum, inferius tamen notabiliter crassum, in latissima parte tres pollicis quartas, in angustissima vero dimidium pollicem exæquabat. Sicuti autem os hocce ex processu altero ossis temporum (e.) & altero maxillæ superioris (f.) resultat, ita pro majori ejus robore processus isti concurrentes mutuo sibi incumbabant. Longitudine duorum pollicum & dimidio os idem zygomaticum gaudebat, ad unum pollicem a cranio distans.

In orbita oculi juxta canthum internum largum conspiciebatur foramen (g.) intra nasi cavitatem patens & ductu interveniente lacrymas seu oculorum humiditates ad nares deferens; quemadmodum ossi pariter maxillæ superioris latum foramen (h.) insculptum erat, vasculis nonnullis transitum ad orbitam oculi concedens.

Cranium, (bb.) quod cerebrum complectebatur, in loco latissimo pollicem unum, in longitudine vero pollicem cum dimidio superabat; sed cavitas ejus paulo ulterius nares versus procedebat, peculiarem quasi satisque capacem cellulam ibi efformans, pro mammillaribus processibus ac anteriori cerebri parte recipiendis. Os hinc cribrosum foraminulis

cribri ad instar notabiliter observabatur pertusum, certeque in organi olfactus gratiam à rostro major capitis portio constituebatur, quam a cranio ipso, veluti interne vix ultra nucis juglandis molem capiente.

Os spongiosum in qualibet narium curiosissime apparebat extructum, ratione copiosarum, quibus gaudebat, lamellarum; quo a membrana harum latissima animalium acquirendorum vel fugiendorum effluvia eo copiosiora recipiantur ac percipiantur, sicque odoratus organum in brutis exquisitius, quam in hominibus, quos bruta olfactu præcellere constat, habeatur.

Maxilla inferior (11.) duobus firmis constabat ossibus, quatuor pollices longis ac in mento tantum invicem unitis. Caput utriusque ossis, quod dimidium pollicem latum intra sinum ossis temporum recipiebatur, multumque in articulatione firmabatur, duobus processibus gaudebat, altero anteriori (m.) seu superiori, lato ac tenui, cui musculus temporalis infigebatur, altero inferiori (n.) magis gracili ac in apicem acutum desinente, ad quem mandibulæ margo ultra dimidii pollicis latitudinem protendebatur. Interne hic notabilis erat sinus, ad foramen ducens, quod ipsum ossis maxillæ corpus intrat viamque vasis sternit.

Dentium cuncta tria comparebant genera. Nam in maxilla superiori antè octo tenues locabantur dentes incisores, quatuor utrinque: juxta quos, spatio ad quadrantem pollicis relicto, duo longi dentes canini, utrinque unus, prominebant, ultra dimidium pollicem exerti; his utrinque succedebant tres dentes incisores, anterioribus multo crassiores ac firmiores, & duobus phalangibus dentes molares imitantes, solum quod capita eorum acuminata essent, cum capita molarium dentium, utrinque quatuor, planitiem obtinerent ac figuram ferme triangularem. Neque dentes inferioris maxillæ vel numero, quo itidem viginti quatuor comprehendebantur, vel ordine, sed crassitie tantum paulo imminuta, a dentibus maxillæ superioris recedebant.

Capiti quinquaginta & una vertebræ iustabantur adnexæ, singulari ratione omnes efformatæ: septem videlicet vertebræ cervicis; tredecim dorsi seu thoracis; sex lumborum; tres ossis sacri; atque viginti duæ caudæ. Præter primam tamen vertebram (No. I.) cervicis, Atlantis nomine vulgo insignitam, ac duobus latis processibus transversis, spina nulla, instructam, conformatio reliquarum Sectione IV. Tomi III. Supplementorum tradetur, quando Fig. 6. 7. 8. 9. & 10. Tabulæ alterius declarabuntur.

Cum vertebris thoracis costæ (Fig. 4. ****) utrinque tredecim cohærebant, quarum se-


ptem anteriores cum sterno perfecte articulabantur, posteriores autem sex, veluti nothæ, licet longæ & in principio a vertebris retrorsum versus posteriora crura inclinatæ essent, postea tamen antrosum versus sternum seu cartilaginem scutiformem reflectebantur. Verarum nihilominus costarum cum sterno connectioni nulla, uti in homine aliisque animantibus, intercurrebat cartilago, aut saltem cartilago erat ossea, cum eo costarum portio, quæ sternum attingebat, magis albicaret, quam altera costis vicina & ob vasa sanguinea magis rubicunda. Prima costa unum solummodo pollicem, ejusque cartilago ossea quartam pollicis partem, erant longæ; longitudo hinc costarum successive augebatur, ita ut costa septima trium pollicum, ac cartilago ejus unius pollicis & dimidii longitudinem attingerent. Quatuor denique ultimarum costarum spuriarum longitudine rursus successive imminuta, ultima costa unum tantum pollicem ac tres quartas erat longa, nec cartilago ipsius, prout primæ, secundæ & tertiæ nothæ, versus os pectoris excurrebat.


Os pectoris sive sternum pro numero costarum, quæ ipsi jungebantur, septem constabat ossibus. In exortu ipsius cartilago quædam ossea acuta prominebat, a figura cartilago ensiformis (p.) dicenda, ubi altera claviculæ (o.) extremitas firmabatur; ad sterni autem terminum versus abdomen cartilago potius quædam lata & subrotunda habebatur, cartilago scutiformis (q.) appellanda.

Binarum claviculæ (o.) quælibet, unum pollicem & dimidium longa, extremitate altera cum primo sterni osse seu cartilagine ensiformi, altera vero cum scapulæ spina (r.) prope articulationem ossis humeri sive femoris anterioris jungebatur. Atque ope istorum ossium pes anterior cibandum inter commodius ori applicari valet, pariter ac in simiis, quæ itidem cum hominibus ossa talia habent, quibus animalium pleraque alias destituuntur.

Scapula (q.) duos pollices longitudine, latitudine unum pollicem & dimidium circiter æquabat, spina (r.) ejus, licet tenuis, quo propius tamen ad scapulam accedebat, eo crassior & planior evadebat. Intra sinum cervicis scapulæ caput ossis humeri (Fig. 6. a.) recipiebatur, quemadmodum processui ejus, qui Acromium audit, extremitas altera claviculæ adnectebatur.

Os hocce humeri sive femoris anterioris, (Fig. 6.) duos pollices cum tribus quartis longum, crassum extabat ac firmum, spinam (b.) quandam latam & inæqualem antè per dimidiam longitudinem emittens. Extremitate inferiori, (f. g.) qua tibiæ & fibulæ ossa articulabantur, evadebat latius, unius pollicis latitudinem





itudinem fere attingens, ibique simul externe lata protuberantia (c.) gaudebat, sicuti interne magno foramine oblongo, (d.) resulante ab ossiculo illo tenui, quod inferius ab antica ossis femoris parte, ubi majorem latitudinem acquirit, exsurgebat, basis (f.) postea hujus ossis parti, cui fibula cohæret, adnexum.

In media præcise basi ossis dicti largus occurrebat sinus, (e.) a tergo longe profundior, ac intra alium tibiæ sinum profundum vergens, ne ossa ista, arctissime sic invicem articulata, facile luxentur.

Os tibiæ (TT.) firmum erat, longum tres pollices, ac superius ad pollicis quartam ultra ipsius articulationem cum femore procedens, (V.) inferius autem cum externo tarsi osse jungebatur.

Os fibulæ (W.W.) gracilius existebat, extrorsum magis simulque antrorsum locatum, longitudine tibiæ cedens; superne cum femoris osse, inferne cum interno tarsi osse committebatur. Duo quippe tantum aderant ossa tarsi, (XX.) quorum quodlibet levi sinu, pro capitibus duorum focilium excipiendis, gaudebat. Ossa metatarsi (YY.) quatuor numerabantur vel quinque, cum quinque digitis pedis anterioris combinata. Digitus internus duabus solum articulationibus, sed in extremitate ungue adunco, coque lato & firmo infiruebatur; reliquorum autem quatuor digitorum quivis, ungula incurva æque ac primus armatus, tres obtinebat articulos.

Crura posteriora cum corporis trunco cohærebant adminiculo ossium innominatorum, quæ etiamsi proprie duo tantum hic ossa habeantur, (utrinque nempe unum,) superius intercedente osse sacro separata, inferius autem in osse pubis connexa; communiter ni-

hilominus cuiusque eorum distinctionis gratia distinctum imponitur nomen, dum superiorem hujus ossis portionem os ilium (No. 13. Fig. 5. GG.) inferiorem os ischii sive coxendicis (JJ.) ac anteriorem, ubi coalescunt, os pubis (aa.) appellant. Totius longitudo in linea recta tres pollices æquabat. In osse ischii acetabulum (ff.) notabatur, capiti posterioris ossis femoris excipiendo inserviens. Profundius in eodem spatium aliquod occurrebat pro fulciendo ligamento; sinus inde quidam extrorsum ducebatur, adeo ut margo acetabuli non perfecte circularis, sed hic loci interruptus esset. Verum ossa maxime hic observari merebantur marsupialia, (cc.) sive Janitores marsupii, superius jam descripta.

Os femoris posterioris, subrotundum & firmum, tres fere pollices excedebat. Os autem tibiæ, (Fig. 4. T.T.) parum incurvatum, paulo majorem nanciscebatur longitudinem. Nec longitudine ab hoc os fibulæ, (W.W.) magis rectum ac gracile, recedebat, quod pedem versus cum calcis osse, quemadmodum tibia cum talo sive astragalo, articulabatur. Duobus enim his ossibus tarsus (xx.) constabat, cui porro ossa metatarsi (yy.) atque his demum digitorum phalanges (z.) committebantur. In digito interno sive pollice duo tantum articuli, in reliquorum autem quatuor digitorum quolibet tres numerabantur. Pollicis extremitas planior erat extremitatibus aliorum digitorum; pollex siquidem, uti jamdum indigitatum, planum habebat unguem (æ.) instar pollicis humani, in reliquis autem unguis longus existebat atque incurvus. Cæterum in articulatione cujuslibet intermedii digitorum, tum in anteriori, tum posteriori pede, duo ossicula parva, quæ sesamoidæ vocant, detegebantur inferius.

EXPLICATIO FIGURARUM

TAB. XXV.

FIG. I.

Conformationem externam figuramque *Marsupialis Americani* ad vivum delineati representat.

FIG. II.

Rimam sive orificium marsupii, quod catuli inhabitant, usque dum ipsimet victum quætere valeant, exhibet.

FIG. III.

A. *Marsupium ostendit inversum*, quo pili, idem obtegentes meliusque catulos foventes, appareant.

B. B. *Duo crura posteriora resecta.*

C. *Foramen ani*, communem exitum recto, vesicæ urinariæ atque utero præbens.

D. *Principium caudæ.*

FIG. IV.

Skeleton seu Ossa hujus animalis monstrat.

a. a. *Rostrum.*

b. b. *Cranium, cerebrum comprehendens.*

c. c. c. *Protuberantia ossea longitudinalis, per longitudinem cranii & portionem rostri excurrens.*

d. *Protuberantia ossea lateralis, instar suggrunda ultra occiput posterius procedens.*

e. f. *Os zygomaticum.* (e.) *Processus ejus ab osse temporum,* & alter (f.) *a maxilla superiori.*

g. *Foramen in orbita oculi juxta canthum internum intra nares patens ac ductus adjuvamento lacrymas sive humiditates oculorum in easdem deponens.*

h. *Foramen in maxilla superiori pro vasorum transitu.*

i. *Protuberantia ossis frontis.*

k. *Sutura*

- k. *Sutura ossium narium.*
 l. l. *Maxilla inferior.*
 m. *Processus superior maxilla inferioris.*
 n. *Processus inferior maxilla inferioris.*
 o. *Clavicula unius lateris.*
 p. *Cartilago ensiformis primi ossis sterni.*
 q. *Os scapula.*
 r. *Spina scapula.*
 S. S. S. S. *Ossa femoris cunctorum pedum.*
 T. T. T. T. *Tibia sive focile majus omnium pedum.*
 u. u. *Portio tibia in crure anteriori ultra articulationem protensa.*
 W. W. W. W. *Fibula sive focile minus omnium crurum.*
 x. x. x. x. *Ossa tarfi.*
 y. y. y. y. *Ossa metatarfi.*
 z. z. z. z. *Digiti.*
 a. a. *Pollices in pedibus posterioribus.*
 No. 1. *Prima cervicis vertebra, Atlantis nomine veniens.*
 2. 3. 4. 5. 6. 7. *Secunda, tertia, quarta, quinta, sexta & septima cervicis vertebra.*

8. *Prima vertebra thoracis.*
 9. *Prima vertebra lumborum.*
 10. *Prima vertebra ossis sacri.*
 11. *Prima vertebra ossis coccygis sive cauda.*
 12. 12. 12. 12. *Spina in interiori cauda parte.*
 13. 14. *Os innominatum, in quo (13.) Os ilium, & (14.) Os ischii sive coxendicis.*
 15. 15. *Ossa marsupialia sive Janitores Marsupii.*
 ****. *Costa tredecim.*
 O. *Cartilago scutiformis.*

FIG. V.

Ossium marsupialium situm exprimit.

- a. a. *Ossa pubis.*
 b. *Coalitus ossium pubis.*
 c. c. *Prima ossa marsupialia sive janitores marsupii.*
 d. c. *Basis ossium marsupialium, qua ossibus pubis junguntur. (d.) Basis capitulum internum. (c.) externum.*
 f. f. *Acetabulum pro capite ossis femoris recipiendo.*
 g. g. *Os ilium.*
 h. h. *Vertebra ossis sacri.*

SECTIO XXVIII.

DESCRIPTIO ANATOMICA MARSUPIALIS MARIS,

Ex Epistola Guilielmi Cowperi, Societatis Regiæ Socii, ad D. EDUARDUM TYSON data, Anatomen earum Marsupialis Americani maris partium, quæ à fœminæ partibus discrepant, exhibens,

Excerpta ex Actis Philosophicis Anglicis Mens. Mart. 1704. N. 290.

Fœmina erat Marsupiale Americanum, quod cultro Anatomico quondam subjecit ac Societati Regiæ obtulit D. Eduardus Tyson, nosque in Actis huiusce Mensis Septembri 1698. pag. 407. & in Supplement. Tom. III. sect. IV. pag. 194. exhibuimus. Jam quæ in mare peculiariter observantur, subiungit D. Guil. Cowperus, quorum itidem mentionem hic facere, nostrarum duximus esse partium. Præter organa generationi dicata, Marsupiale Mas in eo differt a Fœmina, quod desideretur marsupium, a catulis inhabitandum, nec adsint muscoli ab ossibus marsupialibus, hyoidea a figura nuncupandis, emergentes & ad abdominis cutem desinentes. Nullum externe genitalium partium vestigium apparet, si scrotum exceperis, quod justam pro involvendis testibus nactum est capacitatem, nec certe aliud foramen conspiciatur in his partibus externe, præter anum (vid. Tab. XXVII. fig. 1 A.) ad intestinum re-

ctum ducens: diductis autem huius marginibus, alterum in conspectum venit (B) quod præputium esse penis sectio monstrabat. Compressis his partibus, duæ profluebant guttæ ex utroque ani latere, (cc) a duobus corporibus glandulosis, seu saccis, circa sphincterem positis expressæ. Qui liquor idem videtur esse, ac qui in fœminæ marsupio inveniebatur, & cui peculiaris ille animalis foetor in acceptum est referendus; his enim partibus cum cute cloacam investiente remotis, omnis disperebat foetor. Dum cutis ab abdominis musculis separatur, ossa modo dicta in oculos incurrunt, unde muscoli quidam oriuntur, femoris ossibus inserti, qui idem præstant officium ac muscoli psoas in aliis animalibus, quanquam hi exiliores fuerint. Penem quod spectat singularis structuræ, præter glandem bifurcatam, (BB. vid. Tab. XXVII. fig. 2. & Tab. IV. fig. 1.) cavernosa corpora (DD) nullo modo cum ossibus pubis communicant,

nec

Fig. I.



Fig. II.



Fig. III.



nec muscoli erectores vel directores (CC) ad ullum pertingunt os, quemadmodum in hominibus & quadrupedibus aliis; sed omnes hæ partes liberæ jacent sub ossibus pubis, altera corporum cavernosorum extremitate in glandem desinente. Multo minus corpus cavernosum urethræ & ipsius musculi (EE vid. Tab. XXVIII. Fig. 1) sphincteri ani inseruntur, verum integrum penis corpus liberum jacet, inter ossa pubis & intestinum rectum; hinc libere extrudi potest sub erectione extra præputium. Quam penis extrusionem non parum promovet in hoc animali urethra (IKL. vid. Tab. XXVII. fig. 2.) satis longa, & in plures angulos acutos contorta aut complicata, quam quales figura monstrat: ita ut penis extrudi nequeat; quin vesica (OO) insequatur. In anteriore penis parte musculorum par (ffG) erectione inservit, quod carnosum est in corporibus cavernosis penis, (DD) unde exsurgit, & evadit tendinosum, (ff) dum duo transit ligamenta in ossibus pubis, & tandem unitur in unum tendinem (G) dorso penis insertum. Præter hoc, aliud par musculorum (HH. vid. Tab. XXVII. fig. 2. & Tab. XXVIII. fig. 1.) retrahit penem erectum, ab intestino recto in extremitates corporum cavernosorum penis insertum. In catis, bobus, arietibus & ursis adsunt duo ligamenta, ab osse sacro vel ilio in utroque latere oriunda, & in corpora cavernosa penis desinentia, quæ instar horum musculorum penem in præputium retrahunt. Corpora cavernosa penis in Marsupiali differunt, quoad figuram, ab aliorum animalium corporibus cavernosis; eorum enim pars superior deprehenditur bulbosa (DD. vid. Tab. XXVIII. fig. 2. & Tab. XXVIII. fig. 1.) tegitur-

que musculis (CC) instar bulbi corporum cavernosorum in humana urethra, quæ pars in aliis animalibus conicam habet figuram. Musculi corporum cavernosorum penis in hoc animali cum minus connectantur cum osse pubis, dorsum penis ad dictum os movere, & venas comprimendo sanguinem refluentem neutiquam retardare possunt; ideo venæ potius quædam amplæ per mediam bulbi (KKC. vid. Tab. XXVIII. fig. 3.) partem feruntur, & compressioni solum ausculant, ab intumescencia musculorum, (CC) quibus involvuntur, factæ. Qui potissimum erectionem penis in hoc animali conservat musculus, est sphincter ani latus supra commemoratus, illicque connexus. Quando penis extruditur ano, sphincter hujus illum necessario amplectitur, id quod itidem a sphinctere ani foeminae in coitu contingit: unde creaturas has ad actum hunc exercendum non adeo promptas esse, augurari licet. Præterea figura penis expressa in figura 3. Tab. 28. docet, penem retrahi non posse, nisi glandulæ (AB) detumuerint, quod forsan in his animalibus non accidit, nisi utriusque æstus deferbuerit. Cum bulbus corporis cavernosi urethræ formatus sit in homine, ut glandem urgente necessitate sufficienter distentum servet, necessarium videtur, hoc animal duos obtinere bulbos, in musculis suis (EE vid. Tab. 28. fig. 2.) inclusos, pro continuanda turgescencia glandis bifurcati, (AB vid. Tab. 28. fig. 3.) dum penis est erectus. Sub qua distensione glandis media urethræ pars necessario comprimitur (D,) & duo distincta orificia (CC) relinquuntur in utroque latere glandis (AB) bifurcati.

EXPLICATIO FIGURARUM
TAB. XXVII.
& XXVIII.

FIG. I. monstrat figuram externam Genitalium Marsupialis (Opossi) maris, juxta minorem.

- A. Ani pars inferior ad intestinum rectum ducens.
- B. Ani pars superior, vel orificium præputii.
- c. c. Duo orificiola luteum liquorem fundentia.
- D. Scrotum.
- E. Pars abdominis, in qua marsupium hæret in fœmellis, in mare magis depressa.
- F. F. Duo pollices pedum posteriorum.

FIG. II. sistit partes anteriores organorum generationi dicatorum, veram magnitudinem servantes.

- A A. Corpus penis.
- BB. Glans bifurcatus.
- CC. Musculi directoribus penis analogi, bulbos corporum cavernosorum penis includentes.

DD. Duo corpora cavernosa penis, antequam conjungantur & corpus penis forment.

EE. Partes duorum bulborum corporis cavernosi urethræ.

Gff. Par musculorum, cujus tendines ff. transeunt duo ligamenta circa ossa pubis, & tandem in unum tendinem G coeunt.

HH. Duo muscoli ab intestino recto oriundi, & parti opposita corporum cavernosorum penis inserti.

I. Urethra, ubi prostatica non includitur.

KK. Prostata urethram includentes.

MM. NN. Dua glandula mucosa ab utroque latere radice penis sita, & in urethram huiusmodi infundentes.

OO. Vesica urinaria.

PP. Musculi cremasteres.

QQ. Musculi cremaster sinistres tunicam vaginalem includens.

RR. Tunica vaginalis in latere dextro aperta, ut inclusa vasa preparantia & deferens in conspectum veniant.

SS. Vas deferens.

TV. *Tunica vaginalis testiculum sinistrum includens, cum sua epididymide V.*

WXYZ. *Testiculus dexter, prout incisa tunica vaginali apparet.*

W. *Ejus epididymis.*

X. *Corpus testiculi.*

Y. *Arteria & vena spermatica testiculum intrans & deferens.*

Z. *Ductus excretorius testiculi.*

aa. *Arteria spermatica a parte anteriori trunci descendens arteria magna orta, ubi communi ductu gaudent, qui tamen dividitur, dum per*

* *aperturam trunci vena cava transit.*

bb. *Vena spermatica in venam cavam intrantes.*

dd. *Renes.*

ee. *Ureteres.*

gg. *Vena emulgentes.*

♢. *Pars arteria emulgentis sinistra.*

h. *Vena cava sub hepate.*

ii. *Truncus descendens arteria aorta.*

kk. *Arteria mesenterica.*

l. *Arteria mesenterica inferior, qua in hoc animali a magno trunco non exurgit.*

m. *Glandula renalis sinistra.*

n. *Glandula renalis dextra, pone truncum vena cava sita.*

o. *Truncus communis arteria, a quo ramus gastricus, mesentericus superior & inferior & emulgentes propullulant.*

FIG. III. *depingit partem anteriorem penis, respondentem, corporibus cavernosis Mercurio repletis.*

AB. *Glans bifurcatus.*

CC. . . . *Dua apertura distincta.*

D. *Media orificii urethra pars.*

E. *Dua glandis vena.*

F. *Bulbi alterutrius corporis cavernosi penis.*

G. *Bulbus corporis cavernosi urethra.*

♢. *Bulborum apertura pro injectione Mercurii.*

H. *Urethra.*

I. *Musculi exsiccati.*

KK. *Vena ligata.*

FIG. IV. *repraesentat partem posteriorem penis.*

AB. *Glans bifurcatus.*

EE. *Partes venarum a glande redeuntium.*

FF. *Bulbi corporum cavernosorum penis.*

GG. *Duo bulbi corporis cavernosi urethra.*

H. *Urethra.*

KK. kk. *Vena ligata.*

TAB. IV.

FIG. I. *exhibet partes posteriores genitalium.*

A. *Corpus penis.*

B. *Glans.*

CC. *Bulbi corporum cavernosorum penis, musculis suis tecti.*

DD. *Corpora cavernosa penis.*

EE. . . . *Duo bulbi distincti corporis cavernosi urethra, musculis suis involuti.*

FFG. *Partes musculorum in parte anteriore penis sitorum.*

HH. *Par musculorum ab intestino recto exsurgens, & lateribus corporum cavernosorum penis insertum.*

IKL. *Urethra prostatica K L K involuta.*

MN. *Dua glandula mucosa in utroque latere.*

O. *Vesica urinaria.*

P. *Musculus cremaster.*

Q. *Tunica vaginalis aperta.*

R. *Vasa preparantia a trunco magno dissecta.*

SS. *Vas deferens in utroque latere.*

WXYZ. *Testiculus sinister.*

ee. *Partes ureterum.*

** *Stylus in urethram insertus.*

SECTIO XXIX.

DESCRIPTIO ANATOMICA CANIS,

Ex Observat. Anatomico-Pract. Gerh. Blasii p. 23.

CANES Anatomicorum martyres sapissime semivivi aperiuntur ad demonstrandas venas lacteas & ductum thoracicum in Fig. 1. & 2. TAB. IV. ob oculos positum. Plura autem experimenta illic instituta vid. in *Canicidiis Caroli Drelincurtii*. Hac vice sufficiant quæ Blasius habet, qui DIAPHRAGMATI non solum venas atque Arterias competere phrenicas, ex cavæ venæ atque Arteriæ Aortæ truncis, per anteriora, & medium ejus distributas, sed & ve-

nas varias à venæ cavæ Ramulis Musculis, posteriora atque inferiora ejus accedere, in *Miscellaneis Anatomicis* docuit, de Arteriis eo tempore quo hæc edebat, incertus; At vero melius postea edoctus, per repetitas dissectiones, etiam Arterias hic dari asserit, ex Aortæ trunco, eo loco, ubi cœliaca ordinario prodit, procedentes, cum elatiori magis loco emergant Ramuli anterioribus destinati: Imo etiam ex emulgente non semel ramulos quosdam notavit. vid. Fig. 2. Tab.

MUSCU.

fig. I.



fig. II.



fig. III.



MUSCULI INTERCOSTALES

duplices semper habentur, Externi atque Interni, at vero ubique duplicitas hæc non observatur; toto enim eo spatio, quod est inter sternum & locum cum ubi Costæ pars ossea cartilaginosa parti unitur, nonnisi unus Musculus occurrit, internus scilicet; hic adeoque intercostalem locum, à Vertebrae corpore ad sternum usque qui datur, solus occupat: At vero reliquum omne quod Costarum ossea substantia determinatur, duplici Musculo gaudet, qui cruciali modo sibi invicem incumbunt succumbuntque.

VESICAM FELLEAM

parte ea, qua hepatis Parenchymati unitur, nonnisi unica constare tunica, at vero ea, quæ ab ea connexionione libera est, insuper investiri membrana ea, quæ Hepatis corpus exterius ambit, cum Anatomicis aliis hætenus credit, prout testantur hæc, quæ in *Miscellaneis* ea de re habentur. Ast errorem hunc hic corrigere consultum judicat: utraque enim tunica totam Vesicam ambit, nec ulla hic in crassitie disparitas; quod autem pressa vesica facilius atque uberius bilem ea parte emittat, qua fuerat hepati juncta, vix alia, Ramulorum biliariorum in parte hac vesicam intrantium,

jam ruptorum, copiam atque apertioni adscribi debere censet.

VASA PAMPINIFORMIA

ubi Testem attingunt, non intrant substantiam ejus ullo ramo visibili, sed se diffundunt per tunicam solam propriam, albugineam, præcipuo ramo ab uno extremo ad aliud procedente, ubi disparer.

TUBA UTERINA,

seu vas seminale deferens, sui lateris Cornu intrat, non recto ductu, sed tortuoso magis, imò non adeo cornu hoc ingreditur, quam quod ab eo procedat, sicque ejusdem continuatio sit. Procedens autem ab utero, antequam Testem attingat extremo altero, circulariter eum ambit. Attingens Testem haud videtur eidem uniri, licet tale quid fieri semper crediderint, continuatio enim hæc demonstrari nec dum ab ullo potuit. Idem hic, quod in ovis, vitulis, aliisque locum habere censeo, apertam nempe Tubam hanc eo extremo esse, quod Testi proximum. Loco eo ubi ex Cornu uterino in Tubam dictam ingressus, circularis quædam prominentia occurrit, difficilem materiam ex utero in Tubam motum efficiens.

IN

CANE FEMINA

aqua suffocata *Marcus Aurelius Severini in Zootomia Democrit. pag. 385.* viscera interna quamplurima hominis partibus similia reperit, excepto Colo, quod in Cane nullum est, sed rectum statim excipit cæcum initio præangustum (unde canibus illa egerendi difficultas,) & nonnihil adhuc obliquum, quod spinæ lumbi & ossi sacro attensum omnino rectum efficitur. A cæco autem usque ad anum longitudo est spithamæ, vix major. Matrix in cane, ut in Muliere, inter rectum & vesicam cubat media. Sed quia canum

vesica est exigua (unde frequens eis reddenda urinæ necessitas & ob ardentem quandam & pungentem à bile acrimoniam) illius fundus alius collo matricis non attollitur.

In cavitate renum circumcirca videas colatoria, quasi valvulas quasdam, à vena emulgente, numerosa sobole per renum substantiam dispersa effectas.

In SCELETO CANIS nota os in cranio, quod cerebrum a cerebello dividit, de quo in antecedentibus sæpe dictum fuit.

EXPLICATIO FIGURARUM

T A B. XXIX.

IN PARTE INFERIORI

Molossus Anglicus cum Vulpe ob oculos ponitur.

IN PARTE SUPERIORI

FIG. 1. & 3.

Intestina canina exhibet.

A A A. est Intestinum Ileum clausum & apertum.

B B B. Intestina crassa clausa & aperta.

CCCC. Cæcum clausum & apertum.

ddd d. Glandula per cæcum dispersa.

eeee. Glandula in cæco protuberantes.

FIG. 2.

1. Clavicula.

2. Receptaculum chyli Pecquetianum.

3. Renes inter quos locatur receptaculum.

4. Diaphragma dissectum.

5. Musculi psoas.

6. Ductus Thoracicus.

FIG. 4.

Diaphragma canis tradit.

a a a. Arteria phrenica anterior.

b b b. Arteria posterior.

c. Arteria aorta.

FIG. 5.

Musculos intercostales ostendit.

a. Costarum pars ossea.

b. Pars cartilaginea.

c. Musculus externus.

d. Ejus portio reflexa, quo in conspectum veniat internus.

e. Musculus internus spatio intercartilagineo.

FIG. 6.

Vesiculam bilariam examinat.

a. a. Ductus bilarii hepatici.

1. 1. Tunica vesica extima communis.

2. 2. Tunica media, propriarum prima.

3. Tunica intima, propriarum secunda.

FIG. 7.

Tubam uterinam cum ovario sistit.

a. Cornu uterini portio.

b b b. Tuba uterina.

c. Testiculus femineus seu ovarium.

SCHOLION.

Anno 1716. in Cane crispipilo (vulgo Buttel dicto) duplicem inveni Lienem, alterum majorem, alterum minorem, quorum uterque peculiari suo ramo splenico & vasis brevibus instructi erant.

M. B. V.

SECTIO XXX.



DESCRIPTIO ANATOMICA L U P I,

D. Gustavi Casimiri Gabrlepii,

è Miscell. S. R. I. Acad. Nat. Cur. Dec. II. Ann. 9. pag. II5.

LUpum pullum A. 1663. nutritiverat Catena alligatum in horto suburbano, integrum fere annum, Aurifaber Gerdani opulentus, cui nomen Johannes Pohlmannus. Hic cum paulatim adoleret prædo natus, cum ætate indolem induere ac tandem prodere cœpit. Alimento- rum enim, quæ indies ipsi præbebantur, por- tione non contentus, aliunde ejus copiam si- bi majorem parare attentavit, eatenus in ho- spitem suum ac Dominum gratus, quod au- seribus, anatibus, gallopavonibus, gallinis ali- isque altilibus, quæ sociæ ipsi erant & fami- liares, parceret, nec quicquam damni illis in- ferret, sed cantu forte ac clamore de vicinis catus, inde sibi prædam quærere appeteret. Verum, qua ratione, dixeris, catenæ alligatus? En ingenium, ut ita loquar: de die, nulla qua- si de re sollicitus, quietus in loco sibi destina- to hærebat, noctu millum, singulari artificio, exuere ac potita præda rursus induere didice- rat. Vinculis sic liber parato sibi subter se- pimento exitu in vicinas cohortes diu grassa- batur. Vicini damnum quidem ac cohorta- lium suarum detrimentum quotidianum sen- tiebant, de prædone autem illo, quod millo & catena coercitum scirent, ac quotidie vi- derent, securi, hunc furem subolere nullate- nus poterant: donec ingravescente damno excubias agere inciperent, ac tandem in re- centi facinore prædonem hunc versipellem

una alterave vice deprehenderent, sicque quo artificio millum exueret, rursusque indueret propriis usurparent oculis. Re tunc ad Do- minum delata & de noxa illata querela insti- tuta, damnum hic vicinis, forte & cum au- ctario, refundere coactus, facinorosum hunc amicorum nonnullorum judicio sistebat, qui unanimi sententia novaculæ illum anatomicæ adjudicabant. Cujus sententiæ executio cum mihi ac duobus aliis Medicis administris de- ferretur, varia in opere notatu non indigna occurrerunt, circa ventriculum, intestinum, tam ileon quam cœcum & colon, circa den- tium structuram & incrementum, vasa lactea & lymphatica, pulmonum, cordis ac humo- rum in vasis motum, tunc observata, & a me partim, partim a sociis notata. Præ cæ- teris autem organum auditus mihi per otium accuratius examinandum cessit: Id vero cum tentarem, maximam difficultatem in separandis ejus partibus inveni, adeo, ut cum nulla com- missurarum ullatenus dividi posset, (tam va- lide enim & firmiter in fera tam juvene coa- luerant) cuneo ferreo acuto medium ossis pe- trosi, ne oscula auditus læderem, findere, a- deoque concham ipsam frangere cogerer: quo facto insolitum quid in concha, ac hætenus aliorum in quadrupedum organis non inven- tum, mihi occurrit, septum nimirum haud procul a tympano illud cingens, atque a con- chæ reliqua cavitate distinguens, superna ora innumeris



innumeris pinnulis, ordine initio & sigillatim dispositis, mox vero confertim, aculeorum instar erinacei, prominentibus munitum, cuius cum usum indagarem, cogitanti mihi suspicio nata, septum hoc fortassis in causa esse, quod Lupi tympanorum sonum ferre non possint, sed, fame licet rabidi, solo huius fragore à gregibus arceri ac fugari possint. Dum enim sonus ille satis validus patulam auris Lupinæ cavitatem subintrat, ac tympanum (proportione ad humanum exacta valde magnum) libere ferit, reciprocatur fragor ille inter spicula sepimenti illius tenuissima, ac inter illa in concha adeo reduplicatur, ut ferendo horrendo illi sono non sit Lupi sensorium alias, ut apparet, satis delicatum, idèoque illum fugere cogatur, quantum potest. Subjeci accuratioris intellectus & considerationis ergo schema ad vivum delineatum, cuius

- a. notat tympanum valde capax & spatiosum.
 b. malleum in situ suo naturali tympani membrana tenuis admodum & delicate adhuc coherens.
 c. Stapedem in situ naturali, reliquis ossiculis, in eodem innominato, sub osse petroso latentibus.
 d. d. Sepimentum, tympanum inter & conchæ parietes situm, altitudine tympanum superans, concham illic in duas quasi partes disspescens & diversis discriminibus in cellulas quasi plures distinguens, pinnulis superne subtilissimis stipatum.
 e. Conchæ in duas partes diffracti parietes.
 f. Os petrosum per medium fractum.
 g. Septi prædicti in altera conchæ medietate continuatio.
 h. Locus in quo septum illud frangendo discontinuatum.

FIGURAM vid. in loco supra allegato.

IN VULPE FÆMINA

Intestinum breve prope uniforme, citra tenuium & crassorum distinctionem, solidiusculum & firmum observat *Marcus Aurelius Severini in Zootomia Democrit. pag. 309.*

SECTIO XXXI. DESCRIPTIO ANATOMICA LEPORIS

Ex Actis Hafniensibus Thom. Bartholini
 A. 1671. & 1672. pag. 278.

A Natome hæc ductu *Stenonis* die 31. Oct. 1672. instituta fuit à *Casparo Bartholino* Thom. Fil. qui seqq. illic observavit:

I. Hepar 3. lobis magnis & parvo uno constat, in quorum maximo fissura satis magna, lobum illum in duas partes dividere videtur. Istius lobi pars maxima vesiculam recipit, pyramidalis forma.

II. Lien admodum parvus figuram brachii repræsentat, quamquam non magnitudinem. Mirum est adeo variare lienis figuram, non in speciebus tantum, sed & individuis. In cane quodam non ita pridem invenit amicus meus singularis & rerum medicarum strenuus sectator, *Johannes Diedericus Atken*, lienem triangulari forma, quem exsiccatum venerando meo Parenti obtulit.

III. Oesophagus medium ventriculum ingreditur.

IV. Ventriculus, quanquam unicus, speciem

tamen duorum habet, duo excrementorum genera continens, sicca magis a parte dextra, humida a parte sinistra. Hinc causa ruminationis in Lepore quodammodo investigari potest, quo in Levitico ruminare perhibetur, tamen si unicum tantum habeat ventriculum & utrinque dentes. Cur autem lepus & cuniculus ruminent, cum unum tantum ventriculum habeant, rationem reddit *Hier. Mercurialis Var. Lect. lib. V. cap. 15.* quod quoniam parva sint animalia plures ventres habere non possint, quatuor autem ventres naturam compensasse intestinis gracilibus & cæco intestino amplissimo & vastissimo, quod in aliis parvum. Itaque *Waldungus* libello de Lepore cap. XXXIII. ultimi ventriculi loco cæcum esse putat, ubi absolvitur chylus, illud intestinum materia chylosa plenum semper inveniri dicens. Nos autem in illo humorem invenimus minus coctum quam in ipso ventriculo.

V. Pancreas non tantum ab intestinis sub ventriculo sinistrorsum fertur, lieni ultra mediam ejus longitudinem adhærens, sed & inter intestina ipsa longo tractu descendit supra ramum venæ mesentericæ, ubi circa extremitatem ejus à ventriculo remotissimam egreditur ductus Pancreaticus, ulnam circiter ab insertione ductus bilarii remotus. Ipsius pancreatis substantia in unum corpus coacta non est, sed per mesenterium circa venarum ramificationes sparsa.

VI. Ductus bilarii insertio in intestinum ad medii digiti distantiam à pyloro visitur.

VII. Tota illa portio intestini ab insertione ductus bilarii, usque ad insertionem ductus pancreatici, habet vasa sanguinea, exterius turgentia sanguine.

VIII. Cæcum ultra ulnam protenditur, exterius ultra duas tertias totius longitudinis spiralem lineam exhibens, ut in cuniculis. Extremitas ejus ad octo digitorum longitudinem vasa sanguinea admodum conspicua monstrat, ipsaque substantia quasi ex glandulis rotundis conflata videtur. Cui substantiæ similis alia circa tenuis intestini in cæcum ingressum conspicitur, partim intercepta inter spiræ duas helices, partim elevata supra ipsum cæcum, parvæ castaneæ magnitudine. Talis etiam substantia reperitur in intestino tenui ad sesquispithamæ distantiam infra ductus pancreatici insertionem.

IX. Cor maximum, quod omnibus timidis animalibus tradit *Plinius lib. XI. c. 7*: „Bruta existimantur animalia, quibus „(cor) durum riget: Audacia quibus parvum est: pavida, quibus prægrande. Maximum autem est proportionem muribus, lepore, asino, cervo, pantheræ, mustelis, hyenis, & omnibus timidis, aut propter metum maleficis. „Causam hanc *Aristoteles de Part. Animal. lib. III. c. 8*. addit: Quia calor in magno conceptaculo coalescit, sanguisque frigidior fit, & quoniam coacta vis in angusto corde fortius erumpit, in latiore dissipatur. Alii referunt causam in sanguinis tenuitate. Quapropter lepores ob pavorem Græ-

cos Poetas pavendo *πράκας* appellasse scribit *Ælianus lib. VII. c. 10*. Et *Horatius I. Epod. od. 2*.

Pavidumque Leporem

non solum naturalem illam providam constitutionem in corde magno accepit Lepus, sunt & alia quæ operas jungunt in pavido hoc animali. Apertis quippe oculis dormit teste *Plinio l. II. c. 37*. quod propter timiditatem huic ingentiam fieri existimat *Oppianus l. 3. de venat*. Nec hoc sufficit. Auritum leporem vocat *Festus*, ut his auribus omnia percipiens melius a periculis sibi cavere possit. *Virgil. lib. 1. Georg.*

Auritosq; sequi lepores, dum figere damas.

Itaque *Æliano l. 13. c. 14*. metum etiam hac corporis parte dirigit moderaturque tanquam remis. Hæc quamvis ita sint, non desunt tamen à quibus timeatur timidum animal. Quippe Leo, dominium habens in omnia animalia, à lepore abstinet, si fides *Martiali l. 1. Ep. 23*.

*Si vitare canum morsus, lepus improbe, quaris,
Ad quem confugias, ira Leonis habes.*

Idem *lib. 1. Eph. 61*.

*Intres ampla licet torvi lepus ora Leonis,
Esse tamen vacuo se Leo dente putat.*

Cervum etiam non audere cum lepore congregi testatur *Oppian. lib. 2. de venat*.

X. De sexu quod quidam fabulantur, quam vanum sit, nos abunde perspeximus. *Philostratus* quidem & *Plutarchus* utramque vim lepori traditam affirmant, quos sequitur *Varro de R. R. lib. III. c. 12*. *Democritus*, *Ælianus* & alii naturaliter per annos sexum mutare volunt. *Aristoteles* autem negat. Quanquam sæpius in leporum genere, ut recte monuit *Waldungus*, quam in ullis animalibus, reperiri Hermaphroditos, inde tamen concludere vel utriusque sexus omnes esse, vel per vices naturam mutare, nimis absurdum foret. Nobis revera constat distinctum esse sexum, quippe duos hujus generis subjecimus cultro nostro, vidimus unum marem esse, alteram femellam, organis generationis prorsus distinctis.

ALIA ANATOMIE LEPORIS

Doct. Georgii Segeri

è Miscellan. S. R. I. Acad. Nat. Cur. D. 1. A. 3. p. 128.

Placet post *Homerum* Iliada scribere, & licet jam olim eruditam Leporis Anatomem magnus *Thomas Bartholinus in Hist. Anat. rar. Cent. 2. Hist. 86*. proposuerit, hic tamen breviter ea recensere placet, quæ

in binis observavi maribus, quorum alterum, cumque vivum, Hafniæ anno 1685. die 18. Mart. in ædibus Potentissimi Danorum Regis Archiatri Excellentissimi, *Dn. D. Petri Bullichii*, alterum strangulatum Lunæburgi, anno

anno 1657. die 25. Novembr. dissecui. *Ventriculus*, qui brassica comesta repletus erat, una cum *intestinis* eo se habebant modo, quo descripta sunt *Cl. Bartholino*. *Lien* exiguus, gracilis & circa extremitates acuminatus, longitudine sua omnino vix vero latitudine, nullo autem modo crassitie, minimum attingit digitum, atque mediantibus binis venulis ventriculo adhæsit. *Hepar* præter tres lobos exiguum adhuc habebat appendicem, in omenti duplicatura latitantem. Circa portam rami lymphatici apparebant. *Vesicula felle* exigua eaque humore bilioso turgida, parenchymati hepatis ita erat immensa, ut vix conspiceretur. *Vesicula atrabiles* flavescens phaseoli magnitudine & figuræ conspicuæ, excavatæ erant. *Renes* sat magni & cavi ita lumbis adhæserunt, ut dexter longe superior esset sinistro. Hi in priori subjecto nulli conspersi erant pinguedine, imo nulla omnino pinguedo in toto reperiebatur corpore. In posteriori vero subjecto non tantum totum infimum ventrem largissima ambiabat pinguedo, sed & omnia vasa ipsosque renes ita occultarat, ut nonnisi ea remota in conspectum venerint. Patet exinde quo anni tempores lepores sint delicatiores. *Uretres* exigui, circa collum fere vesicæ isti demum inserti erant. *Vesica urinaria* ingens, oblonga & sero repleta, longitudine octo, latitudine quatuor pollices transversos non superavit. *Vesicula seminales*, orificio vesicæ substratæ, albo turgebant humore. *Testiculi* duo, nimirum utrinque unus, in abdomine sub communibus corporis integumentis latentes, longitudine octo, latitudine unum, crassitie medium pollicem transversum non excedentes, eo loco, ubi plexum pampiniformem contingebant, nimium angustati, in illum desinere quasi videbantur. Transcendebant eos funiculi quidam carnosus, femoribus firmiter annexi, in eum finem per transversum producti, quo firmitus loco suo affixi hærent testiculi. Hi tunica tantum albuginea recti & è substantia glandulosa conflati nullam manifestam monstrant cavitatem. *Parastata* utrinque una, ad latus testiculi sui extensa, istum instar pulvinaris excipiebat. *Penis* nerveus, in extremitate acutus & ex parte incurvatus visus. Istius radici appensæ *Prostata glandulosa* cinereique coloris nullam manifestam ostendebat cavitatem. E regione autem penis, in externa parte cutis pilosæ, *foramen* conspiciebatur *vulvam amulans*, quod adeo obtorto ductu, ut sine sectione stylo minimè investigari possit, in Prostatas tandem desinebat. Et quandoquidem in binis illis leporibus tale foramen deprehendi, merito suspicor in aliis quoque masculis simile apparere. Unde forsitan vulgus ansam arripuit, ut lepores

Hermaphroditis annumeraret. *Pulmones* flavo Cor ambientes in posteriori subjecto in quinque tantum lobos distincti, atque in sinistro latere diaphragmati & venæ cavæ adnati erant. *Pericardium* humore plurimo feccans Cor magnum continebat, cujus auricula dextra magnitudine excessit sinistram & in cuius dextro thalamo sanguinis concreti copia visa. In *Cerebro* denique flaccido quatuor ventriculi, rete quoque mirabile & nervorum origines satis erant conspicui. Id adhuc adjungendum est, quod cum leporem, quem vivum dissecui, imposuerim in mensam lapideam, ille non diu post inceptam sectionem convulsionibus epilepticis aliquoties correptus fuerit. Causam in nimiam mensæ frigiditatem rejicio. Hactenus *Segerus*. De cætero *Intestinum Cæcum* in lepore & VULPECULA in specie & ex professo descripsit *D. Christianus Rudnicus* in cit. supra *Miscell. ejusdem anni & Decurie Obs.* 159. pag. 248. verbis seqq. VULPECULAM per aliquot septimanas domi alueram; ne vero sensim accrescens astuta nimis majores crearet familiæ molestias, dum laqueis extricata sæpius turbas concitaret, cultro anatomico illam destinavi atque Excellensissimum mihiq; amicissimum virum *D. Gustavum Casimirum Sabrlied von der mühlen*, tunc Gedani Practicum, nunc Serenissimi Electoris Brandenburgici Archiatrum, ad sectionem privatim instituendam invitavi. Dissecto ventre perlustratisque variis haud ingratiss *Cæcum intestinum* imptimis admodum affabræ cochleæ ad instar excavatum notavimus, quod singulari studio mihi asservavi & tantæ & incomparabilis structuræ rationem usumque sæpissimè miratus sum. Post aliquod temporis spatium hanc ejusdem majorisque Naturæ miraculi in LEPORE observationem perscripsit ad me præmemoratus Excell. Vir his verbis. Leporis exta inspexi, atque tum admirandam didymorum structuram, qua & extra corpus propendere *Coles* & intra corpus plane retrahi atque occultari queunt, ut acolis videri posset rei ignaro lepus, non sine admiratione lustravi. *Intestinum* præterea *Cæcum*, quod sane & magnitudine & artificiosissima structura omnem fere admirationem vincit, vulpinum istud, venustum quidem & affabre a Conditore ter glorioso constructum vix quintam magnitudinis partem æquat Appendicem, qui medii digiti longitudinem sequi altera proportionem superat ac punctulis digitalis ad instar distinguitur, alias æquali superficie atque tunica duplo reliquo suo corpore crassiore præditus est, excipit; ductus ipse crassiss *intestinis* & hoc appendice tenuior, qua tunicas, multo crassior & capacior quam molem ipsam 1½ ulnam, si in longum protenderetur, longus in circulum mesenterii beneficio

beneficio convolutus, fibris spiralibus cochleæ ad instar adeo exacte servata spirarum distantia circumvolutus, ut insigne Naturæ artificium verbis debite exprimere nequeam, quare vel unius momenti oculorum tuorum usuram optassem. Illud saltem Natura mihi tanto apparatu moliri videtur, quod de *Intestino Cæco* ejusque usu in hominibus semper su-

spicatus fuit Excell. Vir D. D. *Franciscus de le boë Sylvius*, Practicæ Medicinæ Professor Lugduni Batavorum Clariss. ejus conjecturam mihi hæc structura confirmare videtur: *Intestinum* nimirum *Cæcum* redintegrando motui intestini crassi peristaltico destinatum, quem spirales illas fibras contractione sua successiva excitare atque promovere puto.

EXPLICATIO FIGURARUM
TAB. XXXII.

FIG. I.

Intestina Leporis exhibet in situ naturali, ubi
a. *Ventriculum*.

b. *Intestina tenuia*.

c. *Intestina crassa cum cæco notat*.

FIG. II.

Intestinum cæcum leporinum eleganter cochleatum.

SECTIO XXXII.
ANATOME
CATULORUM LEPORINORUM

D. Georgii Segeri

è Miscellan. S. R. I. Acad. Nat. Cur. Dec. I. A. 3. p. 130.

ANno 1656. die 29. Martii invisit me Hafniæ Dn. *Detlefus Bullichius*, Excellentissimi Dn. Petri *Bullichii* filius optime patrissans. Is secum binos *catulos leporinos* totidem uteri portiunculis adhuc inclusos, attulit, atque ut se præsentè scalpello meo eos examinarem, petiit. Ego tanti Amici petito lubenter assurgens, licet doluissem quod integrum uterum non attulerit, quæ tamen in particulis illis notatu digna occurrebant, prætere noli. Ea jam pari fidelitate, qua tum consignavi, referam.

Uteri substantia a tunica crassiori nullo modo differebat. Illius sinistro cornu appensus erat testiculus pinguedine conspersus & tunicæ albæ inclusus. Hæc rupta tres glandulæ phaseoli quantitate & peculiari alba membrana vestitæ, nec ulla cavitate donatæ apparere. Incisa per longitudinem particula illa uteri in conspectum venit *catulus major* tuniceis suis involutus & placenta uterina peculiaris, intra quam & catulum distantia unius pollicis intercefferat, donatus. Dicta placenta tres pollices transversos in circumferentia sua lata non adeo firmiter adhæsit utero, sed facile ab eo separabatur. Coloris præterea erat fusci, excepta ea parte, qua utero adhæserat. Hæc namque placentæ particula candidissima erat, exasperata, è multis quasi fibrillis albis contexta & ab ea uteri parte cui infixata erat, facile separabilis. Chorion tenue multisque præditum vasculis quam firmissime adhæsit placentæ, ut de ea absque læsione vix

potuerit detrahi. Amnion tenuissimum, quod nullo negotio à Chorion separabatur, multo refertum erat liquore. Huic catulus octo pollices transversos longus, capite versus uteri orificium converso, innatavit, sequentem observans situm: Pedes anteriores auriculis, pollicis transversæ longitudine in dorsum reclinatis impositi erant, ita ut auriculas arrigere non potuerit, nisi ablatis prius pedibus. Posteriores autem pedes abdomini incumbabant. In funiculo umbilicali quatuor, apparebant vasa tenerrima, quorum unum, quod urachus erat in separatione rumpens, sui investigationem impedivit. Vena hepatis, Arteriæ duæ mesenterio & istis altera multiplici ramo ipsi fere mesenterii centro inferebatur.

Ceterum aperto dicti catuli abdomine hepatis justo majus, rubicundum, in tres lobos divisum & ventriculum ex omni parte regens in conspectum primum venit. Illius lobo dextro immersa erat vesicula biliaria turgida, semini cucumeris per omnia similis. Ventriculus succo pituitoso ac flavescente repletus erat. Intestina convoluta visa, quorum crassa candidum tenuia flavum referebant colorem. Et illa quidem excremento crasso, subnigricante ac leporini instar in globulos distincta, ista vero muco flavo turgabant. Lien subnigricans ventriculo substratus pollicem transversum magnitudine non excoessit. Renes candidi & pisi majoris quantitate conspicui ab externa sua tunica separabantur sponte, atque

atque dissecti aliqualem ostendebant cavitationem. Eorum dexter vicinior erat cava, quam sinister: vesiculæ atrabiliaræ inæquales, depressæ & flavæ, seminis lini magnitudinem non superarunt. Vesicula urinaria simili liquore, qualis in amnio stagnabat, turgida semen fraxini repræsentavit, nisi quod circa cervicem aliquanto obtusior fuerit. Testiculi sub cute pilosa circa inguina pollicis transversæ longitudine & glandularum conglomeratarum instar conspiciebantur. Pinguedo in abdomine nulla, in thorace plurima apparuit. Unversus namque thorax cum anteriori colli parte sub pilosa cute involutus erat glandulosa pinguedine. Pulmones candidi in sex lobos distincti: Cor albicans & phaseoli Indici magnitudine conspicuum in superficie externa lineola sanguinea notabatur. Hæc ventriculos distinguebat, quorum sinister vacuus, dexter grumis sanguinis refertus erat. Oculi justo

maiores firmiter erant occlusi, ut nonnisi vi aperiri potuerint. Dentium anteriorum rudimenta jam adfuere. Cerebrum cum cerebello flaccida & fluida erant. *Catulus minor* omnibus quidem partibus absolutus, ast tres pollices transversos tantum longus eundem, quem alter, servabat situm. Hepar ejus uterinum & majus fuit & firmitus utero adhæsit, quam majoris. In Amnio quoque copiosior repertus est liquor. Vasa autem umbilicalia, una cum tunicis cum involventibus, nil diversi præbebant. Ventriculus vix conspiciebatur. Intestina fili instar obvolvebantur. Jecur totum ferè abdomen replevit. Renes candidi ciccerum quantitate erant conspicui. Corculum album magnitudine non superavit pisum. Pulmones albicantes ob parvitatem in lobos non erant distributi. Caput denique respectu reliqui corporis nimia quantitate præditum erat.

SECTIO XXXIII. ANATOME CERCOPIITHECI

MAMONET dicti,

Ex Actis Med. Hafniensibus Anni 71. & 72. p. 13.

IN ædibus Henrici Jacobi Scriverii, Chirurgi Regii, dissectus fuit Cercopithecus Indicus inusitatæ formæ, Mamonet dictus, morbo in arce Regia extinctus. Capite vero est suillo, clune glaber, colore miniato. Nulla figura usquam in Scriptoribus, qui Animalium Historiam pertexuerunt, reperitur huic similis. Cercopithecus ille apud *Jonstonum Tab. 59.* caudam prolixam ostendit, qua noster caret. Non absimilem *Gesnerus* tradit pag. 862. nisi quod caput illius magis caninum fuerit, quam suillum. *Albertus Magnus* caudatam simiarum speciem vocat Mamonet. *Gesnerus* quoque pag. 856. Noster caudam non habet & simia major est. Ut suspicari liceat, quia a nullo ita depictus fuit hic Cercopithecus, quemadmodum horribili facie compareret, vel monstrum esse, vel animal-hactenus aliis non visum aut depictum. Quicquid sit ad Mamoneti hujus Anatomem nos invitavit Scriverius, in qua præsentibus nobiscum *D. Moenichenio*, *D. Borrichio*, *Matthia Moth*, *Casp. Bartholino* filio aliisque sequentia observata, quæ in aliis animalibus vidisse me raro memini.

1. Umbilici nullum apparuit vestigium. 2. Testes satis magni supra penem in medio ossis pubis siti. Penis oblongus, in cujus medio musculi duo rotundi ad arrectionem ejus

spectabantur. Prostata majores utrinque suo loco, quibus minores orbiculares annectebantur. Vesiculæ seminales glandulæ erant minutæ sine liquore. Salacissimum vero est animal, ut femellas libenter & cum lascivia semper aspexerit.

3. Hepar in tribus lobis totidem vesicas lymphaticas habebat, pugno æquales, arctè media parte globi connatas parenchymati hepatis, sed quæ separari facile poterant. In cavitate loborum exceptæ minores quoque secum admittebant instar ovarii. Ipsa tunica crassior, ut in aliquot tunicas separari potuerit. Lympha pura erat. Igni enim exposita aqua pura mansit, sine dubio glutinosa substantia in tunicas degenerante. Hæc lympha exstillaverat ex hepaticis vasis, viis non conspicuis.

4. Similis vesica in pulmone quoque exstabat.

5. In cordis ventriculis grumosus sanguis fibris quibusdam adhærebat, unde suffocatum fuerat animal, impedita circulatione.

6. Inter musculos capitis & cutem magna aquæ copia continebatur, ut hydropse laborasse videatur, qui ex peregrino aëre, victu & potu cerevisiæ ortus.

7. Scoliosis manifesta dorsi spinam vitiavit. An id vitium naturale, non dixerim.

T

8. Lien

8. Lien exilis, vix tres digitos transversos æquabat in longitudine.

9. Septum cordis videbatur pervium poro, quod in aliis animalibus ulterius inquiren-

dum. Alias observationes tradit *M. Aur. Severinus part. 4. Zootom.* sed ex aliis simiarum generibus.

EXPLICATIO FIGURARUM.

TAB. XXX.

FIG. I.

Ipsum Cercopithecum exhibet.

FIG. II.

A A A. Tres Hepatis lobi insigniores.

a. Exiguus ejusdem lobulus.

b. Protuberantia scirrhusa è medii lobi sima parte prognata, plurimisque exiguis vesiculis conspersa.

B B B. Hydatides vastæ aurantium pomum æquant.

C C. Vesicula fellis.

D. Ventriculus.

E E E E. Intestina tenuia.

F F. Colon.

G G. Testiculi extra abdomen & supra penem sitii, colore purpureo insignes.

H. Ipse penis.

I I. Musculi erigentes.

L. Urethræ exitus in glande, tantæ capacitatis, ut digitum minimum admittere potuerit.

FIG. III.

A A. Arteria magna.

B B. Vena cava.

C C. Renes succenturiati.

D D. Renes.

d d. Vena emulgentes.

E E. Ureteres.

c. Arteria emulgens.

f f. Vena spermatica.

G G. Vasa deferentia.

g g. Arteria spermatica.

H H. Testiculi.

K K. Epididymides.

I I. Vesicula seminaria.

K. Foramen capsula munitum, per quod transitus semini datur è vesiculis in urethram **S.** ductus ad foramen **K.** tendentes.

L L. Musculi ad radicem penis siti.

Q. Prostata.

M. Urethra.

N. Præputium.

O. Glans oblonga rima perforata.

P. Vesica.

FIG. IV.

A. Intestinum rectum in parte superiori **b.** ligatum.

a. Anus.

B B. Vesica urinaria.

C C. Vesicula seminaria.

d d. Ductus è vesiculis seminariis prodeuntes.

f. Exitus ductuum in urethram valvula munitus.

G G. Prostata.

H H. Musculi penem erigentes & dilatantes.

K K. Urethra.

L L. Corpora penis nervosa.

m. Glans.

N. Præputium cum Fissura **O.**

F F. Vasa præparantia conjuncta.

SECTIO XXXIV.

DESCRIPTIO ANATOMICA

SIMIARUM,

Societatis Regiæ Scientiarum Parisiensis.

Simiarum species sunt bene multæ. *Plinius* ad duo eas refert genera, cum aliæ habeant caudas, aliæ non. *Simias* caudis destitutas *Latini* simpliciter *simias* vocant. Illæ quæ caudas habent duplicis sunt speciei: *Latini* nomina quæ iis imponunt à *Græcis* mutuarunt; aliquæ enim nomine Generis *Cercopitheci* vocantur, id est, *Simiæ* caudatæ: aliæ *Cynocephali*, cum ob longum suum nasum caput instar canis habeant. In lingua *Gallica* differentia *Simiarum* primario ab Earum quantitate desumitur, majores enim simpliciter *Singes* vel *Apes*, sive caudam habeant,


sive minus, vocant, sive nasum longiorem sicut *Canis*, sive breviorē habeant; minores vero *Guenons* s. *Monkeys* nominantur.

Quatuor *Simia* hic descriptæ ex genere *Cercopithecorum* erant, eo quod habebant caudas; ob parvitatem tamen solum ad genus *Monkeys* referri debebant.

Ab apice capitis usque ad principium caudæ nonnisi quatuordecim numerabantur pollices, cum cauda expleret viginti. Brachium habebat quatuor pollices; a cubito usque ad digitorum extremitatem pollices erant sex. Femur quatuor cum dimidio: Tibia quinque,



fig. 5.



que, & pedes quatuor, à calcaneo usque ad longissimum digitum erant longa. Similiter in multis aliis rebus prorsus conveniebant, quos Simiæ communes ferè habent omnes, nimirum 1.) In quolibet Cilio pilos habebant, quod *Aristoteles* inter omnia quadrupeda Simiis proprium esse observavit. Pili hi (observante *Aristotele*) adeo teneri erant, ut difficile fuerit eos discernere l. separare. 2.) In maxilla inferiori ab utroque latere sacculus erat, cui animalia hæc inde re solent, quod servare volunt. 3.) Dentès admodum conspiciiebantur albi, instar dentium hominis, *caninis* tamen exceptis, qui in maxilla superiori admodum longi & in inferiori valde breves erant, absque cuspidè, ab incisioribus saltem brevitate & longitudine differentes. 4.) Pedes plurimum similes erant manibus, eodem, quo in aliis se brutis res habet, modo, cum & digiti pedum ita longi, ut manuum sint: aliter ac in hominibus, ubi digiti pedum tertiam partem breviores sunt digitis manuum. Pedes nostrarum simiarum profecto magis speciem manuum hominum, quam propriam referebant, idque ob digiti majoris conformationem, qui pollicem repræsentat, cum similiter ita longus, gracilis & multum ab Indice seu primo digito separatus sit; contra in manu aut palma pollex adeo brevis, primoque digito connexus existeret, ut pene inutilis videretur. 5.) Partes genitales in tribus ex nostris subjectis, quæ Mares erant, ab illis, quibus homo gaudet, differebant, cum in duobus ex his nullum *Scrotum* adesset, neque Testiculi adparerent, propterea, quod in inguinis plicatura occultarentur. Equidem negari nequit, tertium, (unum ex *Sapajous*) *Scrotum* habuisse, verum ita erat contractum ut vix in oculos incurreret.

Tres Mares tantum pilorum colore differabant. Subjectum quartum, scil. Femella, erat è genere *Cynocephalorum*, cum non ut cetera planam haberet faciem, sed nasum longiusculum, instar Canum minorum *Boloniensium*. Insuper ob longam ipsius caudam ex *Cercopithecorum* genere esse videbatur, uti subjecta reliqua, quorum differentia inter antiquos à pilorum colore desumebantur, cum quæ unius coloris, simpliciter *Cercopitheci*: quæ vero diversi varique, *Cepi* (quasi horti) vocarentur, eo quod variis coloribus, ut flores, tincti conspersique essent, uti quidem *Pythagoram* dixisse *Ælianus* narrat.

Simiarum nostrarum prima ex prima specie, *Cercopithecorum* sc. erat, uno tantum colore, rubro nimirum, ad viridem inclinante, gaudens. Color hic (qui prædominabatur) in dorso solum paulo obscurior, sicut in pectore & ventre lucidior erat.

Secunda ad secundam spectabat speciem, quoniam præter viridi rubrum pilorum dorsum obtegentium colorem, pili, qui in ventre, pectore femorumque ac brachiorum parte interiori reperiiebantur, erant cani.

Tertia & quarta pariter diversis coloribus gaudebant. Species hæc vocatur *Sapajou*. Duo hæc individua non solum colore varique macularum figura differebant, verum etiam forma nasi, in uno quippe longi, in altero autem plani. Prima ex his duabus simia erat mas, coloremque in ventre, gutture partequè brachiorum & femorum interiori referebat album. Integrum dorsum inde ab *Omoplatis* usque ad caudam erat obscuro-rubrum. Inguina, brachiorum & femorum pars exterior, tibiæ summitasque vel acumen capitis colore gaudebant nigro, & quilibet pilus niger quoque parvas rubicundas & albas habebat maculas, ita quidem ut extremitatem versus duæ maculæ rubræ conspicerentur, residua parte dimidia versus radicem alba permanente. In mento barba quædam albo interspersa erat, pollicis longitudine. Pili in dorso unum pollicem erant longi, circa cervicem vero pollicem cum dimidio, quo etiam in loco magis quam reliquis corporis partibus horrebant, instar pectinis. Supercilium alba instruebatur ora vel fimbria, ubi nigrorum pilorum quædam series, instar palpebrarum, elevata videbatur. *Iris* in oculis colore rubicundo-flavo gaudebat. Pupilla magna admodum erat. Caput rotundum cum quadam facie plana, ad humanam cum brevi & depresso naso faciem plurimum accedens.

Altera *Sapajou*, eaque fœmella, longum habebat nasum, more *Cynocephalorum*. Hujus pili triplici tincti erant colore, sc. rubro, cano & castaneo, inque dorso castaneus & ruber commiscebantur, ita tamen, ut quibusdam in locis nunc castaneus, in aliis vero ruber prævaleret, unde magnæ ferè, uti in *Catis*, maculæ exoriebantur. Albi coloris nec in capitis anterioris parte, nec in barba quicquam, ceu in aliis *Sapajou*, adparebat.

Aures primæ *Sapajou* rotundæ adeoque parvæ erant, ut tota foraminis rotunditas lineam cum dimidia non excederet; nec non pilis omnimode obtegebantur. Probabile est Physiognomos ex hoc fundamento parvas aures signum fallacis & scelesti animi vel temperamenti, quale quid in Simiis deprehendere licet, constituisse.

Quod ad internas Simiæ partes attinet, Autores in his recensendis non concordant. *Aristoteles*, *Plinius* & *Galenus* narrant eas cum partibus interioribus hominum prorsus convenire. Contra *Albertus* adfirmat, quod

quanto Simiæ in partibus externis similiores sint hominibus, tanto rursus dissimiliores quoad internas existant; ita quidem, ut nulum animal reperiri juxta Eundem queat, cujus viscera adeo ab hominum intestinis recedant, ac Simiæ. Quas nos fecimus observationes, utrique huic sententiæ, cum quælibet in extremo peccet, repugnant. Quamvis invenimus Simias nostras magis hominem in externis, quam internis partibus referre, pluraque animalia reperiri, quorum interiora haud minori convenientia ac Simiarum cum humanis congruant, quam Eorum sint, quæ æque Hominem ac Simiæ in figura sua exteriori repræsentent.

Annuli vel cavitates Peritonæi sese ut in Canibus habebant. *Epiploon* ab hominis *Epiploo* in multis differebat; & primo quidem, Colo tam multis in locis non erat alligatum, nullam cum sinistra Intestini hujus parte connexionem habens. Secundo aliam habebat ligaturam, in homine non repertam, videlicet ad Musculos Abdominis mediante Peritonæo Ligamentum formante, quale quid in *Cerva* ex *Canada* observavimus. Tercio Vasa *Epiptoi* in homine solum à *Vena Porta* procedentia, in uno subjectorum nostrorum nihilominus ex *Vena Cava* proveniebant hicque unum ex ramusculis *Hypogastrica* cum ramusculis *Venæ portæ* unitum habebat. Quarto Circa finem totum *Epiploon* absque comparatione multo majus erat, quam communiter in hominibus deprehenditur, propterea quod non tantum omnia Intestina obtegebat; (id quod apud homines, quicquid etiam *Galenus* contradicat, raro admodum conspicitur,) verum etiam inferne involvebat ea, prout & in aliis plurimis Brutis fieri solet, ubi frequenter *Epiploon* majus quam in hominibus reperitur, in animalibus speciatim currentibus & multa cum agilitate salientibus, in quibus eum fere in finem *Epiploon* & inferne Intestina circumdat, ut sc. ea cum reliquis visceribus adversus violentas ex cursu saltuque orientes jactationes defendat. Hoc verum, Membranas *Epiptoi*, integras & continuatas, uti in hominibus, haud vero retis instar perforatas, uti fere in omnibus Brutis, fuisse.

Jecur unum ex Insignioribus s. principalibus visceribus multum ab hepate hominis differebat, quinque lobos, ut in *Cane* habens, nempe duos in latere dextro, totidemque in sinistro; quintus vero parti corporis dextræ ad vertebrae incumbens. Ultimus hinc reperiatur divisus: unde rursus quasi duos referebat lobos. In uno ex nostris subjectis hepatis substantia multis maculis nigrioribus erat conspersa, quam alibi figuræ gaudebat Hexagonali, qualem sæpe in Brutis, nunquam vero in hominibus de-

prehendimus. Vesicula fellis primo duorum in latere dextro existentium loborum adhærebat. Pollicem erat longa & dimidium lata. Magnum habebat ductum, qui immediate infra *Pylorum* inferebatur. Ductus hic tres alios recipiebat, qui loco ejus erant, qui in hominibus simplex est, atque Hepaticus vocatur. Tres hi ductus suos habebant ramusculos radicum instar in omnes hepatis lobos variè dispersos, ita quidem, ut primus sc. ductus haberet radices quatuor, nempe unum in quolibet trium dextrorum loborum, unumque in primo partis sinistræ. Secundus & tertius ductus ambo suos habebant ramusculos in secundo loborum sinistrorum. Ramusculi hi subter tunicam hepatis currebant, ita ut apparerent, nec se in *Parenchymate* occultarent, uti alias communiter fieri assolet. *Sapajou* suo in hepate hoc habebat peculiare, quod sc. plurimis atris maculis esset refertum, id quod insolitum alias fuit in aliis hepatibus, quæ maculata deprehendimus; hic enim maculæ coloris lucidioris semper reliqua hepatis substantia fuerunt. Probabile est atrum hunc colorem ex spongiositate partium harum provenisse, quæ cum majore sanguinis abundantia quam residuum *parenchymatis* essent repletæ, hinc eo nigriores adparebant.

Ventriculus similiter ab hominis Ventriculo recedebat, cum hujus orificium inferius, quod admodum latum & depressum, non adeo elevatum esset ut superius, prout in hominibus se res habet: ubi inferius appellatur, non propter situationem, sed quod per hanc viam ventriculis evacuetur.

Intestina vix Intestinis hominum similia erant quam partes aliæ. In *Sapajou* in unum solum pedes quinque & duos pollices erant longa, in aliis vero duabus Simiis octo. Fere omnes ejusdem erant crassitie. Ileum proportionem habita multo erat majus quam in homine. *Cæcum* non gaudebat appendice vermiformi. Admodum erat amplum, continens duos pollices dimidiumque in longitudine & unum in Diametro usque ad ipsius initium. Magis Magisque cuspidabatur, tribusque ligamentis instar *Coli* in homine ad parvas Cellulas formandas adstringebatur. Conformatio hæc prorsus à conformatione *Caci* in homine est diversa. *Colon* suas habebat Cellulas, more solito, verum non reduplicatum erat ut S, ceu in homine videre est, sed jacebat ita rectum. Neque contractionem habebat, qua a *Recto* in homine separatur. Præter Cellulas interius quædam tubercula observabantur, similia in iis, quæ in Colo Struthionis videntur & qualia nos nuper notavimus in *Jejuno* hominis. Hæc tubercula transversim extendebantur & ad Ligamenta usque per totam

totam Intestini huius longitudinem extensa pertingebant. Ceterum tredecim pollices erat longum, unumque in Diametro habebat.

Splen Ventriculo per longitudinem (ut in homine) adiacebat, sed figura ejus in uno nostrorum subjectorum differebat, cum sese haberet, uti cor in Heraldicis representatur. Basis ejus pollicem continebat. *Pancreas* solum figura cum pancreate hominis conveniebat, cum ejus connexio atque insertio prorsus esset particularis; nam firmiter Spleni adhaerebat, insertioque ipsius ductus in Intestinum, quæ in homine semper prope *Porum biliarium* conspicitur, duos pollices inde distabat.

Renēs figura situque non minus gaudebant extraordinario. Erant rotundi & plani; situsque magis inæqualis, quam in hominibus, cum dexter in respectu ad sinistrum dimidia sua magnitudine inferior esset. Glans *Capula Atrabilaria* vocata, admodum erat visibilis, propterea, quod ren adipe careret. Glans hæc candido, & Ren lucido-rubicundo gaudebat colore. Figura erat triangularis.

Aristoteles dicit, partes Genitales *Simia* cum Caninis convenire vel eas representare. Nostris in subjectis reperiebamus, quod æque ab his ac humanis differrent; namque in maribus penis non habebat ossa, uti in *Canibus*; atque Testiculi, qui in nonnullis ex nostris subjectis in Inguine occultabantur absque, (ut jam dictum est) scroto, valde peculiarem habebant figuram, dum longi rectique & nonnisi unam lineam lati & octo longi erant. In uno ex *Sapajous* figura prorsus contraria inveniebatur, qui longissimè ab hominum Testiculorum figura recedebat, perfectaque gaudebat rotunditate; recondabantur testes hi in quodam Scroto, quo contracto ad radicem penis delati asservabantur. *Prostata* glandulosæ erant parvæ; *Parastata* Cyrroides è contra pro compensatione admodum magnæ: Continebant enim longitudine sua pollicem unum: latitudo erat inæqualis, & quidem quatuor linearum versus collum vesicæ, & lineæ unius cum dimidia versus alterum extremum; constabant vero è variis exiguis sacculis, quæ in se invicem orificiis suis hiabant; caruncula urethræ erat angusta, multum tamen illi, quæ in homine, similis; Pars genitalis femellæ habebat similiter multa, quæ reddebant illam differentem à vulva canis fœminæ, & accedebat magis ad cunnum muliebrem; erant vero similiter quædam, in quibus accedebat caniculæ, & sicque se habebant quam in fœmina; sed exterius orificium erat rotundum & angustum ut in caniculis & aliis brutis fœminis se communiter habere solet,

& nec nymphas nec carunculas possidebat; Collum vesicæ plane aliter se habebat, quam in muliere, cum esset valde remotum à collo uteri videl. versus medium ejus; in loco, ubi rugæ ejus incipiunt apparere, quæ solum videntur versus extremitatem ductus, prope internum orificium; fistula matricis erat similiter diversa ab illa muliebris vulvæ, & referebat illam brutorum in eo, quod esset in proportionem longior, & magis contorta per varios gyros; clitoris habebat magis conformia iis, quæ apparent in aliis brutis, quæ clitoride gaudent, quam ut referret clitoridem humanam, cum esset in proportionem major & magis conspicua, quam muliebris; erat vero composita ex duobus ligamentis, nervosis & spongiosis, quæ exordium sumebant ab inferiore parte ossis pubis, quæ oblique procedentia & latera hujus ossis unitaque formabant tertium corpus, quod longitudine 10. lineas assequebatur. Erat hoc ceu diximus, efformatum per conjunctionem duorum priorum, quæ membrana valde firma compingebantur, dum illa ab uno ligamentorum procedebat versus alterum; cui accedebat dura & nervosa membrana, quæ priorem involvebat: desinebat demum in glandem, similem illi, quæ est in pene masculi. Exigui muscoli, quibus erant firmata hæc ligamenta procedebant, uti vulgo fieri solet, ab eminentia ossis ischii; hæc ligamenta erant quoad substantiam adeo tenuia & spongiosa, ut oris flatus pertransiret, & illa facile tumefaceret, dum inflaretur reticulatum opus venarum & arteriarum, quod est in hoc loco; reticulum istud erat conspicuum satis in hoc subjecto, cum esset conflatum ex amplioribus vasculis, quam illa sunt ex proportionem in muliere; erat vero situm, uti & communiter, sub secunda conjugatione musculorum clitoridis; figura istius erat pyramidalis, desinens ex valde larga basi in apicem, quæ decurrebat secundum tertium ligamentum versus ipsius extremum ad glandem.

Reliquæ partes genitales erant pares genitalibus mulierum; collum vesicæ habebat suos musculos, ut in muliere se habent; erat vero magnus numerus fibrarum carnearum, quæ ortæ à sphinctere ani erant connexæ lateribus colli uteri, ut & aliæ harum similes fibræ, quæ procedebant à sphinctere vesicæ, & inferebantur eidem cum prioribus loco. Corpus uteri, ejus membranæ, orificium uteri internum ejusdem ligamenta tam rotunda, quam lata, & omnia ejusdem vasæ, habebant structuram interiorum similem illi, quam habent hæ partes in muliere. Testiculi seu ovaria, quæ erant 10. lineas longa, & duas lata, erant formata uti in muliere composita ex magna numero angustarum vascularum,

ficarum, & firmata erant juxta membranas, ad extremitatem tubæ fitas, quæ dicitur illius fimbria.

Mammæ referebant illas mulierum, tam ratione situs, qui erat super musculos pectorales, quam quoad structuram, quæ consistit in glandulosa substantia & papilla.

Ad locum ubi vena cava est divisa ad producendas duas iliacas, glandula erat, figura & magnitudine olivæ mediocris, continens 5. lineas in longitudine, tres vero in latitudine, exterius quidem nigra, longè vero magis (nigra) interius; madebat humore lymphatico, quo ejus substantia spongiosa plena erat; in eodem subjecto, quod erat unum ex duobus Monkeysiis, erant 2. aliæ hujusmodi exigua glandulæ, sed angustiores, versus originem cruralium, una utrinque.

Cum aperiremus pectus seu thoracem, reperiebamus magnam copiam aquæ, dispersam per totam ejus cavitatem. *Thymus* glandula erat insignis magnitudinis; pulmo 7. constabat lobis, tribus quidem ad dextram, & totidem ad sinistram, septimus vero intra cavum mediastini delitescibat, uti & communiter in aliis brutis se habet. Hæc res denuo constituiebat notabilem differentiam inter internas partes simiæ & hominis, cujus pulmones communiter V. lobis, sæpius vero IV. interdum & duobus constant; *Vesalius* affirmat, quod nunquam viderit in homine hunc quintum lobum, quem refert adesse in simia, supponens, quod hæc habeat saltem V. pulmonum lobos; magnus hic pulmonum loborum in simia numerus clare ostendit, quod Anatomici nullam habeant rationem asserendi, quod bruta habeant pulmones discretos in plures lobos, quam homo, ex ratione, quod habeant illa caput & pectus ad terram conversa, cum simia communiter caput & pectus instar hominis erectum circumferat.

Cor ex magna parte magis acuminatum erat, quam in homine communiter esse solet; quod similiter brutum esse simiam indigitat; etiamnum interior superficies ventriculorum cordis habebat magnum numerum fibrarum & columnarum carnearum, quæ & apparent in homine.

Uvula, quæ non apparet in ullo alio bruto, reperiebatur in nostris simiis omnino humanæ similis.

Cranium habebat figuram omnino eandem cum cranio humano, rotundum quidem, aliquantulum tamen ad latera depressum & osse triangulari, quod cerebrum à cerebello in brutis communiter separat, destitutum erat.

Cerebrum erat amplum & multum, habita proportionem ad corporis molem; pendebat duas uncias cum dimidia. Dura mater ipsum

fat profunde ingreditur ad formandam falxem; anfractus externæ partis cranii erant valde similes illis in homine quoad anteriorem partem, sed in posteriore parte versus cerebellum vix ulli aderant: qui ad numerum compensandum erant longe in proportionem profundiores. Apophyses, quæ dicuntur mamillares, & nihil aliud sunt quam magni nervi, inservientes odoratui, non erant molles ut in homine, sed duræ & membranaceæ. Nervi optici similiter consistentiæ erant durioris & firmioris, quam vulgo esse solent in homine.

Glandula pinealis erat conicæ figuræ, ejusque apex obversus erat posteriori capitis parti, seu occipiti.

Rete mirabile aderat nullum: *Carotides* vero, postquam cranium sunt ingressæ, quoad singulos ipsarum truncos utrinque volvuntur circum aciem hedrarum ossis sphænoideis, ad perforandam duram matrem, & quo distribuantur, (uti & vulgo in homine fieri solet,) in basi cranii.

Ad finiendam nostram hanc descriptionem, qua partium internarum, qua externarum simiarum, quas dissecuimus & comparavimus cum partibus humanis, indaginem accuratam instituimus omnium musculorum, quibus gaudet hoc animal, reperimusque illos maximam partem conformes illis, quos conspiciamus in homine; referimus autem hic solum illa, quæ invenimus in nostris subjectis (simiis) peculiariora.

Quod ad musculos faciei attinet, *Cynocephalus* quidem magna ex parte in hoc referebat canem: simia vero, quamvis faciem habet planam instar hominis, nihilominus quosdam musculos habet similes illis, qui reperiuntur in brutis, ut inter alios masseteres & crotaphitæ musculi erant, longè in his ampliores juxta proportionem, quam in homine se habere solent.

Musculi ossis hyoidis, linguæ, laryngis atque pharyngis, qui maxime inserviunt ad articulandas voces, erant omnino similes illis, qui sunt in homine, & quidem magna ex parte magis, quam musculi manuum; manibus tamen simia, quamvis necquicquam loquitur, utitur tantum non majore dexteritate quam homo, certo indicio, quod loquela sit actio homini magis propria, illumque magis sejungens à brutis, ac manus, quam quidem *Anaxagoras*, *Aristoteles* & *Galenus* censuerunt esse organum illud, quod natura dederit homini, utpote sapientissimo omnium animalium: sed caruerunt sensu, dum hæc talia asseruerunt. Simia enimprehenditur à natura instructa omnibus illis mirandis organis, ad loquelam in homine facientibus, tanto majore quidem exactitudi-



dine, ut nec illi tres valde graciles muscoli, qui capiunt originem suam ex osse styloide, desint, quamvis hæc apophysis in simia sit pertenuis; unde omnino apparet, quod absonum sit asserere, quod agens perficiat talem vel talem actionem, quoniam deprehenditur instructum organis ad illam actionem requisitis; atqui ex mente horum Philosophorum simiæ loquerentur, utpote quæ gaudent instrumentis ad loquelam requisitis.

In musculis capitis & colli nihil reperimus, quod simiæ peculiare esset, præter flexores capitis, qui in homine inseruntur apophysi mastoidei: in simia vero inseruntur laterali & posteriori parti ossis occipitis; quoniam caput simiæ apophysi illa mastoide destituitur. Inter musculos brachii erat solus palmaris, qui aliquid singulare præ se ferret: erat vero valde largus. Serratus major, qui in homine solum ex homoplata originem suam trahit, in nostro subjecto præterea a quarta, quinta & sexta vertebra colli initium ducit.

Musculus rectus, qui in homine solum ad basin sterni pertingit, in simia ad eacumen sterni ascendit, transiens sub pectorali & serrato minore musculis; erat vero solum quoad mediam sterni partem carnosus, reliquum ferè merus tendo erat.

In femore musculus ex quadrigeminis (qui quidem simul sumpti inserviunt ad promovendum femur) pyriformis dictus, longe gracilior erat quam in homine, & cum deberet (ut in homine fit) oriri ex inferiore & exteriori parte ossis sacri, in simia ipse oritur ex osse coxendicis, versus cavitatem cotyloidem.

Musculi natium habebant figuram diversam ab illa, quæ est in humana, quippe erant angustiores, quoniam ossa illi in simia sunt contractiora, quam in homine.

Musculis Plois adjecti erant 2. alii musculi exigui, qui non reperiuntur in homine; am-

bo hi musculi exigui habent eandem cum Plois musculis originem, procedentes magno tendine, ut inferantur superiori & interiori parti ossis pubis.

In musculis tibiæ observandum, quod inter ipsius flexores ille, qui vocatur biceps, non habeat duplicem originem, ut in homine: Oriebatur interne ab eminentia ossis ischii, & inferebatur superiori parti perinæi; hoc singulare caput erat ad faciendum hunc defectum, valde crassum & fortissimum.

Pedis digitorum major habebat musculos similes illis, quos habet pollex manus humanæ, similique actione pollent, secus ac se res habet in pede humano, cujus major pedis digitus habebat plane differentes musculos ab illis, qui sunt in pollice hominis, quoniam actiones harum 2. partium in homine plane distinguuntur.

Ad historiam musculorum in simia addi posset descriptio sacculi, quem habent in ore suo. Erat ille compositus ex membranis & glandulis, & ex magno numero carnearum & musculosarum fibrarum: ipsius situs erat in exteriori parte utriusque gingivæ, oblique procedens à medio gingivæ, ad inferiorem partem ipsius anguli, transiens ex parte sub musculo, qui vocatur latissimus dorsi. Longus erat ille saccus unam unciam cum dimidia, & fere æque latus versus ventrem suum; hiat vero in os inter ventrem s. capacitatem maxillæ & ventrem s. hiatum faucium medio loco. Hic est saccus ille, quo simiæ reponunt & arripiunt, si quid ore occultare & deferre (*) gestiunt; & probabile videtur, quod musculosa fibræ, quibus hic saccus instructus est, serviant ad claudendum & aperiendum sacculum, quo vel recipiat, vel evomat, quod bestia isto loco recondidit.

(*) Hoc evidentius cernitur in Sacculis Criceti de quibus alibi.

EXPLICATIO FIGURARUM TAB. XXXI.

IN PARTE INFERIORI

videre licet, qua ratione manus & pedes simiarum à manibus & pedibus humanis differant, pollice in manu gracili, in pede largo & reliquis digitis admodum longis existentibus.

IN PARTE SUPERIORI

- A. est vena umbilicalis.
- B. B. bini recti hepatis lobi.
- C. C. bini sinistri hepatis lobi.
- D. Quintus quodammodo fissus, ut duplex appareat.
- E. Vesicula fellea.

- F. Ductus Cysticus.
- GGG. Tres ductus hepatici.
- 4.5.6. Tres rami è prioribus provenientes.
- H. Ductus communis.
- I. Ventriculus.
- K. Splen.
- L. Pancreas.
- M. Cæcum.
- N. Finis ilei.
- O. Initium intestini Coli.
- P. Glandula inferiori parti trunci vena cava affixa.
- Q. Q. Reliqua glandula duabus venis iliatis affixa.
- R. R. Testiculi.
- S. S. Glandula prostatica.

Θ. Vesica urinaria.

ΤΤ. Cerebrum.

ι ι. Pars cerebri inversa cum anfractibus.

V. Vesica in situ naturali & aperta, ut caruncu-

la y & densitas prostaticarum z z. videri possit.

XX. Parastata cyrsoïdes.

ZZ. Glandulosa prostata.

SECTIO XXXV.
 DESCRIPTIO ANATOMICA
 MELIS SEU TAXI,
 UT ET
 CRICETI,

è *Miscellaneis S. R. I. Acad. Natur. Dec. II.*
 Ann. V. pag. 55. & pag. 376.

PRioris, Taxi sc. Anatomiam tradit D. *Johannes de Muralto*, verbis seqq. Meles est Animal in Helvetiorum alpebus familiare, mordacissimum, duplicis speciei, caninæ atque porcinae; quam vero Melem nos dissecuimus, canum instar digitata erat, cæterum ursum referebat, & caput, rictu canino, parvis oculis, & auriculis brevibus præditum, instar Erinacei abscondidit. Magnitudine Vulpis majoris, sed crassiore & breviori corpore, propter crurum breviterem, etiam humiliore statura fuit. Cutem habebat duram ac sordidam, villosam & rigidam, nam duris vestitur villis, gryscis, albis, & nigris; dorsum quidem abundat nigris, reliquum corpus albis, excepto capite, quod alterpis quibusdam quasi lineis nigris & candidis, a suprema capitis parte ad rictum ductis, decoratur. Etenim in medio niger, utrinque ad latera albus capitis pilus cernitur. Cauda est vario villosa, brevior: Dentes acuti: Dorsum latum: Ungues quini ante & retro erant: Crura anteriora dodantralia, posteriora breviora. Longitudo corporis a summo naso ad caudæ extremum sesqui-ulnam superabat; corpus valde latum, imprimis circa pectus claviculis sustentatum erat, pinguique plurimo inter carnem & pellem ac circa renes abundabat. Ungues anteriores sunt cute denudati, ad fodiendum & discerpendum leonum more apti, posteriores cute tecti: si vero irritetur animal, tum exsertis omnibus unguibus urforum instar formidinem spectantibus incutit. Tota die dormivit, cuniculosque quæsit, noctu prædam insequabatur, carnesque avidè devorabat.

Musculus rectus abdominis pluribus locis intersectus a prima costa pectoris ad pubis os descendit, sub pectorali autem musculo absconditus latebat usque ad sextam costam. Du-

ctus thoracicus incepit juxta musculos psoas, & plexu vario ramis plurimis ascendit usque ad axillam, sub descendente trunco arteriæ magnæ occultatus, juxtaque thymum anfractus gyrosque varios efformans. Cornua matricis usque ad renes ascendunt, atque à vena & arteria spermatica mire intorta & capreolata vascula juxta longitudinem suam mutantur. Testiculorum seu ovarii substantia è carne glandulosa & spongiosa conflatur: uterque oblongus post cornua visitur atque inflatur, ut nonnisi membraneam ejus substantiam reputes. Masculus penem osseum & parvos testiculos tenebat. Vesica urinaria supra matricem inflatam recumbit pyriformis, adhuc instructa uracho & à lateribus ligamentis versus abdominis musculos & umbilicum protensis. Hepar constat septem lobis & vesicula bilis intestinulum referens clara, pallidaque bile plena fuit: hujus ligamentum suspensorium adhuc cavum erat; supra ductum biliarium hepaticum minima particula carnea hepatis parenchymati haud absimilis observabatur. Stomachum cum intestinis inflavimus, inibique glandulosos plexus observavimus, & glandulas quoque solitarias, nec colon cellulatum, nec cæcum intestinum reperimus. In stomacho hinc inde vagantes rugas fermentum in se continentes observavimus; stomachi fundo Splen longior staminibus omenti pluribus adnectebatur. Costæ sunt quindecim. Sternum è novem in medio ossiculis conformatum est. Ab interna sterni parte triangularis musculus oblongior, ac speculi instar retinens cernitur. Thymus in summa mediastini parte supra tracheam (dispersis hinc inde glandulis) observabatur, quælibet autem harum glandularum contextum vasculorum sanguinem vehementium monstrabat, præterea & crystallina vascula plurima ad mediastinum & pericardium à dictis glandulis

glandulis jucundo spectaculo serpebant, potius lymphæ ductus quam nervos esse, haud ex præconcepta opinione reor; quamquam aliqui Anatomici fuerint, qui opinionem meam, aquam pericardii à thymo mutuantem, culparint; quæ vero Avicennæ, Collegæ nostri, circa hanc materiam ad me præscripta mens sit, referam: Quæ de thymi ductu retuli, suspensiones erant, ex similitudine quam olim adverti in canibus cum pancreate ex colore in utroque nigricante, succo acidiusculo in vitriolicum quid nonnihil exaltato; putabam tum me ductum similem quoque ut in pancreate reperturum, verum me fefellit opinio, ductulos enim minimos persequens, minime offendi grandiore inde formandum; nuper in capellis thymum examinando reperi ductum sursum ad tonsillas meantem, huncque, non quidem immisso flatu ob ejus exiguitatem, sed duriori membranaacea natura collegi, quamvis etiam vas sanguiferum aut nervus esse potuerit, quorum tamen probabilis mihi illud præ hocce videtur; suspicor ego thymum & thoracis & colli ossibus prospicere, ductumque in eo formandum necessario aliter quam in pancreate dirigendum fuisse, nempe & inferne & superne, hincque dispersim thymi substantiam percurrere, adeo, ut hæc glandula magna satis, tum pericardium, cui id annexum vidi, sufficienter liquorem stillare faciat, (membranzæ namque à quibus vasa lymphatica sine glandularum manifestarum præsentia, ut & in diaphragmate, cœu in asina Monspeilii conspexi, prodeunt, *Malpighii* judicio, plexus secretorios possident, plexibus glandularum cœu filtris analogos) cœu jam opinor in hac sententia eras in clavi Medicinæ, tum etiam collum & etiam os sufficienter irriget, fons namque salivæ non solum è glandulis maxillaribus superioribus & inferioribus, sed etiam profundius ex ipso thorace, ad quem collum & os referuntur, erit deducendus, certe salivatio copiosissima in lue venerea laborantibus è thymo quam maxime etiam erit haurienda, unde & emplastra mercurialia collo circumdata ptyalismum mox provocant, glandulisque his laxioribus, nec à spiritibus animalibus satis tensis salivatio aucta, ac et amors, cœu exemplum hic observatum in Regno animali addidi, ex confinio forte glandulæ hujus cum corde &c. Porro lobi pulmonum sunt 4. dextro & 2. sinistro in latere, cor undique ambientes, inflati, siccati per microscopium considerati vesiculæ hexagonæ bronchias attingentes venas, vasaque cætera œconomiz publicæ inservientia; & postquam inflavimus asperam arteriam, flatus ad sinistrum cordis ventriculum sine omni molestia transibat, & per eundem vulneratum egrediebatur. Musculus coracomastoideus in diversas

musculosas fibras distinctus, sub musculo sternomastoideo situs est, & nervum recurrentem socium sibi junctum habet. Supra tracheam sternohyoideus & sternothyroideus, cæterique pharyngis laryngisque muscoli insigniter proportionati aderant. In capite notavimus nervum opticum inter oculos & cerebrum medio spatio nodo quasi intricatos & sibi connexos extitisse, id quod in Leone & fele observavi, alias, usque ad cerebrum distinctos notavi; mirum est, nullam glandulam pinealem in utroque hoc subjecto repertam esse, cerebri partes reliquæ ad anussim cum cerebro canino conveniebant. Ossa Pictoris sciagraphia, ut & cætera viscera delineata hic sistet: affabrè illa celebris & curiosus noster Chirurgus *Bernhardus Ringglinus*, de quo D. V. plura & majora Patria nostra sibi promittere potest, in Sceleton compegit. Ipsa vero anatome, sub fine mensis Maji 1686. præsentè & manus admovente Nob. D. *Job. Georgio Volckamero*, M. D. magni nostri D. *Helianthi* filio non degenerare, publice in Collegio Anatomico Tigurino fuit celebrata.

Reliqua in animali hoc observatione non indigna *Miscellaneis S. R. I. Acad. Nat. Cur. Dec. 3. Anno 3. p. 289.* inseruit D. *Daniel Nebeilius* Prof. Heidelb. qui cum primis glandulas in Taxi receptaculo, quod inter caudam & anum est, racemos glandularum nervosarum in hepate & nervorum intercostalium structuram singularem prosequitur in seqq. Cum die 25. præteriti Octobris, præsentibus Philatris, Taxum marem cultro anatomico subjicerem, placuit paulo exactius perlustrare foramen illud, Semilunare Excell. *Majori* dictum, quod inter caudam atque anum conspicitur, & convenientius forsitan receptaculum appellatur, quoniam & humori nutritio, & animalis in globum se convolventis ori recipiendo dictum est. Nec præcise semilunare, quin potius rotundum & in utroque latere intus nonnihil sinuosum esse videtur, tres digitorum apices suo admittens hiatus, si paululum diducatur. Interiore cavitate brevibus ac fulvis condecoratur pilis, qui hærent in cute tenuissima, multis excretoriis perforata tubulis, è quibus, prævia compressione, albus & pinguis emittitur humor, qui sine dubio circumpositæ uberioris pinguedinis est soboles: hoc enim receptaculum copiosæ posteriorum adipi quasi immersum hæret. Distinguitur tamen ab eodem beneficio membranzæ tenacioris, receptaculum succingentis, qua detracta, densa glandularum albescentium & duriuscularum series conspicitur, quæ peculiarem tunnicam, ex istis glandulis majusculis & ovalibus compositam, efformare videtur. Singulas harum glandularum in proximam cutem externam peculiarem tubulum excretorium e-

mittere, exinde colligere licuit, quod in receptaculo deprehenderim, cuilibet porulo singularem respondere glandulam, quæ in proprium tubulum eum, quem secrevit, humorem dimittit. Secretorium enim munus his glandulis attribuo, & veritati consentaneum esse puto, easdem non tam ex sanguine, qui per exilia vascula in paucissima quantitate huc affertur, quam ex pinguedine copiose circumfusa, & per ductus adiposos allata, tenuiores oleosas transmittere particulas, quas postmodum tubuli profundunt, si animalis suctio accedat. Pinguem autem, non lacteum, esse humorem, qui hic separatur, manifestæ ostendunt pinguedinis guttulæ, quæ in exsiccato receptaculo etiamnum per tubulos excretorios transsudant, & gossypio licet absterfæ, mox tamen in calidiore loco denuo erumpunt, adeo ut glandulas has jure adiposas nominare possimus, quoniam secretioni pinguioris succi inserviunt. Nutritius autem est iste succus, utpote qui ex pingui sanguinis flore in adipem cedente sequestratur, & tunc demum suum præstat usum, cum taxus fame stimulatus applicato ore alimentum quasi exsugit. Cæterum præter ea, quæ Excell. *Joh. de Muralto in Ephem. N. C. Dec. II. Ann. V. obs. 32.* de Taxorum Anatome refert, bina notatu digna in nostro subjecto observavimus: Primum erat congeries minutissimorum globulorum, lentis in modum depressorum, albicantium & duriusculorum, extimæ jecoris membranæ hinc inde adhærentium, quales *Celeb. Ruyschius* in humano hepate reperit & *glandularum nervosarum racemos* satis apte nominavit. Alterum erat singularis structura nervorum intercostalium, qui per thoracis cavitatem, juxta dorsi vertebrae utrimque de-

scendentes, ex una videbantur compositi fibra, quæ per membranaceum nervorum integumentum transparens serpentino ductu, epididymidis instar, eleganter proserpebat, & nervo manibus diducto, in rectam lineam prolongari poterat, id quod à provida Natura forsan eum in finem factum est, ut isti nervi, dum animal capite ad podicem contorto, & ore in receptaculum immisso conglobatur, eo melius extendi & prolongari possint, ne ruptionis periculum incurrant.

CRICETUM

D. Gabriel Clauderus c. l. p. 376. ita describit: Dum præteritæ æstatis fine ob negotia practica per agros rheda vehebar cum itineris socio *Dn. Joh. Hilschero*, Chirurgo nostro Aulico, solerti, dolebamus publicas rusticolarum querelas, quod insolitæ hoc anno CRICETORUM (*der Hamster*) copiam messem ipsis anticipaverint, frumenta cavernis suis subterraneis in futuram sustentationem concredentes. Ventilabamus simul, quomodo possibile sit, ut spatio paucarum septimanarum, vel potius dierum, quo frumenta maturitatem maxima sui parte acquisita in agris saltem hærere soleant aut relinquantur, ab istis bestiolis tanta copia in clancularia sua latibula & horrea transportari possint? Motus inde curiosus *Dn. Hilscherus* cultrum anatomicum admovet cuidam criceto & invenit illum in utroque faucium latere largis crumenis vel folliculis huic transportationi a natura destinatis dotatum; veluti è figura TAB. apparebit. O quanta, quanta sunt utilia, jucunda, curiosa quæ ignoramus! ô quantilla quæ scimus, vel potius quæ ex socordia scire nolumus!

EXPLICATIO FIGURARUM

TAB. XXXII.

IN PARTE INFERIORE

Cricetus in figura naturali exhibetur, dissecta tamen in posteriori cute ad crumenam observandum.

IN PARTE SUPERIORI

FIG. I.

Taxum in Figura naturali sistit.

FIG. II.

a. est Vesica urinaria,

b. Cornua uterina.

c. Ureter.

FIG. III.

Sceletum Taxi exhibet.

SECTIO XXXVI.

ANATOMIE

FELIS & CATI

è *Marci Aur. Severini Zootomia Democrit. p. 311.*

EXtra abdomen inferne supra pubis os prodeunt per duo foramina vasa spermatica ad testiculos descendunt, qui testiculi per mediam membranam cuti alligantur a lateribus penis, qui penis medio digito longus inferne fulcitur musculo oblongo desinente

fig. 1.




fig. 2.



fig. 3.



fig. 4.



Cricetus cum folliculis.



nente ad medium penis vel amplius; fulcitur etiam musculo oblongo descendente ad medium spatium musculi sphincteris, cuius officium est anum claudere.

Linea alba lata digiti tertia parte per rectum abdominis descendens; subjacet musculis peritonæi, membrana in hoc animali tenuissima; Peritonæum sub ensiforme satis pingue.

Omentum præpingue alligatum fibræ uni dextræ hepatis & spleni & ventriculo, & intestino duodeno, ad figuram marsupii seu sacculi cujusdam constitutum.

Alligata vesica peritonæo superne, ad fundum vero alligata intestino inferne recto.

Testiculi quatuor tunicis sunt tecti; prima, quæ dicitur scrotum, id est, bursa externa testiculorum; secunda dicitur dartos, etiam externa; tertia dicitur erythroides, id est, rubra, quæ propinquior est prædictis; quarta vero est immediata.

Descendunt ad testiculos vasa præparantia semen, & sunt venæ & arteriæ: Venæ quidem quæ descendunt à vena cava; & arteriæ, quæ descendunt ab arteria magna: & ista vasa, postquam attigerint proxime testiculos, constituunt corpus quoddam, quod dicitur epididymis; corpus sive substantia sub testiculis posita.

Vidimus vasa jaculatoria sive deferentia, dicta propterea, quod deferant semen in testibus præparatum ad glandulas parastatas, quæ deferentia primo oriuntur ab infima parte testiculorum & vasibus præparantibus annexa usque ad medium ipsorum recurvantur ac reflectuntur, donec pervenerint ad parastatas; vidimus & ureteres descendentes à parte sinistra seu concava renum ad collum vesicæ, & præcipue ubi desinit ipsum collum.

Vidimus etiam venas emulgentes ad renum tendentes partem gibbam, ambas nascentes è trunco cavæ, sed altior sinistra quam dextra altitudine mediæ grani hordei, & eadem sinistra longior fere duplo est quam dextra.

Intestinum rectum colligatum caudæ principio per medium ligamentum.

Habet intestinum rectum venas & glandulas quasdam miliares asperas, quæ in cane nobis aliàs sunt observata.

Vidimus mesenterium & venas mesaraicas, etiam Pancreas, id est corpus glandulosum.

Vidimus & intestinum cæcum latitudine pollicis longum.

Præter intestinum rectum & cæcum, totum, quod reliquum est intestini, uniforme est, sed tortuosum, adeo, ut si violentius extendas, fere disrumpatur.

Renes perampli magnitudine nucis majoris, intra quos paucae cavitates sunt & sinus (non ut in cane) in quibus percolatur urina.

Vidimus & venam portam, facientem duos ramos, unum quidem mesentericum, id est,

ad mesenterium propagatum, quique descendit usque ad extremum intestini recti: Alterum vero splenicum, id est, transmissum ad splen per totam ejus internam partem, recta via distributum per multos hinc inde.

A dicto ramo splenico derivatur alter celiacus, sic dictus, quia ventriculum circumplectitur; hic ducit humorem melancholicum ad ventriculum, ut possit appetere.

Vidimus venam ascendentem perforare diaphragma & cor petere, in cujus partem dextram se inserit.

Vidimus & venam sine pari ramificatam ac propagatam, à dicta vena cava juxta reflexam, & descendentem per spinam à parte dextra, quæ ramos mittit costis dextris ad sinistras, ad ipsas nutriendas.

Hepar sex fibris distinctum, medio duarum à parte dextra egreditur foras fel, ita ut fundus inter duas, ad modum prominentis oculi, appareat. Dicta vesicula fellis habet duos ramos, alterum, qui derivat ab hepate in duodenum intestinum ad expellendas feces, alterum, qui recurrit ad vesicam, ut ibi contineatur.

In intestino duodeno digitis quatuor infra poros cholidochos inventus lumbricus quidam parvulus magnitudine ureterum.

A lateribus venæ cavæ ascendentes descendit nervus quidam ad circulum carnosum diaphragmatis, alter vero à sinistra descendit, fultus membranis asperæ arteriæ deportantes sensum diaphragmati. Vidimus nervos recurivos, qui à sexta nervorum conjugatione propagati ad caput asperæ arteriæ inferuntur, alter quidem à sinistra revolutus sursum circa arteriam magnam, & alter circa arteriæ ramos, qui tendunt ad jugulum: Cor cum duplici auricula, dextra & sinistra; dextra major & subnigra est; sinistra vero concolor cordi: Habet cor ventriculum dextrum, in quo generatur spiritus vitalis; sinistrum, ad quem ducitur sanguis venalis. Habet & quatuor vasa magna; primum est vena cava ascendens, quæ inseritur in auriculam dextram: arteria magna, quæ inseritur in auriculam sinistram; tertium vena arterialis, vena quidem dicta, quoniam continet sanguinem; arterialis vero denominata, quoniam constat duplici tunica, quam habet veluti arteria: Inferitur hæc in pulmonem, ut illum nutriat; quartum est arteria venalis, quæ inseritur ad sinistrum ventriculum cordis, cuius officium est sanguinem in dicto ventriculo præparatum ducere sursum ad cerebrum ad generationem spiritus animalis.

In ventriculo dextro sunt valvulæ quædam sive septa, quæ impediunt exitum sanguinis, sic etiam sunt in sinistro.

Habet pulmo pinnas sex.

Visi sunt muscoli interni circum laryngem, id est circa caput asperæ arteriæ, quibus inflammatis fit vera angina.

Apparuerunt in radice penis glandulæ proflatae, quibus inflammatis fit gonorrhœa syphilicæ, quæ sunt paulo majores: Est penis glans, id est, caput, veluti lingua ipsius felis, observavimus meatum, qui ducit ad vesicam.

Felis cranium lineis quibusdam rubris distinctum venarum similibus: Auricula interior cum primis exsculpta: Hoc enim organo non vulgariter opus erat eidem ad noctu prædandum, sicut & visu. In hoc observata communio arteriæ magnæ & magnæ venæ: ubi scilicet primum utraque scinditur in iliacos.

Credo commune animantibus omnibus, quod observavi in medulla spinæ felis domesticæ. Membranis enim propriis cum integatur secundum extrema, quæ respondet duræ meningi, interior, quæ tenui, vestiunt & hæc prodeuntes nascentesque ex seipsis nervos: verum cum in plures veluti funiculos prodeant singulæ harum conjugationes, licet adnotare, dictos funiculos, postquam aliquantisper processerint, mox in unum quasi nodum coire, non dissimilem à geniculis culmorum in plantis frumentaceis, & id genus. Porro cum

singuli funiculi iisdem membranis tegantur, si retrahas ad te harum substantiam, spoliantur funiculi, quoad nodum illum pertingant.

Observatus in costa una legitima felis domesticæ nodus quidam teres, similis tuberibus, qui innascuntur arboribus, cujus disrupti meditullium porosum crebrisque fossulis pertusum cum guttulis sanguinis. Dubitatum inter Sodales sectionis, num fractura ossis ferruminata, num error in formatione, luxuriante materia.

Homini in sima parte ossis frontis, quæ interjacet, æque duo supercilia incubant rectæ nasi radici: In hac, si effoderis vel terebra os pertuderis, invenies fossulas duas oblongas oblique incedentes sub cranio, parte superiori cæcas, inferne cancellis donatas: Nulli dubitari posse videtur esse has cameras olfactus, ubi concluditur implantatus spiritus, ut & in aure. Nescio siquidem, quid de eo senserint Anatomici; credo incompetas huc usque. Porro confirmat sententiam nostram, quod in cane sensu hoc eximie pollente sunt hæc cryptæ & latiores & magis conspicuæ, quam in homine; in simia autem caudata non licuit invenire; fortasse, quod eo sensorio præstare minus debuisset.

ANATOMIE

FELIS & CATULI FELINI,

D. Olai Borrichii, Dani, & Gualt. Needham, Angli.

IN FELIS Anatome *D. Olaus Borrichius*, Prof. quondam Hafniensis, seqq. annotavit & ad *Thomam Bartholinum* perscripsit, ut in hujus *Epistolis Cent. IV. Ep. LI. p. 333.* videre licet: In felle inquit, lienem longum, instar canini, ductum hepaticum & cysticum amplos; præsertim hepaticum, qui amplitudine calami scriptorii æquabat (an quia animal biliosum & pugnax?) oculum multum humoris vitrei continere (an hinc acumen visus explicari meretur?) ipsum aqueum humorem esse subsalsum. Hactenus *Borrichius*

Catuli vero felini ex utero jam desumpti partes (quas accurate imitantur foetus canini) eleganter ob oculos ponit *Gualterus Needham* in *Disq. de Formato foetu*, quæ in

TAB XXXVII.

PARTE INFERIORI

stimus, ubi in

FIG. I.

A. est Hepar.

B. Vesica cum arteriis umbilicalibus.

D. Locus coitionis, ubi funiculo junguntur: videl. umbilicus.

E. Tunica quarta felis aut canis, quæ sub cingulo invenitur: cum appendiculis suis, quibus membranis vicinis alligatur.

F. Locus divaricationis vasorum, ubi cavitas incipit quartæ tunice destinata.

GGG. Cingulum dissectum.

a a a a a. Vasorum umbilicalium propagines.

H. Alter divaricationum ramus dissectus.

FIG. II.

Offert placentam uterinam muliebrem cum tribus membranis.

DD. Funiculus umbilicalis abscissus.

EE. Amnios à placenta caterisque membranis, diducta & funiculo applicata.

FF. Chorion.

GG. Placenta cum vasis funiculi.

HH. Membrana urinaria diversissima à Chorion substantia; ei tamen arctè adhærens, hic ad angulos divulsa.

CC. Vasa Omphalo-mesenterica.

SECTIO XXXVII.

ANATOME

FELIS ZIBETICÆ

Societatis Regiæ Scientiarum Parisiensis.

Postquam anatomiam Lutræ & Castoris absolvissimus, obtulit se occasio illis adjiciendi sectionem 2. felium Zibeticarum, quæ præcedente hyeme in vivario Versaliensi mortuæ erant. Admodum gaudebamus, quod possemus comparare has 2. animalium species, quoniam in quibusdam organis concordant, quæ ipsis sunt plane peculiararia, quæ sunt receptacula, in quibus colligitur liquor, cujus odor notatu dignus est, quippe gratissimus in uno, ingratisissimus vero in altero: cujus intuitu Felem Zibeticam, cetero gratiorem, jam Castoris considerationi proponimus.

Primo itaque inquisivimus, annon sit peculiaris quædam causa hujus in odore diversitatis, sed non invenimus, quod esset ulla alia, uti apparebat, quam diversitas temperamentorum hujus animalis; nam alterum est calidum & siccum, parum bibit, & regionum calidarum incola est: alterum quandoque in aqua, quandoque vero in terra vivit; & quoniam magnam humiditatis copiam possidet, cum de natura piscium participet, non sufficiente ad concoquendum & perficiendum hunc humorem calore gaudet. Adeoque supposito, quod bonus odor ingratusve procedat a concoctione vel cruditate, quam calor naturalis magis minusve vehemens in humoribus peragit, patet castorem, cujus calor naturalis est infirmior, & per copiam humidi sui quasi suffocatus, non posse nisi imperfecte humorem suum concoquere, & nonnisi ingratisissimum odorem producere.

Duæ Zibeticæ feles, quas secumimus, masculus erat & femella, sed adeo similes sibi in omnibus externe ante sectionem apparentibus, ut videretur inter illas nulla sexus adesse diversitas; erat enim impossibile, ut quis, antequam secarentur, judicaret, annon ambæ essent femellæ. Nam partes masculino sexui propriæ erant interiorius reconditæ; & vasa s. receptacula odoriferi liquoris, quorum officium a plurimis veteribus pro nota femini sexus sunt accepta, erant tam in una quam altera, s. tam in mari, quam femina fele nostra Zibetica.

Ab ore usque ad initium caudæ 29. pollices longæ erant nostræ feles Zibeticæ. Cauda ambarum erat præcisæ. Illa, quæ erat adhuc longissima, continebat 10. uncias. Pedes erant

brevisissimi, præsertim anteriores, qui a corpore usque ad terram 5. uncias non erant longiores. Inter palmas pedum tam anteriores, quam posteriores, habebat quævis 5. digitos, quorum ultimus erat interiorius, uti in urso; sed hic parvus digitus terram non attingebat. Præter hos 5. digitos aderat & calcar, quod ungue suo non secus ac digiti armatum erat. Ungues erant attriti, recti & parum admodum acuminati. Solea pedum instructa erat pelle ad tactum mollissima. Auriculæ magnitudine & figura felinas referebant; sed eadem parum acutæ, & angustiores erant: reliquum caput habebat nihil, quod huic animali simile esset, præter barbæ pilos, qui omnibus carnivoris animalibus communes sunt. Nam caput erat angustum; os longum; lingua glabra; oculi exigui, nigri, turbidi & longi; dentes canini, breves & obruti, adeo ut resecti viderentur: est autem, quod hoc ferum & cholericum animal ordinarie dentes suos in arrodendis ferreis cavæ suæ claustris infringat. Collum erat corroboratum & firmatum per ligamenta, & musculos validissimos. Bartholinus observavit, quod illi sint longe copiosiores, quam in aliis animalibus.

Pili, qui erant breves in capite & palmis, erant in reliquo corpore prælongi; erant quippe 4½ uncias in dorso, ubi sunt longissimi. Inter hunc longum pilum, qui erat durus, strigosus & rectus dispersus erat alius brevior, mollior & instar lanæ crispus, uti in castore, sed non tam delicatus erat: omnis ejusdem coloris, nempe obscure grysei conspiciebatur. Majores pili erant triplicis coloris, constituentes maculas & strias, quasdam nigras, alias albas, alias vero rubras. Quidam horum pilorum erant coloris duplicis, in medio quidem nigri, & nigri quandoque versus radicem, quandoque autem versus alterum extremum. Quatuor pedes erant nigri, nec non abdomen & jugulum inferius, contra ac in aliis animalibus fieri solet, quæ semper habent abdomen & jugulum coloris pallidioris, quam reliquum corpus, nisi omnes pili sint ejusdem coloris. Reliquum corpus tribus coloribus variegatum erat, inter quos niger prævalebat. Ad latera oris aderant 2. magnæ nigræ maculæ, quæ oculos circumdabant, & reliquum caput albisissimum apparere faciebant, excepto naso, qui erat niger. Capitis vertex, ab oculis

culis ad auriculas erat glaucus, propter mixturam albi & candidi, quæ erat in singulo pilo conspicua, ut modo dictum est, omnium enim fundus erat niger, extrema vero summities alba. Auriculæ, quæ externe plane nigrae erant, & solum in margine albicante colore infectæ, interius longis & albis pilis scatebant. Collum utrinque habebat 4. nigros tractus in candidissimo fundo; hi vero tractus, qui sub auriculis incipiebant, oblique versus stomachum descendebant. Medium dorsum tribus limbis rectum erat, quorum medius erat niger, laterales vero rubicundi. Humeri & latera ad ilia usque notata erant magna ex parte nigro & subrubente colore. Iliæ æqualiter striatae erant albo nigroque, sed hæc striæ non erant adeo continuæ, quam illæ in collo; erant potius maculae, quas *Plinius* in panthera vocat oculos, sed paucae earum erant singulares, maxima vero pars combinata erat. Cauda ad finem usque nigra erat, & exigua albedine inferius permixta.

Orificium sacci, qui est receptaculum Zibetici, erat sub ano, non vero sub cauda, ubi *Aristoteles* id collocat in hyæna sua, quam nos cum *Bellonio* cenemus esse nihil aliud, quam felem nostram Zibeticam; aut ad minimum, quod nostra felis civetica sit hyænae species. Et si hoc ita se habeat, valde rarum est, & mirandum, quod magnus ille vir, dum *Herodotum* reprehendit, quod deceptus fuerit, dum credit, quod orificium hujus sacci sit pars illa, quæ denotet sexum sequiorem, & dum excusat illum ex hac ratione, quod difficile sit, ut quis non decipiatur, si res bene non examinata fuerit, ipse se eodem errore circumagi passus fuerit, ut in variis locis scripserat, quod anus & partes genitales utroque in sexu sint sub sacco civetici.

Hic saccus erat inter anum & aliam quandam exiguam aperturam, à qua $2\frac{1}{2}$ uncias distabat; sed ano prior erat. Hic saccus $2\frac{1}{2}$ latus erat, tres vero longus: ejus apertura, quæ erat fissura à summo ad imum pertingens, $2\frac{1}{2}$ uncias magna erat. Ad extrema latera & interius recta erat pilo brevi, ad interiora converso, adeo ut exterius esset scabra. Cum bina hujus aperturæ latera dividerentur, apparebat latus interius, ejus capacitas exile pullastræ ovum caperet, fundus ipsius in dextro & sinistro latere pertusus erat 2. foraminibus digiti capiendi aptis; quæ singula penetrabant in saccum adimpletum alba & scabra pelle instar anserinae cutis. Eminentia quæ hanc inæqualitatem constituiebant totidem poris pertusæ erant, ex quibus, si premerentur, scatebat fragrans liquor ille, quem Arabes vocant Zibetum, quod significat spumam, & à quo vocabulum nomenque Zivettæ animalis ortum est.

Revera hic liquor erat spumofus, cum exiret modo; quod ex illo cognoscitur, quod aliquo post tempore deponat albedinem, quam primo habebat. Idem scatebat, in quantum judicare potuimus, ex magno glandularum numero, quæ erant inter 2. tuniculas, ex quibus sacci erant conflati.

Exigua apertura, quæ sub magno sacco apparebat, erat introitus cujusdam ductus, in quo penis maris erat reconditus; & femella simili gaudebat ductu, qui erat collum matricis, cujus internum orificium erat adeo angustum & dilatatu adeo difficile, ut ægerime vel minimum stylum adigere illuc possemus. Externum orificium 2. exiguis eminentiis tectum erat, quadantenus longis, quæ ad invicem junctæ erant, & constituiebant angulum, sub quo erat tertia eminentia, quæ videbatur esse clitoris.

Postquam abdomen aperuissemus, deprehendebantur sub cute ab osse pubis ad umbilicum usque 2. eminentiæ duræ adipis, unciæ latæ & crassæ, 4. vero longæ. Hæ includebant ramos, qui transeunt a venis & arteriis hypogastricis, ad 2. saccos, qui magnam bursam constituunt, quo illuc devehant materiam ex quo gratus & odoriferus liquor conficiatur, & qui in saccis illis colligatur. *Bartholinus* summa solertia inquisivit sed non invenit peculiare ductus, quos ad convehendam hanc materiam necessarios putavit: nos vero judicavimus, quod non opus sit aliis viis præter arterias, non secus ac papillæ scilicet mammae & renes non possident alios ductus, qui ipsis materiam lactis & urinæ advehant; cum sit facultas quædam in glandulis, quæ intra saccos civetæ receptaculi reconditæ sunt, quæ qualitas facit, ut ipsæ non recipiant ex arteriis, nisi id, quod, ut in odoratum liquorem transeat, aptum est, non secus ac mammarum glandulæ materiam, quam in sanguine deprehendunt aptam ad recipiendum lactis characterem, imbibunt.

Vasa ista ad bursas receptaculi civetici tendentia in masculo erant prægrandia; sed in femella ægre perspicui poterant. Liquor civeticus in masculo similiter gaudebat odore fortiore & gratiore, quam ille femellæ. Autores tamen ut plurimum contrarium asserunt; & *Quadramius* in tractatu suo de theriaca præfert civetum, quod ex femella desumptum illi, quod ex masculo ortum, quod asserit nullius esse valoris, nisi cum illo femellæ permisceatur. Falsum deprehendimus id, quod *Amatus Lusitanus* tradit, nempe quod odor civeti, si longius asserveretur, perfectior evadat, nec cum, cum esset recens, ullatenus ingrati odoris reperimus; ipsius vero odor nobis post annum transactum non videbatur melior, quam cum sectionem hanc modo perageremus.

temus. *Plutarchus* tradit, quod non solum pellis, sed similiter caro & ossa pantheræ odorem bonum habeant; ast nos non deprehendimus, quod gratus civeti odor internis partibus communicatus fuerit, sed solus pilus fragrantia grata infectus erat, & præcipue quidem in masculo, cuius pili tam egregie odorati erant, ut manus, quibus contrectatus fuerat, per longum temporis spatium retineret gratissimum & acceptissimum odorem: id quod videtur confirmare & stabilire opinionem *Scaligeri*, *Matthioli* & quorundam aliorum, qui censent, quod liquor civeti odoratus sit nil aliud, quam ipsius sudor; adeo ut colligatur, ceu *Marmolus* affirmat, ab animalibus illum gignentibus, postquam in caveis suis probe exagitata fuerint; & quod non solum in bursis ipsorum congregetur, sed & in aliis locis, & præsertim circa collum: est autem probabile, quod quamvis hic sudor indifferenter ex universo pullulet corpore, copiosior tamen in bursis illis civeti congregatur ibique maiorem acquirat perfectionem.

Hæ bursæ s. sacci gaudebant quibusdam musculis, quorum *Bartholinus* non meminit, quamvis in figura sua illos expresserit. Illi, quos nos reperiimus, diversi erant ab illis, quos ipse exprimit tam numero quam structura. Ipse appingit 4. qui à partibus vicinis orti saccis adjunguntur. Illi, quos in nostra civetica fele observavimus, erant tantum tres numero, quorum unus ab altero sacco ortus ad alterum porrectus ipsi inferebatur: reliqui 2. ab inferiore ossis ischii parte oriebantur, & singuli jungebantur antagonisti suis ad medium 2. saccorum; & affigebantur sacco, supra quem hæc conjunctio facta fuerat.

Facile nobis esset ex structura & situ musculorum horum conjectare, quæ debeat esse ipsorum actio: ille enim, qui ambobus saccis communis est, necesse est sit ipsorum constrictioni dicatus, dum unus saccus versus alterum constringitur; illi vero, qui ab ossibus ischii oriuntur, 2. saccos ad se invicem constringunt, quandoque ad dextrum latus, quandoque versus sinistrum, prout alter horum musculorum contractus est, dum antagonista ipsius relaxatus est. Usus motionis istius admodum probabiliter est pressio & expressio odorati istius liquoris, cuius retentio huic animali minime ferenda est, dum ille per temporis longitudinem rodentem acrimoniam acquisivit, quæ animal ad ipsum expellendum stimulat: observatum enim est, quod felis Zibetica videatur habere inquietudinem quandam, quæ exagitet & torqueat ipsam, dum copiam quandam istius liquoris collegit, quam proinde propellere ex saccis coguntur.

Epiploon erat duplex & quadratum, uti communiter est, sed prægrande. Descende-

bat ad os pubis usque & compositum erat ex striis pinguedinosi, quæ vasa concludebant. Hæ striæ singulæ 3. donatæ erant angulis, sibi-que invicem per texturam retiformium fibrarum conjunctæ.

Intestina non erant adeo longa, præsertim intestina crassa, quæ tria simul sumpta 6. uncias non excedebant. Ex adverso splen erat insolitæ longitudinis, supra 6. uncias longitudine, 2. vero latitudine & $\frac{1}{4}$ unciae partem crassitie æquans. Color ejusdem erat lividus, ad nigredinem vergens.

Pancreas ad duodenum firmabatur, & versus splenem extendebatur. Unciam unam latum, & 4. longum erat.

Hepar 5. magnis lobis instructum erat, & sexto, præcedentibus minore, in medio inferioris partis sito. *Bartholinus* enumerat 7. Hepar femellæ quam masculi longe pallidior erat, magnæque copia macularum obscurius rubrarum respersa.

Situs renum talis erat, ut dexter sinistro altior esset. Idem ambo lumbis affixi erant per membranam, quam pro duplicatura peritonei habemus, quæ ipsos sustentat, non secus ac in homine & quibusdam aliis animalibus. *Bartholinus* censet, quod hæc sit membrana renum propria, & quæ immediate ipsorum parenchyma obvolvitur; confitetur autem, quod facilius multo separaretur, quam in membrana renibus propria esse soleat.

Penis inter 2. bursas situs erat in quodam ductu, ceu modo dictum est. Ad extremitatem suam donatus erat osse, sex lineas longo, unam cum dimidia unciam lato, in loco sui angustissimo, at supra 2. versus extremitatem suam, ubi erat amplius & divisum; adeo ut haberet quasi 2. capita, inter quæ vacuum aderat spatium instar canalisi, ad concedendum transitum urethræ.

Matrix divisa erat in 2. longa cornua, ad quorum finem erant testiculi, quorum magnitudo ægre pisum majus excedebat, cuius figuram æmulabantur, magna ex parte rotundi. Hæc cornua similiter supra testiculos producebant quasdam appendices, pinguis & membranosa substantiæ, figuræ irregularis, quæ pro simbrisiis tubarum uterinarum accipi possent.

Pulmones 7. lobos habebant, tres ab uno latere, tres ab altero, & unum reliquis minorem in medio ipsorum in cavitate mediastini prope diaphragma. Pulmones femellæ corrupti lapidibusque pleni erant.

Cor canino simile erat. Orificium aortæ erat induratum & quasi cartilagosum: aderat & pinguedo, quæ vasa cordis coronaria vel in ipsam cordis substantiam usque concommitaretur.

Musculi temporales erant crassissimi, & non secus

secus ac in Leone 2. latera capitis superiora contegebant. In osse frontis 6. cavitates s. sinus exstebant ab invicem per spongiosa & tenuissima ossa separati. Cerebrum à cerebello divisum erat ope ossis transversi, uti in brutorum turba fieri solet. *Bartholinus* in fele Zibetica observavit os, quod cerebrum biseccaret, diversissimum ab hoc & omnibus illis, quæ communiter in brutorum cranii parte interiore deprehenduntur; situm enim erat longitudinaliter juxta suturam sagittalem.

Glandula pinealis erat admodum gracilis, & circiter crassitie exiguum aciculæ caput æquabat.

Aqueus oculorum humor collutulatus erat; quod accidit, uti nobis quidem videbatur, per dissolutionem nigri liquoris, quo ambitus iridis infectus est. Tapetum valde ad albedinem vergebat. Physiici tradunt, quod oculi hujus animalis noctu instar felinarum colluceant. Crystallinus interius magis quam exterius convexus erat; sed quod in eo potissimum notandum, erat insolita durities, quæ nobis in mentem redigebat id, quod *Plinius* dicit de Oculis Hyenæ, nempe quod ex illis eximantur lapilli quidam pretiosi, vocati Hyenæ.

Hæc particularitas una cum plurimis aliis, quæ deprehenduntur Hyenæ Veterum & nostræ Feli Zibeticæ communia nos cogebat citius consentire *Bellonio*, (qui censet hæc animalia esse eadem) quam *Scaligero*, *Ruellio*, *Alexandro Benedicto*, *Matthiolo*, *Leoni Africano*, *Busbequio*, *Aldrovando* & omnibus ferme Modernis scriptoribus, qui opinantur felem Zibeticam antiquis fuisse incognitam, & esse speciem cæti: ast ex observatione nostra longitudo capitis & oculorum in fele Zibetica, exilitas dentium pedumque, strigositas pilorum ejusdem, mollities ejusdem linguæ, nigredo & restitudo unguium ejus, & denique raucedo, quam omnes scriptores in ipsius voce notarunt, quæ ipsam magis canibus quam felibus similem constituit, sunt characteres diversissimi ab illis, qui in omnibus eorum speciebus conspiciuntur. Ast è contrario omnia illa, quæ Veteres de hyena sua narrarunt, reperiuntur in animali Zibetico, quibusdam ridiculis & incredibilibus fabulis saltim exceptis; v.g. quod canes obtumescere faciat umbra sua, uti *Aristoteles* & *Ælianus* referunt; quod noverit imitari vocem humanam illorum, quos nomine suo compellatos audit, quos hac ratione ex ipsorum habitationibus eliciat, & devoret, uti *Plinius* refert; & quod præterea pedes habeat humanos, & nullas in collo vertebrae, instar animalium illorum, quæ *Busbequius* pro hyena Veterum accipit; quas particularitates *Leo Africanus* non observavit in illo animali, quod pro hyena proposuit.

Descriptio autem Veterum, quoad formam externam animalis, in tribus consistit, nempe quod capite lupum referat, quod in dorso longos rigidos pilos gerat, & quod peculiarem aperturam sub cauda possideat, præter 2. illas, quæ communiter ibidem sunt in femellis aliorum animalium. Duæ priores notæ, quas manifestissime in nostra Zibetica fele observabamus (quamvis & aliis animalibus communes) nobis visæ sunt plane evincentes, præsertim junctæ cum tertia, quæ adeo peculiaris est, ut dici posset, non esse cognitum ullum animal, in quo simile quippiam deprehendatur. Nam aperturæ, quas Lepores, Gazellæ, & varia alia animalia hoc in loco possident, nil quicquam habent, quod referat extraordinariam figuram illius, quæ in fele Zibetica conspicitur, & quam *Aristoteles* distinctissime observavit in hyena, quam descripsit, dum dicit, quod hoc foramen sit simile exteriori orificio matricis muliebris.

Sola, quæ restat, difficultas est, quod Veteres nil plane dixerint de odore civeticæ felis: id quod *Gillium* movit, ut putaret, quod sit panthera Veterum, & Castellum, quod sit hyenæ peculiaris species. Considerandum vero, quod plurimi historiarum naturalis scriptores suos libros relationibus aliorum superstruxerint, nec rationem deesse dubitandi, annon Venatores, qui illos de animalium natura informabant, fuerint tam pinguis rudisque nasi, quales sunt plurimi sylvestrium, qui huic exercitio addicti sunt, ut minus capaces fuerint cognoscendi bonitatem odoris in fele Zibetica, adeo ut in hac re bestias retulerint, quæ differentias odorum non observat, nisi quatenus eadem cibi potusque generibus distinguendis cognoscendisve inserviunt; siquidem noverimus, quod odor Zibethi sit ingratisissimus & adversissimus quibusdam dum recens est, nec aliis odoratis corporibus remixtum: in specie vero homines ruri degentes non censent odores dulces esse acceptos, & citius eligunt odorem alli picisve, quam illum thuris sive Benzoini; unde & Indi glirem moschatum vocant glirem foetidum: Nec non in Africa, juxta narrationem *Gregorii a Bolivar*, Nigri, qui colligunt liquorem, quem feles Zibeticæ ad truncos arborum lapidesve emiserunt, non cognoscunt eundem ex odore, sed solum ex crassitie & oleosa tenacitate, quæ ipsos movet, ut radant loca, in quibus talem conspiciunt liquorem, ea quidem voluntate, ut extrahant odoratum liquorem, qui supernat aquæ, in qua decoxere id, quod coraserunt.

Ineptitudo illa de bonis odoribus judicandi, cujus veterum Venatores suspectos modo fecimus, de reliquo sat credibilis videtur; quippe autores tradiderunt, quod inter omnia animalia



animalia sola panthera gratum spargat odorem: non vero probabile est, venatores hoc credidisse solum ex eo, quod nunquam ceperint felem Zibeticam, Martem, Genettam, Glierem moschatum, aut simile quodpiam animal, quod illi, qui subtiliore & delicatiorē odoratus organo donati sunt, censent bono odore præditum; sed potius rationem hujus rei esse defectum odoratus illorum, utpote qui non

esset sensus ille ex quo judicarent, pantheram bono pollere odore, uti *Ælianus* narrat, sed solum divinati sunt hanc rem forte sic se habere; nam hæc opinio fundata solum erat & orta ex facultate, qua videbant pollere pantheram ad se pelliciendi animalia: quam facultatem supponebant illi nil aliud præ se ferre quam odorem animalibus illis gratissimum acceptissimumque.

EXPLICATIO FIGURARUM TAB. XXXIII.

IN PARTE INFERIORI

Felis Zibetica ita est disposita, ut situs folliculorum, liquorem odoriferum ejusque receptaculum continentium, una cum tribus aperturis animali huic propriis (in superioribus figuris distinctius propositis) observari possint.

IN PARTE SUPERIORI

- A. Extremitas est penis violenter extus tracti.
B B. Anus Maris & Femella.
C C. Externum uteri orificium.
D D. Locus ubi cauda est resecta.
e. Eminentia speciem clitoridis habens.
F F. Folliculi in quibus receptaculum liquoris

fragrantis, propria tunica obtecti & in situ suo naturali conspicui.

G G. lidem folliculi detecti & deorsum tracti.

H H. lidem folliculi adhuc magis detecti, postquam musculi ablati sunt.

I I. Apertura sacci seu receptacula liquoris odoriferi.

K. Concursus trium musculorum folliculi.

L. Vagina in qua penis absconditur.

M. Collum uteri.

N N. Testiculi maris ad latus conversi, ut situs illorum naturalis sub folliculis videri possit.

O O. Testiculi femella.

P P. Cornua Uteri.

Q Q. Musculi Cremasteres.

R. Vesica.

S S. Extremitas cornuum uterinorum aliquid Tubam mentientis habentes.

SECTIO XXXVIII.

DESCRIPTIO ANATOMICA CASTORIS

D. Joh. Jacobi Wepferi

è Miscell. S. R. I. Acad. Nat. Cur. Dec. I. Ann. II.

Obs. 251. pag. 349.

CASTOR à Piscatoribus in Rheno non procul à confluentia Limagi, Ursæ, Atolæ & Rheni, mense Nov. 1667. mediis in undis natans, remis percussus & cranio in fragmenta comminuto, enectus & captus fuit, quem Domino *Joh. Martino Mejero*, Pharmacopæo nostrati, venum dederunt. Mole erat vastus: pondere triginta libras superavit. Forma, color, pili, caput, dentes incisores & molares, pedes anteriores & posteriores, atque cauda quasi squamosa prorsus ita se habebant, prout à *Gesnero*, *Aldrovando*, & *Jonstono* describuntur, nisi quod cauda in extremo limbo hirsuta ac brevissima & asperiusculis pilis prædita fuerit. Primus *Castor* foemella videbatur: nam in inguine apparuit rima oblonga & rugosa; ad cujus latera intus utrinque sinus unus ingrediebatur corpus insignæ, latitudine palmi unius; lon-

gitudine palmi cum dimidio, crassitie unciarum duarum & amplius alicubi. Detracta cute, quæ maximam partem non secus ac in homine & suibus pertinaciter subjectis musculis & pinguedini adhærebat, pressis in inguine partibus prodiit ex rimæ parte superiore penis osseus, præputio tectus; nihil vero, quod testiculis simile esset, uspiam apparuit. Deinde in conspectum venerunt corpora illa magna, seu protuberantiæ, in quas utrinque sinus unus ex rima desinit: non erant corpus uniformis; pars enim protuberantiæ superior firmior & durior, & quasi corpus ex multis glandulis duris, quarum quædam nucem juglandem magnitudine æquarunt, conglomeratum & compositum videbatur: pars inferior vesica erat ovalis, longitudine ovi anserini, sed compressior magis, quam exactè rotunda. Proffo corpore glandoso prodiit substantia veluti cere-

rosa, gravem & acutum castorei foetorem redolens, friabilis: pressa vero vesica emanavit humor albicans, oleaginosus, viscidus & lentus, foetidissimus, caseum putrem redolens: huius humoris quilibet folliculus ad uncias tres circiter continebat: cerosæ vero substantiæ vix unciam ambo corpora conglomerata suppeditabant. Incisis secundum longitudinem vesicis, intus laeves, sed monticulosæ multisque minutis foraminulis præditæ eminentiæ visæ sunt, ex quibus, foris vesica compressa, exsudavit humor, colore, odore & consistentia prorsus similis contento humori. Aperto abdomine testiculi in conspectum venerunt, quos cum Exc. Dom. D. Emanuele Hurtero, Cognato & Collega gratissimo, nullo modo spinæ affixos, sed antè ossis pubis regioni internæ, ubi sinus superficialis circa locum processus peritonæi insculptus erat, incumbentes vidimus; nimirum utrinque dimidia pars testiculi cum Epididymo in sinu recondebatur, indeque facile auferebatur: quia nec peritonæum transire à nobis credebantur, nec sinibus illis haud profundis accreverant testiculi. Testiculi autem, pro animalis mole, parvi erant, vix ad ovi columbini magnitudinem accedentes, albi, læves, figura ovali, sed compressa, qua intestina respiciebant, unica, densa & nervea tunica vestiti, intus nivei quasi, & substantia quasi ex fibrillis dense compactis præditi: nullo ceroso, nec oleaginoso humore imprægnati, nec foetorem castorei acrem redolentes, nec ita comparati, ut fraus aliqua committi aut adulterari ullo ingenio possent. Ad testiculos via solemani vasa præparantia, copiosa pinguedine circumdata, descendebant: ab illis vero & Epididymis vasa ejaculatoria primum aliquousque anfractuosa, postea rectiora versus collum vesicæ posticum & prostates procedebant. Vesica compressa urina per urethram peni attentam profiliit. Uteri ne minimum vestigium apparuit, adeo, ut de sexu huius Castoris masculo ne minimum quidem amplius ambigere potuerimus. Totum abdomen, quod admodum distentum fuerat, maximam partem ventriculus & intestina impleverunt: Intestina tenuia ulnas novem nostras longitudine superarunt. Colon cum recto duas ulnas longum erat. Cæcum è sinistro latere emergebat, quod non memini me in alio animali observasse, ubi colo proximum ulna longius, vastissimumque fuerat, & ventriculum cibo plenum mentiebatur, impletum excrementis & flatibus, extremitas vero gracilis longitudine & figura parvi digiti, in quo excrementum crassum exsuccum & subnigrum latuit. In colo & recto scybala dura siccaque continebantur. Pancreas duodeno & jejuno duarum spithamarum longitudine, tenue, subrubicundum affixum: vasis

vero splenicis substratum magis albicans & crassius videbatur. Lien admodum gracilis fuit, vix digitum latus, spithamam longus, pennæ anserinæ crassitie, pallidus, tener. Renes ambo plani, in ambitu instar cultri acuminati; ubi crassissimi vix digitum crassi fuerunt: Carunculæ papillares, in quibus sulci longi & erecti admodum conspicui, magnæ & longæ erant. Epar in sex lobos dividebatur: ex singulis ductus bilarii emergentes ductui cholidochi majori inferebantur. Vesicula fellea bile liquida impleta erat. Diaphragma robustum & admodum nerveum apparuit. Pulmones valde leves, albicantes, intermixta pauca rubedine, videbantur. Cor accedebat ad magnitudinem canis majoris: dexter ventriculus à sanguine fluido & aquoso distendebatur. Cartilaginem Ensiformem habuit latissimam, concavam, figura cochlearis, quo infantes cibantur, in ambitu cartilagineam, in medio osseam. Ventriculi structura admirabilis omnino fuit, quam pensiculatorius cum Cl. D. D. Hurtero & Cl. D. Heinricho Sampsonio, Anglo, solertissimo rerum naturalium Indagatore, tunc apud nos vivente, scrutatus sum. Amplissimus erat, suillo aut canino persimilis, nisi quod sulcus profundiusculus quasi medium dividebat, ac si duos ventriculos obtinuisset. Deinde in parte sinistra laterali, prope stomachum, seu orificium sinistrum ventriculi, portionem rubentem, carnosam, palmo longiorem, palmum latam, ovalem conspexi; ratus primum aliquid morborum & inflammationem esse, quoniam rubedo hæc altior reliquæ tuniciæ fuerit. In summitate a pyloro ad stomachum secundum longitudinem incidi: totus, quantus fuerat, segmentis ex corticibus & radicibus arborum, quibus pauca frustula corticum pomorum & pyrorum permixta, adimplebatur: piscium vero vel cancrorum ne minimum quidem vestigium apparuit, nec contenta pisculenti quidpiam redolebant, qualis foetor in lutræ sectione non semel nares feriit. Ab latis maximam partem istis segmentis, in fundo ventriculi aqua stagnabat; deterso ventriculo, nihilominus parietes interni mucosam quodam obliti permanserant. Ubi sulcus foris apparuit, ibi intus conspiciebatur prominentia quædam nervea, quæ tamen non tam alta fuerat, nec ita ventriculum dividebat, ut duo ventriculi constituendi forent. Eo loci, ubi portio carnosæ rubicundæ foris videbatur, intus foramina seu oscula quamplurima in conspectum venerunt, maximam partem rotunda & lentem admittentia, quædam semilunata, imprimis superiora & stomacho viciniora. Interna ventriculi tunica blanda manu circa hæc foramina seu oscula sublata, aut uno alterove osculo inciso, sub quolibet plura minora oscula

oscula apparuerunt, in extimum incisum patentia: pressa foris portione rubicunda ex osculis mucus albus, perspicuus, lentus, *castoreum* redolens exstillavit, qui lacti calefacto affusus illud mediocriter coagulavit. Flatu in unum alterumve osculum immisso particula rubicundæ substantiæ foris intumuit: stylo vero intruso, (quod facile interna tunica sublata contigit,) ejus globulus interna & recta osculo opposita parte substantiæ rubræ tangebatur. Membrana, portionem hanc rubentem integente, sublata, protinus apparuit, illam musculum esse, fibris rectis præditum, quæ exterioribus gulæ fibris parallelæ fuerunt. Musculo hoc quasi membraneo secundum longitudinem inciso, corpuscula convexa, ceu glandula minutæ, in apicem venerunt: toto musculo caute ablato cum stupore corpuscula convexa, oblonga, subrubra, minutissimis vasis sanguiferis decorata, tritici semine & latiora & longiora, ceu in acie locata vidimus: illa ceu acinulos pomi granati, cortice denudati, seu semina Maizi, sive frumenti Turcici scapo accreta, sed pulchriore prorsus ordine sita intuebamur, nam nullum altero eminentius, nullum à linea recta deflectebat, aut mole unum alterum superabat; posita autem erant secundum fibrarum rectitudinem. Muco expresso quædam subsiderunt, non secus ac variolæ maturescentes deprimuntur & rugosæ sunt: stylo vero intruso aut inflata, denuo convexa evadebant, adeo ut inde facile intelligere potuerimus, corpuscula ista convexa nihil aliud esse, quam extremitatem canalium, ductuum seu alveolorum ab osculis internis ad hanc musculosam portionem externam desinentem: quod postea separatis his corpusculis convexis apertius constitit; nam vidimus breves canaliculos esse eosque membraneos mediantibus fibrillis junctos, in quibus mucus reconditus, non secus ac mel in favis & præsepiolis apum asservatum. Nimirum, quia castoris alimentum exsuccum, & coctu difficillimum est, sapientissimus & summe admirandus in suis operibus rerum Conditor. O. M. ipsi pulcherrima ista & affabrè facta structura benignissime prospexit, ut nunquam deesset fermentum, quod ad solvendum & comminuendum alimentum durum & asperum par foret. Cæterarum partium structuram, ceu minus ad institutum tunc facientium, contemplari supersedi. Dum mense Dec. 1670. Illustrissimo Domino Comiti *Francisco Christophoro de Fürstenberg* medendo inservirem, oblatus fuit *castoreum* recenter à coquo excisum, aliudque à venatore separatum: dum utrumque attentius perlustro & cultro examino, deprehendo vesicam seu folliculum liquore impletum & corpus solidius, propriè

à Pharmacopæis *castoreum* appellatum, communi & fibrosa membrana involutum esse, quæ ablata inveni vesicam & corpus, à me glandulosum creditum, diversas plane partes esse, & quamlibet propriis involucris præditam, nullumque inter ipsas nisi vicinæ commercium existere, & insuper utramque peculiarem ad contenta excernenda ductum nactam esse: quamobrem ut castore potirer, quem sectione accuratior examinare, nullo labori, nullis sumptibus peperci. Comode d. 19. Febr. 1671. *Castor* obvenit Messkirchii, dum rursus apud Illustrissimum Dominum Comitem morarer, quem à Venatore quodam comparavi. Prope Guxtenstaig, juxta ripas Danubii, ibidem alicubi vorticosi, & per loca aspera & inculta inter montium præcipitia decurrentis, tendicula ferrea captus fuit. Venator tendiculam ferream catenæ ferreæ alligatam prope ripam fluminis occultavit, iis in locis, quos Fibrum transiturum ex vestigiis cognoverat. Incidit castor pede anteriore in tendiculam, incisores semet ab illa liberare annitebatur, unde non parum obtundebantur, dumque à tendicula prehensus omnem vim adhibet, ut libertate potiatur, semet in fluvium præcipitavit, & suffocatus fuit. Quoniam tunc opportunum & exoptatissimum ocium nactus essem, castorem diligentissime & pro viribus perlustrandum & examinandum duxi, quod feci præsentibus & spectatoribus viris Exc. *Dn. D. Andrea Nozio*, Physico Uberlingano, *Dn. D. Job. Christoph. Heinzmanno*, Physico Messkirchano, *Dn. D. Job. Conrado Stenzelio*, Amicis & Fautoribus honorandis. Castor iste ætate & mole longe minor erat primo, quem venator vix annum credidit, & pondere non quindecim libras excessit: longus pedes duos, latus pedem unum. Dentes incisores prominentes latos, superiores duos flavos, inferiores magis rubros: Caput compressum habuit: Oculos parvos, subnigros, aures minutas rotundas: nasum simum, collum breve, crassum; Pedes anteriores digitis quinque præditi erant, & ungibus rotundis, sed obtusis muniti; posteriores digiti jungebantur membrana crassa, nigra, ac obtinebant ungues latos subnigros, similes simiarum ungibus. Pilus omnis mollis, in dorso vero firmior, crassior & fuscus, in ventre & pectore mollior, brevior & albicans. Cauda palmis duabus longior, lata uncias tres, crassitie parvi digiti, nigra & quasi squamosa, non vere talis, nam cutis nigra incisa & quasi cancellata erat, consistentiæ quasi cartilaginæ: hac Venator agebat Fibros inter natandum valide aquam percutere, jucundo strepitu & spectaculo: in extremitate tenuior, nec (ut in primo) hirsuta fuerat. Pelli, maxime in natibus lum-

bis & abdomine immediato, pinguedo subiecta erat, unde cum labore detrahebatur; promptus in dorso, pectore & artubus abscedebat, cui panniculi carnosae portiones affixae nihilominus perstiterunt. Inguina non denudavi pelle, alteri examini partes illas servaturus, quarum nimirum causa praecipue hanc sectionem institueram. Pectore aperto occurrit pulmo dextri lateris inflatus atro rubescens: sinistri lateris minus inflatus & flaccidior ex albo rubescens: incisa aspera arteria nullam aquam ex pulmonibus exprimere potui, fortius illis manu constrictis prodiit spuma albicans, adeo ut in flumine suffocata nihil prorsus per laryngem intra asperam arteriam liquoris admisisse videretur: utrique quidem in cavo pectoris aqua lotura carniis similis: scilicet in dextro latere ad uncias quatuor, in sinistro circiter uncias tres cruoris istius limpidioris inveniebantur, potius ex vasis sanguiferis in animali cum violentissima morte luctante expressum existimo, quam pulmones transiisse, simulque sanguinis aliquid secum rapuisse, & pectori infusum fuisse: nam in asperae arteriae vel trunco, vel ramis, nec aqua pura, nec sanguine tincta extra vasa apparuit. Cor magnitudini canis mediocris aequale fuit, cui ventriculus dexter prorsus rugosus quasi asfusus erat, nigricans, non multum sanguinis fluidi continens, illo maximam partem in dextrum pulmonem effuso, unde intumuit, & adeo rubuit: sinister ventriculus carnosus, densus, laevis, minus sanguinis etiam fluidi continens: ambae auriculae erant rugosae: foramen ovale clausum. Diaphragma in medio longe lateque nerveum & robustum fuerat. Cartilago Ensiformis pollice latior erat, concava, in ambitu cartilaginea. Ventriculus multum minor erat, quam in primo castore, in medio quoque sulco praeditus, & ceu in duos divisus. Eminent illa rubedo prope stomachum longa erat uncias tres cum semisse, lata uncias duas, cum semisse, alta unciam unam. Ablato tenuissimo velamine apparuit musculus, seu membrana musculosa, crassitie dorsi mediocris cultri, fibris rectis praedita, quae a fine gula deorsum vergebant: nam incipiebat a fine gula, ambiebat superiorem ventriculi partem, ut versus anteriorem extenderetur quidem, magis tamen sinistrorsum declinabat, ita tamen, ut non totum stomachum circumdaret. Remota membrana musculosa, protinus in propatulum venerunt apices seu extremitates canaliculorum caecae, Maizi seminibus & acinis granatorum similes, pulcherrimo ordine & serie locatae, albicantes & molles. Apices a se invicem & canaliculos ipsos blande separavi: in summitate & progressu jungebantur fibrillis tener-

rimis & facile solubilibus: canaliculi seu loculamenta longa erant, unciam dimidiam circiter; ad latera & in fundo, prope insertionem in ventriculum, minutis vasis sanguiferis pingebantur quasi & vestiebantur: quidam canaliculorum recta versus ventriculi tunicam pergebant, qui oblique mediis aliis canaliculis prope fundum inferebantur, unde quidam ibi ampliores & majores evaserunt, antequam ventriculi tunicam attigerunt. Ventriculo in summitate a stomacho ad pylorum inciso inveni ipsum meris corticum & lignorum segmentis infarctum: nec vestigium, nec foetorem vel piscium vel cancerorum animadvertere potuimus, quamvis juxta flumen piscosum admodum victitavit. Asseverabat tunc Venator se in nullo fibrorum, quamvis plurimos tendicula ceperit, quidquam pisculenti unquam in illorum ventriculis invenisse. Ventriculo a contentis mundato interior tunica mucosa levi attritu abscebat, forsitan quia jam dies tertius praeterierat, ex quo captus fuerat. Prope Stomachum in sinistra & antica parte intus quamplurima foraminula & oscula vidi, quinquaginta obiter numerando conspexi, quaedam rotunda, quaedam semilunarea erant, multa in extremitate circulo albo ceu limbo praedita, quaedam oblique inferebantur, unde dum integra erant, stylum acrius admittebant, nec quicquam e ventriculo canaliculos subire potuit: nam pressa foras tota illorum acie solummodo mucus albicans aut gryseus turbidiusculus, castorei odore praeditus, copiosus admodum, absque ulla vel minima segmenti alicujus particula exsudavit. Uno alterove osculo in ventriculo intus inciso protinus plura, scilicet 4. 5. & plura foramina in osculum illud definentia apparuerunt, & per osculum citra obstaculum stylum usque ad extremitatem caecam canaliculi adigere potui; plures canaliculorum secundum longitudinem ad extremitates incidi, intus pleni muco erant, ceu in favis apiariis locali melle, quo deterso apparuit superficies asperiuscula, instar panni sericei: vidi quoque illorum superficiem internam vasis capillaribus aspersam. Canaliculorum tunica tenuis quidem est, sed non adeo facilis laceratur. Videtur membrana musculosa, canaliculos foras involvens, comprimere & constringere ac mucum in illis genitum in cavum ventriculi, necessitate exigente, adigere & vi quadam trudere. Postquam attente canaliculos perlustravi, illos abscidi: fundus seu pars ventriculi, cui accreverant, eorumque radices fungorum genus referebant, quod *Baubin.* porosum, alii vaginosum & spongiosum, nostrates Morcheln appellant, foraminulis non amplius exactum illum ordinem servantibus.

vantibus, qui extremitatibus cæcis observabatur, ob canaliculorum variam, plerumque obliquam, insertionem in tubulos majores: & plerique illorum adhuc large fundebant mucum turbidum, cruore leviter tinctum, faucibus vasculis capillaribus, quamvis iteratis compressionibus omnis exhaustus videretur succus in illis reconditus. Gula præ intestinis, cæu carnosior, visa fuit musculus fistulosus quasi, maxime ob tunicam ejus exteriorem: interna, ubi in stomachum desinebat, prominuit, limbumque constituit, a quo apiculi albi pendebant in orbem, similes illis, qui in lingua bubula elixa conspiciuntur. Ejusdem generis apiculos in gulæ quoque parte a limbo remotiore ab interna tunica dependentes plures vidi, deorsum spectantes; qui ingressum in ventriculum facilitare, at regressum remorari videbantur; hanc internam quoque tunicam cum ventriculo non continuam cognovi, cum illam integris ventriculi membranis separare potuerim. In Pyloro tunica nervosa ventriculi prominuit, limbumque seu circulum, seu valvulam circularem constituit, quæ egressum admittere, regressum vel impedire, vel difficilem reddere videbatur: crassior quoque & densior & rugosa ac sulcis rectis prædita fuerat, ac si Pylorus sphincteris munus quoque obiret. Ante Pylorum in *duodeno* sinum observavi, in quo propter circulum pylori materia sursum regurgitans stagnare potuisset. Intestina gracilia ulnas octo longitudine superarunt: Colon cum recto duas ulnas æquavit: Cæcum itidem in sinistro latere colo adnatum vastissimum fuit, imo amplius colo, desinens in cacumen angustum. Colon pulchre in cellas dividebatur, quas firmabat linea alba nervea: Continebat fæces molliores, rectum vero scybala indurata; excrementa ex segmentis constabant, fætoris expertia. Ileum portionem cæcam, colon & rectum ex corpore exempta & mundata inflando curavi, atque in umbra exsiccavi. Inciso ileo ad coli medium usque in coli principio incidi primum valvulam Ileum appositam, nerveam, circularem & regressum in Ileum impediens: deinde amplissimam cavitatem seu spatium largissimum; in quo non procul ab Ileum ostio in sinistro latere amplissimum orificium in cæcum patens, cui præerat valvula nervea insignis, foras in cavitatem spectans, ingressum fæcum largiorem & impetuosum remorans: in ejus parte inferiori dextri lateris aliud ostium apparuit in colon desinens, in quo itidem valvula nervea circularis sita erat, deorsum vergens, & descensum fæcum concedens. Denique observavi tot valvulas in colo nerveas & membraneas quot cellæ fuerant. Omnes semilunares e-

rant, plerumque duæ sibi oppositæ circum faciebant, quædam non quidem directe oppositæ, at non procul distabant, quominus circulum facerent. Quia inflatio per rectum fiebat valvulæ coli in altum tolliebantur. Quamvis colon satis superque mundatum videretur, nihilominus plurima frustula segmentorum in colo & cæco comparebant. Intestinum rectum in pelvi amplum admodum fuit, cui foris undique adhæsit musculus, fibris rectis præditus, unciarum trium longitudine, qui oriebatur ab osse pubis, a lateribus ossis ilei & osse sacro, validus, nimirum ani levator, quem robustum & undique intestinum hoc ambientem esse decuit, ad retrahendum anum, longius forte prolabantem in excretionem scybalorum valde aridorum. Sub hoc musculo prope podicem sphincter erat circularibus fibris dotatus. Intestini recti tunica exterior fibris rectis validissimis prædita erat, ut ipsum, non secus ac gulam, musculum fistulam nuncupare ausim: interna vero tunica admodum rugosa & plicatilis fuit, & levi attritu ab externa vicina abscedebat: estque illa ipsa, quæ in ani procidentia alias protuberare videtur, & sine periculo gangræna affecta, etiam in homine, ferro tolli potuit, & raro difficilius & dolorificæ valde excretionis causa est, si tumeat. Pancreas consistentia, colore & situ se habebat, ut in prioribus: ejus ductum monstravi obiter. Nulla vasorum lacteorum vestigia supererant: Receptaculum chyli & ductum thoracicum propterea inquirere supersedi. Vena cava & porta sanguine turgebant, quem Venator aiebat semper actu frigidum esse, penes autorem sit fides! Lien admodum parvus fuit, longus tres uncias, latus digitum parvum, gracilis admodum sc. vix crassitie dorsi mediocris cultri, pallide rubescens, mollis videbatur & potius tænia, ventriculo quasi affuta. Hepar molle, rubicundum, pro animalis proportionem magnum, in lobos, ut in præcedenti, divisum. Vesicula biliaris molis hepatis non respondens, parva, semiplena bile fluida: ductus biliaris ad unciam unam extra hepar exporrigebatur. In cute integra in pube relicta videbantur duo ostia insignia: superius sub osse pubis est rima; inferius sub cauda podex est: inter hæc ostia in utroque latere in cute depili utrinque apparuerunt duo foramina, quæ stylum sed non profunde admiserunt, ex quibus pili aliquot rigidi & nigriusculi excreverunt, unciales longitudine. In parte rimæ superiore reconditur penis: sub illo rima mediante membrana intergerina, in duas partes dividitur, quarum quælibet in sinum desinit lateralem. Pelle remota in inguine solummodo relictis foraminibus lateralibus, & rimæ

parte inferiore, ubi membrana dividebatur, in conspectum venerunt Vesicæ liquore unctuofo plenæ, *castoreum* dicto. Testiculi foras abdomen siti & penis, quæ ordine nunc explicanda sunt. Vesica seu Folliculus & castoreum propriè & verè sic dictum, una communi membrana fibrosa & quasi musculosa in quolibet latere tegebatur: membrana hæc oriebatur sub osse pubis: involvebat utrumque corpus & sub vesica seu Folliculo obliterabatur; prædita erat fibris rectis & obliquis, non videbatur, ob ortum & insertiorem, portio panniculi carnosæ, sed peculiaris musculus membraneus, inserviens non solum involucri loco his partibus, verum etiam illarum compressioni. Pinguedine & membrana hac musculosa utrinque remota apertius in conspectum venerunt Testiculi processibus peritonæi inclusi, castoreum & vesicæ, sc. in quolibet latere tres distinctæ partes. Vesica & Castoreum manifeste distinguebantur: quælibet enim pars tenui adhuc membrana investiebatur, per quam vasa capillaria sanguifera plurima dispergebantur, quæ soboles vasorum vicinorum hypogastricorum & Iliacorum. Vesicæ figura fructui amygdalæ cortice viridi tecto similis est: longa uncias duas, lata unciam unam, crassa unciam dimidiam: colore ex albo rubescens: superficies externa asperiuscula. Sublata tenui membrana tota superficies incrustabatur glandulis minutis, dense conglomeratis, & tenuissimis fibrillis coherentibus, quibus segregatis tota superficies quasi verrucis ex alto rubescentibus occupata videbatur. Glandulæ istæ, quas verrucæ mihi appellare liceat, tenacissimè membranæ vesicæ adhærebant, non secus ac verrucæ cuti: inter verrucas istas vasa capillaria serpebant plura: quælibet quoque verrucarum in minutissimas alias glandulas citra lacerationem dividi poterat, apparentibus intra interstitia quoque vasis capillaribus, verum ad superficiem vesicæ externam pertingere non licuit. Juxta collum vesicæ, seu folliculi, in parte ima sita erat glandulæ phaseoli magnitudine, quæ primo aspectu globosa erat: qua compressa ex inferiore foramine prodiit substantia alba, instar vermiculi, consistentia casei recentis, crassitie pennæ columbinæ, quamvis foramen non multum majus puncto lachrymali apparuerit, redolebatque *castoreum*. Pressa vesica prodiit ex vicino foramine liquor oleaginosus citrinus, odore gravi castorei, imo casei putridi. Ambo hæc foramina sita sunt in spatio intermedio, inter rimam & anum. Quælibet harum vesicarum continuit drachmam cum dimidia liquoris oleaginosi, cui caseosi aliquid permixtum erat: liquor è vase exceptus instar olei congelati protinus concrevit; char-

tæ illitus & igni admotus strepitum diu edidit, antequam flammam concepit, ac si multum vel aquæ vel salis ipsi permixtum esset; consumto vero illo, quod minus inflammabile erat, luculentius arsit, quam charta nuda incensa. Exiguo in vesica inciso foramine, inflata admodum intumescibat, flatu per naturale foramen non erumpente: In superficie vesicæ inflatæ glandulæ verrucæ amplius sejungebantur, non tamen à flatu intumescabant, nec vel minima immutatio in castoreo vicino contigit. Vesicam hinc totam secundum longitudinem incidi, qua mundata, intus à liquore vidi totam succingi à tenui membrana instar amnii, rugosa & plicatili, quæ ab inflatione non talis evasit; nam in altera opposita vesica, quam non inflaveram, similem membranam succingentem inveni: apparuerunt quoque plurima minutissima oscula, quorum quædam semen milii, quædam lentem & mediocrem stylum admiserunt: foris pressis glandulis verrucalibus ex osculis plerisque humor oleaginosus citrinus, ex quibusdam quoque caseosus in cavitatem vesicæ erupit: cuilibet enim glandulæ osculum, quandoque duo subjecta erant. Intus per membranam tenuem transparuerunt quoque vasa capillaria sanguifera plurima: insuper superficies interna, ob verrucarum radices, admodum inæqualis & monticulosa fuit. *Collum vesicæ* intus angustum erat & rugosum sulcisque rectis præditum, quod foris aliquo usque stylum lubenter admisit, intus vero coarctatum ægrius transitum concessit. Glandula illa globosa collo vesicæ hujus adjacens, phaseoli magnitudine, postquam illam à contentis plane evacuavi, apparuit quoque ex conglomeratarum numero esse. His perlustratis *Vesicam*, illæso castoreo, examini, quod facile præstare potui: nam propriis membranis distinguebantur & vesicæ collum peculiarem exitum sortitum est, desinens in cutim glabram, osculo à rima unciam dimidiam distante. Vesica universa & super digitum extensa oscula instar caliculorum apparuerunt, cincta limbo membraneo, ex quibus pressis verrucis adhuc prodiit liquor oleaginosus, ex quibusdam etiam caseosus. Vesicæ superiori parti accumbebat castoreum: primo intuitu corpus glandulosum conglomeratum esse videbatur: longum erat uncias tres, latum unciam cum dimidia ubi latissimum, in extremitatibus unciam latum, ubi crassissimum vix unciam altum erat. Figura simile erat pyro oblongo siccato, quæ nos *Langbirnen* vocamus, quorumque frequens usus est in diarrhœa & dysenteria, ob vim adstrictoriam: rotundum sed in parte antica & postica compressum; superficies ejus quoque cerebro anfractuoso

comparari poterat. Color ejus gryseus, striis sanguineis & rubicundis intermixtis. Superficiem Castorei vestiebat membrana nervea, plurimis vasis sanguiferis capillaribus dotata, quam in recenti facile, in paulo exsiccatō ægrius & nonnisi in aqua maceratam separatē poteram; inter separandum inveni illam non solum anfractus inter se colligare mediantibus fibris tenerrimis, sed etiam ipsos anfractus ubique, etiam in profundissimis sulcis, undique obtegere. Anfractibus & gyris segregatis & disruptis digito fibris amplius explicatis inter sulcos profundiores vasa capillaria insignia & copiosa serpere vidi. Remota membrana nervea occurrit alia aspectu pulcherrima, multis minutissimis quasi squamulis prædita, quæ luci oppositæ instar argenti relucebant, maxime elatæ & diductæ, alias decubæ & depressæ squamulæ livebant, imo pro varia lucis admissione & situ alios atque alios colores, ut colla columbarum, ostentabant. Membrana hæc argentea ubique uda erat, à lymphâ tenuissima & limpidissima. In rima orificium pollicem admittens in cavitatem castorei paruit: digito igitur indito, anfractus, ceu rugas omnes explicare valui: itaque penna anserina indita & in lateribus orificio primum digitis compresso inflavi, protinus omnes anfractus amplius explicabantur, & totum castoreum instar vesicæ secundum omnes dimensiones expandebatur, & postea orificio cum filo coarctato instar vesicæ rotundæ inque superficie plane superstitit: sic manifeste didici, castoreum, quod antea corpus glandulosum opinabar, nihil aliud esse, quam vesicam aut bursam aliquam rugosam & plicatam variosque in anfractus & gyros redactam, à membrana ejus exteriori nervea. Bursa ista hac ratione explicata unciarum quatuor capax erat: nondum vero flatu distenta, sinum quidem obtinuit, sed vix drachmæ duæ vel tres in illo recondi potuissent. Postquam abunde hanc bursam foris contemplatus essem, mediam discidi: in ejus cavitate continebatur substantia veluti cerosa subflava, friabilis, odore gravi & acri prædita, divisa in frustula, quorum alia pisi, alia majore magnitudine occurrebant. Interna ejus superficies eadem substantia oblita fuit, & paries ochra tinctus videbatur: intus quoque membrana squamosa fuit, unde substantia illa subflava hiscebat quasi: adhæsit autem squamulis seu villis pertinaciter, ut omnem cultri manubrio auferre & abraderē nequierim, citra villorum avulsionem: quibus avulsis foramina, ceu acu inflata, in membrana relinquebantur. Manifeste apparebat, substantiam illam ceream ab atomis seu minutissimis particulis parietem incrustantibus, attrituque separatim ortum & incrementa sua ducere. In altero

Castoreo nondum explicato nec inflato, in orificio in rimam desinente hæsit frustulum substantiæ cerosæ, avellana majus: illo secundum longitudinem inciso interna superficies quoque anfractuosa & gyrosa apparuit. In utroque latere cæterum vesicæ istæ & *Castoreum* pari se ratione habebant nullaue inter illas differentia apparuit: tum quoque observavi utrinque vesicam & castoreum ob cutim, quæ mediante cohærent, ita separari posse, ut ex uno ortu connexi maneat, cuti ligamenti seu vinculi intermediarii beneficium præstante: neutiquam vero geminos folliculos utriusque lateris una membrana concludi posse. Ponderus utriusque castorei cum vesicis ambabus vix unciarum quatuor fuit, quamvis omnia frustula conquissiverim, quæ ad ipsius molem, prout à Venatoribus venundatur, pertinere credebam. Testiculos præter expectationem in hoc castore sub osse pubis, prope castoreum, tunicæ vaginali inclusos reperi: nulla in inguine scroti aut testiculorum illic latentium indicia foris vel visu vel tactu se monstrabant: & quamvis Castoreo vicini, nullam tamen inter illos & *Castoreum* communio intercedebat, sive mediata, sive immediata. Vasa sanguifera per tunicam vaginalem seu peritonæi processum manifeste transparebant, tam deferentia, quam capillaria, superficiem eorum permeantia. Testiculi leviter pressi in cavum abdominis retrocesserunt ac perstiterunt in sinu, super osse pubis, peritonæo intus insculpto processu ejus collabente, adeo ut nisi dextre id fieret, pari felicitate extrudi nequirit. Testiculis superne inferebantur vasa deferentia vulgo dicta, pyramidalia, varicosa & miris anastomosibus hinc inde coalescentia: illis incumbabant Epididymi & Parastatæ: internæ testiculorum partes parastatis inferebantur, mediante membrana tenui. Musculi cremasteres, præ mole illorum exigua, insignes & semicavi, membrana tendines nervosos involvente, ac si musculi illi validi satis retractioni testiculorum intra abdomen inservirent. Testiculi parvi admodum, albissimi, densi, oblongi, ovo columbino minores fuerunt: ambo scrupulos quatuor pendebant, dum recentes erant: exsiccati exacter referebant acinum uvæ passæ rugosum & subfuscum. Amborum pondus tunc solummodo duodecim granorum erat: videbantur nihil nisi cuticula rugosa pulpæ expers: nec recentes, nec arefacti castoreum redolebant, imo inspidi & inodori erant, nulloque ingenio adulterari potuissent, quia, fraus protinus patuisset illi, qui semel fibri testiculos vel obiter vidisset. Epididymorum, Parastatarum vel vasorum Ejaculatoriorum capreolis caute solutis, vidi unum ductum continuum esse: hoc vas sub osse pubis æquali magnitudine rectum, rotundum, ner-

veum, sub osse pubis usque ad vesicæ col-
lum incedebat, post vesicam vero quadruplo
crassius evaserat, pennamque anserinam adæ-
quabat & crassitie minus durum & solidum exi-
stebat: Inferebatur utrinque ad latera colli
vesicæ. Ut accuratè hæc omnia perlustrare
possem, vesicam per urethram inflandam cu-
ravi: vesica admodum intumuit, & globosa
evasit: portio Urethræ ab orificio interno un-
ciæ longitudine, antequam peni subtendeba-
tur, pollicem distenta æquavit: urethra au-
tem veretro concreta, neququam ad hanc
molem extendebatur. Portionem pollicis
magnitudine collum appellare liceat. Collo
igitur uncia distantia ab orificio interno ad latera
ureteres inferebantur. In parte inter insertionem
vasorum ejaculatoriorum media inferebantur
Prostatæ, quarum mira facies; nam circa in-
sertionem unciam dimidiam latæ expandun-
tur in duo cornua longa versus vasa ejacula-
toria cucullum referentes, albæ, molles: sub
collo crassitie mediocris pennæ, in extremi-
tate graciliores, quibus utrinque adhæsit glan-
dula seminis cannabini magnitudine, pelluci-
da. Inter cornua *Prostatarum* & *vasa Ejacu-
latoria* utrinque situm erat corpus laciniatum,
ex vesiculis & glandulis compositum, albicans,
vasis capillaribus sanguiferis exornatum: ve-
siculas seminales credidi. Collo hoc vesicæ
inciso antè, intus in parte postica & infe-
riore vidi carunculam fastigiatam, pisi magni-
tudine, quæ ita prominet, ut sinum infra ha-
beat, in quem catheter intrusus facile impin-
gat. In medio carunculæ supernè osculum
apparuit, & duo alia ad latera, utrinque sc.
unum. Pressis *vasis ejaculatoriis* ex osculo me-
dio exiit humor tenuis subflavus turbidus. In-
cisis secundum longitudinem *vasis ejaculatoriis*
cava erant, continentia adhuc semen album
coctum: Apertis *prostatibus*, quodlibet cornuum
sulcum oblongum & profundum obtinuit, qui
ante insertionem coierunt. Vesiculis vero
secundum longitudinem & decussatim cæsis,
nihil præter lympham tenuem elabentem vidi:
certe nihil, quod semini vasorum ejaculato-
rum simile esset. *Reνες* minus convexi erant,
quam in aliis animalibus, sed plani & com-
pressi, in ambitu acuminati: longi uncias du-
as cum semisse, lati unciam cum dimidia,
ubi crassissimi vix unciales fuerant. Pelvi a-
perta pulchrè superficiem ejus vasis capillari-
bus pictam vidi: carunculæ atro rubescences
amplæque ex canalibus prominebant: Coar-
ctata pelvi in Ureteres videbantur in illis sulci
recti, longi. Ureteres validi erant & nervei:
intra duplicaturam vesicæ ultra unciam pro-
cedebant, antequam & quidem oblique in ve-
sicam hiarant. Vesica fere vacua fuit & con-
tinuit urinam paucam turbidam; erat crassa,
rugosa, plicis rectis prædita, pyri mediocris

magnitudine: inflata in molem insignem ex-
crevit. Vasa Emulgentia, venæ sc. & arte-
riæ, amplæ fuerunt. In *pelvi* ad latera inte-
stini recti & vesicæ reperi glandulas duas o-
vales, magnitudine avellanæ, pulposas, con-
tinentes mucum viscidum: in ambitu poro-
sas, ac si acui vulnuscula inflata fuissent; cui
usui inservirent, divinare nequi, eum partes
vicinæ jam à me alia inquirente laceratæ fuis-
sent. Forte recto hunc mucum impertiunt,
qui semper tali abundat. *Penis* recondeba-
tur in sinu peculiari & superno rimæ: tege-
batur *glans* albicans rugosa *præputio* albo &
iridem rugoso; inferius habens frænum. Ex
urethra propendebant duo corpuscula lacinia-
ta, atro rubentia, *nymphis* femellarum simi-
lia. Pars ejus anterior ossea uncia longitudi-
ne, tegitur cuti laxa rugosa, sulcis rectis præ-
dita, asperiuscula & multis maculis nigris or-
dine quodam positis conspersa. Posterior e-
jus pars mollis erat, composita ex duobus cor-
poribus fungosis & Urethra. *Corpora fungosa*
tegebantur membrana dura nervea. Ortum
ducebant ab osse pubis circulo nerveo lato,
intus atro rubescente. Corpora fungosa se
habebant prorsus, ut ab *Arantio* describun-
tur, nimirum medullæ arundinaceæ similia e-
rant: unum ab altero distinguebatur sepi-
mento nerveo. Circa radicem penis inveni *vasa*
sanguifera insignia, quæ aliquo usque versus
ejus latera exporrigebantur, & corpora fun-
gosa intrabant: ibi quoque reperi *musculos*
levatores virgæ. *Officulum* firmum & durum
erat, album, nullo modo cartilagineum, an-
terius globosum. In *capite* quoque quædam
notatu digna obvenirent. *Musculus tempo-
ralis* crassus & robustus admodum fuit: ob il-
lum os jugulo arcuatum, ejus portione recta
foras protensa. *Sinus* pro recipienda apophy-
si maxillæ inferioris ab occipite dimidia uncia
distabat, unde retrorsum quoque laxari po-
tuisset, secus ac in homine fit. In ima parte
orbita oculi tres monticuli prominebant, in
quos dentium molarium radices desinebant.
Juxta monticulos istos incedebant *nervi optici*.
Dentes molares sedecim habuit: in quolibet
latere maxillarum, tam superiorum, quam
inferiorum quatuor: *molarium* inferiorum si-
tus oblique antrorsum vergebat, superiorum
oblique retrorsum. In maxilla superiori po-
steriores non attingebant duos posticos infe-
riores, in inferiore anteriores non attingebant
duos superiores. Inter incisores & molares
inveni spatium edentulum uncia longius. *In-
cisores* in maxilla superiore breviores sunt, pal-
lidiores, coloris sulphurei: *inferiores* longio-
res & rubri: ambo lati & æqualiter acuti; in-
feriores subeunt superiores, acumina se tan-
gunt: unde *incisoribus* superioribus sinus in-
sculptus est, quo inferiores excipiunt, quod
in avi-

in avibus quoque quibusdam rapacibus videtur, sc. in aquilis & falconibus. Duo foramina semiuncialia in palato erant. Aurium canalis sursum erectus erat; ubi osseus esse desit, *tympanum* conspiciebatur. *Suturarum* miram varietatem observavi: Sagittalis ad nasum extendebatur: coronalis ante oculorum orbitam ad illa foramina oblonga ossis palati pertingebat: præter has plures aliæ conspicuæ fuerunt. *Ossa cranii* densa & valida, medio-criter crassa erant. *Lingua* admodum crassa totum os opplevit. Quilibet oculorum septem musculos obtinuit. Reliquas partes, quia Religiosorum fercula futura erant, non perlustravi. Nobilissimus & Excell. Dominus D. Maximilianus Henricus Egermejerus, Medicinæ Professor in perantiqua & inclita Archiducali & Imperatoria Academia Friburgensi Brisgoiæ optimè meritis, postquam ipsum primæ fibri secti historię participem fec-

cissem; scripsit ad me d. 8. Jul. 1669. in castore à se dissecto, ablati jam castoreo folliculo, circa stomachum quoque prominentiam illam rubicundam animadvertisse, ac remotis membrana tenui nervosa & crassiore rubicunda vidisse tubulorum extremitates cæcas, pulchro ordine sitas, ceu glandulas conglomeras: aperto ventriculo per plura oscula majora & minora compresso foris ventriculo in prominentia illa exiisse mucum album & gryseum lentum, *castoreum* redolentem, subsalsum copiose: oscula intus ægrè stylum admisisse, foris vero in apice tubulorum inflato vulnere stylum citra obstaculum per tubulos in cavum ventriculi transisse, se quoque observasse cœcum vastissimum, fecibus impletum. A Viro hoc Excellentissimo & Studii Anatomici amantissimo data occasione plura expectanda sunt.

A L I A C A S T O R I S A N A T O M E,

Societatis Regiæ Scientiarum Parisiensis.

Maxime necessarium esse putavimus ut exacte observaremus omnes Castoris partes, quoniam hætenus nulla exacta illarum descriptio facta est, siquidem Veteres fere silentio involverunt, quæ in animali hoc notanda: moderni vero loqui malunt de illius natura, quam structuram corporis ejusdem examinare.

Ille Castor, qui secabatur in Bibliotheca Regia, erat captus in Canada, supra fluvium S. Laurentii. Referebat Lutram, sed erat vastior & major, pendeatque supra 30. libras. Ejusdem longitudo erat supra 3. pedes & dimidium, à fine nasi ad apicem caudæ, & ejus maxima latitudo erat prope 12. unciarum.

Pili, qui universum illius corpus tangebant, excepta cauda, non erant per totum iidem sibi bique similes, sed erant duplicis generis, sibi bique permixti, qui tam longitudine, quam colore differebant. Longiores erant supra unciam unam cum dimidia longi & æque crassi ac quivis capilli. Color illorum erat spadiceus, quadantenus ad fuliginem vergens, sed lucidissimus. Illorum consistentia erat firma, & tam solida, ut, cum transversim secavimus, nequicquam cavitatis, ne quidem per microscopium conspiciere potuerimus. Minores pili erant supra pollicem longi; aderant & quidam reliquis breviores; videbantur similiter graciliores, erantque adeo molles, ut

ne politissimum quidem glabretum sit illo mollius. Talis mixtura duarum specierum diversorum pilorum in pluribus animalibus deprehenditur, maxime vero notabilis est in Castore, Lutra & Apro. Videtur autem, quod & hæc animalia illis maxime indigeant. Hæc enim bruta cum volutione in limo delectari soleant, præter breves illos pilos, quos natura ipsis dedit ad se contra frigus defendenda, & alio longiore pilo indigebant, quolimimum exciperent, & quo minus ad cutim penetraret, prohiberent.

Ipsius caput erat 5. uncias cum dimidia longum, à fine scil. nasi ad posteriorem occipitis partem, quinque vero pollices latum ad locum, ubi sunt ossa, quæ eminentiam faucium constituunt. Hæc proportio in causa est, ob quam Castor ab *Herodoto* adjicitur illis animalibus, quæ ipse vocat tetragonoprosopa, hoc est, quadrati capitis. Auriculæ ejus referebant illas Lutræ. Eadem erant rotundæ & brevissimæ, in exteriori parte pilis rectæ, interius vero fermè omnibus pilis destitutæ.

Dicitur quod hoc animal arborum corticibus delectetur, & quod illas succidat, ut ex illis sibi aggeres & spelæa construat; & profecto dentes ipsius modo plane ad hoc negotium aptissimo conformati erant. Ad finem nasi 4. dentes incisivos gerebat, duos in quavis maxilla, instar sciutorum, glirium & aliorum

rum animalium, quæ prærodere suas escas solent. Inferiores illorum erant supra unciam unam longi, sed superiores 10. lineas non superabant, oblique ad invicem aptabiles: nam sibi non directe opponebantur. Quoad faciem ipsorum, erant antè ad dimidium oblongi, ad finem vero acutissimi, qui erat resectus utrinque in externo & interno latere. Color ipsorum in interiore parte albus erat, exterius vero rubedinis dilutæ ad flavedinem vergentis, fere similis illi, qui in floribus enici vulgaris sativi seu croci spurii conspicitur. Ambo duas fere lineas lati erant ad originem ipsorum ex maxilla, & supra lineam in extremitate ipsorum. Præter hos incisores aderant 16. molares, nempe utrinque octo, quatuor inferius, & 4. superius. Hi erant directe sibi invicem oppositi & necquicquam insoliti præ se ferebant.

Quod oculos spectat, illos examinare non potuimus, quoniam mures vel simile quodpiam animal illos devoraverat.

Structura pedum erat admodum extraordinaria, quæ sufficienter ostendebat, quod natura hoc animal tam terrestre quam aquaticum, h. e. amphibium esse voluerit. Quamvis enim haberet 4. pedes, instar terrestrium animalium, illorum tamen posteriores magis ad natatum quam incessum apti videbantur: siquidem 5. digiti, quibus donati erant, sibi invicem instar anserinorum juncti erant per membranam, qui huic animali exinde ad natandum inserviunt. Anteriores autem pedes aliter constructi erant; illorum enim digitos nulla membrana intermedia connectebat; quod quidem natura hujus animalis exigebat, quod illis, dum edit, (instar sciurorum) pro manibus utitur. Proportio horum digitorum, illorum situatio & configuratio palmæ, has volas plane manibus similes reddit; & dum *Matthiolus* dicit, quod differant à manibus simiæ, evidenter ostendit, quod Castorem cum Lutra confuderit, quæ pedes anteriores non secus ac posteriores pelle intermedia combinatos possidet; quod forte conclusit ex illo, quod *Plinius* tradit, quod nempe Castor in omnibus, excepta cauda, lutram referat. Longitudo pedum anteriorum, à cubito ad finem usque majoris unguis, erat 6. unciarum cum dimidia; ast ab origine manus ad extremitatem usque maximi digiti, trium unciarum. Posteriores palmæ erant longiores, continebant enim 6. uncias ab extremitate calcanei, ad finem longissimi, qui erat secundus, digiti. Præter hos quinque digitos, (qui singuli in extremitate sua unguibus acutis & aduncis muniti erant, interius simul concavis instar calamorum) aderat in exteriori parte cujusvis anterioris & posterioris pedis exiguum os, quod faciebat eminentiam, & quod facile quis pro

sexto digito accepisset, si fuisset à pede separatum & distinctum; ast cum hoc non esset, videbatur solum majus robur & firmitatem pedi conciliare.

Cauda est præcipue pars illa in Castore, quæ fecit ut animalibus amphibis annumeraretur. Nullam enim omnino cum reliquo corpore similitudinem gerebat, & videbatur plus ex natura piscium, quam terrestrium animalium trahere. Testa quippe erat epidermide ex squamis conflata, quas pellicula invicem conjungebat. Hæ squamæ erant fermè crassitie pergamenæ chartæ, prope lineam unam cum dimidia longæ, & maxima ex parte irregularis hexagoniæ figuræ. Squamæ in superiore parte caudæ quam minimum ab iis, quæ inferiora ejusdem occupaverant, differabant, dum inter aliquos inferiorum squamarum quandoque unus, quandoque duo nonnunquam vero tres graciles pili tantum pullularint, qui ad inferiora inflexi erant, & 2. lineas in longitudine non excedebant. Quoad colorem eadem erant obscure glaucæ, ad colorem, qui in tegulis tectorum fossilibus conspicitur, vergentes; in juncturis autem pellicula apparebat obscuriore colore. Postquam pellis Castori detracta esset, squamæ caudæ defluebant, illarum vero figuram referens vestigium, isti impressum, remanebat, illaque pars pellis, cui squamæ prius inhæserant, alba evaserat, substantia similis pelli piscium v. g. Vulpis marini. Cum secaremus caudam, similiter carnem ipsius pinguiissimam, & ad illam cetaceorum piscium valde accedentem deprehendimus.

De cetero moles & figura caudæ videbatur valde notabilis. Erat autem supra 11. uncias longa, ast in radice non excedebat latitudine sua 4. uncias. Exinde insensibiliter utrinque versus medium suum crescebat, ubi erat 5. uncias lata & postea ad finem suum extenuata in ovalem figuram desinebat. E contrario versus radicem suam crassior erat, quam in omni reliqua longitudine: nam in hoc loco erat ferè 2. uncias crassa, decresebatque sensim & sensim versus alterum suum extremum, adeo ut in medio sui non excederet unciam unam crassitie, & in extremitate sua ad lineas $5\frac{1}{2}$ usque attenuabatur. Ambitus ejusdem erat rotundus & quadantenus crassus: attamen in medio longe angustior erat.

Foramen, quo hoc animal excrementa sua projicit, inter caudam & os pubis situm erat, duas ferè uncias radice caudæ altius, & tres uncias cum dimidia ejusdem ossibus inferius. Figuræ erat ovalis, prope 9. lineas longum, & 7. latum. Pellis supra illud erat nigra & pilis destituta, facillèque contrahebatur dilataturque, non quidem per sphincterem, instar animaliorum animalium, sed simpliciter instar

rimæ ejusdam. Hoc foramen tam transitui urinæ, quam aliorum excrementorum æque patebat. Nam præterquam quod anus sive extremitas intestini recti in illud terminaretur, paulo inferius in anteriore parte apparebat extremus penis hujus animalis.

Interne ad latera hujus communis exitus observavimus duas angustas cavitates, utrinque unam, quibus stylum immittere tentavimus; sed nequivimus eundem ab interioribus ductus hujus ad exteriora ejusdem trajicere. Porro per extremam pellem sensimus duas eminentias, quas postea deprehendimus duas esse vesicas, quæ castoreum continent. Quod cum sit id, quod in hoc animali maxime notari meretur, hinc illas singulari attentione examinavimus.

Physici varii varie de illis loquuti sunt. Quidam enim asseruerunt, quod castoreum in testiculis castorum contineatur: & *Ælianus* tradit, quod hoc animal non ignorans, quod homines se ad adipiscendum illum liquorem, utpote præstantissimæ in rebus Medicis utilitatis, persequantur, excidat sibi testiculos, dum se à venatoribus presse urgeri sentit, illosque veluti pro lytro sui istis relinquat. Alii vero putant, quod castoreum non in testiculis Castoris reperiantur, sed in folliculis peculiariibus, ad recipiendum hunc liquorem destinatis.

Quo ergo nos melius de veritate hujus rei informaremus, castoris nostri pellem detraximur; & postquam illam removissemus, deteximus in loco illo, ubi dictas modo eminentias observaveramus, 4. amplos saccos, sub osse pubis obfirmatos. Priores duo siti erant in medio, & altius, quam duo reliqui. Hi ambo simul sumpti speciem cordis referebant, cujus vertex esset fere pollicis spatio sub osse pubis, latera vero, circulariter expansa, accedebant demum ad se invicem & in superiore parte communis aperturæ reuniebantur. Maxima latitudo duorum horum saccorum simul sumptorum 2. uncias parum superabat; longitudo vero à vertice cujusvis ad communem usque aperturam erat similiter ferme 2. unciarum. Idem apparebant externè cinerici coloris, variis albis lineis, instar illarum, quæ in tribulo aquatico, distincti. Membrana eorundem exterior erat absque rugis ullis plicisve, & clara pellucidaque apparebat, adeo ut ipsius color à membrana ipsi supposita mutatus videretur. Et certè, postquam unum horum saccorum aperuissemus, interiorem illam membranam cinerici coloris esse invenimus; quæ præterea erat carnosæ, habebatque interius varias rugas instar ventriculi ovilli, inter quas aliquas gryseæ materiæ reliquias deprehendimus, foetidas quidem, & tantopere lateribus saccorum agglutinas, ut pars

illorum esse viderentur. Hæ rugæ per ambos hos saccos extendebantur, utpote qui inter se invicem communicabant per foramen supra unciam magnum, nec nisi in fundo separati erant.

Infra hos 2. priores saccos aderant duo alii, unus quidem ad dextram, alter vero ad sinistram; quorum uterque figura sua pyrum quadantenus depressum sive longam viridemque amygdalam referebat. Uterque 2. uncias cum dimidia longus, decem vero lineas latus erat. Eorundem maxima latitudo erat versus finem, longissime a communi excrementorum transitu, & ad latus ejusdem terminabatur. Hi 2. folliculi sic collocati erant, ut junctim sumpti cum dicto communi excrementorum exitu referrent speciem apertissimi V. a cujus interiore parte instar cordis, consurgerent, ut modo dictum est.

Duo hi inferiores sacculi strictissime superioribus annexi erant circa commune dictum foramen; est enim probabile, quod materia castorei, postquam præparari ceperit in duobus superioribus saccis, in 2. alteros transeat, ut ibi perficiatur & majorem consistentiam, majorem fragrantiam, majoremque oleaginitatem, & flavedinem intensiorem acquirat, quæ apparent valde exigua in superioribus saccis. Similiter structura horum saccorum erat diversissima. Videbatur autem, quod inferiores essent compositi ex glandulis, instar renum in junioribus animalibus: ast in exteriori ipsorum superficie aderat insignis copia exilium rotundorum corpusculorum, parum turgentium, at diversæ molis, quorum tamen maximum mediocre lenticulæ semen non excederet. Eadem omnia integebantur membrana illa, qua exterius omnes magni sacci involvuntur, quæ nil aliud est, quam membrana musculorum communis continuata.

Cum aperuissemus quædam horum glandulosorum corporum, deprehendimus, quod essent conflata ex spongiosa carne coloris albicantis, ad rubedinem vergentis, & quod omnes possiderent notabilem cavitationem: adeo ut totidem exigui sacculi esse viderentur; ast nil liquoris, nec alia notabilis substantia in illis exstabat.

Cum ex tactu judicaremur, quod esset quippiam liquoris in saccis, quorum superficie partem exigua hæc corpuscula constituebant, quendam illorum in fundo aperuimus, stringentes alterum alterius lateralis ad conservandum liquorem. Ex hoc foramine foetidus humor prorumpebat, instar mellis flavus, unctuosus instar adipis eliquatæ, & instar terebinthinæ combustibilis; cum enim candela cereæ admoveretur, ignem concipiebat. Compressimus illum saccum, ut videremus,

an fieret reflexus istius humoris vel in saccos superiores, vel in communem excrementorum cloacam, sed neque unum neque alterum contigit.

Cum postea evacuassemus liquorem huius secundi sacci, percepimus, quod in ipsius inferiore parte esset tertius sacculus 14. fere lineas longus, sex vero latus, qui erat similiter liquore plenus, & tam firmiter membranæ secundi sacci annexus, ut non posset ab illa separari. Jungebatur sensim apici lateralis partis communis foraminis: ast non sensimus, quod pateret inde ullus transitus in cavitates, de quibus in descriptione cloacæ loquuti sumus: ast nequicquam illac exigere potuimus. In externa tertiæ sacci superficie aderant glandulosa corpuscula, non secus ac in secundo folliculo modo observavimus. In tertio hoc sacco invenimus liquorem flaviolem, liquidiolem, & magis digestum, quam in reliquis. Similiter differentem ab illo habebat odorem, & vitellum ovi proximè referebat, nisi quod color ipsius quadantenus pallidior esset.

Quoniam nobis proposuimus hic non loqui nisi de iis, quæ in sectione Castoris nostri ipsi observavimus, non longe digrediemur, ut referamus illa, quæ nobis postea ex Canada Castoreum spectantia scripta sunt. Relatum vero est, quod Castores utantur hoc liquore, ut appetitum sibi procreent dum anorexia forte laborant: quod ipsum effundant, dum palmis pedum anteriorum comprimunt saccos liquorem istum continentes, & quod Barbari illo inficiant casses, quas tendunt his animalibus, quo illa decipiant. *Rondeletius* quidem observavit, quod Castor sæpe hunc liquorem lambat; sed nequicquam loquitur de particularibus usibus istius, de quibus nobis relatum est, quod ad illos à Castoribus & Barbaris liquor hic adhiberi soleat.

Sed ut revertamur ad saccos castoreum continentes, ex accurata, quam dedimus, illorum descriptione constat, quod omnino non sint testiculi Castoris, quod quidam Physici crediderunt, qui error præterea clarius apparebit ex illis, quæ postea de his testiculis dicemus.

Sextius Medicus, uti *Plinius* refert, deridet illos, qui Castorem testiculos sibi, dum presse à Venatoribus urgetur, excindere opinantur, & dicit, quod hoc sit impossibile, quoniam hocce animal gerat testiculos spinæ dorsæ affixos. Ast ipse errorem alterum priori substituit. Nam, uti *Dioscorides* optime observavit, testiculi Castoris in inguinibus delitescunt, nec ullatenus spinæ dorsæ affiguntur. Nihilominus *Amatus Lusitanus* & *Matthiolus*, (qui ambo in *Dioscoridem* commentantur) alii-que qui dicunt quod Castores coram plurimis

Physicis & Medicis secuerint, asserunt, quod invenerint testiculos hosce tam firmiter spinæ dorsæ annexos, ut lanceola ægre secerni potuerint. *Rondeletius* eundem sibi deligit errorem, quamvis paulo accuratius examinaverit hosce saccos, ex quibus castoreum prodit, sed sane admodum adhuc negligenter, nec sensit, quod sint 4. numero, duos enim saltem enumerat. Sunt & alii plurimi Recentiores scriptores, qui tamen præcedentibus uberius & longius processu non sunt, contenti se cognovisse, quod testiculi à saccis castorei sint diversi; & proinde male perceperunt mentem *Dioscoridis*, quasi dum dicit, quod testiculi castoris sint in inguinibus reconditi, castorei saccos pro illis acceperit. Ast experientia demonstravit nobis, quod omnes hi Autores decepti fuerint, si modo omnes Castores sint similes illi, quem secumimus. Nam testiculi non magis interius existebant, quam sacci; erant autem solum paulo altiores externa & laterali ossis pubis parte in inguinibus, in quibus ipsos plane reconditos observavimus, adeo ut nequicquam exterius appareret, uti nec penis, antequam pellis animalis detracta esset. Ipsorum figura & species erat similima testiculis caninis, nisi quod essent longiores, & minores in proportionem ad ipsorum longitudinem. Paulo longiores erant uncia; latitudo eorundem erat dimidiæ uncia, ast ipsorum crassities quadantenus exigua. Sic & epididymis & omnia vasa ad generationem necessaria nequicquam à caninis differebant.

Penis vero magis singularis nobis videbatur. In extremitate sua loco balani habebat os 14. lineas longum, & instar styli efformatum, quod erat 2. lineas in basi sua latum, unde subito gracilescens in apicem desinebat. In eodem & hoc notandum erat, quod, cum penis canis reascendit ab osse pubis versus umbilicum, hic è contrario descendebat versus excrementorum exitum, in quo desinebat. Præterea, ceu diximus, erat absconditus, adeo, ut antequam pellis detracta esset, ipsum nequicquam sentiremus, nec cuius sexus esset animal, discernere possemus.

Quo has partes melius examinarem, inferiorem ventrem aperuimus; & cum spermaticorum vasorum originem investigarem, caninis aliorumque animalium simillima deprehendimus. Præterea reperimus, quod penis situs esset supra intestinum rectum, & quod sub duobus prioribus castorei saccis transiret, quibus firmiter nexus erat: præterea quod hi sacci venas & arterias suas ab hypogastricis acciperent, siquidem non alia apparerent vasa, quæ possent suppeditare materiam, ex qua castoreum formaretur, nisi quis sibi persuadere vellet, id fieri per ureteres, quod sane improbabile est.

Sic quoad alias inferioris ventris partes, musculi abdominis, peritonæum, stomachus, & vesica nequicquam notabile ostendebant, & illorum structura plane erat, uti in cane.

Intestina quoque paucum consideratu digni suppeditabant, excepto cæco, quod $2\frac{1}{2}$ uncias latum erat, decem vero longum. Situm erat, uti usitatum est, ad sinistram sub splene, à quo descendebat ad cavitatem ilei, & in rotundum apicem desinebat, constituens appendicem unciam longam: quæ erat id quo hoc intestinum à reliquis distingueremus. Ejusdem figura non erat recta, sed parum obliqua, instar gladii Scythici. In concava hujus curvaturæ parte aderat ligamentum, & in convexa alterum, ambo similia illis, quæ communiter deprehenduntur in colo humano; & hæc ligamenta comitata erant venis & arteriis, quæ à venis mesentericis oriebantur, & per certa intervalla dispergebant ramos suos in substantiam intestinorum.

Duorum digitorum spatio sub majori lienis extremo situm erat parvum & sphericum quoddam corpusculum, admodum insolitum, quod ejusdem cum splene substantiæ apparebat, quamvis esset ab isto remotum; diameter ejusdem erat 3. linearum.

Reliqua intestina tam parum à se invicem differebant, ut colon omnino non distinguere possemus. Eadem erant fere 28. pedes longa. Cum illa aperuissemus, invenimus interius 8. lumbricos longos atque rotundos, terrestribus similes, quorum tres erant 7. & 8. pollicum in longitudine, reliqui vero circiter 4.

Splen situs juxta sinistram stomachi partem, cui per 8. venas totidemque arterias, quasi totidem vasa brevia, connectebatur. Color ejusdem erat ruberrimus: longitudo 7. unciarum, & crassities ejus maxime ejusdem latitudini æqualis, quæ erat supra 10. lineas.

In hepate nil quicquam notabilis reperimus, nisi quod in V. lobos divisum esset, ejusdem coloris cum jecinore canino.

Vesica fellea sub parte concava hepatis inter 2. ejusdem lobos recondita erat. Eadem 2. uncias cum dimidia longa erat, & ferme unciam unam lata. Universus inferior venter bile effuse inundatus erat, quæ forte animalis hujus mortem produxit.

Pancreas ab illo canum necquicquam differebat. Longitudo ejus erat 10. unciarum, 2. vero in amplissima sua latitudine non superabat.

Quamvis Castor hic esset pinguissimus, præsertim in abdomine & cauda, parum tamen adipis in tunica adiposa renum & in epiploo deprehendebatur. Quilibet Ren erat unciam crassus, ferme 2. longus, & tantundem in medio sui latus.

Cartilago Xiphoides erat rotunda & 14. lineas lata, ast tenuissima & flexibilis.

Cum posthac aperuissemus thoracem, exiguum observavimus differentiam inter omnes partes ipsi inclusas, & inter easdem in canibus. Pulmones habebant 6. lobos, tres ad dextram, duos ad sinistram, & alium quendam exiguum, qui latebat in mediastino prope centrum diaphragmatis.

In corde notandum erat, quod sinistra ejusdem auricula dextra major esset; quod similiter in variis aliis brutis apparet, sed nunquam in homine, qui è contrario possidet dextram cordis auriculam sinistra ampliore.

Eo majori denique cura foramen inquirebamus ovale, quod varii moderni scriptores asseruerunt inveniri in omnibus amphibis animalibus, nec non in homine, si sæpe mergatur & longo tempore in aqua natet. Ast quantamcunque in hac re impenderemus diligentiam, nequibamus ullatenus hoc foramen in corde Castoris nostri detegere. Est autem verum, quod cum plures annos Versalesii in corte servatus fuerit, nec illi aquam subeundi potestas fuerit, facile fieri potuerit, ut hoc foramen occluderetur, non secus ac contingit foetui, postquam fuerit natus, & per aliquod tempus respiraverit. Revera enim videbatur, quod in hoc loco olim foramen fuerit, quod postea coaluerit.

Sub vena coronaria invenimus valvulam, dictam nobilem, quæ integrum venæ cavæ truncum occupabat, & sic disposita erat, ut sanguis facile ab hepate in cor per venam cavam transire, ast necquicquam à corde in hepate per eandem venam obstante hac valvula retrofluere posset.

Cor 2. uncias cum dimidia longum erat à basi ad apicem usque & circiter 2. uncias latum.

Cum cerebrum secaremus, figura sinuum duræ matris nobis plane singularis apparebat. Sinus superior, qui à latere ossis ethmoidis veniebat, cerebrum in dextram & sinistram partem dividebat, pergebat inde recta via ad initium usque cerebelli, quo cum pervenisset dividebatur in 2. magnos ramos circiter in formam literæ Y, qui à dextra & à sinistra cerebrum à cerebello distinguebant. Hi 2. rami 4. alios producebant, utrinque duos, qui ad posteriorem capitis partem revertentes cerebellum in 3. inæquales partes dividebant, quarum media, quæ erat omnium maxima, 10. lineas erat longa, 5. vero lata, figuræ demum ovalis: 2. lateralium partium utraque $4\frac{1}{2}$ lineas lata erat, sex vero longa. Universa cerebri moles erat in maxima sua longitudine à naso ad tempora usque ferè unciam unam & 8. lineas, in latitudine sua vero unciam $1\frac{1}{2}$.

Cum elevassemus universam duram matrem per partem anteriorem, nullam falcem sub majore sinu reperimus. Aderat solum exigua cavitas, quæ per rotunditatem sinus formabatur; & sub ramis hujus sinus quædam vestigia exiguarum cavitatum apparere videbantur.

Distinctio cerebri à cerebello solum in hoc vestigiorum genere consistebat, quæ non erant profunda. Cerebellum omne occiput occupabat. Cerebrum nonnisi valde parvos anfractus habebat; ejusque exterior pars potius alba, quam cinerea apparebat. Reliquum cerebrum aliorum animalium cerebro simile

erat. Processus mammillares erant amplissimi; optici vero nervi erant gracilissimi ad ipsorum ex cerebro exordium, iidemque sibi invicem more plane insolito jungebantur, siquidem longitudo nervorum conjunctorum esset 7. linearum; postea iidem sejungebantur more solito, ut oculos accederent, qui pro orbita non nisi osseum circulum possidebant.

Denique quoad carnem musculorum & quoad omne reliquum corpus, nil quicquam peculiare deprehendimus, nisi quod caro caudæ, ut jam antea annotavimus, ab illa reliquarum partium differret.

EXPLICATIO FIGURARUM TAB. XXXIV.

IN PARTE INFERIORE

Castor jacens præsentatur, dimidia parte solo incumbens, altera vero & quidem posteriori corporis parte in aqua detenta; quoniam eo, quo capiebatur, tempore observatum fuit, quod pedes posteriores atque caudam frequenter aquæ immergere soleat.

IN PARTE SUPERIORI

AA. est Os pubis.

B. fundus vesicæ.

CC. Bini priores folliculi, iique majores, in quibus castoreum preparatur & continetur.

DD. Bini secundi sacci seu folliculi, qui erant, vacui.

EE. Alii folliculi, tertii generis, in secundo comprehensi.

DE. Corpuscula quadam globulosa & parva

in secunda & tertia specie folliculorum observata.

F. Cavitas intestinis & peni communis.

G. Principium penis.

HH. Epididymides.

I. Testiculi.

KK. Vasa spermatica preparantia.

LL. Deferentia.

MM. Musculi cremasteres.

N. Unus è pedibus anterioribus.

OO. Colon.

P. Cecum.

Q. Ligamentum Caco firmiter annexum, in quo secundum longitudinem varia observantur vascula in hoc intestinum se insinuantia.

RR. Cerebrum.

S. Sinus dura matris.

TTTT. Quatuor alii sinus à priori orti, quicerebrum in tres partes dividunt.

VVV. Cerebellum.

X. Os in pene observabile.

SECTIO XXXIX. DESCRIPTIO ANATOMICA LUTRÆ


D. Georgii Segeri

è Miscell. S. R. I. Acad. Nat. Cur. Dec. II. Ann. III.

Obs. 195. pag. 317.

ANno 1665. die 8. Julii obtulit Hafniæ Amicus LUTRAM marem, præcedenti nocte interfectam & corio privatam, in qua quæ præ nimio foetore observare licuerit, paucis referam. Omentum, pinguedine hinc inde conspersum atque duplex, & non tantum super intestina protensum, sed & ventriculi fundo, hepatis quoque ac lieni connexum, telarum aranearum formam omni ex parte referebat. Ven-

tricus succo albicante, piscium spinis referto repletus erat. Intestina croceo colore tincta & ubique sibi æqualia cæcoque destituta, succum albicantem itidem continebant. Pancreas exiguum nigricantem habebat colorem. Hepatis lobi numerabantur septem in cujus cava parte umbilicalis vena portæ inferebatur. Lien ventriculo substratus & sex pollices transversos longus à globulis plumbeis dilaceratus conspiciebatur. Renes ingentes è decem glandulis



lis conglomerati erant. In *Penis* extremitate apparebat os durum, in extrema sui parte divinum, incurvatum & cartilagine obductum, quod longitudine digiti dimidium æquavit. Istius figuram, pro duplici positu duplicem, prout eam tum collectaneis meis secundum omnes suas dimensiones inserueram, hic addo. *Thorace* aperto *Mediastinum* oculis sese obtulit, quod telam aranearum referebat. Ad in sinistro thoracis latere, ubi plurimi globuli plumbei corpus penetraverant, veniebat in

conspectum sanguinis conereti nigricantis frustum oblongum & crassum, quod inter cor & pulmones hepar mentiebatur. Hoc remoto cernebantur pulmones lutei, qui tribus utrinque lobis cor ambiabant. Cor autem valde longum & magnum duas habebat cavitates, quarum dextra tenuis & sanguine concreto repleta, sinistra nimis crassa & vacua erat. Reliqua ob enormem, imo intolerabilem plane foetorem, indagare non potui.

ANATOME LUTRÆ FÆMINÆ, *Parisiensium.*

QUOD Scriptores quidam Lutram cum Castore confuderint, factum est propter insignem, quæ est inter duo hæc animalia, similitudinem; ast plures alii fatentur, quod diversis notis à se invicem dissideant. Nos observavimus in Lutra haud pauca, quæ, cum in descriptione Castoris modo recitata sint, recoquere nolumus. Sunt autem & plurima alia singularia, quæ Lutræ attribuuntur, & quæ illi cum Castore communia esse finguntur, quæ tamen in nostro subjecto minime reperimus.

Plinius, *Bellonius* & ferme omnes historiæ naturalis Autores asserunt, quod Lutra & Castor differant nonnisi cauda, quæ est squamis in castore tecta, in Lutra vero omnino pilosa. *Georgius Agricola* & *Albertus* pedes anteriores Lutræ pedibus caninis comparant: Omnes vero reliqui scriptores tradunt, quod illi sint pedibus Castoris similes; nos vero horum neutrum in Lutra nostra deprehendimus. *Herodotus* asserit, quod Castor & Lutra, non secus ac reliqua animalia, quibus quadratum caput attribuit, hoc commune habeant, quod ipsorum testiculi sint utiles ad morbos hystericos: *Brasavolus* vero affirmat, quod utrique habeant eandem virtutem contra epilepsiam, paralytin & omnes nervorum morbos; ex quo apparet, quod hi Autores nullam fecerint differentiam inter saccos Castoris ejusdemque testiculos, siquidem soli dicti sacci utiles sunt in morbis uteri nervorumque. *Aristoteles* similiter Lutræ attribuit peculiaritatem quandam, nempe, quod illa sit tam insensus homini, ut, si mordeat illum, non remittat à parte, quam morfu petierat, antequam ossa sub dentibus crepere observaverit.

Verbum Græcum *λούτρον*, unde Latinum Lutra descendit, & quod balneum notat, videtur distinguere ipsum à Castore, quoniam nonnisi aquis dulcibus delectatur, necquequam salis, nec mari, cujus aqua non est apta,

quæ quis lavetur, vel ut inde balneum pareretur; cum contra Castor sine discrimine fluvios mariaque ingrediatut.

Statura Lutræ, & ipsius partium proportio similiter reddidit illum valde diversum à Castore, quem antea secueramus; castor enim $3\frac{1}{2}$ pedes longus erat, cauda adnumerata: Lutra tota nonnisi tres pedes & duas uncias æquabat, ejus vero cauda proportionaliter multo longior erat; id quod efficiebat reliquum corpus minus quam illud castoris. Caput castoris erat $5\frac{1}{2}$ à naso usque ad occiput: caput Lutræ vero $4\frac{1}{2}$ non excedebat. Anteriores pedes Castoris $6\frac{1}{2}$ unciarum erant à cubito usque ad finem digitorum: illi vero in Lutra, non supra 5. Posteriores Castoris pedes 6. unciarum erant à calcaneo usque ad finem digitorum, Lutræ vero saltem $3\frac{1}{2}$.

Hi digiti similiter Lutram nostram plane diversam faciunt ab illa, quam *Bellonius* describit, de qua dicit, quod crura habeat vulpinis similia, & in eo solum diversa, quod essent majora; nisi hoc ita intelligi debeat, quasi diceret, illos esse majores in proportionem ad eorundem longitudinem: nam verum omnino est, quod in proportionem ad reliquum corpus magnam partem sint breviores, quam in vulpe, siquidem in hac re pedes mustelæ referant, quæ similiter habet longum corpus & crura breviora.

Posteriores pedes omnino referebant illos Castoris, siquidem V. longos & graciles digitos, non sibi arctè instar caninorum appositos gerebat, intervalloque illorum habebant pellem intermediam instar pedum anserinorum. Anteriores utrique posterioribus similes erant, at diversissimi à pedibus Castoris anterioribus; nam illorum digiti membranis connexi erant, non secus ac posteriores, excepto quod membranæ ipsos arctius connecterent; neque habebant illam similitudinem, quam Castoris pedes cum manu humana fovent, siquidem

V. digiti

V. digiti erant æquales, & singuli habebant 3. phalanges; pollex vero à reliquis digitis non magis, quam hi a se invicem, distinctus videbatur.

Nasus, oculi & species universi capitis, vix ipsam à Castore distinguebant: dentes solum erant diffformes, siquidem non erant acuti, nec tam validi ac dentes castoris, quod nobis suspicionem injiciebat *Aristotelem* per errorem accepisse lutram pro castore, dum extollit, (uti modo dictum est) insignem mordendi ejusdem vim: nam Lutra nostra illos 4. magnos & longos incisores, qui Castori & variis aliis animalibus, v.g. lepori, sciuro & gliri peculiare sunt, non possidebat, siquidem omnes ejusdem dentes instar caninorum lupinorumve compositi erant, canini vero, uti communiter fit, longiores incisoriis. Adeoque hi dentes efficiebant omnem illam similitudinem, quam reperimus Lutrā habere cum cane; quamvis *Belonius* referat, quod habeat caput cani simile, & *Ælianus* ipsam canem fluviatilem vocitet. Auriculæ, quæ erant, uti in Castore, exiguæ, oculis inferiores erant & prope inferiorem maxillam siti.

Pili vix dimidiam partem longitudinis pilorum Castoris assequiebantur, continentes in eo loco corporis, ubi erant longissimi, saltem 8. lineas, cum è contra pili Castoris sint 18. linearum. Eorundem color quadantenus differbat ab illo in pilis Castoris, sed non ea ratione ac Autores id tradunt. Hi enim referunt, quod pili castoris magis ad glaucum vergant: nos vero contrarium reperimus, siquidem lutra nostra pilos sub gutture, ventriculo & abdomine habebat magis glaucos, quam iidem erant in nostro Castore. Pili in cauda erant breviores, quam supra corpus: multo vero longiores, quam illi in pedibus. Reliqui pili, scilicet in capite & dorso, colore pilos castoris referebant, nempe obscure spadicei, & duplicis generis, alteri quidem longiores, magis spadicei, rectiores & crassiores, alteri vero breviores, glauciores, crispiores & molliores.

Ad finiendam exteriorum partium descriptionem restat, ut loquamur de particulari quopiam & valde notabili observato, quod insigniter distinguit Lutrā non solum à Castore, sed & ab aliis brutis, quod est extraordinaria conformatio exterioris matricis orificii, in quo nymphas & clitoridem, non scæcus ac in muliere, deprehendimus. Clitoris, quæ in superiore nympharum parte sita erat, & illarum conjunctionem inchoabat, tres lineas longa videbatur. Composita erat ex membranis & ligamentis, quæ os 2. lineas longum inclusum gerebant.

Plurimæ partes, quæ post dissectionem apparebant, aliquanto magis ab illis in Castore


differebant, quam exteriores. Hepar, quod nonnisi V. lobis in Castore gaudebat, 6 in Lutra constabat. Splen, qui in Castore cylindricus & tenuissimus, nec 10. lineas in diametro, & 7. uncias in longitudine excedebat, planus erat in lutra, continens unciam $1\frac{1}{2}$ in latitudine & $4\frac{1}{2}$ in longitudine. Ejusdem vero connexio erat adeo peculiaris, ut non solum ab illo Castoris differret, sed & ab omnibus fere aliis animalibus, in quibus potissimum splen stomacho affigitur; cum è contra in Lutra nostra ad Epiploon esset annexus.

Renes 3. uncias longi, & 2. lati erant. Castoris vero renes ne 2. quidem uncias longi sunt. Potissima differentia in conformatione ipsorum consistebat, quæ adeo extraordinaria est, ut referret illam renum Ursinorum, nisi quod renes Lutræ solum numero exiguorum renum discreparent ab illis ursi: nam loco 52. exiguorum renum, quos in urso reperimus, nonnisi 10. in lutra aderant, qui a se invicem separati erant, siquidem singuli habebant suum parenchyma, venas & arterias emulgentes sibi quisque proprias & peculiare, una cum tertio vasorum genere, quod erat ramus pelvis, quam dilatatio urethræ produxit, & in 10. ramos diducitur, quorum singulos singulum exiguum renem ingreditur. Hi exigui renes, præter communem membranā, quæ involvebantur, habebant insignem fibrarum copiam, quæ necessebat & colligebat ipsos in unum congetiem, quæ habebat figuram quadantenus longiorem, quam renes communiter habent: aderat autem & quidam inter exiguos illos renes, qui paulo magis à reliquis sepositus, suam figuram ad verticem extendebat, adeo, ut hic exiguus ren pro capsula atrabiliaria accipi potuisset.

Pancreas ex glandulis conglomeratis, instar illius in Castore & reliqua brutorum familia compositum erat, ast illæ apparebant magis distinctæ & ab invicem separatæ, quam communiter esse solent.

Pulmones, uti in Castore, compositi erant ex 7. lobis, quorum 6. erant sibi magnitudine pares, septimus vero erat tenuissimus, qui nonnisi appendix sexti videbatur.

Magna cura inter vasa cordis quærivimus foramen ovale, quod colligitur adesse in animalibus, dum manent citra respirationem in abdomine matris suæ, ad supplendum usum, qui respirationi attribuitur, qui est, juvare circulationem sanguinis, quæ fit per pulmones ope dilationis & compressionis istius partis. Antea idem in Castore tentaveramus, quoniam quidam putaverunt, hoc animal indigere tali conformatione vasorum cordis, quo eo promptius ferat cessationem respirationis, quæ, cum longo tempore sub aquamersum latet animal, inhibetur; ast non reperimus hoc foramen



foramen apertum, nec ullas alias vias, quæ possent circulant sanguini transitum concedere, præter illas, quæ sunt in pulmone. Verum tamen est, quod vestigia quædam illius aperturæ deprehenderimus, quæ videntur demonstrare, quod non longo tempore foramen clausum fuerit: quod nobis tanto probabilius videbatur, siquidem pro certo dictum nobis est, quod Castor longo tempore fuerit cavæ inclusus, nec libertatem habuerit se aquæ immergendi, & quod fieri potuerit, ut hoc foramen occluderetur, uti communiter in omnibus animalibus paulo post eorundem partum fit, quando facultas respirandi, quam

modo adepta sunt, reddit hoc foramen usui ulteriori ineptum. Ast in Lutra nostra nullam plane reperiimus speciem foraminis antea præsentis, & quod concesserit transitum sanguini ex vena cava in arteriam venosam: quod omnino congruit cum observatione illa omnium autorum, quod nempe Lutra semper & perpetim cogatur se in summam aquam velociter attollere, quo respiret; quod castor minime facit, siquidem longe facilius defectum respirationis per notabile temporis spatium ferre solet. Reliquæ, quas magna cura secumimus, partes, neuquicquam notatu aut consideratu dignum præ se tulerunt.

EXPLICATIO FIGURARUM
TAB. XXXV.

IN PARTE INFERIORI

Notam meretur structura pedum, quorum digiti mediante tunica, ut in anseribus, sibi invicem connexi spectantur. Adhæc dentes, acuti quidem, à dentibus castoris multum differunt. Aures, ut in Castore, exiguæ quidem sunt, sed longe profundius & inferius locatæ.

IN PARTE SUPERIORI

A. B. *Renes membranâ sua adiposa obiectos notat.*

C C C. *Renulos minores detegit, membrana adiposa remota.*

D. *Ureteres.*

E E. *Vasa emulgentia.*

e. *Clitoris introrsum reflexa.*

F F. *Nympha.*

H. *Anus.*

i. *Clitoris extrorsum protracta.*

L. *Officium clitoridis.*

* *Os est bipartitum in pene maris ab aliis observatum.*

SECTIO XL.
ANATOMIE
HYSTRICIS & ERINACEI,
Parisiensium.

EX Veterum sententia Hystrix & Erinaceus sunt ejusdem Generis Animalia, eo quod ambo aculeis operiuntur. Generis nomen est ἐχῖνος Echinus. Porcupinus à Græcis & Latinis vocatur Hystrix. Erinaceus ab Oppiano Græce βαῖος ἐχῖνος, minor Echinus Latine effertur, ac si duarum harum specierum distinctio unice in differenti consisteret mole. At vero nos observavimus specierum harum duarum animalia in aliis quoque rebus magis essentialibus differre, nominatim regione, in qua generantur, aculeis suis & reliqui corporis forma, nam Hystrix generatur in Africa, Erinaceus autem in Europa obvius est. Porro Aculei nostrorum Erinaceorum in proportionem ad corpus suum breviores erant, quam Hystricum; & denique forma nec non usus horum aculeorum omnino etiam differebant, sicut & eorum pedes, nam omnesque partes interiores.

Sex harum, quas hic describimus, Hystricum maxima erat pollices octodecim inde à

naso usque ad pedum posteriorum extensorum extremitatem longa. Omnes super corpore habebant setas aut pilos magnos relucentes, qui in crassitie, consistentia, figura & colore suo setas Apri referebant; quamobrem & hoc animal Hystricis fuit adpellatum nomine, quod ab ὄος ὄειξ descendit, ac si diceret Porci pilus; & profecto seta hæc propius ad pilos Porci quam Apri accedebat, eo quod aliis pilis brevioribus, quales in imo circa setam Apri reperiuntur, non esset intermixta; verum ubique ejusdem existeret longitudinis generisque. Tres & quod excedebat pollices in toto corpore erat longa, summitate cervicis excepta, ubi pedem æquabat, & ter spissior ac in ullo alio loco videbatur. Setæ hæ velut cristam in capite, octo pollicibus longiorem, & mystaces sex & quod excedebat pollicum longitudine formabant. Cristæ hujus setæ à medio usque ad finem nigro castaneæ nucis colore gaudebant.

Præter has setas in dorso adhuc duo alia genera,

nera aculeorum paulo validiorum, spissiorum, breviorum magisque cuspidatorum reperiuntur, quorum spicula præacuta cum duabus aciebus instar subulæ erant. *Claudianus* hæc aculeorum genera in caput *Hystricis* collocat, locumque cornuum complere dicit, quod tamen in nostris non inveniebamus. Reliqui aculei hos & longitudine & flexibilitate multum superabant; siquidem pedem longi, & aliis infirmiores erant, spicula etiam obtusa habentes. Aculei brevissimi & validissimi radicem versus albi, & in extremitate nigri nucis Castaneæ erant coloris. Longissimi circa radicem & summitatem colore gaudebant albo, & in medio ex nigro & albo quasi erant tessellati. Omnes hi pili ac aculei duri & in superficie nitebant: pars vero interior ex substantia albicante & spongiosa constabat.

Posthæc denuo novum aliquod aculeorum genus deprehendebatur, quorum extremitas scissa apparebat, residuo illorum instar pennæ concavo, quamvis multo adhuc cum majori tenuitate ac in pennæ tuba vides, remanentes. Tubæ hæc aut fistulæ spinosæ concavæ instar pennarum albæ erant & transparentes, parvisque rugis per longitudinem velut radiatæ. Lineam in diametro excedebant, longitudinem tres pollices æquant. Numero erant duodecim, extremitati *Coccygis* impositæ & in summitate paululum erectæ. Radix earum admodum exilis erat, neque crassitiem pennæ excedebat, quamvis ultra sex lineas esset longa.

Aculei hi, validissimi scilicet & brevissimi, facile ex cute poterant evelli, cum non ita firmiter, uti reliqui, essent infixi. Unde & animalia hæc eos adversus Venatores mediante cutis suæ concussione ejaculari solent, qualem cutis concussione in *Canibus* ex aquis exeuntibus observamus. Eleganter igitur dicit *Claudianus*, *Hystricem* sibimetipsum esse arcem, pharetram atque sagittam, quibus adversus Venatores utatur.

Pedes anteriores nonnisi quatuor habebant digitos; posteriores quinque, atque cum *Ursinis* conveniebant, digito magno extrorsum flexo. Totum crus & tibia, ut & venter magnis jam memoratis aculeis & spinis operiebantur, atque solum pedum plantæ iisdem erant destitutæ. Neque etiam pedes pedibus *Apri* similes erant, prout *Albertus* de iisdem retulit. Pariter quoque inveniebamus Nasum nostræ *Hystricis* neutiquam instar rostri *suilli* esse formatum, prout à *Claudiano* describitur, cui tamen nihilominus animal hocce, *Hystrix* sc. probe notum esse debuit, cum in *Ægypto*, ubi animal hoc satis obvium, fuerit natus. Nasus hic *Leporinum* repræsentabat, cum labium superius esset fissum. Inferius similiter discindebatur

formatumque erat ac si pro recipiendis duobus inferioris maxillæ Incisoribus theca esset. Tam dentes hi, quam qui in superiori maxilla sunt, haud dissimiles erant dentibus *Castoris*, valde longi & ad hunc modum insiti, ut pars acuta alicujus inferioris non occurreret parti superioris scindenti, prout in forcipe fit & in plerisque animalibus observamus: sed partes hæc quamlibet superne oppositam instar forcicis transgrediebantur.

Molares in animalium nostrorum quatuor tantum in qualibet maxilla sex erant; quintum habebat octo. Breves erant atque vix ultra lineam dimidiumque ex maxilla prominebant. In summitate edolabantur, ex qua edolatione adparebat, quod non plane solidi & os velut complicatum essent, interplicaturas substantiæ ossæ aliam quandam nigricantem & spongiosam habentes. Plicaturæ hæc non in superficie tantum, ubi adparebant, existebant, sed per totos dentes se extendebant, prout, cum confracti essent, reperiuntur.

Lingua in extremitate sua variis ossibus corpusculis ceu denticulis obtegebatur. Maximum lineæ erat latitudine. Extremitas eorum præacuta tribus dividebatur fissuris, unde quatuor velut *Incisores* conspiciuntur.

Aures tenuiter mollibus admodum pilis operiebantur & maxime ad aures *Homini* accedebant. In uno nostrorum animalium in parte superiori differentes reperiuntur, cum ibi cuspidatæ essent, uti aures *Satyrorum* pingi solent.

Oculi, sicuti in porco, erant parvi, quatuor lineas ab uno angulo usque ad alterum non excedentes. Situatio I. angulorum hujus Oculi situs admodum erat inusitatus, cum *Canthus* magnus multo altior existeret, quam parvus.

Directe supra os pubis prope Anum tumor quidam aderat, ovi circiter magnitudine, pilis & aculeis carens. In hujus tumoris medio & prope ad anum parvum quoddam foramen, foramine animi minus, inveniebatur. *Albertus* refert *Hystricem* duos habere anos, forsan ob hanc secundam aperturam partibus inservientem Genitalibus, quæ extus in utroque animalis hujus sexu non differunt: eodem, ac res cum *Cato-Zibetino* & *Castore* se habet, modo, ubi maris penis in sacculo quidem absconditus, sed tamen per hoc foramen, prope anum existens, exerebatur, cum sacculus compriimeretur.

Cute detracta, adparebant in superficie interna variæ rugæ, ad instar Rhombi, magnæ (crassæ) circiter lineas duas. Tota cutis super dorso & inguinibus Musculo carnosio adhærebat, qui validus & carnosus speciatim

tim per dorsum erat, ubi aculei validi inserti reperiiebantur. Membranofus hic musculus apud transversas & obliquas *Apophyfes Vertebrarum* in cervice originem suam ducebat. Abhinc per omnes dorsi Vertebrae extendebatur, semetque in *Ossa* innominata inferebat, quum interim *Vertebris Spina* alligaretur. Firmiter admodum non tantum, uti dictum, cuti, verum pariter quoque communi Musculorum membranæ adhærebat. In superficie Musculi hujus interiori permulti conspectui dabantur nervi, qui instar retis interpositi intertextique erant. Cutis non tantum per hosce Musculos movebatur, uti in omnibus fere aliis brutis fieri assolet, sed similiter quoque in quolibet latere quatuor alios separatim habebat, diversis & certis cutis partibus removendis dicatos, prout magnus cutis Musculus toti removendæ inservit cuti. Quatuor hi musculi ex Intercoastalibus procedebant, ubi latam habebant basin, quæ in parvis tendinibus instar citharæ terminabatur. Quatuor horum Musculorum tendines cuti inferebantur, quæ Costas atque Inguina integebat.

Cartilago Xiphoides extra ordinem erat lata. *Epiploon* in sinistro latere ad Inguen descendens, firmiter hic *Peritonæo* infixum erat, nec libere se, uti alias solitum est, supra Intestina motitabat. In uno Animalium Vesicæ adhærebat.

Ventriculus maximam partem erat rotundus, quamvis in tres inæquales sacculos esset divisus, quorum medius, qui & maximus, ceteris inferior descendebat. Orificium superius, admodum angustum, in medio directè super cavitate magna erat. Orificium inferius, pollicem cum dimidio latum, admodum dilatatum deprehendebatur, ita ut *Duodenum* quartus Ventriculus tribus cavitatibus, alios tres ventriculos representantibus, adnexus videretur: Verum Intestinum hoc contrahebatur, ad *jejunum*, quod admodum erat breve, quin & adhuc magis *Ileum* formandum. Cæcum valde erat amplum, septem pollices longum & versus *Ileum* duos latum, ubi in acumen quoddam desinebat, inque tota sua longitudine figuram falcis cujusdam referebat. Tria ligamenta longitudini ipsius respondentia habebat, quæ illud contrahebant, & cellulas, uti in Colo hominis, formabant. Ligamentum quod in flexu, quem hoc intestinum constituebat, conspiciebatur, admodum erat amplum. Partem Mesenterii explebat, sed ab uno tantum latere Intestino alligabatur, ceteris manentibus solutis. *Colon* similiter quibusdam cellulis gaudebat, quæ tamen non æque bene ac ea, quæ in Cæco, poterant conspici, quamvis duo ligamenta, eas ad formandas, adessent. Hoc in-

testinum l. viscus erat angustum & quadraginta pollices longum, nec non duplicabatur, ut duæ hæ partes per totam longitudinem invicem quam formissimè conjunctæ essent.

Hepar super *Diaphragmate* ab admodum lato & membranoso ligamento suspensum tenebatur, quod à *Cartilagine Xiphoide* proveniens & verticaliter descendens à fissura Hepatis medio gibbosæ ipsius parti inferebatur. Septem habebat lobos, quatuor magnos, duos in quolibet fissuræ latere, & tres parvos, ex quibus unus medium fissuræ occupabat locum, *Vena Cava* mediante Membrana alligatus: Tertius inferne, inter quatuor majores reperiiebatur. Duo lobi majores à latere sinistro in extremitate sua per admodum fortem l. validam aliquam membranam conjungebantur.

Vesicula fellis parva, plana & maximam partem inanis erat.

Pancreas deprehendebatur valde laxum, tres pollices cum dimidio longum, & ubi maxime spatiosum, sex lineas latum.

Splen in nostris animalibus differebat. In uno duo reperiiebantur. Major, qui quinque uncias (pollices) longus & decem lineas latus, lateri sinistro Ventriculi, mediantibus *ramis splenicis vas breve* constituentibus, uti & *Epiploo* alligabatur. Alter Lien qui tres pollices (uncias) longitudine & octo lineas latitudine explebat, ventriculo firmiter adhærebat, quamvis nulla vasa adunientia appareant. In summitate quoque *Epiploo* junctus erat, & ab extremitate inferiori Ileo. Aliis in animalibus (subjectis) ubi more consuetudo simplex erat, septem uncias longitudine & decem lineas latitudine adæquabat. Ab extremitate sua superiori immediate cum summitate Ventriculi cohærebat, uti & à parte concava sinistro Ventriculi lateri, mediantibus *ramis splenicis* alligatus erat, qui tres ramusculos in Ventriculum totidemque in Splenem emittebant. Ramificationes ad ventriculum pervenientes tres uncias l. pollices erant longæ, quæ vero ad Splenem, tantum unum. In uno nostrorum individuum Lien, præter *Vasis brevis* & Membranarum à quibus illud *Ventriculo* & *Epiploo* admovebatur, ligamenta, etiam habebat ligamentum, quo mediante *Diaphragmati* adhærebat. In omnibus nostris subjectis Lien erat coloris admodum obscuro rubicundi, speciatim in parte concava, ventriculum versus spectante, ubi maximam partem coloris erat nigri.

Renes in quolibet latere existebant bini, *succenturiatos*, tertiam quandam particulam, veri renis magnitudine, habentes.

Genuinus *Ren* duos pollices longus & unum latus reperiiebatur. Admodum erat

solidus, cavitatem pro *pelvi* non habens, superficie solum exteriori excepta, ubi cavitas aut depressio quædam in ipsius parte anteriori observabatur. *Succenturiati Parenchyma* à *parenchymate* genuini renis multum differebat, quum multo mollius esset. Similiter duabus diversis substantiis constabat, una nimirum carnea & rubra, uti in vero rene, altera glandulosa & albicante. Hæ duæ substantiæ una commixtæ existebant, ita ut cum ren hic fuerit dissectus, speciem variorum radiorum à circumferentia ad centrum collineantium referret, eodem fere modo ac res in cerebello hominis se habet. Proxime ad centrum hujus renis cavitas quædam notabatur fabæ mediocris magnitudine. *Vasa Emulgentia* acutum angulum cum truncis *Cava* & *Aorta* formabant, quæ originem suam ex altiori loco ducebant quam renes, qui deorsum tracti videbantur.

Vesica perquam erat ampla & crassa, duabusque tunicis, inter se substantiam spongiosam & aliquantum carneam includentibus, componebatur. In uno subjectorum horum, uti jam dictum, omnis ejus pars posterior inferiori *Epiploï* parti, cui incumberebat, adhærebat. Pars anterior, *Peritoneum* attingens, minus erat carnosæ. Soluta hoc in loco erat, nec cum *Peritoneo* cohærebat.

Testiculi Maris longi & angusti erant, lati solum quatuor lineas & pollicem cum dimidio longi. *Vasa praparentia* inferiori Testiculorum parti adhærebant, *Epididymis* quandam à Testiculis separatam formantia. Hæc *Epididymis* Ligamento juncta erat, quod cum in coxas l. femora intraret, usus ipsius esse videbatur ad confortandos Testiculos & obeunda munia rotundo *Uteri* ligamento attributa.

Parastata insolitæ erant magnitudinis, duos uncias l. pollices cum dimidio longæ, & in tres, imo & in aliquibus, quinque ramusculos separatæ, instar ramusculorum *coralliorum*. In *penis* extremitate os quoddam pollicem longum conspiciebatur.

In sexu fœminino latum *Matricis* ligamentum firmiter renibus apud costas spurias alligabatur. Testiculi erant substantiæ glandulosæ, ac in iis nequidquam de vesiculis aut ovulis adparebat.

Centrum nervosum *Diaphragmatis* adeo tenue & pellucidum exstabat, ut pulmo per illud perspicere potuerit. Aderant ibi quinque principales lobi, quorum quilibet in duos divisus partes. Annuli *Arteria aspera* non erant integri. Truncus *Arteria Venosa* cum suis principalibus ramusculis insolita gaudebant longitudine. *Azygon* ligabamus in quodam nostrorum individuorum & infra ligaturam parvam videbamus fistulam, quam cum in sufflarem, *Vena Cava* se dilata-

bat, dilatatione hac per *Iliaca* vasa continuata propter unius *Azygi* ramusculi communicationem, qui ultra diaphragma transgrediens *Anastomosis* quandam cum uno ex ramusculis *Iliacis* formabat.

Cor à basi usque ad mucronem duos pollices erat longum, inque medio basin inter & mucronem decem lineas latum, cum hoc in loco paulo latior quam in *Basi* erat. Circa extremitatem reperiebatur obtusum, cum carne sinistri Ventriculi firma & dura. Eminentiam quoque habebat, unde inflexum instar cochleæ apparebat. *Auricula* dextra nonnisi *Cava* dilatatio esse videbatur. In uno animalium (horum) duæ auriculæ cordis limosa, albida & solidissima substantia; ventriculi vero nigro & congelato sanguine repleti deprehendebantur.

Cerebrum ad porci cerebrum plurimum accedebat, nec os inter *Cerebrum* & *Cerebellum* videbatur.

Oculi bulbus in diametro quatuor pollices non excedebat, eratque plurimum sphaericus. *Cornea* elevabatur instar semi-globi in alio globo à *Sclerotica* formato. *Crystallina* similiter in uno subjectorum potissimum sphaerica & à parte anteriori magis quam posteriori convexa erat. Eodem in subjecto *Crystallina* aliquid, ac si *granum* esset, possidebat, cujus interna pars, ceu cartilago, dura & non minus pellucida ac residuum conspiciebatur. Pars hæc ita indurata figura non gaudebat (uti tota *Crystallina*) sphaerica, sed plana & lenticulari. *Nervus opticus* in medio Globi ocularis intrabat. *Uvea* colore erat fusco-rubro, membrana, quæ oculi fundo adplicata quamque *Tapetum* vocamus, albicante, plurimisque parvis maculis rubris conspersa. Albicans hic *Tapeti* color cavitatem *Uveæ* minus fuscæ, quam *Iridem*, apparere faciebat.

Duo *ERINACEI*, quos dissecatamus, erant mas & fœmella, continebantque octo pollices à rostro usque ad pedum posteriorum extensorum extremitatem, qui ceterum duos non excedebant. Nasus utriusque erat brevis & rotundus, magis nasum canis, quam suis rostrum referens, unde & à *Matthiolo* hæc *Erinaceorum* species *Canina* vocatur. Is enim duas statuit, unam quæ quædam cum *Canibus* & alteram quæ nonnulla cum *Porcos* habeat communia; & hæc ultima species prior vulgatiores habetur, quoniam in Lingua Anglicana, *Erinaceus* absolute *Hedge hog*, & in Belgica *Een ysern Verken*, i. e. *Porcus aculeis testus & munitus* vocatur.

Amborum caput, dorsum & inguina aculeis obtegebantur. Solum in naso, gutture, ventre & pedibus pratenues & admodum albi pili interspergebantur. *Hermolaus* *Erinaceum* aculeos in toto corpore (naso & ungui-

unguibus exceptis) habere dicit; sed nos in uno individuo hoc falsum reperiēbamus, quod nullos aculeos in ventre habebat, sed qui in dorso & lateribus erant, cum in rotunditatem esset collectus & convolutus, integrum obtegebant ventrem.

Totum animal unius ejusdem erat coloris: Cutis vero pili & aculei obscuro-flavo-glauci. Aculei, pollicem cum dimidio longi, multum ab *Hystricum* aculeis differebant, erant enim aliquantum plani & valde similes illis, qui in cortice exteriori *Nucis Castanea* reperiuntur. Palmæ quinque digitis constabant, tres majores in medio & duo minores in extremitatibus, in quolibet latere sc. unus erant locati. Ungues habebant longos cuspidatos & concavos, figuram pennæ efformantes.

Dentes hoc ordine dispositi erant, ut infernè solum *Molares* & *Incisores* reperirentur. Hi que ultimi tantum erant duo, *molaribus* paulo longiores. Superne non erant *Incisores*, sed solum duo *Canini*, qui spatium quoddam pro *Incisoribus* ex inferiori Maxilla recipiendis relinquebant. Singuli quoque *Canini*, *Incisoribus* longis longiores, in maxilla inferiori spatium, quo reciperentur, habebant, idque inter *Caninos* & *Incisores*, cum intervallo hunc in finem relicto.

Fœmella octo habebat mammillas, quatuor in latere quovis, duobus ordinibus per totum ventrem & pectus dispositas, quarum duæ maximæ in Musculo pectorali erant sitæ.

Cute detracta Musculus quidam carnosus adparebat, qui, uti & in *Hystrice*, ab *Ossibus Innominatis*, usque ad aurem & nasum extendebatur, totamque dorsi spinam percurrerebat, quamvis ibidem non adhæreret. Unde apparet, *Musculum* hunc *Erinaceo* non ad concutiendam cutem inservire, prout in *Hystrice* aculeos suos hac ratione ejaculante spectavimus, verum conducere ipsi ad caput versus crura posteriora inclinandum, & ad totum corpus pilæ instar conglomerandum l. convolvendum, ceu *Erinaceus* patrare assolitus est, quando fuga se salvare nequit; hoc enim in situ undique aculeis suis obducitur, nec *Canes* norunt, quomodo eum absque compunctione auferre queant. *Plinius* refert, quod, si præcautione hac nil juvante se in periculo esse sentiat, tum urinam suam emit, cum eam hanc virtutem leu efficaciam habere sciat, ut cutem corrumpat & aculeos excidere faciat, ad Venatores velut principali sui laboris fructu privandos, qui in ejus cute, quam Veteres magni faciebant, consistebat, propterea quod ea loco scopularum vestiariarum ad vestes expurgandas utebantur.

Hepar habebat septem Lobos, quorum u-

nus duas in partes dividebatur. *Vesicula* felle in medio duorum superiorum loborum, qui maximi erant. Forma ejus ovalis, octo lineas longa: valde repleta & coloris Indici erat.

Vena lactea albæ maximeque apparentes conspiciebantur in *Mesenterio*; chylique receptaculum magnum, amplum & repletum existerat.

Splen Ventriculo adjacebat, cui duodecim ramusculis ex *Vase brevi* alligabantur. Longus erat & sulcatus instar cristæ galli. *Pancreas*, cui adnectebatur, eadem gaudebat forma: saltem ab eo differebat colore, cum *pancreas* albicans, splen vero fusco-rubicundus esset.

Intestina omnia quoad substantiam & crassitiem erant æqualia. Cæcum deficiebat. In universum quatuor pedes erant longa. *Renes* pollicem longi & octo lineas lati erant, colore Olivarum, dextro sinistro altius locato.

Vesica pollicem cum dimidio longa & unum pollicem lata.

In mare testiculi in ventre deprehendebantur, quod juxta *Aristotelem Erinaceo* proprium, qui inter omnia animalia quadrupedia partum perfectum & vivum edentia unicus est, cujus testiculi intus (sicut in Avibus) sunt inclusi. Testiculi hi magnam *Epididymem* habebant, quæ *Vasa spermatica Præparantia* in quatuor ramusculos divisa recipiebat, quæque separatim à basi usque ad longitudinis suæ plus quam dimidium illi inferebantur. Hæc *Epididymis* à Testiculis non separabatur uti in *Hystrice*, sed cum illis cohærebat, quam longa etiam esset. *Vasa spermatica* deferentia à summitate *Epididymis* procedebant. Testiculi horumque vasa ligabantur suspendebanturque à quodam Ligamento, quod pro *Cremaстере* accipi poterat, quoniam membrana, aliquantum prope Testiculum carnea apparens, erat. Reliqua membranæ hujus pars sicuti lata *Uteri* ligamenta dilatabatur extendebaturque. Multa magnaque vasa habebat, ex quibus duo majora notabilem quandam *Anastomosis*, (in medio se invicem perforando & decussatim transeundo) formabant. Ex *vasis spermaticis præparantibus*, velut Trunco suo, procedebant perque hanc totam membranam tanquam alæ volucris, uti in *Utero* fieri videmus, distribuebantur; ita ut habito respectu ad magnitudinem & numerum vasorum horum, quæ quantitati nutrimenti, quod membrana requirere videbatur, non proportionata erant, probabile admodum fieret, usum structuræ hujus esse, ut Arteria spermatica ad hanc membranam partem sanguinis mitteret, quem alias ad Testiculos deferret, quo in hoc magno ramusculorum numero præpararetur; in quibus san-

guis remanens, qui ad membranæ nutrimentum absumi nequibat; aliquamdiu retineri & hac longa retentione perfici videbatur, ut postmodum ad denuo in *Arteria spermatica* truncum refluendum & se cum sanguine Testiculos influente commiscendum inhabilis vel impotens redderetur, cum aliàs nihil refluxum hunc impediatur, qui in omnibus Arteriis, valvulis, quibus Venæ instructæ sunt, destitutis, liber est supponendus; Et compressio quoque à respirationis motu per omnia viscera excitata pro hoc hujus refluxus sufficiens causa dici queat.

Ab utroque cervicis, quæ in Vesica est, latere sacculi, substantia partim glandulosa, partim membranosa gaudentes, erant, coloris flavi & procul dubio pro *Parastatis* habendi. *Prostata* paulo reperiebantur inferius, mole insolita, uti & *Parastata*.

In Fœmella *Uterus* cervicis & duobus cornibus constabat. Cervix ex duabus membranis componebatur, quarum exterior crassa & carnosa, interior vero tenuis membranosa & nervosa. Cornua inæqualia erant,

cum sinistrum dextro, cui *fœtus* inerat, minus esset.

Pulmones quinque habebant Lobos, sc. tres mediæ magnitudinis in latere dextro & duos in sinistro, quorum unus major & alter minor omnibus reliquis deprehendebatur. Hic minimus, quem cavitas Mediastini includebat, in extremitate erat bifidus. *Cor* maximam partem figura gaudebat rotunda. *Auricula* dextra coloris erat rubicundi cum plurimo nigro: Sinistra albicans.

Oculi Globus duas lineas in diametro non excedebat, cilium possidens internum. Ex tribus Oculi humoribus solum *Crystallinus* videbatur, qui totum Globum adimplebat, absque ulla *Aquei* vel *Vitrei* humoris apparitione. *Retina* immediate Crystallinum contingebat & sicut huic ab ea parte, quæ versus oculi fundum spectat adhærebat, ita *Cornea* eum à parte anteriori tangebatur cooperiebaturque. *Uvea* per totam superficiem erat nigra, *Tapeto* excepto, nec similiter à parte anteriori ullam ad formandam *Iridem* plicaturam efficiebat, ita ut oculus aliis remotis totus niger adpareret.

EXPLICATIO FIGURARUM

TAB. XXXVI.

IN PARTE INFERIORI

Differentia specierum hujus animalis representatur, quæ sibi admodum dissimiles sunt, non tantum in situ partium, sed & spinarum intuitu, quæ in erinaceo ejusdem naturæ & longe breviores respectu corporis sunt quam in hystrice, quæ magnis & admodum duris gaudet spinis in dorso & lateribus, reliquis in cervicis, capite & in lateribus maxillarum solum longis, teneris & flexibilibus existentibus.

IN PARTE SUPERIORI

- A. *Ventriculus est Hystricis.*
- B. *Duodenum, quod pro ventriculo quarto haberi posset.*
- C. *Splen major.*
- D. *Splen minor, qui ventriculo circa medietatem firmiter annectitur & in parte inferiore circa E. cohaeret.*
- E. F. G. *Ileum.*
- H. *Cacum.*
- I. I. *Colon.*
- K. *Auris externa humana similis.*
- L. *Dens hystricis major in crassitie naturali.*
- M. M. *Parastata.*
- N. N. *Testiculi.*
- O. O. *Prostata.*
- P. *Vesica.*
- q. q. *Ligamenta testiculos comprehenduntia & ad coxas abeuntia.*

r. *Epididymis à testiculis separata.*

Q. Q. *Portio cutis, quæ in parte interna picta videtur, eo quod in ejusmodi cavitate corrugata est.*

R. *Spina è trunco hystricis.*

S. S. *Renes.*

T. *Ren succenturiatus dexter, immediate vena cava & emulgenti annexus.*

V. *Ren succenturiatus sinister, reni majori immediate coharens & jilis vasculosis emulgenti annexus.*

X. X. *Duo uteri cornua.*

Y. Y. *Testiculi hystricis fœmina.*

Z. *Vesica.*

φ. φ. *Ligamentum uteri latum.*

Γ. *Ren succenturiatus per medium dissectus.*

Δ. Δ. *Testiculi erinacei maris, corpori seu abdomini, ut communiter in aliis animantibus fœminini esse solent, inclusi.*

α. α. *Epididymis.*

β. β. *Parastata.*

γ. γ. *Prostata.*

ε. ε. *Membrana quadam carnosa cremasterum vices gerentes.*

ζ. *Membrana transparent.*

θ. *Vesica.*

Ω. Ω. *Membrana in Erinaceo mare ligamentis uteri latis similes. Crassa autem sunt & à membrana ζ. differentes.*

Π. Θ. Θ. *Vasa spermatica preparantia.*

Λ. Λ. *Lingua hystricis.*

TAB. XXXVI



LIBRARY



SECTIO XLI. DESCRIPTIO ANATOMICA TALPÆ

D. Georgii Segeri

Ex Miscell. S. R. I. Acad. Nat. Cur. Dec. I. Ann. II.

Obf. 57. pag. 114.

ANno 1652. die 26. Junii sequentia notavi Hafniæ in talpa masculino dissecto: Ventriculi orificium sinistrum, quod vulgo superius vocant, internè, qua cavitatem spectat, circumdedit circulus quidam fibrosus, procul dubio ad illius constrictionem arctiorem faciens; ast in dextro orificio, seu janitore, linea illa transversa, cujus mentionem facit *Severinus in Zootom. part. 4. 316.* non apparuit; & hæc sic esse, iterata sectio alterius talpæ confirmavit. Erat autem ventriculus succo nigricante repletus. Intestina, recrementis atris hinc inde referta, & potissima sui parte uniformia erant, ita tamen, ut ante suam in anum insertionem, ad distantiam fere spithamæ, iis adhaereret vesicula quædam inanis, ex multis quasi minutissimis conglomerata, cujus membranula flatum quidem admisit, non tamen emisit. In alio autem subjecto loco memoratæ vesiculæ glandula, crassiori tunica prædita, apparuit, qua rupta excrementa effluerunt. Videntur hæc vices intestini cœci, quod *Severinus* talpis denegat, supplere. Ceterum omnium intestinorum longitudo non excessit duas ulnas integras & tres quartas partes ulnæ Hafnienfis. Hepar in quatuor divisum erat lobos. Huic annexa vesicula biliaria vix conspicua erat & inanis: secus ac in alio subjecto, in quo copioso liquore subviridi referta observata. Renes pro exiguitate sua cavitatem habebant satis magnam. Testiculi a lateribus vesicæ in infima abdominis cavitate latitantes

lutei, non nigri, ut *Severinus* notat, apparebant. Pulmonum lobi quinque numerabantur. Membranæ cerebri crassæ & in superficie exteriori omnino nigre visæ. Oculi beneficio aliquot fibrarum membranulæ subjacenti firmissimè annexi, & toti nigri, seminis psyllii magnitudinem non excedebant, ut optime notavit *Severinus l. cit. p. 317.* Iidem dissecti nullum emittebant humorem. Neque tamen illis omnem videndi facultatem cum *Aristotele hist. anim. l. 1. c. 9. Plinio hist. nat. lib. 30. c. 3. & Alberto magno de anim. l. 22. Tr. 2.* denegandam esse censeo, cum Natura, nihil faciens frustra, non tantum oculum formaverit & sibi debito reposuerit loco, sed & ipsam cutem exteriorè regione oculi ad istius magnitudinem exactè perforaverit. Quæ cuncta Talpis vel ad lumen duntaxat evitandum (ut *Scaliger Exerc. 244. sect. 1. p. 705.* argutè differit) visum aliqualem concessum esse evincunt. Auriculas externas nullas habebat, nonnisi in quolibet latere foramen patebat, cui annexus ductus cartilagineus, qui ad ossis usque petrosi cavitatem protensus, isti plurimis fibrillis membraneis annectebatur, cavitare pennam columbinam majorem æquans, longitudine vero pollicem transversum excedens. Quinque tandem digiti in pedibus, tam anterioribus quam posterioribus, satis erant conspicui. Unde, notante quoque *Gesnero de Quadruped. lib. 1. cap. de Talpa p. 932.* male istis quintum digitum denegat *Albertus loc. cit.*

ALIA ANATOME TALPÆ,

D. Güntheri Christoph. Schelhammeri,

è Miscellan. S. R. I. Acad. Nat. Cur. Dec. II. A. 1. p. 323.

UT ab externis integumentis ordiamur, 1. Pellis hujus animalis durissima est, & plane nervea, ut, nisi acutissimo cultello, vix cedat. Cujus rei præter ipsam pellis nervosiorè substantiam hæc esse causa

mihi videtur, quod, cum animal sit frigidius, & sub terra in locis frigidis degat perpetuo, exhalationes è corpore paucas & rariores emittit, ideoque poros ipsi longe minores in pelle, quam majoribus animalibus esse, verosimile

simile sit. Frigus autem, ne per hos subrepat promte nimis, & viscera interna lædat, erat cavendum naturæ. Qua de re etiam pilos ipsi tenuissimos & ob hanc tenuitatem quovis serico molliores esse videmus, in id, ut frigus repellant. Nec dubium fieri adeo tennes, quia poruli, ex quibus ipsis enitendum est, tenuissimi sunt; video enim illis animalibus, quibus circa os setarum more crassiores excreverunt, ut feli ac lepori, poros ibi & longe majores & conspicuos plane esse, in aliis partibus minores. In lepore præterea (ut obiter hoc) ubi eorum origo est, folliculam humore albo plenum semper reperio, satis amplum, quale quid in capillis etiam humanis quandoque occurrit; & quidem visum est mihi in iis, qui lue Venerea laborant, turgidiores hos esse, quod tamen an semper ita sit, certum non scio. Sed præter hoc aliud æque novum hic circa pellem talpæ occurrit. Nam

2. Carnosus panniculus adeo firmiter adnexus ei est, ut innatus videatur, separari enim, nisi radendo, eum non licet, quod præterquam, quod motum pelli conciliat, apprimere etiam ad frigus excludendum valet; est enim substantia hæc carnea, ut in minoribus animalibus solet, longe etiam quam in majoribus densior & compactior, ob fibras minores, ac tendinosiores.

3. Post hunc panniculum in conspectum sese dabat membrana tenuissima ac pellucida, universum abdomen, una cum thorace, involvens, quæ tota sine dilaceratione inde poterat avelli, &

4. Sub hæc demum musculi latebant, ut recte hanc communem musculorum fortassis appellaveris. Sed quem in finem ei superaddita sit, haud ita facile dixeris, poterant enim frigori parcendo, quæ modo dicta, sufficere: videretur voluisse pellem omnino à musculis separatam natura, quo magis sit mobilis, cum aliis de causis, tum ea etiam, ut pedes, qui pene toti sub cute sunt abditi, moveri expeditius possent; circa horum enim posticorum inprimis superiores partes etiam in aliis quadrupedibus pellis laxius adhærere conspiciuntur, in hoc autem breviori animali, pene totum intercutaneum spatium ad motum instituendum requirunt, ut mox patebit.

5. Musculi inferioris ventris erant omnino bini, fibris in longum protensis, ut recti in nobis, constantibus, sed latiore, in membranam substantiam tandem degenerantes, quæ peritonæo firmissime adhærebant. Hic, cur obliquis fibris præditi huic animali desint, velim intelligere ab illis, qui statuunt vel ad respirationem vel exclusionem excrementorum eos majoribus datos: quæ nemo huic animali necessaria esse negabit. Sed hoc alibi do-

cebimus, ne nimium hæc epistola exerefeat. Interim videntur hi longitudinales simul transversorum officio præesse, qui revera, & uni- ce abdomini ad fæces excludendas dati sunt. Secus enim hic se res habet ac in homine, qui cum ventrem breviorē nactus sit, & confideat ad hoc naturæ opus, ejus in latitudinem seu potius profunditatem coarctationem requiebat. At hoc animal dum excrementa excludit, longiorem ventrem versus pectus contrahit, quo fiat brevior, & altius diaphragma possit impelli, quod ipsi cum canibus aliisque quadrupedibus plurimis commune est. Rectos autem musculos in eum finem datos, fibræ ejus docent, quod nemo non videt, qui in hac doctrina hospes non est. Sed ad ipsa viscera tandem accedendum est.

Itaque in infimo ventre notavi

6. Intestina, quæ omentum, (quod multis animalibus deest) contegebat, non in tenuia & crassa dividi, sed unius crassitiei ad finem esse, nisi quod extrema pars recti amplior sit, sed cellulis, ex initio ad finem omnia plena, quod ad chyli retardationem factum, uti in ipso etiam homine tenuia quoque remoris ejusmodi non carent; quod vulgus Anatomicorum ignorat. Doleo me in observationibus meis non reperire, qualia fuerint quæ his continebantur excrementa, suspicio enim est, omnia animalia crassis intestinis destituta liquidiora excrementa red- dere.

7. Ventriculus latus sinistrum occupabat, sub eoque lien erat: Hepar vero non dextrum tantum, sed totam superiorem partem ventris implebat. Idque perpetuum esse reperio, ut huic ventriculo cedat, nec aliter fieri potest, quam ut à majore jecinore is in sinistrum latus derrudatur, quod in homine nonnunquam etiam occurrit, sed non semper. Ubi tamen repletus ventriculus est, non potest non, hepate non cedente, sinistrum versus extendi, quod Practicis notandum. Jecinore autem majore gaudent omnia volatilia; fortassis quo lienis defectus erat compensandus, ne sanguis non satis comminueretur, id quod notatu dignum esse etiam existimo. Erat autem figura ventriculi & insertio œsophagi ferè talis, qualis etiam in sciuro aliisque occurrit: In orificio vero dextro, seu pyloro erenam observabam, veluti si filo esset constri- ctum. Facta videtur hæc insertio in medio, quia nec œsophagum à vertebra dorsalibus secedere par erat, nec ventriculum in medio collocare licebat, adeoque ejus pars altera sinistrorsum erat amandanda: itaque hæc insertio commodissima erat. Interne totus rugosus erat stomachus & substantiam continebat quam lumbricos terrestres fuisse patebat. His enim atque aliis vermiculis subterraneis vivit hoc

hoc animal, in eumque finem cum terram fodit, tum & rostro attollit ac disjicit, sic enim accuratius venari lumbricos & ex latibulis extrusos deprehendere potest. Quod facit mane ac vespere potissimum, cum fames tunc urgeat: post pluviam vero jugiter, quia tunc odore facilius percipit eos, & terra laxior est, ut vel levi impetu verti possit.

8. Fel in vesicula sua contentum manifestam dulcedinem cum amarore conjunctam habebat, id quod ego quidem in omnibus animalibus ita esse reperi, & quoties aliis gustandum præbui, assensum suam nemo denegavit: ad quod non advertitur vulgo; quid vero ea de re sentiam, itidem singulari dissertatione aliquando exponam.

9. Sub intestinis in mesenterio corpus glandulosum insignis magnitudinis conspexi, ita ut crassum intestinum referret, quod ex glandulis lacteis in unam congeriem hic congestis constare existimo; erat enim conglomeratum.

10. Reni etiam utrique candidissima adiacebat glandula, quam examinare accuratius tum non licebat. Sed in ipsis renibus illud quoque notari merebatur, triplicem eos substantiam præ se ferre. Externe enim limbus sanguineus lienem colore referens apparebat, altera striis perpetuis ab hac parte decurrabat in pelvim, tertia pelvis erat ipsa, quatuor carunculis prædita. Et hæc quidem data occasione curatius examinari meretur, interim paret facile, quæ sit diversitatis hujus ratio. Est enim sanguinea prior substantia, in quam sanguis effunditur & è sero separatur. Striæ vero albicantes sunt tubuli, per quos in pelvim refluit, ut vel hoc exemplo discas, quantum animalium sectione doctrina partium illustretur; hic enim, quod in majoribus non licet, strias à *Malpighio* è tenebris erutas manifeste licet cernere.

11. Sed omnium maxime mira circa genitales partes occurrebant. Nam 1. penis intus pene totus, ut solet animalibus, absconditus, longissimus erat, ut dimidium fere totius animalis æquaret. 2. Testes non propendentes, sed sub cute, magnitudine renes superabant. 3. Parastatæ non modo ad testes adhærebant, sed cum ipsis capiendis non sufficerent, singulari sacco insuper eximia earum pars erat inclusa qui ex fibris carneis constabat; ex quo sacculo demum vas seminale prodibat. 4. Corpora extus carnosæ manifestæ, indeque rubicundissima; intus nerveæ, canali nerveo durissimo prædita, qui longe ante vesiculas seminales in penem seorsim inferebatur. Porro 5. circa vesicam, quæ crassissima, rugosa, nervea, aliud occurrebat globosum, carneum parte exteriori, interiore nerveum in ipso penae situm, in quod cum ex vesica aditus erat,

tum etiam vasa semen deferentia terminabantur, ex quo prostates esse patebat. Sed post hanc demum insertionem ex dictis corporibus rotundis canales illi nervei seorsim in penem abibant. Ita se habebant hujus animalculi genitales partes, in quibus tantum apparatus haud immerito admireris. Cum enim reliquis præter testes valde mediocres, cujus parastatæ appendiculæ sunt, & glandulas prostates vesiculasque nihil natura dederit, huic & maximos illos, & parastatas amplissimas, & reliqua, & insuper novum corpus seminale ab his diversum ac separatum, novis ductibus instructum concessit, penem etiam facile omnium, ni fallor, animalium longissimum. Ex his colligere est, maximam præ omnibus reliquis animalibus voluptatem in coitu hoc abjectum & vile animal percipere, ut habeant quod ipsi invideant, qui in hac supremas vitæ suæ delicias collocant. Cum primis vero considerari dignum, omnes has partes carnosæ tegumentis muniri, ex quo manifestum sit, contrahi eas atque sic seminalem materiam propellere: ne vero sistatur, nervosæ sunt viæ ac cedere nesciæ, quæ trajicendæ sunt, alias facile impressione in latera facta, via illa elanguesceret, ut ad partes destinatas pervenire semen nequiret. Ubi mirari subit, neminem Anatomicorum advertere, etiam in nobis semen omnino pulsione, undecunque demum illa pendeat, protrudi in urethram, eaque tanta, ut extra penem longe prosiliat, quod sine maxima vi ac singulari fieri non posset. Antiqui ex turgescencia seminis esse & spiritu statuerunt. Verum hoc tam vanum est, ut nihil magis. Quicquid enim turgescit aut spiritu agitur, ebullit lente, nec projicitur, sed intumescit tantum. Ad hoc longe aliter fit in seminis ejectione, imo manifestis subsultibus cum extolli urethram, tum recurrere, deprehendere licet, idque repetitis vicibus: quod turgescencie adscribere ineptum est, sed manifesto declarat, impelli aliquo cum impetu tantam seminis copiam, ut spatium non inveniens eam distendat, sicut à corde propulsus sanguis arterias. Itaque in suspensionem venio, circa partes genitales nondum omnia nos habere explorata, sed superesse adhuc aliquid, quod semen cum impetu propellat: Certum enim est, in corpore nihil tractu, omnia pulsu fieri, uti dudum accuratiores Philosophi demonstrarunt. Quid vero illud sit, dispiciant illi, quibus in humanis cadaveribus omnia exquirere felicius concessum est. In hoc animalculo quid sit, in aperto est, & cum nihil in corpore nostro præter musculos moveat quicquam, idem hic fieri ego quoque existimo, erectores tamen penis esse, nequaquam credo. Sed de his satis. Deinde ex his omnibus mihi videtur lux affulgere contro-

versæ, quæ inter *Regnerum de Graf & Svamm-merdammiu* agitari cœpit, an una eademque sit seminis materia, an vera triplex. Cum enim hic scorsim ex variis locis materia confluat, idque per ductus separatos ac distinctos, manifestum est, hic saltem variam materiam, & semen non unum effundi in coitu. Quod cum hic potius quam alibi conspicuum, aut quare quadruplex hic, cum alibi triplex, sit officina sanguinis, Doctoribus expendendum relinquo: ad reliqua propero.

12. In pectore pericardium aut mediastinum nullum repertum est, sed cor in sinistrum latus devolutum, pulmone in dextro collocato, idque, quod mireris, infra Cor. An in hac una talpa id præter naturam ita factum sit, nescio; interim causa hujus non patet. Pulmonum autem non degeneraverat natura, quin & sub terra aër est, per rimulas & ab ipsa factos aditus penetrans.

13. Ex corde prodiens vena cava, non ad dorsum, sed per mediam pectoris cavitatem suspensa & undique libera pertransibat ad hep. Post pectoris examen forte fortuna ad pedes respexi, ubi artificium singulare etiam animadverti. Cum enim, ut antea dictum, non nisi extremus pes extra cutim promineat, latus & digitis instructus, brevibus illis quidem, sed robustis & ad motum compositis, & quibus nec ungues ad terram fodiendam desunt, omnes tamen reliquas partes intus sub cute absconditas reperi. Post pedem enim proprie dictum duplex est os, quod radium & cubitum nominandum esse patet. Sed loco humeri latum os est triangulare, ne comprimatur rotunditate sua quod subjacet; scapulæ vero loco, quia in latitudinem se extendendi spatium deerrat, os longum satis, quod cum scapula alterius lateris fortissimo liga-

mento in dorso necebat. His inserviebat musculorum ingens numerus, quos describere operæ pretium non putavi. Glandulæ etiam cum maximæ, tum numerosissimæ occurrerant, ita ut nullum animal, pro ratione magnitudinis, tot ac tam magnis abundare existimem: atque hæc fortassis ad motum intricatim facilitandum hic collocatæ sunt, effundendis continuo humoribus: sunt enim in unum congesta, quæ alibi longissimè extra cutim excurrunt.

14. Ultimo cepit animum lubido in organon auditorium inquirendi. Ossicula hic reperi minima, cavitates minimas, tympanum tamen non deerrat; aurem externam non habet, cum è longinquo colligit radios auditórios non hic necessum, audit tamen satis exquisitè quæ propinqua sunt. Sed de his clarius in tractatu de auditu, propediem lucem visuro, acturi sumus: Meatus auditorius cartilagineus, flexilis, satis longus.

15. Sed de oculis, inquis, nihil. Equidem nihil, cum nullos reperi. Rudimenta oculorum conspexi, non oculos, punctulum scilicet nigrum, durius vero, & in fallor solidum; cui nullum cum cerebro commercium est, sed totum externum est, & sub cute latet, uti dixi, densissima. His non videt: nec poterat sub terra. An vero lucis radios aliquantulum percipiat, sciri non potest, nec interest. Contrarium tamen demonstrat *Bidlovius* in *Tr. de Oculis & visu diversorum animalium*.

De Larynge & aspera arteria statim in principio divaricata, cum ramis (ut in Testudine terrestri) inflexis, vid. *Severinus in Zootomia Part. IV. pag. 316*. Figuram vid. in TABUL. de Test. terrestri.

SECTIO XLII. DESCRIPTIO ANATOMICA CUNICULI,


D. Nic. Stenonis,

è Thomæ Bartholini Epist. Cent. 4. Ep. 26. pag. 111.

IN cuniculis Autor modo dictus potissimum in partem ultimo morientem inquisivit, de quo ita: Namque cavæ quidem motum omnium esse postremum, in quatuor, quos inde secui, cuniculis observavi, fibrarum autem cavæ motum in eorum nullo notare contigit. Sed & hoc cuniculis peculiare, quod ut aviculæ cava, qua ramum descendente pulsabat, sic in illis soli ascen-

dentes rami se per intervalla constringerent. Ascendentium autem sinister in cuniculis à cava proxime supra auriculam exit & hinc transversim ad basin cordis sinistrorsum tandem recta adscendit: atque ita ad auriculam dextram tres cavæ rami confluunt, descendens puta & ascendentium uterque, aut si secundum sanguinis motum describenda vasa, descendentium uterque cum ascendente, qui tantum

fig: i



Fig



fig: 2




fig: 2



fig: i

tantum unicus &c. Inelytus vero Gualterus Needham, Anatomicus Anglus, in *Disquit. sua de Formato fœtu* TAB. III. Cuniculi catulum ex utero desumptum, cum omnibus membranis suis & placenti eleganter exhibet, ut in parte superiori TAB. nostræ XXXVII. videre licet, ubi in

FIG. I.

- A. est corpus glandulosum Eberhardii, quod factum uteri connectit.
 B. Placenta cunicularis, quam ille duplicem representat, ob fissuram, quam in medio habet & cotyledones sive carunculas vocat.
 D. Vasorum super chorion sparsorum truncus, qui funiculo in E. jungitur & cum eodem umbilicum perforat, placenta prorsus neglecta.
 a a. Ejus divaricationes in chorio.
 E. in funiculo est locus coitionis inter funiculum & vasa prædicta, item ubi vasa umbilicalia d d d d. dividuntur & ad placenta latera progredientia spatium pyramidale constituunt, membrana utinaria destinatum.

EEEE. Extra funiculum est portio membrana quarta, quæ vasis omphalo-mesentericis inservit, à chorio libera.

FFFF. Est lanugo illa super membranam prædictam, quam ego chorion voco.

FIG. II.

- A. Corpus glandulosum, una cum placenta, ut prius.
 C. Vasorum, quæ in priori figura super chorion spargi dicuntur, trunci extra situm.
 D. Locus coitionis in funiculo.
 E. Vena umbilicalis ad hepar tendens.
 FF. Vasa omphalo-mesenterica, quibus vasa C inserviunt & ipsorum partes sunt, ad mesenterii glandulam tendentes.
 GGG. Intestina.
 h. Ventriculus.
 i. Hepar.
 K. Vesica, quam utrinque stipant d d. arteria umbilicales è ramis iliatis.
 ccc. Spatium pyramidale, sive membrana urinaria.

FIG. III.

Corpus glandulosum separatam à placenta. Conferatur & Marcus Aurelius Severini, in *Zootomia Democrit.* pag. 237.

SECTIO XLIII.

DESCRIPTIO ANATOMICA
GLIRIS,

Ex Observationibus Anatomicis G. Blasii.

PRÆTER PERICARDIUM (quod alibi plane abesse dixerat) subtilissimæ & vix visibilis consistentiæ & cartilaginis ensiformis miram structuram in TAB. 38. Fig. 2. notam merentur

GENITALIA,

Varia hæc, quibus semen, aut ipsi analogæ materia, aut elaboratur, aut saltem detinetur. Horum primum, vasis spermaticis unitum, Testis, ex variè conglomeratis fibrillis (quas cavas *Græfius* aliique dicunt) imprimis constans, arteria singulariter per exteriora substantiæ ejus gyroso ductu, antequam ad interiora transeat, distributa, facile separabili gaudens.

2. Epididymis, tortuosam itidem faciem exhibens, longitudinis insignis admodum; habetur hæc fibrarum dictarum Testem constitutum continuatio.

3. Epididymis extremo illi quod est à teste remotius continuatum, vas deferens vocari so-

litum, ad ventris interiora procedens; ubi ad latus meatus urinarii occurrit

4. Vesica ampla, cornu quasi exasperatum atque variè contortum referens. Hæc iterum ductus subtilioris faciem adsumens gyroso quodam cursu urethram accedit, eo, quo vas deferens altero extremo exceperat.

5. Capsula exigua pyriformis, musculis penis incumbens & in urethram patens. Materiam hæc continet tenuiorem, minus albam, similiter ac locus

Sextus, glandula sat magna, manifesto foramine, circa præputii externi extremitatem, interius prædita.

PENIS

Non tantum nervoso corpore duplici constat, urinatioque meatu, sed & ossiculo singulari, similiter ac in cane notamus, antèrè leviter incurvato; tegitur hoc præputio quodam membranaceo, quod internum nominare placet, cum externum adhuc aliud ad sit cutaneum.

EXPLICATIO FIGURARUM

TAB. XXXVIII.

IN PARTE INFERIORI

Loco Gliris ob oculos ponitur *Mus Norvagicus*, è Museo Reg. Dania.

IN PARTE SUPERIORI

FIG. I.

Ventriculus Gliris cum intestinorum tractu traditur.

FIG. II.

Genitalia Gliris exhibet è *Blasio l. c.*
ubi

- A. est Vesica urinaria.
- b. Vesicula seminalis utraque.
- c. Anfractuofus Vesicarum progressus in d. urethram, quæ etiam musculosa est.
- e. f. g. Musculi tres.
- h. Preputium retractum externum.
- pp. Vas deferens transiens ad K. Epidid.
- l. Epididymis.
- m. Ejus extremum testi nexum.
- n. Testis & in eo
- o. Arteria variè flexa.
- qqqq. Glandula. r. Glandula in preputio. t. Minima capsula circa vas deferens.

FIG. III.

Sceletus est *Muris Norvagicus*
è *Mus. Wormiano.*

- a. Dentes anteriores falcati sup. maxilla.
- b. Dentes anteriores inferioris maxilla falcati.
- c. Lingua crassa satis & magna.
- d. Dentes molares.
- e. Apophysis triplex inferiori maxilla nexa.
- f. Scapula.
- gg. Pedes anteriores, in quibus digiti quinque totidem aduncis & acutis unguibus armati sunt.
- h. Dens unus anterior ex alveo exemptus, ut radicis longitudo appareat.
- i. Dens molaris primus, latissimus, ex 4. quasi compositus.
- k. Huic vicinus ex tribus quasi constans.
- l. Ultimus ex duobus.
- m. Ossa auditus circulo inclusa.
- n. Costæ utrinque quatuordecim.
- o. Vertebrae lumbares ad caudam usque duodecim
- p. Ossa ilii.
- q. Os femoris triplici nodo constans, ut ossi ilei jungatur. r. Penis ossi ilei membranula adhærens.
- s. Patella in genubus.
- t. Ossa cruris fracta, per callum consolidata.
- u. Pedes posteriores cum digitis & unguibus.
- x. Cauda.

SECT. XLIV.

ANATOME

MURIS MONTANI
& MURIS NORWAGICI




Priorem, sc. *MURIS MONTANI* anatomem *D. Johannes Jacobus Harderus* quondam in epistola quadam ad *D. Waldschmidium* Prof. Marpurgens. data conscripsit & abhinc *Miscell. S. R. I. Acad. Nat. Cur. Dec. 2. A. 4. Obs. 122. pag. 237. seqq.* inseruit: Anno 1682. in thermis Fabariensibus Venator loci, qui nuper Rupicapram attulerat, murem alpinum vivum adhuc donavit, auriculis ursi, colore leporis oblongiusculo, ceu quoque pedum digiti sunt, magnitudine cuniculi.

Ventriculi & intestinorum facies Porcelli Indici fere similis erat: Simplex ille fuit, tenuis membranaceus, à cujus sinistris Lien rubellus, longiusculus, teres, à dextris vero hepatis quatuor lobis conspicuum, cujus cavum cystis fellea occupavit. Mesenterium pingue, cujusmodi pinguedine etiam capsula atrabiliaria infarctæ erant. Renes phascolum perbellè imitabantur. Ovarium elegans. Cor

cum pulmonibus, uti in aliis hujus generis animalibus.

Anno sequente, urgente brumæ sævitia, allati nobis fuerunt ex Vallesia musculi duo dormitantes & in seipso prorsus revoluti, ut instar pilæ, quocunque libuerit, illos volutare licuerit, respiratione manu abdomini adhibita vix perceptibili: Paulatim tamen in loco calido detenti per corporis blandam expansionem vitæ indicia exhibuerunt & quod adhuc magis oculos recreabat, post meridiem in camera lucida Solis radiis expositi alacriter revixerunt & discurrerunt: iisdem vero recedentibus paulatim ad pristinum morem obdormierunt. In utriusque sectione præter modo nominatas partes plurimas glandulas, mammarias æmulantes, in dorso, cervicem versus, conspicati fuimus.

Posterioris, sc. *MURIS NORWAGICI* descriptionem paucis dedit *Oliger Jacobæus*, in Museo Regio Hafniensi Sect. I. p. 6. *Mus Norvagicus* (inquit)



(inquit) *Leming* dictus, nubibus quandoque decidere & sata ac gramina depascere vulgo fertur. Historiam ejus peculiari Tr. contexit olim *Celeb. Olaus Wormius*, quem & *Museo* suo inseruit. Credibile interim est vulgari maris & foeminæ copula generatos esse mures memoratos & ex montium fastigiis vi procellarum alio translato, imprimis, cum asserente *Olao Magno* in ventriculo herbæ crudæ nondumque subactæ reperiantur, quamprimum deciderint: vel forsan decedente pluvia è latibulis compestribus copia majore prorumpunt, ut ranæ, lumbrici, cochleæ &c. Firmat quoque sententiam hanc assertum *Wormii*, qui nunquam in tectis & culminibus domuum, sed saltim in mollibus arvis & pascuis vidit. Sic & ranæ, quæ sæpe cum pluvia decidere pu-

tantur, apertæ stomachum exhibent cibis distentum. Notavit quoque hoc olim *Theophrastus Eresius*, in fragmentis libri *περὶ τῶν φαινομένων ζώων*, seu de animalibus subito apparentibus.

Alias figura soricem aut murem repræsentant, nisi quod cauda sit minor. Longitudine est unciarum quinque, dantur tamen majores & minores. Maculis crebris interstingitur. Caput acuminatum: os cingunt pili multi, cujus labrum superius scissum, ut in sciuris. Lingua pro ratione oris magna. *Th. Bartholinus* in eo, quem secuit, in faucibus ramenta palearum invenit; unde *Wormius c. l. p. 323.* colligit eosdem ruminare. Plura apud laudatum modo Autorem.

SECT. XLV.

ANATOME
MURIS INDICI,

Marci Aurelii Sever. in Zootom. p. 328.

Muris Indici fellea vesica exerta est ab hepate, peneque est inanis: Ventriculus ipsi & gliri consimilis.

Cæcum intestinum quadruplo majus ventriculo, sed agnina forma: Ventriculus sub colo ferme alter: Intestina numerosa 15. circiter pedes longa.

Intestina latiori ambitu quam par est.

Hepar sane magnum, septem fibris distinctum, cum in summo cava exilit, veluti cisternæ fons amplius, qui mox tamen angustatur.

Lien parvulus in longum ventriculo incubans.

Renes lenticulati figura, cavitate insigni, vicini satis.

Incumbentes ipsis glandulæ binæ colore pallido: Dextra emulgens conserta reni, quem admodum feli domestico.

Uterus, quantum caperet minimus noster digitus, amplius in primo ductu, mox vero angustatus ac compressus in duo cornua longiora desinit, quorum in summis finibus appensi testes parvuli, cum varicosis parastatis.

SECT. XLVI.

SCIURI

ANATOMIA

Ex Actis Hafniensibus

hauriri poterit & è TAB. XXXIX. ubi loco Sciuri vulgaris in PARTE INFERIORI Tabulæ sistitur Sciurus Indiæ Orient. eleganter striatus.

IN PARTE SUPERIORI

- Fig. 1. exhibet Ventriculum cum intestinis*
2. Lienis structuram singularem.
3. Cerebrum ejusdem & Cerebellum.

SECTIO XLVII. DESCRIPTIO ANATOMICA MARTIS

è Marci Aurel. Severini Zootomia p. 317.

Sub cute fibræ nervæ extensæ, numero & situ costis omnibus respondentes. Costæ autem num. 14.

Membrana nulla carnosæ : Musculi abdominis inter duas peritonæi tunicas; ideo videtur peritonæum crassum & densum, non minus quam cornea tunica oculi bovini. In longitudine per eam lineam, quæ responderet umbilico, carnosum erat, sed non late & infima sui parte.

Omentum ventriculo inferno annexum intestinis & lieni, sed lien parvulus satis parte sinistra ventriculo appensus, omenti parte adalligante.

Ventriculus amplior, quam pro pusillo corpore, constans duplici tunica, sed externa albidior & lævigata interna, utraque tenuis.

Intestina retrorsum annexa spinæ per membranam.

Nullum cæcum intestinum, uniformia omnia.

Vesica urinaria oblonga, tenuis, sed ventriculo magis recto intestino incumbens.

Hepar septem fibris constans, quarum infima quædam trifida, velut pes pulli, media sic triangularis figuræ, venæ cavæ per membrulam parvo spatio annexa.

Ren dexter superior.

Emulgens sinistra longior quam dextra, utraque ab arteria magna enascens, à vena cava non item: Dubius tamen sum & nescio, num per injuriam non observaverim.

Ad cavam venam hinc & hinc glandulæ subrubræ seu flavæ, sed dextra superior annexa hepatis per venularum furculos. Vena

cava multos spinæ ramos mittit per lumbarium musculorum intercapedinem, sic & magna arteria cavæ subdita.

Vasa spermatica à renum medio descendunt, sed parte ima finduntur utrinque; quorum alter ramus continuus testis fit, abdomen extra pervadens.

Penis à ligamentis coccygis nascens cartilagineus & durus instar ossis, summa sui parte contortus ut terebella; amictus sua tunica, quæ juxta sui principium valide adhærebat, in extremo perforatus, ut acus: Ureter dexter insertus vesicæ superius, quam sinister, nervus subtilissimus descendit rectus adalligatus dextero lateri cavæ venæ, inferens sese in principium cavæ. Nervulus item alius latere sinistro descendit ad orificium superius œsophagi.

Diaphragma ad fines hepatis oblique descendens eadem illi parte connexum.

Inferitur vena cava in dextrum ventriculum cordis, prope auriculam dextram, quæ nigra & plena sanguine, major quam sinistra; hæc autem alba & exsanguis.

Eadem cavæ varie in pulmonem conspergitur parte dextra.

Arteria magna inserta in sinistrum ventriculum, dum se contorquet ac flectit ad inferiora: Vena cava dextrorsum pulmonem parum supergressa sese contorquet & divaricatur in sex ramos, fitque ἀρῶνος, ascendit eadem superne ad utramque mandibulam inferiorem.

Pulmo dextrorsum quatuor constat fibris minoribus, sinistrorsum duabus majoribus.

SECTIO XLVIII. DESCRIPTIO ANATOMICA CROCODILI

P. P. Jesuitarum

Ex Observationibus Physico-Mathematicis è regno Siam ad Acad. Reg. Scientiarum Parisios missis, hicque A. 1688. impressis: prout recensentur in Act. Lips. Suppl. Sect. VIII. p. 404.

PRæter capturæ rationem, Siamensibus Siamensis capti) singulæ secundum longitudinem, crassitiem, situm, figuram, colores &c. referuntur:


fig. I.



fig. II.



fig. III.



Lion sciuri fig. III.





referuntur: facta hinc inde diligenti à *P. Gouye* collatione eorum, quæ Academiæ Regali similis subiecti lectio diversa ostendit: quam quoniam proluxa & accurata narratione propediem à laudata Academia editum iri fidem nobis facit memoratus *P. Gouye*, tanto brevioribus hic nobis esse licet.

Notatur autem Anatomicis nostris inter alia error *Thevenotii*, in *Itinerario Orientis Part. I. lib. 2. pag. 784.* linguam Crocodilo denegantis. Deprehensus etiam iisdem videtur (vulgo creditus) maxillæ superioris motus: ex cuius tamen structura & cum cranio conjunctione idem non alius *P. Gouye* censetur, quam qui maxillæ cum cranio communis est; cuius etiam iudicio Crocodilorum respiratio non periodica est & regularis, sed ranarum, testudinum & salamandarum respirationi gemina. Curiosissima autem est in specie structura Cordis in Crocodilo, cuius Anatomem è *Tom. II. Msc. de anim. in Acad. Reg. dissectis* extraxit *Dn. du Verney* & cum alia recentiori Actis Acad. Regiæ, vulgo *Memoires de l'Academie Royale Anni 1703. pag. 474. & seq.* inseruit, quæ è Gallico in Latinum versa ita se habet: Cor situm suum inter duos lobos hepatis habebat: id quod de parte ejus inferiore intelligendum est, superior enim inter pulmonum lobos absconditur. Habebat id duas auriculas valde magnas, quarum dextra tamen major erat, cum plus sanguinis recipiat, quam altera, hincque sanguini illi non tantum per truncum principalem venæ cavæ ascendentis & per jugula-

res infunditur, sed & per axillares, quæ auriculam sinistram non ingrediuntur, quæ nil nisi truncum parvum venæ cavæ ascendentis, & neque jugulares, neque axillares habebat. Quamvis autem sanguis per diversa vasa se effundat in duas has auriculas, permiscetur tamen hic sibi prius, quam in cor deducatur, quia binæ hæ auriculæ communicationem inter se habent, antequam se in cavitatem cordis aperiant. Hæc cavitas seu ventriculus cordis erat unicus fibrisque repletus, imo columnis quasi distinctus, quæ inter se spatiola angusta satis relinquunt & mille quasi anfractus efformant. Aorta erat duplex, eadem ratione, uti vena cava. Duo sc. trunci è basi cordis assurgebant, à se invicem discrimine quodam distincti. Quilibet horum truncorum se in tres ramos dividebat. Duo horum ramos, pulmones permeantes, se reuniebant abhinc, ut truncum aortæ descendentem efformarent. Duo reliqui utrobique binos ramos de se projiciebant, qui axillares & carotides formabant & reliqui duo se in pulmones insinuabant; quæ distributio vasorum cordis valde similis est illi, quæ reperitur in Testudine.

NOTA. In Secunda descriptione Cordis Crocodili, quam Observationibus Physicis & Mathematicis *P. P. Jesuitarum de Siam* addidit & c. l. repetit, cordi crocodili tres ventriculos adscribit, qui tamen per cavitates distinctas s. interstitia unius ante allegari quasi efformantur.

SECTIO XLIX.

DESCRIPTIO ANATOMICA
LACERTI,

è *Marci Aur. Severini Zootomia p. 326.*

DE Chamæleonte, quot & quæ sint ejus partes, scripsit *Democritus*. De lacertæ erga hominem sympathia scripsit *Roterodamus*. Ergo indigna non est lacerta, cuius Anatomie describatur à nobis.

Habet lacerta costas, sicut & quadrupes quodcunque, quamvis revera cartilagineas, uno modo colligatas.

Habet pulmonem bifidum oblongis fibris. Diaphragma nullum observatur.

Omentum nigrum, ut plerisque piscibus.

Hepar hujus figuræ: præruptæ scilicet rupis instar, à cuius summa fibra ascendit cava vena ad cor, pericardio suffulta, ut videtur.

Idem cor alligatum pluribus ligamentis dextrorsum, duobus ad latera abdominis.

Ab hepate vesica fellis mittit ramos cholidochos ad duodenum.

Intestina prælonga.

Renes albi, rotunditate ovali, dexter superior.

Genitale duplex, in extremo bifidum.

SECTIO L.

DESCRIPTIO ANATOMICA
SALAMANDRÆ,

D. Joh. Pauli Wurf bainii

in Ejusdem Salamandrologia c. 8. pag. 66.

QUamvis descriptione Salamandræ *Oligeri Jacobæi*, Prof. Hafniensis Celebrissimi, ex *Thom. Bartholini Act. Hafniens. Volum. IV. Part. 1. Obs. 2.* desumpta (cujus etiam studiosè designatas ibique additas figuras & hic etiam, pace tamen ejus, mutuati sumus) optimo jure contentus reliquo labore supersedere potuissem: semper tamen in auribus sonabant verba *Galenii libell. de usu part. cap. 3*: Quicumque operum Naturæ verus vult esse contemplator, oportet eum non tam Anatomicis libris credere, quam propriis oculis; placuit itaque aliquot Salamandras terrestres cultro anatomico subicere & internam earum partium constitutionem cum descriptione Jacobæana conferre & per pauca, quæ præter ea partim mihi adhuc invenire, partim ex Observat. Exc. Dn. *Mauritii Hoffmanni* in sectione Salamandræ cujusdam die 10. Dec. 1642. Patavii annotatis mihi que amicissimè communicatis desumere licuit, addendo: singula tamen minutissima non attingendo, cum subtilitate nimia cultri & oculorum aciem eludant, ut rectissime *Jacobæus* d. l. monuit.

Aperto sic primùm Abdomine partim lacteo, partim limpidò sanguineo humore, a quæ lotionis carniū quam similimo effluente *Peritoneum* apparuit, punctulis nigricantibus hinc inde conspersum & altius ad anteriorum pedum regionem ascendens, corque à pulmonibus abdominisque visceribus, non secus ac diaphragma in plerisque animalibus, separans, quo rupto *Stomachus*, a gula seu *Oesophago* recta deorsum protensus, sub oblongo conspiciebatur hepate, prout lit. a. Fig. I. TAB. indigitatum est; dissectus, quamvis ab Excell. *Jacobæo* & Illustr. Parisiensium Botanico, *Nicolao Marchant*, referente *Bartholino* l. c. semper vacuus, abs me tamen terra quadam arenosa & lumbricorum terrestrium particulis refertus inventus. *Oesophagus* Fig. 2. lit. b. non secus ac in ranis, juxta fauces, totum palatum & circumferentiam maxillarum inferiorum ambiebat ac investiebat. *Hepar* lit. c. ingentis erat magnitudinis & à *Jacobæo* in quatuor, à me vero in tres saltem lobos distinctum inveniebatur, e quibus medius in oblongum desinebat acumen, dexter vero ventriculo & dextræ pulmonum parti incumbebat. *Fellis*

vesicula, globuli ad instar rotundi ex cœruleo albicantis, in dextro epatis lobo se offerebat, supra quam a duodeno ad epar albicans exporrigebatur ductus: ab epate vero ipso intestina versus duo vasa sanguinea dispergebantur, observante oculatiss. Altdorffini Lycei Anatomico *Maurit. Hoffmanno* obs. sup. allegata. *Lien* parvus lateri ventriculi sinistro accumbebat, cum plexu quodam coloris sva verubentis. *Renes* Fig. 4. delineati erant oblongi. *Intestina* lit. d. fig. I. & II. tortuoso quodam plexu à pyloro ad anum usque continuabantur; sub intestinis *ovula rotunda* quamplurima lit. e. indigitata, in duas partes divisa collocabantur, quibus *Uterus bifurcatus* succedebat, cujus *tuba* varios anfractus efformantes ad pedum anteriorum regionem adscendebant & utraque extremitate jungebantur, prout hoc Fig. 3. à *Jacobæo* mutuata eleganter est expressum. Notandum hic in maribus *Testes* esse quatuor majores, vid. Fig. IV. lit. a. quosdam exacte rotundos, quosdam pyriformes, cum quibusdam aliis minoribus annexis, qui an epididymes constituent, recte Cl. *Jacobæus* aliis judicandum relinquit. Testibus vero *sacculi* annectuntur *oleosi*, sic dicti, ob oleosam materiam, qua redundare plerumque solent, vid. Fig. 4. lit. b.

Thorax continebat *Cor* cum *Pulmonibus*. *Cor* fig. 1. lit. f. parvum erat & colorem ex rubro pallidum nigrisque punctulis conspersum referebat. *Pulmones* vero duo & oblongi constituebant sacculi, aeri recipiendo destinati, valde nitidi ac pellucidi, venulis subtilissimis secundum longitudinem decurrentibus instructi, ortum suum in thorace quidem ab *oesophagi* initio sumentes, ejus tamen ductum satis diu comitantes inque abdomen ad ovarium usque cursum suum protrahentes.

Caput ex utroque latere pone oculos *glandulam* pelli tantum adhaerentem & externo aspectu maculam extuberantem flavam, nigricantibus bene multis punctulis vel rectius porulis denotatam, referentem exhibebat: quæ si fortius nonnihil comprimebatur, vel cultello lædebatur, lacteum (quo turgebat) emittebat succum. *Nares* duo innuebant foraminula. *Oculi* torvi ac prominentes, de super luteis & mobilibus, subtus vero nigris & im-

fig. I.



fig. II.




fig. VI.



fig. III.




fig. IV.



fig. V.



& immobilibus muniti palpebris, sua humorum triplicitate erant instructi, ex quibus tamen crystallinus ad exactam magis rotunditatem, quam ex rotundo oblongiunculam, prout in cæteris vulgo animalibus, accedebat. *Lingua*, prout in ranis, erat crassa, mucosa, lata. De *auribus* salamandræ, de quibus altum apud Autores silentium, nec mihi quippiam constat; quamvis in eis investigandis maxime laboraverim. Rupto *cranio* exigua admodum *Cerebri* apparebat quantitas, formam pyramidalem ruditer referens, cui alia ejus portio subrotunda, cerebellum forte constituens, vertebrae versus annectebatur.

In Osteologia Salamandræ magis quoad anteriorem ossium figuram ranarum, quam lacertarum sceletos (prout vulgo traduntur) æmulatur; sceus ac Coiterus in quadruped. scelet. cap. 10. tradidit. *Ossea* enim *capitis compages*, prout ex propria Salamandræ sceletopoeia sum edoctus, eadem fere est, quæ ranarum. Oculorum enim foramina satis magna, cerebri sedes angusta sunt: *Maxilla* superiori & inferiori, ut & palato *dentes* innascuntur parvi, serrati, una serie distributi, quamvis in ranis inferiores maxillæ dentibus carere dicantur. *Pectus*, circa quod à ranis nonnihil differt, duæ tantum constituunt cartilaginee mutuo se attingentes, nonnihil latæ, ex quibus utraque prominentia quadam seu processu te-

nui caput versus est insignita. *Scapula* vero, prout in ranis, dictis jam pectoris cartilaginibus adhærent spinisque vertebrarum incumbunt. Sunt vero itidem substantiæ cartilaginosa, latæ, tenuis, figuram ossis carpionis in capite reperti, æmulantis; his agglutinantur *crura* anteriora, ex duobus formata ossibus, mutuo se coarticulantibus, ex quibus utrumque levi quadam divisione non tamen penetranti circa finem dehiscit. Succedunt *carpi & metacarpi* & quidem illi ex octo minoribus, hi vero quatuor oblongis formati ossiculis, quibus inhærent *digiti* in anterioribus pedibus numero quatuor, in posterioribus vero quinque, quorum singuli ex tribus rursus constant ossiculis. *Vertebrae* costis carent, instructæ tamen sunt illarum loco spinis seu processibus lateralibus & desinunt in os quoddam sacrum dictum, ex utroque latere excavatum ac perforatum, cui ossicula duo, processibus binis supra vergentibus instructa, ad materiam potius cartilagineam referenda, per *συνχόνδεσιν* juncta & vices Coxendicum ossiumque pubis gerentia, propriorum ligamentorum ope associantur, quibus crura & pedes inhærent posteriora, ab anterioribus præter digitorum numerum parum vel nihil discrepantia. *Cauda* denique ossi agglutinatur sacro, jam demum descripto, & formatur ex vertebris primo latioribus sensimque in tenuiores desinit.

EXPLICATIO FIGURARUM TAB. XL.

In parte infima Tabulæ sistitur Salamandra in fig. naturali.

IN PARTE SUPERIORI FIG. I.

- a. est Stomachus.
- b. b. Sacculi aerei.
- c. Hepar.
- d. Intestina.
- e. Ovula.
- f. g. Cor.

FIG. II.

- a. Ventriculus.

- b. b. Sacculi aerei.
- d. Intestina.

FIG. III.

Cornua seu Tubas uteri exhibet.

FIG. IV.

Renes sunt.

FIG. V.

- a a a a. Quatuor testiculi in maribus.
- b b. Sacculi oleosi.

FIG. VI.

Sceletum Salamandræ ob oculos ponit.

IN RELIQUIS

- A. est fœtus Salamandræ recens editus.
- B. Ovulum, in quo ventriculus
- C. continetur.

SECTIO LI.

DESCRIPTIO ANATOMICA CHAMÆLEONTIS Parisiensium.

INter omnia bruta nullum ferè æque famosum est, quam CHAMÆLEON, cujus circa admirandas proprietates ferè semper & Naturalis & Moralis Philoso-

phia fuit occupata. Etenim mutatio coloris ejus & particulare cibi genus, ipsi attributi, per omnes ætates maximam admirandi & in qua sese exercerent, materiam suppeditavit illis,

B b

qui

qui se ad accuratius naturæ scrutinium adplicuere : atque hæc mirabilia, quæ Physici de hoc vili animali retulerunt, effecerunt, ut in *Rhetoricis* pariter ac *Ethicis* creberrime tanquam exemplum sit adductum, quod ob oculos sistat vilem seu humilem conditionem gnathonum & adulatorum, una cum vanitate, qua simplices levesque animi seipsum pascunt. *Tertullianus* sane ex hoc ipso nomine arripuit occasionem falsam gloriam meditandi, unde id tanquam exemplum impudentiæ iactatorum vanorum & ostentatorum proponit.

Profecto satis haud liquet, cur Græci tam ignobili & vili animali imposuerint tam excellens nomen, vocando id LEUNCULUM, seu PARVUM LEONEM, juxta etymologiam *Isodori*. *Gesnerus* dicit, quod in aliquibus Leonem referat, licet ea non exponat. *Panarolus* vult habere illum caudam LEONIS, quæ, ut ipse quidem dicit, circa finem sit incurvata; sed si verum dicere debeo, neque CHAMÆLEON neque LEO habent caudas incurvatas. Vero magis consentaneum est similitudinem ponere in *crista*, quam utrumque animal gerit in fastigio capitis, speciemque refert cujusdam arcellæ. Hoc vero in LEONUM capitibus solum adparet, si caro à *Musculis Crotaphitis* est resecta. *Liceto* iudice hoc nomen ipsi datum propterea, quod quemadmodum *Leo* venatur & devorat alia animalia, ita *Chamæleon* capiat muscas seu culices, eadem ratione, uti parvus quidam vermis, insectans & capiens formicas, (describente *Alberto*,) vocatus sit *Formicaleon*; & quod parvus *Astacus* (ut *Plinius* & *Athenaus* referunt) nominetur Leo, quoniam eundem habeat colorem.

Chamæleon est ex genere bestiarum quadrupedum, ponitque ova sicut *Crocodylus* & *Lacerta*, cui & maxime similis, excepto quod huius caput & dorsum non sit adeo crassum ut *Lacertarum*, quæ pariter gaudent pedibus multo brevioribus, quibus terræ firmissime adfixæ repunt : contra *Chamæleon* pedes habet longiores, iisque haud difficulter arbores conscendit, ubi potius degere amat, quam in imo, quoniam, juxta communem fere sententiam, serpentes timet, à quibus se fuga liberare nequit; exindeque eos speculatur, expectans tempus, quo vel abeant, vel sub arbore dormiant, ubi postmodum spuito aut vomitu suo, quem desuper decidere facit, eos occidit.

Belonius duas species *Chamæleontis* observavit, quarum una in Arabia, altera vero in Ægypto invenitur. *Faber Lynceus* addit tertiam quandam, quæ in Mexico vivat. Quam nos describimus est *Ægyptiaca*, quæ & omnium maxima. Namque quæ in Arabia & Mexico reperiuntur species, ordinarie longitudinem

sex pollicum haud excedunt; noster vero *Chamæleon*, qui vivus ad nos adlatus, in universum cum cauda undecim pollices & dimidium erat longus. Plurimum à vero aberrat *Plinius*, quando *Chamæleontis* crassitiem, ut *Crocodyli*, refert, qui sane omnium crassissimum est animal. Aut si cum terrestri *Crocodilo* eum comparare intendat, Lectorem suum decipit, cum hic *Chamæleonte* ignotior sit, imo & de eo nemo aliquid tradiderit, nisi ipse, aut, si alii, non nisi ex ipsius relatione. *Salmasius* errorem hunc attribuit malæ interpretationi (l. versioni) quam *Plinius* adornavit, illius Libri, quem *Democritus* de *Chamæleonte* exaravit, in quo juxta *Dialectum Jonicam* *Crocodylus* eo nomine, quo alias communiter *Lacerta* vocari solet, est adpellatus. Cæterum nostri *Chamæleontis* caput erat digitum unum & decem lineas longum : à capite usque ad principium caudæ numerabantur quatuor cum dimidio : Cauda quinque, pedesque singuli duos digitos cum dimidio erant longi. Amplitudo ventris sæpe differebat, namque quibusdam temporibus adimplebat duos digitos à dorso usque ad inferiorem ventris partem, alia vero vice vix unicum æquabat, prout se se aut expandebat aut contrahebat, quæ ipsa dilatatio contractioque non solum in Thorace & Ventre conspieiebatur, quin ad anteriores quoque & posteriores se extenderet pedes, imo ad ipsam usque caudam. Hæc particularis circumstantia, ab *Aristotele* observata, in memoriam nobis revocat, quid *Theophrastus* de pulmonibus *Chamæleontis* dicit : nimirum quod sese per totum corpus extendant.

Hi vero contrarii motus, dilatationis nempe & contractionis, non iisdem legibus (aut eadem ratione) ac in aliis creaturis, fiebant, quando in inspiratione pectora sua dilatant & statim paulatim ordine contrahunt. Vidimus enim *Chamæleontem* nostrum expansum ultra duas horas, intra quod tamen tempus, quamvis citra omnem sensum, pusillum remisit, iterumque parum se extendit, ita tamen, ut dilatatio magis velox & visibilis fuerit, idque per longa & inæqualia intervalla. Vidimus pari ratione, quod animal hoc permanferit per longum temporis spatium non dilatatum, multoque longius, quam expansum l. dilatatum. Cum se ita haberet, apparebat adeo macilentum, ut Spina fuerit acuta, ac si per extenuationem Musculorum, qui sunt extra longam Vertebra, cutis esset defixa super acutas & obliquas Apophyses, tribus eminentiis (l. locis altioribus) reiectis. Costæ poterant numerari, tendinesque pedum anteriorum & posteriorum apparebant admodum luculenter oculis. Neque tamen *Vertebra* ut serra, ceu *Gesnerus* & *Landius* in *Scaligero* enarrant, visæ sunt in dorso; nec etiam aculei, quos *Panarolus*

volus ad defensionem ibi per naturam infitos dicit, à nobis sunt conspecti. Quantumcunque autem extenuabatur, solum tergum permanebat præacutum, absque aculeis tamen & minime dentatum. *Apophyfes* aut *Spina* in extremitate erant quadratæ vel latæ, sicut in genere apud omnia animalia. Extenuatio (macies) hæc autem similiter cognoscebatur, quando vertebat suum corpus, namque haud absimile erat contorto sacco inani: quod ipsum *Tertullianus*, qui ex eadem regione cum nostro *Chamaleonte* oriundus, probe observavit, dum dicit, quod hoc animal fere nonnisi *cutis* viva sit.

Hæc *Cutis*, quando tangebatur, admodum frigida erat, & licet adeo emacidam & tenuem eandem scripserim, erat tamen impossibile pulsum cordis manibus sentire, qui magis absconditus & obscurior erat, quam respirationis ipsius motus. Superficies cutis erat inæqualis (aspera) paululumque in eminentias elevata, ad instar corii quod *Chagrin* Gallice dicitur; nihilominus tamen, quando tangebatur, valde erat mollis, quoniam eminentia quælibet multum erat glabra. Diversimodè autem se eminentiæ hæc habebant: maximæ erant similes capiti clavicali medio-cris, sc. quæ reperiiebantur in pedibus anterioribus & posterioribus, ventre atque cauda: Aliæ erant aliquantum spissiores, figuræ ovalis, super capite & humeris, ex quibus rursus aliquæ altiores magisque cuspidatæ, nempe infra jugulum, ubi quasi coronam constituebant, inde ab ore inferiori usque ad pectus pertingentem. Eminentia super dorso & capite erant conjunctæ & una coacervatæ, nunc numero septem, mox vero sex, quinque, quatuor, tres & duæ, relictis inter hæc congeries quibusdam intervallis, rursus aliis eminentiis fere insensibilibus coopertis, quæ in genere coloris erant *rubri* & *flavi*, sicut ima cutis pars, quæ inter hæc eminentias adparebat. Ima hæc pars non variabat colorem, usque dum animal esset mortuum, ubi puncta parva *albescabant*, fundamentum vero, (i. infima cutis) cui erant insita, mutabat rubedinem suam in colorem *nigrificantem*.

Abhinc inventum est omnes hæc eminentias, tam majores, quam minores, à cute formatas esse, quæ in parte exteriori elevata, intus vero cava erat, ubicunque extus eminentia adparebat, ad modum alicujus laminæ metallicæ elevata aut pertusæ; ubi speciatim observandum, quod magnitudo eminentiarum non parum per multas tenues sibi incumbentes cuticulas adaucta fuerit, quæ scalpello facile separari & tolli poterant. Interim tamen omnia hæc cutem non similem reddebant tali, qualis est *Crocodili*, prout *Aristoteles* cum plurimis aliis Au-

toribus tradit; *Crocodilus* enim super dorso suo valde magnas crassasque habet squamas suntque proportionatæ illis, quæ infra alvum sibi incumbunt: Contra eminentiæ cutis *Chamaleontis* sunt disseminatæ absque ordine & in mole parum differentes.

Color omnium protuberantiarum (eminentiarum) in nostro *Chamaleonte*, quando per aliquod tempus non contrectatus in sua quiete permanerat, erat *Indico canus*, præterquam sub unguibus; ubi albus, cum modica ad *flavedinem* inclinatione, exceptisque intervallis, inter eminentiarum cumulos, ubi colorem referebat *pallidum* & *flavo-rubicundum*, ut jam ante dictum. Valde quoque probabile est, quod cutis *Chamaleontis* nativus color, qui secundum *Aristotelem* niger, in nostro canus ille fuerit, qui totam cutem, extra irritationem (vel quando non irritatus esset) operiebat, quique etiam in interiori cutis parte remanebat cum excoriaretur; Tametsi quoque superficies exterior post mortem aliquando maculas & diversos colores, qui ibi sub ipsum expirationis tempus aderant, servaverit; omnes tamen propemodum, quando cutis arefacta, obscurabantur.

Color vero hicce *canus*, quo totus *Chamaleon* gaudebat, luci obversus, mutabatur quando soli exponebatur, omniaque loca corporis ipsius, lucernæ admota, statim loco coloris *Indici* (cærulei) recipiebant *fusco-canum*, aut ad minimum eo inclinantem. Residuum cutis, à Sole non illuminatum, mutabat canum suum in varios colores radiantes, qui efficiebant maculas magnitudine fere digiti dimidii, à crista spinæ usque ad medium dorsi pertingentes. Aliæ similiter adparebant in costis, pedibus anterioribus & cauda. Omnes hæc maculæ erant coloris *Isabellici*, per mixturam *pallido-flavi*, sicut eminentiæ erant coloratæ & intense rubicundæ, qui est color imæ cutis partis, inter eminentias emicantis.

Reliquum de cute à Sole non illuminatum, quod ordinarie canum, referebat pannum ex varie colorata & intermixta lana confectum; namque aliquæ ex eminentiis adparebant *cana* & quodammodo *virides*: aliæ *viridiuscula*, aliæ colore *Indico* (cæruleo,) *cana*, ima cutis parte, uti ante, permanente.

Quando Sol non splendebat, primus *canus* color sensim redibat, atque se super totum corpus diffundebat, excepto spatio, quod sub pedibus erat, & eundem retinebat colorem, sed parumper magis fuscum. Cumque aliqui ex præsentibus *Chamaleontem* hoc in statu ad quædam observanda variè tractarent, inopinato in ejus humeris & pedi-

bus prioribus variæ maculæ nigricantes, clavi magnitudine, apparebant, quod non accidebat, cum ab illis, qui eum contemplabantur, tractaretur. Aliquando cum maculis fuscis ad viriditatem quandam inclinantibus conspiciebatur. Nos postmodum eum quodam linteo obvolvebamus, ubi postquam duo aut tria minuta fuisset, albicans iterum expromebatur, sed non ita candidus, ut ille de quo *Aldrovandus* tradit, quod ob exactissimam cum linteo, in quo involutus fuerat, similitudinem non amplius fuerit conspectus. Noster, qui solum consuetum suum colorem *canum* in quendam revera *pallidum* mutavit, postquam hunc colorem paululum retinisset, vix sensibilibiter eum rursus amittebat.

Hoc experimentum quærendi occasionem suppeditat, num verum sit *Chamaleontem* recipere omnes colores, excepto albo, uti *Theophrastus* & *Plutarchus* narrant. Quantum ad nostrum attinet, adeo dispositus esse videbatur ad recipiendum hunc (sc. album) colorem, ut qualibet nocte factus fuerit pallidus, & cum neci datus esset, plus de albo quam alio colore participabat. Neque etiam invenire poteramus eum per totum corpus mutare colorem, prout *Aristoteles* refert; quando enim recipit alios colores quam proprium suum *canum* & seipsum velut oblarvat ad ludendum quasi personatum choragium (cine Masquerade) uti *Ælianus* haud illepide loquitur, saltem certas corporis partes iis obtegit.

In extremis, ut colorum, quos *Chamaleon* recipere potest, experimentum concludamus, adponebatur is ad res variorum colorum iisque etiam involvebatur, verum eos non adsumebat, sicuti album receperat, quem & saltem primo, quo tentabatur, tempore suscipiebat, quamvis postea sæpius diversis diebus id fuerit repetitum.

Hæc dum fierent experimenta, observabamus plurima loca in ipsius cute esse, quæ colorem induerent *fuscum*, sed aliquando perpaucum. Quo de ut magis fieremus certi, parvis atramenti punctis eas eminentias notabamus, quæ nobis cum pallefceret, ceteris videbantur candidiores, ubi semper reperiebamus quod, cum maxime *fuscus* fieret cutisque maculas reciperet, hæ notatæ eminentiæ minus fierent *fusca*, ac reliquæ.

Caput ejus formam capitis piscis habebat, arctissime pectori adnexum, una cum admodum brevi cervice, quæ ad latera duobus *cartilagineis* tumoribus, branchias piscis referentibus, cooperiebatur. Crista ibi erecta erat in ipsissima capitis corona & duæ adhuc aliæ super oculis per longitudinem ut S circumflexæ conspiciebantur. Inter has tres

cristas duæ cavitates per superioris capitis partem longitudinem se protendebant.

Nasum ejus formabat cuspis quædam obtusa, aderantque duo acumina, quæ ab oculorum palpebris usque ad finem nasi pertingebant, unde ranæ (sc. naso) similis evadebat. *Aristoteles* ait similem esse *Chæropitheci*, quod quamvis animal minus notum sit, derivatio tamen nominis monstrat esse ex *Simia* & *Porco*: Sed *nasus* nostri *Chamaleontis* referebat neque *Simia* neque *Porci* nasum: inferior enim maxilla magis est exserta quam superior, in quo omnino abit à rostro *Porci*.

Circa finem Nasi erat caverna ab utroque latere, uti foramen nasi. *Belonius* in ea videtur esse opinione, acsi hæ cavernulæ pariter inferviant auditui, idque tam speciosè ut *Alcmaeon* ex narratione *Aristotelis* dicat, *genus caprinum spiritum ducere per aures*, quod tamen, uti *Ælianus* loquitur, *caprorum credere decet Pastores*; quamvis *Tulpius* suis in observationibus adserat, *in homine ipso meatum inveniri, qui aerem in os per aures deferat*. Quicquid sit, hoc verissimum *Chamaleontem* nostrum non alias in capite habuisse cavernas, nisi hæc duo narium foramina: veroque simile est, quod per hæc respirarit, quoniam ipsius os adeo firmiter plerumque clausum, ut pene nullum habere fuerit visus, duabus maxillis linea, quæ fere percipi nequebat, conjunctis; quamvis *Solinus* & in universum ii, qui *Chamaleontem* descripsere, nunquam aliquem viderint vivum, os enim nonnisi quando mortuus est aperire solet.

Maxillæ hæ dentibus vel osse dentato erant instructæ, qui (sc. dentes) nobis quidem non adeo ipsi in edendo infervire videbantur, quoniam muscas & alia, quæ capiebat insecta, non masticata deglutiebat. *Ælianus* ait, quod iisdem semet contra serpentes defendat, ope bacilli l. ligni majoris, quod ore suo teneat, veroque est simile, dentes infervire ad tenendum illud firmiter, puta transversim, ad impediendos ita serpentes, ut ne totum, more *Ranarum* & *Lacertarum*, deglutire queant: Impossibile enim est hunc locum *Æliani* explanare, prout faciunt *Gesnerus* & *Aldrovandus*, existimantes *Chamaleontem* hoc ligno uti tanquam chlypeo aut gladio, quo semetipsum adversus serpentes, ceu digladiator, defendat; non enim satis ad hoc agilis est.

Os erat fissum ratione peculiari; nam cum alia animalia in universum aperta quidem habeant labia, minus tamen ac maxillæ, labia nostri *Chamaleontis* ultra maxillam erant discissa, duarum linearum longitudine, fissuraque oblique infra descendebat continuata.

Forma, structura & motus oculorum ipsius aliquid omnino peculiare habebant: Erant valde ampli, & in diametro quinque lineas superantes. Figura *sphærica* adparebant, dimidiumque orbis eorum plene prominebat, quæ (sc. sphæra) simplici cilio erat recta, quod simile erat pileo, in cuius medio foramen est perforatum, hocque foramen in latitudine unam lineam non excedit. Per hoc foramen *pupilla*, quæ radians ac clara & quasi parvo aureo circulo circumdata, haud difficulter & satis videbatur, licet *Aristoteles* dicat, quod circulus hic discerni nequeat, postquam cilium per dissectionem fuerit ablatum. *Cilium* hoc erat asperum sicut reliquum cutis & quando corpus varios induebat colores, efficiebatque maculas, quæ diversis temporibus diversæ erant figuræ, cilium hoc tamen semper manebat idem; *tractus* enim aut lineamenta ea colore, qui totum reliquum corpus supervestiebat, tincti recedebant à foramine cili, tanquam à centro, erantque extensi versus totam circumferentiam instar radiorum.

Pars anterior oculi adhærebat affixa operculo (sc. cilio) quod neque ascendebat, neque se demittebat, ut in aliis creaturis, qui motum cilio suo non imprimere valent diversum ab eo, quo oculus gaudet; oculus enim nostri *Chamæleontis* non poterat se movere, quin cilium motum hunc sequeretur. Id quod *Plinius* exprimere videtur, sed admodum improprie, dicens, quod *pupilla Chamæleontis se moveat*, verum totus oculus sit qui moveat; non enim creatura existit, quæ moveat *Prunellam*, quando residuum oculi omne quiescit. Sed quod magis extraordinarium & notatu dignum in hoc motu est, quod unus oculus moveatur, cum alter immobilis persistat: unus versus anteriora flectatur eodem tempore, cum alter retrospiciat: unus suspicetur cælum, quando alter defixus in terram. Atque omnes hi motus ita reales (veri) sunt, ut auferant (abscondant) *pupillam* sub cristam, quam format palpebra, idque tam profunde in *canthos* oculi, ut visus discernere queat, quid retro seu à parte posteriori & directè à parte anteriori agatur, capite, quod humeris adfixum est, minime verso. *Aristoteles*, qui descriptionem dedit *Chamæleontis* exactiorem quam cujusvis alius animalis, hanc particularem de hoc oculorum motu extraordinario circumstantiam omisit, in Mexicano Chamæleonte revera non inventam. Sed verosimile est, quod hic non sit, quem *Aristoteles* descripsit. Pari quoque ratione non observavit, quod hoc parvum foramen cili per sui laxationem se claudat transversim, ac nonnisi exiguam fissuram constituat, quæ admodum accuratè

partem superiorem cum inferiori unit; dicit enim, *latera foraminis hujus nunquam ad claudendum oculum se conjungere*. *Plinius* & *Solinus* hoc ipsum similiter affirmant, & fere omnes Phisici, qui tantum *Chamæleontem* in libris horum Autorum viderunt.

Partem eam corporis, quæ Truncus audit & comprehendit *Thoracem* & *Ventrem*, nostro in *Chamæleonte* sola *thorax* constituebat, vix præsentem ventre quodam; quod *Aristoteles* melius quam *Plinius* observavit, qui ait: *pectus Chamæleontis junctum esse ipsius ventri*: Hoc enim ei non est peculiare, quum ita in omnibus Animalibus se habeat, ut inter pectus & ventrem nihil intersit. Sed quando *Aristoteles* tradit, quod *pectus Chamæleontis sit, uti in piscibus, junctum Hypogastriis*, quod est *venter inferior*, clare ostendit costas descendere tam profunde, ut *Ilia*; cum è contra alia animalia solum habeant *Apophyses* transversos lumborum & residuum ossibus careat: unde & *Hippocrates* id *vacuum* adpellat.

Quatuor ejus pedes erant sibi similes: In hoc saltem discrepabant, quod anteriores magis retro erant flexi, posteriores vero antrosum; dicique potest, esse quatuor brachia, quatuor suos cubitos habentia introsum flexos, quorum quodlibet ita consistat ac si de humero propenderet è duobus ossibus articulatam, quemadmodum *radius* & *cubitus*. *Solinus* errat, dicens, *pedes Chamæleontis adnexos esse ventri*; in nostro enim posteriores articulati erant cum *Osse Ischio*, anteriores vero adfixi *Omo-plata*.

E Quatuor unguibus quilibet constabat quinque ungulis, propiusque ad figuram manuum, quam pedum accedebant. Tam posteriores quam anteriores divisi erant in duas partes, unde speciem edebant, ac si duæ manus in quolibet brachio & duo pedes in quolibet crure sint. Licet enim una ex hisce partibus nonnisi duas ungulas & altera tres haberet, attamen partes æque erant latæ, quum ungulæ, quæ existebant binæ, latiores essent, quam illæ, quæ erant trinæ. Hæ ungulæ una sub quadam cute hærebant quasi inclusæ, & solum divisæ in ultimo articulo, cui unguis adnexi. Dispositio harum ungularum erat diversa, cum anteriores haberent duas ungulas extrorsum & tres introsum, è contra posteriores tres extrorsum & duas introsum.

Hisce unguibus poterat amplecti & tenere ramusculos arborum, sicut *Psittacus*, qui ad fricandum semetipsum dividit suas ungulas, aliter ac reliquæ aves, quæ semper tres protendunt & unam retroflectunt; contra *Psittacus* duas tam retrorsum quam duas antrosum flectit.

Ungulæ, quæ paululum incurvata & ad-

modum acutæ, colore subflavescente, non nisi quoad partem dimidiam ex cute procedebant; altera dimidietas illarum erat cooperta & superintecta. Omnes lineas duas & dimidiam longitudine æquabant.

Cauda admodum similis est *Viperina*, ut *Plinius* observat, vel *Gliris* majoris; quod innuere voluit *Marmolius* (qui *Hispanica* lingua *Africa* *Historiam* scripsit) quando comparat hujus caudam cum cauda *Talpa*; quoniam vero exigua similitudo est inter caudam *Chamaleontis* & *Talpa*, nos hoc in eam inducit opinionem, *Marmolium*, juxta vulgarem eorum consuetudinem, qui *Relationes* de iis, quæ in peregrinis regionibus videntur, publice emittunt, absque distinctione commiscuisse ea, quæ legerat, cum iis quæ viderat: Imo eum, quæ de cauda *Chamaleontis* dicit, desumisse ex quodam Autore *Italo*, quoniam vocabulum *Topo*, quod *Hispanice* significat *Talpam*, *Italice* notat glirem l. *murem majorem*.

Sed cauda nostri *Chamaleontis* non exactè similis erat *Viperæ* vel *Gliris* caudæ, excepto, quando ejus dilatatio illam effecerat rotundam. Habebat enim tres eminentias, quas vidimus in dorso, ut jam ante dictum & quæ erant *oblique apophyses vertebrarum*. Præter has similiter habebat duas alias series, factas per *transversas Apophyses*. Haud raro circumvolvitur hanc caudam circa frondes ipsique loco quintæ manus inservit. Quando incessit, rarissimè eam sivit in solo trahi, servando eam parallelam in locis iis, unde venit.

Gressus ejus erat tardior quam *testudinis*, & ridiculum videbatur, quod cum pedes ejus non curti & impediti sint, ut *Testudinis*, sed soluti & liberi, gestaret tamen eos tanquam maxime graves, quod quasi affectatum apparebat & prorsus præter necessitatem. Quapropter & *Tertullianus* dicit apparere ac si *Chamaleon* simulet magis gressus quam promoveat.

Aliqui existimant hanc tarditatem esse notam timiditatis, quam summam huic attribuant animali. Verum cum certum sit, quod timor, si non valde magnus sit & omnem tollat motum, addat potius majorem vigorem pedibus, cumque credant omnem calorem & vigorem, quæ cor deseruere, ejus vi in eos descendere; hinc vero longe similis est, hanc tarditatem potius esse effectum præcautionis, ad circumspectè agendum. Videtur enim *Chamaleon* eligere loca, ubi firmiter pedes figere possit; & quando arbores conscendit, propriis unguibus non confidit, licet etiam multo acutiores quam *Sciurorum* sint, qui adeo facile ubivis ascendere valent. Cumque ramos comprehendere nequit propter crassitiem s. magnitudinem,

perquirat sibi in cortice fissuras & fracturas, ubi ungues suos infigat.

Chamaleonte nostro, cum mortuus esset, aperto invenimus, quod, cum cutis *Thoracem* & *Ventrem* obtegens (l. operiens) ablata esset, infra hanc aliud nihil fuerit, præter membranas, costas invicem connectentes atque loco *Musculorum Intercoastalium* existentes. Hæ membranæ adeo transparentes, ut viscera per eas possent conspici, viridi colore erant tinctæ, ea quidem in regione, ubi hepar est locatum.

Ventre per medium usque ad *cartilaginem Xiphoidem* dissecto jecur obtulit seipsum, ex quo vesicula fellis procedebat ita ut breves costas tangeret: Ita enim nos vocamus costas, quæ *sterno* adnexæ non sunt & quæ peculiari modo in *Chamaleonte* se habent, uti postmodum explanabitur. Vesiculam inveniebamus inter Lobos, licet *Belonius* eum locet in Lobo sinistro. Non adeo magna erat, fere tota rotunda & colore obscure viridi prædita. Collum ejus emittebat *Ductum choledochum*, qui insertus erat infra *Pylorum*.

Hepar obscuro-rubrum, habens egregium firmumque *Parenchyma*, in quo variæ cavitates vel meatus facile potuissent discerni, erat divisum in duos Lobos, quorum dexter adparebat paulo latior sinistro.

Ventriculus jacebat sub Hepate & tantum videbatur esse continuatus. *Oesophagus* paululum ampliatus in Ventre, per cujus longitudinem angustatus satis descendebat & saltem pusillum inflectebatur versus *Pylorum*, ubi erat contractus, ibique ejus membranæ erant admodum duræ. Admirabamur qui fieret, ut tam angustus meatus ex ejusmodi dura factus membrana viam præbere posset muscis, quæ in *Intestinis* integræ reperiébantur? unde in eam deveniebamus opinionem, quod *Pylorus* sese queat extendere, sicut internum orificium *Uteri*. *Ventriculus* hic eadem gaudebat substantia & colore, quo *Oesophagus*, quum utrique constabant membranis albis & non transparentibus, uti omnes reliquæ, quæ in Ventre reperiébantur, erant. *Oesophagus* & *Ventriculus* conjunctim tres pollices cum dimidio erant longi. Apud meatum ex *Pyloro* prodeuntem intestinum erat dilatatum, majusque fiebat ventriculo, formans tres flexus, unum in latere dextro *Pylori*, secundum in imo ventris, quo cum descendisset, rursus versus ventriculum ascendit, ubi tertia inflexio formabatur, cum denuo descenderet ad *anum*. Longitudo totius hujus *intestini* erat septem pollicum, servabatque eandem magnitudinem usque ad finem. Per totum erat valde nigrum, conspicique poterant certæ membranæ, quibus id erat adstrictum, atque hæ erant *Mesenterium*, ubi pariter observabantur vascula sanguinea

guine plena candidæ quoque fibræ hic reperiabantur, similes *venis lacteis*; hæcque membrana *Mesenterii*, valde pellucida, in suo medio exhibebat partem crassam & opacam & quasi *Pancreas Asellianum* seu *Receptaculum Pecquetianum* constituentem. Quamvis impossibile erat ramusculos vasorum sanguinariorum in *Mesenterio* hoc disperforum una colligere, eosque usque ad truncum suum investigare. Unus tamen conspiciebatur, qui iudicabatur pertinere ad *Venam Portæ*. *Vena cava* similiter inveniebatur sub hepate, incumbens *Vertebris* nigerrimoque sanguine referta.

Lien nullibi adparebat, quod convenit cum eo, quod Autores de *Chamæleonte* adfirmant. Ajunt quoque destitui *renibus*. Quicquid sit, nos invenimus nostrum habuisse duas particulas carneas, per longitudinem ab utroque latere spinæ jacentes, ubi lumbi & *Os sacrum*, quas nos pro renibus habebamus. Partes hæ carneæ facile separabantur ab eo loco, ubi adnexæ erant, ut pro *Musculis Psois* haberi non possent; firmiterque tantum ibi fixæ erant, ubi extremitas Intestini seipsam cum principio *Uteri* conjungit. Specialis hæ circumstantia *Gassendum* credere fecit, has particulas carneas, de quibus in Vita Dn. *Peireski* dicit, qui ex curiositate adservavit *Chamæleontem*, forte esse *Testiculos*. Longæ erant circiter pollicem & prope duas lineas, latæ circa medium; cumque sub finem obliquæ fierent, figuram lanceolæ representabant: præterpropter crassa duas tertias partes lineæ, Parenchyma harum erat pallido rubrum, valde solidum intusque multo sero abundans, quæ & causa, cur potius pro renibus quam *Testiculis* haberemus: Et quod nos hac in opinione confirmabat, erat, quod cavitas intus juxta longitudinem in qualibet reperiabatur, a durissima membrana formata, de qua satis commode pelvim constituisse renalem dici potest. *Malpighius* observavit similes meatus in *Avium* renibus, quos tamen *Harvey solidos & sine cavitate* esse tradit.

Uterus ductum (meatum) ex *Ano* prodeuntem habebat. Hic meatus aut collum *Uteri* situs erat ad hæc particulas carneas (quas nos quidem renes fuisse arbitrati sumus) & infra extremitatem Intestini, uti in *Avibus*, planeque modo contratio, ac in aliis animalibus solitum est, in quibus *Intestinum Offi sacro* & *Vesicæ* supra collum *Uteri* incumbit. *Uterus* hic, ceu in bestiis, duobus constabat cornibus ex ipsius collo prodeuntibus, erantque longa pollices tres cum dimidio & eundem locum repetebant, duobus quasi manubriis effectivatis, postquam fuissent ex regione *iliaca*, ubi complicata erant, extracta. Ultra lineam non erant lata: imo in multis subinde locis ma-

gis tenuia ubi semet contraherent & velut nodulos formarent. *Ova* vero non invenimus neque in eorum cavitate neque in adnexis membranis, *Ovarium* vocatis.

Omnia hæc viscera, videlicet *Hepar*, *Ventriculus* & *Intestina*, elevata & suspensa tenebantur à valido ligamento, quod instar *Mediaستي* ex regione Cartilaginis Xiphoidis ad inferiorem *Ventris* partem descendit. Ibidem quoque aderant veluti *Membrana* tales, quæ ab hac ipsa *Cartilaginea* ad dextrum & sinistrum latus erant extensæ, quasque *Harvey* pro *Diaphragmate* in *Avibus* accipit; quamvis *Fabricius Diaphragma* eas esse neget, quoniam non sint musculosæ. Atque membranæ hæ verè erant pellucidæ, substantiam carneam non habentes, solum erant duplicatæ & multis aliis variè figuratis conjunctæ, prout id adparebat, cum aliquis in Arteriam *Asperam* inflasset, ubi ambæ magnæ vacuitates in dextro & sinistro latere intestinorum, in medio pendentium, subito implebantur, ob dilationem harum membranarum, quæ, antequam inflarentur, non discernebantur. Neque hæ dilatatio solum explebat has cavitates, sed & in utroque latere quasdam protuberantias, vesicæ *Carpionis* haud absimiles, protrudebat, quasdam longitudine & magnitudine unius digiti, alias multo minores; ex quibus majores quædam denuo alias minores protuberantias formabant. In medio geminæ hujus variarum elevatarum vesicularum congeriei, dextrum & sinistrum pulmonem sistens, peculiaris quædam exsurgebat vesicula, quæ locum implere videbatur parvi illius lobi, qui apud permulta animalia medio in pectore reperitur, in *Mediaستي* cavitate. Membranæ hæ ita per aerem extensæ erant alba & aliquantum pellucidæ, unde admodum curiosæ videbantur; ast fibris erant consolidatæ, instar retis intertextis.

Quando ab inflatione desistebamus, omnes hæ membranæ collapsæ sibi invicem incumbant, unde & omnes istæ vesiculæ disparebant, quæ vere aliud nihil, quam processus s. meatus pulmonales erant.

Gesnerus ait, *Chamæleontis* ex visceribus pulmones tantum esse visibiles. Verum *Aristoteles* accuratius observavit *quadrupedia*, quæ ova ponunt, habere pulmones propemodum invisibiles, nisi ex insufflatione dilatentur. Profecto, quicquid in loco eo, ubi pulmones existere debebant, antequam per inflatum elevaretur, conspiciebatur, erat duarum instar minutarum carnis, rosaceo colore gaudentis, particularum, fabæ circiter quantitate à quolibet cordis latere sitarum; quo motus *Panærolus* dixit: *Chamæleontem* habere exiguos pulmones. Veruntamen exiguæ hæ particulæ carnis non omnino erant pulmones; poterant quippe

quippe solum pro membranis superioris pulmonis partis complicatis & coacervatis haberi, quibus hic tenues eminentiæ rubræ erant interspersæ, quæ omnes in superficie membranarum à spiritu extensarum adparebant; quando vero membranæ rursus subsidebant, exiguæ protuberantiæ ad invicem arcte accedentes iterum hanc speciem carnis dedere, quæ non substantiæ spongiosæ, uti *Panarolus* contendit, sed tantum congeries contiguarum membranarum erat.

Aspera arteria admodum erat curta, constans more solito *annulis cartilagineis*. Habebat *Laryngem* circa principium ita amplam ac si duabus *epiglottidibus* inserviret, quæ apertionem & rimam claudunt vel obturant, formando quandam *Glottidem*, quæ fissura transversa & non supina erat, qualem animalia vocalia s. voce gaudencia habent, qua noster *Chamaleon* prorsus destituebatur.

Cor admodum erat parvum, in longitudine tres lineas non excedens. *Mucro* ipsius videbatur ac si fuisset abscissus. *Auricula* cordis admodum latæ, speciatim sinistra, paululumque rubicundiores erant corde, quod valde pallidum. *Vascula* circa cor sanguine turgabant.

Cerebrum tam exiguum reperiebatur, ut diameter vix lineam superaret, neque bis ita latum erat ut *medulla spinalis*, quæ perquam candida, cum cerebrum existeret rubicundocanum.

Nervi Optici adeo breves non erant, ut cerebrum eousque continnare & oculis cohærere opus habuerit, prout *Aristoteles* eos describit. Neque etiam cum enarratione *Panaroli* conveniebant, dicentis, eos *separatim procedere à cerebro, sed non se iterum conjungere*; ibi enim duo tubercula in cerebro, quæ origo & prima pars *Nervorum Opticorum* erant; hæque exuperantiæ, post factam unionem, separabantur in duos nervos, quorum quisque octo lineas longus, inferebanturque bulbo oculi extra suam *axin*, ut fieri assolet. Sphæra hæc seu bulbus cooperiebatur *Tunica Conjunctiva*, infra quam muscoli oculares inferebantur, qui non fibrosæ, ut *Panarolus*, neque ex parvis pilis, ceu *Jonstonius* statuit, sed vera caro musculosa erant.

Supra totam *Tunicam conjunctivam* conspiciebatur Musculus quidam Orbicularis, cili-um oculo adnectens, cui & adeo firmiter adhærebat, ut eundem & cilio & oculo suppedi-taret motum. Particularis ejus actio erat parvum rotundum foramen cili claudere. Hoc musculo erecto, *Iris* integra videbatur, qua *Chamaleontem* carere *Jonstonius* adfirmat. Erat colore *Isabellico*, & circumdabatur in interiori acumine circulo aureo, de quo jam ante mentio facta. *Cornea* valde erat exigua pars

anterior *Sclerotica* admodum crassa & dura & posterior prætenuis. *Choroides* nigra sub *Iride* & coerulea (blaulicht) in fundo *Retina*, perquam crassa & parumper rubicunda. Humores omnes aquei, ita ut impossibile esset eos distinguere: ipse *Crystallinus* videbatur cum aliis humoribus confusus.

Prope locum, ubi *Nervi Optici orbitam* seu cavernam oculorum ingrediuntur, pariter per multæ nervorum fibræ intrabant, quumque in vacuitatem, quæ in medio orbitæ est, ingressæ, penetrabant in magnum *Sinum*, qui in superiori *maxilla*, ubi foramina narium, reperitur. Sinus hic dura, fibrosa & valde rubra carne repleta erat, qua meatus narium pertransibant, membrana prædura & flava ab ipsis sc. meatibus perforata. Erant obliqui, ascendentes omnes ex foramine narium in *Sinum* & postmodum descendebant in *Palatum*, quod extremitatem cujuslibet meatus valde dura quadam obtegebatur substantia membranosa, ubi nihil, quod aerem ad aliquod auditus organum deferre posset, reperiebamus.

Aristoteles observavit pisces omnes audire, quamvis non habeant audiendi instrumentum. Nos vero neque aliquem ductum pro sono, neque ullum signum in nostro *Chamaleonte* invenimus, quod in eam inducere nos potuisset opinionem, habere eum sensum auditus. Unde vere dictum est, tale esse animal, quod neque percipiat neque excitet ullum strepitum.

Nervi, à *medulla spinali* prodeuntes, facile videbantur, remotis intestinis. Prodiabant more solito ex *Vertebris* & aliqui ex illis, qui pedibus anterioribus distribuebantur, ex superioribus egrediebantur *Vertebris Thoracis*, quoniam vertebræ cervicis, utpote admodum brevis, eos non poterant sufficienter subministrare. Hinc incurrabant in *Thoracem*, terni ad quodlibet latus, qui primum uniti, sed postmodum divisi revertebantur versus *Omeplatas*. Illi, ad movendos posteriores pedes designati, eodem modo intrabant ad latera *Ossis sacri*, erant uniti, sed postmodum divisi ad distribuendos se in pedes. Inter quamlibet costam deprehendebatur unus, qui, prodiens ex inferiori harum *Vertebrarum* parte apud fastigium, ubi costa articulo cohæret, decurrebat transversim, oblique ascendens, versus costas easque ad finem usque comitabatur.

Aristoteles inquit, *Chamaleontem* non habere carnem nisi in *Gingivis* & initio caudæ. Noster in toto corpore habebat, præterquam sub *Thorace* & *Ventre*, ubi loco *musculorum intercostalium*, eorumque qui *abdominis*, solum conspiciebantur membranæ pellucidæ, sed geminæ & fibrosæ, satisque ad promovendum motum, quem costas ob respirationem, quæ valde lenta erat, *Chamaleontis* habere oportuit,

tuit, capaces s. idoneæ judicabantur; ubi notandum, quod præcipuum hujus costarum motus organum fuerit pars carnea, quæ prope articulos per utrumque spinæ dorsi latus descendebat, atque esse poterat *Musculus Sacrolumbus*. Tota dorsi Spina, Cauda, Thoracis pars superior, an & posteriores pedes muniebantur musculosa *rubra & fibrosa* carne, cujus *albi & argentei* coloris tendines adeo clare visui l. oculis patebant, ut facillime fuisset omnes musculos dissecare. Cuncti hi musculi adipe carebant, cujus nec indicium in toto animali reperimus, nisi quis quatuor aut quinque illa granula, instar milii, pro adipe accipere velit, quæ membranis cohærebant intervallaque costarum adimplebant. Ceterum gracilitas animalis hujus, ob quam cito exarescebat, impedivit nos, quo minus pro rei dignitate observationes nostras longius & exactius potuerimus instituere.

Observatio, quam instituebamus, ultima, (quæ tamen non minimæ considerationis) fiebat in ejus *Lingua*, cujus structura & usus est maxime extraordinarius. Eam inveniebamus constantem *alba* solidissimaque carne, decem lineas longam, tres latam, rotundam & extremitatem versus paululum planam. Erat concava & aperta sub finem instar sacci, & ex parte similis extremitati *Proboscidis Elephanti*. Lingua hæc *Offi Hyoidi* alligabatur mediante quodam Trunco, instar intestini, sex pollices longa & lineam lata, extus habens membranam & substantiam nervosam intus. Membrana maculis obtegebatur, acsi in parte interiori *nigricante* sanguine extravasato, & inæqualiter in multis locis collecto, fuisset imbuta. Substantia nervosa in medio erat solida & compacta, quamvis valde mollis, neque facile dividi poterat in fibrillas, uti nervi ex medulla *Spinali* procedentes. Truncus hic & ad emittendam linguam, ipsi adligatam, & ad retrahendam eandem inserviebat: prius quidem per sui extensionem, & posterius per contractionem; qua de contractione nostra erat opinio, necesse esse, ut membrana, quæ obtegebat, haberet *Stylum* substantiæ cartilagineæ, politum & lævigatum, sibi insertum, cujus extremitati Truncus esset alligatus, cuique membrana sua ita adplicata, uti cruri *tibiale sericum*, neque ulla ratione alia intelligere poteramus, quomodo lingua retraheretur. Stylus hic, unum pollicem longus, originem ducebat ex *Offi Hyoidi* media basis parte, prout in multarum avium lingua hoc etiam reperitur.

Lingua plurimis vasis visibilibus erat instructa, propterea quod sanguis ibi in tam magna copia, ac in toto corpore reliquo; unde mirati sumus, cur *Aristoteles* dicat, *Chamaleontem nullum sanguinem nisi circa cor & oculos ha-*

bere; & quare omnes Moderni cum animalibus nonnisi paucam sanguinem habentibus accenserent?

Probabile est Veteres Linguae hujus proprietates non parvi aestimasse, hasque impedimento fuisse, quo minus illi de ea fuerint locuti. Sane si vidissent, quem in suam *Chamaleon* ea utatur, procul dubio non amplius credidissent illum solo aere victitare. Nam utitur hac sua Lingua ad capienda animalcula ea, quibus vivit, stupendaque nobis res est, si celeritatem videamus, qua linguam ad venandas muscas & exserit & rursus in os cum præda retrahit; unde dicunt quod nunquam in capiendo frustratur, idque ope glutinis alieujus naturalis, quod è Lingua ipsius incessanter, uti nos observavimus, exsudat quodque in hujus cavitate colligitur & inspissatur, quæ ad usque Truncum non penetrant, cui lingua alligata, ita ut ad absorbendum, quod in extremitate linguae glutini inhæret, adesse necesse sit, actionem sive motum quandam *peristalticum* à Lingua effectum, cujus partes postquam successive versus palatum elevatae & pressæ, in guttur incidere faciunt, quod absorpsit. Rugarum copia, quas in extremitate linguae decussatim formatas videbamus, primum nobis rem ita se habere persvasit.

Nihilominus *Marmolius*, qui ad semetipsum circa hunc linguae particularem usum explicandum *multos se vivos Chamaleontes vidisse dicit*, adfirmat, quod ea sicuti quæ ad capienda insecta inserviat, eaque omnia quæ de hoc animali observatit, non se abducere queant ab hac sua opinione, unicam nutrimentum esse aerem atque radios solis.

At vero nos *Ventriculum & Intestina* invenimus repleta *muscis & vermibus*, ab ipso eo, nobis spectantibus, juxta prædictum modum absorptis. Similiter observavimus excrementa, quæ fere quolibet die rejiciebat, cum multa *flava & subviridis* cholerae copia intermixta, ac talia, qualia eorum animalium sunt, qui præter aerem aliis quoque l. rebus vivunt. Id quod *Niedermayer, Landgravii Hassia Medicus*, qui anno 1619. vivum *Chamaleontem ex Malta in Germaniam* attulit, jam observavit. Noster sæpe excernebat lapillos, quos non deglutiverat, sed in ipsius intestinis erant generati, uti nos curiosa examinatione detegebamus. In acetum enim destillatum injecti adeo deprehendebantur leves, ut si vas moveretur, ex fundo altum peterent; porro quoque ibi dissolvebantur. Unusque ex illis, qui fissus, caput muscæ in medio suo continebat, circa quod materia lapidea erat concreta.

Hinc credebamus *Lienteriam*, quam *Panarolus Chamaleonti* perpetuam dicit, non fuisse morbum in nostro, siquidem utilibus retentis rejiciebat solum quæ superflua minime-

que ad retinendum apta, l. ut retinerentur, proficua.

Equidem hoc verum est, quod excerneret *múscas*, quæ propemodum ita adparebant integre, uti eas deglutiverat; verum notum est, quod hoc idem accidat serpentibus, qui animalcula rejiciunt tota, prout absorpserunt. Quin & cuilibet notum modum extrahendi succum nutritium in variis animalibus esse varium. Aliqua enim ingesta digerunt & dissolvunt, quare & primum masticant & postmodum in stomacho in liquorem vertunt: Nonnulla vero, quæ absque masticatione deglutiunt, calorem & spiritus sufficientes habent ad succum, quo indigent, extrahendum, iis quæ eum continent non comminutis, prout videmus succum uvarum aque extrahi per expressionem quæ *manibus* fit, ubi lapilli remanent integri, quam per *cupam*, ubi conteruntur.

Has propter observationes non minorem nos putabamus adesse rationem dubitandi de veritate sententiæ illius, quam Veteres de cibo l. nutrimento *Chamaleontis* aereo fovère, ac supra habuimus, ad negandam variam coloris mutationem, quam illi per contactum aliarum rerum, si quibus admoveretur, fieri dicebant, cum præter candidum, quem noster *Chamaleon* in linteo recipiebat, omnes alii colores, quibus obtegebatur, ex rebus quas tangebatur, non emigrarent. Atque rationi satis congruum videtur statuere, quod color albus, quem in linteo frigido, sub quo tanquam pallio aliquamdiu adservabatur, recipiebat, effectus frigoris fuerit, quod eum pallescere fecit, quoniam hic ipse dies, (quo hoc observabamus) erat omnium frigidissimus.

Et ne *Physici* & illi qui *Ethica* student solliciti sint de curiosis problematibus ad suam Philosophiam excolendam, qualia se reperisse putabant in proprietatibus illis extraordinariis, quæ juxta Veterum descriptionem in admirando *Chamaleontis* nutrimento & varia coloris mutatione conspiciebantur: arbitramur sane, novas de motu oculorum ac linguæ ipsius observationes, itemque & modum variandi colorem secundum ejus passiones, esse talia, in quibus eruditionem suam valeant exercere.

Namque ad demonstrandum Gnathones destitui sinceritate, Vanosque & Ambitiosos Spiritus fovere l. struere *Chimaras*, non necesse est, ut verum sit, *Chamaleontem* omnes colores, præter album, recipere, soloque aere victitare. Quin & par fundamentum, & certe major veritas subesset, si quis moralia quædam exinde eruatur, quod *Chamaleon* auribus carens & propemodum quoad plurimas sui partes absque motu existens, solum tantam habeat celeritatem in lingua, ut nihil e-

labi sinat, & oculis, quæ simul quaquaversum spectare queat.

Physici quoque multum negotii habebunt, priusquam clare demonstraverint, unde necessitas illa, quæ natura omnibus animalibus, ut ambos oculos simul eodem moverent, imposuit, oriatur. Nam *Chamaleon* ostendit, causam hujus necessitatis non esse conjunctionem nervorum Opticorum, uti multi opinantur. Nec minus laboris illis facesset, si dicere debeant, quæ potentia ita longe expellat & fere eodem momento iterum retrahat ejus Linguam, & quæ alia ejusmodi exempla plura adduci possent. Motus quippe Musculorum a varia fibrarum, quæ eos reddant & contractos & extensos, positione dependens, neque proportionatus est celeritati linguæ hujus motus, neque magnitudini spatii, per quod excurrit. Si enim nostra manus mota fuerit velociter circiter spatium septem pollicum, vel quantum jam de motu linguæ *Chamaleontis* observavimus, musculorum contractio, quæ suppeditat hunc motum manus, nunquam excedet longitudinem duarum linearum, id est quadragesimam contractionis linguæ partem. Et quamvis speciem veritatis habeat, si dixerò, esse eam propulsam &, ut ita dicam, quasi exspulsum ope erumpentis venti, quo pulmones dilatati fuere, retractam vero mediante nervo, in medio Trunci existente, qui postquam hoc modo fuerit exsertus, redire eam faciat in pristinum locum & ita subito retrahi linguam: Adest tamen adhuc difficultas hæc, quod hoc perfici nequeat absque magno strepitu, cum tamen observaverimus hanc linguæ ejaculationem ne minimum causari sonitum.

Similiter res conceptu difficillima est, quid cum hac substantia nervosa fiat, quæ medium Trunci, cui lingua alligata est, replet & ubi se ipsam queat disponere, quando in os intracta. Etenim quando ibi existit, radix linguæ fermè attingit extremitatem styli cartilaginei, in quo, cum secundum nostram sententiam expositam membrana Trunci complicata & inducta sit, hic nervus ad eundem modum superinduci nequit, quia nimis solidus & compactus est. Et hæc soliditas etiam nos impedit, quo minus credamus, ac si in seipsum intret & secedat, à longitudine sex pollicum extensionis, ad unam lineam in hac sui contractione reductus.

Dici nequit, quod se flectat instar cervicis *Testudinis*, caput suum in testam retrahentis: quoniam hic flexus perficiatur ope diversorum musculorum, qui cervicem hanc variis Vertebra constantem flectunt, qualia organa in *Chamaleontis* lingua non deprehendebantur. Lingua, quam *Picus* ex rostro suo admodum longè emittit, etiam instructa est orga-

nis, quorum substantia multo aptior est ad hanc actionem, quam Trunci *Chamæleontis*; ibi enim reperiuntur muscoli valde longi supra caput flexi, cumque partibus carneis consent, aptitudine gaudent, & ad extendendos & ad contrahendos seipsos, possuntque ob magnam suam longitudinem producere insignem extensionem & contractionem. Quare dicere possemus, quod inusitatus hic motus linguæ *Chamæleontis* ex parte similis sit illi, qui cornibus *Cochleæ* competit, quodque tam magna longitudo, ut hæc est, in suo trunco ferme ad nihil reducat, per crassitie incrementum magnamque dilatationem, a præpotenti & subitanea nigri & spissi sanguinis rarefactione, qui inæqualiter per totam Trunci longitudinem conspicitur dispersus, dependentem & effectam. At vero nec hoc sufficienter hanc explicat rem, quoniam, si rarefactio efficit dilatationem, a qua dependet contractio, non potest postmodum ea producere extensionem in eodem organo; estque supponendum quod extensio dependeat a rarefactione, in altera duarum harum, quibus hic truncus constat, parte, facta scilicet in nervo, qui in medio deprehenditur: quodque contractio contingat, quando rarefactio in altera parte est facta, nimirum in membrana exteriori, mediante diversa fibrarum situatione in una alterave ex his parte, quo modo linguæ extensionem & contractionem apud cetera animalia fieri maxime probabile esse videtur. Sed crassities & carnosæ substantia alias linguas ad perficiendas has actiones disponunt, quæ in *Chamæleontis* (sc. lingua) plane absunt, quamvis iis incomparabili majori virtute fungatur; id quod motum hunc reddit mirabilem & comprehensu difficiliorem.

Supra omnia vero coloris mutatio curiosos longo detinebit tempore, antequam causas exponere & determinare queant, num hoc fiat per reflexionem, uti *Solinus* credit, an per suffusionem, juxta *Senecæ* opinionem, aut mutatam particularum cutem constituentium dispositionem, ut *Cartesianorum* doctrina tradit. Verum hoc certum, suffusionem comprehensu facillimam esse, speciatim illis, qui probe observaverunt, quod *Chamæleontis* cutis naturalem quandam, puta cœruleo-canum (blau-licht-graue) colorem habeat, qui in superficie interiori, quando esset excoriata, conspiciebatur: quod magnus pellicularum parvarum numerus desuper eminentiarum qualibet fuerit detractus, quippe quæ eminentiæ solum ex cutis partes sunt, quæ colorem mutant; & quod tennes hæ pelliculæ facile ab invicem extiterint separabiles, cum è contrario illæ, quæ reliquum cutis constituunt, artissime cohæserint. Hisce enim observatis, probabiliter admodum statui potest, quod Cholera, qua

hoc animal abundat, per passionum motum ad cutem deducta, sese insinuet inter hæc pelliculas, & prout vel propius pelliculam subeat, aut longius ab exteriori eminentiarum superficie recedat, colore eas tingat flavo aut viridi. Nam experientia constat, flavum cum Indico-canum commixtum, producere genus quoddam coloris viridis; unde facile concipi potest, eandem choleram, sub aliqua prætenui pellicula dispersam, facere eam adparere flavam; quod si vero sub densiori quadam pellicula extiterit, flavum suum commiscet cum Indico-canum (blau-licht-grau) hujus cutis, ad producendum Viridi-Canum (grünlicht-grau) qui cum flavo sunt duo colores, quos *Chamæleon* in aprico recipit, ubi existere admodum delectatur. Nam si rebus, quæ ipsum turbent, fuerit commotus, non mirum, quod niger & adustus in sanguine humor, postquam ad cutem delatus, ibi producat maculas fuscas, quæ in eo irato adparent; eodem modo ac faciem nostram fieri videmus rubram, flavam aut lividam, prout humores, qui à natura diversis hisce gaudent coloribus, eo sunt delati. Pari quoque ratione, si per motum contrarium humores, quibus cutis a natura imbuta, in vasa revertuntur, aut seipsos dissipant, ita ut alii non in locum succedant, cutis albescit, ob separationem pellicularum, quæ exiguas hæc eminentias efficiunt. Albedo enim hæc illis accidit, uti nosti ex *Epidermidi*, quæ si exaruerit & in morbo *Pityriasis* vocato in flocculos separata fuerit, cutis præter morem albescit & acsi farina fricta esset, adparet. Plurimæ ejusmodi probabiles rationes possunt reperiri, priusquam una, qua veritas clare demonstrari queat, deprehendatur.

Sed ut nostras de *Chamæleonte* observationes quibusdam solidioribus, quam quæ in hac de Coloribus Philosophia reperiuntur, concludamus, notabilia quædam adhuc, quæ in Ossibus ejus spectavimus, referemus, utpote ex quibus *Sceletum* nobiscum servamus, & in quibus plurima particularia, consideratu digna, observavimus.

Ossa, ex quibus Cranium constabat, solum facta esse videbantur, ad sustinendos musculos *Crotaphitas*, totum caput extus & intus albida & fibrosa carne replentes. Tres cristæ in capite versus dorsum partem in uno puncto concurrebant. Cristarum harum duæ, oculos instar palpebrarum obtegentes, relinquebant magnas vacuitates, quarum quælibet genus quoddam *Zygomatis* efficiebat. Præcipua *Cranii* cavitas consistebat in *Orbitis* aut foraminibus oculorum; nam ea, quæ cerebrum continebat, erat absque comparatione minima. Duæ hæ orbitæ ad se invicem patebant, ita, ut interius oculi sese contingerent, quemadmodum in multis avibus hoc adparet; id quod *Plinius* egregie descripsit, dicens: *Chamæleontis* oculi sunt valde magni (ampli)

pli) & parum à se invicem distantes. Nam per hanc parvam separationem intelligi nequit ea, quæ in facie inter utrumque oculum, quoniam hæc valde magna in omnibus *Chamaleontibus*, cum exigua hæc oculi unius ab altero in facie distantia sit soli Homini propria, sicut maxima ovi peculiaris, juxta *Aristotelis* opinionem.

Quævis dimidia pars maxillæ inferioris composita erat ossibus duobus, per *diarthrosin* junctis, *apophysi*, quæ ab angulo maxillæ se extendebat usque ad *condylum*, cum osse Temporum conjunctum, quod erat distinctum aliquod os.

Spina dorsi, cauda comprehensa, septuaginta quatuor habebat *Vertebras*, duas in cervice, octodecim in Thorace, duas in lumbis, duas apud *Os sacrum* & quinquaginta in cauda.

Prima cervicis vertebra unica erat, quæ spinosam suam *apophysin* sursum habebat flexam, quæque aliter ac reliquæ ab utroque latere excipiebatur. Omnes aliæ in se habebant cavitatem & quidem in parte superiori, quæ recipiebat: in inferiori vero caput quoddam, quod a proxima recipiebatur, quod referebat genus quoddam *Ginglymi*. Omnes generaliter suas septem habebant *apophyses*, exceptis *vertebris* caudæ, octo habentibus, nimirum duas spinosas, unam latam & alteram valde exiguam infra, cum duabus transversis & quatuor obliquis, quibus median- tibus omnes *Vertebrae* erant junctæ, obliqua superiori *Apophysi* unius vertebrae inferiorem vertebrae proximæ transcendente.

Costæ, quarum *Gesnerus* numerat sedecim, erant in utroque latere octodecim, triumque classium. Duæ primæ superne usque ad *sternum* non pertingebant, uti nec tres ultimæ infra. Tertia, quarta, quinta & sexta junctæ ibi erant per appendices, quæ non erant *Cartilagineæ*, sed ejusdem cum costis substantiæ; & hæc duæ classes costarum per angulum, quem formabant, conjungebantur, cum una descenderet & altera versus *sternum* ascenderet. Reliquæ novem costæ *Sterno* non alligabantur, sed quævis ei, quæ appositæ erat, adnectebatur mediante communi quadam appendice, quæ a costa dextra ad sinistram se extendebat & in medio pectoris & ventris inflectebatur.

Sternum constabat quatuor ossibus, quorum primum perquam latum, & instar *trifolii* efformatum.

Omoplate vel *scapulæ* adeo erant longæ, ut a dorsi spina usque ad *Sternum* pertingerent, cui loco *claviculæ* erant alligatæ. *Ossa innominata* modo consvero *ossi Pubis* conjungebantur; verum *Ischium* non firmiter *Sacro* copulabatur *Cartilagine*, erat enim *Os Ilium*, quod ligamento laxo ibi alligabatur; ita ut appareret, *Ossa* hæc, ad modum *Omoplatarum*, structuram & connectionem omnino ab ea, quæ in omnibus aliis animalibus reperitur, differentem habere, in quibus *Omoplate* corporis Trunco sunt alligatæ,

sed ligamenti admodum laxi, comparatione cum *Ossibus Innominatis* instituta. Observatum quoque est *Omoplatas* in *Chamaleonte* arctissime Trunco alligatas esse, uti dictum, *Ossa*que *innominata* admodum mobilia contra fuisse, ceterali- as *Omoplate* in aliis animalibus esse solent.

Ossa Innominata cavitatem in quolibet latere antrosum faciebant, at partim ab *Osse pubis*, partim ab *Ischio* formatam.

Humerus, qui cum *Omoplatis* per *Ginglymum* copulatus erat, ut in genere *Femur* cum *Tibia*, habebat prope caput suum *Apophysin*, instar *Trochanteris*, & *femur*, quod cum *Ischio* per *enarthrosin* erat conjunctum, non habebat *Trochanteres*.

Tibiæ anteriores & posteriores eodem vel simili se habebant modo, quarum unaquævis composita erat è duobus ossibus, magis *radius* & *cubitus*, quam *Peronam* & *Tibiam* representantibus, eo quod ambæ illæ, æque ac *Humerus*, *femori* copulabantur & tam sursum quam deorsum flecti poterant.

Pedes & manus, aut potius quatuor manus, itidem sibi erant similes, atque in hoc saltem differebant, quod Pedes anteriores aliquid, quod *Carpum*, è duodecim ossiculis compositum, representarent: posteriores vero aliud quid, quod potius *Tarsum* referret, haberent, quoniam ossa hæc illis majora erant, quæ *carpum* constituere videbantur. At deerat, quod sufficienter retrorsum se protenderet ad formandum *Talum*, quod ipsum etiam una ex causis potuit esse, quare *Chamaleontis* gressus adeo lentus. Hæc *Tarsi* ossa numero erant sex. Neque *Metacarpus*, neque *Metatarsus* hic conspiciebatur, nisi quis ita vocare mallet duas priores *Phalanges*, quæ separatae & instar digitorum pedis adparebant. Similiter hæc differentia erat manus inter & pedes; nam in pedibus pars tres digitos habens copulabatur lateri dextro majoris, ex duobus ossibus *Tibiam* formantibus; contra vero in manibus, ea minori horum opponebatur, quibus brachium constat.

Post hæc notabilia reperiebamus, quod *Sceletus* & *cutis*, quæ reponebantur, per aliquod tempus retinerent gravem foetorem, putrescentium *piscium* foetori valde similem, & quod malus huius odor, cum partes hæc exarescerent, in suavem & jucundum transiret, qualem fere *Iridis* radices & *Viola* de se spargunt; quodque tandem omnis odor, cum residuæ humiditates essent consumptæ, evaporaret.

Quantum ad incredibiles virtutes, quas Veteres ex superstitione *Chamaleonti* attribuere, & de quibus (ut *Plinius* refert) Democritus integrum conscripsit librum, attinet, adeo iudicio ipsius *Plinii* extra ordinem vagantur, ut nosmetipsos ad ejus de his opinionem referamus, omissaque exploratione, num ejus caput Temp- states eiere? aut ope linguæ ejus lites superari? vel caudâ ipsius flumina in cursu sisti aliaque miracula

miracula perpetrari possint? quæ *Democritum* scriptis reliquisse dicunt. *Eranus* contenti talia experimenta instituisse, quæ magis probabilia videbantur, fundataque erant in *Sym- & Antipathia* rerum: quale est quando e. g. *Solinus* refert, tam magnam inter *Cornicem & Chamæleonem* deprehendi *Antipathiam*, ut confestim ea, quando de hujus carne comederit, emoriatur. Verum hoc certissimum, *cornicem* sæpe rostro suo *Chamæleonem* nostrum petiisse, quum ad cadaver ejus adponeretur; quin etiam plurimas de eo partes, imo ipsum *Cor* non respuisse, quæ absque ullo damno devorabat.

Cæterum ad uberiores horum illustrationem haud abs re esse putavi, si supra laudati Medici *Hasso Darmstadii* Epistolam ad *J. Fabrum* olim datam subjunxero, quæ ita se habet:

Admodum Illustris Domine & Fautor ob-servandissime.

Quod vestris benevolentia & amore plenissimis literis subito, ut animus mihi erat & acceptorum gratitudo beneficiorum jubebat, non responderim, benigne apud Dom. Vestram me purget absentia mea a Darmstadio, ubi Princeps nunc meus Clementissimus commoratur. Eo igitur ut perveni, lapidem omnem movi, vestro ut quæsito satisfaceret.

Chamæleonem itaque eundem, quem *Serenissimus Hassiæ Landgravius LUDOVICUS* anno 1619. *Melita* Romam tulit, quemque nos una vivum ibi vidimus, hunc eundem, inquam, ego biennio prius, dum eadem in *Insula Melitensi* versarer, sæpius conspexeram. Fuit autem *Chamæleon* hic summa industria in cavea conclusus, pellibus ac pannis a vento & frigore, quod in *Germania*, quando eo appalimus, adhuc asperum erat, præmunitus & custoditus, quoniam in frigidiusculo magis aere animal hoc torpidum & quasi immobile persistebat.

Sed & diversissimo situ mirisque posituris apparebat: modo pedibus anterioribus sursum prorepens seque appendens, posterioribus insistens: modo autem contrario ordine pedibus utens, quod ad stuporem usque sæpissime inruebamur.

Sereno vero tempore & calidiusculo splendescenti *Soli* suo cum claustro exponebatur, ubi aliquem motum reptilem, sed tardissimum edebat, unum post alterum elevans pedem & nisi firmiter uni innixum insisteret, alterum haudquaquam movebat. Claustrum illius illinebamur nonnunquam melle, aliquando eidem saccharum inspergebamus, ut muscæ allectarentur, quarum ubi una forsan eidem appropinquabat, quatuor insistens tunc pedibus suis corpus commovebat, linguam exerebat longam, flavi coloris, exilem, sed in apice latam & rotundam, caputque aciculæ magnitudine ac forma adæquantem. Et tamen in omnibus actionibus suis animalculum hoc esset tardissimum,

in sola tamen muscarum venatione mira præstabat agilitate. Nam temporis quasi momento linguam vibrabat & ejusdem extremitate muscam agglutinabat, quam illico devorabat.

Os ad tam parvum collatum corpusculum satis grande habebat, quod ipsum alio haud unquam tempore aperire animadverti, nisi quando muscam capiebat, quod equidem quatuor aut quinque mensium spatio sexies vel septies ab eo factitatum fuisse arbitror. Propterea non absurda omnino conjectura diverſi autores ducuntur, cum *Chamæleonem* ex aere vivere autumant: quod equidem ut absolute non est verum, cum & *Serenissimus Princeps* meus & ipsemet ego multique mecum alii, magno sæpiuscule cum risu, venationis illius muscarum spectatores fuerimus: sic consideratione dignissimum judico, quomodo animal hoc ex unica musca tanto temporis tractu plurimum non solum dierum, sed unius atque alterius etiam mensis spatio sufficiens haurire nutrimentum potuerit.

Nares constituebant duo foramina parvula, sed patula. Attractionem aeris tamen aut pectoris commotionem in hoc nullam unquam advertere potui.

Oculi proni, nigri, cooperti, cum rotunda palpebra, majores interius & minores exterius apparebant; & quod mirum est, hos in gyrum & rotationem omnimodam ad libitum verſabat.

Caudam satis longam trahebat ad ventrem inflexam, qua in rependo utebatur, siquidem nunquam proreptabat, nisi illam bene affixam & cavæ suæ firmiter inflexam teneret. Quod ad colores attinet, nullos alios, quos assumeret, observare mihi licuit, quam nigrescentem, cineritium albumque & aliquando ex his omnibus mixtum, modo maculis nigris albisque punctatum, modo iisdem in lineas transversas, non longas, diductis. Alios colores vero, viridem præcipue ac rubrum, quorum animal hoc capax & susceptibile affirmant non pauci, nec vulgares scriptores, ego equidem diligenti adhibita observatione videre haud unquam potui: & indubitatum velim *Domin. vestram* his verbis meis fidem adhibere.

De interioribus ipsius partibus hoc quod subjungam habeo: non quidem me post animalis mortui sectionem earundem spectatorem fuisse, hæc tamen quæ sequuntur, ex *Darmstadiani Medici & Principis nostri* veridica relatione *Chirurgi* vobis communicare posse. Dictus igitur *Chamæleon* paucas septimanas, postquam *Darmstadium* perlatus fuit, supervixit, an incuria hoc illorum acciderit, quorum concreditus custodiæ fuerat, an aeris potius inclementia, qui tunc temporis frigidiusculus, pluviosus ac ventosus erat, affirmare non ausim.

Aperto igitur per incisionem ventre nihil
Cc 3 quasi

quasi sanguinis profluebat: ad latera *costarum* tamen, quæ costis sive spinis piscium assimilabantur, venulæ aliquæ minutæ conspiciendæ se præbebant, quæ ubi apertæ fuerunt, sanguinis instar quidpiam stillabant.

Pulmo parvus fuit, cum mea tamen quoque opinione prægrandis censeretur, quod aeris plurimi attractione sola plerique hoc animal diutius absque cibo vivere posse sibi persuaserint.

Hepar itidem parvum, in quo aliquid sanguinis repertum, observabatur.

Cor vero minutissimum apparebat. *Intestinum* a gutture usque ad anum, aut excrementorum exitum unicum, album, non admodum crassum & circa ventris medium nonnihil curvatum conspiciebatur & ob id longius paululum quam totus corporis tractus erat. In hoc aperto & secundum longitudinem scisso aliquid instar materiæ excrementitiæ nigricantis, ad viriditatem tendentis, absque ullo tamen foetore reperiebatur. Utrum fuerit excrementum ex muscis, quas præteritis mensibus comederat & paucis illis quidem relictum, an ex humidioris aere attracto collectum atque compactum, hoc ego aliis enucleandum relinquo. Circa ventris medium intestino huic ovorum piscium simile quid adhærescebat.

Lingua post mortem animalis in oris cavi-

tate acutissima & parva prorsus delitescerebat; cum illam tamen ego, quando muscas venabatur, longiusculam satis & in apice specilli globulum sive caput referentem viderim. At in promptu ratio videtur, evanescentibus nimirum vitalibus & animalibus spiritibus, post mortem plurima, quæ in vita tumescebant, collabuntur. Sub lingua porro *venula* humore quodam flavescente turgens videndam se præbebat. Utrum veneno hoc scatuerit, non ulla absque ratione prorsus dubitandum existimo.

Sceletus hujus Chamæleontis postmodum, cum sceletis unius ex duobus illis animalibus Gazellis vocatis, ab eodem quoque magno Equitum Magistro Melitenis Landgravio LUDOVICO donatis, imo cum altero vivo, masculo nimirum, transmissa ad Sereniss. Saxonix Electorem fuerunt, qui non pauca exotica alit animalia & sceletos diversissimorum adservari jubet, Leonum sc. Tigridum, Equorum, Camelorum, Simiarum aliorumque, & in hoc Museo vestro, in quo Sceleti quamplurimi quoque prostant, nihil conceditur, quin prorsus superatur.

Atque horum nunc ego breviter recordari potui, reliqua, cum una essemus, voce me explicasse memini &c. Darmstadii, die XII. Decembris 1626.

EXPLICATIO FIGURARUM TAB. XLI.

IN PARTE INFERIORE

Chamæleon ad vivum delineatur & quidem arborem conscendens, ita ut ad alterum latus inclinet, quo non tantum tuberculum in capite detegatur, quantum possibile erat, sed & inferior corporis pars.

IN PARTE SUPERIORI

- A. *Vesicula fellea est.*
- B. *Sinister hepatis lobus.*
- C C. *Dexter lobus ejusdem.*
- D. *Oesophagus.*
- E. *Ventriculus.*
- F. *Pylorus.*
- G. *Ductus cholidochus.*
- H. *Vena porta.*
- I. *Vena cava.*
- K K K. *Intestina.*
- L. M. *Membrana omnes hæc partes connectens.*
- N. *Anterior os sterni.*

- O. *Sinister hepatis lobus.*
- P. *Superior pulmonum pars inflata, rubris punctulis notata.*
- Q Q Q. *Reliqua pulmonum portio inflata.*
- R. *Arteria aspera filo constricta, ut pulmones inflati maneant.*
- S S. *Os hyoides.*
- T. *Stylus cartilagineus, cui truncus, linguam sustinens, affixus est.*
- X X. *Lingua.*
- Y. *Truncus sursum reflexus.*
- Z Z. *Renes.*
- Γ Γ. *Cornua uteri.*
- Δ. *Cervix uteri.*
- Κ. *Intestina.*
- Θ Θ. *Oculi.*
- λ λ. *Nervi optici.*
- π. *Cerebrum.*

Sceletum ut explicemus, minus necessarium esse ducimus, partim ob accuratam ejus delineationem, partim ob exactam descriptionem in superiori discursu observandam.



SECTIO LII. DESCRIPTIO ANATOMICA BUFONIS,

è Marci Aur. Severini Zootomia p. 325.

A Deps citreus in articulationis loco, qui est inter humeros & caput. Item in articulatione femorum.

Musculi longi, tenues, orientes è summa cauda in caput tibiæ converſi, plicatores tibiæ.

Xiphoides lata sub cute statim apparens.

Musculi ferme omnes.

Intestinum unum prælongum. Rectum amplissimum; alterum, quod sequitur, tenue, cæterum inæquale.

Ecphysis dictum Portinarium amplum, discretum insignit, nigro colore suffusum, alterius ventriculi instar: Nullum cæcum.

Ventriculus amplus humano similis.

Nulla vesica, nulli testes, nullum genitale: Ova renibus per longum ductum incubantia, aut promiscuum igitur animal, aut foemina præcise: Oviparum omnino animal.

Renes serpentum modo longi, atri, molles, subtenſi alligatique septo, viæ ramulis multis irrigati: Meatus seminarii bini in se ipsos implexi diaphragmatis primordium attingentes.

Diaphragma mite longum, totam dorsi longitudinem exæquans naturalibus subtenſus.

Pulmo æque productus cum septo.

Adeps sub alvum distinctus est, multas fibras dextra atque sinistra habet.

Prorsus vero singulare & insolitum est, quod in

BUFONE AMERICANO,
PIPA dicto, observatur, quod sc. foetus suos è dorso excludat. Figuram ejus & delineationem à Filia Meriani, Insectorum observatricis curiosissimæ, vivis coloribus depictam, seu, ut loquuntur, illuminatam, spectari mihi licuit in Bibliotheca instructissima & selectissima Dn. D. Uffenbachii, Francof. cujus Anatomem quoque dedit Inclytus Ruyschius in *Thesuro Animalium* primo pag. 19. verbis seqq. Bufoni simile Animal Americanum, pedibus posterioribus anserinis, PIPA & PIPAL incolis Surinamensibus dictum, in dorso habet plurima ovula, separatim in suis cellulis, ceu utriculis recondita, è quibus tandem foetus emergere in confesso est.

NOT. In hoc objecto dorsum à me esse apertum, ut expiscarer, an ova ex abdomine emergant & in dorso tantum appareant & propullulent; contrarium autem in hoc animali liquet: in illis enim nullam communicationem reperire potui cum partibus internis abdominis; cutis dorsi vero plurimis cellulis ceu utriculis donata, ova continet, idque sub operculo seu scutella duriuscula, qua ablata ova nuda apparent, vid. TAB. Fig. 2. & 3. Dictum animal plures ante annos ex America transmissum primo intravit Museum instructissimum Amplissimi Consulis Amstelodamensis, Nicolai Witsen, rerum curiosarum investigatoris indefessi.

EXPLICATIO FIGURARUM

TAB. XLIII.

FIG. I.

In parte superiori exhibet conchyliæ varia & ramusculos marinos. In parte inferiori vero Animal Americanum Bufoni simile, PIPA & Pipal indigenis dictum, pedibus posterioribus anserinis: ubi

A. denotatur PIPA ipsa.

B B. Foetus è dorso emergentes.

C C. Cavitates seu Utriculi, è quibus exierunt foetus.

D D. Calyces adhuc cooperti suo operculo, sub quo foetus occultantur.

FIG. II.

Vitrum est in liquore continens aliam Pipam, cujus dorso aperto conspici potest neque ovula, neque foetus commercium habere cum abdominis cavo: sc.

A. est Foetus sub calycibus seu utriculis adhuc occlusus, ita, ut nondum in conspectum veniat.

C. Calyces sunt, è quibus exiit foetus.

D. Vertebra dorsi.

E. Substantia musculosa.

F. Portio cutis circumflexa.

G. Congeries conchyliorum & ramulorum marinarum, per quæ repunt foetus PIPA.

NOTA.

N O T A.

Omnia hæc, quæ de PIPA modo dicta sunt, confirmat Dn. *Lentilius*,
 Archiater Württembergicus, in *Ephemerid. German. Cur. Cent. IV.*

Obs. CLXXII. cujus verba ita se habent:

Transimus ab animali horridiusculo, sc. rana, ad horridius aliud, nempe bufonem, quorum utrorumque inter se tantum a quibusdam recensetur commercium, quod etiam ad mutuam coitionem extendatur. Pari autem fide, qua ranarum e limo generatio, coturnicum ætate provectarum in bufones metamorphosis, quam nonnulli se observasse produnt, niti videtur. Sed & bufones alicubi a decidentibus aquæ guttis momentanea generatione prodire volunt. *Guil. Piso Hist. nat. Ind. utr. Lib. V. c. 15.* ita: *Contigit subinde tempore imbrido, comitante suffocativo tepore veris, corruptionem accelerante, ex unaquaque gutta aquæ crassa in momento quasi generari BUFO-NES, plus minus avellana magnitudinis, tot myriades simul, ut solum universum lateat sub iis.* *Indigenæ (BRASILIAE) CUCURVY* appellant. *Nec differunt ullo modo a cæteris ranis & bufonibus ex coitu utriusque sexus natis.* Præter ea, quæ præcedenti observatione contra ejusmodi commenta protulimus, nimirum impossibile esse, ut animal tot partibus organicis instructum in momento nascatur, cum ad ordinariam ejus generationem tantum temporis requiratur, ipse quoque PISO subministrat argumentum in contrarium, in eadem præcedenti observatione quodammodo tactum, subdens: *Cum nunquam hujus subita generationis modum a quoquam supra tectaedium vel loca lithostrata visum autumem, hic quoque eas, non nisi, ubi est magna copia pulveris terræ glebosæ ab imbribus imprægnati, generari constat.* Addimus nos, constare potius, hanc generationem esse chimæricam, pulveremque hunc terræ glebosæ gratis supponi, quippe æque ineptam productioni bufonum, quam est limus, ad eam, quæ de ranis prædicatur. Magis generationis æquivocæ promachis opitulari videtur, quod in medio truncorum arborum, quinimo in ipsis lapidum medullis reperti fuerint vivi bufones. Id sibi confirmatum fuisse a viris tantæ fidei, testibus oculatis, ut de facto dubitare sibi religioni ducat, in tractatu præcedenti observatione allegato scribere non veretur *Rajus p. 384.* Unde rei miræ quoque rationes invenire laborat, nempe animalcula ista adhuc parva per rimas cujusdam lapidis irrepere potuisse, quod ipsis facere per naturam solenne sit, ut nempe se tempore hyberno adversum aeris injurias tueantur, crescere vero ac adolere in ipsis rimis, ut exitus angustior, quam pro adulti corporis modulo reddatur, potuisse ibi per plures an-

nos inclusa vivere, contenta pauxillo acre, quem rima suppeditasset, quo multo non opus habuerint, ob connatum temperamenti frigus, ac stuporem: lapidis ipsius humorem quippe a defectu motus non dissipabilem potuisse nutrimenti vicem subire &c. Quis autem credat sapientissimum *Rajum* ita serio Philosophari? Credo potius in amicorum talia sibi confirmantium gratiam ita scripsisse. Quomodo enim pusilli bufones adolebant in cavitæ tantilla, ob lapidis duritiem magis expandi nescia? quod ipse sibi paullo post objicit, solutione in commodius forte tempus dilata. Quanti quanti cætera mihi essent amici, in eorum profecto favorem hujus farinæ historioli, ni viderim ipse, fidem neutiquam adhibuero.

Bufonem inde vocari, quod in appropinquantes impetu maximo spiritum afflet, unde probare possit? *Sibbaldus in Scot. Illustrat. Part. II. Lib. III. cap. 6.* ipse viderit. Pauca tantum de Bufonum ante veneno loquamur, quam paradoxum ejus patiendi modum recenseamus. Prodierunt ante nonnullos annos *Venetis* aliquot *Tomæ* in Folio, sub titulo *Galleria di Minerva*, consistentes in variis variorum eruditum in quaque Facultate ac disciplina collectaneis curiosis. In *Tom. VI. p. 305.* exhibetur sylloge observationum Medico-Physicarum Illustriss. *Valisnieri, Professoris Medici Patavini*, Patroni nostri, ac inter alias quoque sequens, quam eo lubentius adduco, quod istum *Minervæ porticum* Germanis nostris non æque multis patere noverim. Anno 1692. Miles Germanus in castello *ARCETI* hibernabat. Gregarii quidam cum primo vere viderent *Ruricolæ* delectari ranarum in certa quadam fossa captarum esu, hos imitaturi ex eadem fossa bufones, quos a ranis discernere nequibant, magna copia protractos, rusticorumque a se viso more præparatos ac elixos, non sine aviditate devorant. Hilares epularum spectatores rustici, hospitum horum non admodum amantes, convivantium subitaneos defectus ubi diu satis expectassent, iniqua spe penitus exciderunt. Præter enim levem labiorum, palati, linguæ fauciumque excoriationem, frequentemque urinæ redditionem mali nil amplius patiebantur. Conjicit inde non inepte laudatissimus *Valisnieri*, bufonum carnem nullatenus esse venenatam, abundare tamen multo sale volatili diuretico, cujus in certis casibus eximius usus esse possit. Hinc & anates aliaque immunda animalia bufones

fig. I.





fig. II.



fores absque noxa deglutire dicit, quamvis hoc argumentum ad probandum, quod caro bufonum veneno careat, non admodum sit validum. Allegatur quoque a *Valisnierio Journal de Scavans*, ubi scribitur, fuisse quosdam, qui carnem bufonum impune comederint, quamvis hujus animalis venenum foris applicatum sit exitiabile. Si carnes viperarum innoxiae sunt, cur non item bufonum? non sequitur, animalium succum vel salivam venenatam habentium carnes quoque venenatas esse debere; quamvis nemini sim autor, ut ejusmodi cupediis famem solari sustineat. Idem *Valisnierius* falsum comperit, experimento rei facto, quod antiqui scripserunt, e carne nimirum anatum putrefacta ejusque fimo prognasci bufones. Plura ad Bufones spectantia qui nosse desiderat, B. *Paullini* nostri *Historiam Bufonis* evolvat. Nos ad observationem.

Non æque raro videtur in *Museis Batavicis* conservata in liquore per dorsum pariens bufo, quam descripta a nobis ranatum illa in pisces metamorphosis. Nimirum vidimus *Lugduni Batavorum* in *Museo Indico*, *Horto Medico* contiguo, *Amsteladami* in *Museo Horti Medici*, in *Witfiano*, *Sebaano* & aliis, *Harlemi* in *Vincentiano* bufones, eorumque nonnullos prægrandes, *Americanos*, quorum totum dorsum a fine capitis usque ad anum pluribus præditum est uteris. Numeravimus in aliqua tales uteros circiter quadraginta. Ex his pariuntur bufonum pulli.

Protuberabant isti uteri adhuc dum gravidi pisorum ad instar e fontanellis hemisphærio sui dimidio prominentium. Uteri, qui jam partum suum excluderant, cavitate quadam hiebant, simili fonticulorum foveis exento pifo vel globulo. E quibusdam uteris prospiciebant pulli seminati, & in vitrorum fundo (bufones enim omnes in liquore conservatorio natabant) nonnulli jam nati bufunculi, vel, si mavis, bufonum catuli, quantitate circiter fabarum, quiescebant. Bufonem hujusce speciei masculum curiosis exhibet spectandum aliquoties jam laudarus SEBA, femellam itidem adhuc virginem, aliamque, cui sola a dorso ovula protuberant. Cur de rei veritate dubitare debeam non video, quamvis omnino sit optandum, ut ejusmodi bufonem anatomico cultro subjiciendi detur occasio. Forsan bufo non habet, nisi unicum uterum, e quo ductus aliqui, ceu tubæ, versus extimam cutis superficiem excurrunt, eoque foecundata per coitum ovula deducunt in foveas cornuum, qualia sunt in multiparis, vicem obeuntes; quamvis hanc nostram suspicionem nemini credendam obrudamus. Ita, ut olim *Africa*, hodie *America* semper aliquid apportat novi. De *Insolitis partus humani viis Bartholinum* disserentem habemus peculiari tractatu. De partibus ex dorso, tantoque in uno animali uterorum, si modo sunt uteri, numero, me nunquam quidquam legisse recordor, quamvis non omnia legere possim, nec, si possem, velim.

SECTIO LIII.

DESCRIPTIO ANATOMICA
RANÆ


Ex Actis Eruditorum Lips. Anno 1687. Mens. Maj. pag. 284.


QUamprimum veris hujus initium post superatum brumale frigus salutavimus, vidimusque ex hibernaculis suis prodire ranas, elegans profecto nobis occasio oborta est inquirendi penitus in prima nascentiarum ranarum initia, curiosa omnino, sed hactenus a nemine satis accurate descripta. Dies erat Martii Mensis undecimus, qui primam suggerebat foemellam utero jamjam gerentem, a quo tempore ad præsentem usque horam innumeræ occurrunt foeminae pariter ac mares. Inter illas aliæ quidem jamjam pepererunt, aliæ adhuc utero gestant, aliæ nondum compressæ sunt: hi autem vel deprehenduntur in ipso cocundi actu, vel ad congressum

proni, vel etiam exhausti Venere atque languentes. Sunt enim mares circa veris accessum instructi excrecentia quadam in pollice utriusque pedis anterioris callosa, quæ mirabili & exholoserico quasi confecto integumento occultatur, typhæ aquaticæ, qua substantiam, & colorem non multum dissimili. Atque hæc ipsa macula firmiter primum adhæret iniis, qui congressum appetunt: laxius adhæret ac detrahi potest in his, qui Venerem excrucierunt crebrius: decidit denique sua sponte postquam robur virile prostratum est. Interiora si spectes, notabis præcipue vesiculas seminales in viris ante coitum adeò intumescere a lactescente spermate, ut non raro sexies & ultra su-

perare magnitudinem in figura I. depictam visæ sint: qui in congressu capiuntur, non unius magnitudinis vesiculas ostendunt, sed modo majores, modo minores, pro diversitate scilicet vel ejecti vel iterum collecti spermatis: qui vero suo jam satisfecerunt officio, iis una cum pene atque pollicum callis minuuntur vesiculæ seminales ita, ut vix ac ne vix quidem conspiciantur, nisi quis per ureteres apertos flatum immittat. Foemellæ contra & graciles in pedibus pollices ubique servant, & vesiculis illis spermaticis penitus carent; alii testiculi longe amplissimi sunt, multis modis testes marium superantes, & oviductus cum duplici utero adeo sunt aspectu jucundi, ut nihil in rana elegantius cernatur, quam applicato ad tubæ superius orificium tubulo, si flatu distendantur. Ovula vero in foemellarum sic dictis testiculis, seu potius ovariis, reperta, ab initio exilissima sunt & pellucida, successu temporis accrescunt eadem pedetentim, coloremque suscipiunt ex lactescente lividum, in quibusdam nonnihil viridem: postmodum ovaria plane variegata deprehenduntur, aliis quidem ovulis lividis aut quodammodo virescentibus, aliis ex toto atque aliis ex parte fuscis, donec tandem nigra prorsus evadant maturitate: atque tum demum ad concipienda intra uterum ovula admodum propinquæ sunt ranæ. Nimirum & ranas observavimus cum maribus suis congregientes eo etiam tempore, quo ovula non omnino nigra, sed variegata comparuerunt, tumque non modò foemellarum tergo, quod solennius est, sed abdomini incumbunt maribus. Qui primus congressus dubio procul ad imprægnanda ovula idem valet, quod in gallinis e.g. galli coitus, h. e. ut plura simul ova foecundentur. Nam & analogia partium genitalium similem cum avibus congressum suadet, & alteratio illa notabilis, quam circa foemellæ compressæ anum videre licet, idem confirmat; ut taceamus ab iis, quos captandi ranas ergo emisimus, non imperitis rerum naturalium, sanctè contestatum, non semel ranas obvenisse juxta consuetudinem volucrum vere coeuntes junctis podicibus. Verum longe curiosior est alter ille congressus, ranis peculiaris, qui nempe tum demum contingit, quando matura jam ova utero excipienda veniunt. Id vèro nullibi clarius quam die 18. Martii vidimus in rana ex ulnis mariti surrepta. Cum enim abdomen ejus aperiretur, occurrebant primum in dextro latere ovula saltem bina, libere inter cor & pulmones oberrantia, in sinistro latere plusquam triginta reperiebantur similia, illæsis tamen & ovariis atque ovulis. Elevato igitur sternum, cum ad oviductus initium properassemus, vi-

sus est dexter ad duorum circiter transversorum digitorum latitudinem plane vacuus, in cuius tamen progressu plurima hinc inde notabantur ovula, ejusdem magnitudinis & coloris cum his, quæ libere in thorace volutabantur. In sinistro autem latere principium oviductus adeo erat repletum, ut, cum tubulum applicare voluissimus, unum alterumque redierit ex oviductu compresso ovulum, & reliqua flatum immittendum omnino sufflaminarint; in reliquo oviductus progressu non nisi tria observare licuit ovula, quamquam utrumque ovarium semiexhaustum, & uterus ex utraque parte semiplenus occurreret. Quapropter dubium non est, quin ovula ex ovario in oviductum atque per hunc porro in uterum usque deferantur, favente imprimis maris compressione in ranis. Neque enim amplexus ille adeo fortis ac diuturnus de nihilo est, siquidem inde etiam natas in pectore suggillationes cum excoriatione sæpius monstrarunt foemellæ, indicantes hac ratione & locum atque vires in compressione a maribus facta. Videlicet qua oviductus extremitas, secus ac in aliis observatur brutis, immobilis existit longiusque ab ovario distat, factum est egregio naturæ instituto, ut, cum venter rana cum sternum mobili a rana comprimeretur, ovula ex ovario delapsa versus superiora adigantur, ab oviductus adæquato ore excipienda. Juvat autem ovulorum ingressum non parum cordis motus & pulmonum, siquidem inter inspirandum cum pulmo elevatur, hoc ipso ovula quoque attolluntur versus cor; dum vero hoc attingunt, impelluntur continuo, ac partim a pulmonis, partim a cordis auricularumque motu tandiu redduntur inquieta, donec foramen oviductus ingrediantur. Tum vero quæ semel ingressa sunt, ad uterum usque deducuntur, virtute canalis propria, quippe qui intestinis admodum similis sine dubio simili quoque motu peristaltico gaudet. Hunc in finem fibris instruitur variis, tenuibus sed egregio dispositis ordine, quæ in oviductu aperto non obscure conspiciuntur nudo etiam oculo, nisi quis forte habitudine laboretenormi. Restat itaque unicuique ut expediamus, nimirum unde prodeat albumen illud seu pellucidus liquor summeque viscidus, qui nigra circumdat ovula. Etenim quæ recentè utero excepta sunt, ab initio tantillum liquoris illius admixtum habent; augetur nihilominus hic ipse indies adeò, ut tandem pondus ovulorum omnium superet. Adhæc mirum est, visciditatem eam non tam accrescere cum numero ovulorum in uterum delapsorum, quam supervenire potius, postquam exhaustis ovariis uterus omnino





omnino plenus est : ne dicam obvenisse nobis ranam , in cujus sinistro utero perfectum jam ex omni parte detinebatur , in dextro tamen nuda fere apparebant ovula , fortasse tardius huc delata , ob inæqualem maris compressionem ; siquidem ejus luculentum in pectore matris vidimus testimonium , excoriationem puta , non in utroque , sed sinistro tantum latere conspicuam . Sed ad rem : a mare injici liquor hic viscidus non videtur , quia talis in ejus vesiculis spermaticis non invenitur , sed fluidus magis & lacteus . Neque ex altera parte maternus id promittit uterus , utpote cujus substantia pure membranacea est & tenuis admodum , si duplicaturam ejus , qua lumbis annectitur , excipias . Nec denique ovulis vel in ovario , vel dum in cavo ventris fluctuant , quicquam accrescit ; ergo superest unice , ut in oviductum inquitamus . Favet autem huic primo , quod reperiamus , non quidem ubique , sed hinc inde pellucidum liquorem inter ovula trajicienda permixtum . Secundo majorem illius humoris copiam vidimus circa insertionem oviductus ovulis affulam , minorem in reliqua uteri cavitate . Tertio si aperiatur oviductus , occurrit ibidem glutinosus humor , qualem in reliquo corpore nusquam reperire licet . Denique quarto extra omnem dubitationem nos collocavit microscopii usus ; hujus etenim beneficio vidimus non obscure glandulas omnem oviductus

cavitatem undique contegentes . Et quemadmodum canalis ille post partum miris modis attenuatur , tum amplitudine , tum substantia , ita & glandulæ hæc tum temporis longe exiliores sunt . Eadem ante ingravidationem multum majores spectantur , quando & conspectiores & crassiores sunt oviductus . Ast suavissimum plane spectaculum præbent ranarum utero gerentium oviductus , quippe qui aperti non modo glandulas offerunt satis conspicuas , sed & glandularum poris manantem lympham . Quas enim ibidem spectandas fibras supra memoravimus , ex glandulis his concatenatis reguntur miro naturæ artificio : interjectæ autem striæ (quales fere in extremitate digitorum nostrorum cernimus) decurrentem inde humorem & colligunt & provehunt ulterius . Posito igitur maximam requiri hujus liquoris copiam , ad fovendam ac fortassis enutriendam etiam ranarum sobolem longe numerosissimam , non deterremur atamen a jam declaratis fontibus , quandoquidem sufficere potest & glandularum illarum immensa frequentia , & ipsius canalis longitudo , quæ , si a mesenterio suo liberentur hæc intestinula , in minoribus etiam ranis dimidiam , in majoribus integram fere ulnam nostratibus usitaram attingit . Adde his diuturnitatem temporis , quo ranæ utero gerunt , non hora aut die , nedum septimana circumscriptam , & res omnis salva erit .

EXPLICATIO FIGURARUM
TAB. XLIII.

IN PARTE INFERIORI

FIG. IX.

In rana mare indicat :

1. *Excrescentiam pollicis adnatam in utroque anteriori pede.*
2. *Penem ex concursu vasorum ejaculantium exsurgentium.*
- C. *Vesiculas seminales ureteribus annexas.*
- D. *Testes cum renibus communicantes per vascula seminalia.*
- E. *Renes cum ureteribus.*
- F. *Vesicam urinariam duplicem turgidam flatu immisso.*
- G. *Intestini recti portionem.*
- H. *Sternum.*
- I. *Lobos hepatis.*
- K. *Spinam dorsæ.*

FIG. X.

In rana gravidâ notat :

- A. *Cor.*
- B. *Pulmones collapsos , qui alias mere vesiculosi pulmonum substantiam egregie demonstrant.*
- C. *Epatis portionem.*
- D. *Ventriculum.*
- E. *Intestina.*

F. *Intestinum rectum.*

G. *Vesicam urinariam apertam.*

H. *Ureterum exitum setis immixtis.*

I. *Ostia uterina.*

K. *Uterum duplicem ovis gravem.*

L. *Oviductum.*

M. *Ostium ejus superius inter Cor & pulmones hians.*

N. *Ovaria exhausta.*

Plura de partibus genitalibus Ranæ foeminae vid. in D. Antonii de Heide *Observat. Med.* pag. 169. *Obs.* 99.

IN PARTE SUPERIORI

FIG. XI.

Exhibet pulmones ranæ merè vesiculosos à Thom. Barthol. *Tr. de pulm.* p. 23. curiose descriptos & à Malpighio in *Ep. de pulm.* eleganter depictos.

- A. *est Larynx , quæ semicartilaginea est.*
- B. *Rimula , quæ exactissimè clauditur & aperitur ad animalis libitum & clausa aere turgescens servat pulmones.*
- C. *Cordis situs.*
- D. *Pars exterior pulmonis.*
- E. *Cellularum propagatum rete , quo copiosissimum aerem haurire valet , ita ut eundem postea sub coactione diuturna eo liberalius exspirare*

expirare possit; id quod in causa, cur rana in vacuo exstingui non possint.

F. Arteria pulmonaria propagatio.

G. Pars concava pulmonis per medium scissi.

H. Vena pulmonaria parietum apices excurrentis propagatio.

FIG. XII.

Continet cellulam simplicissimam absque intermediis parietibus, aucta in magnitudine.

A. Cellula area interior.

B. Parietes divulsi & inclinati.

C. Arteria pulmonaria truncus, cum appensis ramis, quasi reticulato opere desinentibus.

D. Vena pulmonaria truncus, parietum fastigia pererrans suis decurrentibus ramis.

E. Vas in fundo & angulis parietum, commune lateralibus & continuatis retis ramificationibus.

SCHOLION

De RANA SURINAMICA, in Colonia Americæ Batavorum, Rio Comeuvina dicta, proveniente & in piscem per transmutationem successive abeunte, vid. *Ephem. Germ. Cur. Cent. III. & IV. Obs. CLXXI.* ubi

TAB. X. Dn. *Lentilius* metamorphosin hanc, Amstelodami apud Dn. *Sebam* observatam, eleganter ob oculos posuit.

Verba ejus hac sunt:

ME cum *Serenissimo Principe* meo *Taurinorum Augusta* degente, cum aliquando sub æstu cœli vehementissimo nimbus delaberetur, e domesticis nonnemo, hem, ait, quantus nunc e terræ pulvere surget ranarum exercitus! quid, inquam, hoc monstri? Immo vero, respondet ille, nostine Sole calente, quot quot guttæ pluviales pulverem super decidunt majores, totidem eo statim momento ranas produci? Me ridente, magis ipse meam, ceu *Physici*, ridebat ignorantiam, nec minus ad experientiam provocabat, quam & Philosophica ratiocinatione paradoxum generandi modum fulcire audebat, nempe, ad novum animal procreandum omnia tum elementa conspirare: de aeris præsentia non existere dubium, ignem radiis Solaribus, aquam pluviae guttis, terram pulvere sicco describi: nec aliud sibi persuaderi patiebatur, quamvis rationi sanæ nil magis adversum dicerem, quam serio credere, uno temporis momento e materia tam inepta prodire posse animal in sua specie perfectum, tot visceribus, vasis ac membris dotatum, adeo nocet animum fabulis occupari! Nunc ab eo tempore tres anni præterière, nec amplius de ista tam peregrina *batrachogonia* cogitabam. Prodiit autem sub anni 1714. auspiciis translatum ex Anglicana lingua in Gallicam posthumum celeberrimi *Raji* opusculum, cui titulus: *L'existence & la Sagesse de Dieu, manifestée dans les Oeuvres de la Creation.* Hoc opusculum, uti est eruditione varia longe referatissimum, atheorum stultitiæ explodendæ cum primis destinatum, ita, generatio spontanea ubi p. 351. seq. ex instituto profligatur, genitarum vel in nube cum pluvia deciduarum, vel e pluviae guttis cum terræ pulvere sicco mixtis productarum ranarum, ampla quoque fit mentio, sagaci Auctore inter alia bene dicente: *Celui, qui peut croire, qu'il pleut des grenouilles, peut*

croire également, qu'il peut pleuvoir des veaux. Miramur autem cum *Rajo*, non stupidum alioqui virum, *Libert. Fromondum*, præoccupatum fortasse a fabulosis *Aristotelis & Plinii* commentis, credere potuisse, certum terræ pulverem cum aqua pluviali mixtum & fermentatum, ranas etiam adultas omniumque functionum animalium perfecte peritas, dicto citius creare posse, cum naturalis earum generatio tantum vasorum apparatus, tantum coeundi negotium, tantas foetificationis, formationis, exclusionis circumstantias, tantam perfectionis periodum, tot mutationum scenas requirat, per fortuitum huncce caussarum concursum opere tanto quasi in momento absolvendo, superata sic per casum natura. Ostendit autem pluribus ibi *Rajus*, quam pessime se falli passus fuerit *Fromondus*, citando experientiam vel observationem propriam, in amicorum præsentia *Tornaci* factam, ac insuper adducit observationem *Fromondi* parallelam, a *Wilb. Derhamo* Rectore *Supmonasteriense* communicatam, qui suscepto in provinciam *Berts* itinere, exorta largissima post siccitatem diuturnam pluvia, reperit ranarum fabulosam viam perreptantium innumeras cohortes. Curiosus etenim hic vir vestigia ranarum secutus lacui denique appropinquavit, in quo recte conclusit ranas illas modo naturæ consueti fuisse natas, lacumque & ejus juncos incoluisse, allectas autem pluvia, recreandi se sine, magno agmine prorepisse. Si *Fromondo* pari sedulitate rem vestigare placuisset, quin fuerit natales ranarum suarum veras æque reperturus, nullum plane est dubium. Plura addere nostri non est instituti, nisi hoc unicum, quod *Rajus* credulæ huic genti solvendum objicit, quæ nempe veniat, si in nubibus generentur ranæ cum pluviiis deciduæ, nullas inveniri adhuc imperfectas? Responderi fortasse posset ex *Æliano var. Hist.*

Lib. XVII. cap. 38. (prout allegatur a *Majolo, Dier. Canic. Tom. I. Colloq. XXIII. p. m. 426.*) pluviā aliquando contigisse ranarum quoque inchoatarum, quæ *ANTHERIATES, Indos* in alium locum migrare compulerit, quod idem fatum de *ABDERITIS Justin. L. XV. c. 2.* memoriæ prodidit. Accedat autem nostrorum temporum vel curiosissimus observator, qui asseverare audeat, se in pulvere conspiciatū fuisse vel unam semiformatam ranam, sive statuatur illæ cum pluvia delabi, sive ex pulvere pluvia macerato generari? Immo, si tales de cœlo cadunt, cur in sola terræ superficie, cur non super tecta ædium plana, cur non in illorum collicis vel canalibus aut perfectæ, aut imperfectæ, aut integræ, aut per vim lapsus, in ea corporum molli- tie contritæ usquam videntur? Verisimile est fictitios hujusmodi ranarum imbres ab *Ehni- cis* quibusdam Scriptoribus, occasione *plagæ ranarum Ægyptiacæ*, qua de nonnihil ex traditione perceperant, assuto fabularum centone, posteris obtrusos fuisse, *Sie haben darvon lauten hö- ren.* Nam alibi *Majolus*, ejusdem scilicet *Tomii Colloq. IX. p. m. 199. ex Varrone & Plinio* memorat, in *GALLIÆ* quadam civitate incolas ranarum multitudine fugatas: Et *Tom. V. Colloq. I. p. m. 21. Heracitem Lemnium apud Athenæum* narrare scribit: In *Pæonia & Dardania* tantam vim ranarum cœlitus delapsam, ut publicas vias privatasque domos implerent; primis autem diebus incolas passim eas occidisse, ædibus oc- clusis aliquantisper patienter eam molestiam pertulisse, sed, cum nihil proficerent, domesti- caque supellex iis tota obtegeretur, ac cum ci- bariis elixas affatasque ranas offenderent, aquarum erepta commoditate, & quia coacervatis il- lis non erat pedem ubi promoverent, mortua- rum odore ad extremum vexatos, patriam de- seruisse. Quid melius hocce figmento cum *Ægyptiaca ranarum plagâ* quadrat? Videantur quoque, quæ de eadem ranarum pluvia ex *Eus- tathio de Chersoneso, & Diodoro* affert *Ludov. Cælius Rhodig. antiq. lect. L. XXIV. c. 3.* (confer. *Ann. VII. & VIII. Obs. LXXIX. Ephemer. curios.*) Nec novum est scriptores Gentilium subire vicem Mimorum biblicorum, quum eadem hinc inde de Diluvio confinxerint. Plus quam lyn- cei quoque fuerint, necesse est, qui cum *Æliano lib. II. c. 50.* oculis se spectasse putant ranas, quarum pars, quæ ad caput pertinet, re- pebat quidem, sed binis tantum pedibus acta, dum altera nondum confirmata, concrecioni limosi humo- ris similis, traheretur. Eodem scilicet modo *Helmontius* mures e vestibis detritis & lignis na- vium putridis productos, hosque ultimos di- midia sui parte adhuc ligneos vidit. Interim *Crocodylos* fuisse, non *ranas*, quos miraculo di- vino super *Ægyptum* adscivit *Moses*, nonnulli *Rabbinorum* somniant, explosi suo merito a vi- ro celeberrimo *Job. Clerico Comment. in Penta-*

tevch. Tom. II. p. 40. argumentis *Bocharti Hiero- zoic. Part. II. Lib. V. c. 2.* Vellem crudiri, quo pacto *Crocodyli*, cum primis anthropophagi, belluæ grandes, intactis hominibus, in urceos & pastas *Ægyptiorum* irrepserint? Davor hat man sie gewiß sorgen lassen. Talia qui credunt, ni- hilo ranis gyrinis prudentiores habendi, quale est proverbium *Platonis*. Gyrini enim sunt in- choamenta ranarum, ex harum spermate primo genita, cujus generationis totum processum ele- ganter delineat *Oliger Jacobæus* cum in quodam *Volumine Art. Med. Hafn.* tum peculiari, sed e- leganti tractatu *de Ran. & Lacert.* Ranas denique semestri vita in limum resolvi & rursus vernis aquis renasci, nemini facile *Plinius lib. IX. c. 58.* persuadeat, uti nec mihi quidam Amicus meus, qui ranas ex hirundinibus formari, antiqua sibi referentium fide credebat.

Missis his accedimus ad illa, quorum gratia in has ambages deviamus, ad *miram* nempe, & hactenus, quod quidem sciamus, inauditam *ra- narum in pisces metamorphosin*. Mensibus *Majo & Junio 1714.* mihi *Amstelodami* detento ab ami- co relatum, *Dn. Sebam*, loci *Pharmacopœum*, in- ter alia curiosissima *spectandas præbere ranas in pisces mutatas*, quas in liquore conservaret. Res ea mihi primitus fabulosa visa, adeo, ut oculo- rum arbitrio rem explorandi magno desiderio tenerer, me præter *piscatricem ranam* nil aliud visurum propemodum persuasus. Igitur pede non tardo curiosissimum & humanissimum vi- rum accessi, ac primum omnium, ut hoc mihi portenti monstraret, rogavi. Tantum autem abest, ut cum *rana piscatrice* (cujus iconem ac descriptionem exhibet supra laudatus *RAJUS in Historia piscium WILLHUGBEJANA*) quid- quam haberet commune spectaculum vere cu- riosum, ut potius, accuratissime vestigatis omni- bus, non superesset, unde de rei veritate dubii vel tantillum enasci posset. Monstrabat igitur laudatus *Dn. SEBA* secundum distinctos muta- tionum gradus distincta sex vitra, in quorum primo liquori immersa natabat omnibus nume- ris absoluta rana. A pictore non admodum vel felici, vel accurato delineari curavimus omnia in sex vitris contenta animalia, quarum Figura- rum prima, seu No. I. exhibet, ut dictum, ranam perfectam, quamvis jamjam caudæ quædam ve- stigia possidentem, quæ tamen a pictore omiſsa sunt. In vitro No. II. exhibetur cauda magis porrecta, caput ad pisculentam figuram propius accedens. No. III. productiore rursus cauda pedes anteriores intra corpus retrahi cœperunt. No. IV. anterioribus pedibus plane retractis, relicto solo foraminum quorundam vestigio, nunc & posteriores pedes valde abbreviantur. No. V. Pedum posteriorum parvissima adhuc prominentia. No. VI. Jam piscem præbet per- fectum, in quo adeo nil amplius ranini, ut de- risui semet expositurus esset, qui aliud, quam pi- scem,

scem, illud animal affirmasset. Piscis truttam colore, licet maculis rubris non interstincto, capitis figura mustelam fluviatilem mentitur, spithamam & ultra longitudine exæquans. Quod autem supra jam dictum, pictoris est minus accurata delineatio. Primus fuit *Amsteladami*, qui curiosam hancce metamorphosin ostendere posset inclytus ille, omnique laude dignus SEBA. Cum aliquot postea diebus curiosum Dn. *Vincentii Museum Harlemi* lustrarem, apud hunc quoque inveni ranam in piscem abeuntem, sed binis tantummodo mutationum gradibus. Dn. RUYSCHIUS, in illa tam provecta ætate Senex adhuc inexhausti laboris, qui insectorum exoticorum numerum vix numerabilem in liquore servatum ostendit, hac tamen adhucdum rana carere cogitur, imo mihi fassus est, se nusquam adhuc talem, nisi apud Dn. *Sebam* vidisse. Ad solum natale harumce ranarum quod attinet, illud est *Suriname* in *America*, & in ea Colonia Hollandorum, nominata *Rio Comevvina*, ubi in lacu quodam capiuntur hi pisces, olim ranæ, ac pro delicatissimo cibo lautioribus tantum mensis inferendo æstimantur. Nomen eorum, quo patria, scilicet *Surinamica*, lingua insigniuntur, nondum resciscere potui. *Batavi* sua lingua vocant *Kikvoorse*, de in *Vis veranderen*. Quot vero dies ad plenariam transmutationem requirantur, nondum innotuit, nec forsan a quoquam adhuc ea, qua decet, industria exploratum est, cum, quod obiter moneo, mihi que a sacrificulo quodam, qui jam per 22. annos in *Curassavia*, *Surinama* provincia habitavit, relatum est, Medici locorum ibi degant naturæ non admodum curiosi. No. VII. in liquore exhibetur minor quædam ranæ species, in minorem itidem piscem transire solita in eadem regione; ut & No. VIII. species ranæ palustris illius terræ speciose aurita, quæ tamen ad mortem usque rana manet, nec unquam in piscem transmutatur.

Quisquis insectorum reptilium in volatilia transmutationem attentius considerat, qualis est v. gr. bombycum, erucarum &c. in papiliones, fortasse non adeo impense mirabitur nostram ranarum in pisces metamorphosin, cum utraq; animalia sint aquatilia, id est, naturæ non in solidum diversæ, quamvis inter amphibia rana numeretur. Interim utraq; metamorphosis debita sibi admiratione non caret, quum erucas in papiliones abire quidem videamus, quomodo autem abeant, e causis naturalibus, ita quidem, ut animus cognoscendi avidus adquiescere valeat, eruere, me quidem iudice frustra fuit hætenus tentatum. Si verum est, partes animalis in ovo contentas actu, sola sui explicatione & auctione indigere, mirum videri possit, ubi tamdiu lateant in erucis v. gr. pedes & alæ, & an unquam horum lineamenta, per microscopium, dum adhuc sunt vermes, observata fuerint, quod ego quidem ignoro. Majus tamen in rana transmutata naturæ miraculum, quum & hæc species ista verminosa grandior existat, & non solum accedat ranæ, quod ante defecerat, sed, quod ante fuit, etiam aboleatur. Pedes retrahi ad oculum patet. An igitur & quomodo intra corpus recepti annihilantur?

Erucæ de suo parum perit, in papilionem mutata plura accedunt. Gyrini in ranarum perfectionem provecti caudam amittunt, sensim pedes adsciscunt. Medicorum regionis erat, in loco, ubi horum animalium datur copia, modo in pisces mutatos anatomico cultro subijcere, atque quorsum retracti pedes abierint, explorare. Intimius talia nossemus, si ibi locorum *Rumpfii*, *Cleyeri* horumque similes morarentur. Ah! quantum adhuc in rerum naturalium cognitione penitiore, cum primis quoad abstrusum generationis negotium, cœcutimus.

SECTIO LIV.

DESCRIPTIO ANATOMICA TESTUDINIS INDICÆ *Parisiensium.*

EX India Testudo hæc adferebatur, ubi in ora maritima *Coromandel* fuerat capta. Pedes quatuor cum dimidio ab extremitate oris ad finem caudæ longa, & quatuordecim lineas crassa erat. Testa tres pedes in longitudine & duos in latitudine continebat. Quamvis autem ita magna hæc testudo erat, ad eas tamen non accedebat, de quibus

Ælianus Pliniusque tradunt, quod quindecim cubitos longæ fuerint, unaquequælibet suffecerit ad mansionem aliquam spatiosam, quam multæ personæ potuissent inhabitare, operiendum. Verum nostra fuit *Testudo terrestris*: ex autem, de quibus *Plinius Ælianusque* loquuntur, marinæ, dum in mari animalia generata majorem excrescunt in magnitudinem, quam

quæ ejusdem utut speciei in terris vivunt. *Ælianus* adstruit, Testudines terrestres ordinario non majores esse magnis gruinis ab aratro in terris cumprimis levioribus elevatis. Testudines marinæ maximæ, quas prope *Antillas Insulas* capiunt, juxta relationes quas habuimus, nostra non sunt quam alterum tantum majores.

Testa & omne in animali hocce reliquum eodem, sc. admodum nigro-cano gaudebat colore. Pars superior plurimis ex partibus figuræ diversæ componebatur, quamvis maximam partem Pentagonæ essent. Omnes hæ partes vel particulæ junctæ & inflexæ erant ossi cuidam, quod instar cranii viscera animalis includebat atque una apertura a parte anteriori ad emittendum caput humeros, cruraque anteriora, & denuo una gaudebat ex opposito, qua crura posteriora & femora exirent. Os hocce cui crustulæ adfixæ, ubi summe tenue, lineam cum dimidia, quibusdam vero in locis propemodum pollicem cum dimidio complectebatur. Duplum generaliter erat atque unum supra dorsum & alterum infra ventrem existerat; in lateribus vero instar loricarum & clypeorum validis & duris ligamentis connectebantur, quæ tamen ad aliqualem motum nonnihil libertatis relinquebant. *Ælianus* nobis enarrat Testudines terrestres testam suam abjicere, pro eo quod dicere debuisset, testas suas, id est partes has, quæ ossi cranii instar sese habenti infixæ sunt. Non enim probabile est Testudinem semet separare ab hoc osse, cui omnes partes principales adstrictæ. Verumque est, partes hæc sponte sua ab hoc osse dissolvi, si testa per aliquod tempus servet & os putrefieri incipiat; alias si resolvere eas a se invicem velis, imponas modo os igni, ubi a calore partes hæc haud difficulter a se invicem separabuntur.

Magna in apertura anteriori circa summitatem erat ora elevata, quæ majorem libertatem cervici & capiti conciliaret, ad semet sursum extollendum. Quæ inflexio cervicis Testudini magnam præbet utilitatem; inservit enim ad se convertendum, quando in dorso jacet; ubi & ipsius enixus conatus vere admirandus est. In vivente Testudine observavimus, quod, cum super dorso jaceret, nec palmis suis ad se convertendum uti posset, eo quod solum versus ventrem poterant inflecti, illa semet juvare posset cervice sua & capite, nunc in hoc, nunc in alterum latus converso, dumque jactitando semet versus fundum se quasi in cunis agitaret, ad illud eo facilius latis inveniendum, ubi ob soli inæqualitatem testa eo facilius circumvolveretur, quo invento, postmodum eo omnem conferebat conatum studiumque.

Tres partes testæ magnæ in dorso antrorsum versus erant, quarum quælibet in medio rotundum habebat gibbum, erectum ad tres vel quatuor lineas, pollicem vero cum dimidio latum.

Pars ventris inferior paululum erat cava; & uti Autores volunt, cavitas hæc solum maribus peculiaris est. In dorso conspiciebatur vulnus a plaga quadam ortum, quam, dum capiebatur, acceperat. Vulnus hocce testam solum una cum parte aliqua ossis eam sustentis perforans nec ad superficiem interiorem penetrans diutius quam per anni spatium, quousque vivebat, postquam capta erat, non sanabatur.

Omnia quæ extra testam procedebant, sc. caput, humeri, crura anteriora, cauda nates & crura posteriora, laxa quadam cute operiebantur, quæ in magnos plicas corrugata & instar corii *Hispanici* granis conspersa erat. Cutis hæc Testam ad partes hic occlusas obtegendas non subibat, sed circa marginem cujusque aperturæ adhærescebat. Cutis autem *Testudinum marinarum* per longitudinem crurum parvis squamis, instar piscium, obducta est.

Albertus commemorat, testudines magnas super capite suo testa in forma clypei gaudere. Caput testudinis nostræ solum cuticula, hoc magis tenui quam in aliis partibus, obtegebatur. Septem pollices longitudine & quinque latitudine explebat, atque ex parte caput serpentinum referebat. Mandibula inferior propemodum ita crassa erat, ut superior. Nulla foramina pro auribus adparent. Nares circa extremitatem oris per duo parva rotundaque foramina patefiunt, modo quodam inconsueto, uti & Ovulis parvis & terribilibus (*Æliani* verbis) gaudent; Verum nos necquicquam ratione ipsius Testudinis observavimus, quod indicet; quare *Gillius* & *Gesnerus*, in translatione, verba ἐκὸς αὐτῆς ἰδεῖν, quibus *Ælianus* expressit deformitatem Testudinis reddiderint: *Crispissima aspectu*, loco *aspectu admodum Torvo*: Græca enim vocabula utrumque significant, interpretatio autem interpretum *Æliani* sensum non æque ac altera assequitur, quæ cum descriptione *Pacuvii* convenit, dicentis, *Testudinem truci esse aspectu*. Oculi porro alio superiori destitutus solum ab inferiori obducebatur, usque ad palpebram elevato.

Versus maxillarum extremitatem circa labia cutis dura ut cornu, & præacuta uti in aliis Testudinibus erat; verum labia hæcce instar serræ dentata videbantur, uti nec interius duæ verorum dentium series deerant: quamvis *Plinius* adfirmet, *Testudines* neque dentes nec linguam habere.

In qualibet *Palma* anteriori quinque gaudebat digitis, aut rectius unguibus, cum palmæ hæc circa extremitatem rotundam aliquam molem haberent, unde illæ ungues excresebant. Crura posteriora nonnisi quatuor erant instructa. Tam anteriora quam posteriora admodum breviter erant. Anteriora quodque longitudine solum pollices novem ab humero sc. summitate usque ad unguis extremitatem posterius vero a Genu ad unguis finem, undecim pollices com-

prehens-

prehendebat. Ungues longi, sc. pollicem cum dimidio erant. Circum-attonsi supra & infra, uti & obtusi & attriti reperiebantur, calicibus aut calceis ipsorum figuram ovalem constituentibus. Colore gaudebant quibusdam in locis ex nigro & albo mixto, adeoque vario, nunc albo nunc nigro, diversis in locis & sine ordine; observavimus *Testudines marinos* ungues habere acutiores, quoniam eos natando non atterunt, sicut *terrestres* rependo. Reperimus quoque aliquos quatuor solum ungues in pedibus anterioribus æque ac in posterioribus habentes, contra ac *Albertus* nobis enarrat, quod semper quinque in pede quolibet gaudeant. Notavimus etiam, quod, licet tardè *Testudo* gradiatur, ob modum tamen eundi ungues ejus omnino in tantum atteri oporteat ac in animalibus currentibus: Nam singulos ordine terræ affricat, ita ut, si terræ unam palmam inprimat, requiescat primo super postremo ungve, tum super proximo & sic porro etiam quoad ungues anteriores palmam suam, quæ rotunda & unguibus obsepta vel imarginata est, convertendo, instar currus, qui rotas suas movens, clavorum circumferentiæ ipsius infixorum, capita terræ ordine imprimit.

Cauda magna erat, circa principium suum sex pollices in Diametro habens. Quatuordecim pollices longa tandem in cuspidem quandam cornu bovino similem desinebat. *Cardanus* ungum vocat, cumque calcari quod a parte posteriori in *Galli* pede reperitur, comparat, putans callositatem quandam esse in caudæ *Testudinum* extremitate generatam, quæ prius fuerit abscissa: quod tamen minus probabile est, cum *Callus* figuram tam regularem & exacte orbiculatam, uti in cauda nostræ *Testudinis* erat, servare nequaquam possit. Cauda hæc, *Testudine* mortua, in unum conversa erat latus, idque tam firmiter, ut maxima etiam vi ad rectam lineam redigi nequiverit. Similis inflexibilitas in Gingivarum vel Faucium musculis, quippe quæ aperiri nequibant, nisi musculis prius dissectis. *Aristoteles* observavit inter omnia animalia *Testudinem* in faucibus suis maximam habere fortitudinem, vis enim ejus tanta est, ut concidat, quicquid obicitur, etiam durissimos siliices. Experti id sumus in parva *Testudine*, cujus caput, postquam semihoram abscissum esset, maximum Gingivis suis edebat stridorem. Rigiditas caudæ, faucium rigori similis, ostendit, *Testudinem* maxime fortem hac in parte, ad percutiendum cornuq; quo in fine caudæ instructa est, ipsi pro munimento offensivo inservire.

Serra ab utroque latere osse, quod instar Cranii cavitatem intestina includentem constituebat, uti dictum refectio membranaque quæ parti ossis hujus inferiori adhærescebat, & quæ ventrem efficiebat, (Membrana autem hæc supplebat locum *peritonæi* versus fundum, sicut *Pleura*

versus summitatem) abscissa partes internæ visui obiciebantur, erantque *Ventriculus*, *Hepar* & *Vesica*, quæ tanta est, ut intestina aliasque omnes partes Ventris inferioris obtegeret.

Ventriculus subtus Hepate situs, huic medianibus plurimis vasis adstringebatur. Novem pollices erat longus & tres in Diametro. Tunicis constabat crassis valde; orificium ipsius erat angustum, membranaque holereticum quasi pannum formans complicata formataque erat sicut folia per longitudinem extensa. Figura gaudebat Ventriculi Canis; *Severinus* ei attribuit figuram Ventriculi humani.

Circa finem *Ventriculi*, *Intestinum*, quod vocari potest *Duodenum*, in parte sui interiori rugis aut plicis instar *Ventriculi* abundabat. Harum figura erat Reticularis, quare non adeo injuste pro secundo *Ventriculo* haberi posset. Reliqua *intestina* ex membranis admodum crassis composita erant. Illa nonnisi unum pollicem in Diametro & novem pedes in longitudine continebant; Valvula *Coli* plica circulari ab interna *Ilei* membrana formabatur. Neque in *Ileo* nec *Colo* folia in omnibus animalibus observata reperiebantur. *Cæcum* quoque aberat, utut *Severinus* duo *Caca* *Testudini* attribuat, ea quæ in avibus reperiantur, repræsentantia. *Rectum*, novem circiter pollices ab ano contractionem seu Uropygium Gallinarum habebat, circa quam tres conspiciantur rotundæ appendices diversæ quantitatis ab interna *Recti* membrana (uti equidem videbatur) formatæ; & quæ fibris cooperiebatur carneis juxta longitudinem appendicum extensis. *Recti* residuum, a contractione ad anum pertingens, pro theca *Peni* inserviebat, uti in *Castore*, *Cato* *Zibethino* plurimisque aliis animalibus. In parvis *Testudinibus* aquaticis dissectis reperimus versus *Recti* extremitatem, duas vesiculas, communicationem cum *intestino* habentes & cum insufflarentur, intumescences; Sed hæc vesiculæ in magnis *Testudinibus* non fuere repertæ.

Hepar solida gaudebat substantia, verum colore pallido; notabilis erat magnitudinis & ac si duplum esset adparebat, in dextram & sinistram distinctum partem, quæ solum *Isthmo* quodam unum pollicem lato, membranisque conjungebantur, vasa a sinistra ad dextram partem deportantibus. Quælibet partium harum vena gaudebat cava, ex convexitate a *Diaphragmate* effecta prodeunte, uti quoque una quæque pars ramum *Hepaticum* ex parte concava progredientem habebat. Pars hepatis sinistra eaque maxima in quatuor dividebatur Lobos. Primus & maximus latus occupabat sinistram. Secundus, cujus magnitudo mediocris, infra se. sub primo jacebat. Tertius paulo minor, versus partem dextram extendebatur, isthmum quo duæ partes connectebantur producens. Quartus sicut tertius (super quo situs erat) extensus, currebat

rebat ad semet cum parte dextra conjungendum, cui solum membrana & vasis adnexus erat quibusdam, quæ membrana hæc ab una in aliam partem transferebat; & tali quoque membrana duo ultimi lobi connectebantur. Pars jecoris dextra nonnisi tres habebat Lobos. Primus isque maximus altissimum occupabat locum. Secundus infra hunc situs erat, & circa hunc lobum hepatis pars sinistra cum dextra mediante *Isthmo* uniebatur. Tertius Lobus, isque minimus, ex medio cavitatis Lobi magni prodicens *Vesiculam* felleam supertegebat, hic alligatam & in *sinu* vel cavitate ejus inclusam, quare ex *Hepate* exire nequibat, uti alias solet. *Vesicula* hæc pollicem cum dimidio longa & dimidium lata figura sua *Vesiculam hominis* repræsentabat. *Canalis Cysticus*, (qui, uti in hominibus, continuatio cervicis in *Vesicula* erat) septem pollices longitudine, crassitie vero parvam penam scriptoriam æquabat. Nullam cum *Hepatico* habens communicationem descendebat per peculiarem aperturam in *Duodenum* insertus. *Hepaticus*, uti dictum, geminus erat, quorum dexter plurimis gaudebat ramusculis apparentibus, qui instar radicum in Lobos dextræ partis Hepatis dispergebantur. In sinistro vero nulli tales ramusculi adparebant, sed *Truncum* formabat, qui immediate ex *Hepate* prodicens semet cum *dextri Hepatici* Trunco conjungebat; unde nonnisi unus postmodum Truncus constitutus decurrebat ad semet in *Duodenum*, prope *Cysticum*, inferendum.

Vena porta truncum suum habebat in hepatis parte dextra, inter primum & secundum Lobum. Magnum protrudebat ramum per *Isthmi* longitudinem, qui dein rursus multos producebat ramusculos, in partem hepatis dextram distributos.

Vena Cava, ut dictum, duobus gaudebat truncis, uno quidem dextro, altero vero sinistro, *Hepatis parenchyma* penetrantibus, quo prope ad tres pollices cooperiebantur in longitudine.

Splen medium inter *Duodenum* & *Colom* occupabat locum. Figura referebat renem, hujusque vasa recipiebat per depressionem, similem illi, quam ren ad propria sua recipienda habet. Arteriæ a ramo oriebantur, semetipsum in hepar & *Duodenum* distribuite. Venæ erant rami ex *Mesenterica* prodeuntes.

Pancreas arcte *duodenum* amplexabatur. Pariter spleni adnexus erat, qui id ex parte operiebat. Figuram prismatis triangularis referebat, ductu ipsius in *Duodenum* patefacto.

Renēs erant quatuor pollices longi & tres latissimi, in forma prismatis triangularis, colore intense rubicundo, divisi in tres l. quatuor partes, vasis suis conjunctas, & denique membrana exteriori inclusi. *Venæ emulgentes* solum ex dextra *Vena Cava* procedebant, quæ prorsus in duos magnos ramos attollebatur, quorum brevior,

pollicem non superans, in dextrum intrabat renem: Longiori tres pollices explente sinistrum introgrediente; utrobique autem ingressus circa partem renis inferiorem notabatur. *Ureteres* ex parte superiori originem ducentes per totam superficiem, ubi & more in avibus solito adfixi erant, longitudinem decurrebant. Adebat hic corpus quoddam glandulosum, pollicem longum, sex lineas latum & admodum tenue, quod cuilibet venarum emulgentium firmiter erat adstrictum. *Glandulam Renalem* fere repræsentabat.

Testiculi, qui Renibus incumbebant, longitudine erant duorum cum dimidio pollicum & latitudine linearum decem. *Epididymis* singulari gaudebat structura: *Ductus* enim erat in tot circumvolutiones complicatus, ut explicatus quatuordecim contineret pollices, quorum antea nonnisi quatuor complectebatur. Uti primo intuitu adparebat, *Ductus* hic è Testiculo non oriebatur, sed solum ex rene, cui alligatus erat. Liquore quodam colorato injecto in hunc ductum permulti alii ductus minuti exsurgiebant, qui antea non adparebant, quique a Testiculo ad Epididymem veniebant. Ceterum hi ductus ea in membrana includebantur, quæ *Epididymis* circumvolutiones retinebat easque Testiculo alligabat.

Vesica extraordinaria gaudebat magnitudine, ultra duodecim libras urinæ claræ & limpidæ continens. *Aristoteles* refert *Testudines* marinas magnas, terrestres vero parvas habere vesicas. Nihilominus nostra erat *Testudo* terrestris; & in dissectionibus Testudinum aquaticarum per multarum semper invenimus vesicas in proportionem ad eam de qua jam loquimur multo minores. Atque hinc conjicimus errorem in *Aristotelis* textu latere, dum forte vocabula *terrestris* & *marina* transposita sunt; siquidem ratio ad probandam vesicæ magnitudinem in *Testudinibus*, ab *Aristotele* allegata, non bene concludit ad demonstrandum, quod *Terrestres* aliis minorem vesicam habere debeant. Dicit enim *Testudines* cute ejusmodi non instructas, per cujus poros transpiratio faciliter queat, (quippe qua in aliis animalibus magna pars humorum corporis abscedit, materiaque urinæ imminuitur) necessario indigere receptaculo quodam magno pro hisce humiditatibus, quas & crassities & durities testæ retineat & includat; verum non dicit Testam *Testudinum marinarum* crassiorem esse, quam *Terrestrium*, nec dicit quod magis bibant: ceteroquin juxta *Aristotelis* ratiocinium, Pisces, qui ut notum nullas habent vesicas, magnas valde habere deberent.

Sicut autem magnitudo, ita & figura *Vesicæ Testudinis* extraordinaria erat. Forma intestini gaudebat, nec cervicem in fine quodam habebat, sed in medio, sicque optime *membranam Alantoidem Fœtus* in plurimis brutis repræsentat.

Figura plurimum differt a figura *Nucis Castaneæ*, ceu *Severinus* ei attribuit; Duos pedes longa erat. Situ gaudebat transverso, sc. ab uno ingvine ad alterum vergente. Membranosa constabat exteriori tunicula. Interior admodum firma erat reddita infinitis fibris, quæ oblique inter se invicem con- & intertextæ erant, fere eodem, ac in parte auricularum cordis interiori conspicitur, modo. Fibræ originem ducebant versus cervicem & semet per totam vesicæ peripheriam dispergebant. Usus fibrarum harum procul dubio similis est ei, quem in auriculis cordis præstant, ad contractionem & coarctationem cavitatis earundem concurrentes, quo id quod illic continetur exprimant. Namque *Testudinibus* non habentibus, ut alia animalia, corpora flexibilia, musculisque qui vesicam comprimant minus instructis, oportet ut hæc pars peculiare aliquod compressionis principium in semet habeat, ope cuius se exonerare ab intus contentis queat.

Cervix Vesicæ pollicem longa tantumque lata erat. Circa medium recti adfigebatur, in quod urina per parvam aperturam aut *Ductum* obliquum, septem aut octo pollices ab ano, exonerabatur. Intus in hac cervice quatuor parvæ reperiabantur papillæ, quarum duæ majores ab extremitatibus *vasorum spermaticorum deferentium* formabantur, & circiter lineam in longitudine continebant. Duas alias minores extremitates *Ureterum* constituiebant.

Penis, in *Recto* velut in theca (ut dictum) inclusus, novem pollices longitu line, unumque cum dimidio & ultra latitudine explebat. Duobus rotundis componebatur ligamentis, substantia spongiosa constantibus, & membrana eleganti l. concinna operiebatur. Ligamenta sibi invicem è regione opposita connectebantur non tantum circa suas extremitates, scil. prope *Glandem*, & versus radicem, quæ in interna & inferiori parte *ossis Pubis* deprehendebatur, verum etiam in parte superiori per totam sui longitudinem, mediante membrana *recti*, hic firmiter iis adhærescentis, secus ac aliis in locis, sc. a lateribus & parte inferiori, ubi adeo firmiter non adnectebatur. Membrana hæc præter morem robusta & valida erat eo in loco, ubi adstringebatur, propemodum duas crassitie lineas continens, in reliquis locis tenuior coloreque nigriusculo erat. Ligamenta hæc ita connexa infernè cavitatem relinquebant, instar canalis l. colluviarii, similemque ei, ubi aliàs in omnibus fere animalibus *Urethra* deprehenditur locata. In hocce vero, (*Urethra* quippe destituta) parshæc cavitate supplebatur, quam ipsa ligamenta cum tunicula *Recti* solum formabant tum tempore evacuationis, quæ per hunc ductum fieri debebat. Hoc omnino eveniebat Ligamentis intumescētibz, quæ cum a tunica *Recti*, eadem amplectentis, constringerentur, va-

cuitatem in forma *ductus* inter *intestini* tunicam & ligamenta relinquebant. Namque hæc ligamenta, quamvis constricta, non tamen prorsus omnem suam rotunditatem, idq; ob tumorem ipsorum, amittebant. Atque hinc efficiebatur cavitas triangularis, cujus duo latera a lateribus ligamentorum formata convexa erant, tertia, a Tunica *Intestini* efformata, recta existente. Utrumque ligamentum non tantum spongiosum erat, uti ordinario est in aliis animalibus, verum etiam cavitate gaudebat longa, ad instar Tibiæ l. fistulæ, quæ ab *Osse Pubis*, ubi origo ligamentorum, eadem in distantia ac Glans, proveniebat. Vasa in *Penis* corpus immissa peculiari ratione distribuebantur. Nam cum aliàs Arteria, Vena & Nervus conjunctim *penem* usitate supercurrunt, in hoc, de quo nobis sermo jam est, nonnisi duo conspiciebantur, venaque, postquam opus reticulatum & multas circumvolutiones versus *Penis* radicem formaverat, in Ligamentum penetrabat, Truncumque producebat, qui per longitudinem internæ & superioris partis Cavitatis decurrens multos ramos in omnem reliquam hujus cavitatis internam superficiem emittebat. *Glandis* structura adhuc magis extraordinaria erat, quam ceterorum omnium. Superne in punctum vel cuspidem terminabatur & quasi continuatio ligamentorum esset adparebat, cum nec ab iis substantia sua, nec tunica differret. Inferne duas planas fereque omnimode circulares appendices habet, quarum una alteri imposita erat. Major, eaque Glandi inferius adhærescens, pollicem cum dimidio in diametro continebat. Minor, eaque medio majoris adfixa, nonnisi dimidium pollicem explebat. Præterea adhuc duas parvas habebat appendices, similes gemmis vel germinibus duobus, magnitudine præterpropter lineæ. Tota Glans colore gaudebat simili, inferiori Tunicæ parti in *Recto* pro theca *Peni* inserviente, scil. admodum obscuro nigricante. Aderant duo Musculi, ad Glandem introrsum trahendam facientes. Originem capiebant a *Vertebris lumbaribus* latusque *Recti* emensi semetipsos inferbant in superiori *Penis* parte, prope *Glandem*. Circa medium duo alii musculi interponebantur, ad motum caudæ destinati & qui prioribus tanquam trochlea inserviebant.

Cor in superiori pectoris parte situm & admodum crasso pericardio inclusum, parti inferiori membranæ, Hepar obtegentis, adhærescebat. Figura ejus plurimum differebat ab ea, qua aliàs cor ut plurimum gaudere solet. Pro eo enim quod extensum debuisset esse a cono suo ad mucronem, maxima ejus dimensio erat ab uno ad latus alterum, qua via tres pollices, a basi vero ad mucronem solum pollicem unum cum dimidio continebat. Duæ auriculæ ex basi provenientes valde laxæ erant, ita ut velut dependerent deorsum, dextraque duos pollices cum dimidio

dimidio longa & unum cum dimidio superior erat, sinistra minori existente. *Vena cava* (quæ, ut dictum, duobus gaudebat Truncis procedentibus, uno quidem a dextra hepatis parte, altero vero a sinistra) trans mittebat sanguinem per utrumque hunc truncum in utramque auriculam. Auriculæ hæ uti solitum aditum in quemlibet ventriculum præbebant, ita & in quolibet apertura, sanguini viam ex auricula in ventriculum patefaciente, aderat *valvula Sigmoides*, quæ, secus ac aliæ valvulæ hæ faciunt, sanguinem impediabant, quo minus ex corde in auriculas remearet, adeoque officio *Valvularum Tricuspidum* perfungebantur.

Præter duos hosce *ventriculos*, qui in parte cordis posteriori versus spinam siti, tertius aderat in parte anteriori, parum ad latus dextrum inclinans. Tres hi *ventriculi* per multas aperturas communicationem quandam inter se habebant eorumque substantia non solida & continua, ut in aliorum animalium cordibus esse solet, erat, sed spongiosa fibrisque & carneis columnis composita, sibi invicem tantum contigua & intertexta. Præter angustas aperturas has inter columnas repertas aliæ insigniores aderant, per quas duo posteriores *ventriculi* communicatione, tum inter se, tum cum *ventriculo* anteriori gaudebant.

Duo *Ventriculi* posteriores, uti dictum, recipiebant sanguinem ex duobus Truncis *Vena cava*, una cum sanguine *venæ pulmonaris*, quæ duplex erat, ita ut quodlibet latus unam possideret. *Venæ* namque hæ semet evacuantes in Axillarem utramque & omnem sanguinem ex pulmone receptum miscebant cum sanguine ex *Vena Cava*, ad deferendum eum in *ventriculum* dextrum, unde *Aorta* proveniebat. *Ventriculus Anterior* nullo alio gaudebat vase ac *Arteria pulmonari*. Hæc Arteria, uti & Aorta, tres habebat *Valvulas Sigmoides*, quarum actio erat sanguinem, ex corde elatum, impedire ne regurgitet, quando *ventriculi* semet dilatantur ad sanguinem ex *vena cava* & *pulmonibus* recipiendum.

Hanc insolitam structuram *ventriculorum* & vasorum cordis sane habere oportet peculiare quosdam usus, de quibus nolumus conjecturas nostras, quibusdam experimentis suffultas, adferre, priusquam monstraverimus pulmonum structuram non minus extraordinariam esse. Utraque enim in hisce partibus structura ita insuetata est, ob peculiare actiones, quibus in animalibus *Amphibiis*, (ex quorum numero & *Testudo* est,) gaudent.

Aorta circa finem *ventriculi* dextri in duos dividebatur ramos, duas formantes cruces. Cruces hæ antequam prorsus deorsum converterentur, *Axillares* & *Carotides* producebant. Postea crux sinistra per *Vertebrarum* longitudinem descendens suos ramos emittebat. Primus omnibus *ventriculi* partibus distribuebatur. Se-

cundus ad Hepar *Pancreas*, *Duodenum* & *Splenem* deveniebat. Tertius ramusculos in omnia intestina dispergebat. Postea cum ramo dextræ crucis uniebat, qui pariter ita procul descendebat, sine tamen ramusculis emissis; adeoque non nisi unum truncum formabant, qui per longum vertebrarum corpus descendens omnes in inferioris ventris partes ramusculos dispergebat.

Larynx, uti in avibus, componebatur ex quadam *Arytenoide* & *Cricoide*, invicem articulatis. Ossa duo, quorum quodlibet unum cornu *Hyoïdis* formabat, invicem sibi non erant articulata, sed quodvis separatim in diversis locis basi *Hyoïdis* adhærebat. *Essura Glottidis* reperiebatur angusta & clausa, idque (uti verosimile) ad aerem longo tempore in pulmonibus inclusum retinendum, ad usus, qui infra explicabuntur. Quin & credibile est hac exactissima occlusionem aquam ab ingressu in *Arteriam* asperam prohiberi, dum Testudines sub aqua latent. Quæ ipsa quoque peculiaris & singularis *Glottidis* conformatio causa *Ronchi* in *Testudinibus marinis* esse potest, qui *Plinio* referente ad magnam distantiam exauditur, dum dormientes in æquæ superficie fluitant, vel fluctuant. *Vituli marini*, qui pariter hunc edunt ronchem, etiam gaudent *Glottide* & *Epiglottide* sua extraordinarie clausa, uti in descriptione *Amphibii* hujus pluribus commemoratum est.

Arteria aspera, annulos suos integros habens, circa ingressum in pectus in duos longos ramos, quorum quivis sex pollices continebat, separabatur. Quamprimum rami hi pulmones ingressi erant, cartilagineas suas amittebant, solum canales membranaceos admodum amplos & inæquales producentes, qui quibusdā in locis pollicem cum dimidio, alibi vero solum pollicem dimidium continebant. Membrana canales hosce formans transparens & tenuis erat, sed solida & roborata ligamentis invicem connexis, ad modum retis ex plurimis maculis & cavernis compositi, similibus iis quales in secundo animalium ruminantium ventriculo conspiciuntur. Quælibet harum macularum margo vel ora & introitus erat sacculi minuti, in secundum & aliquando in tertium sese aperientis. Rami venarum & artieriarum pulmonarium per longitudinem ligamentorum decurrebant, unde omnes divisiones comitantes sanguinem æqualiter in totam pulmonum expansionem distribuebant. Autores qui arbitrati sunt *Testudinem* sanguine destitui in pulmonibus, ad hanc suā opinionem confirmandam innixi sunt albedine & transparentia membranarum, quibus pulmones constant, eosque, dum intumefacti sunt, adparere faciunt prorsus membranaceos, cum è contra in aliis animalibus carnei conspiciantur. Sed verissimum est eos saltem quoad magis & minus differre. Pulmones *hominum* eodem,

dem, quo in aliis animalibus modo, nonnisi exiguis vesiculis, multum coacervatis, constant, quas inter vesiculas tam multa vasa sangvifera interjacent, ut speciem carnis efficiant, instar parvorum loborum canalibus *Bronchiorum* adstrictorum: ex quibus minoribus lobis lobi pulmonum majores componuntur.

Itaque hæc differentia, dum pulmones alii vel magis, vel minus sanguine sunt referti, nobis quidem satis essentialis & sufficiens visa est, ad constituendas tres *Pulmonum* species, ad quarum classem aliquam nos semper reduximus animalium dissectorum pulmones. Namque reperimus pulmones qui prorsus carnei: alios qui absolute membranacei, rursusque alios, qui partim carnei partim membranacei adparebant. *Pulmones* omnium animalium quadrupedum Terrestrium, ova non ponentium, quorundamque ex *Amphibiis*, ut *Vituli marini*, ad primam pertinent speciem, atque hi pulmones absolute adparent carnei, eo quod horum sanguis æqualiter per omnem substantiam ipsorum dispersus est, in quam integre circulatur efficitque ut omnis sanguis per *Pulmonum* vasa transeat ab uno cordis ventriculo in alterum. Pulmones *Testudinum*, *Serpentum*, *Ranarum*, *Salamandarum*, *Chamæleontis* &c. secundæ sunt speciei, apparentque absolute membranacei, cum nonnisi paucissimum sanguinem in substantia sua dispersum possideant, sc. tantum saltem, quantum ad particulare eorundem nutrimentum requiritur & necessarium est; unde nec alius sanguis per vasa hic circulatur, quam solus nutritius. Avium pulmones ad tertiam spectant speciem, qui partim carnei, partim membranacei adparent, propterea, quod pars costis adhærens plurimis vasis repleta est, per quæ omnimodè circulatio absolvitur, uti in aliis animalibus terrestribus; altera vero pars in octo & quandoque in decem magnas vesiculas divisa, vasis careat, nullaque nisi ad proprium nutrimentum in hac circulatio fiat.

Tres hæc pulmonum species ad duas reduci possunt, differentia earundem ab usu, quo pulmones in relatione ad integram sanguinis circulationem gaudent, desumpta. Atque hoc in passu pulmones *Testudinum* aliorumque *amphibiorum* hujus generis peculiarem constituent classem l. speciem, cum pulmones horum prorsus nullo ad generalem circulationem gaudeant usu. Pulmones autem avium & animalium terrestrium alteram producant speciem, communem iis, quorum pulmones absolute carnei, & eorum quorum pulmones tantum quoad unam partem ita adparent. Ad stabiliendas hæc duas species alia differentia addi potest, a motu pulmonum desumpta, quippe qui in animalibus terrestribus, uti & avibus, est continuus, regularis & periodicus: in aliis vero, ut *Testudine*, *Chamæleonte* &c. interruptus & ita insolens l. rarus ac

inæqualis, ut fere dimidium perduret diem, quo nemo aliquid de motu ad Respirationem in eo percipere possit: alio vero tempore subito rursus intumescit hocq; in statu per horæ quadrantem perseverat. Probabiliter sese res eodem in *Testudine* habet modo. Diu admodum multas vivas & integras cum attentione observavimus, expertique sumus, quod omnino aliquando per nares frigidissimum emisissent halitum, sed per intervalla & absque ordine. In hisce, quas vivas dissecabamus, videbamus pulmones continue intumefactos, ob exactissimam *Glottidis* compressionem, permanere, prorsus vero & subito concidere & contrahi, si *arteria aspera* resecta aeri via aperiretur.

Canis vivi pectore, per *Sterni* cum costarum appendicibus cartilaginosis ablationem, patefacto, pulmones, uti observatum est, citissime depressuntur, & postmodum sanguinis circulatio & motus cordis brevi tempore cessant; dein vero cordis ventriculus dexter ejusque auricula cum *Vena Cava* intumescunt ac si dirumpere vellent: Ita ut, si extremitas folliis ejusdam ad animalis mortem præveniendam *arteria* indatur *aspera* aerque intrudatur, quo pulmones intumescunt & post aere retracto rursus concidunt, motum artificialem sane acquirant exinde talem, quali naturaliter alias gaudent; ubi insimul & hoc observatur, *ventriculum* auriculamque cordis dextram, cum *vena Cava*, non intumescere, motumque suum ordinarium cor reassumere.

Hoc autem in *Testudine* non contingebat, quæ si quis pulmones in illis aperuerat, apertos servaverat; hi enim quocunque se haberent modo, & sive intumefacti sive contracti essent, circulatio & motus cordis in naturali sua conditione adeo constanter perseverabant, ut, ceu experimento constitit, ultra quatuor dies hoc in statu viva permanerent. Aliud quoque instituimus experimentum ad distinctius cognoscendam motus pulmonis necessitatem pro universali sanguinis circulatione in iis animalibus, quorum pulmones sunt absolute carnei, quæque *Amphibia* non sunt. Iniectione enim per dextrum cordis ventriculum in arteriam pulmonarem canis demortui facta, accidebat, ut, si aliquis continuaret mediante folle, *Aspera Arteria* indito, pulmones inflare & contrahere, liquor impulsus facile in pulmones transiret, perque venam in sinistram *ventriculum* illaberetur. Ubi & amplius contingebat, ut, si quis a statu cessasset, nonnisi cum maximò progrediretur difficultate.

Postquam igitur diversam *ventriculorum* cordiumque vasorum structuram in *Cane* & *Testudine* contemplati sumus, facile est rationes etiam quasdam probabiles de experimentorum horum *Phænomenis* tradere. Dici enim potest, quod pulmonibus in cane post expirationem depressis vasa talem in modum comprimantur, ut sanguis pertransire nequeat, quodque neces-

sarium

sarium sit, ut vasa hæc per inspirationem ad sanguinem a dextro cordis ventriculo recipiendum dilatentur, & quod postmodum comprimantur in expiratione ad eum exprimendum eumque sic sinistro *ventriculo* immittant. Rursus concipi potest, *ventriculos* cordis in *Testudine* aliisque animalibus, quorum pulmones absolute sunt membranacei, non gaudere parietibus lateribus solidis, uti v.g. cor *Canis*, (ubi sanguis non aliam liberiores viam ex uno *ventriculo* in alium, nisi oblique per pulmones) sed in omni sua substantia porositas atque ita per consequens ex uno in alterum per satis magna foramina apertis; unde nec mirum videri debet, quod, pulmones quamvis maneant immobiles, siue sint intumefacti siue depressi, circulatio non impediatur, sed potius eodem modo ac in *Fætu* fiat. In *Fætu* enim, uti & in hisce animalibus, pulmones solum sanguinem recipiunt pro suo nutrimento, ac nequaquam universalis circulationis ergo; unde & cordi solum illud quod in nutrimentum non absumtum est, remittunt. Ut paucis dicam, sicuti universalis circulatio non nisi per *Anastomosis* cordis in *fætu* sit: ita quoque in aliis animalibus, de quibus jam loquimur, solum per particulares quasdam aperturas, quibus ventriculi cordis ipsorum sibi invicem patent, perficitur.

Enimvero, quo adhuc magis certi redderemur sanguinis circulationem omnimodam non per pulmones in *Testudine* fieri, *Truncus Arteria pulmonaris* ligabatur: jamque manifesto observabatur, motum cordis nullo modo alteratum esse, circulationemque semper ut ante continuare: Id quod facilius est perspectu hocce in animali, quam in aliis, propterea, quod ob cordis aliqualem albedinem laterumque in *Ventriculis* reunitatem a parte anteriori, sanguis quodammodo conspiciebatur intrare & exire ex dextro ventriculo, unde *aorta* originem, uti dictum, ducebat; hocque colore quodam rubicundo dignoscebatur, qui apparebat cum mucro cordis cono ipsius adpropinquaret, rursusque evanescebat dum rursus inde removebatur. Neque difficultas adest intelligendi, mucrone ad basin admoto cor sanguinem ex ventriculis ejicere, quoniam hoc ipso tempore latera ipsius introrsum prementia sanguinemque coarctantia in causa sunt, cur hoc in loco rubor quidam adpareat, cum compressio satis potens sit corpora, ob spongiosam suam consistentiam opaca, transparentia efficere, per intervallorum diminutionem, quæ opacitatem ipsis contrahebant. Summa, Circulatio hæc ita apparens & ad quatuor perseverans dies, quamvis pulmones plurimis in locis essent aperti & dissecti, nobis quidem quam clarissime demonstrare videbatur Pulmones in *Testudine* haud æque ad sanguinis circulationem inservire, ac in animalibus, pulmonibus carneis instructis.

Genuinus itaque pulmonum usus in *Testudine* aliisque ejusdem generis animalibus sane res est, quæ nobis satis abscondita ideoque ulteriori & accuratiori indagatione digna visa fuit. Quare & nostras cogitationes eo intensius & modo quodam extraordinario huc adplicuimus, libertatem sequentes, quam nobis sumimus hisce in commemorationibus, ubi non omnia sic posita volumus, ac si omni exceptione essent majora, sed ea solum pro talibus materiis venditamus, quæ aut assumi, aut rejici possunt, prout vel proficua & apta, vel infructuosa & defectiva fuerint reperta, si quando aut per nova experimenta, aut meliora argumenta earum veritas dignitasque magis constiterit.

Credimus itaque nulla vestigia adesse, nec ex ullo indicio apparere Pulmones in *Testudine* universalis sanguinis circulationi inservire, idque ob argumenta supra adducta; neque ad vocem quicquam faciunt, cum profusus sint mutæ: nec etiam ad partium internarum restaurationem conducunt uti nec ad vaporum ex iisdem oriundorum evacuationem, cum continuo & regulari motu destituantur, qui in aliis animalibus observatur & hunc in finem necessarius est: Ita ut solum partium internarum compressio remaneat, cujus usus in descriptionibus avium explanati reductiq; sunt ad præparationem & distributionem nutrimenti. Verum enim vero nos alium multoque nobiliorem usum inquirebamus, qui ut *Testudini* aliisque animalibus hujus speciei adpropriatus est, eo melius singulari pulmonum in iis conformationi responderat: reperi-musque parti huic commode attribui posse facultatem, qua *Testudo* instructa est ad seipsam supra aquam elevandam sustentandamque & si placuerit se versus fundum demergendam ita quidem, ut locum vesicæ aeræ, in piscibus inventæ, suppleat. Adsunt plurimæ conjecturæ nostræ opinioni majorem addentes probabilitatem, nosque in eam inducebant mentem, hanc piscium vesicam, pulmonemque *Testudinis*, si dilatentur, corpora animalium horum satis levia reddere, quo natare queant super aquam, quodq; si partibus hisce contractis aer, qui comprimi potest, exinde minori in spatio includatur, corpusque per consequens minus extendatur, ad fundum descendant, eodem modo, ut parvæ illæ figuræ cavæ, opere encaustico factæ fistulæque vitreæ inclusæ, fundum petunt, si ob aquæ pressionem in superficie aer, qui in cavitate ad natare faciendum inclusus est, comprimatur.

Sapissime observavimus *Testudinem*, quamprimum in aquam projiciatur, per os aut nares suos emittere plurimas bullulas, quæ, ut omnino verisimile est, a copioso aere in pulmone, ad semet in *æquilibrio* justo conservandum, detento, formantur; quo ipso satis gra-

vis efficitur ad imum petendum & quidem post minimam compressionem, quam Musculi ipsius in pulmones producunt, eadem prorsus ratione, uti parva figura operis encrustici in aquam descendit ad minimam aeris inclusi compressionem factam: facileque porro est comprehensu, quod si Testudo, in fundo existens aquæ, musculos pulmonem comprimentes relaxet, aer ob vim suam elasticam in pristinum revertens toti corpori statim expansionem illam reddere queat, qua, cum super aqua nataret, gaudebat.

Rei hujus probabilitas ab experientia fuit confirmata. *Testudo* viva in vase quodam aqua repleto concludebatur, cui operculum mediante cera exactissime adstrictum erat, a cujus summitate fistula vitrea prodibat. Vase itaque eo usque repleto, ut aqua in fistulæ vitreæ parte ima adpareret, observabamus aquam aliquando in fistulam ascendere & rursus aliquando descendere. Jam vero hoc solum a thoracis augmentatione & diminutione in *Testudine* fieri poterat: probabileque est aquam tum, cum *Testudo* imum petere conaretur, in fistula decrevisse, quoniam animal thoracem suum per contractionem musculorum ipsius imminuebat: accrevisse vero musculis relaxatis, qui cum pulmones premere cessarent, hi rursus pristinam recipientes quantitatem corpus *Testudinis* totum levius reddebant.

Multum ad hunc compressionis effectum producendum facere videtur *Glottidis* exactissima oclusio; quemadmodum etiam probabile est ad talem usum vesicas in Piscibus ita oclusas esse, ut quæcunque etiam vi intendas, aerem tamen nulla alia ratione elicere possis, ac si diffingantur. Nam non verisimile est vesicas hasce in piscibus semper in uno eodemque manere statu, aliàs enim illis nocerent, cum tantum illos a descensu in aquam impedirent, quantum adjuvarent in ascensu versus aquæ superficiem: huncque in finem suffecisset, si eorum corpus gauderet substantia satis tenui ad thoracem ipsorum ponderi eorum proportionatum reddendum, ceu in substantia ligni aliorumque spongiosorum corporum super aqua natantium deprehenditur. Longo tempore observavimus *Testudines* super aqua fluctuantes absque agitatione aut motu. Pisces pariter longo tempore uno in loco se sub aqua continent, aliquando prope fundum, nonnullo vero tempore prope superficiem. Parvæ figuræ in opere encrustico similiter quoque se retinent l. gradum sistunt in variis locis, juxta diversas compressiones, in aere, quem continent, factas.

Aristoteles & Plinius notant, quod si serena tempestate *Testudines* supra aqua longo tempore permanerint, & a radiis Solaribus Testa earum exsiccet, tum facile a Piscatoribus capiantur, eo quod non satis velociter sese in aquam demergere valeant, cum leviores factæ. Hoc

ostendit, quanta æqualitas earum in æquilibrio requiratur, dum adeo levis mutatio, ut hæc, a Sole Testæ obtingens, illud prorsus inefficax reddere possit. Namque probabile est *Testudinem*, quæ semper se in æquilibrio suo servare studet, uti alia animalia se cruribus suis servare nituntur, hoc in casu & eodem ex instinctu aerem non audere ex pulmonibus ad acquirendam gravitatem quo demergeretur emittere, propterea, quod timeat, ne testa madefacta adeo gravis evadat, ut semel in aquam demersa postmodum ascendere rursus nequeat.

Pariter quoque immobilitas pulmonis admodum bene cum *organorum*, ad hunc motum designatorum defectu conveniebat; namque *Testudo* testa, *Sterni* locum supplente, non tantum gaudebat prorsus immobili, sed & in ea neque *Diaphragma*, neque ullas alias partes, quæ motum hunc supplerent, reperimus. Os brachii, *humerus* vocatum, quod in pectore inclusum habet, admodum longa gaudebat *apophysi* in ipso loco articulationis *Cubiti*, cum alio quodam osse, cubito coarticulato, conjuncta, ita ut bina hæc ossa conjunctim in quolibet latere duas forment productiones, quæ antrosum procedentes similes sunt *Claviculis*. Verum partes hæc sunt immobiles & solum evidenter inserviunt pro *basi* aut origine duorum musculorum, locum pectoralium supplemium, partemque brachii mobilem antrosum trahentium, quales sunt *Cubitus*, *Radius*, & *Manus*. Musculi quidem qui sufficere poterant ad pulmonis compressionem, hic reperiabantur, sed tales ad ipsius dilationem soli non sunt apti, necessario enim adhuc requiruntur costæ, *sternum* aliaque analogæ, quæ moveri possint. Ita ut juxta omnes circumstantias supponi debeat, inspirationem per subsultum durorum & firmorum ligamentorum, maculas retis, uti supra explicatum, componentium, fuisse factam, ita quidem, ut, si musculi, qui pulmonem comprimere possunt, relaxari inciperent, ligamenta hæc fuerint extensa, omnesque vesicarum aperturas amplificando capacitatem pulmonis totius auxerint. Quamvis autem nostra *Testudo* ex earum numero, quæ in aquis vivunt, non fuerit, hæc tamen singularis cordis pulmonisque formatio nihilominus se ita habebat, uti in aliis ejusdem speciei animalibus, quemadmodum in permultis avibus alæ conspiciuntur, quæ tamen non volant.

Cerebrum exiguum erat admodum; moles enim capitis in proportionem ad reliquum corpus valde parva est, & primario in *Cranii* ossibus, inque carne *Crotaphitarum* Musculorum, qui illud obtegebant, quique tam crassi uti in Leone, consistebat. Os coronale capitis cristam habebat, sicut omnia animalia quæ fortitudine l. potentia extraordinaria in mandibulis gaudent. *Cerebrum & Cerebellum* conjunctim sedecim lineas longa & novem lata erant. *Testudines ma-*

vine apud *Insulas Antillas* captæ iisdem ter in proportionem minoribus dotatae erant; namque iuxta relationes, quas de hisce regionibus habemus, *Testudines* capite magnitudine *vitulini* gaudentes cerebrum haud faba majus habent.

Duarum harum partium membranæ, harum substantia, *Plexus Choroides*, *Glandula pinealis*, *Pituitaria*, *Infundibulum* & omnes nervi eodem se habebant modo, quo in avibus conspiciuntur, reliquis partibus aliquid possidentibus singulare. Nervi *olfactorii*, extraordinaria quippe magnitudine, propemodum quartam totius cerebri partem constituebant. Nervi *optici* originem suam ducebant ab *Olfactoriis*. Binæ *tuberositates*, quibus *cerebellum* in avibus instructum est, pro eo, quod adnexæ esse debuissent, duobus medullæ *Spinalis* partibus, in parte ipsius superiori reperiebantur. *Cerebellum* neque extrinsecus parallelis lineis sulcatum, neque intus diversificatum erat coloribus diversis ipsius substantiæ, qui ramos arborum referrent, cavitasque ejus longe in medullam spinalem se protendens usque ad primam cervicis *vertebram* procedebat.

Medulla Spinalis consuetis suis membranis operiebatur, plurimis insuper vasis, eam usque ad finem comitantibus, humectata. Totam *vertebrarum* cavitatem complens ab una alteraque parte multa nervorum paria emittebat, quorum illi qui in brachia, pedes, cervicem & caudam distribuebantur, admodum erant magni atque numerosi. Oculi *globus* in diametro pollicem unum complectebatur. Cilium internum, quod in *Testudinibus* vivis immobile deprehendebamus, eosdem habebat musculos, quos in avibus observavimus. Cornea valde tenuis erat. Humor aquosus ita crassus, ut ægre fluere. *Iris* colore gaudebat lucido-fuliginoso, ubi & plurima intermixta erant vasa. In *Testudinibus* parvis, quas hic habemus, quæque omnes *Testudines* sunt *aquaticæ*, *iris* quatuor flavos radios in fundo quodam coloris lucido-fuliginosi habebat. Radii hi oblique circumcirca *uveæ* foramen dispositi erant. *Crystallinus* nonnisi unam lineam in diametro continebat, eratque planus & lenticularis. Membrana velut nigrum quoddam marsupium l. sacculus quidam efformata, inq; oculis avium reperta, nostro in subiecto non occurrebat. *Lingua*, cujus figura Pyramidalis erat, pollicem in longitudine & quatuor lineas in latitudine continebat. Tenuis erat, lineam haud excedens, substantia carnea dimidiam explente partem. *Tunica* conspersa erat plurimis exiguis papillis. *Lingua* cum *ossis Hyoides* decem gaudebat musculis, ab utroque latere quinque. Primus *os Hyoides* antrorsum trahens, ab inferioris maxillæ *Symphysi* ad *Ossis Hyoidis* basin currebat. Secundus, illud sc. *os Hyoides* versus latera trahens, veniebat ab interiori *Omoplate* parte ad *Hyoidis* basin. Tertius, illud sursum trahens, ab uno ipsius cornuum ad

ipsius basin veniebat. Quartus linguam antrorsum trahens, inde a menti *Symphysi* ad linguæ latus currebat. Quintus denique Linguam ad latera trahens & ad basin, ab uno cornuum *Ossis Hyoidis* ad Linguæ basin veniebat.

Quoniam residuæ partes in hocce nostro, tam raro & extraordinario, subiecto pro ornamento in Aviaro *Versaliensi* integræ asservandæ erant, in sensuum organa in Testudinis nostræ capite ulterius inquirere non poteramus. Supplevimus tamen defectum hunc alias plurimas *Testudines* disseccando, ubi reperimus nervos olfactorios in tenera quadam & nigra membrana, nates intus vestiente, terminari. Membrana hæc nec plicis, nec striis gaudebat, quæ in *Ossis Ethmoidis* foramina intrarent. In Palati parte anteriori duo conspiciebantur foramina, quæ in nares patebant.

Quod ad *aures* attinet, tam in nostris parvis testudinibus, quam magna, nulla aderat apertura, sed solum os in dextro temporum latere depressum adparebat, cutisque super hac depressione rarior teneriorque quam alibi erat, nec non aliquantum depressa hoc in loco videbatur. Cute hac ablata rotundum disco operiebatur foramen, magnitudine & forma cavernæ oculi. Cartilaginea quadam quasi lamina tenui facileq; mobili claudebatur, quæ tota fere circa marginem cavernæ rotundæ membrana quadam valde tenui adstringebatur. A cavernæ l. foraminis latere versus occiput ductus erat cartilagineus, qui in Palatum descendens ibidem longa apertura, parvam constituyente fissuram, gaudebat. Sub l. infra laminam cartilagineam magna reperiebatur cavitas, figura gaudens ovali, valde longa, ita ut longitudo bis latitudinem superaret. Cavitas hæc in latere perforata erat ad viam parvo *stylo* exiguum præbendam, qui *stylus* oblique veniebat ad sustinendam tunicam una cum extremitate, altera vero, postquam secundam transiverat quandam cavitatem, quæ paulo inferius & a latere majoris existebat, foramen operiebat, quo secunda Cavitas in tertiam quandam patebat, quæ anfractuosa nervumque auditorium recipiebat. Finis *styli* tertiæ hujus cavitatis aperturam claudens sensim dilatabatur, uti finis Tubæ alicujus, teneraq; instructus erat membrana, ipsum circumferentia foraminis adfigente.

Qui descriptiones de *Insulis Antillis* edidit, (ubi quippe maxima Testudinum quantitas reperitur) hi dicunt eas esse surdas. Verum si organa, quæ jam exacte descripsimus, consideraremus, non abs re dubitamus, num hi Historici omnem necessariam curam adhibuerint ad veram singularis hujus rei noticiam imbibendam, cum probabile sit suffecisse ipsis conjecturam, quæ de defectu aperturæ, qua animalia hæc in auribus suis carent, desumi potest: nisi velis asserere, rem sese cum auribus in *Testudinibus* habere, ut

cum

cum oculis in Talpis, i. e. quod habeant aures absque auditione, uti *Talpa* oculos, quibus tamen non vident.

Observatio quam supra de *Testudinis* motu cervicis ad semet, cum in dorso jacet, convertendum l. volvendum exposuimus, occasionem nobis suppeditavit in musculos perquirendi, qui partem hanc flecterent extenderentque. Primo reperimus cervicem hanc duplici motus genere gaudere, quorum uterque flexione & extensione constat. Primus motus est, quo *Testudo* cervicem caputque suum introrsum trahit, aut extendit & prodire extus facit. Secundus est, quo cervix protrusa & extensa quaquaversus vertitur. Primi in generis motu cervix extenditur, quando muscoli, diversis cervicis flexionibus inservientes, conjunctim & æquali cum virtute agunt: introrsumque trahitur cum capite, a duabus diversis flexionibus & extensionibus vertebrarum, quarum una in summitate & altera in parte ima deprehenditur; unde quoque cervix hæc figuram induit velut cervicis in *Olore*, quando sc. avis hæc caput versus dorsum suum trahit. Hanc ob causam, præter musculos, qui cervicem exsertam quocunque vertunt, omnibusque cervicis motibus communes sunt, ad sunt adhuc quinq; peculiare in latere quolibet, qui oriundi ab *Apophysi lumbari* ultimisque co-

stis, per longitudinem vertebrarum dorso ascendunt, & quinque in diversis locis *Apophysis* obliquæ vertebris cervicis inseruntur, longissimo prope ad caput primæ vertebræ corpori adfixo l. adstricto. Musculi, qui cum separatim agant, flexionibus cervicis extrorsum protrusæ inserviunt, oriuntur ex Cervicis *Vertebris* & pariter *Vertebris* ipsius inserti sunt. Quidam originem capientes circa *vertebra* corpus inseruntur in *Apophyses* aliorum. Alii procedentes ex *Apophysis* cum aliis *Apophysis* uniuntur, usq; adeo ut si unius lateris musculi separatim agant, flexio hoc ipso in latere fiat: sin vero conjunctim æquali cum virtute agant, extensio totius cervicis insequatur, prout dictum.

Caput introrsum tractum, in rugam l. sinum cutis, supra humeros existentis, quasi immergitur & speciem cuculli refert. Hocque efficitur a quodam musculo admodum magno & crasso, cuti adhærente, qui *Spinalibus Apophysis Vertebrarum*, unde prodire putatur, adstrictis inferius corrugatur, obtegens & involvens *Asperam Arteriam Oesophagumque*. Diversæ fibrarum hoc in Musculo situationes observantur, quarum intuitu pro unione plurium musculorum haberi posset. Hæ rugas cutis hujus diversas, quasi cucillum repræsentantes, si diversæ distincteque agant, producant.

EXPLICATIO FIGURARUM TAB. XLIV.

Testudo hæc in PARTE TAB. INFERIORI haud pauca sibi particularia possidebat, quæ eandem ab illa, quæ in Gallia reperitur, distinguunt. Testa enim ejus non tam plana, quam valde convexa est. Unam tantum testam seu clypeum habet, quo dorsum & reliquum corpus tegit. Cauda in fine cornu est instructa. Crura ejus non tam squamis, quam cute quadam, instar corii Hispanici, rugosa vestiuntur. Ungues acutæ non sunt, sed obtusæ & ad dimidiam ferè partem attritæ, mandibulis suis respondens.

IN PARTE SUPERIORI

- A. B. C. D. *Latus hepatis dextrum est.*
 A. *Exiguus ejus lobus vesicam felleam obtegens.*
 B. *Vesicula fellea.*
 C. *Ramus hepaticus dexter.*
 E. F. G. *Sinistra hepatis portio.*
 E. *Ramus hepaticus sinister.*
 F. *Isthmus, juxta quem dextra & sinistra hepatis pars sibi invicem junguntur.*
 G. *Lobus major in sinistra hepatis parte.*
 H. H. *Vena cava dextra.*
 I. I. *Vena cava sinistra.*
 K. *Ductus Cysticus.*
 L. *Truncus rami hepatici.*
 M. M. *Renes.*
 N. N. *Vena emulgentes, quibus bina glandula affixa sunt.*

O O. *Testiculi.*

P P. *Epididymides a renibus procedentes & Testiculis parvulis ductibus annexæ.*

Q Q. *Ureteres.*

R R. *Vesica Urinaria aperta.*

S. *Cervix vesicae aperta, duas ob oculos ponens carunculas, quæ nihil aliud sunt, quam extremitates ureterum, & duas alias, quæ sunt extremitates deferentium vasorum.*

T T. *Dua cavitates, originem præbentes ligamentis spongiosis, radicem penis constituentibus.*

V V. *Musculus largus intestinum rectum & penem includens.*

X X. *Bini alii musculi penis, qui alios duos Y Y. signatos superequitant.*

Y. *Extremitas glandis.*

Z. *Appendix major circularis.*

A. *Appendix minor circularis.*

Φ Φ. *Extremitas recti in longitudinem discissi, ad radicem penis detegendam.*

Θ. *Apertura inter duo ligamenta circa cervicem vesicae.*

χ. *Penis discissa ad detegendas cavitates & ligamentorum. ω ω. & cavitatem urethrae vices gerentem π.*

Ω Ω Ω Ω. *Ductus magnus pulmonum.*

ξ ξ ξ. *Apertura vesicae in ductum.*

α α. *Auricula cordis in superficie vertebras dorso respiciente.*

1. *Truncus vena cava sinistra.*

2. *Truncus vena cava dextra.*

3. *Truncus*



3. Truncus aorta à corde progrediens & bifurcatus.
4. Aorta sinistra.
5. Aorta dextra.
6. Conjunctio duarum aortarum.
- 7.7. Carotides.
8. Arteria pulmonum.
- 9.9. Vena pulmonum in axillares se exonerantes.
10. Arteria ad stomachum abiens.
11. Arteria ad epar, pancreas & lienem tendens.
12. Arteria ad intestina abiens.
13. Cor in situ naturali.
14. Anterior cordis ventriculus.
15. Arteria pulmonalis aperta, ad videndas tres ejusdem valvulas.
16. Cor extra situm naturalem versus superiora retractum & ab auriculis suis ΔΔ. (quæ in loco suo debito sunt) separatim.
- 17.18. Posterior cordis ventriculus.
19. Aorta procedens à dextro ventriculo. Aperta

autem est ad videndas ejusdem tres valvulas sigmoides.

20.20.10. Tres valvula sigmoides ad introitum auricularum in cor sita.

a.b. Duæ cavitates, quæ sunt extremitates ductus, juxta quem bini ventriculi inter se invicem communicant.

c.d. Binæ aliæ cavitates, quæ communicationem efficiunt inter posteriorem sinistram ventriculum cum anteriore.

αα. Cerebrum.

β. Cerebellum.

γγ. Nervi olfactorii.

δ. Medulla Spinalis.

εε. Musculi Crotaphita dissecti.

θθ. Os occipitis.

κ. Tunica cartilaginosa cavitationem auris obturans.

τ. Ductus in palatum descendens.

μ. Pellicula stylo osseo, subnixa & sustentata.

SECTIO LV.

DESCRIPTIO ANATOMICA TESTUDINIS TERRESTRIS & VULGARIS,

Ex Gerh. Blasii Observat. Anatom. pag. 62.

IN Testudine terrestri quæ observare nobis licuit prima alteraq; dissectione in Miscellaneis nostris Anatomicis breviter exposuimus. Utile imo necessarium unum alterumve ibi adducta illustrans, augens corrigensque hoc loco exhibere, prout in subiecto alio notare contigit.

DIAPHRAGMA

magnum hic, valde aliam omnino posituram obtinens ea, quæ in homine. Oblique enim a pectoris anteriore inferioreque parte sursum adscendit, lateribus primo, hinc dorso firmiter adhærens: altiore adeoque situm in posticis obtinet, quam in anticis, contra ac in homine; canibus, bobus aliisque animalibus reperimus, ubi anteriora sublimem magis locum habent posterioribus.

Membranofum hoc totum notatur, similiter ac in avibus variis reprehendimus, nullis fibris carneis manifestis gaudens. Distinguit thoracem a ventre infimo, ast non ut in animalibus aliis: Pulmones enim cum hic sese in hoc magis, quam illo ventre exhibeant magna parte; Diaphragmate in totum haud continentur, imo vix aliqua parte.

Extendit se supra Hepar partesque alias ipsi adscitas, usque ad vesicam urinariam, cui valide adeo unitur tota superiore, ut nonnisi ma-

gno artificio separari queat. Superius pericardio continuum observatur.

Transit idem vena quædam insignis a corde ad Hepar deducenda.

PERICARDIUM

hic crassum densumque magno spatio (maxime ubi flatu extenditur) a corde ipso distans. Aquæ limpidæ quantitas insignis hoc loco reperiebatur, vid. Fig. 2. TAB. XLV.

COR

Cavitate unica vera constare etiam hic annotare contigit. Auricula, si talis haberi debeat, ampla admodum, adeo ut corde ipso triplo major observaretur, quoties flatu distendebatur. vid. Fig. 1. TAB. XLV.

Ex Ventriculo Arteria prodit, varie sursum deorsumque distribuenda. Ast ex auricula vena prodit in hepar illico deducenda.

In venam hanc si flatus immittatur, totum hepar, pulmonum instar, intumescit, ac si ex vesiculis innumeris constaret, coloremque album adsumit.

Ab Hepatis sinistro latere, transverso ductu sub cavo ejus, vena progreditur ad intestinum duodenum & lienem ipsi adhærentem, in progressu ramulos varios ventriculo adscito communicans.

VENTRICULUS

F f

albam

albam viscidamque materiam continebat, claritate notabilem valde.

INTESTINA

excrementorum notabili quantitate repleta erant: quædam horum nigricantia, alia viridia & flava. Unde hæc? dictu difficile judicamus, cum in Museo meo diu detenta fuerit testudo hæc sine ullo cibo potuque. Certo adferere licet, ne granum quidem alimenti potulentive guttam exhibitum ipsi fuisse X. mensium spatium. Defectu adeoque nutrimenti haud interit, sanguine copioso gaudens, sola frigoris intensione enecata.

VESICA URINARIA

serositatis plurimum continebat. Ast difficultatem hic mover, quod nec *Renes*, nec *ductus urinarius* in vesicam hanc excurrentes notare hæcenus potuerimus. Urinam adeoque suam ex intestino recipere statuimus, usquedum vias alias invenerimus, aut ab alio inventas viderimus; & hanc vesicæ hujus cum intestinali cloaca communionem efficere judicamus, quod non solum serum hic colligatur, sed etiam alia materia, alba fere aut subflava, fæces alvinas sive dixeris, sive liquorem seminalem, eidem semper misceatur. Ubi intestino unitur, crassioris substantiæ est reliquo toto corpore angustataque admodum.

TRACHEAM

constituentes annuli integri omnes sunt, etiam ubi pulmones ipsos transeunt, nisi quod hic aperturas varias agnoscant, satis insignes, numero pulmonis partibus correspondentes. Hinc est, quod flatus in Tracheam immixtus haud penetraret totum pulmonem, sed primo in partem pulmonis priorem, mox procedendo per Tracheam hanc in secundam tertiamque deferatur. *Bronchia* adeoque hic nulla, sed unico continuatoque ductu Trachea hæc lateralia Pulmonalium dictarum partium perreptat, sola per foramina eaque ampla valde, aeri in eas progressum concedens. v. fig. 3. TAB XLV.

GENITALIA

Testudinis varia in Miscellaneis nostris dedimus. *Vasa deferentia*, partem aliquam gyrosam, ubiflavam, exiguam, testiculo accumbentem,

accedere videntur: hanc pro Epididymide assumamus: neget, cui res hæc clarior occurret.

Penis notabilia habet corpora nervosa duo, quæ siquidem flatu distendantur, anteriora penis maximam in molem augentur rigiditatemque summam acquirunt, cum apicis versus postica incurvatione aliqua, quo asperitates illæ, quas in parte postica seu inferiore penis notamus, circa mucronem ejus manifestiores liberiorisque reddantur. Notabilis itidem in parte hac postica, qua nempe cloacam ipsam spectat, fovea quædam singularis, insignis satis capacitatis, dum rigidus efficitur penis, canaliformam assumens; cum in pene viam aliam observare haud licuerit, hanc seminis ejaculationi inservire judicamus: anteriora autem penis distenta utero firmitus inhæere & asperitates adductas voluptati Venereæ in foemina excitandæ dicatas esse. c. Fig. 4. & 5. TAB XLV.

Renum nomine quæ exhibuimus, *Parastata* videntur, ex innumerabilibus fibrillis (forsan excavatis) conflata. Ab his ductus singularis se extendit ad cloacæ partem superiorem, loco eo, qui insertionem vesicæ urinariæ proximus est, vix straminis latitudine ab ea distans.

Testis mollis valde, filamentosa flavescensque substantiæ, notabilis hic satis magnitudinis; hujus cum parastatis communionem notare necdum licuit, licet funiculi varii membranacei ea connectere videantur.

Epididymida quod loco dicto habuimus, *vesiculas seminales* potius dici posse judicamus. Varius hic ductuum seminalium, isque gyrosus valde, ductus. Repleti hi omnes albicante eaque satis consistente materia, quam semen æstimamus. Quoties læsio quædam ductuum horum contigit, libere ea effluit, alias facili via per meatum singularem, seu potius ductuum continuationem in Cloacam exiens, loco eodem, quo materia ea, quam Parastatæ exhibent, exit. Unicum enim hic tantum orificium, duobus hisce ductibus inserviens, notatur, unde, antequam se hic aperiant, coire eos suspicamur.

EXPLICATIO FIGURARUM

TAB. XLV.

IN PARTE INFERIORI

Sceletus est testudinis, ex quo apparet testudines è scuto suo progredi non posse, secus ac vulgus statuit. Quod enim in aliis animantibus costæ sunt, hoc in testudine scutum superius, & quod in aliis sternum, hoc in testudine scutum inferius, ut D. *Fridericus Lachmund* in *Miscellan. S. R. I. Acad. Nat. Cur. Dec. I. An. 4. Obs. 183. p. 227.* docet.

IN PARTE SUPERIORI

FIG. I.

Cor a partibus aliis separatum ostendit.

- a. *Ventriculus est cordis, carne solidiore gaudens.*
- b. *Auricula membranacea, ventricul. ambiens.*
- c. *Arteria è Corde prodiens.*

FIG. II.

Pericardium naturali situ & magnitudine.

- A. *Pericardium ipsum.*
- b. *Diaphragmatis portio.*

FIG. III.

fig. III.



fig. II.




fig. IV.




fig. V.



fig. I.




fig. VI.




FIG. III.

Trachea seu Aspera Arteria.

A A A. Trachea ipsius divisa ramus dexter, sinistro circa circumvolutionis locum abscisso.

b b b. Pulmonis partes.

c c c c. Trachea apertura, per quas in quavis pulmonis partem aeri datur transitus, sic ut nullus ipsi motus sit ex una parte in aliam, sed ex trachea in partem talem, ex parte in tracheam.

FIG. IV.

Genitalia ipsisque connexa

A. Vesica urinaria.

b. Ejus collum.

c c c c. Colli per transversim dissecti reclinata partes, quo pateat ejus apertio in cloacam.

o. Nigricantia hac duo puncta foramina designant, per qua uniti ductus Parastatarum & vesicularum seminalium in collum vesicae se exonerant.

e e. Cloaca ipsa integra.

f f. Eadem aperta & reclinata, quo in conspectum veniat pars anterior penis.

g g. Musculi penis.

h h. Testis uterque.

i i. Parastata.

k k. Vesicula seminales.

FIG. V.

Penis a parte postica.

a. Fovea penis.

b b. Anteriores prominentia.

SECTIO LVI. ANATOMIE TESTUDINIS MARINÆ

Joh. Fabri, Lyncei

In Expositione Animalium Novæ Hiss. Ant. Recchi pag. 727.

CUm ante septem annos insignis magnitudinis mihi TESTUDINEM MARINAM ex Neptunio, oppido maritimo, submisisset Illustriss. Virginius Cæsarinus, Lynceus, quem aliqui Pico illi Mirandulano æqualem, multi etiam superiores agnoverunt, ut ipsum de internarum partium ordine postmodum, (qui nostræ Academiæ Lynceæ mos est, mutuis sese juvare studiis) edocerem, perscripsi ad ipsum ea, quæ omnia sibi visa fuisse paradoxa responderebat. Quare Romam rediit, & aliam hæc paulo minorem testudinem perferri ex mari curavit, voluitque ipse in ædibus meis anatomix huic præsto esse, eamque manibus propriis, Democritum magnum imitans Philosophum, adjuvare. Veruntamen ex ea huc transferre solummodo illa placet, quæ respirationis organa attingunt. Ut ipsum itaque certiores redderem, quod promiseram, pulmones non in thorace hic, sed in ventre inferiore sub ipso sitos esse diaphragmate, rem totam hac ratione demonstravi. Curavi asperam arteriam aliqua ex parte detruncari, ac tubulo ex arundine immisso eandem insufflari. Statim ambos pulmones in ventre imo conspicuos habuimus, ad extremum ejusdem, ubi intestini recti exitus habetur, pertingentes, & versus thoracem surgentes, in latitudine valde crescentes, rubicundos, ac pla-

ne coloris elegantissimi. Hoc ita esse, Cæsarinus suismet digitis exploravit, comprimendo pulmones a parte inferiore ad originem ipsorum, quæ sub ipso est septo transverso. Tota autem ita se res habet: Descendit a larynge in thoracem aspera arteria, quæ in eadem pectoris capacitatem quoque bifurcatur, & ubi ambo hi rami Diaphragma perfoderunt, sub hoc in pulmones ingrediuntur. Hi sua substantia sunt subtilissimi, ita ut inflati vesicæ quædam rubræ esse appareant, sed vere tamen pulmonum substantiam obtinent, & parte illa, qua dorsum respiciunt, firmiter adhærent, ita tamen, ut digitis, non cultro auferri & a dorso liberari valeant.

In medio ventris vero, sine thoracis cavitatem, cor nobis conspicuum fuit, suam intra capsulam sive pericardium conclusum, quo discisso, aqua effluxit & cor erupit, hocque ad corporis totius comparisonem perexiguum. Aderant vero ad cordis latera duo corpuscula tam magna, ut ambo conjuncta cordis molem longe excederent, quæque prima statim fronte imponere alicui potuissent, ut pulmones crederentur, nisi hoc unicum obstitisset, quod intra capsulam cordis hæc scilicet reposita fuerant. Erant autem hæc corpuscula cordis auriculæ, quæ veluti duæ vesicæ, non corpora plane solida, comparabant,

bant, sanguine ambæ prætumidæ. In utramque derivabatur vena, una ex dextro hepatis lobo in dextram, ex sinistro in sinistram altera. Ambæ postea auriculæ invicem communicant, & sanguinem in dextrum cordis sinum refundunt.

E dextro autem ventriculo manifestus fuit in sinistrum aditus, sine ullo intermedio pariete; ubi vero sinister incipit, crassior tantummodo quædam ac nervosior substantia, & forma foraminis manifestam se præbuit. In sinistro hoc sinu duo erant vasa arteriosæ substantiæ, quæ ubi paululum ex cordis ventriculo sunt egressa, in alia duo dividebantur: quo autem porro abirent, penetrare satis haud potui. Reperi interim in hoc specu diversa illa ostiola, semilunaria nempe, & tricuspidem referentia. Mirum etiam fuit, quantum in aquatico hoc animali sanguinis, nigricantis inquam, ac crassi venosi, tenuis itidem & rubicundi valde & arteriosi contineretur.

Sed quid me censes de pulmonibus dicturum? Hi vero non in thorace (ut Sole clarius patuit) sed in ipso ventre collocati sunt inferiore, hæc saltem in maritima testudine. Quomodo enim illi aerem cordi subministrabunt, si ipsi cor minime amplexantur, nec etiam cum venis atque arteriis cordis per asperas arteriolas communionem illam sortiuntur? Cor enim in medio ventre reclusum, & per diaphragma a pulmonibus, sub hoc latentibus, seclusum existit. Quin & hoc consideratione dignissimum autumo, quod non solum pulmonibus & corde intra animal suo in situ remanentibus, cor nullo modo elatum morumve fuerit inflatis pulmonibus, verum hi etiam evulsi, & extra animal inflati, aerem probe tamen receperint, nec illi ullam in partem exitum permiserunt. Id quod vel idiotæ cuilibet argumento esse potuit, quam minima cordis cum pulmonibus in testudine esset, per vasa pnevmatica, aerem ex his in illud deferendi, ut creditur, consensus atque connexio. Atque hoc ego Philosophica Medicaque trutina dignissimum arbitror, & illis præcipue qui respirationis usum anxie magis enucleatiusque perferutari moliantur. Ego tunc Virginio Cæsarino nostro mentem ita meam explicavi, & valde ipsi sententia mea arrisit. Videtur nimirum mihi, cum testudo hæc sit animal aquatile, propter domum, quam inhabitat terrestrem & gravissimum, sibi periculum esse, ne in profundo maris semper stabuletur, nec dias in luminis auras emergat, ibique ad tempus quoddam commoretur; huic a natura pulmones fuisse concessos adeo grandes, aerisque ita capaces, ut thorace iis capiendis haudquaquam sufficere potuerit. Debuisset ergo

in ventre poni eos inferiori, & semel inflatos animal in aquæ superficie sustinere: non aliter atque pueri, dum natate addiscunt, vesicas aere plenas, vel cucurbitas exsiccatas axillis supponunt, ne profundentur. Ne quis autem existimet pulmones hos esse meas vesicas quasdam, sciat velim, pulmonum verorum, tenuiorem tamen substantiam obtinere & asperis arteriis similis, quæ in nobis sunt, præditos existere. Neque tales vesicas esse, quales in Barbis aliisve piscibus aere semper tumefactæ reperiuntur.

Verum enim vero dum ita mecum ipse Philosophari soleo & Cæsarino nostro mihi que placeo, hæc interim quoque subit sententia mentem: Debere igitur in terrestri testudine contrario modo pulmonem in thorace & non sub thorace collocatum esse, quod terrestris testudo videlicet amphibia non sit, aquam non petat & si in eandem ponatur, exitum cito quærat, maritima quoque ad tempus solummodo aliquod liberiore aere fruatur & tunc præsertim, quando somnum sereno cœlo & splendente Sole capere desiderat. Tunc enim suaviter dormiens diu in maris superficie fluitat, haud dubie pulmonum foliis aere distentis sublevata. Hoc se vidisse non modo mihi affirmavit Alexander Rondenius, Nobilis Romanus, elegantioribus utens & prudentiæ usu Vir præstans: sed & in eadem, qua vehebatur navi, talem & maximam quidem testudinem a nautis captam, ac dormientem ita in navem depositam fuisse, ut pedum injectis vinculis, ne elabi posset: qua ubi è sopore emerfit, seque ilugatam sensit, vi maxima & ingenti strepitu adversus nautas pugnavit, manus tamen, vel pedes dicam potius, captori suo post coacta dedit. Similem fere piscationem testudinum narrat Plinius lib. 9. c. 10.

Ut itaque huic me dubitationi eximerem, *Terrestrem testudinem* aquæ immersi, quam ubi multum reluctantem exitumque quærentem animadverterem, id facile ob pulmones in thorace sitos evenire conjectare cœpi. Quare & hanc incidi, pulmones tamen non aliter atque in maritima est dictum, sub diaphragmate ad pedes usque posteriores descendere, per insufflationem tumefactos vidi. Sunt hi ex substantia rarissima ac meris quodammodo vesiculis & pellicula subtilissima compositi.

Jam itaque Philosophandum foret, quem usum hi in terrestri hac testudine obtineant. Hoc sane persuasissimum cuivis esto, nullam horum cum corde connexionem existere. Exciso enim corde adhuc per tubulos tamen pulmones ipsi retento in se aere, nec per spiracula sive aperta, sive cæca erumpente, optime insurgabant. Et prius inflatis pulmonibus,

bus, corde praesente, hoc ne tantillum quidem attollebatur. Habebat autem cor systolen suam atque diastolen, absque ullo pulmonum motu. Hi enim depressi remanebant, nec inflabantur ab illa aeris attractione, quod fieri potuisset tamen ab animali adhuc vivente, licet capite truncato, quod ego subito, antequam aperiri curarem, abscindi jusseram. Hoc autem hujus maxime gratia tentaveram, ut sanguinem, tam arteriosum, quam venosum probarem, calidusne actu an frigidus in vivo animali hoc existeret: quem vola manus exceptum frigidum reperi, non quidem ut est glacies, sed ut aqua erat fontium illius temporis, sub mense nempe Augusto. Vivit itaque hoc animal actu & tactu cum sanguine frigido. Imo & cor ipsum eodem modo actu erat frigidum, quod similiter eximi jussi. Vitales autem hae testudo actiones habuit horae spatio absque corde (quod etiam *Aristoteles* novit) sed & absque capite: nam pedes movit ad tactum nostrum & sine eodem quoque retraxit. Tamdiu similiter cor jam exemptum & mensae impositum vibrante suo motu vixit. Sed iterum parerga hae esse clamabis, quae tamen Medicinæ Studiosis non ingrata fore auguror.

Adduci non possum, ut credam hunc pulmonum situm oculatissimi *Aristotelis* industriam effugisse, in animali tam noto, praesertim & ipsi ubivis obvio, licet hunc non expresserit. *Lib. enim 3. part. anim. cap. 6.* hae habet: Quae vivipara sunt majorem & copia refertum sanguinis habent pulmonem, propter calorem naturae suae. Quae contra ovipara sunt, exiguum & siccum, sed aptum ampliari & extumescere, cum inflatur: qualis eorum est, quae ex terrestribus quadrupedes ovipara sunt, ut lacertorum & testudinum & cæterorum generis ejusdem.

Hactenus recte *Aristoteles*. At quod mox sequitur, naturae minime respondet. *Lib. enim 1. cap. 16. Hist. anim.* „Cor etiam, ait, arteriae (asperam semper intelligens, nam quam nos dicimus nunc arteriam simpliciter, ille venam aortam appellat ibidem) obesi, cartilagineis fibrosisque vinculis: & qua annectitur, cavum est. Spiritus, dum arteria inflatur, an subeat cor? minus in nonnullis constat, scitiet minutis. At in grandioribus animalium spiritum cor subire ipsum apertum est. Atque marinae testudines, in quibus nos probavimus minime aerem e pulmonibus cor subire, non minu-

ta sunt animalcula, sed *Plinio* teste in mari Indico tanta, ut superficie sua casas integant habitabiles.

Sed hoc *Aristoteli* statuisse satis non est: vias quoque *cap. 17.* & meatus docet, quibus aer in pulmonibus contentus ad cor corrivetur: Meatus, inquit, qui a corde in pulmonem ferunt, ii & eodem seinduntur modo, quo arteria: & arteriae fistulas totum, per pulmonem assequuntur. Sunt autem, in parte cordis superiori. Neque vero unus communis est, sed inter se coaptati recipiunt spiritum, quem ad cor transmittunt. Alter enim in dextrum sinum: alter in sinistrum meatum.

Necdum hic quiescit natura, quae in alio quoque *Aristoteli*, filio suo, reclamat dogmate. Hic enim hoc ipso & *capite & lib. 7.* supra scriptum transversum sua pulmonibus subsellia assignavit: *Sub pulmone septum, ait, transversum pectoris est, quae praecordia & cinctum appellant, &c.* Nos tamen in Testudine, tam terrestri, quam marina, contrarium demonstravimus. Miror mehercle exercitissimi in piscium anatome *Rondeletii* manum hae non observasse, vel saltem tacuisse ipsum, quin lapsu majore ruisse. Hic enim *lib. 16. de Piscibus cap. 3.* sic habet: Pulmones in testudine majores sunt & multo densiores, quam in terrenis animalibus, ne, ut opinor, aquae major copia, una cum alimentis hausta in tenues meatus se penitus innuans rejici tota non posset per foramina illa, quae narium loco in superiore rostro habet, quibus aquam rejicit, non aliter quam delphini per fistulam. Miror magis hoc ipsum ab *Aristotele lib. 3. cap. 7. & 8. de partibus animalium* statutum fuisse, quem *Rondeletius* ceu communem Praeceptorem neglecta avopsia secutus est.

Possem hic eadem ego *Rondeletium* excipere compellatione, qua is in *Aristotelem* invenitur, quod hic Splenem admodum exiguum in testudine lutaria videre potuerit. Renes autem & vesicam videre non potuerit, quae lutariae inesse negavit. Quare inquit, *Rondeletius*, cum majorem tamen auctoritatem quam, cujusdam hominis auctoritati fidem habeam, affirmo testudinem lutariam & vesicam, manifestam ac magnam & renes carnosos, habere prope testes. Quodsi bene igitur *Rondeletius* oculis suis in terrestri, marina, & haud dubie lutaria testudinibus usus fuisset, in his pulmonem non densum & bubulinum, sed flaccidum ac tenui substantia praeditum reperisset.

P R O SUPPLEMENTO

addimus Observationes de utraque testudine
ex Zootomia Democritea Severini p. 320.

IN TESTUDINE MARINA

Inferiori primum cortice supinæ huic cutro transversim separato atque ablato, visa membrana peritonæa, totam anteriore parte vestiens, a jugulo ad pubem continua, cortici inhærens, fibris quibusdam carneis, præsertim parte thoracis; omentum nullum; nullum cæcum; sed intestina supernè deorsum gracilescunt, contra quam in cæteris quadrupedis. Quin a summo oesophago, qui duplicati pollicis magnitudinem æmulator, donec ad recti initia pertingit, perpetim minuitur tum tota membri crassitudine, tum tunicarum: quæ tunice duplices, externa nervosior, carnosior interna, sed hæc quoque villosa & lentore quodam pingui madida, haud valde dissimilis a recto vacæ intestino bene saginata. Parte priore & primo ductu oesophagi aculei crebritransversim positi majores, quam in bovina lingua; quod certe mirabile & a Ronde-

letio non observatum: Fabricati fortasse hi ad comminuenda alimenta, quæ duriora ab hoc genere ingeri perhibent.

Vesicæ cervix recto intestino intro respondens, ut utriusque recrementum uno ductu exitum habeat.

Lien rotundus instar ovi, intestino superiori alligatus.

Renes plani & oblongi, quasi ex parvis pluribus compositi.

Cor trifidum cum vasis valde implexis in primo exortu.

Auriculæ magnæ & pendulæ tenui membrana præditæ ac nigrescentes.

Pulmones amplii, multo inferius quam cor descendentes.

Cervix inflexa cum crebris musculis; sed duo longissimi intro in corticem caput trahunt.

OBSERVATIONES IN TESTUDINE TERRESTRI

Prinipio, ablato cortice inferiore, statim apparuere duo musculi anteriores, moventes, ut apparet, brachia, utrinque unus; quanquam uterque distinctus videtur in duos, quorum major est exterior, minor vero interior. Oblique descendunt quasi ab axillis brachiorum nascentes a membrana adhærescente cortici, & desinentes in tendinem acutum. Figura ipsorum oblonga rotunda, quasi plantæ manus; infra hos musculos tum parte dextra, tum sinistra sex alii visuntur oblongi, flexores fortasse brachiorum; duo totidem apparent musculi deducti ad femora, nascentes ab externa dicta membrana corticis, qui tertio sunt minores brachialibus, neque in tendinem desinunt, ut illi, sed carnosiores sunt, quod inserantur femoribus. Spina compacta est & valide innexa cortici, per longitudinis medium.

Infra caput medio lato digito descendunt duo musculi a lateribus positi, ipsum introtrahentes, cum duobus aliis paulo inferioribus: quatuor isti oblongi maxime omnes. Jecur parte dextra & sinistra æquali magnitudine bipartitum: Gibbum externe, cavum interne, sed dextra interne inæqualis veluti prærupta rupis, complectens miro artificio ventriculi orificium inferius & portionem duodeni; sinistra complectens majorem ventriculi cavitatem, excavato quodam supercilio similis.

Cystis fellis dextra in fibra hepatis profunde condita; ventriculus ad humanum vel suillum maxime accedens: sed postquam in intestina perducitur, tres amplas habet cavitates, in quibus totidem perfici coctiones & transmutationes assumptorum videntur. In prima herbacea materia, in secunda item, sed elabo-

elaboratior, & huic externe adhærebat lien rotundior & ater. In tertia materia quædam subliquida & albissima, similis mansæ castaneæ, sed dilutæ. Aperta est conjectura servare hanc in locum vesicæ, quæ ejaculatur quandoque humorem album, veluti gallinæ solent. Ampla est hæc & castaneæ figuram æmulatur: tenuissima est & amplo canali, quantum est intestinorum extremum, cui correspondet parte inferiore. Hæc valide adhærescit peritonæo, atque immediate illi incurabit.

Intestinum rectum in fine habet processus illos laterales, qui sunt gallinaceis omnibus, sed divisos tamen & in latera longe productos usque ad renum viciniam. Cum his pone sunt ovorum utraque parte productiones. Mesenterium amplis satis venis intextum.

Cor rotundæ figuræ, sed non exactæ, ut lenticulam referat: colore subalbidum, intus uno sinu cavum: situm supra jecur statim.

Aspera arteria (*quæ dignissima omnium est observatio*) paulo post initium bifida, quorum rami contorti.


Pulmones parte superiore adhærescentes spinæ, substantiæ admodum raræ, non carnosæ, sed verius membranosæ intextæ arteriæ asperæ, ramis velut rete quoddam implexum, colore subatro.

Observanda dispositio ossis hyoidis & cartilaginis scutiformis. Calvariæ testudinis marinæ septum est, quod supernæ testudini extensum cerebri partes utrasque determinat præter cujuslibet calvæ conformationem.

N O T A.

Figura sequens pertinet ad Historiam Lupi, pag. 141. ubi ejus explicatio habetur.





AMPHITHEATRI

ZOOTOMICI

P A R S A L T E R A.

AMPHITHETRA

NOTOMICI

1 2 3 4 5 6 7 8 9



SECTIO LVI. DESCRIPTIO ANATOMICA AQUILÆ

Societatis Scientiarum Regiæ in Gallia.



Res, quas secuimus, aquilæ magnitudine, formâ & plumis sibi invicem propemodum similes erant. Partes verò internæ in quibusdam differebant, præsertim, quia sexu differebant aves. Maxima ipsarum, quæ erat

foemina, ab extremô rostrô ad extremam usque caudam 2. pedes & 9. uncias longa erat, ab extremâ autem alterâ alâ ad finem alterius, dum expansæ essent, 7½ pedes. Rostrum 2½ pollices longum erat, curvaturâ ejusdem non adnumeratâ, quæ 9. lineas comprehendebat. Totum caput, adjectô rostrô, 4½ unciarum erat: collum 5½ pollicum: crus unâ cum coxâ ad extremitatem unguum, usque 15. pollicum. Universa avis 10. libras ponderabat. Totus ipseque plumarum apparatus puniceus erat, propemodum ater excepto fundô colli anterioris, ut & abdominis, qui erat albus rubente glaucore permixtus. Pedes erant exiles in proportionem ad corpus & pallidè glauci. Rostrum omninò atrum erat.

Reliquæ duæ, quarum una erat masculus, altera verò foemina (& quæ quadantenus minores erant) rostrum prope finem atrum, ad initium suum flavum, in mediô denique pallens habebant. Pedes earundem erant flavi, tecti squamis diversæ magnitudinis, siquidem illæ ad summos digitos erant amplæ & quadratæ, maximè versus extremitatem: reliquæ verò planè exiles. Ungues erant atri, incurvi & prægrandes, præsertim unguis postremi digiti, qui reliquis fermè duplò major erat.

Plumæ trium erant colorum, scilicet obscurè puniceæ, rubræ atque albæ. Vertex capitis ex phœniceô & rubrô varius erat. Thorax & abdomen ex albô, rubrô & spadiceô varia erant: alæ multum punicei, parum ru-

bri & exiguum albi coloris possidebant. Calami majorum pennarum in alis 9. lineas in diametrô suô continebant. Pennæ caudæ erant admodum fusci coloris versus extremitatem, quidpiam de albedine participantes versus originem suam. Coxæ atque crura, usque ad initium digitorum, pennis partim albis partim verò rubris tectæ erant: singula enim penna ad finem suum rubra erat, alba verò versus initium suum.

Physici asserunt quod aquilæ crura plumis tantoperè tectæ habeant, tum ad seipsas contrà rostra atque ungues avium, dum has arripiunt, & unguibus suis distrahunt, tutas præstandas, tum ad ipsas contrà frigus nivis muniendas, utpote cui aquilæ in verticibus montium degentes valdè obnoxie sint. *Bellonius*, qui varias aquilæ species recensuit, easdem omnes cruribus implumibus descripsit.

Præter magnas pennas corpus integentes erat ad radicem illarum altissima & tenerrima planities pennarum circiter unciam longarum. Hæ plumæ inferiores similiter aquilæ contrà frigoris injurias inserviunt, cujus ipsæ valdè impatientes sunt: ob quam causam aucupes, si aquilas in altum volaturas emissuri sunt, quandam harum inferiorum pennarum, ut & majorum partem ex ipsarum corpore evellunt, quò non nimis altè se attollant, dum per gelu mediæ aëtis regionis impediuntur. Reliquæ pennæ, dorsum atque abdomen nostrarum aquilarum vestientes, 4. vel 5. uncias longæ erant. Illæ, quæ crura exterius integebant, 6. unciarum erant, & 3. pollices ultra calcem exporrectæ. Pennæ, quibus thorax atque abdomen in masculis tegebatur, 7. uncias longitudine & tres latitudine suâ æquabant; hæ erant molles, utrinque saltim longam mollitiem gestantes, cujus fibræ non erant confusulata, uti eadem communiter sunt in fortioribus pennis, instar squamarum dispositis. Hæ pennæ erant duplices: nam qui-

vis calanius, postquam ex cute progerminasset, circiter $2\frac{1}{2}$ linearum spatium, 2. inæqualis magnitudinis trudebat stylos, quorum alter alterò duplò erat amplior. Idem observavimus in pennis colli atque abdominis in psittacò, & in omnibus pennis Casuarii. *Bellonius* tradit, quod avis, quam ipse appellat gallum sylvestrem, & quam pro terrice *Aristoteles* habet, tales possideat pennas, & quod in nullâ aliâ ave similes unquam pennas ipse conspexerit.

Oculi, qui orbitis suis mersi erant & eminentiâ ossis frontis, quæ quasi prominentem palpebram efformabat, connegebantur, obscurissimè isabellini erant coloris, cum splendore Topazii lapidis. Cornea magnò gibbò supra scleroticæ sphaeram elevata erat. Sclerotica verò circumcirca corneam aciem elevatam efformabat. Margo ille durus erat atque osseus. Conjunctiva admodum pallidè rubebat. Palpebræ erant amplæ, adeò ut quævis illarum sola universum posset contegere oculum. Præter superiorem & inferiorem palpebram aderat & tertia interna, quæ ex cantho oculi majore prodiens indeque versus alterum minorem canthum porrecta universam corneam obtegebat.

Aristoteles atque *Plinius* 6. aquilæ species constituunt, quæ sunt *PTYGARGUS*, *MORPHNOS*, *PERCNOPTEROS MELANÆTOS*, *HALIAETOS*, atque *CHRYSAETOS*; ast iidem non planè conveniunt in describendis iisdem, præsertim quoad ipsarum magnitudinem: in reliquâ verò descriptione non tantopere discrepare poterant propter nomina Græca, aquilis convenienter imposita, per quæ hæ species describuntur, dum quædam notæ illis nominibus, aves has ab invicem distinguentes, exprimuntur. Hæ notæ similiter effecerunt, ut repererimus speciem, ad quam aquilam nostram referendam censemus, tam ob ipsius particularia, quæ cum hac specie aquilæ Veterum conveniunt, quàm quoniam reliquarum specierum notæ in ipsâ desiderantur. Censemus ergò duas posteriores nostras aquilas, quæ erant minores, posse adnumerari ultimæ dictarum specierum, quæ est genuina aquila, vulgo Gallis royale, *Aristoteli* Gnesios, *Æliano* verò chrysaëtos atque asterias dicta; quoniam ruber & quasi deauratus ipsius pennarum color græcò ipsius nomine chrysaëtos, exprimitur; & quia maculæ, quas in abdomine atque coxis habent, referunt stellas, nomine ejusdem alterò asterias indigitatas, quod nomen ipsi datum esse saltem ob rubicundas has maculas omnes testantur interpretes. Præterea hæ aquilæ neque pygargus esse possunt, h. e. aquila cum caudâ albâ, neque Græcorum morphnos, h. e. aquila, cujus universæ pennæ, sint obscuri coloris: neque melanaë-

tos, h. e. aquila coloris carbonarii, nigri: neque percnopteros esse possunt, cum hoc nomen Græcis aquilam alis ex nigrò macularis indicet; nec sunt haliaëtos, h. e. aquila locorum maritimorum incolæ, quem Auliores tradiderunt pedibus pallentibus seu lividis instructum: quoniam hæ 2. aquilæ nostræ, uti ex antè datâ ipsarum descriptione apparet, non habebant caudam albam, neque universas pennas obscuri coloris, neque omninò nigræ erant, nec alas ex nigrò variegatas ostendebant, nec pedibus gaudebant lividis; ut adeoque magna nostra aquila, quæ pedibus cœrulescentibus s. lividis gaudebat, facillè possit esse aquila maritimis familiaris locis, dictus haliaëtos: nam præter rationem ex pedibus desumptam alis pollebat nigerrimis, ut *Ovidius* ipsam describit, in metamorphosi Regis *Nisi*, quem in hanc avem conversum esse fabulatur. Thoracem & abdomen habebat alba, in quò conveniebat cum descriptione haliaëti, traditâ ab *Anonymo* quodam, quem *Aldrovandus* citat; præterea ipsius pedes fermè toti intecti erant squamis quadrangulis, quàmvis & magna ipsarum squamarum minus esset quadrangula, quam in reliquis aquilis; id quod *Bellonius* tradit peculiare esse huic aquilæ speciei: cui præterea *Aristoteles* attribuit, id quod de omnibus aquilis narraverat, scilicet quod rejiciat, seu spurios, illos pullos, qui non immotis oculis solem aspicere possint.

Quædam difficultas oriri posset ex magnitudine, quæ in nostris 2. aquilis eadem erat, siquidem singulæ 6. librarum pondus non excedebant; cum è contrà aquila chrysaëtos, quam *Aldrovandus* describit, 10. libras ponderaret. Ast considerandum, quod nostræ aquilæ fuerint juvenes, uti apparebat ex albis pennis, quibus gaudebant in collò, alis & caudâ, quæ colorem suum mutant, postquam aquila adolevit, & aurei s. punicei fiunt coloris, uti *Gesnerus* observavit; præterea, modò dictum, quod *Aristoteles* & *Plinius* non conveniant quoad magnitudinem aquilarum diversarum specierum; quippe *Aristoteles* illam aquilæ speciem, quàm appellat gnesios, & quæ est illa aquila, quam *Ælianus* & *Plinius* vocant chrysaëtos, maximam esse tradidit; cum è contrà *Plinius* dicat, quod hæc saltem mediocris sit magnitudinis, & quod aquila percnopteros dicta sit omnium maxima.

Plinius tradit aves epiploò carere: ast nostræ 2. aquilæ Regales s. Imperatoriæ habebant membranas, quæ instar sacci intestina includebant, ut & hepar & ventriculum; id quod & *Cartesius* observavit, dum secabat aquilam: simile epiploon & in aliis avibus reperimus. Hæc membrana oriebatur ab illâ, quæ format vesicas, quæ in abdomine avium occurrunt, quæ per respirationem cum pulmonibus intumescunt.

mescent. Magnâ hoc epiploon pinguedinis copiâ scatebat, præsertim suprâ ventriculum, quod faciliè quenquam movere posset, ut crederet hanc pinguedinem in avibus eidem usui ac in terrestribus animalibus destinatam esse, ubi creditur in omentô inservire quasi ad ventriculum calore suô moderatô fovendum; ad minimum observatum est, quod carnivora animalia epiploon insigniter pingue gerant.

Oesophagus, qui ad dextrum asperæ arteriæ latus situs erat, extendebatur ad duas usque uncias cum dimidiâ in diametrô, & 6. unciarum longitudinem, si interiùs inflaretur. Versus summitatem ipsius aderat glandulosum corpus, durum & membranæ firmiter annexum: illud fermè magnitudine pisum æquabat; non nisi in unô subjectorum nostrorum occurrebat. Sub locô illô, ubi aspera arteria bifurcatur, oesophagus erat contractus, & subtus versus progrediebatur, postea denuò ampliabatur ad efformandum ventriculum, cui in magnitudine, figurâ & substantiâ similis erat: nam uterque compositus erat ex membranis duris, albis & exterius variis vasis permixtis. Interiùs verò ipsorum latera differebant. Fundus oesophagi, qui efformabat ingluviem, compositus erat ex exilibus glandulis, quæ versus fundum propemodum rapi semen magnitudine suâ adæquabant, & ab inde continuò minores factæ, demum omninò conspectui se subtrahebant. Ventriculus quasdam habebat pliacas, quæ versus fundum ipsius copiosiores ipsum ibidem crassiores efficiebant, quam est versus summitatem suam. Hæ duæ cavitates, tam illa ingluviei, quàm hæc ventriculi, erant amplissimæ, & voracitati harum avium proportionatæ, de quâ *Physici* asserunt esse ipsam adeò extraordinariam, ut omnes adjacentes agros rapinis compleant aquilæ, quæ regioni propinquæ, adeoque ipsis vix sufficiant, ut satis prædarum pro ipsarum nutrimentô suppeditare possint. Proinde observatum est, quod non deprehendantur 2. aquilæ in eadem regione. *Ælianus* tradit, quod aquilæ non contentæ magnis, quas capiunt, avibus, uti sunt grues atque anseres, venentur & feras, lepores atque hinnulos, quos arripiant & abducant; & quod similiter gaudeant virtute atque calliditate capiendi & occidendi tauros, dum eos ad præcipientes locos agunt & terroris plenos præcipientes dant, quodvè postquam hóc lapsu discerpti fuerint, devorent illos.

Intestina erant gracilia, uti communiter voracia & carnivora animalia talia habent, contrâ ac fit in illis, quæ nonnisi gramine pascuntur, præsertim autem ruminantibus, in quibus intestina ordinario naturæ cursu 4. vel quinquies sunt longiora & latiora, quàm in cæteris. In 2. nostris imperatoriis aquilis eadem erant gracilia & breviora & in masculo cæ-

cô intestinô destituta. Fœmella verò duo habebat cæca, quorum quodvis 2. uncias longum erat. In aquilâ maritimâ locô cæci aderant 2. exiles sacculi, vix conspicui exterius, interius verò duos bursas efformantes, quæ ex tunice valvulas referentibus conflatae erant. Rectû intestine prope anum subito coarctabatur, & posthac efformabat saccum magnitudine & formâ ovi, ad cuius extremitatem ureteres inserebantur; sub hóc conspiciebatur sacculus *Fabricii*, cuius figurâ in iconismô tardæ avis expressa est.

Splen in 2. Imperatoriis aquilis exterius rotundus, interiùs versus planus erat cum primis prope ventriculum, cui immediatè adhærebat: ad dextrum verò ipsius latus alligatus erat. Octo linearum diametrô gaudebat. Color ipsius ruber multò erat obscurior, quàm in hepate, quod pallidô planè rubore gaudebat. Ipsius vasa, ex portâ & arteriâ celiacâ prodeuntia, erant larga & vacua. Idem in aquila maritimâ sub dextrô hepatis lobô situs erat & tertiæ intestinorum circumvolutioni annexus per ramos venæ portæ & arteriæ celiacæ, uti & in duabus præcedentibus aquilis.

In eadem aquilâ pancreas, uti in plurimis avibus esse solet, situm erat in primâ intestinorum circumvolutione, figurâ verò planè insolitâ instructum erat: Inferiori enim extremô suô rotundum erat, efformans quasi caput quoddam, reliquum ipsius planius & tenuius. Caput istud perforatum erat ad concedendum transitum ductui hepatico, qui ductui pancreatico planè non confusus intestino inferebatur. Ductus verò pancreatici erant tres: quorum duo intestino inter ductum cysticum & hepaticum inferebantur; tertius denique ipsorum summo ductui hepatico iungebatur. Insertio horum ductuum 2. habebat particularia, quorum primum erat, quod in duodenum intestine hiarent, cum in avibus communiter primæ intestinorum duplicaturæ, quæ jejuno intestino competit, inserantur; Secundum particulare est, quod quodvis horum ductuum orificium tectum esset exiguâ quâdam papillâ, cum communiter nonnisi una sit papillula omnibus his ductibus communis tam pancreaticis, quàm cysticis atque hepaticis. Pancreas in 2. aquilis regiis similiter proximè pylorum situm, intestino verò annexum erat per ductum adeò exilem atque brevem, ut vix conspici posset: in alterô sui extremô appressus erat spleni, qui annexus erat superiori parti & dextro lateri ventriculi, uti antea dictum est.

Hepar in 2. his aquilis multo majus erat, quàm in alterâ maritimâ aquilâ: in ambabus verò sinister lobus erat amplissimus. Vesica fellea similiter in tribus aquilis nostris erat amplissima, quippe magnam nucem castaneam

magnitudine & formâ referens. Dextro hepatis lobo nonnisi cervice suâ annectebatur.

Ductus cysticus oriebatur ex fundô, è regione cervicis. Hæc cervix hepatis 2. diversis rationibus annexus erat : nam in 2. aquilis regiis adhærebatur fini dextri lobi, qui erat sinistro brevior, uti antea dictum est : ob hanc rationem bilis ab hepate expressa erat. In alterâ aquilâ cervix mediæ dextri lobi concavæ parti alligata erat, uti vulgò fieri solet.

In 2. aquilis regiis renes erant exiles, nonnisi 8. lineas diametrò suâ continentes : iidem erant rotundi & plani, coloris abietini, quadantenus rubicundi. Aquila maritima eisdem maximâ ex parte aliis avibus similes habebat, quæ communiter renes habent amplissimos in proportionem ad alia animalia, & figuræ particularis.

Testiculi in aquilâ regiâ masculâ duo erant corpora glandulosa, membranis inclusa. Illi singuli pisum magnitudine suâ referebant, quadantenus complanati, coloris carnei ad flavum vergentis.

Fœminæ nostræ aquilæ ambæ habebant ovaria eorumque ductus, uti communiter in avibus, & quidem fermè simili modò, uti hæ partes in figurâ avis Virginis de Numidiâ dictæ, descriptæ atque expressæ sunt.

Lingua in fine erat cartilaginosa, in mediò verò carnosa, & in radice suâ habebat 2. duros apices, similes illis, qui in fundò barbæ sagittæ conspiciuntur. Eadem 5. lineas erat lata, unciam & duas uncias tertias longa ab orificio laryngis ad finem linguæ, qui non erat acuminatus, uti in plurimis avibus rostrum rectum habentibus, sed erat quadratus linguæ apex, uti in psittacò.

Exiles illi muscoli, qui asperam arteriam ligant, non oriebantur à secundâ claviculâ, uti in avibus communiter fieri solet, sed ab anteriore parte summi sterni.


Globus oculi fœminæ in maximâ suâ latitudine unciam $1\frac{1}{2}$ in diametrò suò continebat. Globus verò oculi in masculò præcedente 3. lineis minor erat. Cornea gaudebat gibbò, qui ipsam suprâ reliquum oculi bulbum prominere faciebat : bulbus verò hic antèrè erat depressus, uti communiter se habet in avibus atque piscibus, qui non habent globum oculi adeò sphericum, uti terrestria animalia. Cornea in alterò masculi oculò non erat pellucida, sed opacâ albedine obfuscata erat. Inter Corneam & Crystallinam hujus subiecti omnis aqueus humor reperiebatur induratus & quasi petrefactus, fermè crassitie 2. linearum. Hæc cataracta sita erat in iride, quæ erat coloris miniati, & ab illâ cataractâ depravata videbatur. Crystallinus $4\frac{1}{2}$ lineas latus erat, & $3\frac{1}{2}$ crassus, interius magis, quàm exterius convexus. In fœmellâ alter oculus similiter obscu-


ratus erat, omnes enim humores atque membranæ interius corruptæ erant, adeo ut omnia in aquam rubicundam conversâ essent, sine vestigiò ullo conspiciendi s. crystallini, s. aquei s. demum vitrei humoris. Foramen uvæ claudebatur tenui, durâ atque pellucidâ membranâ. *Cartesius*, qui hanc membranam in oculò aquilæ observavit, tradit, quod non reperiatur ipsa nisi in aquilâ dictâ ossifragâ, quam *Aristoteles* ob hanc causam vocet epargemus, h. e. quæ quasi nubeculam super oculos habet. Nostra aquila nihilominus ab ossifragâ diversissima erat, quippe quæ non est genuina aquilæ species, sed Vulturis, cuius pennæ, juxta *Aristotelem*, sunt albido-glaucæ; id quod cum nostrâ aquilâ planè non convenit.

Nervus opticus hujus oculi insolitè mollis atque tener erat. Membrana avibus peculiaris, & quæ à nervò opticò oritur, constituens quasi bursam, quæ altèrò suò extremò ligamento ciliari annectitur, erat nigerrima & quidem magis, quàm ipsa choroides. Quamvis verò hanc appellaverimus membranam, quia instar membranæ explicata videbatur, erat tamen nonnisi congeries magnarum nigrarum fibrarum, quæ in mediò sui quibusdam rubris intertextæ erant, quæ vasa esse videbantur. Nervus opticus, ex quò hæc membrana oriebatur, erat complanatus, constituens quasi fibræ tres lineas longam. Hujus membranæ basis, quæ erat figuræ triangularis, eadem gaudebat latitudine, & 5. lineas à suâ basi ad apicem usque. Retina erat crassissima atque opaca, præsertim ad fundum oculi, ubi erat plicata atque rugosa. In hoc locò suprâ choroidem tapetum non erat.

In alterò subiectorum nostrorum observabatur medullæ spinalis structura, quam primò credebamus peculiarem esse huic subiecto; sed postea eandem illi cum aliis avibus communem esse deprehendimus. Reperimus autem, quod versus medium dorsum exterior medullæ pars esset separata & in 2. partes divisa, & posthac denuò conjuncta, dum contra interior ejusdem pars integra remaneret, & saltem dilatata esset : id quòd figuram solii cujusdam referebat. Ista exterioris partis separatio, & interioris dilatatio uncam $1\frac{1}{2}$ longa erat, & 8. lineas lata in hoc subiectò, in aliis verò avibus in proportionem ad reliquam ipsarum magnitudinem se habebat. In cavitate quam duæ separatæ medullæ partes inter se relinquunt, semper reperimus album atque glutinosum humorem, qui lymphæ condensata videbatur.

Si primarius ventriculorum cerebri usus sit recipere ejusdem excrementa, probabiliter dici posset hanc cavitationem avibus peculiarem esse quasi ventriculum medullæ spinalis, quæ cum





In ossibus inclusa motu liberò, quali flexibilis reliquorum animalium spina gaudet, destitutis caret agitatione dissipante hæc excrementa atque eliminante; adeoque eget quibusdam receptaculis ad illa excipienda excrementa aptis.

Hæc conjectura nobis suppeditare potest occasionem inquirendi, annon adsint peculiares quidam ductus ad profligandas has superfluitates destinati?

EXPLICATIO FIGURARUM TAB. XLVI.

IN PARTE INFERIORE

Unica tantum aquila ob oculos ponitur, ex illis, quæ hîc describuntur, quum omnes sibi invicem similes fuerint. Maxima & potissima differentia inter illas in pennis colli radicabatur, quæ instar longæ & pectinatæ planitieci apparebat in masculis, in femellis autem instar squamarum apparebant. Similiter observandum magnitudinem unguium posteriorum in pedibus legitimè repræsentari non potuerisse, quum ungues ob ramum, cui applicata est, non fuerint reconditæ.

IN PARTE SUPERIORE

A. Truncus est venæ portæ.

B. Cervix vesicula fellea.

C. Ductus cysticus.

D. Ductus Hepaticus.

E. Splen.

F. Pancreas.

G.G.G. Rami venæ portæ & arteriæ Caliacæ, quæ ad lienem & intestina abeunt.

1. 2. 3. Tres Ductus Pancreatici.

H. Arteria aspera.

I. Oesophagus inflatus.

K. Corpus glandulosum superiori œsophagi parti annexum.

L. Ventriculus.

M. Splen.

N. Rami ad lienem & intestina distributi.

O. Pancreas.

P. Lingua.

Q. Oculi.

R. Penna quadam è pectore, quæ è filis tantum composita est, binos truncos, instar duorum ramorum à tertio procedentium, habens, qui instar stipitis reliquarum est.

S. Medulla Spinalis in duos quasi ramos divisa, qui postmodum sibi in posteriore parte junguntur.

T.T.V.X. Eadem medulla dissecta, ut ostendatur, quâ ratione binæ partes T.T. quæ truncum medullæ in parte anteriore dividunt, in parte posteriore X. junguntur, ut forment cavitatem V.

Y.Y. Parvæ appendices locum Cæci implentes, in parte interiore quamexiguam cavitatem habentes.

SECTIO LVII.

DESCRIPTIO ANATOMICA

AQUILÆ SAXATILIS

Ex Actis Med. Hafniensibus Thom. Bartholini.

VOL. I. pag. 6.

Aquilam domesticam, alias Saxatilem dictam, Auditoribus suis domi dissecuit D. Olaus Borrichius, Collega noster honorandus, in qua præter alia vulgaria potissimum hæc observata fuere, quæ nobiscum communicavit, pro singulari quo nos publicumque prosequitur amore:

1. Rostrum suprema pars nigricans, & in acumen curvum desinens, infima ad instar haustri nautici formata, adque sorbendum idonea. Narium foramina oblonga, & in cerebrum statim tendentia.

2. Lingua tres digitos transversos longa, vix unum lata sub concava. Paulò ultra medium ejus versus fauces exsurgabant utrimque in linguæ lateribus duo asperrimi dentes, cum integrâ serie aliorum, sed longe minorum, transverso ductu linguæ superiora munientium. Dentes hi fauces spectabant, & quicquid ori ingestum erat, vetabant regredi. In faucibus post asperam arteriam sequebantur duo ordines transversî similium dentium, sed minorum, dispositi in morem cornuum Lunæ, quos mox excipiebat triplex dentium obli-

obliquè stantium series, œsophagum spectans. Denique post œsophagum aderat adhuc ordo unus dentium similium, sed delicatulorum & cartilaginei generis. Novissimè in faucibus utrimque exerebant se cornua duo digitos transversos binos longa, & quidem ossæ substantiæ circa radices, ad extremitates cartilagineæ, quæ in collum aquilæ inferebantur, & os hyoides constituebant. In supremo autem palatô itidem duo dentium cartilagineorum ordines sese aperiebant.

3. Ab angulo oculi, qui rostro proximus, exerebat sese tunica quædam subpellucida, & crassiuscula, à musculo suo gubernata, quam Aquila pro arbitrio jam superinducit oculo, jam removet, ut in oculum incidentia frustretur. Tandem in conspectum prodiit oculus, & is pupillâ saturo colore æruleo instructâ, iride penè cinereâ. Tunica oculi cornea & crassa erat, & omnium durissima, crederes rigidum esse cornu. Aqueus humor parvus, vitrei eadem penè consistentia, quæ crystallini. Figura crystallini altera parte convexa, altera propemodum plana, magnitudine & forma ea fere, quæ in humano oculo repræsentatur.

4. Dissecta cute abdominis, locuples ubique pinguedo: muscoli elegantes, & fibris suis pulcherrimè distincti. Hepar in duos lobos æquales divisum, magnitudine singulari, utrumque fere replens hypochondrium, distinguente lobos nervosa quadam substantia. Sub hepate vesica fellea nucis avellanæ magnitudine, viridissima bile turgida.

5. Cor magnitudine ovi gallinacci, in medio situm pectore, apice ejusdem nec ad dextram, nec sinistram inclinante, sed mediam hepatis respiciente fissuram. In sinistro cordis ventriculo polypi initium.

6. Pori cholidochi duo, digitum unum à se distantes, qui in intestina se exonerant, tribus circiter spithamis cum semisse à pyloro (in speciem tamen ob gyros intestinorum proxime) eo penè loco, ubi itidem ductus pancreaticus sese in intestina effundit. Vasa totum hepar percursantia passim meram bilem vehiebant.

7. Nullum valvulæ coli deprehensum vestigium. Intestina superiora tantillum ampliora inferioribus. Simul juncta intestina implebant pedes Romanos XIV. cum digitis quatuor. Intestinum cœcum duplex, ab utroque latere intestini unum, sed minutum, & vix digitum transversum longitudine æquans, à podice quatuor digitos transversos remotum.

8. Stomachus pro corporis amplitudine angustus, nec similis aliis animantium ventriculis, sed cono similior circa fundum obtusiori. Vix capiebat universus stomachus liquoris uncias quatuor. Dividebatur quasi in

duas partes, superiorem, quæ ab orificio stomachi incipiens, interiori facie primum ostendebat tunicam albam, quatuor sulcis parallelis descendentibus interstinctam, & mille foraminibus minutis pertusam, deinde sub eâ tunicâ crassiusculum parietem compositum ex infinitis & rotundis glandulis, sed minusculis, quæ per prædicta foramina in stomachum hiant, atque sub eâ demum tunicam communem: & inferiorem, quæ in fundo rugosâ primum membranâ inhorrescebat, quam secuta carnosâ (non ut superius glandulosâ) tunica, & illa à tertia communi externa demum excepta. Qua parte superior ventriculi pars sub inferiori dividebatur, duo corniculorum cartilagineorum eminebant paria, exstantibus glandulis quibusdam comitata, quas inter varii iterum pori in ventriculum hiscebant.

9. Pulmo coloris erat miniati, descendebatque ultimis marginibus fere usque ad renes. Substantia ejus interior in strias abibat, acsi carnem fungorum quis contempletur.

10. Larynx constabat cartilagineis circulis integris, nequaquam heliciis more se excipientibus.

11. Renes agninis similes, sed non ita incurvi, ut renes esse solent. Interior eorum facies testiculorum carni simillima. Supra renes utrinque duæ glandulæ succenturiatæ vitello ovi colore. Vid. D. Muralto in *Misc. S. R. I. Acad. Nat. Cur. D. II. A. I. p. 132.*

12. Ureteres utrinque intestinis recto inseruntur, *id. ibid.*

13. Sub digitis, præsertim sub digitorum extremis toti rotundiores eminent, quibus insistit Aquila, quoties per saxosâ & aspera eundem, elevatis interea unguium apicibus, quod ut commodius fiat, squamæ corneæ digitorum summa regentes, dum hoc fit, in sese profundius recedunt.

Plura de Aquila commentatur laudatus *Borrichius* noster in Digressionem quadam de Aristotele, quam brevi spondet orbi erudito. De Aquila præterea confectum opus & prelo maturum habet Vir Clarissimus *M. Ericus Pontoppidanus* Poëta Laur. Cæsar. in quo omnia ex variæ eruditionis penu congeffit, quæ de hoc argumento dici possunt. Musculorum verò, in Aquila occurrentium, numerum & doctrinam fuse in his ipsis *Actis Hafniensibus Vol. II. pag. 321.* describit *Nicolaus Sæno* in seqq.

DE MUSCULIS CAPITIS.

1. **C**UM cute capitis erat resecta musculi cujusdam extremitas inferior, cujus superior extremitas parti posteriori orbitæ oculi, & huic vicino ossi cranii supra orbitam sito annectebatur.

2. Maxillam inferiorem deducens musculus.

lus extremitate posteriore annectitur cranio post aures, medio suo, quod admodum breve est; fertur immediate supra membranam quæ constituit meatus auditorii inferiorem & posteriorem partem anteriore extremitate annectitur lineæ infimæ & posteriori maxillæ inferioris.

3. Validissimus omnium maxillam inferiorem moventium est, qui illam sursum versus anteriora trahit, cujus extremitas posterior annectitur maxillæ inferioris parti posteriori & interiori; anterior autem extremitas annectitur & ossi quod vomeris parti posteriori respondet & ossi quod anteriora palati constituit; huic ossi carnes utrimque immediate annectuntur, ita ut totum os nil sit nisi musculi compositi tendo intermedius in os mutatus.

4. Qui crotaphiti respondet musculus non habet apicem cui inferatur, eo modo quo in maxilla aliorum animalium, adest tamen tuberculum aliquando ab articulo versus anteriora remotum, cui inferitur. Illi adhæret musculus, qui masseteri respondet.

5. Os intermedium inter cranium & maxillam inferiorem habet duos musculos ad minimum: Quorum primus habet extremitatem alteram, in cranio, expansam à medio basis retrorsum versus exteriora, alteram expansam secundum longitudinem ipsius ossis intermedii. Secundus habet extremitatem unam in latere inferiori ossis intermedii; alteram extremitatem interius versus posteriora & inferiora maxillæ inferioris.

6. Quædam fibræ musculosæ ab angulo posteriori maxillæ inferioris unius lateris transversim sub asperâ arteriâ versus angulum oppositi lateris feruntur.

DE MUSCULIS OCULORUM.

INter musculos oculi primò occurrit palpebram attollens, sub quo situs musculus oblique descendens sub se continet glandulam sitam in oculi cantho anteriore, quæ colore quidem musculum refert, sed vase excretorio insigni prædita perforat membranam nictitanti loco satis propinquo ipsi corneæ.

Præter attollentem palpebræ & præter musculos membranæ nictitantis septem alii musculi reperiuntur.

Obliquorum extremitates à globo oculi aversæ in cantho oculi anteriori reperiuntur non multum remoti ab invicem, quo fit ut Trochleæ ibi nec præsentia, nec usus.

Duos membrana nictitans habet musculos, ex quibus solus pyriformis sufficeret aperiendæ membranæ, sed simul constringeret nervum opticum, nisi eodem tempore in partes oppositas traheretur ab alio quadrilatero, cujus altera extremitas corneæ annectitur altera nulli parti annexa canalem tendineum

format, per quem pyriformis musculi tendo transit. Aperiendæ membranæ nictitanti videtur sufficere ipsa vis elastica seu resultatrix membranæ, concurrens cum convexitate tunicæ corneæ.

Admirandum Dei artificium ex diversorum animalium comparatione indies evadit manifestius; mirantur omnes trochlearem in oculis hominum & quadrupedum & quidem jure: sed admirationem omnem superat, quod sine trochleâ oculum movens in avibus novum genus trochleæ longe artificiosius nictitanti membranæ dederit. Qui negat libertatem & prudentiam causæ universali, discat primo mechanicam, inde perlustret animalium variorum fabricas, & vel hominem exuat oportet, vel liberum agens, & prudentissimum admittat.

DE MUSCULIS LINGUÆ, OSSIS HYOIDIS, INGLUVIE ET ASPERÆ ARTERIÆ.

Primus & infimus habet in medio tendinem, cujus oppositæ extremitates ad latera maxillæ inferioris utrinque & retro maxillas feruntur.

2. Habet itidem extremitates oppositas utrinque in latere interno maxillæ inferioris, à medio maxillæ ad angulum anteriorem continuando, & loco inter extrema medio tendinem.

3. Circa medium primi ossis linguæ ad latera utrinque exit musculus, qui usque ad medietatem fere crurum secundi ossis respondentium cruribus ossis hyoidis aliorum animalium continuatur.

4. A parte posteriore primi ossis exiens musculus, in apicem linguæ inferius terminatur eum versus inferiora incurvans.

5. Ab uno crure primi ossis in alterum crus ejusdem ossis transversim sub secundo ossi feruntur fibræ carnosæ depressum apicem linguæ in directum elevantes.

6. Ab apicibus crurum primi ossis fertur utrinque musculus ad secundum ordinem feranum.

7. Ossis hyoidis exterior musculus habet extremitatem anteriorem versus partem anteriorem ossis hyoidis superius ante articulationem, posteriorem extremitatem in parte posteriore maxillæ inferioris partim exterius, partim interius.

8. Genio hyoides præcedente major habet extremitatem unam in parte posteriore ossis hyoidis alteram in medio maxillæ inferioris.

9. Ultra articulum utrimque exstat apex osseus, unde ut & ex reliqua parte secundi ossis musculus retrorsum fertur versus maxillam inferiorem.

10. Circa regionem articuli alius musculus observatur; cujus opposita extremitas in parte posteriore & inferiore primæ cartilaginis.

Fibrarum musculosarum circa ingluviem toto ductu colli expansarum quædam utrinque circa acromii regionem habent extremitatem suam posteriorem, unde ascendentes ad latera aliquantulum expanduntur & versus posteriora reflexæ tandem habent extremitatem suam anteriorem in osse cranii ante extremitatem temporalis, supra latus superius auditorii meatus.

2. Aliæ fibræ habent extremitatem inferiorem utrimque in parte anteriori & media crurum ossis bifurcati, quod est ante sternum, unde ascendentes expanduntur supra ingluviem & versus posteriora reflexæ vel ipsum collum ambiunt, vel posterius cuti inseruntur, & hæ fibræ omnes sua constrictione serviunt ad exprimenda contenta in ingluvie.

3. Duo musculi ascendentes ad latera asperæ arteriæ habent extremitatem inferiorem adhaerentem sterno, quam disruperam; inde ascendunt utrinque annexi asperæ arteriæ; extremitate sua superiore quo pertingant, non observavi.

Circa bifurcationem asperæ arteriæ elegans artificis libere agentis indicium detegitur ex avium comparatione cum quadrupedibus; cum vocis gratia in diversis avibus diversam musculorum fabricam bifurcationi asperæ arteriæ dederit, quorum nullum vestigium extat in homine & quadrupedibus mihi visis, ubi omnes vocis musculos capitis arteriæ junxit. In aquila musculorum voci servientium plura paria reperiuntur primi paris extremitas superior ad aliquod digitos supra bifurcationem, inferior in prima cartilagine exterius. Hoc par videtur dilatare locum divisionis seu bifurcationis.

4. In ipsis jam bifurcatæ ramis exterius aliæ fibræ reperiuntur, quarum extremitas superior in prima ramorum cartilagine, inferior sensim in singulis cartilaginibus inferioribus, adeoque serviunt conjungendis cartilaginibus ramorum. Cætera non examinavi.

DE MUSCULIS COLLI.

MUSCULORUM CRANIO CONTINUATORUM EXTERIORE PARTE COLLI.

Primus habet extremitatem superiorem expansam inter temporalem musculum & medium occipitis inferiorem in processibus lateralibus vertebrarum 4tæ, 5tæ, 6tæ.

2dus Digastricus habet extremitatem superiorem circa medium occipitis sub concursu præcedentis paris, inferiorem in spina vertebræ decimæ teritiæ. Hujus musculi primus venter longus est duos digitos cum dimidio,

tendo intermedius longus tres digitos circiter, tendo inferior excipit novem musculos à novem diversis vertebrais, quorum quatuor superiores recipiunt extremitate sua, superiore suos singuli musculos continuatos vertebrais inferioribus. Inter utrumque Digastricum colli est aliud genus musculorum, cujus extremitas inferior est in tribus spinis vertebrarum colli, incipiendo ab illa quæ proxime est supra spinam cui inseritur Digastrici extremitas inferior.

3tius habet extremitatem superiorem, incipientem ad latus externum primi paris, & expansam secundum extensionem apophysis lateralis cranii, inferiorem in medio colli circa secundam, tertiam & quartam vertebraem.

4tus habet extremitatem superiorem expansam sub extremitate superiore trium prædictorum, inferiorum in spina vertebrarum 2dæ & 3tiæ.

5tus habet extremitatem superiorem circa medium occipitis, inferiorem in parte superiore spinæ secundæ vertebræ.

6tus habet extremitatem superiorem ad latus præcedentis inferiorem in primæ vertebræ parte à spinæ regione versus latus.

DE MUSCULORUM CRANIO CONTINUATORUM parte interiore colli.

1. **H**abet extremitatem superiorem latam expansam à medio cranii versus processum lateralem, inferiorem in medio vertebrarum, incipiendo à prima & continuando per plures sequentes vertebrais.

2. Habet extremitatem superiorem sub præcedenti, magis tamen versus latus, inferiorem ad latera colli, incipiendo itidem à processibus primæ vertebræ & continuando per sequentium plures.

MUSCULORUM INTER PRIMAM VERTEBRAM ET RELIQUAS.

1. **A**d latera tuberculi quod corpori vertebræ respondet, utrimque extremitas superior est musculi, cujus extremitate inferiores feruntur intra processus laterales superiores, versus locum articulationis vertebrarum tertię, quartæ, quintæ, sextæ, ubi incipit etiam per apophysin vertebræ continuari deorsum; inde magis ad latera extrorsum continuatur.

2. Sub prædicto, versus anteriora, situs est musculus exiguus, cujus altera extremitas in corpore secundæ vertebræ superius versus medium & etiam in primæ vertebræ lamina ossæ, altera in tertię vertebræ processu laterali superiori.

Parte posteriori.

Unum par musculorum, cujus extremitas superior est in limbo inferiori primæ vertebræ, inferior ad latera spinæ secundæ vertebræ.

Parte

Parte laterali.

Unum par musculorum, cuius extremitas superior ad latera primæ vertebræ, inferior superius in processibus lateralibus inferioribus secundæ vertebræ.

MUSCULORUM INTER SECUNDAM VERTEBRAM ET INFERIOREM*Antica parte.*

1. **H**abet extremitatem superiorem ad spinæ posterioris latus inferius, & in processu lateralis parte spinam respiciente, inferiorem totam in sequentis vertebræ spinæ parte superiori.

2. Habet extremitatem superiorem in secundæ vertebræ processu lateralis parte posteriore, inferiorem in sex vertebis sequentibus, & tandem in concursu cum extremitate inferiore digastrici supra descripti.

3. Habet extremitatem superiorem in parte laterali processu lateralis secundæ vertebræ, inferiorem in parte superiori processuum lateraliū tertiæ vertebræ.

MUSCULORUM INTER TERTIAM VERTEBRAM ET SEQUENTES*Antica parte.*

1. **H**abet extremitatem superiorem ad latera spinæ, inferiorem in quintæ apicibus anticis fossam includentibus.

2. Habet extremitatem superiorem in processibus lateralibus inferiorem in 4tæ, 5tæ, & 6tæ apicibus.

3. Habet extremitatem superiorem interiorius ad latus, inferiorem in sequenti vertebra ferè ad latus.

Postica parte.

1. Habet extremitatem superiorem in parte inferiore spinæ, inferiorem in parte superiore spinæ 4tæ.

2. Habet extremitatem superiorem posteriorius sub processu laterali, inferiorem in toto spatio quod est intra spinam & partem superiorem processu lateralis sequentis vertebræ.

3. Habet extremitatem superiorem extra præcedentem in processu laterali, inferiorem ad latera 6tæ & 7tæ.

MUSCULORUM INTER QUARTAM VERTEBRAM ET SEQUENTES*Parte antica.*

1. **H**abet extremitatem superiorem in divisione sub spina, inferiorem in duabus proxime sequentibus vertebis aliquantulum à medio versus altera.

2. Habet extremitatem superiorem inter apophysin lateralem & spinam, inferiorem, superius versus latera sequentis.

3. Habet extremitatem superiorem in ipsa

apophysi laterali, inferiorem in sequentibus vertebis, quinta, sexta, septima, & octava.

4. Habet extremitatem superiorem in processu lateralis parte laterali inferiore, inferiorem in sequentis vertebræ processu lateralis parte superiore.

Postica parte.

1. Habet extremitatem superiorem in parte inferiori spinæ quartæ vertebræ, inferiorem in parte superiore spinæ quintæ.

2. Habet extremitatem superiorem in processu lateralis inferioris parte posteriore, inferiorem in quinta, sexta, septima, octava & forsitan & nona vertebræ.

MUSCULUM INTER QUINTAM VERTEBRAM ET SEQUENTES*Antica parte.*

1. **H**abet extremitatem superiorem in parte superiore ad latera fossæ mediæ, inferiorem in parte superiori sequentis.

2. Habet extremitatem superiorem in apophysi & sub apophysi, inferiorem in sexta, septima, octava.

3. Habet extremitatem superiorem inter apophysin & processum lateralem, inque ipsa parte laterali & inferiore vertebræ, inferiorem in sequentis vertebræ processu laterali superioris.

Postica parte.

Habet extremitatem superiorem secundum amplitudinem anguli inferioris sub apice qui est loco spinæ, inferiorem partim in sequentis medio, partim in processibus lateralibus septimæ, octavæ & in extremitate inferiore digastrici colli.

MUSCULORUM INTER SEXTAM VERTEBRAM ET SEQUENTES*Antica parte.*

Tria sunt paria ut in præcedente, pari modo se habentia, sed & postica parte situs concurrit cum musculo postico præcedente, nisi quod hic incipiat (id quod & sequentes quatuor imitantur) fibras longiusculas emitte versus medium tuberculum octavæ, nonæ, decimæ, undecimæ, & duodecimæ. Ulteriorem colli musculorum anatomen per alias occupationes non continuavi. Qui Deum in operibus naturæ quærunt; ut ubique aliàs, sic in colli varia longitudine, secundum varias animalium species prudentem artificem agnoscunt, dum brevius collum illis dederit quibus artuum anteriorum extrema distinxit in digitos versus omnia corporis loca mobiles: quibus autem illos negavit, caput longius à trunco removendo & vertebrarum colli numerum augendo, rostri extrema digitorum vicibus fungi voluerit.

DE MUSCULIS SERVIENTIBUS
COMMUNI CAVITATI THO-
RACIS ET ABDOMINIS.

Numerantur septem costæ veræ & duæ spuria, quæ collo proximæ, secus ac in homine, ubi spuria lumbis proximæ sunt. Prima spuriarum admodum brevis est, habetque musculus ultimæ colli vertebrae continuum. Sequens spuriarum sese extendit fere ad angulum medium verarum costarum, habetque duos musculos, unum primæ thoracis vertebrae, alterum primæ costæ spuria continuatos.

Costæ veræ dividuntur in duas partes per articulationem connexas, quarum altera sterno proxima est & respondet parti costarum cartilagineæ in homine, altera vertebrae jungitur. Hinc tres in qualibet costâ vera articulationes inveniuntur, una costæ cum sterno, altera costæ cum vertebra, tertia inter partes costæ. Præcipuus costarum motus geminus est unus versus collum, quo inspiramus, alter versus lumbos, quo expiramus, isti motui servientes fibræ motrices inclinantur versus collum, huic inservientes versus lumbos inclinantur.

Inter duas ultimas costas in parte intervalli sterni proxima, nullæ fibræ musculosæ reperiuntur, in altera vera ejus parte respiciente vertebrae musculus est, versus lumborum regionem inclinatus: forte sub osse ischii, quod è situ suo jam tum remotum fuit, observandi essent alii vertebrae continui versus collum inclinati.

In penultimò intervallò costarum in parte sterni proxima unius tantum generis fibræ sunt, omnes, versus lumborum regionem inclinatae, at in parte ejusdem intervalli vertebrae proxima fibræ exteriores versus regionem colli, interiores versus regionem lumborum inclinant, quinimo intercostalium interior omnia costarum intervalla implet: estque inclinatus versus regionem lumborum, hic costas versus lumbos trahit & spatia intercostalia angustiora reddit adeoque expirationi servit.

Intra thoracem in parte costarum sterni proxima insignis musculus conspicitur, cujus extremitas altera in apice sterni ante primam costam, altera in tertia, quarta & quinta costarum; hic spatia intercostalia ampliora reddit & sternum à spina abducit, adeoque inspirationi inservit. Hujus antagonista est

Obliquus exterior, potius transversus dicendus, qui habet extremitatem alteram incipientem in parte sterni, circa quatuor ultimas costas & continuatam per lineam albam usque ad digitum cum dimidio distantiam ab osse pubis, alterum & in omnibus costis (tanto magis versus vertebrae recedendo ab articulatione media costarum, quanto costæ fuerint à prima remotiores,) & in margine ischii quasi

toto: fibræ à sterno remotiores videntur obliquiores; constringit interstitia costarum & adducit sternum versus spinam, adeoque expirationi servit.

Recti medietas ossibus pubis proxima, tota tendinosa est, medietas altera maxima sui parte adhæret sterni margini, reliqua primæ costæ.

Ab eadem prima costâ feruntur fibræ ad ossis ischii marginem anteriorem, quarum quæ viciniores sunt lineæ albæ, sunt rectæ, quæ autem inde sunt remotiores, sensim magis evadunt obliquæ.

Sub rectis jacent obliqui interiores, ab osse pubis oblique versus sterni marginem pergentes.

Quatuor ultimi modo descripti conveniunt, quæ serviunt excretioni contentorum communis cavitatis, quam in avibus thorax & abdomen constituunt, membranis pluribus in varias cellulas divisam; differunt dum quidam trahunt sternum rectâ versus spinam & versus pubem.

Sed & in homine licet diaphragma duas formet cavitates, cum tamen amplitudine sua mobile sit, non impedit quo minus muscoli abdominis serviant etiam excretioni aëris per pulmones seu expirationi.

DE MUSCULIS IN UROPTYGIO SITIS.

1. **P**AR quod in medio situm est habet extremitatem alteram in osse quod sacro respondet, & singulis processibus transversis uropygii, sub quo alia fibræ carneæ ad latera spinarum observantur.

2. Habet extremitatem alteram in osse, quod sacro respondet, & singulis processibus transversis uropygii, alterum supra duas pennas versus medium uropygii.

3. Habet extremitatem alteram in ipsis apicibus processuum transversorum uropygii, alteram ad latus externum ultimæ pennæ.

4. Habet extremitatem alteram versus commissuram ossium pubis, alteram versus duas ultimas pennas.

5. Habet extremitatem alteram sub præcedente aliquanto latiore, cum non modo osse pubis, sed & parti ossis ischii angulum constituentem cum osse pubis nectatur, alteram versus pennas circa medium sitas.

6. Habet extremitatem alteram in margine posteriori & interiori ossis ischii, alteram versus medium posteriorum ossium uropygii.

7. Habet extremitatem alteram sub transversis processibus uropygii, alteram latiore versus medias pennas.

8. Sub hoc situs inter processus transversos anteriores & medios fertur instar vertebrarum musculorum.

DE MUSCULIS JUNGENTIBUS ALARUM
OSSA INTER SE ET CUM OSSIBUS TRUNCI.

Alarum ossa dividi possunt in 7. ordines: 1. est scapulæ & claviculæ. 2. humeri. 3. cubiti & radii. 4. carpi ex duobus ossiculis compositi, 5. ossis antepenultimi duplicati in medio aperti cum ossiculo quod exterius ipsi adstat. 6. ossis penultimi cum ossiculo quod interius ipsi adstat, 7. ultimi ossis quod simplex & unicum tot hic ossium ordines numerantur, quot in manu hominis inter truncum & extremum pollicis apicem, quos ordines reliqui digiti uno ordine superant.

EORUM QUI CONNECTUNT DUOS PRIOROS ORDINES CUM TRUNCO VERO INTER SE.

1. **H**abet extremitatem alteram partim in plano sterni, partim in media sterni spina prope marginem, partim in ossæ bifurcata quod ante sternum est; alteram tum in linea aspera humeri, tum in alia linea à capite interiori humeri extensa usque ad finem lineæ asperæ, estque musculus insignis crassitie.

2. Parte exteriori & superiori præcedentis exiguus musculus conspicitur, cujus extremitas altera in parte ossis bifurcati, ante sternum sita, apici proxima, altera in ipsa pectorali, tenuis est & latus & emittit tendinem à quo in vicinia alæ exit musculus exilis, sed tamen compositus ita, ut alter ejus tendo bifidus carnes amplexetur, alter unitus carnes subintret.

3. Habet extremitatem alteram partim in angulo, qui est in sterno inter spinam & planum ejus, partim in membrana tendinosâ expansâ inter anteriora sterni & concursum claviculæ cum sterno, inde transit sub ligamento connectente claviculam cum scapula & inseritur apici anteriori lineæ asperæ humeri.

4. Habet extremitatem alteram in claviculæ parte anteriore & posteriore sterno proxima; alteram in apice interiore humeri.

5. Sub clavicula conspiciuntur carnes musculosæ, quarum altera extremitas in parte inferiore claviculæ est, altera in linea sterni claviculæ proxima.

6. Habet extremitatem alteram expansam supra costarum quartam, quintam, sextam, septimam & octavam (ubi tres dentes carnei conspiciuntur) alteram sub scapula & respondet ferrato majori.

7. Habet extremitatem alteram in plano exteriori scapulæ maximam partem scapulæ occupantem, alteram in cavitate, quæ est superius in ossæ humeri, vel potius in margine anteriore ejus cavitatis.

8. Habet extremitatem alteram in latum expansam primo in linea inferiore scapulæ, in-

de per lineam obliquam usque ad viciniam claviculæ, alteram in capite humeri prope claviculam, qui musculus perforatus dici poterit; quandoquidem sequens.

9. Musculus habet extremitatem alteram transeuntem per medium hujus musculi, usque ad os scapulæ, alteram in prima verarum costarum.

10. Habet extremitatem alteram in parte scapulæ anteriore & superiore, alteram in toto ductu lineæ asperæ humeri & quidem in parte humeri exteriori.

11. Habet extremitatem alteram in concursu claviculæ cum scapula, alteram in plano quod est infra lineam asperam humeri.

EORUM QUI CONNECTUNT DUOS PRIORES ORDINES CUM TERTIO ET RELIQUIS.

1. **H**abet extremitatem alteram expansam in latam membranam & annexam partim capiti interiori humeri, alteram bifidam utpote & radio & cubito insertam. Ejus fabrica simplex est, ubi expansiones tendinosæ utrimque supra carnes eleganter conspiciuntur.

2. Habet extremitatem alteram partim in scapulæ linea inferiori humero proxima, partim in ipso humero exterius ultra duorum digitorum distantiam infra articulationem cum scapula.

3. Habet extremitatem alteram totam carneam in latere humeri superiore, alteram unâ cum extremitate altera præcedentis musculi concurrentem in unam membranam tendinosam, cui exiguus anconeus annectitur, quæ expansio tendinosa inseritur posterius & radio & cubito.

4. Musculus exilis secundo pectorali superius descripto altera extremitate unitus habet extremitatem alteram in latere exteriori humeri circa articulationem cum cubito.

5. Habet extremitatem alteram carneam præcedentis tendini annexam, uterque concurrat ad componendum tendinem longum qui inseritur processui exteriori metacarpi.

6. 7. Eodem loco in vicinia ossis duo parvuli musculi habent extremitatem primam, alter tendinosam alter carneam in dicto tendine, secundam in latere interiore ossiculi quod processui metacarpi per articulationem jungitur.

8. Habet extremitatem alteram in capite externo humeri, alteram totam carneam in cubito non procul ab humero.

9. Habet extremitatem alteram in capite interiore humeri, alteram ad latus interius præcedentis musculi.

10. Habet extremitatem alteram in humeri capite interiore sub præcedenti, alteram intra inferiorem præcedentis sed longius per radium excurrentem.

11. Habet extremitatem alteram in cavitate quæ est inter duo capita inferiora humeri, alteram in cubito prope articulum cum humero.

*IN IPSO SPATIO INTER OSSA
TERTII ORDINIS
exterius.*

1. **H**abet extremitatem alteram in humeri capite interno, altera ejus extremitas transiens per thecam medio loco sitam in latere exteriori articulationis dividitur in duos tendines, quorum unus abit in ossiculum, quod est supra apophysin metacarpi, alter sub alio tendine transiens in articulatione cum osse penultimo alæ, oblique retrorsum in posteriorem apicem ejusdem ossis inseritur.

2. Habet extremitatem alteram in vicinia præcedentis magis versus posteriora, forsitan & in parte cubiti, alteram transeuntem per thecam angulo flexionis proximam, & mox recipientem alterum tendinem à parte, quæ distinguit thecam hujus musculi à theca præcedentis & sic abit in latus interius metacarpi.

3. Habet extremitatem alteram intra præcedentes duos, alteram totam carneam in parte cubiti quæ est vicina carpo.

4. Habet extremitatem alteram totam carneam partim in radio partim in cubito prope humerum, & occupat interstitium utriusque ossis, alteram in apophysi metacarpi concurrentem cum tendinibus primi & secundi musculi circa cubitum & radium siti.

5. Habet extremitatem alteram totam carneam in latere interiore radii quod respicit cubitum & maximam partem radii occupat, ita tamen ut nec humeri nec carpi articulum attingat, inferiorem transeuntem per thecam ab angulo flexionis remotissimam, concurrentem cum cavitate articuli: ubi exiit è theca, accipit tendinem exigui sed elegantis musculi simplicis, cujus extremitas opposita est ad latus exterius articuli. Hinc pergit supra nominati extremitas usque ad sequentem articulum, ubi facto osse sesamoideo continuatur usque ad ultimum os alæ. In latere exteriori anguli inter ossa tertii & quarti ordinis trochlea reperitur divisa in tres thecas velut crenas sibi invicem parallelas, per quas tendines feruntur.

*IN SPATIO INTER OSSA TER-
TII ORDINIS
interius.*

1. **H**abet extremitatem alteram carneam ultra medietatem cubiti in vicinia humeri, alteram transeuntem per sinum osseum tanquam trochleam situm in latere interiore articulationis cum carpo, & inde pariter per latus interius sequentium articulationum transeuntem in os ultimum.

2. Habet extremitatem alteram totam carneam incipientem, ubi desinit præcedentis prima extremitas, & continuam fere ad viciniam carpi, alteram transeuntem per sinum osseum tanquam trochleam situm in latere interno carpi versus exteriora, unde oblique exiens prope articulum cum cubito ipsi metacarpo inseritur.

3. Habet extremitatem alteram in parte interiore tendinis, qui extenditur à capite interiore humeri usque ad tuberculum internum ossis, quod est inter cubitum & carpum, à quo tendine crediderim exire fibras tendinosas quæ ab uno latere abeunt in pennas alarum ab altero in radium; alteram transeuntem sub tuberculo carpi seu ossis, quod est inter humerum & metacarpum, usque ad os penultimum alæ.

4. Habet extremitatem alteram in humeri capite inferiore in vicinia pennarum, alteram in tuberculo interiori carpi seu ossis quod est inter metacarpum & cubitum, videtur alii musculo adhærere qui toto ductu pennis per fibras annectitur.

*CICA OSSA QUINTI ORDINIS IN
ANGULO FLEXIONIS
exterius.*

1. **H**abet extremitatem alteram in membrana tendinosa, quæ annectitur pennis cubiti, & lineæ anteriori metacarpi, alteram duplicem, cujus pars larga cubito proxima est in cavo planiori ossis minoris è duobus istius articuli, pars in tendinem exilem desinit, qui hic resectus erat.

2. Habet extremitatem alteram trifidam, (Duo apices istius extremitatis dividuntur à ligamento ossis parvi siti inter cubitum & metacarpum. Inter hos & tertium fertur musculi primi extremitas superior. Reliquum istius extremitatis superius annectitur ipsi margini ejusdem ossis minoris ultra medietatem) alteram exilem per crenam in margine ejusdem ossis tenuis transeuntem usque ad apicem ossiculi siti ad latus anterius ossis sexti ordinis, ubi accipit fibras carneas antequam ossiculo annectatur.

3. Habet extremitatem alteram carneam annexam interiori lateri ossis majoris quinti ordinis, alteram transeuntem per crenam in extremitate ejusdem ossis sitam oblique extrorsum ad apicem posteriorem ossis sexti ordinis.

4. Inter utrumque os quinti ordinis situs habet extremitatem alteram carneam utriusque ossis superficiei adhærentem, alteram exeuntem sursum & transeuntem inter ossa quinti ordinis & pennas illi ossi assitas usque ad ultimam pennam, quibus pennis adhærere videtur; forsitan hic contribuit ad pennas eo modo

do intorquendas, qui requiritur ad interstitia illarum claudenda.

5. Sub præcedente in eodem ossium interstitio habet extremitatem alteram maxima sui parte adhærentem ossis majoris interiori lateri versus exteriora parte minore minori ossi, alteram transeuntem extrorsum & per crenam in osse sexti ordinis inter extremos apices pennarum & ipsum os meantem ad ultimi ossiculi apicem internum.

DE MUSCULIS JUNGENTIBUS PEDUM OSSA INTER SE ET CUM OSSIBUS TRUNCI

Circâ femur.

1. **H**abet extremitatem superiorem latam & tendinosam, maxima sui parte in ossis Ischio respondentis margine supremo & posteriori, inferiorem angustam & tendinosam in ossis tibiæ respondentis apice superiori & interiori.

2. Habet extremitatem superiorem latam & tendinosam in ejusdem ossis ischio respondentis margine posteriori à fine præcedentis musculi usque ad tuberculum circa maximam à spina, distantiam (à margine anteriore ejusdem ossis descendit alius tendo transversim per interiorem superficiem confinii quod est inter carnes & tendines) inferiorem cum tendine inferiore vasti externi concurrentem.

3. Habet extremitatem superiorem latam in dicti ossis margine posteriori incipiendo à tuberculo ubi desinit præcedens, & continuando fere usque ad imum, inferiorem transeuntem per trochleam elegantissimam, cujus trochleæ extremitas superior lateri interiori femoris annectitur, inferior ejusdem femoris capiti exteriori; in medio trochleæ videtur nodus ac si esset principium ossis sesamoidei. Ubi trochleam attigit, in tendinem colligitur satis crassum ex rotundo planum, nodumque format sesamoidei ossis principium sub quo nodo iterum exilior redditus ad duorum digitorum distantiam infra caput tibiæ, posteritus inferitur in tibiam, quo loco tuberculum exstat.

4. Sub hoc situs habet extremitatem anteriorem in medio postica partis femoris, posteriorem inter musculos caudæ, sub extremitate posteriore musculi quinti caudæ.

5. Extremitas superior musculi glutæo analogi occupat totam marginem ossis ischio respondentis, à parte anteriori incipiendo & per superiora retrorsum secundum posteriora descendendo usque ad tuberculum ubi desinit secundus musculorum circa femur, cujus fabrica composita est ex duobus musculis, tendine inferiore intra medias carnes contento; carnes exteriores breviores sunt, interiores autem longiores occupant magnam partem ipsius ossis. Inferior extremitas exteriora trochanteris majoris quasi in circulum ambit.

6. Sub hoc situs est musculus, occupans extremitate sua superiore, marginem anteriorem & medium ossis ischii. Extremitas inferior exterius sub trochantere majore transversim fertur sub transversa extremitate inferiore musculi septimi, sed ducto contrario.

7. Musculus habet extremitatem anteriorem supra posteriorem præcedentis, posteriorem vero continuatam per carnes superficiei infimæ ischii seu coxæ, qui trahit femur retrorsum ut præcedens antrorsum.

8. Juxta hujus musculi tendinem in femore transversum est alius tendo rectus, cujus oppositam extremitatem rescueram, absque dubio continuandam posteriori margini ischii.

Quo loco femori continuantur, Tendo septimi supra carnes sexti infra carnes, conspiciuntur.

9. Habet extremitatem anteriorem sub octavi tendine quasi in medio.

10. Trochanteris majoris circa quem tendinem conspiciuntur carnes instar marsupii alijus, quæ habet extremitatem oppositam in ambitu foraminis ossis ischii, per quod foramen ipse tendo exit utpote habens extremitatem suam appositam in interiori superficie.

11. Exilis musculus habet extremitatem suam anteriorem in margine ossis Ilei interiore, non procul ab acetabulo, posteriorem superius in latere interiore femoris versus exteriora.

12. Habet extremitatem superiorem in margine interiore coxæ post acetabulum, inferiorem in parte posteriore femoris.

13. Habet extremitatem superiorem in eodem loco ac præcedens, sed parte interiori, inferiorem in femore intra præcedentem, quò latior est: sunt duæ partes musculi tricipitis: tendines sui portione annectuntur tendinibus musculorum in posteriore tibiæ parte sitorum.

14. Habet extremitatem superiorem in apice inferiori coxæ, inferiorem in latere interiore tibiæ; est fabrica simplex carnibus longis.

15. Exilis & longus musculus habet extremitatem superiorem in acetabuli margine anteriore, inferiorem transversim per anteriora genu oblique extrorsum tendentem.

16. Habet extremitatem superiorem totam carneam in parte exteriori & anteriore femoris, secundum totam longitudinem ossis, ita tamen ut secundum rectam lineam tendo ingrediatur medias carnes. Inferiorem in tibiæ toto ambitu anteriori, ita ut rotulam fere amplectatur.

17. Habet extremitatem superiorem totam carneam in latere interiore femoris, secundum longitudinem tricipitis. Inferiorem in tibiæ supercilio anteriori introrsum,

Circa

Circa tibiam & Fibulam, incipiendo a parte exteriori & posteriore in vicinia musculi trochlearis.

1. **H**abet extremitatem superiorem in apice superiore & posteriore tibiæ ad latus inferius trochleæ, inferiorem expansam sub tarso, pene ad viciniam digitorum excurrentem & constituentem partem istius thecæ quæ musculorum ibi tendines includit, fabrica est simplex, carnes mediocris longitudinis.

2. Habet extremitatem superiorem sub præcedenti, inferiorem in tendinem longum & exilem extensam, qui ingreditur secundum thecæ cavitatem & terminatur in indicis latus externum flectendo oblique extrorsum primum articulum, fabrica simplex, carnes longiores carnibus præcedentis.

3. Extremitate sua superiore perforatur à trochleari superius descripto, inferiore circa articulum minimi digiti crassior evadit & constituit perforatum, qui annectitur & primo ossi ultra medietatem & secundo circa principium, sub perforantibus ita dilatatur, ut totam amplitudinem articuli occupet.

4. Annectuntur illi superius duo alii. Primus, qui est ordine, quartus, sub tarso accipit tendinem per exterioris malleoli regionem transversim oblique descendentem, ex quorum duorum tendinum concursu fit una extremitas communis inferior pergens ad digitum minimo proximum, ubi sub minimo articulo incipit dilatari & componere perforatum primum.

5. Alter, qui est ordine quintus, habet extremitatem inferiorem in latere exteriori digiti, qui pollicis est proximus.

6. Habet extremitatem superiorem in latere exteriori tibiæ, inter præcedentes musculos & tuberculum anterius tibiæ, inferiorem in secundo osse digiti minimo proximi, ubi constituit perforantem primum s. perforatum secundum; antequam perforatum primum ingrediatur, ad latus ejus externum incedit. Hi omnes musculi præter primum includuntur in theca, cujus partem primus constituit, ita quidem ut theca communis in plures thecas particulares dividatur.

7. Secundum thecam insignem pertransit tendinum perforantium major pars eo loco in latum & durum corpus expansa, quæ habet extremitatem superiorem bifidam una parte exterius femori continuatam sub trochleæ extremitate superiore, altera continuatam cavitati femoris sub genu versus interiora, ut adeoque videatur occupare locum, quem Gastrocnemius occupare solet, fabrica ejus magna ex parte similis est fabricæ recti in femore hominis.

8. Theca tertia insignis est, per quam transit perforantium altera pars, quæ extremitate

sua superiore tota carnea adhæret & fibulæ & tibiæ partem fere totam occupans: 7. & 8. extremitates inferiores ubi sub tarso ultra medietatem tarsti perrexerunt in unum tendinem mediantibus fibris transversis videntur uniri, qui deinde varie divisi, & iterum uniti, iterumque divisi quatuor tendines perforantes constituunt, ad singulos digitos digredientes, quorum qui pollicis proximus reliquis crassior est,

9. Habet extremitatem superiorem geminam, unam in latere interiore femoris versus articulum, alteram in latere interiore tibiæ, inferiorem partim componentem thecam, partim per thecam in latere interno euntem in processum tarsti, adeoque concurrentem ad componendam membranam, quæ includit omnes tendines canalem tarsti implentes.

Circa tibiam & fibulam anteriorem.

10. **H**abet extremitatem superiorem geminam, unam tendinosam in apice exteriori tibiæ, alteram carnosam in linea aspera fibulæ, inferiorem etiam geminam unam in theca ipsa sub tarso, alteram unitam cum perforato primo digiti minimo proximi.

11. Maximus inter anteriores habet extremitatem suam superiorem partim in margine anteriori & superiori tibiæ, partim in linea aspera tibiæ ab ipso capite ultra medietatem ejus descendentem. Extremitas hujus inferior ubi per thecam seu trochleam transiit, primo nodum format ossis sesamoidei principium, inde majore sui portione in mediam cavitatem superiorem ossis tarsti inseritur, minori parte in marginem anteriorem ejusdem cavitatis.

Sub præcedenti inclusus, extensor digitorum, occupat majorem partem tibiæ anterius extremitate superiore, inferiore autem per thecam transiens sitam versus interiora fertur in minimum digitum, & illi proximos duos alios, & quidem in latus eorum externum. Ascendit tendo hujus extremitatis intra carnes ubi figuram pennæ anserinæ eleganter refert etiam hic tendo sub theca nodum habet.

13. Habet extremitatem suam superiorem inferius partim in tibia partim in fibula, inferiorem per annulum transeuntem extrorsum & oblique versus tarsti processum anteriorem incedentem ubi etiam terminatur.




Circa os quod supplet vices ossium tarsti & metatarsti incipiendo a superiori-
bus.

1. **H**abet extremitatem superiorem triplicem unam in latere tarsti interiore alteram in latere tarsti exteriori inter utrumque tendinem musculi primi, tertiam inter unum & 12mum adeoque tres ventres constituit, quorum inferiores extremitates simul concurrunt in unum tendinem extensorem pollicis.

2. Sub

Aquila Ventriculus

TAB:XLVII





2. Sub hoc situs est abductor indicis habens extremitatem suam inferiorem in latere inferiore primi articuli indicis. Venter ejus geminus, unus major & superior, alter exiguus & articulo digiti vicinus.

3. Habet extremitatem superiorem carream in medio ossis tarfi, inferiorem in primo articulo digiti minimo proximi.

4. Habet extremitatem superiorem versus exteriorem marginem tarfi, inferiorem versus latus interius minimi, cujus est adductor.

5. Sub tarso in canale osseo duo musculi delitescunt, unus qui versus exteriora situs abit in minimi latus exterius.

6. Alter qui versus interiora situs duobus tendinibus, uno abit versus partem pollicis interiora pedis spectantem, altero in latus oppositum pollicis, uterque primum pollicis intermedium flectit.

Imperfecta hæc & suis forte erroribus non carens musculorum descriptio non minus arida est

legentibus, quam inspectantibus fuerit jucunda eorundem præparatio. Elegantissima enim mechanices artificia, creberrime in illis obvia, verbis nonnisi obscure exprimuntur, carniū autem ductu, tendinum colore, insertionū proportionē & trochlearum distributione oculis exposita omnem superant admirationem. Si Dei ea voluntas fuerit, ut cœptam plurimum animalium myologiam absolvam, quod in præsens sterile videtur studium, fructibus fœcundum erit, tum qua veras discrepantiæ causas in exteriori diversorum animalium figura intelligendas, tum qua artem mechanicam illustrandam, præcipue vero ad causæ universalis libertatem operandi defendendam contra hodiernos necessitatis auctores, qui dum argumentorum acumine omnem libertatem tollere videntur, ipsi in suavitatum exquisitissimarum electione summa sæpius libertate utuntur, adeoque opere destruunt, quod verbis quam laboriosissime adstruere conantur.

EXPLICATIO FIGURARUM TAB. XLVII.

IN PARTE INFERIORE SISTITUR
ICON AQUILÆ SAXATILIS.

FIG. I. SUPERIOR

Linguam sistit.

- A. Lingua subconcaua superne.
- B. Dentes in lingua siti cornei.
- C. Lingua caro puncticulata.
- D. Caro faucium spongiosiori & rugosiori tunica donata.
- E. Aspera arteria initium.
- F. Series dua dentium cartilagineorum transversa & tres series oblique.
- G. Oesophagus.
- H. Super œsophagum eminens dentium cartilagineorum series.
- I. Cornua interius ossea, exterius carnea & superius cartilaginea, utrinque in maxillas implantata. Os hyoides singulare.
- K. Aspera arteria.

FIG. II.

Ventriculum Aquilæ tradens.

- A. Ventriculus aquila secundum longitudinem dissectus.
- B. Inferior ventriculi pars.
- C. Fundus ventriculi.
- D. Pylorus.
- E. Ruga partis inferioris ventriculi.
- F. Glandula nigro colore repleta.
- G. Pori in glandulis aperti.
- H. Cornua minuta penè cartilaginea, simul quatuor.
- I. Initium superioris partis ventriculi.
- K. Punctula seu poruli frequentes à glandulis suppositis oriundi.
- L. Sulci depressiores.
- M. Infinita glandula rotundula constituentes mediam tunicam crassiusculam, qualis in infimâ parte ventriculi non datur.
- N. Membrana alba, ubi incipit os ventriculi.
- O. Oris ventriculi & œsophagi ruga.

SECTIO LVIII.

DESCRIPTIO ANATOMICA

STRUTHIONIS

Parisiensium.

Octo STRUTHIONES, quos secumimus & jam describimus, fermè ejusdem erant magnitudinis. Eorum 5. erant

Tom. II,

masculi, tres verò fœmellæ; iidem 7. pedes à vertice capitis ad terram longi erant; à dorso ad verticem capitis longitudine 3. pedum, &

C

tan.

tantundem ab abdomine ad solum habebant. Abdomen à thorace usque ad exordium caudæ non excedebat 3. pedes. Cauda pedem longa erat; alæ absque pennis saltim pedem $1\frac{1}{2}$, cum extensæ essent, cum pennis verò, tres pedes.

Plumæ similiter quadantenus sibi in omnibus similes erant; plurimæ verò ipsarum habebant easdem atras albasque, ut & quasdam glaucas pennas. *Scaliger* non sine ratione arguit *Cardanum*, qui opinatus est, Struthio-camelos habere rubras, coeruleas viridesque pennas, nesciens easdem his coloribus arte tinctas esse. Maximæ plumæ procedebant ab extremitatibus alarum atque caudæ. Maximarum quædam communiter totæ nivæ erant; proxima verò huic series nonnisi ex nigris constabat. Erant & ipsarum quædam exiliores, colore albæ, aliæ demum atræ, quæ dorsum atque abdomen fovebant. Latera pennarum erant expertia non secus ac coxæ inferiorque pars alarum. Inferior pars colli dimidia exornata erat pennis multò exilioribus, quàm sunt illæ in abdomine atque dorsò; quarum quædam erant atræ, aliæ verò candidæ. Eadem erant glaucæ in quodam masculò, ut & in quâdam femellarum.

Omnes hæ pennæ unius ejusdemque speciei erant. Hoc *STRUTHIO-CAMELO* peculiare est; non enim habet pennas diversarum specierum instar aliarum volucrum, quæ quasdam pennas obtinent molles & quasi lanuginosas, quò ipsis pro pelle inserviant, alteras verò duras atque firmas, ad volatum destinatas; quasdam demum saltim ad exordium suum lanuginosas, firmiores verò versus extremitatem suam, quæ instar squammæ constructa est, eum quidem in finem, ut, cum omnes hæ pennæ sibi invicem superimpositæ sint, & proinde quasdam extremitate suâ obtegant, quæ est firmior, planities illa, quæ ad radicem alterarum est, componeret quasi vestem ad defendendas aves contra injurias ventorum atque imbrium. Jam verò tale non conspicitur in pennis Struthio-camelorum, quæ omnes sunt molles & instar plumarum fibrosæ, adeò, ut ipsi nec pro volatu inserviant, nec ad tegendam ipsam sat commodè ad propellendas injurias externas. Præterea observavimus aliam æqualitatem in pennis alarum Struthionis ipsi peculiarem; nam magnæ alarum pennæ in aliis avibus habent alterum latus alterò latius; sed pennæ Struthio-cameli stylum exactè in mediò sui gerunt. Unde quis credere posset, hanc æqualitatem esse fundamentum hieroglyphici Ægyptiorum, qui justitiam indigitaturi, pennam Struthionis pingunt.

Inter syllabum miraculorum naturæ, qui in Libro *Jobi* legitur, structura miranda alarum avium est omnium ferè notatu dignissima. Hoc miraculum expressum est per reflexionem,

quàm Deus *Jobo* faciendam suadet ad differentiam, quæ est inter pennas Struthio-cameli & inter pennas ardeæ, falconisve, h. e. avium, quæ habent pennas pro volatu, & avis, quæ pennas minimè huic usui destinatas possidet; nam reverà nihil magis mirabile est, quàm hæc structura pennarum volatui destinatarum, quæ primario in tribus consistit, scilicet in texturâ staminum atque fibrarum, ex quibus barbulae pennarum harum conflatae sunt, in figurâ totius pennæ, & denique in particulari cujusvis pennæ motu.

Ad cognoscendum & examinandum has particularitates, observandum est, quod prope modum omnes pennarum species ex 2. partibus constent; sc. ex tubâ s. calamò, unde scapus oritur semper magis magisque extenuatus ad finem usque pennæ; & (2) ex barbulis, quæ utrinque scapo calami annectuntur, & quæ latitudinem pennæ efficiunt: quod stammina, ex quibus hæ barbulae conflatae, sint plana & planis suis lateribus se invicem contingant, quò nimirum faciliè quamproximè ad se invicem inflectantur, & quò eò difficiliùs in alteram regionem flectantur, adeoque majorem vim, & efficaciam toti pennæ addant: quod hæc vis atque firmitudo similiter roboretur per modum, quo stammina, ex quibus hæ barbulae conflatae sunt, sibi invicem intertexta sunt, dum nempe hæ textura & interpositio facta sit ope infiniti fibrarum numeri, quas stammina ista utrinque protrudunt, ad se invicem confibulandas & inuncandas: quod hæ fibræ modò diversò intortæ sint; illæ enim, quæ ex stamine oriuntur, ad latus versus extremitatem pennæ, sunt longiores, flexibiliores atque deorsum inflexæ; illæ verò, quæ oriuntur ex alterò latere versus exordium pennæ vel extremum pennæ calamò ornatum, sunt breviores, firmiores atque sursum reflexæ. Concipiendum enim est, omnes pennas habere surculos, illas quidem, quæ sunt longissimæ, maximè flexiles deorsumque incurvas, sursum inflectantur, quò occurrant reliquis fibris, cum duo stammina ad se invicem compelluntur; & quod postea cum hæ longæ fibræ sat longè suprâ reliquas adactæ sunt, illarum incurvata pars incidat in cavitatem factam per incurvas partes harum alterarum fibrarum, non secus ac cadanascus portæ cuidam annexus, si porta compingatur, incidit atque intrat in cavitatem harpali postî portæ annexi, ibidemque infibulatus, portam firmiter claudit: hæc enim fermè ratione stamen pennæ unum alteri connectitur.

Miranda ista pennarum structura, quæ ope microscopii faciliè conspici potest, tam benè sufficit usui, ad quam natura ipsam destinavit, ut, si unum filum ab reliquis separatum fuerit injuriâ quâdam externâ idem, incredibili facilitate possit reliquis denuò coaptari. Dici verò omninò potest, hanc rem avibus minimè igno-

tam esse quas sæpè occupatas conspiciamus, ut rostrò suò ordinatim disponant fila istarum barbularum, si illa fuerint confusa; hoc enim (rostrum) ipsis satisfacit ad reponendas & in ordinem debitum redigendas hasce pennas tam facile turbandas & quasi frangendas; hæc autem dispositio (ad frangendum vel turbandum ordinem faciles præbens pennas) avibus est commodior, quàm si ipsarum pennarum difficulter turbarentur frangerenturque; nam si tunc aliquando distorqueri pennas frangive contingeret, nunquam posthac reaptari possent. Dicitur verò posset, hanc structuram minimè perspectam fuisse illis, qui crediderunt, quòd aves gaudeant quodam glutine in suò rostrò, cujus interventu denuò readaptent pennas disturbatas: nam alarum avium neque colla neque glutine ullò emendantur; aut ad minimum ex maculentur & polluerentur, secus ac fieri videmus, aquis pluviisque, quibus frequenter se obvolvunt & mergunt, si ipsarum fibræ aliter quàm hæc admirandâ texturâ combinatæ essent; cujus rei experimentum facile capi potest, dum stamina barbularum in pennis si separentur, conspiciuntur sponte suâ ad se in vicem coaptari & quidem citrà ullum ferramenti accessum, sibi saltem invicem denuò appropinquantes.

Secundò itaque locò observandum est, hæc stamina non esse exactè recta, sed leviter incurvata, unde universa penna subtus concava efficitur, id quòd duabus rebus inservit, videlicet ad barbularum firmiores & ad sursum flecti minus aptas reddendas, dum penna subito aërem percutit; & quòd aër hæc cavitate interceptus magis resistat, cujus ictus in ipsum feruntur & quòd proinde idem aër minus resistat eidem alarum, dum attollitur, propter convexitatem pennarum, quam aër facilius translabitur, quam si penna esset plana. Considerandum enim est, quòd ad volatum 2. sint necessaria, primò, ut aër validè resistat percussui alarum, quòd nempe alarum in ipsò se librent, atque suffulciant. Secundò ut idem aër, quam minimum fieri potest, resistat iterato alarum ascensui seu sublationi; tam, ne volucris attollendo alas tantum descendat, quantum se attollit, dum alas ad inferiora percutit, quàm ad diminuendas ejusdem (aëris) vices prementes dum alarum volucris attolluntur, ne avis intempestivè defatigetur.

Terriò observandum est, quòd ex duabus hisce causis videlicet efficiendo, ut aër alis ipsum verberantibus resistat, & iisdem reascendentibus locò cedat, natura ad duos usus utatur: quorum prior est, quòd ala, si sublata fuerit, minor evadat, quàm si deorsum diverberata eadem fuerit, id quòd aliquando contingit, dum pennarum concluduntur, & una super alteram invicem superlabitur; adeò ut dum medium unius contegens medium alterius, quævis penna aërem nonnisi dimidia percutere possit: quandoque verò fit, efficiendo, ut eadem

pennis reliquis quasi supponantur, adeò ut quævis penna aërem universâ latitudine suâ percutiat. Volucres, quæ alis longis atque acuminatis gaudent, hoc mediò utuntur. Alter modus inservit avibus brevioribus alis instructis: hæc enim utuntur artificiò, quòd imitantur remiges, dum efficaciam remorum suorum, adaugere student, quòd consequuntur, quàm aquam planè pronòque remò percutiunt, dum illum inferius versus propellunt per aquam, & quòd eadem aqua rescindatur quasi margine ejusdem remi, dum ipsum reattollunt: idem enim accedit pennis in extremis alis sitis, quæ aërem planè sui pronòque parte percutiunt, dum alarum deprimuntur à volucre, eundemque aërem discindunt quasi, si alarum attolluntur; id quòd fit motu planè simili motui remi, quem nautæ efficiunt, dum remum paulisper convertunt, dum eundem reattollunt ex aquâ: quævis enim major penna hoc motu separatim donata est, quòd parumper obliquè invertitur, dum ala attollitur, eadem verò penna pristino situi restituitur, dum ala deprimitur.

Hæc actio distinctissimè observatur, dum volucres quandoque alas suas erectas sustentant, per extensionem similem illarum, quæ fit ex porrectione; hic enim avium status posituræ majorem suppeditat occasionem atque facilitatem ad perspicendum istum pennarum gressum quam si alas suas inter volandum concutiunt; namque alis ita erectis observatum est, quòd pennarum majores, volatui cumprimis inservientes, mediante ipsarum obliquitate omnes à se invicem separentur, unde & tot fere ad transitum aëri præbendam velut apertæ conspiciuntur fores, quot sunt pennarum; quæ postmodum rursus quasi, ala subtus depressâ, clauduntur, cum hæc omnes pennarum locum suum vel situm pristinum occupant sibi invicem imponuntur atque ita ex ala concava una efficitur superficies continua, quam dein magna aëris quantitas translabi potest.

Quarto observandum, motum hunc cujusque pennarum obliquum non ad pennas caudæ pertinere, quæ diverso ab illis gaudent usu. Duo autem deprehenduntur principales: prior quidem, ut loco remi sit inque tota ave rectum promoveat motum, si rectus intendatur; nec non corpus deorsum ferendum adjuvet, si deprimendum, vel sursum, si elevandum. Posterior verò usus est, ut ad motum versus anteriora symbolum suum afferat, si nimirum velociter motibus hisce duobus successivis fuerit agitata, planè uti & hic effectus in caudis piscium observatur.

At enim verò totus hic Mechanismus in pennis atque alis STRUTHIO-CAMELI deest, namque stamina barbularum, quæ in caulibus pennarum majorum ab utroque latere reperiuntur nequaquam sibi invicem erant connexæ vel coherentes, verum fluctuantes & flexibiles; neque

neque quadam gaudebant concavitate vel incurvatione, sed erant rectæ & nequicquam dispositæ ad facilitandam trajectionem (sc. aeris) ceu aliâs in pennis reliquarum avium clarè observare licet. Quam ob causam etiam *Aristoteles* dicit; pennas *STRUTHIONUM-CAMELORUM* similes esse pilis animalium terrestrium, quasi dicat eas magis ad cooperiendum corpus conducere, quàm ut illis volarent.

Parili quoque ratione pennæ hæc motu isthoc particulari, quò nunc rectum, nunc obliquum situm induere possunt, sunt destitutæ, siquidem parum hoc ipsis esset utile, dum barbulae ad constituendam texturam & continuitatem non connectebantur, quâ aliâs reliquæ pennæ ad aerem sub alis existentem concutiendum, sunt dotatae; quare dici poterit pennas in alis *Struthionis* verius vexillis, quàm linteis in navibus adsimilari; non obstante quod *Ælianus* referat, animalia hæcce iisdem velut linteis s. carbasis uti, cum ad cursum suum velociorem leviolemque reddendam pennas hæcce adversus ventum expandunt, quò eò facilius propellantur. Lintea enim navi inserviunt non tantum, ut mera obstacula, quæ vento sola sui magnitudine opposita simplicem impulsus pro mole navis promoveant vel causentur, verum considerari debent velut obstacula commodissimæ alicujus figuræ atque formæ, quæ si alio atque alio modo regantur, alium etiam atque alium pro pellenda nave ex agitatione aeris suppeditant usum, qui absque tali figura & gubernatione vix ac ne vix quidem sperandus. Eadem nunc ratione pennæ *Struthionis* motu aut figura sua ipsi prodesse nequeunt; si enim ita cursum eorum versus anteriora tendentem adjuvarent ut alas retrò arcerent, sanè in tantum eas impedirent quantum conducerent, ut antrorsum ferrentur, similisque exinde iis accresceret inconvenientia, cui alæ *Vespertilionis*, *Papilionum* & *Muscarum* essent obnoxia, nisi natura ipsis adversus hoc prospiciens, talem in modum animalcula hæc alas suas edocuiisset contrahere, ut minorem aëris quantitatem concutiant, cum eas erigunt, ac dum rursus complicant. Quod enim ad *Vespertiones* attinet, contractio hæc efficitur mediantibus quibusdam officulis in alis reperiundis & velut digitos in manibus constituentibus, quàm distantia dein inter hæcce officula cuticulis, quas necessitate exigente & contrahunt, & alternim extendunt, repleatur. Alæ verò *Papilionum* *Muscarum*que eandem perficiunt actionem ope quarundam fibrarum, quæ quoad effectum cum digitis *Vespertilionum* conveniunt; Celeritas autem & potentia, quâ alæ *Muscarum* moveantur & quâ ratione tantum strepitum, ut non tantum est *bombus crabronum*, sed & *muscarum* minorum v. g. *culicem*; qui etiam ad magnam distantiam au-

ditur sonumque tubæ vel buccinæ imitatur, excitare valeant, sanè est res prorsus admiranda vel captu difficillima.

Motus alarum *Struthio-Camelorum* ad summum solum eò modò, quò aliarum avium pisciumque caudæ, inservire seu prodesse potest, qui motus revera cumprimis ad progrediendum facit; quamvis certum quod pennæ *STRUTHIO-CAMELI* hunc effectum habere non possint, dum similes sunt cristis vel apicibus solutorum & fluctuantium staminum, hujusmodi verò motus, ut effectum aliquem producat, requirit, ut organum gaudeat superficie rectâ, plana, firma, qualis, v. g. deprehenditur in gubernaculò, remò aut in linteo molæ pneumaticæ &c.

Admodum probabile est, autorem libri *Jobi* ad hæc omnia respexisse, dum *STRUTHIO-CAMELUM* tanquam animal describit, cui Deus denegavit habitum aliis avibus concessum, quodque organis ad admirandam volandi actionem necessariis non instruxerit, cum alæ ipsi vix ullam in rem prosint, nisi ut iis erectis impulsus venti ad cursum suum prosequendum excipiat. Ea propter comparat, aut potius opponit *Cardanus* *STRUTHIO-CAMELUM* Manucodiata, de quâ alibi memoratur quod pedibus careat, quoniam avis *Paradisiaca* seu *Manucodiata* talis est volucris, quæ (ex sententia *Cardani*) nunquam in imo cubat, neque ambulat vel incedit: sicut contra *Struthio-Camelus* nunquam volat, nec in aerem sursum ascendit.

Præter pennas, quas descripsimus, observavimus quoque apicem cervicis atque capitis instructum esse planitie quadam elegantî & albicante, quæ instar setæ porcinae resplendebat, unde & magis de pilis, quàm pennis participare videbatur. Planities hæcce constabat parvulis cristis, circiter ex duodecim pilis compositis, quorum singuli nonnisi una longi erant lineâ, pilo tamen, in mediò sito, excepto, qui quatuor lineas habebat. Omnes pili unius flocculi unicâ atque eadem gaudebant radice, quæ erat quidam tubulus magnitudine præterpropter minimi cujusdam clavi. Planities hæc admodum quoque splendens & tenuis erat in cervice, multo tamen magis in capite, quod in summò prorsus calvum est, id quod juxta *Plinium* duabus solum avibus naturale, videlicet *STRUTHIO-CAMELO* & *Cormoranto* seu *Corvo* aquatico, hanc ob causam *Phalacrocorax* vocato.

In cujuslibet alæ extremitate stimulorum quoddam genus reperiebatur, instar aculeorum *Porcupini* vel *Histricis*. Pollicem erant longi, lineamque cum dimidiâ circa basin crassi; Substantia constabant corneâ, cum cavitate intus conspicuâ, in quâ cartilago membranæ & ligamentis cooperta, una cum permultis vasis sanguine repletis deprehendebatur.

Aldrovandus fatetur, se nunquam aculeos hosce in *STRUTHIO-CAMELO* potuisse invenire. *Albertus* refert, quod sint locò armorum offensivorum. *Jonstonius* verò opinatur, quòd iisdem velut calcaribus, quibus seipso ad festinandum excitent, utatur. Cæterum in qualibet alâ duo conspiciebantur ejuscemodi aculei, quorum major in extremitate ossis ultimi in alâ, alter verò dimidium pedem inferius erat situs.

Cervix, si cum aliis avibus conferas, magis tenuis atque exilis videbatur, quoniam pennis, uti dictum, minus exornabatur. Cutis cervicis hujus colore gaudebat livido-carneo. *Gillius* dicit eum cœruleum esse. Pariter caput admodum exiguum apparebat, quoniam pennis carebat. *Albertus* illud absolute exiguum reperiit. Merito *Scaliger Cardanum* reprehendit, eò quod affirmat aves communiter ideò capitibus gaudere exiguis, ne pondus gravitasque inter volandum impedimento cedat, cum plurimæ, quæ parum volitent, reperiantur; ut Gallinæ, caput in comparatione cum aliis facile volitantibus valde parvum habentes. Attamen probabile est, adhuc *Cardanum* perspexisse, sententiam suam vel theorema exemplo *Struthio-Cameli* probari, quippe qui non volat; cujusque caput pennis destitutum proportionatè ad ipsius proprium corpus multo est majus, ac in avibus reliquis.

Rostrum breve & acuminatum erat duosque pollices cum dimidio circa initium latum, cum mensuraretur. Figura hujus, uti & reliquum caput, nullâ in re ad figuram qua caput & rostrum in anseribus ut plurimum gaudet, accedebat, prout malè ii sunt opinati, qui *STRUTHIO-CAMELUM CHÆNO-CAMELUM* i. e. *ANSERINO-CAMELUM* vocarunt.

Forma oculi exterior satis cum hominis oculo conveniebat, multum contra differebat ab avium oculorum formâ ordinariâ, quippe quæ aperturam oculi rotundam, cilium superius immobile & pilis destitutum itemque lineam ab unò ad alterum angulum decurrentem, semper obliquam possident. Namque nostri *STRUTHIO-CAMELI* apertura oculi gaudebant ovali, nec non magno cilio in summitate, quod semetipsum demittebat cum inferius erigeretur, quodque magnas habebat valvulas oculares, quæ uti & in hominibus multo longiores quàm in cilio inferiori, erant; In linea ab unò angulò ad alterum recta juxta directionem rostri decurrente, conspiciebatur quasi tertium cilium in interiori parte, ut ferè in omnibus brutis. Admodum tenuis erat pellicula seu mebranula, quæ in angulò majori rostrum versus occultabatur. *Aldrovandus* putat, quod aves hoc cilium habebant ad defectum cillii superioris supplendum, quod adeò breve est, ut ad obtegendum oculum sese demittere nequeat, uti in hominibus

fieri observaremus. Verum probabilius hocce interius cilium aliò penes aves gaudere usu, dum in *STRUTHIONE* reperitur, cujus tamen cilium superius satis longum, ad semetipsum demittendum; adde quod cilium inferius, sursum versus superius in avibus feratur, cumque eo tam arctè jungatur, uti in hominibus superius cum inferiori videtur junctum.

Lingua erat parva, adhærens palato, uti in piscibus, constans cartilaginibus, ligamentis & membranis, fibris carneis intermixtis. Neque in nostris animalibus eodem se habebat modò: in aliquibus pollicem erat longa & valde crassa, cumprimis circa aperturam laryngis; in aliis verò longitudo non erat dimidii pollicis quamvis versus basin pollicem superaret, parumque circa extremitatem conspiciebatur furcata. Ultra palati fissuram, Pharyngem versus duæ ingentes sitæ erant glandulæ, salivam subministrantes.

Femora erant carnosæ, valdè magna & pennis destituta, superintecta tamen alba parumque rubicunda cute, quæ rugis suis velut radios de se spargebat, ad instar alicujus retis, cujus maculæ spatium extremitatis digiti adæquabant. In unò ex maribus super femore hic & illic exiguæ videbantur pennæ, ferè ad eundem modum, uti *Gesnerus* in figura suâ descripsit. Aliqui neque pennas neque rugas habebant. Tibiæ in parte anteriori magnis quadratis s. cubicis squamis erant obductæ.

Pes erat fissus constabatque solum duobus magnis digitis, qui, quemadmodum tibiæ, squamis obducebantur. Digniti hi erant inæquales; major isque in parte interiori septem explebat pollices, unguiculo (qui novem lineas longus & prope totidem latus, atque ex parte unguem digiti, in pede humanò maximè referebat) una comprehenso. Alter digitus quatuor pollices non excedebat, unguève carebat. Minor hiece saltem circa extremitatem vel finem imum attingebat. Major autem, qui ad latus flectebatur, maximam partem speciem cujusdam pedis humani calceo induti referebat & parumper solum gracilior, longiorque erat. *Plinius* enarrat, pedes *STRUTHIONIS* similes esse pedibus cervi *Diodorus Siculus*, *STRUTHIONES* vocans *CERVINAS AVES*, ab hac falsâ dependet repræsentatione. *Suidas* pariter adhuc magis fallitur, asserens, pedes *STRUTHIONIS* repræsentare pedes Asini. Illi qui *STRUTHIONEM* vocarunt *STRUTHIO-CAMELUM* i. e. *GALLO-CAMELUM*, juxta *Scaligerum* & *Chaldaicam* paraphrasin loci antea ex *Jobo* citati sc. c. 39. 16. non adeò multum aberrarunt, siquidem longitudo Tibiarum in *Struthio-Camelo* quandam habent similitudinem cum illis, quæ Gallus & Camelus gaudent. Porro modus, secundum quem pes Cameli singulari prorsus & in aliis pedibus fissis non conspicuâ ratione finditur, itemque un-

guis, qui diversâ omnino gaudet naturâ, ac in Hircis & Capris, sunt ejusmodi proprietates, quas cum *STRUTHIO-CAMELO* communes habet. Nostri Struthiones more Camelorum callositate in fundo sterni gaudebant, super quâ, humi cubantes, instar Camelorum requiescere solent.

Prope Anum in unô ex quinque maribus, ab utroque latere tria erant foraminula, lineæ unius cum dimidiâ in diametro, duasque profundæ.

In summitate Thoracis, subter cutem, pinguedo duos digitos spissa latebat, reperiēbaturque speciatim in ventris parte anteriori paulo plus pinguedo, quæ instar sebi duriuscula, quibusdam in locis spissitudine pollicum duorum cum dimidiô. Pinguedo hæc duabus includebatur membranæ, quæ tam firmæ validæque, uti Peritonæum erant. Membranæ hæc, pinguedinē jam memoratam ita includentes, Aponeuroses inferioris Ventris Musculorum erant, quæ versus Inguina solum carnosæ fieri incipiebant, cum tota ventris pars anterior, latitudine circiter unius pedis carne careret. Sternum usque ad imum ventris non descendebat, propterea, quod muscoli, alis motum suppeditantes quique sterno alligati, haud adeo magni, ac in aliis avibus volantibus, necessariô, requirebantur.

Oesophagus situs erat in fundo Vertebrarum, Aponeurosibus Musculorum pulmonarium alligabatur, de quibus in sequentibus plura erunt dicenda. Tunica ejus valde erant spissæ, speciatim quæ carnosæ. Ratione fere insensibili latiores fiebant, & quidem ad sex pollices prope Ventriculum aut Stomachum, unde difficile erat locum superioris orificii in ventriculo dignoscere; sicuti & Oesophagi extremitas quasi ingluviem formabat, quæ cum Stomacho quodam confundebatur, dum præterea hæc duæ partes unum aliquem ventriculum simplicem componebant. Conformatio hæc ingluviei (quæ in genere multum ab ea, quæ aliâs avibus communis, recedit, ubi ingluvie contractione gaudet, & hac ipsa à Stomacho discernitur) similiter valde erat inusitata, cum primis propter situm, quô gaudebat; namque non solum in Stomachô existeret, verum etiam eô inferior erat, sub quem descendebat versusque eum rursus postmodum ascendebat, ita ut immissio vel insertio Stomachi per ipsius fieret fundum; atque hoc orificium, communiter superius vocatum, heic revera inferius erat.

In aliquibus ex nostris animalibus, Stomachus interior in duas dispescebatur cavitates, idque mediante quadam eminentia à carne ipsius muscosa formata, quæ circa medium duobus & quod excurreret, pollicibus densior ac alius in locis erat. Eminentia hæc, capacitatem internam directè supra medium contrahens, eam à sinistro latere separabat, ubi ori-

ficiū inferius, Pylorus vocatum conspiciebatur. Exteriùs harum duarum cavitatum figura, dum caro Stomachi æqualis erat, non observabatur; universus verò vel totus figuram ventriculi humani referebat, ad ovalem inclinantis; cæterum quindecim pollices longus & octo latus. Distinctos Struthioni dare videtur *Ælianus* Ventriculos, ad instar Animalium ruminantium, dicens, Avem hanc lapides in Ventriculo Echinus appellato digerere, qui 2dus sit ventriculus animalium ruminantium, atque ideò sic vocetur, quod interior ejus membrana multis rugis, quæ more Erinaceorum aculeis instructæ sint, gaudeat, quos Erinaceos *Græci* Echinos adpellitent; at vero ejusmodi ventriculus in nostris non reperiēbatur. Hoc solum dici potest, ventriculum in quibusdam *STRUTHIONIBUS*, quos dissectuimus, fuisse duplicem, nequaquam verò, quod duobus fuerint ventriculis dotati; dum partes duplicis hujus ventriculi eadem circumdabantur membrana, cum membrana hæc diversis in ventriculis animalium ruminantium diversa sit. Namque membranæ ingluviei instructæ erant Glandulis regulariter dispositis, formatæque sicut extremitates parvarum tibiærum vel tubulorum, nec non rotundæ perque medium ab eâ parte, quæ versus latus ingluviei interiorius spectabat; altero verò in latere inæqualitas deprehendebatur, ob plurima distincta granula quæ instar glandularum conglomeratarum ibidem sita. Atque in hoc differebant à Glandulis, quæ in ingluviebus *Virginum Numidia*, *Anserum*, *Anatum* plurimarumque aliarum avium reperiuntur, ubi glandulæ hæc perforatæ solum, uti in Struthione, conspiciuntur: sed sunt simplices, & juxta harum genus conglobatæ vocantur.

Membrana Stomachum interiorius vestiens facileque inde separabilis, in aliquibus nostrorum animalium lineam cum dimidia erat spissâ. Duabus constabat partibus, sc. Tuniculâ, carni Stomachi immediatè junctâ, dein congerie exiguum glandulosorum corporum pannum quasi holosericum aliquem constituentium. Exigua hæc corpuscula in animalium plurimis adeò minuta erant, ut potius fibras, quàm glandulas esse credidisses. In quibusdam gaudebant crassitie, circiter cauliculi, longitudine verò unius lineæ & quod excedebat. Invicem jungebantur & velut conglutinabantur, prout fibræ in lignô. Loca videbantur quamplurima, ubi corpuscula hæcce exigua separabantur, varias exinde fissuras a. rimas constituentia. Ventriculus Cormoranti seu corvi aquatici ut plurimum hæc eadem gaudebat structurâ.

Ventriculi hi nunquam non pleni reperiēbantur scenô, gramine, hordeô, fabis, ossibus atque lapidibus, quorum aliqui ova juniorum Gallinarum crassitie æquabant. Pariter iisdem quoque quidam inerant nummi ænei doubles vocati. In uno nos numerabamus il-

lorum septuaginta. Horum plurimi attriti consumprique erant ultra tres quadrantes, scalpti scilicet mutuâ attritione & à lapidibus adeoque non per corrosionem, excitatam productam ab aliquo humore vel spiritu acidò, uti inveniebamus; quoniam quidam ex hisce nummis seu obolis ab una parte concavis & ab altera gibbis vel elevatis, adeo erant in latere convexo vel gibboso attriti & nitentes, ut nequicquam ex monetæ figura remanserit contra latus concavum nullum prorsus passum erat damnum, cavitatem ipsius ab attritione aliorum nummorum illud defendente. Reliqua quæ in Ventriculo cum hisce nummis continebantur, tam lapides & ossa, quàm legumina & fœnum colore tincta erant viridi. Hoc ipsum quoque observabamus in ventriculo Tetraonis, ubi nonaginta reperiabantur nummi, hæc attritione vel collisione detriti, & magnam copiam quoque fœni ibi existentis viridi tinxerat colore.

Id quod nos in eam inducebat opinionem, quod sc. in avibus ac generaliter in omnibus animalibus nutrimenti dissolutio non solum perficiatur subtili quodam & penetrante spiritu, verum etiam per organicam & mechanicam Ventriculi actionem, qui comprimit incessanterque contundit seu percutit res in eo contentas; ita quidem, ut in universum animalia, durum aliquod nutrimentum deglutientia absque manducatione, (uti aves, granis victitantes) natura dotaverit ventriculo musculo iisque instinctum indiderit ad deglutientes lapillos, quibus mediantibus in ventriculo confringant, quæ ab aliis dentibus comminuuntur. Summa res hæc, dum fere omnes aves lapillos devorant, usu gaudet manifestiori, ac cur Aquilæ & Grues in nidos suos lapides ingerant. *Cardanus* & tantum non omnes Physici statuunt Ventriculum avium, speciatim Struthionum, esse carnosum ad majorem supeditandum calorem; verum notissimū est, carnem musculosam & fibrosam magis motu suo agere, quàm temperamento; quodque actio maxime principalis & præcipua cordis sit contractio & dilatio, quæ utraque non minus facit ad concoctionem alterationemque sanguinis, quàm ad ejusdem distributionem. Probabile est eos, qui lapides ferrumque, quæ Struthiones devorant, in ipsorum ventriculo dissolvi putarunt à particulari quadam vi, qua natura diversorum animalium ventriculos instruxerit quaque interveniente, venena, nunc ossa carnemque crudam digerant, & quod Struthiones instructi sint hac metalla & lapides digerendi potentia, crediderunt, non respexisse ad hanc laminarum ænearum à nobis observatam attritionem, multo minus viriditatem, quâ omne quod in ventriculo contentum erat tinctum. Enimverò, si ventriculus facultate quadam singulari metalla digerendi polleret.

sanè ad eundem modum, quò alia digeruntur, digereret; nimirum, ut quasi liquefierent & dissolverentur, atque etiam digesta nullam aliam coloris subirent mutationem, ac ut fierent alba; quod ipsum à plurimis ferèque infinitis bullulis, à fermentationis ibidem ebullitione excitatis provenire solet; hæc quippe ebullitio albo tingit colore, quicquid agitaverit; uti in spuma atramenti albicante videre est. Parili quoque ratione experientia constat, quod, quæ in Ventriculo dissolvuntur, in suâ substantiâ quandâ subeant alterationem, colore tamen immutato manente, uti id observatum est in Cancris, qui in piscium ventriculis semi digesti cum naturali suâ nigredine fuere reperi, nulla gaudentes colorati rubedine, quam induunt à calore ignis cocti atque alterati, modò, ab animalium calore plurimum differente. Unde viriditas cupro in Struthionis ventriculo accidens, vel adveniens, non à menstruò quodam metalla digerente oritur, verum probabilius est, quod dissolutio ibidem eundem in modum contingat, quò extra ventriculum fieri solet, si cuprum multum herbis frictum aut quidam acidus vel sulsus liquor ei affusus fuerit, cujuscunque etiam sit naturæ differatque etiam multum ab hoc acido vel salso; aut præterea ab hoc generali menstruò (qualecunque fuerit) quod nutrimentum omnimodò subministrare solet; Quâ de causâ etiam credibile est, Struthionem, qui tanquam animal voracissimum, res quasdam duriores deglutire necesse habet ad nutrimentum, prout dictum, confringendum sæpe hoc instinctu à natura hunc in finem concessio, abuti, quando ferrum, speciatim verò cuprum devorat, dum postmodum hoc in ventriculo ipsius, loco nutrimenti, in venenum convertitur. Et sanè narratum accepimus ab iis, quorum curæ animalia hæcce *Veralesti* in aviario commissa sunt, quod Struthiones multum ferri aut cupri deglutientes postmodum citò emoriantur.

Intestina nostris in individuis diversæ erant longitudinis, quamvis animalia ferè eadem magnitudine gaudebant. In unò pedes quinquaginta, in alio quadraginta duos, in tertio triginta tres, & in quarto viginti novem pedes longa erant. Tria tenuiora intestina vix longiora erant colò & rectò conjunctim. Cæcum conspiciebatur duplicatum, sicut in aliis plurimis avibus; quolibet ex his longitudine duos pedes æquante, idque magis aut minus, juxta proportionem longitudinis aliorum intestinorum.

Superficies exterior Coli & Cæci erat inæqualis, cum quibusdam maxime regularibus protuberantiis, quæ tamen in horum intestinorum quolibet differebant. Protuberationes hæ formabantur quibusdam ligamentis, foliis similibus, quæ in parte interiori reperta ferè talia erant, qualia in tertio & quarto animalium ruminan-

ruminantium ventriculo conspiciuntur. In colô folia hæc transversò gaudencia situ singula plus quàm semicirculum efficiebant, alternatimque posita erant, ita ut duorum semicirculorum extremitates, alius semicirculi extremitatem receptam includerent, ac si quis duorum pectinum dentes sibi invicem immitteret indetretque. Semicirculi hi dimidium pollicem ab invicem distabant, in sui mediò nonnisi tres lineas lati tandemque paulatim prorsus deficientes. A parte posteriori ligamentum aliquod, duas latum lineas, hoc in intestinò, in quantum longum erat, conspiciebatur, quod tertia parte ipso intestino brevius, illud contrahebat, atque ut interiora & semicircularia ligamenta plicas & rugas formarent, efficiebat, id quod quidem magis observabatur, intestino insufflato, ubi tota membrana, quæ ligamenti non retenta constringebatur, per impulsione aeris extendebatur. Omnia vasa ad hujus ligamenti latus inferebantur, ad semetipsa in intestina, speciatim verò in folia distribuenda. Cæterum, structura hæc foliorum, transversim in Colositorum, jam in simiâ fuit observata, ubi mentionem fecimus, quâ ratione talia foliola in jejuno humano detexerimus, ast figuram hujus rei dare distulimus, donec ad Struthionem perveniremus.

Cæcum pariter foliis intus instructum erat, aut potius uno folio simplici, quod instar cochleæ sese ab unâ ad alteram extendebat extremitatem, fere ad eundem modum, qui in Vulpe marina occurrit, & prout in Leporibus Cuniculisque videre est. Folium hoc eadem latitudine gaudebat, sc. quinque linearum ubivis. Solum paulisper contractum conspiciebatur versus intestini extremitatem, proportionatè sc. ubi intestinum sensim deficiebat, donec tandem cuspidatum evaderet, id quod in plurimis quadrupedibus se ita habet, contra verò aliis in avibus, in quibus intestinum eandem servat latitudinem per totam suam longitudinem, quin & aliquando semet adhuc adaugeat, prout in Pintado, in quò dilatatio hæc magis quàm in aliis avibus, quas vidimus, conspicua erat, observavimus.

Ad extremitatem Recti magna vesica, urinâ ad uncias octo repleta reperiatur, magnitudine duorum pugnorum. Membranæ, e quibus constabat, intestinorum similes erant, paulò solum crassiores. In unò nostrorum animalium foemini generis Vesica hæc intus plurima habebat vasa, quæ à centro provenientia ejus totam inde superficiem occupabant. Vasa hæc in aliis non conspiciebantur. Directè supra hoc centrum foramen erat, per quò rectum sese in vesicam exonerabat. Foramen valdè angustum erat, in mediò tumore quodam nucis magnitudine reperto, qui quasi anum Gallinæ formabat. Circa vesicæ hujus magnæ fundum pariter duo erant foramina, quæ ure-

terum, qui (more animalibus terrestribus consueto) inter duas vesicæ tuniculas decurrebant, oscula formant. Infra hæc duo foramina ovalis quædam apertura conspiciebatur, decem lineas longa, & membranosa quandam marginem habens, quâ, cum à pondere urinæ comprimeretur, claudebatur. Tum enim membranosa hæc margo sese jungebat in quadam rotunditate, magnitudine circiter unius pugni substantiæ cæterum inter Cartilaginem & Ligamentum mediæ. Tuberositas hæc in medio instar mali Armeniaci Abricot dicti findebatur, intus cum osse pubis connexa.

Ovalis hæc apertura ductum in secundam aliquam vesicam subministrabat, & non tam ad continenda excrementa inserviebat, quàm potius ad iisdem transitum præbendum, prout tunica ipsius vel magis, vel minus comprimebat, tuberositatemque eandem complementem, eodem modò, uti aperturæ ovalis margo, claudebat.

Penis in plurimis nostrorum animalium è duabus componebatur substantiis, sc. albis, densis, nervosis solidisque membranis, & albis ligamenti ejusdem quidem cum membranis substantiæ, multo tamen duriores & solidiores; quæ nec in membranis, nec in ligamenti ulla habebat vasa, aut cavitatem: eaque composita videbantur solum ex fibris transversis, admodum compactis. Membrana exterior, penem obtegens omnium erat densissima. Interior immediatè quodlibet duorum ligamentorum à se invicem separatorum, circiter tamen duos digitos ab extremitate unitorum, involvebat. Una longior erat cæteris; longissima autem duos æquabat pollices. Versus basin quælibet in diametro habebat quatuor lineas, & quâ finem spectabat, magis magisque cuspidabatur. Penis hujus origo apud cartilaginosam protuberationem deprehendebatur, quæ interiori parti juncturæ ossis pubis alligata, de quò jam ante dictum. Ab hinc reflectebatur breviter, deorsum tendens in sacculum intrabat, atque circa sacculi hujus orificium externum i. e. anum egrediebatur. Apertura hæc sinu vel plica semicirculari circumcingebatur, qui sinus penem, eò in locò, ubi emittebatur, complectebatur; Paucis, penis hic neque glandem, præputium, ductum neque cavitatem quæ materiam seminalem emittere posset, habebat. In unò nostrorum animalium præter membranas ac ligamenta, queis Penis constabat, tertia quædam substantia rubicunda & spongiosa conspiciebatur, quæ terrestrium animalium ligamenta cavernosa multum repræsentabat, plurimisque vasis erat instructa.

In Foemella loco penis saltim aderat cartilaginosa extuberatio, secundum, uti in mare, sacculum complens; hincque tumor inde exanò magnitudine parvæ nucis proveniens, parvam

vam appendicem, præterpropter tres lineas longam, habebat. Verisimile est fuisse Clitoridem.

In hoc parvo & secundo sacculô à sinistro latere foramen erat aliam in cavitationem desinens efformansque oviductum. Foramen hoc in diametro quatuor non superabat lineas; Rugis gaudebat omnimodè rotundis, quales in orificio exteriori quadrupedum videntur. In uno nostrorum animalium hujus ductus tunica valde erat crassa, ejusque cavitas prope insertionem vel introitum valde ampla. In alio deprehendebatur minor; & circiter quinque pollices ultra insertionem contrahebatur, ad formandum alium ductum, quinque lineas longum, durum & nervosum, qui pro interiori Matricis orificio poterat haberi. Infra hanc angustam viam saccus quidam parvus imperforatus erat, cujus profunditas ductus longitudini æqualis observabatur. Quibus in subjectis, angustus hiece ductus non inveniebatur, Oviductus se ipsum contrahebat inde à primô suo introitu, donec Ovario appropinquaret; ita ut ipsius extremitas cum non excederet quatuor lineis in latitudine, locô trium pollicum cum dimidio, in mediô. Hâc in extremitate foramen hoc formatur, quod Infundibulum appellatur, Oviductus, ab utroque latere dextro & sinistro duos emittens membranosas appendices, quæ quandam convenientiam cum illis, quæ in extremitate Tubæ animalium Terrestrium reperiuntur, habebant.

Totus hic ductus qui propriè matrix aut uteri cornua in avibus, duos pedes cum dimidiô longus inque parte amplissimâ capax reperiebatur, ut pugnus inseri potuerit. Circa initium carnosus erat, versus extremitatem verò insensibiliter fiebat membranosus. Postquam ascendisset, ad sinistrum latus inclinando versus ventriculum ad spinam dorsi retro flectebatur descendendo. Membrana duplici ceu lato ligamento alligabatur, Margine paulisper acuminata duos pollices longa, ab utroque latere gaudebat. Ligamenti hujus pars posterior per totam spinæ dorsi longitudinem, instar Mesenterii adnexa erat, anteriori soluta. Ambæ plurimis vasis, quæ tamen in majori numero in Oviductus viâ, quàm Ligamento conspiciebantur, erant intermixtæ. Vasa hæc à duobus magnis ramis, per oviductus extremitatem intransibus, versus ovarium proveniebant; unus per summum, alter per fundum vel imum decurrebat; horumque ramusculi gaudebant nonnullis ad se invicem anastomosibus, sc. ii, qui in parte inferiori cum iis, qui in superiori existebant.

Totus meatus Oviductus tribus constabat membranis, extremitate, infundibulum efformante, & quæ, ac si simplex membrana esset, apparebat, exceptâ. Membrarum harum

interior perquam erat rugosa aut potius foliis quasi instructa, ad instar ventriculi animalium, quæ ruminare solent. Folia hæc, totam cavitationem adimplentia, per longitudinem decurrebant, tenui admodum tuniculâ ea conjungente. Membrana secunda, eaque in medio, erat carnea. Tertia, eaque tenuis & lævis, nonnisi duplicata erat membrana, quâ latum ligamentum constabat, divisæque videbatur ad oviductus meatum recipiendum.

Quatuor observabamus Musculos, ad anum atque penem spectantes, eosque binos à latere utroque. Priores duò originem à parte Ossis Sacri internâ ducebant, & per longitudinem sacci in Intestinô recto, descendebant ad spatium duarum linearum; prope extremitatem ipsius id perforabant, & sphincterem ani subeuntes semet inferebant in masculis apud basin penis; in foemellis verò penes Clitoridis basin. Duo reliqui ex interiori Ossis Ilii parte proveniebant, versus fundum vel imum renum, descendentes porrò ad latera. Ureterum, atque hâc ratione rectum perforando semet lateribus Penis & Clitoridis alligabant.

Ovarium erat situm à parte Renum superiori, inter Venam Cavam & Aortam, firmiterque uniebatur cum horum Vasorum Truncis, instructum plurimis ovis, quæ testis suis obducta uti in *Gallinis*. Ova hæc diversæ erant magnitudinis, sc. à crassitie nuclei pini, usque ad Nucis magnitudinem. Membrana ovum quodlibet includens, Galliceque *le Calice* sive calix dicta, videbatur habere quasi caudam, quâ hæc ova communiter connectuntur, atque ita ovarium constituunt. Membrana hæc eò crassior, quò minora erant ova; Multis abundabat vasis, cumque ovo, quod includebat, per infinitas uniebatur fibras, ita tamen, ut è regione caudæ maneret aperta, sicut in coruce glandis videre est, quando glans rotunda & tenuis, maximamque partem membrana sua vel cortice oblecta est. Ovo à membrana vel *calice* separato, remanebat solum elegans quædam domuncula, vitellum saltem ovi continens, qui in hisce nuce haud major exstebat. Verùm in unô nostrorum animalium, in quô circa magnitudinem duorum pugnorum reperiebatur, domuncula hæc impleta erat humore, limosæ aquæ haud absimili, excepto quod colore fuerit flavô. Atque hic omninò credi potest, calorem naturalem, ob aëris in nostro climate contrarietatem, in hocce animali debilitatum hæc ova corrupisse.

Unus ex *Struthionibus*, *Versalefii* in vivariò degentibus, tum multa posuerat ova; horum nonnulla ad nos adferebantur, in quibus observationes & experimenta quædam fuerunt instituta. Sicut enim aves hæc ovis suis non incubant, verùm ea radiis solaribus & calori ærenæ exponunt excludenda, satis quasi conten-

ta, si ea sub arenæ monticulos vel cumulos ponendo à pluvîâ secura & immunia præstent: Nos consilium inibamus probaturi, num calore, tam Solis, quam ignis, & fimo vel minimam in iis producere possemus alterationem, quæ aliqualem dispositionem ad generationem repræsentaret. Hunc in finem unum quinque septimanas in Sole, usque ad dimidiam partem in arenâ sepultum servabatur, idque super pulvinari fimo stercoreato, & ad tres pedes à solô elevato, quod ipsum durante intempestate campanâ vitreâ operiebatur.

Aliud furno *Athanasiorum* cum blando igne indubatur, quod ad simile temporis spatium in arenâ & probè tectum vel opertum retinebamus. Varia hinc observabamus, sc. Ova nonam ponderis sui partem amisisse: Vitellus & albumen in eò, quod igne calefactum paulisper erat condensatus absque ullo foetore: Illud, quod Soli expositum, non erat condensatum, pessimum autem contraxerat odorem. Neque in uno alterove horum ovorum aliquid, quod dispositionem quandam ad generationem referret, apparebat.

In *Ovarii* fastigio duo corpora glandulosa detegebantur cum *Aortâ* & *Venâ Cavâ* coherrentia, quorum substantia similis erat Testiculis maris, suâque in superficie plurima vasa habebant. Colore gaudebant intensè rubicundo. Utrumque horum corporum longum erat pollicem cum dimidiò, & quatuor lineas in Diametro habebat.

In maribus *Testiculi* diversæ erant quantitatis & figuræ, in diversis subjectis. In uno erant exigui, solum quindecim lineas in longitudine & quinque in Diametro complectentes. In aliò reperiebantur longi & angusti vel tenues, pollicem cum dimidiò longi & quatuor solum lineas in diametro habentes. In tertiò quatuor pollices longi erant, unumque cum dimidiò in Diametrò per medium æquabant. Ultimè hi *Gallinula* ovum parum extensum referebant, ab una extremitate paulò majores quàm in alterâ. In omnibus subjectis membrana quadam nervosa obducebantur, quæ tot quasi conspersa erat vasis, ut rubra appareret. In uno animalium testiculum quendam inveniebamus, qui à latere alium adhuc parvum habebat adnexum. Parvus hicce, quatuor velut quendam inter majores constituens, nil aliud erat quàm *epididymis* à Testiculo separata, rursusque cum illò conjungebatur duobus in locis; sc. mediante ramusculo quodam à Vase spermatico præparante, qui prodiens e *Testiculi* medio in *epididymis* medium ingrediebatur, & mediante *deferente* (procedente ex *epididymis* fundo) cum imo *Testiculi* uniebatur.

Vasa præparantia originem capiebant prope *emulgentes*, pauloque inferius cum Testiculis jungebantur, qui renibus, paulò tamen magis à latere sinistro, quam dextro, adiacebant.

Ante verò quàm cum *Testiculis* uniebantur, singula vel quælibet in tres ramos divisa videbantur: quæ vasa juncta & postmodum separata hac ratione sese Testiculo per totam longitudinem communicabant, ramusculis quibusdam illi æquali spatio insertis. Hoc quidem in loco mirum quantum Membranis & pinguedine involvebantur, hoc tamen non obstante, eorundem structura & communicationes distinctè conspiciebantur, quoniam, testiculo uno costò omnique pinguedine liquefactâ, vasa evidentissimè apparentia, monstrabant, quòd postquam fuerint unita, separarentur, & separata rursus unirentur. *Deferentia* per longitudinem *spinæ* ad vesicam 2dam descendenti ibi adnectebantur, postmodum verò dilatata in membranam convertebantur. *Ductus* hic, uti assolet, erat solidus, cavitate circa principium carens, in fine autem dilatatus fiebat membranofus.

Hepar colore gaudebat rubicundo, substantiâ constans dura atque firmâ. Quoad figuram cum hominis hepate conveniebat, sed in duos magnos dividebatur lobos, sinistro post rursus in duos minores bipartito. Alius quoque parvus in mediò & duorum majorum fundo reperiebatur, id quod tamen nonnisi de unicò subjecto intelligendum. Nulla aderat *vesicula fellis*, sed solum *ductus Hepaticus*, qui è mediò partis concavæ hepatis procedens *Pyloro* semetipsum inferebat. *Ductus* constabat tribus ramis majoribus unitis, qui per totam hepatis substantiam distributi erant. Circa unius ramorum horum extremitatem, proxime apud ipsius insertionem in ductum, dilatatio aliqua conspiciebatur, magnitudine præterpropter avellanæ magnæ, quæ non apparebat, quoniam rursus hepatis *parenchymate* obtegebatur.

Vena portæ duplex erat, duobus gaudent truncis separatis, quorum quilibet denuò radicibus particularibus suis instructus. Prior, isque major vel crassior, cum lobò dextro coherabat, eò in loco, ubi *vesicula fellis* plerumque in avibus reperitur. Posterior, isque minor, ex fundo lobi sinistri proveniebat. *Vena cava* per longitudinem cum magnò Diaphragmate, exactè ad latus aortæ, conjungebatur.

Pancreas decem erat pollices longum & unum latum. Situm obtinebat primam interplicam, quam intestina in formâ cujusdam sinus longi uti & in aliis avibus efformabant. Genuino colore carneo conspicuum erat. Glandulæ, quibus constabat, prorsus à se invicem separabantur, solum membranulis junctæ. *Ductus Pancreaticus* cum superiori *Jejuni* parte necessebatur. Ex medio *Pancreatis* procedebat, ubi duo rami erant juncti, quos postmodum in utramque *Pancreatis* dimidiam partem propellebat, unum quidem versus summitatem & alterum versus fundum. Notabile

le est, ut plurimum in avibus *Ductus Pancreaticos* inferi prope *Choledochos*; nostris tamen in *Struthionibus* insertio *Ductus Pancreatici* ultra tres pedes ab *Hepatici* insertione distabat.

Splen cum Ventriculo firmâ quâdam & forti membranâ, vasa splenetica continente & sustentante, alligabatur. Figura gaudebat Cylindricâ, duorum pollicum cum dimidio longitudine, & in diametrô octo lineas complectens, & circa imum gracilior erat, quàm in summitate. *Parenchyma* ipsius substantia constabat solidâ, renum substantiæ in *Quadrupedibus* haud absimili.

Renes octo pollices longitudine & duos latitudine comprehendebant. In subjectis nostris plurimis ab aliarum avium renibus differebant, dum in distinctos lobos minimè discissi, continuitate gaudebant admodum æquali. Tota horum substantia præterea valde inæqualis apparebat, ac si ex plurimis glandulis componeretur. Immediate elegantî quâdam membranâ obtegebantur, quæ rursus fortiori aliquâ & crassiori usum *membrana adiposa* supplente circumdabatur. Color glandularum harum ex nigro rubicundus erat. In quibusdam ex subjectis nostris reperiebamus renes more solitô in tres partes dissectos, partesque inferior & superior mediâ erant majores. *Ureter* non, uti in aliis avibus, à summitate usque ad imum renibus incumberebat, verum horum in substantiâ includebatur, ubi paulò major erat quam extus, quasi ad formandam *pelvim*, longitudine circiter, ut ipse Ren. Hac in *pelvi* multa conspiciebantur foramina, quæ oscula ramorum aut canalium, à pelvi in totam renum substantiam dispersorum constituiebant. Nec quicquam de *Papillis* apparebat. Annuli, quibus *Arteria aspera* constat, integri existebant, verum cum paululum compressi essent, figuram formabant ovalem. *Larynx* constabat ex unica cricoide & una arytaenoide cartilagine. *Cricoides* humanas repræsentabat, & *Arytaenoides* à duabus formabat planis & amplis cartilaginibus, cum *Cricoide* mediantibus musculis articulatis. Inter has aperturam sex linearum relinquebant, Glottidâ efformantem. Duæ hæ Cartilagine uno musculo superintegebantur, qui simpliciter ad Glottidis os claudendum (eandem contrahendo) inserviebat.

Diaphragma non simplex erat, uti in animalibus terrestribus, in quibus nonnisi unum est, mediante quo ea quæ in *Thorace* continentur, ab iis quæ in inferiori ventre existunt, separantur: Sed aliquot aderant *Diaphragmata*, quæ permultas separationes efficiebant, dividendo Cavitatem totius hujus corporis partis, *Truncus* vocatæ, in sex alias cavitates, idque ope quinque partitionum, quæ pro totidem *Diaphragmatibus* haberi possunt.

Diaphragmatum aut partitionum harum quatuor rectio à summitate ad fundum gaudebant

situ, unicumque saltim transversim vel obliquè erat positum. Quatuor priorum rectorum duo erant minuta & duo magna; Minora pulmones tegebant, lateribus alligatos, eosque à quatuor superioribus pulmonum vesiculis separabant. *Diaphragmata* majora vesicas hæc cooperientia, sicut minora pulmones tegebant, magnum spatium in medio relinquebant, ubi cor & hepatica una includebantur. *Diaphragma* quintum, obliquè s. transversim situm, ab unius majoris *Diaphragmatis* mediò ad alterius medium procedens, cor & jecur à *stomacho* separabat, una cum intestinis & reliquis partibus ventris inferioris; in quò duæ inferiores pulmonum vesicæ pariter continebantur: Ita ut sex cavitatum prima eaque magna reperiretur in *Ventre* inferiori: secunda magna in mediò *Thoracis*, super primam posita: duæ eaque mediæ magnitudinis ad secundæ latus, quatuor vesicas superiores, continentes; & denique duæ minutæ, ad latus harum mediocrium, ubi dexter & sinister pulmones inclusi. Quodlibet minorum *Diaphragmatum* (quæ nos vocamus pulmonum *Musculos*, dum carnosæ erant, pulmonesque operiebant) origine gaudebat admodum carnosâ, inque sex capita divisâ, quæ versus extremitatem costarum magnarum prope angulum alligabantur, quem angulum majores formabant cum aliis minoribus costis, sterno illa connectentibus idque loco cartilaginum, quæ in animalibus terrestribus ea unire solent. Sex hæ capita conjunctim magnam producebant *Tendinem* aut *Aponeurosin*, quæ circa pulmones posita, decurrebat ad semet jungendum cum *Aponeurosi* aliis oppositi musculi, in dorso *Vertebris*, quibus firmiter erat adnexus: Fibrarum directio in hoc Musculo obliqua observabatur, parum ad imum inclinans, ita ut ejus actio sit thoracem, costas claudendo easque deorsum trahendo, contrahere.

Quodlibet majorum *Diaphragmatum*, quæ sola membrana absque carne musculosa constabant & consequenter actione carentia solum ad partitionem quandam inserviebant, potius nobis nomen *Diaphragmatis* mereri fuit visum, quàm bina minora Musculosa, & *Diaphragma* animalium terrestrium, quod ad alios quoque usus quàm ad ventrem superiorem ab inferiori separandum confert, dum principaliter motu suo in *Respiratione* libera vocatâ usum præstat, uti Musculi *Thoracis* ad *Respirationem* faciunt, quæ violenta vocatur ac coactâ & nonnisi dilatatione & constrictione *Thoracis* perficitur. Quodvis tale *Diaphragma* cum summitate & parte anteriori cujuslibet costæ in sterno uniebatur, quod sternum admodum latum erat in nostris *Struthionibus*, uti in avibus esse assolet. In parte verò posteriori jungebatur cum *Aponeurosi* Musculi pulmonaris & mediante hac *Aponeurosi* cum *Vertebris* dorso; In fundo transverso Musculo Ventris inferioris alligabatur.

Diaphragma transversum paulò inferiorem occupabat locum, quàm ima pars *sterni*. Ex medio unius *Diaphragmatis* majoris procedebat, partique anteriori Musculorū transversorum in ventre inferiori, posteriori verò *Tendinum* in Musculis pulmonaribus adhærescens ulterius progrediebatur, ad semet cum altero majori *Diaphragmate* conjungendum. Infra hoc pinguedine abundabat, crassitie circiter unius digiti.

Pulmones inter costas inclusi, minoraque *Diaphragmata*, quæ supra pulmonum Musculos vocavimus, duabus rubicundis & spongiosis partibus (carneis) uti in aliis avibus, constabant. Quælibet pars decem pollices longitudine, tres cum dimidio latitudine, unum autem cum dimidio crassitie complectebatur. Ambo etiam *Arteria Aspera* rami pulmones intrantes in varios denuò dividebantur ramusculos, in ipsius totum *Parenchyma* distributos, consueto sanè, uti in Animalibus terrestribus modò, saltem excipias, omnes hosce ramos tantum fuisse membranosos, absque ullis cartilaginibus.

Aer ramos hosce intrans ad externam deferabatur superficiem *Parenchymatus*, quod infinitis parvis foraminibus per admodum tenuem aliquam domunculam vel cuticulam visis, erat perforatum; quâ cuticulâ toti pulmones ad aerem includendum circumdabantur, quem solùm per quinque foramina emittebant, quorum singula, quinque circiter lineas in Diametro habentia, juxta longitudinem pulmonum ordinata erant, aliqua versus *Spinam dorsii*, alia versus *Sternum*. Foramina versus *Sternum* carneam Musculorum partem in pulmonibus, ad penetrandum in vesicas, perforantia figurâ gaudebant obliquâ; atque ita formata conjectabantur, quo aer sponte retineretur in hisce vesiculis, idque per Musculorum actionem, qui semet contrahendo foramen hoc minuerent, ad quosdam (uti conjiciebamus) usus, uti in *seqq.* explanabitur.

Quatuor vesicæ, in utroque latere ad Thoracis summitatem repertæ, includebantur, uti dictum, inter *Diaphragma* & musculos pulmonales, quibus & obtegebantur. Cujuslibet vesicæ tunica ad latera *Diaphragmatis* & Musculorum pulmonarium, adnectebatur. In summitate verò & sine tunicis proximarum vesicarum, quas inter sita erat, jungebatur. Vesica quinta, cæteris multo major, non inter *Diaphragma* & musculos pulmonares, sed inter duo *Diaphragmata* cum intestinis aliisque ventris inferioris partibus includebatur; solumque musculus pulmonalem attingebat in locò ubi perforatus erat ad meatum aëri ex pulmonibus recepto præbendum. In *Aquilis* aliisque nonnullis avibus reperiebamus vesicas hæc circa finem alligatas membranæ ultra modum pingui, quæ velut in sacco *Ventriculum* & *intestina* includebat, quamque pro *Epiplôo* habuimus.

Structuræ hujus partis in aliis avibus ita accuratè observari non poterant, propter tunicarum quibus vesicæ hæc constant, tenuitatem, quæ tamen in nostris *Struthionibus* crassitie vesicæ suillæ gaudebant, reperiebamusque eas quæ in ventre inferiori, in uno nostrorum animalium, quater densiores. Quamvis in plurimis aliis volucris non planè impossibile sit, eas inter disseccandum excindere, possuntque satis bene spectari solum, si Arteriam asperam inflando ita servantur extensæ. Structuræ hujus cognitio Societati occasionem subministrabat ad varias faciendas reflectiones, tam de modò respirationis in genere, quàm in speciè quoad aves; eò laborabat quippe, num usus organorum horum in uno alterove horum animalium adeò differentium posset investigare.

Considerabatur Respirationem non solum ad refocillationem cordis inservire & ad vocem, sed & multum ad concoctionem & nutrimenti distributionem facere, idque per continuam agitationem & constrictionem *Thoracis*, quæ pulmones, aëre impletos atque hac ratione mollibus pulvinaribus non absimiles, premens, eos blande vel leniter effundere facit, non tantum sanguinem in vasis ipsius contentum, cordi post adfluentem, verum etiam comprimit alia vasa in *Thorace* inclusâ ad promovendam sanguinis distributionem, uti in actionibus violentis apparet, ubi respirationis retentio necessaria est; observatum enim est eam sanguinem in faciem propellere & ut eò ascendat efficere.

Modus autem, quò, Respiratio & inspiratione & expiratione absolvitur, evidenter usus hujus in animalibus terrestribus veritatem demonstrat. Namque Inspiratio fit, quando *Thorax*, situ costarum & *sterni* mutatò, dilatur, capacitasque ejus amplior redditur, nec non mediante *Diaphragmatis* relaxatione, quod parili ratione capacitatem ejus diminuebat, dum sursum ascendere partem Thoracis extollere faciebat. At verò relaxatio hæc, quæ passivum quid, non sufficiens est ad potentem illum impetum, quem exspiratio requirit, quoniam aer inclusus & compressus ab actione, à musculis pectoralibus in respiratione excitata, satis capax esset ad *Diaphragma* deorsum pellendum, si non sursum ab aliqua potentia urgeretur, quæ in expiratione fortiter agat. Potentia hæc duplex est. Una quidem, quæ *Mediastino* convenit, quod, postquam in inspiratione tractū & extensum fuit, centrumque *Diaphragmatis* deorsum abiit postmodum hoc ipsum centrum sursum trahit, ac si saliat; dum verò rursus urgetur pristinum occupat statum, motu quem *Galenus* vocat naturalem, & qui voluntariæ actioni musculorum non est similis. Unde & illi attribuit involuntariam retractionem, quæ partibus obtingat à musculis, quorum *Antagonista* fuerint abscissi. Altera po-

tentia, Diaphragma ascendere faciens, musculorum est ventris inferioris, qui pro Antagonistis Diaphragmatis haberi possunt, dum sc. quicquid subter Diaphragma continetur, comprimunt. Hunc enim per motum, *Hepar* Ventriculum aliasque ventris inferioris partes ascendere facientem, medium Diaphragmatis sursum urgent; quod postmodum descendit, quando per propriam suam actionem, quæ extensio est, rectam rursus & planam figuram à contractione fibrarum oriundam, induit. Compressio hæc inferioris ventris musculorum adversus viscera adeò efficax est, ut aliquando observatum fuerit, Ventriculum in Thoracis capacitatem propulsum esse, Diaphragmati gravi vulnere inflicto, uti *Paræus*, *Sennertus*, & *Hildanus* attestantur.

Has ob actiones (compressionis nempe musculorum adversus viscera exinde ascendentia, & Diaphragmatis, unde post descendunt,) obque continuitatem horum motuum alternantium, dici potest, Respirationem in respectu humorum in ventre inferiori contentorum idem esse, quod pulsus cordi ratione sanguinis in ipsius ventriculis contenti; h. e. hæc compressio & agitatio non tantum ad distribuendum Chylum prodest, sicut motu cordis sanguis in arterias urgetur, verum etiam cumprimis & plurimum ad Chylum hunc generandum facit, idque per divisionem attenuationem & mixturam partium pabuli; quæ omnia agitatio hæc facile producere valet.

Actiones hæc, essentialiter ad vitam necessaria, quæque eodem modo in avibus ac in animalibus terrestribus perfici debent, pariter hic quoque perficiebantur per Respirationem, quamvis organis diversis. Tametsi enim Diaphragma avium harum, quod musculolum habent, aut ad minimum Musculus pulmonum in *Struthione*, gaudeat aliqua tensione & relaxatione, à quibus pulmones eorundemque vesiculæ comprimuntur; destituatur attamen motu eò, quò in animalibus terrestribus instruitur, cujus ope *viscera* aliquando sursum, aliquando deorsum urgentur. Musculi etiam ventris inferioris ob suam tenuitatem nonnisi valde debiliter ea comprimere possunt quoniam tantum non totus venter inferior sterno tegitur, cujus ambitus & valde magnus (prout est) sit oportet, quò spatium suppeditet Musculis magnis, alas deorsum trahentibus; cum musculorum horum vis potentia volandi respondere haud possit si minores essent: Ita ut infirmitas hæc Musculorum ventris inferioris & Diaphragmatis compleri debuerit in avibus vesicis pulmonum, quæ alternatim in respirando & implentur & evacuantur, cujus rei ratio formalis se ita habet:

Thorace musculorum pectoralium actione

vel motu dilatato, aer pulmones intrat, eoque ipso tempore ex pulmonibus in vesicas; quod tamen tantum de iis intelligendum, quæ in Thorace includuntur, cum necquicquam sit, quod, vesicis, in ventre inferiori contentis, dilatatis occasionem subministrare queat aeri introgressuro; cum è contrario potius tum contrahantur, aerque ibidem contentus in pulmones reintret. Quod si verò postea *Thorax* comprimatur, contrahaturque, aer in vesicis ibidem occlusus, hæcque ratione, expressus, partim ex Larynge emittitur, partim intrat in ventris inferioris vesicas easque tumidas reddit, eo ipso tempore, quò superiores fuere evacuata. Dein vero, vesicis superioribus per dilatationem *Thoracis* repletis, recipiunt illæ non solum per *Laryngem* aërem externum, verum etiam eum, qui ex vesicis ventris inferioris hoc ipso tempore exprimitur dum Superiores dilatantur, atque hoc illis accidit, tum quod Tunica earum in pristinum revertuntur statum, vi suâ elastica, tum quod viscera, per dilatationem vesicarum compressa, dum resultant, eas urgent, quæ adjuvantur à musculis ventris inferioris, tenuitate eorundem non obstante. Hoc efficit reciprocationem & vicissitudinem quandam impulsuum, quæ potentem actionem in animalibus terrestribus à musculis magnis ventris inferioris causatam supplet. Actio vel motus hic vesicarum, respirationi inserviens in avibus, clarè perspicitur si vivæ dissecantur. Experimentum rei hujus instituiimus in magnis volucribus, v. g. *Anseribus*, *Gallo-pavis* &c, in quibus, postquam ventrem inferiorem absque læsione vesicarum ibidem existentium rescueramus, notabatur vesicas inferiores, *Thorace* in expiratione depresso, intumescere; rursusque, eodem in inspiratione dilatato, eas contrahi.

Singularis hic modus quò Aves in suâ gaudent respiratione, commodè explanari potest, cum follibus fabrorum, qui quasi ad imitationem organorum respirandi in avibus confecti videntur; hi namque folles duplici instructi sunt capacitate ad aerem recipiendum. Prior est inferior, aërem follibus ductis recipiens; atque hæc capacitas repræsentat vesicas superiores in Thorace introclusas. Altera capacitas est superior, vesicas inferioris ventris referens. Inferiori enim capacitate per follium compressionem contracta; aer intro receptus per foramen ibidem perforatum in capacitatem superiorem pertransit; ita ut aer violenter pressus capacitatem hanc dilatet, aërem superiorem sursum pellendo velelevando. Foramen autem hoc in mediò existit, (sc. inter aërem sup. & inferiorem) estque velut Diaphragma inter duas capacitates Folles constituentes. Ubi tamen notandum, quòd quoad situm diversitas adhuc

adhuc quædam intercedat; ea enim capacitas vesicarum, quæ aerem primum recipit, in avibus est superiori in parte, cum contra in folli- bus fabrorum in inferiori existat. Societas pariter in quamplurimis aliis avibus experi- menta quoad respirationem generis hujus ani- malium instituit, quæ in ipsarum descriptio- nibus reperiri possunt.

Cor maximam partem erat rotundum, sex pollices à basi ad mucronem & quinque in latitudine complectens. Volucres alias ple- rumque gaudent in proportionem longiori. Au- riculæ erant exiguæ, ventriculi verò magni. Apertura *Venæ cavæ* ampla valdè absque val- vulis ullis solum aderat, ac si saccus esset, cujus latus (quod erat partitio inter ipsius cavitatem venæque cavæ osculum) valvulæ officio fungebatur, vocarique posset *Sigmoi- des*; Structura hæc & reliquarum avium cor- di communis est. Aliæ valvulæ in aliis cor- dis vasis reperiiebantur more solito.

Aorta per lateris dextri longitudinem uti & in aliis avibus descendebat, *capsulaque* ali- quâ, à Musculorum pulmonarium *Aponeu- rosi* formatâ includebatur.

Cranium erat molle. In uno nostrorum subjectorum fracturam inveniebamus. *Phy- sici* observarunt, *Struthionem*, si periculum timeat, se securum putare, si caput fuerit absconditum.

Cerebrum cum *Cerebello* nonnisi duos pol- lices cum dimidiò longum & viginti lineas latum erat. *Dura Mater* cerebrum magna illâ productione *Falx* vocata neutiquam in duas dividebat partes; Sed in substantia ce- rebri solum radius quidam tenuis & pro fun- diusculus observabatur, super quo *Dura mater* paululum erat incrassata huicque applicata, ac- si futuram effecisset.

Sinus Longitudinalis more solito ab occipi- te ad synciput decurrebat, & terminabatur in occurso cum *Sinibus Lateralibus*, qui eò in loco figebantur, ubi *Dura mater* cerebrum à *Cerebello* separat. Duo hi sinus ex craniò proveniebant per quædam particularia for- mina *Occipitis* ad exonerandos se in Jugula- res internos. Sinus quartus, qui multo plus retrò quàm in animalibus terrestribus situs e- rat, obliquè deorsum descendebat, & post- quam in duos ramos divisus, in cerebri ven- triculos intrabat.

Durâ Matre ablatâ *Glandulam Pinealem* sitam reperiiebamus, ubi *Cerebellum* cum ce- rebro uniebatur, magnitudine præter propter erat parvi nuclei pini, multis ramis à *fibris Choroides* eam involventibus. *Pia Mater* plurimis conspersa erat vasis. Superficies ce- rebri, quam tegebat, non divisa erat in vari- as vel multas sinuositates & circumvolutiones, verum lavis & æqualis uti communiter in avibus esse solet. Tota cerebri pars anterior

in duas dividebatur partes, quæ solum qui- busdam admodum parvis fibris connecteban- tur. Separatio duarum harum partium in animalibus *terrestribus* solum ad callosum us- que corpus pertingens, per totum cerebrum conspiciebatur, quod nonnisi parte posteriori prope cerebellum uniebatur. Separatio hæc & divisio cerebri in binas partes in plurimis re- peritur volucris, nec ignota est circumfo- raneis & Agyrtis, quippe qui ad balsamum suum commendandum, eodem Gallinas cu- rant, quorum antea capita cultro perfora- runt, id quod facillè inter hæc duas cerebri partes fieri potest, ut non emoriantur. In utraq; hac parte cavitas quædam aut ventri- culus erat, obtectus albicante medullari sub- stantiâ, dimidiam lineam crassâ, quæ ipsa quoque super eum locum extendebatur, ubi ambæ partes conjungebantur, & in quo Ven- triculi anteriores in tertium quendam desine- bant. In hoc tertiò fissura conspiciebatur, terminata in *Infundibulo* & *Glandula Pituita- riâ*, quæ exacte extremitatem infundibuli claudebat, cæterum sita juxta os *Sphenoides*. Penes partem posteriorem duorum antero- rum ventriculorum *plexus Choroides* appare- bat, à ramo *Carotidis* & ramò sinus quar- ti formatus. Tota ferè cerebri substan- tia colore gaudebat cinereo similique cerebri humani parti corticali, ita ut proportionem habitâ ad substantiam cerebri medullarem, decies fuerit & major & crassior.


Decem paria *Nervorum* originem suam ducebant, proveniebantque ex craniò, eodem prorsus modò, uti in Animalibus *terrestri- bus*.

Medulla Spinalis, originem trahens eò ex loco, ubi duæ cerebri partes anteriores una & cum cerebellò jungebantur, ad latera sua duas habebat eminentias rotundas, magnitu- dine præterpropter nucis parvæ. Utraque gaudebat cavitare insigni, quæ cavitates for- mata ac si duo essent ventriculi, semetipsas aperientes in ductum inferiorem, subeuntem eum, qui *Pons Sylvii* vocatur & per quem *cerebelli* serositates in infundibulum exone- rantur.

In *cerebellò* pars corticalis & medullaris juxta eundem modum dispositæ erant, quò in animalibus terrestribus conspiciuntur; par- tesque hæc differentes extus dispositæ appare- bant ac si lamellis conjunctis & lineis parallelis distinctæ. Duæ aderant *Apophyses Vermiformes*, ut in hominibus; Sicut & ventriculus, figu- rā pennæ gaudens, qualis generatim in omni- bus Animalibus terrestribus invenitur. *Cerebel- lum* interius constabat, uti ordinariò solet, substantiâ albicante, instar ramorum arborum, & alia rubicundâ lividaque.

Oculi Figura, ceu in aliis avibus, piscibusque ex duobus componebatur semi-globis, quo- rum

TAB: XLVIII



rum major, à Sclerotica formatus, planam sui partem à parte anteriori habebat; alter isque multo minor, planæ Scleroticæ parti accumbebat. Hic parvus semiglobus *cornea* erat, quæ rotundo circumcirca elevato quodam circulo, velut marginem efformante, gaudebat. *Nervus opticus* in medium non intrabat verum parumper ad latus angulum versus: medium autem *Sclerotica* convexitas cum parte plana constituebat. *ChrySTALLINUS* granis carebat, sed substantia ipsius erat uniformis: magisque convexa erat in parte exteriori, quàm interiori. Plexus *Choroides* prorsus videbatur niger, neque in fundo vel circa imum varie coloratus & quasi deauratus membrana gaudebat, quam *Tapetum* adpellamus.

Nervus Opticus postquam *Scleroticam* & *Choroidem* perforasset, dilatabatur formabaturque ac si esset infundibulum substantiâ, ut ipsius propria, constans. Infundibulum hoc ordinatiè in volucris non est rotundum, siquidem ferè semper reperimus nervi optici extremitatem planam quodammodò & in parte oculi interiori compressam. Hoc ex in-

fundibulo complicata membranâ procedebat, marsupium velut referens, quæ proxime apud insertionem nervi optici, versus *ChrySTALLINI* marginem tandem in punctum terminabatur. Marsupium hocce circa imum sex linearum, sub ortum suum ex nervo optico & progressum magis magisque acuminatum summitatem versus, cuspide sua margini *ChrySTALLINI* alligabatur, idque mediante membranâ, illud à latere humoris Vitrei operiente, quæque etiam totum obtegebat marsupium, quod nigro gaudebat colore, verum alio quàm in *Choroide*, qui tanquam macula coloris aquei digitis adhærescens apparebat; nam membranam color hic penetrabat.

Glandula lachrymalis superior, quæ communiter in interiori parte Anguli exterioris in orbita occultatur, sita erat in cavitate in eam *coronalis* partem quasi immersa, quæ ad formandam orbitæ partem superiorem procedit. Octo lineas longitudine & quatuor latitudine complectebatur. Tubæ ipsius modo consueto dispositæ erant.

EXPLICATIO FIGURARUM TAB. XLVII. & XLIX.

IN PARTE INFERIORE

Videre est, quod pennæ alarum & caudæ minus aptæ natæ sint ad volandum, cum partes, illas componentes, non æque ac in aliis avibus sibi invicem confibulatæ sint. Item quod oculi, qui minus obliquè, ut aliàs fieri solet, siti sunt, insignibus ciliis instructi sint, quorum apertura, ut in hominibus oblonga est. Porro inde elucescit collum, caput & femora penis destituta esse & unumquemvis pedem duobus tantum digitis gaudere.

IN PARTE SUPERIORE

- A.A. Cavitationem in medio thoracis repræsentat.
- B.B.D.D. Cavitationem infimi Ventris ostendit.
Bina hæc cavitates duobus ingentibus diaphragmatibus formantur & à se invicem separantur per diaphragma transversum, quod est inter A. & B. & pluribus vasibus gaudet.
- E.E.E.E. Quatuor vesicula in dextro stomachi latere.
- C.C.C.C. Quatuor vesicula in sinistro latere.
Hæc quatuor vesicula in unoquoque latere inclusa sunt inter diaphragma majus & musculus pulmonarem.
- G.G. Pulmones inter musculos pulmonares & costas elevati.
- H. Pars cartilaginis Cricoidis.
- I.I. Cartilago Tyroides.
- K. Lingua.
- L.L.L. Scleroticæ pars posterior, dimidietatem

globi in oculo formans, parte anteriore amotâ.

- M. Membrana instar sacculi plicata, quæ procedit ab infundibulo N. & extremitati optici nervi approximata jungitur ligamento ciliari.
- O. Nervus opticus.
- P. Crystallinus humor, cum ligamento ciliari.
- Q.Q. Cerebrum denudatum.
- R.R. Dura mater versus cerebrum retracta.
- S. Glandula pinealis in suo loco.
- T.T. Superior pars cerebelli.
- V.V. Sinus longitudinalis.
- X.X. Bina tuberositates lateralem & inferiorem cerebelli partem formantes.
- Y.Y. Bini Ventriculi, intra cerebelli tuberositates.
- a. Cavitas in processu medullæ spinalis instar calami.
- β. Apophysis vermiformis cerebelli.
- γ. Cerebellum inversum & retrorsum protrahitum.
- δ.δ. Cerebrum in duas partes divisum, abscissis fibrillis, quibus bina ejus dimidietates junguntur.
- ε.ζ. Ventriculi superiores, in quibus plexus Choroides lit. ζ. signatus conspicitur.
- ι. Glandula pinealis parumper retracta & è situ suo naturali remota.
- λ.λ. Bina protuberantia sub cerebro sita, illæ ipsæ sc. quæ lit. X.X. signata sunt.
- μ. Cerebellum.
- ν. Sinus quartus.
- Δ. Pars scapi pennarum microscopio inspecta.

11. 12. Duo è filamentis, è quibus minor barbula pennarum composita erat. Hic tantum principium depingitur, reliqua portione resectâ. In quovis latere fibrarum serie munitur.

2. 2. Fibra in lateribus versus totius penna finem. Fibra hæ plures exiguos hamulos s. curvaturas habent, retrorsum & deorsum versus, quæ remis similes sunt, similitudine illi & comparatione, quam in descriptione formavimus, convenientes.

⊙. ⊙. Fibra laterum versus cavitatem pennarum. Hæ fibra quamplures hamulos sursum reflexos & incurvatos habent, uncis, quibus remi firmantur, similes, ut si antrorsum versus satis protensi sunt, in hos incidant.

TAB. XLIX.

A. Est Oesophagus.
B. Fundus ingluviei, qui descendit infra stomachum.
C. Stomachus, Anglis Gizzard dictus.
D. Ductus hepaticus.
E. E. Pancreas.
F. Ductus Pancreaticus, cujus apertura in intestinum lit e. signatur.
G. Pars coli largior, intus plurimis fibrillis lit. iii. signatis investita.
H. H. Bursa major in fundo recti sita.
I. Intestinum rectum.
K. Extremitas intestini recti, eminentiam in bursa majori formans.

K. L. Penis, cujus origo lit. K. ostenditur. Plicatus est infra versus 2. & partem L. transmittit per bursam minorem M. M.

N. N. Ureteres.

O. O. Apertura Ureterum in bursam majorem.

P. P. Bini Musculi ani atque penis.

4. 4. Bini alteri musculi ani & penis.

3. 2. 3. Crepidines cavitatis in bursâ majori.

Q. Epar.

R. Vena porta major.

S. Origo ductus hepatici.

T. Vena cava superior.

V. Vena porta minor.

X. Aorta descendens.

Y. Vena cava inferior.

Z. Z. Z. Renes.

J. J. Ureteres.

a. a. Testiculi.

β. β. Arteriae crurales.

g. g. Venæ crurales.

γ. γ. Portio coli cum duplici caco, instar cochleæ formato & lit. δ δ. signato.

ε. ε. Ductus Matricis Oviductus in avibus vocatus.

ζ. Internum orificium matricis.

θ. Extremitas oviductus, formans infundibulum.

ψ. ψ. Ligamentum uteri latum.

λ. Testiculus maris.

μ. Vasa spermatica preparantia.


ν. Epididymis.


ξ. Deferens.

SECTIO LIX. DESCRIPTIO ANATOMICA CASUARI Parisiensium.

ANnum ante 1597. avis hæc in Europa nunquam fuit visa, nullusque nec ex Antiquioribus, nec Recentioribus Author ejus mentionem fecit. Belgæ cum primâ vice ex India reverterentur, unam afferebant, iisque tanquam res rara data erat à Principe Insulæ Javæ. Vid. i' Journael van de Reyse der Hellandsche Scheper in Oost-Indien impr. Mitzelburgi 1518. pag. ultima. Sex annis abhinc duas alias asportare volebant, verum in itinere moriebantur. Quæ hic descripta est, Regi Galliæ 1671. à Gubernatore Insulæ Madagascar missa fuit, qui eam à Mercatoribus ex India revertentibus emerat. Quatuor autem annos Versalefii vivebat,

Clusius è diario Belgarum supra citato eam in India EME vocari asserit. Quare verò Gallicè vocetur CASUEL vel GASVEL, adhuc dum rescire nequivimus. Interim Avis hæc post Struthionem, omnium avium, quas equidem novimus, maxima gravissimaque est. Quam describit Clusius, & quæ prima fuit à Belgis ex India allata, quartam ad partem fuit nostrâ minor, quæ mensurata pedes quinque cum dimidio in longitudine, à rostro ad unguium extremitatem complectebatur. Crura duos pedes cum dimidio à ventre ad usque unguium extremitatem longa erant, Caput & cervix pedem cum dimidiō conjunctim æquabant. Maximus digitus ungue comprehenso longus





gu
mor
co
par
tu, q
fimi
cunic
de n
rat
pam
mod
quib
ut A
horic
barbu
On
tione
bus
ad o
No
con
cran
tes,
gine
elle
mult
semp
rum
ces.
la qu
quæ
cular
extre
se lo
nec
à pl
& g
fibri
exon
ferè
est,
ua
res
qu
nò
Gè
dim
exig
Atq
fran
posi
tù,
que
Ga
pio
c
Par
Qu
na
pol
cat

longus erat sex pollices unguis verò digiti minoris tres pollices cum dimidio. Ala adèò existerat parva, ut sub pennis in dorsò prorsus abscondita non adpareret. *Aldrovandus*, qui solam vidit descriptionem in relatione primi itineris Hollandorum hâc de ave communicatam, refert avem hanc cum primis in hâc mirandam esse, quod & alis & lingua careat. Nostro in animali hoc falsum reperiebamus. Author hic addere etiam potuisset, quod pennis sit destituta, quoniam omnino, quibus tegitur, potius repræsentant pilos *Urſi* aut *Apri*, quàm pennas aut lanuginem; adèò horridæ, longæ & graciles sunt fibræ, quæ barbulae plumarum harum constituunt.

Omnes hæ plumæ eadem se habebant ratione, ab avibus volantibus differentes, in quibus aliquæ pennæ ad volatum & aliæ solum ad obtegendam cutem facientes reperiuntur. Noster *Casuarinus* solum instructus erat pennis conditionis posterioris; Ut plurimum duplices erant, duobus longis tubis vel calamis gaudentes, qui ex aliò breviori cuti inhærescenti originem ducebant. *Clusius* dicit eas in universum esse duplices. Nostro verò in subjectò per multæ simplices reperiiebantur. Quæ duplæ, semper inæquali gaudebant longitudine quarum aliquot quatuordecim longæ erant pollices. Jam supra hoc pennarum genus in *Aquila* quadam & *Psittaco* notavimus; verum hæ, quæ in *Casuario*, tria adhuc possidebant particularia. Primum est, barbulae calami ab extremitate usque ad medium adornantes, fuisse longas & asperas, ad instar pilorum Equi, nec ullas ejecisse, vel emisisse fibras, qua in re à plumis Ardearum differunt, quarum longæ & graciles barbulae non simplicibus constant fibris ut apparent; ab utròque enim latere exornatæ sunt fibris exiguis, & ita brevibus, ut ferè percipi nequeant. Secundum particulare est, quod in hâc dimidiâ parte nulla differentia calami fuerit à barbulis, quæ neque majores neque alius coloris erant, uti aliàs plerumque in pennis aliarum avium se res habet. Tertiò singulare quoque est barbulae hæc perfectè nigras fuisse, dum e contra in alterâ parte dimidia subcanæ erant, breviores, molliores, exiguasque fibras lanugini similes emittentes. Atque hæc pars fibris majoribus & nigris constans solum adparebat, altera è sanguine composita, eadem superintecta manente. Pili varii, quibus cutis *Castorum*, *Aprorum* aliorumque animalium in luto se volutantium instructa est, dispositi sunt ad eos usus qui in descriptione Castoris fuere explanati.

Cervix pennis, uti in Gallopavone, carebat. Pariter quoque iisdem caput destituebatur. Quosdam solum pilos in summo apice vel coronâ erectos possidebat, speciatim versus partem posteriorem atque in cervice. Nulla aderat cauda, Pennis Uropygium obtegentibus, quod

extraordinariâ gaudebat magnitudine, ab aliis non differentibus, neque aliò dispositis modò.

Ala, absque pennis tres pollices haud longæ, plumis ejusdem sortis operiebantur, & quælibet quinque tubas magnas aut calamos absque ullis barbulis emittebat. *Clusius* nonnisi quatuor statuit. Diverſa gaudebant longitudine, juxta eam proportionem dispositionemve, quam, Digiti in manibus tenent. Longissimus sc. calamus undecim erat pollicum, triumque linearum in Diametro radicem versus, quæ solum paulò crassior extremitate existerat, quæ non sensim acuminata fiebat, sed fracta a. lacerata adparebat. Colore imbuti erant nigrò & admodum splendido. Non putabamus alas hæc illi ad progrediendum inferre posse, uti *Clusius* arbitratur; cum longè sit probabilius, quod iisdem ad verberandum, ceu flagellis, fuerit usus.

Caput parvum uti in *Struthionibus* adparebat, pennis quippe, ut in aliis avibus, non dilatatum vel distentum. *Crista* quâdam tres pollices altâ instar Galeæ tegebatur. *Crista* hæc totum capitis apicem haud operiebat; paululum enim ultra apicem incipiebat initioque rostri terminabatur. Variis gaudebat coloribus, cum pars anterior nigriuscula, pars verò posterior & latera cerina essent. Ubique lævis & pellucida instar cornu videbatur. Circumferentia ipsius similis erat tæniæ, nec hoc in locò tres lineas excedebat: ab inde vero magis magisque dilatata versus basin suam pollicem præter propter complectebatur. Substantia ejus, admodum dura, nobis tanquam cornu apparebat, componebaturque plurimis laminis ad instar cornuum bovinorum. *Clusius* inquit, quod si aves hæ plumas rejiciant, crista tunc cum plumis simul decidat; id quod nobis quidem videbatur incredibile, considerantibus cristæ substantiam, quæ ut supposuimus, cornu erat; à natura tamen cornuum in aliis brutis (quæ postquam deciderunt rursus succrescunt) multum recedens; ut jam taceam eos, quibus animalium cura *Versalia* demandata est, quosque hac de re singulari pluribus interrogabamus, nunquam Cristam decidere vidisse. Maxime optabamus, ut nobis fuisset permissum, dissectione explorare, quò modò crista hæc cum cranio esset unita, num forte cranium osseam quandam productionem in cristæ cavitatem emitteret, quales in cornibus cavis observantur, aut num solidum esset corpus; verum specialiter & expressè Rex mandaverat, ut pellem animalis hujus, ad Aviarium *Versaliense* adornandum, conservaremus integram.

Rostri pars superior insigniter erat dura. in duabus ipsius marginibus vel aciebus & in summitate. Interstitia in utroque latere nonnisi unica gaudebant membrana, foramina narium proximè apud rostri extremitatem continente. Rostri hæc extremitas erat fere ut in Gallo-Pavone,

vone, tripartita. Finis rostri inferioris leviter insinuatus parili ratione tripartita reperiebatur. Totum rostrum colorem habebat obscuro-cannum, excepta viridi nota, in rostello inferiori ab utroque latere medium versus conspecta.

Oculus erat magnus, cuius *iris* colore gaudebat Topazii fere ut in Leone. Aderat cilium interius, in *Cantho* magno absconditum. *Cilium* inferius, idque maximum, serie pilorum nigrorum instruebatur. Pariter quoque series pilorum nigrorum (semi circuli instar) circa oculi summitatem, sicut palpebra elevata conspiciebatur. Auris foramen valde magnum & glabrum solum nigris pilis ut oculi, circumdabatur. De his ipsis quoque pilis quidam circa cristæ radicem erant siti.

Capitis utrumque latus circa oculum auremque colore decorabatur Indico, cervix autem purpureo. A parte posteriori plurimis in locis speciatim versus imum, rubro quoque gaudebat; quæ loca rubicunda præ reliquis paulo magis elevata, in rugis obliquè per cervicem decurrentibus, apparebant. *Clusius* affirmat plumas rubras versus cervicis partem infimam adesse, quas tamen nostro in subiecto reperire haud potuimus.

In cervicis fundo duæ carnosæ appendices videbantur, similes illis, quæ è rostrò Gallinarum inferiori dependent. Longæ erant pollicem cum dimidiò, novem lineas latæ & circa finem rotundæ, vel in rotunditatem flexæ. Color reliquæ cervici similis, partim rubicundus, partim verò lividus vel coeruleus erat.

In pectoris medio locus implumis, sex circiter pollices longus, figuræ ovalis & in summitate paululum cuspidatus conspiciebatur. Locus hic *callositas* quædam erat, super quâ avis hæc more *Cameli* requiescere solet. Cuius constabat siccâ osseo adnexa ligamento, admodum tenui, medioque Sterni fibris pinguedine mixtis adplicata & adfixa, ita ut tota hæc callositas fuerit mobilis.

Femora pennis operiebantur. Crura, ultra modum magna, valida & constricta quasdam habebant squamas, quarum aliquæ *Hexagona Pentagona* & quadratæ erant. Summitatem versus & parte posteriori auris exiguæ erant, versus imum & partem anteriorem non nisi pollicem continebant. In Tarso quasi laminas repræsentabant, duos pollices longas. Digiti similiter squamis muniiebantur. Saltem numerò tres erant, nullò à parte posteriori, minimo autem interius existente. Ungues constabant dura & solidâ substantiâ, extus nigra, intus verò alba. Ad dimidiam partem attriti erant. *Clusius* affirmat avem hanc prodigiosa in pedibus gaudere fortitudine, quibus retro currendo talem in modum percutere valeat, ut Truncos arborum femoris crassitie confringat. Qui verò nostri *Casuarii* curam

gesserant, eum ita potentem & furiosum nunquam observârunt; notantes solum, quòd magna ex Misogyma Fœminas persequeretur.

Oesophagus inde à Pharynge usque ad ingluviæ principium decem pollices longitudine, latitudine verò unum cum dimidiò complectebatur. Tunicæ quibus componebatur valde crassæ erant. Antequam Stomacho infereretur, amplior & magis tenuis fiebat & ingluviem constituabat, quæ, uti in *Gallinis* & columbis ad dimidiam partem in pectoris fundo & dimidia in Thorace reperiebatur. Ingluvies hæc octo pollices longa & quatuor lata erat, inque loco angustissimo in duas dividebatur partes. Hanc secunda quædam ingluviæ, quæ pinguior crassioribusque constabat tuniculis, excipiebat. Hæc ingluviæ pedem longa & septem pollices lata infra Hepar descendebat. Interior ipsius Tunica ex glandulis, uti *Oesophagi* extremitas plerumque in Avibus est, componebatur, hasque glandulas, quæ non tam magnæ atque eleganter formatæ erant ac in *Tetraone*, in quâ sola ave eas adeò distinctas reperimus, pannus velut holosericus flavus obtegebat. Ob quam particularem circumstantiam hæc ingluviæ omnino pro primo Ventriculo haberi potest, quem dein sequitur alter, Tunicis magis tenuibus præ priori gaudens. Tunica interior crassâ adparebat, eo quod rugosa erat. Pannus velut holosericus quò obtegebatur, paulò crassior quàm in Primo erat *Ventriculo*. Duo hi *Ventriculi* à se invicem separabantur & distinguebantur non solum differenti & diversa suâ substantia, atque contractione aliqua, qualis ferè in diversis animalium ruminantium ventriculis conspicitur: verum etiam margine quadam membranosa instar valvulæ effecta.

A secundi Ventriculi *medio* intus procedebat appendix aliqua tres pollices longa & octo lata, eratque productio ex membrana *Ventriculi* interiori. Hujus in appendicis fine velut caput quoddam apparebat, magnitudine ovi Gallinæ minoris, quod appendicem deorsum trahens in *Pylorum* descendebat eumque obturabat. Hic sane dubitari omnino potest, num hæc conformatio naturalis aut præternaturalis fuerit. Nos tamen nihilominus fuisse præternaturalem credidimus, ita quidem, ut in membrana Ventriculi interiori formatus fuerit *Scirrhus*, qui pondere suo eum insensibiliter extendens, hanc formarit appendicem, cuius extremitas cum magna & dura fuit, mortem inferre potuit animali huic, quod quindecim ante obitum ipsius diebus albicantem evomuerat aquam, ad quartam mensuræ partem aut juxta mensuram *Parisiacam*, *Pintam*, quotidie, quæ pro nutrimento ipsius reputabatur, cui via fuerat interclusa.

Notabile est, animal hocce carnem non depascens,

pascens, sed leguminibus & pane victitans non habuisse carnosum & musculosum Stomachum, prout alias omnes eodem nutrimento viventes aves habere solent; Considerantes itaque, quod *Casuarus* in omnibus aliis plurimum cum *Struthione* conveniat, qui stomacho instructus est, quodque more ipsius omne, quod affertur, etiam prunos arduos deglutiat, *Clusio* memorante, in eam deveniebamus cogitationem, quod natura defectum hunc suppleverit multitudine Ventriculorum, peculiari dotatorum qualitate & potentia durissima quæque & solidissima alimenta resolvendi. Id quod eo credibilis nobis videbatur considerantibus, quo in statu duo *ventriculi* & ingluviens fuerint reperti; Ventriculi enim prorsus vacui solam ingluviem habebant, aliquid continentem; & nutrimentum quod continebat, ultra partem dimidiam erat digestum. Atque hinc de potentia & fortitudine judicabamus, qua *Ventriculi* hi instructi esse debebant, dum in ingluvie animalis tanta vis latuit.

Intestina conjunctim pedes quatuor & octo pollices longa erant, in Diametro verò pollices duos. Omnia una eademque gaudebant substantia & latitudine, absque foliis intus, sine cellulis, & sine cæco.

Hepar magnitudinis erat mediocris, cum Lobus dexter solum pollices octo & sinister quatuor complecteretur. Ubique deprehendebatur *Scirrhum*. Vesicula fellis Lobo dextro per longitudinem adnexa & in *Capsula* abscondita septem pollices longitudine unumque ad summum in Diametro adimplebat. *Ductus Cysticus*, ex summitate vesicæ oriundus, octoque pollices longus, prope ipsius insertionem, quæ circa initium duodeni conspiciebatur, amplior fiebat. *Hepaticus*, pollices octo cum dimidio longus, descendebat à sinistro versus dextrum & *Cysticus* à dextro ad sinistrum latus, unde ambo hi ductus circa partem inferiorem coalescebant. *Hepaticus* infra *Cysticum* inferebatur.

Splen tres pollices longus & in latissimâ sui parte pollicem cum dimidio latus, forma gaudebat piscis *Ligulæ* vel *Soleæ*. Vasa ejus more solito distribuebantur. *Pancreas* in collatione vel proportionem ad partes alias exiguum erat, non nisi pollices duos longum & duas lineas latum. *Ductus* ipsius admodum angustus & saltem unam lineam cum dimidia longus supra *Cysticum* inferebatur.

Renes in multos, uti & in aliis avibus, dividebantur Lobos. Octo pollices erant longi. *Ureteres* magnitudine Calami vel pennæ anserinae septemque pollices longi deprehendebantur.

Testiculi pollicem unum longitudine & dimidium latitudine adimplebant. Substantiæ erant duræ atque albæ plurimumque diversæ ab eâ, qua *Epidsymis* constabat, quæ mollis & sub-

flava, cujus autem quantitas admodum extraordinaria erat, cum tres pollices longa duasque lineas lata, atque adeo duos pollices ultra testiculum elevata erectaque deprehenderetur. *Ductus deferens* per longitudinem renis descendebat, cumque *Vena Emulgenti* adnexus esset, postmodum semet cum uretere uniebat. Undecim pollices longus erat, magnitudine pennæ gaudens. *Penis* uti in *Struthione* situs erat. Longitudine comprehendebat pollices duos, unum latitudine versus basin suam & duas lineas versus suam cuspidem. Cutis eum operiens, dura, crassa & interius inæqualis erat, idque propter plurimas plicas, instar cochleæ dispositas. Corpus *Penis* duobus cartilagineis ligamentis constabat, quæ figuram pyramidalem peni conciliabant. Admodum duræ & solidæ erant, invicemque in summitate connectebantur. Inferius separatæ existebant ad ductui cuidam membranoso spatium relinquendum, vel suppeditandum, quo cum ductu *deferentia* vasa aut & *Ureteres*, quantum quidem nos percipere poteramus, nullam habebant communicationem.

Pulmones longi erat pollices octo & supra ipsorum medietatem lati quatuor.

Cum hæc Avis post *Struthionem* maxima fuerit, inter aves quas dissectuimus, studio intendebamus quædam ad organa respirationis pertinentia observare, quippe quæ in avibus peculiari gaudent structurâ, uti jam detegere incepimus in *Struthione*, cum hæc talia in avibus minoribus non æquè bene observari queant. Inter alia verò examinabamus duos Musculos, quos nos Musculos pulmonarios vocamus. Musculi hi origine gaudebant valde carnosâ, quæ in utroque divisa erat in sex capita, quorum quodlibet costæ adhærescebat eo in loco, ubi costæ, ab una extremitate cum *Vertebris* articulata, ab alterâ cum aliâ costâ quæ *sterno* inserta, conjuncta est. Observari namque debet, quod costæ in avibus ordinariò sint duplicæ, quodque loco appendicum cartilaginearum in animalibus terrestribus eas sterno adnecentium, in avibus reperiuntur vera ossa, quæ sunt articulata & non per *Symphysin* saltem cum costis junctæ. Jam verò sex hæc Musculi pulmonaris capita unâ insignem quandam Tendinem aut Aponeurosin producebant, quæ pulmonem obtegebat, quæque eum separabat à vesiculis, quas aer pulmones illapsus vel penetrans per foramina, quibus *Aponeurosis* perforata est, intrat; atque hæc vesiculæ rursus *Diaphragmate* superintegebantur, eodem modò, uti pulmones ab *Aponeurosi*; ita quidem, ut vesicæ hæc inter *Aponeurosin* & costas fuerint conclusæ. *Aponeurosis* hæc ita pulmonibus imposita procedebat ad semet cum oppositi Musculi *Aponeurosi* conjungendum in vertebris, quibus ille firmiter adhærescebat, relinquens nihilominus super medio *Vertebrarum* corpore spatium vacuum,

cum, per quod *Aorta* descendens & *Oesophagus* transirent. Eò ipsò in locò, ubi hæ *Aponeuroses* connexæ & vertebris alligatæ erant, *Diaphragmata* pariter conjungebantur & uniebantur cum *Aponeurosibus*; at verò versus latus sinistram viam ramo *Aortæ* magno præbebant, qui locum *Cæliacæ* & *Mesentericæ* supplebat. Ramus hic inclusus erat inter omnes hæc *Aponeuroses* tam musculorum pulmonarium, quàm *Diaphragmatum*, quæ conjuncta erant.

Musculorum horum usus, quantum nobis conjectura assequi licuit, duplex est: Prior, ut motum *Thoracis* deorsum cum trahendo, conservent; quoniam inde ab angulo, quem costæ mutuâ suâ articulatione efformant, prodeuntes, oblique versus inferiorem dorsi vertebram ascendunt, cujus dorso ii (sc. Musculi) adhærescunt. Usus posterior in hoc consistit, ut aërem in sacculis vel vesiculis conclusum retineant & quò minus ita liberè exeat, uti in eas intravit, impedian. Usus retentionis hujus nobis non satis cognitus est, ad minimum respectu vesicularum superiorum. Quod enim ad inferiores attinet, usus retentionis hujus in descriptione *Struthionis* explanatus jam est, ubi ostensum maximè probabile esse, aërem in inferioribus vesiculis contentum ad comprimenda viscera inservire eaque sursum propellere. Nonnulli volunt hanc retentionem aëris aves ad facilitandum volandum leviores reddere, quemadmodum vesicæ pisces adjuvant ad natandum. Quæ conjectura tum esset fundata, si aër in vesiculis avium detentus ita levis esset in proportionem vel collationem cum aëre, in quo volant, uti aer in vesicis piscium oclusus levis est in comparatione cum aqua in qua natant. Ut itaque aliquid addamus quod minimum eousque magis probabile videretur, donec veram aliquando cognitionem de usu retentionis hujus aëris consequamur, nos putamus, quod aves, generatim altiora petentes etiamque eo evolantes ubi aer multo levior & rarior est, quàm prope terram, facile possent utilitatibus respirationis plurimis ob defectum aeris privari, cujus gravitas in corde & arteriis compressionem, ad distributionem & Circulationem sanguinis necessariam, efficiat; si non longo tempore quandam aeris portionem retinendi facultate & potentia gauderent, qui à calore, quem retentio hæc in eo producit, rare factus, per sui dilatationem & expansionem, defectum gravitatis hujus suppleat, quam aer inspiratus in media regione destitutus est. Tamen enim plurimæ dentur aves, quæ nunquam sursum valde in aerem alte ascendunt, quarum pulmones nihilominus his vesiculis, quibus aer retinetur, instructi sunt, at tamen plurimæ etiam sunt, alas habentes, quibus tamen ad volandum non utuntur; Ubi & observari

potest partes quasdam vel membra in animalibus reperiri, quæ in certis *Speciebus* usum haud præstant, quibus tamen totum genus instructum est, eo quod insigni in quibusdam speciebus usu gaudent. Huc pertinet quando in plurimis animalium generibus mares gaudent mammillis æque ac Fœminæ. Item quando *Talpa* oculos habent: *Struthiones* & *Casuarii* alas; & quando *Testudines terrestres* peculiari a singulari ea Vasorum cordis structura gaudent, quæ solum *Aquaticis* convenire deberet, uti pluribus explanatum est in *Testudinis* descriptione.

Quicquid sit, structura Musculorum pulmonarium in Avibus occasionem suppeditat credendi, quod ad hanc retentionem usum præstant, dum oculis jam satis exploratum est, foramina, quæ habent ad viam in sacculos pandendam, maximam partem in carnea Musculorum parte existere, quippe quæ voluntariæ Constrictionis & contractionis capax est. Præterea retentio hæc aeris in *Chamaeleonte* manifesta est, qui pulmonibus avium similibus gaudet. Observavimus enim, *Chamaeleontem* quibusdam temporibus intumescere, ac si statim disrumpere deberet, hocque in situ longo tempore perseverare, quamvis respirationis reciprocatio ab ordinario suo passu haud recedebat; id quod fiebat ac si mediantibus hisce musculis pulmonalibus animal hocce retineret aerem in quibusdam vesiculis, scilicet in iis, quarum apertiones in muscoli partem carneam directæ erant; in aliis vero egressum & ingressum aeri liberum ad Respirationem relinqueret.

In medio binorum magnorum *Diaphragmatum* membrana reperiebatur, ut *Mediastinum* quoddam à summitate usque ad imum descendens, pro Ligamento ad cor, jecur, Ventriculum & reliqua *Ventris* inferioris viscera suspendenda, inserviebat.

Vesiculæ pulmonum à *Diaphragmatibus* & Musculis pulmonalibus separari poterant, dum qualibet peculiari sua Tunicula gaudebat. Tuniculæ hæ conjunctæ erant, constituentes geminas & non simplices partitiones. Secunda vesica duo habebat foramina vel cavernulas. Quarta tam profundè non descendebat, uti in avibus aliis, propterea quod, cum *Sternum* admodum hic exiguum, & consequenter *Ventris* inferioris Musculi majores quam ordinariè essent, vesica hæc non adeò necessaria fuit ac in aliis avibus sterni majori instructis; quo ipso opinio illa confirmatur, quam de usu huic quartæ vesicæ attributo conceptam in *Struthionis* descriptione explanavimus. Porro, *Sternum* proportionatè minus ac in *Struthione*, erat, ideo quia Musculi ad motum alarum, quas extollunt, designati admodum exigui & alis proportionati erant.

Cor pollicem cum dimidiò longum & unum versus

versus basin vel conum suum latum erat. Carnea ejus Valva velut saccum constituēbat, nonnulli unam lineam profundum.

Lingua pollicem in Longitudine & octo lineas in latitudine comprehendebat. Insinua ta erat instar cristæ Gallinæ vel Galli. *Aldrovandus* dixit, *Casuarium* & alis & Linguâ carere, pro eò quod dicere debuisset, partes hæc gaudere structura prorsus extraordinariâ in hac ave.

Oculi Globus erat valdè magnus in proportionē ad *Corneam*, cum pollicem cum dimidio in diametro, *cornea* verò saltem tres lineas complecteretur: *Chrysellina* quatuor. Nigrum marsupium ex *Nervo Optico* procedens, sese uti in aliis avibus habebat.

Hoc in subjecto cum primis studebamus observare ea, quæ circa cilium internum notanda occurrebant, quod in oculis omnium volucrum & in genere omnium animalium terrestrium invenimus. Singularia prorsus in cili hujus structura admirabili taliter se habent, ut sapientiam Creatoris evidentissimè prodant, inter alia millia; quorum artificiosam coordinationem non percipimus, idque quoniam ea solum ex effectibus cognoscimus, causas à priori ignorantes; sed hinc tali de machinâ agimus, cujus omnes partes erant visibiles, nihilque amplius requirebant, nisi ut probè ad motus actionumve rationes detegendas inspicerentur.

Cilium hocce internum in Avibus pars est membranosa supra *Corneam* protensa; dum instar velarii super eam trahitur ope cujusdam funiculi aut tendinis parvi, quodque rursus ad detegendam corneam in magnum oculi angulum retrahitur, ope fortium firmorumque quæ habet Ligamentorum, cilium inter retrahendum ad originem complicantium. Cum oculo obtensum erat, formabat triangulum: Complicatum verò Lunam crescentem. *Basis* ipsius aut origo versus magnum angulum oculi conspiciebatur in margine circuli magni à *Sclerotica* formati, quæ ubi ante prostrata vel complanata est, angulum cum ipsius parte anteriori, quæ plana, efformat; si vero super hac cornea elevatur vel erigitur, convexitatem efficit. *Basis* hæc, quæ pars est immobilis & oræ *Sclerotica* alligatur, ultra partem tertiam circumferentiæ circuli magni in *Scleroticam* extollebat. Latus Trianguli versus angulum oculi parvum spectans & se movere valens, margine vel orâ quadam restringebatur quæ locum *Tarsi* supplet inque plurimis Quadrupedibus nigra est. Cili latius hoc illud est, quod in oculi angulum motu fibrarum totius Cili retrahitur, quæ ex sua origine provenientes ad semetipsas à Tarso suo se conjungendum procedunt.

Ad hocce Cilium super *Corneam* extendendum duo aderant musculi, qui tunc apparebant, quan-

do sex motui totius oculi inservientes erant ablati. Reperiebamus binorum horum Musculorum majorem origine sua gaudere circa marginem Circuli magni in *Sclerotica*, versus angulum magnum, unde cilium originem suam ducit. Circa principium, quod magna basis est, musculus hic valdè carnosus est, atque hinc incipiens insensibiliter sese contrahere, oculique globum subiens (uti cilium supra eum transit,) ad nervum opticum accedit, ubi tendinem rotundum & exilem producit, ita ut tendinem alius Musculi pertranseat, qui loco trochleæ vel orbiculi inservit illumque impedit, ne nervus opticum premat, qui ei applicatus, angulum facit, quò per oculi partem superiorem transire, & quò, infernè infra oculum proveniens, semet inferere queat in angulum membranæ cilium internum constituentis. Secundus hic musculus suam habet originem in hoc ipso *Sclerotica* circulo, verum ex parte priori opposita, versus oculi angulum minorem: & postquam, uti alter, oculum subiit, in occursum ipsius procurrit & tendinem ejus amplectitur, uti declaratum fuit.

Actio binorum horum musculorum est, primò ratione prioris, ut mediante suo funiculo aut tendine angulum cili interni trahat, illudque super *Corneam* extendat. Quod ad secundum Musculum, actio hujus in hoc consistit, ut tendinem suum ad ipsius originem appropinquare faciens, funiculum prioris Musculi, comprehensi impediatur, ne *nervum opticum* lædat; primarius tamen ejus usus est, ut actioni primi Musculi adsistat. Quâ in structura admirandus prorsus latet mechanismus, quod fit, ut hi duo Musculi conjuncti, multo trahant fortius, ac si solum unicus fuisset. Namque funiculi primi Musculi inflexio, quæ angulum in nervo optico efficit, solum hanc in finem facta est, simplexque Musculus cum tendine recto vel angusto, sufficiens fuisset, si omnia satis protrahere potuisset. Verum protractio hæc, quæ necessariò magna esse debebat, ut cilium super totam corneam sese extenderet, fieri haud poterat, nisi ope cujusdam musculi admodum longi; cumque ejusmodi Musculus per longitudinem sui totam in oculo recondi haud poterat, nullum melius aderat remedium, quam ut actio musculi longi suppleretur per actiones duorum æqualium, unusque ex illis incurvaretur, quo eò commodius longitudine non obstante in parvò spatio posset recondi. Ipsius Figuræ inspectio multum proderit ad intelligendam hanc descriptionem, quam rei ipsius novitas in seipsa jam obscuram reddit.

Usus hujus cili interni, usque dum à nemine descripti, determinatus haud est. Nostrâ opinione *Corneam* mundam servit, impeditque ne ob exsiccationem à pelluciditate suâ remittat. *Homines* & *Simia*, in quibus solis hocce

cilium non reperimus, hac præcautione ad purificandos oculos suos prorsus carent, quoniam manus habent, quibus, cilia sua fricando humiditatem exprimere possunt, quam continent, quamque ex *Ductu Lacrymali* emittunt; id quod experiëntiâ notum, quando visus fuit obscuratus aut oculi dolorem, aut pruritus sentiunt. Fricatis enim oculis accidentia hæc cessant.

Quid quod & dissectio distinctè nobis detexerit organa particulariter hunc in finem

inservientia, quæque alio se habent modo in avibus quam hominibus, ubi *Ductus Lacrymalis Glandulam* non transgreditur. In avibus autem ultra eam procedit, & ultra dimidiam partem in cilio interno penetrans, infra supra oculum patefactus est, nullam sanè aliam ob causam, nisi ut liquorem super totam corneam spargat, cilio hoc mox obducto, mox remoto, ceu singulis momentis fieri observabamus.

EXPLICATIO FIGURARUM TAB. L.

IN PARTE INFERIORE

Observare licet Caput, cervicem & collum in pectore carere pennis: reliquum autem in corpore pilis magis, quam pennis esse oblitum: Inferiorem itidem rostri partem appendice illâ carnea, quâ Gallinæ gaudent minus esse tectam, cum illa fundo cervicis seu colli adhæreat. Ad hæc caput quadam crustâ instar Galeæ tectum esse conspicitur, rostro in fine diviso. Alæ pennarum loco quinque tantum calamis absque barbulis instructæ truncusque & pedes præter morem crassi apparent.

IN PARTE SUPERIORI

- A. A. Unam è pennis ob oculos ponit, quæ maxima ex parte duplices sunt.
- B. Linguam notat cum Larynge.
- C. Lienem.
- D. Arteriam Splenicam.
- E. Venam Splenicam.
- F. est Inguvies.
- G. Ventriculus primus.
- H. Ventriculus secundus.
- I. Appendix ventriculi secundi.
- J. Caput appendicis pylorum claudens.

- K. Vesicula fellis.
- L. L. *Ductus Cysticus.*
- M. M. *Ductus hepaticus.*
- N. *Pancreas.*
- O. Q. *Cilium internum corneæ superinductum.*
- P. Q. P. *Cilium internum à corneâ remotum & in canthum oculi majorem retractum.*
- P. S. r. Q. *Musculus magnus ciliæ internæ. Q. ejus est principium, P. Insertio. S. Nervus opticus, cui tendo musculi implicitus est. r. Aponeurosis musculi minoris.*
- R. r. *Musculus parvus.*
- T. T. *Glandula Lacrymalis.*
- V. V. *Vascula glandula lacrymalis.*
- X. a. *Ductus Lacrymalis. x. est ejus apertura versus aciem ciliæ internæ; per quam humor ad corneam spargitur.*
- Y. Z. *Musculus major extensus. Z. ejus est principium: Y. ejus insertio.*
- a. *Truncus inferioris vena cava.*
- b. b. *Vena emulgentes.*
- c. c. c. c. *Renes.*
- df, dt. *Epididymis.*
- e. e. *Testiculi.*
- d. g. d. g. *Vasa deferentia.*
- g. g. g. g. *Ureteres.*

SECTIO LX.

ANATOMIE

DOMICELLÆ EX NUMIDIA

SEU

AVIS SCENICÆ

Parisiensium.

HÆc avis sic vocata est ob certas actiones quas edit, quibus videtur imitari gestus mulierum, quæ in incessu suo complacentiâ & saltatione gratiam quandam affectant. Hæc similitudo fundamentò

aptissimo minimè destitui censenda, siquidem jam supra 2000. annos authores, qui de hac ave, juxta nostram opinionem, scripsêrunt, ipsam per hanc particularem sibi imitationem gestuum morumque humanorum designârunt.



gnârunt. Quippe *Aristoteles* ipsam vocat *ACTOREM* s. *COMOEDUM*: *Plinius* *PARASITAM* & *SALTATRICEM*: *Athenæus* ἀνθρωποειδὴν. h.e. humanâ formâ gaudentem, quoniam imitatur omne id, quod hominem facere videt, non verò quod vocem humanam imitetur, instar psittaci, uti *Gellius* hanc vocem interpretatur. *Athenæus* enim enarrat modum, quò aucupes, ceu *Xenophon* tradit, utuntur ad capiendas has aves, qui est, dum coram avibus hisce oculos suos aquâ vasis contentâ abluunt, quæ vasa aquâ plena postea avehant, relinquentes similia hisce vasa glutine plena, quò hæ aves oculos pedesque suos illinunt, dum conantur imitari id, quod alios facere conspexerunt.

Probabile verò est, quod hæc saltatrix & mimica avis Veteribus rarior fuerit, quoniam *Plinius* credit ipsam fabulosam esse, dum collocat hoc animal, quod satyricum vocat, juxta Pegasus, Gryphonem atque Syrenas. Similiter credibile est, quod hæcenus modernis ipsis incognita fuerit, siquidem hi de illâ non loquantur ceu sibi visâ, sed saltem, quod legerint in scriptis Veterum descriptionem avis, Græcis *SCOPS* atque *OTUS* dictæ. Latinis verò *ASIO*, cui illi nomen Actoris, Comædi atque Saltatricis dederunt. Ut adeò disquirendum nobis sit, an nostra Virgo de Numidiâ pro Scope Veterum accipi possit.

Descriptio Oti seu Scopis, quam nobis isti reliquerunt, consistit in 3. notabilibus particularibus, quæ in Virgine de Numidiâ conspiciuntur, quamvis non repererimus, quod ullus modernorum ipsam descripserit, nec quod similitudinem cum ullâ avium, quas Veteres descripsere, habeat, indicaverit. Tria hæcce particularia sunt insoliti gestus, quos omnes Authores ipsi attribuunt, & qui ipsi nomen Scopis compararunt, ἀπὸ τῆς σκώπ[ειν], quod juxta *Athenæum* interdum significat ludere imitando gestus, cujusdam: idem verò author dicit, quod vocabulum Scops notet saltationis speciem, sic dictam ab ave Scops, quæ quasi istius inventrix fuerit. Secunda particularitas, quâ *Aristoteles* atque *Plinius* hanc avem designarunt, consistit in quibusdam pennatis eminentiis, quas ab utròque capitis latere collocant formâ magnarum aurium. Tertia est color ipsius pennarum, quem *Alexander Myndienus* in *Athenæo* palentem & ad plumbeum vergentem esse declarat: quibus similiter addi debet, quòd iidem tradant, hanc avem esse Africæ incolam.

Jam verò nemo est, qui conspexerit Domicellas ex Numidiâ in vivariò Versaliensi, qui non observaverit, quod ipsorum incessus, gestus atque saltationes habeant magnam similitudinem cum modò saltationis Bohemicò, quem ipsæ videntur imitari. Et dici sanè posset, quod

ipsis summopere placeat, si intueamur gratiosam & decoram ipsarum dispositionem, dum saltant, & quod homines insequuntur, non quò capient id, quod pro escâ ipsis obijcitur, uti communiter sylvestria animalia faciunt, postquam cicurata fuerint, sed quò cognoscamus & contemplemur ipsas; nunquam verò desunt, si animadvertunt se observari, vel quò minùs confestim saltent cantentque.

Omnes illæ, quas secumimus, habebant plumaceas illas auriculas, quæ apud Veteres nomen Otus huic avi pepererunt. Hæ erant appendices $3\frac{1}{2}$ uncias longæ, ex pennis candidis compositæ, quæ ex teneris longisque fibris constabant, similibus pennis, quas juniores in dorsò prope alas habent. Omnes reliquæ pennæ plumbeo-glaucæ erant, quales ab *Alexandro Myndienò* in Otò describuntur; exceptis saltem quibusdam magnis pennis in alis, quæ obscurioris glaucique erant coloris, in illâ ipsarum parte, quæ visui pater, & quibusdam pennis in capite colloque. His verò non obstantibus, avis nostræ pennæ communiter sumptæ coloris plumbei haberi possunt.

In quibusdam subjectorum nostrorum, caput in vertice suò gerebat quasdam plumas instar cristæ surrectas, unciam $1\frac{1}{2}$ longus. Eadem pennæ erant ejusdem plumbei coloris per universum corpus prævalentis. Ast præterea latera capitis ejusdem pars posterior testæ erant nigris brevioribusque pennis, quàm sunt reliquæ. A canthò cujusque oculi oriebatur tractus albarum pennarum, quæ sub appendice transibat, quæ magnas pennaceas auriculas efformabant. Anterior pars colli ornata erat pennis nigris, compositis ex longis fibris multo tenerioribus atque mollioribus, quàm sunt in ardeâ juniore; eadem supra Stomachum dependebant circiter, 9. unciarum longitudine, non sinè magnâ gratiâ atque decore.

A fine rostri ad extremitatem crurum aves nostræ $3\frac{1}{2}$ pedes protendebantur. Rostrum 2. uncias longum erat, simul rectum atque acuminatum. Collum erat 14. uncias longum. Ab osse coxæ ad extremitatem maximi digiti 10. uncia mensurabantur.

Oculi erant ampli, nigris palpebris donati. Interior verò palpebra erat candida magna vasorum sanguiferorum copiâ irrigata.

Crura anteriùs magnis testæ erant squamis, 5. lineas longis & 4. latis: interiùs verò eadē testæ erant exilibus squamis figuræ hexagonæ. Solea pedum instar pellis Gallis chagrin dictæ maculata erat. Ungues erant atri atque mediocriter incurvati. Maximus digitus, qui erat in reliquorum mediò positus, ex 4. phalangibus conflatus erat, minimus digitus, qui exteriùs collocatus erat, habebat 5. phalanges; mediorum digitorum alter interiùs situs, tribus gaudebat; alter verò, posteriùs situs, nonnisi unico phalange constabat.

Hepar in quôdam subjectorum nostrorum adeo amplum erat, ut fermè omnem inferioris ventris capacitatem adimpleret. In reliquis dexter ejus lobus saltim 4. uncias longus erat, sinister verò tres. In hóc lobò, qui ventriculum contegebat, aderat cavitas ad excipiendam anteriorem ejusdem partem, quæ acuta erat, quasi acum referens. In 4to subjectorum nostrorum hepar erat scirrhum, magnâque copiâ flavorum granorum milio non dissimilium repletum. Hæc scirrhusa constitutio quadantenus intimare videbatur, quod hæc jecinora sint composita quasi ex variis exilibus lobis, qui singuli ex conglomeratione variarum glandularum sunt compositi. Pariter apparebat, qualiter rami capillares venæ portæ, cavæ atque ductûs biliarii ad quemvis lobulum distribuerentur; & facillè quis judicare potuisset, quod & quidam horum ramulorum subdivisi ad quasvis lobulorum horum glandulas peringerent, quoniam, postquam hosce ductus inflassemus, observabatur, quod in jecinoribus nondum planè induratis, exigui hî lobuli, ut & minutæ ipsos componentes glandulæ, modò universi assurgerent, modò quædam saltim ipsorum pars. Denique, sicuti sana jecinora videntur habere substantiam, homogeneam & sibi continuatam propter mollitiem in omnibus ipsorum parenchymata componentibus partibus eandem; sic & è contrâ jecinora morbo quôdam indurata apparent quasi composita ex variis separatis distinctisque partibus, quas appellamus lobos, qui similiter ex glandulis subcompositi apparent, quoniam hæc induratio non omnes hepatis partes æquè vehementer aggressa ipsas in lobos glandulasque sejunxisse videtur: dum nempe loborum illorum præternaturalium atque glandularum interstitia sunt molliora, ob quasdam sanguinis in huius interstitiis reliquias, quibus glandulæ illæ morbosæ planè destituuntur. Concedi nihilominus debet, quò differentes partes hepatis apparent separata consurgere dum inflantur vasa, ad diversos hepatis lobos distributa, suppeditet conjecturam certiorē, nempe concludendi exinde, quod hujus visceris substantia glandulosa sit, & quod glandulæ illæ non ex diversâ consistentiâ, quam scirrhusa dispositio in hepate producat, oriantur; & quamvis frequenter accadat, splenem scirrhuso obnoxium, offerre quædam indurata grana illis in hepate scirrhuso obviis similia, certum tamen est, quod splen non instar hepatis glandulosus sit: aut exinde quis suspicari possit, quod hoc argumentum sit sophisticum, & quod hæc grana gigni possint tam ex quâdam obstructione fauces vasculorum capillarium occludente, qualia sunt illa in splene, quàm ex induratione glandularum, qualibus hepar constat.

Vesicam, felleam invenimus nullam in duobus subjectorum nostrorum: in reliquis erat

exilis, figuræ ovalis, 5. lineas longitudine & 4. latitudine non excedens. Dextro hepatis lobo cervice suâ annexa erat, reliquum verò ipsius erat ab hepate solum pendulumque. Ductus cysticus ex ipsâ emergebat prope cervicem, & jejuno conjunctus erat lineam unam crassus, 4. verò uncias & 4. lineas longus; ductus hepaticus ex hepate emergebat inferior, sub vesiculâ felleâ, & nonnisi 2. uncias longus erat: idem prope cysticum intestino inferebatur.

Splen quoad substantiam hepatis similis erat, apparens quasi esset conflatus ex lobis atque glandulis, & ipse scirrhus affectus. Figura ipsius renibus terrestrium animalium quàm proxima erat, siquidem vasa splenica per gibbosam ipsius partem intrabant, non aliter, ac vasa emulgentia, renum substantiam ingrediuntur. Situs erat splen supra renem sinistram & inter duos lobos hepatis, adeo ut tertius quidam lobus esse videretur. Secundo ventriculo ope cujusdam membranæ splenicis ramos sustentante conjungebatur.

Ad fundum oesophagi, ubi ampliari incipiebat, aderant duæ glandulæ, tres lineas longæ, figuræ ovalis, rubræ & in mediò suò cavæ: eadem affixæ erant quibusdam ramis nervorum sexti paris. Oesophagus versus fundum ampliabatur ad efformandam ingluviem circiter 15. lineas in diametrò habentem, & 6. uncias longam. Inferior ipsius pars, quæ 2. uncias longa erat, substantiæ à superiore ejusdem parte diversæ existebat, nam exterior ipsius membrana crassior erat atque carnosior, atque inter hanc internamque membranam varias glandulas regulariter dispositas obtinebat, uti eadē contpiciuntur in variis avibus, & uti descriptæ atque expressæ sunt in icone Tardæ avis.

Ventriculus 2. pollices cum dimidiò longus erat & 2. latus: Ventriculo gallinæ similis, crassâ durâque carne valens. Differabat verò ab hóc quoad interiorem suam membranam, quæ erat flava, crassâ & fermè tota à carnosâ parte separata. Hæc membrana cum exsiccata fuisset, instar vitri fragilis efficiebatur non secus ac in gallo-povone vidimus. In quôdam subjectorum nostrorum in ventriculò varios reperimus lapillos, qui mutuò attritu à se invicem confracti videbantur.

Intestina 6. pedes longa & 2. lineas lata erant. Ipsorum tunica insolitè tenues erant. Quodvis cæcum. 6. lineas longum erat: Rectum prope extremitatem suam dilatabatur, & amplissimam obtinebat cavitatem, in quam ureteres cum vasis spermaticis deferentibus sexus masculini desinebant; in foemellis similiter ureteres cum canali dictò oviductus, qui est ipsarum uterus, similiter hóc in locò orificium suum ostendebant.

Aderat duplex Pancreas, inæqualiter longum, siquidem dextrum 5. pollices, sinistram 4. æquabat. Eadem annexa erant mesenterio, quod ipsis copiam valde conspicuorum vaso-

rum faciebat. Ipsorum substantia erat molli & adeò levis, ut bina simul sumpta non nisi 3j ponderarent. Ductus pancreatici à superiore ipsorum parte oriebantur. Dexter ductus 10. lineas æquabat; sinister autem saltem 8. Quamvis iidem in 2. diversis locis in intestinum hiabant, ipsorum tamen orificia interius in cavitate intestinorum sibi quam proxima erant, & ductus bilarii orificio combinati unâ eademque carunculâ, ceu vulgò fit, includebantur.

Testiculi 6. lineas longi & 4. lati erant: iidem immediatè trunco arteriæ aortæ & venæ cavæ annexi erant, versùs superiorem renum partem siti. Iidem epididymidem à testiculò liberam ab alterò sui fine pendentem obtinebant. Hæc 5. lineas longa erat, coloris viridis, testiculi verò ex albò flavi erant. Ductus deferens non ab epididymide sed ab inferiore testiculorum parte oriebatur, à quâ descendens juxtà venam emulgentem ureteri annebatur, adeò, ut ureter & vas deferens nonnisi unum constituerent ductum.

Fœmellæ testiculos masculinis similes obtinebant, exceptâ epididymide, quæ in ipsis desiderabatur. Immediatè sub testiculis situm erat ovarium ipsarum: Quod erat aggeries magnæ copiæ ovulorum, mole variorum. Nam quædam instar exiguorum pisorum se habebant, alia verò semine rapæ non erant majora. Canalis, oviductus dictus, qui parti in matricibus terrestrium animalium tuba dictæ respondere videtur, in summitate sua infundibuli instar ampliabatur, quod partem ovulorum laudatorum amplectebatur. Hoc infundibulum, quod refert fimbriam tubæ terrestrium animalium, ex tenuissimâ membranâ constructum erat; reliquum canalis s. transitus ovulorum, cujus membrana præcedente paulò crassior erat, juxtà sinistram renem descendebat, cui ope membranosi ligamenti annexum erat, unciam lati, mesenterii facie, quod juxtà venam emulgentem nascebatur, à quâ varios ramos obtinebat, qui ramis arteriarum emulgentium juncti, per membranas, ligamentum hoc componentes, dispersi erant, & similiter in tunicas oviductus transibant. Hic canalis, qui in superiore suâ parte strictissimus erat, versùs fundum insigniter ampliebat, ubi in extremitatem intestini recti terminabatur orificiò angustissimò.

Renes 3. pollices longi, & 7. five 8. lineas lati erant, more omnium avium indentati. Vasa emulgentia, scil. vena & arteria, structuræ planè differentis erant. Truncus enim aortæ directè descendens nec in 2. alios truncos divisus, ad dextram atque sinistram manifestè spargebat quosdam ramos mediocris magnitudinis. Quorum primus, tertius atque quartus, qui erant minores, renes in-

trabant, & ipsorum arteriam emulgentem constituiebant. Secundus verò & quintus, qui erant prioribus majores crurales arterias constituiebant. Sextus denique & septimus inferiori abdomini impendebantur. Truncus venæ cavæ autem postquam aliquantulum sub renibus processisset, in 2. magnos ramos dividebatur, quorum quisque demum in 2. alios dividebatur. Horum ramorum alter secundum renem decurrebat, eidemque per varios brevissimos ramos annebatur, qui erant vasa emulgentia renum. Alter verò ramus similiter in 2. alios ramos subdividebatur, quorum alter similiter venam constituibat cruralem: alter autem sub rene transiens, opposito ramo jungebatur. Ambo denique unum eundemque constituiebant ramum, suprà arteriam situm, qui instar venæ sibi respondentis dividebatur, & instar alterius in partes inferioris abdominis dispergebatur.

Ureter ex superiore renis parte ortus, sub ramum venæ cavæ transibat; at juxta renem decurrens vasi deferenti connectebatur, ad constituendum unum idemque vas, uti antea diximus.

Larynx meleagridum nostrarum ex Cricoidæ atque arytenoide carunculis conflatus erat, non secùs ac in anserè.

Annuli asperæ arteriæ erant integri, substantiæ durissimæ, ossæ quam proximæ. Figura ipsorum particularis conspiciebatur, nam singuli crenati & dentati erant duobus in locis, & sibi invicem per hanc crenam juncti, scilicet in illò locò, qui 2. colli lateribus respondebat: reliquum verò horum annulorum; quod non erat crenatum, & antè postèriusque collocatum erat, adeò ut crenis unius annuli in crenas alterius annuli intrantibus, contingeret, ut reliquum annulorum, quod non erat crenatum, antè tegetet dimidium 2. annulorum, & tegetetur postèrius iisdem annulis, quibus ipsum antè tegebat. Hæc structura efficiebat, ut annuli se invicem ingrederentur; quod tamen non nimis profundè fieri poterat, quoniam dictis modò crenis impediabantur, quæ efficiebant, ut alter annulus alterum supergrederetur, & ut arteria non tam facilè ad latera, quàm ad anteriora & postèriora incurvaretur, ubi quippe nihil aderat, quod obstaret, quò minus annuli se invicem intrarent.

Figura universæ arteriæ asperæ non minus insolita erat, quàm ejusdem structura: nam postquam secundum cervicem in lineâ rectâ propè longitudine pedis descendisset, ad exteriora convertebatur; & cum debuisset ingredi thoracem, intrabat ipsa in cavitatem quandam ossis sterni, in quâ postquam fermè 3. pollices descendisset, reflectebatur ad locum illum, per quem ingressa erat, unde in thoracem descendens in binos ramos divide-

batur. Annuli in totâ dictâ modò circumvolutione tam firmiter sibi invicem connexi erant, ut ad omnem motum inepti essent: quò nec ullatenùs indigebant, cum adeò sterni inclusi essent. Annuli illius tracheæ partis, quæ erat in cervice, erant magis liberi, quò nempe motui cervicis cederent.

Ad infimam asperam arteriam aderat osseus quidam nodus, referens figuram laryngis, quæ interius bipartita erat per exilem linguam, uti in anserè & variis aliis avibus. Rami tracheæ, ad pulmones distributi similiter, uti communiter fieri solet, superius ex cartilagineis semicirculis erant compositi, inferius verò saltim tenuissimâ membranâ præditi. Teretes muscoli illi, qui in diversis avibus asperam arteriam sterni annectunt oriuntur ex illâ sterni parte, quæ claviculæ articuletur, & inferebantur lateribus asperæ arteriæ multò altius, quàm est locus, unde oriuntur, ut proinde ipsorum actio esset, trahere asperam arteriam deorsum. Idem lineam $1\frac{1}{2}$ in diametrò & fermè 2. pollices in longitudine suâ continebant.

Cum arteria aspera inflaretur, vesiculæ pulmonum illæ, quæ in fundum abdominis descendunt, turgabant & suprà hepar elevabantur. Eòdem tempore, quò hæc vesiculæ tumescebant, œsophagus & ingluvies similiter conspiciebantur tumidæ, non secùs ac in columbis; & si œsophagus inflaretur vesiculæ laudatæ similiter insurgebant; ast aër faciliùs ex asperâ arteriâ transibat in œsophagum, quàm ex œsophagò in tracheam. Usus hujus communicationis, & viæ, per quas fit, nondum planè percognitæ sunt: nos horum discussionem ad descriptionem columbarum rejicimus.

Cor 2. pollices longum & unciam unam latum erat ad basin suam; pondus ipsius erat $\frac{3}{8}$. Pericardium cordi per diversas exiles fibras annectebatur. Dexter ipsius ventriculus, non secùs ac vulgò fit, amplior erat, quàm est longitudo ejusdem. Interiora ejusdem extraordinariè lavia erant. Valvula illa carnosa, quam aves ad orificium venæ cavæ habent, 5. lineas longa & dimidiam lineam crassâ erat. Arteriæ cordis valvulis sigmoideis, uti solent, instructæ erant. Carnosum illud ligamentum, quod unam cordis dextri ventriculi partitionem connectit alteri, longius erat atque tenuius, quam communiter esse solet.

Aorta è corde emergens in tres truncos dividebatur. Minimus illorum erat aorta descendens, quæ constituebat crucem, convertendo se versus dextram, uti in plurimis avibus idem fit. Duo alteri majores trunci axillares erant arteriæ, quæ postquam 2. exiles ramos projecissent, qui erant carotides, in varios alios majores dividebantur ramos, qui prope omnes mulculis alarum impendebantur. Carotides parùm suprà originem suam singulæ

habebant glandulam, quæ ipsis firmiter accretâ erat. Eadem glandulæ 2. lineas longæ & 1. lineam crassæ erant.

In rostrò inferiore utrinque ad linguam sub interiore oris tunicâ reperiabantur 2. glandulosâ corpora, ex quibus emergebant varii lymphæductus, qui in os hiabant, & si comprimerentur, in illud album viscosumque laticem deponebant. Aderant & 2. alia glandulosa corpora, versus superiora oris, præcedentibus multò majora. Lingua ad apicem suum carnosa erat, & ad basin suam cartilaginosa, uti in gallinis fit.


Tunica palati erat aspera, propter magnam papillarum, ut & durorum membranosorumque apicum copiam. Eadem similiter glandulosum quoddam corpus fovebat, quod 2. magnos ductus progignebat, in os desinentes. Similiter magna copia aliarum exilium glandularum ad latera laryngis detegebatur, quæ similiter quibusdam lymphæductibus gaudebant.

Cranium plus quam dimidiam lineam crassum erat. Cerebrum erat bipartitum, uti generaliter in avibus fit. Quævis ipsius pars s. medietas 11. lineas longa & 7. lata erat. Cerebellum 8. undiquaque erat linearum. Ambo hæc simul sumpta encephala nonnisi $\frac{3}{16}$. pendebant.

Interna oculi palpebra erat ampla, & facillimè super universum oculi bulbum expandebatur.

Punctum lacrymale erat duplex, rotundum atque amplissimum. Aperiebatur, uti communiter est, in fissuram inferioris partis palati. Inferior lacrymalis glandula sub oculi globò in majori canthò sita erat. Eadem 10. lineas longa & 2. lata erat. Ipsius ductus erat magnus, & inter oculum & palpebram internam terminabatur. Cum glandulæ huic ope Syringæ liquorem injecissemus, glandula multò magis intumescebat. Glandula lacrymalis superior admodum exilis erat, quippe quæ 3. lineas longitudine & 2. latitudine suâ non excedebat.

Sclerotica antèrè erat cartilaginosa, habens quasi duriorè, quàm est ipsius reliquum, anulum, tres lineas latum. Cornea habebat marginem s. circulum flavum planè rotundum, adjectâ conjunctivâ. Iris obscurè rubra erat: tapetum ejusdem erat coloris. Reliqua choroides insolitè nigra erat. Non reperiimus alteram illam membranam nigram, sacco similem, ex nervò opticò oriundam, quam semper reperiimus in avibus, quas hætenùs dissecuimus, nec verò hætenus ipsius usum indagare potuimus. Omne id, quod conjecturando assequi potuimus, est, quod hæc pars gaudeat officiò illi choroidis simili, dum ambo, inter alia inserviunt præparando humorum oculi nutrimento; qui ob pelluciditatem



tatem in ipsis planè necessariam, alimentò purissimò indigent; & partium illarum crudarum atque terrestrium planè experte, quibus corpora opaca redduntur; hæ enim particulæ, quæ fæces sanguinis vocari merentur, ab inde separantur & in choroide atque nervi optici bursâ retinentur, quæ partes exinde infestæ his fæcibus nigrescunt; id quod non aliter contingit, quàm placenta, membrana choroides, uterique membranæ polluantur, si ita loqui liceat, à crassissimâ & impurissima sanguinis parte, quam retinent, quò nimirum partes sanguinis

formando atque nutriendo foetui destinatæ puriores tenuioresque fiant. Hæc conjectura, quæ propter dictas causas quandam probabilitatem habere fortè possit, similiter confirmata est per particularitatem quandam, quam in nostrò subjectò invenimus; in quo nigra ista bursa non conspicienda, choroidem, multò quam vulgò assolet, crassiolem reperimus; quasi universa sanguinis excrementa, quæ in aliarum avium oculis in choroide & nigrâ illâ nervi optici crumenâ retinentur, in solam choroidem hîc collecta essent.

EXPLICATIO FIGURARUM

TAB. LI.

PARS INFERIOR

In ipsa Ave ob oculos ponit speciem pennarum albicantium in utroque latere capitis instar aurium conspicuarum & quâ ratione fuscæ, longæ & separatæ pennæ deorsum ad radicem colli dependeant. Quòd verò magis notabile est, positura est, quâ saltans quasi sistitur, cùm actio hæc avi ferè propria sit.

IN PARTE SUPERIORI

- A. est Truncus Aorta.
- B. Arteria cæliaca, quæ in ventriculum, lienem & hepar se dividit.
- C. Mesenterica ad pancreas & intestina abiens.
- D.D.D. Arteriæ Emulgentes.
- E.E. Cruralis superior.
- F.F. Cruralis inferior.
- G. Extremitas Aortæ, quæ ad os sacrum partesque vicinas distribuitur.
- H. Truncus venæ cavæ.
- I. Cavæ ramus iliacus.
- K. Vena emulgens.

L. Vena cruralis.

M. Truncus cruralis, qui sub renibus progrediens prope N. socio suo jungitur.

O.O. Ren sinister.

P.P. Testiculus maris.

Q. Epididymis.

R.R. Vasa spermatica deferentia.

S. Ureter.

T. Testiculus fœmelle.

V. Ovarium.

X.Y. Oviductus.

X. Infundibulum seu tuba oviductus.

Z. Ligamentum Oviductum ad renes alligans, ad instar mesenterii.

Δ.Δ. Principium Arteriæ asperæ.

Θ. Os sterni, cui circumvolutio asperæ arteriæ firmiter inhæret.

Φ. Unus è circulis asperæ arteriæ duas notas habens.

Ξ.Ω. Portio asperæ arteriæ ostendens modum, quomodo annuli ejus sibi invicem intertexti sint.

Ξ. Ea pars, quæ vertebrae colli respicit.

Ω. Pars externum colli latus respiciens.

SECTIO LXI.

DESCRIPTIO ANATOMICA

TETRAONIS

Parisiensium.

Maxima 6. illarum tardarum, quas secuimus, saltim tres pedes ab extremitate rostri ad finem posteriorum pedum extensorum continebat. Hæc magnitudo non accedit ad illam, quam Bellonius atque Turnerus tardæ attribuunt, quam illi post Struthio-camelum maximam avem esse tradunt. Nam Casuarius atque Gryphus quos secuimus, multò tardâ majores erant; alii au-

tem authores tardas suas non tradunt esse majores illâ, quam modò describimus. Aristoteles in Athenæo ipsam multò minorem tradidisse; comparat enim ipsam, quoad magnitudinem, magno cuidam Gallo. Est verò planè absurdum, quod Bellonius atque Turnerus, qui tardam conspexerunt, Plinium sequuti, de eadem sic loquantur, ut Plinium malè intellexisse videantur: Avis enim illa, quæ juxta

Plinium, maxima est post *Struthio*-camelum, est altera *Tetraonis* species, quæ non est tarda avis; *Plinius* verò saltim dicit, quod magnitudo otidis accedat ad illam *Tetraonis*. Jam verò minùs certè constat, quid tetrao sit, & quæ *Plinius* de illâ tradit, omninò non tardæ nostræ competunt; Siquidem hæc avis juxtà descriptionem *Plinii* super universum suum corpus nigra est exceptis pennis super oculos, quæ sunt rubræ: id quod minimè deprehenditur in tardâ, quæ certè habet quasdam pennas rubras & quasdam atras vel & quasdam fuscas inter plumas suas, sed hi colores in ipsâ ratione planè alii dispositi sunt.

Collum atque pedes in nostris *Tardis* multò erant longiores, quàm in illis, quas *Gesnerus* atque *Aldrovandus* descripsêrunt: sed quoad reliqua eadem sat benè conveniunt cum illarum tardarum descriptione, quam nobis hi Authores tradidêrunt. Erat verò collum ipsarum pedem longum, crura pedem $1\frac{1}{2}$. Alæ vix pedibus longiores erant, adeò ut illæ, si extenderentur, 4. pedes non excederent; id quod cum reliqui corporis mole nullam habet proportionem. Quæ est causa, quod hæc avis tam difficilis sit volatûs, ut facilè in volatu suò capiatur. *Oppianus* dicit quod inter omnes aves sola tarda canes expavescat, quoniam parum admodum à terrâ attollatur, & tam tardè procedat volando, ut canes eandem facilè captare possint.

Ob eandem causam Latinis avis tarda est vocata, unde Gallorum *Otarde* derivatum est, nequaquam verò à Græcò ejusdem nomine otis; Veteres verò admodum variè de otide loquuti sunt, unde dubitari posset, an sit eadem nostra tarda. *Albertus* vocat eandem *Bistardam*, & huic epitheto malè ab ave tarda derivato adjicit etymologiam multò istò pejorem; conjicit enim illam esse sic vocatam, quoniam generaliter duos faciat assultus volatura.

Plumæ coloris erant sextuplicis, scilicet albi, nigri, cinerei, fuscò-glauci, & denique rosei. Abdomen, coxæ, inferior caudæ pars & alæ erant albæ. Probabile verò est, *Bellonius*, qui summitatem alarum in tardis albam esse tradit, deceptum fuisse, quoniam communiter aves, quæ ullum atrum colorem in suis gestant plumis, ordinariè eundem in suis alis atque dorsò habent: id quod similiter in aliis animalibus observatur, quæ pariter dorsum abdomine magis fuscum obtinent. Anterior colli pars, caput, & medium superioris alarum partis coloris erant cinerei. Posterior verò colli pars dorsum, & superior alarum pars versus verticem ipsarum & summitas caudæ erant rubra atro dispuncta, nigris, longis, inæqualibus & quali interruptis maculis, uti in perdicibus. Quod nos movebat, ut putaremus, *Ælianum* voluisse loqui de tardis, dum dicit, quod in In-

diis sint perdices magnitudine anserum. Extremitates alarum obscurè nigræ erant. Omnes pennæ in genere, exceptis quibusdam majoribus ad extremitatem alarum positis prope cutim habebant planitiem quandam rubedinis valdè pallidæ ad roseum colorem inclinantis. Calamus similiter prope finem ejusdem erat coloris. Erant & quædam pennæ, quæ (præter planitiem fundo calami affixam) haberent & alteram, quæ modò planè extraordinariò ab ipsarum extremitate procedebat, cum medium pennarum earundem compositum esset ex barbulis firmis ad invicem quasi confibulatis, quales conspiciuntur in pennis ad volatum inservientibus, reliquum verò earundem erat, quasi fissum atque divisum in infinitum minimarum fibrarum numerum esset.

Rostrum quadantenus obscurius glaucum erat, quam capitis plumæ, tres pollices longum ab oculò usque ad extremitatem suam. Idem habebat propemodum speciem rostri gallinæ *Turcicæ*, non verò, quod *Gesnerus* tradit, rostri aquilæ, quod insigniter incurvum est.

Crura & fermè dimidium coxarum tecta erant exiguis & gracilibus squamis, figuræ hexagonalis, quarum maxima lineam undiquaque non excedebat. Digni pedum in summitate suâ tecti erant quadratis, longis rectisque squamis. Omnes squamæ coloris erant cinerei, undiquaque pelle tenui elevata. Fundus pedis pelle, instar pellis chagrin dictæ, granulata tectus erat. Digni pedum numerò non nisi tres conspiciebantur: Horum quippe posterior deficiebat, & ipsius locò aderat callositas circiter magnitudine exilis nucis. Maximus horum digitorum 2. pollices & 9. lineas longus videbatur. Ungues erant ampli, breves, parum incurvati, quadantenus acuminati, & fermè humanis unguibus similes, figuræ ovalis: maximè verò in iisdem notandum occurrebat, quod inferius non secus ac superius convexi essent; id quod ipsorum sectionem lenticularem reddebat. *Bellonius* dicit, speciem aquila *haliaëtes* dictam habere ungues tam subtus, quam superius rotundos præter naturam ungularum & unguium aliorum animalium, qui sint concavi, vel ad minimum inferius.

Tarda nostra non nidificat in arboribus, juxtà *Albertum*, quoniam non volare potest; sed probabile est, hoc fieri, quod non possit in iisdem consistere, propter extraordinariam structuram ipsius pedum, qui ad hanc functionem incommodi sunt, siquidem non habent unguem posteriorem s. caleat aduncum, & præterea solea pedum est rotunda atque expleta magnâ quâdam callositate, quæ obstat, quò minùs hæc avis ad confidendum super arbores apta sit.

Aristoteles tradit, quod Otis in *Scythiâ* non incubet,

cubet ovis suis instar aliarum avium, sed quod illa pelli leporis aut vulpis involvat & ad radicem arboris alicujus deponat ad cuius summitatem se conferat, ad observandos aucipites, quorum accessum per excussionem alarum, instar aquilæ, impediat; quod ipsum demonstrat nomen *Ovis* reverâ ambiguum inter Veneres fuisse & quandoque Tetraonem quandoque autem aliam denotare avem ab hoc longis parasangis differentem: Tetrao enim nec arbores conscendere nec alas longe de se excutiendo cum aucipitibus pugnare valet.

Cavitas auris, cujus amplitudo nonnullis avi huic nomen dedisse videtur neutiquam insolitè & extraordinaria est. In quibusdam è nostris subjectis pennis reliquis quodammodo longioribus obrecta erat: ast tam longas aures non formabant, ut in Domicellâ Numidiæ seu Avis Scenicæ, quæ conjecturâ nostra est *Ovis* genuina Antiquorum, cum qua etiam confunditur, ut in descriptione ejus ostendimus.

Hepar satis amplum est, ita ut in aliquibus nostrorum subjectorum V. pollices exæquaverit dexter ejus lobus, ita ut ad Ima corporis descenderit: Substantia gaudens firmiori ac solida, coloris cinnabari, vel miniati.

Vesica fellea, sub lobo dextro hærens, parte superiori tantum hepati adhærebat, quæ ejus quasi cervix erat. Reliquum ejus, ab hepate liberum, deorsum pendebat & inferius jejuno adhærebat. Longa erat duos pollices cum dimidio, unum tantum lata, figuram habens ovalem. Ductus cysticus in quibusdam è subjectis nostris brevis erat. Siquidem à fundo vesicæ superiori statim jejuni parti jungebatur. In aliis ductus hic longior erat, quoniam à superiori cystidis parte prope ejus Cervicem procedebat & illi ipsi loco, quem antedictus brevior occupabat, inferebatur. Ductus hepaticus è cervice vesiculæ prodibat sicque jejuno 2. dig. inferius, quam cysticus, inferebatur: sed in his tantum subjectis Cysticus à cervice vesicæ procedebat, in aliis immediate sub cystico, ut communiter in avibus accidit, insertus erat.

Substantia splenis obscurè rubescebat. Structurâ sua renes animalium terrestrium referebat 3. tantum lineas in longitudine & sex in latitudine habens.

Pancreas in primâ statim intestinorum circumvolutione situm erat, in quæ ordinariò descendit. Substantia ejus dura erat, pallidèque rubicunda. Unâ in extremitatè valde tenuè, & in altera, è quâ ductus ejus procedit valde crassum erat. Ductus autem V. tantum lineas longus erat. In uno nostrorum subjectorum duo observabantur ductus à pancreate procedentes. In alio duplex erat Pancreas, ita ut unum quodvis peculiarem sibi ductum haberet. Hi ductus omnes inserti erant prope

cysticum & quidem proprio & peculiari singulis introitu. Omnes tamen appendice quadam operti erant, instar caruncula, quæ interior & rugosa tunica intestinorum esse videbatur.

Aristoteles in *Athenæo* observat scribitque Tetraonem carere ingluvie. In nostris subjectis Oesophagus per totum sui tractum angustus erat, nisi quod aliquantulum dilatatus esset antequam ventriculo jungeretur, & quidem ad duos digitos, extra illud spatium. Hòc in loco insignis quantitas glandularum, inter duas oesophagi membranas, inclusa erat. Hæ glandulæ instaravorum seu loculamentorum apum dispositæ erant, ita ut quælibet secundum longitudinem excavata esset exiguumque quasi tubum & ductum formaret. Figura totius glandulæ erat conica & quoad crassitiem in una extremitate unicam, in altera duas lineas habens, in apicem terminata. Hæ glandulæ sibi invicem incumbabant, ita ut major extremitas tantum appareret, ubi orificium ductûs exigui occurreret. Membrana oesophagi interna, quæ parvulis illis glandulis incumbebat, adeò tenuis erat, ut per eandem videri potuerint & quando illæ premebantur, liquorem emittebant, qui similiter membranam penetrabat. Hæc membrana aliâ obtegebatur tunicâ, quæ per totam cavitatem ventriculi extendebatur, non secus ac illa quæ partem oesophagi glandulis obitam dilatabat. Hæc ultima tunica supplebat vicem tunicæ villosæ, quæ communissime & generaliter interiori Ventriculi superficiem in aliis animalibus obtegit & munit.

Structura hæc inferioris Oesophagi partis hæcque glandularum congeries in plerisque avibus reperitur, sed non tam clarè & distinctè, quàm in Tetraone: *Arantius* (qui Tetraonem quoque secuit) hæc oesophagi glandulas caruncularum nomine donavit easque dicit esse rotundas: ast probabile omninò est autorem hunc easdem tantum per tunicam interiorem observasse, quæ oculis tantum majorem uniuscujusque glandulæ extremitatem offert, cum reliqua earum pars, quæ in apicem extenditur, sub glandulis reliquis se abscondat.

Ventriculus quatuor pollices longus & tres latus erat. Ante ejusdem apertionem Gallinarum stomacho similis apparebat, ob ejus sc. duritiem, quæ in Gallinis à carnis spissitudine proficiscitur. Ast in omnibus nostris Tetraonibus pars hæc carnosa admodum tenuis & vix lineæ crassitiem excedens observabatur, omnisque durities, quæ in hoc ventriculo se trudebat, antequam aperiebatur, à solâ membranâ internâ procedebat, quæ non tantum dura & crassa erat, sed & plurimas plicas & rugas habebat, ita ut quælibet ruga suas rursus complicationes possideret, quæ insigne satis spatium replere poterant.

Rugosa hæc & plicata tunica in superficie ventri-

ventriculi interiore colorem aureum præ se ferebat. neque continua erat membranæ glandulis ingluviei superinductæ, quæ albida videbatur, sed ab illa distabat non secus ac futura panni subditii consuta cernitur. Similiter facile à parte carnosâ ventriculi separari poterat.

Hicce Ventriculus, lapidibus & nummis æreis repletus erat. Lapilli illîc magnitudinem nucis habentes observabantur. In uno horum subjectorum haud exiguus nummorum Doubles Gallis dictorum numerus inveniebatur, qui mutuâ attritione tum sui, tum lapidum intermixtorum valde politi erant, citra minimum corrosionis indicium; unde facile judicari poterat, eosdem tantum in superficie sua gibbosa & eminente attritos fuisse, parte concavâ integra & impolitâ permanente, cùm alterius instar attingi. atterique nequiverit.

Nullum quoque corrosionis signum in partibus hisce occurrebat, cum neque rubiginosæ, neque asperæ aut inæquales fuerint. In quodam horum subjectorum Ventriculus magnâ fæni quantitate refertus videbatur.

Athenæus dicit Tetraonem ruminare. In Psittaco (Gallis Parrot dicto) qui omnia, quæ antea deglutierat, ruminare solet, duos ventriculos longo ductu à se invicem separatos observavimus, qui ruminationis ergo formati esse videntur: ast in Tetraone nihil hisce simile invenimus.

Intestina longitudinem quatuor pedum habebant, duobus tamen cæcis non commensuratis, quorum dextrum unum pedem, sinistrum verò undecim digitos æquabat: quæ longitudo pro animali fænum comedente, admodum exigua videtur. Duo cæca, ut communiter usuvenit, ab eò locò, ubi colon ilio jungitur, procedunt & septem digitos ab ano distant. Non tamen à summo deorsum tendunt, ut *Arantius* se observasse scribit, sed ab imo sursum versus, ut in aliis quoque avibus repertum fuit. Tunica ilei interna secundum sui longitudinem plicata erat, haud aliter ac ultimus ventriculus in animalibus ruminantibus. Versus extremitatem hujus intestini ruga quædam majores occurrebant, quæ vices valvulæ in colo gerunt.

Ad distantiam unius circiter pollicis ab anò intestina erant contracta & retrorsum dilatata, adeo ut bursam quasi ovum capientem formarint. In hanc bursam ureteres erant inserti. Versus medietatem detegebatur cavitas exigua, in sacco jacens, qui tertium quasi cæcum formabat & communiter bursa Fabritii, ab eo qui ejus primam mentionem fecit, dicitur. Hæc bursa aut saccus duos digitos in longitudine & tres lineas in latitudine circa principium suum habebat, ubi paulo angustior erat, quam versus extremitatem. Ultra hanc cavitatem, quæ à medietate bursæ in tertium cæcum penetra-

bat, in membrana interiore bursæ ruga quædam observabatur, quæ apparenter valvulæ locum tenebat, ad impediendum refluxum versus summitatem recti & ad promovendum introitum in tertium cæcum.

Hæc observatio de tertio cæcò contrariatur iis, quæ *Aristoteles* in Tetraonis intestinis observavit, dum refert, quod minores vel pauciores habeat appendices in extremitate inferiori, quàm in aliis avibus fieri consuevit.

Renes tres pollices longi erant. Dividebantur autem satis profundè in tres lobos, juxta modum in avibus obvium. Vasa eorum simili ut in aliis avibus modo disposita erant, nisi quod binæ arteriæ crurales, quæ aliàs generaliter duplices sunt & communissimè sub renibus decurrunt, in nostris subjectis altera supra, altera verò infra renes procedendo ad coxas pergebant.

Quilibet testiculus sex habebat lineas in longitudine & duas in latitudine, forma amygdalam referens & substantiâ omninò firmâ & albicante gaudens, Epididymis, omninò nigricans & ejusdem cum duobus testiculis figuræ quatuor lineas in longitudine & sex in latitudine continebat. Præter duos testiculos in quodam nostrorum subjectorum corpus quoddam glandulosum reperiebatur, quod videbatur esse tertius. Erat autem novem digitos longum & sex latum, colore olivæ fructum imitans. Ductus Deferens, qui ab extremitate Epididymis ad unumquemvis genuinum testiculum procedit, supra venam Emulgentem, cui firmiter adhærebat, ferebatur & descendebat super Renes secundum longitudinem ureteris.


In superiori ani labio exigua appendix cernebatur, quæ locum penis tenebat; Inter tot subjecta hujus generis, quæ cultro anatomico subjecimus ne unicum quidem sexus foemini occurrebat.

Lingua non tam ossæa erat, ut *Aristoteles* in *Athenæo* eandem describit, sed extus carnea & in parte interiore cartilagine, basi ossis hyoidis affixa, instar aliarum avium gaudens. Lateralis ejus aspera erant & aculeis quibusdam obstita, quorum substantia inter cartilaginosa & membranosa quasi media erat.

Annuli arteriæ asperæ erant integri. In quibusdam horum subjectorum in quolibet latere illîc caruncula, aut si mavis, rubicunda glandula hærebat, immediatè asperæ arteriæ & carotidibus, circa medium alicujus rami affixa, magnitudine circiter aciculæ majoris: id quod commune admodum in avibus solet esse.

Cor duos cum dimidio pollices crassitie æquabat. Sacculus qui valvulam format carneam in dextro ventriculo, sub introitu venæ cavæ in avium cordibus communiter occurrentem, 4. lineas profunditate emettebatur. Caro sinistri ventriculi quatuor lineas versus basin & unicam versus apicem habebat.

TAB. LII.



In oculo Sclerotica aciem cartilaginofam præ se habebat, lineam circiter latam, quæ circum quasi circa corneam efformare videbatur. Uvea rutilans & magno arteriarum, venarum & nervulorum numero obsita erat. Iris colorem labeulinum habebat. Crystallinus tres lineas in diametro & integer oculi bulbis novem possidebant.

Nervus opticus interiora oculi ingressus expandebatur & formabat albicantem aciem figuræ ovalis, oblongæ & angustæ: à qua pro-

cedebat membrana nigricans in formâ bursæ, quæ se ipsam affigebat in latere versus aciem crystallini tendente. Hæc ipsa membrana exactius describitur & depingitur in Struthionis Anatome.

In Palato & inferiore rostri parte (quæ instar mandibulæ inferioris se habet) sub membrana has partes investiente varia corpora glandulosa latebant, quæ variis tubis & ductibus, satis visibilibus, hiabant in cavitatem oris.

EXPLICATIO FIGURARUM TAB. LII.

IN PARTE INFERIORE

Tetrao in figura naturali ob oculos ponitur, quæ in sex illis subjectis non semper eadem erat. Erant enim, quorum collum proportionem habita longius erat, quam pedes: Aliis e contra brevius id erat. Quidam rostrum magis acuminatum habebant, quàm hîc describitur. Plures tamen ita se habebant. In quibusdam etiam pennæ longius quodammodo aures tegebant, quàm hîc repræsentatur.

IN PARTE SUPERIORE

AA. Duos hepatis lobos designat.

B. Vesiculam bilariam.

C. Est ductus Cysticus.

DD. Ductus hepaticus.

EE. Ductus Pancreatici.

G. Plica tunica interioris intestinorum formans carunculam aut valvulam, quæ munit quatuor orificia ductuum, Cysticorum, hepaticorum & Pancreaticorum.

HH. Pancreas.

I. Extremitas œsophagi, ubi seipsum dilatat.

KKK. Membrana œsophagi exterior, quæ communis illi est cum ventriculo, quem regit.

LL. Membrana interior, obtegens Glandulas inferioris œsophagi partis. Hæc membrana rursus aliâ est obducta, quæ tunicam villosam format & quæ simili-

ter membrana MM. superinducta est. Hoc in locò, ad evitandam confusionem illa quidem non depingitur, facile tamen per imaginationem suppleri potest.

MM. Interna ventriculi tunica, rugosa admodum & sulcata.

N. Glandula in fundo œsophagi apici syringarum similes & hac serie disposita, ut altera alteri incumbat.

OO. Carnea & musculoſa ventriculi pars inter membranam KKK. & membranam NN. contenta.

P. Unus e pedibus, secundum amplitudinem ob oculos positus, utat vix tertiam partem naturalis latitudinis supererit.

p. Calcaneus alter, per medium dissectus, ut videri queat eundem neutiquam excavatum, sed rotundum instar Capitelli esse.

Q. Extremitas ilei,

RR. Principium duorum cacorum.

SS. Bursa major juxta extremitatem intestini recti. Aperta autem est, ut orificia ureterum & intestini caci tertii detegantur.

TT. Ureteres.

V. Tertium cacum communiter bursa seu crumena Fabritii dictum.

X. Orificium caci tertii.

Y. Plica tunica interioris bursa majoris prope rectum, formans bursulam minorem supra orificium bursa majoris.

ZZ. Orificia Ureterum.

SECTIO LXII. DESCRIPTIO ANATOMICA ARDEÆ

D. Johannis de Muralto

è Miscell. S.R.I. Acad. Nat. Cur. Dec. 2. Ann. 3. p. 270.

ARdea hæc, quoad staturam, Ciconiæ haud absimile quid referebat, colore tamen differentiam aliqualem innuebat. Erat enim armata rostro oblongo, minore tamen

& breviorè quàm Ciconia, unà cum collo, quod undiquaque plumis nigricantibus, reflexo ordine dispositis circumdabatur. Collum excipiebat corpus reliquum, inferius candicantibus

tibus plumis molle, ab alis verò ad superiora fuscum. Pedes erant longissimi, quatuor digitis ornati, quorumque uterque tres versus anteriora, unum versus posteriora protendebat. Quoad interna: ipsius peritonæum erat undique abdomini succinctum & superius coherens cum diaphragmate, suspendebatque hepar, quod ventriculum in utroque latere tenebat, duobus lobis à se invicem divisus. Vesicula biliaria inde prodibat oblonga. Ventriculus stercus pilosum continebat, ab avibus & muribus, cujus plicæ interiores omnes commodè separabantur à subiecta musculosa cute. Ranam habebat in gula, Salamandram lacerantemque. Ita quoque in Oesophago pisces conspiciebantur, ad cuius principium congeriem plurimarum glandularum vidimus, quæ pressæ liquorem fermentativum subcitrinum undique plorabant, fragidi & penetrantissimi odoris; erant autem hæ glandulæ omnes ex conglobatorum numero, cylindricæ. Reliquum oesophagi ad gulam usque erat amplum la-

tumque striis sursum versus plurimis diductis. Post separationem internæ tunicæ ventriculi villi plures ex opposito latere spectabantur. Intestina pluribus glandulis rotundis forinsecus ornabantur, cum mesenterio undiquaque connexa. In lumborum cavitatibus utrinque carnes glandulosæ erant conspicuæ, renum loco datae. Paulò supra porosi pulmones pallidique intra sua spatia, ceu totidem præsepis sepelebantur. Cor erat suspensum in medio pectore, duobus ventriculis præditum valdeque carnosum. Musculi pectorales crassitie insignes ad motum alarum accommodati videbantur. Aures patulæ acumen auditus indicabant. Oculi erant prægrandes, cerebrum verò totum flaccidum. Quoad ossa in lumbis 6. utrinque conspiciebantur. Præterea 24. colli & dorsi vertebrae observavimus. 5. insuper numeravimus costas & sternum falcata lataque apophysi præditum erat, cujus summo, clavicula, superinductâ membrana fortiori adhærebat.

EXPLICATIO SCELETI
In TAB. LIII.

- a. Os cranii.
- b. Rostrum superius.
- c. Rostrum seu maxilla inferior.
- d. Articulatio inter duas maxillas.
- e. N. 16. denotant totidem vertebrae colli.
- f. Anterior sterni pars, clavicula dicta.
- g. Latior ossis sterni pars, sive scutum pect.
- h. 5. Costas denotat.
- i. Humeri condylus.
- k. Humeri extremitas cubito innexa.

- l. Cubitus.
- m. Radius.
- n. Ossa oblonga carpi loco data.
- o. Ossa manus loco volatilibus concessa, id quod in vespertilionibus egregie.
- p. Femur.
- q. Tibia cum fibulâ.
- r, s. Pedium.
- t. Metapedium.
- u. Calcar.
- x. x. x. Digiti.
- z. Extremitas lumborum, intra quam reconduntur intestina, in specie rectum.

SECTIO LXIII.
ARDEÆ STELLARIS
ANATOMIE

ab Eodem Autore Misc. Cur. Dec. 2. A. 2. p. 60. inserta.

EJus longitudo à rostro extremo usque ad ungues quinque Spithamarum est: Collum binas, pectus & abdomen unicum, sex verò alæ extensæ adimplent. Rostrum octavam ulnæ nostratis partem tenet, apice duriore peracuto, utrinque dentato, virescit infra, supernè nigrescit. Verticis plumæ è nigro in spadiceum abeunt colorem. Collum plumis oblongis, stellatis transversisque maculis insignitis constat, reliquus plumarum co-

lor ad rusticulam accedit. Pedes sunt instar rostri obscure virentes, digitis utrinque quatuor unguibusque armati. Oculi membranâ nictatoriâ cincti, cinguloque aureo donati sunt. Lingua cartilaginea est, bifida circa basin & dentata ossique hyoideo stabilita, cujus cornua duobus articulis sunt mobilia. Caput bronchii in fine ferratum est, hiatus autem antè binis cartilaginibus, lateraliter carnosus musculis mobilibus & osseo, in dorso apice

apice cinctis, vel clauditur, vel aperitur, prout vocis modulatio id requirit. Ipsa autem trachea contiguus annulis cartilagineis usque ad pulmones necitur: de quibus Fig. 1. & 2. Tab. LIII. conspici possunt. Musculi pectorales sunt crassissimi, costis adplantati, sub iis intercostales cum triangulari conspiciuntur. Os sterni arcuatim protuberat usque ad claviculam, quæ prætenui, sed duriore membranâ cingitur, ut pectus à collo distinguatur. Cor suspenditur pericardio, à sterno, quod mediastino succingitur, in pleuram abeunte. Cor coniforme est, binis ventriculis constans, quorum sinister crassissimus est, ut vi ejiciatur in corpus universum sanguis arteriosus: dexter verò tenuis, ad solam sanguinis venosi receptionem. Pulmones à claviculâ usque ad testes costis intertexti conduntur, spongiosi & porosi vasis sanguineis perspersi. Sex utrinque costæ sunt cum sternô contiguæ: Vena cava à cordis dextra auricula per pulmones descendit supra renes in pelvi reconditos, ad quorum confinia juxta cor observantur duo testiculi albescentes, fibrosi & oblongi, ductus suos ad anum transmittentes. Hepar, velut etiam humanum, in duos lobos divisum est. Vesicula autem biliaria pyriformis è divisurâ hepatis prodit. Oesophagus amplissimus est, ut majorem piscem nullo molimine deglutiat. Stomachus internè crustâ glandulosâ villosâque munitur. Pylorus valvulâ præcluditur & admodum arctus est. Intestina tres ulnas longa sunt, fibris circularibus densata, viscosiore bile plena flexibusque glandulosis hinc inde conspicua. Intestinum cœcum simplici valvulâ, admodum parvulâ præditum est.

FIG. 13. TAB. LIII.

TRACHEA ARDEÆ STELLARIS.

Lit. a. *Lingua in basi bifida.*b. b. *Os hyoidis.*c. c. *Rima cartilaginis arthrenoidea.*d. d. *Corona dentata annulis cartilagineis imposita.*e. *Aspera arteria.*

FIG. 14. TAB.

a. a. *Aspera arteria pars ad pulmones tendens.*b. b. *Divisura bronchiorum.*c. c. *Membrana & plicabilis pars bronchiorum.*

Reliqua in Ardea observata tradit Gerhardus Blasius in *Zootomia seu Observ. Anatom.* sua pag. mihi 86. verbis ibi:

TRACHEÆ

Superiora, quæ pro Larynge haberi possunt, tribus ex ossiculis constant: horum quod est inferius rigidum valdè, posterius circulo superiori tracheæ membranæ connectentis operâ jungitur: quæ verò superiora sunt, palatum

Tom. II.

respicientia, triangularia magis sunt, exterius cavitate notabili, quam caro musculosa occupat, gaudens, interius processu singulari tracheam angustante. Connectitur hoc cum osse inferiore mediante membranâ interiora tracheæ investiente & connectente, inter se aliàs neutiquam uniuntur, mobilia omnino, Rimam satis insignem à parte postica ad anticam se extendente, efficientia, posterius, ubi circulo superiori tracheæ jungitur, motûs gratia, laxa datur cohærentia. Ad finem horum ossiculorum, ubi tracheæ uniuntur, fimbria quædam valdè laciniata notatur, cujus medio succumbunt exiguæ quædam glandulæ. Vid. Fig. IV.

Tracheæ inferiora in duos ramos notabiles dividuntur. Horum circuli cartilaginei imperfecti sunt ea parte, quæ interiora thoracis spectat, loco cartilaginis solam membranam exhibentes, secus ac contingere notamus in tracheâ totâ superiore, ubi annuli sunt integri. Circa divisuram in quovis ramo Rima singularis, sono formando dicata, adest, variè, ob annulorum dictorum imperfectorum mobilitatem summam membranæque extensionem facilè dilatabilis. Fig. VII. & IX. hæc habet.

LINGUA

Cartilaginosa imprimis est substantiæ, triangularis, aut acuminatæ admodum figuræ, latior hæc ea parte, quæ fauces respicit & utrinque prominentiâ quadam aspera prædita. Unitur hæc ossi rigidiori ab alio, quod hyoidis haberi potest, procedenti.

OS HYOIDES

Basi constat prædicto ossi continua & duobus cornubus, utrinque versus Capitis postica extensis, in duas aut tres partes divisibilibus, nec non posteriora petente tenui incurvatoque processu.

Connectitur his, similiter ac ipsi basi membrana quædam valida, plurimis ex lamellis, quas varia vasa insignia, carnosæque fibræ diversæ roborant, conflata. Gulæ parti superiori continua: Ingluvies animalis hujus meritò vocanda. Delineata hæc omnia habes Fig. I. Tab.

VENTRICULI

Hic duo, quorum primus, altero capaciore multo, contorta adeoque versus corporis latus dextrum se extendens gula est, ejusdem cum hac substantiæ, cui circa eum locum, qui primarium ventriculi constituere videtur interius circulus quidam glandulosus; rubicundus, transversus pollicis latitudinem, summam verò tenuitatem habens, accedit, ad id forsân utilis, ut Ventriculi actio hujus ope melius perfici queat.

Secundus rotundioris figuræ est, nucis molaris magnitudinem habens, ad id, ut chylum

G

lum

lum ex primò accipiat, ordinatus, valvulâ ad sui principium, ubi priori unitur, singulari gaudens, ne facillè adeò materia regrediatur. Intestinum antequam ex hoc ingrediatur materia cocta, vesiculâ quadam, tertium quasi ventriculum constituyente, pili magnitudinem habente, à latere ventriculi secundi, globosæ eminentiæ instar ab hoc protuberante, recipitur. Etiam hîc valvula quædam notatur, regressum materiæ aliquomodò impediens. Vid. Fig. II. Tab.

OESOPHAGUM.

Tunicæ quatuor constituunt, quarum exterior tenuis admodum est, fibris carneis omnino destituta: altera, quæ situ media, carnosior existit, fibris circularibus prædita: tertia, priori succumbens, subtilis satis, fibras possidet rectas seu longas, per totam gulam extensas: Quarta, quæ omnium intima, valida crassaque satis, nervosæ constitutionis est. Ob colli longitudinem (XX. hæc erat digitorum transversorum) longus admodum, XVIII. nempe digitorum, non numerata longitudine Pharyngis, quæ Ingluviei loco est, ampla valde quoties flatu adsumptisve distentitur, palati parti posticæ firmiter connata, æque ac ossi hyoideo ipsique continuæ linguæ.

COR.

Pericardio tegebatur, subtilissimæ adeo substantiæ, ut adesse spectatorum varii dubitent, flatu distentum spatii plurimum cordi exhibebat. Ventriculi hîc duo, cum Auriculis totidem. Uterque vasis insignibus gaudebat. Arteria Aorta, ex sinistro prodiens, quamprimum cordis substantiam reliquit, tres notabiles ramos, quasi truncos totidem, exhibet, sursum deorsumque distribuendos. Valvulæ in hac semilunares egregiè conspicuæ, similiter ac in venis tricuspidales.

PULMONIS

Pars superior utrinque carnei coloris, & quasi vesicularum plurimarum congeries, arctissimè dorso costisque adhærens, ast inferior, deorsum ad Lumbos se extendens, non nisi membranæ capsula.

RENES.

Lumborum in cellulis collocati, inæqualis figuræ, sanguini concreto pallidiori similes, per singularem ductum, quem urete-

rem vocare licet, se exonerant in cloacam intestinalem. Eleganter horum ductuum intersectionem in Gallinâ delineat *Graf* ubi de partibus genitalibus mulierum.

PANCREAS.

Molle, albicantis coloris, trium ad minimum digitorum longitudinem habens,

VESICA FELLEA.

Ampla valde, bile, ex viridi nigricante, satis lentâ, graviter distenta, ex hujus parte superiore ductus bilarius prodibat, vesicæ in suo descensu cohærens. Terminabatur hic in renue intestinum, loco satis à pyloro remoto. Ductum etiam alium, ab hoc distinctum, ab hepate rectâ procedentem, quale quid in variis aliis avibus notamus, hîc quoque observare licuit. Sit hæc vesicæ hujus ductusque utriusque delineatio, quam habet Fig. VI.

INTESTINA.

Variè, sursum inprimis atque deorsum, contorta, ejusdem omnia amplitudinis erant, excepto eo quod Rectum; utpote quod paulo capacius, vix sex digitorum transversorum longitudinem habebat, circa sui principium exiguam particulam, superiora versus acuminatam, appendicis instar agnoscens, quam pro cæco adsumamus, nil est quod impediatur: Circa extremum ubi cloacam magnam constituit, circulari valvulâ, regressum fæcum impedire valente, gaudens.

CLOACA.

Hæc nihil aliud est quam intestinum rectum, substantia tenuius, capacitate amplius; eam enim distenta flatu amplitudinem assumit, ut etiam sat magnum ovum recipere queat. In hanc & intestinum Rectum se exonerat, & Ovarii ductus in sexu foeminino ovum suum deponit vide Fig. VI.

OVARIUM.

Ductus, antequam intrat cloacam dictam, valde ampliatur, sic ut vesicam quandam singularem constituere videatur; circa hujus ingressum valvula quoque adest circularis, rugosa itidem, similis illi quæ circa intestini in Cloacam introitum, stercori præcludens viam in ductus ovarii extremum dictum. Delineationem hujus ductus Valvulæque dictæ vide in Tractatu dicto *Grafii de mulierum organis genitalibus*.

EXPLICATIO RELIQUARUM FIGURARUM

TAB. LIII.

Ardeam concernentis

FIG. I.

Ingluvies cum lingua &c.

- a. Lingua b. b. membrana ingluviem constituens.
- c. Ossis hyoidei pars anterior.
- d. d. Ejus latera.
- e. Pars superior ad posticâ se extendens.








FIG. II.

Oesophagus cum Ventriculo.

- a. Gula.

b. Pen-

TAB: L III



- b. *Ventriculus primus.*
 c. *Ventriculus secundus.*
 d. *Ventriculus tertius.*
 e. e. *Valvula dua.*
 f. *Intestinum.*
 g. *Reclinata pars, quò valvula videri que-*
ant.
 h. h. *Circulus glandulosus internus transpa-*
rens.

FIG. III.

Oesophagus.

1. *Tunica ejus exterior seu prima.*
 2. *Tunica secunda.*
 3. *Tunica tertia.*
 4. *Tunica quarta seu intima.*

FIG. IV.

Tracheæ superiora.

- a. *Introitus ad tracheam.*
 b. *Lateralia musculoſa offibus impoſita.*
 c. *Ora ſimbriata.*
 d. *Globuli glanduloſi.*
 e. *Trachea ipſa, poſterius.*

FIG. V.

Pars Laryngis inferior.

- a. *Os inferius.*
 b. *Trachea, anterieus.*

FIG. VI.

Vefica biliaria &c.

- a. *Vefica.*
 b. *Ductus Cysticus.*
 c. *Intestinam.*
 d. *Ductus Hepaticus.*

FIG. VII.

Laryngis inferiora.

- c. *Membrana.*
 d. *Rima ſeu ingreſſus ad tracheam.*
 e. *Semicirculares cartilagineſ.*

FIG. VIII.

Officulum laterale, ea parte quâ interiora
 tracheæ reſpicit.

- a. *Proceſſus ejus externus.*

FIG. IX.

Laryngis inferiora.

- a. *Trachea.*
 b. *Rima ſeu introitus ad tracheam.*
 c. c. *Membrana.*
 d. *Circuli cartilaginei.*

FIG. X.

Intestinum Colon, Rectum & Cæcum.

FIG. XI.

Intestinum Rectum &c.

- a. *Intestinum Rectum.*
 b. *Ejus Cloaca aperta.*
 c. *Valvula intestini rugoſa.*
 d. *Ovarii portio.*
 e. *Ejus valvula rugoſa in Cloach.*
 f. f. *Ductus Urinari.*

FIG. XII.

Oſſa lateralìa, unita.

- a. *Oſſa hac, musculis ablatis.*
 b. *Rima ad Tracheam.*

NOTA.

Cum Ardeis affinitatem quandam habet
 PHOENICOPTERUS, cujus descripti-
 onem Anatomicam dedit *Jacobus Douglas*, An-
 glus, sub Rubrica: *The Natural History and*
description of the Phœnicopterus, or Flamingo,
with thvvo Views of the Head, and three
of the Tongue, of that beautiful and uncom-
mun Bird, by *James Douglas M. D. Reg.*
Soc. Membro. Exhibetur in eâ Figura capi-
 tis & linguæ ad vivum, quam posteriore in
 summis delitiis habuerunt Romani.

SECTIO LXIV.

DESCRIPTIO ANATOMICA
 CICONIÆ

D. Joh. Conrad. Peyer,

è Miscellan. S. R. I. Acad. Nat. Cur. D. 2. A. 2. Obs. 97. p. 245.

EXperimentis, quæ ad illustrandam Hi-
 storiam de ruminatione & ruminanti-
 bus requiruntur, intentus, præteritâ
 æstate Ciconiam inter alia diffecui, quod apud
 Ælianum legissem id animalium genus pullis
 suis ante deglutitum cibum (*) refundere: quæ

(*) hoc sapissime me observasse sanctè testari possum.

actio mihi affinitatis plurimum habere videbatur cum ruminatione atque etiam differre ab eô, quod columbæ facitare consueverunt, pipionibus suis escam reddentes: namque ingluvies est columbino generi, triplici anfractu insinuata, quâ Ciconiæ penitus destituuntur, utpote quibus etiam *Fabritius ab Aquapendente* ventriculum unicum tribuit.

Igitur re inspectâ & gulam valdè amplam reperi & ventriculum in alvô vastum ac planè carnosum atque callosum, aliter tamen configuratum, quàm anseribus & gallinis, è quarum ventre nihil potest vomitu aut aliâ ratione sursum expelli, ob muscutorum & callorum pertinaciam & conjunctionem arctissimam. In ciconiæ ventre laxiora erant omnia & fibræ carneæ robustissimæ ac penitus musculosæ utrinque ex intermediô centro anguloso excurrentes in amplum orbem conjungebantur, superstitite insigni cavitare ad escam recipiendam. Fibris istis se repentè constringentibus fieri o-

mninò potest, ut per gulam iterum ejiciatur, quicquid fuerat ingestum cibi. Exstat & aliud singulare naturæ artificium, limbus nimirum aut valvula rugosa prope pylorum, ita connivens, ut dum venter fortius commoveretur, præcludendo caveat, ne quid crassamenti impetuosè ad intestina penetraret. Ante ventriculum in stomacho observabatur sinus ille glandulosus quo volucrum plurimæ gaudent, succum fundente instar fermenti efficacem ad resolvenda alimenta. In ventriculo nihil præter scarabæos & cantharides devoratas reperi; succus autem glandularum stomachicarum penè croceus erat ac turbidus. Non ignoro Excell. *Dn. Joh. Jacob. Wepferum* nostrum de ciconiæ ventriculis *Ephem. Dec 1. Anno 11. Obs. CCLI.* curiosa multa literis consignasse, at neque hoc, quantumcunque est, superpondii ingratum atque incuriosum fore confido, cui iconem, quæ adhuc desiderari posse videbatur, adjungere libuit.

EXPLICATIO FIGURARUM TAB. LIV.

IN PARTE INFERIORI

Loco Ciconiæ nulli non cognitæ è *Gazophylacio Besleriano* aliam Avem aquaticam & usque dum minus cognitam ob oculos pono. Animal hoc capite monstruosum & cucullatum, in aquis natare ex decubitu naturali conjicere licet. Comam quam in fronte cernis, ferruginei coloris: Ex parte maxillarum plumæ flavescentes repullulant, quæ in extremitate nigriores factæ circum egregiè repræsentant. Collum cum ventre albicat. Dorsum cum alis cineritii est coloris: extremitas tandem in albas desinit plumas. Pedes cum adnatis membranulis semicirculis,

distinctis albicant, ubi in quolibet pede unicum tantum unguem animadvertere licet.

IN PARTE SUPERIORE

TABULÆ LIV. FIG. I

Ventriculum Ciconiæ sistit, ubi

- Lit. A. *Gula abscissa portionem denotat.*
 B. *Bulbum stomachi glandulosum, glandularum basibus orbicularibus transparentibus.*
 C.C.C. *Ventriculum ipsum, ovi formâ, fibris carneis, tanquam radiis undique à centrô ad circumferentiam deductis.*
 D. *Centrum angulare nerveum seu tendo, cui ex adverso alius, intelligatur oppositus.*
 E. *Pylorus cum intestinorum principio.*

DISSERTATIO ANATOMICA DE CICONIA,

D. Laurentii Straussii Prof. Giffensis.

DE Ciconia (cujus vivæ Anatomen præteritâ ætate, discendi causâ, rudi quidem Minervâ pro modulo meo institui) quædam nunc publicæ censuræ submissurus, videor mihi audire quendam huic Studio non adèd faventem, qui ex *Joh. Michaeli*, Ciconiam ita contra me insurgentem quasi introducat:

*Inter Aves multas meritò mihi parciturum,
Nec corpus penetrant noxia tela meum.*

*Vin' causam? tardos annos pietate parentum
Sublevo, me pietas vult sine cade mori.*

Verum enim vero cum omnia propter hominem, homo autem propter Deum sit, non est, ut tam utilis œconomix animalis investigatio (cujus amplitudo se ad omne genus animalium extendit) tuâ hac, ô! Ciconia! pietate sufflaminetur; quando nec aliis iccirco avibus, quæ non minùs quoddam nobis variæ virtutis simulacrum præbent, parci solet; Vivis enim

fig. I.




fig. II.



enim, uti & illæ, non tibi potissimum, sed homini, cui in te jus vitæ ac necis datum est. Quid? quod jam cum aliis quibusdam tuæ cohortis sociis, eam gloriæ partem participes, ut dum culter in viscera tua non tam sævit, quam inquit, calamus quoque, tuarum virtutum memor, laudes tuas disseminet.

Vtrumque verò ut fiat commodius, ipsum primò *Ciconia nomen*, quod varium est, expendere placet. Dicitur *Græci πελαργός*, quod conflatum esse observatur ex duobus contrariis nigro scil. & albo; Sonat enim *πελὸν τὸ μέλον, καὶ ἄργον τὸ λευκός*. Vocatur & *Publio Syro Crotalistris*: sic *Philostratus* in *epist. ad Epictetum*; καὶ τὰς πελαργὰς, inquit, ἐπειδὴν παρίοντες ἡμᾶς κροτῶσιν, id est, *ciconias cum ad nos prætereuntes crepitant*; id enim ibi *κροτῶσιν* significat: undè *Ovid. l. 6. Metamorph.* ita canit:

Sumtis quin candida pennis

Ipsa sibi plaudat crepitante CICONIA rostro

Quò etiam ipsum latinum *Ciconia* nomen ab Autoribus plerisque referri video, siquidem, teste *Isidorò*, *Ciconia quasi cicante* à sono, quò crepitant, dictæ sunt. In nostrâ linguâ nomen habet à *σῶργῃ*, id est, ab amore pio, & ardente mutuò, qui inter parentes & liberos, ut & inter mares & foeminas intercedit. Alia altioris indaginis, tanquam à meo proposito aliena, lubens dimitto, rem ipsam potius aggreffurus.

Est autem *Ciconia* *Turnero* describente, avis mediæ magnitudinis inter gruem & ardeam, pennis albis & nigris distincta, unde *Scaliger Exercit. 132. Omnes* (struthiones) inquit, *fuscò & albò picti sunt, uti mihi dixerunt mercatores Africani. Quod ut melius intelligerem, Ciconiæ colori comparabant.* Est cæteroquin avis apud nos quidem notissima, ut externam ejus figuram accuratius descripturo, objici queat illud *Comici*: *Obtrudis, tamen si intelligo*: Interim *Italus* minus nota, ut *Aldrovandus* testatur. Quamquam, si *Plinio* habenda fides est, olim inibi habitavit; cui tamen, quoad nostra saltem tempora, regeri posset, quòd in suâ *Physic. Curios.* ingenuè fatetur *Schottus*: Ego, inquit, *viginti duorum annorum spatiò, quibus continuo partim in Sicilia, partim in Italiâ habitavi, nullam unquam (ciconiam) me vidisse memini.*

Quicquid hujus sit, non litigabo, qui primitiis hisce Academicis non laureolam, sed potius B.L. veniam ambio: Quam quidem Romanos primam ludentibus fabulam semper concessisse, ex illorum monumentis patet. A Capite igitur ut (ceu par est) fiat initium, haut quidem adeò magnum *Ciconiæ* à Naturâ datum esse constat: præsertim si quis reliquam corporis molem cum eâ patte, quæ constituit cranium comparare voluerit, satis interim inibi cerebri dixeris inesse, cujus causâ, æquè ac

in cæteris animantibus, summum locum, tanquam regiam, Natura tribuit, reliquis membris omnibus, quæ à cervice usque ad imos pedes pertinent, pro basi suppositis. Notandum autem circa *Ciconiæ cerebrum*, quod in genere de Avium cerebro notarunt Anatomici, quod nempe, sicuti cerebra hominum & quadrupedum, in plerisque similia existunt, ita quoque volucrum & piscium capitibus contenta, ab utrisque prioribus longe diversa, inter se, quoad præcipuas ἐγκεφάλου partes symbola reperiantur: adeò ut Cerebri figura involuctibus, si cum hominum & quadrupedum perfectiorum Cerebro contuleris, veluti inversa esse videantur. Qua de re cum omnium optimè, & prorsus ad propositum meum egerit ingeniosus *Willis de Anatom. Cerebri c. 5.* ulterioris cerebri *Ciconiæ* descriptionis labore facile supersedere possum.

De *Oculis*, quanquam inter reliqua sensuum externorum ὄργανα, præcipuam dignitatis laudem sibi vindicent, non est tamen, ut propterea moras agam; quando in parte hac, notatu aliàs dignissimâ, nihil, quòd quidem *Ciconia* præ cæteris obtinuerit singulare, observare potuerim.

Rostrum verò involvi silentiò non debet, siquidem sonus, quò crepant, oris potius, quam vocis est, ut loquitur *Solinus*; qui tamen *rostrum* melius dixisset. Hoc in pullis (unà cum pedibus nigricat, in adultioribus rubet; & sicuti valdè insigne ac longum est, ita quoque sonum edit satis vehementem, sed non minus inconditum, de quò inferius fortè plura. *Gruis* rostro, si colorem & densitatem exceperis, cætera haut adeò absimile deprehenditur. Notatu insuper dignum puto, quòd è rostrò *Ciconiæ* aqua subinde, præsertim hiemali tempestate in his quidem locis exstillet, qui liquor num fortè ex vasis sublingualibus, aut latitantibus in carne linguæ glandulis promanet, aliis decidendum relinquo. Vtriusque verò tam rostri, quàm colli, longitudo, ob quam nomen τὸ δαλιχδέριον, huic alii datum, sicuti satis est insignis; ita quoque usu suò non caret, de quò *Galenus l. 2. U. P. c. 8.* consuli potest. Dum vero jam *Rostrum* diducere adgredior,

Ecce! de *Linguâ* incidit quæstio, non parùm hætenus agitata. Quippe alii *Ciconiæ* brevem, alii verò, cum *Solino Plinioq.*, planè nullam concedunt. Hac de re quid judicem non habeo, inquit suprâ memoratus *Aldrovandus*, cum nondum adhuc avis ad manus meas pervenerit; caret enim ager noster his avibus. Video tamen Germanum, qui eâ de re encomium scripsit, asserere linguam quidem, sed brevissimam habere &c. Huic ego Germano subscribendum esse reor, qui linguam utique valdè brevem, eamque ex parte osseam reperi. Non crediderim tamen hunc in usum *Ciconiæ* datum, ut eâ cum comparis sui generis individuis confabulari, vel suam

suam voluntatem riè detegere queat, prout quidem *Camerarius* & *Oppianus*, adductâ una alterave historiola, persuadere credulis velle videntur. Immò si vel maximè his concederetur, aves hæc, vel alias quoque bestias, suarum cogitationum familiari ipsis lingua communicare, ecquis, quæso, nobis hæc colloquia interpretaretur? Cùm nec *Apollonius Tyaneus*, vel *Melampus*, vel *Tiresias*, de quibus *Porphyrus* scribit, amplius reperiantur! Sed transeant hæc fabulæ, quando non nisi homini Rationem & hujus interpretem Orationem competere constat: nec solum loquelæ, sed & aliis usibus inservire linguam posse, lippis & tonsoribus notum est.

Quotiescunque igitur vocem edit, non congenita id fieri linguâ credi debet, quin potius

Glott erat immensò de turre Ciconia rostrò:

Et sanè longè rectius sonum hunc duabus rostri partibus invicem collisis adscribi, hincque alitem hanc, *Crotalistrum*, uti audivimus (quod ad instar *Crotali* vel crepitaculi, ex duplici æreâ laminâ, vel duobus ossiculis facti, crepiter) dictam fuisse, suò confirmat judiciò doctiss. *Salmasius*. Neque vero hic excludendum putem respondentem colli longitudini *Asperam arteriam*, cùm suis *bronchiolis*, ut ita dicam, per *pulmones* non adeò quidem magnos, eosque satis flaccidos, disseminatis: quamvis enim ambientis aëris portio sic collisa potissimum ad edendum hunc sonum facere videtur, non minus tamen hæc quoque respirationi dicata ὀργάνον suum symbolum, ob aëris progressum, conferre, haut absurdum. An autem os *hyoideum* potius laryngis, vel linguæ causâ, constitutum sit, ex Amici *Schelhameri*, mihi *Jenæ* communicatâ mente, in *Disput.* pag. 10. 12. 13. exposita, doctioribus decidendum relinquo. Videtur a. *Larynx* non fulcire linguam, nisi mediante osse hyoideo; nec laryngem aut dictum os attolli nisi per accidens, mota scil. basi linguæ; os dictum etiam firmiter adhærere ossi scapulæ, discendi cupidus cupio erudiri.


Cor satis magnum & figurâ humanum exprimens, suisque non destitutum valvulis conspiciere licuit. Occurrebant etiam hac in tam necessariâ ad edendas vitæ actiones machinâ fontes illi, unde flumina, quibus totum corpus irrigatur, derivantur; quos jam dudum *Hippocrates* suis in monumentis commendavit. Possem equidem h. l. excurrere ad *questionem* illam arduam, qua disceptari solet: num Cordis motus sanguini potius, quam ipsi Cordis musculosæ substantiæ adscribendus veniat? Verùm cum *Louwer*, *Bohnus*, alique viri ἀνατομικώτατοι hoc negotium accurratè perfecissent, temerarium foret, tantis ingeniis non assurgere eum, qui modò his sacris coepit initiari. Lucem magnam huic rei affert *Thef.* 30. & 31. *Caspar. Bartholinus Junior. Thoma, Ana-*

tomicorum hujus tempestatis Antesignani, filius, in singulari & doctissima disputatione *Posit. Anat.* hoc anno habitâ.

Pergo itaque ad regionem infimam; ubi se primo obfert *Ventriculus*, qui, uti *cornigeris* & *ruminantibus* Animantibus est quadrifidus, ita *pennatis* triplex, docente id, & ingeniosè explicante *Aristotele*, tum l. 3. de partib. animal. c. 14. tum l. 2. histor. animal. c. 16. quò nemo majorem talia discendi occasionem habuit, *Alexandro Magno* feras omnis omninò generis præceptor liberatissimè sufficiente; ne quis cum *Ulpiano Tyro* Dipnosophistâ apud *Athenæum* lib. 8. c. 12. curam ejus & diligentiam portentosam cavilletur. Quadruplex illud cibi potiusque receptaculum eruditè hinc etiam exposuit, simulque accuratam, omnibusque numeris absolutam singulorum loculorum effigiem, si quis alius, exhibuit *G. H. Velschius*, in suâ de *Ægagropil. dissertatione* doctiss. p. 10. quò lectorem remitto; interim ad *Ciconiam* ut regrediar, duplicem potissimum me vidisse memini *Ventriculum*; unum illum, membranaceum, *Latinis* ingluviei nomine exprimi suetum, quò scil. alimenta tantum recipi videntur, ut inde leviter cocta, ejiciantur in pullos, cùm aliàs pennatorum pulli haut nutrentur; alterum vero carnosum satis, duraque interiùs obvestitum membranâ; dubiò procul, ut alimentum durius tantò commodiori ac validiori amplexu retinere queat: Et sanè prorsus hac in opinione confirmor, si delicias illas, (varia vescorum genera puto) quas ibi deprehendi, considero: erant ibi enim cicadæ, & muscæ majores, varii generis scarabæi, multique & magni imprimis teridones, adhuc ferè integri & immutati; quorum vestigia ingluvies exhibebat satis manifesta. Eccui non salivam moverent hæc illecebræ? fatendum tamen mihi est, salivam quasi animo meo inde motam fuisse, ut plura mihi optatim individua, quò accuratius omnia conspiciere valerem; sed jam reliqua cohors discesserat, quæsitura locum, ubi, (ut cum laudato *Aristotele* lib. 8. histor. animal. c. 16. exprimam) φωλεῖν, latitare posset.

Quare secundis hæc omnia curis relinquenda erant, si vitam concesserit *vita Arbiter*, cuius hinc quoque & bonitatem, & sapientiam cernere licet, à *Sperling.* in præfatione *Zoologiae* suæ Physicæ elegantissimè deprædicatam! Interim aciditatis humoris ventriculi fermentalis, (quam *Helmontius* adeò extollit, urgetque) hîc nullum feci periculum; feci tamen in canibus, & non tam acidum, quàm insipidum, aut levi quandoque salsedine imbutum deprehendi liquorem, ut hætenus in sententia *Cl. Mabbii*, quam de *Uf. Ventriculi* p. 186. seq. proponit, prorsus acquiescam.

De *Intestinis*, (quæ longus quasi ventriculus sunt) nil jam nisi hoc adjicere placet; duplex *Ciconiam* exhibuisse *Cæcum*, instar lumbrici



brici duplicis apparens, utroque latere unum, quale in avibus plerumque, modò majus, modò minus, conspiciere datur. Duplex in *U-lulâ* repertum Intestinum cæcum eleganti figurâ delineatum *Acta Hafniens. Medic. volum. 2. obs. 98. p. 241.* exhibent. Huc etiam pertinere videntur, quæ de *Appendicibus* scribit *Aristot. l. 2. histor. anim. c. 17.* ubi: *Tenue, inquit, Intestinum plurimæ quoque parti avium est, & simplex resolvi potest. Appendices autem illæ pauca in avibus sunt, ut dictum est, nec suprâ, ut in piscibus, sed infrâ, quâ desinit intestinum. Habent eas non omnes, sed plurimæ, ut gallinaceus, perdix, anas, ciconia, ascalaphus, anser, olor, tarda, noctua. Minoris etiam generis nonnullæ habent, sed perexiguæ, ut passer.*

Hepar (quod aliàs in homine sub septo transversò ad costas, & quoad majorem partem in dextrò hypochondriò digiti transversî distantia, ne motus ejus impediatur, situm habet) in *Ciconiâ* utrumque latus æqualiter occupare deprehendi, quod plerisque avibus commune perhibent, cum *Aristotele*, Zoologi; ipseque etiam in multis canibus, gracilem & longum lienem habentibus, me observasse memini. Rubicundo satis colore se commendabat intuenti, nec mole parvum dixisses, institutâ cum reliquò corpore comparatione. In frigidioris intemperiei corporibus, ut & timidis & gulosis majus esse *Hepar*, physicorum quidam volunt: In *Ciconiâ*, num singula locum habeant? fortassis haut absque ratione quæras. Ego, si quid judicare possum, neutrum firmò locò stare dicerem. Immò dicam in conflictu, si antagonists placuerit, dicamque expeditius, quàm, si de intricatò Bilis ad *Hepar* regressu lis mihi ab aliquò moveatur.

Vidi equidem, *Ciconiam* non carere bile, quâ aliàs *Cervos*, *Equos*, *Columbasque* destitui, nonnullis est persuasum; sed falsò: quamvis enim eam non colligant in vesiculam sub Epate, tamen per porum felleum ad intestina trajiciunt: num v. ad *Hepar* retrogrediatur? dicere non possum; nimis enim parva vasa oculorum aciem effugerunt; Tentavi idem in canibus aliquot, & visus mihi sum tale quid vidisse: verum, ut ingenuè fatear, nimis ardua hæc res est, quam ut me (cujus est discere, non docere) Palæmonem admittat; præsertim cum dudum viris doctiss. *Deusingio*, *Highmore* aliisque, non paucis, fuerit suspecta: quin ipse *Holterhoffius* hac in parte *Sylvio*, Præceptoris quondam suo, contradicere non dubitat, prorsusque æstimo, dignissima esse, quæ *Exerc. 6. §. 34. seqq.* & alibi affert, ut probe ponderentur. De Bile aliàs hanc ad rem singularia habet *Wilhelm. ten Rhyne*, Imperatoris Japoniæ pronuper Archiater, nunc Medicin. Professor in Bataviâ novâ orientali, in suis *Meditationib. de Veter. Medicin. p. 119.* quæ ta-

men hîc ulterius ut ponderem, instituti ratio haut permittit.

Lienem in *Ciconia* mea non animadverti: nec propterea, nullum habuisse, dixerim, sed parvum. Docet *Aristotel. 3. part. animal. um c. 7.* universalem quidem omnium Viscerum usum esse, ut, veluti anchoræ suspendunt naves, ita viscera venas & arterias in sublimi teneant; particularem autem Hepatis & Lienis, *Βοηθῆν πρὸς τὴν πείψιν τῆς τροφῆς.* Explicationis causâ addit: *Hepar habent omnia sanguinea; LIENEM non habent omnia. Quæ autem habent, propter adjumentum coctionis habent.* Et *3. de part. animal. c. 4.* τὰ μάλισ' ἀπληροβούμενα, id est, absolutissima, & perfectissima animalia habere, inquit. Sed cur non æqualis omnia magnitudinis? rogas; dicam iterum verbis *Philosophi*: In quibus lien necessarius non erat, in iis hepar est *δεμῆρες*, cujus altera, & major pars in dextris est, altera & minor in sinistris. Liceat mihi, quod *Aristotel.* absolute asserere aliquibus forrè videri posset, ex *Eodem 3. de part. 8.* per *Tò deficere à magnitudine*, explicare; ne quis me *Erasistrati* deliramento; Lienem frustra à Naturâ factum esse, contendenti, favere putet. Sic in *columba*, Lienem quidem, sed exiguum valdè, inter hepar & ventriculum situm habentem; pariter & in *Anate* talem, rotundioris quidem figuræ, hepatis succumbentem inveni. Insectis tamen, citra omnium controversiam, non est lien, quamvis illud tritum passim usurpetur; *ἔχει καὶ μύα σπλῆνα, habet & musca splenem!* Quin & in pecoribus in *Creta* vix apparere hoc viscus, eò quod *Asplenium* herbam copiosè comedant, autor est *Landus*, cui hæc dirimenda relinquo. Quod si Lien, juxta *Aristotelem*, excrementò attrahendò inservit, jam patet dictæ exiguitatis ratio, de qua re caute *Philosophus*: *Quibus parum excrementi gignitur, inquit: usque adeò perexiguum est Lien, ut sit QUASI nota gratia.* Unde verò parum excrementi gignitur in Avibus? puto, quia parum sanguinis elaborant. Unde & serosus humor non opus habet peculiaribus receptaculis, superfluum enim in sanguine in pennas absumitur; quàs cum *Ciconia* habeat satis magnas, Lien exiguus sufficere potuit; siquidem fermentatio necessaria non fuerat in imperfectâ coctione ejus, quæ perpetuam quasi ac naturalem lenteriam, cum volatilibus plerisque, experiebatut.

Immò quoque nullus fortean adesse potuit, judice *Aristotele*, propterea quod *Ciconia*, uti aliæ aves, *Renibus & Vesica* careat; sanè in *Chamæleonte* verum hoc esse invenit, ejusque in examine annotavit *Panarolus p. 201.* ubi multa de *Lienis* usu scitu ut dignissima, ita ad hunc scopum maximè facientia legere est. Ita teste laudatò *Arist. l. 2. hist. anim. cap. 15. pag. 863.* Capriceps avis liene omninò caret. Hinc *Vesica*

sica, ex sensu Galeni, ἀντίστοιχὸν Lienis, quæ aves, pisces, & si quæ alia animantia non metunt, destituuntur. Sic etiam Helmontius, tr. de Adit. præclus. ad Cond. viscerum §. 13. Non metunt, inquit, aves, quia vesica & renibus carent: idemque fert de Sudore iudicium, quem nec lassas experiri propterea, vult, quod aves omne supervacaneum excrementum insensibiliter eliciant &c. Interim tamen, me in Lienis investigatione non satis oculatas adhibuisse manus (propterea quod pleræque avium Lienem ventriculo circumductum habeant,) confiteri, quàm ejus hîc existentiam negare, malo: talis quippe visceris, cui peculiaris fermenti elaborationem à Naturâ commendatam esse, tot eò ductæ arteriæ (alia ut nunc taceam) persuadere nobis velle videntur.

Et hæc jam de iis, quæ mihi, Ciconiæ viscera obiter investiganti, apparuere, rudi penicillô describere volui: accuratius examen secundis, ut dixi, curis reservaturus; non pauca enim tùm de Cerebrô, hujusque præsertim Glandulâ Pineali, (quam nonnulli adeò admirantur, ut regiam humanæ Mentis sedem constituent, quos tamen non parùm à verò aberrare arbitror) tùm de generatione Ciconiæ, hujus-

que ut & aliorum volucrum ovium, quæ ne guttulam unquam sanguinis possidere, à foru tamen generantium paucos intra dies sic alterari, ut rubicundissimus inde nascatur sanguis, experientiâ edocti hætenus benè multi asserunt) investiganda restant; ut jam de insigni utilitate, quam Ciconia in Artis Medicæ areolas ubertim diffundit, nihil dicam.

Interim, ne virtutes Ciconiæ plane intactas relinquam, sed datam in procœmiô fidem liberem, multa compendiô dicturus, utar verbis Sperlingii, qui eleganter, more suo: *Profunt, inquit, omnibus Ciconiæ, nocent paucis. Columbas non dilaniant, ut Accipitres: Gallinas non rapiunt, ut Milvi: Non vescuntur cadaveribus, ut Vultures: Non in conspectu hominum congregiuntur, ut Anates: Non furtô res auferunt, ut Corvi: Sed Justitiam, castitatem, prudentiam, & omnem virtutem exercent.* Hæc laudatus Autor; quæ ita quidem exponenda iudico, ut nec hominis, ad imaginem DEI creati, prærogativæ atque dignitati quicquam officiant, neque fabulis (quæ passim in Antiquorum monumentis circa hoc argumentum deprehenduntur) relinquant locum.

S E C T I O L X V. DESCRIPTIO ANATOMICA C Y G N I

D. Georgii Wolffgangi Wedelii,

è Miscell. S. R. I. Acad. Nat. Curios. Dec. I. A. II. Obs. XII. pag. 30.

Miramur insolita & lusu sæpe errantis Naturæ producta in animalibus, vegetabilibus, sed sæpe quæ toto die Natura parturit, ignoramus. Detegit hæc anatomia cultro igneque facta. Præ reliquis memoratu dignum est *Cygni Sternum*. Illud antica parte excavatum est eò modò ut in fornice, pro recipienda aspera arteria, quæ ubi sese in hæc interiora inclinaverit, sursum affectat viam & in pectus inseritur. Nullum est dubium in aliis etiam brutis sectione non adeo frequentatis plus quam Dædaleum Naturæ artificium & singulare aliquid contra reliquorum

ordinem spectari posse. Ita videmus in Taxo maxillam inferiorem superiori ita accuratè insertam ut illa nullò modò excidere possit, sed ut fores in cardine suo consistat, ut post mortem sine ullo vinculi nexu per se firmetur sursum deorsumque mobilis.

Ut melior pateat ossis sterni in Cygno constitutio, transmitto figuram *Sceleti Cygni* in vicino lacu transfossi, quod pronuper in Cime-liothecam Serenissimi nostri Principis ERNESTI, Ducis Saxo-Gothani illatum & gratiosissimè Academiæ Naturæ Curiosorum delineatum concessum fuit, ut ære incidatur.

EXPLICATIO NOTARUM

In Fig. infimâ TAB. LV.

- a. Arteria Cygni aspera.
- b. Ejusdem in sternum excavatum insertio.
- c. Os pectorale triquetrum.

d. Arteria aspera in pulmonem euntis pars.

FIG. I.

Integrum exhibet Caput à musculis liberatum.

FIG. II.

Os hyoides.

SECT.

TAB: LVI

fig:iii.



fig:ii.




fig:1




fig:v

fig:iv.



SECTIO LXVI. ANATOME ANATIS ET ANSERIS

Marci Aurelii Severini

Zootom. p. 337.

IN ANATE MARE

Ossa pubis in artum convoluta. Omentum tenue, ut pura membrana.

Intestina per partes pari mensurâ rer, aut quater conduplicata. Crassa venosiora.

Lactes in medio intestinorum superiorum & rami in eis choledochi non dissimiles sunt à quadrupedibus.

Ventriculi cavitas, ubi conficitur cibus, transversim posita ad totum ejus corpus.

Oesophagus parte infernâ quâ spectat superius orificium, maximè amplius, musculô præditus, qui figuram formamque habet loriceæ.

Sinus ventriculusque prior, qui bocium dicitur, peramplus.

Splen minimè rotundus, sed veluti tricuspis.

Aspera arteria benè longa in fine habens cartilaginem quandam, velut crepundium rotundatam. Certâ mihi conjecturâ persuadeo conceptaculum esse aëris, quo respirat in aquâ animal.

Cor paribus magnitudine auriculis præditum.

Dextra & sinistra asperæ arteriæ, duo descendunt musculi longissimi, qui ad initium cartilaginis crepundiatae inseruntur primo, vix quasi rursus enascentes utrinque ad brachiorum exortum porriguntur.

In oculo ejusdem multa præclara; figura quidem minimè rotunda, sed veluti vasculum Magdalena sine basi & cum rotundo operculo; vel sicuti flos punici mali si floris summum rotundum fiat, vel esset uti bacca:



Conjunctiva non ita crassa, ut in plerisque solet, & cum iridi propinquat, degenerat in Zonulam quandam transverse ambientem, substantiâ ferè osscâ.

Cornea non valdè nigricans, sed potius rufescens, velut immaturior olivastri bacca.

Uvea nigra tota, non internè varicolor.

CrySTALLINUS verè phacoides, ad flammam condensatur.

Vitreus non condensatur. In capitis ossibus multa observatu digna.

IN ANSERE.

PAUCULA. Anseri, qua mesocolon primum recurrit, cæcum unum appendiculum, præter duo alia inferiora, carnosum internè, longitudine ac formâ digiti minimi modò nascentis pueri diremptum, in duos velut articulos, atque ejusmodi quasi intestinuli hoc fragmentum duobus veluti vinculis æquè colligatum sit. Figuram autem refert d'un crisello di spada nostrate.

ALIA

DESCRIPTIO ANATOMICA ANSERUM

D. Joh. Conradi Peyer,

è Miscellan, S. R. I. Acad. Nat. Cur. Dec. 2. Ann. 1. pag. 199.

IN Anseribus præcipuè Stomachum & Renes notatu digna censet Autor. Prior similis quodammodo est ventriculo Gallinaceo, TOM. II,

uti ex TAB. LVI. Fig. 2. & 3. apparet, ubi A. A. repræsentat Oesophagum musculosum, B. ventriculi suburbium, h. e. gula appendicem intesti-
star

star bulbi protuberantem, fibris musculosis obductam & glandulosam, ita ut glandularum bases O. O. O. O. transparent. D. D. musculus præ limine ventriculi, E. E. E. E. musculos collaterales robustissimos. F. tendinem alterum musculorum collateralium G. musculus lunatum seu transversum in fundo ventriculi. H. Pylorum. I. Internam gula superficiem porosam. K. K. Suburbii interiora cum glandularum papillis eminentibus.

Renes anserinos ob oculos ponit Fig. I. Tab. LVI. ubi A. A. A. A. A. A. A. A. A. A. A. renum figuram demonstrant ex pluribus lobulis glandulosis compositam.

B. B. B. B. Ureteres.

C. Ovarium.

D. D. D. Oviductum striatum & supernè patulum.

E. Capsulam sive bursam membranaceam inter utrumque Ureterem positam, cum

quibus tamen illi nihil intercedit commercii.

F. Cloacam.

g g. Ureterum exitum.

h. Oviductus meatus

i. Amplum hiatum, qui tendit in bursam membranaceam.

K. K. Intestinum crassum.

L. L. L. L. L. intestina caca gemina.

M. Ilei portionem.

IN PARTE TAB. 56. INFERIORE

Anser in Fig. nat. sistitur, qui in Regionibus Orientalibus est rarissimus, ita ut Abyssini in Europa summo opere admirati fuerint Anseres domesticos, quorum ne verbo mentio fit in Sacra Scripturâ.

Jungitur illi in Fig. V. *Onocrotalus* (vulgò ein Kropffgans / cujus sceletum, Sîs, vide in Aldrovando.

SECTIO LXVII. DESCRIPTIO ANATOMICA GALLINÆ

D. Joh. Conradi Peyer

In Miscell. S. R. I. Acad. Nat. Cur. Dec. 2, A. 1. Obs. 85. p. 205.

IN Gallinis notabile est duplex Intestinum cæcum, quod exhibet FIG. I. & II.

TAB. LVII. in cujus parte inferiore loco Galli & Gallinæ Phasianus cum foemella traditur, prout *Harvæus* jamdum in *Tr. de generatione Avium* observavit. Sc.

A. A. A. A. Ilei portionem tradit.

B. Intestinum crassum.

C. C. C. C. Intestinum cæcum unius lateris.

D. D. D. D. Cæcum alterius lateris.

E. Locum ubi cæcum utrumque coit cum reliquis intestinis.

F. eundem locum apertum.




FIG. 3. Exprimit hepar pulli Gallinæ, intra ovum latitantis.

A. est Cor. B B. Hepar. C. Vena umbilicalis. D. Porta sinus vena umbilicali insertus.

FIG. 4. Repræsentat ductum intestinale in pullo, per quem nutritur pullus.

A. est Ovum. B. B. Intestinum. C. Ductus intestinalis justo major. a. a. a. a. Arteria trans Intestinum ad vitellum tendens. Vid. *Needham de Form. Fætus* p. 122.





S E C T I O L X V I I I .

DESCRIPTIO ANATOMICA MELEAGRIDIS SEU PINTADOS *Parisiensium.*

AVes, quas hic describimus, sunt genus gallinarum, dictum *PINTADO*, propter exactitudinem figurarum, quæ apparent quasi manu pictæ in ipsius plumis; figuræ enim hæ non sunt irregulares & tanquam accidentaliter factæ, uti in reliquâ avium turbâ fieri solet. Hæc est genuina causa, quod quidam Veterum exquisita his avibus dederint nomina: Nam *Varroni Plinioq.* eadem vocantur *VARIE*, *Martiali* verò *GUTTATÆ*, ob maculas np. albas, quibus universum ipsarum corpus est respersum atque variegatum, quasi diversis guttis respersum. Ipsarum ova similiter picta & variegata sunt, ex albô nigrôque; sed hæc diversitas & variegatus color est res naturalis & perpetua in his avibus, quas hæc particularitas sejungit à communibus gallinis, quæ in genere avium fermè sunt solæ, quæ non habent pennas semper ejusdem coloris in sua quavis specie, cum gallinæ absque discrimine sint albæ, nigræ, glaucæ, flavæ, aut ex his omnibus coloribus mixtæ. Alii authores nostris Pintadis dederunt alias appellationes desumptas à regione, in quâ communiter & in sylvestribus gignuntur (in Africâ np.) dum ipsas vocant gallinas Africanas, barbaricas, Numidicas, Guineenses, Mauritanicas, Tunetanas, Phasicas h. e. Ægyptiacas. *Marcgraavius* tradit, quod in regnô Congo appellentur *QUESELE*. *Plinius* refert, quod eadem similiter appellentur *MELEAGRIDES*, quoniam, uti ipsius tempore fabulis vulgatum est eadem veniebant quotannis ex Africâ in Boeotiam, & seipsas plangebant prope sepulcrum *Meleagri*, cujus sorores in aves has conversas Poëtæ fingunt. Quidam opinantur, quod Meleagris sit Gallus Indicus seu Turcicus, qui in seqq. excutiendus erit.

Decem itaque Meleagrides, quas secumimus, magnitudine, & fermè specie externâ gallinam cortalem referebant. Quidam judicant, quod melius perdicem exprimant. Ast longitudo colli ipsarum & crurum, quæ omninò superabat etiam longitudinem colli crurumque gallinæ cortalis, nos moverunt, ut hanc comparisonem minùs approbaremus: saltem deprehendebamus, quod caudam deorsum infle-

xam instar perdicis gestarent. Sed in iisdem nulla occurrit nota característica magis ipsis cum gallinis peculiaris, quàm carnosæ appendices, quæ utrinque ex ipsarum maxillis dependent, quæ in nullâ aliâ ave cernuntur, & quæ similiter in meleagride in quibusdam à gallinarum appendicibus differunt; uti postea explanabitur.

Universæ ipsarum pennæ nonnisi 2. fulgebant coloribus, sc. albô & nigrô. Albedo ubique perfectissimè candida erat: niger colore similiter in quibusdam locis perfectè ater, ast in plurimis obsoletus erat, & ad obscurè glaucum colorem declinans.

Vertex colli locò plumarum saltim albam cæsariem gestabat, quæ meliùs pilos quàm pennas exprimeret. Hi pili duas circiter lineas longi, superiora versus reflectebantur, contrà ac communiter in pilis pennisque fieri solet. In quòdam subjectorum nostrorum versus occiput hi pili ferè unciam exæquabant longitudine suâ, & quasi cæsariem capillorum repræsentabant. Inferior pars colli exiguis obscurè glaucis investiebatur pennis ex albô variegatis. Hæ pennæ insensibiliter 3. unciarum longitudinem & unam unciam latitudine exæquabant. Dimidium harum pennarum utrinque versus radicem calami instructum erat barbulis quasi glauco-albâ planitie, suprâ dimidiam unciam utrinque longis. Quævis barbula subdivisa erat quasi in varias teneras serraturas atque fila versus extremitatè suam. Prope calamum radices harum barbularum sibi invicem junctæ erant per exiguas fibras, quibus pennarum ad volatum inservientium in *Struthio*-camelô descriptæ barbulae combinari solent. Altera medietas harum pennarum composita erat ex eadem barbularum specie, quæ erant duriores atque firmiores. Eadem erant obscurè glaucæ, albis rotundis maculis intermixtis, 2. lineas diametrò ut plurimùm continentes. Eadem æquali utrinque ordine constituebant tres series, 6. in quâvis serie barbulis occurrentibus; ita quidem, ut sexta cujusvis seriei barbula, quæ ipsi cum opposita serie communiserat, & cujus similiter sextam constituebat, occurreret in radicem calami seu styli. Hic stylus, qui

erat ater, albus fiebat in locò macularum dictarum albarum, quasi pelli atræ essent quædam aquæ fortis guttæ adpersæ, quæ ipsius colorem mutaverint: id quod *Martialis* locum illustrat, in quò Meleagrides appellantur guttatæ.

Pennæ alarum aliter maculatæ erant; habebant quippe duplicis generis maculas, quarum quædam erant rotundæ, aliæ verò oblongæ. Hæ maculæ erant albæ in fundò nigrò trium diversarum specierum: nam ubi pennâ alterâ pennâ integitur, hic fundus simpliciter obscurè-glaucus erat; in reliquâ pennâ hic fundus omninò niger erat in circulò albæ maculæ; reliquum ejus albis & nigris labeculis variegatum apparebat.

Clytus Milesius, *Aristotelis* discipulus, qui Meleagridem in *Athenæo* exactissimè describit, plurimus est in describendâ particularitate formæ & coloris pennarum harum, adeò ut & observaverit, quod nigredo, quæ albarum macularum marginem occupat, sit reciproce cum albedine intermixta, in formâ ferræ: quod ipsius assertum atque mens difficilimè percipi potest, nisi quis has pennas ipsarumve figuram conspexerit: quapropter in nostrâ figurâ hæc exacte designari curavimus.

Cauda, ceu ante declaratum est, parùm deorsum inflexa erat, uti in perdicibus. Crura exiguis pennis cuti arctè appositis & quasi agglutinis testæ erant; hæ pennæ obscurè glaucæ & albedine variæ instar reliquæ totius avis observabantur.

Caput implume erat; superior palpebra saltem longis nigrisque pilis gaudebat iursum elevatis. In vertice capitis gestabant cristam s. galeæ speciem, quam moderni scriptores Mitræ Ducis Veneti assimilant. Crista ista *Marcgraafio* mitella cutanea appellatur. Deprehendimus verò, quod saltem in summitate suâ aridâ & rugosâ pelle obscurè ferini coloris à rostrò avis ad occiput ejusdem usque exporrectâ testæ esset, postquam eandem suprâ oculos rescidissimus. Interiùs verò spongiosæ substantiæ erat hæ cristæ, mollioris quàm os, & ceu laudatus modò *Clytus* dicit, est quasi caro indurata exsiccatave instar ligni: id quod facilè quemvis inducere posset, ut opinaretur, quod *Dalechampius* & *Casaubonus* citrà rationem & æquum antiqua Athenæi correxerint exemplaria, in quibus scriptum est, hanc cristam esse σῶμα ξυλοειδές, substituendo pro σῶμα χρῶμα; quamvis enim color hujus ligni quasdam lignorum species exprimat, revera tamen ejusdem substantiæ s. corpus (σῶμα) magis quamvis ligni speciem exprimit, quam ejusdem cristæ color, (χρῶμα) quoniam colores lignorum magis à se invicem differunt, quàm earundem corporales substantiæ. Præterà *Dalechampius* falsus est, quod hæc cristæ masculis peculiaris sit; nos enim eandem in omnibus nostris subjectis, tam masculinis, quàm foemininis invenimus.

Oculi erant ampli & aperti; Poëta *Sophocles*, juxtà *Plinium*, tradidit succinum ex lacrymis ab oculis Meleagridum Indias incolentium decidentibus generari.

Rostrum Meleagridum nostrarum Gallinæ rostro simile erat. In duobus subjectorum nostrorum invenimus in mediâ rostri radice cæsariem, conflata ex 12. vel 14. filis 4. lineas longis & circiter exilis aciculæ crassitiem æmulantibus, quoad colorem verò & substantiam setam porcinam referentibus. Ex utroque rostri latere livida pellis versus oculos, quos cingebat, & circà quos nigrescebat, extendebatur. *Bellonius* diserrè asserit, quod eadem sit alba circà oculos. Pellis ista constituebat palpebras, & binas appendices substantiâ partim carnosâ, partim cartilaginosa gaudentes contegebat; hæ appendices utrinque ex genis dependebant superiori maxillæ affixæ, non verò inferiori, uti quidem sunt in gallinis, & uti *Bellonius* in meleagride suâ ipsas depinxit. Nos easdem variè figuratas in nostris subjectis comperimus: in quibusdam enim erant ovals, in aliis quadrangulæ, in reliquis denique triangulæ. Eadem similiter colore differebant. *Marcgraafius* simpliciter dicit quod ipsæ sint rubicundæ. Nos verò observavimus, quod rubræ in foemellis, in masculis verò livido-coeruleæ sint: Quamvis omnes authores tradant, quod hæc avis nullâ externâ gaudeat notâ, quâ sexus ipsius discerni possit. Huic coloris diversitati *Columella* superstruit suam distinctionem inter Africanam s. Numidicam gallinam & Meleagridem, ubi dicit, quod gallina Africana gestet appendices rubras, meleagris verò possideat easdem liventes: non verò probabile videtur, quod tantilla differentia diversas possit constituere species; siquidem hi colores in eodem omninò subjectò facillimè ex levissimâ causâ mutari possint, uti quotidie in gallo pavone conspiciamus, cujus appendices, dum stomachatur avis, rubent, cum de reliquò palleant, si placidus sit galus.

Ad latus harum appendicum posteriora versus clarè conspicitur meatûs auditorii orificium, quod in reliquis avibus plumis caput integentibus absconditur; hoc orificium est exilissimum, fortè, quoniam nudum & implume est.

Pedes, qui, ceu dictum modò, altissimi, obscurè glauci erant. Insignes quædam squamæ eosdem anteriùs contegebant; posteriùs verò nonnisi pelle infinitò numerò exilium eminentiarum, quales in pelle Chagrin dictâ conspiciuntur, exasperatâ gaudebant. Tres anteriores digiti ad tertiam usque ipsorum partem pelle instructi erant, quæ ipsos, non secus ac anserum in pedibus conspiciamus, conjungebat. Posterior denique digitus erat brevis, maresque post pedem nullò calcari pollebant.

Postquam hæc in Pintadis nostris annotâsemus,

femus, & ea, quæ Veteres de ave Meleagride scripta reliquērunt, legissemus, omninò absonum esse credidimus, si opinioni *Turneri*, *Belonii*, *Gesneri*, *Aldrovandi* & omnium, qui de hac ave seculis posterioribus scripsērunt, authorum accederemus, utpote qui censent, quod Meleagris Veterum sit Gallo-pavo, non verò gallina Africana s. pintado; probatu enim facilitimum est, quod omnia, quæ Veteres de Meleagride tradidērunt, in Pintado conspiciantur, & quod nil planè istorum in gallo-pavone occurrat, qui è contrà quædam sibi peculiaria possidet, quæ in Veterum Meleagride planè desiderantur. Nam particularitates, quas *Clytus* Meleagridi avi attribuit quales sunt crista colore & substantia lignosa, barbæ s. appendices genarum, copiosæ albæ maculæ, maximâ ex parte regulariter & symmetricè in pennis dispositæ, figurâ & magnitudine lenticulæ semen referentes, crura in masculis calcaribus vidua, & omnimoda maris foemellæque similitudo in Pintado manifestæ sunt, in gallo-pavone verò planè desiderantur. Præterea id quod *Plinius* narrat de ave meleagride, optimè convenit Pintadis nostris, minimè verò Gallo-pavoni s. Calecutico. Dicit autem, quod meleagris sit avis in lacubus fluviiisque vivens: Verum enimverò pellis, quâ Pintado inter digitos pedum instructa est, nonnisi in animalibus aquosa & paludosa loca incolentibus conspicitur à quibus Gallo-pavo planè abhorrere cognoscitur. Denique impossibile esset, ut in exactâ, quam de Meleagride nobis Veteres reliquērunt, descriptione, si gallus esset Calecuticus, ut particularia illa & notabilia, quæ in gallo-pavone apparent, in Pintado verò desunt, omitterentur, qualia sunt modus explicandi caudam, quod gestet alas ad terram dejectas, quod cristam suam in capite erigat, & pro lubitu demum dejiciat, quod collum habeat asperum & planè implume, & quod nigrorum pilorum congeriem in pectore possideat.

Porrò quoad internas partes, œsophagum, uti in plurimis avibus, ad dextrum arteriæ asperæ latus situm invenimus. Idem priusquam thoracem ingrederetur, ampliatus ingluviem pilæ palmaris capacem, si inflaretur, constituebat; postea contrahebatur & angustabatur, quò thoracem pertransiret commodius. Hæc coangustata œsophagi pars $2\frac{1}{2}$ uncias longitudine adæquabat. Universus hic œsophagus magnâ vasorum respersus erat, quæ in progressu disparebant, & à dilatatione œsophagi, quàm pro ingluvie habuimus ad ventriculum pergebant. Hæc œsophagi pars s. hæ fauces œsophagi substantiæ erant durioris, albidioris, magisque quàm sunt ejus reliquæ, nervosæ. Ventriculus gallinaceo erat similis. Maximâ ex parte nonnisi sabulò turgidus reperiabatur. Interior ipsius membranâ insigniter rugosa erat, & à carnosâ ventriculi substantiâ faciliè separa-

batur. Ipsius substantia albo visco erat similis, adeò ut hæc membrana à ventriculò separata faciliè exsiccaretur, duraque & instar vitri fragilis fieret.

Intestina 3. pedes erant longa, non adnumeratis 2. cæcis, quæ singula 6. uncias adæquabant. Duodenum reliquis intestinis multò erat majus, siquidem plusquàm 8. lineas continebat. Cæca non ubique erant æquè lata, uti in avibus communiter sunt, sed sensim ampliora fiebant. Eadem per membranas mesenterio connectebantur, ex quò non secus ac reliqua intestina, vasa sua recipiebant. Pancreas desiderabatur.

Hepar in 2. divisum erat lobos, qui singuli in vertice suò habebant quandam cavitatem ad excipiendum cordis apicem. Dextri lobi cavitas major erat atque profundior, quàm altera in sinistro, quoniam cordis apex ad dextram magis inclinabat. Inferior loborum extremitas annexa erat diaphragmati, quod à superioribus ad inferiora descendebat ad vesiculas, quas pulmones in inferiore avium ventre efformant. In subjectorum nostrorum plurimis hepar erat scirrhosum & magnâ copiâ granorum durorum & flavorum (quorum quædam pisum magnitudine æquabant, quædam verò ipsò minora erant) repletum Vesiculam felleam nonnisi in duobus subjectorum nostrorum invenimus. In alterò novem lineas longa 6. verò lata erat. Ductu à fundò ipsius orrò gaudebat, qui intestino prope pylorum interebatur. In alterò eadem unciam $1\frac{1}{2}$ longa erat, & 4. lineas lata, concavæ dextri hepatis lobi parti annexa: Ductusque exoriebatur ex ipsius mediò, non verò ab inferiore ejusdem extremitate, & denique intestino 4. digitorum à pylorò intervallò inferebatur. In reliquis subjectis vesicâ felleâ destituta, ramus hepaticus amplissimus & valde conspicuus reperiabatur & V. uncias longitudine æquabat, & intestino 6. unciarum post pylorum intervallo inferebatur.

Versus superiorem partem ventriculi aderat corpus ovale 9. lineas longum, coloris obscuri-rubri & substantiæ firmæ. Idem connexionem habebat cum truncò venæ portæ, cavæ & aortæ, ut & cum intestinis & Ventriculò, per quosdam valde conspicuos ramos. Quidam Moderni scriptores observârunt, quod aves ventriculò carnosò gaudentes splene destituantur. Nos tamen opinati sumus, quod laudatum corpus nil aliud, quàm splen esse potuerit, tam propter ipsius connexiones, quàm propter sympathiam, quam cum hepate habere videbatur: quoniam deprehendebatur, quod in omnibus subjectis hepatis scirrhom affectis, & hæc pars indurata esset. Equidem dura & compacta hujus corporis consistentia in subjectis scirrhom obnoxiiis, ipsiusque figura tam regulariter ovalis faciliè quem movere posset, ut

pro testiculô acciperet: ast aderant 2. alia rotunda corpora, 4. lineas in diametrô contentia, adinguina sita, & truncis venæ cavæ & arteriæ aortæ annexa quæ corpora genuini erant testiculi. In quôdam subjectorum nostrorum hæc rotunda corpora erant simplicia seu nonnisi unum, & ad divisionem aortæ in ramos iliacos sita.

Postquam asperæ arteriæ aërem inflassemus, continuo omnes intumescabant vesicæ, quæ aërem, postquam pulmones pertransiverit, recipiunt, & quarum quædam in avibus ad abdomen usque descendunt; observabatur, quod insimul & pericardium inflaretur. Hæc observatio quoddam pondus habere videtur ad detegendum respirationis usum, & comoda indaganda, quæ aër, ope respirationis thoraci infusus cordi afferre possit, per compressionem, quàm inibi producit, per impressionem qualitarum suarum, per receptionem fumorum indefinenter ex corde, ob continuum ipsius calorem, exhalantium.

Membrana pericardii non arctissimè connexa erat cordi, uti communiter, fieri solet, sed magnâ ex parte versus apicem extensa & largior facta erat, constituens saccum seu appendicem dimidiam unciam longum. In quôdam nostrorum subjectorum hæc appendix multò erat longior; nam inter duos hepatis lobos descendens, ventriculo connectebatur.

Aspera arteria postquam cavitatem thoracis intrasset, duos exiles acquirebat musculos, qui ipsius anteriori parti combinati erant, & qui ad unum alterumque latus vergentes quadantenus ad inferiora, per varias fibras cordis vasis uniebantur. Hi muscoli singuli circiter unciam longi erant, instar chordæ rotundi & ferme duas tertias lineæ partes crassi. Eisdem musculos in plurimis avibus reperimus: in plurimâ ipsarum parte asperam arteriam sterni combinant.

Pulmones ex spongiosâ constabant carne, variis exiguis cavernulis, quæ caput aciculæ vix caperent, & regulariter dispositis, tam plenis, quam inanibus, gaudente, ac tenerimâ tunicâ intectâ. Idem coloris erant pallidè rubri, ad cinereum vergentis, 2½ uncias longi, 9. lineas lati, & 5. crassi.

Cor unciam 1½ longum erat, & unciam unam latum versus basin suam idem valde acuminatum erat. Aorta ex sinistro ventriculô egressa directè ad interiora conversa erat & in corde delitescerebat dextrâ auriculâ tectâ; adeò, ut ex dextrô ventriculô egredi videretur, & decussata in locò hòc, quò ad dextrum latus descenderet. Ob eandem rationem sinistra carotis similiter ex corde procedere videbatur, quamvis ex aortæ truncò prodiret. Divisio trunci aortæ, quæ iliacos format ramos, unciam 1½ inferior erat, quàm divisio iliacarum venarum in cavâ. Idem rami multò minores erant, quam iidem in venâ cavâ. Ipsi inserviebant pro ramis emulgentibus, siquidem renes ipsis annexi hærebant. Emulgentes venæ cavæ rami similiter ex iliacis venæ cavæ ramis oriebantur; & postquam renibus conjuncti essent anteriora petebant, non secus ac arteriæ emulgentes. Idem aortæ truncus, post ipsius in iliacos ramos divisionem, pergebat & descendebat ad anum usque projiciens varios ramos ad dextram atque sinistram ad formanda vasa cruralia.

Cerebrum nil peculiare habebat. Observavimus saltim 2. osses apophyses, circiter exiguæ aciculæ crassitie, & 2. lineas longæ, quæ utrinque ex craniò prodeuntes, uniebantur sibi invicem, & inter cerebrum & cerebellum angulum constituebant.

CrySTALLINUS humor magis intrâ oculum, quàm extrâ eundem convexus erat.

EXPLICATIO FIGURARUM TAB. LVIII.

IN PARTE INFERIORI

Depicta Pintado avis in radice rostri nullâ gaudet casarie, illius instar cuius caput in superioribus figuris ob oculos ponitur. Reliqua autem particularia quod spectat in denario avium harum, quas describimus, notatu digna erant sequentia: scilicet cauda deorsum versus, ut in perdice, pendebat, cervix autem seu collum, ut & pedes longiores, quam in perdice: Pedes membranis inter digitos gaudebant, ut in avibus aquaticis observatur: Caput Casside instructum: Tuberositas in dorso duabus appendicibus donata: Totus denique plumarum apparatus niger & obscure gryseus, albicantibus punctis interstinctus.

IN PARTE SUPERIORI

- A.B. Una est pennarum ex alis petita: in quibus A. partem alarum minus testam, B. autem partem alarum aliis pennis obtectam designat.
- C.D. Pluma quadam è ventre petita, ubi C. est pars ipsius pluma, qua tegit inferiorem partem lit. D. signatam.
- E.F.G. Caput ad vivum delineatum, in quo E. est Crista circa radicem rostri erumpens.
- G. Carnosa barba.
- g. Cavitas aurium.
- H.H. Musculi parvi & graciles arteria aspera.
- I.I. Arteria in pulmonibus in duos ramos divisa.
- K.K. Carotides, è quibus sinistra immediate è corde videtur egredi.



L. *Deflexio & decussata arteria aorta ad latus dextrum.*
 M M. *Cor.*
 N. *Auricula dextra.*
 O. O. *Hepar.*
 P. *Vesicula fellea.*
 Q. *Ductus bilem in Intestina derivans.*
 R. *Intestina.*
 S. *Stomachus.*

TT. *Vena iliaca.*
 V. *Testiculus bifurcationi Vena iliaca affixus.*
 X. *Vena emulgentes.*
 Y. *Continuatio trunci in aorta juxta Venas iliacis.*
 aa. *Arteria iliaca emulgentium vices gerentes.*
 bb. *Renes.*
 cc. *Ureteres.*

SECTIO LXIX. ANATOMIE GALLI INDICI MITU-PORANGA

Dicti

à Societate Regia Parisiensi instituta.

AVem hanc Gallum Indicum vocamus, ut eandem à communissimâ illa, quam Gallum Turcicum vulgò dicimus, distinguamus. Allata erat ex Africâ, ubi juxta ea, quæ nobis referebantur ANO vocatur. Verum quum nomen hoc prorsus sit incognitum & omnes alii Autores, qui de ave hæc egerunt, eandem generi gallinaceo adscripserunt, & Gallus Indicus nomen genuinum est, quod *Longolius*, *Gesnerus* & *Aldrovandus* illi tribuunt, *Jonstho*no existente solo, qui eidem denominationem Galli Persici tribuit; hinc eandem Indicum vocavimus, prout id conveniens erat opinioni præcedentium Autorum, idque juxta exemplum eorum, qui avem, quæ putatur *Meleagris* Antiquorum, vocant Gallum Turcicum, quamvis ex Africa delatus fuerit. Adde quod juxta nostram conjecturam avis de quâ modò agimus, in Occidentali Indiâ reperiatur, uti juxta *Marggravium* MITU-PORANGA dicitur, quam *Benzo* in *Clusium* speciem aliquam Pavonis esse censet.

Duas ex his avibus & quidem masculini sexûs cultro Anatomico subjecimus. *Aldrovandus* foemellam describit eandemque in quibusdam à masculo distinguit, quem in picturâ unicè vidit, neque etiam describit quo in statu foemellam observaverit. *Longolius* exuvias tantum Galli Indici, quem describit, conspexit. Duas, quas describimus aves, rostro tantum à se invicem distinguebantur. Statura Gallum Turcicum mediocrem circiter æquabant. Pennæ earum perfecte nigræ erant in capite & collo; reliquum corporis subviridem nigro permixtum colorem præ se ferebat, ad instar ligni juglandini. Venter inferior, summitas femoris poste-

rior & pars caudæ infima albicantes habebant pennas. *Marggravius* Gallum Indicum Brasiliæ esse viridem, quoniam minus fuscus est, quam noster & quoniam viridiusculus color ad fuscum tendit. Interim varietas coloris minus sufficit ad species immutandas & multiplicandas, quæ per alias easque graviore circumstantias statuminatæ sunt, quales sunt omnes illæ res, quas Gallus Indicus *Marggravii* cum nostris communes habet.

In Capite à rostro usque ad initium posterioris colli partis, crista è nigris pennis constans erigitur, duas uncias cum dimidia longa, duas lineas cum dimidia lata, retro paulum reflexa, extremitatibus verò antrorsum versus incurvatis Collum versus apicem parvulis pennis, latitudinem ferè earum, quæ cristam efformant, habentibus, sed longè brevioribus, gaudebat, quæ vix 4. lineas in longitudine prope caput obtinebant. Hæ interim deorsum versus, ubi fundum colli attingunt, crescebant, ita ut circa præcordia duas uncias longitudine & unicam latitudine æquarent.

Pennæ in caudâ variæ & sibi invicem mixtæ erant, quibusdam nigricantibus, quibusdam verò albicantibus. In altero nostrorum subiectorum sub ipsa caudâ pennæ merè albicabant: in altero quædam albicantes erant in summitate caudæ atris permixtæ. Haud pauca inter hæc pennas exstebant, quarum barbulae calamo aut trunco è tenui & albicante tunica constanti insstebant, quem ita subinde circumdabant ad finem usque, ut exiguum tantum capitulum videri potuerit. Calamus hic per fibras pennarum nigricantium inspectus coerulesus apparebat, quum tunica ejus quodammodo pel-

dò pellucida esset: Nonnullæ pennæ alarum earumque quæ cristam efformant, membrano-
lo huic calamo sunt inclusæ, quod similiter in
pennis caudam Gallinarum Turcicarum exor-
nantibus occurrit: Femora per totum sui tra-
ctum pennis erant obrita.

Collum novem uncias longitudine emen-
tiebatur. Ab inferiore corporis parte ad extre-
mitatem pedum extensus 14. uncias habebat.
Pedes longi & nervosi erant. Tibiæ in ante-
riori æquæ ac posteriori parte amplis & quadra-
tis squamis operæ conspiciebantur: in lateri-
bus hæc graciles & parvæ vix dimidiam exceden-
tes lineam hexagonalem habebant formam.
Tali, longi, nigri & hamati. Retro tibiae repe-
riebatur calcar Gallis omnibus fere peculiare.

Rostrum largum satis erat novem lineas la-
tum in principio & duas uncias longum. Ver-
sus finem ingreſcebat & valde durum erat. Re-
liqua pars flavescent membrana tegebatur, quæ
in alterutro nostrorum subjectorum ita tumida
reperiebatur, ut rotundum & altum tubercu-
lum, crassitie circiter nucis minoris & prout
Aldrovandus illud depingit, efficeret. Illa avis,
quæ tuberculo hoc carebat, rostrum trifurca-
tum gerebat in fine, haud aliter ac si tria rostra
sibi invicem conjuncta possideret.

Epar in utroque subjecto rubicundo colore
præditum è substantia valdè molli constabat.
Dividebatur in duos lobos, quorum rectus cras-
sior, sinister verò longior erat.

Vesicula fellea medium inter utrumque lo-
bum situm occupabat, magis ramen sinistro,
quam recto in latere affixa. In altero nostro
rum subjectorum anfractuosa erat, eandem fe-
rè figuram referens, quæ lachrymis tribuitur,
quæ eandem in tres cellulas exiguas distingue-
bat. Cervice sua superiori hepatis parti circa
medietatem tunice hujus externæ, à capsulâ
ortæ, jungebatur, fundoque intestini jejuni vi-
ces gerentis adharebat. Color ejus viridis erat,
digitum longa & semidigitum lata.

Ductus cysticus hoc in subjecto à superiori
vesiculæ parte procedebat & recte deorsum ver-
sus tendebat, ut se ipsum posteriori intestini
parti infereret, latitudine pennam gallinacei cul-
mum & longitudine digiti præterpropter insi-
gnis.

Bini hîc ductus Hepatici occurrebant, quod
in avibus valdè rarum est. Ambo è latere ve-
næ portæ exsurgabant. Differentis autem for-
mæ erant, quum unus calami gallinacei cras-
sitiem, alter autem vix mediocris aciculæ ma-
gnitudinem æquaret. Linea autem rectâ, di-
gitum longa, descendebant & intestinum pro-
pe insertionem ductus cystici perforabant.

In alterutro nostrorum subjectorum Vesi-
cula fellea gracilior erat, ovalique figurâ præ-
dita. Ductus cysticus è mediò vesiculæ pro-
cedebat. Illîc similiter duo ductus hepatici oc-
currebant, qui intestino eadem ratione, ut in

priori, inferebantur. Verum omnes hi ductus
minores erant, quàm in illo subjecto, ubi du-
ctus anfractuosi erant.

Pancreas (quod in alterutro hîc in subjecto-
rum duplex inveniebatur) in loco avibus con-
suetò erat situm, scilicet inter intervallum pri-
mæ circumvolutionis intestinorum, quæ sinuo-
sitate quandam efficit, è cuius fundo duò
hæc pancreas suam capiebant originem, è
quibus alterum, sc. rectum subter, alterum supra
mensenterium procedentia ascendebant, ut si-
nistro lateri hepatis & pyloro affigerentur. Ex
hoc ipso loco unum quodvis ductum elegan-
tem, longitudinem sex linearum habentem
emittebat, qui seipsum juxta trinum choledo-
chorum locum inferebat. Quinque hæc caver-
nulæ, quibus intestina hoc in loco perforaban-
tur à tribus ductibus choledochis & duobus pan-
creaticis, sub ipsis rugis, quas intestina formant,
sibi occurrentes quasi catunculam quandam
efformabant. Glandulosa pancreas substantia
pallidè rubicunda videbatur, tenuis circa
originem, ast crassa admodum in extremitate
versus hepar. Alterum subjectum tantum-
modo unicum Pancreas & similiter unicum
tantum ductum habebat.


Oesophagus angustus admodum & vix se-
midigitum in diametro habens versus introi-
tum in thoracem dilatabatur, ad formandam
ingluviem, quatuor digitos in circuitu & unicum
in longitudine habentem. Post hæc dilatatio-
nem rursus contrahebatur & postquam thoracem
penetraverat de novò dilatabatur ad formandum
quasi Ventrículum, glandulis, figuram & situm
granorum secalinorum habentibus, instructum,
quæ eadem ratione, ut in Tetraone descrip-
simus ordinatæ & in seriem quandam dispositæ
erant. Pars Carnosa hujus ventriculi valde
requis erat. Stomachus duas cum dimidia un-
cias longus & duos latus nequicquam notabi-
le fovebat, nisi quod pars carnea admodum re-
quis, tunica autem eundem cingens summe
crassa, dura & vitri instar fragilis fuerit. Du-
ritiem hanc tunica stomachi in Gallo Indico
tunc quam maximè nanciscitur, quando per
aliquod temporis spatium exsiccationi exponi-
tur: ast in hisce subjectis durities illa statim sub
apertura corporum adhuc valde recentium in-
veniebatur.

Intestina insolita prorsus longitudine duo-
decim sc. pedum, conspicua erant, e quibus
solum cæcum sex sibi pedes vindicabat; inte-
rim cavitas illorum valde angusta erat, cum
diamerer illius vix unicam superaret lineam.

In ano, prope extremitatem recti cavitas duas
lineas lata deprehendebatur, quæ orificium erat
sacculi V. lineas in longitudine & III. in lati-
tudine habentis. Sacculum hunc, sub recto
contentum, in Tetraonis Anatome jamdum
expedivimus.

Testiculi prope aortam siti erant sicque in su-
periori

TAB:LIX



periori Renum parte quærendi. Substantia illorum glandulosa & pallide-rubescens erat. Longitudine quinque lineas & latitudine duas exæquabant. In parte illorum inferiore aliud corpus perfectè nigrum observabatur illis firmiter adhærens, quod Epididymis erat, ab inferiore ductum elegantem, qui deferens est, demittens, qui secundum longitudinem Venæ emulgentis decurrens in tenuem admodum tuniculam immutabatur.

Penis in sinistra parte ani, trunco opposita, situs erat. Figurâ gaudebat pyramidalis, quatuor lineas longâ & tres lata versus basin. Compositus autem videbatur è duobus duris & nervosis corporibus membranis quibusdam spongiosis investitis. Occurrebat etiam musculosa quædam caro basi ejus annexa.

Renes variis iisque parvulis eminentiis obstiti erant, quarum nonnullæ albicantes, aliæ autem miniato colore gaudebant: quæ substantiam illorum è quamplurimis glandulis conglomeratis constare ostendebant. Divisi autem erant in profundas satis partitiones, ut in avibus fieri consuevit, quovis rene duas uncias cum dimidia in longitudine & decem in latitudine habente. Venæ & arteriæ emulgentes ordinariò modò distributæ erant, ureteribus circa extremitatem recti se inferentibus, postquam secundum longitudinem superficiæ exterioris renum processerant.

Arteria aspera in altero nostrorum animalium per lineam rectam descendebat ad medietatem sterni, summitatem Thoracis in avibus terminantis, ubi dilatatur & firmatur. Hic au-

tem retrorsum reflexa plicaturamque efformans reascendit ad $1\frac{1}{2}$ digiti altitudinem & mediante membrana robusta genuino sterni loco se affigit. Exinde autem in thoracem descendit. In altero subjecto tam magnam, ut in priori, complicationem non formabat, attamen eadem ratione dilatata erat. Hæc dilatatio duos & dimidium digitos in circumferentia sua absolutebat, vix unicum in aliis partibus emetiens.

Cor parvum admodum erat vix digitorum in longitudine & semidigitum in basi complens. Conus autem valde acuminatus erat. Cavitas valvulæ carnosæ, ad orificium venæ cavæ in avibus locatæ vix unicam lineam profunda erat.

Bulbus oculi lineas decem & cornea quinque in diametro habebant.

Humor crystallinus in posteriore parte magis convexus erat, quàm in parte anteriori, tres lineas habens in diametro.

Humor vitreus duram admodum consistentiam habebat.

Plexus choroides æquè ac Tapetum ubivis nigricabat, neque in hoc colores consueti observari poterant. Iris obscurè rubicunda erat. Tunica Sclerotica dura erat & cartilaginea in parte anteriore, ut in avibus & piscibus esse solet. Nervus opticus versus alterum latus vergebat, & postquam Scleroticam & choroidem perforaverat, ampliatus circulum formabat, à cuius circumferentiâ plurimæ fibræ nigricantes emigrabant, quæ unitæ membranam illam formabant, quam in omnibus, quas secumimus, avibus observabimus variisque in locis horum commentationum descripsimus.

EXPLICATIO FIGURARUM TAB. LIX.

E duobus Gallis Indicis, is cujus Figura
IN PARTE INFERIORE Tabulæ

ob oculos ponitur, in rostro tubere gibbofo carebat, sed ejus loco tres cuspides in fine rostri possidebat, pennis tamen albicantibus in summitate caudæ destitutus. Alterius figura depingitur & describitur ab Aldrovando.

IN PARTE SUPERIORE

- A. Una est è pennis crista in crassitie naturali.
- B. Alia penna ex cristâ desumpta, cujus fibra ad dimidietatem ductui membranofo invaginata quasi sunt.
- C. Rostrum tubere in summitate carens, in situ naturali exhibitum & circa finem in tres partes quasi divisum.
- Δ. Rostrum tubere instructum.
- D. Hepar.
- e. Vesicula fellea ovalis.
- F. Ramus Cysticus.
- g. Bini rami hepatici.

Tom. II.

- H. Pancreas simplex.
- I. Ductus Pancreaticus.
- K. Aspera arteria expansa & intorta, sed alterâ minus duplicata.
- L. Aspera arteria magis reduplicata.
- MM. Renes.
- NN. Aorta.
- OPP. Vena cava in duos ramos PP. divisa & Renibus firmiter adhærens, quæ Emulgentium munere defungitur.
- QQ. Rami arteriæ aortæ, quæ arteriam cruralem efformat.
- RR. Ureteres.
- ST. Vasa Deferentia.
- XX. Testiculi.
- YY. Epididymides.
- ZZ. Extremitas intestini recti.
- V. Penis Recto affixus.
- Γ. Idem penis elevatus, ut foramen recti inter Γ & Π & apertura sacci, qui sub recto continetur & lit. Π. signatur, detegantur.
- Φ. Vesicula fellea anfractuosa, figuram Cæci intestini habens.

I

α.β. Du-

α.β. Ductus hepatici duo.

γ. Ductus cysticus.

δδ. Ductus Pancreatici.

εε. Pancreas dextrum sub Mesenterio.

ξ.ξ. Pancreas sinistrum supra mesenterium decumbens.

SECTIO LXX. DESCRIPTIO ANATOMICA PAVONIS

D. Caspari Bartholini Thom. Fil.

In Act. Hafn. Vol. 2. Obs. 114. p. 288.

Dicitur Pavo finum suum proprium resorbere, invidens hominum utilitati: nihilominus sectio invidæ avis curiositati nostræ nuper satisfecit & expectationi. Quæcunque itaque domi privatâ Sectione obiter præsentate horum arcanorum summo Arbitro *Stenonio* à me observata, paucis significabo.

Aspera arteria duobus stipata musculis, utrinque uno.

Notatu dignum peculiare artificium annulorum asperæ arteriæ, in ramis pulmones utrinque subeuntibus, quorum annulorum altera medietas ampla est, altera angusta admodum & membranam ex se emittit, ita ut inspi-

ratus aër per annulorum interstitia emittatur è ramis in membranarum cavitates.

Corpus glandulosum in œsophago supra os ventriculi plenum tubulis emittentibus liquoris resolventis insignem quantitatem.

Ventriculus fibris motricibus copiosis satis instructus.

Intestina duo cœca vasta satis & ampla, reliqua omnia intestina longitudine fere æquantia certe capacitate superantia.

Bini ductus bilarii, Pancreatis tamen uno tantum ductu observato, secus quam in aliis avibus, vel quia parum cautè tractatus vel quia omnino alter aberat.

EXPLICATIO FIGURARUM TAB. LX.

IN PARTE INFERIORE

Loco Pavonis sistitur Gallo-Pavus cujus sæpe etiam mentio fit.

IN PARTE SUPERIORI

Viscera nutritioni inservientia simul exhibentur, prout in *Actis Hafniensibus* Vol. 2. p. 289.

A. Est Apex lingua.

B. Aspera arteria cum musculis 66.

CC. Pulmones.

DD. Peculiare artificium anulorum asperæ arteriæ.

E. Oesophagus.

F. Ingluvies.

G. Oesophagi corpus glandulosum.

H. Ventriculus.

I.I.I.I. Intestina tenuia eò modò disposita, ut eò facilius vera longitudinis proportio observaretur.

K. Hepar.

L. Bini ductus bilarii.

M. Pancreas.

NN. Duo intestina caca.

O. Intestinum rectum.



fig. I.



fig. II.



SECTIO LXXI. DESCRIPTIO ANATOMICA COLUMBÆ

D. Olai Borrichii

Ex Act. Hafnienfibus Vol. 1. Obs. 96. p. 185.

„ **Q**Uæ in Columbis observata celeberrima sunt: *Marco Aurelio Severino*, hæc sunt:
„ Domestico palumbi ventriculo si-
„ nistro valvula lata cornea: Ileon veno-
„ sum & rubellum: Cæcum nullum: Ingu-
„ vies pectus quàm longissimum in plurimâ
„ ventris inferioris cavitate superat. Torquati
„ palumbi tunica interna cartilaginea: Turturi
„ cæcum nullum ut columbo.

Mihi autem in Columbâ juniore hæc spectata:

I. Aspera arteria non incumbere oesophago, sed ad sinistram ejus, nonnunquam etiam intervallo aliquo disjuncta viscebatur. Eadem prope cor in ramos dividebatur duos, qui tamen ad parenchyma pulmonum delati non dividebantur iterum in ramos sive minores sive plures circulis solennibus instructas, sed omiffis iis in apertos hiatus desinebant & illos postea in totos pulmones sese ingerentes.

II. Pulmones costis undique firmissimè adnati colore miniato, infima loborum parte infra cor ita descendente, ut nisi distingueret membrana, renes sine dubiò attingerent.

III. Cor pro magnitudine aviculæ satis magnum, in quò omnia solemniora; nec cornea valvula ulla (quam ideoque in seniore palumbo visam *Severino* crediderim.) In sinu cordis dextrò ad basin visum foramen minutum, quò feta profecutus suillâ videbam manifestè septum cordis penetrare & in sinistri ventriculi ferè mediam cavitatem egredi.

IV. Apex cordis, non, ut in pluribus animalibus, ad sinistram, sed in mediò situs leviter ad dextram inclinabat.

V. Hepatis lobi duo majores, tertius minimus & planè cylindri figuram exprimens.

VI. Vesicula felle nulla. Aderat tamen ductus (*) hepaticus isque in tenui fissura hepatis ex variis minutissimis profiliens ramis, inque duodenum se exonerans. In hoc ductu, vivente adhuc columbâ, jam bilis conspecta est viridis, jam iterum evanuit, succo illo felleo in hepar motu singulari, ut videbatur, recepto. Intervallum illud motus paulò erat longius, quam systole & diastole cordis; corde etiam quiescente adhuc motus ille durabat,

& postquam ductus jam videretur inanis mox iterum restagnante ex hepate liquore implebatur. Diutius tamen inanitas tenuit, quàm expletio. Ostendebatur & prope ductus alter, hepaticus, sed minor firmiorque, quò nulla quidem bilis notata, motus tamen idem, qui in priori. Secundus hic, priori duplo longior, desinebat in jejuni partem sex digitis transversis infra prioris ingressum, adeò ut pene responderet loco, quo succus pancreaticus sese soler in intestina effundere; id quod jam ante in Corvò aquaticò aliisque volucribus observatum.

VII. Ventriculus uterque bile viridi stagnabat, tum prior in membranaceus sive ingluvies, tum secundus ille carneus & glareâ lapillisque saburratus. Sed cur ibi tantum bilis, in volucre admodum iracunda? credibile in conflictu ultimò mortis ex duodeno in ventriculum, per pylorum sic satis patulum, transisse.

VIII. Renes singuli ex tribus glandulis rotundioribus, secundum longitudinem sibi conjunctis, visi constare, per quorum superficiem extimam ductus ferebatur in intestini recti extrema terminatus, eoque deferens album quoddam & liquidiusculum excrementum, quod mistum ibi cum purgamentis reliquis crassioribus ab intestinis eò delatis simul excluditur. Commune hoc avium generi, cum desit vesica, album illud excrementum corporis per renes deferretur in intestinum rectum, ibique foras amandatur.

IX. Intestinum cæcum *Severino* creditum nullum, cum reverà duplex sit, sed rarè fabricæ. Gyrus enim quidam se ostendit, quatuor circiter digitis ab ano distans, utrinque intestino annexus, ita, ut pars ejus media sit involutio. Figura imitatur quodammodò tibiam utricularem.

Erant & alia, sed reliquendum venturis spicilegium.

TORQUATI PALUMBI tunica interna cartilaginea.

TURTURIS nullum cæcum ut Colum-
bæ.

Severinus in Zootomia Democrit. p. 343.

(*) Hinc falsissima est vulgi persuasio, Columbas carere felle.

DESCRIPTIO ANATOMICA PSITTACI

D. Oligeri Jacobæi

Ex Act. Hafniensibus Thom. Bartholini Vol. 2. p. 314.

Interiorem Psittaci fabricam rimari placuit. ut paterent quodammodò organa, naturæ artificio elaborata, quibus, præ cæteris avibus, vocem humanam æmulatur

Atque suo Domino χαίρει valeῖ, sonat.

Unde *Statio* salutator Regum, & *Nicephoro Calisto* avium loquacissimus dicitur.

1. In abdomine circa extrema pulmonum incipit cavitas, quæ à membrana ad ossis Ischii oram fere excurrente formatur, uti ipsi pulmones in mediæ articulationis costarum viciniâ, foramina habuere in ipsam cavitatem patentia.

2. Stomachus exiguus, colore interius ex viridi flavescente, instar ventriculi gallinarum, minutos lapillos continuit, quo attritu semina solidiora forsan comminuit.

3. In ingluvie supra stomachum, ad medii digiti altitudinem crassior tunica est, corpori tubulato in ingluvie aquilarum non absimilis.

4. Cæcorum nulla vestigia.

5. Caput asperæ arteriæ tumet figura ovi, fissuram habet pro exitu aëris instar reliquarum avium. Par musculorum ibi reperitur, quorum extremitas anterior est in latere exteriori primæ cartilaginis arteriæ asperæ, posterior in latere exteriori & posteriore secundæ cartilaginis, deducit ab invicem primæ cartilaginis cornua, & si eodem tempore caput arteriæ asperæ antrorsum trahitur, ingens fieri potest dilatatio. Glandulæ ibi sitæ sunt.

6. Quo loco aspera arteria sese dividit, plures musculi simul, cum cartilaginibus, elegantem figuram exhibent.

Primum par admodum longum & subtile, instar fili alicujus, extremitatem inferiorem habet infra thoracem, superiorem in latere arteriæ asperæ, circa infimum annulum.

Secundum par extremitatem inferiorem habet in apice anteriore tertiæ cartilaginis, earum quæ in ramis asperæ arteriæ sunt, jam tum divisas. Extremitatem verò superiorem, juxta superiorem præcedentis.

Tertium par, superiore extremitate, est ad distantiam digiti supra divisionem arteriæ asperæ: Extremitate inferiore, descendente versus infimam ejus partem ante locum divisionis.

Quarti paris extremitas superior est juxta extremitatem superiorem primi. paris posterior. Extremitas verò inferior in apice posteriori superiorum duarum cartilaginum, quæ post divisionem primæ sunt.

Quintum par extremitatem superiorem habet juxta extremitatem superiorem tertiæ paris posterior. Extremitatem verò inferiorem, in parte posteriori primarum post divisionem cartilaginum.

7. Annuli arteriæ asperæ integros cylindros circulares non conficiunt, sed alternatim alterius pars anterior latior est, posterior angustior, & ipsa figura non circularis, sed ovalis. Circa finem inferiorem ubi canalis hic divaricatur, est cartilago quædam elegantis fabricæ, ex tribus composita cartilaginibus, quarum superior coni truncati cavique portionem format cujus basis utrinque ad latera processus emittit in apicem desinentes calamo scriptorio non absimilem. Spatium medium inter dictos apices semicirculare est, & cartilaginem sibi utrinque annexam habet, cujus figura velut parabolica est, quo loco superiori jungitur, at verò opposito in latere quasi duo cornua habet, & inter illa lineam ferè rectam.

8. In utrâque maxillâ duo ossa mobilia concurrunt, duoque styli oblongi inter utramque intercepti. Maxillæ superioris pars exterior rostri superiorem partem componit; interior nihil est nisi tendo musculi in os desinens, quo modo ossa forsan componuntur, quibus musculi pterygoidei in homine annectuntur. Maxillæ inferioris pars inferior rostri partem inferiorem componit, pars superior respondet posteriori maxillæ inferioris in aliis animalibus, cui styli oblongi annectuntur, quorum brevior in partem inferiorem, longior in partem exteriorem maxillæ superioris continuatur. Motus mandibulæ superioris huic avi cum Crocodilo, & si *Oppiano* fides adhibenda, Thæmatopode, communis est.

9. Lingua lata admodum & crassa humanæ similis, unde *Aristoteli* ἀνδραπόγλωττι vocatur, nec inconvenienter, seu forma, seu loquela spectetur.

10. Ad utrumque linguæ latus corpus glandulo-

dulosum planum reperitur, unde plura vascu-
la rectô ductu secundum latus linguæ se exci-
pientia exeunt.

11. Sub linguâ transversim fertur cartila-
go nigricans versus apicem ejus, figurâ un-
guis.

12. A Membrana in canali auris exteriore,
membranam tympani repræsentante, fertur
stilus tenuissimus, dictæ membranæ, quasi in-
trorsum perpendicularis, cujus extremitas in-
terior os sibi annexum habet, quod superficie
externâ concavum est, internâ convexum, cir-
cumferentiâ ovali; ubi stilus illi connectitur
est figura stapedis, cujus crura in diametrô lon-

giori figuræ ovalis consistunt. Os ovale mo-
dò descriptum tum basis est stapedis. An sit
continuatio stili, an per articulum tantum con-
nexio, incertum est. Videntur basi annexa vel
ligamenta, vel muscoli. Basis stapedis conve-
niens sibi foramen habet, in quod aliquousque
descendit, cui membrana subtilissima obten-
ditur. Sub membranâ cavitas est, quæ ad di-
stantiam brevem infra foramen descendens ca-
nalem cæcum (seu exitu carentem) format,
supra verò cum spatio, quod sub labyrintho
est, dictus canalis communicat. Motus ita-
que stapedis alius non est, quàm membranæ
dictæ depressio.

SECTIO LXXIII. ANATOMIE CORNICIS ET PICÆ

Marci Aurelii Severini

In Zootomia p. 340. & 343.

CORNICI rectum intestinum peram-
plum ut saccus, duobus cæcis hinc at-
que hinc appensis perexiguus. Intesti-
na cætera omnia quàm longissima.

PICÆ MARINÆ ventriculus veluti

saccus, non carnosus, aut solidus, qualis est
Gallinaceo generi &c.

PICÆ ALBINIGRAE intestina peram-
pla; nulla enim ingluvies, nullum cæcum.
Operculum verò narium conspicuum.

SECTIO LXXIV. DESCRIPTIO ANATOMICA MILVI

D. Joh. de Muralto

è Miscellan, S. R. I. Acad. Nat. Cur. D. 2, A. 2, p. 55.

Milvi figura exterior æmulatur Falconem
in Clave descriptum. Hic jam suffo-
catus, sibi relictus, spiritu ori inflatô
ad semet ipsum rediit.

Venter infimus pinguedine fartus erat. He-
patis duplicaturam seu binos lobos distinguebat
sub diaphragmate mediastinum seu paries
membranaceus interstitius, à scuto pectorali &
pleurâ productus.

Vesicula biliaria, bile porraceâ plena, cir-

citer ulnæ quadrante Choledochum ductum
comitabatur duplici egressu in intestinum.

Ad ventriculi latus dextrum glandula sub-
nigricans reperta est, pinguedine stipata, cui
particula Pancreatis adhæsit.

In initio intestini recti duæ appendices ver-
miformes notabantur, admodum exiguæ,
quæ loco appendicum cæcarum insignium ad-
sunt.

Sesquiulnam æquabat longitudo Intestino-
rum.

rum. Hæc fibris à frigore contractis admodum dura evaserunt.

Ventriculus pyriformis erat, cujus membranâ primâ demtâ, quæ carnosior est, plexus aderat, loco Oesophagi glandulosus, integrum Oesophagum ambiens. Glandulæ hæc instar ovulorum carneorum exactissimè configuratorum & perspicuorum erant.

Renes in lumbis profundius latitabant.

Lienem nullum observavi, nisi glandulam in dextro ventriculi latere positam, pro ipso accipere velis.

E renibus vasa candicantia quædam seu nervi ad ani extremitatem veniunt: itidem vasa sanguifera, ut & ureteres in podicem abeunt.

Renes succenturiati oblongi, utrinque renibus adstiterunt.

Diaphragmatis loco membrana tenuissima est, cor involvens.

Sub tali diaphragmate Pulmones latitabant floridi, cavernosi, spatiola costarum subintrantes.

Cor oblongum est, binis ventriculis totidemque auriculis & artificiosissimè valvulis XII. instructum. Sub semilunaribus valvulis transitus est in cordis coronarias, hinc ipsam aortam.

Inflato aëre in asperam arteriam prope pulmones dissectam, exactè perceptus est sonus, quem avis hæc viva edebat.

Musculi pectorales crassissimi alas fortiter movebant: Insignes item tendines suralium musculorum reperiiebantur.

Detractâ pelle capitis organa auditûs pulchrè apparebant, videlicet tympanum cum transparentibus per illud officulis.

Oculi prægrandes intra orbitam membranam spectabiles continebantur, qui instar cornu duram corneam tenebant, humoremque Crystallinum mirè protuberantem.

In Cerebrô præter protuberantias varias notavimus insignem glandulam pinealem, in ejus meditullio repositam, à cujus parte anteriore & posteriore quatuor radices medullares in glandulæ substantiam absumtas cum & absque microscopiò conspeximus. Radices hæc medullares è pluribus filamentis nerveis in unum funiculum congregatis conflatae sunt: anteriores quidem è protuberantiis anterioribus, posteriores autem radices è protuberan-

tiis posterioribus suos nervulos accepêrunt, ut certo certius sit glandulam hanc nervis omnibus in compendio junctis suffulciri, in eaque Spiritum purissimum, subtilissimum, maximè mobilem & serenum residere, qui in homine mentis distantis Imperium fideliter exequatur. Neque me deceperunt, uti nonnulli in publicis suis scriptis putârunt, vel pars medullosa, suis candidis Striis transversis, utpote quam seorsim sub natibus conspeximus, vel aliud quiddam, quod ductum nervorum non immediatè consequatur; nulla est absurditas dicere: animam suis præcipuis operationibus in cerebro & imprimis in ejus centro residere, ut ut ab Anatomicis nominetur: Posito etiam calculos quandoque ibi reperiri. Hoc tamen certum est, organo tali læso lædi in homine rationem. Imo testantur observationes Chirurgicæ & Anatomicæ Cerebrum lædi posse absque morte, sed glandulam pinealem vel tantillum læsam derepentè & uno quasi impetu & ictu hominem trucidare: imò experimentum in canibus institui potest viventibus, stylo ad hanc particulam traducto, quod non uno saltem experimento celeberrimus ille Chirurgus & Anatomicus *Artheand* Lausanensis discipulos suos edocuit. Impeditur quidem in operationibus suis anima malè constitutâ glandulâ: sed revera principale hoc ejusdem solium esse, dum erecta hinc inde ad cerebri systolem atque diastolem motitatur atque libera degit, i. e. vincitur: pluribus autem me explicui in Epistola quadam (cujus responsa desidero) ad Excellentissimum Helvetiorum Apollinem data, qui publicè sententiam meam corrigere sustinuit. Reliqua in Milvo notata cum Falcone conveniunt.

NOTA.

In FALCONIS ANATOME à Dn. D. *Peyero* instituta præcipuè notatur Aves nonnullas destitui intestino Coecô vid. *Misc. Nat. Cur. Dec. 2. A. 1. p. 204.*

ACCIPITRIS vulgò CISTARELLÆ dicti sectionem habet Marcus *Aurelius Severini* in *Zootom. Democrit. pag. 338* ubi absentiam cæci intestini, fellis conceptaculum ab hepate exactum & structuram Cerebri instar thoracis pugilum (plastron dicti) comparatam præ aliis notat.



SECTIO LXXV. DESCRIPTIO ANATOMICA CORVI

è Marci Aurel. Severini Zootomiâ p. 340.

JEcur paucò, aut fere nullo intervallo distans à corde, quod quidem parte posteriore quasi per cisternæ os vasa excipit.

Ventriculus fere rotundus, sed complanatus, parte rotunda spectans ad externa. Interna tunica ovi figuram æmulator. In eo reperi lapilli devorati.

Apendicula, quæ visuntur in avibus longiora, in corvo parvicula & exilia, medium digitum longa.

Lien ad suprema intestina positum.

Renes evidentiores quam in aliis, & rotundi, quamvis ipsis subsistent corpora illa rubra, renum vicem in aliis habentia.

Intestina in hoc neque longa neque multa, sed parvo constant corpore.

Hepar non magnum, sed ad parvum inclinans.

Aspera arteria non rotunda, sed compressa parte anteriore ac posteriore.

SECTIO LXXVI. DESCRIPTIO ANATOMICA CORACIS

Vulgi

CORMORANT

Dicitur

Societ. Scientiarum Regiæ Parisiensis

HÆc avis vocata est *CORMORANT*, h. e. Corvus maritimus quoniam communiter tota nigra est, & aquaticum animal. *Gesnerus* asserit, quòd ex hâc ratione *Alberto Magno* vocetur carbo aquaticus. *Gaza* censet, quòd hæc avis sit genuinus *CORAX* *Aristotelis*, non solum propter nomen Græcum, quòd Corvum designat, sed similiter propter reliquas notas, quibus ille Philosophus coracem suam depingit, quæ planè conveniunt avi Cormorant, quem nunc describimus.

Ea erat 27. uncias à fine rostri ad extremitatem caudæ longa, & $3\frac{1}{2}$ pedes ab extremò unius expansæ alæ ad extremitatem alterius habebat. Eadem in litore maris multò majores conspiciuntur & quidem magna in copiâ concurrunt. Omnes ipsius pennæ erant atræ, aut obscurissimè glaucæ, quadantenus virides in alis, exceptis illis in abdomine & illis sub jugulo, quæ erant albæ, cum extremitatibus nigricantibus: unde hæc alba pars puniceis maculis variegata videbatur; *Gesnerus* narrat, quòd

in Helvetiâ hi Coraces, ibidem Scharbi dicti, h. e. carbones, quandoque candidis abdominibus gaudeant.

Subter majores pennas, quæ corpus contingunt, aderat & glauca planities pennarum extremè tenera & densa, uti in cygnis. *Aldrovandus* narrat, quòd pelles Coracum præparentur, non secus ac illa vulturum, ut ad contegendum & concalefaciendum Stomachum adhibeantur.

Plumæ collum regentes & ornantes erant brevissimæ, illæ verò, quæ caput tegebant multò adhuc breviores: ast hæ erant crassissimæ & exiguæ, instar fimbriæ. Hoc demonstrat, quòd Cormorant non sit phalacrocorax; qui ita dicitur, quoniam in capite nullas possidet plumas; & quòd *Plinius* sit deceptus, dum dicit, quòd corvus aquaticus, qui est avis Cormorant, naturâ suâ calvus sit, & quòd hæc particularitas ipsi dederit nomen, quò Græcis venit. *Bellonius* eandem tuetur, opinionem. Hæ plumæ in capite 4. lineas longæ erant, rectæ & rigidæ.

rigidæ. Hæ faciebant, ut caput appareret minus depresso, quam reverà est, quamvis multò magis tale videretur cum pennis hisce.

Versus radicem tam superioris quam inferioris rostri aderat pellis sine pennis: eadem similiter circa oculos extensa erat. Hæc pellis erat rubra. *Aldrovandus* narrat, quod naturaliter alba sit, *Gesnerus* denique eandem crocei coloris esse tradit. Eadem cutis porrecta erat sub rostrum super cavitatem, quæ ibi communiter existit. In hoc locò pallidè luteum erat.

Rostrum erat ad latera glaucum rubro permixtum, & ad summitatem suam nigrum. Tres uncias erat longum ab voragine suâ ad extremitatem usque. Idem incurvatum erat, & in fine suò acutissimum. Hoc rostrò utitur avis hæc ad capiendos pisces; sed quoniam illos nisi à retrò potest arripere aut à latere, nec verò eos commodè deglutire potest à caudâ incipiendo, propter pinnas, cristas & squamas, quæ obstant, quò minus pisces illò situ in jugulum avis descendant: solet proinde ipsos in aërem conjicere, & capite antecedente arripere: id quòd tantâ dexteritate peragit, ut nunquam fallatur. Hæc avis ad piscationem adhibetur, dum ferreus annulus fundo colli ejusdem applicatur, cum quidem in finem, ut pisces in oelophagum (qui est amplissimus ingluviei speciem constituens) recepti, in ventriculum non descenderent, & quòd facillè inde eruantur.

In rostrò nullum aderat foramen pro naribus, in palato verò aderat foramen satis amplum, ut pateret transitus vaporibus ad olfactûs organa ascendentibus.

Oculi erant exiles, & proximè ad rostrum siti. Cum essent clausi, linea, quam palpebræ junctæ efficiebant, erat obliquior, quam vulgò in brutis esse solet.

Pedes erant brevès, 4. uncias ab abdomine ad terram non superantes, 7. verò ad extremum usque majoris digiti. Hi pedes erant nigerrimi & fulgidi, tecti longis & rectis squamis ad latus pedis internum & in mediò digitorum. Hi 4. digiti connexierant per quasdam membranas, quas jamdum in ansere Scoricò annotavimus. Hæ membranæ instar corii Chagrin dicti maculatæ & granulatæ erant. Hi 4. digiti, qui omnes & singuli in eadem serie dispositi erant, gradatim minores fiebant à maximò ad minimum. Maximus & minimus inter se rectum constituebant angulum, quippe maximus erat exterius, minimus verò interiùs. Reliqui 2. digiti erant similiter interiùs, inter maximum & minimum; quòd insolitum est in aliis bipedibus animalibus, & præsertim in homine, cujus pes gerit magnum digitum interiùs, reliquos verò exterius: ast hoc ita factum est, ad ferendum & firmitus statuendum corpus in pedibus, in quibus prominentia s. protuberantia, quam major digitus externè possi-

det, est necessaria, quòd impediatur, ne avis ad alterutrum latus vacillet; eadem verò protuberantia planè inutilis futura interiùs fuisset; oppositum quippe crus sufficienter corpus, ex illò latere sustentat. Hi digiti acutos & incurvos ungues possident: quorum maximus non excedit 5. lineas. Ast in his unguibus hoc notandum erat, quòd ille in secundò digitò, qui maximo digito proximus est, sit ferratus in quòvis pede in latere, quòd tertium digitum spectat. Major digitus, qui tres uncias longus erat, compositus erat ex 5. ossibus sive phalangibus: huic proximus ex 4. abhinc tertius ex tribus, & denique quartus, qui & ultimus, ex duobus. Hic postremus digitus unciam unam longus erat. *Aristoteles* narrat, quòd Corax sit solus Mergorum, qui in arboribus confidet, & qui in ipsis nidificat. Nos observavimus, quòd pedes, quolibet noster corax gaudet, sint commodiores ad confidendum in arboribus, quàm sunt illi reliquorum mergorum; quamvis enim hi pedes coracis ramos arborum nonnisi duobus ex 4. ipsorum digitis amplecti possint, nempe maximò & minimò: verumtamen hic parvus digitus multò hinc longior existit, quàm in aliis palmipedibus, quæ habent exiguum digitum posterius adeò brevem, ut sit tantum quasi calcar planè ad corripieudos ramos arborum inutile.

Constructio pedum in nostrò corace apparebat nobis non solum commodior quam est in cæteris palmipedibus, respectu facilitatis, quæ ipsi data est ad se librandum, sed similiter valde proficua est ipsi ad natatum: cum enim reliquæ palmipedes aves possideant solum 2. membranas, quæ 3. anteriores digitos connectunt, noster verò corax habebat 3. quæ 4. digitos combinabant: ex quâ ratione hæ aves incredibili celeritate aquam subeunt. *Gesnerus* narrat, quòd pedibus quandoque ad capiendos pisces utatur, & quòd illos ad littus deferat unò pede istos tenens, & alterò natans. Peculiaris hicce usus, nempe quòd unicò pede natare possit, faciebat, ut comprehenderemus rationem extraordinariæ structuræ in coracis nostri pedibus; nam si digiti & eorundem membranæ, quæ pedem efformant, fuissent externè locati, non aliter fieri potuisset, quin avis hæc si solò unò pede natare conata fuisset, in gyrum abrepta fuisset, non secus ac lembo accidit, si saltim unò remò propellatur; jam verò cum digiti sint interiùs positi, sit ut, cum avis unò pede natat, cogat aquam exactè sub medium abdomen, nec ipsius corpus ad unum alterumve latus abripi patitur. Præterea hæc formatio erat eò magis necessaria, quòd avis pedes erant breviores; nam si illi fuissent longiores, acceperant facilitatem, quâ carent, nempe ut oblique sub abdomine potuissent circumverti ad collocandum pedem in mediò quòd non magis ad unum

unum latus, quam ad alterum aquam diverberet.

Oesophagus ad latus dextrum asperæ arteriæ situs erat sub quâ transibat, quò ad Ventriculum pertingeret. Cum flatu ad interna adaçtò inflaretur, suprâ 2. uncias diameter ipsius ampliabatur. Cum directè suprâ bifurcationem asperæ arteriæ pervenisset, ad sinistram convertebatur, & subito coarçtatus pro superiore Ventriculi orificiò nonnisi aperturam, circiter calami capacem, relinquebat. Hæc constricção non apparebat, postquam Ventriculus & oesophagus essent inflata, tunc enim unicum continuum ductum constituebant. Hic ventriculus prope fundum carnosus & musculosus; sed in superiore sui parte membranofus erat, fortè ad se contrahendum & dilatandum, prout res postulet, dum pisces deglutit, & ipsos posthàc in Ventriculò includit, in quò concoctio in oesophago inchoata absolvi debet: Magnitudo verò piscium, quas aves istæ deglutiunt est res admiratione dignissima.

Ventriculus & oesophagus apparebant ejusdem figuræ & magnitudinis cum externè aspicerentur, postquam ambo validè inflati fuissent per aërem, violenter in ipsos adaçtum; ventriculus enim erat angustior, nec tam amplus in latere internò propter crassitiem 2. membranarum, ex quibus compositus erat, quæ unâ sumptæ efficiebant 2. linearum crassitiem. Pylorus superiori orificio non erat oppositus, uti communiter id observatur, sed quasi medio ventriculo affixus, inferius dimidium sui pendulum relinquens instar sacci. Hæc pars inferior erat carnosæ & quasi musculosa, instar ingluviei; veruntamen hæc carnosæ membrana nec crassitiem nec duritiem possidebat, quæ ordinariè in avium ingluviibus occurrit. Est verò probabile, hanc partem tam carnosam fuisse & musculosam, quò exprimeret & facilius versus pylorum ascendere faceret illa quæ in longum & angustum ventriculi fundum descendêrunt, postquam alimentorum concoctio ibidem finita fuerat; durâ verò & fibrosa ingluvierum caro facta est validior, ad comprimendum & quasi conterendum dura & sicca grana, quibus aves vescuntur; eadem verò ingluviei structura non necessaria est illis, quæ, nonnisi carne vivunt, aut piscibus, instar coracis nostri.

Exterior ventriculi membrana erat candida, & apparebat 2. substantiarum; ejus enim externa pars erat nervosa & in summitate dura, in fundò verò carnosæ, uti explicatum est ejusdem verò interna pars erat quasi conquassata & mucosa, adeò ut videretur, quod ope hujus internæ partis 2. membranæ ventriculi sint conglutinatæ. Interna membrana, quæ aliquantulò rubicunda erat, glandulosa & infinitò ex numerò glandularum, lineam $1\frac{1}{2}$ longarum, & circiter majorem aciculam crassitiæ æquantium,

um, composita erat: hæ parvæ glandulæ se invicem contingebant juxtâ ipsarum longitudinem, & erant connexæ, & quasi conglutinatæ per substantiam ipsarum naturam referentem, sed quadantenus minùs firmam & muscosam. Earundem extremitates magis firmatæ erant nempe ipsarum inferiores, procedebant ab externâ ventriculi membranâ ad superiores, quæ sibi invicem cohærentes internam ventriculi superficiem efformabant; adeò ut ambæ glandularum extremitates redderent superficiem ventriculi internam corio Chagrin dicto similem; quod optimè referebat villum magni animalium non ruminantium ventriculi; si concipiatur, quod exiguæ longæ papillæ quæ hunc villum componunt, sint ad se invicem connexæ, uti glandulæ conglomeratæ in genere sunt; dum contrâ in animalibus ruminantibus hæ parvæ papillæ à se invicem secretæ & internæ magni ventriculi membranæ nonnisi radicibus suis affixæ sunt. In quibusdam struthionibus internam ingluviei membranam modò planè simili conformatam deprehendimus.

In superiore ventriculi parte versus orificium, aderant quidam vermes 8. vel 10. lineas longi, & circiter mediocrem aciculam crassitiæ exprimentes. Hi erant albi & pellucidi, in mediò verò eorundem corpore apparebat quasi nigricans vena, à capite ad caudam porrecta, quæ cauda magis quàm caput acuminata erat, caput verò mediò corpore gracilius erat. In fundò ventriculi erat materia nigra, similis sanguini nigro semi coagulato. Est verò probabile, quod esset reverà sanguis, hunc in locum effusus, propter ictum, quem avis hæc in capite exceperat.

Intestina 7. pedes erant longa. Illa non habebant 2. illas appendices, quæ quasi 2. cæca efformant, quas *Bellonius* in omnibus avibus adesse tradit. Invenimus verò, quod hæc intestinorum species similiter abfuerit in aquilâ, dictâ haliaëtos, ut & variis aliis avibus. Omnia coracis nostri intestina ejusdem erant crassitiæ, 2. lineas in diametrò æquantes. Eadem una cum ventriculo inclusa erant omento, quod *Plinius* in hac ave non adesse tradit. Hoc omentum magnam pinguedinis habebat copiam, instar sebi duram. Ventriculo & vesicæ felleæ quidpiam hujus pinguedinis annexum erat, & ab epiploo separatum, quod nobis planè extraordinarium visum.

Renes erant conclusi & à reliquis inferioris abdominis partibus separati ope membranæ, quæ ipsos tegebat. Idem extraordinariâ gaudebant figurâ, non divisi in tres lobos, uti communiter in avibus esse solent, sed in gibbosâ sui parte instar cristæ galli dentati. Asserit *Aristoteles*, quod ovipara animalia, qualia sunt pisces avesque, nec renes nec vesicas habeant, exceptâ testudine marinâ. Nos ta-

men nullam hactenus vidimus avem, quæ renibus & ureteribus careret. Quoad vesicam autem verum est, quod illæ non habeant alia urinæ suæ receptacula præter extremitatem intestini recti, quæ communiter amplior est in avibus, quam in terrestribus animalibus; nonnunquam & instar vesicæ rotunda est, uti in Struthione apparet. Chamæleon (qui quidem non est avis, oviparum tamen quodpiam) similiter renibus gaudet & ureteribus, qui ipsius urinam in saccum seu dilatationem recti intestini, uti in avibus fit, deducunt.

Hepar, quod colore carneum rubrumque, erat exile. Tribus gaudebat lobis, duobus anterioribus, uti generaliter in aliis avibus fit; sinister verò non dimidiam dextri amplitudinem assequebatur, tertius erat sub sinistro, fermè ejusdem formæ & molis. Integrum hepar in dextrò latere collocatum erat. Ventriculus ad sinistram vergebat. Vesica fellea ab hepate sejuncta erat, & ei nonnisi cervice suâ annexa, quod similiter in aquilâ deprehendimus: idem in variis aliis avibus observatur. Fundus vesiculæ felleæ ventriculum contingebat. Unciam unam longa erat, tres verò lineas lata.

Splen unciam longus, lineam $1\frac{1}{2}$ crassus erat, & coloris quadantenus obscurioris quam hepar. Ejusdem figura semicircularis erat. Sinistram ventriculi partem contingebat, nullis verò conspicuis vasis ipsi connectebatur. Pancreati firmissimè adhærebat, quod viscus longissimè exporrigebatur, secus ac in piscibus communiter esse solet, in sinum usque, quem prior intestinorum plica efformat. Idem erat coloris albo-carnei: Varia vasa alligabant ipsum concavæ hepatis parti prope vesiculæ felleæ originem. Ejusdem insertio in intestinum erat poro biliario proxima.

Aspera arteria annulis constabat integris. Ubi in thorace bifida fiebat, aderat magnus, osseus & durissimus annulus. Aderant & 2.

musculi seu ligamenta carnosæ, quæ alligarent asperam arteriam loco, quò thoracem intrat. Hi musculi, qui in avibus communiter tracheam sterno annectunt, in hac coracæ ipsam vesiculæ pulmonum connectunt; postquam enim in diversos tendines divisi essent, hi tendines membranosi facti quasi pedem anserinum efformabant.

Cor pericardiò inclusum erat, in quò clara & limpida stagnabat aqua. Idem propemodum rotundum erat, apex enim ejus obtusus valdè existerat. Ejusdem auriculæ erant minimæ, præsertim sinistra: Cor non inter 2. hepatis lobos descendebat, uti in plurimis avibus fit, cum hepar planè sub ipsius apice esset situm.

Lingua erat gracillima, tres lineas longitudine non excedens: eadem duplex erat, 2. gaudens apicibus, quorum unus, qui erat rotundus carnosusque, exteriora versus incurvabatur; alter verò, qui erat membranofus & cartilaginosus versus laryngem tendebat, qui erat durus & osseus.

Oculus saltem unciam dimidiam diametrò æquabat. Cornea translucidi & dilutissimi ruboris erat, instar curiosæ illius encaustices, quam Galli rouge-clair vocant. Probabile videtur, quod hic rubor procedat à sanguine extravasatò inter 2. tunicas, ex quibus cornea composita est, effusò: hæ enim tunicæ facillè separabantur, & avis nostra diversos in capite ictus acceperat. Humor crystallinus erat gracilis, vix lineam in diametrò continens. Ejusdem figura erat spherica, uti ordinariè in piscibus est, fortè quoniam hoc animal opus habet clarò visu sub aquis, quas prædæ causâ intrat. Idem anteriùs parum depressus erat.

Avis hæc in oppidò Scearex occisa fuerat, cum in culinam diversorii cujusdam delatus coquum appeteret illumque morderet. Altera ipsius ala erat confracta, & ipsius cranium ictu depressum, cum nobis adferretur.

EXPLICATIO FIGURARUM

TAB. LXI.

IN PARTE INFERIORE

Avis forma & cumprimis longitudo capitis, parvitas oculorum eorumque obliqua situatio, incurvatio rostri & extraordinaria pedum organizatio ostenditur, in quâ posteriori digitus crassior seu pollex extrorsum, reliquorum verò introrsum flectuntur & omnes tunica quadam sibi invicem connexi sunt.

IN PARTE SUPERIORE

A.B. Representat Oesophagum inflatum & in summitate constrictum.

B.C. Ventriculum inflatum denotat.

B. Locus est, ubi Oesophagus angustatus su-

perius ventriculi orificium efformat.

D.E. Aspera arteria.

E. Nodus per osseum annulum in aspera arteria fundo effectus.

F. Ligamentum musculofum, quod asperam arteriam vesicalis pulmonum annectit.

G. Cor.

H. Dexter hepatis lobus.

I. Sinister ejusdem lobus.

K. Tertius lobus, sub reliquis contentus.


L. Vesicula fellea.

M. Pylorus.

N. Pars Oesophagi, cujus pars interior hic representatur.

O. Superius ventriculi orificium.

TAB: LXI



IX. 1917

P. Ventriculi pars interior.

qq. Membrana ventriculi separata, è quibus interior ex infinito glandularum oblongarum numero est conflata, quarum cuspides internam superficiem ventriculi instar Segrini exasperant.

Q. Larynx.

R. Lingua.

ST. Pes dexter.

T. Serratus unguis in digito secundo.

SECTIO LXXVII. DESCRIPTIO ANATOMICA NOCTUÆ

D. Joh. de Muralto

Ex Miscellan, S. R. I. Acad. Nat. Cur. D. 2. A. 1. p. 133.

NOCTUA quam nos Tiguri die 13. Maji A. MDCLXXVII. diffecimus, Gesnerianæ descriptioni convenit per omnia.

Hepar in duos lobos distinctum est, quorum parti mediæ vesicula fellis ingens & turgida adhæret. Ductus ab hepate mox superato pancreate intestina sensim perforat. At ductus è vesiculâ aliâ viâ incedens locò superiore in duodenum inseritur. Infra vesiculam fellis lien est. Intestina cæca duplicia sunt & in rectum desinunt. Rectum intestinum ab it in podicem, qui sacculus est latus & amplus, ligamento forti lumbis annexus ac utrinque membranis firmatus. Ad œsophagum sita est crusta glandulosa, ventriculum præcingens: singulæ glandulæ oblongæ sunt & cylindricæ ac in tunicam subjacentem vasa dimitunt & succum ad dissolvendam alimoniam. Stomachum internè flava pellicula succingit. Pylorum plexus glandularum tubularum stipat. Renes oblongi sunt, latentes in cavitatibus ossibus lumborum. Illis supernè adhæserunt testiculi, quorum vasa desinebant ad alvum.

Cordi duo sunt ventriculi totidemque auriculæ. Lingua & trachea perinde constituta erant atque in noctua saxatili, quam postea de-

scribemus. Narium foramina intus succingebantur tubulo membranaceo. Oculi protuberabant instar nodorum crystallinorum & valdè splendebant. Loco orbitæ cornea membrana cernitur, in cartilaginis substantiam abiens. Cranium spongiosum est. Figura oculorum rotunda erat, sed in basi depressa. Humor crystallinus planè sphaericus est. Foramina aurium manifesta erant & patula, at auriculæ non tantæ, sicut saxatili noctuæ. Cerebrum valdè flaccidum.

Quæ de duplici intestino cæco eoque longo, ventriculo amplo & membranoso, œsophago crasso (sive glanduloso) hepate mollissimo, vesiculâ fellis mediocriter amplâ, oculorum item structurâ singulari habet Marcus Aurelius Severinus, in *Zootomia Democr.* pag. 336. videri possunt. Noctuas musculis oculorum carente Excell. Dn. Joh. Dan. Major pag. 16. *Hist. anat. Chilon. prim.* prodidit, unde aliorum videre volentes caput totum convertere opus habeant; nisi tamen (addens) verisimile sit quid analogum adesse e.g. membranam aliquam villosam, uti de Chamæleonte ex Panarolo refert Bartholinus. Vid. Dn. Lucas Schræckius c. 1.



AMPHITHEATRI ZOOTOMICI
 S E C T I O LXXVIII.
 A N A T O M E
 NOCTUÆ SAXATILIS

Ejusdem ibidem p. 134.

Die 7. Maji anni 1680. Figuri capta fuit Noctua rara, cui rostrum erat ad unicum & foraminibus binis ceu naribus pertusum. Oculi insignes ac alte reconditi latisque obvelati palpebris, margine nigricante & circumcirca ciliorum loco pennæ rotæ instar ambientibus. Retro plumeum hunc circumculum notantur aures cum auriculis. Auricula quævis lunata est & foramen auditus totaliter obtegit. Operculo amoto audiendi organa conspiciuntur, nimirum circulus osseus cum membrana tympani. Post aurem pennæ sunt reflexæ, ne quod obstaculum præbent auditui nec crispæ sunt, sicut in ciliis, sed latiores & altiores, sic ut supra priores assurgant (*)

Ciliorum plumæ albicant. Aurium e spadiceo flavescunt. In dorso cæsi sunt coloris & quasi oculatæ plumæ, tanquam in Pavonibus, attamen diversi coloris; Cauda & alæ eandem habent longitudinem & griseis lineis tribus quatuorve notatæ sunt, quarum basis pallescit. Venter omnis albicat, subinde nigricantibus punctis pictus atque guttatus. Pedes plumosi sunt usque ad ungues. Hi singulis pedibus quaterni. Longitudo totius avis ulnam mediam superavit, latitudo passis alis integram. Caput noctuæ vulgari simile, minus tamen & reliquo corpori proportionem respondens. Aperto abdomine pinguedinem circa alvum copiosam observavimus. Ventriculus erat durus, rugosus & pinguedine oblitus: in quò notavimus & murem vulgarem ferè digestum & ru-

beculam avem cum plumis & pilis. Pancreas oblongum. Pylori valvula insignis & infra hanc plexus glandulosus apparuit. Intima ventriculi membrana facillimè separabatur à reliquis. Prope ductum Pancreatis meatus bilis tendebat in duodenum. Fellis autem vesiculam desideravimus. Intestinum cæcum duplex fuit. Longitudo omnium intestinorum ulnam nostratam assequebatur. Inferius duo hepatis lobi insignes & à latere lobulus alius rotundus unicæ fibrillæ adhærens spectabilis erat, quem lienem esse existimo. Seminis vasa ab aorta utrinque testes petebant. Mas enim erat, quippe cui testes oblongi, ad utramque extremitatem liberi & humore mucoso pleni. Infra testes sub peritonæo latent renum corpora intra cavitatem processuum transversorum vertebrarum lumbalium recondita: inde ureteres in dilatatam alvi extremitatem abeunt. Singulares muscoli asperam arteriam suffulciunt, qui feruntur ad pectoris latera & originem suam nanciscuntur paulò infra trachæ divisionem. Lingua antè carneæ est, postè dura & tantum non ossea. Laryngis hiatus amplus, pone quem eminebant papillæ tergeminae. Oesophagus valdè dilatatus erat. Cranium spongiosissimum erat, nec durum.

In cerebrò ventriculos distinctos non vidimus. Tredecim collo vertebræ fuerunt. Costæ in universum sex, sterni junctæ. Digitus medius ex alterâ parte ferratus erat, quemadmodum etiam in ardeis.

EXPLICATIO FIGURARUM
 TAB. LXII.

IN PARTE INFERIORE

Ululæ figura naturalis ob oculos ponitur.

IN PARTE SUPERIORE

Viscera nutritioni inservientia simul exhibentur ex *Actis Hafniensibus* Vol. 2. p. 241. ita ut

- a. Sit Lingua.
- b. Rima epiglottidis.
- cc. Cornu ossis hyoidis.
- d. Aspera arteria.
- ee. Musculi arteria aspera.
- ff. Pulmones.
- g. Oesophagus.

- H. Stomachus.
- h. Tubuli glandulosi, unde humor resolvens.
- II. Tubercula rubicunda in stomacho.
- K. Lien.
- L. Cor.
- M. Hepar.
- nn. Ductus bilarii.
- O. Pancreas.
- PP. Intestina caca.
- Q. Ovarium.
- q. Parenchyma flavescens, ovarii basis.
- R. Oviductus.
- ss. Renes.
- tt. Ureteres.
- U. Cloaca.


SECT.

(*) Quæ de plumis his refert Autor, nuper in noctua Saxat, juniore ad oculum conspexi, quæ sibi relicta pennas has instar duorum cornuum erigebat Aures maximæ ab uno latere ad aliud ligamento quodam cohærebant. Nostrates vocant ein Dörsel/ ein Uhu.

fig. I



fig. II.



SECTIO LXXIX.

DESCRIPTIO ANATOMICA PICORUM

Mich. Bernhardi Valentini.

Admirandum & artificiosissimum Naturæ mechanismum observare licuit in Pici capite, postquam Filius meus *Conradus Michael Valentini* ipsi cutem, ad suffarcinandas exuvias (*zum Auffbällen*) detraxerat. Instructus sc. erat Ligamentis duabus B. C. D. in TAB. LXXVI. Fig. IV. quæ in basi rostri initium capientes & in utroque latere figuram semilunarem prius efformantes abhinc supra caput per fissuras quasi seu sulcos in cranio A. hunc in finem relictos excurrunt, & in extremitate versus D. conjunctæ & musculo oblongo inclusæ linguam constituunt.

Ad hæc musculo cuidam canaliformi includuntur, cujus principium Laryngi finis autem extremitati cartilaginum insertus est. Hic igitur versus linguam retractus linguam è rostro educit, versus alteram verò partem actus, contra reducit. Ipsum verò cranium A. loco hypomochlii inservit, ut motus faciliter, haud aliter ac patella in genu & ossa sesamoidea ligamentorum desuper abeuntium motum & actionem facilitant, explicante *Boerhavenio* in *Instit. Med.* Vel uti in Fig. V. TAB. LXXVI. tracto E. versus trochleam G. baculi rigidi extremitas A. reducitur recedente altero extremo B. Tracto autem F. recedat A. adducto versus trochleam

H. parte B. explicante D. *Gakenholzro* in *Programmate De Principiis Mechanicæ physiologia applicandis.*

Hic mechanismus non tantum in Pico Mariali, vulgò *Grün-Specht* dicto, occurrit, sed & Minori, in dem *Gräß-Specht* / imò & in Pico Maximo, *schwarzen Specht* dicto, invenitur, cujus, utut rarioris, nuper mihi copia facta fuit. Hic partibus mediantibus linguam ad insignem longitudinem exserere, in acervos formicam immittere, & formicas extremitati linguæ serratæ se applicantes extrahere & deglutire valent. Conf. & *Anatome superior Chamaleontis Parisiensium circa finem.*

NOTA.

Structura hæc curiosissima movit Anglum quendam, *Richardum* sc. *Wallerum*, ut integrum de illa commentarium cum figuris nitidissimis conscriberet, cui titulus est: *A description of that curious natural machine, the Wood-Pekers tongue, by Richard Waller, Esq. late Secretary to the Royal Society, quem enumerarunt Novella Litterarum Germanica A. 1717. Die 6. Novemb. Refutantur illic errores à Dn. Perault, Coitero, Borello, Hamelio & Mery hoc in argumento commissi.*

SECTIO LXXX.

DESCRIPTIO ANATOMICA GARRULI

ANno 1713. die 10. Octobr. filii mei natu majores, *Christophorus Bernhardus*, & *Conradus Michael Valentini*, Garrulum avem, popularibus nostris *die Marcolph / Hoher* &c. dictam, tam marem, quàm fæmelam cultro anatomico subjeciebant, & seqq. inibi observabant.

In *SUPREMA REGIONE* Cerebrum remotis meningibus haud difficulter ut in aliis avibus in medietate ad fundum cranii separari & ad latera deduci poterat, secus ac in homine & quadrupedibus accidit, ubi tantum us-

que ad corpus callosum diduci potest. Mirum ergò non est Stentoribus familiare experimentum, quò clavum quendam Gallinis aut Columbibus per medium cerebrum salvâ manente vita pertundunt, ut liquori suo stiptico fidem & admirationem concilient.

In *MEDIA REGIONE* Arteria aspera, antequam pulmones ingrederetur, longius ac in aliis aut in duas partes divaricabatur, ab utroque latere fibra costis annexa, pulmonibus valde complicatis; & cum hac ratione plurimum aëris in se recipere & simul ejicere valent,

ant, hinc vocis in hâc ave valdè sonoræ gar-
rulitatisque (quâ omnia in sylvis prodiit) haud
obscura ratio dari potest. Vid. *Fig. 1.* hîc sub-
iuncta.

Cordis apex non tam ad latus sinistrum,
quàm dextrum inclinabat.

Tandem in *INFIMA REGIONE* ven-
triculus in proportione ad reliquas partes erat

quam magnus, intus omninò rugosus; quem-
admodum & hepar satis grande erat; è quò
ductus hepaticus (ut in volatilibus consuetum
est) bilem immediate ad duodenum deferebat,
qui prope insertionem ductus pancreatici in il-
lud hiabat.

Cæcum erat duplex ex utraque parte instar
Vermiculi locatum, ut ex *Fig. 2.* elucescit.

EXPLICATIO FIGURARUM 1, & 2.

TAB. LXXIX.

in FIG. I.

A. est portio laryngis.

B.B. Ossis hyoidis pars.

C.C. Fibrilla arteriam asperam costis anne-
ctentes.

D.D. Divaricatio aspera arteria.

E.E. Pulmones corrugati.

FIG. II.

a.a. Intestina tenuia.

b.b. Duplex intestinum cæcum.

c.c. Intestinum Colon.

SECTIO LXXXI.

DESCRIPTIO ANATOMICA VESPERTILIONIS

D. Joh. de Muralto

è Miscell. S. R. I. Acad. Nat. Cur. Dec. 2, A. 1. p. 129.

Vespertilionum pili medium inter plumas
& crines tenent. Illorum color erat
fuscus, ac in dorso magis ad spadice-
um vergens. Alæ latæ sunt, depiles articulum-
que duplicem sustinent, ut duobus in locis
complicari possint. Loco carpi deorsum por-
rigitur ossiculum prælongum, quod alam ex-
tendit, duplici geniculo flexum ac mobile.
Sequitur hoc aliud longius ad apicem alæ pro-
tensum; itidem duobus geniculis flexile. Ter-
tium & quartum eodem modo digitorum in-
star flectitur. Tandem in summitate apex
pollicis instar ungue armatus & quaquaversum
mobilis exit. Superius paulò cubitus adest,
qui cum humero per ginglymum aptè conjun-
gitur. Ab inferiore parte radius, à superio-
re ulna prostat. Os brachii unicum figurâ cum
brachio muris vulgaris convenit. Nasus utrin-
que binis papillis & mystace insignis est. Den-
tes apparent felini. Aures amplæ, quarum
anthelix oblonga ad aerem bene reverberan-
dum. Extremitates helices usque ad inferioris
maxillæ rictum tendunt. Oculi splendent.
Pectus latum est, & munitum Claviculis: Ven-
ter proportionatus: Coxendix ampla. Femur
ex unico osse constat. Tibia adest & fibula.
Musculi autem tarsi in ipsis alis firman-
tur. Ha-

rum membranæ duplicatæ sunt, ut intra du-
plicationem nervi securè distribuuntur, adeo-
que partim à musculis brachii supernè, inter-
nè à musculis femoris, tibiæ, tarsi & ipsorum
digitorum alæ utrinque ad nutum moventur.

Cauda vespertilionis rotunda intra alæ du-
plicationem latebat. Pes articulos habet se-
ptem, sex digitos, quorum postremus calca-
ri oblongo donatur, retortâ cuspidè aut in-
curvatâ instar unci quò utuntur ad ligna ex
aquis educenda. Vid. *Ephemerid. s. Miscell.*
Curios. Dec. I. A. IV. Obs. 182. Friderici Lach-
mundi cum Icone hîc adjecta.

Musculus pectoralis inseritur ossi humeri,
illudque antrosum movet. Huic musculo
subjacet sternocoracoidæus. Musculus adest
quoque subclavius. Deltoides tendinem su-
um mittit, ad cubitum, quem sursum trahit.
Biceps iterum extendit. Brachius in gyrum
moven. Scapulæ processus inferior acutus est.

Hepar jacet in sinistro hypochondrio. Ren
dexter superiore loco positus est, sinister in-
feriore. Intestinorum longitudo dimidiam
ulnam æquabat integerque ductus æqualis erat
capacitatis. Uterus bicornis erat & præditus
ovariò duplici.

fig. I.

Tab. LXIII.



fig. II.




fig. III.



EXPLICATIO FIGURARUM
TAB. LXIII.

IN PARTE INFERIORE

Vespertilio cum expansis alis integer exhibetur.

Suprà FIG. I.

Vespertilio Indicus pullos suos lactans ob oculos ponitur.

FIG. II.

*Sceletos est Vespertilionis.*S E C T I O LXXXII.
DESCRIPTIO ANATOMICA
SIRENIS

è Thom. Bartholini Hist. Anat. Cent. 2. Hist. XI.

Siren piscis est ἀνδρονόμοσφις, qualem maximum Leidæ aliquando dissectum fuisse Bartholinus loco supra citato refert, in quo caput pectusque ad umbilicum usque, humanam præ se ferebat speciem, ab umbilico verò ad extremos pedes informis erat caro sine caudæ signo; ut omne dubium femoveret, ait in Museo suo inveniri & manus & costas.

Manus quinque digitis constare sicut nostra totidemque articulationibus quot nostra, id tamen singulare, quod ossa omnia digitorum sint latiora & compressa & digitos invi-

cem membrana jungat, quemadmodum in volatilibus, anser, anate, olore &c. quæ explicato pede se in aquis promovent, duorum digitorum extremitas latior, extremorum verò acuta. Radius cubitusque, ob natandi commoditatem, valdè curtus, vix 4. digitos transversos longus. Nec amplior humeri ductus. Costæ longæ satis & crassæ, humanas vulgares tertia parte superantes, ut omnia in Fig. aneis ob oculos ponit Haversius in *Nesodochio Cutis lib. 3. pag. 429.* Vid. TAB. 67. de Phocæna. Fig. VI. VII. VIII. IX.

S E C T I O LXXXIII.
DESCRIPTIO ANATOMICA
BALÆNÆ

è Martinerii Itinere Septentrionali & Act. Hafniens. Vol. 2. pag. 67.

Balæna piscis est monstrosæ magnitudinis, cujus caput tertiam partem totius corporis tenet, utut gutture, proportionem habita, gaudeat angusto, ita ut statuantur cibos ab eò non integros deglutiri, sed in ore prius comminui. Tot tamen haleces, quæ integram tonnam explere valuissent in ventriculo ejus inventas fuisse, nautæ quidam asserunt. Hoc certum est, excrementa plurima in intestinis ejus reperiri; ut adeoque falsum sit, Balænam solo victitare aere. Labium utrumque pilis brevioribus est obsitum & instar literæ S. incurvatum ad pinnas fere retro oculos pertingens: unde piscis labia sua ad 5. orgyrum longitudinem diducere valet. In parte anteriore inferioris labii cavitas quæ-

dam seu fossa spectatur, in quam superior proboscis seu rostrum se, tanquam culter in vaginam recondit. Perhibent Balænam hac mediante aquam attrahere, quam per foramina in summo capite observanda ad cœlestem ferè altitudinem rursus ejaculatur. Lingua infimæ oris parti fixè adhæret, & licet à Piscatoribus abjiciatur, gratum tamen Serræ pisci nutrimentum prabet, cujus desiderio detentus Balænam enecat. Pinguis, mollis & fungosa ejus est substantia, unde difficulter dissectari potest, eamque ob causam abjicitur, licet enim plurimum 00. fundat. Loco dentium palatum repletur plurimis viminibus seu laminis corneis, quas nautæ Baren vocant; & cum costa Sartoria vulgò das Fischbein inde pa-

de paratur, hinc non minima lucri pars inde resultat, quod à piscibus hisce expectatur. In superiori mandibula in circulum quasi per certas series semilunares & acinacis formam referentes disponuntur, ita ut in uno latere 450 & totidem in altero hæreant. Quidam utrobique 800. majores minoresque numerarunt. Mediocres longitudinem 2. 3. aut 4. orgyarum habent. Minores in parte anteriore oris hærent & inferius versus guttur. In radice tamen majores minoresque miscentur, ut arbores in sylvis. Omnes à se invicem ita distant, ut digitus interferri possit. In fine crinibus præditæ sunt, quos barbam vocant. *Lingua* inter illas sita est, 18. pedes sæpe longitudine emetiens IX. lata & 6000. libras pendens. Licet autem Balænarum Spizbergicarum longitudo ad 200. pedes se extendat, *Oculi* tamen ciliis suis & superciliis instructi vix boum oculos magnitudine superant, quorum inferius receptaculum, neque osseum, neque carneum, sed singularis substantiæ depingit *Thomas Bartholini in Act. Hafn. Vol. 2. pag. 68.* *Pinnas* in dorso (contra naturam aliorum piscium) non habet, sed tantum duas retro oculos, nigris & albis stris maculis eleganter distinctas, quales & in *cauda* videntur, quam planam, non erectam ut alii pisces, habent, tres vel quatuor orgyas ple-

rumque latam. *Cutis* in nonnullis aspera, in aliis verò glabra est, quorum priores plerumque majores sunt.

Ossa balænae non ut in aliis piscibus se habent, sed cavitate suâ & medullâ gaudent, ut quadrupedum & animalium terrestrium ossa. *Mandibula* inferior è duobus ossibus semilunaribus, est conflata, quorum unumquodvis 20. sæpe ulnas adæquat. *Mas priapo* gaudet maximo à pavimento hypocausti mediocris ad summum pertingens & in parte crassiori femoris crassitiem habens. Circa ejus regionem fissura in corpore observatur, in quam se, ut culter in vaginam, recondit. *Fœmella* tempore coitus à mare pinnis blandè excipitur, sicque sibi per dimidiam & integram horam cohabitant, ipsaque fœmella intra X. menses, plerumque inter mensem Octobrem & Januarii duos catulos vivos, vaccæ magnitudine parere dicitur. Hòs periculo urgente ore dicitur abscondere. Alias verò sub pinnis ejus latent & ubera ejus sugunt, quorum non tam quatuor aut plures sunt, ut *Pometus* in figurâ (quam *Tom. 7. Musei Museorum* insecuimus) habet, sed tantum duo, ut nauta quidam è Groenlandia rediit Experientiss. *Dn. D. Unzelmanno*, Bremensi Medico, meo olim Auditori, retulit.

SECTIO LXXXIV. ANATOMIE UNICORNU MARINI

D. Olai Wormii,

è Museo seu Historia rerum rariorum p. 282.

UNicornu marinum è genere Cetorum est, Septentrionalibus à cadaveribus, quibus vescitur, NARHUAL dictum: Nar enim priscis cadaver dicitur.

Qui versus Polum Arcticum & fretum Davis navigationes instituunt, ad elevationem poli 59. 50. min. & 74. grad. trium min. in freto Davis hæc animalia haud rara esse retulerunt nautæ, qui eum sæpe ibidem viderunt & circa Groenlandiam capitur.

Defertur quoque cum glaciei fragmentis ad Islandos, XXX. sæpe ulnas referens.

In vertice foramina, per quæ aquam pro lubitu evomit, instar balænae habet, cui & figurâ similis, pinnas duas ad latera habens, tubera tria in dorso, unum in ventre, branchias nullas, dentem unicum in sinistra superioris man-

dibulæ parte, ad 7. cub. prominentem, tere-tem, striatum, acutum, nullos præterea minores.

Hujus carnem (juxta vulgi narrata) si quis comedisset, sive homo, sive brutum, in mortis periculo non secus constituebatur, ac si venenum hausisset: Quod tamen aliter se habere docuit Bellua illa, quæ anno 1648. in Islandiam appulit, ex cujus carne multi sine detrimento sanitatis comederunt, ut postmodum accepi.

Dens ejus hætenus pro verò Unicornu à magnatibus & aliis habitus est: quocirca quid de eò observaverim, hisce in veritatis patrocinium libens inferam.

Cranium ipsum, in quo adhuc hærebat, inveni mandibulâ inferiori destitutum, colore cinereo

fig. 1.



fig. 2.



fig. 3.



fig. 4.



cinereo nigricante, qualis esse solet ossium aëri diu expositorum & ad putredinem tendentium, inæquale, variis foraminibus & protuberantiis præditum, quibusdam in locis æquale, quibusdam scabrum, substantiâ ossis partim porosiore, partim à cutis adhærentibus particulis & fibris tali reddita.

Tribus circiter pollicibus ab occipitii apice duo ampla exstabant foramina, tanra, ut cranii superiore superficie duos digitos junctos caperent. Hæc cranium obliquè perforantia in palato desinebant, ubi ampliora aliquantulum septo osseo & valido satis distincta. Per hæc respirabat & aquam superfluam ejaculabatur. Canales enim duo magni à faucibus orti in hæc terminantur, ut à ventriculo expulsa ductu recto & commodiore hinc ferri possent. In supremâ cranii parte superficie corniculata quasi duo tubercula foramina dicta cingebant, in acutum processum terminata, quæ per ejus medium excurrentia lineâ seu canali à reliquis ossibus segregabantur, ipsum verò horum foraminum septum in frontis summitate monticulum quasi cristatum constituebat. Utrinque minora alia viscebantur foramina, quorum maximum minimum digitum vix admittebat, nervis è cerebro excurrentibus & muscutorum tendinibus recipiendis apta. Vid. Fig. 3. TAB. . . .

Post oculorum orbitas duo simul ampli videntur sinus seu meatus ex osse Zygomatis & Syncipitis constituti utrinque unus; oblongi ad palati interiora tendentes, longitudine pollicum sex cum dimidio: latitudine, quâ se maximè extendunt, duorum cum semissè, versus occipitium in angulum acutum desinentes. An in his organa auditus aut oculorum muscoli latitaverint, ignoro. A monticulis, qui foramina ejaculatoria stipant, ossa duo oblonga plana & lævia per longitudinem cranii excurrunt, quæ utrinque aliis ossibus spongiosis & asperis fibrisque membranis horridis muniuntur. Hæc in latere dextro aliis uniuntur & nullam constituunt cavitatem: in sinistro verò magnum & profundum exhibent alveum, denti isti maximo recipiendo aptum. Qui alveus ab extremitate oris ad foraminum ejaculatoriorum parietem tendit, profunditate pedis unius cum quatuor pollicibus.

Interiorem ejus superficiem asperam & horridam reddebant ligamentorum membranarumque, quibus dentis radix obvolvebatur in suo alveo, reliquæ. Diameter ejus erat pol-

licum trium cum dimidio, ipsi denti respondens.

Occipitis figura à tergo intuenti semicircularis fermè apparebat, extuberantibus in vertice quibusdam processibus inæqualibus. A vertice versus foramen, per quod spinalis medulla à cerebro in vertebrae excurrit, pollicum erat septem fermè. Foramen ipsum, in diametro longitudinis, pollices duos cum semissè occupabat (oblongum enim erat, latius paulò in summò, quàm imò, ubi unum cum dimidio vix æquabat) utrinque à dextris & sinistris exstabant prominentiæ ovali fermè figurâ & magnitudine, quæ primæ colli vertebræ sinibus insinuabantur in vivo.

Inferior cranii superficies palatum constituens integri pedis spatio ab oris extremitate in occipitium usque æqualis fermè & sinibus ac processibus destituta est, nullisque dentibus insignis, longo hoc excepto. Nec ulla adsunt vestigia alveolum, quæ iis excipiendis destinari possunt. Hinc quatuor pollicum spatio per ejus medium progressus si fueris, occurrunt ductuum ejaculatoriorum foramina inferiora seu orificia, à quibus insignes & magni processus S. lireram quodammodò referentes utrinque oriuntur, qui quo magis ad occipitium vergunt, eò majores, ampliores & latiores evadunt. Hos ad latera stipant utrinque processus pterigoides seu alares, suis sinibus tam majoribus, quam minoribus insignes.

Hæc alas interius contemplatus si fueris, quodammodò ossi Zygomatis in cranio humano respondere videntur. Hic rursus occurrunt magni illi sinus, de quibus supra dictum, ab alterâ parte processibus alaribus circumscripti. Iis adjacent interiori hac parte conspicui alii duo sinus magni, oblongi inæquales, foraminibus, in ipsam cavitatem cerebrum continentem se insinuantibus præditi, per quæ, nisi me fallant omnes circumstantiæ, transeunt nervi ad linguam tendentes, gustui proculdubio inservientes ac linguæ motui. Alia duo grandia foramina nervis opticis & motoris oculorum transitum concedunt. Pendebat cranium totum exempto dente libras duodecim.

Dens ipse integer non erat, sed tertia fere parte mutilus. Ferunt ejusmodi belluas glaciei crustis majoribus implicatas magno impetu hoc dente se expedire, unde frangi & mutilari haud rarò contingit, quod ab oculatis & fide dignis habes. Plura qui desiderat, *Thom. Bartholini Tr. de Unicornu* poterit consulere, ubi multa his omninò consentanea occurrunt.

EXPLICATIO FIGURARUM

TAB. LXIV.

IN PARTE INFERIORE

Piscis in figura naturali sistitur.

Tom. II

IN PARTE SUPERIORE

FIG. 1.

Designat os occipitis cum apophysibus & foraminibus antea descriptis.

I

FIG. 2.

FIG. 2.

*Inferiorem cranii superficiem cum eminentiis suis
& foraminibus ob oculos ponit.*

FIG. 3.

*Integram maxillam inferiorem cum unicornu in
apice mutilato & hætenus descripto de-
pingit.*

SECTIO LXXXV. ANATOMIE VULPIS MARINI

Ex Epistola Acad. Scientiarum Paris. ad Dn. de la Chambre.

OMnes hoc in pisce notas observavimus, quibus Autores aliàs designant eum quem *Vulpem Marinum* vocant, nonnullis saltem particularibus exceptis; quapropter & nomen istud accepisse dicitur. Multum enim cum vulpe terrestri, tum ratione caudæ, tum astutiæ, tum etiam ratione odoris atque saporis carnis ipsius negotii habere dicunt. Hic vero nemo præsentium aliud ciere eum percipere potuit, quàm maximam partem marinarum Piscium. Caro ejus tam fuit boni saporis, ut haberi potuerit, prout etiam habita est, pro carne Acipenseris, aut ad minimum saltem carni Vulpinæ, quæ quàm sit ingrata notum est, eam esse similem dici non possit; neque etiam animal istud multum habere astutiæ credi potuit, siquidem verum est, cerebrum ad eandem facere, quia nihil ferè ejus in eò repertum est. Caudam quod attinet, equidem valde est mirabilis, verùm vulpinæ caudæ planè non est similis. Vulpes marinus ab Autoribus inter cetaceorum cartilagineorum non planorum genera, quæ *Galeodi* dicuntur, ponitur. Differentiæ ipsorum genericæ sunt, quod duo habeant jecinora, quinque auriculas sive bronchia in quovis latere, & mucrones pinnis ad latera umbilici musculorum infra ventrem affixos. Hi pisces sex sunt specierum & dicuntur *CANICULA*, *ACANTIAS*, *MUSTELUS*, *GALEXIAS*, *ASTERIAS*, & *ALOPECIAS* (qui *VULPES* noster *MARINUS* est) cujus differentia specifica, quantum ad figuram, à caudâ petitur, quippe quæ perfectissimè falcem repræsentat. Hujus nostri Piscis longitudo tota erat octo cum dimidio pedum, & latitudo maxima, secundum medium ventris, quatuordecim digitorum. Figura ipsius talis est, ut à rictûs cuspide usque ad medium circiter totius longitudinis communem piscis haberet figuram. Nam incrassescit usque ad ventrem, & postea coarctatur iterum usque in eum locum ubi aliàs cauda alterius Piscis finiretur. Verum ibi demùm hujus cauda incipit, estque tantæ penè longitudinis, quantæ est reliquum

totius corporis, & in modum falcis ventrem versus incurvata. Eo in loco ubi falx incipit, unica pinna est parte inferiori, quam *Salvianus* in superiori esse dicit, ubi saltem eminentia quædam est, eaque articulatio, quæ causa est, ut spina flectere se possit eo in loco facilius versus superiora & inferiora, quàm in residuò totius corporis, ubi flexio alia quàm quæ ad dextram est sive sinistram difficulter peragitur. In dorso duæ cristæ sunt erectæ, altera major in mediò, altera verò minor versus caudam, licèt *Aristoteles* secundum *Athenai* relationem haud ullam in dorso cristam concedat. Sunt & tres in unoquoque latere pinnae; Prior magna est, & alam avis plumatam repræsentat, ut inde forsitan sit quod *Aristoteles* eum *Vulpem* dixerit, qui perinde ac vespertiones alas habeat ex pelle confectas. Hæc pinna quindécim digitos erat longa, in basi vero quinque digitos lata. Media mediæ quoque magnitudinis erat. Aderat umbilico ad latus & ab eâ dependebat mucro, id quod masculis in hoc genere Piscium peculiare est, uti dictum. Pinna tertia propè caudam est valdè exigua.

Pellis lævis est & sine squamis, cristæ & pinnae duræ sunt & retinaculis pelle, quæ ea tegit, obseratis compositæ, color ubique æqualiter ex subnigro in maxime fuscum atque subcæruleum quadantenus tendit, uti lutum ferè apparere solet, non vero albus est per ventrem, uti *Salvianus* inquit. Rictûs apertura quinque digitorum erat, quem muniebant duo dentium genera. Dextrum latus maxillæ superioris eò usque, ubi canini aliorum animalium esse solent, dentium acuminatorum, durorum & firmorum seriem ostendebat, qui omnes ex uno tantum osse erant in modum ferræ formato. Reliqui dentes, qui residuum maxillæ absolvunt, & inferiores omnes faciunt per totum sex series, easque mobiles & per membranas carnosas affixas. Figura ipsorum triangularis est, acuminata & substantia multò minus dura, quàm illorum, qui formam habent ferræ, præsertim si series interiores spectes,

species, ubi sunt fragilissimi. Lingua inferiori omnino maxillæ adhæret, & ex pluribus ossibus articulatis per fibrosam quandam carnem firmiter est composita; pelle quâdam durâ est circumdata, & exiguis cuspidibus lucentibus tecta. quæ ab interioribus versus exteriora eam reddunt asperissimam lævissimam vero & glabram ab exterioribus versus interiora. Cuspides illæ Microscopio observatæ perinde ac crystallus pellucidæ apparent, inque longitudine suâ tres habere videntur lineas, unam verò cum dimidiâ in basi suâ. Jugulum ipsius amplum est, nec Oesophagus minor ipso ventriculo, in quo hunc piscem fœtus suos abscondere dicunt Autores, siquidem aliquod iisdem periculum immineat, dum absorbeat, ut revomat eos postea; Et hinc est quod *Ælianus* & *Plutarchus* dixerint, commodum quod hic piscis præ reliquis habeat, singulare esse, ut ab hamo se liberaturus cum ventriculo evomat, quem verò deinde retrahat iterum tanquam aliquam vestem: id quod probabilius multo videtur, quàm quod alii dicunt, absorbere eum lineam tamdiu, donec offendant aliquam partem valdè debilem, quam dentibus suis secet, quoniam non habet dentes ad diffecandum idoneos. Ventriculus longus circiter erat 15. digitos, & quinque latus, & finiebat infra in Pyloro quodam rectissimo, neque ultra unam cum dimidia lineam faciebat. Foramen est lævissimum & maximè glabrum, perinde ac Oesophagus, verum interiora ventriculi sunt inæqualia & similia eorum animalium ventriculis, quæ ruminantur, id quod appellatur *Reticulum*. In ventriculo ramus herbæ marinæ in ventus est, quæ dicitur *Varec*, quinque digitorum longus, & piscis æqualis longitudinis sine capite, sine squamâ, sine pelle & intestinis, in quo omnia jam erant absumpta præter carnem musculosam, quæ adhuc permanerat integra. Post Pylorum intestinum extendit se nonnihil ad quatuor usque lineas quinque digitorum longitudo, quæ pro duodeno haberi poterit, ea se dilatat postea ut magnum intestinum formet, quod circiter 18. digitos longum erat, tres verò latum: Inferior pars, quæ levis est & septem digitos longa, est rectum. Superior, quæ circiter tredecim digitorum est, structurâ planè singulari gaudet: Nam circumvolutionem intestinorum ordinariorum loco cavitas ipsius pluribus secessibus ex membranis intestini interioris complicatis transversim intersecta est: Quorum secessuum alter dimidium digitum ab altero remotus, & variè, perindè ac cochleæ testa sive scala quâdam, contortus est. Id quod causæ est, quod nutrimentum commoretur diutissimè in transitu, aut via sit quàm brevissima. Sub infimum ventriculi lien affixus est, qui duplus, & in duabus cuspidibus inæqualibus finit, quarum longissima 5. erat digitorum, color au-

tem similis colori hepatis, saltem quod obscurior paulò esset & magis fuscus. Circa lienem quoque observatum est nonnihil intestino affixum, quod Pancreas fuisse dici posset, quoniam est glandulosum quasi; verum magis erat nigrum, quam ipse Lien. Jecur omnem dextri lateris in ventre longitudinem occupat; Divisum id est in duos lobos; hinc dixerunt Autores Piscem illum duo habere jecinora. Longissimus istorum loborum viginti habuit digitos, alter verò octodecim; uterque non nisi quinque latus erat. Color erat rubicundus & secundum longitudinem & transversim quoque obscuris lineis radiabat. Fel in superiori parte majoris lobi in substantiam Parenchymatis inclusum, neque supra in vesiculâ quadam applicatum erat, sed color saltem ipsius viridis per tunicam hepatis apparebat; Lobi duo ponderabant quinque cum dimidiâ libras. Vesicula interius habebat quædam quasi folia, ex suâ tunica composita. Fel quod continebat, plus aciditatis, quàm amaritudinis habere observatum est. Circa umbilicum pars quædam interius conclusa duos circiter digitos longa & in fine acuminata, quam sexum discernere crediderunt, observata est; Hæc jamjam innotuit per duos istos mucrones, quos diximus, quosque nonnisi in maribus observari Autores confirmant. Aures, quarum quinque sunt in quovis latere, hoc inter alia commune habent, quod ipsarum apertura, quæ duorum circiter digitorum cum dimidio est, unâ penè vice interius se dilatat tantidem, quò in foramen aliquod aperturæ æquale coarctetur. Quod verò speciale habent, tres intermediæ majores sunt & intra per bronchia custoditæ. Duæ extremæ paulò minores ea cumprimis quæ à capite, est remotissima, hoc peculiare habent, ut læves sint & sine curvaturis.

Cor est absque Pericardio, Aorta verò membranâ cincta est Pericardii membranæ simili, quæ ita eam involvit, ut ipsi non sit juncta aut affixa sed circa eam fluctuet. Magnitudo cordis ut & figura referebat ovum gallinaceum. Ventriculus, quem habebat unicum, uti penes quævis animalia non respirantia observatur, quinque habet valvulas, tres sigmoides ad Aortæ & duas triglochines ad venæ cavæ ostium. Cor etiam unam tantum habebat auriculam valdè magnam, & principium Aortæ annulo carnosio decem lineas longo cinctum erat. Aorta ascendens projectis quibusdam in cerebrum ramusculis, maximam partem desinit atque evanescit sub lingua.

Caput nil ferè est aliud quam massa carnea, musculis crotaphitis, qui spissitudine quatuor etiam digitos superant, tecta. Cranium pugno haud erat majus, in superiore autem parte duos penè digitos crassum. Spissitudo tribus sinibus cavernosis & inæqualibus est excavata. qui in medio est, superiorum par-

rium minor est, reliqui duo, qui sunt ad latera, majores sunt & novem circiter lineas lati: Sunt verò omninò penè vacui, neque re ullâ aliâ, quàm sanguinolentâ mucositate repleti. Cerebrum, quod exiguum valdè est, paucisque anfractibus prædium, tam molle erat atque liquidum, ut ne ulla quidem circa ejus structuram haberi observatio potuerit. Medulla spinalis, quæ secundùm longum per spinæ foramina nervorum filamenta, acus magnitudinem referentia, projiciebat, tria paria, principium in ipso cranio habentia, produxit, unam cum dimidiâ lineam magna. Duo ex iisdem in musculis crotaphitis, inque iis, qui majores pinnas priores moverunt, desinebant. Tertium secundùm longum spinæ protendebatur, eandem semper magnitudinem retinens, utut nullibi non parvos projiceret ramusculos ex medullâ spinali exeuntes. Oculi qui majores erant oculis bovinis, non nisi semisphærici erant, & in anteriori parte plani; Sclerotis enim cupam ferè repræsentabat. Tunica hæc valde est tenuis, tam verò dura, ut haberi potius pro osse possit quàm pro tunica. Cornea contra tam est tenera, ut complicata esset & humori CrySTALLINO immersa, qui humor perfectè erat sphæricus, uti communiter in Piscibus observari solet, nihilo minus tamen

in uno oculorum nonnihil deplanatus. Uvea anterior non erat nigra, nec valdè interius obscura, sed subnigra saltem, uti est exterius quandò Iridem constituit. Choroides similis erat coloris & perforata juxta productionem retiformis tunicæ foramine quodam latissimo, quod lineam ferè habebat cum dimidia. Choroides eum habebat interius Conchæ margaritiferae splendorem, quem habere solent animalia terrestria, nisi quod colores minus erant vividii. Retina etiam yasis sanguinariis valdè conspicuis erat prædita. Piscis summè carnosus est, & pinguedo, ultrâ digitum crassa, pluribus in locis deprehensa est; id quod mirificè confirmat Arcestrati opinionem, in *Athenæo* asserentis, vulpem marinum eum esse piscem, qui à Syracusanis *Cyna Piona*, propter nimiam, quâ præditus sit, pinguedinem appelleretur, quod verò est contra *Epaneri* sententiam, qui Pisces cartilagineos pinguedinem habere negat. Nimius aëris æstus, qui sectionis tempore sentiebatur, uno die absolvere eandem coëgit, neque concessit nobis ut diutius curiositati nostræ incumbere possemus. Cras Leonem quendam, qui mortuus est vincennesii secabimus, cujus sectionis singularia etiam communicaturi sumus.

EXPLICATIO FIGURARUM TAB. LXV.

In Figura inferiori ipse piscis ita est locatus, ut binæ pinnae in ejus dorso, una cum oculo, foramine narium & quinque aperturis retro mandibulas videri possint. Non minus hîc dentes quodammodo apparent, qui in dextro latere omnes in uno osse occurrunt, unam tantum seriem formantes, cum è contra in sinistro latere à se invicem separati diversas formæ series; ut in figura superiori observare licet.

IN FIG. SUPERIORI.

- a. est Cor.
B.c. Epatis lobus dexter.
c. Vesicula biliaria, cujus exigua tantum particula videtur, cum maximâ ex parte epati sit inclusa.

D.D. Sinister hepatis lobus.

e. Splen.

F.g. Ventriculus.

g.h. Duodenum.

h.I. Intestinum crassum.

I. Auricula cordis.

K. Aorta descendens.

L. Cornea tunica.

M.M. Margo tunica Sclerotica.

N. Nervus opticus.


O.P.Q. Intestinum crassum, cujus dimidietas abscissa est, ut membrana spiralis in illo videri queat.


O. Pars Duodeno vicina.

P. Initium intestini recti.

Q.Q.Q. Membrana Spiralis.







SECTIO LXXXVI.

ANATOMIE

PHOCÆ MARIS

D. Güntheri Christoph. Schelhameri PP.

Qui Animalium nobis historiam scriptis comprehensam reliquerunt, Lector benevole, vario quidem instituto usi sunt: Nonnulli Philosophos egerunt, ut *Aristoteles*, alii Grammaticos, ut *Petrus Bellonius* de Aquatilibus: paucos Medicos nominare poteris, *Dioscoride* excepto; quorum potissimum est, usum quem in sanandis morbis præstant, inquirere: Quod difficile hoc cum primis & arduum est, periculum in corporibus ægrotantium facere eorum, quæ nunquam antea sunt tentata, magnoque ad id Judicio opus, ne, si prodesse non possis, noceas etiam, & ubi sanare aliorum corpora cupis, propriæ conscientiae vulnus infligas. Non autem poterit hæc ejus pars excoli, nisi prius & Grammaticam, notitiam, & partium cum primis corporis præmittas. In quo ex antiquissimis *Democritum* maxime occupatum fuisse constat, quem *Hippocrates*, ad eum ex infania, quâ Abderitis laborare stolidè existimabatur, ad bonam mentem reducendi gratia arcessitus, invenit animalia varia dissecantem, & bilis vias inquirentem, ut id in Epistolis Hippocratis operibus subjunctis est legere, ex quibus ea in suum usum transtulit *Magnenus*. Nonnulli omnia hæc conjungere, ut *Aldrovandus* & *Gesnerus* quorum institutum, vastum sanè & magnis ingeniis dignum, probare tamen omnino non possum, cum turbet discentium mentes, & studiorum diversa genera in unum confundat: Etsi *Gesneri* institutum *Aldrovandino* conatù sit tolerabilius. Quod etiam movit *Jonstonum* Silesium, ut relictis alienis, ea potissimum quæ ad Philosophiam & Grammaticam & Medicinam pertinerent, à reliquis separaret, & in Compendium ageret majori laude dignum, si plus in eo temporis posuisset, & quæ ab *Aristotele*, *Plinio*, *Gesnero*, & *Aldrovando*, quorum omnium se epitomatores professus est, seligenda erant, paulo magis expendisset.

Quantumcunque verò operæ hi summi ac diligentissimi viri in ea re posuerint, fieri tamen non potuit, ut tanto labori, universæ, animalium scilicet naturæ describendæ, pares ingenii vires afferrent. Hinc nullum forte animal reperias, cujus integram naturam tam exactè traderunt, ut in enarratis partibus cæterisque non sint in permultis hallucinati.

Quod etiam ex sequentibus de Phoca observationibus patefcet. Quas accuratas, atque ex omni parte perfectas nec ipsi pollicemur, sed quales sese in recenti cadavere forte obtulerunt, aliquas; eo lubentius cum publico communicandas, quod à celeberrimo antecessore meo *Joh. Dan. Majori* consimiles promissæ, nondum postea comparuerint, cujus vices in in hoc quoque implere, & datam publice olim fidem liberare, jure quodam nostro studemus.

Uti capitis quidem interna scrutari non potui, quod alii usui destinatum, cultri aciem non admisit: Fiet fortè hoc tamen alio tempore, opportuna se occasione denuo offerente. Interim quæ in triduoano labore observavimus, simplici, planoque sermone sine studio & furo exponam.

Qui doctissimi *Segeri*, Medici quondam *Gedanensis* celeberrimi Anatomen ejusdem animalis in Ephemeridibus eruditorum Germaniæ Anno IX. Observ. 94. expositam cum nostris conferre voluerit, faciet operæ sortassis pretium.

EXTERNÆ.

1. Longitudo ejus quod secumimus animalis erat geometricorum pedum IV. cum dimidio.

2. Crassities ad medii ventris finem, pedis unius.

3. Color pilorum ex cinereo pulchre albicans.

4. Caput rotundum, sed protractum in os exstans:

5. Labia crassa & tumida, rotundaque ut vituli:

6. Barba erat ex setis circiter viginti nigricantibus, longitudine diversa & crassitie.

7. Lingua non bifida, sed rotunda prorsus & lata, ad maxillæ inferioris figuram internam, quam totam implebat, & dentium seriem accommodata, quorum radices tangebatur, ita implens os totum, ut in horum interstitia quoque se infereret, adeoque inæqualiter, ubi attollebatur, appareret crenata.

8. Maxilla inferior ex duplici osse constabat, in medio non coalito, sed libero existente.

9. Dentium ordo superior ex XVII. inferior ex XVI. constabat:

Quorum priores quatuor, incisores nobis, minimi & vix conspicui. Quos excipiebant Canini in superiore maxilla, bini breviores, & totidem prælongi, & instar cornu reflexi, in inferiore priores bini deerant, sed par alterum prælongum, inter istos breves & longos superiores se medios insinuabant: Quo efficiebatur, ut semel arreptum ac prehensum nullatenus se expedire aut elabi posset. Maxillares latissimi, sed reliqui viginti, qui horum loco erant, omnes acuti & breviores, omnes albicantes, & nitidissime splendentes, ut candore ebur superarent.

10. Oculi rotundi, bovinis similes, suis musculis instructi, intercurrente pinguedine.

11. Glandulæ verò oculares exiguæ: supercilia tetosa, ut barba.

12. Auriculæ nullæ, at meatus aurium aperti, exiles licet & pilis obtecti.

13. Collum mediocre, brevius tamen potius quam longum, nec exsertum.

14. Pectus latè diductum, & amplissimum, quippe quod abdomen amplitudine superaret: Nam

15. Totum corpus perfectè rotundum, versus caudam decrescens, ibique angustius.

16. Umbilicus vix observabilis.

17. Mentula sub cute abscondita, quatuor ab umbilico vel quinque digitos, ex foramine patulo proditura: parva verò, ne quidem illam, quæ mediocris canis instructus est, adæquans.

Pedes quatuor: Priores justo loco, at posteriores proximè ad caudam, metacarpo, carpoque & quinque digitis, curvis unguibus armatis, constabant.

INTEGUMENTA.

Sub pelle satis crassa expansus, non panniculus, sed pannus adiposus, candidissimæ adipis pollicis crassitiem æquans, sanguineis vasculis refertus. Post pinguedinem statim muscoli erant, carne non spissa, sed molli & laxiore, nigricante, uti & totus sanguis erat nigerrimus. In collo Mastoidei, & Sternothyroidei erant obvii, sub his venæ carotides, amplæ, & aspera arteria cum gula. Statim sub mento Myloglossi aderant, in pectore Pectorales, ulnæ longitudinem æquantes: reliqui, serrati, non observabantur. In abdomine Obliquus unus & Transversalis: Pyramidum etiam simulacrum. Notabile vero cum primis & elegans visu ligamentum pollicem latum, quo super peritoneum protenso, transversales sibi iungebantur in medio abdominis, quasi fascia intercedente.

His remotis sternon patebat. Quod in superiore parte pectus transgressum, illudque super arteriam asperam ad duos prope palmos candida cartilagine excedens, figuræ gladioli: infra, ubi vera Yphoides expectabatur unius palmi longitudine excurrerat super abdomen,

& in rotundam patellam finiebat, candida itidem atque eleganti cartilagine, mollique constans.

INTERNA.

Hic expectabam, ut multa peculiaris, & à structura cæterorum animalium remota conspicerem, sed spes me propè hæc fefellit. Nam ventriculus, hepar, lien, pancreas, intestina, renes & genitalia eadem, & substantia & situ, & reliquis videbantur. Quæ tamen singularia hic notabamus, ferè istæc erant:

Ventriculus amplissimus erat & robustissimis tunicis instructus, quarum exterior fibrosa, carnea, multiplex, interior nervea & villosa, ita ab invicem distincta, ut dissecto per medium viscere abscederent ab invicem, & interior, candida, dura, nervosaque alteram supergrediens notari posset, prodibat enim & supra externam eminebat. Glandulosa tunica non videbatur adesse, quod mirum; neque enim dubium hinc acidum & acerrimum exsudare liquorem qui integros pisces, quibus deglutitis vivit animal, rodendo consumat.

In Cavo ejus piscium spinæ notabantur, itemque integri propemodum adhuc post octiduum pisces, & qui corrumpi vix inceperant. Itemque plurimi vermes, duas, tresve uncias longi, candidi, filamentorum instar, viventes adhuc post tot dies, & sese contorquentes instar anguillarum: quos itidem, sed non vivos observavit Segerus. Erat autem ventriculus amplissimus & libratum sedecim facile capax.

Pilorius in angustum contractus & crassus ut in cæteris animalibus terrestribus, haut longe intestinum ex se demiserat, cum ductus bilarius infereretur, vix scilicet duas vel tres uncias.

Erat autem Intestinum unum exile, hoc est angustum, ut dimidium humani non adæquaret amplitudine; at hanc angustiam immanis longitudo compensabat, nam quinquaginta ulnas excedebat. Nullæ in hoc semilunares membranae aut annulares valvulae observabantur, neque Colon neque Cæcum, multo minus Duodenum Ileum aut Jejunum invicem ullo signo distinguebantur: Rectum verò prælongum, nec tamen amplius cæteris, crassius licet, cum ab ano ultra ulnam implevisset, in occurrens alterum angulo recto, eo modo ut in aliis Ileum solet in Colon, inferebatur. Prorsus itaque contrario hic se habebat modo ac in aliis animalibus hæc insertio. Cæcum autem hic succedaneum non plus quam dimidiam unciam eminebat, appendix ei præter istam eminentiam aut cauda nulla.

Hoc longissimum intestinum ex crassissimis & robustissimis itidem tunicis construebatur, & apertum propè ventriculum, hiantem choledochum perspicue ostendebat, ut sine mora stylus intruderetur: Pancreatici verò ductus osculum non ita erat obvium.

Pancreas adjacebat præmagnum, cujus non unus sed vatii ductus inferi hinc inde videbantur; neque enim unus & magnus deprehendi à me poterat. In reliquis nihil habebat, quod cum animalium reliquorum pancreate non conveniret, eratque valde carnosum, glandulis in lobos distinctis veluti compositum, ejus coloris quo aliàs hepar esse solet.

Per intestinum hic illic dispositæ *glandule* sat magnæ conspicuæ erant & crassæ, circa finem præsertim propè rectum.

Totum hoc Mesenterio continebatur pellucido, pulcherrime vasa omnia ostendente, candidissimis fibris undique percurrentibus, quas (nervæ autem erant) lactea vasa dixeris, nisi attendas.

Omnia istæ concurrebant versus centrum: Sed hic novum aliquod atque insolitum & nulli prius conspectum sese offerebat pulcherrimum & notatu dignissimum viscus.

Erat hoc glandulosum, durum admodum & compactum, rotundum ac teres, longitudine palmum superans, crassitie tres pollices junctos: porrectum erat per longitudinem corporis, externe pulcherrimis coloribus distinctum, Candidissima enim, caseosa & pinguis substantia, fuscospadiceo ad suave rubicundum inclinati, erat undique adpersum, ut instar marmoris pictum appareret. Hoc pancreatis Atelii loco esse, & vasa lactea eo concurrere, nullum dubium est; nam & lacteus chylus ex fisso profiliebat. Intus cinereum erat, maxime infarctum, & tensum nullis prorsus apparentibus meatibus, nullis glandulis separatis, aut racematim cohærentibus: sed erat quasi magna glandula conglobata, ut has inepte vocant. Ad latus vasa sanguifera subtus adrepebant, sed tacite præterlabebantur. Arteria mesaraica statim incurrebat in oculos, cui ad distantiam sesquiunciæ cæliaca adjacebat. Venæ hinc in Portas hepatis tendebant. His propè ingressum bilarius ductus more solito occurrebat. *Pancreas* verum huic visceri etiam adnatum erat.

Lien nihil habebat, quod notari merebatur, nisi quod multas in fissuras per mediam substantiam dehisceret, motu vehementi quo se in aquis jactitat animal, haud dubie disruptum.

Hepar erat maximum, decem lobis constans, non rubentibus, sed prorsus flaventibus, magnis, parvis: In medio glandula erat maxima, simillima lobo, sed dissimili substantia, etsi colore hepar mentiretur: dura hæc, ac solida. Vesicula fellea in loco consueto adhærebat, in qua bilis multa. Hæc stylum non admittebat, flatum tamen: sine dilaceratione ab hepate separabatur, nec dimittebat flatum inde ablata, sed constanter servabat.

Venam cavam recipiebat longe amplissimam, quæ non in gibba ad latus, ut in homine, adhærebat, sed sima ingredi videbatur: in suprema vero ejus parte ingentem, horrendum-

que saccum formabat, manum meam integram admittentem, qui per medium diaphragmatis, etiam ad sinistrum latus protendebatur. In hunc rami ex omnibus lobis desinebant. Obstupuimus quotquot aderant ad hoc monstrum, non venam sed lacunam conspicientes. Neque per latus, aut partem infernam, sed medium diaphragmatis pertransibat. Suspensorio hepar gaudebat suo, ceterum dorso, parum vel nihil adhærebat: Erat autem vena cava etiam sub hepate perampla.

At cum *Renes* deteximus, ibi maximè in admirationem nos rapiebat longè jucundissimum spectaculum. Non enim magnitudo duntaxat eorum insignis erat, sed etiam supra eos venarum maxima multitudo conspicua, quæ amplissimis ramis non modo ipsos amplectebantur, sed etiam ultra per peritoneum excurrentes, in utrumque llium porrectæ, infinitis ramificationibus, maximè conspicuis varique inter se concurrentibus, & sese miscentibus omnia obtegebant. Terruit hoc nos & ab ulteriore scrutinio penè deterruit. Neque enim in tanta vasorum amplitudine, & copia patebat locus quem sine effusione sanguinis cultellus tangeret. Uti quidem etiam statim eo admotum, cuncta cruore foedabantur, ut vasa spermatica ureteres & cetera prorsus tenebris involverentur, & inter membranas nervosissimas vix sine dilaceratione imo ne vix quidem, repetiri & extrahi in lucem possent. Sed redeundum est ad *Renes*.

Denudatis ergò emulgentibus, statim hoc artificium naturæ patuit: nullas venas in renes medios protendi, sed per superficiem earum sulcis leniter impressis externis ramis proxime sibi adjectis, pampinorum instar serpere, pulcherrimo lusu, undique concurrentes, & veluti insulas circumfluas constituentes, eo modo quo ad vivum depictum exhibuimus in novis Literariis Maris Baltici.

Tunica pinguedinalis superstrata contegebat eas, non crassa ac firma ut in aliis animalibus, sed tenuis, pellucida, pinguedine prope destituta, nec nisi illic eam ostendente ubi vasa decurrebant. Hæc arctissime inhærebat renibus, ut sine dilaceratione multiplici non avelleretur, & sub manibus in fibras ferè fatisceret.

Ea sublata, inflavimus emulgentem, & mox pellucida itidem venarum tunica pulcherrimè surgebat, ut totus eorum ordo conspiceretur. Nihil aspectu jucundius.

Ast ubi renes per medium dissequi, non minus elegans *interna eorum facies* oculis se ingerbat. Erat enim & hæc marmoris instar ex albo & rubro variegata, albis maculis in medio hærentibus, in quorum medio iterum papillæ exiguæ propendebant. Expensis omnibus, has esse collectiones urinariorum tubulorum cognitum est, qui ex circumferentia uniuscujusque maculæ rubræ sub candido hoc pa-

pillari corpusculo velut in centrum tendebant. Manifestum fuit etiam hoc, singulas insulas in externa facie ramosa vena distinctas, esse quasi totidem parvos renes, ut ex infinitis his unus constaret quisque.

Pelvis nullus, sed ureter mediam subibat renum substantiam, haut dubiè ex singulis maculatis renum partibus sub papillis tubulum recipiens. Non poteram enim eundem prosequi. At cum liquorem immitterem, ex his quasi totidem fonticuli erumpebant, eo modo quo industria manus in adjecta figura felicissime expressit.

Renes succenturiati ut aliis: sed ex glandulosis extremis striæ manifestæ ad cavitatem mediam ferre videbantur.

Vesica (in qua aperta, ureterum exitus ex tunicæ portiuncula tanquam valvula adstante cognoscebatur) non rotunda erat, sed in acumen desinens. Ibi nobis primum imposuit arteria utriusque lateris ad eam reflexa, quæ cum uracho in foetu per umbilicum elabatur, jam in ligamentum rotundum conversa: nam libera fluctuans ureteres mentiebatur, mox evolutis tunicis, elegantissima, ubi cohærebat cum Iliacis in conspectum veniebat. In nullo animali pulchrius apparet hoc artificium, aut luculentius ostendi potest: ligamenti his rotundis per totam vesicam apertè decurrentibus, & prope finem in unum concurrentibus: unde ad Umbilicum progrediebatur, & cum hepatis ligamento jungebatur.

PECTUS.

Post ista merito pectus considerandum.

Hic primum *Sternum* sese offert, quod claviculis deficientibus, nusquam præterquam cum costis cohærebat, nisi quod solitis membranis supremo in loco cum subjacentibus partibus coiens, pectus claudebat. Extra verò, in collum pars ejus candida, mollique cartilagine constans, ut supra diximus, sursum excurrebat, ensiformis processus suo merito appellandus. Subtus in abdomen pari longitudine productum, rotundum cochleare uncialem nummum circiter æquans porrigebat.

Costæ erant quindecim; veræ decem, quinque spurix, hæc externa ex se.

Interna sic habebant. Cor in medio maximum, bovis cor æquans, imò superans latitudine, sed brevitate vix assequens. Dextrum ventriculum admodum latum habebat, atque expansum. Auricula dextra maxima erat ex sola membrana crassa constans, ut venæ processus videri posset, sed columnulis carneis instructa: Ex quo patet harum usus, nimirum contractio thalamorum & angustatio. Ut autem auricula dextra ampla satis, sic angusta admodum erat sinistra, perinde atque arteria, quæ major in dextro ventriculo quàm

aorta ipsa videbatur. Valvulæ omnes maxime conspicuæ.

Foramen ovale & Canalis arteriosus clausus, & coarctata omnia. Unde patet non diu sub aquis vivere hoc animal. Quæ etiam causa est, ut continuo natans caput exserat, & tectis hyberna glacie aquis, ubi angustum est mare, ex quadratis in ea excisis foraminibus, aeris hauriendi gratia soleat erumpere.

Quin nostrum in qualo ex spisso vimine texto captum, diutius sub aquis hærens exspiraverat, quia aere privatum.

Pulmones amplissimi, sed nihil novi exhibentes. Inflati, ex nigerrimis rubicundi illico evadebant, plusquam coccineo colore tincti. Sed quoniam in 14. diem jam conciderant, aerem ægre, sed tamen admittebant ita ut successivè singulæ vesiculæ implerentur.

Quid inferendum hinc est? An aer sanguini admixtus, aut permixtus colorem transfert ex Umbra in lucem? Cogitent & expendant hæc naturæ antistites.

Arteria aspera ex annulis integris constabat, ut omnibus animalibus quibus longior est, & in collo liberior fluctuat: Attamen in parte inferna deprehendebantur deficientes, & scutiformibus extremitatibus invicem supergressis per longitudinem, in latitudine non omnino coibant.

Larynx nihil habebat novi, nisi quod valvulæ inferiores à me in homine aliisque animalibus primum observatæ deerant.

GENITALIA.

Penis erat perexiguus, ut dixi, officulo, canino simili instructus, unde si ex genitalibus, quod in Plantis hodie plerisque æquum esse videtur, characteristica nota arcessenda esset, hæc ad canes foret referenda. Interim ipsi appendix erat, altero tanto longior, flaccidus tunc & sola urethra constans: *Testiculi* in media pinguitudine externè latentes: *Glandulæ bubonales*, haut longè hinc aberant. Ad illos verò vasa spermatica per veram vaginam ex corpore properabant, per quam mox more solito ejaculatorium redibat. Parvi autem erant testiculi, sed intus vasa recipiebant in se, reliquum corpus cum Epididymidibus ex vasculis contortis, ut solet, constabat.

In abdomine, quod antea monui, cultro admoto, statim omnia erant obducta cruore & quia supra modum tenuia, venæ spermaticæ origo expediri à me non potuit, arteria verò utrinque ex Aorta manifestò prodibat.

Vasa Pampiniformia non deerant, eaque rectè se habebant ad animalium reliquorum regulas: nihil novi, nisi quod minora. *Vesicula* nullæ sunt huic animali, at *Prostata* duplices: semel comparent prope vesicæ collum, ubi spermaticum vas deferens excipiunt, quod ex utroque latere adveniens, junctim subit: Et hi qui-

hi quidem minores sunt. Post illas *Uretra* statim incipit & palmi longitudine, nulli fulta alii parti, progreditur, spongiosa sua substantia ex his prioribus prostates oriunda, circumdata. Hinc ubi propemodum ad officulum pervenit, novus tumor alias prostates, ut in cane occurrentes prodit, ex corpore simili spongioso in uretræ corpus itidem spongiosum utrinque patente conflatas, cum binis musculis superstratis, erectores an compressoribus? quod ultimum verosimilius videtur. Officulum parvum est, minimi digiti longitudine, suo præputio instructum ut in cane. Ad penis caput alii bini musculi, longi, teretes, per totum officuli longitudinem protensi, & in intestino recto terminati propè anum, cujus partem, cui radices horum inhaerent; una excidi, ut hoc certius judicari posset, & nihil dubii relinqueretur.

Nullus dubito Prostates postremas cum pene in foemellæ membrum simul intrudi, & coherere cum ea marem, ut solent canes. Ex eo enim factum videtur quod retrò coire quibusdam perhibeantur Phocæ: quod fieri nequit, sub ventre vagina ultra spithamæ longitudinem antrorsum excurrente.

Omnes Venæ in universum amplissimæ erant, plus sanguinis capientes quam humanæ. Azygos maxima: Duplex sub Sterno Mammaria conspiciebatur, una superior, loco consueto; altera pollicis latitudine distans, quæ in mediastinum pinguedine refertissimum dispensabatur. Arteriæ contra exiguæ, excepta pulmonali: Ipsa Aorta cavæ ne dimidium quidem æquabat. Iliacæ maximè tenues; quod mirum haut erat, nam pedes brevissimi sunt. Sanguis nigerrimus, ut coeruleus apparetet color venarum. Nervi complures, longe majores & plures equidem quam in ceteris animalibus, robur maximum ita exigente, quo impetum facere posset.

IN CAPITIS EXTERNIS PARTIBUS.

Palatum lineis extantibus crenatis asperum est, ne remeare, quod ore prehensum semel, sine remora multiplici queat. Sub ejus membrana nihil erat pituitosi laticis aut glandularum, sed non parum tenuis cruoris.

In lingua radice *tonsillæ*, rimæ hiantes; in ejusdem superficie tubercula solita & asperitas.

Meatus auditorius mastoideum processum ingrediebatur.

Ex eodem oriebatur ligamentum cartilaginea duritie, cui loco styloidis processus *Ossis Hyoides* pendulum adnectebatur.

Oculi exempti atque dissecti crassissimas membranas & Sclerotidæ aperta, uveam seorsim exhibebant, striatis suis fibris versus corneam, ubi pupillam format, instructam; cui retina præ-

crassa & à subjecta Sclerotidæ sua sponte separabilis succedebat. Humor aqueus effluebat, ut solet: Vitreus sua tunica inclusus & crystallinum in medio amplectens, non colore vacans, sed totus rubeus apparebat; quod, casusne an ex corruptione, an verò natura esset, non audeo asserere, jam enim vigesimus agebatur dies, quod erat captum animal. Id possum testari; vel decies aqua affusa, elui colorem non potuisse, sed sub ea in septimum diem asservatum, fideliter conservasse rubedinem. Crystallinus exactè globosus, & suis ciliaribus processibus nigris, tanquam radiis circumdatis, qui eleganter in aqua affusa fluctuabant. Plura perscrutari, propter negotia quæ supervenerant non licebat. Itaque

AD EXTERNA REDEO.

Hic *musculi* omnes erant nigerrimi, ipsaque caro flaccida, mollis, & ingrata aspectu, ut distingui invicem propter colorem & molitiem fibrarum difficiliter possint. Psoas verò robustissimi, non sine ratione: nam pedes postremi ad natandum & vibrandum dati, quos movere velociter animal rapax cogitur, ad quod non exiguo robore opus habet.

Ossa non admodum dura, siccave, sed cartilaginibus nonnihil affinia: costæ præsertim.

Supersunt quatuor pedes, & cauda; reliquum enim corpus, rotundum ac teres, nihil inæqualitatis habet.

Sunt autem *pedes* antiqui a posticis in multis diversi. Primum enim in veros digitos desinunt, curvis unguibus instructi, sed admodum breves, ut apprehensioni inutiles, soli lacerationi & in gressu firmitudini idonei videntur: Deinde nec deduci ab invicem nisi parum possunt. At postici latisimè extrahi, instar caudæ columbinæ, & discedere invicem distrahique deprehendebantur, intercedente in utroque genere membrana, natationi, & aquis densandis trudendisque opportuna, qualem anates & anseres exhibent. Præterea antiqui flectuntur vera ratione, ut corpus iis insisteret nonnihil erectum, & progredi queat. At postici non nisi retrahuntur & extenduntur, eo modo quo ranæ in natando saltandoque iis uti solent, quibus se vibrant quam celerimè.

Proximè ad caudam etiam adjacent hi, & tantum non unum cum ipsa corpus constituent, eadem etiam linea diametrali seu horizontali expandi conspiciuntur. Hinc difficilimè postremis pedibus incedere animal opinor; magisque trudere se & adrepere quam incedere.

Sunt autem pedes brevissimi, non extremorum quidem, sed superiorum ratione. Falsum tamen solum brachium ei esse, sunt enim & humerus & femur, sed intra carnes abdit ut incurios fallant, quippe cum ossa quæ brachium

chium & tibiam repræsentant, trium vel quatuor digitorum latitudinem vix æquent, iidem ex Duplici osse constituta, ut in ceteris quadrupedibus, quod carpus, tarsusve, denique metacarpus & metatarsus excipiunt, de quibus plene te instruet, citato loco diligentissimus Segerus. Cauda brevissima, quatuor pollicum, tenerrima & duos digitos lata. Hoc remigio incedens non multum promoveret: pedes postici igitur in societatem flexuræ veniunt.

His expositis quodnam animalium genus sit, & de ejus vita ac moribus, quantum innotuit mihi, paucis subjungendum est. Monstrum videri posset, cum ex quadrupede terrestri & pisce compositum, in aquis degat. Sed quia non generant sui similia monstra naturæ, nulla de ea re superesse potest dubitatio. Vulgo ad Amphibia referunt, quia etiam extra aquas vivat: Nam egreditur nonnunquam ad littora, aut in rupibus extensum, insolatur aut sterit, altum dormiens.

Verum enim verò tametsi ita videri posset, multo rectius inter θαλάσσια referri certum est. Quodsi *Aristotelem* non spernerent scriptores rerum animalium, aut cum cura legent, haut ita in primis hisce historiæ eorum principiis hallucinarentur. Dicit ille statim primo capite Historiæ animalium. τῶν ζῴων τὰ μὲν ἔνυδρα εἶναι, τὰ δὲ χερσαῖα. ἔνυδρα δὲ διχῶς. τὰ μὲν, ὅτι τὸν βίον καὶ τὴν τροφήν ποιοῦται ἐν τῷ ὑγρῷ, καὶ δέχεται τὸ ὑγρὸν, καὶ ἀφίησι. τὰ δὲ τερρικοτάτα καὶ δύναται ἕξειν. οἷον πολλοῖς συμβαίνει τῶν ἰχθύων. τὰ δὲ τὴν μὲν τροφήν ποιοῦν καὶ τὴν διατριβὴν ἐν τῷ ὑγρῷ, καὶ μὲν τὸ δέχεσθαι τὸ ὑδρὸς, ἀλλὰ τὸν αἶρα, καὶ γεννᾶν ἔξω, πολλὰ δὲ εἶναι τοιαῦτα καὶ περὶ αὐτῶν. Quæ pulcherrima verba in gratiam eorum qui Græca ignorant, Latine apponenda sunt. *Animalium quædam esse aquatilia* (seu in aquis vivere) *alia terrestria. Aquatiliū verò duplicem ordinem: alia enim vitam & nutrimentum in humido invenire, & humorem recipere ac reddere* (hoc est respirationis loco aquam admittere,) *æque destituta, vivere non posse; quemadmodum permultis piscibus accidat. Alia verò & vivere quidem in aquis, & inde nutrimentum petere, non autem recipere aquam sed aerem, & foris parere, complura hujus generis & pedibus instructa esse;* (seu pedestria) *addit: ut lutrio, latax, crocodilus.*

Nostrum ex hoc postremo genere esse, quis non videt? Nam ea, quæ de iis differit summus Philosophus, competunt ei quam exactissimè omnia, neque enim potest diu extra aquas vivere, cum nullum in terra nutrimentum inveniat, etsi etiam in illa diu mergi non possit, nam & pinguedo ejus mollis, & vel sponte extra aquam. levissimo calore fusa, si refrigerio destitueretur, illicò diffunderet, & induceret animal in periculum. Quippe id te-

stari possum, hac ipsa qua hæc scribo die. in cubiculo frigido, media Hyeme inter manus nostras eam defluxisse, solo calore ex corporibus binorum hominum exhalante, cadavere integro, nec ullo foetore corrupto. Est igitur utique θαλάσσιον, ut diximus, hoc animal & quidem ex Pelagiis. Nam iterum Aristoteles in Pelagia hæc, litoralia, & quæ saxi adhærent, dispescit. Pelagium inquam est: Quamvis enim egrediatur aliquando ad litus, tamen in medio potius mari quam littorali vivit, plenumque iis nostrum est Balticum, atque abundat. Unde ab Oehlandiæ insulæ incolis potissimum capitur, qui, cum insula ex rupibus constet, nec frumenta, nec alia producat, quibus vitam sustentare miseri possent, ibi ex hac captura penè unicè vivitur. Etsi enim in escam non veniant carnes gravissimi succi, pinguedo tamen expetitur, & venditur sub nomine *Thran* ad varios hodie usus. Hinc etiam est, quod rarò admodum in hunc nostrum sinum ingreditur: *Eckelnfordiæ*, quia is portus magis patens, & mare liberius admittit, frequentior, non tamen admodum etiam copiosa.

Quod autem sub aquis vivere diu non possit, manifestum est, quia aere indiget. Neque ranarum exemplum huc trahi potest, illæ enim foramen ovale apertum habent, hæc clausum. Habet autem hoc nostra commune cum universo Balenarum genere & ipso etiam Delphino, quæ cuncta pulmonibus instructum, subinde exserere caput, & respirare coguntur, inque sublimi natare. Quod laboriosum vitæ genus nobis videri posset, nisi tantum pondus in aquis facilius sustineretur. Et hæc causa fuit quod nostra, cum se ex vimineo reticulo expedire non posset, suffocata perierit.

Hæc etiam eadem ratio novæ industriæ occasionem præbuit, incolis Insulæ Fœhriæ ad Sonderburgicam ditionem: Ibi enim hyberno tempore, mari glacie obiecto, eam perrumpunt: mox Phoca ex illis foraminibus exilit, aeris hauriendi gratia. Illi securibus, fustibus, & instrumento rustico adstant, eamque non sine periculo interficiunt, ubi enim paratam sibi necem videt, nec posse eam efugere, impetum in homines facit, quos si dentibus arriperet, certè nulla vis eos ex his liberare posset, adeò acuti, adeò pulchrè invicem se excipiunt, ut quicquid arripiunt, teneant.

Tanta cum feritate Cicur tamen redditur & mansuescit, imò & disciplinam suscipit. Certum sane est, à quibusdam circulatoribus in spectaculum circumduci; atque ostendi cupientibus lucri gratia, variasque artes addiscere. Testis est *Charletonus* in *Onomastico*, testes nostratum plurimi, qui viderunt. Sed in dolio aqua

aquâ pleno asservanda est, si vivere illam volunt, & valere.

Reliquas ejus proprietates cum ab aliis memoratæ sint, hic enarrare & operoso inanique labore exseribere, non arbitror esse opus:

Illa tamen indicare operæ pretium erit, quæ tronea ab iisdem commemorantur.

Falsum ergò id primum est, quod *Plinius* prodidit; Cartilagine non ossa habere, quin pleraque, artuum præsertim satis robusta sunt, etsi costæ molliores.

II. Linguam bifidam esse, hoc est bisulcam, quod in *Jonstono* habetur falsissimum.

III. Auribus carere, nisi de externa aure, hóc est auricula intelligatur, itemque meatus aurium in demortuis difficillime reperiri, nec nisi in viventibus evidentes esse, quod idem prodidit, non magis veritati consentaneum.

IV. Fel in hepate deprehendi nullum, *Ari-*

stoteles perperam docuit, manifestum enim, & vesicula fellis inflata, uncias sex septemve facile continere videbatur.

V. Coire averfas, itidem nullatenus credibile.

VI. Proditum etiam est, stertorem, quem dormientes instar mugitus edere dicuntur, ex pituita esse in aspera arteria contenta: quod vanum, non enim in hac, sed rimula laryngis mugitus editur, si quis editur: nec pituita ulla in aspera arteria deprehendebatur.

VII. Omnium mendacissimum, pulmonem exiguum esse, spumosum, nec sanguineum, cum arteria pulmonalis aortam superet, vena propè æquet cavam. Et qui posset aliter, cum pectus amplum sit: totum implendum, omnemque sanguinem quem recipit, pulmo reddat.

ANATOMIE VITULI MARINI SEU PHOCÆ *Parisiensium.*

Rondeletius observavit, vitulum marinum duarum esse specierum, quarum altera in mari mediterraneò, altera verò in Oceanò inveniatur. Nullam verò aliam inter ipsas constituit differentiam, quàm habitum corporis, quem tradit esse pleniorum in vitulò marinò Oceani, quàm in illò maris mediterranei, qui non est tam brevis & crassus, quàm alter. Vitulus marinus, cujus descriptionem hîc damus, majorem cum hâc secundâ, quam cum primâ habebat convenientiam.

Collum habebat longum, & caput longius ab humeris distans, quàm in Phocâ Oceani, qualis hæc repræsentatur in iconibus, quas de ipsâ habemus; præterea reliquum corpus similiter angustius erat. Pectus erat latum propter situationem omoplatæ, quæ magis ad anteriora vergebat, quàm in aliis animalibus, quæ habent magis acutum atque angustius, quoniam omoplatæ ipsarum magis posteriora spectant. Universum animal 28. uncias longum erat à nasò ad posteriorum pedum finem usque, qui juxta dispositionem, quâ naturaliter in hóc animali gaudent, extensi erant & juncti unus ad alterum; in hóc solò formam caudæ piscium referentes, juxta descriptionem *Aristo-*

telis, quæ illi *Rondeletii* contrariatur, qui exprimit vitulum marinum, tam illum Oceani, quàm hunc mediterranei maris, pedibus posterioribus destitutum, & reprehendit *Aristotelem*, quod scripserit, hoc animal in pedibus posterioribus gaudere digitis, illis in pedibus anterioribus similibus, adeò ut videatur, quod *Rondeletius* genuinum vitulum marinum s. phocam Veterum confuderit cum Bove marinò Americanò, qui pedibus posterioribus caret, sed saltem deformem caudam, quasi piscis, quâ ad natatum utitur, quòd negotium summâ celeritate peragit, narrante *Clusio*, qui asserit, se talem Bovem à Batavis ex Indiis allatum conspexisse.

Vitulus marinus, quem describimus, non solum possidebat 2. pedes posteriores, sed & præter illos caudam unciam $1\frac{1}{2}$ longam, quam *Aristoteles* aptissimè caudæ cervi comparat. Verum quidem est, quod digiti horum pedum non sic essent figurati, nec tantoperè distincti ac in pedibus anterioribus, & quod hi 2. pedes sic extensi, ac modò sunt, & sibi invicem juncti citius formam caudæ piscis referrent, quàm pedum animalis pedibus præditi, utpote qui communiter sub abdomen inflectuntur.

Hi pedes Mergi pedibus proximi erant, qui non instar aliarum avium incedere potest, corpus suum solo parallelum gestans, sed qui coguntur instar hominum erecti incedere.

Aristoteles dicit, quod pedes phocæ manus referant: mens ipsius est, quod anteriores huius animalis pedes, locò trium, quæ brachium humanum componunt, partium, videlicet humeri, cubiti & manûs, solam ultimam manui humanæ similem habeant, adeò ut hæc pars immediatè à pectore procedat. Bos marinus insularum occiduarum, qui est species phocæ prodigiosæ magnitudinis, ibidem vocatur Manati; quoniam, juxta *Oviedi* observationem, solis pedibus anterioribus donatus est, quos Hispani communiter in omnibus animalibus manus appellant. In nostrò subjectò brachium & cubitus inclusa & recondita erant sub cute thoracem investiente; & nonnisi volæ manûs exstabant. Hæ volæ s. palmæ tantoperè conclusæ & contractæ nobis non videbantur sufficientes, ut foemellâ iisdem foetus suos amplecteretur uti *Ælianus* tradit ipsas facere, si ipsos in mare deducant: lidem similiter non secus ac pedes posteriores ad natandum, quàm in terrâ incedendum aptiores videbantur; reverà enim neutri horum pedum facilè ad commodum incessum terrestrem, apti videbantur. Observavit *Ælianus*, quod foemellæ phocæ magnâ industriâ suos partus modò in terram, modò in mare deducant; probabile verò est, quod hoc faciat, quò ipsos natare doceat & in terrâ incedere per longum exercitium, ex quò oritur habitus potens supplere convenientia huic negotio, quæ ipsi à naturâ negata sunt. Ex eadem ratione *Homerus* phocas appellat Nepodes, quoniam dici posset, quod natent pedibus, & eant pinnis, non verò quod pedibus destituantur, uti *Eustathius* exposuit. Hi pedes gaudebant unguibus non tam ad natandum, quam incedendum in solò necessariis. Adeò ut videatur, quod natura, quæ fecit phocam vivere instar Castoris, tam in solò quàm in aquâ, cuius horum animalium dederit organa, quibus magis minusvè commodè incedat, prout ipsum destinaverit, ut frequentius sit in unò vel alterò horum elementorum. Phoca enim, quæ in mari sæpius degit quàm in terrâ, non tantâ facilitate incedit ac Castor; Hic castor verò non tam promptè natat ac phoca, quoniam ille aquam nonnisi piscium capiendorum gratiâ petit, nec communem suam inibi figat sedem.

Ob hanc genuinam causam cor & pulmones phocæ particulari conformatione gaudebant, ad aptum reddendum animal hoc, quò longò temporis intervallò sub aquâ citrà respirationem vivere possit, uti postea explicabitur; Castor verò, qui non diu sub aquis moratur, peculiarem istam cordis conformationem minimè habet; ad minimum eandem non de-

prehendimus in duobus, quos secimus, castoribus, quorum alter Canadæ, alter Galliæ incola fuerat.

Caput non erat breve rotundumve, uti *Rondeletius* ipsum describit, & ejusdem nasus sat longus erat, ut caput vituli exprimere valeret. Oculi verò vitulinos non referebant, vitulus enim oculos habet quasi exabundantes, & fere extrà caput prominentes; ast oculi subjecti nostri erant reconditi, & quasi in orbitis suis mersi, quarum superior angulus non erat elatus uti est in vitulò. Nihilominus hi oculi erant ampli, 15. lineas in diametrò comprehendentes. Aderat & palpebra interior ad oculum contegendum; eadem erat retracta & abscondita in canthò majore.


Deerant suprà oculos longi illi pili, quos *Rondeletius* & *Severinus* ibidem collocant, & saltem quosdam ad latera nasi possidebat, qui erant figuræ planè peculiaris, erant quippe quadrati, & certis intervallis nodis excepti, & proximè sibi invicem juncti, uti in figurâ exprimitur.

Ultra oculos aderant foramina pro auribus internis, uti in avibus: nullæ verò externæ aures s. auriculæ apparebant. *Aristoteles* observavit, quod hoc sit peculiare phocæ inter omnia vivipara animalia, ut solas internas non verò externas habeat aures.

Universa cutis pilò brevi tegebatur, pilo vituli terrestris simillimò. *Sylvaticus* maie illum assimilat pilo caprillò, qui est valdè prolixus. Ejusdem color inter glaucum & flavum medius erat, quadantenus abdomen versùs languidior quam circà dorsum, quod maculis circiter unguem latis obscure rubris respersum erat. *Plinius* tradit, quod hic pilus longò temporis spatiò postquam cutis animali detracta fuerit, talem cum mari sympathiam servet, ut ejusdem motus imitetur, & quandoque rigeat, quandoque verò planum decumbat, prout mare intumescat, vel detumescat fluxu refluxu suò. *Severinus* testatur, quod ipse hoc naturæ miraculum conspexerit; ast tantâ verborum luxuriâ id ipsum exprimit, ut eò minus credibile nobis factum sit. Dicit verò, quod si aquilo flet, pili, qui austrò flante surrecti erant, non solum decumbant, sed planè dispareant. *Cardanus* denique asserit, quod hæc proprietas, quæ pro fabulosâ habita fuerit, in Indiis vera deprehendatur. Experientia nos docuit, hoc miraculum Parisiis nunquam conspectum fuisse. Cùm enim servassemus & observassemus hanc pellem phocæ per quosdam menses, deprehendimus, quod pili in ipsâ, quæcunque demùm tempestas fuerit, eandem altitudinem situmque retinerent.

Cutis erat dura crassaque. *Plinius* tradit, impossibile esse, ut quis phocam interficiat nisi caput ipsius conteratur. Historici Americani referunt, quod pellis Manati ab alutariis præparata





parata supra unciam crassa sit, & quod exinde calceorum soleæ conficiantur.

Dentes, qui in ambabus maxillis longi acutique erant, valdè vitulinis dissimiles erant, & magis dentes Lupi referebant. Adeò ut Hispani & Germani non ineptè hoc animal lupum marinum appellent. Præterea placatus tetricusque vituli terrestris aspectus parvam admodum habebat similitudinem cum illò vituli marini, quem Physici tradunt esse astutum, audacem, & intrepidum, ex raptu viventem, & cum sociis suis congregatum maximos pisces de industriâ aggredi solitum, satis denique fortem, ut se in terrâ contrà ipsum Ursum defendere possit: quod ægrè quis de phocis nostro subjecto staturâ paribus crederet, & nonnisi illis, qui versus Angliam capiuntur, congruit, qui juxta *Gesnerum* sunt tam vasti ac Ursi; vel potius de illis dici posset, quorum *Gomara Oviedo, Pedro Giesla & ultima relationes de Antillis* meminêrunt, qui sunt tam vastæ molis, ut quidam reperti sint 20. pedes longi, & 7. crassi. Ast nomina sapissime piscibus induntur ob similitudinem quandam, quam illi, uti quidem prætenditur, cum quibusdam rebus, sive demum hæc similitudo ab ipsorum figurâ vel magnitudine desumatur. Sic ovis marina hæc appellatione gaudet, quod sit alba, & cornua habeat incurvata instar ovis terrestris; vitulus verò marinus quibusdam Lupus marinus est dictus, quoniam ex rapinâ vivit. Nihilominus ex hæc ratione ovis appellari citius deberet, si ovi marinæ vulgò sic dictæ comparatur; & è contrariò ovis marina lupus appellari deberet, quoniam juxta *Ælianum* ovis marina vitulos marinos sectatur ipsosque captos devorat.

Lingua phocæ linguæ vitulinæ simillima erat, ampla quippe, depressa, & glabra. Eadem bifurcata erat, & in fine suò bifida, uti *Aristoteles* observavit; non verò duplex, rotunda & gracilis, uti in serpentibus atque Lacertis, qualem *Plinius* ipsam describit.

Larynx peculiari formatione gaudebat, quippe epiglottis in proportionem amplior erat, quam in aliis animalibus; dimidiam autem unciam longa suprâ glottidem incedebat, ad ipsam contegendam. Probabile est, hoc sic factum esse, ad exactius occludendas asperæ arteriæ fauces, dum hoc animal prædas suas in imò mari devorat, & ad impediendum aquæ in ipsius pulmones ingressum.

Ventriculus formâ suâ intestinum referebat, eratque versus 2. sua orificia contractus. *Severinus* ipsum instar ovi Struthionis rotundum describit. Interior ipsius membrana plicata erat, & varias rugas efformabat. *Severinus* eandem rugis carentem describit. Hæ rugæ à superiori orificiò ad medium usque ventriculum undulatæ erant, illæ verò, quæ ab hinc ad pylorum usque pertingebant, erant

rectæ. Hoc videbatur quandam habere similitudinem cum ventriculis animalium ruminantium, in quibus rugæ inferioris ventriculi rectæ sunt, & longitudini ventriculi respondent; in superiori verò ventriculò rugæ transversales atque obliquæ esse solent.

Interiùs in ventriculò reperiebamus rotundum globum ex herbâ marinâ, Nautis *Wreck dictâ*, concretum, quæ planta fucorum ex familiâ est. Hic globus nucis magnitudine & figurâ instructus erat. Superius ventriculi orificium occludebat, tantoperè ut videretur, hanc massam in hoc orificium vi extraordinariæ cujusdam compressionis & contractionis ventriculi adactam fuisse.

Hepar 6. habebat lobos, 2. quidem illorum magnos inferiùs & posteriùs, quatuor verò illorum exiliores superiùs & anteriùs. Vesica fellea inter dextrum & magnum (posteriùs situm) lobum, & inter priorem loborum minorum (anteriùs in eòdem latere situm) collocata erat. *Bellonius* narrat, ex sententiâ *Aristotelis* phocam felle carere. *Plinius* verò tradit bilem ipsius in pectore sitam esse; quod non congruit cum illò, quod idem narrat, quod nempe animal hoc evomat bilem suam, si à piscatoribus prematur, quoniam noverit se ob solam bilem suam capi, quæ plurimis morbis medendis apta sit: ast impossibile ipsi foret, ut vomeret hanc bilem in pectore conclusam; ut taceam incredibile esse, ut piscis hic intentionem piscatoris bilem appetentis capiat: nisi hæc sagacitas ipsi aliisque amphibis, qualia sunt castor, serpentes & ranæ peculiaris sit, de quibus idem author narrat, quod curam gerant se expediendi ab illis rebus, ob quas homines idem insectantur; adeò ut Castor exsecet bursas, quibus liquor medicinalis castorei continetur, serpentes pellem, quam vere exsuunt, deglutiant, ranæ denique quotidie vomant quendam salutiferum liquorem in ipsarum corpore generatum, ex metu nempe, ne ob hunc laticem interficiantur.

Renes illos Lutræ non exprimebant, uti *Rondeletius* tradit, quippe renes Lutræ ex diversis minoribus conflati sunt, qui singuli vas suis emulgentibus & ureteribus particularibus gaudent, uti in figurâ renum ursinorum expressum est. Renes verò nostri subjecti magis illis vituli terrestris erant similes, erant quippe tantum in superficie suâ fissi incisuris non valde profundi: hæ verò incisuræ multò quàm in vitulò terrestri copiosiores erant, & proinde efficiebant, ut hi renes ex diversis glandulis ad se invicem nexis compositi viderentur. Hi renes similiter ab illis terrestribus vituli differabant in eò, quod præter magnam pelvim in gibbosâ renum parte existentem adessent diversæ aliæ minores in variis locis per substantiam renum dissitæ, adeò ut videretur, quamvis harum exilium pelvium ad quemvis exilium par-

ticularium renum pertinere, ex quibus major ren conflatus esset, & quod parenchyma omnium particularium renum simplicem tantum massam constitueret. Membrana renum adiposa tota vasis valdè conspicuis interspersa erat, quod *Rondeletium* movit, ut diceret, vasa emulgentia in phocâ cavitationem renum, uti in animalibus aliis fit, non intrare, sed quod in universâ renum superficie distribuuntur. Maxima pars vasorum sinistri renis erant rami vel potius radices venæ spermaticæ, qui reuniti invicem formabant tres magnos ramos, quos truncus venæ spermaticæ ex emulgenti venâ ortus, obiter recipiebat. Sinister hic ren donatus erat comite succenturiatô, qui circiter avellanam nucem magnitudine æquabat, & immediate trunco venæ cavæ adhærebat.

Pulmones unô saltim utrinque gaudebant lobô, qui saltim per medium tantisper oblique incisus erat.

Cor erat rotundum planumque. Ejus ventriculi erant amplissimi, auriculæ verò minimæ. Truncus aortæ antequam inferiora peteret, 2. unciarum spatiô progrediebatur à corde: sub magnâ illâ aperturâ, per quam truncus venæ cavæ traducit sanguinem in dextrum cordis ventriculum, aderat & alia, quæ in arteriam venosam penetrabat, & abinde in sinistrum ventriculum & demum posteriora versus in aortam. Hoc foramen, quod dicitur ovale, in foetu, efficit anostomosis ope cujus sanguis ex cavâ in aortam transit, citrà necessitatem salutandorum pulmonum; & apparet ex eâdem causâ eundemque in finem adesse hoc foramen in foetu & phocâ, nempe ob necessitatem, qua ambo premuntur, ut respiratione destituti vivant, nempe foetus quamdiu in uterô matris restitat, phoca verò quamdiu sub aquis meris delitescit. Id quod demonstrat, respirationem promovendæ circulationi esse necessariam, & quod sanguis, quem pulmones excepêrunt, ab alterô cordis ventriculô, dum dilatantur, posthac alteri cordis ventriculo impellatur, cum pulmones constringuntur. Est enim probatu facile, quod faculas, quâ Phocæ gaudent, ut longô temporis intervallô sub aquâ demersi remanere possint, potius huic particulari vasorum cordis atque pulmonum formationi attribuenda sit, quàm exilitati pulmonum, quam *Plinius* pro causâ allegat.

Inter 2. hæc foramina trunco venæ cavæ insculpta aderat membranofum quoddam septum, ex plicâ interioris venæ tunicæ ortum.

In cordis ventriculis pulmonibusque magna sanguinis copia reperiebatur. *Plinius* verò tradit, quod hæ partes in phocâ minus sanguinis, quàm in aliis animalibus contineant. Sanguis hic asservatus firmissimè coagulabatur.

Aristoteles atque *Plinius* ossa phocæ cartilagi-

nosa esse asserunt: nos verò deprehendimus, quod essent solida genuinaque ossa durissima, præsertim illa cranii. Dura mater cranio alligata erat atque ad efformandam falcem reduplicata. Inter cerebrum & cerebellum aderat os, non secus ac in canibus aliisque animalibus rapacibus carnivorisque, non verò, instar vituli, gramine viventibus. Os hoc erat planum atque acuminatum, non verò solidum spissumque, quale est, id quod reperitur in capite Lamantini, qui est species vituli marini ex Americâ, & de quô narratur, quod os ipsius modò enarratum peculiari ad dissolvendos renum vesicæque lapides energiâ polleat.

Sinus & cavitates cerebri erant uti in vitulô: plus verò cerebelli ex proportionem, quam in capite vituli, aderat; quod alias in piscibus, minimô cerebellô gaudentibus insolens est. Glandula pinealis 2. lineas longa, & paulò minùs lata erat. Physici observârunt, quod hoc animal de stupiditate piscium non participet; sed quod potius subtilissimam terrestrium animalium sagacitatem adæquet. *Plinius* testatur, quod illorum quædam Romæ sint visa, quæ vocata responderent, & quæ voce gestibusque populum Romanum in Theatrô aggregatum salutarent. *Gomara* meminit Manati vel vituli marini Americani prodigiosæ magnitudinis, quod mansuefactum, si nomine suô compellaretur, advolabat, & hominem dorsô suô exceptum per lacum, in quô Princeps quidam Indus ipsum custodiebat, hinc inde deportabat. *Al-drovandus* narrat, quod ipse viderit unum hujus generis, qui coram Principibus Christianis, minimè verò coram Turcicis cantaverit.

CrySTALLINUS humor fermè sphæricus erat modò omnibus piscibus communi, pars verò magis convexa erat anteriùs, secus ac communiter esse solet. Universa choroides albâ & opacissimâ substantiâ oblita erat. In retinâ tres vasorum sanguineorum rami aderant, qui oculum unâ cum nervò opticô intrabant & super universam membranam dispergebantur. Nervus hic opticus medium oculum intrabat, ipsiusque introitus crySTALLINO humori directè oppositus erat.

Duo hæc observata favebant opinioni illorum, qui sentiunt receptionem visualium specierum fieri in retinæ superficie, non verò in illâ choroidis; quoniam vasa per retinam dispersa choroidi incumbencia, deberent propter opacitatem suam, ob stare transitu visualium specierum, & quò minùs ipsæ ad choroidem transeant, impedire: id quod eadem vasa in retinâ facere non valent, siquidem hæc ista vasa superficie suâ contegat, quam tegit & concludit vitreus humor. Situatio nervi optici, quæ in oculorum axi esse deprehendebatur, & qua nervus proinde species visibiles directè recipiebat, videtur demonstrare, quod non cho-

oides sit visualium specierum theatrum, siquidem nulla adsit chioroides in illò locò, in quem species potissimum incidunt; sed quod illud sit retina, quæ extensa est tam super nervum opticum, quam super reliqua loca, in quæ species fortè incident.

Sinister oculus erat contractus & dextro magnâ ex parte minor; & inveniebatur aliquandò fuisse læsus, siquidem humores ejus dimidii suppurati essent. In nostri subjecti oculis milles illos colores, quos Physici inibi observari tradunt, non conspeximus.

EXPLICATIO FIGURARUM TAB. LXVI.

IN PARTE INFERIORE

Differentia cernitur, quæ pedibus anterioribus cum posterioribus intercedit, qui sursum ad cutem elevati sunt, exceptis posterioribus, qui sibi juncti formam caudæ piscinæ referunt. Similiter observare licet, quod aures quasi abscissæ videantur, cum auriculis destitutæ sint.

IN PARTE SUPERIORE

- A. Truncus est vene cavae.
- B. - - - - Aorta.
- CC. Vena & arteria adiposa.
- D. Succenturiatus ren.
- E. Ren dexter supra membranâ adiposâ, & in parte gibbosa divisus.
- f.f.f.f. Quatuor exiguae & particulares pelves.
- F. Vasa emulgentia renis dextri.
- G. Vasa emulgentia renis sinistri.
- H. Ren sinister membrana adiposa obtektus.
- G.I. Vena spermatica sinistra, quæ generaliter in emulgentes inseritur, tres alios habens ramos, qui eandem membranâ adiposâ adnectunt.
- K.L. Ventriculus, cujus dimidietas remota est, ut interioris membranæ structura observari possit, cujus ruga undulata sunt in parte superiori, striata verò in parte inferiore.

- MMMM. Hepar.
- N. Vesicula fellea.
- OO. Cor.
- P. Vena cava secundum longitudinem bascos descendens.
- QQ. Auricula cordis.
- R. Aorta.
- S. Arteria axillaris dextra.
- T. - - - - Sinistra.
- Δ. Arteria pulmonalis.
- VV. Carotides.
- XX. Nervi recurrentes.
- Y.Z. Vena cava aperta eo in loco, quò cordi annexa est.
- Y. Cavitas seu Foramen in dextrum cordis ventriculum penetrans.
- Z. Foramen ovale in venam pulmonalem abiens.
- a. Acies in membrana interiore vene cavae.
- bc. Unus è pilis barba duplo crassior ac in vivente representatus.
- d. Pars Sclerotica, quæ una cum cornea non depicta dimidium oculi dissecti constituit.
- e. Humor crystallinus.
- gg. - - - Vitreus.
- hiii. Altera oculi dimidietas.
- h. Extremitas nervi optici, directè in axerem oculi intrans.
- iii. Rami tres vasorum sanguiferorum cum nervo optico intrans oculum, ramificatè ulterius in Retinâ.
- Ω. Lingua.

SECTIO LXXXVII.

DESCRIPTIO ANATOMICA PHOCÆNÆ

D. Joh. Danielis Majoris

è Miscellan. S. R. I. Acad. Nat. Cur. D. I. A. 3. p. 22.

Anni præsentis MDCLXXI. Mense Aprili, Die XVII. in Mari Balticò, urbem hanc Kiliam alluente, captus à piscatoribus, ad Usus Anatomicum statim à me coemptus, publiceque in Academiâ dissectus est Piscis quidam Cetaceus, Phocæna Gesnero, Bellonio,

Rondeletio, ac Aristoteli: Tursio apud Plinium & Bartholinum (cent. 2. hist. Anat. 25.) Cimbris Marsum (ob Lardi copiam,) vel Porcus Marinus; & Schoneveldio (de Piscib. Holsat. pag. 77.) Delphin Septentrionalium vocatus; quamvis Christoph. Merrettus (Pinac. rerum Nat.

Nat. Britann. pag. 191.) videatur Phocænam à Porco Marino distinguere; & rursus alius sit Porcus Monstrosus Oceani Germanici, de quò *Olaus Magnus* (Hist. Septentr. lib. 21. cap. 27.) videatur.

Longitudo totius erat quatuor pedum & dimidii, *Latitudo* pedis unius: *Profunditas* vel *crassities* itidem unius pedis, demtis duabus uncias, ut ex breviori mensurâ in Icone TAB. Fig. V. videre est.

Pondere æquabat libras civiles CXXIV. cum media, vel uncias medicas bis mille, demptis octo.

Ac citra sectionem primum notandæ erant partes hæ: *Cutis*, instar corii subtilioris cordubani, glabra, lævis, minimè squamosa, pilosa, dura, aut hispida, & potius mollis, tenera, facile vulnerabilis, pro Indole Balænarum; Unde Leviathan minus convenienter apud *Jobum* (cap. 41. v. 7. 8) per cetum, & potius crocodilum physicè explicandus est. Obscurè carulescens præterea, aut secundum longitudinem, maculis nigris passim, & striis tenuibus, in albedinem evanescentibus, pulchrè distinguitur, atque, si ita loqui liceat, marmoratur. Extensa, à lardo liberata, & parieti clavis affixa, firmiter induruit, usque ad terminalia mensis Julii, quo hæc scribo.

Caput & collum ea facie, qua apud *Rondeletium*, & paulò accuratius hic, depingitur, Branchias non habet.

Supernè in vertice *Spiraculum Semilunare* unum, cuti insculptum, sub qua gyrosus quidam plexus, velut Labyrinthus, ut *Bartholinus* loquitur, vel potius *plexus*, cerebelli instar, *rugosus* duplex, unus superior, nigricans, alteri candido semi incumbens. Hinc stylo adactò distincti duo *ductus*, quos *hydragogos*, ab usu, vocare liceat, manifesto deprehenduntur, profundè per cranium, ad ipsam Palati Tunicam pertingentes, & interposito *Septo Osseo*, cujus apex est instar cristæ galli, crassities verò pennæ anserinæ, ab invicem discreti. Perque Ductus istos vel Fistulas, Phocæna aquam ore haustam potenter & tanquam ex Siphone ejicit, sicut Physter & Balæna per duplicem prominentem Tubulum, de quibus ante laudatus *Olaus M.* (l. d. c. 6. & 9.) potest consuli, verus Borealium *Plinius*, inque pluribus Auctor fide dignior, quam forte communiter censetur: vel sicut Mytuli quidam Portus Kiliensis verno tempore è proboscide sua, extra testas prominulâ, aquam haustam supra superficiem Maris in altum exspuunt: aut sicut Buccinum parvum prope Neapolim ex linguâ exsertâ canaliculatâ, hîc loci ex *Fabio Columnâ* (d. Purp. c. 4.) Figura II. lit. a. depictum, facere scribitur. Existimemque rugosa illa Phocæne corpora, sub Spiraculo ejus Semilunari constituta, defungi quodam Spindleris officio, quibus motus aquæ exsiliens

modificetur: & totam spiraculi dicti, cum corporibus istis rugosis, ductuum hydragogorum, & interpositi septi ossea structuram esse pro *Naso* Tursionibus, capitibus ipsorum insculpto, non juxta longitudinem rostri, aut per maxillæ superioris interstitia; sed perpendiculariter aut verticaliter, juxta altitudinem ejus, à sede inter oculos media; rectâ deorsum, usque ad partem Palati, qua Oesophago imminet: quò etiam in cranio postmodum conspirare visa sunt Ossa Rostris ejusdem superiora, in aperturas antè non excavata.

Oculorum palpebra (verbis *Bartholini* utamur) angustiores: quibus resectis magnæ prodeunt oculorum Orbitæ, sed non osseæ.

Oculi, magnitudine humanos æquant.

Auditus Foramina parva, & tanquam Punctula tantum, cuti insculpta; sub quibus verò ossa petrosa maxima subjacent, de quibus infra.

Rictus mediocris, limbo ejus glabro undique, citra eminentes Setas.

Dentes parvi ac citidi, pulcra serie, ac ita dispositi, ut inter spatiola illorum excipiantur dentes Maxillæ oppositi; acuti omnes, & quod mirum, obscurè-mobiles, in quovis limbo Maxillæ 24. & sic universim 96.

Lingua latiuscula & brevis, aspera quidem superne circa intimiorem sedem Faucium; non spinata tamen, dentata aut hispida, sed molliuscula potius; & Palato undique adhærens, contra quam *Plinius* (lib. 9. c. 8.) & *Solinus* (cap. 22.) in Delphinis dicunt esse mobilem.

Pinna totius corporis quinque, robustæ, nigræ, glabræ nullis apicibus, spinis aut acutis cuspidibus armatæ: duæ videlicet in colli & pectoris confinio, à quovis Latere una; de quarum constitutione interna mirabili inferius agetur: Una dein supra lumbos dorso: & duæ in cauda, in quibus hoc est peculiare, quod situs ipsarum, ut in aliis piscibus, longitudini dorsi & caudæ non respondet; sed transversim in angulos rectos sedem suam obtinent, caudæque hærent, sicut curvatura Anchoræ superiori ejusdem Trabi non congruit.

Umbilicus in ventre notabilis.

Hinc aliquando inferius proxime supra *Anum* conspicua pudendi *Fæminei Rima*, uncias quatuor aut quinque longa, cum Alis, Clitoride parva (prorsus sicut in Homine) & sub hac urethræ orificium, &c. occasionem dabant de piscium coitu dicere aliquid, quòd nempe plerique eorum attritu quodam affricationeque superficiali tantum coeant, alii implexu, & mutuâ corporum implicatione, sicut de Anguillis ex *Oppiano Aldrovandus* (lib. 3. d. Pisc. c. 25.) admonet; aliqui vero etiam virgæ in uterum immisione, ut Balæna, Rosmarus, & ipse Tursio. Cujus generis Masculo Naturam indubiè etiam dedisse *Priapum* intus rigidum; ac sigillatim vel tendino-

sum, ut Cervo, Tauro; vel cartilagineum, ut Balæna; vel corneum, ut Bombyci vel Api; vel planè osseum, ut inter Quadrupedes Cani, Lupo, Vulpi, Civettæ, Porcelletto d'India, vel cuniculo Indico, Mustelæ, Urso albo, inter Amphibia verò Rosmaro; non tantum conjectura aliquâ sum assequutus: Sed vel reapse testem laudare habui, Illustrem *Thomam Bartholinum* qui (lib. supra c.) de Anatomie Foetus, Masculi Tursionis verba faciens, „ inter alia hæc habet: Penis longiusculus, „ partim extra prominulus, partim intra latitans „ duobus ligamenti nerveis constans, uno tenui, altero crassiore, circa radicem ossis „ cartilagineo fulcitur, instar ossis Hyoidis.

Et proxime pudendum (id quod maximè omnium notatu dignum est) ab utroque ejus latere exile *Foramen*, Pisi recentis magnitudine aut amplitudine circiter, oblongum, carneque glandulosâ repletum, videndum existit, ut ex addita hîc Figura I. lit. f. f. patet.

Et hæ Glandulæ mobiles; & quod curiositatem magis magisque augebat, stylo permeabiles erant: pressæque protrudi foras se patiebantur, & lactescebant; relictæ sibi, retrahantur iterum. Unde haud alio fine, nisi ut papillarum aut Uberum loco essent, videbatur natura ipsas affinxisse; sicut in Quadrupedum Terrestrium genere, novum etiam non est, ut ubera eorum prope majora corporis emunctoria constituta sint. Neque ulla alia pars, quæ lactationi commoda aut dicata esset, in reliquò totò Phocænæ corpore est deprehensa. Et crasse magis quam falsò, *Plinius* (lib. 9. cap. 8.) Glandulas illas indigitat, dum de Delphinis in genere ait: *Nutrient ubervis sicut Balæna*. Porcumque marinum cum foetu lactante, Ann. 1642. visum à se dissectum *Christophorus Merrettus* memorat (Pinac. Rerum Natural. Britann. pag. 191.) confer imprimis diligentissimum *Samuelem Bochartum*, qui (Hierozoic. part. I. lib. 2. cap. 7. pag. 46.) præter loca Autorum Gentilium, *Aristotelis*, *Solini*, *Plinii*, *Æliani*, *Oppiani*, lactantes Balænae & Phocænæ papillas spectantia, ex sacris quoque testimonium subinfert, & nullum dubium esse ait, quin *Jeremias* (Thren. 4. v. 3.) „ eodem respexerit, sic scribens: Etiam Cete „ mammam educunt, ut lactent catulos suos. Quem locum tamen *Lutherus* de Draconibus vertit.

Et huc usque de Phocænâ vel Tursione, citra sectionem spectato, satis. Sequuntur partes aliquæ, quæ ope Anatomæ comparuerunt, tam communiores, pinguedo, carnes, sanguis & vasa; quam ventri, thoraci, capiti magis propriæ.

Pinguedo candida, ut in simia, porcò ac homine, proxime cuti subjacet: Aderatque tanta undique, ut in pectore saltem ac ventre notaretur trium fere unciarum aut pollicum

altitudine, Lardo per omnia similis. Unde ex eo, citra additionem aquæ, familiariter oleum coquitur, cujus usus ad pauperum Lychnos peniles est.

Et quo magis ad intimiora perveniretur, hoc magis humano corpori pleraque observabantur similia.

Tantus enim aderat *Musculorum* apparatus, ut nihil minus, quàm piscem, potiusque hominem, lupum, aut vitulum, sub Anatomicò cultro versari, ignari crepissent, & crederem, nullo alio Piscium genere vesci me velle lubentius ultimo isto, quo sectio peragebatur, quadragesimali tempore, quàm Phocænâ. Cujusmodi pisces edules utique sunt, ac teste *Gesnero* (d. Aquatil. lib. 4. Corollar. pag. 713.) Lutetiam in Forum subinde allati sunt, præsertim Veneris Diebus.

Venarum item, Arteriarum ac Sanguinis per Pinguedinem, Musculos, viscera, longè lateque disseminatarum copia maxima adfuit; ne Nervos ac cætera hîc addam.

Nam ad partes abdomini proprias propero ex quibus *Omentum* desiderabatur: nudaque sub *Petitionæ* Intestina comparebant.

Ventriculus vero erat triplex, angustis orificiis distinctus. Primus candicans, internè Rugis magnis præditus, in quo cibi solidiores primùm in frustra aliqua discerpuntur, quippe spinas piscium, tellinas parvas, aut testacea alia, & ex crustatis, Locustarum particulas arenulasque continebat, iisdem turgens. Alter rubicundus, Rugas utrunque subtiliores ac ordinatiores habens; sed vacuus. Tertius planior, & velut additamentum reliquorum, colliquamentum chylosum livido albescens gerens.

Ventriculi fundo exterius adhærebant quatuor aut quinque *Globuli glandulosi*, rubri, duriusculi, substantiæ Splenis similes, sed duparis magnitudinis, majore videlicet Fabam circiter aut avellanam, mediocri phaseolum, minoribus pisa æquantibus, ut viderentur, totidem splenes esse. Celeberr. *Bartholinus* duos tantùm istiusmodi globulos notavit; Et ipse *Lien* quidem peculiaris ac distinctus in propriâ sede quoque comparuit, sed ex multis similibus globulis veluti compactus.

Pancreas itidem glandulosum, sed mollius, ut solet, ac minus rubens: non triquetrum tamen, ut in subjecto suo laudatus *Bartholinus* observavit, sed longum valde & exporrectum. *Clar. Blasius* (observat. Anat. select. pag. 43.) in Lupo pisce Pancreas ad omnes intestinorum partes pertingens arguit. *Ductus pancreaticus*, & insertio ejus in Duodenum planè conspicui.

Quoad intestina hoc occurrebat notatu dignum, quod dum longitudo eorum communiter in homine ac animalibus aliis est sextupla, in Tursione nostrò plane duodecupla existit, vel L I V. pedum. Sexies novem enim,

vel novies sex, constituunt quinquaginta quatuor. Et quatuor pedum ac medii longitudo in Tursione erat. Qui distributi in pedes medios, exhibent æquales illius partes novem, ita, ut singulis eorum sex pedes Intestini, vel singulis pedibus integris, duodecim pedes ejusdem respondeant. *Blasius* modo citatus (pag. 14.) in Cuniculo foemina vidit, longitudinem corporis ab Intestinis undecies æquari.

Mesenterii glandulam magnam *Vascula Lactea* tria vel quatuor amplectebantur.

Hepar amplissimum, & totam, quæ est inter diaphragma & ventriculum, Abdominis cavitatem ferè occupans.

Vena Umbilicalis, in *Hepar* se recipiens.

Vena Cava & *Vena Porta* amplissimæ.

Vesiculam Fellis nullam vel *Bartholinus* observavit, vel ego notasse memini: Scribitque *Plinius* (lib. 10. c. 37.) Delphinos fel non habere.

Renes magni utrinque, oblongi, & tunicâ vestiti; sed non solidi, quin ex Renibus multis minoribus triquetris, quadrangularibus & hexagonis, per singula vasculorum paria arctè sibi coherentibus, & vestitis peculiari membranulâ, compacti: quales olim in Lutrâ etiam observavi, & quantum recordor, in Castore.

Renes Succenturiati tales, quales laudatus *Dn. D. Bartholinus* deprehendit.

Ureteres exiles aut graciles.

Vesica Urinaria mediocris & valida, orificio manifestò, supra descripto, hians in vulvam sub Clitoride. Unde mingere Phocænas nullum dubium est.

Vasa Spermatica prorsus conspecta eadem, atque idem *Bartholinus* nobis descripsit.

Testiculi contra exiles, & flaccidi, ad Jujubæ fructûs magnitudinem vix plenè accedentes, figuræ inæqualis aut tuberosæ, pressione, post factam sui compunctionem, vix seminale quid aut chylosum exsudantes; connexi Utero, sine notabili ductu intermedio. In hoc tamen perviam partem Uteri utcunque exstitisse, notatum invenio in pugillaribus illis, quibus, dum administratione Anatomicâ occuparer, strictim ac citò inscribi ab aliquo Dnn. Studiosorum notatu digniora curaveram: Sed dum ad pugillares illos vel Diarium jam redeo, maximo-perè piget, quòd vel non-connotatum ibidem, vel occasione quâdam oblitteratum experior, ex quânam uteri parte *Meatus* ille in *Testiculum* tenderet, an ex cavitate majore Uteri, vel minore, vel Strictura fibrosa, inter has duas media, (de quibus omnibus mox) vel *Appendice Uteri* alterutra.

Vagina aut *Collum Uteri* amplum, robustum ac rugosum.

Uterus verò ipse conceptu, vacuus, & in duas quasi Cameras distinctus; quarum antegior amplior, altera fundum spectans, multò

strictior, cum intermedia stricturâ aut Angustis; quæ impervix primum credebantur: Sed Stylus leniter immissus, & observatio ulterior docuit, stricturam hanc potius resultasse ex corrugatione Fibrarum rectarum arctissimâ, quæ, repandæ reduplicatæque in orbem dispositæ erant, eò modò, quò bursæ orificium aliquod, valide strictum, in plicas quaqua versum rugatur: eâque magnitudine, qua solent esse stelliformia illa corpora, quæ apparent in capitibus Papaverum, vel apex rotundus ac crenatus, qui in Floribus Nymphæ luteæ est, postquam hi defloruerunt. Hæque *Fibra media Uterina*, repandæ, ac in Orbem coeuntes, ac recedentes à centro iterum, vel reduplicatæ, *Materiâ* quadam albâ & viscidâ obductæ erant; ante cujus ablationem non patebant. Et quia suspicabar, esse illam fortè Genitale colliquamentum aliquod, nec cultri duritie eandem abrasi, nec spongiâ deterfi, sed aquâ calida dilutam, in vasculum vitreum immisi, ut ibi in fibrillas, in qualescunque sponte veller, sese dispergeret, sicut Testiculorum vascula absque instrumentis ullis aliis, molestia aut labore, in Testiculo Gliris majoris, intra pelvim aqua plenam injecto, à se invicem secedere notavit ac admonet *Clar. Regnerus de Graaf*. (de Organ. Genital. Virorum p. 56.) aut sicut *Nobil. Dn. D. Henr. Volznadus, & Joach. Georg. Elsnerus, Amici & Collegæ curiosi*, intricatissimam & mirè perplexam secundinæ humanæ, tanquam Retis mirabilis Uterini, vasorum structuram, aquæ injectam, atque à cruore omnimodò liberatam, forma quamplurimum subtiliumque candicantium plumularum, natate aut fluctuare pulcherrimè in pelvi viderunt; ut constat ex *Ephemeridum Curios. German. Anno. 1. recens edito*, (observ. 40.) In illo autem Phocænæ colliquamento, aquæ immisso, nulla Partium fortè quarundam rudimenta distinctim erant conspicua: quin Lentor iste aut Mucus uteri candidus, in flocculos nebulosos tantum, sedimento aquæ Rosarum similes, & leviculo vitri motu facile dissipabiles, in aqua diffuebat: & sive Juvenula nimis adhuc, sive ad conceptum jam paulò maturior Phocæna fuerit; in vitulæ etiam recens natæ non Utero quidem, vagina Uteri tamen, tenacem quandam glutinosamque substantiam, crystallinam, & gelatinæ limpidæ similem, observasse *Gerb. Blasium* video. (Obs. Anat. Select. p. 7.)

Zoologi Phocænam inter unipara ac gemellipara referunt, pro Delphinatorum more, de quibus *Plinius* (lib. 9. cap. 8.) Pariunt catulos, decimo Mense æstivo tempore; interdum & binos. Vel ut *Solinus* paulo elegantius forsitan loquitur (cap. 22.) Catulos edunt: Decimus, mensis maturum facit partum: Lucinam æstivus dies solvit: uberibus foetus alunt: tenebras in Faucibus receptant: Ipsamque Anatomem Foetus tam masculi, quam foeminae Phocænae

canæ vide apud sæpe nobis laudatum *Bartholinum*. Unde simul constat, quemadmodum Animal id in genere viviparum est; ita præposere aliquos, solo anagrammate seductos, sturionem, (qui piscis, oviparus est) cum Turfione confundere; de quo vide plura apud *Paulum Jovium* (d. Piscib. Rom. c. 4. p. m. s. i. edit. kal.)

Hisque missis, ut ad partes Thoracis progrediar:

Diaphragma, pectus ac ventrem dividens, amplum, costis undique adhærens, more in quadrupedibus solito, cum aliâs pisces caroso hoc Partium genere careant, & loco ejus habeant tantum membranofum quid.

Mediastino connexum *Pericardium*:

Et in eo hærens *Cor* sat conspicuum & magnum, juxta proportionem corporis: cum Auriculis.

Pulmones itidem magni, unô lobô continui, pallide rubri, supernè lati, inferiora versus strictiores, factaque inspiratione, ope Follis, manifestò satis, ut reliquorum Animalium, aërem ducentium, ex innumeris vesiculis, quibus vasa & bronchia implicantur, compositi. Unde Phocenam respirare, suffragante ipsissimâ Experimentiâ, in aprico est, & subsistere aliquando extra Aquas; sed non diu, prout præsens subiectum Anatomicum, in Cymbam primo, hinc Terram illatum, horas septem tantum vel octo vixit: sibilumque aut stridorem, Testimonio Piscatorum, in & proximè à capturâ edidit: & *Aristoteles* jam olim, citante ipsum *Aquapendente* (de Loquution. cap. 3.) Delphinos stridere ac mutire scripsit. Articulatè verò non vociferatur, aut literam format Turfio, quia linguâ liberâ & molli ac mobili labro caret.

Aspera Arteria ampla.

Laryngem, singularis figuræ, delineatum dare volui: sed invenire in supellestili mea, variè dispersâ, jam nequeo. Videatur interea *Bartholinus*.

Occasione *Oesophagi*, qui insigniter se dilatari patiebatur & in vivente Animali harengis integris quandoque transitum dat, aut magnis eorum frustis, in memoriam retuli, intestinum in corpore non esse nisi unum, cujus principium sit oesophagus; medium ventriculus, & intestina, sita diverso & ampliatione potius, quam numerò distincta; finis vero alvus.

Ductus Thoracicus lacteus non exploratus.

Thymus verò insignis in Jugulo: cujus loco frustum Pinguedinis in Fele Zibethica *Blasius* (observ. Anat. select. pag. 20.) notavit.

Musculi pectorales validissimi duo, utrinque unus, à Pinnis anterioribus exorti, iisve inserti, tanquam brachiis.

Claviculae totidem breves & incurvæ.

Os sterni unicum & breve ac incurvum; sed in processus duos, tanquam Crura, divarica-

tum, & utrimque inscriptione eminente una notatum, unde in pisce adhuc tenero ex tribus distinctis Ossibus constituisse, haud obscure intelligitur, uti ex Fig. III. liquet.

Costæ utrinque tredecim, graciles; sed non vertebri totidem agglutinatæ: quin secundæ cum intermediis, ac decima tertia vertebra, adnatas costas gerunt: prima non item. Et potius, quod rarum, in hujus & secundæ interstitio, Costa prima enascitur, beneficio tendinis cartilaginei tantum spinæ dorsali hærens, & inde, à nulla vertebra, tanquam sustentaculo exorta, in summum sterni sese recipiens. In restudine Natura rursus alio artificio usa est, ibique tam costas, quam vertebrae facit deficere, quarum loco Clypeum Osseum firmissimum fabrefecit. *Vertebra* cervicis nullæ, & sic Collum propriè etiam nullum; quod superius crassum diximus: nisi quis primam, eamque omnium latissimam, atque supernè instar patellæ concavam, supra quam, costis utrimque destitutam, tanquam Atlantem Anatomicis dictum, caput obscure vertitur, pro solo ac unico fulcro cervicis velit agnoscere. Hinc vertebrae vulgares duodecim, costis utrimque, & longis Epiphysibus stipatæ sequuntur. In sequentibus sex aut octo, aliquanto longius Epiphyses excrescunt, præsertim ad latera, & sedem lumborum firmant. Attamen tam hæ, quam priores alteræ, admodum tenues sunt, & laminâ ferri, stanno obductâ, non multum crassiores. Hinc sensim iterum ad caudæ partem aliquam decrescunt. Ac universim, quod pedes longa intestina fuisse, superius diximus, tot vertebri etiam tota ab Atlante, usque ad apicem caudæ, spina gaudet; videlicet quinquaginta quatuor; quæ harmonia magnitudinis & numeri notatu utique non indigna est. De variò numerò Ossium Spinæ in variis Animalibus, cæteroqui *Castellus* (d. Hyænâ Odorif. cap. ult.) videatur.

Scapularum ossa lata ac plana, tenuiaque, processibus duobus insignibus insignia, uti Fig. IV. exhibet.

De *Pinnarum anteriorum* constitutione externa jam supra aliquid actum est. Interior ex Ossibus, Cartilagine, Tendinibus, Nervis, Musculis (in usum natandi) ac venis constans, elegantissime exprimit Brachium quoddam cum Manu, à Natura in Epitomen redactum, & delineatum proinde hic Fig. V. in sua nativa magnitudine. Ubi primum ac firmissimum Os, litera a. & b. notatum, & Brachii vel Humeri Os: sequentia duo planiora, sunt Os cubiti (lit. c.) cum suo Radio (lit. d.) Hinc carpi officula sex (lit. e.) rotunda & plana, cartilagine firmata; demum quinque digiti, ex Articulis itidem planis, ex interposita cartilagine constructi. Similem Manum Piscosam, sed Sirenis, depictam vide apud D. *Bartholinum* (Cent. 2. Hist. Anatomicæ, 11.) qualem novissimè

etiam *Manfredus Septalius* in suo Museo (cap. 32. pag. 178.) Mediolani se habere ait. Et huc usque de Partibus Thoracis. Denique ad Caput spectant *Oculi*: quorum *Humores* parum aut nihil differebant ab *Humoribus* in oculis *Hominum*.

Nervi optici graciles. Ex quibus transversim dissectis & compressis, guttulæ minimæ Roris densi ac albicantis, unæ penes alteras erumpentes, probabile dogma reddiderunt, Corpora nervorum istiusmodi etiam mollium ex tubulis medullaribus pluribus in longitudinem componi.

Hinc *Ossa Petrofa*, utrimque unum, paulo infra perexiguum meatum Auditorium supra descriptum, notabantur, ampla satis: eaque magnitudine & Figura, qua Fig. 6. & 7. hîc delineata sunt, irregulariter sinuosa & contorta, ut partim Labyrintho, partim Conchæ aut Turbini comparanda sint. Et notare convenit, Cranio illa arcte non connecti, sed libera recubare inter carnes & lardum, proxime Basin cerebri ac occiput, à latere Cranii, in sinu temporum, supra processus duos osseos, non plane sibi occurrentes, & notatos Fig. 8. litera n. n.

Os Hyoidæum reduplicatum.

Cerebri partes non perspectæ, ne cogeretur affringi Cranium. Haud obscure tamen po-

sticam illius regionem in partem dextram & sinistram divisam fuisse, docebat eminens in concavo ossis Occipitis osseus vomer aut processus, ad verticem circiter in *Cranio* excurrent.

Ea parte, qua in aliorum Animalium Craniis *Os Cribrosum* esse solet, nullum comparet ejus indicium; clausaque prorsus anterior illius pars, & concamerata: prout in apice *Rostri* etiam Aperturæ pro Naribus deficiunt, utpote quarum vices tueri spiraculum Hydragogum cum Plexibus Rugosis, jam supra circa initium præsentis Historiæ conscripsimus.

Maxillæ inferiores, teneus & planæ.

Plura accuratius rimari in unico isto subjecto non licuit, ob metum rancoris, & brevitatem temporis. Quin ex pauculis his liquet affatim, quam stupenda in Mari quoque & Bestiis ejus sit Manus DOMINI: & loco Fabulæ quam ex *Philostrato Vossius* (d. Idololatr. lib. 3. c. 44.) recitat, *Orphei* caput, quem sequebantur *Delphini*, sexcentis Annis post mortem illius loquutum, *Cyroque* Regi vaticinatum fuisse; potius dicamus, tot linguas, Divinæ Sapientiæ cantatrices observatas fuisse nostris oculis, quot partes *Delphini* dissecuimus; & *Orpheos* immensæ Potentiæ Præcones ac vates tot, quot Partium Figuras.

EXPLICATIO FIGURARUM TAB. LXVII.

IN PARTE INFERIORE

Depingitur *Phocæna* quoad totum corpus, mensura tamen minore.

IN PARTE SUPERIORE

FIG. I.

Est *Pinna* anterior sinistra manum exhibens.

Lit. a. Est os brachii vel humeri.

b. Caput ejusdem cartilagine obductum.

c. c. Os cubiti cum Radio.

d. Oſto carpi ossicula, cartilagine connexa.

e. Metacarpi tria.

f. Pollicis articuli.

g. Reliquerum digitorum articuli, numero dissimiles, cartilaginibus connexi.

FIG. II.

Os sterni Phocænæ.

Lit. a. Summa ejus pars, leniter connexa.

b. Inscriptiones ossea protuberantes.

c. c. Locus incubitus claviculæ.

d. d. Crura ossis sterni duo divaricata.

e. Locus, quorsum aliâs cartilago mucronata perinet.

FIG. III.

Scapula Sinistra.

Lit. a. Exterior ejus pars.

b. Cavitas caput ossis pinnae recipiens.

c. Externus & d. internus scapulae processus.

e. Lenis protuberantia, longè ad latus scapulae excurrent.

FIG. IV.

Est *Buccinum* parvum *Neapolitanum Fabii Columnæ*, cujus supra mentio est facta.

Lit. a. *Lingua hydragoga.*

b. b. *Cornua cuspidata, oculos circa medium sui gerentia.*

c. c. *Caro Testacei in conchiam retractilis.*

d. *Concha buccinata vel forma buccini.*

FIG. V.

In ipso *Pisce* ejusque circumferentia externâ.

Lit. a. Est *Spiraculum semilunare hydragogum.*

b. *Meatus auditorius partim Labyrintho, partim concha aut Turbini similis.*

c. c. c. c. c. *Pinna.*

d. *Umbilicus.*










e. *Rima pudendi.*

f. *Foramina lateralia ejusdem, glandula lactiferas continentia.*

g. *Anus.*

FIG. VI. VII. VIII. IX.

Siren ejusque partes exprimuntur, in antecedentibus descripta.





SECTIO LXXXVIII. DESCRIPTIO ANATOMICA SILURI

D. Phil. Jacobi Hartmanni

è Miscellan, S. R. I. Acad. Nat. Curios. Dec. 2. A. 7. Obs. 40. p. 80.

Non possum quin Curiosis ex Anatomiis, quas ad partes omnis generis animalium earumque actiones cognoscendas sæpius data occasione institui particulam quandam de *Siluro* Pisce *Welsch* dicto offeram. Vasti hujus, tantum non cetacei, viscera cum capite mihi oblata. Ast non est animus immorandi omnibus, quæ memorabilia istorum dedit contemplatio: sive dentium per totam mandibulam series continuas, sive os orbiculare, prope fauces innumeris aciculis exasperatum, tanquam singulare, sive etiam omentum, pancreas, hepar, lienem: quas partes non analogas, sed easdem prorsus cum perfectissimis terrestrium possedit; cum & Renes, hepatis parenchymate nil concedentes, ductus uretericos pennæ anserinæ magnitudine, partem rectos, partem promiaulos dimitterent: sive ipsam vesicam urinariam, quæ inflata mediocre Struthionis ovum adæquat; sive alteram Pneumaticam, cujus ductus in gulam manifestus: sive pinnas illarum Delphini æmulas: sive alia quæcunque nutritionis, sensûs aut motûs organa mente revolvam. Quamvis & generationis organa memoriâ digna forent. Maris enim testes grandinei cocti similiter ac ova foemini generis albumen aliquod mucosum offerebant. Quibus omnibus, neglectis unicum Ventriculi Phænomenon memorabo, quod nescio an ulli traditum. Corda exempta vivere, systolen & diastolen edere in vulgus notum est. Ventriculum autem eductum ultra diei spatium vitam traxisse, hoc est, quod nostram observationem hætenus forte commendabit unicè. Quippe cum 8. d. mensis Junii mactatus esset Silurus à meridie, tertiâ pomeridiana sequentis diei pluribus Spectatoribus ventriculum adhuc talem, qualem jamjam enarraturus sum, exhibui.

Scilicet primo obtutu animal aliquod vivum in se continere videbatur, adeò mirabiles motus edebat. Verùm ubi exinanitum ipsum manibus explorassemus satis, hinc intentius in rationem motûs intendentes, certis locis non procul à pyloro initium sumere cognoscimus; in modum vorticum ad tria diversa puncta se contrahebat, moxque ab iisdem punctis per eosdem

vortices se extendebat rursus, certâ quasi systole & diastole. Ad hos vorticum reciprocantium motus & reliqua ventriculi pars superior, unâ cum intestinô, quod pyloro proximum, commovebatur. Quotiescunque autem designata loca premebamus, ad numerum motûs ejuscemodi exsurgere vidimus, qui justâ interpositâ morâ vix cessabant. Tentavimus an aquæ tepidæ foris vehementior concitaretur motus: ast frustra fuimus. Nec integer tantum ventriculus, sed & dissectus ad vesperam usque istiusmodi motum exhibuit. Occupans, ut autem loca memorata innumeri nervi, funiculorum contortorum specie, absque membranæ involucri, ventriculi superficiæ externæ incumbentes.

Illud adjiciam, quod in crassis intestinis inferioribus multi vermiculi, quos piscibus familiares diximus, latitudine pennæ perdicis infectionibus distincti, deprehensi fuerint.

Usus ex Anatome Ventriculi Piscis Siluri Welsch dicti.

I. An *Helmontii* Pylorus Rector illis lucem accipiet?

II. An cardiogmi ex illis patebit causa?

III. An verò actio illa ventriculi s. n. concoctionem explicabit? Fateor, licet non unus generis animalia viva secuerim, nunquam me adeò validum sibi que constantem, nedum ut per tot horas perseverasset, ventriculi motum advertisse. Intestina quidem, quousque calor illa animavit, motum suum edidisse, in pluribus contuitus sum, verùm non plus ultra. Exc. *Wepferus* in caniculâ provectionis ætatis, nuce vomica peremptâ, ventriculum circa antrum pylori, circa medium & versus stomachum, alternante contractione & relaxatione, unâ cum intestinis, pridem emortuo corde & sanguine prope omni effusô, diu, quousque sc. illæ partes caluere, moveri vidit. De quò pluribus consulatur ipsius eruditissima *Historia Cicute aquaticæ* cap. 13.

IV. Cur non in aliorum sanguineorum, e. gr. terrestrium membranosis, nervosis partibus motus ita sit perseveraturus, viscositati humo-

motus vitalis adscribendum puto, quam propter spiritus non ita promptè avolare queunt. Sic memini me non semel embrya grandiuscula canum, felium &c. media sub diaphragmate viva secuisse, atque à pedibus per horam ad compunctionem motus fuisse observatos, id quod in justæ ætatis animalibus istis non eveniet. Quamvis vigori & vivacitati Siluri multum debeatur, quod non omnes cujuscunque generis piscium ventriculi istud spectaculum sint præbituri, experimento cuivis obviò: plus tamen singulari nervorum texturæ debebitur.

NOTA.

Quod Autor hic in Siluro & alibi Parisienses in Anatome Struthionis subolfecerunt, Actionem sc. ventriculi in chylo efficiendo motu magis compressivo ventriculi, quam fermentatione aut solutione fieri, id Moderni palam profitentur: quorum sententiam Gallus quispiam Hacquetus nomine in peculiari tractatu & post eum ex condito methodoque Mathematica ante aliquot annos hîc in Disp. publica defendit *D. Job. Melchior Verdries*, meus olim Auditor, nunc verò in Philosoph. Professione Successor.

SECTIO LXXXIX.

DESCRIPTIO ANATOMICA

XIPHIÆ PISCIS

D. Güntheri Christophori Schelhameri Prof. Aul.
ad D. Hottonem.

CLARISSIME ATQUE EXCELLENTISSIME VIR.

INter alia multa, quibus Kilonienses Musæ præ cæteris Germaniæ Academiis gaudent, commoda, haud postremum est, quod mare vicinum habent; unde cum Neptuno amicum colunt commercium: ex quo id capiunt commodi, ut non tantum omnia ad victum necessaria, frumenta, obsonia, pisces, butyrum; itemque ad ædificia struenda, ligna, trabes, asseres, calx, lapides, ferrum; ænea etiam vasa, frequenti navigatione afferantur, indeque magna sit undique rerum affluentia, sed subinde etiam iis, nec sperantibus aliquid ille submittat boni aut rari, quo sese oblectent & animum pascant, & ex quo nova identidem studia capiant incrementa. Quæ talia sane sunt, tamque eximia, ut excitati ingenii juvenes, mediterraneas alibi Musas colentes, ea spectasse magno redimerent pretio: hic sponte sese offerunt. Sic ante aliquot annos PHOCA seu vitulus marinus media hyeme, saligno piscatorum qualo implicata & capta, non formæ solum monstrosæ raritate oculos, sed animum etiam internarum partium intuitu, cultro subjecta oblectavit: cujus anatomes historia tum publici juris a me est facta. Hanc quadriennium post XIPHIAS hic piscis, seu Gladius, ut a prominentiore & maxime conspicua sui parte nuncupatur, secuta est, quæ ex alto mari egressa, & nescio quo errore in portum nostrum delata, in retia piscatoria, quibus salmonibus insidiantur, incidit, eaque gladio, quem in fronte gestat,

dissecuit quidem, luridumque corpus secutum, per ea traducere tentavit, sed penitus perrumpere non potuit. Cum ergo jactando se atque diverberando, ingentem in aqua sonitum atque tumultum concitaret, sicque spumantibus undis se attentis proderet, accurrentes lintribus & scaphis, non sine multa opera eum fustibus remisque confecere; altero die mihi venum obtulere. Quamvis autem summa æstas caloresque dominantes, sectionem animalis prompta putredine diffuituri dissuaderent, facileque præviderem, non diu multumque in scrutandis visceribus occupari, nobis iri concessum, non tamen omittendam tam rari spectaculi occasionem arbitratus sum. Itaque ære meo emtum, convocatis pro more artium cultoribus, januis apertis omnium oculis, per biduum continuatis demonstrationibus exposui, non sine molestia, tanto fœtore mox implente universas ædes, ut plerosque abstereretur, sed jucunditate spectaculi laborem ac tædium abunde compensante. Quid vero tumultuaria quidem, sed quantum fieri potuit, accurata inspectione observatum, non privatæ scientiæ servandum, sed ut de Phoca olim factum, publice commemorandum & Tecum præ cæteris, *NOBILISSIME HOTTONE*, communicandum existimavi: ut versatissimum in omni Medicæ eruditionis genere animum tuum ejus lectione vel semihorulam oblectarem. Accipe igitur, quicquid est ejus, quæ soles fronte, quæ ad Te undique, tanquam

quam ad communem quendam rerum nostrarum arbitrum subinde confluunt, & inter tot summorum virorum graves meditationes, leve hoc quoque studii in Te mei & diligentiae specimen admitte.

I. FORMA PISCIS: CAPITIS PARTES.

I. *Corpus*, rotundi cunei in modum ex amplo in angustum excurrerat, longitudine sex pedum Geometricorum justam hominis staturam æquans, crassitie tanta, ut statim a capite filo trium pedum mensuram implente comprehendere vix posset: cum unius ad caudam sufficeret, sensim decresciente molis amplitudine.

II. *Caput* comparatione ad tantum corpus parvum, septem scilicet unciarum, & quod præter maxillas, admodum breves, nihil magno pere complectebatur: ore subtus brevi sed magno satis rictu hiant.

III. Ex ea parte, quæ maxillam superiorem constituabat, recta *processus ille* porrigebatur, qui a similitudine *Gladius* appellatus est: figura, quæ strenui cujusdam militis enssem protenus referret, ex lato in angustum desinens, quippe ad radicem palmum æquabat, extrema cuspide ad unius pollicis mensuram contracta; longitudo trium pedum; nec integer videbatur; quin ex inæqualitate in cuspide obvia aliquid ejus periisse suspicari poteras, sive in saxum incurrisset animal, sive in pugna particulam amisisset. Nec crassities eadem: per medium densior, & utrinque, subtus puta & supra, eminentior apparens: ad nares trium digitorum latitudine erat, caput emensus, unius pollicis, inde ad finem perpetuo decrescens, vix calami tandem crassitie conspiciebatur, cum ea latitudine simul imminuta: uno verbo ea ipsius ratio, quæ duplici acie instructi gladii est, quasi ad secandum findendumque pariter & terebrandum esset confectus. Huic capulum se aptasse, vir celeberrimus *Olaus Wormius* ut perfectum gladium referret, in *Musei* sui descriptione prodidit. Ego illud capitis ossi adhuc continuum cum maxillis adpendentibus asservo.

IV. Substantia ejus durissimum os, ut ferro vel ligno pulsum, sonitum edat, nec cavum tamen, sed cavernosum, ex fibrillis osseis artissime junctis, & implicitis, exigua formans interstitia, ex quibus post plurimos etiam annos, adacto cultro, medullæ specie clarissima ac pellucida pinguedo funditur. Pariter ut ex terrestrium animalium ossibus sat magnam ejus copiam in medutullio superesse deprehendimus, quæ, nisi probe excocta sint, per poros transudat.

V. Laminæ vero osseæ, quibus hoc medutullium utrinque obtegebatur, reliquorum animalium similes, & quales ossium externas laminas in universum descripsit *Clopton Havers*,

ex fibris in longitudinem porrectis constabant & colore, & tractu, & tantum non substantia ligneas prorsus referebant, interna præsertim facie, externe tamen nihil apparebat istiusmodi; erat enim totus hic gladius cute seu potius membrana obtectus, asperiuscula, qualis lingua canum tactu deprehenditur, colore cinereo.

VI. Sub illo ensiformi processu proxime *Oris Hiatus*, *Maxilla* cum inferiori, tum superiori latissime ab invicem recedente: inferiore autem non rostrata, ut a *Jonstone* pingitur, sed retracta & triangularis, ut a *Gesnero*, & in figura a me depicta apparet, in angulum non admodum acutum formabatur: *Dentes* nulli comparebant, sed eorum loco utrinque cartilaginee quinque vel sex, asperitatibus eminentibus instructæ, & carne, veluti gingivis vestitæ, instar funiculorum tensæ, & ad radicem *Lingua* terminatæ, quæ, ut in piscibus solet, immobilis, & oris parti inferiori adnata erat. In his irretiri opus erat prædam, & quibus vesci consueverat, pisciculos, ne retrocedere & ex ore rursus elabi possent.

VII. Post maxillas *Branchiæ* in totum quatuor utrinque, quarum unaquæque quadruplici tubulorum ordine gaudebat. In cæteris aliorum piscium per omnia similes: lamina ossea contextæ, quæ ex quatuor constabat partibus, præcipua & multo reliquas superans, postica & superior erat, in qua fibræ osseæ ex supremo crassissimoque ossis capite, sub oculo, veluti e centro radii in orbem procurrebant; tres reliquæ partes parvæ, arcuæ superiori inhaerentes, ut unum os primo intuitu videretur, in antica parte erant sitæ, altera duplex superior, altera, inferior simplex & minima. Extus cute una tectæ continebantur, intus vero carne repletæ, quæ musculus erat ad motum reciprocum earum regendum, hæ enim costarum vices supplebant in piscibus; ut branchiæ, pulmonum.

VIII. Ante hæc branchiarum integumenta ad radicem ensis in suprema parte *Oculi*, magni, cærulei, pulcherrimi prominebant, ut supra enssem prospicere, atque adeo, quocunque jam intendebat piscis, accuratissime ad punctum ferire posset. Erant autem in perfecti orbis speciem egregie formati, ad ovi gallinaei magnitudinem accedentes: eruti multa pinguedine involutos musculos septem ostendebant, quæ eos regebant, non sclerotide tunica sed cartilagine tensa, firma ac robusta, ut comprimantibus digitis omnino resisteret, inclusos. Orbitam osseam, in qua condebantur, exacte implebat. Hanc osseam thecam, sclerotidis vices gerentem. Visorii nervi ad retinam constituendam amplo foramine perforabant. Antice cornea tunica duorum pollicum diametro, cartilagineo circulo interveniente, artissime inhaerebat, egregie pellucens, pupilla

pupilla sua gaudens, quam uvea nigerrima subiecta formabat. Humores oculorum, ut reliquorum animalium: crystallus vero pellucidissima, rotunda, & quæ extracta, ubi ab aere siccabatur, candidissima, rimas agens, in varia frustra incondita compressa diffiliit. Pars quam seruo, opalum gemmam refert, nisi quod igneo illo splendore, quo ea gaudet, & pelluciditate destituitur.

IX. Ante oculos foramina duo, *Narium* æmula, ad gladii latus.

X. *Cerebri* minimum erat: tria circiter cochlearia eo impleveris, quod tractu temporis in pinguedinem mutatum fuit: Hoc cranio suo inclusum nullo foetore molestum etiamnum a me servatur, densum instar unguenti, ex flavo tendens in rubedinem, quo colore gaudet etiam capitis os, robustissimum, nisi quod hoc etiam ex fibris, igneis proxime accidentibus constet, & præ pinguedine, qua totum perfusum ac delibutum est, totum ex fusco rubebat.

II. CORPORIS EXTERNA.

I. Ipsum crassissimum, ut jam monuimus, sensim minuebatur; & cum antice exacte rotundum esset, caudam versus in latitudinem, non altitudinem compressum explicabatur, contrario plane aliis piscibus more, qui appressis lateribus erecto sunt ad caudam dorso: nostro vero huic cauda ad perpendicularum aptata, crucis formam confingebat.

II. Color, cum vivebat, argenteo nitore & veluti luce quadam pulcherrime resplendebat, sed postquam extinctus erat, per dorsum quidem & latera in nigredinem sensim mutabatur, sub ventre vero perpetuo albicabat: ut hinc liqueat non vidisse viventem, qui eum describere auctores, utpote qui omnes nigrum in dorso, nemo candidum prodidere.

III. *Per medium dorfi linea* excurrerebat, in qua cutis sursum utrinque ascendens coivisse videbatur: per eam enim, pisce putrescente, tabus transfudabat. Ipsa cutis nuda, glabra squamis destituta, non admodum densa, cuticula tenerrima vestiebatur.

IV. *Pinnas* habebat omnino sex: proxime ad caput in anteriore parte duas, utrinque unam, qua se antrorsum movebat, in dorso, antica parte, tertiam erectam ad perpendicularum; hæ satis amplæ, latior tamen dorsalis. Sequitur quarta sub ventre, in medio ejus, recta deorsum tendens, minor. Quinta ex sexta haut longe a cauda aberant, exiles admodum, una itidem in dorso, vix pollices duos alta, altera e regione subtus. Omnes, exceptis binis postremis figura erant triangulæ, sed versus postica in arcum sinuatæ, laciniosæ, læves & robustæ, alarum in modum, quibus volucres instructæ sunt latioresque ubi ad corpus adhærebant, angustæ ad finem. Corrigendæ igitur

omnes auctorum figuræ, quæ neque positum naturæ convenientem, neque effigiem, nec cuiusvis ad invicem magnitudinem repræsentant ex vero. Ego omnia ex animali ante oculos posito ad vivum delineari curavi, ut fides esse possit.

V. Constabant autem pinnæ ex calamis osseis, scriptoriis simillimis, & in principio rotundis, amplissimis, robustissimis inæquali tum crassitie tum longitudine: nonnullæ dimidium digitum ad exortum æquabant, sed sensim minuebantur, perinde ut pennæ in avium alis. In exortu duplici ordine prodibant capitulis osseis insignibus basin latam constituentes, sed mox coibant in unum corpus, capitula ista ossea etiam in medio arcte connectebantur, ubi profundam satis cavitatem, seu γλῆνν constituebant. Binæ laterales robustissimo ossi, quod, ad latera, scapularum locum occupabat, mira articulatione innectebantur, quod itidem in utroque latere capitula ostendebat ossea, in medio vero processum longius productum, itidemque rotundum, quem cavitas illa, quam in coitione constituebant pinnæ, excipiebat, ne excidere possent, & ita cum his articulatione, quæ Gynghimos medicis appellatur, coibant. Eodem modo maxima illa, quæ in dorso eminebat, spinæ dorsali innectebatur Calami, intercedentibus carnosus musculis eo modo dispositis, quo in quadrupedibus & homine intercostales, fibræ scilicet oblique descendentes, per interstitia copulabantur: Idem prout altius exsurgabant, in latitudinem se expandebant magis, ubi medium superaverant, etiam bifidi facti & invicem digressi, circa finem plumarum effigie latissime se explicantes, quarum in margine lacinia constituebantur, de quibus antea indicavimus. Cute vero etiam obtektæ erant pinnæ, qua eo modo, quo in homine metacarpus, musculi inter ossei, ossaque ipsa continebantur.

VI. In illa quæ ex dorfi summo prominebat, & quæ reliquas amplitudine superabat, duodecim in totum pennas ejusmodi osseas erat conspicua: prima unciam longitudine superabat, altera palmum, tertia spithama longior, quarta & quinta eam longe excedebant, inde sensim minutiores donec ultima ad palmum denovo reduceretur. Postrema tamen illa dorfi, omnium minima, quæ ad caudam proxime accedebat longe aliam formam induerat: Neque enim plumosis illis lacinias gaudebat, & ossi, quod scapulæ exilis figuram habebat, exiguo, ex obliquo nectebatur, & veluti super imposita inhærebat, quatuor ossibus, costarum exactissimarum æmulis constans, latis scilicet non teretibus; quorum interstitia sola implebat cutis, ea prorsus ratione, qua antèrini pedes conformati sunt.

VII. Erant autem pinnæ fortissimis musculis proviæ, qui omnes in ipso positi corpore ad latera

ad latera in singulos calamos tendines mittebant crassos & robustos, latosque: duplex vero anticis iis, quæ proxime a capite erant sitæ, musculus erat, internus unus, adducens pinnam & piscem promovens; externus alter extendens pinnae arque abducens. At in dorso & ventre æque quidem duplices sed pinnam non contrahebant ad promovendum, sed ad utrumque latus inclinabant, quo vastum animal celerius verteretur.

VIII. *Cauda* sequitur, quæ ex plurimis calamis at pinnæ constabat, duplici iidem eorum ordine, ad os cuiusdam latera applicato. In duas partes dividebatur unam inferiorem, descendentem, longius productam, alteram superiorem, altius eminenter. Os illud a quo procedebant calami, per medium ubi inferior pars a superiore diremta, separabatur, profunde crenatum erat idque bina a latere alia teretia, digitum minimum crassa, quibus utroque latere calami incumbebant, subibant. Ipsi calami in principio exiles nec calamum anserinum crassitie æquantes, mox in progressu aucti ut longe eum superarent, versus finem vero iterum imminuti: donec plumarum formam sumerent. His nulli musculi erant interpositi, sed immediate inter se cohærebant versus medium præsertim. Decrescebant vero & hi, cum superioris tum inferioris ordinis, ut tota cauda figura lunam falcata sed imperfectam referret: quod in superiori loco positi essent breviores. Factum id existimandum est non sine singulari naturæ providentia: sic enim velocius longe in dextram lævamque flectere, & celerius piscem vertere, quam si plena latitudine triangula extitisset cauda, in potestate est, cum minorem aquæ copiam sibi obstantem habeat. Quæ eadem causa est, cur & pinnæ sinuatae in circuli segmentum exsculpræ cernuntur.

IX. Detracta cute immanis copia pinguedinis patebat: candidissimæ ac mollis, ut lenissimo calore liqueceret. Hac totum corpus perfusum & involutum erat undique, ac veluti in illa sepultum, ita ut ea sublata vix dimidium remaneret priscæ molis: nam in dorso spissitudo ejus duorum pollicum & ultra; paulo minor per latera ipsumque ventrem. Hanc tam copiosam cum spem faceret, excoctam ingentem copiam liquaminis, quo ad lucernas uti solent, suppeditaturam, postquam in ahenum conjecta est ad ignem liquefacta, vix tres vel quatuor libras nacti sumus, adeoque oleum dicitur & operam perdidimus, omni materia in membranas quod fatiscente. Hæc in externis notavimus.

III. INTERNÆ PARTES.

Utinam vero interna etiam pari diligentia contemplari licuisset: sed industriam nostram temporis æstivi ratio, fœtor, & in quam diffuebant omnia, putredo cohibuit, ut deproperare

opus, præsertim post secundam noctem cogere: Interim hæc deprehendere fuit non omnino contemnenda.

I. Juxta radices linguæ, post corpora cartilaginea ad retinendam prædam data, gula patebat, brevi sed ampla in principio ad ventriculum via: cui immincebant bina corpora digiti magnitudine & figura, eminentiis parvis aspera, quæ jam degluritis & e ventriculo regredi tentantibus animalibus opponebantur. His e latere adstabant & ex ore pendebant alia similia quidem sed minora, ejusdem substantiæ & utilitatis.

II. Ipse ventriculus vix quatuor digitorum erat latitudine, sed longitudine pedis mensuram implebat, sacculi figuram constituens: recubabat autem in latere sinistro, dextrum hepate sibi vendicante. Ex membrana triplici componebatur, prima tenuissima & prorsus hinc pellucida, externa: altera musculosa satis crassa, fibris in longitudinem per eum pergentibus, nam cibus digestus, ut mox dicam, sursum expellendus erat. Tertia nervea erat, cui glandulæ magnæ satis & conspicuæ inhærebant, difformes & inter se dissimiles, angulosæ eamque totam occupabant, ex quibus liquor stillabat, fermenti vicem subiens. Cum enim nec salivales glandulæ, nec ingluvies in pisce invenirent locum, quæ terrestribus animalibus in collo & pone aures, alitibus in dicta ingluvie reperiuntur huic in stomacho erant collocanda.

III. Aperto stomacho chylus aquosus & tenuis se offerebat, cui aliquot pisciculorum spinæ, integræ a capite ad caudam, digitum & sesquidigitum longæ innatabant: nec enim poterant vel multæ vel magnæ inesse in parvo adeo loco, qui vix longior istis paulo majores non admittebat. Itaque robustam hanc belluam & fortem tam exiguo cibo victitare, mirum profecto videbatur.

IV. At hoc multo magis illud, quod non nisi unum erat ventriculo orificium, per quod & ingredi in illum cibus & digestus egredi cogeretur. Intestinum enim proxime ad gulam initium capiebat, quo excipiebatur.

V. Sed quod omnem superabat fidem, & expectationem nostram cum stupore fallebat, haut longe ab hoc initio, digitorum circiter trium latitudine idem intestinum hiabat in hepar, amploque ductu ei innexum erat, qui ductus in alios multos diremtus haut aliter ac in terrestribus quadrupedibus, homineque, vena cava vel etiam portarum in ejusdem lobos dispensabatur. Quod si olim innotuisset, cum maximum hoc viscus sanguinem elaborare Galeno auctore, crederetur, & præeunte Harveo, à recentioribus ea impugnaretur sententia, huius quantum ex eo argumentum, quæ arma Galenicæ cohorti petere licuisset, cum ne nunc quidem, quid ei faciam & quem ad signem usum

tam mitiseo a via recta diverticulo, satis reperiam: nisi quis esse hunc ductum Choledochum quia tam amplo hiatu in intestinum aperiretur, existimandum putet: cuius tamen afferti nullam rationem video. Neque credibile, tantam bilis copiam in hoc pisce ex sanguine non nimis multo prodituram. Reliqua intestini pars ad latus uno continuo ductu descendens, crassius redditum, mox rursus contrahebatur, & in exilissimum exitum sub cauda desinebat, ubi tam arctum erat, ut calamus scriptorium vix admitteret.

VI. Circa finem ejus ad latus utrumque duo conspiciebantur sacculi, spithamam fere longi, crassi & pleni, qui dissecti illum ruminantium animalium ventriculum referebant, qui tertius ordine, Reticulum dicitur strias in cellulas collectas habens mirabili plexu. Tota autem glandulis referta reperiebantur, quæ compressæ materiam candidam, crassam semini amulam profundebant. Hujus quis usus sit, quæ ratio, dicere haut possum: insignem esse oportet, cum tanta utriusque sit moles, tamque succi plena conspiciantur.

VII. Pro mesenterio erat membrana tenuis, qua intestinum adhærebat dorso. Pancreas, lien renes protenus deerant, nec eorum comparebat nobis vestigium. Et de renibus quidem satis compertum est, universum piscium genus iis carere. Pancreas intestino adhærere assolet, lien vero perexiguus esse, & vix conspicuus. An ergo nos fefellerit, in his festinatio, & viscerum obscurus situs, non satis sum certus. Vena cava ad dextrum latus spinæ adjacebat. Erat enim vertebrarum dorsaliū ordo etiam intus spinis instructus, quod nusquam ne in balænis quidem observatur. His ergo adjacens, sub hepate tendebat cum arteria magna in cor.

VIII. Cor, quod omnibus itidem commune est, proxime ad gulam in oris fundo spectabatur. Cum enim & pectore & collo pisces careant, quia nec pulmonibus gaudent nec voce, adeoque etiam ejus instrumento, larynge atque aerea fistula, pulmonum vero loco sint bronchiæ, alibi collocari nec poterat nec debebat, unde & ductus ex eo sanguinei ad bronchias abeunt singulas, quo sanguis influat in has resiliatque. Habebat autem cor mucronem suum ad os spectantem, non inferius: de quibus omnibus jam dudum monuit Aristoteles c. l. cap. 17.

IX. In dextro latere, ut modo memoravimus, hepar situm erat maximum viscus, dimidium fere totius reliqui corporis implens, quod vesiculare videbatur, & pulmonis speciem præbebat. Mollissimum vero & inter digitos leviter compressum diffuens in spadiceæ coloris tabum, ita ut digne examinari non potuerit, pariter ac connexio cum vesicula fellea, quæ non in ipso, sed sejuncta, ut recte Aristoteles ci-

tato loco observavit; proxime tamen ad illud inveniebatur, in intestinum patens, viridi bile turgida. Erat enim in eo a nobis peccatum, quod, cum nimis diu in externorum contemplatione essemus occupati, interim interna corrupta essent, cum viscera primo loco fuissent scrutanda.

X. Cum autem huc illucque verteremus cadaver, parte inferiore in dorso collocati piscis aliud corpus pulcherrimum se offerebat, glandulis innumeris ova formicarum prope æquantibus, oblongis, candidis constans, quod pro parte hepatis tum a nobis habebatur: repebat autem illic sub hepate intestinum tenue ut vix digitum admitteret: Id variis flexibus serpentinis super venam cavam decurrens, tendebat ad medium ventris, ubi ante pinnam inferiorem primam & majorem exitum, mesenterio suo, sed vix notatu digno, connexum. Talis erat decursus.

Hoc inquam pro parte hepatis tum habitum fuit. At postea omnia curatius expendentibus, cum id intestinulum sive potius ductus in foramen sub medio ventre desinere deprehenderetur, quod in pisce adhuc integro, priusquam culter admoveretur, observabatur, & nullum aliud membrum genitale appareret, glandulæ vero candicantes formicarum ovis similes sub hepate comparerent, placuit tandem, hoc esse ovarium & intestinum serpentinis flexibus ad foramen tendens, ductum ejus, qui ut in Gallinis longior & flexuosus, tandem ovula ista glandiformia ex orificio extremo dimitteret, a mare fecundanda: Nisi tamen, cum excrementis alvi aliud sub cauda destinatum esset, piscis vulvam hanc esse quis arbitretur, quæ & omittendis oculis, & coitus cuidam speciei, atque affriccioni maris, seminique ejus recipiendo esse destinatum, ne in tanta maris vastitate, si fortuito maris occursum & incerto loco exponantur, ab eo non reperta, intereant.

XI. Unum superest, quod in inferiore corporis, versus anum sese offerebat oblongum, quindecim pollicum latitudine, utrinque desinens in acumen, dorso adnatum, flatu turgidum, nusquam apertum. Vesica erat, reliquis piscibus, fluviatilibus saltim, communis, aerem continens. Quam cum extractam, foramine exiguo inciso inflarem, incredibile est, quantum nos omnes oblectamenti, quantum lætitiæ attulerit. Conspiciebantur enim per omnem ejus membranam ex suis ramis se diffundentes infinitæ venulæ & arteriolæ, incomparabili elegantia inter se ludentes, coeuntes & rursus abscedentes usque ad minimos surculos, capillaribus minores & graciliores, cui nihil simile in omni vita videre mihi contigerit, nec ullo artificio melius in conspectum dari posse vasorum minima, existimem, tota enim nuda per candidissimam vesicæ membranam tendebant

debant ad extremam exilitatem, purpura sua pulcherrime distincta. Sed momentaneum erat hoc gaudium: Cum enim paulo fortius inflare juberem, ut ligatura excepto incluso aere, eam siccarem, magno meo dolore rupta est, & cum aquæ immergere & eluere leviter juberem, effuso sanguine minima vasorum prope omnia evanuerunt: tamen cum vestigia quædam servarentur, immisso asserculo superinductam aliquam partem in scriniis asservo, ut etiamnum intueri cupientibus liceat. His ita perspectis, cum foetore intolerabili omnia putrescerent, finis scrutinio huic factus. Quæ autem veluti spolia pereuntis eripere corruptelæ licuit, cornu (sive gladium dicas,) cum cranio, pinnas item & caudam, in rei memoriam inter rariora mea reposita sunt.

IV. GENUS PISCIS ET ULTERIOR CONTEMPLATIO ALIORUM. QUE ERRORES.

I. Superest ut perspectis ejus partibus & structura, ad quod genus piscium pertineat, quæve hic præ ceteris digna sint quæ notentur, ad animum revocemus. Itaque de marinis esse piscibus, quos Græci θαλασσίους vocavere, obvium est. Cum autem θαλάσσιοι vel πελάγιοι sint, qui in profundo summi maris procul a littoribus versantur, vel Αἰγιαλιόδεις, qui littora terræque propinquas sedes colunt, in mare summum raro excurrentes; vel denique πετρείον, saxatiles, qui ad rupes & scopulos degunt, hunc ex pelagiis esse cognoscitur. Tametsi enim in portu sit captus, hoc tamen inter ea numerandum, quæ raro eveniunt, nec nisi cum vento ac tempestatibus, vel ex errore, vel escam secuti, deferuntur ad littora cæteroquin vero in alto mari vivere, vel armatura prodit, quæ circum littora ludenti non modo foret inutilis, sed etiam perniciofa. Nam nec illic inveniret tanto gladio digna, cum quibus pugnam committeret, & tam longe extantem moraretur potius, illique obesser. Porro cum pelagii vel ex cetaceo genere sint vel veri pisces, hic ex postrema classe erit censendus. Habet enim & branchias & vesicam intus aeream, renibusque, liene costis & pulmonibus caret, nec animal intra se generat, sed ova, quæ nulli cetaceorum conveniunt: etsi cum illis alia sint ipsi communia: quod ossa habeat, quod pinguescat admodum, quod corio tegatur, verum hæc omnia potius magnitudini ejus quam generis naturæ debentur.

II. Cum vero diversi, ut terrarum, sic & marium tractus, non omnes omnia piscium genera alant, hunc in Oceano septentrionali maxime reperiri, ejusque esse incolam constat, sed in nostrum etiam Balticum mare penetrat, unde Joh. Thom. Freygius in *Physicis questionibus in Dania notissimum esse*, ait: qua

fide, nescio, non equidem ita esse audivi unquam: si non meliori id asserat, quam sequentia, sublesta erit. Pergit enim: *Longum rostrum habere simile rostro ciconia seu gladiolo, cætera non multo dissimilem esse Lucio*: quod utrumque valde ineptum esse, ex superioribus discitur, quin per omnia Lucio dissimilis. Nam caput longum Lucio, os porrectum dentibus instructum, corpus altitudine latitudinem vincente: huic caput brevius, os pro reliquarum partium magnitudine parvum, edentulum, corpus rotundum & versus caudam non ad perpendicularum erectum, sed compressum, latiusque quam altius: ne de pinguedine, de carne, alisque internis dicam, quibus omnibus (viscera excipio) cetaceis propius accedit. Cæterum oppido est mirum, quod Gesnerus habet in *Nomenclatore aquatilium animalium*. *Ælianus Xiphiam inter Istri pisces numerat: in quo flumine hodieque hunc piscem capi circa Gomorrhæam (Komorrhæam) oppidum supra Budam, raro tamen & parvum vix tribus dodrantibus longiorem, testis quidam oculatus mihi affirmavit*. Mirum inquam hoc, si verum, sed vereor, ne & *Ælianus* & *Gesnerus* ab imperitis decepti sint: Qui enim Pelagius piscis, aquæ salis aduersus assurgat per dulcem, & in flumine vivat? Itaque alium esse, necessum est a nostro diversum. Quod satis etiam indicat magnitudo, quicquid de reliquis fiat. *Ælianus* certe non videtur nostrum Xiphiam descripsisse, sed alium, qui iidem aliquando Xiphias quibusdam audit, est vero seria seu serra, cujus cornu utrinque dentatum est, & in Euxino nonnunquam apparet, adeoque ad Istri os, capitur.

III. *Jonstonus* ubi eum describit, *corium manu versus caudam ducta, læve esse refert, os versus asperum*. Quod concedi potest: *squamas insuper sub cute latere plurimas*; quod non potest. Neque enim experientia ullo modo, nec naturæ providentiæ id puto esse conveniens. Sed *Jonstonum* exiguum admodum habuisse piscis notitiam, ex sequentibus facile perspicitur: ubi pergit: *Adeps in dorso suis modo residet*; cum utrique animali non in dorso tantum, sed in ventre etiam deprehendatur, totumque corpus involvat. Subjicit: *utraq; maxilla rostrata est, superior magis ossea, durior, aliquando bicubitalis: inferior brevior & triangularis*. Quæ cuncta vacillant: non enim rostrata, neque inferior maxilla, neque superior est. Hæc quippe longissimo ensiformi osse, non rostro gaudet: altera triangularis quidem & brevior, minime vero rostrata, ut ex nostra figura patet: Ipse potius rostratum quam gladium piscem exhibet quippe quem ex hac descriptione sua, unde petit, pingi curavit, non ex vero. Nec magis magnitudo gladii respondet veritati: Quæ in *Jonstoni* figura & textu se habet ut tria ad

decem, cum ensis dimidium totius piscis æquet. Gladium ferro acutiorem esse, non vidi, abruptum enim in extremo aliquid videbatur: sed extinctio pisce corrumpi, perperam eum credidisse, ultra triennium a me conservatus gladius testatur, æque ac ille alter *Wormii*.

IV. Quæ porro in *Jonstono* ex *Appiano* & aliis referuntur, quod *victit* piscibus, quos rostri incursum interficiat, nec prius comedat, quam transfixerit: *Canicula* exortu ab animalculo aranei magnitudine direxetur, ita ut præ dolore in naves sæpe exsiliat: (quod ex *Plinio* didicit *L. IX. cap. 15.*) *balena* conspecta gladium in terram abscondat, ita exhorrescere, sicque infixo capite se continere: *Græcicum* sermonem ab *Italico* internoscere, illum minime reformidare, ad hunc diffugere, fabulis simillima sunt. Denique in Indico mari validissimas *Lusitanorum* naves ad sesquipalmum nonnunquam perforare, quod ait, tum credam, cum in Indico mari eum deprehensum ostenditur. Naves incursum suo perforare & rupto gladio dilabi, certum: verum in Indico mari alterum genus, feriam reperiri auctores plurimi literis mandant, de hoc nostro qui id dixerit, legi neminem, tantoque magis dubito, cum tam cito aliud commentum hoc apud *Jonstonum* sequatur, subjungit enim. Visus in mediterraneo juxta navim natantem (natans) medium rostro discidisse. Qui enim id posset? Si autem factum, in ferram piscem rectius convenire apparet.

V. Ut autem in *Jonstono* tot tamque extant errores, in eo tamen excusandus est, quod non de suo hæc, sed quæ tradit, omnia, ex aliorum, ex quibus librum suum compilavit, fide refert ut ipse in præfatione lectorem admonet, suosque auctores notavit ad marginem. Majora alii commiserunt peccata, qui tanquam viderint, falsa recensent, multoque periculosius decipiunt, haut alio fidei proniore lapsu, quam ubi falsæ rei gravis auctor existit. Ceterum optime hic se gessit *Olaus Wormius*, qui pauca de eo refert, sed quæ omnia verissima deprehendimus.

LUMPUS ANGLORUM PISCIS.

Anno MDCCIV. allatus ad me est piscis in mari nostro captus, quem etiam antea aliquoties videram, quemque nostrates vocant *einen See-Hasen* / h. e. Leporem marinum quod ore & vultu leporem quodam modo referat. Ab antiquis observatus non est, fortasse quia septentrionali Oceano proprius mox autem ex collatione figuræ, quam *Jonstonus* exhibet, *Tab. XIII. num. 1.* constitit, esse eum, quem ille Lumpum Anglorum nominat, Nimirum in Anglia primum, ut videtur, innotuit, qui a figura eum nominarunt *A Lump* quod verbum massam inconditam notare, recte monet, est enim hoc ipsum Germanicum

nostrum *Klump* / abjecto ab Anglis euphonia gratia *K.* quod Angli molliore magisque effœminata verborum pronuntiatione delectati, ante *L.* non ferunt, Magnitudine erat pedem circiter longus, palmum cum dimidio altus, latus palmum & ad triangulares quodammodo accedens. Colore totus niger, cute, non squamis obtectus, aspera illa & inæquali, Elephantis cuti simili duris aculeis hinc inde munitus erat, quibus insidiantibus & sui cupidis obsistere & ab eorum insultibus tutus esse posset. Os in parte inferna, rotundum apertum: lingua prægrassa, subtus adnata: cætera externa cum figura *Jonstoni* consentiebant, nisi quod truci facie & monstrosa non placida & Caracis Germanorum (*Karausche* / sic enim *Gesnerus* post *Dubravium* nominavit piscem & antiquis ignotum, & aliis, præter Germanos, nationibus incognitum) simili. Dorsum etiam brevius, & magis ad postica acuminatum.

Sub ventre molli & candido, longe a cauda, & prope in medio, in annulum collatum turgidumque foramen, quod, ut in oviparis prope omnibus, etiam aviculis, obtinet, excrementis idemque & ovis exitum præbebat.

Aperto ventre sacculi quatuor ovis pleni, myriades eorum exponebant oculis. Ovarium hoc ergo erat, super quod hepar pallide flavescens; intestina vero subtus erant posita: vesicula fellea nonnihil separata ab hepate, haut longe tamen inde dissidebat.

Trium digitorum latitudinem hepar æquabat. Ovarium etiam trium digitorum latitudine adeoque pariter ac in *Xyphia* collatione ad ipsam piscis magnitudinem peramplum erat. Ea quoque ratio eadem, quod omnia viscera ad dorsum artissime nexa, ex eo pendebant.

Ventriculus hepar obtegebat totum. Is erat duplex: cui statim œsophagus ex ore hians immittebat cibum ex horum uno in alterum si non fallebat oculum, in superiore parte chylus transmigrabat, Erat enim & duplex in œsophagum ex ore via quarum, an in singulos singula desineret ventriculos, non potui perspicere, cum non nisi exemptis iis id animadversum fuerit.

Horum alteri infiniti sacculi parvi adjacebant, qui tot intestinula mihi videbantur. Non tamen in ipsum ventriculum sed intestinum, quod eodem in loco decurrebat, videbatur inde aditus patere. An ex iis chylus collectus, per quendam occultum canalem (ductus enim thoracicus, cum thorace piscis careret, aderat nullus) transmittatur ad cor, dici non potest.

Cor perexiguum, nucem avellanam vix superabat, more consueto proximum ori in medio hepatis & ventriculorum erat collocatum, uno thalamo unaque auricula, in arteriam suam patens.

Totum hinc corpus & omnia viscera albicabant,

bant, quippe nullo aut paucō sanguine perfusa, excepto liene, qui ad latus intestini, descendebat (quod aliis etiam fluvialibus quibusdam familiare est,) ut cor, ruberrimo colore erat.

Erat autem *Lien* longus digitos transversos tres, latus plus minus dimidio, altero fine quasi præscissa parte, in rectamque lineam desinens, duosque angulos constituens rectos; altero rotundus, & acutior.

Vesica aerea, qua alii pisces non carent, nulla apparebat; an cum intestinis, quæ exempta erant, ex illa rapta fuerit, incertus sum: non tamen videtur factum, sed ea, ut opinor, & sua natura carebat.

Bronchiis, non pulmonibus instructus erat, rubentibus a sanguine.

Edulem Angli habent, *Massarias* etiam in magnis deliciis reputari testatur, Italus. Mihi ita visum non est, & usque valde displicuit: Caro enim mollis, tremula, pellucida & redolens cete pinguedinem.

Pelagium & hunc esse, nihil est, quod dubitemus. Hic enim non nisi rarius comparet. Dignum vero notatu est, quod cum *Xiphia* pisce, sive hepatis spectes amplitudinem, sive vesiculæ biliaræ ab eo distantiam, & quod ventriculus pyloro destituitur, & quod tegumentum ipsi coriaceum est, exacte conveniat: ut unam eandemque naturam etiam reliquorum Pelagiorum esse, admodum hinc vero simile videatur, eaque adeo ratione in compendium mitti naturæ posset cognitio: etsi in eo hic a *Xiphia* diversus sit, quod vesica aerea careat.

Raro videtur occurrere hic piscis, hinc apud auctores ejus mentio sit vel nulla, vel non admodum frequens. Non dubito tamen Excellentissimum scriptorem *Joh. Rajam*, cum & ipse Anglus sit, ejus historiam diligentius esse persecutum: ad eum ergo lectorem, plura scire cupientem remitto.

OPHIDION.

I. Præter hunc Lumpum & alius mihi anno 1697. die 4. Aug. a piscatoribus oblatus est piscis, qui non minus rarus videtur, nostri quidem æquoris hospes, quapropter non alibi aptius de eo dicetur. Parvus est & hic, nec amplitudine nec crassitie insignis, verum gracilis & tener, nihil horridi & insoliti ostendens, ut fluvialis videri posset. Ejus figuram in *Jonstono* facile inveni, qui eum *Ophidii Pliniani* nomine Tab. V. n. 2. proposuit. Desumsi autem eam ex *Rondeletio*, sed multo elegantiorē exactiusque depinxit, ut non in alio facile animalium aut piscium genere exprimendo felicius sit versatus: usque adeo ut longitudo etiam totusque ambitus figuræ isti accurate respondeat, ut in eo superaverit ipsum auctorem suum. Id unum desideratur, quod in supremo piscis dorso extantes maculas undecim neglexit; cum

sint eximie, ex fusco nigricantes, quadratæ, æquali distantia, magnitudine & figura. Neque id tamen imputandum ei videtur, quoniam & ipse *Rondeletius* neque eas pingit, neque in descriptione piscis eorum facit mentionem: quod mirum est, & prope dubium me reddidit, cum sint maxime conspicuæ. Earum vero loco maculas exiles rotundas & oblongas per totum corpus quasi disseminatas exhibet, cum binis lineis a capite ad caudam per latera productis, quæ eadem etiam in *Congro* ab eo descripto apparent, ut hinc colligi jure possit, *Rondeletii* & *Jonstoni* *Ophidion* diversissima esse.

II. *Ophidion* dici ab ὄφις, quasi parvum serpentem, *Rondeletius* monet. Quod si verum est, certe *Ophidion* noster esse non potest, nihil enim quicquam cum serpente habet commune, ut vel ipsa figura satis indicat. *Ophidion* etiam *Plinii* esse non alia ratione credi postulat, quam quod *Congro* similem esse *Plinius* dixerat: In incerto itaque adhuc res est. Silendum præterea non est, falso à *Rondeletio* *Plinii* locum adferri libri nempe III. capita 9. & 11. ubi nihil de piscibus extat: Frustra etiam Lib. IX. ubi de his ex instituto agit, *Plinius* *Ophidion* quæsi, nec XXXI. & XXXII. libro invenio loca ista: extare tamen alicubi non dubito, ubi incidenter & per transitum de eo docet.

III. Duplex ejus recenset genus: unum barbatus, quod cirros carnosos instar barbæ e maxilla inferiore propendentes habeat; imberbe alterum. Hoc nostrum imberbe erat, colore flavum adeoque alterius generis.

IV. Caput ei parvum est, cutis lævis, non squamosa, pinna per ventrem totum longissima ex pilosis quasi aculeis constans quæ a cauda per dorsum dimidium reflectitur, ibique assequitur finem.

V. Non aperui hunc piscem, quod aere exsiccatum inter rariora eum asservare animunt induxeram. Interiora ergo ex *Jonstono* (de quo tamen unde habeat non dixerim, multo minus ipsum vidisse crediderim) enarrabo: linguam habet parvam, acutam, Cor trigonum, ruberrimum, Hepar ad sinistram latus porrectum, stomachum oblongum, pylorum permultis apophysibus circumfusus, a quodres intestinum revolutiones ad anum pertinent, lienem rubrum & oblongum, cætera ad ipsos Asellos accedit. Hæc *Jonstonus*. Postrema vero haut dubie erronea sunt. Quid enim huic pisci cum Asellis? Et vero admonere poterat eum *Rondeletius* de hoc, qui dudum ex Asellorum genere eum rejecerat. *Ophidion*, ajens, carne est candida, dura, veluti draco. Ineptè fecit, qui *Ophidion* inter asellos numeravit, cum plane is dissimilis sit: corporis habitu, capite, pinnis, atque cum longis plane connumerandus. Itaque ex alio quodam exscripsisse (*Bel-*
lonio

lonio forte) *Jonstonum* hæc suspicari par est, quem his verbis notavit *Rondeletius*.

Hæc habui: quæ, si lectu digna tibi videbuntur, operæ pretium me fecisse arbitrabor; sin minus, saltem placendi studio, quo Te demereri volui, locum dabis. Interim Te valere, &, nisi aliter censeas. Rangiferi etiam

cervi anatomen a me præterito anno administratam deinceps expectare jubeo.

Aliam *Xiphie* Anatomen tradit *D. Philippus Jacob. Hartmannus* in *Append. Miscell. S. R. 1. Acad. Nat. Dec. 2. A. 2.* unde Fig. seqq. desumptæ.

EXPLICATIO FIGURARUM

TAB. LXVIII.

IN PARTE INFERIORE FIG. V.

Xiphia in figura naturali ob oculos ponitur.

IN PARTE SUPERIORI

in FIG. I.

A. Est *Ventriculus*.

B. *Ventriculus succenturiatus*, in quo fermentum.

C. *Vesicula fellea*.

DDD. *Stylus orificio vesicæ felleæ, quò in supremam partem ventriculi gemini hiabat insertus.*

FIG. II.

A. *Pars abdominis præcisa, in qua inter duo alia hoc medium foramen ad duos uteri processus ducens.*

BB. *Figura duorum processuum uteri.*

FIG. III.

DD. *Ventriculus genuinus incisus, totus rugis & plicis oblitus.*

FIG. IV.

a. b. c. *Series dentium Xiphie.*

SECTIO XC.

DESCRIPTIO ANATOMICA TORPEDINIS

D. Stephani Lorenzini, Magni Duc. Hetruriæ Medici

è *Miscell. S. R. I. Acad. Nat. Cur. Dec. 1. A. 9. & 10. Obs. 172. p. 389.*

Hanc tradit Autor in *Tr. Ital. Osservazioni intorno alle Torpedini*, edito Florentiæ a. 1678. *Torpedinum* inquit, uti variæ species, colore maculis, appendicibus propè caudam, oculis, foraminibus post oculos, &c. à se invicem distinctæ: ita quoque magnitudine plurimum differunt. Sunt, quæ uncias sex pondere non excedunt; sunt aliæ, quæ libras XVIII. pendent; illustr. *Redi* quandam XXIV. librarum appendit. Hanc differentiam non ab ætatis, sed speciei diversitate procedere, ora omnino perfectæ, in utrisque reperiuntur, argumento sunt.

2. Corpus torpedinis, demtâ Caudâ, circum figuræ irregularis representat: Cui cauda curta, in cono compressioris modum formata, annectitur.

3. Oculi non admodum magni sunt, differentis figuræ, in diversis speciebus.

4. Post oculos duo foramina ovalia, in palatum pervia, per quæ nonnihil aquæ absorptæ rejiciuntur.

5. In partibus lateralibus dorso apparent vestigia sive lineamenta duorum corporum falcatorum, paulo post describendorum.

6. Supinâ jacente, nares apparent, quarum superficies interna simplicissima, per laminas aut corpus quodpiam aliud nequaquam multiplicata: unde torpedini sine dubio olfactus obtusissimus.

7. Oris rictus sub his secundum proportionem corporis amplissimus: in utraq; maxillâ dentium minimorum, durorum, uncinatorum, versus fauces incurvorum, multi ordines.

8. Infra hunc quinque foraminum falcatorum paria ducunt ad branchias: quibus ex utroque latere junguntur modò dictorum corporum falcatorum lineamenta.

9. Anus prope caudam sat grandi fissurâ patet, in cujus labris versus caudam duo foramina falcata conspiciuntur.

10. Pinna corpori utrinque una, in formâ limbus jungitur: Cauda pluribus instructa est: ad ini-

fig. I.




fig. II.



fig. III.



fig. IV.





fig. V.



ad initium ejus utrinque una carnosâ; in dorso hujus duâ spinosâ; extrema alia, quodammodò bifurcata, itidem spinosa additur.

11. Cutis seu pellis torpedinis infinitis foraminibus majoribus & minoribus pertusa est: quibus totidem canaliculi, diversæ item magnitudinis, humore viscoso, pellemque lubricante, referti annectuntur. Separatâ pelle, canaliculi majores in dorso, circa partes convexas utriusque corporis falcati, mox describendi, in duos fasciculos collecti, observantur alterâ sui extremitate omnes conjunctim terminari inter oculos & anteriorem extremitatem capitis, ubi quivis canaliculorum seorsim, affixus est exiguo globulo crystallino, simili semini coriandri, natanti in humore quodam albo glutinoso. Minores verò sunt ramuli alterius cujusdam canalis gemini, corpora modo dicta falcata utrinque cingentis, productâque per totam pellis longitudinem ramificatione, in caudam terminantis.

12. Corpora duo falcata, quorum aliquoties facta mentio, foris mollis sunt substantiæ, quæ videtur ex pluribus vesiculis irregularibus, aquâ repletis, composita esse; ablatâ pelle, observantur esse duo muscoli pulcherrimi, ex fibris multis, mollibus, albis, calamo anserino crassioribus, figuræ cylindricæ à cute dorsum integente perpendiculariter ad illam, quâ pectus vestitur, tendente compositi, quarum anteriores breviores sunt posterioribus. Fibrarum harum extremitates, variarum irregularium figurarum, vestigia sui relinquunt in pelle dorsî æquè ac pectoris, & colore, figurâ, ac situ, veris ac realibus vesiculis simillima apparent. Separantur ab invicem fibræ per alias transversales, nervosque manifestè recipiunt, per transversum eis se applicantes, ita ut jure fibræ motrices vocari possint.

13. Apertò abdomine peritonæum apparet albissimum firmiter adeò musculis annexum, ut sine laceratione separari nequeat.

14. Hepar in duos lobos falciformes, ferè æquales, divisum, processu quodam subtili connectitur.

15. Fellis vesicula ferè rotunda, magna, dextro lobo insidet. Fel colore varium, amarissimum.

16. Porî choledochi quatuor: cysticus unus, tres hepatici; quorum duo ex lobo sinistro, unus è dextro, procedunt. Sinistrorum alter in cysticum, alter in hepaticum insertus, cum his duos truncos faciunt, qui juxta se invicem, proximè sub pyloro, in intestinum inseruntur.

17. Lien stomacho adjacens figuræ est ellipticæ.

18. Pancreas pyloro annexum, coloris ex albo spadicei, figuræ irregularis, succum suum perductum, non longè à biliariis intestino insertum, in idem excernit.

19. Ventriculus faucibus brevissimo trajetû connexus, duobus hepatis lobis medius interjacet.

20. Pylorus subtilis, sursum versus diaphragma reflexus.

21. Intestinum unicum, à pyloro ductu simplici in anum tendens.

22. Totus canalis alimentarius à faucibus ad podicem, ex solis fibris annularibus componitur, quæ foris membranâ validâ cinguntur.

23. Palatum & fauces carne glandulosâ cooperitur, humorem mucosarium similem pressâ exsudante.

24. Stomachus internè crustâ crassissimâ vestitur, nonnunquam transversum digitum æquante. Hæc compressa ex papillis quibusdam humorem valde acidum reddit, qui ventriculo existente vacuo, ita cogitur, ut vitreum oculi humorem repræsentet.

25. Renes rubicundi, ex multis glandulis compositi, ad latera spinæ dorso firmiter annectuntur, totamque abdominis longitudinem à diaphragmate ad podicem usque occupant.

26. Ureteres supra renes repentes, plurimis ramificationibus à glandulis renum acceptis, per duo illa foramina falcata podici adjacentia se exonerant.

27. Testes (quibus pisces carere falsò scribit *Aristoteles hist. anim. lib. 11. Cap. 13. & de gener. anim. lib. 1. Cap. 3.*) glandulosi in masculis duobus hepatis lobis annectuntur.

28. Vasa spermatica alba ex testibus, fili instar subtilia, serpentiformi sinuatione per longitudinem dorsî, cui fortiter annectuntur, protensa, paulatim crassiora fiunt, donec propè anum, pennam gallinaceam æquantia, juncta desinant in

29. Papillam crassam longiusculam, quam membri genitalis vices gerere puto.

30. Ovaria foemellarum juniorum, figurâ, magnitudine, substantiâ & integumentis parum à virginum & foeminarum juniorum ovariiis differunt. Cæteroquin in basi utriusque lobi hepatis, quâ dorsum tangit, sita sunt; alterâ parte cavitatem quandam dorsî explentia, alterâ prominentia, ovulis, semina coriandri ferè æquantibus referta.

31. Oviductûs sive uteri crassitie chordam ex filis contortam non excedunt, & nonnihil ad latera incurvantur.

32. Ovaria earum, quæ pepererunt, aut partui vicinæ sunt, mirum in modum mole aucta, ova diversæ magnitudinis continent & coloris; ita sita, ut minora, undique majoribus cincta, medium locum teneant.

33. Oviductûs, seu tubæ in laterali abdominis parte utrinque sitæ sunt: uniuntur supra medium stomachum, ubi foramine, digitum capiente, ova ex ovariiis decidua excipiunt;

piunt: hinc per abdomen descendentes, geminâ prius valvulâ circulari munitæ; desinunt in duas papillas transversum digitum longas, cygnæam pennam crassas, in apice manifesto foramine pertusas. Hæ inseruntur in duos saccos, quos uteros voco, quatuor vel quinque transversos digitos longos, in communem canalem desinentes, qui instar papillæ inseritur in receptaculum quoddam, analogum illi, quod in avibus cloaca vocatur: separatur tamen ab intestino per membranam quandam.

34. Ova, masculi semine fecundata, & in uteros delata, sphericæ compressæ sunt figuræ, coloris sulphurei, & liberè nulli rei annexa natant in humore quodam glutinoso, falso & limpidio, subministrato à corporibus glandulosis, striatim tunicæ interiori uteri affixis.

35. Gestant utero mense Februario & Martio; pariunt circiter æquinoctium vernum, foetus vivos octo, decem, immò 14. simul, contrâ quàm tradit *Aristoteles H. A. lib. 11. cap. 10. & 11.*

36. Cor torpedinis, plurimis undique coronariis vasis cinctum, unicâ præditum est auriculâ, & vasis correspondentibus: excissum motum palpitationemque suam per horas novem continuat. Corpus verò corde privatum ultra tertiam horam morûs & sensûs signa edit evidentia; cauda postrema omnium moveri desinit.

37. Branchiæ, quæ in plerisque piscibus pulmonum vices subeunt, in faucibus torpedinis decem habent foramina, in quovis latere quinque, aliis decem foraminibus falcatis in plano podicis sitis correspondentia.

38. Meninges, cerebrum investientes, duæ sunt. Dura mater soliditate cartilagineâ prædita est, circa basin cerebri ossibus firmiter adedò annexa, ut cum his unicum corpus constituere videatur: concludit in se humorem viscosum, cui tota cerebri, piâ matre induti, moles quasi innatat.

39. Cerebrum, superiori facie, ex variis tuberculis compositum esse videtur: horum primum magnum & rotundum est: post hoc sita sunt duo alia, figuræ valde irregularis, quæ simul sumpta priori longè minora sunt. Hoc excipit aliud par oblongorum, figuræ itidem irregularis, altero tantò majus præcendenti pare: Inter duo hæc paria spatium medium occupat corpus quoddam, figurâ externâ simile cerebello quadrupedum, quod duobus processibus, ad instar duorum crurum, affixum est basi cerebri, eò planè modo, quò cerebellum duobus suis cruribus divaricatis affigitur medullæ oblongatæ.

40. Inferior facies, in basi anterioris illius tuberculi majoris, exhibet nervorum par unum, quod per membranam, cavitatem fo-

raminum immediatè supra os sitorum investientem, distribuitur. A base primi paris tuberculorum ex eodem loco procedunt nervi optici, & paulò superius alii duo motorii oculorum, qui statim ab egressu suo in duos ramos dividuntur: quin immò videtur potius, quòd ex his tuberculis enascantur utrinque duo rami, & quod omninò sint quatuor nervi. Intra hosce nervos, aut paulò inferius, est infundibulum, situm intra duas glandulas exiguas, rubras, semilunares. Post infundibulum ex iisdem tuberculis alii duo nervi oriuntur, pathetici *Willisio* dicti. A base posterioris paris tuberculorum duo fasciculi nervorum, utrinque unus, enascuntur, qui gustatorii sunt: & paulo post alii duo fasciculi, vagorum nervorum, emergunt. Omnia ista tubercula vacua sunt & interius concava, ut manifestum sit, si per tubulum insistentur.

41. Arteriæ carotides in cerebrum se insinuant, eodem planè modò, quo in quadrupedibus sit, & uniuntur in trunco vertebrali.

42. Oculorum pupilla non est rotunda, quoniam iridis pars dimidia convexa est: convexo itaque in concavum intrante pupilla clauditur.

43. Crystallinus rotundus est, substantiæ foris teneræ.

Quod de cæterò decantatam VIM STUPEFACTIVAM TORPEDINIS, attingit, unanimis Autorum consensus est torpedinem à torpore quem in vicina sibi corpora inducit, dictam esse: ita sentiunt *Aristoteles, Plinius, Ælianus, Albertus Magnus, Gesnerus, Salvianus, Aldrovandus, Jonstonus*. Utrum verò virtus hæc æqualiter in toto corpore Torpedinis resideat, an in unâ solâ & singulari quâdam parte, non ita inter eos convenit. *Salvianus* enim, quem multi sequuntur, vult eam in toto corpore regnare: *Dyphilus* verò, *Oppianus* & *Cardanus* credunt, eam restringi ad unam solam partem, ut ut non determinent, quæ & qualis illa sit. Sunt alii, qui mediâ viâ incedentes nec primæ nec secundæ sententiæ accedere audent. *Dn. Francisco Redi* visa est vis hæc stupefactiva seu dolorifica Torpedinis, magis quàm in ullâ aliâ parte, residere in duobus istis corporibus, sive musculis falcatis in dorso & pectore sibi correspondentibus: quorum elegantem fabricam in antecedentibus descripsi. Atque in hoc neutiquam erravit: crebris enim eâ in re institutis experimentis edoctus, certò affirmare possum, vim stupefactivam & dolorificam Torpedinis non residere in ullâ aliâ parte, nisi in duobus illis corporibus sive musculis falcatis: & revera falsos esse illos, qui crediderunt aut asseruerunt, quod virtus Torpedinis non solum operetur tactu immediato, sed quod etiam è longinquo percipiatur, transeunte virtute per piscatorum retia & fuscinas, aut alias hastas, quibus

quibus tanguntur aut percutiuntur. Unde liquet, errasse *Plinium lib. IX. H. N. c. 42.* & *Oppianum in Halieut.* scribentes, prædam facturas Torpedines se abscondere in locis maris cœnosis, & pisces sibi appropinquantes stupefactos retinere & devocare : itemque fabulam esse, quod *Godignus in Relat. Abyssinæ* (nisi fortassis ingens quæpiam differentia sit inter Torpedines maris Æthiopici & Mediterranei) scripsit : quod Torpedine vivâ immisâ in cistam plenam piscibus mortuis, subitò hi pisces, à Torpedine tacti, videantur in vitam redire, siquidem, ut ille affirmat, se mutuò feriunt, & agitantur motu quodam interno & ab humano intellectu incomprehensibili.

Hæc quò magis pateant, experimenta, quæ sæpius à me facta sunt, candidè, ut mihi successerunt, nunc referam.

Anno 1676. mense Februario mihi Pisis commoranti transmissæ sunt à Serenissimo Magno Hetruriæ Duce in vase aquâ marinâ pleno sex Torpedines, diversæ magnitudinis, vegetissimæ, necdum quicquam perpeßæ. Considerans itaque ingens effluvium stupefactivum & dolorificum, quod probabiliter emanare debebat ex corporibus sex Torpedinum unitarum & vasi non admodum capaci inclusarum, nunc unam, nunc aliam baculo tetigi : sed in manu meâ nec dolorem, nec stuporem sensi.

Abiecto baculo immerßi manum aquæ, in quâ Torpedines huc illuc natabant; nullam tamen unquam molestiam, & ne minimum quidem signum ullius cruciatûs adverti. Repetii sæpius hoc experimentum, tam hæc ipsâ die in his, quàm aliis Torpedinibus, eodem semper cum successu.

Itaque Torpedines nudis manibus tam in aquâ, quàm extra eam manibus contrectare cœpi, & ecce, excruciabantur manus adeò vehementer, ut dolor ad extremum usque cubitum, ultra quem non extendebatur, pertingeret. Idemque prorsus mihi evenit toties, quoties experimentum hoc reiteravi.

Dolor hic & cruciatus quodammodò similis est illi, quem sufferimus, quando extremo Cubito ad corpus quodpiam durum offendimus, & adeò tædiosus est, ut quadantenus intolerabilis fiat, exiguo tamen temporis spatio durat, moxque sine omni in manu vel brachio post se relictâ alteratione evanescit.

Notandum autem est, primò, dolorem & cruciatum hunc tunc tantùm me sensisse, quando tactis pressisque istis corporibus sive musculis falcatis, fibræ ex quibus componuntur, se contrahebant : nullâ alteratione perceptâ, quando eadem fibræ sine contractione manebant in situ suo naturali.

Deinde, dolorem intensiorem aut remissionem sentiri, secundum varietatem contractionis fibrarum. Fortiter enim se contrahentibus fibris, torpor est maximus, & non tantùm

manum, sed totum cubitum occupat : remissius verò seu lentius se contrahentibus, tantùm fornicatio quædam in totâ manu, ultra quam ea se non extendit, percipitur : quando lentissimè contrahuntur, in digitis tantum motûs quidam velut convulsivus sentitur, toties rediens, quoties fibræ se contrahunt : quando verò immotæ manent fibræ, nulla omninò alteratio accidit manui tangentis. Ita ut causâ torporis aut cruciatûs sit contractio fibrarum componentium duos illos musculos falcatos : hincque manifestum sit, falli illos, qui ex mortuis Torpedinibus eandem vim stupefactivam emanare credunt.

Tertiò observandum, quod, nisi actu tangatur Torpedo, ut ut manus ipsi proximè admoveatur, animalque sese fortiter commoveat, ne minima quidem unquam doloris aut cruciatûs punctura sentiatur. Adeoque erroris convincantur piscatores illi, qui dicunt, quod, si infundatur aqua marina supra vasculum aliquod, in quo sunt Torpedines, subitò sentiatur cruciari brachium.

Nunquam equidem hoc credidi, neque verosimile mihi unquam visum est, dolorem, in solo motu quarundam fibrarum consistentem, communicari posse aëri aut aquæ, & per hanc manui vel brachio; nihilominus experiri volui, ut cum certitudine eâ de re loqui possem : & falsum reperi assertum piscatorum, ut credidi. Si tamen illi in simili experimento dolorem & cruciatum quempiam unquam senserunt, à forti, sed falsâ, imaginatione hunc fuisse planè mihi persuasum habeo. Et tale quid etiam cuidam amicorum meorum accidit; cui, mirabilem hanc Torpedinum virtutem experiri cupido, satisfactus, Torpedinem satis grandem mensæ imposui, ipsique locum, ubi tangenda sit, ut dolor sentiatur, monstravi. Ipse timore plenus brachium suum extendens, manum, vix appropinquantem dorso Torpedinis, ut ut eam necdum contingeret, subitò retrahebat, totusque perterritus sanctè affirmabat, se sensisse dolorem acutissimum : Me autem asseverante, & remonstrante, quod ad dolorem percipiendum non sufficiat appropinquatio manûs, sed quod tangere & stringere oporteat corpora falcata : seposuit paullatim timorem, & subinde propius admovit manum, sed nullum unquam dolorem sensit. Ast ubi tandem corpora falcata attigit & strinxit, atque torpedo se hincinde torßt, tunc demum verum sensit dolorem verumque cruciatum, non imaginarium : id quod ipse postea, se ipsum ridens candidè fassus est.

Indidi porrò torpedinem, quæ nihil adhuc de naturali vigore perdiderat, strophio, hocque manibus meis in aëre suspensum detinui, observaturus, an torpedo quampiam alterationem in manum meam sit introductura : sed ut verum fatear, ego ne minimam quidem alte-

rationem sensu, utut torpedo sese hinc inde moveret & contorqueret: hocque experimentum æquè ab aliis ac à me sæpius in & extra aquam factum est.

Verùm cum dubitarem, an non fortassis torpedines, dum in mari sunt, virtute majori, fortiori, & magis activâ polleant, adeoque fortè verum esse possit, quod piscatores trahentes retia, in quibus captæ sint torpedines, sentiant cruciari manus & brachia: ideò in id incubui, ut aliquando in ipso maris littore tangerem traheremque rete piscatoris cujusdam eo ipso tempore, quo unà cum aliis piscibus aliquot torpedines eo captivas teneret: verum nullum percepi dolorem aut alterationem in manibus meis: unde piscatores dixerunt, quod, si Torpedo effectus suos edere debeat, opus sit, ut parte quâdam nudi corporis attingatur. Et sanè in eodem littore iteratis vicibus calcavi quandam Torpedinem pede calceo munito, sine omni doloris aut cruciatu sensu.

Misi tandem Torpedines vivas & vegetas, in vas quodpiam, in quo alii pisces mortui erant: nullum autem istorum piscium ullo interno motu ferri vidi, nec hujus indicium quodpiam aut ego aut alius eorum, qui præsentés aderant, observare potui: præterquam, quòd mortui pisces in aquâ eo ibant, quòd eos vivæ torpedines natando propellebant. Extra aquam autem in mensa nec interno nec externo motu pisces isti movebantur.

Hæc sunt experimenta à me facta, quibus nixus, confidenter affirmo, quod Torpedo habeat virtutem stupefaciendi, non in toto suo corpore, sed in parte quâdam determinatâ: & quod hæc determinata pars sint duo isti musculi falcati, suo loco descripti, qui, si non immediatè nudâ carne tangantur, effectum nullum edant: & quod prætereà necesse sit, ut fibræ horum musculorum se contrahant, si vim earum percipere debeat pars nuda tangens.

His ita stabilitis, opus est, ut de causâ hujus doloris nonnihil dicam; Et licet mihi fortassis impossibile fuerit, genuinam invenire, sufficiet tamen mihi, si ad minimum probabilem ac veræ similem adduxero: hæc in re doctiorum & expertiorum judicio meliori me omninò submittens.

Suppono autem fundamenti loco, quod corpus nostrum non possit alterari cum delectatione aut dolore, nisi ope alterius corporis id externe tangentis, aut in id se insinuantis; Et hæc hypothesis notissima est, & vera habetur melioris Philosophiæ sectatoribus.

Hoc itaque supposito, dico, dolorem productum à Torpedine, provenire à multis corpusculis ex Torpedine exeuntibus & in manum tangentis intransibis. Hæc verò corpuscula non exeunt spontè, sed impelluntur & vibrantur à contractione fibrarum, componentium

duo ista corpora, sive musculos falcatos. Dolor autem nunc major nunc minor est ideò, quod ibi major, hic minor sit quantitas dictorum corpusculorum: Cui accedit, quod viæ, per quas corpuscula hæc violenter penetrant, non probè adaptatæ sint & respondeant figuris ipsorum corpusculorum. Ingressum autem in manum tangentis corpusculorum istorum vibratorum per contractionem fibrarum, ego quidem sequentem in modum fieri autumo.

Non est difficile credere, quod in corporibus viventibus sint multæ viæ, sive pori, per quos ingredi & egredi possunt varii generis corpuscula; quemadmodum quotidie evenire videmus in balneis & medicamentis, quæ applicata exteriori superfici ei corporis, virtutem suam in intimas corporis partes immittunt. Hoc, omisissis nunc plurimis aliis, exemplo cantharidum patet, quæ externè coxis, aut brachiis, aut cuivis alii parti nostri corporis applicatæ, sæpe stimulos maximæ dolorificos urinæ & quidem sanguineæ, excitant.

Deinde, sine dubio, quosdam poros quædam corpuscula transire nequeunt, nisi iis vim inferant eosque distendant, unde dolor sequitur; alia vero corpuscula penitus nequeunt transire, ob enormem diversitatem fibrarum: alia autem facile, & sine negotio, immò cum delectationis sensu penetrant, dummodo non sint nimis copiosa, nec impetu nimio ferantur. Si quidem à nimia copia & impetu semper fit discontinuatio partium, & consequenter dolor, ut agunt Medici. Similiter dolor excitatur, si variarum istarum figuræ mutantur; non enim illas eadem facilitate transibunt, sed opus erit, ut vim faciant, quòd eas ad antiquam & consuetam figuram redigant, & ita facient molestantam quandam sensationem. Et hoc accidere credo in cruciatibus & fornicationibus (obdormitionem vocant) manuum & pedum, & aliarum quarumvis partium nostri corporis, quando cum maximò earum incommodò extra naturalem suum situm fuere. Tum enim non solum figuram mutant viæ invisibiles, sed & visibiles, v. g. vasa sanguifera, lymphatica, ramificationes nervosæ & illa spatia, quæ inania vocantur à Medicis: unde sequitur, quod, impeditis particulis fluidis, quò minus per vias illas eadem quantitate transire possint, plures harum invicem cumulentur, & ita vim inferendo iis partibus, in quibus detinentur, efficiunt cruciatum illum & fornicationem: quæ augetur & sensibilior redditur tunc, cum pars, quæ jam cruciari incipiebat, naturali situi redditur: id est, viis priori suæ figuræ redditis, particulæ illæ fluidæ, hætenus detentæ, conferunt currunt, & se præcipitant omnes simul, aut magna earum pars, ut consuetam sibi semitam persequantur.

Atque ideò credo, saltem probabili conjecturâ, quod cruciatus & dolor manus tangentis &

ris & stringentis torpedinem, efficiatur à corpusculorum in eam penetrantium vibratione, quæ transeant per vias non bene respondentes ipsorum figuræ, aut si fortassis respondeant, transeant tamen in tantâ copiâ & forti adeò cum impetu, ut efficiant sensationem istam dolorificam. Idem experimur in perceptione caloris, qui reverà non est aliud nisi tactio, facta à multitudine corpusculorum minimorum, penetrantium per substantiam nostri corporis, quæ, prout vel majore vel minore quantitate, & cum majore aut minore velocitate idem penetrant, nobis eandem affectionem reddunt nunc delectabilem & gratam, nunc verò magis aut minus molestant. Et hanc doctrinam nequam novam futuram seriis veritatis scrutatoribus optimè novi, siquidem eam temporibus superioribus jam detexit, & mirâ perspicuitate nos docuit magnum illud Philosophiæ lumen & restaurator noster *Galileus Galilei* in exquisitissimo suo saggiatore (sive Experimentatore.)

Quod verò dolor à torpedine excitatus adeò molestus sit, non est, quod quis miretur. Considerandum enim est, quod illa Corpuscula, quæ, in contractione fibrarum e torpedine expulsa, per manum transeunt, transeant per ipsos tendines, in quibus, ut monuit *Dn. Nic. Steno*, totidem reperiuntur fibræ, quot in ventre musculi existunt, hæc solùm cum differen-

tiâ, quod in tendine fibræ arctius uniantur & cohæreant, in ventre musculi autem longius ad invicem distent, & laxiori ordine disponantur. Quando igitur corpuscula illa, tendines transversim penetrant, quoniam in fibras cumulas & unitas offendunt, harum plures simul tangunt & movent, sicque dolorem adeò intensum excitant, hic communicatus fibris carnosiss, quæ cum tendinosiss continuantur, ad extremum usque cubitum pertingit. Et hanc fortassis genuinam esse causam tam intensi doloris, comprobatur experimentum sequens, sæpius à me iteratum: nempe, si torpedo tangitur & stringitur digitis, quod idem est, ac si dicerem tendinibus, percipitur dolor magnus & acutus valdè: sed si eadem tangatur vel prematur brachio nudo; id est, carnibus, sentitur quidem dolor, sed priori longò obtusior & remissior.

Ego sanè hæc in re tot ac tanta feci experimenta, ut non credam me deceptum esse: quin potius certò persuasus sum, sensationem in tendinibus excitatam longè magis dolorificam esse illâ, quæ in carnibus est. Id quod etiam confirmant bruta animalia, quæ longè majora & evidentiora doloris signa edunt, parte tendinosâ læsâ, quàm quando carnosæ parti vulnus infligitur.

SECTIO XCI. ANATOMIE TORPEDINIS Sinûs PERSICI

Ex Amœnitatibus Exoticis *D. Engelberti Kämpferi*

Fasc. 3. Obs. 2. p. 509.

Torpedopiscis, à stupore, quem contrstantibus incutit, nomen ut apud Latinos, ita quoque apud Persas & Arabes fortitus est, ut illis *Lers mahii*, his *riaad* nuncupetur. Frequentem alit torpedinem dives squamigeri gregis Sinus Persicus & vernis præcipuè mensibus piscatorum verriculis immittit minime desideratam. Figura corporis ei compressa est, Rajæ, exceptâ caudâ, similis; exactius tamen orbiculata; magnitudo tanta, ut gemina spithamæ diametrum non excesserit, quam vidimus maxima. Crassitiem habet in medio biuncialem, sensim oram versus attenuatam,

illic substantiæ cartilaginossæ, hic mollioris, ex ossis & idoneæ, quâ pinnarum officium expleat.

Exterius lubrica est & sine squamis, maculis variis distincta, in dorsò albidis & fuscis, in caudâ obscurioribus. Venter candicat, ut in plerisque generibus piscium planorum & fundi amantium.

Superficiem habet utroque latere inæqualem, maximè in dorsò, cujus medium in scutuli protuberat figuram: Sub quâ exsurgit cauda insigniter prominens & extra corporis quoque orbem ultra palmæ latitudinem protensa.

Caput nullam habet eminentiam, sed intra corporis circulum clauditur. Oculi in eò parvuli, extra dorsi superficiem, prominent, latum pollicem tum à supremâ orâ, tum à se invicem diffidentes. Palpebris singuli instituuntur duabus, penè secundum corporis longitudinem positis, exteriore validâ, quam rarius claudit, interiori tenui & translucente, quæ in aqua subinde nutat. Oculos à culmi latitudine excipiunt duo spiracula, seu foramina, obliquè oculis subtenta, eorumque magnitudinem referentia, quæ ipsa, in aquâ degens torpedo, tenuissimâ pelliculâ, ad modum humani nutûs, subindè claudit, ut qui obiter adspiciat, alterum par oculorum putaverit; quod fortasse Clarissimo *Borrichio* accidit. In ventre spectatur os, oculorum situi appositum: quod tantæ capacitatis est, ut, licet clausum, pollicis articulo tegatur, ob laterales tamen labiorum anfractus in ingentem hiatus dispanendi valeat. Labia in caveam oris depressa acutissimis subtilissimisque aculeis asperantur, eo situ, ut res intromissas ægrè dimittant: Hos rara excipit dentium acutissimorum series, in imis faucibus recondita. Oris utriusque sinui instar narium incumbit anfractus seu hiatus lunaris figuræ, intus à cavo oris, molli (qualis sub piscium mandibulis latet) craticulâ distinctus, ac ne in sese collabatur, osseo intergerino distentus ac firmatus. Mediam ventris regionem, videlicet partem abdominis, maximè spongiosam, mollem ac tenuissimam, distinguunt parva foramina, in duas series dimissa, utrinque quina, angusta, longitudinis exiguæ, in transversum locata, donata singulari, quâ clauduntur, cuticulâ firmissimâ; quam adstringunt gemini nervi, singulis foraminibus à latere affixi, eisque longitudine, situ & serie respondentes. Anus oblongo foramine pertusus est, eo loco ventris, quo cauda extra circularem corporis ambitum emergit. Hic compressus egressit faeces atrae, terrestres, cum lumbricis palmaris longitudinis, albis, tenuissimis. Cauda crassa est, cono similis, in pinnam desinens obliquè surrectam, extremitate decussatâ; quam in eadem serie, pari situ, sed angusto intervallo, antecedunt duæ pinnae aliæ, extremitate ovarâ, majuscula quidem, quæ medio dorso, parva, quæ extrêmæ caudæ propinquior est. Caudæ principium utrinque stipatur pinnâ carnosâ majusculâ, in planum hemisphærium biuncialis diametri expansâ: hæc in maribus desinit in uncialem quasi priapum, cartilagineum, tenuem, utcumque striatum, binis in extremitate foraminulis pertusum, ex quibus humor lacteus, pinguis, viscosus, levi compressione elicitur. Eviscerata torpedo tensam præbuit dissecanti cuticulam, carnem candidam ex coeruleo dilutam: peritonæum firmum; vertebrae à tergo cartilagineas, & in caudæ tur-

binem excurrentes; spinas nullas, sed earum loco firmos tendines, à vertebrae demissos. Cerebrum quinque refert conspicua nervorum paria, quorum primum oculis porrigitur, postremum modico tractu medullam comitatur, cetera mox ab ortu variè discunt. In pectoris angustâ caveâ liberum pendet cor, fîcûs figuram exactè referens. Abdomini capax ventriculus est, multis fibris firmatus, plenus atri foetentisque excrementi; venis donatus plusculis, unâque inter illas insigniori, quæ ad epatis dextrum lobum protensa, felleam lambit vesiculam. Eius orificio ad lævam oblonga adhæret exiguæ molis glandula, informis, coerulea, seu ea pancreas, seu lien fuerit. Epar ingens viscus est, ex rubido pallens, duplici constans lobo; quorum primus totum replet dextri lateris cavum; alter sinisterum occupat, priore minor & compressior, venam exhibens insignem, atro sanguine turgentem: Hunc posteriorem lobum dices Lienem esse, nisi cum illo (sub pectore) tenui isthmo coiret, ejusdemque planè substantiæ esset & coloris. Multis lobi infarciuntur adherentibus glandulis, fortasse p. n. nascentibus, qui dissecti succum fundunt pinguem, butyro similem. Remotis cum ventriculo intestinis, prodit dorso utrinque affixum vas quoddam tenue, pellucidum, curvum & inæquale, multis ductuum gyris perplexum, cui quoddammodo carnosâ quædam substantia adhæret, alis vespertilionum, quas anatomici vocant, non dissimilis; utrum sive ovarium esse dixeris. In foemellâ, utrinque epatis lobo incumbencia inveni ova plurima, non testâ, sed tenui cute clausa, coloris in sulphureum pallecentis, in cæteris gallinaceorum ovorum vitellis ad æssim similia, liquori mucoso pellucido innatantia, communi inclusa membranulæ (ovario) teneræ, pellucidæ, epati annexæ. A subtiliori anatome abstinere nos jussit climatis injuria, longam moram in conclavi nequaquam passa. Recensebimus potius sub dio enotatas, quæ se in torpedine Persicâ exseruere, facultates mirabiles, passim à Physicis obiter, vel ex relatu aliorum descriptas.

Videtur autem nostra Torpedo ab illâ, quæ in mari mediterraneo capitur, qualitibus nonnihil dissidere; siquidem eas rectè describunt *Aristoteles*, *Plinius* & *Galenus*: perinde fortasse, atque Tarantula in Perside illas suo veneno tragœdias nunquam excitat, quas in Italiâ ludere perhibetur à Venerabili naturæ mystâ *Kirchero*, & nuper admodum à Cl. *Baglivio*. Nimirum horridos vapores non perpetuò exhalat, sed, per intervalla temporis, nisu spontaneo explodit, dum, effugium conando, libertatis remoram aut contrectantis offensam sentit. Exserit virtutem quasi momentaneo quodam ructu & convulso viscerum motu, quo abdominis spiracula dila-

tando,



fig. I.




fig. II.




fig. III.

tando, aërem sorbet, eodemque illo nisu simul tremendum virus in auras excutit: parili ferè impetu, sed motu corporis remissione, quo hystrices Africæ & Orientis spinas in lædentes ejiciunt; vel petulantes simiæ quædam, ad terrorem tangenti incutiendum, subito tremiscunt. Sub aquâ manibus prehensa segniùs ferire sentitur; vel quòd excussam virtutem aqua intercipiat; vel quòd in elemento proprio non admodum irritetur. Extra aquam manibus illæsis nonnunquam diutulè tractatur, donec vel aëris pertasa, vel pressurâ irritata, repente virus suum dissolverit. Recens salo extracta frequentius acriusque ferit, rariùs & languidè, si horas aliquot servata & tractata est. Nimirum, quò vivacior, major, recentius capta, eò stupefacit vehementius ac frequentius; Ferire item foeminea torpedo efficacius, quàm masculina mihi visa est. Ut contrectata, quàm maximè brachiis & humeris, ita pede (calceato) offensa, genibus, tibiis & femoribus torporem ac vim horrificam intulit. Cor sibi magis pàlpitare contestati sunt, qui pede, quàm qui manibus imperum excipiebant. Qui semel aut bis torporem experti erant, illi etiam cominus manum admoventes, horrificum vibrantis torpedinis frigus subsentire se testati sunt, nullatenus, qui primùm accedentes à contrectatâ nondum stupefacti fuerant. Negant piscatores, irretitam torpedinem attractione funium posse sentiri; certè, per scipionem stupor irritantis manibus inductus non est, nedum hastâ virgâque attingentis, quòd scribit *Plinius*, & credunt literati. Torpor illatus non est, qualis in artuum sopore percipitur, sed affectio repentina, quæ per tangentis membri processum ad vitæ spirituumque arcem momento penetrat, unde universum corpus animumque percellit, partes nervosas ac duriores ita corripiens, ut manus, tibiæ, ulnas, verbò, articulos majores luxari tibi putes, præsertim ejus membri, quod excussos halitus proximè excipit; idque cum cordis horrore, artuumque omnium tremore, stupiditate ac frigore. Tanta est & tam velox horrificæ exhalationis vis, ut frigidi fulguris instar contrectantem suffundat, nulloque præmio (modò ne nimium torpedo langueat) ex-

halationis impetum facilè quis sustineat, ne piscem illico abjiciat. Dignum observatione incidebat, dum torpedines tractarem, aliquem expectante cœtu Africanorum, piscem audaci fronte iterum sustulisse, & sine horroris sensu continuisse. Roganti mihi ut modum revelaret: Attractum, inquit, liberaliter & pleno pulmone aërem sine expiratione præsentis animo retine; quam diu id feceris, nullam à pisce noxam senties. Feci periculum cum successu, & quibus recentis secreti copiam dedi, pariter sine horrore successit retentio. Autumo ego, in eâ aëris retentione halitus undique è corpore nostro copiosius spirantes, occurrentibus ex pisce inquinamentis reniti; nam à longiori retentionis perseverantiâ, remissis nonnihil pulmonibus, iterum subsensisse venenatas exhalationes nobis visi sumus. Teneræ vitæ est Torpedo, adeo ut amplo etiam vase, aquæ marinæ pleno, retenta, nunquam in diem posterum vixerit: sed matutinis horis modicè tractata, post meridiem mortua sit. Mortua sine ullâ noxâ tractabilis est: quin & edulem ajunt; capta tamen, torporis formidine, dimittitur. Credunt piscatores, facultatem stupefaciendi torpedini pro tutelâ datam à naturâ esse, quâ pisces piraticos & vicinos quosque enervare possit ac torpentes reddere. Affirmat idem *Stagirites*, probat *Plinius*, & testantur veloces illæ apuæ, quas in torpedinum ventriculis inter cæteros pisciculos aliquoties inveni. In cupam aquæ plenam cum aliis piscibus deposita, id non præstirit; fortasse, quod capra hostem negligeret. Usus nullum habent torpedines, sed captæ dimittuntur: quo ipso à piscatoribus præmio inductis facilè eas obtinui. *Habessanos* impositâ torpedine (in lacubus & fluminibus captâ) febres curare relator est *Cl. Ludolfi*, *Hist. Æth.* L. I. c. II. Frustra est *Sennertus*, frustra cæteri, qui de memorati torporis curatione agunt; quippe qui sponte & illico desinens, nullum relinquit corpori aut humoribus detrimentum. Figuram Italicæ torpedinis foeminæ exhibet *Mathiæolus*, nostræ persimilis, si macularum ordinem, pinnamque caudæ extimam excipio, quæ nostræ surrecta & decussatæ extremitatis est, illi ad corporis planitiem expansa ac rotunda.

EXPLICATIO FIG. TAB. LXIX.

FIG. I.

Torpedinis maris dorsum exhibet.

FIG. II.

Ejusdem Ventrem ob oculos ponit.

FIG. III.

Abdomen torpedinis foeminæ apertum, una cum pectoris cavo sistit, ut in hoc Cor, in illò ova & intestina appareant.



DESCRIPTIO ANATOMICA CANIS CARCHARIÆ

è Pauli Bocconi Inquisit. & Observat. Natural. pag. 327.

Piscis hujus (qui alias & *AQUILA MARINA*, Germ. ein *Haye* dicitur) caput olim Anatomico cultro subjecit *Nicolaus Steno* in *Myologia seu Doctrina Musculorum Geometricâ* A. 1669. Amstelodami impressâ, in quô præ aliis rictus & mandibulæ cum dentibus acutissimis (quorum ultra 600. in uno pisce numeravit Autor modo laudatus) considerationem merentur. Hi enim dentes sub terra petrificati decantatas adeò GLOSSOPETRAS constituunt, ut *Fabius Columna* Academicus *Lynceus* jamdudum docuit.

Cum verò plurimi sint, qui glossopetras potius in terra per lusum naturæ ex argilla generari statuunt, hinc Autor noster cum modò laudato *Fabio Columna* sententiam suam contra aliorum objectiones defendit, quæ ferè sunt sequentes. Scilicet

OBJ. I. Glossopetras longissimâ distantia à mari reperiri, adeoque minus probabile esse easdem piscium marinorum dentes esse. Verum

R. Factum hoc esse per diluvia varia, quorum non tantum in sacris, sed & profanis scriptoribus mentio occurrit. Ita *Seneca*, in cujus *Tragædiis Scen. 4. Hippolytus* in hæc verba erumpit

*Cum subito vastum tumuit ex albo mare
Crevitque in astra: nullus inspirat salo
Ventus, quieti nulla pars cœli strepit,
Placidumque pelagus propria tempestas agit.
Consurgit ingens pontus in vastum aggerem
Tumidumque monstro pelagus in terram ruit.
Nec ista vatibus tanta construitur lues:
Terris minatur; Fluctus haud cursu levi
Provolvitur, nescio quid onerato sinu
Gravis undæ portat, quæ novum tellus caput
Ostendit astris. Cyclas exoritur nova.*

Et *Ovidius*:

*Vidi ego quod fuerat quondam solidissima
tellus,*

*Esse fretum, vidi fractas ex aquore terras;
Et procul à pelago concha jacuere marine*

*Et vetus inventa est in montibus anchora
summis.*

Ast *OBJ. II.* Nullibi in historiis seculorum præteritorum legi Diluvium aliquod, tantum accidisse, quod ad tantam altitudinem ascenderit, ubi nostris temporis similia corpora petrificata reperiuntur, excepto unico Diluvio universalis, cujus mentionem facit sacra Scriptura:

quod cum ante 4000. & quod excurrit, annos contigerit, minus credibile esse, corpora similia tamdiu injuriis variis externis resistere & ad hunc usque diem conservari potuisse.

Verum *R.* hoc utique fieri posse, pro diversitate soli, in quod devoluta fuerint. Quamvis enim in solo argillosò consumi potuerint *Conchæ*, dentes piscium & similia, in locis tamen arenosis & siccioribus illa ipsa intemperata conservata fuisse.

OBJ. 3. Impossibile esse tot millia glossopetrarum, quæ hinc inde è terrâ eruuntur in diversis regionibus, è mandibulis horum piscium proficisci.

Verum *R.* hoc impossibile neutiquam esse, cum ex observatione *Stenonis* ut jam supra dictum vel in unico Cane carchariâ ultra 600. dentes numerentur; ut raceam per totum vitæ decursum semper novos in illis generari. Accedit & hoc, quod & alii pisces majores reperiuntur, quæ similes dentes habet, *LAMIÆ* scilicet. Requies &c. quorum dentes similiter in terra petrificari & linguas ejusmodi mentiri possunt.

Sed Excipiunt 4. Glossopetras quandoque tam grandes reperiri, ut minus probabile sit ejusdem fuisse dentes alicujus piscis, prout binæ ejusmodi Glossopetræ majores e *Museo Gottorpensi Olearii* sistuntur in *Fig. 1. & 2. Tab. LXX.*

At facile *R.* poterit cum ut nostris temporibus ossa humana sæpe effodiantur longe majora iis, quæ hodie in corporibus humanis reperiuntur: ita pristinis temporibus ejusmodi pisces majores esse potuerunt. Quamvis & nostris temporibus sæpe pisces ejusmodi marini insanæ magnitudinis reperiuntur.

Unde non est, ut hanc deferamus sententiam, quam *Bocco* ulterius ex analysi tam Anatomica, quam Chymicâ magis magisque stabilire conatur. Quemadmodum hæc Glossopetræ calcinatæ non tam in calcem, quam potius carbonem abeunt, quod in lapidibus & aliis mineralibus neutiquam observatur; ita partes illas constituentes & internæ fibrosæ, porosæ sunt & tam quoad radicem, quam externam superficiem omninò politam cum dentibus piscium illorum exactissimè conveniunt, *vid. l. c. pag. 320.*

fig: ii




fig: i




fig: iv



fig: iii



fig: v



EXPLICATIO FIGURARUM

TAB. LXX.

IN PARTE INFIMA exhibetur

Canis Carcharius, piscis nautis infensissimus, sed junior, è Museo Gottorpiensi.

IN PARTE SUPERIORI

FIG. 1. & 2.

Ob oculos ponuntur Glossopetra majores ex eodem Museo.

FIG. 3.

Glossopetras, seu dentes carcharia petrificatas offere, partim extra mandibulas, partim iis adhuc inharentes.

FIG. 4.

Rictum Canis Carcharia aliquot dentium series instructum observandum tradit, prout eundem ob oculos posuit Olgier Jacobus in Museo Regio Hafniensi.

SECTIO XCIII.

DESCRIPTIO ANATOMICA

ACI MARINI

D. Olai Borrichii

Ex Actis Med. Hafniensibus Vol. II. p. 149.

Piscis, qui Græcis *μαλόνη, γαφίς & αβλενής*, Latinis *Acus*, Plinio etiam *aculeatus*, non incommodè descriptus est diligentissimo Rondelero 1. VII. de piscib. c. III. Est tamen quod adjiciam, præsertim circa interiorum ejus fabricam. Frequens id genus in mari nostro Balthico, quod mensis Civium non rarò infertur, in cujus visceribus hæc potissimum mihi sunt relatu digna visa:

1. Aperto ventre nonnisi unus continuus intestini ejusque amplius ductus observatus, nullis gyris aut voluminibus inflexus. Nullum inter stomachum & intestina alia discrimen, nisi quod parte superiori ductus paulò esset capacior.

2. Ad latera intestini hujus in acò foemina ova jacebant utrinque membranis suis involuta numero. In masculo eodem modo intestinum utrinque cingebant lactes.

3. Sub intestino hoc vesica protendebatur à branchiis ad usque podicem extensa & albis quibusdam lineamentis, quasi pyramidalibus hinc inde inscripta. Hujus beneficio jam attollit se piscis, jam demittit, jam natat, pro arbitrio, inclusò aère variè gubernato.

4. Sub longâ illa vesicâ spectati renes & illi à capite ad anum extensi, coloris obscurioris, per quorum medium grande vas sanguineum ferebatur.

5. Hepar pro animalis magnitudine satis grande, sed molliusculum, cui annexa vesica fellea bile viridi ad drachmam dimidiam referta.

6. A vesicâ fellis per unum hepatis latus sparsa erant vascula innumera scintillantia, sed minuta. Dixisses fila auro argentoque niten-

tia. His similis color hinc inde in oculis & capite piscium deprehenditur: in vasis hepatis nemo hætenus, opinor, talem observavit. Hæc ipsa vasa nitidiora erant in foemina, in masculo obscuriora.

7. Cor vesiculâ felleâ triplo minus, sed firmum & penè triangulare, unicò tantum sinu eoque in medio donatum. Ad superiora cordis album quoddam durumque corpus notatum, figurâ nonnihil accedens ad pyramidem, quod principium esse arteriæ magnæ postea compertum est.

8. Lien propemodum triangularis & carne quam hepar, solidiore.

9. In collò nonnisi tria branchiarum paria (cum quatuor agnoscat Rondelerus) ad inferiorem earundem partem tubercula quatuor oblonga, dura, spinosa, denticulata, referentia non ineptè quatuor illos seminum folliculos, quos in Cynoglossa maturescente notamus, nisi quod hic nihil in medio protuberet.

10. Lingua minuta & ossea, sed maxilla utraque foeminæ dentibus armata exiguis, masculo præter hos dentes etiam aliæ series natæ erant, sed minutæ.

11. Oculi grandes, humor crystallinus ad oculorum fidem prorsus rotundus. Per sparsæ hinc inde squamæ, sed nequaquam contiguæ, in quarum uno margine intensa viriditas, in reliquò squamarum corpore nulla.

12. Spina dorsi viridis, sed epiphyse osseæ & costæ longè viridiores, quæ sita ratio sistendi viriditatem illam in liquore, sed incassum; ad-

mota

mota menstrua acida, salsa, acria, lixivina nihil
effecere. Solus vini Spiritus purgatissimus
tincturam elicit, non tamen viridem, sed fla-

vam, pereunte inter operandum colore os-
suum nativô.

SECTIO XCIV.

DESCRIPTIO ANATOMICA

SALMONIS

D. Job. Conradi Peyer

è S. R. I. Acad. Nat. Cur. Miscellan. Dec. 2, A. 1. Obs. 85, p. 201.

Salmonis exta in ædibus Excellentissimi
Wepferi primùm collustravimus. Bran-
chiæ compositæ erant è pluribus forni-
cibus, osseis partim, partim cartilagineis, qui-
bus coadunati apices innumeri gaudebant sin-
guli venarum arteriarumque propaginibus api-
cum fornicumque robore munitis, de quarum
usu *Thomas Willis de anim. brutorum cap. 3.*
legi meretur. Infra branchias exstabat cor cru-
cibulo (usitato Chemicis instrumento) assimi-
le, denso fibrarum musculosarum agmine in-
structum, sed reliqua Salmonis carne & mu-
sculis rubicundius. Ventriculus ei erat uni-
cus, internè cavernulis multis & tuberculis car-
neis inæqualis: auricula etiam unica corde colo-
rator & columnis fibrosis similiter internè præ-
dita ac cavernosa. Hæc sponte sua quando-
que adhuc commovebatur, licet pridem è Sal-
mone exempta fuissent interanea. Erat porro
duplex cordi ostium geminique canales, per
quos sanguis com meat. Vena cava magno
hiatu sanguinem immittit, aorta emittit in ca-
put, branchias & reliquum corporis. In princi-
pio aortæ apparuit nobis structura mirabilis.
Etenim aorta illic instar bulbi prominens auri-
culæ speciem habet validisque fibris instructa
sanguinem propriò motu impellit. Inter in-
finum & medium ventrem diaphragmatis lo-
co intercedit membrana ceu paries intergeri-
nus. Ab ore, ampla regiaque via ducebat
in gulam, quæ postea in ventriculum inseritur.
Ventriculi tamen amplitudo vix major, quàm
gulæ videbatur. Hic autem robustior erat
oesophago. Pollebat enim fibris plurimis &
fortissimis. Cæterùm ventriculus fermè inanis
fuit, nec eò quicquam continebatur præter
muci pauxillum: unde nihil certi de escâ seu
cibo salmonum significare possum: quamquam
sint è piscatoribus, qui eos piscibus minutis
visitare affirmant. Infra pylorum intestinis
denso agmine appendices intestino cœco hu-
mano vel lumbricis assimiles, quarum nume-

rus superavit sexagesimum. Pennam anseri-
nam, quâ scribimus, singulæ æquant crassitie.
Omnium verò longitudo non est eadem. De-
crescunt enim pari ordine, quò fistulæ in or-
gano Musico, quarum series quoque multi-
plex. Propter ventriculum appendices & nu-
merosiores & longiores quàm alibi conspiciun-
tur, ita ut iis cingatur pylorus. Inde verò pau-
latim & numerus & longitudo earum deficit &
quinæ, quaternæ, ternæ, binæ cernuntur. Cun-
ctarum ora subpylori valvula in intestinum
hiant, altera extremitas impervia est. Appen-
dices hæcæ universas connectunt vasa & pin-
guedo plurima, quam omenti vicem præstare
existimavimus.

Constant autem illæ è fibris musculosis, par-
tim rectis, partim spiratim circumductis &
membranâ nerveâ, quam multæ rugæ intus ca-
perant & crusta tenuis munit. In his appen-
dicibus succum album instar chyli reperivimus,
alibi admixtâ bile tinctum. Fuit etiam ubi
unus alterque lumbricus latus hæreret, quibus
piscis nonnunquam abundant.

Statuit *M. Malpighius Dissertac. de Bombyce*
p. m. XLIII. in appendicibus istis fermenta
colligi: nos simul etiam perfici chylum in
his recessibus arbitramur. Propter appen-
dices illas *Albertus* citante *Aldrovando lib.*
IV. cap. 1. & *Jonstono* intestinum Salmonis in
plures velut digitos dividi scripsit. Porro inde
ab appendicibus intestinum flexu factò recta
pergit usque ad anum. Hujus intestini sub-
stantia eadem est, quæ ventriculi, sed differt
interna superficies; namque intestinum super-
nè, si dissectum fuerit, planè rugosum aut in-
stat favi configuratum apparet, infra ostentat
multas valvulas, quarum aliæ transversæ, aliæ
obliquæ, aliæ decussatim positæ cavent, ne
alimenta præpropere effluant, vel fæces adscen-
dant. Ubique tamen flavum & fæculentum
nihilque chyli invenimus. Juxta ventriculum
& intestinum in latere sinistro præterea con-
speximus

TABLX XI

fig: 1

fig: 3

fig: 4


fig: 7

fig: 6

fig: 2

fig: 8

fig: 9



speximus vesicam prælongam membranaceam & ventriculo tenuiorem. Longitudo ejus duas ferme spithamas, latitudo pollicem, complectebatur. Hærebat autem summæ gulæ & per eam singulari meatu in fauces patebat. Credit Gesnerus ventriculum hîc adesse secundarium & salmone fortè ruminare coniecit: sed in vesica ista nullum alimenti vestigium reperimus. Transitus etiam è faucibus in vesicam angustus & difficilis escæ foret. Quare probabile est nihil aliud ibidem recipi præterquàm aërem, qui piscibus levitatem conciliat & nandi promptitudinem. Hepar viscerum maximum fuit pallidi coloris & in geminos lobos divisum. Vesiculæ fellis nullum erat cum hepate aliud commercium, quàm per duos canales insignes, qui bilem ex hepate in vesiculam deferebant. Hanc fibræ stipant musculosæ plurimæ, quarum vi bilis inde expellitur per ductum cysticum penitus junctum hepati & in progressu alios atque alios canales ex hepate recipientem. Foramen autem, per quod ductus iste se exonerat sub pylorô exile est fibrisque ambientibus adeò adstrictum, ut manifestò appateat vi multa opus esse ad bilem in intestina expellendam. Similiter & lien permagnus adfuit, concreti sanguinis specie. Pancreas desideravimus itemque mesenterium: nam venæ & arteriæ ad intestina ventriculūque libere excurrerant. Ut autem ea, quæ de ventriculo ejusque appendicibus & vesica aereâ diximus, melius apprehendantur, penicillô nostrô adumbrata repræsentamus omnia, ita ut in

TAB. LXXI. Fig. 1.

- α.α. Fauces & gulam indicent.
β.β. Ventriculum.
γ.γ.γ.γ.γ. Appendices.
δ. Ductum bilis, qua intestinis sub pyloro jungitur.
ε. Pylorum.
ζ.ζ.ζ.ζ. Intestinum à ventriculo ad anum H. usque protensum.
θ.θ.θ.θ. Vesicam aëream gulæ junctam.

Fig. 2.

- a.a. Gulam exprimit supernè dissectam.
b. Foramen, quod per gulam abit in vesicam aëream.
c.c.c. Vesica aërea portionem dissectam.

Fig. 3.

Ob oculos ponitur intestini patefacti portio superior.

Fig. 4.

Specabilis intestini adaperiti portionem inferiorem valvulis pradam.

Fig. 5.

Adumbrantur appendices dissoluti, prout intestino adherent inde à pyloro.*

Fig. 6.

Appendicum ora in intestinum patentia sub pylori valvula †.

Fig. 7.

Internâ facies unius ex appendicibus dissectis. Atque hac de Salmonis interaneis.

Fig. 8.

Appendices sigillatim exhibet.

Efficat autem appendicum illarum consideratio, ut de intestinô cæcô quædam etiam significem. Profectò mirus in hoc naturæ lusus est pro diversitate animalium.

Aliquibus enim planè nullum obtigit, aliis simplex, quibusdam duplex, nonnullis denique multiplex. Cæco piscium plerique carent, nisi in ejus locum appendices ventriculi substituamus. Sed & multi pisces destituuntur appendicibus. RAIÆ ventriculus appendices nullas habet, ubi tamen intestinum cæcum elegantissimè rutilans & planè glandulosum cernitur. Cæco quoque privatæ sunt volucres nonnullæ; quod haud ita pridem notavi in FALCONIS anatome. Deest etiam echino & talpæ juxta nonnullos. Humanum, leporinum, felineum, glandulosa sunt. Tale quoque caninum.

SECTIO XCV.

ANATOMIE

TRUTTÆ MAGNÆ

D. Job. de Muralto.

è Miscellan. S. R. I. Acad. Nat. Cur. D. 2. A. 1. p. 128.

S Almoni similis est TRUTTA lacustris, Tigurinis familiaris pilcis, quem vernaculâ linguâ ein Sârenen appellant, ma-
Tom. II.
culis variegatus & toto corpore squamosus, in dorso autem medio pinnâ unicâ, ac pone caudam minore aliâ & carnosiore insignis: illâ

illâ spinis 14. extensa erigitur. Cauda falcata est & nigricat. Rursus alia pinna sub alvo duodecim costis cartilagineis sustentata antè rubet: in ventris medio, ut & sub branchiis duplicata pinnæ juxta se invicem posita cernuntur & utrinque secundum corporis longitudinem deducta lineâ à capite ad caudam tendit. Hoc quadantenus acuminatum est & aurium loco branchias duas obtinet, complicatis in ambitu inferiore appendicibus præditas. Utrunque duplicia narium foramina adsunt ad cerebrum usque porrecta. Intra orbitam oculi perspicua cartilago mollior loco carunculæ lacrymalis apparet. In ore quadruplex series dentium acutissimorum à parte supernâ & infernâ conspicitur. Oculi prægrandes sunt & circulo virescente cincti. Præterea dissecto pisce, invenimus sub intestino recto transitum in vesicam urinariam oblongam, sitam supra vesicam pneumaticam, quæ prælonga est, membranacea & tenuioris texturæ. Ex illius latere dextrò ureter amplius tendit ad glandulosam carnem, secundum spinam dorsi sitam & peritonæo contentam. Intestinum rectum utrinque venis lateralibus instructum est. Summum intestinorum denso agmine stipant appendices cæcæ & infra pylorum creberrimis osculis in id

dehiscunt. Intestinis utrinque adhærebant membrana pinguedinem continentes. Ab ore viam ducebat per gulam digitos aliquot transversos longam & intrinsecus fibris rectis sulcatam, qui referebat manicam Hippocratis. Inde retorquebantur intestina. In fœmellis ovaria utrinque conspiciuntur ovorum multis millibus instructa. Ova rotunda sunt & inter se cohærent instar spermatis ranarum. Hepar oblongum est & unico lobo præditum. In hujus mediò vesica biliaris cernitur, bilem stomacho infundens. Lien triangularis stomacho subjacet. Cor inter branchias locatum musculosam carnem æmulatur pericardioque communi & amplo involvitur. Auricula ei fuit unica, sed in binas partes divulsa. Ab auriculâ vena cava tendit, tum ad hepar, tum ad corpus illud nigricans oblongum spinæ instratum, è quo, ut supra innui, ureter in vesicam tendit. Ventriculus cordi unicus est. In principio aortæ dispositæ sunt valvulae tres semilunares. Aorta autem intra branchias sursum fertur & sanguinem omnibus earum fibris largitur: hinc iterum deorsum tendens progreditur ad carnes & viscera; Venarum & arteriarum propagines branchiis sunt insignes, quarum furculi in apicum cacumine utrinque assurgunt.

SECTIO XCVI.

DESCRIPTIO ANATOMICA LUCII ET ALOSÆ

D. Gualteri Needham

è Tr. Ejusdem de Biolychnio & ingressu aeris in sanguinem p. 176.

LUCII Anatomen olim fusius dederunt Amstelodamenses, quam exhibet *Blasius* in *Observ. Anatom.* Potiora hîc è fig. anearum explicatione colligi possunt, quæ mox sequetur.

In *ALOSA* majori (præter morem omnium, quotquot Autori nostro occurrerunt,

piscium) *Stomachus* & *pylorus* ejusdem ferè altitudinis sunt, mox sub diaphragmate siti, sed *ventriculus* ipse longo acutoque angulo infra medietatem abdominis descendit, cujus fundum intrat canalis *vesicæ duplicis*, quæ simplici videtur gaudere tunicâ, cum aliorum piscium *vesicæ duplicem* habeant.

EXPLICATIO FIGURARUM TAB. LXXII.

In basi Lucius sistitur, ad vivum æri incisus.

IN PARTE SUPERIORI

FIG. I.

Lucii cor cum arteriis exhibetur.

A. est Cor.

B. Auricula cordis.

C. Arteria magna pyramidalis exordio conspicua.

D. Ejusdem pergentis versus mentum piscis & in branchias decurrentis internodia.

E. Branchia sinistra totidem ramos.

a. a. a. ab arteria accipientes.

a. a. a. a. Branchiales arteria in sinistro latere descripta, in dextro abscissa.

FIG. II.

TAB: LXXII

fig:3.




fig:4




fig:i




fig:2





FIG. II.

Lucii caput exhibet branchiis transversim scissis, ut radices branchiarum appareant & arteriarum coitus post emensos earundem canaliculos.

- A. Caput Lucii dissectum, ita ut palatum appareat.
 B. B. Spina dorsæ.
 C. Coitionis arterialis centrum.
 d. d. Arteria per branchias descendentes.
 e. e. Branchiæ dextri lateris discissa.
 D. Cor extra situm.
 f. f. f. Arteriæ exeuntes & tandem coeuntes.

FIG. III.

Vesica Lucii.

- A. Vesica.
 B. Ventriculus vacuus.
 C. Insertio vesicae in ventriculum.

FIG. IV.

Alosæ Ventriculus cum Vesica.

- A. Ventriculus.
 B. B. Vesica.
 C. Duodenum.
 d. Stomachus.
 e. Pylorus.
 F. Ductus de Vesicâ in Ventriculum.

S E C T I O XCVII.

DESCRIPTIO ANATOMICA
CYPRINI

D. Gualt. Needham

è Tr. Ejus de Biolychnio & ingressu aeris in sanguinem p. 173.

IN hoc & aliis nonnullis piscibus Autor potissimum vesiculam aërem continentem considerat, de qua seqq. habet:

Interim negari non potest aerem in piscibus reperiri: qui (supra quod in aliis animalibus occurrit) notabili copiâ *vesiculæ* peculiari includitur. Hunc *Severinus* ingenitum vocat, acsi in primâ formatione, totus adesset, neque alimento quocunque indigeret. Videtur hic vir prorsus ignorasse canalem *vesicæ natatoriae*, qui ventriculo inseritur. Ut cunque si benè meminisset in Lucio majorem vesiculam adesse, quæ minores & nuper patos luciolos complures continere potest, vix credidisset illud sine novi aëris accessione fieri. Quapropter non abs re erit in hujus vesiculæ naturam inquirere & aëris illic contenti genium & originem investigare, quo facilius totius controversiæ commodam decisionem obtineamus.

Ea autem neque omnibus adest, nec eodem modo. Piscibus planis omnino deest, sic & testaceis non paucis. Ubi verò adest, vel simplex est, vel gemina: geminam intellego eam, quæ duplici folliculo exsurgens duplicem vesicam repræsentat, licet reverâ unica sit ventresque binos obtineat, collo angusto invicem continuatos. (Notabile est hisce posterioribus renes multo majores esse, quam in aliis reperiuntur, interstitium nempe prædictum implent, unde postea descendentes manifestis ureteribus more aliorum

piscium in vesicam urinariam exonerantur, quæ in fundo abdominis intestino recto incumbit.

Ubicunque occurrit folliculus iste natatorius pelliculam obtinet tenuem, & pellucidam sibi propriam, immediatum aëris conceptaculum; quæ vel aliâ itidem propriâ, durâ tamen & coruscante ferè ligamentosi genii vestitur, vel saltem, post peritonæum piscis latens, inter ipsum & spinam spatium triangulare oblongum & quasi prismaticum obtinet; eò propugnaculo contrâ intestinorum & viscerum injurias tuta. Sola ex iis, quotquot hæcenus conspecti sunt, Alosa major videtur simplici tunicâ gaudere. Reliquæ, licet ferè simplices & nudæ videantur, tamen aliam tunicam obtinent à peritonæo. Ductus ab hisce omnibus aperitur in ventriculum, qui in iis, quibus singula est vesica, plerumque à summitate illius versus ventriculum vergit & eidem prope diaphragma inseritur. Hi ferè omnes dentes maxillis infixos gerunt. Alii quibus os externum leve est, dentes verò in gutture reconduntur, ut Cyprinus uterque, tinca, leuciscus, rutilus, capito, vesicam duplici bociâ exuberantem habent. Hisce à posterioris vesicæ initio semper erumpit ductus & prope diaphragma ventriculum intrat. Alosa tamen major, licet simplicem habeat tunicam, nihilominus canalem è medio emittit; neque eum versus diaphragma dirigit, sed ventriculi fundo, qui hîc infra medium abdomen descendit, inserit.

Vasa interioris tunica sunt arteriæ & venæ, quæ majores semper sunt, quàm ad privatum partis nutricatum satis est; proindeque eas publico usui destinari videtur probabile: alius assignari vix potest, nisi horum alteruter, vel ut aerem accipiant & sanguini communicent, vel ut aeream substantiam, à sanguine separatam, illuc amendant per tubulum modò descriptum, postmodum ejiciendum. Priori repugnare videntur hæc tria:

1. Quòd omnibus piscibus non adest ea vesicula, nempe non planis. Nam ut omitram de Raja loqui, pisce cartilagineò, neque in Rhombo, sive marinò, sive fluviali, reperitur, neque in soleâ aut passere. Si itaque talis receptio aëris esset pisci necessaria, etiam hîc adesset, vel saltem aliâs compensaretur, quod tamen non fit.

2. Si ex vesica in sanguinem transmittatur aër, tum per canalem modò præscriptum recipitur: At illud in alosa quomodo fieri potest, ubi ductus infimo ventriculi angulo inseritur?

Quomodò aerem recipiet hic ductus? num merum? At tum piscis debet prius ventriculum nudò aëre replere, quod non videtur probabile. Num separabit ab aqua aliisve succis in ventriculo fluitantibus? aut quâ arte? quæ sunt illic vasa secretoria? Videtur potius longè contrarium fieri & aër illuc è vesicâ effundi.

Tertio Vesica natatoria in anguilla gemina est: Posterior duplicem tunicam habet, more

aliorum piscium: prior simplex est & venis refertissima. In mediò interstitiò locantur glandulæ binæ insignes, quibus vasa illa sanguinea inserviunt, excrementumque separant versus vesicam. Minus itaque probabile videtur eadem viâ & emitte & recipi quippiam.

Restat itaque, ut potius illac excerni dicamus sive aërem, sive potius vaporosam exhalationem in sanguine genitam & in ventriculum faceffere; usus ipsius illic loci videtur, ut fermentationem & coctionem promoveat, ciborumque in ventriculo digestionem maturet & acceleret. Quod ab aëre optimè fieri omnes fatentur.

De Vesicâ verò dicendum est, ei alium quoque usum competere, nempe ut natationi inserviat; ideoque est, quod in planis, ut prius dictum est, facilè abest. Hi nempe ob figuram suam (laram & à dorso versus abdomen depressam) aquis sufficienter incumbunt & ab iisdem in natationibus satis sustentantur. Item astaci, cancri, aliaque reptilia marina, quæ in fundo aquarum serpunt, quàm natantui minime destinantur, tali adminiculo non indigent.

At reliqui dorso acuminato sunt & vel teretes ut anguillæ: vel angustiores prout aquis incubant, ut plerique pisces, hujusmodi subsidium poscunt, ut sursum, deorsum dextrorsum, sinistrorsum in undis ferantur. Absque enim tali æquipendiò à tam exiguis pinnis sustentari & moveri non possent.

EXPLICATIO FIGURARUM TAB. LXXIII.

IN PARTE INFIMA

Fig. 3. & 4. CYPRINUS & LAMPEIUM
in Fig. naturali exhibetur

IN PARTE SUPERIORI

FIG. I.

Vesicam Cyprini sistit

- A.A. Vesica duplici bociâ extuberans.
B.B. Ventriculus vacuus intestino similis.
a.a. Ductum ab inferiore vesicâ ad ventriculum.

- b. Illius insertio in vesicam, prope quam.
c.c.c.c. Denotant venas per vesicam sparsas.

FIG. II.

Anguillæ duplicem vesicam offert

- A. Vesica inferior venis cassa.
B. Vesica superior venis scatens.
C. Ventriculus vacuus.
D. Duarum vesicarum coalitus.
b.b. Dua glandula prope vesicularum commissuram.
c.c. Vena uni glandularum inserviens, quæ ramos in vesicam spargit.
f. Vena oppositi lateris similia præstans.



TAB: LXXIII

fig: 1





fig: 2



fig: 3.



fig: 4



SECTIO XCVIII.

DESCRIPTIO ANATOMICA

RAJÆ

D. Frederici Ruyschii, Prof. Amstelod.

IN hoc pisce notam merentur testæ illæ, seu secundinæ, è quibus foetus erumpunt & in belgio communiter MURES MARINI, sed perperam, dicuntur, quorum usum contra hæmorrhoides cæcas in peculiari *Epistola* ad me data tradit *B. D. Spenerus*, quam vid. in *Polychrestis* meis *Exoticis*. Eleganter, ut solet, testas has foetusque inde erumpentes describit & ob oculos posuit Celeberrimus Amstelodamensium Anatomicus, *D. Fredericus Ruyschii*, in *Thesauro Anatomico Primo* pag. 31.

ubi simul portio ovarii continetur, è quo videre licet, quanto numero in uno ovario reperiantur ovula, de quibus *D. Franciscus Bosfuetus* sequentes exaravit versiculos, in suo de *Natura aquatilium* tractatu:

*Si quis Rajarum nusquam conspexerit ova,
Dirigat huc oculorum ille suorum aciem.
Nam fecunda parens Rajis natura creandis.
Ostentavit opes lata subinde suas.*

EXPLICATIO FIGURARUM

TAB. LXXIV.

IN PARTE INFERIORE

FIG. I.

Raja perfecta & adulta ob oculos ponitur.

IN PARTE SUPERIORE

FIG. II.

Lit. A A. Ostenditur Fœtus Raja extra testam, parte supina visus.

B. B. Complicationes laterales, ut in testa, visui occurrunt.

FIG. III.

Lit. A. Fœtus Raja prona parte visus, & in testâ sua maximâ parte adhuc contentus.

B. Fœtus Raja.

C. Testa.

FIG. IV.

Lit. A. Notat testam.

B. Aperturam.

C. Ovum fecundatum.

D. Superficiem testa exteriori circumflexam, ut fibra sericea videri possint.

F. Fibra sericea.

FIG. V.

Portio est exigua ovarii Raja, in quâ ovula adhuc exigua & non fecundata conspiciere licet.

FIG. VI.

Lit. A A. Ovum Raja fecundatum è testa desumptum.

BB. Ovi membrana circumflexa.

Reliqua vid. in *Nicolai Stenonis Anatome Raja*, in qua nullum pericardium reperiri testatur. Conf. *Francus jun. in disp. de pericardio* pag. 11.

Qua ratione verò fraudulentis quidam Impositores è Rajâ exsiccata BASILISCUM decantatum & fictitium parare, sicque non plebeculæ saltem, sed & Eruditis fucum facere soleant, eleganter detexit Illustris Dn. *Wedelius* in *Miscellan. S. R. I. Acad. Nat. Cur. Dec. I. Ann. I. p. 123*. Basiliscus talis artificialis è Raja paratus in speciosissima non minus, quàm pretiosissima Bibliothecâ Dn. *D. Uffenbachii* JCh Francofurtensis ostenditur. Delineationem verò habet *Jonstonus* cap. de Raja - SELAV.

NOTA.

Rajis latitudine quodammodò similes sunt PISCES VOLANTES, quos pro *Ave Selav* habet *Olaus Rudbeci Fil. in Ichthyologia Biblica* Upsalis A. 1705. in lucem emissâ, in qua contra *Cl. Bochartum* & *Ludolfum* sustinet avem cujus mentio fit Num. XI. §. 31. non avem aliquam plumatam, nec Locustam fuisse, sed piscis volantis genus, argumentis certè non evanidis.

DESCRIPTIO ANATOMICA ANGUILLÆ

Antonii Vallisnerii de Nobilibus de Vallisneria,

Publici in Lyceo Patavino Medicinæ practicæ in primo loco Professo-
ris Ill. Collegii Veneti, Arcadum Romæ, Regiæ Societatis Angliæ & Academiæ
Naturæ Curiosorum in Germania Socii.

FRustranea Ovarii in Anguillis per plures annos in patria à me suscepta inquisitio ancipitem me reddidit, ne proposito meo illud manifestandi exciderem, eò magis, cum Senex quidam, incola Comaclensis mihi narrasset, easdem versus ætatis finem, tempore turbido & tenebricoso, ex falsis suis paludibus in mare descendere, ut ibi fœcundentur ovaque pariant, ex quo postmodum, pronatæ anguillulæ in vere revertentes, ad priores paludes adscendant, in loca nempe quietiora, pinguiora & optimo pabulo abundantia. Unde credidi, quod si in ullo Italiæ loco, certè ad minimum aliquando, vel unica, quæ uterum visibilem & tumidum, aut ovarium ovis turgidum ostenderet, in hoc, quasi in metropoli earum, & ceu fortunato in loco, qui singulari meæ curiositati satisfaceret, reperiri deberet; cum nunquam in quodam meo aquarum receptaculo sese multiplicaverint, licet consultò ibi multos ante annos immissæ fuerint, atque in magnitudinem insignem excreverint. Unde Domino *Sancaffano*, Medico celebris istius loci rara & excellenti eruditione claro scripsi, ut omni majori diligentia studeret gravidam anguillam invenire, mihi que protinus transmittere; qui etiam multum eapropter laboravit, amicumque insuper alium, & ipsum curiosum, rogavit; frustra tamen per longum temporis spatium id factum est; quocirca de tali obtinenda ferè desperavi; usque dum post octo annorum spatium desiderata vivacissima anguilla supervenit, ab eodem ad me missa, cum bursa seminibus plena, & talis, qualem ardentissime exoptaveram. Fortunæ igitur gratias egi, atque insolitam lætitiā occupasse me sensi; quæ etiam in immensum fuit adaucta, postquam novam hanc notitiā Vestro præclaro & sincero oculo, Domini clarissimi, subjicere decrevi, tum ut aliquod summæ meæ venerationis & infinitæ obligationis tam humanis & excellentissimis Eruditis darem, tum aliquam ab ipsis discendi occasionem obtinerem.

Receptaculum autem istud instar sacci, ex valida satis, delicata tamen membrana efformatum erat, in angulos acutos desinens, inque

lumbis juxta spinalem medullam situm, sub intestinis, principium habens non procul ab eorum initio, & per dorsum longitudinem usque ad cloacam ferè se extendens; prout in Figura prima literis h. h. h. expressum est. In medio ferè ejusdem elegantissima membrana firmiter adhærebat, quæ fortasse ligamenti vicem gerebat, à me cum primò ventrem secarem abscissa. Ovarium totum insigni multitudine vasorum adiposorum erat circumdatum, quæ & ipsa membranâ, instar oblongi ornamenti foliacei efformatâ, albigabantur, cæterum in nostris etiam non gravidis anguillis occurrentia, atque in dextra parte usque ad cor se extendentia, in sinistra autem non tam alte ascendentia, ceu in Figura literæ i. i. i. ostendunt. Ipsa ovula manifeste per membranam involventem transparent, & qua ablata mox videntur instar minimarum & lucidissimarum margaritarum, quæ singula minuto suo pediculo adherent, per quem absorbent, vel ipsis adfluit debitum nutrimentum. Non æqualis omnia sunt magnitudinis, majora minoraque, cuncta verò maximè rotunda, & cortice duro ac pelucido prædita; quæ ipsa, ovario diviso, per microscopium aliquantùm majora reddita, in Figura secunda comparent.

Communicatio hujus mediante brevi oviductu evidenter observabatur, exitumque in cloaca inveniebat, per quem ova matura excernuntur. Non me diffundo in describendis reliquis partibus, cum primus hic meus discursus nimium longus & tædiosus fieret, in aliud commodius tempus hæc reservans, saltemque interea easdem prima in Figura exprimens.

Anguilla, cujus delineationem oculis vestris exposui, est ex illis, quæ circa quadragesimæ initium fuerunt captæ, quando versus mare tendebant, atque inter multas alias adservata, quas in aqua salsa in piscina reponunt, ut postea in diffitas regiones, semper per aquam eas trahendo, transmittunt. Ibidem quandoque fœcundantur, prout præfatus Dominus mihi retulit, jungendo se cum maribus, & dein ova matura suo tempore emittendo, quæ per foramina carceris sui egressa, quem burchio adpel-

TABL XXIV

fig. III



fig. II




fig. V



fig. VI




fig. IV




fig. I



adpellant, & quem aqua intrat & exit, aquæ innatant, usque dum trunco alicui vel arundini palustri, aut plantæ aquaticæ, vel ripæ coenosa adhærescant, ubi tamdiu morantur, quousque invisibiles quasi & capillares anguillulæ inde erumpant. Observatum fuit, ceu idem Dominus ex cujusdam relatione subjunxit, qui tales anguillas magnis canistris vimineis in aqua salsa inclusas servabat, quod interdum similes anguillulas in iisdem deprehenderit, firmiter tamen crediderit, quod ex tenacissimo glutine, qui ex vasculis sive canaliculis, per totam earum cutem disseminatis, atque à Domino *Francisco Redo* in observationibus suis de animantibus viventibus in vivent. jam annotatis, exstillet, nascantur. Existimabat, quod, dum conglomerando se invicem, flectendo, & fricando se totas visciditate tenaci, ex prædictis cutaneis oscillis egressa vel expressa, oblinunt, hæc postea animetur, inque exiguos vermiculos, absque multo naturæ labore, dividatur, nullatenus cogitando de ovario, quod nunquam observatum fuerat, quia anguillæ tempore, quo illud turget, visumque incurrit, in alto mari, uti dictum fuit, versantur. Inde namque fit, ut, dum miram illam copiam considerant in noctibus illis tenebricosis, in quibus versus mare tendunt, nec adhuc dum utero gerunt, ovarium tenerum sit & macrum, ac consequenter visum effugiat. Aliis creditum fuit, easdem, quando œstro accensæ se complectuntur, solummodo foecundas fieri, & postquam scopulis se adfricarunt, materiam illam viscosam emittere, quam strigmentum vocant, in anguillas postea convertendam; quam opinionem cæca fide hauserunt ex *Plinio*, insigni fabularum venditore, qui lib. 9. c. 61. scripsit, *anguillas atterere se scopulis, & strigmenta viscere, nec aliam esse earum procreationem*; cui *Athenæus*, *Oppianus*, *Rondeletius*, alique subscripserunt, magna audacia adferentes, *complexas coire, & strigmentitium quid emittere, ex quo, cum in limo fuerit, animal generetur*. Id quod, mortuis si quis inservire, Veteribusque favere velit, explicari potest, quando rem mitius, nec duriori ac fallaci in sensu accipere velimus; quandoquidem post affriktionem nil, nisi ova ex ovario ab isto attritu ad scopulos aut saxa facta, una cum prædicta lubrica & tenaci materia, expressa, remanet. Sed dum boni illi Veteres, aut eorum sequaces ex solo illo strigmento aut visco tenaci anguillas generari, innuere volunt, longissime errant. In ranis, salamandris, bufonibus, multisque piscibus in aqua dulci nec non saluginosa, semper ova cum aliqua visciditate, quasi lubrico glutine, eadem investiente & operiente, comitantur, quæ non solum ova unita conservat, ne facillè dispergantur ac injuriis aquarum exponantur, sed etiam

loco primi lactis & succi alimentaris inservit, usque dum paulò robustiora evadant, atque, ut ita dicam, foetus emancipati sibi met ipsis cibum quærant & provideant. Ita buccinis marinis accidit, qui dum enati sunt, innatant & firmantur veluti in membranosis vesiculis, sive massa illa materiz gelatinosæ, quæ ea involvebat, instar spongiæ perforatæ & omnimode cellulosæ, à *Plinio* favaginis nomen indepta.

Ex omnibus hisce, Domini, intelligitis, quantum *Aristoteles*, magnus ille & venerabilis Magister, cum omnibus suis adfectis hallucinetur, dum sexus diversitatem in anguillis non admittit, statuitque, ova in eis non adesse, cum hucusque nunquam fuerint observata. *At verò in genere Insectorum & Piscium* (scribit in lib. 4. histor. animal cap. 11.) *sunt, quæ omnino sexus hoc discrimen alterutram in partem non habeant. Nam anguilla neque mas neque femina est, neque prolem ex se aliquam potest procreare, sed qui eam capillamentis & lumbricis quedam similia interdum adnexa sibi gerentem vidisse ajunt, inconsideratè id asserunt, antequam advertant, quæ parte illa gerantur. Et quæ animal gignunt, suo in utero factum continent, non in ventriculo, ita enim non secus quam cibus concoquerentur primordia genitura. Quam autem differentiam maris & femina notarunt, scilicet alteram caput habere amplius atque oblongum, alteram, h. e. feminam repandius: hæc est non maris ac femina differentia, sed generis. Id quod in lib. 8. cap. 29. in fine, & in lib. 2. de generat. animal. cap. 4. confirmat. Et certè tam obscura est diversitas sexus anguillarum, nisi quis forte fortuna in gravidam incidat, ut Aristoteles commiserationem mereatur, quod temporibus illis barbaris & tam obscuris eam non distinxerit. Hinc est, quod attonitus non potuerit se continere, quo minus posteris observationem hanc egregiam, ceu rarum naturæ prodigium, communicaret, ideoque eandem in lib. 6. cap. 4. dictæ historiæ repetiit: habent mares omnes semen genitale, præter anguillam, quæ neutrum, neque ovum, neque semen sortita est.*

Diligentissimus Anatomicus *Dn. Morgagni*, clarissimus noster Anatomicus, & ipse Venetiis frustra in hanc rem inquisiverat; unde cum de hac mea observatione eundem certiores reddidissem, sequentia ad me d. 12. Julii hujus anni scripsit: *Desideravimus etiam nos anguillam feminam secare, ut si non ova, silem uterum, aut alias partes generationi dicatas observaremus; huic verò proposito uniformis omnium piscatorum ignorantia obstitit, cum eos de differentia marium à femellis interrogassimus. Nihilominus summam habuimus satisfactionem, dum unus eorum narravit, se, licet aliquot mille anguillas alios in fines secuerit, nunquam*

interius

interius quidquam reperire potuisse, unde sexum alterutrius cognoscere, multò minus ova, aut aliud simile in ventre earum videre potuerit: ex qua relatione didicimus, quam difficile hucusque fuerit, horum piscium ovaria debite describere, & consequenter quàm grata naturalium scriptoribus vestra relatio sit futura, qua (quantum nos legisse recordamur,) facillè prima erit, qua hucusque producta fuerit. Id quod animum mihi addidit, ut pennam arriperem, & quam minus politam eandem susciperem. Vestrisque oculis perspicacissimis, qui antiquam caliginem jam deterferunt, nec unquam bile tincti videntur, exponerem.

Nec omittere volo præclaram *Aristotelis* observationem, in prædicto lib. 4. cap. 11. notatam, ubi opinionem quorundam impugnat, qui statuebant, quòd foetus anguillarum in earum ventriculo nidulentur: ita enim, inquit, non secus quàm cibus concoquerentur primordia genitura; quod iudicium utique laudem meretur. Lumbricos enim, aut vermes capillares, anguillis similes in ventriculis earum dum invenerunt, anguillulas esse crediderunt, qui tamen non aliud quàm parvi vermes, ut ita dicam, serpentiformes vel anguilliformes fuerant. Unde aliquando, cum isti ex anguillis prodissent, inque magno numero inventi fuissent in loco, ubi dedita operâ adservabantur, mihi suspicionem pepererunt, anguillas esse viviparas, atque vermiculos illos veras anguillulas. Sed paulò post, fabulam nullam hac fabulosiorem esse deprehendi, postquàm ventrem earum aperiendo ejusdem sortis, & magnitudinis diversæ, tum in intestinis, tum stomacho, quin & in vesicula aliqua flavesciente & quasi vacua inveni. Id quod ad tractatum *Dn. Redi* de viventibus in viventibus, non ad generationem earundem referri potest. Neque me in describendas varias talium insectorum à me sapius observatorum species diffundam, postquam, præter *Leevenhæckium*, quorundam earum mentionem facit, figurasque etiam sistit in memoratis suis observationibus *Dn. Redi*, ubi refert, quòd in omnis sortis anguillarum intestinis frequentissime quosdam minutissimos albos vermiculos, & quosdam nigros detexerit, qui ut plurimum arcte adhærent, & una sua extremitate tunice internæ intestinorum adfixi sunt; microscopio autem perlustrari figuram coni præsentant, in cujus basi caput est situm, ex quo sæpe proboscidem aut cornu, propter minima varia puncta inæquale, vel ut melius dicam, spinosum, foras exserere, iterumque retrahere solent. Ego præter modò dictos, quos quidem observavi, plurimos revera anguillis simillimos, sed varia magnitudine prædictos animadverti, in quibus per cutem eorum pellucidam viscera alba instar filorum in glomum convulutorum, cernebantur; caudâ pellucidâ, quam frequenter flectebant,

erant instructi. Alii subtilissima fila candida referebant, unum inter reliquos longissimum, crebris nodis instar cannæ distinctum inveni, simillimum illis, qui sæpe in barbis, cyprinis, lucis, aliisque, ut & canibus, felibus, muribus, vulpibus & similibus (quamvis crassiores & majores) & quandoque in hominibus reperiuntur.

Aristoteles, ut verum fatear, non parvum impendit studium anguillis, inani licet & parum prospero labore, nam postquam pluribus in locis extraordinariæ hujus, prout quidem ipse credidit, generationis earum mentionem fecit, semper cum exceptione de eis loquitur, singulare tamen caput de procreatione anguillarum lib. 6. hist. anim. cap. 16. conscripsit, ubi prolixius superiora confirmat, cuncta mirabilia esse judicans: quòd hoc unum inter sanguinea genus totum sine coitu, sine ovo procreetur, & concludit cum ridicula, non dicam abominabili illa opinione, cum qua (condonetur mihi iusta hæc indignatio,) totam naturalem historiam conspurcavit, quòd ex putredine, aut sponte in stagnis nascantur. Existimabat ideo, primò lumbricos quosdam nasci, tum in mari, tum etiam in fluviis stagnisque, putredinis maximè ratione, quos vocat *intestina terra*, qui deinde in anguillas mutantur; quod multò diffusius in lib. 3. de gen. anim. cap. 11. exposuit: quæ autem (sic liberè pergit scribere) *intestina terra* vocantur, vermis habent naturam, in quibus corpus anguillarum consistit. Id quod audacter etiam de prima hominum & quadrupedum generatione judicavit, nempe quòd primitus generentur, vel ex ovo, vel ex verme: Quamobrem, scripsit l. c. de prima hominum atque quadrupedum generatione; si quando primùm terrigenæ oriebantur, ut aliqui dicunt, non temerè existimaveris, altero de duobus his modo oriri, aut enim ex verme constituto primùm, aut ex ovo. Id quod ideo aliquatiter convenit cum duabus famosis hodiernis opinionibus de generatione ordinaria, dum *Leevenhæckius*, quem *Andry Gallas*, alique moderni sequuntur, statuit, quòd ipsi etiam homines ex vermibus, quibus plenus est testis virilis, alii verò ortui ex ovo favent, quæ etiam magis plausibilis, & fortasse aut certè magis vera opinio existit.

Sed quiescat magna illa, per tot secula quasi arbitra naturæ, & meta sapientiæ credita Anima, & quia jam *Leevenhæckii* mentionem fecimus, sententiam ejus examinemus, quam in Epistola 75. de suis experimentis & contemplationibus ad Regiam Societatem missa producit.

Primò falsam quorundam sententiam recenset, qui adserunt, mense Majo anguillas ex rore generari, quæ noctibus serenis plurimæ vix dum enatæ supra cespites gramine tectos & in aqua sibi mutuo impositos, ita ut gramen aquæ

aquæ superficiæ sit parallelum, reperiantur. Quæ tamen opinione meritò explosâ, ad suas observationes accedit, notatque, quòd sub Martii initium in quatuor dissectis anguillis nescio quem motum obscurum in aliquo liquore sanguini umbilicali, ceu ipse eum vocat, mixto deprehenderit, & omni possibili adhibita tandem tribus distinctis vicibus motum illum à vivis esse animalculis, quantitate æqualibus particulæ sanguinem rubrum reddenti, viderit: animalcula ipsa omnia ferè ejusdem molis fuisse, atque formata, ac si quatuor aut quinque particulæ oblongæ, & in extremitate sua paulò crassiores, prodirent è medio exigui cujusdam corporis. Id quod postea in multis anguillis itidem confirmavit. Post quinque aut sex hebdomadas mense Aprili observationes iteravit, inque loco, ubi excrementa excernunt, quem ipse umbilicum vocat, animadvertit, duas adesse aperturas admodum vicinas, unde sibi persuasum habebat, inferiorem, quæ minor erat, aperturam esse genitalem; quæ in variis anguillis digito compressâ, ex earum aliqua densus admodum & tenax paucus effluebat liquor, quem miraculoso suo, & fortasse interdum creatore, microscopio lustratum vidit non aliud quid esse, quàm cumulum parvorum vermiculorum, longitudine & crassitie anguillis similium, quamvis ex ejusdem judicio animalcula hæc quinquagies capillo essent tenuiora, atque in exigua admodum materiæ copia numerum centenarium excederent.

Post biennium diversas alias fecit observationes, sæpiusque piscatores de generatione anguillarum interrogavit, quos inter duos invenit, qui credebant id, quod ipse *Aristoteles* non crediderat, meque ipsum primitus ferè decepterat, i. e. quòd ex parvis illis vermiculis nascerentur, qui mense Majo in intestinis & ventriculo earum gignuntur: quæ occasione & ipse vermes istos, quos indicavi, describit, eosque prudenter in censu insectorum intestinalium, quæ in omnibus viventibus nidulantur, reponit.

Cum dubitaret, num anguillæ in hyeme, uti alii pisces, generent, de multis anguillis Mense Februario sub glacie captis sibi prospexit, sed in earum ab ipso sic creditis uteris non aliud quàm minutissimos globulos paulò minores iis, qui sanguinem rubrum reddunt, invenit. In aliis has particulas habere figuram sphaeroidicam, in aliis magis in longum extensas fuisse vidit, in multis denique aliis nil detegere potuit; & quoniam certò sibi persuadebat, omnes illas particulas aliquando perfectas anguillas futuras fuisse, piscatorem jussit, omni septimana aliquot recens captas anguillas in domum suam deferre, & tandem cum microscopio animadvertit, (prout ipse mente præoccupatus sibi imaginabatur,) omnes in perfectas abiisse

anguillas, quæ tamen, ceu paulò ante dixerat, quinquagies capillis tenuiores erant; in qua immensa parvitate quomodo exquisitam illam perfectionem sine hallucinationis suspitione deprehendere potuerit, capere haud valeo.

Sed mirabatur, quòd inter tot alias paucæ fuerint, in quibus perfectas has anguillulas detexerat, licet experimenta sua usque in M. Augustum prosecutus fuisset. Non enim contentus inter tot numerosas tam paucas vidisse, quæ ad perfectionem memoratam deductas continuerunt: unde iterum sub initium Octobris duodecim sumisit anguillas decumanas, easque inter non nisi unicam solam invenit, quæ in credita matrice perfectas istas anguillas habuerat.

Jamque eò se processisse gloriatur, ut cum nudo tantùm oculo uteros anguillarum intueretur, judicare posset, num iis exiguæ inessent anguillæ; quæ insignis jactantia contra eum militat, cum non sit credibile, quòd animal eâ magnitudine præditum, qualis est anguillæ, tam parvam obtineat matricem, ut microscopio ad eam investigandam opus sit, ubi tot alia, sine comparatione multò minora tam palpabilem & sine conspicillis visibilem habent. Una quidem res ipsi fastidium pariebat, quòd in nullis anguillulis, licet perfectis, quas in imaginario utero observarat, motum videre potuerit; quamvis duabus in anguillis creaturas aliquas vivas & se moventes, sed speciei multùm diversæ, notaverit, indicio sanè evidenti, quòd illæ, priores scilicet, non fuerint foetus anguillares perfecti, uti ipse credebatur, cum hæc satis agiles comparuerint. Tandem cum figuris explicat matricem imaginariam, & foramen creditum genitale, per quod anguillulas nascentes exire credit; coactusque fuit, illam argento vivo implere, alterum verò aciculâ signare, ut visum incurrerent; id quod ordinariis naturæ legibus contrariatur, quæ organa magno alicui operi destinata non fabricat cum tam miserabili angustia, nec adeò parva scissura, per quam foetus in lucem prodeunt, speciatim in piscibus, aliisque hujus generis foemellis.

Concludit cum ambitiosâ censurâ, aliquibus scripta, qui interdum ova in anguillis se vidisse, ipsi dixerant; supponens, ipsos fuisse delusos, cum aliorum piscium ova, ab anguillis devorata, non autem propria earum fuerint; quibus nempe carere, cum *Aristotele*, existimat. Tam alrè capiti ipsius viva ista imago, aut ficta vermium scatebra erat impressa!

Ex omnibus his videtis, Domini, quàm malè sentiat curiosissimus *Leevenhæckius*, & vanè concludat, veram anguillarum nativitatem se in lucem produxisse, cum nimiam istâ, atque interdum vitiosâ inquisitione, qua exilissimam vesiculam, in cujus liquore sæpe ver-

mes, aut particulæ, ut ita dicam, vermiformes morantur, pro ovario, satis aliàs, & sine oculis vitro armatis visibili, venditaverit. Nec angustissimum foramen, quod ipse detexit, lubricum est osculum, per quod parvula viventia exeunt, sed ejus loco, ova per viam notam & communem emittunt; unde anguillas inter ovipara, non vivipara repono.

Præterea videmus, quòd regula ordinaria sit naturæ, in viviparis etiam ovaria fabricare, quæ præsertim in quibusdam piscibus, uti asellis, galeis, canibus marinis, aliisque foetus vivos qui pariunt, nec non in viperis ipsis, sunt patentissima, ex quibus ova deposita in uteros eorum, vel uterum ordinariò bicornem, descendunt, ubi usque ad eorum perfectionem crescunt, interea per vasa umbilicalia & fortasse etiam ore nutrimentum suum absorbentia; nec unquam delicatus ille & flexibilis cortex ovi rumpitur, donec foetus perfectus ex suo nativo cubili exeat; id quod in fabulosa Leevenhoeckiana generatione non observatur.

Dn. Paullini in erudito suo tractatu de anguill. sect. 1. cap. 2. §. 7. genium recentiorum secutus, & sine præjudicio judicans, Veterum ab opinione recedit, & anguillas, uti omnia alia animalia, ex ovis, seu semine suo nasci scribit, nec tamen hoc vel illa describit, contentus tantùm illud adseruisse, à lege communi magnæ matris naturæ ita persuasus, cum ipsimet oculis id usurpare non licuerit. *Nos*, inquit, *ut omnia animalia ex ovis seu seminis suis, sic etiam anguillas ex iis nasci dicimus, licet Plinius, Aristoteles &c. cum pluribus aliis, ova semenque denegent, clamantes, nunquam aliquam captam esse, quæ aut semen genitale habuerit, aut ova.*

Dn. Redus, optimus ille Tuscus, magnusque experimentator in laudato suarum observationum circa animalia viventia, quæ in viventibus reperiuntur, libro, & ipse cognovit, quòd anguillæ multique alii pisces, qui ut plurimum in aqua dulci habitant, in aquam marinam pro seminio suo excernendo descendant, sed fortuna, quæ in tot aliis rebus ei favebat, ova istarum reperire ei negavit. Ex longa ideo observatione tantùm adfirmat, omni anno circa primas pluvias, & mense Augusto, in noctibus caliginosis & nubilosis; easdem ex lacubus & fluminibus versus mare in magna copia tendere, inque eo seminium suum deponere; ex quo enatæ anguillulæ paulò post, & quamprimum rigidum, minusve austerum tempus permittit, in dulces fluminum aquas adscendunt, iter hoc

suum versus mensis Januarii finem, aut paulò post Februarii initium incipientes, non unico, sed diverso tractu, & interpolatis vicibus, ut plurimum circa finem Aprilis absolventes. Generalem itaque rei veritatem cognovit, sed in specie ad ovaria, quæ non viderat, aut ullo modo examinaverat, haud processit, aut in hac, uti in aliis suis operationibus desudavit, nec tamen poenam olidæ quorundam pigritiæ incurrit; qui clausis oculis sequi volunt, ne rubiginosas opiniones de re, quæ plus virium in malo considerando, quàm modum & patientiam in bono observando habet, rursus excutiant.

Et hæc sunt, quæ notatu digniora super libros tam recentiores, quàm antiquos invenire potui, circa obscurissimam nativitatem nostræ anguillæ, viventis tam familiaris & domestici, cicurisque, ut, scribente Nymphiodoro, *è manibus etiam porrigentium panem capiat*, sacri etiam ab Antiquis crediti, juxta Plutarchum, ab aliquibus *Helena canarum*, aliisque *gustus Regina* dicti.

Videtur Altissimus in hoc usque tempus inventionem hanc reservasse, ut omnem splendorem à Vestra celebri Academia obtineat. Sub umbra hac venerabili ex paludibus cœnosis audacter egreditur, & oblita prioris, incertæ ac ignobilis per multa secula creditæ originis ex sordida putredine, non sine aliquo fastu, coram tam illustribus Literatis comparet, jam nunc de suis natalibus, certaque non æquivoca injuriosè à scholis credita generatione secura; quæ, liceat mihi id proferre, ut artem generandi prorsus salvarent, eandem destruere sunt coactæ, atque dum eam stabilire intendunt, fabulosam reddiderunt. Sed finiamus. Reliquas Anguillæ partes brevissimis descripsit *D. Francus à Franckenau* in *Satyr. Med. continuat. VII. verb. seqq.* Anatomiam Anguillæ Argentorati 30. Maj. An. 1668. Auditoribus meis exhibui, ex quâ hæc obiter annotavi: Oesophagus æquè rugosus intus atque ventriculus ipse, cetera satis capax. Pylorus tamen crassior & cartilaginiosior reliquo. In intestinis juxta venulas & arteriolas vestigia quædam ductuum alborum, veluti nerveorum vel lacteorum. In intestinis vermiculi erant albi, similes iis in cascis & rubri prioribus minores. Illi inhærebant tumicis intestinorum adeò, ut difficillimè amoverentur. Cor aliquot post horis avulsum & rejectum adhuc palpitavit. In quibus verò differant hæc à viperæ partibus, tradit *M. A. Severinus* in *Zootom. p. 371.*

EXPLICATIO FIGURARUM
TAB. LXXV.

FIG. I.

Anguillam sistit.

in FIG. II.

- a. Cor.
- b. Jecur.
- c. Folliculus Felle.

d. d. Sac.

fig. I.




fig. II.




fig.

III



d.d. Saccus Ventriculi ex una parte.

e.e.e. Intestina ex parte extracta.

f. Pancreas.

g. Lien.

h.h.h. Ovarium Intestinis subjacens.

i.i.i. Ornamentum quasi foliaceum multis pinguedinosi vasculis exornatum, non tantum

partem unam alternamve ovarii ambiens, sed etiam versus sese surgens.

l. Frustulum Renis detectum, versus regionem Lumborum ascendens.

m. Exitus pro excrementis & ovis.

n.n. Membrana fortiter ovario agglutinata.

FIG. III.

Ovarium microscopio inspectum exhibet.

SECTIO C.

ANATOMIE

LAMPETRÆ FLUVIATILIS

D. Wilhelmi Hulderici Waldschmidii,
Prof. Chilon.

è Miscellan. S.R.I. Acad. Nat. Cur. Dec. 3, A. V. & VI. pag. 545.

CUM ea, quæ ex Brunzero in *Anatome animalium* de Lampetra habet Blasius, hepar solum concernant, quod viride esse communiter statuunt, quæ ipsimet ante paucas septimanas in Lampetra, 18. pollices longa, 2. lata & in fluvio Swendin, ex opposito urbis nostræ aquam dulcem in mare præcipitante, captâ, notaverim, brevibus recensbo.

Corpus apertum à bronchiis ad anum usque refertum cernebatur ovario, ad quod bini observabantur distincti meatus seu tubi, quorum unus nonnihil ad latus sinistrum reflexus, alter verò ex opposito ad dorso spinam jacebat. Repleti erant aëre & straminis culmum crassitie æquabant. Ipsum verò ovarium, tenui membranâ plurimis referta vasis sanguiferis, dorso adhærebat, quæ in folia membranosa, tenuia admodum sibi quæ invicem imposita minimi digiti latitudine dividebantur, quibus laciniiis ovula exigua, instar seminum papaveris albi firmissimè adhærebant. Ad intestinum rectum quinque vascula, admodum exigua, ex ovario tendebant, quorum insertiones ob nimiam exilitatem pervestigare non licuit. Hepar sub corde, nullo intermedio diaphragmate, arctissimè annexum apparebat, unicò saltem lobò, semidigitum longo constans, figura glossopetram æmulans, colore verò, nisi

quod pallidius esset, ab aliorum animalium hepate non differens, nec ullum coloris viridis aut biliariæ vesiculæ in eò apparebat vestigium. Pericardium penitus cartilagineum erat magnitudine nucis avellanæ, cujus humor aut aqua subsalsa erat. Cor unicò præditum ventriculo, conicæ figuræ, ad bronchiarum finem situm. Hujus parti sinistræ, interveniente ductu, ut videtur, arteriosò quàm brevissimò, jungebatur auricula, magnitudine à corde vix discernenda, cuius pulsus diu post evulsionem è corpore, cernebatur. Ex corde verò ad dorso spinam duæ arteriæ satis exiles totidem comitæ venis decurrunt; Duorum ab ore digitorum, in latitudinem sumtorum distantia, ductus occurrit, sensim ad pennæ anserinæ crassitiem ampliatus, pollicis articulum longus, quem ventriculum esse censebam; apertus enim cavitatem exhibebat cum ductu admodum exiguo, setam vix admittente, qui ad os pergebat atque in illud hiabat: suctione namque alimentum capiunt, nec ut videtur solidiores cibos assumere possunt. Aqua verò, quàm aëris loco hauriunt pisces, per foraminula, quorum septem utrinque cernebantur, ad bronchias admittebatur, quæ pro oculis vulgus habet, unde die Neunaugen pisces hi audiunt.



SECTIO CI.

ANATOME

MUSTELÆ FLUVIATILIS

D. Johannis de Muralto,

è Miscellaneis S. R. I. Acad. Nat. Cur. Dec. 11. Ann. 1. Obs. 46. p. 124.

Mustela fluviatilis piscis est in Helvetiâ vulgaris & vernacula lingua *Treusch* vocatur. Amplum ei os & series dentium acutissima ac tenuissima, in utraque maxillâ pinnas habens, quæ foris teguntur auriculis complicatis, fibrosis & glutinosis. Pinnae quatuor in thorace existunt, quarum binæ medium continent, reliquæ duæ ad latera consistunt: sed hæ illis majores sunt & latiores: ab anō versus extremum caudæ alia pinna protenditur nigræ marginis aut oræ. Idem fit etiam in dorsō. Ad caudam tamen utraque pinna quasi sulcata apparet.

Corporis color è flavo viret subinde, nigris punctis & maculis hinc inde resplendentibus variegatus. Venter magis albicat. Superficies lubrica & glutinosa est, quippe quam mucus perquam viscidus squamarum loco obducit. Musculorum interstitia plus quam triginta per cutem apparent, & sub cuticulâ inde à caudâ usque ad oculos & nares utrinque juxta latera corporis effertur insigne vas lymphaticum, tot valvulis instructum, quot sunt musculorum interstitia, in quæ etiam furculi è vase lymphatico supernè & infernè distribuuntur. Vasa autem ista oriuntur à capite & inter se sociunt, ac conspirant humoremque limpidissimum vehunt, glutinosum tamen, utpote quo corpus lubricum redditur.

Prope anum conspicua sanguinea vena rectâ per ventris superficiem ad pinnas anteriores pectoris tendit, indeque transversim ab una ad alteram pinnam defertur. Ab hac venâ furculi in singula musculorum interstitia utrinque sparguntur: sed in iis tamen nec valvulæ apparent, neque ullum cum lymphaticis vasis commercium.

In imo ventris foramina duo prostant, majus & minus. Illud ducit in alvum & intestina: hoc in vesicam novissimi intestinorum adnatam & humore plenam. Vesicæ huic adhærent utrinque fibrillæ cavæ, ortæ à binis glandulis rubentibus & concavis infimum locum in abdomine utrinque occupantibus. Puto esse renes, ureteres & vesicam, nisi alii meliora doceant.

Præterea notavimus prope anum testiculos

geminos, oblongos, quos aliâs lactes vocant: in quos vasa spermatica à venâ cavâ oriunda mirò textu inseruntur. Cæterum uniti erant testes cum ano & vesica propter exitum.

Longitudo intestinorum cum ventriculo & gula dimidium ulnæ æquavit.

Pylorum stipârunt insignes glandulæ. Inde via patet utrinque ad processus sex vermiformiles, seu appendices cæcas, in quibus cibus melius digeritur & perficitur.

Vesicula fellis oblonga & viridis bilis amarissimæ plena in duodenum inferebatur. A duodeno intestina tres convolutiones describebant, antequam ad rectum pertingerent.

Huic Lien vicinus erat, qui aliud nihil esse videbatur, quàm massula carnea rubicunda & tenuis, ramulos à venâ superiore recipiens. Per dorsum enim utrinque insignes venæ duæ versus cor & branchias tendunt.

Hepar albicabat & constabat ex unico lobo, qui superius quidem diaphragmati membranoso: inferius autem stomacho & ejus processibus jungebatur.

Accidit aliquando mustelis fluviatilibus hepar esse morbosum & pure vermibusque repletum. Vesica pneumatica vertebris dorsii molliter hærebat.

Aperto thorace supra diaphragma membranicum erat cor, cujus auriculæ unicæ vena cava infernè inseritur: supernè autem ex apice quodam emergit arteria aorta, radice albâ & rotundâ instar bulbi suffulta.

Superius propè occiput glandulæ rubentes duæ crassiusculæ & multis nervis per texturæ cernuntur.

Infra cor sub branchiis vena cava duplex fit, & ut jam dixi, rectâ secundum dorsii longitudinem utrinque deorsum tendit.

Arteria è corde prodiens sanguinem per omnes branchias circumfert, ut aërem vitalem è poris aquæ suscipiat. Nam branchiæ piscium nihil aliud sunt, quàm arteriæ in minutas propagines dissectæ & basi cartilaginæ apicibusque affixæ.

Basis branchiarum sustinet linguam cum osse hyoide. In fine autem hæc basis denticulata est: id quod etiam in Lucio pisce observavimus.

Lingua brevis est & carnosâ.

Narium foramina manifesta sunt.

In Palato alius adhuc dentium ordo reperitur.

Oculus musculos sex habet. His quandoque inhaerent insecta, inde ad palatum usque dependentia, quorum descriptio hæc est: Pedes duo teretes, geniculati & apicibus splendentibus albis instructi à ventre crassulo, punctato & rotundo, sed instar cimicis compresso dependent. Ventri hæret caput, è cuius utroque latere binæ quasi manus & brachia prominent, ocellum quendam mirè pellucidum & convexum sustinentia. In capite præterea duos oculos nigricantes observavi & barbulam & osculum latius. Ocellus alter, quem sustinebant brachia, firmiter mustelæ oculo infixus hærebat, ita ut insecta hæc fortè humorem oculorum eliciant & mustelas excæcent; uam cæcas reddi *Gesnerus* asseruit.

Utrinque pone cerebellum oblongos & pellucidos lapillos reperi.

Nervi olfactorii insignem longitudinem obtinebant.

Cerebrum magnum erat. Glandula autem pinealis minima. Nates elegantes. Nervi optici maximi. Glandulam pituitariam obverso cerebro vidi.

Præterea quæ de Mustelæ hujus delicato jecinore hujusque grandine, de ventriculi & appendicum viribus miris & oleo in suffusionibus ab Autoribus tradantur, vid. in *Johan. Jonstoni Thaumato-graph. natur. de pisc. admirand. pag. 420.*

Hactenus de Mustela mare. Foemellæ Anatomien addidit supra laudatus *Muralto* in

Observ. 49. ejusdem anni, pag. 131. seqq.

Mustelæ (foeminæ sc.) caput, tanquam foricis, in acutum definit. Mystacem setæ ornant, quæ etiam superciliarum loco posite sunt. Dentes felini sunt, aures subrotundæ ac in duos helices factæ. Corpus proportionè longius existit. Apex caudæ nigricat. Anteriorum pedum digiti quini sunt, æquè ac posteriorum. Oculi fusci. Odorem corpus exhalat acutissimum & foetidissimum, ut adstantes dissipatis spiritibus fermè in lipothymiam incidunt. Pectus longum est. Septem lobis distinctum erat hepar, idque pallidum & vesicula exili præditum. Uterus felinus. In extremitate cornuum duo testiculi (vulgo ita dicti) glandulosi cum ovulis conspicuis. Longitudo intestinorum sesquiulnam æquabat. Murium pili stomacho continebantur. Colon deerat. Ren sinister altiori fuit loco positus quàm dexter. In mediò papillam habet uterque desinentem in pelvim. Utrinque XIV. costæ numerantur, decem sterno continuæ, quatuor breviores. Claviculæ adsunt. Quatuor lobi pulmonum erant in dextro latere, in sinistro gemini. Cor subrotundum. Viginti sex vertebæ Spinam absolvebant à capite ad anum. Nervi optici usque ad medullium cerebri separati ferebantur, quod & Londini quondam in felibus quibusdam mirò naturæ lusu spectavi. Cerebellum permagnum erat. Osseum penem mares possident, de quibus in antecedentibus. De mustela vid. plura apud *Gesnerum* & *D. Wagnerum* in *Helvetiâ Curiosâ pag. 181.*

SECTIO CII.

ANATOME

ARENGÆ ATQVE SARDÆ

è Marci Aurelii Severini Zootomia p. 373.

A Renga insignem habet nervi lati acutum desinentis pyramidis instar decursum per spinam. Affigitur autem is pericranio, non enim à cerebro dependet.

Sardæ genus diaphragmate est illustre, ut & pulmonibus.

Auriculæ cordi longè lateque in fibras plures discissæ.

Ventriculus cum appendicibus & hæc utrinque hepar arctè complexæ: quin mittit hepar portis surculos quosdam venarum affabrè applicitarum dictis appendicibus.

Ovarii venæ primum ex cavæ trunco emergunt, deflexæ ad inferiora.

Hepar, ventriculus ad usque anum exportati.



ANATOMIE
RANÆ PISCATRICIS

D. Eman. Kænigii, Prof. Basil.

è Miscell. S. R. I. Acad. Nat. Cur. Dec. 3. A. 2. p. 204.

Cùm è classe Piscium pelagiorum cartilagineorum planorum *Rana piscatrix* singulari quodam & à cæterorum non solum planorum cartilagineorum, verum etiam animantium omnium aliorum more recedente artificio viscera fabricata possideat, hancque miram fabricam *Georgius Entius*, Medicinæ Doctor Anglus, & Eques auratus, in Celeberrimi Medicorum Londinensium Collegii Theatro non sine summa Auditorum & Spectatorum admiratione publicè demonstrârît (referente hoc *Gualtero Charletono* in *Onomast. Animal. p. m. 130.*) Nos vero *Monspeli* in præsentia Clarissimi & Exper. *Dn. Johannis Sloane*, Medici Angli, aliorumque tam Gallorum quam Germanorum Jatrices Cultorum, singularem eamque admirandam hujus piscis fabricam ob oculos posuerimus, non absolum fore judicavimus ea, quæ in dissectione ista nobis apparuerunt, Miscellaneis nostris curiosis inferere. *Rana* autem *piscatrix* nomen obtinuit juxta *Gerh. Vossium de Idololatr. L. IV. cap. 28.* & *Jonsthenum de Piscib. p. m. 37.* tum à similitudine ranularum recenter editarum & ad sensum imperfectarum oculis quidem & caudâ notabilium, sed quibus postea demum accessuri sunt pedes & caudæ fissura, tum à venandi solertia, quâ ob oris sui ingentem rictum, ceu nassam, pisciculos allicientem, utpote toto circumambitu dentibus uncis retrorsumque spectantibus plenum pollet, cujus causâ etiam *Dalmatis Diabolus marinus* & *Siculis Lamia* audit. Figuram *Jonsthenus de Piscib. Tabul. XI.* & *Charleton libr. V. p. 201.* sistunt. Internam autem fabricam seu mechanismum naturalem si spectemus, occurrit ante omnia Venter pluribus nodis cartilagineis introsum spectantibus instructus, pluribusque vasis sanguiferis perspersus, eum in finem, ut assumpta duriora tanto melius comminui & diffringi, spiritibusque vitalibus perfundi & imbui valeant, ceu quæ raptim hausta absque præcedanea deglutitione faucium rictum subeunt, & ventriculum ingrediuntur, piscibus integris rictum ingredientibus, ac si cavitatem saxi alicujus solummodò subintrarent, teste *Æliano, Histor. Animal. L. IX. c. 24.* Quem in finem

etiam oesophagus decem uncias latus conspicitur, & eadem cum ventriculo substantiâ contextus, albâ scilicet, crassâ, firmâ & densâ musculari, cum fibris transversalibus robustis, protrusionem citam raptorum juvantibus; Versus hunc singulari naturæ directione spectat dentium ordo inferior exterioribus longior hincque introversum mobilis, cute ceu vaginâ ad sui medium intextus prout in unguibus felium aliâs conspicitur; prope interiores autem fauces duo velut pulvinaria visuntur, quæ à lateribus utrimque dentata sunt, & in cuspidem acuminantur, quibus in superiore maxilla duæ pariter protuberantiæ respondent dentium itidem longiorum duplici ordine armatæ transversimque sitæ, in quas tendo musculosus è spinæ medio enatus bifariam fertur, ut assumpta non saltem conteri possint, sed & jam contrita denuo extra os prolabi nequeant, ad eum scilicet modum quo nassæ piscatoriæ ita contextæ sunt, ut quod intravit, denuo egredi nequit. Branchiæ utrimque in lateribus ternæ adsunt, nec detectæ nec supinæ parte cæterorum planorum cartilagineorum more, sed cuticulari integumento intectæ; In eas utrimque sex quoque rami arteriæ aortæ distribuuntur, cujus ut & cordis structura pro sanguinis directione & distributione requisitâ in corpus hujus animalis quoad caput grandius, caudam vero parvius, singularis est; nimirum eor pro magnitudine piscis haud adeo amplum, sed parvum atque robustum obtinet, nullum in conum desinens, sed æquali undique extensione, in imo etiam nonnihil latiore, dotatum, quod tamen ambit Auricula grandior, corde triplo fere major, substantiæ pulmonum instar spongiosa, rubicunda valde instar cristæ galli, & ad hujus morem in ambitu itidem crenata seu simbriata, intus verè valvulis semilunaribus; ut ipsum cor, ubi arteriæ aortæ jungitur instructum; Et hic quoque notandum est, quod aorta hæc ex cordis summa parte enata angustioris nonnihil sit spatii instar annuli, sed mox amplior, grandior magisque dilatata, & in sex circiter ramos ad branchias directos distributa, crassiorisque & densioris substantiæ, quàm est vena cava,

quæ

quæ ex duobus majoribus truncis ex duobus hepatis lobis oriundis conflatur, & postquam pericardium pertransiit, in auriculam fertur. Hepar magnitudinis est peramplæ, coloris ex pallido flavescentis in duos prægrandes lobos diremptum, & in varias complicationes contortum, quod magnis vasis sanguiferis superficie sua perspersum est; ex interiori autem substantiâ plures ductus hepaticos emittit, qui, ut accurate etiam notavit laudatus *Entius*, postquam extra hepar quinque ferè digitorum spatium delati sunt, desinunt in sinum amplum, & tres digitos transversos longum, qui postea angustior redditur, in duodenum terminatur, uncix spatium à pyloro perpusillo foramine exiguâque papillâ apparente, adeò, ut non immerito judicet *Entius*, illud esse velut cystim minorem & succenturiatam; verum præter hunc ductum communem constituentem, ductuum prædictorum tres medii uniuntur duorum digitorum spatium, antequam in dictum sinum desinant, & proximus ramus ingreditur initium illius vasis, quod ad cystim felleam abit, & meatus cysticus vocatur; estque hic meatus longitudinis octo digitorum transversorum atque amplitudinis calami scriptorii, sic, ut liberè bilis secreta, tam versus vesiculam felleam, quam ad sinum seu ductum communem ferri possit, nec enim nisi per porum cysticum bilis ad vesiculam felleam decurrit: Bilis autem hæc vesiculam replens fusci coloris apparuit, & in-

stat cerevisiæ veteris translucida. Mesenterium multis minoribus glandulis, & unâ majori, pancreas *Ajelli* supplente, dotatum apparuit, cum vasis hinc inde sat amplis, & pinguedine. Intestina si lustrentur, ab initio duodeni reticulum conspicitur velut in ventriculò animalium ruminantium, imò & circa intestinum rectum columnulæ carneæ visuntur ad modum abomasi in bovis, ubi & valvula satis evidenter apparet; Cæcum deficit: Jejunum & Ileum longitudinis sunt circiter trium ulnarum. In Liene in dextro latere sito elegans est vasorum, sanguinem & spiritus vehementium, distributio in ramulos hinc inde minutos, ex quibus nervi in aliquot plexus tandem finiuntur. In Renes sat amplas arteria & venâ emulgens quoque in plures ramulos divisæ inseruntur, ex quibus vena emulgens prægrandis denuo prodit, & diaphragma perforans in venam cavam sanguinem effundit; Vesica verò urinaria, non secus ac in noctuâ perampla est, & plurimi liquoris urinarii capax, quem ex ureteribus valvulis regressum feri impredientibus excipit. Ovarium quod spectat illud quadrifidum observavimus, oviductusque seu cornua uteri in summitate multum se angustantia. Cerebro osculisque auditus liquori illud ambienti innatantibus certe nihil elegantius, adeò ut merito attestari debeamus laudato *Entio*, nullum esse animal, in quo plura miranda reperierimus.

SECTIO CIV.

DESCRIPTIO ANATOMICA ASTACI

D. Thomæ Willisii,

è Tr. de Anim. Brut. C. 3. p. 16.

Astacus aliique pisces affines, scil. Cancer, Gammarus, Squillæ, &c. uti sunt retrogradi, seu potius retronatatiles, ita illorum partes & viscera, respectu aliorum animalium, aut inversa aut opposita esse videntur. Nam quoad membra & partes motrices, non ossa teguntur carnibus, sed carnes ossibus; quare pedum, brachiorum, capitis, dorsi, caudæ aliarumque partium aut motricium, aut mobilium, musculi ferè omnes (exceptis temporalibus) integumentis ubique crustaceis includuntur. Reverà providentiâ divinâ ita constitutum est, ut cum animalia hæc inter scopulos & saxa aspera versentur, aliisque fluctu impellente durius allisa periclitentur, ossibus, tanquam armaturâ exterius confitis, muniantur. Porro ne

integumenta crustacea membranas aut catenas subjectas asperis comprimant affricentve, eadem ubique mucò crasso, purpureò, tanquam pannò subdititio molli, intus obducuntur. Credo hunc in piscibus crustaceis, secus ac in mollibus (qui etiam mucò oblinuntur) ob majorem sulphuris copiam purpurascere.

Sicut ossa & carnes, ita illorum præcordia & viscera idem ὕσπερον πρότερον observant. Namque hepar, stomachus ac uterus supra, atque cor infra, sc. imò dorso contiguum locatur: quin & medulla spinalis non dorso & supra viscera, verum sub ipsis, pronæ corporis parti, toto ductu incumbit ac sterni ossibus sive commissuris includitur.

Verum

Verum quò Astaci partes ac viscera melius conspiciantur, inprimis tunica loricata, cum mucore rubro & membranâ substratis eximatur. In summò dein capite cerebrum mediocriter amplum, coloris subviridis & quasi bifidum apparet: è quò processus mammillares nervique optici ascendunt atque medullæ oblongatæ duo crura in medullam spinalem descendunt, eaque in toto hujus processu, modò divisa ab invicem seponuntur, modò unita coeunt rursusque abscedunt.

Ab ore bidenti œsophagus ductu recto & brevi in ventriculum tendit: Hic amplius & membranâ crassiori ac robustâ præditus intra cavitatem suam tres habet dentes, quibus alimenta conteruntur. Porro ob manducationis & attritionis opera duo musculorum paria, scilicet temporale & aliud stomachi lateribus appensum in vicinâ constituuntur. E ventriculi lateribus duo corpora glandulosa, pluribus vasis & ductibus varicosis referta (quasi tenuia quædam essent intestinula) adnascuntur, ac inde cum binis lobis sensim acuminatis in imum corporis truncum descendunt. E stomacho in hæc corpora utrinque aditus patefcunt, ita ut ventus illi per fistulam insufflatus hoc statim incurrat ac tumefaciat. Partes hæ in piscibus crustaceis (prout etiam in testaceis) vulgò hepar dicuntur & reverà tum hepatis, tum mesenterii officiis fungi videntur, quatenus nempe chyli recens in ventriculo confecti portionem puriorem excipiunt eamque defæcationem mox humori vitali committunt. *Malpighius* in *Bombyce* aliisque insectis vasa quædam varicosa, corporibus istis analogâ, per ventriculi dorsum ac inde inferius supra intestinum exporrigi observavit: quæ (uti probabile existimat) tenuiorem cibi jam in ventriculo macerati & soluti portionem recipiunt eamque, succis forsân non parùm immutatis, in cor, aut saltem in corium ac reliquas corporis partes tradunt. Enimverò ex observatione, quò ritu hæ partes, quæ hepatis ac mesenterii in quibusdam piscibus ac insectis succedaneæ sunt, conformantur, exinde circa hepatis & vasorum tum mesaraicorum, tum lacteorum usus in brutis sanguineis nonnihil colligi possit.

In Astaco mare, supra prædictarum partium origines utrinque ex œsophagi lateribus corpora spermatica incipiunt, quæ versus trunci fundum demissa & ibidem magis compacta &

teretiora sub epididymidis specie facta in duos penes terminantur: quorum apices per foramina pedunculis penultimis excusa exitus habent.

Pariter in Astaco foeminâ bina ovaria utrinque ex œsophagi & stomachi lateribus disposita in duos uteros imo corporis trunco confitos transeunt & in hos, per foramina, pedunculis antepenultimis excusa membris genitalibus aditus, etiam ex utero ovis excludendis exitus patefcunt: adeò quò hæc animalia prole multiplici foecundissima existunt, circa partes genitales & geminas & majores quàm in Brutis plerisque aliis, naturâ quasi sollicita & industria esse videtur; nempe ut simul duplicatis tum conceptus partûsque operibus, non tantum gemelli semper, sed gemellorum ferè myriades producantur.

Infra ventriculum, quin & aliorum quoque viscerum principiis inferius, pericardium, cui cor palpitans includitur, in imò dorso collocatur. Cordis systole & diastole, prout in ipsis sanguineis, celeres sunt & fortes. Hoc coloris albidii apparens reverà musculus conicus est, cujus cavitas satis ampla fibris, sive columnis pluribus robustis, variis item scrobiculis instruitur. Aorta, fastigio ejus summo egressa statim in duos ramos, qui versus branchias incedunt, finditur. Venæ cavæ trunci descendens alterque ascendens è cordis tergò coeunt, ibidemque ejus auriculam ingrediuntur. Cordum relaxatur, humorem vitalem è venâ suscipit, eumque mox, dum contrahitur, in aortam propellit.

Pisces crustacei æquè ac testacei, quamvis exsanguis branchiis (quæ pulmonum vice sunt) numerosis ac largis donantur: ad quas cum humor vitalis totus ac crebrò deferri potest, idcirco non uti in terrestribus insectis per universum corpus disperguntur, sed in utroque latere sub tunica Loricatæ margine simul in eodem loco illæ fasciculis quibusdam colligatæ statuuntur. Branchiarum pars inferior & extima, quæ lata & obtusa est, pedunculis sterno appensis affigitur: Pars superior, sub loricâ ascendens & sensim mucronata, soluta & libera est, secus ac in piscibus.

In singulis Astaci branchiis tres sinus reperiuntur, quorum binos pro humore vitali ingerendo regerendoque constitui patet. Tertius cum canali communi tracheam quasi format &c. *vid. cit. loc.*

EXPLICATIO FIGURARUM TAB. LXXVI.

FIG. I.

Exhibet Astacum in dorsò apertum, ut cerebrum, viscera, partes vitales genitalesque, ac aliæ interiores conspici possint.

A.A. Cerebrum bifidum, cujus hemisphæria distincta ab invicem etiam à medulla oblongata aliquantulum seponuntur.

B. Medulla oblongata caput, è quo nervi optici b.b. & sub ipsis processus mammillares procedunt.

C. Cerebellum.

D.D. Duo

fig. iv.^a



fig: Ima





fig. II^a




fig: III^a



fig: Va.





D.

E.

F.

G.

H.

I.

J.

K.

L.

M.

N.

O.

P.

Q.

R.

S.

T.

U.

V.

W.

X.

Y.

Z.

A.

B.

C.

D.

E.

F.

G.

H.

I.

J.

K.

L.

M.

N.

O.

P.

Q.

R.

S.

T.

U.

V.

W.

X.

Y.

Z.

A.

B.

C.

D.

D.D. Duo crura medulla-oblongata, quæ in spinalem transeunt & quasi duo nervi majores, in descensu modò coeunt, modò abscedunt & subinde rursus conveniunt.

E. Arteria Carotis.

F.F. Oesophagi portio.

G. Ventriculus apertus.

H. Orificium superius.

I. Fundus & orificium inferius, prope quod tres dentes.

K. Musculi temporales extra situm.

L.L. Musculi priorum appendices.

M.M. Corpora tubis & glandulis referta, in qua è ventriculo (cujus lateribus adnascuntur) ductus patent. Hepatis & mesenterii loco hoc esse videtur.

m.m.m.m. Eadem corpora ex utroque latere inferius producta & in processus m.m. desinentia.

n.n. Corpora spermatica utrinque juxta ventriculi latus oriunda, qua sub pericardio descendencia in processus n.n. terminantur.

o.o. E corporibus spermaticis processus instar Epididymidis, è quibus duo penes.

p.p. Duo penes, quorum apicibus per foramina, pedunculis penultimis excusa, exitus patet.

q. Foramen in pedunculo, pro penis exitu.

R. Pericardium cum corde incluso.

S. Auricula cordis, quam vena cava ingreditur.

T.T. Truncus vena cava ascendens.

v. Aorta corde egressa in tres ramos finditur.

w. Ramus primus ad caput ejus.

x.x. Rami duo alteri in utroque latere illinc ad Branchias missi.

y.y. Branchiarum quarundam apices.

1. 2. 3. 4. 5. 6. Musculorum portiones quadam.

a.a.a.a. Ligamenta è pericardio ad musculos thoracis.

β.β.β.β. Musculi ventris & Thoracis.

γ.γ.γ.γ. Musculi ad caudam spectantes.

δ.δ. Intestinum à ventriculo ad anum.

ε.ε. Tubi intra quos nervi optici ad oculos ducuntur.

FIG. II.

Exhibet Astaci uterum ejusque collum & pudendum sive aperturam, per foramen pedunculo antipenultimo excusum, unà cum pedunculo ipso & branchiis affixis.

A. Uteri sive ovarii portio.

B. Uteri collum.

C. Orificium ejus in pedunculi foramine.

D. Pedunculi basis.

E. Pedunculus cujus vibratio branchias affixas movet.

F.F. Duæ Branchiæ pedunculi basi affixæ cum pinnis, seu fimbriis spongiosis.

G. Branchiarum appendix, quæ instar vesicæ sive sacci membranosi inflari & distendi potest.

FIG. III.

Exprimit Branchiæ portionem abscissam, ut illius tres ductus sive cavitates appareant.

FIG. IV. & V.

Ad Sect. de Pico spectant.

SECTIO CV.

ANATOME

CANCRI PLANIPEDIS

è Marci Aurelii Severini Zootomia pag. 357.

E caudæ extremo finis. Cor sub crustam superiorem detecta membrana longè infra medium visitur palpitans, albo colore, figura prope Tulipæ.


Hepar omnium partium maximum ad inferi usque intestini fines delapsum, illius faciem integrit & circumplectit.

In principiò caudæ duæ appendiculæ elevatoriæ.

Tenaculæ cum appendiculis motoriiis in primo ore.

Ingluvies lata. Ventriculus cartilagineus & crustaceus.

Administratio supernè fit.



CANCRI FLUVIATILIS

D. Lucae Antonii Portii,

è Miscellan. S. R. I. Acad. Nat. Cur. Dec. 2. A. 5. Obs. 19. p. 30.

Curiosus olim atque animi ambiguus fui, cum primum Viennæ nesciens, inter edendum cancris, quid melius facerem, quâ parte, quove foramine ova ederentur cancrorum quærerem.

Ova autem in cancro fluviatili majora sunt, quam in cancro marino majori, quem Pagurum quidam dicunt; ut proinde videretur foramen quo excluderentur, debere esse majus & magis conspicuum. At in Pagurô, cujus Venetiis magna copia est, sunt bina foramina ad latera ejus loci, in quem ossa concurrunt, quæ ventrem, vel potius regionem anteriorem cancri obtegunt, unum ex dextra alterum ex sinistra: quod jam plerisque notum est. Verum in fluviatili cancro sunt quidem multa ossa, quæ item partem illam muniunt, habentque omnia simul veluti scuti oblongioris figuram; nullum tamen in illis, quamvis, nudis tamen oculis, diligenter perspicerem, foramen observare potui: & oculi etsi non armati specillis, sat idonei videbantur ad videndum per quem locum ova, quæ minima non sunt, parerentur. Quæ omnia admirationem adaugebant! Dissecto autem animante vidi bina ovaria, quæ parte suprema connexa invicem, infima observantur disjuncta; unumquodque suum habens canaliculum, qui è regione sive dextra sive sinistra tendebat ad ejusdem regionis brachia cancri. Obstupui sane; recordatusque eorum, quæ de puerorum curiositate, deque matrum responsis retuli, mecum ipse ridens cogitavi, an essent hæc animalia illa quæ per brachia parerent? Sed præconcepta ab ipsa prima juventute opinio, absurdum hoc, nedum ridiculum esse foetus edi per fenestras in brachiis adaper-tas, me avertebat à diligentiori in artubus cancri observatione: & interim disruptis canaliculis non potui tunc temporis quicquam persequi: decrevi tamen opportuniori occasione tum in coctis, tum in crudis cancris rem diligentius indagare.

Mecum autem cogitavi, nonnunquam ex majori ovo nasci animal, quod nequaquam ad majorem magnitudinem crescendo perveniat. Idque est omnino manifestum in cancro fluviatili, & in paguro, hoc est *nella Grancevola Ve-*

neziana: nam in cancro fluviatili ovula tum intus in ovariiis, tum parta jam (crescunt enim nonnihil etiam edita) sunt notabiliter majora; cum pagurus ad magnitudinem crescat multo majorem magnitudine gammarum fluviatilis! Et quantum hucusque memini, ab aliis observatum, hominis exiliora & multo tenuiora principia sunt, quam pulli gallinacei; ac existimo multa similiter dici posse de aliis animalibus. Quod similiter observatur in plantis, quarum etsi nonnullæ semen habent majusculum ut sunt castanæ, glandiferaeque arbores pleræque quercus, ilex, suberque, & nuciferae, atque alia; sunt tamen arbores quædam proceræ satis, ut utraque morus, ficus, aliaque, quarum semina comparata ad semina fabarum, quæ ad ulnam circiter attolluntur, item ad ciceris, & ad phaseoli semina sunt plane exigua. Suntque semina plerarumque minorum plantarum, quæ plantam suæ speciei contineant nudis oculis spectabilem, quam sæpe notavi in staphidis agræ semine; cum in semine plerarumque grandiorum plantarum nisi magna adhibeatur diligentia nulla rudimenta plantæ ejus generis cernere valeamus: in nucleis tamen pinearum nucum nudis oculis manifesto dignoscitur parva pinus.

Cæterum priusquam ostendam ex quo brachio, quove foramine in brachio ova Gammarorum prodeant in lucem, operæ pretium erit indicare, ut foeminæ a maribus sine dissectione dignoscantur. Atque ut facilius id præstarem, placuit mihi in tres regiones totum animal dividere. Primam appello in qua viscera omnia, ovaria, sive testes, & vasa spermatica in maribus, & quamplurimæ alia partes continentur. Secundam appello caudam, quæ ex multis constat ossibus invicem articularis, & musculis quam plurimis, aliisque partibus referta est, alii nullas habent forcipes. Tertiam cancri Regionem dico Artus. Artuum vero duplex est apud me genus. Primum voco Artus majores, suntque illi, qui nascuntur hinc inde à ventre; habentque alii forcipes. Et brachia appello eos artus, qui forcipes habent ad similitudinem Vergilii; qui brachia dixit in Scorpione.

Qua locus Erigonem inter, chelasque sequentes

Panditur, Ipse tibi jam brachia contrahit ardens

Scorpius; & cœli iusta plus parte relinquit.

Reliquos artus majores Crura, sive Pedes dico. Secundum genus voco Artus minores: qui à cauda nascuntur, & comparati ad primos sunt sane multo minores.

Monendus autem, sive potius rogandus in his est Lector benevolus, ne in nominibus rigorosam Etymologiam exquirat. Nam cum mihi haud suppeterent voces magis propriæ, neque possem multis angustiis pressus, apud scriptores querere, an magis aptis vocibus ea, de quibus ego loquor, denominari potuerint; libertate quadam sum usus ex quadam analogia cum partibus aliorum animalium, aut etiam hominis nomina imponendi iis quæ observavi in gammaro: qua etiam libertate utar in posterum; rem tamen satis indicabo, ut unum pro altero si attente considerentur, quæ dico, minime accipi possit. Quodsi aliis quoque placeant voces, quibus ego utor, servabunt illas; si vero ipsi habent meliores: mutabunt pro lubitu; resque easdem aliis verbis appellabunt.

Extrinsècus in ventre antequam dissecantur, nullam satis dignam differentiam, inter fœminam maremque gammarum mihi primum observare licuit. Et aspectu primo artus majores visi sunt etiam in utrisque omnino similes; & numero æquales: paria nempe in utrisque quinque. Quorum similiter, & æqualiter in utroque sexu paria tria forcipes habent: ut tribus Brachiorum paribus donatos fuisse à natura gammaros dicere debeamus. Quod nunquam memini me observasse in cancris marinis cujuscunque generis, atque sexus: qui forcipes tantum duas habent, à dextris unam, à sinistris alteram; Brachiorum scil. par unum. Et de cancris marinis existimo debere nos intelligere verba illa:

In modum octipedis procedunt omnia cancri:

nam cum quinque sint in paguro, & in aliis cancris marinis, quos ego vidi, majorum artuum paria, unum tantum forcipes habet; quæ manibus quodammodo assimilari possint: ut quatuor remaneant paria sine forcipibus; & octipes propterea dicendus sit cancer. In cancro vero fluviatili sive mare sive fœmina tria cum sint paria artuum cum forcipibus, primum par forcipes habet validas nimis, magnas dentatas ad similitudinem cancrorum maris; quibus constringendo vulnus etiam infligere possint. FIG. VI. TAB. 77. Forcipes verò, sive chelæ quatuor in aliis duobus artuum paribus binæ ex utroque latere sunt

tenues, & languidæ nimis; ut nihil ex illis piscator, vel sector sibi timere debeat. Reliqua duo paria artuum majorum nullas habent forcipes, desinuntque in cuspides acutatas: ut Quadrupes proinde dici possit fluviatilis, sive dulcium aquarum cancer. Sunt tamen omnia hæc robustiora & majora, ut totum corpus in cancro mare, si cætera maxime quoad ætatem sint æqualia. In caudis verò nisi considerentur minores artus, qui à cauda nascuntur, nulla item oculis meis inter marem atque fœminam hucusque patuit insignis differentia. Artus autem à cauda nati in mare, & in fœmina manifestas aliquas habent differentias. Mares habent in cauda (Figura XI.) quinque paria minorum Artuum; quæ in fœminis sunt tantum quatuor. Primum par artuum in cauda marium longius, durius & reliquis firmiter semper conversum est ad ventrem; cumque ortum habeat à prima intersectione ossium in cauda, protensum jacet inter quatuor crura: hoc est inter majores artus, qui caudæ proximiores sunt. Cartilaginosi sunt artus isti, finiuntque in figuram, quam faceret contorta in Cylindrum plana cartilago. Simile par artuum est in cauda Paguri Veneti masculi, similiter conversum ad crura: principio tamen, & progressu osseum; sed desinens in cuspidem acutam item cartilagineam; quæve etiam ex contorta quadam cartilagine constare videatur. Habent artus isti è latere rimulam; ut turgentibus iis, quæ osse clauduntur, videatur os propter sui structuram locum aliquantulum cedere posse iis, quæ intus forte turgerent: sunt enim fistulosa, & continent multas partes. Quæ omnia iis, qui moniti jam norunt Pagurum fœminam duas habere valvas, per quas ova parturiat, facile similitudinem facere possunt duorum membrorum genitalium. Sed non ego unquam vidi vasa spermatica in paguro porrigi caudam versus. Et in Gammaro fluviatili certissimum mihi est, vasa spermatica aliò tendere: ad crura nempe; & in cruribus adaperiri; in quibus foramina adsunt, per quæ semen effunditur. Primum autem par minorum artuum in cauda Gammarum fluviatilis potest, dum movetur, titillare ostiola; quibus adaperitis copiose semen erumpit: ut postea dicam. Et maxima nunc teneor sciendi curiositate, an in paguro vasa spermatica similiter constituta sint, & similiter ducantur; ac in gammaro fluviatili illa observavi. Secundum par artuum in cauda gammarum masculi fluviatilis minus firmum, & minus longum primo est; estque in nonnullis primo simile; in aliis assimilatur potius reliquis tribus partibus: quæ languidiora sunt, molliora, & breviora; & iis similia, quæ observantur in Gammaro fœmina: Cujus, ut monui, quatuor tantum

tantum sunt paria minorum artuum in cauda, qui bifidi sunt; & qualibet pars iterum subdividitur; desinuntque in fibras molliissimas, & quacunque flexibiles: è quibus dum tempus est, pendent ova: Incertum autem mihi est, an fibrilla certo ovi loco agglutinetur: quod verisimilius est? item & incertum an aliquid fibrillæ nascatur ab ipso ovo; quod agglutinetur fibris artuum: quod etiam verisimilius videtur? Et observatu dignum est hoc tempore multiplicari fibrillas; videnturque ova liquore quodam perfundi, qui facile coit in fibrillas: adeo ut ovum, quod undequaque solum nascitur, facile appendatur artubus. An minores artus in cauda gammari uteri vices gerant, & fibrillæ assimilari possint placenta uterinæ? Enim vero complures compertum habent ab ovo nasci animalia cuncta; & in Viviparis ovum omnino solum à reliquis partibus foeminae ab ovariis descendere in uterum; & placenta uterinæ beneficio uteri lateri cuiuspiam adnecti; atque sic veluti pendere ab utero, donec maturus sit foetus!

Totidem sunt artuum paria, quatuor nempe, in cauda paguri foeminae (nella Grancevola Veneziana) Fig. IX. è fibris quorum pendent ova fere semper rubicunda satis: visa sunt enim aliquando flava; quod nunc non recte memini, an forte coctura acciderit; sed in fluviali certo certius absque coctura ex eadem cauda non semel vidi alia ova rubicunda, alia subrubra, alia flava, alia subflava. E fibris singulorum artuum caudæ paguri pendentia ova faciunt speciem Botri. Principium artuum in paguro est osseum, & durum; sed desinunt omnes in substantiam cartilaginosa rotundam, & acutam; ex qua nascuntur hinc inde multæ fibrillæ similiter cartilaginosa, & nonnunquam in alias subdivisa. Habent insuper Artus isti articulum in medio totius longitudinis ipsorum; qui quidem articulus non deest in cancro fluviali; & ab huiusmodi articulo incipit subdivisio artuum in duos ramos; inde in alios. Nunquam autem vidi in paguro octo esse paria artuum, quatuor ex utraque parte; è quibus ova penderent. Existimo tamen potuisse dari aliis spectandam foeminam huius generis cancrorum; quæ octo haberet artuum paria in cauda. Accidit enim sæpe numero in aliquo animali alicujus speciei raritates quasdam observari, quæ minime observentur in tota specie. Vel forte non fuit pagurus animal illud, in quo, ut accepi, observata octo erant paria Pinnarum; è quibus ova penderent. Cæterum in his etiam magna differentia est inter pagurum & cancrum fluviatilem. Nam ova minora mole, sed plura, atque plura numero sunt in paguro. Et quæ pendent ab uno artuum botri similitudinem

faciunt distincti à reliquis: cum in fluviali consuetò ova omnia pendentia ab omnibus artubus faciant simul unum veluti acervum ovorum, sive botrum unum; etsi quandoque sit etiam in his aliqua discretio; & à quolibet artuum veluti racemulus uvæ Ribes distinctus ab aliis racemulis pendere videatur. Insuper è quatuor paribus artuum in Cancro Veneto majori nascuntur (Fig. IX. & X.) quatuor paria pennarum; è quibus nullum omnino pendet ovum: cum in fluviali desint pennæ istæ. Quæ in paguro faciunt veluti binas alas; quarum qualibet quatuor habet pennas. Ac pennas placuit appellare partes istas; quoniam non exiguam habent cum pennis avium similitudinem. Si quidem ex utroque latere secundum longitudinem qualibet habet pilositatem quandam, sive lanuginem, vel potius plumaginem quandam dispositam, similem illi, quæ est secundum longitudinem in oppositis duobus lateribus unius cujusque pennarum avium. Osseæ sunt pennæ istæ, cavæ, curvæ, & tam longæ, ut extremæ dextrarum possint contingere extremitates earum, quæ sunt è sinistro latere. Vallum efformant circa ova; quo aquæ coërcentur, & ova aliquo modo defenduntur ab irrequietis undis.

Sed revertar ad cancrorum fluviatilium pariendi vias; quas, cum ego quicquid aliud magis verum ratus, brachia nollem inspicere, non poteram invenire. Sed cum semper viderem canales ab ovariis ad brachia tendentes, tandem in dubium vocans præconceptam opinionem, perspexi majores artus, & in artubus observavi foramina; per quæ ova pariuntur. Scilicet in tertio pari majorum artuum, quod, ut dixi languidulas habet forcipes, & medium est inter reliqua quatuor paria, quorum duo Metas etiam habent, reliqua duo versus caudam non habent, sunt fenestrellæ binæ, sive bina adsunt foramina figuræ non exacte sphericæ, unum in dextro tertiorum artuum, aliud in sinistro; in quæ terminantur canales membranacei ab ovariis diducti. Atque ideo ova descendunt per canales istos, tandem per foramina, quæ sunt in artubus mediis, in tertio nempe brachiorum pari, egressum in lucem inveniunt. Ut proinde non omnino absurdus is esset Puer, qui inter oscula, & lusus, blando, dulcique deceptus sermone, matri credat, dicenti peperisse eum per decentes quasdam sub Alis adapertas Fenestras: quandoquidem revera reperiuntur animalia, quæ nedum per Fenestrellas sub alis, sed per Fenestrellas in Brachiis perpetuo patentes ova pariant!

Placet autem, ut huiusmodi foraminum situs melius dignoscatur, tertium par artuum aliquo modo describere, & eorundem figura adungere.



Artus majores medii, octo habent articulos numerato etiam eo, quo Brachium ventri junctum est; & quilibet artuum ex octo componitur ossibus fistulosis, musculos ple-rosque in eorum cavitate includentibus. Unum tamen exiguum nimis est; interponiturque inter secundum, & quartum ossa; quæ nonnunquam in natu majoribus in unum coalescunt, & ex tribus fit os unum. Si quis consideret structuram corporum in variis animalium generibus, facile deridere poterit nonnullorum scientiam, decentiam in figuris partium animalium pro finali causa adducentium. Quicquid enim in Architectonica, & in Mechanicis omnibus possibile est, est etiam & decens, ac conveniens Naturæ. Quæ cum in bovis pede ossibus musculos circumstatuerit, in cancro ossa fecit fistulosa; & in ossium cavitate musculos abdedit; quibus artus moverentur. Quod si nobis etiam fabulari liceat, sapientior videtur Natura, ac magis provida in pulice; lorica enim pulicem armavit, & in cancro, & in limacibus, & in locustis marinis, & in testudinibus: quippe duris ossibus circummunivit partes molliores: quæ à circumpositorum corporum incurso facilius possunt offendi. An nobilior vel ignobilior est bos apiculis ingeniosis, providis formicis, prudenti testudine, quæ semper secum suam ducit domum? An minus admirabilis structura est cujusunque minimi animalis? Quanto melius esset rerum contemplari necessitatem, quæ ex vario nascitur concursu corporum minorum; ut aliud, atque aliud fiat; & quicquid tandem fiat, decentissimum illud, & convenientissimum sit idem corporeæ naturæ! Nam quibusdam positis in concursu corporum necessum fuit res esse ut sunt. Ut si foemina utero gerat, crescente foetu necessum est comprimere intestina, & id omne, quod intestinis adjacet; necessum est Diaphragma minus libere moveri; necessum est distendi, & ampliari Peritonæum. Ac in iis, quæ pluries pepererunt, postmodum necessum fuit ventrem apparere extrinsecus rugosum. At hoc neque pulchrum, neque decens est? Sed necessum fuit sic contingere! Quanto melius fuisset contemplari, ut ea, quæ dum sese invicem impediunt, non possunt recta moveri, in gyrum vertantur; quam gratis asserere hujus spectabilis Mundi sphaericam esse figuram, quia sphaerica decentior est, pulchrior & capacior. Nam quælibet figura decens, pulchra, & ad amissim capax est ejus, quod ipsa continetur. Verum dum Sol exempli gratia in se convertitur, neque potest recta ferri, in vertiginem quoque rapit ea, quæ circum ipsum posita sunt; & necessario factum est, ut spectabilis hic mundus ad globosam potius, quam ad aliam motibus illis minus aptam accedat figuram, Ac possibiles si sunt figuræ, quid est hoc, quod

naturam impediat, figuris omnibus uti possibilibus.

Inter primum articulum, quo brachium unumquodque tertii paris ventri adnectitur, & secundam articulationem est os primum in ordine ossium brachii, in quod inseritur canalis ab ovario illius lateris ductus, & in eo terminum habet. Quæ quidem foramina, unum in dextro brachio, aliud in sinistro, obducta apparent membranulâ quâdam in morem turgidæ vesiculæ aliquantulum extuberantis: quam tamen existimo propter musculosas fibras contrahi, dum ova pariuntur, atque sic adaperiri foramen. Estque in hac membranula observatu dignum, quod ex ea tantum parte, quæ respicit ventrem cancri, libera est, & soluta ab omnibus aliis partibus; ut pateat proinde via ovis. Sed cum extrinsecus hujus membranulæ color similis sit colori membranularum, quibus musculosa substantia, quæ conspicitur inter aliquos articulos, contegitur, facile poterit iste color alicui imponere; qui nihil cogitans de canali, qui absconditur membranula illa, ex hac coloris similitudine poterit credere, solidum musculum aliquem lusa quodam naturæ occludere foramen: cum revera membranula abscondat quidem viam, per quam ova emittuntur, sed aperiatur ad latus. Estque membranula veluti velum expansum claudens foramen illud. Quodsi velum contrahatur, patet via, & foramen adaperitur. In sicco animali, quoniam velum hoc non turget, neque expansum est, fovea apparet in foramine intus ducens. Est medium hoc par artuum simile aliis; nisi quod primum par forcipes habet majores, & validiores, sicuti etiam omnia ossa in eo sunt majora, & validiora; & postrema duo paria forcipes nullas habent. Est item medium hoc par artuum in foeminis simile omnino medio pari artuum cancri masculi; nisi quod in cancro mare nulla apparet neque in primo, neque in reliquis ossibus exsculpta fenestrella, nullam apparet ovale foramen. Atque ideo si quis hujus rei notitiam habeat, omittis aliis signis supra relatis, quibus foeminæ à masculis distinguantur tantum ex eo, quod adsint, vel non adsint foramina ovalia in medio artuum pari certo, certius pronuntiare poterit in cancri hoc animal est foemina, hoc est mas. Semel observavi in primo osse quarti paris è sinistra tantum regione artuum majorum, quod par forcipes nullas habet, foramen ovale exsculptum simile omnino foraminibus medii paris. Ac dissecto animali, cognovi canalem illius regionis ab ovario procedentem in duos ramos subdivisum; quorum unus terminabatur ad foramen exsculptum in primo osse cruris sinistrae regionis. Ut propterea neque absurdum sit credere Animalia dari, quæ per crura pariunt foetus suos. Ab ovario autem antequam




coeant in unum corpus subrotundum canales procedunt, alter ad dextrum latus, alter ad sinistrum. Ac canalus unusquisque progreditur inter processus costularum; inde ultra pergens intrat in fistulosum os brachii, & terminum habet in foramine insculpto in hoc eodem primo osse brachii, ut dictum est.

Semper autem mihi licuit spectare ova in ovariis. Nam antequam omnia vetera ova in lucem prodeant, novorum ovorum albicantia rudimenta apparent: ut non semel viderim, in ovariis esse adhuc quædam ova jam satis grandia, & veluti properantia, si sic dicere liceat, ad canales, per quos descendunt in brachia, & alia albicantia minora, & multo magis molliora, seu minus firma. Ovaria autem tunc erant contracta nimis atque deficientia ab ea magnitudine, quam solent habere, cum ova perfectiora sunt: videlicet crescentibus ovis ampliantur ovaria. Quin imo propter loci angustiam ubi creverint ova in ovariis, gammari non possunt sphericitatem servare; sed compressa invicem poliedra conspiciuntur; quæ postmodum edita, & pendentia ex cauda apparent spherica. At membranula una, & altera, quæ unum, atque alterum foramen obtegit, per quod ova eduntur, partus tempore, & nonnullis diebus post partum absolutum omnium veterum ovorum minime tenta, sed conspicitur languida, & flaccida, tanquam defatigata nimis in opere; & apparet humida. Tempus autem hujusmodi partus est mensibus Novembris, & Decembris circiter; ac etiam per mensem Januarium, & Februarium, rarius per Martium mensem conspiciuntur ova pendentia à minoribus artubus caudæ.

Spectaculum in his dissectionibus ostenditur jucundum, cor super incumbens ovariis. Sedet autem cor parte superiori in medio ovariorum: ut si dorsum incidatur gammari, inter caudam, & curvam quandam lineam in dorso insignem, testaue illius partis auferatur, appareat cor palpitans superincumbere ovariis; quæ cordi tanquam strata subjecta sunt. Cordis autem substantia est albicans; & vasa, quæ ab illo nascuntur, sunt etiam albicantia, & vix distinguibilia ab aliis membranulis, & musculosæ aliarum partium substantia, nisi motu & palpitatione. Motu enim & palpitatione cordis apparent ortus, & progressus vasorum à corde; & apparent ortus, & progressus vasorum minorum à majoribus vasis. Observantur autem etiam in mortuis cancriis grandioribus cicatriculæ binæ supra cor: quæ videntur conspici propter veluti chordam quandam brevem supra cor extensam; & hoc, quod tensum est supra cor, facit hinc inde phænomenon cicatricularum: de quo forte fusius dicam alibi. *Vid. etiam Fig. 1. 4. 5. 6. 7.*

Cæterum in cancriis maribus cor testibus superincumbit; testesque cordi substrati sunt.

Qui attentius inspecti apparent veluti parvi glomi tenuissimorum albicantium filamentorum. Supremam tamen testium partem, quæ caput spectat, non semel explicavi; & observavi constare illam ex vasis anfractuosis & cellulosis. A testibus tenui sane principio ortum habent vasa spermatica; *Fig. 2.* quæ progressu majora sunt, & corporatiora: & seminis, quo mensibus iisdem quibus foeminae pariunt, & in cauda gestant ova, albo colore maxime conspicua sunt; nam mense Maji vasa seminalia sunt flaccida, languida, & fere vacua semine. Postrema autem pars seminalium vasorum prope crura minus amplum quidem ductum habet, & minus candida apparet; sed est carnosior, & firmior, quam media pars; neque tam facile dirumpitur. Longa, & tortuosa via, multisque revolutionibus vasa hæc terminum habent in postremis cruribus: hoc est, terminum habent in quinto pari majorum artuum; dextrum in dextro femore, sinistrum in sinistro. Ac in primo osse utriusque cruris est pars, quæ parum exporrecta in cylindri figuram foraminulum habet; quod obtegitur caruncula quadam ex extuberanti membranula, quæ ductus pars est carnosior: dixi enim vasa seminalia prope exitum minus ampla quidem esse, sed esse carnosiora ibi, & difficilius ibi quam in aliis locis dirumpi. Ex uno latere est pilus quidam majusculus in radice, sed desinens in cuspidem acutam, ut caruncula cum isto pilo faciat speciem partis extremæ in cauda nonnullorum Scorpionum: videtur scilicet caruncula veluti granum milii habens è latere cuspidem quandam. Ubi cancer siccus est, & aridus, contracta etiam & siccata caruncula apparet parva fovea in osse. Cum vasa turgent agitato, & molestato cancro facile semen albissimum è miliari grano jam exposito erumpit. Et non semel tenui lignea spatula compressi locum inter bina crura, qua prius cognoveram duci vasa ad crus postremum & compressione illâ semen prolicitum est. Item sæpe sæpius dissecto cancro compressione facta vasorum & protrusione crura versus vidi è cruribus erumpere lacteum semen. Organa autem propagationis & generationis sic constructa sunt in cancriis, ut facilem non inveniam rationem, quâ maris semen in foeminae corpus ejaculari, infundi vel intrudi possit; Sed neque ex ipsâ constructione hæc eadem ratio infundendi semen in corpus foeminae videtur impossibilis. An verò edita jam ova superinsperso fecundantur semine? ô semper & in quibuscunque maximè admirabilis Divinae mentis sapientia: quid est illud, quod mas tribuit foeminae, vel quid est illud quod cancri maris semen tribuit ovis in foeminae corpore progenitis, propter quod ova fecunda fiunt? Corporeumne illud est, an incorporeum? Ac si corporeum & animal tantam machinam est, cur non foemina sola



na sola satis est ad complendam integrè perficiendamque machinam? An dantur animalia, quæ in specie suâ non agnoscunt sexuum diversitatem & sicut plantæ quarû quævis species suam speciem propagare apta est, quodlibet sine alterius commixtione possit sibi simile progignere? An autem animal huiusmodi datum aliquando est, an forte dabitur unquam? Quodsi omnino incorporeum illud est & neque mas neque foemina tantummodò machinæ sunt, cur non item

foemina, quæ ovum concipit, non potest spirituale hoc & incorporeum infundere. Cum hæc atque similia considero, quæ omnem humanæ scientiæ certitudinem superare videntur, existimo licere quidem homini rerum causas veritatemque indagare, quod studium maximè delectabile est: verum credere debemus, verisimilitudines quasdam nos tantum attingere. &c.

EXPLICATIO FIGURARUM TAB. LXXVII & LXXVIII.

FIG. 1.

- A.A.A. *Trium brachiorum ex uno latere forcipes, in quibus.*
A.C. *Primi brachii magna & valida nimis est.*
B.E. *Pedes bini in uno latere, in cuius postremo prope caudam juxta principium ejus adest caruncula l. in maribus, è qua semen prodit.*

FIG. 2.

- AB & AB. *Testes cancri, quibus cor superincumbit.*
B.C. & BC. *Vasa seminalia renui principio per viam tortuosam & multis revolutionibus à testibus ducta ad postrema crura.*
C & C. *Caruncula sive grana miliaria in primo osse postremorum crurum extuberantes, è quibus semen erumpit.*

FIG. 3.

- A. *Ossa in medio ventris.*
O. *Foramen ovale obiectum membranulâ, qua parte spectante ossa A. non est adnexa labio foraminis: Parte vero l. qua respicit forcices B. ossi sive labio foraminis in osse insculpti firmiter annexa est.*
C. & C. *Ovaria.*
D. *Canalis alter ab altero ovariorum tendens ad foramen O. insculptum in primò osse tertii brachii.*

FIG. 4.

- a. *Cordis vesicula.*
b. *Canalis versus caput inter ovaria.*
c. *Canalis versus caudam, qui dividitur in duos ramos, quorum d. inflectitur versus ventrem, e verò recta tendit versus caudam.*

FIG. 5.

- Q.P. *Repræsentat ex uno latere bina foramina O. & O. in qua terminabantur rami ejus canalis, qui ex illo latere diducebantur ad S. versus, ac proin cancer iste*

pariebat ova per tertia brachia & per sinistrum crus primum, in ordine crurum.

FIG. 6.

- A. *Cor superincumbens ovarii, quorum partes l.l. conspiciuntur è regione, quæ spectat ad caput. Item intra è regione, quæ spectat caudam alia ova o.o.o. conspiciuntur in ovarii, quæ longiora sunt cordis vesiculâ, sed non multum longiora, cum ova parva sunt.*
b. *Canalis à corde ad caudam versus subdivisus, in canalem & recta tendentem ad caudam e in canalem d remotum à suo situ, nam vergit ad partem animalis.*
m.m.m. *Ventriculus.*
n.n. *Portio viscerum ex filis constructorum, intestino annexorum.*

FIG. 7.

- A. *Locus cordis ovarii superincumbentis.*
BB. *Ovaria disjuncta parte superiori, conjuncta verò parte inferiori versus caudam.*
C.D. & C.D. *Canales, per quos ova descendunt ad brachia.*
G.H. *Pars intestini ad caudam tendentis.*

FIG. 8.

- G.G. *Forcipes in tertio pari brachiorum, quæ medium locum obtinent inter majores artus & foraminulum habent O. & O. in fœminâ insculptum in primò osse, atque per hæc foramina O.O. pariuntur ova.*
H.I. *Prima intersectio in cauda, parte anteriore, è qua nulli nascuntur artus in fœmina: cum ab hac eadem intersectione in mare oriatur primum par minorum artuum, inter crura exporrectum.*
KL. *Secunda intersectio est, quâ nascitur primum par minorum artuum in fœmina m. & m. ex quo, ut etiam à reliquis artubus cauda pendens ova n.n.n.n. m.*

FIG. 9.

- A.B. *Repræsentat unum par artuum, cum uno pari pennarum.*
C.D. & CD. *Velat vallum facientium circa ova,*

ova, quorum botrus unus K. effectus est in dextra parte, ut conspiciantur fibrae OL & O.I. in sinistra, è quibus pendunt ova.

FIG. 10.

Artus exponit in cauda Paguri sive Grancevola Veneziana.

A.B. & A.B. Primum par artuum, in quibus sinister non habet ova, dexter verò habet ova, pendentium à fibris, ut videatur botrus.

CD. & CD. Primum par pennarum, ortum à primo pari artuum, cui penna articulantur in C.

E.F. E.F. E.F. E.F. Reliqua tria paria pennarum quæ nascuntur ab aliis artubus ad similitudinem primi paris : sed botri

hic occultantur à primò botro, ut etiam alia partes occludantur.

FIG. II.

AB. & AB. Primum par brachiorum in gammaro fluviali, forcipes habens A. & A. validas, magnas & dentatas.

C.C.C. & C. Chela sive forcipes parva & languida, in aliis duobus paribus brachiorum.

D.E. DE. DE. & DE. Reliqua bina paria artuum sine forcipibus, desinentia in cuspides acutas, D.D.D. & D. quæ etiam pedum paria bina dici possunt.

i.i.i.i. & i. quinque paria minorum artuum in caudâ gammari maris fluvialis, quæ in fæminâ sunt tantum quatuor paria.

S E C T I O C V I I .

DESCRIPTIO ANATOMICA
OSTREI

D. Thomæ Willisii

Tr. de Anim. Brutor. c. 3. p. 14.

HUjus corpus etsi rude ac prorsus informe videatur, quæque tamen viscera & partes, ac imprimis præcordia, propter vitalis ignis quasi focum & spiracula, elegantissimè conformata obtinet.

Horum ut præcipua quædam describamus, à Testis ordiri fas sit, quæ quidem illis ab ovo connatæ & primò molles, prout mole accrescunt, sensim indurantur; utrique testæ musculus robustus, in medio ostrei confusus, per tendines suos adnascitur. Hujus fibræ motrices (quæ velut chordarum fasciculus videntur) rectè ascendentes, dum contrahuntur testas artè occludunt : relaxatæ verò eas aperiri & attolli sinunt; quod munus aperiendi testas musculus alter huic adjunctus exequitur.

Præter hos musculos rectos & ad testarum plana perpendiculares sunt bini alii circulares, per utriusque testæ margines expansi : qui ibidem inter se branchias comprehendentes, eorum motibus potissimum inserviunt, uti mox ostendemus.

In summitate ostrei musculi circulares uniti quoddam quasi velum pro tegendo capite constituunt; dein paulò inferius divisi quatuor branchias superiores includunt, in quarum medio rima dehiscens processu obliquo ad ostrei os ducit. Ab ore transitus brevis & re-

ctus ad ventriculum est. Hujus cavitas satis ampla foraminulis in corpora subfusca ei utrinque affixa ducentibus, prædita est. Corpora isthæc & mesenterii & hepatis loco esse possunt eorumque muniis defungi videntur : quatenus nempe puriorem chyli partem mox è ventriculo suscipiunt ipsamque defæcatam humorâ vitali tradunt. Pariter habet in piscibus crustaceis, forsan, & in brutis aliis, sc. quibuscunque intestinum simplex & unicum sine plicis vasisque mesaraicis, aut lacteis à pyloro ad anum producit.

Ita namque in Ostreo intestinum, ex imo ventriculo incipiens, cum tubo plano & æquali, versus musculi recti angulum dextrum descendit, ubi in se convolutum & retortum rursus supra ventriculum & hepar ascendit : inde demersum & in dextrum latus deflexum, juxta musculi recti limbum incedit, donec in anum desinit. Ad hunc modum in Ostreo intestinum simplex & unicum longissimo gyro plus quam in aliis quibuscunque animalibus circumducitur, quo quidem stercorea diutius retinere queat. Scilicet ne, cum in sicco degit, ea importunius deposita, lymphas, ob vitæ pabulum, testis inclusas (dum iis miscentur) polluant.

Intestino hoc per longum dissecto & aperto in fundo

TAB. LXXIX *fig. iii*




fig. 5.



fig. 4.



in fundo ejus corpus subdum & ferè rotundum eminet, quod ab ano ad ventriculum ascendens ibidem emergit & sub oesophago versus caput protenditur. Simile huic in lumbrico reperitur, quod in eò cavum, mesenterii & vasorum lacteorum loco esse putamus; secus verò in Ostreò, hoc corpus durum & compactum tali muneri minus aptum, spinali medullæ non ab simile videtur: Ductus autem chylicos corpora subfusca ventriculo apertâ supplere ostendimus.

Infra ventriculum Pericardium, cor albicans cum auriculâ amplâ & nigricante includens, locatur, quo aperto illud pulsare conspicitur & quaque diastole humorem vitalem è venâ cavâ in auriculam admittere: dein quaque systole eundem in aortam è regione consitam, propellere; dein juxta vasis hujus ramos tripartitos istius humoris pars quædam superius tendit versus caput, hepar & stomachum: item portio quædam in musculum rectum reflectitur. Interim pars ejus maxima, magno arteriæ trunco, ad branchias delata ibidem intra ductus minutissimos & valdè numerosos velut exiles rivulos explicatur, ut secundum omnes suas partes corpusculis nitrosis, ab aqua inspirandis, frui possit. Et quo hoc uberius fiat, advertimus aquam non modò extimas branchiarum superficies, prout in piscibus sanguineis, alluere: verum ubique penitiores eorum ductus & intimos quosque recessus subire. Quin imò ipsæ branchiæ per

ostrei hemisphærium & amplius expansæ cuncta alia viscera, ferè item partes, mole superant. Adeò piscibus, quoniam in aquâ parcius respirant, ita provisum est, ut simul pluribus in locis respirationis pabulum iis suggeratur.

Branchiarum cirri quatuor & cujusque illorum bini velut lobi sunt, nempe superior crassior & latior, ac inferior, qui tenuior & paulò contractior existit. In totis eorum ductibus unaquæque duplicata est atque binas pinnarum series coalescere visas continet. Ad singulas branchias duo vasa, sc. Arteria & vena spectatur, quæ in citrorum aggeribus dispositæ propagines exiles utriusque generis per universas fimbrias disponunt. Cæterum præter hos quatuor vasorum ordines tot insuper foraminum vasa hæc interjacentium series reperiuntur; quæ item ductibus manifestis in pinnarum interstitia aperiunt & illic aquas musculorum circularium commissurâ inferiori absorbas deducunt. Pariter habere in piscibus crustaceis infra monstrabimus.

Quoad Branchiarum motus *analogia* patet, musculos circulares, qui eas includentes utrique testæ innituntur, modò relaxatos ad extremas testarum margines pertingere: quo instanti etiam Branchiæ relaxatæ aquas imbibunt simulque ex iis pabulum nitrosum hauriunt: modò contractos introrsum deduci, simulque branchias ad exprimendum aquas recens admissas cogere.

EXPLICATIO FIGURARUM TAB. LXXIX.

FIG. 3.

Exhibet *Ostreum* testa exemptum & integrum, ut partes ejus, quomodo in situ naturali se habent, conspiciantur.

- A. Ostrei caput, in cuius angulos
- B.B. musculi circulares totum corpus circumdantes terminantur.
- C. Hiatus inter musculos & branchias ad os ducens.
- D. Superior hepatis portio, coloris fusci, ventriculo incumbens.
- E.E. Oesophagus ab ore ad ventriculum ducens.
- F.F.F.F. Intestinum à ventriculo versus musculi recti angulum descendens, quod inde intortum & convolutum supra hepar ascendit, ibi demersum in G. emergit ac in anum terminatur.
- H.H.H. Cutis cum carne glandulosâ & adipe, viscera tegens & interjacens.
- I. Cavitas in quâ Pericardium cum corde & vasis.

Tom. II.

- K. Musculus rectus cum fibris perpendiculis, testas aperiens.
- L. Musculus alter rectus, cujus tendines utrinque testæ accrescentes eas occludunt.
- M. Ejusdem musculi crassities & fibrarum altitudo denotantur.
- N.N. Musculi circulares è latere dextrò Branchias includentes.
- O. Musculus circularis superior Branchiis incumbens, extra situm evolutus, ut Branchiæ conspiciantur.
- P. Musculus circularis inferior, Branchiis substratus.
- Q.Q. } Eorundem musculorum partes, è latere ostrei sinistro consistæ.
- R.R. }
- S. Sinus, ubi musculi utrique circulares eorumque partes dextræ & sinistræ coeunt Ductum pro aquis ad Branchias admittendis & inde excludendis constituunt.
- T.T.T.T. Branchiarum cirri quatuor inferiores, qui tenuiores & latiores.
- V.V.V.V. Earundem cirri superiores, crassiores & contractiores.

T

FIG.

FIG. 4.

Repræsentat Ostreum apertum & evolutum, ut viscera ejus & partes internæ conspiciantur.

A. A. Duæ Branchiæ à superioribus dissectæ & extra situm proprium remotæ, ut os ostrei pateat.

B. Ostrei os.

C. Oris velum sive Integumentum.

D. Branchiæ duæ alteræ superiores in situ propriæ, cum vasis perreptantibus.

E. Hepatis portio superior obscura, sub quâ ventriculus latet.

F. Cor Pericardiò nudatum, cujus auricula ampla & nigricans.

G. Aorta, mox ab egressu cordis in tres ramos divisa.

H. Ramus primus versus caput ascendens.

I. Ramus secundus in musculos rectos.

K. Ramus tertius in Branchias tendens.

L. Venæ cavæ truncus, cordis auriculam ingrediens.

M. M. M. M. Branchiæ inferiores cum musculis circularibus ab Ostrei corpore, ubi adhærebant, abscissæ & expansæ, ut illarum ductus & cavitates aspiciantur,

N. N. N. N. Branchiarum juga sive principia, quibus singulis vasa, scil. vena & arteria O. O. O. O. inequant, & foramina P. P. P. P. interjacent.

Q. Q. Q. Q. Branchiarum Earundem extremitates sive finbriæ.

R. Musculus circularis inferior lateris dextri extra situm, ut conspici possit.

S. S. Ejusdem portio, qua ostrei fundo cohærebat.

T. T. Ejusdem portio quâ ostrei latus sinistrum circumdans portioni V. cohærebat.

W. W. Musculus circularis superior lateris dextri, complicatus & contractus, ne Branchias abscondat.

X. X. Ejusdem portio, quæ ostrei latus sinistrum circumdans portioni Y cohærebat.

Z. Z. Branchiæ superficies, in qua pinnae sive ductus striati, pro humore vitali, aquisque ingerendis regerendisque apparent.

1. Ostrei limbus inferior, à quò Branchiarum juga & musculi circulares abscinduntur.

2. Intestini portio in anum desinens.

3. Anus.

NOTA.

De OSTREIS ANGLIÆ VIRIDIBUS, Batavis Grünpatices dictis, tam genuinis, quàm Spuriis, ut & Venetis, Belgicis &c. Vid. plura notabilia in Ephem. Acad. Nat. Cur. Cent 7. & 8. p. 450. & seqq.

S E C T I O C V I I I .

DESCRIPTIO ANATOMICA OSTREORUM HOL- SATICORUM

D. Job. Lud. Hannemanni Prof. Kiloniensis.

CAPUT I.

§. I.

Memorabile est, quod sapientissimus Ægyptiorum sacerdos *Hermes* scrutando naturam, tam accuratam summi naturæ opificis sibi acquisiverit notitiam, ut citante illum *Helvetio* in hæc eruperit verba vere Christiana: Gott scheint allenthalben / und durch alle creaturen hat auch deswegen alle Dinge zu seiner Erkandniß geschaffen; dann es wird in der Welt nichts gefunden / darin nicht ein Stücklein der gött-

lichen Krafft sey zu verspühren. Quibus & unumquemque literarum cupidum & Christianum physicæ operam navet, sedulo adhortatur. Aliqui autem juxta propositum scopum philosophiam naturalem ut studiorum parergon, qua non instructus eruditus dicitur nemo, negligenter tractant: aliqui huic mari vastissimo totos se committunt tam jucunditate quam studii capti utilitate. Varia quoque rerum genera, sua diversitate rimantem mire delectantia, allexere, totum me physicæ tradam & hujus universæ scientia animum pascam. In Aëre, in terra, in aqua, ut alias res taceam, animalia

animalia in hominis usum creata, comparent innumera: ut etiam physico littus arare, quod aliis frustra esset laborare, competat, nec sine fructu atque delectamento, pro littoris varia consistentia aquæque differentia, novum eruditionis ipsi offertur objectum. Hic conchæ, ibi cochleæ, Gammari, astaci, cancri, purpuræ, pectines, chamæ, Ostrea, & conchyilia aliæ, quæ, quod in fluidissima aqua crustam induant durissimam, notanda sunt maxime, reperiuntur & merentur indagationem. Quorum Ostreis quia superbit Holsatia vicinas regiones fructu suo marino delectans, in animum induxi ea in oris Holsaticis quærere, secundum artem frangere & benevolis lectoribus, cibi instar tenui licet Minerva præparati, offerre.

§. 2. Antequam autem rem ipsam aggredimur, inquiramus in nomen jubet quidem communis scribendi modus, ast Philosophus non tamen verbis, quam rebus ipsis inhæreat ex Cicerone docet Vir quidam Magni nominis: *Von einem Philosopho, wird nicht erfordert / daß er wohlredend sey / sondern daß er muß der Sachen ein genügen thun.* Magnæ præterea de nomine non sunt difficultates. Germ. *Auster* dicunt Holland. *Oesters*, Angl. *The oyster*, Svec. *Ostra* Lat. *Ostrea* vel *ostreum* quod a græco ὄσρεον quasi ὄσρεον quod testa velut ossæ tegatur, ut narrat Jonstonus. *Ostrea* pro genere *universo testaceorum sumi docuimus.* Nunc *speciatim pro iis testaceis usurpo, quæ, Galli Huîtres vocant inquit Rondeletius.* Satis itaque notum cum sit quid per ostrea intelligamus, cætera missa facimus, & ut cuinam ex variis generibus, quæ a loco natali ut plurimum dijudicat Jonstonus *H. N. de Exang. aquar. C. 1. art. V. Punt. 3.* adscribantur nostra, sciamus; e re erit illuc properare unde Holsatica capiantur. Recenset Jonstonus (1.) *Limnostrea* ut *Aristoteles*, quæ in stagnis marinis nascuntur (2.) *Littoralia*, quæ in littoribus inveniuntur, nec non saxis limi & aquæ dulcis expertibus. (3.) *Pelagia*, seu marina quæ in mari nascuntur, parva & rara. (4.) *Britannica* (5.) *Santonica*, (6.) *Burdigallensis* (7.) *Circaea*. (8.) *Ahydena* (9.) *Lucrina* (10.) *Brudusina* (11.) *Cumana*. Dari quoque *Sylvestria* & *Gayderopoda* docent autores: imo a terræ motu antea ignota in lucem venisse, ut Jonston. quæ nominamus subterranea. Inter hæc recensita, conveniunt Holsatica cum pelagiis seu marinis, in mari Cimbrico inter insulam Silt & Holsatiam loca quæ acceperè commodissima. Sirtes ibi sunt: Dracht, Hunneck, Legghörn, stenack, Eydendeep. underföhr. &c. quæ sirtes sunt ostriferæ, maris quia fundi consistentia pinguior est. Constat fundum arena admixto limo nigerrimo, pingui, qualia loca si in medio mari experiuntur bolide piscatores, certi sunt ostrea ibi generari. Quod & *Aristoteli* fuit notum dum inquit: *Ostreis, qua*

cænum ibi origo consistit Hist. animal. L. V. c. 15. More solito bolidi calefactum cum illi nunt sevim, in mare demissæ adhærere percipiunt aliquid de fundi materia, vel limus, vel arena, vel sabulum, vel etiam saxa si adsunt signum relinquitur in bolide obtusa: fundum vero ostriferum, sentiunt molle, nihilo fundi sevo bolidis adhærente, pinguis enim limus & bolidis sevim propter intervenientem aquam non cohærent. Talis est locus in quo vitam degunt Holsatica ostrea, nec aqua dulcis, qua gaudere ea ex *Plin. L. 32. c. 6.* scimus, deest, suppeditat ipsis eam rivulus, Wydau dictus Tundera in mare se insinuans.

§. 3. Cognito sic loco & cui generi annumerentur; quo labore in maris fundo jacentia, cum nec hamis, nec retibus, nec solis manibus, ut in quibusdam locis fit, capiantur, indicare non erit inconueniens. Cymbæ vel navigia in sicco ob maris refluxum constituta quia sunt, expectant maris fluxum piscatores, quo adveniente cymbas parant & se ad laborandum accingunt, accincti vela dant ventis; ad locum dum perveniunt ostriferum, instrumentum ferro grave, constans duobus ferreis baculis in initio connexis, sensim vero ubi amplius occupant spatium baculo ferreo junctis, ut nempe rete (loris ex pelle bubulo exfectis confectum) in illorum incurvatis finibus, qui itidem transversim posito ferro non rotundo sed depresso & acuto quasi, ut fundum fortius radat, juncti, extensum retineat in se ostrea, projiciunt, validiore fune posteaquam hoc instrumentum navigio alligavere. Secundis tum ventis vela exponunt, & sic vehendo instrumentum ferreum fundum ob gravitatem quod arat, abrafa in reti annexo continet, per ostrarium trahunt: deinde tollunt, ut rete rebus in maris fundo inventis evacuent, non enim ostrea solum, sed lapides, tegulas, ossa, & limi quantitatem extrahunt. Quanta cum molestia hoc fiat, dicant multi illi piscatores incurvati a labore & quasi fracta dorsî spina qui incedunt. Evacuatum rete iterum projiciunt & super eandem sirtem, mutato cursu ut ventis agantur, navigant, hosque labores sæpius iterant, donec vel desiderio eorum satisfactum vel ob maris refluxum littus legere cogantur. Labor hic non solum valde gravis, sed & ob foetorem, quem limus exhalat ingentem, nauseosus: fætor seu malus odor etiam ipsis inhæret ostreis, levis vero quia est, gratus est.

§. 4. Lecta ac a limo foetido separata ostrea formam primo nobis ostendunt rotundam ferre, ast depressam. Testæ enim duæ sunt partes, inferior plana superior convexa magis. De quibus ex Aldrovando ita Jonstonus l. c. *Quod ad formam ostricarum attinet, Bellonius inter bivalvium genera hoc peculiare aut esse ostrea, & pectini, ut partem habeant pronam & supinatam, quarum altera sit turbinatior ac præ-*

humida altera vero plana. Superior & prætumida a protuberantiis linearum aspera magis est. Testa inquit Rondeletius foris sordida & luto obducta, ex crustis multis sive laminis constantes, intus leves & alba. Mirum sane, quod in limo hoc nigro candidissima se servant nostra Holsatica, ut, postquam eorum asperitati adhærens terra bene abluta est, apparet; cum tamen conchæ, cochleæ & conchyliæ alia a loco natali colorem sibi non raro assument. Et ostrea alibi alio gaudent colore. Variant colore ait Plinius L. 32. c. VI. rufa in Hispania, fusca in Illyrico, nigra & carne & testa Circæ. Ex eadem fortassis ratione quam de purpuris profert Vitruvius Lib. 7. archit. c. 13. dum ait. Non habet in omnibus locis, quibus nascitur, unius generis colorem, sed solis cursu temperatur; Itaque quod legitur Ponto & Gallia, quod hæ regiones sint proxima ad septentrionem, est atrum, progredientibus inter septentrionem & occidentem invenitur lividum. Quod autem legitur ad æquinoctialem Orientem & occidentem, invenitur violaceo colore; quod vero meridianis regionibus excipitur rubra procreatur potestate. Veteriora tamen Holsatica testæ exterioris candorem temporis tractu amittunt, non quod transmutetur eorum color a candido in atrum, sed quod inter laminas, annorum serie accretas, limus niger se inserat & candorem obfuscet. Laminæ hæ secundum ordinem dispositæ, quoniam in minoribus paucæ sunt, in majoribus copiosæ satis, ansam dant indicandi ostreorum ætatem. Si enim consideramus accuratius testacea alia, ut Gamma-ros, astacos &c. quotannis sic regente alma natura, integumenta sua deponunt, subcrecentibus novis, statuere non dubitamus testæ ostrei laminam aliquam quotannis adnasci: In apri-eco cum sit certo anni tempore ostrea magnas pati alterationes. Ut Gammarus suam deponit testam, sic Cervi quotannis projiciunt suam cornua, in bobus cornua non decidunt sed temporis tractu aucta circulos ostendunt varios, ex quorum numero annorum numerus definiri potest. Idem fieri in aquatilibus apud Aristotelem videmus. Hist. animal. L. V. c. 15. ita de purpuris dum inquit: *Annos circiter sex purpura vivunt & singulis annis incrementum earum patet per orbes, quibus totidem quot annos habent.* Hinc quoque pro certo describi illorum non potest magnitudo. Dicit quidam Jonstonus & alii Marina ostrea esse parva & rara. Hic manus latitudinem ut plurimum æquant, nisi quod interdum longe majora inveniantur, ter, quater cætera prævalentia, & quæ quinque librarum pondere se commendaverunt. Hæc nempe inter saxa diu abscondita fuere, & magnam adeptæ ætatem ut etiam propter vetustatem musco fuerint obducta, quod sæpius fuit observatum. Non itaque dubitamus quin per multos annos viventia, in longe

majorem excrescant molem. Circa Byblum parvam insulam India, ostrea petris adnascuntur decuplo majora his, quæ apud græcos reperiuntur. Philostratus. Ex Bellonio Gesnerus. Grandes enim sunt quæ pelagia ex oceano Lutetiam adferuntur. Confirmat hanc sententiam maxime Johannes Eusebius Nierembergii. N. H. Lib. XI. c. 66. Ostrea inquit in mari Indico ita ampliantur ut unius caro viginti quinque pondo sit aliquando, auctor est Pigafeta. Extendit ad libras quadraginta septem in Regni Burneo, Maximilianus Transilvanus. Cui assentit Hieronymus Cardanus De subtilitate in Lib. X. de animal. perf. Sunt in mari Indico juxta Burneam, quæ ad æquinoctii circulum posita est, ostrea magna adeo, ut pleraque carnem contineant ponderis librarum 25. Inventa sunt etiam, quorum caro 44. libras æquaverit. In immensam tamen excrescant molem nemo opinetur, ut potius certam magnitudinem ipsis a natura, ad justam dum pervenire ætatem, esse concessam, statuendum; id licet nos in tam abstrusis & sub aquis absconditis animalibus non possimus definire. Nostra majora fieri posse, nisi obstaret cœli clima frigidius firmiter credimus; loca enim ut indicavimus supra, habent commodissima, & quod loci commoditas & alimentum copia ostrea grandiora & meliora efficiat docet Rondeletius.

CAPUT II.

§. I.

Testam sic lustratam, quo ipse domi hospes compareat, frangimus. Quæ aperta in oculos primum incurrit splendor testæ interioris, qui albus variegato plerumque colore matris perlarum instar sese commendans; nisi quod loca quædam conspiciantur ex calce quadam subtili intra testæ laminas hærente albidiora, & magis elevata; deinde album ostrei corpus quod nunc examinemus. Excell. Willisium anatomiam Ostrei qui communicavit, in Tr. de Anima Brutorum, sequentes, dum cultro anatomico ostrea subiciebamur, cuncta ab ipso indigitata invenimus; chyli viam insistentes primo os nominamus, quod est foramen aliquod sive initium canalidis ad ventriculum tendentis seu œsophagi, qui brevis & rectus inter musculos duos circulares unitos, quoddam quasi velum pro tegendo capite formantes, jacet. Ventriculi cavitas amplior ut nempe aqua assumpta diutius contineatur, & digeratur antequam per ordinarias vias in humorem vitalem inducatur. Ventriculo affixa sunt corpora subfusca, quæ existimat Willisius mesenterii & hepatis loco esse. In hepate bilem separari, succus qui est amarus, neminem quia lateret, sapore quoque nobis innotescit hepar, nostri Ostrei hepar (ut de Gayderopodis Bellonii, Venter & hepar sunt pessimi saporis) gustui magis ingratum. Præterea videtur illud nobis

indicare

indicare color hepatum subfuscus, a lentiore humorum per illud circulo, ut in animalibus observatur perfectis. Quod autem dicit *Willisius* puriorem chyli partem ab hepate statim absumi, contrariari ei opinamur (1.) Chyli materiam subtiliorem destinata humoris vitali, nutritioni aliisque causis, (2.) Hepatis officium, quod est transcolare humorem amarum, ad separandum a facibus chylum in intestino. Unde & tam longus creatus intestini tubulus, ex imo ventriculo incipiens, cum tubo plano & æquali versus muscoli recti angulum dextrum descendit, ubi in se convolutum & retortum, rursus supra ventriculum & hepar ascendit, inde demersum ac in sinistrum latus reflectum juxta muscoli recti limbum incedit, donec in anum definit. Rationem longitudinis hujus intestini addit *Willisius* : Longissimo gyro plus quam in aliis quibuscunque animalibus circumducitur, quo quidem stercora diutius retinere queat, scilicet cum in sicco degit, ea importunius deposita lymphas ob vitæ pabulum testis inclusas (dum eis miscentur) polluant. Ast cum in omnibus animalibus intestina sint longa, & in eis cum perfectis animalibus convenire ostrea opinemur, quod per intestini latera communicetur humoris vitali chylus, etiam si vasa ejusmodi chylifera in teneris hisce partibus ostendere non concedatur : pro certo tamen, asserimus, invenimus enim in intestino excrementa jam prope exitum solidiora, quam in medio intestino : evidenti testimonio, in intestino tenue quid separari a crasso, & per vias, nobis licet incognitas, educi.

§. 2. Infra *Ventriculum* (pergit *Willisius*) *pericardium*, cor albicans cum auricula ampla & nigricante, includens, quo aperto illud pulsare conspicitur, & quoque diastole humorem vitalem e *vena cava*, in auriculam admittere, dein quoque systole eundem in *aortam* e regione colitam, propellere; dein juxta vasis hujus ramos tripartitos, istius humoris pars quædam superius tendit versus caput, hepar & stomachum; item; portio quædam in musculum rectum reflectitur; interim pars ejus maxima in magno arteriæ trunco, ad *branchias*, delata, ibidem intra ductus minutissimos & valde numerosos velut exiles rivulos explicatur, ut secundum omnes suas partes corpusculis nitrosis, ab aqua inspirandis, frui possit. Et quo hoc uberius fiat, advertimus aquam non modo extimas branchiarum superficies, prout in piscibus sanguineis, alluere; verum ubique penitiores eorum ductus & intimos quosque secessus subire. Quin imo ipsæ branchiæ per ostrei hemisphærium, & amplius expansæ, cuncta alia viscera, fere item partes mole superant. Ob oculos hic ponitur fons humoris vitalis (quem sine jure negat *Galenus* Lib. IV. de

præf. ex puls. dicens: *vitalem vim non habent*), per tres majores ramos versus totum corpus vitam mittens : Ad hepar & stomachum, ut firmetur ventriculus, in hepate vero separetur biliosus humor, ad musculos pro motu a spiritibus excitato confirmando : non enim soli spiritus ad musculorum motum sufficiunt, nisi simul accedat humoris vitalis influxus, magni licet nominis viri id asserere non dubitaverint. Ad caput quoque tendit humor vitalis ut creentur spiritus varium humoris motum variumque inducentes effectum. Hi propelluntur ex capite per corpus quoddam subdurum & fere rotundum, quod in fundo intestini eminet & ab ano ad ventriculum ascendens ibidem emergit & sub oesophago versus caput protenditur, quod spinalem medullam nominat, *Willisius*, durum autem cum sit, verius fasciculus nervorum dici potest. Ramulos nervorum per totum corpus dispersos indicat *Ostreorum* sensus; nullum eisdem inesse sensum apud *Plinium* equidem L. IX. c. 47. legimus, sibi met ipsi vero contradicit dum Lib. X. c. 71. *Tractus sensus omnibus est, etiam quibus nullus alius : nam & Ostreis & terrestribus vermibus quoque.* Visu carere ea recte docet *Plin.* item Lib. X. c. 69. *In marinis ostreis auditum esse non est verisimile : sed ad sonum mergere se solent, ideo & silentium in mari piscantibus.* Quod hisce in locis non observatur, cum nec piscatores sileant, nec se mergant ostrea quæ lapidum instar in limo, vel lapidibus adnatæ jacent.

§. 3. Ad branchias etiam humor vitalis mittitur inde aëre ex copiosiore aqua dotatus, ad interiora rursus tendit. *Ostrea licet vitam in humore exerceant nihil aëris vel humoris recipiunt*, ex *Aristotele* inepte docet *Gesnerus* L. IV. de Ostreis : Ignarus absque dubio ostrei branchiarum; idem enim *Belonti* verbis, *Aper-tas gayderopodas si quis attentè intrabitur, in his branchias, &c. addit : atque nullam ex testaceis branchias habet* : Has autem una cum musculis circularibus, ut alii, *Lacintam* vocavit. Branchiarum cirri quatuor, & cujusque illorum bini velut lobi sunt; nempe superior, latior & crassior, ac inferior, qui tenuior, & paulo contractior existit; in totis eorum ductibus, unaquæque duplicata est, atque binas pinnarum series coalescere visas continet; ad singulas branchias duo vasa, scilicet arteria & vena spectant; quæ in cirrorum agnibus disposita propagines exiles utriusque generis per universas fimbrias disponunt. Cæterum præter hos quatuor vasorum Ordines totius super foraminum, vasa isthæc interjacentium, series reperiuntur; quæ item ductibus manifestis, in pinnarum interstitia aperiantur : & illic aquas musculorum circularium commissura inferiori absorptas deducunt. *Pergit.* Quoad branchiarum motus *autoψία* patet, *musculos circulares*, qui eas includentes

„utrique testæ innituntur, modo relaxatos ad
 „extremas testarum margines pertingere; quo
 „instanti etiam branchiæ relaxatæ, aquas im-
 „bibunt, simulque ex iis pabulum nitrosum
 „hauriunt; modo contractas introrsum dedu-
 „ci, simulque branchias ad exprimendum aquas
 „recens admissas cogere. Præter circulares
 hos musculos duo alii apparent (De quibus ex
Perotto Gesnerus & Jonstonus. Spondylus in O-
streis dicitur callosum illud rotundum albicans,
quod intus habet in medio a similitudine spondy-
li.) recti dicuntur; quia fibræ eorum motrices
 perpendiculares, in medio ostrei consiti, testis
 per tendines, qui sunt adnati, motui aperiendi
 & contrahendi testas, inservientes. Motus
 alias ipsis tribuitur nullus, lapidum enim instar
 in imo maris hærent, etiam si singulare quid a
 piscatore quodam in Silt referretur de Ostreo a
 loco se movente. Dicebat se ante aliquod
 tempus invenisse Ostreum ob maris refluxum
 in sicco jacens, quod capere cum properaret,
 vidit se aperiens hauriendæ aquæ causa, dum
 vero tolleret, fortiter sese claudendo transilisse
 a loco tres propemodum ulnas. Singulare in-
 quam hoc etiam Pastoris sui præsentia jura-
 mento sancte licet confirmaret piscator; mo-
 tum tamen loco motivum ipsis tribuere non
 possumus. *Movere se ostrea nequeunt inquit*
Aristoteles, quod & quotidiana confirmat ex-
 perientia, quæ lapidibus, tegulis, aliisque re-
 bus adnata reperiuntur; quiete quoque sua de
 pertinaci proverbium suppeditant Erasmo Ro-
 terodamo : *Ostreis in morem hæret.*

§. 4. Unde suum capiant nutrimentum in
 siltibus immota jacentia ostrea, cum indicave-
 rimus fundi consistentiam, facile erit judicare.
 Aquam salisam, in qua limus pinguis ob aquæ
 continuum motum solutus, admixtus fluit,
 hauriunt, viscositatem, pinguedinem, & aquam
 natura eorum in humorem vitalem pro nutri-
 mento convertit; terra autem nigra ut excre-
 mentum per anum excernitur. Obstat qui-
 dem locus apud *Aristotelem* Lib. VI. Hist. anim.
 c. 13. Quod ostrea nutriantur phyco, i. e. alga.
 Plantæ quoque ad Silt multis in locis sub aqua
 crescunt, loco quoque suo, Oculo sæviente,
 avulsæ ad ostrea deferuntur; ast cum naturæ
 ipsis non concesserit instrumenta, quibus ejus-
 modi solidiora conterant, potius damno sunt
 herbæ quæcunque intra testas locatæ ne se oc-
 cludent ostrea, impediennes. Accedit, quod
 in ostreis huic simile quid nunquam fuerit re-
 pertum; proin ad nutritionem nihil facere, nisi
 ponamus herbas ejusmodi exhalationibus suis
 aquam inficere & ad magis nutriendum dispo-
 nere: quod innuit Exper. D. *Herm. Nic. Grim.* in
 observatione de margaritarum piscatura, apud
 insulam Manaar prope Ceilon sitam. Imo in-
 quit *cerium est Ostreas purissimi hujus sætus ma-*
rini matres ut plurimum in fundo arenoso, fibril-
lis quibusdam viridibus, & viscido musco invi-

cem colligari, atque separatas ab eo cito emori,
non levi documento, muscum illum nutritioni
& propagationi earum haud parum contribuere.
 Ipsas sic herbas ab ostreis in nutrimentum as-
 sumi probari quia non potest, recte asserimus,
 Ostrea aqua nutriri. Cujus rei evidens testi-
 monium suppeditant *Ephem. Gall. Journal*
des sçavans Ao. 1667. M. Avril P. Du Tertre
Jacobin. p. 172. Cet auteur assure qu'il a vu
 dans une petite Isle qui est proche de la Gua-
 deloupe, quantité d'arbres si chargez d'huitres
 que les branches en rompoient, il ne dit pas
 qu'elles viennent de ces arbres, mais seulement
 qu'elles y croissent & S'y nourrissent, Sa pen-
 sée est que les vagues de la mer venant à la-
 ver ces branches, la semence d'huitre S'y at-
 tache, & qu'après que les huitres sont écloses,
 elles croissent sur ces arbres & S'y nourrissent
 d'autant plus facilement, que leur poids fai-
 sant courber les branches, elles sont rafraichies
 deux fois le jour par le flux & reflux de la Mer.
 Asserit autor in parva quadam insula prope
 Guadeloup multas esse arbores ostreis adeo onus-
 tas, ut frangantur rami earum. Non dicit
 ea ex arboribus generari, sed quod ibi crescant
 & incrementum capiant, putat ille a maris flu-
 ctibus arbores inundantibus ostrearum semen
 illuc delatum, hære; Et cum ibi excludan-
 tur, crescere in arboribus & pondere suo ramos
 quia deprimunt, nutriri facilius, quæ de die
 bis a fluxu & refluxu maris refocillantur. Idem
 in Plymouth observari nunciat p. 231.

§. 5. Objiciunt alii multa in aquis reperiri
 insecta & ejusmodi nutriri posse ostrea, præci-
 pue a vermibus & *See-Fladen*. De quibus
Gesnerus: Audio animal esse marinum: substan-
tia flava ovi prope vitello similis, glabra, mol-
lis, & quæ ictibus cedat, tenuis & instar ovi in
aquam effusi: moveri, contrahi, dilatari, in-
strumenta corporis nulla habere: quod si recte
leporibus annumerari poterit hoc animal See-
quapp dictum i. e. Rubeta marina, alterum e-
tiam ipsi maxime cognatum sed albi coloris, quod
Meerschum nominavimus, id est, marinam spu-
mam, leporum aliquod genus fuerit. Perinde
 nobis est ad quodnam genus reducant, num
 fungum marinum dicant, vel spumam vel le-
 porem vel urticam; hic *See-Fladen* dicunt ad
 Silt *Biehfoot*. A tali animali nutriri posse
 ostrea opinantur aliqui, quod viderint in ma-
 gna copia illic inveniri, & ostreis ipsis inter-
 dum adherere. Respondemus: vermes ibi
 qui sunt, sub arena & limo versantur, ad spu-
 mam marinam vero quod attinet, movere se
 quæ potest, etiam contra aquam ventis agita-
 tam, præterea nil animalis ostendens, notan-
 dum est, ejusmodi potius damno esse ostreis,
 quæ sunt venenatæ, (ut de lepore dicit *Gesne-*
rus.) Acres eas esse & piscium oculos, quibus
 casu incidunt exedere piscatorum est sermo.
 Observatum fuit sæpius, quod retibus adherens
 talis

talismodi spuma marina & per hyemem in domo exsiccata, forte fortuna in manibus piscatorum dum retia tractare, pulverem subtilissimum reliquerit, qui, manu naso admota, non sternutationem solum ingentem & inflammationem caulavit, sed & intumescere fecit nasum: Acredinem magnam ostreis noxiam quod indicat. Idem probat, Historia de navi tabacum vehente, quæ postquam iniquo cum Neptuno diu luctati fuerant nautæ, ad angliam prope sirtes quasdam ostriferas fuit fracta; nicotiana ab aquis soluta & dispersa effecit, ut in vicinis locis ostrea omnia perierint, turbavit nempe illorum humorem vitalem nicotianæ acredo, insolitumque motum humoribus inducendo, necavit. Firmiori itaque talo stat nostra de aqua Ostreas nutriente sententia.

§. 6. Quo alantur cibo satis nunc exploratum: ad eorum itaque pergere generationem, instituti jubet ratio. Acturi autem de generatione, ardua incidit quæstio, num inter ostrea hæc sexus detur differentia, sine qua in animalium regno multiplicari non datur. (*Aristotelis* de hac re sententiam plane rejicimus L. 3. de Generat. Anim. c. XI. inquit. *Omne genus testarum sponte institui, apertum hinc est quod navigiis putrescente face spumosa adnascuntur, & locis multis ubi nil tale aderat ante, post per inopiam humoris facto cæno Ostrea provenerunt. Ut apud Rhodum insulam, cum classis applicuisset, & fœtalia projecta essent in mare, tempore post cæno obducto testis ostrea in iis reperiebantur.*) Distinctionem sexuum à partibus genitalibus desumi, neminem latet. Quæ cum non adsint, recte eis nullum sexus discrimen ex *Plinio* & *Oppiano* adscribit *Jonstonus*. *Sexus discrimen non est, inquit Gesnerus* L. IV. de Aquatilib. Apud eundem *Gyllius* ex *Oppiano*. *Illorum (ostreorum) neque fœmina neque mas distinctus est, sed ejusdem natura sunt, atque adeo inter se similia ut non marem a fœmina internoscere possis.* Multi quidem recentiores, quia invenere illorum ova, cum animalibus etiam in sexus distinctione convenire putaverunt, & lac prolificum in maribus, in fœminis ova generari. Sed vereor ne in illos cadat illud *Gesneri*: *Somniant inquit grammatici quidam Musculos quasi musculos dici, quorum lacte (utpote genitura marium) concipiant ostrea.* Obstant sequentes rationes (1.) Immota jacent nec semina miscere possunt. (2.) Nulla, ut in piscibus sexus apparet differentia. (3.) Ex piscatorum unanimi sermone constat, omnia ostrea æstatis tempore lac emittere. *Grandescunt inquit Plinius* H. N. L. 32. c. VI. *syderis ratione maxime, sed privatim circa initia æstatis multa lacte pręgnantia, atque ubi sol penetrat in vada.* Hinc & nostri piscatores. *Die östers werpen den saar.*

§. 7. Nos & ova & lac in uno eodemque ostreo simul generari asserimus, nunquam e-

nim in animalibus nisi comitata viscositate excernuntur semina, quæ viscositas hic a colore lac nominatur, & mediantibus ovis, quæ in se continet, multiplicat. Licet contrarium probare conetur *Aristoteles* de Gen. Animal. L. III. c. XI. dicendo: *Nihil partis genitalis emitte ab iis argumentum est, quod cum Chii quidam ex Pyrrha Lesbii insula ostreas vivas portassent, & in loca quadam mari reciproci æstus, & luto similia dimisissent, plures nihilo fuere temporis spatio, quanquam incremento corporis plurimum profecerunt. Quæ autem ova appellantur nihil ad generationem conferunt, sed indicio sunt nutritionis melioris quale in sanguineis pingue est.* Hujus vero generationis defectus ratio varia cum esse possit, oculationis *D. D. Jacobi Brachii* De Ostreis observationem amplectimur. Desinente jam vere, inquit, & totum æstivum tempus usque ad initium autumnii ostrea in Venetis aquis lac, ut vulgo dicitur, præbent, & emittunt quod etiam recensuit *Plinius* dicens: *Nuper compertum in ostreariis humorem ostrei fœtificum lactis modo, effluere & paulo obscurius apud Aristotelem, habemus, ostrea obtinere tamen ex putri pro ducta aliquid prolificum quamvis non coëant;* Et *Petrus Gyllius*, Byzantinos ostrea serere, & eorum quasi lac seminare, a spectata fidei viro se accepisse scribit; Si vero cum perfecto microscopio impigre perpendatur, & consideretur supra dictum lac, ova fere innumera, conspiciuntur & apparent, ac id temporis eorum spondylus, callosus, scilicet illud rotundum, albicans, quod intus habent in medio, imminuitur & exsuccus fere perspicitur; lascinia vero & circumspersa reliqua caro (musculi, scilicet cum branchiis) durior ac solidior tactu, percipitur, gustuque experimur. Inprimis, igitur, de se ostendit circa carnem in testa humor albicans, & primo accessu tenuis ac dilutus, processu autem temporis absumitur, humor, & nigricans incongesta materies pulvis adinstar oculis occurrit; dum albicans humor cum microscopio sedulo ponderatur, duplicis conditionis reperiuntur ova; Primo, quædam integre albicantia & inæquali rotunditate prædita, uniformis adinstar pillulæ, quæ immobilia in salso liquore permanent, & per consequens prima & imperfectiora animatio nis rudimenta possidentia; 2. Quædam alia, alba quidem & rotunda, primis autem paulo compressiora, ostreariam quasi configurationem aperientia, lineamque nigricantem, toto spatio, quo testæ referantur habentia; Hæc insuper moventur, & ab inferna testæ superficie discedentia, motu spirali ad superum usque circiter conclusi humoris horizontem feruntur; hinc inde vero linea recta, perpendiculari usque ad fundum testæ præcipitant, denuoque ut prius resurgunt, postea, que concidunt: hoc autem in ovis fit usque, ad

„ad perfectiorem animationis gradum; tunc
 „ostrea testas perfecte arteque occludunt, ex-
 „terno humori prohibentia ingressam, interno
 „interim pro nutritione ovorum, sese paula-
 „tim absumente, atque id temporis nigricans
 „illa incognesta materies pultis ad instar appa-
 „ret, qua sedulo perpensa, ova perfecte ostrea-
 „ria figura, nigroque colore prædita conspi-
 „ciuntur, quæ vel deficientia humoris, vel
 „quia perfectioris acquisitione formæ motu
 „non egent amplius, immobilia in testis per-
 „manent, donec a genitrice excernantur, va-
 „riisque locis, uti ligno, limo, lapidibus, ac aliis
 „insideant, & adhæreant ad perfectiorem figu-
 „ram testarumque materiem adipiscendam.
 „Ephm. N. C. Dec. II. A. 8. obs. 203. A sole
 appropinquante, mundum suo calore per æ-
 statem magis vegeter, excitantur ostreorum hu-
 mores ad quandam fermentationem, qua semi-
 na colliguntur & mensibus ut plurimum Ju-
 nio & Julio ad multiplicandum disponuntur:
 Semina eliminata à solis calore etiam ex claudun-
 tur. Quod dicit citatus autor de forma Ostrei
 adhuc in genetrice existentis, opinamur non ad
 ostreum ipsum sed ovuli exteriori membrana
 referendum, quæ, posteaquam corpori
 alicui adnatum est ovulum, se aperit, intus la-
 tens foetus quia crescit. Hæc vero, dum sen-
 sim crescit Ostreolum, etiam ampliatur, haud
 secus ac in animalibus perfectis secundinæ, &
 parvam quandam casam vel sepimentum, ne
 nempe teneriores ostrei partes ab aqua fortius
 comprimente turbentur, constituit, & tamdiu
 crescit donec solidiores factæ sint ostrei partes:
 Tum marcescit ac decidit hoc sepimentum,
 in quo tamen antea libere se aperire & occlude-
 re, pro accipiendæ ex aqua nutrimento, poterat.

§. 8. Notari certe meretur, quod Ostreum
 sic inclusum situm non habeat alias naturalem,
 nempe in altera testa jacens. Sed in testis ad-
 huc mollibus stat quasi, ambæ quoque valvæ
 forma non differunt, pariter sunt convexæ, ut
 in conchis quotidie videtur; convexitas vero
 alterius valvæ a gravitate ostrei ipsi continuo
 incumbente & aquæ mole magis premente
 perit; manente alterius convexitate, quia cor-
 pus firmo jacens fundamento resistit. Satis
 itaque exinde apparet, situm illorum natura-
 lem esse, dum in plana & depressa testæ parte
 jacent. Quod maxime observant accurati pi-
 scatores una cum majoribus ostreis minora ca-
 pientes, dum hæc in mare rejiciunt, ita pro-
 jiciunt ut in testa plana cadant, alias perire ea
 sunt experti: Rationem addunt, nempe quod
 supina difficulter ad novam hauriendam aquam
 se aperiant; aquam haustam, donec tandem
 fatiscant, continent, ac consumunt. Hinc so-
 lent mercatores ostrea transferentes ad loca re-
 mota, conservare ea per aliquot hebdomadas
 cum habeant necesse, in navi certo ordine o-
 streis stratum superstratum facere, ita tamen,

ut unum quodque in testa sua convexa jaceat,
 quorum planas comprimunt alia suis convexis,
 stratum supremum tegunt alga viridi, (dang
 vocant in Silt) qua, si se aperiunt ostrea, recre-
 antur. Iter facientes per terras in Hollandia
 ostreis venalibus, in cadis & cupis (ut de navi
 dictum) Ostrea in testis convexis ponunt, va-
 si ostreis repleto superimponunt tabulam cum
 pondere gravi ut se aperire nequeant, vivunt sic
 diu ab aqua intra testas retenta. Solent &
 Hollandi ex Anglia translata ostrea in aqua ma-
 rina servare, donec sensim ea vendant. Melius
 vero se haberent, si ostrearum vivaria ipsis pa-
 rarent, qualia habuerint veteres, ut apud *Pli-
 nium* L. IX. c. 54. legimus: *Ostrearum viva-
 ria primus omnium Sergius Orata invenit in
 Bajano atate L. Croffi oratoris, ante Mariscum
 bellum: nec gula causa, sed avaritiæ, magna
 vestigalia tali ex ingenio suo percipiens, ut pri-
 mus pensiles invenit Balineas ita Magonizatas
 villas subinde vendentur.* *Gesnerus* inquit:
 Ostrea cum Romana res magnitudinis & lu-
 xuriæ fastigium teneret, Brundusio in Lucri-
 mum lacum transferebantur; ubi mirifice pin-
 guescebant. Hinc: *Martialis*:

Ostrea tu sumis stagno saturata Lucrino.
 Peregrinatione enim & transferri in ignotas a-
 quas gaudere ea docet *Plinius*.

§. 9. Jam dictis addimus, quod quemad-
 modum sol (ut indicavimus) promovet o-
 streorum generationem, sic lunæ attribuitur
 eorum augmentum & nutritio. In annot. ad
Plin. inquit *Lucilius*: *Luna alit ostrea; & Plinius
 ipse: Jam quidem luminari potestate, Ostrearum
 conchyliorumque & concharum omnium corpora
 augeri ac rursus minui.* Quod & *Horatius* Satyr. 4.

Lubrica nascentes implent conchyliæ lunæ.
 Rationem adducit *Gesnerus* L. IV. p. 760.
 dicendo. In causa sunt propriæ lunæ effectio-
 nes, quæ sunt rigare, & modico calore hu-
 mectare corpora. Luna igitur humores alit,
 ac regit, quemadmodum Sol suo calore foe-
 cundat omnia. Argumentis prolixis hæc
 ce confirmare, non erit necesse: cum non
 ostrea solum, sed & animalia omnia & plantæ
 (tacemus meteora) imo ipsa mineralia ab a-
 strorum influxu affici, a chymicis ostendi pos-
 sit; nos verbo ut rem complectamur ex *Mar-
 celli Palingenii* Zodiaco Vitæ proferimus.

Quid virtutis habet coelum? est vis omnis
 in astris:

Astra regunt orbem terrarum, atque o-
 mnia mutant. Non itaque sine causa ichthyo-
 polæ tempus, quo capiuntur ostrea, attendunt;
 crescente luna capta meliora sunt eis, quæ de-
 crescente capiuntur, hæc citius fatiscunt, illa
 diutius conservari possunt, unde & *Henricus
 Ranzovius* Cimbricus olim Produx, in suo
 Calendario: *Ostreas & omnis generis conchas
 jam capere incipe in hyemem usque semper luna
 crescente.* Tempore etiam hyemali præstantiora

esse nostra ostrea, quam æstivo, nobiscum sentit J. V. Beverwyck in *sein Schat der Gesontheit: De Oesters zün ophaer best van October tot Februaricus en na de tijt gaen se af.* ratio est, quod tum ad generandum disponantur, gustui acriores fiant, tum etiam Piscatores die Oesters werpen den Saat / num sin sie giftig.

§. 10. Superest jam, rationes ob quas nec plantis nec animalibus solum annumeremus ostrea, & sic non sine causa plantanimalia nominentur, paucis indicemus. 1. Motum non habent a loco se movendi, in quo tamen consistit præcipua differentia animalium ab aliis rebus. 2. sexu non distinguuntur, sed plantarum instar omnia simili modo imprægnantur ac generant. 3. Aqua nutriuntur. Nihilominus. I. conveniunt cum animalibus in anatomia. II. sensu; tactum habent. III. potestate movendi sua membra aperiendi se & occludendi. Harum qualitatuum quas judicemus potiores, a quibus fiat denominatio, cum multis aliis tacemus. Interea tamen quoniam *Galenus Ostrea modo animalia esse dicit, ut in libro 14. de usu partium, modo inter animal et plantam media, hoc est Zoophyta facit, ut in libro de formatione factus: Aristoteles vero absolute plantam vocat dum inquit Lib. III. de Generat. animal. c. XI. Alias eo quidem spectant, ut sicut planta ad terram, sic testata ad humorem se habeant, quasi planta ostrea terrena, ostrea planta aquatiles sint, nomen plantanimale & nos ipsis imponimus.*

CAPUT III.

§. 1.

Statum ostreorum naturalem hætenus ut perspeximus sic de eorum statu præternaturali ne quid neglexisse videamur, ad præstantiam Holsaticorum morbis quæ sunt immunia indagandam, paucâ jam subungere placet. Ante citatus D. Herm. Nic. Grim. in observ. de Margaritarum piscatura, inquit: *Variis casibus sunt obnoxia, aut morbus eas invadit, quo ante plenarium augmentum emoriuntur, aut alga copiosiore similibusve, quibus certa concha, his nociva adnascuntur easdem obtegente, aut graviore tempestate arenam super eas cumulante ac suffocante.* Eph. N. C. D. II. An. 3. p. 101. Ex Gesnero L. 4. de Aquat. p. 188. quoque constat intra ostreorum testas sæpius hospitari cancellos, quod sine ostrei incommodo non accidit, præsertim cum notum sit, cancros ostreorum carne delectari, qui in aperta ostrea, lapillos ne ab occlusis testis venatione sua frustrentur, injicere, & sic illæsi prædam extrahere solent. Hisce tamen omnibus frequentiorum & ostreis magis communem morbum nominamus *margaritas*, quas ipsis quidem denegat Gesnerus p. 768. l. c. Ostreorum nomen communius accipi existimans; ast asserunt contra illum id Tzetzes, Rondeletius, Bochartus, Tom. II.

Grim, & alii, hisce quoque in locis dubium alicui hæere non potest, cum probet experientia in ostreis ad Schagen, nostris quæ sunt similia, interdum margaritas reperiri. De quarum generatione discrepant quoniam autores pauca inferere licebit. Quidam putant margaritas ostreis esse os quoddam, alii ostrei fructus: alii existimant maris lapillos in ostrea incidisse; Alii aliud proferunt. Quæ omnia recte rejicit Stanislaus Reinhard Axtelmejer in *sein Naturlicht 2. theil. p. 187.* dicitque: Cardanus ist etiam näher kommen; indem er schreibt. Die Muscheln schwigen einen gewissen Saft aus ihnen selbst / aus welchem die Perlen erwachsen / indeme solcher liquor in die Rundung zusammen laufft / und in die Härte gehet. Wir aber halten die Sagung von dem gelehrten Rondeletio und anderer / daß die Perlen aus dem Fleisch der Aустern erwachsen / wie die Eynen aus dem Fleisch der Schweine / die Eyern in denen Fischen / und der Stein in dem Menschen / oder andern Thieren. Dieses bestetiget die Vernunft. Dann die Indtancer sagen / daß die grössern Perlen in denen Aустern allezeit die Nächsten an der Muschel sind / und die Kleinern am tieffesten im Fleisch / wie bey den Hünern die größten Eyer allezeit die nächsten am Ausgang sind / die geringern und kleinern am tieffesten im Leibe. So werden auch die Perlen in denen ältern Aустern und Muscheln gefunden / und entstehen aus einer zähen / schleimichten Materie / welche das Natur-Feuer auskocht und hart macht. Jedoch bleiben sie weich im Wasser / und verhärten an der Luft / wie die Corallen. Die tieff im Meer liegen / nemlich Muscheln / haben schönere herlichere und grössere Perlen / als die hoch liegen / und durch der Sonnen Wärme können bestrahlet werden / welche kleinere und dunkelere Perlen hervorbringen. * De materia viscida quam excoquit naturæ ignis satur hic noster auctor quid per hunc ignem intelligat, num calorem ostrei, vel ignis subterranei, vel ipsius solis later, quorum hic dicat perinde est, sufficere tamen minime, nisi modus, quo agat, indicetur. Sol, nostro arbitrato, eorum humores ad quandam fermentationem adigit (ut probat eorum lac prolificum) qua sine dubio acidum aliquod subtile, ut in humore unoquoque fermentante evenit, exoritur, quod acidum viscositatem, quam invenit, facile coagulat. Margaritas, eodem modo ac calculi in homine generantur, procreari cum Axtelmejer nuntiat ante citatus Experient. D. Grimm; hos acido alicui suam debere originem, probari potest. Variæ, quas proferunt quidam calculi causa nos minime fugiunt; a particulis terrestribus proprio pondere fundum

U

peten-

* Hæc falsa esse vid in Museo Muscorum Tom. I,

petentibus in renibus & vesica putant quidam, alii a phlegmate aliquo, cui facillime inhaerent salia, ut corpus durum constituent, alii aliud perhibent. Sed phlegmatis originem accuratius inquirenti constabit; coagulans aliquod in causa esse in statu naturali non apparens. De particulis terreis eadem est ratio; terra illa subtilis in humoribus soluta non subsidet nisi accedente causa aliqua præcipitante. Dicitur Rhenanum vinum disponere ad calculum & podagram, propter calcem subtilem, quam secum vehit: veritati vero magis est consentaneum, subtile vini acidum id efficere; Tartarus enim ipse plus calcis habens calculosis prodest magis quam nocet, quod probat & ipse Magni Philosophi Paracelsi lusus. Accedit, quod morbus hic in liberos non raro propagetur, quod fermento alicui peculiari in sanguinem infantis inducto est attribuendum. Ex vino quem admodum præcipitatur tartarus; sic ex urina præcipitatur ut plurimum calculus.

§. 2. Testarum anomaliam, quæ & in Holsaticis observatur ostreis, nunc annectimus, de lucentibus nempe vermiculis docent ex Ephemeridibus Gallicis, Acta Philosophica Societ. Reg. Angl. in literis binis exaratis a Domino Auzouto & Domino De La Voye, quarum summa reducitur ad sequentia specialia.

(1) Dominus De la Voye observavit ut opinabatur, quosdam lucentes vermiculos in ostreis; Dominus Auzoutus ea re cognita primo sibi imaginabatur non esse eos vermes (nisi forte disruptos) qui lucerent non enim poterat ullam partem vermis discernere, sed tantum lucentem quendam humorem glutinosum; erat autem lumen penitus simile stellæ coloris subcærulei, imo & minuta illa testæ particula, cui res lucens adharebat, exempta lucebat in aëre tota longitudine (quæ erat circiter quatuor quinque articulorum) quin etiam manui imposita aliquamdiu lumen sparsit.

(2) Deinde Dominus De la Voye curans ultra viginti ostreorum dodecades aperiri ad lumen candela, re ipsa in obscuro vidit ejusmodi, observavit eorum tres species. Prima fuit albida, habens utrinque singulos 24. aut 25. pedes bifidos. Ex uno capitis latere apparebat nigra macula, crystallina similis; dorsum simile anguillæ exuvie denudata. Secunda rubra & similis communibus Cicindelæ in campis repertis, quibus sunt plurimæ plicæ in dorso: pedes non absimiles prioribus: rictus canino similis, & oculus in capite unus. Tertia species est variegata habens caput simile soleæ, multosque cirros pilorum seu barbularum albicantium a lateribus.

(3) Præter dictos Observator etiam animadvertit, alios crassiores, & subcanos, capite crasso cum duobus cornibus, similibus cornuum Limacis, & septem octove pedibus albidis. Sed hoc genus, licet nocturne asservatum nullum sparsit lumen.

(4) Priores duæ vermium species ex materia constanter facile corruptibili, vel minima enim succussione aut tactu vertuntur in materiam glutinosam & aquosam; quæ decidens ex testâ, observatoris digitis adhærebat, inque iis lucebat, spacio 20. secundorum: Quod si vero aliqua materia illius particula, violenta testæ commotione in solum procidat, refert speciem particulæ sulphuris inflammatis: celerrime autem vibrata, lineole lucentis speciem præbet, quæ ante evanescit, quam terram contingat.

(5) Materia illa lucens est varii coloris, alia vero subrubra sed lumen commune sparsum ejus oculis videbatur violaceum.

(6.) Extremæ difficultatis opus est totos examinare vermes illos imprimis albos quia vel minimo tactu disrumpuntur & resolvuntur in humorem glutinosum; sic ut nisi pedes in materia eorum animadverterentur, nemo eos unquam vermes esse arbitraretur.

(7.) Duos qui materiæ paulo solidioris præ aliis videbantur, observavit tota longitudine lucentes; ex ostreæ testâ decedentes scintillabant, haud secus ac notabilis magnitudinis stellæ, clarissima nitens luce, mittebantque alternis vibrationibus violacæ lucis radios, spacio (ut antedictum) 20. secundorum. Quarum scintillationum causam observator tribuit vivorum vermium motui, jam elevantium caput, jam caudam more cyprini adeoque minuentium & augmentum lumen. Jam enim non lucebant amplius, cum accedens candela admota mortuos deprehendit.

(8.) Vehementi concussione testæ in obscuro, observavit integram refertam lumine, per vices extremitatis digiti magnitudinem exæquantem; & copia materiæ illius glutinosa & rubra & alba in quam ipse putat versos vermes in cavernulis suis disruptos.

(9.) Concutiendo testas observavit communicationes quascunque minutorum foraminum vermium, cum foraminibus cossorum vel terebinthi corrodentium ligna.

(10.) Plus quam 20. Ostreorum dodecades conquassavit; exceptis autem 10. vel 12. omnes sparsere lumen, quin etiam in ipsis ostreis, eisque numero sedecim & amplius, tale lumen observavit.

(11.) Frequentius est hoc lumen in majoribus ostreis quam minoribus in perforatis quàm quæ non sunt perforata, & facilius observatur in superficie convexa quam alias, inque recens quam pridem captis.

(12.) Decorticata aliqua parte superficiæ convexæ testæ, & aperta communicatione foraminum, in quibus sæpe memoratus humor viscosus seu glutinosus, insectorum quodammodo formam referens, invenitur, fætor sentitur qualem spargit aqua ostreæ compressionem disrupta.

(13.) Vermes irritati nullum spargunt lumen, aut certe lumen haud diu durat, cum contra, lumen

lumen in vermibus antea non irritatis daret; asserit enim observator se illud ultra duas horas observasse. In insula Silt cum daretur occasio inquirendi in ostreorum testas, inveni inter laminas loca quædam limo completa, inque illo, ut & testis durissimis, vermes, lumbricos referebant quidam & forma & colore, sed longitudine semên fânicali non superabant nec fili subtilis crassitiem, ejusdem coloris & formæ, minores multi, qui oculis nisi microscopio munitis videri non poterant: alii minii colorem habebant. Reperi quoque quendam corpore purpureo nigris maculis distincto cuius initium rotundum, penicilli formam ante microscopium præferebat: existimans limum esse, purgem admoveo subtilissimam acum, qua tactus vermis penicillum explicabat, erat bifidus, ambæque partes duobus mille pedibus supinatis non absimiles, ubi multi conspiciebantur pedes penicillum antea formantes, caudam ornabat appendix exigua, alba pellucida, & sacchari candi instar crystallos habens, quam caput dicerem si in omnibus videretur. (Vermes huic similes sed majores & ad caudam albidiores in terra ostrea regente sæpius reperiuntur.) Prædicti vermiculi in tenebris lumen spargebant, sed exiguum & statim quod evanescebat, citissime qui exsiccabantur. Unde hoc lumen proveniat, indagare operæ erit pretium: trahunt suam vitam a marina aqua, hæc leviter mota scintillat & lumen prodit occultum. Quod a particulis Salinis fortiter motis, ut aquæ lubricis & flexibilibus particulis liberentur, oriri, existimat *Cartesius*: ast non in sale; sed, in sulphurea materia, igneæ particulæ quia continentur in salis sulphure quærenda est ratio, sal & Sulphur causæ sunt marini ignis. Docet hoc Excell. D. *Urbanus Hiærne* Svecorum Regis Archiater Meritissimus, Patronus meus ad cineres usque cõlendus, in tractatu quodam de aquis. Probat ille Sali inesse oleum aliquod, qui & sulphur vivum ope chemiæ ex aqua marina elicere potest, quod inquit, & veteribus fuit notum, *Aristoteles* enim problem: Sect. 23. quæst. 15. *Quia mare pinguis cui rei indicium, oleum quod ex sale depromi potest & quæst. 32. Quoniam mari pingue suum est, quod oleum demonstrat, quod in sale existit.* Oleum hoc cum sale urinoso & acido saturatum lucis constituit magnetem, qui influxu subtilissimæ materiæ, solis irradiatione fortissima & lunæ illuminatione, tantum ex atomis illis igneis intra poros retinet, ut ab exiguo motu, lumen antea occultum manifestet. Multis in corporibus pinguibus. v. g. Spir. vin. Oleo thereb. copiosum latere ignem certum est; ast in conspectum non venire etiam a fortissimo motu, ratio est, quod deficient particulæ solidiores, quæ sulphur ex suo centro in motum propellant. Cætera brevitatis

cupidi ut taceamus Ex D. *Hiærne* sufficiens, unum adferimus experimentum nempe Phosphorum ex urina, sanguine, vel aliis volatilibus confectum, qui in aqua servatus nullum, spargit lumen nisi moveatur & conquassetur, aqua. Phosphorus ex aqua exemptus, quemadmodum igneum se ostendit, sic & ostrea in cellis tenebricosis asservata splendent. Et quod non externa testæ pars solum, sed & interna luceat, asserit *Plinius*: *Ostreorum quarundam testas veteres noctu lucere audio parte superiori interna.*

§. 3. De Ostreis vel toties vel quoad testam & carnem in lapidem conversis, exempla Virorum Celebrium, qui talia notarunt in promptu sunt. Excellent. *J. D. Major* non solum huius Academiæ olim Professor & decus, sed & totius orbis literarii ornamentum, recenset *Aldrovandum*, *Gesnerum*, *Borellum*, *Wormium*, *Stenonem*. imo & ipse Venetiis intra ædes nobilium talismodi notavit. Vide *J. D. Major* Annotationes ad *Columnam* de Purpura ad Cap. I. p. 19. De Ostrea Ferrea ex repositorio Elect. Brand. *Frid. Wilhelmi Magni* deprompta observationem curiosam dedit *D. Christianus Mentzelius*, quæ cum figura videatur in *Ephem. natur. Curios. D. 11. A. 7. p. 1.*

CAPUT IV.

§. 1.

Nunc, ne diutius B. L. moremur, vela dum contrahimus, Ostreorum, quæ fieri potest paucitate, indicabimus usum. Docet nos antea Citatus Excellent. *Major*, Purpuris Ostrea esse in deliciis, ideoque ad captandas purpuras Ostreis sæpius uti piscatores, dum p. 82. de purpurarum nutrimento inquit *Oppianus* citante *Heresbachio* (Therapeutic. p. 817.) *tradit capi missis strombis piscibus, aut Ostreis in densos calathos e vimine aut junco compleros, quibus Purpura linguam inferens ad escam, mox intumescens retrahere nequit, atque sic liguratione irritata prehenditur.* Ad testas solas quod attinet, earum usum recenset varium *Gesnerus*, & *Plinius* & alii. Ostreorum conchis ichthyophagi ad domicilia utuntur. *Incertus*. Maltha calidaria ad balinea ficum & picem duram & Ostrei testas siccas simul tundes, his juncturas diligenter adlines; *Paladius*. Calx ejusmodi ex Ostreorum testis & ligno stratis super stratis etiam crematur frequentis usus in Hollandia. Medicamen præterea multis obveniens malis exhibet Ostreorum cinis, qui cum melle uvæ illitus prodest. Ostrei testarum combustarum cinis cum melle impositus parotides cito solvit, inquit *Marcellus Empiricus*. Quod & *Galenus*: Buccinis, purpuris, Ostreis ustis indurescentibus ac vetustis parotidibus uti oportet. Est enim pharmacum, quod omnem afflictionem & acrimoniam mitigat & discutit; non solum si melle quis eorum cinerem imbuat sed & multo magis si adipem suillum in-

fulsum vestutum & a fibris depuratum admisceat. Citra omnem enim molestiam omnes inveteratas inflammationes discutit, etiamsi ex rheumatica affectione sint obortæ. Cinis testatum ex Ostreis, si in morem salis pane colligatur & voretur, statim ad removendam gravedinem narium proficit. *Marcellus*. Item. Succinum de ceraso sylvatica exures, & de testa ostrei aque facies, paribusque mensuris pulverem tritum cum mellite, aut cum vino austero candenti ferro calefacto, bibendum Dysenterico dabis, mire proderit. Labiorum ulcera & omnia maligna sanans est medicamentum: Ostrea usta tenuissime trita insperge, ego vero non ustis contritis usus sum & bene cessit, dicit *Myrepsus*. *Galenus* enim L. 2. de Temp. *Ostreorum testa siccissima est*. Hæc nempe substantia terrea exsiccans ante calcinationem adest, albi pulveris forma, qui inter testarum laminas, ex humoribus eorum eliminatus, hæret, & nostra opinione cum *Paracelsi duelech* convenit, de quo multa jam fari instituti ratio & temporis angustia prohibent. Quod testæ in analysi chimica dent oleum foetidum, Salelem volatilem, Caput mortuum, quod præparatum præcipitans est antifebrile, ipsius *Crollii* præferendum, expertus est & docuit Excellentissimus Dn. Præses.

§. 2. De Ostrei corpore, quod ob saporem quo gaudet gratum Magnatum mensis solet apponi (Differunt sapore, quædam ingrata ut de Gayderopodis *Bellon*, Magis grata sunt *Lucrina*, quam *Brundusina* gratiora quoque sunt *Holsatica* nostra) inquit *Gesnerus*: Ostrea concharum generis nobilissima sunt, inter lautissimos recepta cibos. Confirmat *Varro* apud *Nonnium*: *Tunc nuptia videbant ostreas*. Quæ & apud veteres in cœnæ principio præbebantur ut docet *Jo. Guilielm. Stuckius* in Lib. 3. Antiqu. Convival. C. I. Et hisce temporibus ut cum *Palingenio* loquar.

Divitis in mensam sylva pelagique feruntur

Optima, non desunt lepores, - - -

Portantur rhombi - - -

Ostrea, caruleo qua Cyzicus aquore gignit.

Galenus autem in Lib. de Boni & vitios. succ. nutrimentis. Ostreorum carnem humidiorum & tenaciorem esse admodum crassi succi, & partes eorum solidiores serius ob crassitudinem concoqui, ac generare humorem crudum, crassum & frigidum. Causa quæ est, propter quam quidam Ostreis, bene nempe digerantur, superbibere solent vinum vel spiritum vini. Horum quis judicetur utilior vulgaris est quæstio: aut experientia quotidiana cum constet, quibusdam vinum profuisse, obfuisse spiritum vini, quidam e contrario vino adusto levare non autem vino, generale responsum a medico non desideretur, ut qui de homine, temperamento ejus intellecto, judicet. Quod dicit *Celsus* ostrea facile intus corrumpi & inter

ea esse, quæ stomacho apta sunt; cui assentit *Plinius*. H. N. 32. c. 6. Stomachum unice reficiunt fastidiis medentur, (confirmat *Athenæus*) molliunt alvum leniter: in causa est aqua salsa, qua referta sunt ostrea. In universum ait *Galenus* Salsum humorem aggenerant, præsertim si cruda comedantur: propter ea tentiginem in Salacibus plurimum adaugent, inquit *Jovius*. Ex eadem etiam ratione urinam movent, ut habet *Athenæus* in Lib. 3. cœnæ sapient. c. 6. *Diocles Carystius maxime ad excernendum & urinandum prodesse inquit Militos, Ostrea, pectunculos & chamas*. Et quidni? si enim aqua marina ut nautis in confesso est alvum movet & urinam stimulat, & hæc aqua ab ostreorum corporibus temperata, homini conveniens magis, hunc utilem producere poterit effectum. Alium itaque effectum a coctis esse expectandum ob aquam hanc consumtam facile percipitur. Cocta inquit *Plinius* cum mulso, tenesmo, qui sine exulceratione sit, liberant, vesicarum ulcera quoque repurgant. Sed hæc sufficiant, & raro quia in usum medicum adhibentur, sæpius Luxuriæ satis fiat copiose assumuntur, merito cum *Galeno* inculcemus, ab earum copia, plurima corporibus inferri damna. Etiam si enim a veteribus obsonii loco assumebantur, unde ex *Plinio* panem nominat *Ostrearium* Excell. Major. tamen; *Non cibi dicit Seneca Epist. 108. sed oblectamenta sunt, ad edendum saturos cogentia: quod gratissimum est edacibus, & se ultra quam capiunt farcientibus, facile descensura facile reditura*. Quam sententiam & fovet *Joh. von Beverwyck* in syn Schat der Gesontheit C. 16. de ostreorum usu nervose sic scribens. Onder de Fisch, die in harde schelpen beslooten is, Zijn de Oesters van allen tyde voor de lekkerste gehouden. Want sy verwecken lust om te eten en om by te slapen, het welck allebeyde lustige lekkere, en weldige luyden Wel aenstaet. Doch dat se meerder voor lust, als tot spyse voor den honger gebruckt zijn, blickt uyt *Seneca* in den 108. brief. De Oude plachten de selve mede raeuvv, en voor de Maectydt te eten, als te sien is in *Macrobius* 3. Sat. 9. Wy krijgen se hier uyt Engelant, die oock al-eertyts by Romeynen vermaert zijn geweest (*Plinius* 9. 54. en. 32. 6.) en quamen van *Rocheestre*: waer van de Poet *Juvenalis* in siin vierde Schimpdicht seydt; van den Leckertant *Montanus*, dat hy proeven konde, uyt Wat plaets de Oesters van daen quamen:

- - - *Circei nata forent, an*

Lucrinum ad Saxum, Rutupinove edita fundo
Ostrea, callebat primo deprendere morsu.

De Colcestersche vallen heel kleijn, maer daerom niet te arger. Hebben allegader en sul-tigh sap, en daerom maken sy ook den buyck Weeck, maer sy en voeden niet veel, en Zijn de maegh, ter Wylse verteert Werden, be-swaerlijck,

severlijck, en doen in een Koude maegh veel slym vergaderen, en veroorsaeken lichtelick verstoppinge. En moten daerom met Zout, Peper, ofte dier gelycke, gegeten Werden. Dan best zijn se eerst met Wijn (die veel slym wech neemt) Wel gewasschen, en dan met borer, peper, Zout, en Wat Wyn ofte citroen-sap tusschen twee schotels, ofte in haer eygen schelp ob den rooster gestooft. By den Griekischen *Athenaus* 3. Deipn. 13. wert geseyt, dat sy raeuw, om haer Zultigh sap, waer door sy den buyck oock week maken, hart te verteeren Zijn: maer dat sy gesoden, met de Zultigheit die Krackht afleggen: dan dat sy gestooft alder best zijn, alsoo de Zoute vochtigheyt door het vyer dan overwonnen is. Die in en Korst, 't Welck Wy *Oester-Pastey* noemen; gebaken Werden: en vallen soo goet niet: noch oock de gezulte, die eenigen tijdt in pekels bewaert zijn. Het is aen merckens waerdigh, dat d' hoogh-geleerde heere *Tulp* verhalt van raeuwe Oesters, in en Vrouwe, de Welcke door haer swackheit, in het *Pleuris* niet gelaten ziende, vervallen was in een uydrooginh met ophoesten van een menighe stinkende fluymen, de welke lust krygende na raeuwe Oesters, daer door niet alleen de Koorts quijt werde, maer oock volkomentlijck bequam. *Apparuit ipsi*, inquit N. *Tulpius* Lib. II. c. 8. *Obs. med. quasi ex machina Deus. Excitando, nescio quod, crudorum ostreorum desiderium. Quod eo quoque lubentius concessimus, quo minus haecenus profuissent, potiones concinnatae, ex humidis ac frigidis herbis. Qua spe etiam minime excidimus. Vix enim comederat cruda hac Ostrea, quin protinus imminuerentur non tantum calor, ac febris:*

Sed etiam usque eo perniciosissimus hic morbus: ut brevi integre convalesceret. Extincto, ab algido, ac viscido Ostreorum succo, pertinacissimo illo incendio: quo procul dubio, conflagrasset miserrime universum ipsius corpus. Hanc quoque ob virtutem refrigerandi, sanguinis acredinem mitigandi, assumuntur Ostrea in compositionem Aqua Antiphthistica Confortantis cujus processum ab Excellentissimo Dno Praeside communicatum, sit dissertationis clausula bona, insero. R. Carnis Ostreorum Num. 60. Ranarum juniorum. Num. 30. Carnis cochlearum Num. 35. Pulm. vitul. Num. 3. Carnis cancrorum Num. 40. Passular. minor: Unc. XII. Uvar. passar. Unc. VIII. Fol. Jun. Quercus M. IV. Herb. Tussilaginis M. V. Rad Cichorii Sylvest. recentis Unc. IV. Panis albi recentis libr. I. Panis atrii filiginei libr. β. Cinamom. Opt. Unc. IV. Cort. Citri. Unc. V. Nuc. Moscat. Num. 9. Contus. contundend. affunde succi Herb. Tussilaginis libr. IV. succi expressi Radic. Cichor. sylvest. libr. II. aquae tussilaginis libr. III. Vini Malvat. Optim. libr. VI. Hydromellis opt. libr. VII. Lactis. Caprill. libr. V. M. post digestionem triduanam destilla in B. M. Hiscce portum quia attigimus subsisto, & fateor ingenium meum debile, scrutando abscondita maris, non cuncta, cum & Philosopho consummatissimo interdum hæreat aqua, attingere potuisse: Deum vero omnipotentem in minimis æque magnum, ac in maximis cerni, ut probat unumquodque Physicum objectum etiam abjectissimum, sic stupui creaturam admirandam, Ostreumque in Summi naturæ Opificis gloriam perpendi.

S E C T I O C I X.

DESCRIPTIO ANATOMICA
MYTULI

D. Anton. de Heide

Ex Act. Erud. Lipsiensium A. 1684. p. 426.

CUM accuratior insectorum perscrutatio Anatomica multum sæpius lucis perfectiorum sic dictorum Animalium structuræ, hoc quo degimus seculo, attulisse ab Autore animadverteretur, aliorum incitatus exemplo, propriam eidem operæ manum subcisivis horis admoveere coepit. Nec conamen hoc ejus felici caruisse successu præsens de *Mytulo*; quem Autor inter insecta refert,

fatis evincit Anatome, utpote in qua nonnisi illa, quæ suis usurpavit oculis, recenser, sive restas spectemus, sive corpus molle seu piscem ipsum testis inclusum. Testarum siquidem postquam exposuit conformationem, ipsius piscis partes ordine evolvit, & in motum radiosum, quod illarum plurimæ gaudent, inquirat. Partes inter primo limbum, à quo totum fere piscis corpus circumdatur, quoad structu-

ram, motum ac substantiam considerat. Deinde portionem quandam, pinguedinis instar, cuidam limbiaggeri adhaerentem vel continuatam, examinat, observando de hac, quod testæ utriusque cavam superficiem non tantum instar duorum stragulorum obtegit, sed & interius in protuberantiam quandam, quam cristam salutat, desinat heparque & alias partes ambiat. Hinc elegantem cirrorum structuram, pectinatorum æque seu lateralium ac penniformium, qui branchiis aliorum piscium forsan analogi, exarare instituit, hâcque occasione, quod cirri accuratius lustrati congeries fibrarum appareant, (quemadmodum earum quingentas minimum in unico cirrô pectinatô, & 150. in unico penniformi numerare potuit,) fibrarum quamvis ex tubulis vel sacculis mire ramificatis constare suspicatur. Tum ad linguam, cujus figura pro diversitate motus variatur, progreditur, quam dempta membrana fusca, quæ eleganti tubulorum, forsan sudatoriorum, reti condecorata, è duplici substantia, carne videlicet musculosa & pulpa, constare annotat, in concursu præterea utriusque, vel potius in ipsa pulpa, tres patefaciendo ductus, cum vasis, cristam & hepatis ac pinguedinis superficiem perreptantibus, communicantes. Ad basin linguæ quatuor musculorum depingit paria, quorum tria extuberantiæ cuidam inseruntur; instructæ stamine comato, mediante quo & filis ex eo misis Mytulos vicinis Mytulis aliisque corporibus solidis connecti, curioso suffultus experimento adstruit. A lingua pergit ad ventriculum & intestina. Ventriculum membranofum, ductibusque forsan innumeris hepatis continuum, pronunciat, in quo styli, ob diaphaneitatem Crystallini dicti & in ductu intestinali latentis, protuberans vidit capitulum. Intestinorum autem extre-

um à duobus velaminibus triangularibus tegi observat, quorum alterum cavitatem intestini arctet ibidemque contenta exprimat, nec non inhibeat, ne excrementa Mytulo invito elabantur: alterum verò instar sepimenti cogat excrementa per podicem egredi, ne in Mytuli descendant cavitatem. Porro hepatis substantiam, ex lobulis majoribus, qui in minores oblongos cohærentes fere instar uvarum racemi, subdividuntur, coagmentari ait; ultimum demum locum inter partes concedens duobus musculis, plano utriusque testæ concavo seu interiori perpendicularibus, quorum alterum ratione figuræ cylindricum, alterum appellat planum, & figuræ cylindricæ intuitu patere hinc ad essentiam musculorum haud requiri, ut repræsentent parallelepipedum, existimat. Atque his de Mytuli partibus delibatis, motum radiosum seu tremulum à nullo hætenus observatum, in plerisque tamen (præterquam in pinguedine & musculis) partibus, potissimum in cirris, vegetum satis, explicat, denominationis illius rationem ex eò, quod instar radiorum è toto cirri ambitu procedat, præsupponendo, ipsiusque maximè conspicua non solum phænomena, sed causam quoque rimando, vero non absimile judicans, cirrorum aliarumque partium, motu hoc gaudentium, fibras instructas esse tubulis vel poris aquam ambientem admittentibus, qua eos subeunte expellantur particule minus graves, & sic excitetur motus radiosus, eodem modò, ac igneæ particule è prunâ aquæ immersa extrudantur. Cæterum quæ de Mytulorum generatione, item de pectinum structura, adhuc addere primum Autori fuit animus, in aliam differt occasionem. Juvabit forte ipsius Authoris verba, ad Figurarum explicationem necessaria, hîc inseruisse, quæ ita se habent.

ANATOMIE MYTULI

Belgicè *Mossel*,

Elegantem structuram ejus partium & mirabilem quendam motum exponens.

§. 1.




Testaceorum Animalium alia una continua Testa includuntur, alia, bivalvia ob id dicta, duplici his accensetur Mytulus: quæ vox, licet apud autores non adeo certæ significationis videatur, nobis designat Insectum marinum Belgis notissimum & esculentum, *Mossel* dictum, de quo multa diligenter congestit doctissimus Gesnerus. Recitare apud

alios obvia nostri instituti non est, sed exponere nobis ipsis observata. De Testis quædam præmitteremus, potissima cura erit circa corpus molle seu Piscem Testis inclusum.

EXPLICATIO FIGURARUM
In TAB. LXXX. & LXXXI.

FIG. I.

§. 2. Figura Mytuli conclusi ab uno extremo.
A. tur.



A. turbinata vel potius conica est, ab altero B. semicircularis. Coni vertex non simplex sed in duas partes C. D. distinctus est. Latus A E F. in minoribus Mytulis fere rectum est, in maioribus autem fovea E. excavatum; latus A G H. angulum obtusum G. constituit vel ex duobus lateribus. A G. H G. in G. concurrentibus componitur. Testæ extrinsecus convexæ intus concavæ existunt. Crepidines, utriusque Testæ, Mytulo clauso, parallelæ jacent, eum in modum à convexo inclinatæ, ut ad latus A F. fere perpendiculariter concurrentes planum constituent, præsertim in majoribus Mytulis: Idem dictum esto de latere A G. ad latus vero G H. nec non ad circulare extremum H B F. acumen cuniforme componant. Ex dictis & ex Figura I. patet planum utrique Testæ, dum clauditur Mytulus, commune ruditer repræsentare Figuram quadrilateram, cujus latera A F. A G. H G. fere recta sunt, latus vero H B E. semicirculare.

§. 3. Testarum exterior seu convexa superficies foveis I K A. & huic fere parallelis innumeris insignitur; altero extremo verticem A. altero latus A G. contingere videntur; pro vestigiis incrementi Testarum forsan habendæ: nam increfcere eas verosimile est, quatenus interiori superfici ei lamellæ humoris, ex animali exudantis, agglutinantur: hinc Testæ è lamellis compositæ conspiciuntur, præsertim ubi vacuæ in littore aliquamdiu aeri expositæ fuere. Porro Testæ è filis obliquis constare apparent. Sed de origine & particulis Testarum hæc sufficiant.

§. 4. Testis utrisque magnitudo eadem & figura: hinc claudunt Mytulum accurate, ut forsan eum invitum nihil aquæ accedere possit. Invicem cohærent & connexæ sunt solum in latere A G. reliquo ambitu liberæ, & dum sese aperit Mytulus, secedentes, uti in Figura II. in latere conspiciere est. Hinc patet A G. vel I G. esse motus axem, circa quem rotantur. Testæ quæ illic loci non, uti per reliquum ambitum, singulæ in aciem, sed in latiore superficiem definunt: adeo ut oræ hic loci multo crassiores sint, quam alibi. Porro quandoquidem axis motus in plano, utramque testam exterius ambiente, non videtur jacere, sed aliquanto interius; hinc Testarum oræ excavatæ sunt, adeo ut sese invicem non contingant, sed foveam I. G. relinquunt: alias apertio testarum impossibilis fuisset: quippe hujus foveæ extrema inter aperiendum invicem appropinquare debent.

FIG. II.

Vinculum A B. quo Testæ connectuntur, in cavitate situm est, in Pectinibus tamen exterius protuberat. Colore fusco decoratur, substantia valde tenax & dura est, mollior tamen testis ipsis, aëri aliquamdiu exposita durior evadit. Constare videtur è filis ad Testas perpen-

diculatibus. Ambitur, vinculum utrimque alba quadam zona C D. duritie testis simili, & ut videtur è perpendicularibus filis coagmentata, unde conjicere datur, zonam hanc è vinculi partibus inveterascentibus induratum esse. Vinculum extrinsecus, ne ab externo ambiente fluido conspurcetur, obtectum est tegumento ejusdem fere tenacitatis & duritiei, à vinculo tamen differenti; quippe tegumenti color in recentibus testis viridis est, in iis autem, quæ aeri aliquando fuere expositæ, albus similis zonæ colori. Porro filorum series in hoc tegumento nondum conspiciere datum est. Lata vel potius crassa superficies Testarum circa motus axim non plana est sed cavitate exsculpta, cui vinculum una cum tegumento insertum est. De motu Testarum tum apertionis tum occlusionis mox dabitur dicendi locus, ubi Musculi aliæque partes Mytuli exponuntur.

§. 5. His de Testarum Figura & connexione expositis, Piscem Testas inhabitantem contemplemur. In quo diversæ partes, quarum structura elegans nobis visa, occurrunt. Has enumerando tempus ne teramus, ordine prout in conspectum veniunt, explicare animus est.

FIG. III.

§. 6. Piscis superficies Testis contigua seu exterior A B. convexa est, adeo ut cavam testæ utriusque superficiem accurate obtegat, & cavitatem Testarum clausi Mytuli impleat. Interior vero superficies C. concava est, sparium diversis partibus deinceps exatandis præbens. Multis locis & vinculis Piscis adhæret Testis, tam arcte ut una aperiatur claudaturque. Crepidini Testarum connexus est limbus D E F G. Cujus structuram exarare aggredior.

§. 7. Piscis totum corpus, excepta parte H A. limbo circumdatur, & Testis annectitur. Altero extremo finitur limbus ad D. ubi loci Mytuli os, uti postea patebit, situm est, adhærens arcte Musculo transversim utramque Testam connectenti; hinc in duo brachia D G. & D E. circa F. concurrentia dividitur, & tandem altero extremo ad H. terminatur, limbi brachia circa extremum D. tenuiora sunt, crassiora ad concursum F. Hic loci rugosa, illic fere glabra, nullibi, tamen eadem continua superficie inclusa, sed tribus aggeribus aspera, qui circa concursum F. maxime conspicui, albi non difficiles inventu. Horum Aggerum primus & insignior I. liber & nudus est nulli parti annexus; duo autem reliqui K L. aliis partibus alligantur vel continuantur: Agger K. exteriora Mytuli spectans cohæret membranæ fuscae M. extremas Testarum oras ac partem convexæ superfici ei, si non totam investienti: quæ valde tenax & robusta limbum Testis connectit, quin & impedimento est, ne fluidum ambiens inter Testas & limbum reliquamque piscis superficiem

ciem convexam ingredi possit. Insuper hæc membrana Tendinis vicem subire videtur: quippe continua vel saltem contigua musculosis fibris N. transversim limbum, testam versus, inter aggeres K L. investientibus, adjumento est ad limbi motum uti deinceps patebit.

Agger L. Mytuli interiora spectans continuatur piscis substantia O quæ Alba vel rubicunda alias inter partes instar pinguedinis late dispersa linguæ nostræ inter edendum grata est, de qua in posterum erit dicendi locus. Estque fibrarum musculosarum extremo P. continua, iisque mediis testæ adhaeret.

§. 8. Agger I. uti reliquis expositis major ita quoad structuram insignior est. Consideratione dignum, quod pro Animalis lubitu diversam formam induat, præcipue ubi crassior & rugosus est limbus: quippe in Mytulo mortuo hic Agger valde contractus & rugarum I. congeries apparet; Mytulus autem, alterutri minimum Testæ adhaerens, quin & utraque orbatus dummodo vivat marinæ aquæ affusæ innatans instar ramosorum cornuum Q. protendit, quæ circa F. præcipue occurrunt, non ita in reliqua Aggeris parte: Agger enim circa R. etiam si protuberantiis gaudeat quæ una cum explicatis cornibus protruduntur, tamen longe minores sunt, & non in tot ramos T. divisæ.





§. 9. Ut structura elegans horum Cornuum nec non totius limbi manifestior evadat motus in limbo occurrens, explicandus venit. Qui vel toti limbo communis est, vel Cornibus peculiaris. Illo turgescit limbus, Mytulo aquæ marinæ innatante, in tantum, ut subinde extra testarum diductas crepidines promineat. Hinc aliquando dubitavi, an non clausus Mytulus mediante limbo aperiatur: musculis enim, quorum contractione clauditur, laxatis, Testæ facile à se invicem diducuntur si non sponte, saltem limbo instar Cunei contactum dirimente. Præter hunc turgescentiæ motum alius, si non idem vermicularis observatur, quo undatim limbus per partes secundum longitudinem contrahitur & distenditur, eodem modo ac in repentibus lumbricis, limacibus aliisque Insectis videre est. Similis motus occurrit in Corde Bombycis. Inde tamen inferre non audeo limbum Mytuli Cor esse. Hoc tamen asseverare non dubito exaratum turgescentiæ motumque vermicularem deberi transversalibus Musculis NP. nec non influenti vel effervescenti fluido: tam musculis vel fibris alternatim sese contrahentibus & laxantibus vermicularis motus excitari potest: Præterea insignia ac innumera vasa O. utrimque substantia adiposa limbo inferuntur, quibus copiosus humor confertim adferri potest, denique turgescens limbus non abbreviatur sed potius longior evadit, quod conceptu difficile, nisi fluidum ingrediat de novo vel effervescat.

§. 10. Cornuum Q. motus in eo consistit quod latentia in conspectum veniant, & diversimode, tum quoad totum truncum Q. tum quoad ramos T. vibrentur, ac si Mytulus iis qualitatem ambientis fluidi exploraret: Certe videntur hæc Cornua Mytulo oculorum usum præstare, uti de Cornibus limacum alii notarunt. Cornuum figura uti dictum, ramosa est; scilicet Truncus Q. in ramos majores V. & hi in minores T. dividuntur. Cum autem Cornua pro Animalis lubitu protendi nec non contrahi possint, hinc manifestum eorum Figuram pro motu variari: quod non tantum de toto Cornu, sed & de singulis ramis dictum esto; qui subinde in acumen desinunt, alias foliorum oblongorum, aliquando circularem formam induunt. Qua ratione & quibus mediis Cornuum protensio & contractio accidat oculis assequi nondum datum est, præsertim quia ob exiguitatem separatim examinari nequeunt: instrumentis autem contacta leviter licet animal tam alte abdidit, vestigia ut vix supersint: limacibus etiam in more est cornua tacta intra corpus abdere quæ tamen, dissecta cute, intra Vaginas reperiuntur. Interim conjectare est Cornua protendi uti de toto limbo §. 9. dictum, ab influente vel effervescente fluido ob rationes illic productas.

§. 11. Observatur in limbo ejusque singulis partibus, alius motus quem radiosum dico ob rationes mox adferendas: cum autem in Cirris manifestior observetur ubi eo deventum erit accuratius eum explicandi dabitur occasio.

§. 12. Limbi substantiam quod attinet ea valde tenax & tendini non absimilis videtur. Cavitatem nudis oculis nec armatis sensibilem in eo nondum detegere licuit. Transversim dissectus ostendit umbras X, ac si ex fibris oblongis constaret, quas tamen adesse nondum reperi. Certior sum totum limbum coagmentatum esse ex particulis Y. diversæ Figuræ maximam partem oblongis; quæ forsan utriculi vel sacculi sunt. Cujusmodi in fibris carnis aliorum animalium, nec non in plantarum partibus observavi.

§. 13. Superficies Z. inter aggeres I. & L. investitur fusca membrana, colore simili membranæ M. aggeri K. connexæ, sed multo tenuiori, subjectæ limbi substantiæ adeo arcte connexa, ut vivente pisce ab ea vix separari possit. Hoc vestimentum utut tenue decoratur reti, quod contextum videtur innumeris tubulis Z. argenteis humore nullo, quantum conjectari licet, turgidis: originem & finem eorum adeoque usum hætenus ob exilitatem non sum assecutus. Eorum externa facies & divaricatio fere convenit cum canalibus in membrana Cochlearum corpus inter & Testam media conspicuis: qui cum multo majores sint ubi Cochleæ partes examinabimus de tubulis hujusmodi commodior erit dicendi



cendi locus. Interim notetur alias, præter limbum, Mytuli partes similibus tubulis gaudere, uti in earum partium disquisitione monebimus.

§. 14. Concurrunt limbi brachia ad extrema D. & F. eum in modum ut Testis clausis, parallela jaceant, quippe earum crepidini annexa iis vero patulis angulos *a. b.* pro hiatu majores minoresve constituent. Angulus *a.* Velamine *c.* connexo vel continuo aggeri L. obstruitur. Cujus substantia non multum à limbi substantia diversa est, scilicet tenax & tendinosa ex utriculis coagmentata: exteriora versus fusca membrana tenella retiformi *d.* cujusmodi §. 12. descripta est, investitur. Motus contractionis & extensionis in hoc velamine observare est, hinc Figura inconstans: sibi relictum fere acuminatum est: & contrahendo extremum reduplicatur, uti ad *e.* adumbratum est. Brachia ad F. concurrentia adunantur quidem, sic tamen ut pone velamen dirimantur denuo hiatus *g.* extrinsecus munito labiis crassis albescentibus *f.* quæ continua sunt aggeri rugoso I. Interius autem hiatus *g.* duabus valvulis *h.* circumvallatur, conniventibus transversali rimula K. quæ deducitur & coarctatur pro valvularum motu sunt enim valde mobiles præsertim contactæ uti de toto limbo & de velamine *c.* notatum est. Valvulæ non tantum motu, sed & structura prædicto velamini simillima sunt: ut & in eo quod superficies labia versus membrana retiformi decoreretur. Reliquum limbi *f. l.* sensim gracilescit donec circa H. finitur, in quo nihil peculiare occurrit.

FIG. III. & IV.

§. 15. Limbi aggeri L. adhæret vel continuatur substantia *o.* pinguedinis instar inter alias partes late extensa: quippe Testæ utriusque cavam superficiem non tantum in forma crassiorum duorum stragulorum obregens, sed & interius in collem A. protuberans, nec non musculos XZ. aliosque & hepar C. uti deinceps exponetur, ambiens. Pinguedo hæc (liceat eam ita vocare non determinando an Pinguedini aliorum Animalium sit analoga) in omnibus Mytulis saltem omni tempore non est ejusdem coloris: conspicitur enim albescent, quæ palato maxime expetitur, & pro signo saporis ac salubris Mytuli habetur; qui tunc turgidus & optime saginatus est. Alias à præcedenti statu degenerans Citrina aut quod pejus est, rubicunda est: cujusmodi Pinguedine refertus Mytulus macer & minus saporis est. Hos colores variari pro anni diversa tempestate pro certo habetur; adeo ut Mytulus tempore saginationis frequenter apud nostrates comedatur, non item aliis temporibus. Idem observare est circa plurima tum aquatilia, tum terrestria, tum aërea animalia. Insuper Vulgus putat hanc Pinguedinem pro lunæ diversa phasei magis minusve turgidam esse: quæ opinio an sufficienti experientia nitatur ulterius inquiren-

dum arbitror; cum à Lunæ aliorumque siderum influentiis deriventur phænomena, quibus procreandis Astra forte nihil contribuant.

§. 16. Pinguedine, præter motum fluido perluenti forsân debitum & in Cirrorum examine exponendum, alius motus convenire haud videtur, quam is quem participat cohæsione cum limbo ac musculis: Est enim substantia valde tenera, mollis & friabilis nullis, quantum assequi datum est, musculosis fibris instructa. Præ omnibus consideratione digna mihi videntur vasa insignia & innumera hanc substantiam irrigantia.

Fig. IV. Majores trunci conspiciuntur ad B. C. D. E. F. qui in minores ramos A. H. I. dirimuntur, & hi ulterius in minimas propagines K. subdividuntur. Adeo ut tota hæc substantia congeries vasorum interspersis globosis particulis vel vesiculis videatur. Ventus inflatus vel liquor injectus trunco B. permeat & turgescere facit truncos & Ramos nec non propagines reliquos statim exaratos. Idem accidit Vento vel liquore trunco E. immisso. Trunci B. locus est è regione axis versatilis Testarum in Figura II. ad A. adumbrati, sc. ubi Piscis Testis non cohæret. Hujus Trunci extremum in duos pluresve ramos dividitur, qui partim Pinguedinem ingrediuntur adeo profunde, ut visum fugiant. Extremo B. eadem fere occultatio accidit quod vas ex immisso flatu immediate cum ramo D. subito in lucem protracto communicare arguitur: Ramus D. totam superficiem convexam Testis contiguam innumeris propaginibus I. irrigat, Trunci E. locantur super musculis M. sese extendentes versus partem N. linguam discriminis ergo dictam, quam liquor aut flatu per hunc truncum ingredi videtur; uti in ejus partis examine indicabitur. Truncus F. obsidet marginem extuberantiæ A. quam ob figuram Cristam vocare libet: quippe ex amplo basi P. surgens in acutum marginem Q. desinit: qui circuli arcum æmulat; quippe ad R. in vicinia musculi X. & ad S. prope linguam declivis est. Constat eadem substantia ac reliqua Pinguedo, à qua nihil differt. Vasorum diramatio A. in hac Crista elegans est: quæ communicant cum ramis C. nam Cristæ basis utrinque crus T. protendit, amplectiturque musculos V. aliosque linguæ continuos: Et circa C. obteggit tenui lamina partem nigricantem pro hepate habendam in posterum explicandam, emittitque lacinias quasdam *a.* versus Cirros. Exarata crura T. nec non lamina *c.* vasis insignibus decorantur. Interior seu concava stragulorum superficies inter Cristæ basin P. & limbum multis vasorum truncis H. irrigatur.

§. 17. Exaratis vasis pertulis effluit lymphæ linguæ nostræ haud ingrata, quæ forsân mytulum saporis reddit; nisi verosimilius videatur huic lymphæ gratiam contribui à

Mytuli partibus solidis. Teneritudo Pinguedinis ac ejus friabilitas debetur frequentiae vasorum, quibus tota compages contextitur, uti ad K. ruditer adumbratur: interceptae partes inter vasorum propagines speciem glandularum exhibent, exoriri tamen inde possunt, quod vasa in retia, quorum rami visum fugiunt, contextuntur; quo forsan glandularum structura consistit.

FIG. V.

§. 18. Stragula inter & Cristam §§ 15. 16. exposita nec non linguam aliasque partes idem planum occupantes occurrunt Cirri pectinati seu laterales A. & Penniformes B. branchiis aliorum Piscium forsan analogi. Quorum structuram elegantem, prout mihi observata est exarare aggredior. Cirri pectinati; ita ob figuram dicti, ab uno Mytuli extremo C. usque ad oppositum D. extensi sunt. Utrimque duplices A. E. cohaerentes tamen in communi basi F. vel ex eadem assurgentes: quippe perpendiculariter insistant angulo, quem stragulum cum Cristae basi efficit, ei arte connexi medio ligamento C. D. fibris postea describendis coagmentato: reliquis suis partibus liberi lymphae innatantes, vel, hac deficiente, ob flexibilitatem stragulo Cristaeve instrati. Cirri primo intuitu formam membranae continuae habere videntur; accuratius autem lustrati congeries fibrarum apparent, quarum quingentas minimum in unico Cirro numerare potui. Non omnes fibrae longitudine aequales sunt, longissimae circa medium A. breviores ad extrema C. D. hinc necessario circularis exurgit figura, cujus peripheria C. E. D. fibrarum finibus liberis determinatur. Cohærentes fibrae G. oculo ut ut armato rotundae videntur: separatae vero à se invicem H. planae inveniuntur, planitiae sua una alteri applicatis & transversis vinculis I. K. & c. quorum 40. olim numeravi constructis. Finis liber in duas orbiculares excrescentias vel fimbrias L. terminatur vel laciniatur. Nisi fibra H. haud simplex sed duabus composita statuatur. Saltem experimento mihi constitit singulam fibræ facile in duas M. N. subdividi per totam earum longitudinem circa H. tamen cohaerent tam arte, ut pro unica fibra haberi possent. Eam tamen duplicem arguit manifestior & majoris momenti divisio circa Cirri basin: quæ in singulo Cirro duplex est, scilicet altera F. arte connexa Pinguedini cui radicibus inserta & continua videtur & altera P. libera jacens inter basin fixam F. & stragulum o. vel Cristam q. soluta basis P. videtur ligamentum connectens fibrarum extrema R. ab hac basi usque ad tertiam longitudinis partem fibræ solutæ & liberæ jacent à subiectis fibris ejusdem Cirri basi firmæ continuis.

§. 19. Textura fibrarum ob tenacitatem molliem firmam cohaerentiam ac exiguitatem vix detegitur: quippe in pluribus fibris connexis

se se subducens oculis & in disjunctis læsione procul dubio mutata. Maculae S. videntur vestigia abruptorum ligamentorum, quibus fibrae invicem fuere connexae. Porro tota fibra videtur textura tubulorum T. vel sacculorum mire ramificatorum.

§. 20. Cirri latitudinem aequat longitudo fibrarum; quippe hac determinatur illa. Impleant fere spatium inter limbum & straguli cum Crista concursum. Num contractiores sint uno tempore quam alio nondum observare datum est, ferventi aqua coctæ abbreviantur Crispatae W. in tantum, ut tertiam vix partem longitudinis, quam crudæ habebant, retineant. Contractionis modum ut oculis observarem Cirro affudi spiritum vini rectificatum sed frustra: quia eo non contrahuntur. Id tamen effecit dictus spiritus, quod fibrae, arte cohaerentes, facile divellantur, adeoque facilius examinari possunt.

§. 21. Hæc de Cirris pectinatis sufficiant, Penniformes ut lustrantur tempus est. Quos eo nomine ob structuram cum Pennis convenientiam indigito: uti ex figura & dicendis patebit. Fig. V. Quatuor numero sunt B. utrimque duo connexi tamen invicem eo modo, ut bini oppositorum laterum B. X. idem planum occupent; uti clarius conspicitur in figura IV. ubi duo Cirri *bc*. in eodem plano sunt, concurrentes ad *d*. in hoc concursu constituunt labium *d*. quod cum labio *e*. orto ex concursu duorum Cirrorum B. X. præcedentibus *bc*. parallelorum oris rictum *f*. ambit. Color horum Cirrorum convenit cum colore pectinatorum, scilicet fuscus est. Sunt plani & oblongi desinentes in extremum acutum *z*. vel, ob laterum inæqualitatem repræsentantes ruditer frustum Circuli: latus enim *zgh*. est arcus, & latus *zbi*. subtensa *ihk*. est dimidium labii quod hic Cirrus cum suo conjugæ constituit *hi*. est extremum abscissum, labii latitudinem designans: præter hanc cohaerentiam vel potius continuitatem cum conjugæ, connectitur Cirrus latere *il*. subiecto hepatis: reliquum *lzgh*. liberum jacet nulli parti adnatum. Bini Cirri ejusdem lateris Penniformes eum situm habent, ut Pectinati iis ceu duobus brachiis comprehendantur, habentes scilicet situm medium. Penniformes plani sunt, circa medietatem *m*. tamen turgidi, præsertim superficie qua se invicem respiciunt; in duas enim dividitur partes mediante zona *imz*. quæ Cristae instar Cirro perpendiculariter videtur inserta in hac figura autem reflexa exhibetur, plano Cirri tota contigua & parallela. Opposita superficies Fig. IV. B. c. lævis & glabra est, irrigata insignibus vasorum ramis, originem ducentibus è ramo *d*. in labio occurrenti: turgescunt hi rami flatu immisso vasis antea expositis in examine pinguedinis.

§. 22. Penniformes Cirri videntur congeries fibrarum parallelarum, quæ leviter examinata ortæ videntur *e. zona m.* cum qua constituunt angulos acutos *gmz.* & *Bmz.* sed accuratius lustrata, præsertim in opposita glabra superficie conspiciuntur continuæ *np.* circa medium angulum obtusum *o.* efficientes. Suntque adeo arte connexæ, ut integras à se invicem eas nondum separare potuerim, ut ut spiritu Vini irrigatas: quippe superficies glabra tota obsessa videtur membranæ tenaci, qua infestantur vel efformantur exarata fibræ. E Figuris manifestum est has fibras circa acumen Cirri necessario breviores evadere. In unico Cirro 150. fibras numeravi. Substantia, qua constant fibræ easque connectens membrana, est, ut de substantia fibrarum in pectinatis expositum, congeries tubulorum vel sacculorum, mire invicem contextorum. Motus manifestus in his Cirris observatur; quo anguli *nop.* magnitudo mutatur; ut videri posset zonam *zi.* musculi vel tendinis vicem subire. Radiosum motum in Cirris præcipuè notabilem ad Calcem hujus tractatus explicabimus.

§. 23. Inter Cirros pectinatos in eodem plano cum Crista conspicitur pars insignis cujus structuram jam exponere molior. Hanc partem institutionis ergo, linguam vocabo, quia Figura & motu nostræ linguæ satis convenit, usum quod attinet, is forsan è dicendis patefcet.

FIG. VI.

Hujus linguæ Figura pro diverso motu variatur quidem, tamen oblonga plerumque est, & aliquomodo conica A. B. basi connectitur vel continuatur musculorum paribus quatuor C D E F. reliquo suo corpore A B. libera jacet intra mytuli cavitatem, insitens basi eum in modum, ut cum musculis C. os versus ductis acutum angulum A B C. cum musculis vero F. vel potius cum Crista obtusum angulum A B F. efficiat. Contracta adeo subinde est, ut tantum extuberantia quædam leviter eminens appareat alias immensum prolongatur, ut vigecuplum & quod excedit prioris longitudinis acquirat excurrens magnam dimensionem extra proprias Testas: ac ferrans, quod notatu dignum, priorem crassitiem. In multis Mytulis hanc linguam detruncatam inveni; quod facile accidere ex eo potest, quatenus extra proprias Testas deambulans alterius Mytuli aperti cavitatem ingreditur, qui sese ad occursum peregrini corporis occludens, uti ipsis in more est, linguam abscindit: hinc forsan conjectare datur in antecessum, de quo postea uberius erit agendum, linguam non esse Cor: quia eo vivens Animal carere nequit.

§. 24. Superficies totam linguam ambiens non unica sed ad minimum triplex est: latus versus acutum angulum A B C. superficie plana, oppositum vero versus obtusum angulum A B F. duplici superficie G. H. & I. H. contine-

tur, aliquomodo circulari, bifariam dissecta mediante sinu H K. totam longitudinem hujus superficiei excurrente. Expositæ superficies, vivente lingua, vix per momentum constantes sunt propter continuum motum, quo contrahitur vel producit non tantum tota lingua, sed & singulæ ejus partes, quarum hæ gibbæ illæ concavæ & paulo post mutata conspiciuntur: uti in repentibus limacibus ac lumbricis videre est, linguæ Color exterior plerumque fuscus est, cujusmodi occurrit in crassiore limbi parte, uti jam notavimus. Hic Color etiam procedere videtur a tenuissima membrana linguam investiente: qua excoriata, quod contrectando linguam præsertim coctam facile accidit, inclusa substantia, uti deinceps patebit, albescit, hinc linguæ color in multis mytulis observatur variegatus, scilicet albus ac nigris maculis distinctus: quod evenire putem ob fuscam membranam frustratim dilaceratam. Hæc membrana decoratur eleganti reti tubulorum quales in limbo ac in velamentis ei vicinis etiam occurrunt. Tota linguæ superficies L M. nec non ei opposita tam dense his ramis conspersa est, ut vix punctum iis liberum videatur: nam præter adumbratos intermediae areæ, ubi accuratius examinantur iis refertæ sunt. Horum ramorum ductus determinatus haud videtur; ad omnes enim partes decurrunt. Circa basin L. majores transversum solum habent, intermedii & minores in Rete efformantur. Hos ramos seu tubulos in fusca membrana existere inde conjicio, quod ea ablata visum fugiant, hi Tubuli forsan sudatorii sunt: linguæ enim superficies glutinè tenaci investitur; quod iis tubulis exudare potest.

§. 25. Linguæ sinus K. H. ex eo formari videtur, quod fusca membrana totam superficiem circularem non investiat, sed in medio spatium pro sinu denudatum adeoque album relinquat. Hic sinus utrinque labio, è membrana fusca & subjecta substantia constante circumvallatur; quæ labia diversimode contrahuntur & deducuntur, sinum subinde totum occultantia, interdum exponentia ac varie modificantia: Adeo ut sinus figura valde incerta & inconstans appareat.

Medio in sinu non longe à linguæ extremo sese prodit foramen oblongum H. pro vario linguæ motu diversam Figuram assumens, & interiora linguæ ac Mytuli petens, ut postea exponetur.

§. 26. Præter exarata membranam fuscam lingua duplici substantia coagmentari videtur sc. carne musculosa & pulpa. Musculosa Caro N. exteriorem linguæ partem constituit, Pulpa vero *o.* interiora occupat. Linguæ basi B. quatuor musculorum paria C. D. E. F. primo intuitu continua apparent. Accuratius autem examine unicum tantum par D. ei insertum invenitur, reliqua extuberantiæ P. impendantur. Musculi D. extre-

mo suo contigui sunt interiori Testarum superficiei, coherentes musculis E. & F. adeo arcte, ut minus accurata observatio eos pro unico musculo salutaret: tres tamen diversos esse inter alia insertio evincit. Musculi D. linguæ eum in modum continuantur; ut totæ linguæ exterior ambitus ad aliquam crassitiem, sub membrana fusca uti jam dictum, musculosa sit. Non verosimile hanc crustam musculosam constitui à solis fibris musculorum D. hæ enim rectæ sunt secundum musculorum longitudinem ductæ. Sed diversi motus tum contractionis, tum diductionis in lingua occurrentes ab uniformi fibrarum serie oriri nequeunt: unde inferre licet linguæ crustam musculosam esse congeriem multorum musculorum minorum, qui diversos motus in ea producant.

§. 27. Musculosa crusta cum vagina includitur Pulpa o. sic tamen ut lacinias quasdam q. in musculosam carnem projiciat: unde forsitan roboratur conjectura, quod crusta musculosa diversorum musculorum congeries sit. Hæc pulpa colore, mollitie, aliisque qualitatibus non multum diversa videtur à Pinguedine ante descripta, cui forsitan circa extuberantiam P. continuatur. In concursu musculosæ Carnis cum Pulpa vel potius in hac tres ductus sese produnt, duo laterales SS. & unus medius T. hic derivatur è foramine H. in sinu conspicuo, permeatque linguæ longitudinem, communicans cum vasis Cristam nec non hepatis superficiem ac Pinguedinis superficiem, convexam perreptantibus: nam flatus vel liquor foramini immixtus dicta Vasa turgescere facit: quod circa vasa concavam Pinguedinis superficiem decorantia nondum observare datum. Lateralibus ductibus SS. immixtus flatus basin versus ingreditur eadem vasa, quæ intumescunt flatu per medium ductum intruso: sed missus versus linguæ conum eum infareit & multos ramos, in quos laterales ductus dirimi videntur, detegit.

§. 28. Ad linguæ basin extuberantia P. locatur stamine comato V. instructa. Quam petunt tria musculorum paria C. E. F. quorum hæc est origo & insertio: Musculus C. insistit Testæ superficiei sinu asperatæ X. obliquo extremo, unde cum socio parallelæ ducitur sub lingua, (quæ cum his musculis aliquando acutum angulum efficit, aliquando iis parallelam jacet) terminatur circa stamen V. insertus arctissime corpori tendinoso a. stamini subiecto & forsitan continuo. Musculi E. & F. insistent testæ superficiei circa Z. etiam obliquo extremo, unde sub Crista ducti petunt dictum tendinosum corpus a. eique inseruntur: hoc tendinosum Corpus congeries videtur. Tendinum expositis musculis continuorum. In hoc corpore striæ b. occurrunt, quæ formam tubulorum habent, sed forsitan pro rugis contractæ substantiæ tenacis habendæ sunt.

§. 29. E Tendinoso corpore a. assurgit stamen V. quod in multos ramos d. dispescitur. Staminis substantia dura est, diaphana innumeris striis c. & e. diversimode ductis insignita; simillima videtur Crinibus. Mediante hoc stamine & filis ex eo missis Mytuli vicinis Mytulis aliisque corporibus solidis connectuntur: quod ut clarius intelligatur operæ dignum exponere, qua ratione hujusmodi filo adeoque stamen torqueantur. Uti id aliquoties in vitro marina aqua pleno observavi: diductis Testis & exertis limbi Cornibus f. una cum podicis labiis g. tandem lingua h. in conspectum venit, quo huc illuc vibrata Mytulus vicina solida videtur quærere, quibus applicatur linguæ superficies sinu & foramine i. instructa: hac superficie repit lingua per solidum contiguum eodem modo ac limaces vel lumbrici prorepunt, usque dum perventum est eo loca ubi filum annectere libet: illic foramine i. fortiter contiguum osculatur solidum adeo ut ambientes oræ deprimantur: interim sinus labia arctissime connectuntur: Elapso aliquo tempore foraminis oræ à solido contiguo solvuntur, superstiti in solido macula vel pellicula alba, cui continuatur filum, quod è sinu sensim deducto à foramine versus linguæ basin erumpit, & connexum est stamini V. hujusmodi fila jam contexta diversa l. una cum maculis m. vitro adhærentibus delineavimus. Dubitavi aliquamdiu unde materia pro filis torquendis proveniat? Nulla commodior nec aptior occurrit glutine è linguæ superficie exudante; est enim gluten in fila ductile, formam oblongam & rotundam in sinu labiis diversimode prementibus facillime acquirit denique sinus stamen usque protenditur idque ambit unde gluten ei connecti potest, si non pro parte ex vicinis subjectisque partibus extillet. Hæc fila crassitiem aranei fili haud superant, nihilominus Stamen, quod longe crassius est & indies forsitan accrescit, ab ejusmodi filo originem ducere videtur: quæri itaque potest qua ratione fila torta augmentum sumant Verosimile est gluten partibus staminis basi aditis exudans ei apponi, & incrementum dare: Porro plantarum instar excrescere & prolongari videtur. Haud absolum est dicere fila intumescere particulis è marina ambiente communicatis.

§. 30. Mediantibus his filis mytulus sese movere & de loco in locum transferre potest: quippe musculorum staminis basi continuorum contractione & abbreviatione necessario mytulus elevatur ac situm pro lubitu mutat, cum in toto ambitu vicinis solidis fila annectere possit: hinc itaque claret qua ratione Mytulus non semper eidem loco affixus sit, sed repenti potestatem habeat.

FIG. VII.

§. 31. Cirrorum penniformium A. B. bases desinunt in labia oris rictum C. ambientia: uti

uti antea explicatum. Ex ore manifesta via D. in ventriculum E. ducit : hic longe lateque in hepate excavatur multis sinibus gibbisque quoad internam superficiem inæqualis, & ductibus forsan innumeris hepatis continuus : uti patet ex liquore per os immisso, qui turgescere facit vasa antea in pinguedine exarata : præterea in coctis mytulis hepar à stomachi ductibus induratis pro parte secerni potest : denique in dissecto hepate ventriculi rami occurrunt horum ductuum ora patula ad F. videntur. Adeo arte tamen hepatis adhærent vel continuantur, ut ventriculum nec in crudis nec in coctis mytulis integrum ab eo separare haud potuerim. Hinc necesse habui ventriculi cavitatem GH. dissectam delineare. Ejus substantia membranosa est aliorum animalium ventriculo similis. Turget saltem in recens captis mytulis humore limoso.

Porro in ventriculo protuberat Capitulum I. styli IK. ob diaphaneitatem Crystallini dicti latentis in ductu LM. quem ductum pro Intestino habeo, tum quia nondum alia via, qua ventriculi contenta (exceptis hepaticis) deferuntur, mihi hætenus occurrit; tum quia hic ductus continuus est ductui N. quo excrementa alvi limosa continentur & per anum o. excernuntur. Obstare videtur, quod Stylus Crystallinus fere semper mundus & non conspurcatus existat limoso humore ejus superficiem lambente : Respondeo hoc non magis mirum esse, quam quod Styli capitulum ventriculi cavitati inhærens à limo immune sit; nempe limus huc usque tanta copia humidi commiscetur, ut parietes quos pertransit haud adhæreat; sic intestinum jejunum in perfectis animalibus vacuum invenitur. Interim humido vasis in ductu patulis transmissio limus solus in Intestino circa P. apparere incipit, & ejus ductum PRNO. infarcit. Stylus Crystallinus & ductus intestinalis LM. eum continens nec non ei continuus usque ad P. limoso humore immunes inveniuntur forsan & ob hanc causam, quod ductus hic utrimque pressus à musculis linguæ & staminis S. qui in continuo motu esse videntur, contentis haud diurnam moram concedunt. Ex dictis patet Intestinalen ductum hac ratione inter partes vicinas circumvolutum esse, sc. ventriculo continuus est circa T. unde extenditur sub superimpositis partibus & sui ipsius circumvolutionibus usque ad M. inde transiliens ad oppositum latus prædicto ductui parallelus reflectitur fere usque ad eundem terminum, ubi in ventriculo incipiebat, sc. ad P. hinc denuo transmissus ad prius latus non profunde currit sub cute inter hepatis lobos & descendens è Mytuli convexo ad ejus cavitatem prope os sub musculo V. è Cono Testæ in stamen ducto, reflectitur & per N. ascendens prioribus ductibus parallelus fertur sub limbi extremo X.

hic extra naturalem locum remoto, & tandem definit ad o.

Terminatur itaque Intestini extremum o. in circumferentia Musculi transversalis Z. cujus robore Mytulus Testas claudit & conclusas retinet uti postea explicabitur) hoc extremum obtegunt duo velamina triangularia a.b. (antea descripta) eo artificio, ut velamen a. cavitatem intestini arctare possit, ac ibidem contenta exprimere foras ad podicis labia, nec non inhibere ne ulteriora excrementa invito Mytulo protrudantur; velamen autem b. instar seipimenti cogit excreta per podicem egredi, ne in Mytuli cavitatem descendant : hinc ratio patet quam propter velamina hæc motu vario & vegeto polleant.

§. 32. Stylus Crystallinus KI. ejus longitudinis est ut occupet spatium ab I. ad M. Capitulum I. crassius est, sensim gracilescens usque ad K. superficies valde lævis, substantia glutinosa similis gelatinæ densiori è Cornu Cervi excoctæ : in tantum homogenea, ut Microscopio diversitatem particularum detegere haud datum sit. Usus hujus styli me ignorare candide profiteor : Rationem non video, quare is, uti conjectat Willis in Ostreis, pro spinali medulla esset habendus; quippe vicinis partibus tantum contiguus nullo modo continuus conspicitur; hoc tamen emissi nervi efficerent. Aliquando cogitavi hunc stylum suppeditare alimini fermentum quin & dubitavi, an non esset instrumentum generationis? quia aliæ partes, quibus hoc munus competit haud occurrunt. Styli capitulum amplectitur zona circularis T. quæ est instar sphyncteris contentorum è ventriculo in Intestinum transmissionem dispensantis. Intestini cavitas sub stylo instructa est sinu satis alto, inferioriorem cavitatis partem occupante.

§. 33. Exaratis Ventriculo & Intestino tempus me monet hepatis structuram ob oculos ponere. Ambit Ventriculum longe lateque substantia fusca vel potius nigra, quam hepar esse ex situ & structura conjicio : quippe haud insuetum est in aliis Animalibus hepar in ventriculi vicinia quin & ambitu locari : sic in Cochlea hepar Ventriculum & intestina sinu suo fovet, uti alias explicabitur. Porro ductus insignes è ventriculo in hanc substantiam nigram mittuntur; quod etiam in Cochlea, nec non in Astaco ac Cancro conspiciere est. Certe in hujusmodi animalibus hepar videtur mesenterii munus subire denique hujus substantiæ structura arguit eam hepar esse : constat enim lobulis majoribus, qui in minores oblongos d. subdividuntur, cohærentes fere instar uvatum racemi : singulus lobulus è rete fibrarum vel tubulorum esse videtur. Sacculi sint nec ne determinare, ob exiguitatem non audeo. Nondum exploravi num humor è ventriculo hos lobulos ingrediatur. Hoc certum

videtur, quod humor vi emboli immixtus vasa per pinguedinem dispersa subeat citius quam ut hos lobulos trajicere possit. In hepatis lobulis, nec non in membrana Ventriculi & Intestini motus radiosus manifeste conspicitur. Porro in Intestini parte Stylum crystallinum continente mucor limpidus invenitur.

FIG. VIII.

§. 34. Restant exarandi duo transversales musculi A. & B. plano utriusque Testæ concavo seu interiori perpendiculares. Musculus A. Cylindri formam habet, cujus bases C. ad Cylindri axem non rectæ sunt sed ab una parte acutum & ab altera obtusum angulum constituunt. Porro bases invicem non sunt parallelæ, sed divergentes ad latus D. concurrentes vero ad oppositum E. quia fibrarum fasciculi non æque longi sunt quod ita fieri debuit non ex necessitate motus musculi, sed ob testarum figuram: hic musculus enim illic loci testis insitit, ubi à se invicem divergunt. Ita ut inter illos numerandus veniat, quorum extrema cum lateralibus angulos rectos efficiant; quippe ex accidenti tantum illud omissum est. Quandoquidem figura hujus musculi manifeste Cylindrica est, hinc patet ad essentiam musculorum haud requiri ut repræsentent parallelepipeda. Constat hic musculus uti alii tum in Mytulo, tum in aliis animalibus fasciculis fibrarum minutarum quorum crassities F. non æquales conspiciuntur, sive id eveniat ob inæqualem numerum fibrarum fasciculis contentarum, sive ob compressionem, qua fibræ sese invicem premunt. Fasciculi parallelum ductum observant, tam arcte connexi mutuo ut integri separari nequeant. Coagmentantur minutis fibris, quæ etiam arctissime connectuntur, adeo ut in crudo musculo separationi resistent, in cocto autem separantur quidem, tamen vicinis cohærent. Hinc conjectavi aliquando fibras inter inosculationem esse similem ei quam *Malpighius* inter fibras ligneas plantarum invenit. Fibrarum magnitudinem determinare non audeo: quia minutissimæ semper in minores subdividuntur usque dum instrumenta deficiant: Eodem fere modo ac Talci lamellæ semper in tenuiores secernuntur. Hujus musculi bases adeo arcte Testis adhærent, ut in crudo Mytulo vix integræ separari possint, in cocto vero diductis Testis altera basis vel utraque separatur. Hinc forsan refelli potest illa opinio, quæ statuit Spiritus animales, dum moventur musculi è tendinibus fibras carneas subire, redeuntes ad tendines relaxante musculo. Certe hic musculus Cylindricus tendinibus videtur destitutus, nisi quis Testas pro tendinibus salutaret: Sed tum vero haud simile est Spiritus reciproce è Testis in musculum & è contra posse currere.



Musculi hujus superficies lateralis DE. inter

bases C. obtegatur diversis partibus, sc. adiposa, intestino & limbo uti videre est Fig. VII. ad Z. præterea ei connectuntur extrema Cirrorum pectinatorum G. nec non Crista H. E parte adiposa lacinia quadam musculi interiora inter fibrarum fasciculos petere videntur, cum ea procul dubio vasorum rami, quibus hæc substantia densissime stipatur.

Musculus b. oppositum Mytuli extremum occupans planus dicatur ob figuram. Fibrarum fasciculi in hoc musculo, uti de præcedenti notatum non sunt ejusdem longitudinis: inferiores enim I. interiora Mytuli spectantes longiores sunt superioribus K. Testarum crepidini obversis: quod etiam factum est ob figuram Testarum sibi invicem haud parallelarum; quippe earum crepidines oblique concurrunt. Hujus musculi superficies lateralis investitur substantia adiposa, & superior obtegatur extremo limbi L.

§. 35. Exarati transversales musculi præcipua & forsan unica instrumenta sunt, quibus diductæ Testæ clauduntur: quod non tantum eorum situs & structura arguit, sed præterea patet inde, quia horum musculorum altero extremo à Testa separato Testæ hiscunt & claudi Mytuli vi nequeunt: quin & idem minori tamen hiatu accidit separato tantum extremo musculi Cylindrici; qui ut reliquo multo major ita & potentior Fig. II. Ad Testas à se invicem diducendas nullos musculos inservire putem; quippe Vinculum A. Testas eum in modum connectere videtur, ut sit instar Elateris eas disjungentis; adeo ut laxatis vel dissectis musculis transversalibus Testæ conniveant machina Vinculi. Jam explicandum esset, quæ ratione musculi contrahantur? Cum autem ejus rei explicatio dependeat à generali doctrina motus musculorum, consultum duco ei operi supersedere.

§. 36. Lustratis hucusque Mytuli partibus motus radiosus seu tremulus explicandus venit. Observatur hic motus in plerisque Mytuli partibus, de pinguedine dubito, in musculis eum nunquam assequutus sum; sed in nullis manifestior est quam in Cirris, in quibus ob tenuitatem & perspicuitatem facillime examinatur. Fig. V. Radiosum eum voco, quia instar radorum, uti ad T. adumbratum est, è Cirri toto ambitu procedit, fere eodem modo ac in solutione oculorum Cancris, Metallorum, &c. bullulæ aëreæ è corpore solvendo emittuntur, tremulus dici potest, quia partes eo agitatae reciproce vibrantur. Hic motus vegetat non tantum in integro Cirro reliquis Mytuli partibus connexo, sed & in ejusdem frustis minutissimis abscissis; quæ lymphæ marinæ innatantia radiando per liquorem saliant: quod minutiis oculorum Cancris, Metallorum &c. dum eas menstrui acetosi sufficiens quantitas ambit, etiam accidit. Perseverat hic motus in Cirris per multos dies, si aqua



si aqua marina humectati servantur: exsiccatis autem motus perit, qui redintegratur ubi marina affunditur, nisi exsiccatio nimia præcesserit. Hoc motu è Cirris exit fluidum aqueum cumque eo muco tenax, cujus partes ipsæmet sæpe motu radiofo pollent; aqueo fluido globosæ particulæ innatant quæ videntur etiam è Cirris protrudi: hoc saltem constat has particulas motu radiofo à Cirris dispelli, paulo post denuo ad eos recursum, bullulas aereas emitti numquam observavi.

§. 37. Expositis maxime conspicuis phænomenis hujus motus radiofi vel tremuli restat ut in ejus Causam inquiratur. Cum primum hic motus, quem à nullo hætenus observatum invenio, mihi occurreret proclivis eram in eam sententiam, quod esset circulatio quædam humoris vitalis, rem autem diligentius inquirens & perpendens coactus sum motum attribuere non humori circulanti, sed parti continenti, idque has potissimum ob rationes 1. Cirrorum fibræ manifeste sese reciproce inflectunt & erigunt 2. fibrarum partes vibrando moventur alias locum non mutant, instar ramorum arboris trunco affixorum vento diversimode agitatorum. 3. Minutiæ abscissæ motum radiofum, uti annotavimus, servant: quod conceptu difficile, si motus humori circulanti inesset: quippe qui protrudi debet ab ulterioribus partibus, alias necessaria subsisteret. Observandum tamen est, quod contenta fluida necessario agitentur & protrudantur à vibratis partibus solidis quod constat ex fluido è Cirris emanante. Unde partes solidas motus accedat difficile dictu

est. Procul dubio iis est connatus, uti in aliis animalibus Cordi, & conservatur a fluido tum ambiente tum perlustrante partes solidas. Supponimus enim partes solidas ejus esse structuræ ut sua sponte vel ob fluidum immisum contrahantur, uti forsitan in costis Mytulis probatur, quorum partes, præcipue limbus, lingua & Cirri, in quibus hic motus maxime manifestatur, valde contractæ conspiciuntur. Contractione autem finita denuo relaxantur, idque perseverat usque dum fluidum eas ingrediatur non tantum internum, sed & externum ambiens scilicet aqua marina, cujus salinæ particulæ motum hunc promovere videntur; Cirri enim pluviali madefacti motum minus vegetum quin aliquando nullum habent. Porro vero non absimile videtur Cirrorum aliarumque partium hoc motu gaudantium fibras instructas esse tubulis vel poris aquam ambientem admittentibus, qua eos subeunte expelluntur particulæ minus graves & sic excitatur motus radiosus, eodem modo ac igneæ particulæ è pruna aquæ immersa extruduntur.

Hæc de Mytuli partibus earumque motu dicere habui. Addere quædam de eorum generatione, nec non de pectinum Structura erat animus. Sed perpendens nimias merces uni navigio non esse committendas, hinc reliqua in aliam occasionem differre placuit.

NOTA.

Similia & adhuc alia nonnulla in Mytulis & conchis à Dn. *Poupart* observata legantur in *Ephem. Acad. Reg. Scient. A. 1706. p. 64. seqq.*

SECTIO CX.

DESCRIPTIO ANATOMICA POLYPI

è Marci Aurelii Severini Zootomiâ. p. 355.

EXPLICATIO FIGURARUM TAB. LXXXII.

IN PARTE INFERIORE

Sistitur *Polypus integer* in sua concha, *CARINA NAUTILI* dicta, de qua vid *India nostra Lit.*

IN PARTE SUPERIORE

FIG. 1.

Ob oculos ponit *Polypi sectionem primam rudiore*, in qua

Lit. A. est *Os.*
B. *Oesophagus.*

C. *Cerebrum.*
D.D. *Pulmones.*
E. *Vena.*
F. *Jecur.*
G. *Intestinum.*
H. *Intestini recursus.*
I. *Saccus multa complectens.*
K.K. *Renes.*
LL. *Cornua uteri.*

FIG. 2.

Polypi sectionem secundam sistit

A. *Os.*
B. *Oesophagus.*

C. Prior venter.
 P. Cerebrum.
 Q. Nervus è cerebro descendens.
 D. Inferior venter.
 E. Appendicula.
 F. Intestinum ad superiora recurrens.
 G. Atramentarium.
 H. Membrana.
 I. Uterus.
 LL. Cornua uteri.

MM. Testes, non renes, Me judice.
 NN. Fibrae [pissa pennarum modò.
 O.O. Finis cornuum membraneus.
 R.R. Pulmones.
 S. Vena in cor ascendens.
 T. Anticorculum.
 V. Cor.
 X. Hepar.
 Y. Vesicula fellis.
 Z. Corpus album.

SECTIO CXI.

DESCRIPTIO ANATOMICA HIPPOCAMPUS

è Marci Aurelii Severini Zootomia pag. 351.

SUB ossibus auriformibus branchiæ latent. Bipartitum est ejusdem Corpus. Pars altera, quæ supra anum, pars altera quæ infra. Superior tota contexta munitaque cortice toti corpori communi. Inferior ventrem refert, velut saccum; sed hîc uterus consistit:

ibi ventriculus cum hepate, intestinò, vesiculâ, renibus, corde.

Anus initio sacci se offert, non facile conspicuus. Viviparus est, si quis prægnantem inspexerit.

SECTIO CXII.

DESCRIPTIO ANATOMICA URTICÆ MARINÆ

D. Antonii de Heide, Batavi.

HUJUS insecti, quibusdam HOLOTHURII dicti, diversæ species apud Autores occurrunt, quibus enumerandis non immorabimur. Notari solum debet vulgus in Belgio distinguere MARINAM URTICAM INERTEM (quæ impunè tractatur manibus) ab eâ, quæ URENS dicitur, quia cutem nostram adurit, eodem ferè modò ac vegetabilis urtica urens.

Substantia hujus Urticæ est diaphana, mollis & in aëre aperto per aliquot dies detenta ferè tota in humorem liquefcens. Convenit quoad crassitiem, excepta eleganti partium structurâ, cum cornu cervi, crassiori gelatinâ.

Urticæ marinæ corpus ABCD discum alterâ superficie convexum, concavum alterâ repræsentat. Convexa superficies lævis, conca-

va in figuris adjectis delineata, diversis gaudet protuberantiis.

Extrema ora hujus disci ABCD valdè tenuis est, evadens sensim crassior prout Centrum E. appropinquat.

Extuberantiæ in concava superficie præcipuè sunt quatuor Cirri seu aggeres, AE. BE. CE. DE. è centro E. radiorum instar ad circumferentiam extensi. Circa centrum cirri sunt continui, tum sibi invicem, tum subjecto disco: huic tantum usque ad F. cohærent, cæterum liberi. In viciniâ Centri sunt crassissimi, gracilescentes sensim.

Cirrorum dorsum, seu pars exterior, sinu G. excavatur per longitudinem: qui sinus circa centrum E. latior est. Sinus labia cornibus H. decorantur, quæ, vivente cirrò, in con-

fig. I.



fig. II.




fig. IV.



fig. III.






fig. V.

Urtica marina.





in continuo motu sunt, uti deinde explicabitur.

E sinu circa centrum E. patet manifesta via ad cavitates K. quæ quatuor numero interceptæ & partim obiectæ sunt cirris: potissimum tamen obteguntur duplici stragulo K. & L. stragulis externis K. totam cavitatem non investit, sed foramine L. pertusum est; inferius autem stragulum L. totam cavitatem tegit. Hæc duo stragula sunt contigua, non continua: nam specillum per foramen L. liberè inter duo stragula circumduci potest.

Cavitates exaratae terminantur Zona alba M. quæ nudis oculis areolarum tubularum congeries apparet: mediante tamen microscopio in areolis globuli exactè rotundi diversæ magnitudinis N. in conspectum veniunt: & circulus, cui (cavitatem versus) areolæ innituntur, Congeries Cornuum O. sese moventium apparet.

Atramentum per sinum E. in cavitates K. injectum ingreditur statim & facillimè vasa P. denso agmine corpus urticæ perreptantia. Horum vasorum quædam recto & continuo ductu à cavitatis Zonâ M. ad urticæ circumferentiam currunt, sine ulla divisione, quorum in quibusdam, si non in omnibus urticis ad singulas cavitates tria P. P. P. conspiciuntur: reliqua in ramos & propagines Q. dividuntur. Utrisque commune est exceptum liquorem ductui R. urticæ corpus ambienti instillare. Hinc atramentum uni cavitati injectum mediantibus exaratis vasis, huic cavitati propriis, ambienti ductui commissum, ex eò vasa reliquarum cavitatum subit, adeoque per totum urticæ corpus dispergitur.

Tam facilè dicta vasa ab immisso liquore replentur, ut antea humoris vacua fuisse videantur: aer cavitatibus immissus vasa non manifestè intrat. Hinc tamen inferri nequit vasa hæc aëri non esse destinata, quippe qui paulatim excipi potest: quod forsàn eò confirmatur, quia cavitates aliquando aëre turgidas observavi.

Ad extremam urticæ oram in concavâ superficie fimbria S. conspicitur, subjectam substantiam obtegens. E convexâ superficie altera fimbria T. ultra urticæ oram protenditur.

Huic protensæ fimbriæ T. incumbunt cornua V. structura & motu similia cornibus ante in cirris & cavitatibus memoratis; Hæc tamen multo longiora & crassiora sunt: striis X. transversis vel spiralibus insigniuntur. Crassities major ad basin Y. quàm ad extremum Z. quæ tamen mutatur, prout cornua contrahuntur, vel prolongantur.

Nam in his cornibus motus notatu dignus occurrit, quo in longum protenduntur, varieque complicantur. Deinde verò sese contrahunt, idque subitò elateris instar. Striæ spirales in protenso cornu latiores sunt, quàm in contracto. Cornu acumen Z. variè flectitur ac movetur, acsi ambientis fluidi constitutionem eò exploraret, nec non ejus parum absorberet. Cerrè motus in his cornibus non ab similis est motui in proboscide muscarum dulcia lambentium. Orificium aut cavitatem in tam tenui corpore hætenus deregere haud datum, nisi fortè in urtica urente, uti in ejus Anatome alio tempore erit monendum. Cornua hæc non tantùm suâ sponte elongantur, sed vi levi externâ incredibilem in longitudinem extenduntur, antequam rumpuntur.

Hæc de Urticæ marinæ superficie concavâ sufficiant. Convexam quod attinet, in eâ pauca restant notanda. Hoc non prætermittendum, quod hæc superficies maculis albescentibus T. conspersa sit, quæ accuratius examinata agmina tuberculorum rotundorum Δ. apparent, totam superficiem quidem obsidentium, in maculis tamen densius conglomeratae, quàm alibi, albedinem præbent.

Urticæ circumferentia incisuris octo, ex æquidistantibus insignitur, quæ necessariae sunt ad corporis flexionem, sine plicaturis efficiendam, quam subit urtica aquæ innatans & sese promovens.

EXPLICATIO FIGURARUM TAB. LXXXIII.

IN PARTE INFERIORE FIG. V.
Urticæ totius ambitus sistitur.

IN PARTE SUPERIORE FIG. I. II. III. IV.

Partes in Corpore ejus contentæ & in præcedentibus per literas explicatæ ob oculos ponuntur,



SECTIO CXIII.

DESCRIPTIO ANATOMICA
SEPIÆ

Ex Marci Aurelii Severini Zootomiâ, p. 353.

EXPLICATIO FIGURARUM

TAB. LXXXIV.

IN PARTE INFERIORE FIG. IV.

Ob oculos ponitur Sepia pifeis, in figurâ naturali.

IN PARTE SUPERIORE

FIG. I.

Lit. A. est *ingluvies Sepia femella non pragnantis, in exortu lata.*B. *Ventriculus cum recessu coniformi candido.*C. *Intestinum.*D. *Vesicula fellis.*E. *Eructarium Atramenti.*F. *Intestini recursus.*G.G. *Testes.*H.H. *Uterus.*I.I. *Cornua.*L.L. *Membrana uteri.*

FIG. 2.

Penis est Sepia maris.

FIG. 3.

Os cum suo ventriculo delineat.

SECTIO CXIV.

DESCRIPTIO ANATOMICA
SERPENTIS

Ex Observat. Anatom. D. Gerh. Blasii p. 95.

IN serpente viscera trium spithamarum longitudine omnia occupabant, facta dimensione spatii illius, quod est inter caput & locum eum, quò alvi exitus notatur.

PULMO

hic duplex, siquidem substantiam spectemus, toto genere distinctus. Prior eorum, qui superior, quemque trachea ipsa immediatè intrat, rubicundior emque spongiosam, mollem facileque extensibilem, carnem refert, quæ tamen intus notabili cavitate pollet, fistulari quasi. Continua huic cavitas est altera, inferior priorique longè major, sive longitudinem spectes, sive amplitudinem, quam pulmo alter, membraneus omninò, constituit. Immissus per asperam arteriam aer utrumque notabiliter distendit, quò in statu prior sericeam bursam repræsentat, posterior vesicam oblongam, extendentem se ad renes ipsos. Dorso uterque posteriore parte adhæret sub œsophago, corde, hepateque recumbens.

COR

Exile valdè singularis omninò figuræ, pollicis transversæ longitudinem habens, digiti minimi latitudinem. Unicus ipsi tantum ventriculus, qui omnem sanguinem ex auriculâ ad-

data, molis sat magnæ, accipit per venam, notabilem satis, eundemque eidem reddit per arteriam non minus insignem, exinde ulterius promovendum. Carneæ satis substantiæ est, valideque admodum moveretur, etiam diu postquam capite privatus est serpens. Imò cor ipsum à partibus reliquis separatum extra corpus detinetur. In hujus corpore adhuc detenti motu evidentissimè notari licuit, quoties laxabatur longioremque figuram assumebat, toties sanguinem ex eò ad partes aditas ablegari, contra ac in aliis animalibus, duplici ventriculo præditis, observabamus.

Vena atque arteria, quam in auricula Cordis reperiri modò docuimus, levi quodam seipimento distinguuntur, eo locò, ubi auriculam intrant, quod faciliè, dissectis ventriculo cordis auriculaque, videre licet.

PERICARDIO

Investitur Cor hoc satis firmo, quod etiam notabili spatio à substantiâ cordis distat, liquoremque sat clarum continet.

VASA

Emergunt ex corde duo, quæ statim præcipuâ sui parte per posteriora corporis sub pulmone descendunt ad inferiora. Arteriâ, uti conjicio, à dextris

fig. I.




fig. II.



fig. III.



fig. IV.



à dextris, vena à sinistris. Utrumque similiter ac vas illud, quod ab hepatis inferiore parte prodire videtur & *Severino* vena portæ dicitur (licet mihi venæ prioris ramulus videatur) partibus omnibus ventre toto contentis in suo descensu mirè propagines exhibet, testibus imprimis & renibus.

THYMUS

vasis jugularibus circa collum accumbens, firma admodum glandula, quamvis hordei magnitudinem haud superet.

OESOPHAGUS

recto ductu ab ore se extendit ad corporis medium, ejusdem ubique capacitatis, adeò ut saccum oblongiorem haud inconcinne referri dici posset, nisi ubi intestina principium sumere videntur, angustum valde: ibi enim acuminatus notabatur, dictâ capacitatem ordinariâ spatio duorum triumve digitorum transversorum sensim remittente. Amplum adeò receptaculum, ut vel pollicem viri satis corpulenti recipere valeret. Pars hæc, quæ superiore angustior, parum obliquè in latus dextrum inclinata, à figurâ ordinariâ sic recedit, carnosiori substantiâ constat eâ, quæ amplior superiorque est; utpote quæ nil nisi membranæ duplicis, tenuissimæ constitutionem exhibet. Et hæc substantiæ disparitas cui non ansam præberet partem superiorem simpliciter membranofam gulam constituere, inferiorem, carneis præter membranas fibris gaudentem, ventriculum? Totus hic ductus, quem gulam & ventriculum dicimus, spithamæ unius & mediæ longitudinem habebat; Anteriora ventris occupabat.

VESICA FELLIS

spatio notabili ab hepate distat, subtrili equidem, ast valida satis, tunica constans. Biliarius ductus ipsi singularis, qui incurvatus primò, hinc rectus magis, obliquè à dextris, ubi vesica recumbit, ad sinistra descendit, ubi intestinum ventriculo vicinum intrare videtur, ast non nisi intercedente corpusculo glanduloso, firmo. Idem intestinum accedit ductus alius, priori capacitatem haud cedens, longo itinere ab hepatis extremo inferiori productus. Unitur hic ductui cystico modò unò, modò duplici ramulo, antequam corpusculum glandulosum intret. Hic an eidem misceatur, sic ut unicò foramine uterque ductus in intestini cavitatem hiet &, an verò separati iidem permaneant, distinctoque exitu gaudeant, determinare nondum audeo; ulterior inquisitio rem hanc certiore reddet.

INTESTINUM

ejusdem ubique amplitudinis & constitutionis, aliquot spithamarum longitudinem habens, nisi circa extremitatem ad XII. digitorum transversorum longitudinem, ubi amplitudinem multo majorem habet, sic ut hæc particula Coli. Rectique nomen adsumere queat. Desinit ea circa ventris inferiora manus transversæ latitu-

dine à caudæ apice, ast constrictior hic est, quàm fuerat in sui principio medioque, fæces in intestinis hisce, imprimis crassis, hærentes, globosæ omninò sunt, unde variis locis tuberosa hæc intestina reperiuntur. Habetur delineatio eorum in Tab. 85. Fig. 4. Gyrofa omnia sunt, mirisque modis flexuosa, tenuia maximè.

CORPUSCULUM GLANDULOSUM

quod intestinò adhærere modò diximus ductusque bilarios excipere, PANCREAS verum esse conjicio; ex hoc an & qualis ductus singularis ad intestinum deferatur, necdum notare contigit.

Pancreati huic, siquidem tale haberi debeat, exigua quædam particula superius cohæret, subrubicundi coloris, Pancreate ipso longè mollior minorque. Lienem eam esse, cum *Severino* dicere non video quid inhibeat. Aliam enim partem, quæ pro lieni haberi queat, reperire haud licet.

HEPAR

mollioris substantiæ, nitidi satis rubicundique coloris. Figura ipsi oblonga, complanata. Incumbit parte posticâ, quæ concava aliquò modò, gulæ, anteriore parum protuberante. Longitudinis summæ est, at latitudinis exiguæ. Hæc enim vix minimi digiti transversæ latitudini respondet, cum illa spithamam integram excedat, aut X. digitorum transversorum latitudinem.

RENES

infra testes decumbunt, quorum situi diverso diversimodè respondent, dum dexter superior, sinister inferior. Ex quamplurimis quasi glandulis coagmentati videntur, quarum quævis ex arteriâ, circa latus internum eas præterlabente, ramulos sibi adsumit varios.

URETER

circa inferiorem renis cujusvis partem sese manifestat, cujus progressus brevis rectusque ad intestini extremum.

VESICA URINARIA

in hoc subjecto, uti etiam in subjectis variis aliis non datur, in unam cloacam alvi fæces atque urinam naturâ ablegante.

TESTES

hic duo, utroque latere unus, situ valdè dispares. Dexter enim sinistro multò superior est, imò distat hic ab ano spatio spithamæ unius & semis. Uterque substantia vix aliquid exhibet præter vasis spermatici tortuosè procedentis congeriem. Albicans hinc totus testis apparet, quasi ex funiculo albicante variè circumducto, antequam extremum superius attingat, compositus.

Testi utrique, interiore parte, quæ vasa prædicta spectat, substantia quædam mollis accumbit, tenuis valdè, carneique coloris. Hæc quid sit & an testi ipsi auxiliaris, necdum nobis constat. Inquirant nobiscum curiosius curiosiores.

Funiculus hic, quem Vas spermaticum dicimus,

mus, quamprimum testis limites transiit, continuâ gyrorum continuatione, longô admodum itinere, ad locum ubi intestinum finem suum nanciscitur procedit, ubi peni uniri videtur. Initium suum circa testis superiora agnoscit.

PENIS

hoc in subjecto duplex, adeò ut cuivis testi ejusve continuato ductui ejaculatorio continuus sit unus, dextro dexter, sinistro sinister. Contortus hic valde, quamdiu capsulæ suæ inclusus : at extra eam longioris figuræ occurrit.

EXPLICATIO FIGURARUM

TAB. LXXXV.

IN BASI SEU INFERIORE PARTE

FIG. 8. & 9.

Exhibetur serpens biceps monstrosus & alius ex India, de quibus in *Museo Museorum*.

IN PARTE SUPERIORI

FIG. I.

Exhibet Intestina.

- a. Portio est œsophagi.
- bb. Intestinum tenue.
- cc. Intestinum crassum.
- dd. Locus fecum.

FIG. II.

- a. Vesica fellea in situ naturali.
- b. Ductus cysticus.
- c. Particula hepatis.
- d. Ductus Hepaticus.
- e. Pancreas, uti suspicamur.
- f.f. Intestinum.
- i. Ductuum biliariorum anastomosis.

FIG. III.

- a. Cor ipsam.
- b. Auricula.
- c. Arteria.
- d. Vena.

FIG. IV.

- a. Cor.
- b. Trachea.
- c. Pulmonis pars superior.
- d. Pulmonis pars inferior, vesicularis.
- e. Oesophagus.
- f. Ventriculus.
- g. Vesicula fellis.
- h. Pancreas.
- i. Lien.
- k. Ductus cysticus.
- l. Intestinum tenue.
- m. Vasa cordis & hepatis abscissa.
- n.n. Testes.
- oo. Renes.
- p.p. Ureteres.
- q.q. Ductus spermatici ejaculatorii.
- rr. Penis uterque
- s. Hepar.

S E C T I O C X V.

A N A T O M E

SERPENTIS CAPRIMULGI

D. Marci Aurelii Severini

In Zootomia p. 364.

Larynx exerta atque conspicua quacunque oris diductione, sub larynge lingua per meatum ultrò citroque excurrent. Quod sibilum ergo edit, ne quidem mirum: Hæc enim velut fistula conjecta in infernam genam mediam recto ductu videtur.

Dentium ordo superne quadruplex, inferne duplex.

Oculi veluti vitrei.

Aspera arteria parte anteriori circulis cartilagineis, posteriori membranâ tenui & amplâ satis constructa. Oesophagus latissimus pro corporis ratione: Ventriculus item amplus, in quo repertæ aviculæ tres nidacæ. Cor vi-

scerum omnium primum & supremum apparet: Nam sunt & inferiores eo pulmones, qui cavi & fistulosi sunt, ductu eodem, quo aspera arteria.

Magnæ arteriæ descendenti reversivi duo rami, alter ad oesophagum, alter ad pulmones.

Vena cava in parte hepatis cava: porta verò in gibba. Hæ postquam fines hepatis excesserint, committuntur, & non ante distinguuntur, quam ad testium confinia pervenerint: ubi primum spermatica vasa promuntur.

Fellis vesica longe infra hepar duplicem ductum habet, alter à porta insertus τῇ ἐκφύση per mediam quandam glandulam, formæ & figuræ







Fig. I.



Fig. II.



Fig. III.



Fig. IV.



figuræ tonsillæ humanæ: cujus & à latere splen-
visitur parviculus satis & ex rubro cardicans.
Alter vero vesiculæ fellis ramus ab eadem
glandulâ ad basin dictæ vesiculæ procedit, me-
diâ membranâ cum corpore vesicæ adalliga-
tus.

Testes situ dispares; nam dexter superior,
ad quem mittit aorta spermaticum & varico-
sum ramum, colore albidum unum; minores
deinde alios huic oblique mittit infernè. Idem
in sinistro. Sed ramus spermaticus à vena ca-

va simplex, est, participatus ab utroque te-
ste.

Renes infra testes consistunt, ex multis quasi
renibus conflati.

Ab arteria magna rami conspicui descenden-
tes oblique ad testes utrosque.

Uterus cibialium vestimentorum instar.

CÆCILIAM

Oculis non carere, ad oculum demonstrat *Bid-
lovius* in *Tr. de Oculis & visione diversorum
animalium*.

SECTIO CXVI.

DESCRIPTIO ANATOMICA VIPERÆ

ex *Angeli Abbatis Tr. de admirabili viperæ naturâ & de mirificis ejusdem
facultatibus Cap. XV. pag. 75.*

SI antiquiores Viperæ anatomen sicuti chæ-
mæleontis tradidissent, (quod refert *Pli-
nius*) multos equidem errores evitassent.
Sed ob horrorem eam reliquisse existimandum
est; cumque in capite sit venenum nobis ictu
permolestum, ab eò primùm exordiri par
est.

Cerebrum tam pusillum habet, ut vix
quatuor granorum milii æquet magnitudinem
& quantitatem, & propterea calidum & sic-
cum animal à quibusdam dicitur, quoniam
cordis calorem, qui immodicus est, non
temperet cerebrum.

Dentes tam Mas, quam Fœmina quatuor
habet, sed fœminis firmiores stabilioreque in-
sunt: duos verò deciduos habet mas, peren-
nes alios. *Vid. Fig. V. & VI. TAB.* Quare in
his enumerandis & signis enunciandis an à fœ-
mina vel mare ulcuscula inflicta fuerint, de-
cipiuntur omnes, turpiter à *Nicandro* decepti,
qui dicit signa maris & ictus ejus duo semper
foramina esse, cum quandoque quatuor sint

& esse possint, antequam decidant. Ex no-
stratibus recenter deceptus est *Amatus Lusita-
nus* & paulò ante celeberrimus *Hieronymus
Mercurialis*, qui duo tantùm semper esse cre-
diderunt.

Cor habet grandiusculum, in pericardiò
mobile, & quando alexiteriò occiditur, con-
citatus movet, quam si ferro enecaretur.

Jecur habet oblongum. Vena admodum
crassa medium petcurrit, quæ certò à corde
oritur & complantata est usque ad extremam
viperæ caudam. Jecur autem compositum est
quasi parenchyma sit.

Penis masculo duplex est, quatuor quoque
testes.

Fœminæ volva duplex & orificium duplex,
oblonga, satis plena ovarum. Intus ova pa-
rit. Utrum verò in ambobus uteris eodem
tempore semen emittatur ab utroque penè, an
quandoque uno uni, quandoque altero alteri,
sive ab alterutro genitali projiciatur, incertum
prorsus omnibus huc usque.

EXPLICATIO FIGURARUM TAB. LXXXVI.

IN PARTE INFERIORE FIG. III.
exhibetur Viperæ in coitu & partu. Illic vide-
re licet fieri non posse, ut, quod vulgo asse-
runt, mas à viperâ tam facilè occidatur dum
coit: neque verum est hanc semen ex ore ac-
cipere, quod reverà per penem subtus immit-
titur, à viperæ volva ad uterum delatum. In

pene duplici maris majorem in *Aristotele* dili-
gentiam requisivissem, præcipuè etiam in tes-
tibus & vasis seminariis, quæ serpentibus in-
esse negavit. Hæc est figura communis coe-
untium serpentum, quo sive erecti super ter-
ram, sive strati, hoc certe complexu cohæ-
rent, ut *Aristoteles* & *Plinius* observarunt.

ALTERA FIGURA inferior num. IV.
parturientem viperam ob oculos ponit, quò
nugæ & monstra tolluntur de partu illorum,

quæ à vero longissimè absunt. Viperam enim in partu enecari & caput masculi à viperâ abscindi falsum est.

C. igitur *dentes caninos, acutos, perforantes cum vesicis aut gingivis* indicat.

A. & B. *Latera superiora capitis eminentia*, quæ à Nicandro tubera & cornua vocantur.

D. *Os vulva* vel osculum externum cum *catulo vipereo* F. exeunte.

E. *Sanguis & fœtus excrementa* circumfusa.

G. *Viperula in involucrio* mox exiens, quod statim dehiscit ac rumpitur, veluti secunda in puerulis.

Hæc autem viperula naturaliter exiens nondum senectam exuit uterinam, quæ triduò exspoliari solet. Et hæc in re diligenter animadvertendum est *Aristotelem* ambiguitate laborare, i. e. involucrium mox à viperula perforatum, extra quod M. viperula exiit, pro senectâ viperinâ perperam accepisse, quæ triduò solvitur L. expoliatur.

IN SUPERIORI PARTE TAB. 86. FIG. I. internarum partium explicatio traditur, oesophagus, larynx, pharynx, gula, aspera arteria &c.

T. R. igitur est *aspera arteria*. Pulmo autem est vesicula oblonga, membranosa, variisque meatibus plena aere turget.

P. & Q. sunt *venæ* seu *arteriæ*, quæ ascendunt à corde & ab hepate ad gingivas seu dentium vesiculas.

S. *Oesophagum* denotat.

N. *Cor* in *pericardio*.

M. *Jecur*, per quod vena excurrit.

L. *Ventriculum* denotat, cui proxima est

K. *Vesicula fellea*. &

O. *Vena*, quæ ab hepate ad radices dentium ichorosum & pravum sanguinem aut fel veneni (*) defert, ibique in dentium radicibus venenum vipereum actu efficitur.

G. *Fundus est ventriculi & principium recti intestini*, cui infigitur.

E. & C. est *exitus fœtus*.

H. & I. *Ovorum receptaculum*, ut in gallinis, significant & consequenter ejus amplitudinem.

D. & E. *Vasa seminaria* demonstrant.

A. & B. sunt *orificia intrinseca uterorum bifida* seu bipartita.

FIG. II.

Masculi interiora explicat.

A. A. *Testes* eorumque situm demonstrant.

X. X. Sunt *vasa deferentia*, ipsum semen è variis anfractibus advehentia, quæ terminantur ad

I. & L. *vasa sc. preparantia* semen in ipsis penis per suas venas.

Q. & R. sunt *duo penes*, qui terminantur usque ad radicem caudæ & in summa eorum parte.

M. & N. sunt *pellicula integentes penes*. In parte anteriore sunt asperitates quædam, quemadmodum denotat litera

Z. & quando turgidi fiunt, aut extra violentè emittuntur, uti sæpe apud *Paulum* vidimus penes hanc formam referre

Y. aspectu asperò, ut *Erinaceus*.

B. B. ipsa *penium orificia* sita sunt juxta anum.

Y. Y. Sunt *renes* & serositatum loca.

H. est *intestinum rectum*.

S. *Colon*, intestinum flexuosum, quod terminatur in sinistro.

Z. *Splen* annectitur ipsi colo ad fundum stomachi.

Hanc masculi anatomen D. *Timotheus Camontius* diligentissimè confecit &c.

(*) Nota, quod hæc ab *Ettmüllero* in *Disp. de Morsu vipera* non sine causa in dubium vocentur, cum venenum in viperis non nisi ab irâ & irritatione illarum deduci possit.



SECTIO CXVII.

ANATOMIA

VIPERÆ CAUDISONÆ

descripta ab *Eduardo Tyson*, Soc. Reg. Angl. Socio

Ex *Transact. Angl. mens. Febr. 1683. num. 144. & Act. Lips. A. 1684. mens. Mart. p. 139.*

QUùm ad historiam animalium non minus amplificandam, quàm ad corporis humani œconomiam evolventia ac illustrandam, plurimum faciat Zootomia: Viperæ Caudisonæ (sic enim animal hoc exoticum vocari solet, quod crepitaculo à natura instructum, & viperæ in plerisque simile est, *Marggravio*, *Pisoni*, *Jonstano*, *Nierembergio*, aliisque *Boigininga*, & *Boiquira*, Brasiliانا voce; Lusitanis *Cascavela*, & *Tangador*: Mexicanis *Teutlacocauhqui* i.e. domina serpentum; Batavis *Raëtel Schlange* appellatum) ex Virginia transmissæ, sectionem in se suscepit Nobilissimus *Tyson* dexteritate Anatomica clatus, cujus observata potissima, ea qua licuit brevitate, Actis his inferenda judicavimus.

Conformationem externam hujus exotici animalis expositurus, quatuor pedes cum quinque digitis longum, in cervice tres, in medio sex cum dimidio, & circa caudam duos digitos crassum illud pronunciat. Capitis summitatem deprehendit, ut in vipera, complanata, & hoc ob protuberantes maxillas cuspidi bipennis simile: in cujus extremitate nares, & inter has atque oculos duo alia orificia notavit, quæ primo aures crediderat, postmodum verò ad cavitatem tantum ossis largiorem, sine hujus perforatione abeuntia observavit. Oculi rotundi diametrum quartam circiter digiti partem æquare; aliàs verò ratione coloris, pupillæ configurationis, & reliqua conformationis externæ, si crepitaculum excipias, animal hoc viperæ perquam simile ait. Tegebat eundem oculum squama latior, quæ palbebræ vicem gerere videbatur; haud tamen poterat animadvertere *Tyson*, an facultate ocludendi polleret, utut intrinsecus membranam nictitantem habuerit.

De cætero squamæ capitis omnium minimæ erant, dorfi latiores, reliquæ pro crassitie corporis diversa majores minoresque; omnes vero figura semen pastinacæ æmulabantur, colore nihilominus adhuc distinctæ: Nam quæ in capite, plumis dorfi avis, Chloritis dictæ, similes erant, parvis interspersis maculis nigricantibus; cæteræ mixtum ex nigro & luteo

obtinebant colorem, eumque quo caudæ propinquiore, obscuriorem: squamæ dorfi medii acuta eminentia gaudebant, versus latera paulatim subsidente: venter autem lævis magis compatebat. Hujus etiam squamæ (quarum à cervice usque ad anum 168, sub ano duæ dimidiæ & 19. integræ ac majores, hincque ad crepitaculum 6. minorum squamarum series numerabantur) singulæ costis adaptatæ, distinctis invicem connectebantur musculis, sine dubio pro motu hujus animalis juvando; quippe quæ totidem ejus pedes velut existant, quibus terræ infixis, ac corpus modo contrahendo, modo extendendo progrediatur, iisque insimul tanquam lorica contra injurias externas se defendat. In quem finem pariter spinæ vertebræ mirabiliter formatæ observantur, quatenus, quæ in inferiore superioris vertebræ parte est, eminentia in scapum seu sinum superiorem vertebræ inferioris inseritur; simili fere modo, ac caput rotundum ossis femoris acetabulo coxendicis committitur; ut hac ratione se ad lubitum in latera convertat. Tendines musculorum abdominis in medio ventris squamarum lineam albam faciebat, per quam vas sanguineum, ac venâ cava oriundum, deferebatur.

Quæ in visceribus ac partibus interioribus observavit *Tyson*, hæc sunt. Sc. trachea, non, ut in aliis animalibus, ex cartilaginibus annularibus & membranis contexta fistula erat, sed uti in cunctis viperis, statim ac thoracem subingrediebatur, pulmonibus obvia ex semiannularibus tantum cartilaginibus constabat, quæ dum utrâque sua extremitate membranæ pulmonis connectebantur, canalem apertum formabant, aërem vesiculis pulmonalibus immediatè advehentem. Cum enim trachea dissecaretur, ultra digitum cum dimidio lata observabatur, & hujus cartilagines extra pulmones annulares; longitudine viginti æquabat digitos, prope cor & confinium epatis in eam partem pulmonum, quam major vesica constituebat, desinens; cartilaginibus tamen haud semper adeo distinctis, sed sæpissime satis confusis,

Pulmo-

Pulmones à gutture initium nacti, ad trium pedum longitudinem descendunt, eorumque superior pars, quæ pedem longa, & in anteriore corporis parte sita, ad cor usque abibat, ex vesiculis seu cellulis exiguis, instar ranarum pulmonum, conflabatur, ob frequentem autem ac tessulatam vasorum sanguiferorum ramificationem coloris conspiciebatur rubicundi, cellulis illis in parte inferiore sensim & ita evanescentibus, ut reticularem valvularum convenientium, superficiei membranæ pulmonum interioris, compagem formare, tandemque in vesicam largiorem minus cavernosam abire viderentur. Gulam in hoc animali non canalis tantum, ut in aliis, sed stomachi quoque munere fungi, probabile fiebat; inflata siquidem in duos tumores satis amplos ventriculi latitudinem superantes distendebatur. Longitudo totius oesophagi duorum pedum ac trium pollicum cum dimidio, stomachi vero 5. pollicum erat: hicque illo crassior existerat; una quippe adhuc tunica notabili interiore præ illo gaudebat, glandulosa sc. plicis exornata & superficiem gulæ interiori aliquantum condescendente.

A pyloro ductus denuo ad sesqui pollicis latitudinem arctatus, mox in largum intestinum explicabatur, quod propter rugas, interiori tunicæ intextas, visu erat egregium, & post aliquales flexus tandem in rectum angustius terminabatur. Sicut autem totus à faucibus ad anum tractus, continuus solummodo canalis in cunctis animalibus est, ita gulæ istos antea memoratos tumores in Vipera caudifona pro receptaculis, ventri magno in ruminantibus, & ingluviei in pennatis similibus, habet *Tyson*, retinendis sc. alimentis, quæ ventriculus commodè admittere non potest, destinatis; viderique receptacula ejusmodi huic animali perquam necessaria, utpote quod semel tantum in anno victum capit. Imo quia sæpe in promiscuo illo alimento, quod sine masticatione integrum deglutit, partes aliquæ minus digestibiles, ideoque rejiciendæ sint, gula autem ratione longitudinis ad vomitum præstandum inepta, naturam cavitates has formasse, in quas heterogeneitates istæ tantisper secedant, donec animal receptis viribus secundo ac tertio demum conatu eas removeat; & si fides adhibenda foret illorum relationi, qui viperam, periculis expositam, pullos suos intra fauces recondere affirmat, esse sane eadem spatia his recipiendis maxime idonea.

Cordis, quod ad fundum tracheæ & ejus dextrum latus situm, longitudo sesquidigitalis, figuraque plana potius, quam rotunda erat: pericardio idem obolvebatur, & auriculam se ipso majorem, unum ventriculum quatuor aut quinque sulcis transversis distinctum, ac valvulis carneis exilioribus instructum habebat; hujus autem vena cava unum ascendente unum-

que descendente, & aorta binos ascendentes & unicum descendente truncos formabat.

Paulò infra cor hepar jacebat, parte sua latiore digitum latum, & in una parte per venam cavam in duos lobos, inæqualis magnitudinis; divisum videbatur: quorum sinister decem digitorum, dexter unius pedis longitudinem obinebat. Hujus color erat obscurè rubeus & usus sine dubio separare bilem, quæ in vesicula inferius nonnihil locata continebatur, per ductum sub parte, quam *Charras* pancreas, veteres lienem vocant, ad intestinum demittenda.

Copiosior intertexta erat pinguedo omento, quod cæstis utrimque annexum, saccum formabat ad rectum usque intestinum descendente, & cuncta inferioris trunci partis viscera involventem.

Renes ad latera spinæ siti septem circiter digitos longi existerant, dexter tamen sinistro paulo longior, uterque dimidium digitum latus. Hi quamvis corpus continuum comparebant, in plures tamen parvulos renes affabre formatos (unus eorum in quindecim) separari valebant, qui subtilissimorum vasorum sanguiferorum & candicantium seu secretiorum sibi implicatorum campages videbantur. Renes ab Autore ita expressi sunt, ut sinistri superior & antica, dextri postica facies conspiciatur, & vasorum sanguiferorum rami majores bini per utriusque latera feruntur. A majore exsurgunt surculi minores instar diversorum vasorum emulgentium, in totidem renulos obeuntium, in egregias ramificationes se diffundentes: quorum interstitiis interjecta vasa secretoria cernebantur. Ureteres secundum potissimam renum longitudinem decurrebant; à singulis renum glandulis propagines excipientes, & in cloacam, seu aperturam, binis uteris, recto & ureteribus communem abeuntes.

Prope cloacæ terminum duo alia insuper conspiciebantur foramina, à plicatura cutis maximam partem cooperta, per quæ duo sacculi ducuntur quos cistulas odoriferas Noster, *Charras* male parastatas vocat, cum in foemella quoque *Viperina* observentur. Horum folliculorum alter digitum longus, crassitie vero calamum scriptorium æquabat, alter paulò minor existerat: uterque autem in sua extremitate arctior liquorem crassum & graveolentem continebat. In organorum genitalium descriptione testiculos albicantes disparis longitudinis observavit *Tyson*, quatenus sinister dextri medietatem parum superabat, qualis etiam disparitas inter ovaria foemellarum cernitur. In vasis præparantibus nihil singulare: deferentia verò tenuiora & à testiculis ad penem recto tramite decurrentia, complicata & convoluta valde existerant, ita ut illa extensionem epididymidis saltem suspiceretur Autor, pari modo ac testis congeries tantum vasculorum certa ratione con-

ne convolutorum est, in epidydimidem abiens. Horum equidem aperturam in hac vipera caudisona, propter subitanam nimis partium harum explicationem, observare non potuit, compler tamen hunc defectum per viperæ vulgaris sectionem, in qua ista vasa singula per penem, quamdiu unicum corpus, ferebantur, hoc vero in partes & quasi duos penes secedente, singulos horum comitabantur, vesiculis seminalibus ac prostratis destituta.

Penes, numero quatuor; in corpore ita recondebantur, ut non statim, nisi protracti conspicerentur quoad basin aut radicem in quovis latere singuli, aculeis retrorsum spectantibus, instar erinacei, uberrime instructi, mox tamen in duo corpora teretia, calamo anserino crassitie paria, rubicunda, & longitudine tres digiti transversi quartas emetientia abeuntes. Protrusi aut protracti penes, ope musculorum crassiorum quos *Charas*, *Baldus Angelus Abbatius*, & *Aldrovandus* in viperis ipsos penes credunt, facile retrahuntur, prodeuntium ab extremitate caudæ, hisque implantatorum; unde *Retra-ctores penum* appellantur. Sicut autem quædam animantia pene omnimode destituuntur, ut pisces plerique; alia v. g. quadrupedia cuncta, & quædam aves, uno saltem instructa sunt, paucis horum cum cancri &c. exceptis; ita viperam caudisonam cum reliquis viperis ad utrumque latus duplicem penem obtinuisse autumat, ut postquam iisdem duplicem foemellæ uterum ad similitudinem literæ Pythagorææ Y. distenti subintrarunt, tantò commodius & firmitus retineantur, usque dum, diuturniore coitu (qui, quia vesiculis seminalibus carent caudisonæ, vasa deferentia vero valde complicata habent, necessarius ipsis esse videtur) sufficientem seminis quantitatem ejacularint: similiratione, ac canibus, vesiculis iisdem destitutis, natura provida remoram aliquam conceffit. Imo moræ huic multum quoque conferre putat spinas illas penum reflexas, à quibus ne lædatur foemella, naturam partem ejus uteri, quam illi subintrant, solidiorem & cartilagineam effecisse: iisdemque spinis forsan idem animal, per naturam suam frigidius, stimulari.

In ore lingua viperinæ communi per omnia similis, à faucium interiore parte exurgens & motus agillimi conspiciebatur, constans duobus corpusculis teretibus, ultra medietatem à radice contiguis & rubicundis, extremitatibus vero nigricantibus. Pro facilitanda ejusdem ejaculatione, inferior maxilla fissa erat, & quidem notabili hiatu, ne integra & dentibus instructa linguam læderet, neve hæc in actione sua turbaretur, quam *Charas* in capiendis muscis similibusque insectis, *Joh. Baptista Hodierna* apud *Severinum* in *Vipera Pythica*, in exturbando luto è naribus propriis collocant. Linguae superincumbebat larynx, non adeo variis

cartilaginibus, ut in aliis animalibus, exstructæ, sed rimâ tantum simplici, pro in- & expiratione aëris, sibilatione iis solenni, instructa: quæ nulla epiglottide propter arctiorem sui clausuram indigebat.

Dentium duo genera alebat, minorum scilicet utrique maxillæ infixorum, pro capiendis ac retinendis alimentis: & venenatorum hamorum quibus interficiunt, qui omnes canini seu apprehensores sunt, & extra maxillam superiorem collocati: cum prædam integram & sine masticatione deglutientes, molaribus dentibus haud indigeant. Priorum dentium in maxilla inferiore duæ observabantur in utroque latere series, & in harum singulis quinque dentes, interiores vero exterioribus minores, in universum viginti: cum superior maxilla eorum sedecim tantum contineret, quorum quinque à quolibet latere siti retrorsum, 6. reliqui antrorsum spectabant; qui cuncti nihil mali morsu suo inferunt. Ast alterius generis dentes seu unci venenosi magis incurvati numero 6 aut 7, extra maxillam superiorem hujusque os, secus ac reliqui dentes in anteriore oris parte locabantur; horum anteriores & majores in illo osse quod pro auris osse haberi posset, minores & posteriores musculis ac tendinibus vicinis duntaxat adhærescebant. Nullus tamen horum ad primum oris hiatum conspiciebatur: sub crassiore enim membrana seu vagina eousque latitant, donec pro lubitu illos, similiratione ac leo & felis ungues, exerant. Meatu gaudebant manifesto, & in radice amplo satis foramine conspicuo, qui ad apicem eorum tendens in fissuram sensibilem abibat, & per quem virus ad exteriora, compressis gingivis ferebatur, coloris dilute lutei; qui forsan suspicioni illi occasionem dedit, qua illud per peculiarem canalem ex vesicula fellis huc derivari quidam scriptores asseruerunt. In quo venenum hoc consistat, & quæ ejus sit operandi ratio, secundum *Charæ* æque ac *Rhedi* hypothesin, Autor explicat; posteriorem tamen priori præfert, petito cumprimis ex fabrica dentium argumento.

Tandem Sceleti descriptionem tradit, ubi cranium integrum & sine suturis exhibet, nisi ubi alia ossa ipsi junguntur, quemadmodum narium ossicula, quibus cartilaginee aut potius ossa nasum dissepientia adhærescunt. Reliqua capitis ossa singularem, pro dilatatione majore, qualis ad corporum non masticatorum deglutationem in capite exiliore necessaria, conformationem acceperunt, quatenus maxilla superior jungitur ossi, quod dentes venenosos recipit, & ingenti cavitare gaudet, quæ pro meatu auditorio habita, aperta tamen, intrinsecus foramine, quod nervum auditorium admitteret, carebat, quem forsan recipit sub osse, quod illud cranium connectit. Quæ quidem articulatio tam dentibus venenosis, quam ipsi maxillæ,

inservit. At pro deglutiendis grandioribus corporibus, maxime facit articulatio maxillarum postica, quam ipsi duo præstant ossa, à *Tysone Maxillarum dilatatores* dicta, & cum duobus brevioribus ossibus, quibus illa cranio combinantur. Cum enim maxilla inferior mento hîc, ut in aliis animalibus, haud continua, sed separata satis ab eodem observetur, quando faucibus majora corpora capit, quemadmodum membrana, maxillam mento connectens, facile extenditur, ita dum maxilla attollitur, & ossa illa duo ad rectam magis lineam reducuntur, rictum oris necessario valde dilatare potest. Inferior utriusque lateris maxilla duobus constabat ossibus, quorum antèrius minores fovebat dentes, posticum vero latefcebat; quemadmodum superior pariter in duo ossa secedebat, quorum unum ossi, quod venenosos dentes capiebat, exterius, alterum, cui minores dentes impacti, eidem interiorius connectebatur.

Vertebrarum spinæ à cervice ad anum usque toridem erant, quot ventris squamæ, sc. 168, at ab ano usque ad crepitaculi adaptationem, præter squamarum numerum, adhuc 29. Priores vertebrae spinam planam recta versus dorsum, aliamque tenuiorem ac teretem oblique ad interiora demittebant: quibus duo accedebant processus laterales pro costarum & vertebrarum invicem articulatione, & globulus in inferiore superioris vertebrae parte, quem sinus vertebrae inferioris excipiebat, simili modo ac ossis femoris caput ab acetabulo ossis ischii excipitur; & quidem pro articulatione illa, ra-

tione cujus Caudisonæ corpus suum adeo libere in quævis latera torquere & volvere possunt. Costæ cervicis minores, circa medium corporis majores, id est duos digitos transversos longæ erant, at circa caudam tenuiores ac breviores denuo evadebant; omnes verò in principio squamarum ventris terminabantur. In vertebriis caudæ duo comparebant processus spinosi, quamvis reliquis unus tantum contingerat; duo item processus transversii minores, costis analogi. Ultimæ caudæ vertebrae annectebantur (interveniente musculo quodam crassiore, & membranis cuti continuis) crepitacula, quæ in hoc nostro subiecto numero tantum quinque erant, sed videbantur quædam esse abrupta: sunt ea nihil aliud quam concava, tenuia, dura & sicca, hincque fragilia & sonora valde ossicula, ejusdem fere magnitudinis & figuræ, ac os sacrum humanum. Cuncta rigida gaudent epiphysi, ita ut extremitas superioris ossiculi bina inferiora subeat: per quam conformationem articulatione non saltem egregia pollent, sed multiplicatum magis sonum edunt, quo ex mente *Guilhelmi Pisonis* admoniti homines æque ac bruta tempestivè sibi cavere possint à tam pernicioso colubro. Idem *Piso*, *Nurembergius* & alii asserunt, singulis annis novum horum ossium accedere, unde *Grevv* in *Museo regio* viperæ hujus ætatem sedecim annorum suspicatur, cum toridem ut plurimum in illa observentur juncturæ, quamvis nonnulli earum ultra 20. se vidisse perhibeant. Delineationem horum crepitaculorum vid. in *Fig. VII. TAB. LXXXV.*

SECTIO CXVIII.

ANATOME

COCHLEÆ TERRESTRIS

è Marci Aurelii Severini Zootomia Democrit. p. 330.

Cochleæ terrestris oesophagus ac ventriculus supremam dorsi partem perreptantes ad extremam volutam discurrunt: Est autem voluta testa hujus reptilis ad anteriora recurrens.

Hinc revertitur eadem fere viâ in anticam capitis partem, ut ex hoc facum fiat excretio.

Dentes duo conspicui, obliqui, nigricantes, membrana colligati.

Musculi obscuri, qui commovent os ad manducatum, infimi pedamenti mucronis dextram ac sinistram custodientes. Est autem pedamentum basis membranea, lata, corpori subtenisa, figurâ ad oviformem accedente, sic tamen, ut sit in extremis ferme acuta:

Hepar in fibras tres dissectum; acrum non adeo, ut non sit subviride.

Cæcum insigne in extrema voluta.

Lapilli oblongi ac perpusilli duo, obelisci figura I. litterulæ minoris magnitudinem æquant, candidissimi atque asperi in torulo uno, qui est è nonnullis, inventi.

Torulus inter oesophagum & omentum alius.

Hujus & similium reptilium administratio hæc est: Postquam diu passa fuerint in ediam, testâ eximuntur & in aquam coniecta detinentur, usque dum moriantur; diducta porro compentur: Quodsi, donec dissoluta fuerint, expectes, nervosum omne genus mundum spectare licebit. Item modice ignem vel calidam aquam

aquam passas dissecabis commode, per infernum pedamentum rectâ viâ.

Siccata hujus adeps etiam in pulverem minuitur: Quo fit, ut de humano circa cor adipe, qui non liquefcit, mirandum non sit: Proprietates sunt hæ adipum.

Hepatis caro saporis tam acris est, ut piperi non cedat. Mihi autem gustanti, & nulla re dilui potuit, & tota die perduravit. Pascitur quippe genus quodpiam istius reptilis herbis silvestribus acutis.

SECTIO CXIX.

ANATOME

LIMACIS MAJORIS TERRESTRIS

D. Joh. de Muralto.

è Miscellan. S. R. I. Acad. Nat. Cur. Dec. 2. A. I. p. 147.

Limax eodem quo cochlea domi porta modò per dorsum fulcata est & crassissimis fibris longò tempore mobilibus pollet

Caterùm cornibus utitur minoribus quàm cochlea domigera. Caput margo nigricans à pectore distinguit & pectus à ventre. Limacibus cerebrum est tam exile, ut vix conspici possit, tamen in eò cavitates aliquot notantur, quarum una tendit in vasculum nerveum instar filamenti attenuatùm. Ceteræ cavitates intra caput manent. In capite porò rictus oris amplius conspicitur & in hoc supernè dens lunatus & apicibus quindecim crenatus: hinc continuantur intestina, quæ mirè ornant vasa albicantia ad instar venarum lactearum. Utrumque labium protuberantes papillas quindecim ambitu suo comprehendit. Palatum duplex series glandularum utrinque ornat, medium palati lineâ finditur recta. Intestina recto ductu pergunt ad ovarium usque. Interius ab intestinis foramen sursum vergit ad hepar: post intestina feruntur sursum usque ad caput: inde iterum deorsum in hepatis lobos tendunt. Tandem iterum sursum producta ad capitis latus dextrum exitum inveniunt. Penicillum, uti in domiportis, non reperi, sed tendinosam carnem vomeris figurâ. Hujus extremitati circumposita erant retracta cornua à parte posticâ. Osculum larynge donatur, ut videlicet oris hiatus pro proportionem arcus den-

tium semper pateat ad œsophagum. Hujus laryngis (si modò ita nominare impunè liceat) alius quoque & potior usus est in coitu, quod in *Limacologia* sua aliquando magis illustrabit *Poeon*. Vasculum coniforme situm est infra corpus cylindricum & definit in fibras oblongas, velut in cochlea domiporta.


E capite vasa lactea duo majora pertinent non tantùm ad hepar, sed & ad omnia intestina. An, ut chylum ex herbis elicatum deferant ad vasculum lacteum coniforme, hincque in hepate à bile liberatum cordi adferant? Ad finem hepatis ovaria duo insignia notavimus, ad quæ etiam pergebant rami lactei; in illis ovorum infinitus erat numerus. Apud eas limaces, quæ gravida non sunt, locò ovarii reperiuntur glandulæ nigricantes & vase albo intersectæ.

Vesica humore viscido sub-coeruleo plena interius lato pedi seu apophysi infertitur & à capitis internâ parte originem ducit.

Cor situm est infra caput. Oblongum illud est & pallidum, obductum pericardio & auriculâ præditum. E corde vasa tendunt ad hepar. Auricula fibrosa est & magnitudine cor multum superat.

Quaquam cor limaci auferatur, tamen vita non statim tollitur, nam frustillatim quoque concisa limax vivit longò tempore.

Cutis duplex est: Corticata exterior: interior fibrosa, albida & infinitis foraminibus pervia.



S E C T I O CXX.

ANATOME

LUMBRICI TERRESTRIS

D. Thom. Willisii Tr. de Animâ Brut. c. 3. p. 20.

INter bruta sanguinea frigida lumbricus terrestris, infimi licet ordinis, jure censetur, utpote cujus humorem *aviosia* patet cruentum esse. Animalculum hoc licet vile & contemptibile habetur, organa vitalia, nec non & alia viscera & membra divino artificio admirabiliter fabrefacta sortitur. Totius corporis compages (uti plurimum insectorum exsanguium) muscutorum annularium catena est, quorum fibræ orbiculariter contractæ quemque annulum, prius amplum & dilatatum, angustiores & longiores reddunt. Nam proinde cum portio corporis superior elongata & exporrecta ad spatium ulterius extenditur, ibidemque plano affigitur, ad ipsum, quasi ad centrum, portio interior relaxata & abbreviata facile pertrahitur. Pedunculi serie quadruplici, per totam longitudinem lumbrici disponuntur. His quasi totidem uncis, partem modò hanc, modò istam plano affigit, dum alteram exporrigit aut post se ducit. Supra oris hiatum proboscide, quâ terram perforat & elevat, donatur.

Lumbricus supinatus & tabulato cum stylis affixus, per longum secetur. Deinde lateribus ab invicem diductis partes ejus à capite usque ad caudam facile in conspectum se produnt. Supra oris hiatum cerebrum mole perexiguum ac instar bullæ albescens apparet. Dein paulò inferius œsophagus cum musculis locatus ductu inde recto ad ventriculum descendit.

Juxta summitatem œsophagi Cor palpitans & reciprocas systolæ & diastolæ vices (sicut in brutis perfectioribus) habens, locatur. Ex utroque cordis latere & inde paulò inferius, Corpora albicantia & nonnihil globosa utrinque in tres velut lobos distinctos constituuntur. Horum duo superiores nitidius albescunt & minores sunt. Infimus globulus utrinque duplo major & instar farciminis oblongus existit. Inter hæc corpora albicantia & magis rectò globuli alii minores, quasi carunculæ exiguæ & subflavæ in duplici serie, sc. utrinque modò quatuor, modò quinque aut plures distinguuntur. Ductus sanguiferi insignes medio horum corporum incedunt inque iis pulsatio notabilis, velut in viciniâ conspicitur.

Quibus nominibus prædictæ partes insigniri debeant & quibus usibus inserviant, diu am-

bigebam; quippe nullam in iis cavitationem dissecando, aut per fistulam insufflando deprehendere potui. Ex his autem globuli quidam aperti & expressi humorem lacteum exudebant; unde suspicio statim orta est eos corpora spermatica esse: quod idem verisimilius videbatur, quoniam in omnibus lumbricis hæ partes non eodem ritu conformantur. Porro satis obvium est lumbricos coeuntes non sicut pleraque alia bruta directo sexus utriusque situ, circa caudas, sed prope capita, mutuis ex adverso amplexibus se stringere. Tandem mihi sæpius & penitius inquirenti res extra dubium sistebatur. Nam fortè lumbricum quendam gravidum dissecans, corpora albicantia majora & sub farciminis specie oblonga ovis quamplurimis referta comperi. Porro regione horum corporum, in pectore lumbrici, duæ papillæ candicantes cum foraminulis eminent, quæ lumbrici pudenda esse videntur. Observavit *Malpighius* in quibusdam insectis & præcipuè in Scarabæo & *Imperati* Talpa circa ventriculum subalbos quosdam globulos (uti videtur hisce lumbricis similes) reperiri, ipsorumque copiâ portionem ejus circumdari. Verisimile est hæc corpora etiam in illis esse spermatica.

Infra hæc corpora albicantia ventriculus mole insignis & cavitate satis amplâ præditus, in tres regiones seu ventres divisus, locatur. Ex horum infinò intestinum procedens ductu recto & longo usque ad caudam defertur & toto spatio à singulis muscutorum annularium interstitiis ita comprimitur, ut instar colli in perfectis animalibus in plures quasi cellulas divisum appareat. Intestino hoc per longum dissecto & stercoribus amotis in fundo ejus vas subflavi coloris toto ductu, sc. à caudâ usque ad ventriculum disponitur: ibidem verò immergens & stomachi parietes perrepans, usque ad caput exporrigitur. Hoc vas reverà tubus est, qui per fistulam insufflatus cavitationem amplam prodit, cumque ductibus & vasis istis, quæ *Malpighius* supra insectorum ventriculum & intestina exporrigi notavit, analogus videatur, eum hepatis, ac mesenterii loco esse jure suspicamur. In quibusdam lumbricis, circa caudam, ex utroque intestini latere plura interdum ova, tunc ad excludendum parata, reperimus, quæ quidem à parti-

fig. III. *ta.*



fig. I. *ma.*





fig. II. *da.*



fig. IV.





bus genitalibus illic descendisse visa per ductus in anum patentes forâs eduntur.

Hæc de lumbrici supinati & aperti partibus internis. Si pronus idem teneatur, in summitate dorsi juxta marginem cujusque annuli foramina, toto ferè ductu à capite ad caudam continuantur: quibus si per fistulam insufflaveris, mox partes subjæctæ intumescent, in-

testini stercoribus huc, illuc sursum aut deorsum propulsis. His foraminibus, si preman- tur, humor albus, viscosus & interdum la- cteus exsudabit, qui videtur mucus cavitates illas oblinens & contra aëris inclementiam mu- niens. Procul dubio hæc foraminula sunt totidem Tracheæ, ut in insectis &c.

EXPLICATIO FIGURARUM
TAB. LXXXVII.

FIG. I.

Exhibet lumbricum terrestrem supinatum, quoad maximam portionem ejus dissectum & apertum, ut cerebrum, præcordia, viscera, aliæque partes conspiciantur.

- A. Lumbrici os cum mento.
B. Cerebrum, in cujus superficie arteria ex-
pansa ad cor descendit & inde ad cau-
dam.
b. b. b. b. Musculi annulares aperti & explicati
cum tendinibus.
C. Oesophagi portio.
D. Cor.
e. e. e. e. c. Globuli albicantes supremi, tum ma-
jores, tum minores.
F. F. Duo globi infimi, ovis gravidi & im-
pleti.
G. Stomachus, cujus tres ventres sunt 1. 2. 3.
H. Intestinum e ventriculo descendens, quod
musculorum annularium tendinibus, in
quaque sectione constrictum, instar co-
li in perfectis animalibus apparet.

I. Eiusdem intestini portio aperta, ut corpus
ei inclusum, seu intestinum in intesti-
no conspici possit.

K. Corpus illud interius, quod hepatis & me-
senterii loco esse videtur.

FIG. II.

Exprimit ejusdem lumbrici portionem cum
caudâ abscissam, ut pedunculorum series, quæ
sunt 4. sc. a. a. a. a. conspician-
tur.

FIG. III.

Exhibet Lumbricum integrum, pronum, ut
musculi annulares in iisque tracheæ
videantur.

NOT.

HIRUDINIS ANATOMEN.
priori parallelam

Vid. in Ephemerid. S. R. I. Acad. Nat. Cur.
Cent. V III. Obs. LV II.
p. 339.

SECTIO CXXI.

ANATOMIE

LOCUSTÆ VIRIDIS

Majoris

D. Johannis de Muralto,

è Miscellan, S. R. I. Acad. Nat. Cur. Dec. 2. A. 2. obs. 16. p. 40.

HÆc herbido virente colore, lineâ so-
lùm spadiceâ per dorsum, pectus &
verticem superius ductâ: inferius al-
vô & postremis pedibus, lineis pallidis binis
insignita splendebat.

Caput oblongum Equi instar prona spe-
ctabat & scuto rotundo nasali sub frontis scu-

to prominente, mobili instruebatur. Scu-
tum hocce obtegebat Osculum, chelâ dupli-
ci dentata instructum. Dentes spadicei erant
coloris, in fine apice acuto reflexô: reliqui
molares censebantur. Sub priore hac chela
alia reperiebatur ad se invicem complicabilis,
triplici spinâ dentatâ insignis. Maxillæ infe-
riori

riori lata, subrotunda, lingua crassula subrubens innectebatur. Myrtacem gerebat ad chelas hispidum, virentem, triplici articulo mobilem & barbulam seu setam totidem articulis plicabilem simplicem, utrinque hispidulam.

Antennas nodosas, praelongas, sensim attenuatas, pallefcentes, mobiles in vertice tenebat.

Oculi prominentes nigrum punctum è profundo representabant.

Scutum dorsii oblongum firmiter sibi innoxos pedum anteriorum musculos tenebat, quos utrinque vasa spiritalia seu tracheae niveae adeò insignes perreptabant, ut naturae artificem stupendum & ingeniosum quivis miretur. Hinc ordo pedum primus exsurgit brevior, femoribus obscurè punctatis & profundè sulcatis, tibiis spinosis & extremitate sub hamo duplici, corculò punctatò pilosò, geminà papillà & quadratà protuberantià vestita. Sub hoc alter ordo ejusdem conformationis adest. Ultimus pedum ordo quàm longissimus est, punctatus & sulcatus tendinibus robustissimis firmatus.

Alas habet utrinque duplices, per quarum medietatem costa viridis insignior discurret. Priores alae ab ordine pedum secundo originem sumunt: posteriores à tertio. Alae haec plurimum à prioribus differunt, propemodum enim complicatae & albicantes cernuntur, nullis plexibus reticularibus, sed transversis lineis intercostalibus albidioribus obser-

vatis: insuper & ampliores & tenuiores existunt.

Pectus elatum angustius est, superius duplicem spinam commonstrans dentatam: inferius autem geminos utrinque apices denticulatos.

Venter insignis est, octo annulis sulcatus & duplicem caudam, murium instar pilosam, parvam nactus, inter quam triplex papilla mobilis hirsuta cernitur.

Ex alvò apex duriusculus instar gladii longus duplex egreditur.

Vasa spiritalia nivea per integrum abdomen disseminata & inter alvinos annulos atque intestina effabrè convoluta fuerunt.

Ab oris ductu internè reperitur fistula primi ventriculi: deinde nodulus, velut in gryllo, internè planè dentatus & sulcatus ventriculus alter: hinc duae appendices intestini, sive tertii ventriculi cavitates & tandem intestinum rectum. Præterea ductus smaragdini insignes per tracheas niveas disseminantur. Ossicula sex intra pectus musculis innexa, ad pedum stabilimentum præstò sunt.

NOTA.

Obs. XVII. c. l. aliam habet ejusdem insecti anatomen, in qua pariter plures ventriculos reperiit, inter quos nodulus dentatus & sulcatus, ruminationi inserviens, cernitur. De partibus autem genitalibus locustarum curiosissima habentur in seq.

EPISTOLA

Nob^{mi} DN. D. SAMUELIS LÖBERI,

Serenissimæ Ducissæ Saxo-Weissenfelsensis Viduæ Consilarii & Archiatri, Consulis & Practici

ad

Excellentiss. DN. D. MICHAELEM ERNESTUM
ETTMULLERUM, Med. Professore Publicum Lipsiensem.

Excellentissime atque Experientissime Domine,
Affinis honoratissime,

CUM ante aliquot septimanas Lipsiæ te visitare, exhibuisti mihi magni Malpighii brevem locustarum uteri descriptionem, quam quidem admirabar, calculum tamen meum ad ejus sententiam confirmandam addere non potui, cum locustarum harum corpora anatomice, quantum possibile fuit, Anno 1693. evolverim chartæque earum structuram demandaverim, quam impressariarum communicabo.

Non vero desidero literis hisce, tuas sublimes, erudito dicatas orbi pergratasque Philiatric, erudiri per momenta cupientibus, meditationes interpellare, neque directæ tuæ in clinicorum commodum studia. Sed oro saltem, succisivis ut momentis blandientibus perlegas oculis, quas ad animi recreationem mactationes susceperim, incruentas vero, dum & ipsæ hæc bestiolæ vero carent cruore.

Locustæ

Locustæ nimirum fuere, quarum sibilatio-
nes alarum, stridentiumque ipsarum pedum
crepationes nostra implebant prata, rura mon-
tesque, hybernaque inter dumetorum & sepi-
mentorum umbram, remansis ipsarum ante-
signanis cristatis, quas vulgus fingeat, per in-
fortunium forsan non procul a nobis captis,
(quarum facies in scripto aliquo publico ele-
ganter ficta ærique incisa cernitur) petiere in
proprium suorum detrimentum; tempestatis
enim injuria ipsis sat molesta erat, dum omnes,
quod earum strata per montes ruraque corpo-
ra testabantur, interfecit.

Locustæ fuere, superiori *seculo* nostris in
oris forsan non visæ, quarum tot species ferme
effingebantur, quot numerabantur, a superfi-
ciali colorum diversitate, modo pedes, modo
aliam ipsarum partem occupantium, petiæ.
Illæ fuere, de quibus dicebant; quod a cica-
dis nostris, nostra per prata & segetes salien-
tibus, specie ac qualitate differant: Et si
quoad prius ex parte concedi possit differentia
quædam specifica, certe parva erit, cum æque
in nostris inveniatur crusta illa, galeæ speciem
referens nimirum, labium superius duos illa-
rum dentes molares, cœruleos, nigros, ma-
gnos, in utroque latere sitos, obtegens, ne
cibus inter illos terendus ac masticandus de-
nuo in terram procidat; nec nostris deest in-
volucrum illud, quod collaris monachalis ge-
rere formam putatur, & tum nostris tum ad-
venis pro fulcro est, ne tergum & caput, eo
absente, collabatur.

Illæ fuere, quæ omni nervo, ossæ, carne,
(habent enim tantum carnem, quæ inter car-
tilaginem & nervum sit media) &c. carere, a
quibusdam credebantur, omnia superficialiter
modo considerantibus, unde tandem cæcus
illorum fœtus, præmature in lucem editus, non
immerito, illis anatomix penetralia penitus
inspicientibus, ludibrio erat.

Illæ fuere, quæ stridorem dentibus suis ni-
gricantibus, quos molares merito dicas, pro-
sibilare dicebantur, cum tamen illum extre-
morum longorumque pedum femoribus fa-
cerent, quibuscum corporis latera fricabant,
quod non semel observavi, imo, quotiescun-
que ad iram illas provocabam, toties quatie-
bant latera vel femore utroque vel uno solo.

Illæ fuere, quarum capita hirsuta pronun-
ciabantur ob bina illa cornua geniculata, du-
ra, in facie sub oculis apparentia, illisque e-
tiam invitis, fœminarum crinibus, similia;
Quæ vero fœmina suos movere crines posset
sursum, deorsum, antrorsum, & pro ipsius
lubitu retrorsum, nisi manum admoveat, non
vidi.

Illæ sunt, de quibus referebatur, quod ea-
rum lingua sit valida ac dura; cum tamen hæc
sit membranula tenuis, concava, versus gu-
am augusta, antè vero acuminata. Imo

intestinum habere non unum, sed flexuosum
ac replicatum dicebantur: quod certe contra
autopsiam assereretur omnem. Ruit quidem
ingluvies horum animalculorum per pectus,
per alvum, attamen nec inflectitur, nec re-
plicatur, sed recta linea a principio, ore nimi-
rum, usque ad anum extenditur, ubique una
crassitie & amplitudine gaudens, nullus in ea
conspicius est ventriculus, vel locus, ubi ci-
bis remora datur; nullumque receptaculum,
quo concoctio Chylique elaboratio, ut in aliis
animalibus, secundum naturæ præcepta fieri
possit, excepto solo corde, quod ipsi adne-
xum cernitur.

Musculus enim hic, cor nimirum, qui ad
sanguinis seu liquoris nutritii distributionem
natus, ipsi adnexus cernitur, dum œsophagus,
pectus per collum ingressus, admodum cras-
sescit, adeo ut si obiter consideretur, forsan
ventriculi nomine insigniri possit: Ast lon-
gum abest! siquidem nodum hunc constitu-
unt sex lobuli, eleganti serie intestinum cir-
cumdantes, non nisi per vasa ex singulis pro-
deuntia inter se cohærentes, firmiterque non
ab omni parte, sed saltem superiori illi intesti-
no scilicet adnexi, existunt, ita quidem ut ad-
huc inferior, longior superiori prominentia,
imo crassior appareat. Similis vero est ho-
rum lobulorum semini cumini forma, attamen
illo multo longiores & crassiores sunt, co-
lor interim est cinericeus.

Dixi, quod superius tantum adhæreant huic
intestino, superior vero & inferior horum mu-
sculorum pars libera sit; quod per autopsiam
facile demonstrari potest; dum nimirum cul-
telli manubrio vel alio obtuso eleventur in-
strumento. Imo elegantius se hi offerunt, si
ex suo alveo ingluvies hæc in chartam pro-
trahatur, dictoque modo tractetur, quando
ad medium horum quis pervenerit, tunc sine
ejusdem lobuli dilaceratione ab intestino se-
movere non poterit, laceratione vero facta,
effluit vel exsudat guttula certe parvula luci-
di cruoris, qui sine dubio per partes corporis
omnes, mediantibus vasculis illis minimis fi-
lum triplicatum bombycinum æquantibus, di-
stribuitur; siquidem unusquisque dictorum
superius lobulorum, duos imo plures ex su-
perficie sua dimittit ductus, ex eorumque me-
dio prodeuntes, qui declinato cursu ad latus
se flectunt, dum unus alterum osculando ex-
cepit, simul modo huic, modo illi suum ne-
ctar membro largiuntur. Interim pulsum
vel motum contractorium vel pressorium ob-
servare in illis non potui.

Intestinum e pectore egressum nullo re-
pando cursu aut flexuoso, sed recto ad exitum
properat; per cujus ambitum hinc inde fila-
menta ad eorum vasculorum similitudinem,
ex lobulis cordis prodeuntium, disseminantur,
quæ succum ex illo nutritium quasi sugunt,
& modo

& modo & motu mihi incognito illum aliis partibus communicant. Ne vero lacuna detur inter contentas continentesque partes, provida natura (cavitatem enim abdominis insignem, stercorearius hic canalis non explet,) æque ac foemellarum, marium, generationi dicata organa, hac in carina seu infimo quiescere ventre voluit.

Cavitatis hujus five alveoli externa facies navi comparatur optime: sicuti illa ex alveo tectoque composita est; ita & harum bestiolarum venter ex duobus insignioribus componitur fragmentis, uno superiori tectum, inferiori vero carinam, præsentantibus; quorum superius inferiori incumbit, inferius vero, ne collabatur, præter sui generis cutem, qualem & vespæ habent, semicirculos osseos per singulorum articulorum squamatorum medium currentes, tenuissimisque ligamentis, integumentis adnexos, tectoque ablato ultro conspicuos habent; extenta nimirum paululum carina, ruptis vinculis, a suo designato per naturam loco recedunt, suosque apices cochlearum formam versus tergum habentes, offerunt.

Interim hæc duæ lamellæ, tectum & carinam constituentes, loricæ instar squammatae sunt, a pectore ad anum usque, quæ proræ, cui penis tanquam in vagina inclusus est, in maribus formam habent, duabusque spiculis superius ornatae; in foeminis vero ex quatur antibus five spiculis osseis constant, quarum semper illæ duæ, superior, & inferior, nimirum spicula, in uno latere sitæ, postquam paululum alvum ingressæ, coeunt & unicum os constituunt; quæ pubis ossa interne validis instructa sunt musculis, quibuscum antes hos modo extendere tum ad foecum depositionem faciliorem, tum ad congressum facilitandum, modo contrahere satagunt.

Hinc in antibus, ut ex jam dictis apparet, tanquam in involucro, utriusque sexus genitalium exitus quiescunt, juxta ac intestini canalis, cui incumbunt in maribus testiculi, pisi magnitudine, unica quasi inclusi membrana, in cujus medio fissura quædam deprehenditur, quæ horum dualitatem indicat; nimirum si cultelli manubrio paululum dilatando dimoventur, nulla inter illos connexio per vascula, testes constituentia, videri potest. Sunt enim & horum animalium testes nil nisi congeries vasculorum, multis anfractibus inter se complicatorum, succoque albo turgidorum, quibus ex, duo dimittuntur filamenta super intestinum currentia, &, postquam ferme ad ejus exitum pervenere, flectunt se per latus ad prostatas; priusquam vero illas ingrediuntur, denuo reflexo cursu efformant vesiculas seminales inter se eleganter crispatas complicatasque, quæ vero prostatae corpuscula sunt minima ad latera primi penis ossis sita: liqui-

dem penis est corpus ex tribus constans ossibus, primo recto in alveo latente (referto vero alba quadam substantia) & cavo, altero falcato & ex alvo prodeunte, in cujus tergo crena cernitur, quæ canaliculo membranaceo subtilissimo expletur, per cujus & prioris ossis cavitatem genitura in uterum foeminae salacissime succumbentis profiliendo salit. Tertium os est hemi circulare, quod tergo suo annectitur interne ossi falcato, ubi vero versus interiora spectat, hiat. Qualem usum habeat, nisi ad intestini meliorem cubationem inserviat, me latet.

Incumbit & intestino sexus sequioris ovarium, quod ratione ovorum, nunc majus nunc minus existit: plus enim interdum quam centum, interdum vero vix triginta in illo reperiuntur. Constituit hoc vero ovarium pellucida admodum membrana, super intestinum modo expansa, modo ob dictam rationem contracta, in principio versus pectus seu medium ventrem rotunda & per totum sui tractum cava, ubi vero ad exitum tendit, bicornis fit: per medium enim dividitur, duosque efformat canales rotundos admodum crassos, pellucidos, liquore lymphæ simili refertos, per quorum aperturam intestinum transit; sub quo vero denuo coeunt in unum corpus angustius, ductuque speciali ad exitum properans, quo sub ductu iterum corpus quoddam rotundum, album, in gyrum convolutum, latet duos auricularis digiti articulos longitudine superans, extensum, & in cujus fine tanquam in centro capitellum conspicitur ad seminis milii magnitudinem accedens, cavum quoque est, præcipue ab initio quadantenus crassum, & corpus hoc constituit & uterum & ejus vaginam, quæ in antibus supra memoratis sita.

Animalcula hæc quoties ex aëre se demittunt, toties coire cupiunt, veneremque exercere amant, siquidem statim alter alteri insidet, & ita dies noctesque cohærent, tandem si a natura seu spirituum humorumque turgescencia impelluntur cogunturque, caudam mas sub foeminae alvum flectit, penem suum falcatum in uteri vaginam intrudit, ibique per horas relinquit, si vero manuum admotione fortiori iterum dimoventur, tam ex uteri vagina refluendo, quam ex pene profluendo prodit sperma lactis ad instar album: interim mas penem in pristinum locum non retrahere, neque foemina extensos contrahere antes potest, usque dum quasi humorum fervor deferbuit. Liquaminis hujus seu geniturae effectus sine dubio est, jamdum in ovario nata ova spiritu vivifico actuare & imprægnare, quo in lucem edita, aliquando nova exim progenies nascatur. Hæc saltém lis adhuc sub judice est, quomodo uterus & ovarium inter se communicent, quia nullam vasorum connexionem mihi observare licuit.

Figura horum ovorum est oblonga, tinearum ad instar cascose exedentium, colorem habent luteum, non nigrum, uti nostrates, *quod & Plinius affirmare dicitur*: unde miratus sum, quosdam sibi persuasisse, nostris in oris ex atro apud nos relicto, prima statim aestate & autumno, semine, passim propullulasse juniores locustas; forsan fuere horum animalculorum stercorea seu excrementa satis crassa & nigra, quæ certe pedibus destituuntur, quæ pro ipsorum foetura venditanda non sunt.

Illæ interim ova lutea, non hæc, maturitate impetrata, i.e. cane vertente & autumno accedente, intra aliquot dies excludunt, non vero soli exponunt, sed naturæ instinctu in terram defodiunt: & si ea in arborum frondes foliaque, imo saxa, deponere cogantur, statim ab aëris ambientis injuria exsiccantur destruunturque, absumpta humidi nimirum radiculis copia.

Nempe hæc bestiolæ rariorem quærunt terram & arenosam, minusque compactam vel humidam, neque planam, sed montanam, *da es abschüssig ist / ibi*, ulnæ interdum quadrantis longitudine, foramina condunt, quorum amplitudo digitum recipit auricularem. In hæc, inquam, defodiunt ova sua ordinata & quadrata serie posita, mucoque albo spumoso obducta, qui temporis tractu a subjacentibus ovis arenaque intermixta, luteum mutuatur colorem, quo velamine externis ab injuriis illa defendere putant. Verum enim vero etsi peroptime, ad arcendos hostes externos involvant hæc spumoso liquore & defodiant, nihilominus insidiæ ipsis fiunt a liquore isto spumoso ovaque conglutinante, qui temporis tractu cœloque pluvioso, *und wo der Boden lettig ist* / putrescit & in novam verminosam abit progeniem, quæ ova hæc, quibus pro muro inservire debeat, consumit, humoremque intus in illis contentum exfugit, hinc illo exsucto & consumto fatiscunt, quicquid etiam in illis, quod non exsuctum relinquitur, ob privatum ambiente ab aëre balsamum, turbatumque ejus motum intestinum putrescit, & tandem etiam non exesa

ovula perdit, ingentique foetore destruit, quo facto horum ovulorum congeries in nihilum quasi redigitur.

Attamen, vermiculi illi, qui tam manifeste ovulis hisce exitio sunt, commodè comparantur termitibus, in principio vix conspicui, sensim vero accrescentes & quando ætatem suam nacti, tunc blattarum instar puniceum induunt integumentum, in quo tanquam exanimæ requiescunt; an vero in novam papilionum speciem degenerent, ovaque ad sui propagationem ponant, jamdum mihi incognitum.

Sepositis ovis & ætatibus acquisitis, accedenteque brumali tempore, non amplius segetes & prata acida depascunt, sed montibus, saxis, frondibus arborum & sibi ipsis, gregatim ad multa millia insident, exanimæ quasi, mares & foeminæ hærent, quando igitur per aliquot septimanas fame & tabe consumptæ, frigore tandem superveniente pereunt & vitam cum morte commutant.

Ovula nunc earum in terræ latebris ab ipsis defossa, per totius hyemis tempus sepulta jacent, accedente vero vernalis anni quadrantis fine & æstatis principio, e cavernis & spelunculis a solis æstu exactuata in novam progeniem, colore nigro & puniceo variegatam, propullulant & in terram prosiliunt, formicarumque minorum magnitudinem vix superantes in segetes prataque propiora serpunt & saltant, nocte turmatim majoribus caulibus & graminis apicibus insident, Solis radius tandem mane calefactæ, hinc inde se disseminant locustæ.

Hæc sunt, quæ mihi observare licuit. Communicasti mihi & aliorum Observationes, quas intactas vero omnes remitto, ne si forsan pagellæ hæc in lucem proveniant, locustas vel magis crabrones irriem. Vale interim & fave

Tuo toto

Leucopetræ d. 20. Apr. A. 1714.

D. SAMUELI LOEBERO, Sereniss.
Ducissæ Saxo-VVessenfelsensis Viduæ
Consiliario & Archiatro, Consuli &
Præctico.

EXPLICATIO FIGURARUM

In TAB. CI.

FIG. 1.

Locusta mas.

- a. Dens molaris.
- b. Collare.
- c. Vascula lobos conjungentia.
- d. Prora.

FIG. 2.

Locusta foemella.

- e. Exitus vagina ovarii.
- f. Anus.
- g. Exitus vagina uteri.

Tom. II,

FIG. 3.

Duæ locustæ coitum celebrantes.

- a. Mas.
- b. Fœmella.

FIG. 4.

Gula, Intestina & Cor.

- aaa. Gula & intestina.
- bb. Sex lobuli in situ suo naturali.

Fig. 5.

Lobuli per vascula cohærentes.

- aaaaaa. Lobuli.
- bbbbbb. Vascula intermedia.

Aa

FIG. 6.

FIG. 6.

Spicula coeuntia.

Fig. 7.

Genitalia virilia.

a. Testes.

bb. Vesiculae seminales.

cc. Prostata.

1. Os primum penis.

2. Os secundum penis.

3. Os tertium penis.

FIG. 8.

Genitalia muliebria.

a. Ovarium.

bb. Cornua ovarii.

cc. Ductus cornuum.

FIG. 9.

Corpus rotundum in gyrum convolutum sub ductu cornuum uteri.

FIG. 10.

Vagina uteri.

FIG. 11.

Foramen quadratum, quod lucustæ in terra parant.

S E C T I O CXXII.

ANATOME

GRYLLI SYLVESTRIS

è Miscellan, S. R. I, Acad. Naturæ Curios. Decur. II. Ann. I. Obs. 58. p. 142.

AUtor hujus est *D. Joh. de Muralto*, Helvetus, cujus verba sunt seqq.

Gryllus insectum est nigricans, capite rotundo, nigro & splendente præditum, insignibus item oculis oblongis, & corniculis binis pilosis, mystace aut barbula duplici, lato osculo, quod tenui operculo, folium hederæ referente, munitur, duplicibus alis è flavo nigris, & totidem pallidis minoribus, crassius ventre nigrò, geminâ caudâ setaceâ, sex pedibus hamatis, quorum postremi cæteris longiores, & crassiores ad saltum faciunt.

Cornuum locò simplex seta utrinque exit ante oculos quaquaversum mobilis; corpora hæc nodosa sunt, scabra, & nigra: in iis singulis articulos plus quàm quadraginta numerare quis posset. Præterea sunt & cava, & spumeum liquorem continent.

Extremitati inferioris maxillæ adhæret *Mystax* mobilis, sed instar fili tenuis, geniculatus tamen & fibrosus, ac in summitate convexus; tuberculo enim seu papillâ interpunctatâ, & valde sensibili instruitur.

Collum anterius pluribus nigris papillis instruitur, posterius tribus, ac aliquando pluribus cartilagineis fibris spadiceis, quibus lingua suffulcitur, binis punctis nigris prope occiput notatur.

Barbula inferior utrimque filo simplici submento exit, quatuor itidem geniculis plicatis, hispida, pilosa, variegata, & in extremitate sensim spissescens, abit in papillam, seu tubum valde sensibilem.

Maxilla superior, utrimque una, subrubens,

denis denticulis ferrata, ac instar falcis recurva, sensimque in apicem attenuata, & ferme triangularis, sub oculis capiti firmissimo articulo jungitur. Hinc quidquid iis ingeritur, fortiter comprehendunt. Maxilla hæc cava est, & medullâ aliqua referta.

Inferior maxilla duplex est, una alteri imposita, ac ex nigro spadicea, spinæ seu aculei pilosi multi hanc stipant. Extremitates chelis armatae sunt, vel forcipibus.

Folio mobili *Osculum* rotundum exactè tegitur, & interius membrana carnea binis fibrillis distincta apparet.

Lingua sub osculo bifida & lanuginosa cernitur, fibrisque (ut supra innui) prope collum suffulcitur.

Oculus utrimque fronti inhæret convexus, nasum versus, & elegantissimo ordine infinitorum punctorum nigrorum splendentium repletus, margine albicante cinctus. Nam oculi hi destituuntur palpebris.

Cranium medullâ seu cerebro repletum est, quò ablatò intra cerebelli duo hæmisphæria cor pulsare cum auricula manifeste visitur, rubicundum & coniforme.

Pectoris scutum in margine fulcatum, & undique nodosum microscopio conspicitur, imo aliquibus in locis hirsutum: sub hoc scuto utrimque muscoli caput adnectentes, & œsophagus amplius cum branchiis cæterisque visceribus deorsum pergentibus reconduntur.

Œsophagus amplius membranaceus est, cujus lateribus, itemque ventriculo, & intestinis laticæ fibrilla pulchre adsparguntur, quæ reverà sunt

sunt *tracheæ*, per quas aër ad viscera com-
meat; oriuntur hæ fibrillæ duplici ramo è ca-
pite, sub scuto pectorali decurrunt, in plures
ramusculos dividuntur, per imum ventrem
disseminantur, dorsi sulcis seu costis omnibus
interspersæ, & fistulæ, modo cavæ, ac è fila-
menti circulariter intortis, ceu totidem angu-
lis contiguis affabrè factæ, & in filamentum
longum resolubiles, aëre plenæ, per quæ du-
bium est, an stridor successu motu alarum
aëre edatur: velut arteriæ in toto corpore pul-
sare videntur.

Stomachus Grylli post gulam instar tibiæ u-
tricularis cibo repletus cernitur. Ab eò pen-
det *Nodus duriusculus*, foris æqualis, mem-
branâ tectus, intus rugosus & sulcatus, cum
intestinis continuus, quasi alter ventriculus,
nam ruminare gryllum opinor, eo quod levi-
ter molestatus virentem liquorem copiosum
ex ore tangenti affundat. Sulci, seu rugæ ob-
longæ numero sex, supernè & infernè in an-
gustum coeunt. Quivis sulcus lineâ secun-
dum longitudinem divisus est: porro internè
ex hujus ventriculi superficie & papillæ, seu
apices denso agmine protuberant, quibus tan-
quam limâ cibus è primo ventriculo demissus
atteritur, & comminuitur. Ventriculorum
autem structuram elegantem in Gryllo-talpa
descripsit fidelissimus *Pythagoras noster in obser-
vationibus suis de ruminantibus*, quæ planè
eadem est cum structura grylli vulgaris, de
qua jam ante quadriennium scripsit, uti vi-
dere est *Exercit. familiar. XXX.* Eandem pri-
dem etiâ descriperunt *Oligerus Jacobæus in*
Th. Bartholin. Actus Hafniensibus & *Georgius*
Hieronymus Velschius in Hecatostea I. Observ.
Physico-Medic. Præter duos istos ventriculos
bini alii occurrebant, ad latera post eum, quem
jam descripsi, positi, rugarum expertes, sed
sordido humore puniceo repleti. *Intestina* re-
liqua Mesenterio flavo adhærent. Colon cel-
lulatum & excrementis viridibus refertum
est.

Ad latera fistulæ intestinalis utrimque re-
cumbit *glandula albicans rotunda* in maribus,
lacteis fibrillis seu tracheis minimis exornata,
testes sunt insignes, ad corpus *filamentosum* &
mucosum pergentes, in quo penis rubellus re-
peritur; grylli enim non hastati seu mares in-
tra duas setas pilosas ano exeuntes in abdomi-
ne recondunt *sacculum*, cui ceu bursa inclu-
ditur *granum duriusculum* albâ medullâ plenum,
à qua bursa antè jam dictus penicillus de-
pendet, hastæ foeminarum longitudini respon-
dens. Setæ in maribus juxta alvum collocatæ
pilosæ & spinosæ sunt.

Prope setas autem locò anteriore ad anum
in foemellis reperi quatuor *spicula longa* & hastæ
cuspidi similia, quorum unumquodque *fibril-
lam* ceu in vagina gladium continebat: Hæc
duplicita notantur in pluribus, utraque autem

rursus bifida, ut quatuor numeres hastas, quæ
sefe momento citius tam apte conjungere &
complicare possunt, ut unicam hastam esse
existimes: ab initio hastæ illius intra nates *vul-
væ* quidpiam simile videtur, quæ rotundum
foramen est à conjunctione hastæ formatum,
& quæqua versum mobile, cujus ductu intra
alvum pervenitur ad *glandulam rotundam* stria-
tam velut semen milii solis candidam, ad cu-
jus utrimque latera membranæ, ceu vasculis,
ovariis puta, flavescentibus, oblongis, *ova*
auro magis splendentia propemodum infinita
continentur, figuræ seminis cumini, sed lon-
ge minoris; qualia etiâ è Gryllo-talpa *Py-
thagoras* olim exemit.

Pedes anteriores hispidi sunt, concinniter ar-
ticulati, & forcipe hamato instructi: articu-
lis quinque pes flectitur: idem fit cum *altero*
pedum ordine, *tertius ordo infra* femora hispi-
dior est, spinisque horridus, ac præterea in-
signibus musculis ac forcipibus instructus.

Abdomen sulcis duodecim, quorum infe-
rior superiorem subintrat, vestitur: hi à parte
anteriori lineolâ utrimque secantur, & conti-
guitatem ope membranæ subfusæ acquirunt.

Ala dextra superior in masculis, reticulari-
bus fibris variis insigniter crispata, supra sini-
stram expanditur, & arcte ad lineæ rectæ a-
mussim complicatur utrimque, ut ad vibra-
tionem alarum aër reverberatus, deorsum co-
gatur, & cum sub scuto pectoris firmiter con-
junctæ implantentur, sonus stridulus concite-
tur.

Ala inferiores fibras quoque habent, & pli-
catiles sunt secundum longitudinem, prædi-
ctis multo minores. Cæterum foemellarum
alæ haud ita crispæ & fibris variis pictæ, quam-
quam æqualiter textæ reticulares quoque cer-
nuntur.

Quomodo autem grylli sonum edant, non
plane compertum habet amicissimus noster *Py-
thagoras*: ast in cicadis, quibus *Gallia Narbo-
nensis* per æstatem abundat, singularis quædam
mirandæque structuræ machina hæret propter
alas, quæ solo motu alarum clangorem illum
gratum edit. Cicadæ aërem ore alium nul-
lum hauriunt, præter eum, quem forte cum
cibo & rore abliguriunt, & proinde dubitatur,
an Grylli ad formandum sonum illum stridu-
lum ore arripiant aërem. Trachæ equidem
hujusmodi insectis plurimæ sunt, quas primus
notavit & descripsit *Malpighius, in Epist. de*
Bombyce, sed non proveniunt ab ore, uti in
homine & aliis animalibus: Annon (cum jux-
ta œsophagum è capite oriantur bronchiæ,
quæ excavatæ ac aëre plenæ interstitia costarum
interne adeunt,) dum canit Gryllus, aërem
per bronchias arripiendo, & per harum extre-
mitatem fines sub alis emittendo, dum utrin-
que alæ mirando modo fabrefactæ eò se vi-
brant & concutiuntur, sonum efficit?

Gryllorum cibus sunt tenuiora foliola herbarum, florumque, quæ magnâ voracitate deglutiant, ut stomachus in amplam molem extendatur: imò esurientes se ipsos discerpunt, & devorant: nisque in libero aëre discurrent, citò moriuntur: *dissidium ipsis* est & æmulatio,

si mares alii foemellis sociis adjungantur, quos initò certamine insigni virilitate irati cantantes perimunt.

Excrementa muris instar oblonga deponunt.

S E C T I O CXXIII.

DESCRIPTIO ANATOMICA GRYLLO-TALPÆ

D. Johannis de Muralto

Hujus anatomen duobus in locis adfert Autor in *Miscellan. S. R. I. Acad. Nat. Cur. sc. Dec. II. A. I. pag. 154. & ejusdem Dec. 2. A. 2. p. 58.* In Priori seqq. notat: Quod Aldrovandus vermem cucurbitarium dixit, *Ferrantes Imperatus* talpam, id Gryllotalpa denominatur ab *Olao Wormio*. Nostri id vulgo *Währen* appellant.

Insectum hoc minimum digitum longitudine & crassitie æquat.

Ex ano ei utrinque fibrillæ duæ pilosæ ad instar caudæ muris egrediuntur.

Alvus ex octo plicis squamatis leviterque hirsutis castanei coloris constituitur.

Venter mollis est & obsoleti coloris.

Dorsum tegitur alis binis acuminatis, per quas deducitur linea subnigricans. Hæ alæ plicatiles sunt & aptissime convolvuntur, eò ferè modò, quo pueri nostrates Lucernas è chartâ complicant. Alis incumbunt expansæ antennæ, nigris striis diversimodè pictæ: breviores quàm alæ; illæ enim ad medium caudæ pertingunt, hæ duntaxat ad medietatem alarum.

Pedes sunt 4. Ex his posteriores quidem crassiores & longiores: Anteriores verò minores ac breviores.

Novissimi initium ducunt à primâ alvi squama & quatuor articulis gaudent, quorum primus femur est, alter tibia denticulata, tertius tarsus & quartus pes extremus bifido ramulo digitorum loco munitus. Reliqui pedes ab his nonnisi tenuitate & brevitate differunt.

Pectus munitur scuto testaceo supernè nigricante, infernè pallidò, attamen hirsuto. Infra hoc scutum mollis interjacet membrana ventrem à thorace distinguens. Ad latera capitis utrinque brachiorum locò processus bini geniculati, duri ac chelarum instar ferrati existant, quibus animalculum hoc terram fodiendo alimoniam quærit seque defendit. Quilibet processus constat è quatuor articulis, quorum pri-

mus axillæ rationem habet, alter longior & latior pectori aptatus appendicemque habet acuminatam, cui se manus ferrata implicat. Tertius manum ipsam comprehendit quinque acuminibus seu nigricantibus corniculis, tanquam digitis præditam. His accedunt duo alia cornicula velut pedes bisulci, pollicis rationem habentia, cum apophysi tenuiore pilosa. Flectuntur manus præcipuè extrorsum, uti in talpa.

Caput intra sinum scuti lateracuminatum & barbatum; ferè eodem modo ut in cancris; cornua enim duo infra oculos & post nasum constituta eminent.

Ad barbam setaceam papillæ albicantes dispositæ sunt.

In alvo vesicam pyriformem ab œsophago productam reperiimus, quæ in se continebat viscosum, terrestrem & limosum succum. Vesica autem ista nihil erat aliud nisi ventriculus, quem cingebant lactea vasa innumera, per quæ aërem commeari tanquam per tracheas postea cognovimus, à Pythagora nostro admoniti.






Notavimus quin etiam alium ventriculum plicatum & denticulatum velut in animalibus ruminantibus. Intestina recto tramite deorsum tendebant, vasis lacteis, hoc est, tracheis perspersa.

Ad alvum cartilaginea quædam pars duplicem caudam suffulcit.

Infra has cartilagineas portiones penis minimus latet, ad cujus latera corpora duo oblonga, cœu lactes aut testes cernuntur.

Dorsi spina vertebris instruitur. Spiritualis medulla intra vertebra latitat. Intra duos lobos cor latitat durioris basi cinctum. Inferior & superior maxilla denticulata est. Superiori imponitur scutum velut labium.

Oculi sunt durissimi, splendidi, nigricantes. Oris rictus amplus & utrinque duæ tonsillæ. Cranium satis durum. Tunica uvæ crocei coloris



coloris. Cerebrum minimum & nervi insignes cum ad cornua, tum ad oculos protensi.

In posteriori loco sc. *Dec. 2. A. 2. Obs. 30.* quædam de ventriculis supradictis uberius explicat Autor verbis seqq.

Præcedentibus Ephemeridibus, Gryllo-talpæ descriptionem exhibui ejusque ventriculos grylli vulgaris similem dixi. Interea temporis nunquam otiosus amicus meus Pythagoras pag. 8. *Merycologia* errorem aut oblivionem in me notavit, cum de duobus saltem ventricu-

lis Gryllotalpæ, nullâ mentione appendicum faciâ, scripserim. At referri possunt ad intestina cæca, sicut in avibus quibusdam & quadrupedibus contingit, quorum cæcio non perficitur, antequam ad duplex cæcum perveniat. Referri quidem ad ventriculos possunt, eò quod multum analogiæ iis intercedat & ruminantia quatuor ventriculos possideant ut plurimum. Ventriculorum schema depictum addidi in Figuris &c.

EXPLICATIO FIGURARUM

TAB. LXXXVIII.

IN PARTE INFERIORE
Gryllo-talpa sistitur integra.

IN PARTE SUPERIORE

FIG. II.

ex actis Hafniensibus Vol. 4. p. 13.

- a. est Oesophagus.
- b. Stomachus primus.
- c. Stomachus secundus.
- d. d. d. Foramina seu stigmata ovalia.
- e. e. e. Tubuli pulmonum.
- f. f. iidem in pedibus.

FIG. III.

- a. Oesophagus.
- b. Ventriculus primus.
- c. Ventriculus secundus.
- d. - - - - - tertius.
- e. e. e. c. Tubuli pulmonum.

FIG. IV.

Stomachus secundus cellulas exhibens microscopio illustratas.

FIG. V.

- a. a. a. Cor & q. tubercula seu noduli ejus
- b. b. b. b. Vasorum è tuberculis productiones

FIG. VI.

Ovarium.

In FIG. VII.

cum reliquis à Muralto cit. loco tradita


- a. est Gula.
- b. Ingluvies sive primus ventriculus.
- c. Spatium inter nodulum & ingluviem.
- d. Nodulus sulcatus tracheis perspersus sive Ventriculus alter.
- e. Appendices dua, sive Ventriculus tertius & quartus.
- f. Intestinum tenue.
- g. Valvula coli
- h. Intestinum crassum & latius.

FIG. VIII.

- a. a. Cornua
- b. b. b. Caput acuminatum & barbatum cum albis papillis
- c. c. Brachia geniculata, serrata
- d. Scutum testaceum nigricans.
- e. e. Pedes anteriores.
- f. f. Antennæ expansæ.
- g. g. Alæ plicabiles.
- h. h. Pedes posteriores oblongi.
- i. i. Ani fibrilla pilosa.
- k. Anus.

FIG. IX.

- a. Corona supernè nodulum jungens
- b. Corona inferius nodulum cingens.
- c. c. c. c. c. c. Bracteola sex, dentatis papillis armata.
- d. d. d. d. Concurfus bracteolarum.
- e. Finis seu transitus à nodulo ad Appendices.



SECTIO CXXIV.

DESCRIPTIO ANATOMICA

ARANEÆ

D. Joh. de Muralto

è Miscell. S. R. I. Acad. Nat. Cur. Dec. 2. A. 2. p. 51.

PRæter ea quæ *Hookius in Micrographiâ* Obs. 47. habet seqq. notavimus, sc. quatuor oculos in quadrangulo positos, nigros rotundos, araneam in fronte gerere.

Osculum latum chelis in superiore maxillâ dentatis, in fine hamo aduncò simplici tenuissimò donatis instructum est: cui accedunt forcipes maxillæ inferioris, cancrorum instar denticulatæ.

Antennæ binæ tribus articulis geniculatæ & hamatæ, spinosæ versicolores, manuum loco sub ore exeunt.

Sex pedes diversimodè punctati gemino hamo instructi, spinosi è femore, tibia & extremò pede constantes, juxta se invicem è pectore producuntur. E filo pectoris alvus crassula gibbosa & punctatâ procedit, ovulis & muco imprægnata.

Ex anò filum ducitur.

NOTA.

Huc referri possunt ea, quæ olim *Miscell. S. R. I. Acad. Nat. Cur. Dec. 2. A. 7. pag. 190.* de araneis earumque cumprimis generatione inferuimus quæ ita se habent: Haud ita diu est, quod studiosus quidam, natione Westphalus, me conveniret & percontaretur, an & araneæ ovis gaudeant? Vidisse enim se in

pratis araneam ovulum æqualis cum eâ magnitudinis trahentem, quò diffractò plures, quam mille exiverint araneæ minutissimæ illic generatæ. Verum utut *Scaliger* & alii globulum ejusmodi sericeum ovum appellarint, proprie tamen ita dici non meretur, cum non tam materiam, quàm domicilium præbeat araneis illic generandis. Quin potius ex observatione *Aristotelis* constat Araneas paucis à coitu (quem exercent) aversò septimanis plures rejicere vermiculos, quos instar aliorum insectorum telæ solent, quam pro ovò habent alii vid. *Ulysses Aldrovandus Tr. de Insectis p. 615.* Mihi potius ovula videntur excludere, è quibus vermiculi illi generantur. De Exuviis, quas deponunt, vid. *Misc. S. R. I. Acad. Nat. Cur. Dec. 2. A. 7. pag. 112.*

NOTA.

Araneæ tam quoad figuram & mollitiem, quam Naturam & telas formandi modum simile est insectum, quod

FORMICA - LEO

(quia formicis insidiatur & victitat) dicitur, cujus descriptionem & figuram vid. aux *Mémoires de l'Académie Royale des Sciences, A. 1704. p. 319. seqq.*

SECTIO CXXV.

ANATOME

SCARABÆI CORNUTI,
MARIS ET FÆMELLÆ

D. Joh. de Muralto

è Miscellan. S. R. I. Acad. Nat. Cur. D. 2. A. 3. Obs. 83. p. 201.

CONstat Capite, Pectore & Alvo. Caput scutatum & quadrilaterum est, propemodum durum: utrinque post

cornua super oculos processus acutus: hinc linea protuberat ab uno processuum horum ad alterum: ad occiput verò utrinque eminet apophy-

apophysis. Anterius caput scutò nasal finitur, juxta quod insignia duo cornua subrubra denticulata & chelarum instar spinis tribus utrinque armata prodeunt: quæ musculo fortissimo fibroso & albido reguntur, ut objecta quævis firmissimè prehendant. Osculum foliaceum sub nasali scuto sat amplum visitur, è quò pallescentes plumæ quatuor, nimirum oblongæ & majores duæ superiores, ac inferiores duæ minores exeunt, quæ linguam constituunt. Mystax utrinque duplex est, prope plumas superiores quidem promissior & quatuor articulis geniculatus: propter inferiores verò brevior, totidem tamen articulis præditus.

Maxilla inferior hederæ folium refert: in collò speculum quadrilaterum ad meliorem cum Pectore articulationem anterius cernitur. Antennæ complicatæ sex nodulis in extremitate utrinque supra oculos conspiciuntur. Ornamentum eorum plumeum plicatile est. Oculi splendentes, rotundi, nigri, convexi, æquales. Ad colli latera interius utrinque carnis seu musculis adspersitur crusta testacea oblonga, pro meliore articulatione. Colli scutum quadratum supra & infra flavo & lanuginoso margine cinctum est, è quò parte antica pedes utrinque bini prodeunt, quorum femora ad primam cum collo articulationem flavâ adspersunt lanugine. Tibiæ posterius spinosæ sunt; pedes extremi quatuor nodulis & duplici hamo apiceque intermedio firmati.

Pectus est crassum, superius scutatum & durum à pedum ordine secundo, usque ad postremum ordinem protenditur. Alvus hinc parte anticâ annulis quinque sulcatur sensimque attenuatur. Dorso posterius includuntur alæ vaginis castanei coloris corticalibus & duris. Hæ vaginæ ducunt originem à Thoracis angulo. Alæ complicatæ subsunt latæ fortioribus costis subrubris extensæ. Alvini annuli novem posterius sub alis numerantur.

In Pectore utrinque præter ossiculum quadrangulare N. 2. delineatum multa caro fibrosa, aëreis vasculis repleta latitat, per cujus medietatem oesophagus ad anum simplici canaliculo transcurrit, flavescentem in se humorem continens: nutritur enim succo quercûs, tiliæ & aliarum arborum vitriolico. Penis intra quatuor foliola convolutus pressâ alvò apice suo prominet.

Fœmella toto corpore nigra velut piscium cutis Chagrin dicta punctata cernitur. Caput rotundum magis est; cornicula duo acuta, fortissima, ramo triplici armata prostant, sed minima. Mystace duplici ornatur, exterior quidem longiore, tribus verticillis donato. Duplex lingua plumea flava ex ore emittitur. Antennæ sex nodis verticillatæ sunt; earum extremitas ornatur plumâ quadrifoliâ plicatili. Oculi gagatis instar splendentes oblongi protuberant. Osculum scuto supra infraque foliolò regitur & obvallatur. Colli speculum quoque adest. Notabilis est complicatio alarum sub vaginam parte costarum tenuiore, quasi per articulationem id factum; præterea costa alæ maxima & extima, ut & major seu media crenas habet & sulcata est. Sex pedibus instruitur, quorum primi sub collo, in sculpto intra ejus scutum articulò transversim oriuntur; alii post eos à pectoris scuto anteriore & ultimi à posteriore ejusdem scuti parte procedunt. Os quadrangulare erectum in Pectore carnem fibrosam affabrè suffulcit. Hæc caro in filamenta coagmentata undique innumeris tracheis & vesiculis spiritalibus permiscetur, quarum ope alvus sub alis pulsatur & Scarabæus vitam habet; nullum enim Cor observari potuit: at ovarium insigne cum viginti circiter ovulis majusculis, pallidis, glutinoso humore turgentibus in alvo delitescerebat.

EXPLICATIO FIGURÆ III.
TAB. LXXIX.

Num. 1.

- a. Cornua sunt Scarabæi Cornuti.
b. Mystax major.
c. Mystax minor.
d. Antenna plicatiles.


- e. Lingua plumea.
f. Pedes.
g. Vagina alarum.

Num. 2.

Os pectoris Scarabæi Cornuti.

Num. 3.

Ala Scarabæi Cornuti.



A N A T O M E
SCARABÆI MAJALIS
FOLIACEI

D. Joh. de Muralto.

è Miscellan. S. R. I. Acad. Nat. Cur. D. 2. A. 1. p. 148.

SCarabæus majalis foliaceus (Germ. ein Laub-Käffer) longitudine pollicem seu unciam æquat. Caput ei lato scuto instructum & mystace ornatum: ad oculi angulum majorem utrinque nodosæ antennæ seu cornua prominent, ornamento quasi plumeo condecorata. Nodorum maximus ad scutum nasi definit. Caput intra scutum pectoris recondi potest & ad oculos usque instar speculi resplendet. Anterius & caput & osculum hirsuta sunt. Cornua seu antennæ quatuor nodos habent. Ornamentum eorum plumeum plicatile est. Mystax autem quinque articulos tenet, quorum extremus oblongus in apicem convexam definit. Oculi sunt convexi, ac è minimis speculis rhombum referentibus conflati. Collum splendida crusta instar speculi nitens intra pectus reconditum delitescit. Os scuto seu labio duriore tectum est, loco oris autem foramen rotundum extat, per quod via patet ad gulam.

Scutum pectorale masculis nigricat, foemellis rubet. Præterea asperum est & ad margines ac propter pectus lanuginosum. Infra scutum hoc, ubi alæ aptantur, particula alia nigricans triquetra, splendida & hirsuta notatur.

Ala utrinque duplex est, quarum inferior membranacea costis seu filis quinque erigitur, alias plicatilis est. Costarum color est spadiceus; adnectuntur hæ alæ scuti pectoralis confinis. Superiores alæ sunt corticatæ, duræ, castanei coloris, transparentes & lineis decoratæ senis apteque dorso adaptatæ, quod contingunt.

Hoc è novem costis seu sulcis mollibus contextum est. Costarum margo albidus.

Coccyx prædurum in apicem recurvum definit. Venter è septem plicis aut annulis contiguis constat. Utrinque segmenti cujus-

vis ora, lineola albâ tingitur. Pedes sunt sex hamati, hirsuti seu spinosi: anteriores, breviores & minus carnosî, posteriores musculosi & fortiores existunt. Intra pectus porosæ quædam carnes (vehementer dubito an pulmones sint?) reperiuntur subrotundæ, coloris rubentis. Per medium eorum descendit œsophagus nigricans. Supernè cor tanquam punctum rubellum conspicitur. Ova XII. utero bicorni adhæserunt. Pulchrè contorta sunt intestina & tracheis plurimis, per quas aër visceribus affertur, ornata. Stomachus in medio intestinorum hæret.

Cæterùm cum hoc Scarabæo quoad figuram externam similitudinem aliquam habere videtur Scarabæus ruber marinus, Indici quem Nautæ

KAKERLAC

vocare solent, de quo seq. habet *Antonius Leuwenhoeck* in *Arcanis Naturæ detectis* pag. 17. Hæc æstare fortè rubrum accepi scarabæum (qui interfuerat mercibus ex India Orientali missis, quemque nautæ *Kakerlac* vocant) atque eum dissecidi, ut vasa sanguifera, quæ nigricantia quæque erant, in eò viderem, & hîc non sine admiratione mihi, ut opinor, quorundam vasorum conjunctio clara apparuit; sed ubi ejusmodi animalcula sæpius & accuratius examinarem videbam conjunctionem non fieri ex duobus distinctis vasis, ut ex arteriis & venis, sed eam ex venæ ramulo oriri, ut è Fig. IV. TAB. LXXXVII. apparet, ubi C. & D. distincta esse vasa opinabar: postea mihi apparebat ut E. & F. ac etiam postea mihi sæpius apparuit ac passim expertus sum eam ex uno eodemque ramo oriri, ut hîc in B. ostenditur. Hæc vasa etiam tenuissima erant respectu capilli nostri.

Figuram integri animalculi Vid. TAB. CI.



SECTIO CXXVII.

ANATOME

SCARABÆI LILIACEI

D. Joh. de Muralto

è Miscell. S.R.I. Acad. Nat. Cur. Dec. 2. A. 1. Obs. 63. p. 156.

SCarabæi liliacei (vulgò Herrgotts Käse) caput fuscum est & intra pectoris scutum politum ac guttatum quaquaversum movetur.

E frontis confiniis cornicula prælonga lanuginosa duodecies geniculata & quaquaversum mobilia ac in summitate flexa egrediuntur. Oculi propter cornicula insigniter prominent, ex nigrò flavescetes, tanquam è speculis plurimis angulosis conflati & undique palpebris pilosis cincti.

Capitis futuræ quodammodo stellam effingunt. Scutum oculi pilosum est & duplex utrinque rostrillum, falcis formâ denticulatum observatur, cum plumosa in mediò lingua. Os mystace præditum est, qui tribus particulis hispidus sese intra scutum aptè recondit. Maxilla inferior superiori brevior est, tanquam in sciuro collum prominet.

De cæterò totum caput hirsutum est. Collum autem insigni collari rubente cingitur, in quo puncta quædam ceu gemmarum series. E dorsò alæ surgunt duplices, superiores corticatæ rubentes & margine sulcato notatæ, sub quibus reconduntur inferiores membranacæ, complicatæ nervisque sex rubentibus firmatæ.

Scutum dorsi gibbosum est. Etenim thoracis pars posterior supernè protuberat, infernè ambitur Zona: denique latera sunt depressa.

Pedes notantur seni iique hamati, hispidi, asperi. Aculeus autem ex adversò hamorum exit, ut fortiter inniti gressusque firmare queant. Singulorum pedum triplex est articulatio, quos ad motum exagitant muscoli supernè dispositi.

Abdomen è vaginis fimbriatis & splendentibus constat.

Intestina crocea sunt plurimisque vasis instructa.

Præterea glandulæ conspiciuntur insignes & ab initio abdominis cor.

In pectore œsophagum stipant plurima vasa pneumatica, quorum ope sub ingressis alvi annulis procul dubio susurrus editur. Ani locò foliola duo nigricantia prostant. Alvi extremitas pilis dupliciter horret.

Aliquando etiam ova cylindrica, pallida, numerosissima reperimus in ovario, miniatis venis eleganter picta.

SECTIO CXXVIII.

DESCRIPTIO ANATOMICA

SCORPII

D. Joh. de Muralto

è Miscell. S.R.I. Acad. Nat. Cur. Dec. 2. A. 1. Obs. 66. p. 161.

Sub ore scorpii utrinque exeunt robustæ chelæ tribus geniculis angulosis & hispidis articulatæ: Osque ipsum emittit geniculis impositos duos forcipes minimos denticulatos; intra quos residet oris papilla.

Maxilla inferior bisulca est atque dentata. Pectoris scutum utrinque quatuor pedes promit,

quorum primi longiores existunt. Quivis pes in hamulos gemellos definit & sex articulis flexatur.

Dorsum striatum est, & tubercula habet nigricantia. Venter squamis septem sese exceptantibus pollet, quarum quamlibet supernè linea condecorat.

Lingua pennata est. Dorso præponitur scutum splendidum.

Infra ultimos pedes sitæ sunt pennulæ duæ octo striis præditæ.

Cauda scorpii sex verticillos angulares mobiles atque punctis notatos habet, quorum extremo aculeus recurvus, pilosus & cavus veneno pollens, tanquam apophysis, adhæret.

SCHOLIUM

His jungi possunt observationes quas de Scorpionum partu recenset *Joh. Rhodius Cent. 3.*

Observ. 90. & p. 244. Comment. in Scribon. Larg. nec non D. Franciscus Rhedi in Exper. de Insect. ubi etiam situm Scorpiunculorum in uterô maternô, Ægyptiorum & Tunetanorum descriptionem, nec non de aculeo perforatô aliaque experimenta curiosa producit. Javensium Venationem habet Nob. D. D. Joh. Otto Helbigius in Anno IX. Eph. Nat. Cur. D. I. Obs. 199. & bicornem vidisse Rhodium Patavii in Vol. 4. Act. Med. Hafn. Barthol. Obs. 28. legitur.

SECTIO CXXIX. DESCRIPTIO ANATOMICA ERUCARUM

D. Joh. de Muralto

è Misc. S. R. I. Acad. Nat. Cur. D. 2. A. 2. Obs. 84. p. 203.

ERUCA in Rosis reperta sex pedunculis prioribus duos ungues spadiceos acutos gerit: octo sequentes pedes coronâ spinosa cum binis postremis sunt firmati: supra finalem dorso partem duas pilosas protuberantias erectas gerit. In capitis parte anteriore puncta duo nigricantia apparent.

Ovula velut vermiculos rubellos complures intra corpusculum palpitare vidimus. Insignia vasa pallida & lymphatica magna ab ore ad caudam producuntur. Antennæ articulis tribus mobiles exiguæ valde ad osculum prostant.

Eruca viridis alia in rosis reperta flavum caput habet, nigris maculis ocularibus utrinque insignibus binis, reliquis versus osculum minimis punctulis obscuris pluribus inæqualiter collocatis ornatum. Sex pedes anteriores manuum loco & quatuor pedes in extremitate corpusculi sitos coronis armatos gerit. Nulli pedes interstitii loco reliquo siti sunt, sed utrinque eorum locô & alibi quoque nigræ maculæ. Duodecim annulis subalbidis prorepat.

Postremis pedibus quatuor crassis & subrubris sese erigere potest. Oblongus & nigricans ei est ventriculus atque ova viridia.

Eruca species alia exigua in Rosis reperitur celerrimè prorepens, toto corpore viridis, sex manibus hamatis, quatuor pedibus propriis utrinque coronatis & duplici ani pede crassulo conspicua punctis nigris non tantum caput oculorum vice futurâ sagittali distinctum est, sed & reliquum corpus affabrè intermixtis maculis albidis pingitur: duodecim annulis corpus sulcatur & lineis aliquot albidis per longum deductis ornatur. Ventriculum duriusculum, cum intestinis oblongis tenebat.

NOTA.

Sicut in unaquavis fere planta peculiaris erucarum species generatur, ita singulæ in sui generis papilionem abeunt, è cujus ovulis de novô generantur, quam *admirandam Erucarum metamorphosin* eleganti hujus tituli libro descripsit *Grafia, Meriani Filia.*

SECTIO CXXX. DESCRIPTIO ANATOMICA BOMBYCIS

D. Marcelli Malpighii, PP. Messanensis,

Ad Societatem Regiam Anglicanam.

BOmbycum Historiam, quam elapso anno, *Viri Sapientissimi*, à me postulatis, hic ruditer compaginatum habe-

tis. Hanc inanem non undequaue censerem, siquid vel minimum ex ipsa, vestris dignum oculis, aut pro magna Physicæ instauratione (quam

(quam sedulo molimini) aptum elucesceret. Cum enim tota in *minimis* existat Natura, si alicubi, magis equidem in *Insectorum* moleculis id deprehendi par fuerit. Quod si humana philosophandi ratio ob sui infirmitatem serpere cogitur, nec tolli potest, parum cum *Bombycibus*, qui humi reptant, ab instituto aberrabit. Hinc, ut *Historiam* propositi Insecti aggrediar, nescio, An rerum necessitas, urgentibus externorum ictibus, vel potius humana luxuries, prima homini comparaverit indumenta. Illud certum est, Plantarum Arborumque frondes, ruditer implicitas, extitisse tegumenta; mox Brutorum quorundam, sponte defunctorum, spolia ita arrisisse, ut excusso mortis horrore in hunc finem innocentes belluas mactarent,

*Pellibus, & laxis arcent mala frigora
braccis.*

Et ita mortalium commodis sat provisum videbatur. Nec inter hos limites tamen humana libido diu se continuit, sed posthabitâ primitiva simplicitate, novo excogitato artificio, eorundem Brutorum vellera detonsa in stamina contorsit, eaque miris ambagibus texendo, implicuit. Nec sat fuit, Brutorum exuvias torquere, sed attritis plantis, macerataque ipsarum compage, ut solo cortice fruerentur, nova invexere stamina. Et quoniam interdum fragilitas & infirmitas ipsa pretium conciliat, cum humani ingenii vis ad hæc minima effecta langueret, Insectorum genus, quod intactum adhuc jacebat, adorti, ad nova sibi nenda stamina damnarunt. Inter hæc igitur *Bombyces*, qui præsertim apud *Indos*, & *Seres*, teste *Servio*, campestri quadam gaudebant libertate, seliguntur; unde tenuissima ipsorum stamina in fila retorquere, & inde texere (ut aliquibus placet) *Pamphila*, *Platis* filia, in *Coo* Insula primò cœpit; at *Aureliani* temporibus in tanto fuit pretio Sericum opus, ut hujusmodi libra *Auri* æquali pondere mutaretur. Postremo tandem, regnante *Justiniano*, ex *Serida* Indiæ urbe, *Bizantium* delatis ovis, ibidem fieri cœpit *Bombycium* educatio, inde in *Græciam*, finitimasque Regiones divagata adeo percrebuit, ut nil (in *Italia* præcipuè) frequentius, Matronisque gratius occurrat.

Bombyx igitur, quem *Serem*, seu vermem *Indum* vel lanificum, vel, mavis, erucam *Bombycivorum* dixere, notissimum præcipuè apud Nostrates insectum est; in quo tam miræ Metamorphoses succedunt, & naturæ opificium ita elucescit, ut necesse sit singula ejus vitæ momenta perpendere.

Ab Ovo, communiori Viventium principio, originem ducit. Hoc per annum conservatum, incalēscētis in vere Aeris tempore, vel triduo faminarum sinu fœtum, *Bom-*

bycem promit. Dum incubantur ova, Cærulea ex Violaceis, mox Sulphurea redduntur, & tandem Cinerea; quæ successiva Colorum varietas à genito revolutoque intus verme, per corticem, veluti per diaphanum Cornu, erumpente, producitur. Aperitur autem Cortex, seu Testa, dum Vermis, fortasse percitus fame, Ovi acumen perforat, dentibusque ipsum erodendo, brevi quadrantis horæ spatio viam sibi facit. Exit hic capite erumpens, interdum etiam opposita corporis extremitate. Nulla supersunt membranæ involucra; totum enim putamen mundum remanet; quin nec perforati corticis supersunt protegmina.

Nati mox *Bombycis* Color fuliginosus est; circa primum annulum & superiores pedes, modicum cinerei emergit. Insigni pollet Capite, si reliquo corporis comparetur, hocque coracino. In dorso, & continuatis lateribus protuberantias habet, quarum extrema oblongis pilis, & Ziziphinis horrent, ita ut vera videatur Eruca: hæ vero patientiores sunt in prægrandi Eruca, quæ à Nostratibus *Pinus* dicitur & ab *Aldrovando* nostro describitur *lib. de Insect.* in 3. *Tabula*, sub *Figura* 9. & 10. à cujus dorso miro ordine tubercula quadam, seu papillæ, numero septuaginta octo, assurgunt, quarum extremitas, quasi *cyrneo* ornatur, unde spinæ pilorum loco quandoque 7, interdum 10, exeunt, quæ in longum productæ ovali quodam capitulo terminantur.

Statim ac luce fruitur *Bombyx*, tenella *Mori* folia voraciter edit, excitatis exiguis foraminulis; & sericos plexus in ipso vitæ limine, eructato stamine, promit, quo interdum tota corporis moles suspenditur. Indies autem auctus sensim novum induit colorem; nam subalbus ille seu cinereus color, in primo tantum annulo deprehensus, in quinto etiam emergit, & sensim in contiguos extenditur: intermedii autem annuli, à quibus anteriora erumpunt crura, Ziziphina redduntur, sicut & reliquum corporis ultra quintam incisuram, quo delitescente colore, cinereus redditur habitus, hærentibus tamen minimis quibusdam Ziziphinis stigmatibus, ex quibus, & subviridi devorato alimento, cutis inficitur, non parum ad hoc etiam conferentibus exaratis protuberantiis, pilorum serie conspersis, & fuliginosum adhuc servantibus colorem. Propè tamen primum somnum, capitis & crurum color ita remittitur, ut de toto *perlatius* evadat; quod etiam accidit tuberculis, indeque exortis pilis, quæ cum proportionale incrementum non subeant, parum obscurantur. Exarata hæc dierum circiter decem curriculo peraguntur; *Bombyces* enim, quos mense *Majo* educavi, undecim dies ante primum somnum insumpsere; reliqui, qui ter

in anno folliculi fabricam edunt, sub fine *Junij* enati, decem vigilia diebus contenti vivere; & postremo, decedente *Augusti* mense suborti, nonum tantum diem insomnes attingere: quæ tamen temporum mensura, ex varia tempestatum locorumque natura, & cibandi norma, non parum immutatur.

Jam in promptu *Quies* occurrit, quæ ultra diem quandoque extenditur; qua cessante excutitur *Senium*, quod jam decisum, inter subjecta *mori* folia conspicitur, cum ratio, ob Vermis exiguitatem, adhuc delitescat.

Bombycis magnitudo, post excussam primam senectam, ea est, quæ hic Tab. 89. Fig. 1. describitur: novus corporis habitus albidus candido veluti furfure aspergitur, præcipuè in superioribus annulis; extremitas autem fuliginosis quibusdam maculis inficitur, & cauda, pedes, anique appendices *Ziziphina* redduntur. Novum Cranium, tripla portione auctum, cinereum colorem, cum modica flavi mixtura, illico refert; transactis tamen tribus horis obscurius fit, velut *Cydiorum* carni accidit. Immobilis hæret *Bombyx* extremo præcipuè corporis, solumque dimovet caput, nec appositum per diem devorat folium; voraciter tandem cibum captat, terque in die nutritur.

Bombycum Alimentum Morum fuisse, longa temporum traditione constat. Duplex autem est, Nigra scilicet & Alba; illa rotundis foliis & in acumen desinentibus constat, quæ solida pollent substantia; hæc verò delicatior est, & citius adolescit, folia angustiora & oblonga magis habet, hæcque teneriora. Peregrina quondam fuit *Morus* in *Italia*; observant enim, apud præcos *Latij* authores nil de ea traditum inveniri. In nostris finitimisque regionibus *alba Morus* pro *Bombycum* alimonia usurpatur (nec nisi in summa inopia *nigra* offeruntur folia, adulto etiam *Bombyci*;) unde ex teneritudine sericum stamen molle gignitur. In *Sicilia* & in nostris quibusdam montibus *nigra Morus* ex usu est, indeque solidius filum eruitur. Ut autem diversis rebus alimonia compararem, mollia *Lauri* folia, *Vitis*, quin *Ulm*i & *Rusci*, pluries exhibui; transacto autem altero die convulsi interiire, Scio. *Lactuce* folia, primis diebus exhibita, alimentum tenellis adhuc *Bombycibus* apud quosdam extitisse, sicut & tenera *Rusci* folia.

Continuata igitur *Bombycis* nutritione, Cranii color saturatior redditur, ut coracinus iterum reddatur. In dorso tubercula erumpunt, ipsorumque extrema brevibus stipantur pilis: superior corporis portio argentea, reliquum verò spiritalibus fuliginosisque maculis, annulorum latitudinem excurrentibus, condecoratur.

Ut plurimum quatuor dies cum dimidio

ante novam quietem infumuntur; mense autem *Julij* quartus non attingitur dies: imminente otio, a cibo abstinere incipit, illudque durat per diem integrum cum dimidio, & novum excitatum cranium *Achatidis* colorem conservat. Ejus dimensiones hic habetis in Tab. 89. Fig. 2. Recens corporis color subalbidus *Ziziphinis* maculis, hisque saturatioribus aspergitur, in quinto pariter & octavo annulo; in medio dorso bina erumpunt stigmata inversos semicirculos representantia. Aucta insuper nutritione oblongius redditur corpus, coriumque quasi diaphanum, ita ut subjectus foliorum color emergat. Transacto triduo, si *Julij* mense nutrantur, iterum tertio in somnum prolabantur. Autumno autem, & Vere in longius protrahitur hoc spatium, cum in hoc quinque infumantur dies. Imminentis somni prodroma signa emergunt, quæ in antecedentibus mutationibus ob sui exiguitatem, non ita facile in oculos intuentium incurrebant. Toti itaque corpori, & præcipuè superioribus annulis diaphaneitas quadam cum aliquali luciditate ex subjecto fortè icore supervenit. Corpus in dorso ad secundum, tertium, & quartum annulum impensè surgit, ut ipsorum, alioquin conspicua, rugæ delitescant. In membraneo interstitio, inter cervicem & primum annulum locato, triangularis quadam macula cinerei coloris cum levi flavedinis mixtura erumpit: hæc basi supra cranium firmata, opposito angulo, dorso medium designante, secundum attingit annulum; nec diu durat hæc figura, sed sensim productis lateribus, veluti *Zona* extenditur, quæ parum ulterius progressa saturatiori inficitur colore. Diu hæsitavi, quidnam esset hoc phænomenon, videbaturque arridere, solam esse portionem elongati extensique corii, quæ alias continuata cranio, sub primo annulo revoluta obscurari solebat; cum tamen in quiescente *Bombyce* rudem quandam diaphaneitatem in Cranio observarem, inde credidi, enascentis capitis & sub primi annuli corio latitantis verax esse signum, cum antiquum caput, novo comparatum, longe minus sit; non enim quartam ipsius æquat portionem: nec me fefellit opinio; disrupto etenim quiescentis *Bombycis* corio, antiquum Cranium jam vacuum valde ab erumpente distare comperii, unde sub primo latitans annulo exteriorem hunc producebat colorem.

Futuram insuper quietem indicant, abstinencia a cibo, capitis elatio, (quæ quasi stolidos arguit,) corporisque moles, brevior & contractior reddita; his enim apparentibus, vermis perquirat recessum, ut quietius ibidem jaceat, quo conquisito immobilis hæret, inclinato versus humum capite, quod interdum ad superiora attollitur, vel ad latera curvatur.




fig. XI




fig. VII



fig. IX




fig. VIII



fig. X



curvatur. Diei unius spatio cum dimidio ita cubat, quo transacto excitatur, hinc inde jactatur, totus convellitur brevior redditus, & externum ipsius corium in rugas & plicas, & præcipuè annulorum interstitia circumvolvuntur, latera etiam celeri contractione corrugantur, tantusque est labor & angor, quibus-cum, antequam excutiat senium, luctatur, ut immutato ex subalbo in coccinum corporis habitu supinus decumbat per aliquod tempus, & tandem sejunctum à recenti corium, longa pedum jactatione, excutere incipiat, facta circa cranium separatione, & deductis per latera nigris quibusdam quasi lineis, quæ Excorationis progressum exhibent. Ut postremò senectam ex toto abjiciat, extremum corporis cohibet, sursumque viscera abigit, ita ut propulsa superius corporis pars vi prementium inferiorum, per excitatam paulo ante cicatricem erumpat, quæ dum tensa permanet, suo tumore in rugas contractum & complicatum antiquum corium in infernas necessario repellit partes: quod successivè in singulo annulorum tractu peragitur, donec ad extremum corporis convolutum protrudatur, à quo postea, confricatione circa adjacentium angulos repetita, tandem excutitur. In hoc supersunt ungues, pedum vestigia, appensæ in lateribus lineæ, quas ligamenta seu umbilicalia vasa incongruè crediderunt nonnulli.

Quis tamen tam laboriosam Metamorphosim, renovato capite, dentibus, corio, pilis, & fortè quibusdam musculis, Somnum appellet? Ego mallem soporem, vel veternum, vel vigilandi saltem impotentiam dicere, cum necessario tot morborum clades & labores, qui Senii excussioni præire solent, accedant. Nec novum in natura existit, ex sola dentium eruptione febres & sopores excitari, ut passim in pueris experimur, in quibus, ultra convulsiones, ita turbatur corporis Oeconomia, ut diu absque cibo interdum semi-mortui jaceant infantes. Quare, ut probabiliter reor, *Bombyces* singulis suæ vitæ diebus somni & vigiliæ vicissitudine gaudent; etenim ut plurimum à cibo, diverberato diu ad latera capite, deinde ad superiora erecto, immobiliter hærent per horam & alteram, & interdum dejecto capite cubant, quod bis in die repetitum vidi; quin & percussi licet excitentur, iterum tamen in pristinum relabuntur somnum; reliquum verò diei jactatione & motu progressivo insumunt.

Exarato defessus jam labore *Bombyx*, donec novis dentibus utatur, quiescit, & transactis horis apposita olefacit folia, quorum extremos fines tenellis adhuc dentibus degustare tentat; sed excitato fortè dolore abstinet, iterumque decumbit per diem absque cibo, quo transacto demum renutritur.

Vermis *magnitudo* illa est, quæ hic describitur in Tab. 89. Fig. 3. ejus Color, margaritæ, absque luciditate tamen, ferè similis. Prope caput, in primo annulo fuliginosa quædam, sed brevis, linea in dorso erumpit: Pili, humiliorem annulorum partem ornantes, oblongi, diaphanique emergunt: Cranium, pilis hirtum, *Achatidis* colorem ferè refert; Cauda Ziziphina erecta manet: eundemque colorem possident pedes & ani appendices: copiosæ per transversum plicæ in motu erumpunt, ut jam novum animal, excussa *Erucae* forma, videatur. Tota tamen novitatis ratio, quæ *Bombycem* à priori *Erucae* statu diversum efficit, in eo tantum consistit, ut fuliginosæ illæ priores maculæ dissipentur, pili, tubercula jam conspicua dorsumque ornantia, parum delitescant. Scio tamen, prope etiam ultimum Senium primæva tubercula, quæ *Erucae* naturam indicare credebantur, adhuc Microscopio detegi, pilorum copia conspersa; minora autem jam redduntur, ut censeo, ex animalis subsequenti indies augmento, cum laxatis externis tegumentis fuliginosæ particulæ, quibus corium inficiebatur, laxius diductæ, non atrum amplius reddunt corium; eadem etiam de causa, quoniam aliò rapitur cutis laxitas, tumores, & tubercula in primordiis luxuriantia penè delitescunt.

Quatuor vel quinque dierum termino, juxta Aeris temperiem, abundè nutritus, emergentibus futuri & postremi Senii nuntiis, per duos cum dimidio dies torquetur, postremamque exerit senectam, ejusque moles hac est. vid. Tab. 89. Fig. 4. Firmatis interea mox emeris partibus, totus cibationi se tradit, unde brevi nova moles longe major redditur, & quasi ad consistentem aetatem provectus, suarum partium perfectam absolutamque copiam habere videtur; & quoniam opificium, metamorphoses, aliaque ab eodem mirè edita, inferius rimanda veniunt, ideo minimarum mirabiliumque *Bombycis* partium Historiam, rudi licet stylo exaratam, addere placuit, ut singula, prout permittitur, pateant.

Bombycis primò occurrens externa configuratio oblonga est, qualis hic habetur Tab. 89. Fig. 6. Vermium more, undecim compaginatur Annulis seu Incisuris, quarum extremis, Caput & Anus, cum appendicibus, aptatur. Primus Annulus A, capiti contiguus, quia analogam cum cervice servat extensionem, si cæteris comparatur, minor est. Ab hoc bina in humiliori & prona sui parte B. exigua crura erumpunt. Subsequuntur bini annuli C. D. qui longè majores, quin & interdum maximi, si cum cæteris conferantur, censendi veniunt. Horum superior portio E, quæ dorsi tuber æmulari videtur, conspicuis

insignibusque rugis asperatur; quarum *Iconem* addidi in Tab. 89. Fig. 7, 8. hæ, ante folliculi fabricam, violaceo, cum modico xerampelini coloris, suffunduntur. Subsequens quartus annulus F, servata priorum proportione, parum decrescit, & præcipue extremitate illa, qua quinto G. necitur; qui & ipse angustior redditus, corporis hanc regionem parum cogit. Subsequuntur quintus H, sextus I, septimus K, & octavus L, quorum tres anteriores H, I, K, paulo auctiores redditi, ventris aliqualem formam referunt; ultimus tamen L, sensim imminuitur; reliqui extremi bini annuli M, N, proportionali ordine imminuti, alvi extremum gracile reddunt; postremæ autem incisuræ tria appenduntur corpora O.

Annulorum *figura*, ubi crura non erumpunt, rotunda est, in humiliori autem ventris parte pedibus intercepta rectitudinem acquirit, ita ut totus annulus arcum chordæ retractum æmuletur: dorsi enim & laterum partes curvantur, reliquæ diriguntur; turgente tamen insigniter ventre, & ipsæ tument.

Qualibet Annulorum pars non eandem fortitur magnitudinem, ita ut ex ipsorum contiguitate linea per dorsum ducta rectitudinem fervet, sed ut plurimum è singulis Annulis media quælibet portio elatior assurgit; cæteræ, hinc inde locatæ, humiliores parum subsident, ita ut ex harum serie fiat *Ellipsis*.

Annulorum Substantia membranæ est, & valida, nondum tamen Cartilaginea; hæc, cum non ubique similis sit, in singulo quoque annulo duplicem videtur fortiri naturam, ob geminam partem, quæ in ipso observatur; altera enim annuli portio superior est, quæ majorem duritiem, & soliditatem nancisci videtur, & perpaucis rugis asperatur, quamvis valida succedente contractione bini sulci excitenter, quibusdam punctis, à quibus erumpunt pili, descripti: subsequens annuli pars eandem fere latitudinem & extensionem sortita, tota in plicas ad animalis libitum adducitur. Hæ rugæ ut plurimum in grandioribus annulis quatuordecim & quandoque plures sunt, & per longum annuli ductæ non totum explent circulum, sed ab occurrentibus consimilibus parum devix delitescunt. Harum quidem fines in recurvatas inferius positas rugas absumuntur: vid. Tab. 89. Fig. 9. In grandiori Eruca, superius citata, quilibet annulus octo compaginatur minoribus annulis, qui invicem contigui latitudinem annularis digiti æquant; hi, abbreviato animalis corpore, in arcum singulum attolluntur, & ita tota annuli latitudo arctior redditur.

Bombycis *color* ex enarratis jam patet; ea enim annulorum portio, quæ rugis exaratur, ob sui tenuitatem subjectorum retert colorem & in seipsam revoluta *Achatidis* colorem exhibet: reliquum corporis subalbum, & fere ar-

genteum est, præter maculas quasdam P. in quinto & octavo annulo excitatas, quæ duplici describuntur linea, quarum interior cærulea est, exterior verò parum fuliginosa: in quibusdam verò Bombycibus fuscæ quædam copiosæ maculæ totum fere replent habitum, ut parum argentei emergat.

Extremis lateribus hinc inde nigra quædam stigmata Q. per longum infixa observantur, quorum accuratior descriptio & usus inferius habebitur: hæc decem & octo sunt; singuli enim annuli bina habent, præter secundum & tertium. Sub his copiosæ rugæ R. per longum ductæ, insignes & recurvæ erumpunt, pilisque oblongis & diaphanis ornantur; vid. Tab. 89. Fig. 8. & 9. versus extremum corporis in ultimo annulo e medio dorsi cauda S. erigitur instar styli, qui in implantatione latior, sensim gracilescit, ultra tamen medietatem arctior redditus in Conum desinit. Conf. Tab. 89. Fig. 6.

Extremo Annulo tria appenduntur corpora, quæ adlibitum diducuntur, & simul coeuntia corporis ultimum claudunt terminum. Nam à medio dorsi deorsum inclinata pendet carnea quædam portio T. quæ ani foramen tegit, & in egestionibus sursum attollitur: huic bina adstant corpora V. consimili conficta substantia, quæ oblonga & angulari ipsorum portione versus medium producta, reliquum extremi corporis muniunt, eique sulcimen & motum præbent: hæc in grandiori Eruca solidioris substantiæ sunt, & quasi cartilagineæ, mireque colorantur. Vid. Tab. 89. Fig. 10.

Remanet exponenda capitis *Exterior* constitutio. Cranium primo annulo appenditur, seu magis ab ipso erutum emergit. Corpus est subrotundum, parum tamen depressum, in superiori præcipue parte; binis semisphæculis A. Tab. 89. Fig. 11. ovalibus compaginatur, unde angularis quædam portio B. intercipitur, quæ Lambdoidalem æmuletur figuram; ab hac rugosa quædam pendet quasi carnea zona C, rugis excavata, quæ pro animalis libitu in se ipsam retracta, sub Cranio non parum delitescit, & frequenter exeritur, secumque retrahit *labium* D, ni *linguam* dicere velitis, quæ supra Os pendet. Sub his Oris cavitas aperitur ampla, & ab osseis hinc inde locatis mandibulis E. clauditur. Inferiorem Oris partem pendula & parum acuminata occupat substantia F, *Menti* instar, cujus humiliorem partem parum acuminatus tenet stylus. Hinc inde in humiliori loco maxillares bini processus G. solidi locantur, qui una cum Mento, ad libitum animalis, sursum, & intro etiam parumper rapiuntur. In anteriori parte, ad latera tamen, globuli H. quidam, numero sex, diaphani protuberant, qui *Oculi* censentur. Ab his parum distant









fig. VII.



distant bini Mamillares quasi processus E, descriptis majores, à quorum finibus bini exeunt pili. Singula autem hæc ex inferius dicendis magis patebunt. De hoc tamen interim Vos monitos volo, me scil. proportionalem magnitudinem non perpetuò servasse in partium iconibus, sed interdum, facillioris intelligentiæ gratia, quasdam figuras auxisse.

Totus corporis habitus pilis conspergitur una cum capite: hi miro ordine implantantur, colore pollent Ziziphino; qui vero circa crura, & rugas insignes, mox delineatas, locantur, lucidi, & argentei sunt, moleque sua cæteros, per dorsum & ventrem disseminatos, superant. In dorso, ubi pili implantantur, cœrulea quædam stigmata non raro deprehenduntur, quibus pilorum radices ambiuntur.

Bombycis corpus multiplicibus fulcitur cruribus, hisque diversis; versus enim corporis medium à sexto, septimo, octavo, & nono anulo, quatuor crurum paria hinc inde in humiliori parte erumpunt: Eorum figura rotunda est, & latiori sui parte à ventre emanans, internodium seu flexuram patitur. In hac eadem parte cavitas interdum excitatur, ut retractum crus intus cum appenso pede obscuretur; reliquum cruris binis ulterius articulationibus flexitur, & tandem in pedem desinit, qui recurvis unguibus mirè munitur.

Talis est appensi *pedis* structura. Ab extremo cruris, ubi in parte exteriori semicirculus subniger, & quasi osseus describitur, & in citata superius *Eruca*, nigra quædam Zona, quasi ex villuto seu villoso, serpit, pes A. carneus erumpit, Tab. 90. Fig. 1. qui semisphæræ parum compressæ formam habet. Ambitur autem ejus protuberans pars à bino unguium ordine B, qui, cinguli instar vel semicirculi, juxta longitudinem corporis deducti, parum versus interiora declinat; unde ex hoc segmento licebit pedis partes discriminare: pars porro, quæ ultra ungues exterius seu foris locatur, C. *Sylvestris* appellabitur, opposita scil. *Vola*; quæ verò ultra segmenta interiora versus exporrigitur, D. *Vola* nominabitur, quæ tamen minoris latitudinis est ac sit opposita.

Vola & *Sylvestris* portio, ad animalis placitum, diversis suæ indigentiae temporibus gracilescunt, moxque protuberant: nam interdum pars *Sylvestris* turgescit, totaque eruitur à cruris profundo; interdum, ut in *polyptorum* acetabulis seu cirramentis, intro retracta delitescit, quod in *Vola* etiam proportionaliter observatur. Ex quibus motibus, qui frequenter & celerimè contingunt, varius pedum & unguium situs, & robur, oriuntur. Tres tamen ipsorum præcipuas positiones pro facilliori intelligentia collegi, iconibusque exponere tentavi.

Primo *Bombyx*, quod frequentissime agit, deductam pedum *Volam* A. versus interiora regit, pars vero *Sylvestris* B. extra tota erumpens,

turgescit, recurvata versus interiora; Vid. Tab. 90. Fig. 2. unde ungues C. apicibus versus ventrem diriguntur, & ita constitutus pes ineptus redditur ad apprehendendum. Mox deductis unguibus ad medium, & ad oppositam fere partem, tota quasi *Sylvestris* portio B. intra cruris cavum rapitur, & parum eminet *Vola* A, & ungues curvo apice versus aspicientium oculos eriguntur; unde hoc etiam situ inefficax est pes. Tab. 90. Fig. 3. Deductis tandem ad extra Unguibus, parumque *Sylvestri* patente B, quæ crispata redditur & gracilis, *Vola* versus interiora erumpens supra apprehensi corporis superficiem turgescit, & unguium recurvi apices objecto ita applicantur, ut fortiter derineant, tantaque fiat adhesio, ut Animalis moles tuto suspendatur. Vid. Tab. 90. Fig. 4.

Unguium substantia ossea est, solida, & quasi fulva, eamque sortitur figuram, quæ hic Tab. 90. Fig. 5. describitur. Numero plures sunt ungues, ut plurimum in singulo pede quadraginta. Disparem magnitudinem sortiuntur, & duplici sub ordine æquedistanti locantur. Grandiores à *Volæ* confinio, i. e. ab interiori parte orti, supra ipsam inclinati, versus exteriora deducuntur, & tandem elevati in recurvos apices desinunt; minores vero ab eodem orti termino, inter priores eodem ritu serpentes, æquali perpetuò servata distantia, cum non eadem polleant longitudine, non eundem sortiuntur finem, sed paulo infra terminantur recurvato apice, ita ut per acuminatas unguium extremitates protractæ lineæ parallelas referant, pedis ambitum secantes. Hinc inde ab ano extremæ jam exaratae appendicis, crurum munus explent, binosque pedes promunt, jam descriptis consimiles.

Prope caput in primo, secundo, & tercio anulo, tria crurum vel brachiorum paria situantur, non inæqualis in totum magnitudinis. Eorum figura Conum æmulatur. Vid. Tab. 90. Fig. 6. Implantantur in his annulis latiori principio, quod à copiosissimis rugis excipitur, una retracta etiam obscurantur: tribus gaudere videntur internodiis, quibus ad interiora precipuè flexuntur: Horum extremitas unco, versus interiora, armatur, cui ex diametro ossei styli opponuntur, in cæteris autem articulationibus bini pariter styli recti implantantur.

Lustratis *Bombycis* exterioribus, supersunt interiora: Discisso itaque corio, quod superius expositum est, hoc quidam subflavus erumpit, qui manuum calore vel etiam ipso igne leviter concrevit, crustamque relinquit. Hunc probabile est ab officinis alimenti derivari, & per meatus, vel vascula per cutem dispergi; quamvis elixati *Bombycis* & *Aureliæ* ventrem hujusmodi concretus succus una cum visceribus repleat, ut in *hydropicis* accidit.

Diducta cute, altera superest Membrana subroscosa, & mucosa. Hæc probabiliter nova cutis est,

ris est, quæ discussio Senio, vel Bombycis forma, emersura est; quin & reliquas, quæ jam excussæ sunt, simul extitisse dubito. In prægrandi citata Eruca evidenter rosea est, & ipsius varii emergentes colores in externo apparent corio. Interior hæc tunica, una cum corio, si lumini obijciatur, translucens quasdam lineas, transversum Bombycis tenentes, exhibet, quæ rugis & furculis corium excavantibus excitantur. Inter has rugas rotunda quædam spatia quasi diaphana elucet, quæ pilorum radicibus circumducuntur.



Exarata Membranæ, seu corio, arctè hærent carneæ fibræ per longum deductæ, quæ revulsis ad latera visceribus patent: hæ per longum corporis exporriguntur, & incisuris, ea præcipuè in parte, ubi singuli annuli nectuntur ad invicem, arctè figuntur. Ipsarum color carneus est, & subalbidus, ceu cinereus; figura verò subrotunda; attentius tamen lustratæ, unaquæque ipsarum, filamentorum fasciculum, vel saltem exiguarum quasi cordarum plexum exhibet: & in quodam Bombyce, jam extincto, parumque convulso, singula hæc filamenta non recta nec sibi parallela, sed quasi spiras efformantia conspiciebantur; quod & in tendinibus quorundam musculorum in prægrandi animali non raro observavi. Fibræ hæ multiplices sunt, variamque inclinationem sortiuntur, unde pene diceretis contextos musculos, quorum seriem, & situm recolligere impossibile videtur, ob eorundem exilitatem, fragilitatem, & perpetuam contractionem, quibus implantatio & exortus obscurantur. Hoc tamen videtur minus dubium, in unoquoque annulo determinatam adesse musculorum seu fibrarum collectionem, qua ipsius latitudo undequaque co-operiatur; præter angustum & oblongum quoddam spatium, longitudinem dorfi excurrens, in quo non observantur. Quare in interiori corii regione, quæ ventriculum aliaque viscera ambit, rectæ hæ fibræ excurrunt, ab extremo corporis ad aliud extremum productæ: In singulis tamen intermediis annulorum confiniis, ubi inferior annulus in progressivo motu anterioris cavitatem parum subintrat: hæ musculorum fibræ arctè hærent, ibique altè inferuntur, velut in musculorum vulgarium finibus accidit; hocque successivè contingit, ita ut hæreatis, an eadem sint fibræ, quæ tot continuatos musculos promant, an vero sint diversæ, eodem ordine se invicem subsequentes. Certum tamen est, licet valida fibrarum applicatio & nexus in interstitiis annulorum, ut ita dicam, succedat, earum plures ulterius ad subsequentes etiam annulos elongari, servata continuitate; quod in elixato Bombyce præcipuè fit manifestum: & si Atramentum affundatur, nigrefacta spatia, hinc inde fibras ambientia, superata incisuræ parte, ubi altè figuntur, à superiori in Inferiorem annulum recta,

& eadem servata proportionem, deducuntur; quod idem accidit interceptis fibris, etiam in valido illo nexu, cum ipsarum continuas ut plurimum non tollatur, nec obscuretur, licet in aliquibus non ita pateat.

Exteriores fibræ, & quæ primò oculos incurrun, non sibi invicem parallelæ, nec perpendiculares sunt, sed aliquæ contiguas lateralibus occurrentes obscurantur, quod parum longe ab incisura contingit; aliæ verò, & quæ præcipuè circa medium dorfi, ubi oblongum arctumque spatium locari diximus, proximæ excurrunt, versus ipsum parum declinant, ita ut in singulo quoque annulo quædam suum sortiantur finem, & ita quasi *pyramis* fiat. Etenim in superioribus annulis versus caput, ex fibrarum applicitis finibus basis efficitur; & quoniam deorsum deductas fibras hæc versus medium dorfi inclinari diximus, hinc est, quod ex successivis ipsarum finibus ad medium dorfi, fit pyramidis latus, & tandem angulus; quod in grandioribus præcipuè Erucis observatur.

Sub descriptis *rectis* hisce fibris, aliæ subsequuntur, *obliquæ* tamen, quas in Bombyce difficillimum est attingere; interdum tamen aliquas in tabidis & elixatis translucere vidi. Ut autem ipsarum & subsequentium etiam fibrarum rudem aliquam notitiam habeatis, confugiendum nobis erit ad grandiore jam citatam Erucam, quæ ob sui magnitudinem minus obscuros habet musculos: non tamen tanta est ipsorum moles, cæteraque ita consentiunt, ut dilucidè singularum fibrarum verus & certus habeatur terminus: quæ vero ex plurium sectione minus dubia collegi, sub unius tantum Annuli Icone exarabo. Et pro faciliiori notitia recolligendum est, quod superius habuimus, in hac grandiori Eruca singulum quemque annulum quasi insignibus rugis constare, quæ, dum ipsarum latitudo arctior redditur, parum assurgunt, & ita totus annulus his rugis compaginatus brevitur.

Primò itaque in Tab 90. Fig. 7. fibræ *rectæ* A, occurrunt, quæ totum annulum co-operiunt, & à supremo ejusdem deductæ, implantantur in subsequentis incisuræ proximam partem. His ablatis, in conspectum veniunt *obliquæ* B, quæ eosdem sortitæ terminos, non omnem tamen annuli capacitatem occupant, sed graciles videntur muscoli, longo intervallo diffiti, ad extra inclinati. Subsequuntur *obliquæ* C, in oppositum inclinatæ, quarum portio, amplior tamen, versus medium dorfi D. deducitur; reliqua verò, annuli inferiorem & superiorem portionem attingit. Triplices hi fibrarum ordines perpetuo in singulis incisuris patent; cæteri autem, utpote minores, quia in diversas ejusdem partes destinantur, & profundius etiam locantur, nec perpetuò ipsis à natura unus statuitur situs, ideo non parum variant in insertionem & numero. Sub exaratis fibris ascen-



ascendunt *parum obliquæ* E. quæ superiori extremitate in secundam rugam desinunt, & harum tanta est, copia, ut insignis fiat musculus. In aliquibus annulis succedunt *descendentes* F, quæ ad sextæ rugæ confinium terminantur. Post has emergunt obliquæ *ascendentes* G, ad medietatem annuli expositæ, & in latissimum expansæ musculus. Tandem occurrunt his subjectæ obliquæ *ascendentes* H, quæ in quinta ruga absumuntur; & postremò sub his latet exiguus quidam musculus I. super extremam rugam extensus.

An ad singulas plicas alii ulterius à superioribus exorti transmittantur muscoli, adhuc ambigo; hoc tamen sæpissimè observavi, extremos enarratorum musculorum fines, sicut in perfectioribus etiam accidit, inæquales esse, ita ut ab uno binæ attingantur rugæ. In Bombyce recti quandoque muscoli inæquali suarum fibrarum longitudine pluribus unius annuli rugis appenduntur. An singuli hi breviores muscoli sint productiones rectorum, & quasi flexæ ipsorum extremitates, dubitari posset: cum in *Cancrorum* mirabili cauda, inter rectas fibras contorti quidam, veluti cordæ, fibrarum fasciculi, à suprema annuli parte orti, illico ac subsequenter inferiorem attingunt annulum, obliquenter, & ad ipsius medium desinant. His accedit, interdum (ut sæpius habui) circa annulorum interstitia rectas fibras obscurari, & externas parum obliquatas subire.

Musculorum ope Bombycis motus subsequitur, cujus exteriora *Phænomena* hæc sunt. Postremi Bombycis bini pedes, ab appendicibus ani erumpentes, ante-gradiuntur, & tunc corrugati & tensi redduntur extremi duo annuli: ex progressu deinde factò à binis paribus subsequentium crurum enarrant annuli elongantur, & ipsorum rugæ extenduntur; proximi autem bini annuli crispantur & turgent: detumescunt autem, longiores fiunt motus reliquis cruribus, quibus inferior alvus firmatur; tandem motis minoribus pedibus, vel brachiis non longe à capite locatis, quadrupedum more contracta mox corporis portio ulterius rapitur, & demum caput antè exporrigitur, & ita Bombycis progressivus subsequitur motus.

Sub exaratis fibris ex rectitudine stigmatum, quæ hinc inde in singulis annulis, præter secundum & tertium, excitari exterius, jam habuimus, ortum trahunt mirabiles quædam *vasorum* propagines, quæ singulas corporis partes irrigant. Hæc conspicuo trunco carent, sed in singulo quoque orificio decem & quandoque plures grandiores rami, in communem hiatum desinentes, cicatrici exarata aptantur, ita ut in Bombyce decem & octo sint huiusmodi ramorum plexus seu exortus. Ab hoc hiatu igitur, seu mavis brevi trunco A. bini exorti circuli B. in inferius & superius locatos deducuntur plexus, ita ut mutua fiat *Anastomosis* à capite ad

imum. Ab eodem pariter fonte tres elongantur circuli C. qui corporis habitum & musculos ipsos mirabili efformato rerum pervadunt; contigui vero D. vicina ambiunt viscera: Reliqui E. in ventriculum, cor, ventrem, aliaque proxima deducuntur, & in medio proni ventris occurrentes huiusmodi oppositi rami evidentem *Anastomosis* patiuntur. Propagantur hæc vasa, Arteriarum more; sensim enim à suo elongata trunco gracilescunt, & frequentes hinc inde geminant ramulos, qui ut plurimum reticulares plexus, ut in arborum foliis observatur, efformant; quod præcipuè inter musculos, & corium mirari licet, ubi tanta est fructificatio horum vasorum, tam miræ implicationes, ut nil pulchrius conspici possit. In singulas corporis partes exporriguntur, ut nulla ipsius sensibilis conspiciatur portio, quæ vasculorum horum propagines non admittat. Vasa hæc cæruleo seu plumbeo pollent colore, qui sensim argenteus efficitur, varius tamen in consimilibus insectis conspicitur, ut plurimum argenteus est, vel *perlatus*, interdum pælearis, vel aurei suffunditur mixturâ. Vid. Fig. 1. Tab. 91.

Horum substantia membranea est, cum hoc tamen, quod annulosis hisque solidis firmetur, ita ut in quocunque situ secta, aperto pateat ore, unde ex his & inferius dicendis conjectatus sum, tracheas esse, quæ suis productionibus *Pulmones* efformant, & exaratas Bombycis incisuras binis pollere pulmonibus. Totum hoc consimilium Insectorum indagine firmatur.

In *Cicadâ* talis est ramificatio: in Tab. 91. Fig. 3. Conspicius ramus A. qui cum exteriori cicatricè communionem habet, in minores subdividitur circulos, qui sensim in ovalem extenduntur vesicam B, eadem continuata substantia; hæc, altera extremitate constricta C, iterum vasis naturam subit; quam metamorphosim sæpius reperit, & tandem extremis finibus, sibi invicem occurrentibus, Rete efformatur, quo viscera, aliaque foventur.

Huic analogam tracheæ seu pulmonum configurationem in *Lucano* seu *Volatili cervo* placuit Tab. 91. Fig. 2. addere, in quo vesicæ A. à trachea B. pendent, eadem excitata substantiâ, ita ut *Pulmonis* Icon habeatur, qui & ipse, in perfectis animalibus, membranosis finibus & vesiculis conflatur, quæ continuatæ tracheæ appenduntur; seu potius tracheæ membrana, ubi annulorum angustiam coercetur, tubos efficit, ubi autem liberior redditur, in vesiculas laxatur.

In *Locustis* talis est tracheæ productio. Ab exteriori orificio, annulis infixò, arcum pendet tracheæ caput A. quæ dorsâ latitudinem in altero latere excurrit, in amplum & capacem extensa tubulum B, qui contiguis communicans minori quodam ramo, tandem acquisitâ vasis naturâ, arciori tubulo minimas ulterius,

ad Cor præcipue, promit ramificationes. Vid. Tab. 92. Fig. 1.

Parum abfimiles tracheæ productiones mirari licet in *Vespis*, *Apibus*, aliisque confimilibus insectis; ex quibus elici potest, exarata animalia nostrumque Bombycem non tantum pulmonem habere, sed ita abundare, ut fere *singulus* ipsorum annulus *duobus* polleat, quin & singula quæque pars etiam viscerum, derivatis pulmonibus gaudeat.

Descripti *Pulmones* proprium habent orificium, quoo in Bombycis lateribus extare diximus, ita ut singuli quique annuli, præter secundum & tertium, duobus polleant hiatis. Hi, nigra circumambiente zona ornati, nudis oculis patent; eorum tamen structura altiorum requirit indaginem. Prout autem in citata *Eruca* aliisque confimilibus liquet intueri, talis est. Extimum corium stigmatibus ovalibus hinc inde pertunditur: hæc per longitudinem annuli infiguntur; ita ut acumine versus humiliorem ventrem dirigantur, altero autem versus dorsum. Cutis extremitas A, Tab. 92. Fig. 2. cicatricem designans, nigra est, & parum reflexa, & contento tracheæ capiti unitur, quod ovale hoc spatium replet, in cuius medio scissura B, per longum ducta, observatur, quæ identidem à recta declinat; reliquum spatii fibrulis C, cinerei coloris, repletur; hæc ab exteriori cicatricis ambitu exortæ, rectè versus scissuram deducuntur, & quadam Analogia interstitium ciliare æmulantur, saltem in munere; quare levi ipsarum contractione curvus ille hiatus ita dilatatur, ut Aer pro libitu egredi, & subingredi possit. Et licet vivente animali nunquam hiantem deprehenderim huiusmodi scissuram, post mortem tamen levi succedente exsiccatione oblonga patet via. Et ut veritati huic aliquid lucis adderem, non-nulla tentavi, quæ licet non omnia secundum præconceptra evenerint, ea tamen memoranda censeo. Immerfis Bombycibus præcipuè in ardenti aqua, multum aeris sub bullarum specie ascendit, & quoniam interdum aeris portio circa rugas hæret, quamvis prius aquâ madescant, ideo non ea affulsit evidentia, quam exoptabat animus; hoc tamen certum est, exeuntis Aeris bullas è dorso, è rectitudine præcipuè stigmatum erumpere, & immisfis Bombycibus jam extinctis, nullum ascendere aerem.

Aliud insuper tentavi: aspersis leviter, etiam penicillo oleo intincto, tracheæ singulis hiatibus, illico convulsus concidit animal intra *Dominica orationis* spatium. Et ut vulgatum illud de natura Olei, Insectis infensa, explorarem, varia molitus sum. Aspersis orificiis tracheæ superioribus à corporis medio ad caput usque, hinc inde, illico quasi paralyticus jacuit Vermis, nec secundum superiora loco movebatur, reliquum corporis motum servabat; per noctem ita jacuit, mane revixit, etiam quo-ad

superiora, & sensim nutritus, tandem folliculum confecit; quod & in aliis comprobatum vidi. Aliorum insuper inferioribus tracheis, usque ad medium corporis, oleum affudi, & mox convulsionibus tentatæ sunt oblitæ partes, quin & superiores particulæ, dum movebantur, reliquas veluti paralyticas secum trahebant; cordis pulsus versus extremas partes rarissimus erat, & affectæ portiones mole sua non parum immutabantur; & in his, quibus successit mors, ventriculi inferior portio impensè coarctata erat. Horum aliqui binis transactis horis cibum gustavere, & statò tempore folliculum peregrere. Inter hos unus vel alter, elapsis pluribus diebus, interiit: quidam autem post consuetos dies, quibus copiosius cæteri cibum sumunt, stamen emittere cepit, sed brevi relicto opere jacuit, tandemque obiit. Cæterorum tracheæ orificia, modò sinistra in aliquibus, modò in aliis dextera oblinivi, & excitato quasi corpore vix movebantur; tandem expergefactis superioribus partibus (nam in reliquo torpidior erat motus) cibum assumpserunt, suumque opus perfecere, quod & ferè singulis accidit.

Ut autem intimius rem hanc perspectam haberem, Ventrem, Caput, Os, & Dorsum, illæsis tamen tracheæ orificiis, sæpius oleo aspersi, nec unquam extinctos vidi, nec etiam inde sæva suborta symptomata. Quare interitum ex Oleo eatenus contingere conieci, quatenus occlusis tracheæ orificiis, suffocatio, vel quid simile succedit; quod placitum subsequenter tentaminibus firmatum volui. Butyro illevi tracheæ singula orificia, & illico perierunt. Idem accidit usu Lardi, sevi, & similium: nec adiposis tantum & oleosis inest hæc mortifera vis, sed asperso melle liquido concidere; cum hoc tamen discrimine, quod aliqui expergefacti, interdum ipso, laterum frictione, detergo, revixere; hi vero, quibus altè hæcebat mel, perpetuò jacuerunt.

Placuit eadem tentare in confimilibus insectis, ut in Locustis, Grillis, & huiusmodi, in quibus mors pariter successit. Hoc unum Vos monitos volo, Bombyces, qui affuso Oleo, vel confimili, illico concidunt, Cordis motum per aliquod spatium conservare, nunquam tamen reviviscere, etiamsi aceto irrorentur, Solique exponantur; at eos, qui sub aqua etiam per horas steterunt, non tantum cordis motum retinere, sed pristina vitæ munia reassumere: Unde conjectari licet, corpora, quæ detergi possunt à tracheæ orificiis, ut aqua, & similia, non ultimam inferre necem, sed illa tantum, quæ vel subingrediantur, vel arctè occludant, ita ut dimoveri nequeant. His accedant ea, quæ in vestra *Anilia pneumatica* aliàs observastis, immisfis huiusmodi insectis, quæ otbata acre interiere. Congruum ergo videtur, Aerem in hæc Bombycis vasa continuatim subingredi & egredi, ut in cæteris, quibus insunt Pulmones.

An vero necessarius sit abdominis motus pro aeris accessu & recessu, esset perquirendum; & cum nefas sit, Vobis dubia meæque mentis nudos proponere conceptus, illud tantum sensibus comprobatum Vobis offeram, ut inde philosophemini.

In Bombycis postremis tribus annulis circa dorsi latera non obscurus perpetuatur constrictionis & dilatationis Motus, ita ut stato tempore huiusmodi laterales portiones intrò rapiantur vel pellantur, & successivè extra turgant. An vero hoc in Cordis gratiam, quod præcipuè in intermedia ibi dorsi parte systolen & diastolen habet; an vero in respirationis usum subsequatur, adhuc dubito. In *Locustis* autem, quas observare potui, evidens est totius ventris constrictionis & dilatatio, ea in parte præcipuè, quæ prona est, & dorso opponitur; interius namque miram habent machinam, cujus iconem habetis Tab. 92. Fig. 3. In singulis etenim annulis A, ossea vel cartilaginea binæ laminæ B. sub eodem plano locantur, altera à dexteris, altera verò à sinistris; ita ut latior laminæ portio cum exporrecta C. ejus parte, ventrem inferiorem tangat; reliqua verò, superius dorsum. Hæ ab incisurarum substantia cæterisque aequaliter sejunctæ locantur ita, ut liberè moveri possint: quare laxato ventre probabile est, velut tot arcus extendi, indeque capaciores reddi ejusdem cavitatem, vel saltem jam compressam in proprium resilire statum, huiusmodi arcuum ope. Sed potiora vestris mentibus occurrent, & jam tempus est, ut reliquorum Bombycis viscerum indaginem prosequar.

Per longum dorsi, inter exaratas Musculorum fibras, & pulmones hinc inde appendicos, Cor locatur, à summo capite ad extremum usque corporis exporrectum; quare, vivente animali, ejusdem pullatio exterius per longum subobscure emergit. Corpus hoc tenuibus constat membranis, quæ contenti Icoris colore imbuuntur; diaphanæ enim sunt; progressu tamen temporis luteæ fiunt, nec ita facile translucent. An præter membranas carneæ adsint fibræ (ut reor) quibus constrictionis subsequatur, sensus nequit attingere. Ejus figura mira est; nam in cæteris animalibus, ex fibris carneis in gyrum deductis *Conica* quadam confurgit moles; at in *Bombyce*, & consimilibus, unicus tubus est, à cauda ad caput continuus, nec, ut observare potui, in istius finibus, vel altero tantum, amplior quadam capacitas locatur, à qua principium motus erumpat; nec etiam qualibet exarati tubi portio eandem sortitur latitudinem, & figuram, sed identidem extenditur, postmodum angustatur, ita ut ductus iste Tab. 91. Fig. 4. in tot distinguatur quasi Ouales tubulos AB, sibi invicem conti-

nuatos; quare ex inferius etiam dicendis dubitari potest, tot *Coracula* esse, sibi mutuam opem ferentia. Ipsorum numerus multiplex est, adhuc tamen non omnino mihi notus; nam ex vario cordis rhythmo in pulsu, ex valida insuper convulsione, qua secti Bombyces tentantur, distinctio non ita patet. Tot autem esse, quot annulos, vel saltem pulmonum paria, ex his, quæ sæpius deprehendi, probabile est. *Coracula* hæc, dum placida succedit ipsorum *Systole*, taliter moventur.

Extrema latera producti cordis, dum *Systole* sua corripuntur, ad medium cordis procedunt, & crassiora seu prominula reddita, non intimè sibi approximantur, sed intercepta media cordis portione demissiori, binas lineas paleares videntur effingere; at ubi Cor validius movetur, concurrunt exarata lineæ, & in arctiori cordis parte D. se superequitare videntur; quo casu elatio quadam five tumor in cordis medio sulcitur: ubi autem deficiente animalis vita, sola cordium latera parum versus medium lentè deducuntur, tunc nulla fere sensibilis confurgit elatio.

Cordium motus non eadem omnino temporis differentia succedunt, sed in Bombycibus, sicut & in aliis etiam, ab extremo corculo, ad caudam locato, primus constrictionis motus emergit. Latiori enim C. compresso, contentus illico tenuis humor exprimitur per D. in subsequens corculum B. à quo in E. & ita successivus fit tumor, qui in celeri diastole adeo confusus est, ut distingui nequeat. Patet autem, dum prope extinctionem manifesta succedunt compressiones, propulso vitali illo humore ex corculo in corculum, velut ex auricula in cor, vel ex corde in arterias.

An à corde *Arteriæ* oriantur vitalem succum deferentes, nondum certo assequutus sum; visus tamen interdum sum in *Aurelia* conspicuos ramos in annulorum interstitiis deprehendere, unde Arteriarum truncos esse conjeci.

Circa elongatum cor, seu singula coracula, tracheæ rami E. serpunt, unde minores ipsius productiones, extremis suis finibus, arctè Cordis membranæ, quæ dorsum respiciunt, adhærent, & quoniam Cor cum contento liquore diaphanum est, ideo ipsarum emergit species. Vid. Tab. 91. Fig. 3.

Aliud etiam corpus, Cordis ambitum stipat, & suis productionibus hinc inde lateribus ipsius hæret, quin & in singulis Incisuris, ubi fibræ carneæ desinunt seu intercipiuntur, sunt transversales novæ huius producti corporis diramationes, ut recti quatuor anguli fere designentur; ex quo deduci etiam potest, à Corculis, eò in loco, binos hinc inde promi ramos. Cordis igitur ductum mucosæ

quædam ambiunt productiones, quarum corporaturâ Musculorum progressus teguntur, spatiaque in visceribus relicta per-belle replentur; tanta enim est hujus corporis luxuries, ut suâ mole ceteras Bombycis superet partes, cum universa ventris cavitas sufficienter ipso repleatur. Tenellum est hoc corpus, ejusque substantia in oblongas stirias tam lancinatur & mire implicatur, ut, quacunque licet diligentia pertractetur, non tamen ipsius contexturam attingere liceat.

Ut autem aliquod lucis affulgeret, placuit ad Insectorum consimilium indaginem recurrere. In grandioribus itaque *Erucis* albæ hæ productiones totum interiorem ventrem obliniunt, & contenta viscera stipant; harum portio ab animali evulsa, & aquâ excepta, supra vitrum extendatur; ita enim rudis ipsius progressus & structura habebitur. Elongantur ergo vasorum instar, & proximis consimilibus occurrentibus inosculantur, ita ut tota hæ alborum corporum series Tab. 92. Fig. 4. laxum A. constituat rete. Horum figura oblonga est, parumque depressa, nec eandem omnino latitudinem servant, sed impense interdum angustiora redduntur; mox extenduntur quasi in foliorum formam B, iterum coarctantur, & ramorum instar elongata sibi inosculata & implicita laxum rete C. efformant.

Hanc eandem structuram in Bombycibus postremo collegi, dum ipsorum frustulum rimabar. Diu dubitavi, an cava essent, aliquoque referta succo, cum vasorum diramationem ruditer æmulentur; in *Locusta* tamen ipsorum configurationem primo nactus sum; in hac etenim latiora hæ corpora B. rotundis parumque depressis corporibus D. compaginantur: quod deinde in Bombycum frustulis, affuso attramento, collegi. Quare ex hac extrema configuratione *Glandulosum* parenchyma, & inde viscerosam carnem dicendam putabam; sed facta ulteriori tentamine, aliud mihi philosophandum occurrit. Igni etenim approximata hæ globosa substantia in oleum funditur, flammamque concipit; quare pinguedinosi globuli, reticularibus productionibus, velut membraneis sacculis, contenti, cum omento comparari possunt; rursusque dubitandi ansa occurrit, pinguedinis promptuaria esse, valdeque sollicitam reddi naturam in recolligendo continendoque oleoso hoc succo. Omenti hujus productiones minimi tracheæ rami irrigant, & ipsarum tractum etiam firmant.

Ventris cavam replet ventriculus A, Tab. 93. Fig. 1. mole insignis, & ab ore ad oppositum extremum oblongus, & rectus. Ejus substantia membranea est; hæcque multiplex; ut in ceteris animalibus patet, interna scil. & externa: *Illæ* tracheæ B. ramis, minimis-

que ejusdem propaginibus irrigatur; sub hæc excurrunt conspicuæ carneæ quædam fibræ subalbæ, quarum series duplex extat; aliæ enim rectæ C. ab Oesophago exortæ, versus anum deducuntur, graciles tamen & rotundæ; aliæ autem per transversum ductæ D, ventriculi latitudinem colligunt, unde ex perpetua fortique hujusmodi fibrarum contractione & amplexu interceptæ minimæ ventriculi portiones E. exterius protuberant, veluti tot globuli; sectis autem hujusmodi fibris, vel aqua maceratis, ita detumescunt exarata protuberantiæ, ut oblongus reddatur ventriculus, levisque exterior superficies, nullo vigente rugarum vestigio. Binæ insuper carneæ fibræ F. quasi chordæ, per longum exporrectæ, anteriorem & posteriorem ventriculi partem cingentes, ligamentorum vicem supplent, ut in colo aliisque consimilibus accidit.

Avulso hoc extimo carnosoque sacculo, quo ventriculus totus continetur, & constringitur, tenuis & diaphana occurrit membrana, in oblongi sacculi pariter speciem efformata, quæ nullam fere videtur cum exteriori carnosoque amiculo connexionem habere, quia secto primo involucro integra, contentoque alimento turgens eruitur. In hac nil conspicui deprehendere potui ob luciditatem summamque tenuitatem.

Ventriculi figura oblonga est, instar sacculi parum depressi, & ex fibrarum ligamentorumque nexu identidem angustatur, ut sex semicirculares protuberantias edat, quæ a totidem tracheæ ramis irrigantur. Externus color viridis est, sensim tamen, non assumpto alimento, & dum proxime ad folliculi fabricam disponitur, carneus efficitur.

In superiori corporis parte non parum constringitur Ventriculus, ita ut membraneus ductus G. efficiatur, qui in oris cavitate desinens, alimentum dentibus concisum excipit. Versus inferiora, ad situm septimi tracheæ orificii, Ventriculus in intestini formam H. mox in orbiculos I. velut in exiguos ventres extenditur, & tandem post brevem coarctationem K. iterum ex contentis facibus parum dilatatus, in anum L. hiat, ubi exitura excrementa continentur. Hæc postrema ventriculi cavitas M, *recti* vices gerens, hinc inde per longum sex protuberantias, ex laxata propria substantia, promit, a quibus faces sexagonam recipiunt figuram.

In consimilibus Insectis copiosiores & distinctiores sunt Ventres; sibi invicem successive communicantes. In *Cochlea* etenim absque testâ, quatuor interdum numerantur, quorum primus, ingluviei instar (ut *Aristoteli* etiam placet) in orbem extenditur; secundus, majori pollet longitudine; extremus autem, in tenue intestinum desinit. In *Grillo* etiam

fig. I.



fig. II.




fig. III.





fig. III.



to etiam bini insignes occurrunt Ventres, quorum posterior rotundus, hinc inde appendices promit: reliquum ventris in quinque (minores tamen) utriculos distinguitur. Tantus ventrium apparatus, seu continuatus Bombycis stomachus, non minimo contentus est alimento (ut traditum ab *Aristotele* legimus;) nam si fiat comparatio cum ceteris insectis, quin & cum sanguineis ipsis perfectioribus, quæ mole longe excedunt, esu ipsa superat; cum alimenti unius diei, & proprii jejuni-corporis, æqualia sint pondera.

Inter alimenti excrementique receptacula, hoc est, in angustata ventriculi parte H, tenuina quadam & varicosa emergunt vasa N, quæ ut plurimum palearis vel crocei coloris sunt. Hæc per ventriculi dorsum exporrecta, deorsum relabuntur; ita ut sex reflexiones numerentur, quibus subjecta ventriculi portio ambitur. Horum exortum diu quasivi, & tandem visus sum ipsum attigisse; in ea scil. parte H, ubi intestini formam venter subit, à qua conspicuus quidam truncus O, brevis licet, emergit, qui mox dividitur in geminos ramos sursum serpentes, qui iterum relabentes subdividuntur in ulteriorem sobolem. Hujus in intestinum hiatus patet, quotiescunque secto per transversum, jam exinanito ventriculo, non longe ab insertione hujus trunci, compressisque varicosis ejusdem productionibus, in interiora ventris erumpit expressus è vasculis flavus, interdum albus, icor, & per sectum ventriculum patenter emanat. His contigua observantur in inferiori ventris parte M. tenuina quadam vascula P, lutei ut plurimum coloris, quæ suis propaginibus binos I. utriculos ambiunt; copiosius tamen inferiorem percurrunt partem M. Horum structura & gracilitas, novum genus, & à descriptis diversum, indicare viderentur, nisi in quibusdam Bombycibus, hydrope seu cachexia laborantibus, albus quidam humor aquè descripta insignia vasa N, ac minora P, occuparet, nobisque aliqualem indicaret continuitatem. Hærent hæc minima vasa intestino præcipuè recto M, & quia diaphana sunt, & varicosè implicantur, ideo globulorum seu glandularum racemos æmulantur. Hoc vasorum genus in consimilibus insectis etiam luxuriat; nam in *Eruca*, pilis oblongis & aculeatis referta, ab eadem ventriculi parte consimile erumpit vasculum, quod sursum deductum iterumque ad inferiora reflexum, continuitatem servat: quæ evidentius in hac conspicitur, quam in Bombyce. In grandiori *Eruca*, horum vasculorum duplex conformatio extat; alia enim alba sunt, reliqua verò flava: ceu crocea; illa varicosa, intestini coli instar, sunt, eorumque semicirculares protuberantiæ, interius

cavæ, cum intimo communique ductu communicant; unde eodem replentur succo; *altera* autem, vulgarium vasorum ritu, parum depressa laterum suorum omnimodam levitatem servant, cum fere rotunda sint. Exortum habent à fine primi ventriculi, & sursum excurrunt; mox reflexa, reliquis exiguis utriculis, ex coarctato ventriculo subortis, arcte hærent, & circa rectum, in gyrum deducta, ludunt. Ob excedentem longitudinem, ipsorumque molliem, nunquam licuit evidentem assequi continuationem; probabile tamen est, in ipsis dari; & licet, dum impense nutritur animal, contentus succus duplici inficiatur colore, certum tamen est, quod in eadem vasis continuata portione, contigui binique succi, diversos ferentes colores, observantur, & tandem temporis progressu oblongus horum vasculorum tractus unico & undequaque sibi simili, vitellino scil. succo, refertur.

Longa & ferax Insectorum investigatio desideraretur, ut horum vasculorum progressus, indeque usus, elucesceret; probabile enim videtur, tenuiorem cibi, jam in ventriculo macerati & soluti, portionem in hæc propelli, longosque ipsorum anfractus subire, & fortè succis non parum immutari, & tandem in cor, vel saltem in corium, & inde in reliquas corporis partes rapi.

An vero superfluum aliquod, ineptumque nutrioni, per alterum ex descriptis vasculis (bina enim sunt invicem sociata) revehatur, hæsitari potest, cum in Bombycibus, cessante cibatione, contentus succus in subalbam quasi saniem immutetur, & postremo in excrementorum vesicam derivetur. Hæc libens vestris exercitationibus dilucidanda, pro germana naturalium viscerum dignotione, remitto; unicum hic addens, in singula descriptorum vasorum particula, dum inedia maceratur animal, & intus lacteus succus luxuriat, productiones & diramationes circumducti cujusdam corporis, in interiori superficie horum vasorum observari; quæ intercepta inæqualia designat spatia: interdum enim areolæ oblongæ, quandoque triangulares, modoque orbiculares excitantur, ita ut supra tunicam, ex modicè assurgente corpore consimiles productiones habeantur, quales in cavo biliaria vesicæ, vel choledochi ductu deprehenduntur. Hæc verò vestra ope dilucidiora reddita dubiam adhuc meam firmabunt mentem, dum interim hæret, an hæc sint tenuia intestinula, an cæcæ appendices, pro fermentorum collectione in piscibus familiares, an vero vasa *Lacteis* analogæ?

In Ventris lateribus hinc inde circa ventriculum oblongus vasorum A. progressus circumducitur, quæ pro Serico efformando stamine succum continent. Talis autem est

ipforum progressus : Tab. 93. Fig. 2. Unumquodque horum ab oris confinio exordium trahit, sensim autem superato capite deorsum elabens, à latere parum deflectens in B, versus interiora corporis deorsum producit ultra corporis medietatem, & iterum extra reflexum in C, sursum versus caput ascendit, & tandem circa ventriculum serpens ad inferiora deducitur, & in gyros mirosque mæandros D. implicitum, versus primi ventris terminum, ultimum fortitur finem. De extremo hujus sine diu sollicitus fui; cum enim hujus vasis mucosa fragilisque sit contextura, quæ multiplicibus tracheæ ramis colligatur, ideo difficillima videtur extremi sui termini indago. Longa tamen usus patientiâ, sectis singulis tracheæ vasculis, ultimum attingi finem, qui cæcum representat intestinulum E, quod à proximo tracheæ ramo gracilem recipit supra se excurrentem diramationem.

Horum ductuum substantia membranacea est, ut cæteris intestinulis; solidior tamen in sui exortu prope caput; in reliquo fragilis est. Nec eandem omnino retinet figuram; etenim, licet vasa hæc ubique perforata existant, eorum tamen principium F. gracile est, ipforumque foramina angusta sunt; subsequens vero portio G. laxior est, quæ tandem rotundi intestinuli H. formam jam adepta, post plures circumvolutiones extremum fortitur finem E. Longitudo unius ductus *Bononiensem* æquat pedem. Inæqualis horum ductuum conformatio non eadem est in singulis Insectis; nam in prægrandi Eruca intestinulum gracile, sibi que omnino simile, deprehenditur, palearis ubique coloris.

Contentus succus vario inficitur colore, qui & in singulis Bombycibus etiam variat. Duplex tamen vulgariter solet efflorescere color, luteus scil. seu auratus, & subalbus, cum modica quasi sulfuris tinctura. Et quoniam ex vario exaratorum succorum situ, staminis suboritur textura, ideo producti inde folliculi diversi sunt, vulgòque etiam diversis appellationibus insigniuntur. Solet autem in Bombycibus, à quibus folliculi, vulgariter *Soriani* appellati, efformantur, subalbus primo occurrere succus, qui ab I in K, ductus portionem occupat; subsequens verò crassioris intestinuli usque ad L, aureo repletur succo; reliquum usque ad extremum E, subalbo iterum occupatur humore: In aliis porrò inversâ viâ contingere solet, occupante flavo corpore primam serici ductus regionem. Succus iste, aquâ communi elixatus, non solvitur, sicut nec igne liquefcit, flammamque nequaquam concipit, sed gummi instar glutinosam retinet naturam.

Tracheæ ramulis per longum ductis, ad minimaque gracilescentibus, totus horum intestinulorum irrigatur tractus, cum proximi quique tracheæ trunci surculos transmittant.

In prona corporis parte post avulsa viscera, in medio scil. imi ventris, à capite ad extremum corporis, sub adiposis ductibus, Spinalis excurrent medulla emergit. Propria hæc gaudet compage & figura, cujus progressus talis est: Non uniformem habet substantiam, sensim ad imum usque decreascentem (ut ferè assolet,) sed, veluti chordâ, interpositis ovalibus identidem quasi nodulis compaginatur. Intermedii globuli figuram ferè ovalem habent, quæ erumpentibus nervorum productionibus deturbatur, ejusque forma parum convexa est, & placentalæ instar valde deprimatur. Hujus substantia gemina videtur, altera enim exterior ambiens A. Tab. 94. Fig. 1. subalba est, eandemque sapit naturam cum reliquo spinæ; interior autem B, parum elara, in suprema sui parte C, curvatur, in inferiori autem quandoque binas quasdam promit appendices D; breves tamen, ex nervorum E. rectitudine, quos ibi geminat. Hæc ob sui exiguitatem, cum nec cultri acie separari possit, nec cæteris tentaminibus explorari, adhuc mihi ignota latet. Unum tamen observo, coloribus circum-affusis, non parum altera parte A, quæ vel ipsam ambit, vel globulos nectit, distinguere: nam hæc subalbida & candida est; illa vero Leonini coloris: quin & in cancro fluviali, ubi eadem patet structura, non tantum diversus erumpit color, sed ex eodem stigmata suborta rudes quasdam velut arborum radices, describunt. Quare interdum dubitandum mihi occurrit, cum in capite deprehendere nequiverim cerebri molem, ab his disparatam, globulos seu nodulos hosce cerebri esse dispersas portiones conglomeratas, scil. corticis glandulas, à quibus nervorum fibræ enascantur; cum perfectorum etiam Spinæ interiora per longum occupet cortex, à quo quorundam nervorum fibras enasci probabile est. Corticalis hæc substantia, nodulos efformans, in ea eminet parte, quæ Bombycis annulos tangit; in altera autem huic opposita, scil. versus interiora superextensa, medullari A. substantia tegitur & ambitur.


Singulus itaque globulus binis exaratis constans particulis, in sui suprema parte C, descendente recipit spinam, eamque ab inferiori & opposita parte promit: Hinc inde verò bina nervorum paria hæc insignia erumpunt, quorum alterum E, inferius scilicet, oblique deorsum ad latera producit in musculos & artus; alterum vero F, superius ad tracheæ proximis truncos exporrigitur.


Globuli, prout videre licuit Tab. 94. Fig. 2. sunt tredecim; supra enim primum tracheæ orificium bini, parumque distantes G, sub eadem rectitudine locati, versus caput ascendunt; ab his post brevem spinæ productionem postremus promitur nodulus H, à cujus supremis partibus bini erumpentes processus, duos geminant globulos I, qui in Cranii basi non longè à

fig. I.



fig. II.





gè à mandibulis nervulos mittunt, sicut & ad oculorum radices. Inferiores globuli ultra primum annulum, servato proportionali spatio, ex rectitudine tracheæ orificiorum situantur; bini tamen postremi KL, sibi succedentes, à se invicem parum distant, & inter septimum & octavum tracheæ orificium pendentes, extremum gracilescens spinæ M. inferius promunt; à quo, veluti dispersis fibris, corporis extremi appendices irrigantur & foveantur. Residuum spinæ N, globulis interiectum, nerveam præ se fert naturam; nam subalbum est, & in binos recolligitur fasciculos, communi involucreo contentos, & affuso atramento in cancri spina pater: In ipso etiam Bombyce, inter primum & secundum O tracheæ orificium, non parum distant binæ spinalis medullæ partes. Extremas nervorum productiones ad artus & musculos non licuit in totum attingere ob luciditatem; & albedinem. Noduli supra expositi à minimis tracheæ ramis P, irrigantur; à singulo enim tracheæ orificio versus interceptam spinam bini occurrunt rami, qui in medio sibi occurrentes mutuam pariunt Anastomofin, & productis minimis ramulis arcte expositos amplexantur globulos, & elongatam inde spinam. Vid. Tab. 94. Fig. 2.

An præter exaratas Bombycis partes alia superflua viscera, non audeo negare; aliorum enim sollicita indagatio & dexteritas fortè luculentiora detegit. Scio, in quibusdam Insectis, & præcipuè in *Scarabeo*, & in *Imperati Talpa*, circa ventriculum subalbos quosdam reperi globulos, qui tracheæ ramis propaggines recipiunt, ipsorumque copia inferior ventriculi portio præcipuè circumdatur. In *Cicadis* memini, glandularum racemum ad extremum alvi locatum me vidisse.

Lustratis interioribus visceribus, unum vel alterum de *Cranii* structura est expendendum. Solet natura in sanguineis animalibus Cranium pluribus unitis ossibus compaginare: unde in ipsorum mutua insertionem & adaptationem plures contingunt suturæ, propriis discriminatæ nominibus, quæ minimas quasdam rimulas inter contigua & articulata ossa designant. In Bombyce autem Cranium ossibus multiplicibus, vel saltem cartilagineis particulis coagmentatur, variæque ipsius suturæ, seu intermediae particulæ, inter contiguum verumque os, nigra quadam Zonâ, cæteris solidiori, describuntur. Hæc eundem colorem & substantiæ modum exhibet, qualem in unguibus & ossibus particulis observamus; crassior est reliqua cranii lamina; nam interius etiam protuberat. An hæc ossæ portio ex addensata contentarum laminarum extremitate contingat, multum probabilis habet, cum alibi quid proportionale accidat. Ossæ hæc zona Tab. 95. Fig. 1. primo Cranii basim A. firmat, ubi collo seu primo annulo nectitur; & quoniam caput ipsum (ut

alias retulimus) in duplicem quasi semisphæram secatur, hinc est, quod ossæ ille circulus A, cranii basim firmans, versus superiora serpens, futuram lambdoidalem exprimit, cuius mentio jam facta est. In anteriori autem parte, ubi os insculptum est, elongati huiusmodi ossæ processus varias describunt futuras, quia & parum ad latera reflexi diaphanos quosdam globulos B, quos pro *Oculis* habendos esse reor, arcte firmant. Spatia zonæ hæc contenta cartilagineis lamellis, parum extra protuberantibus, ut Cranio debita concilietur concavitas, replentur: illa verò, quibus os colligatur, diversis emergentibus partibus locum præbent: Ita C. dentium apicibus foras erumpentibus aditum largitur; D. verò hiat, ut oris concavitas pro ingerendo cibo pateat. Supra ipsum eminens quadam portio E. locatur, quæ, velut acuminatum *Mentum*, exeunti stamini aditum largitur: Hinc inde ab E. mamiformes quidam processus, alias descripti, continentur & stabiliuntur.

Cranii concavitas pluribus repletur, Spinalis scilicet medullæ parte, extremis tracheæ ramis, & binis styliformibus processibus, qui à fururis, dentibus proximis, intrò producuntur; major tamen Cranii portio à binis dentium Musculis occupatur; quælibet enim exarata semisphæra, qua Cranii moles excitatur, prægrandi & fibroso repletur musculo, quo appensus dens ad altera diducitur, & adducitur. Nam in Bombyce, deorsum vel sursum retractis mandibulis nequaquam os aperitur (ut in sanguineis fere semper accidit,) sed, cum ipsius dentes sub eodem plano locentur, mutuo ipsorum accessu & recessu cibum captat animal, ipsumque atterit.

Dentes bini sunt; singulus etenim utrinque proprio alligatur musculo. Eorum substantia ossæ est & fuliginosa; figuram habent quasi incisoriæ; concavo curvoque apice A. Tab. 95. Fig. 2. terminantur. Pars ipsorum exterior B. gibba est, interior vero, eique opposita concava A. basis, absque erumpentibus radicibus omnino lavis est, & quasi quadrangulæ constat figura. Cavi intus sunt; & ab ipsis erumpit tenuis quadam alba lamella C, quæ forte ex tendinibus, seu ex fibrarum solidescens extremitatibus excitatur: In hanc desinunt copiosæ carneæ fibræ, insignem musculum efformantes, quarum mole binæ cranii partes affabrè replentur. Et quoniam mamillares ille protuberantiæ, quas foras hinc inde circa dentes eminare diximus, motum habent, probabile est peculiare etiam musculos in ipsarum concavitate, vel saltem intra cranium recondi; cum natura localem motum absque musculis promovere non soleat.

Taliter igitur constructus Bombyx, post ultimum senium impensè nutritur, & vorat, ut ad hanc perveniat molem, Vid. Tab. 89. Fig. 5.

Variata

Varium tamen est cibationis spatium; nam quos alui *Octobris* mense, per quindecim dies ante folliculi fabricam continuò cibum sumpsere; reliqui verò, quibus tunc temporis parum cibi arte porrigebatur, per mensem edere; alii vero æstate & vere nutriti, decimum diem non excessere. Et quoniam foliorum fibræ, aliaque ex alimento supersunt, ita ut ingens excrementorum aggregetur proventus, ideo, ne foetido exhalante habitu Bombyces inficiantur, præcipuè post ultimum senium, tabulata, quibus insident, bis in die immutantur, adjectis alimenti reliquiis, hocque summo mane & post meridiem peragitur: Reliquis verò temporibus, alternis tantum diebus. Variæ sunt tabulatorum species; in *Sicilia* ex arundinum frustulis compaginantur; apud nostrates ex alga & arundinibus fiunt.

In sollicita Bombycum educatione solent nostrates tetros vitare odores, quasi ipsis insensissimos; quod tamen valde superstitiosum censeo. Plures enim alui Bombyces intra capsulam, copiosa *Assæ* foetidæ quantitate refertam, nec unquam à solito abstinere cibo, sed integrè vixerunt. Idem in *Opio* & consimilibus degentibus accidit; quod & in *Strace* expertum vidi, cum singuli proprium perfecerint postremo folliculum. Scio tamen, flante *Austro* non parum labefactari, & æstuante aere de facili in quandam *Cachexiam* (nisi *Hydropem* dicere velimus) incidere: Extenuatur etenim ipsorum corpus, & ex albo in subcroceum immutatur; unde secto corio turbata quædam sanies, veluti ovi vitellus jam corruptus, prodit, multusque icor in ventriculo stagnat, cum alioquin in naturæ statu vulnerata cute erumpens humor diaphanus subcroceus & fere palæaris sit, & levi calore in crustam facillimè concresecat. Nec minus *Frigore* etiam oblæduntur, cum remisissis ipsorum viribus folliculi opus in longum prorogetur, diuque duret cibatio, quæ aliàs vigente æstu brevissima redditur.

Bombyces interea satis nutriti contabescere incipiunt, ipsorumque corporis moles parum minuitur; per diem saltem à cibo postremo abstinent, alvi excrementa cum sanioso quodam icore mellei coloris ex toto excernuntur, ita ut in ventre nil supersit. Externus corporis color immutatur, quædam enim luciditas seu diaphaneitas aliquali flavitiei tinctura observatur, & sub ventre carneus luxuriat color. Anterior corporis portio, secundo & tertio excitata annulo, turgida redditur, & purpureo colore perlucet: Eundem etiam colorem referunt maculæ quædam in quinto & octavo annulo insculptæ; portio pariter intermedia annulorum sublutea redditur, sicut & imi ventris appendices. Interius ventriculus parum depressus vitellino quodam refertur icore, qualem ex secto corio erumpere videmus. Divagari tandem incipiunt Bombyces, & situm pro texendo folli-

culo aptum nanciscuntur. Tunc mulieres sub sarmentorum frustulis, in fascies recollectis, collocant, vel sub plantarum exsiccatis radicibus, & truncis, in fasciculos vel scopas compaginatis. Laudantur etiam ad hunc usum diversarum arborum rami, ut *Castanea* & *Quercus*, item *Genista*, & consimilium. Opportunum jam locum nactus Bombyx, propriis è vasculis succum, succini instar, sub flaminis forma effundere incipit, & ligneo frustulo vel occurrenti scabritiei applicat, indeque celeriter recedens, filum nere perpetuat, & diverso sub situ locatis adaptat: quod cum glutinosum sit, aeri dum exponitur, facillimè concresecit atque hæret, & ita laxum quoddam rete, vel mavis, rudes quædam contexturæ inchoantur, in quarum centro, ex debita distantia, ovalis folliculi structura & unita compages commode subsequi potest. Ut autem Bombyx stamen promat, retrahit caput, deinde attollit, & ad posteriora recurvat, compressisque superioribus annulis, quasi eructat, & ad latera diverberando caput stamen exerit.

Inter agendum per vices caput retrahit, parumque hæret, deinde elongato corpore, mutatoque gressu majori cum alacritate opus aggredditur. Nec diu venit hæsitandum, an ab ore vel ab extremo alvi stamen emittat, cum sensui manifestè pateat, sub ore brevem quandam proboscidem pendere veluti Mentum, à ejus extremo perforato ex delato illuc glutinoso succo à sericis ductibus exprimitur.

Filum seu stamen, quod unum, hocque perpetuo continuum, exerit Bombyx, diverso ritu interseritur; nam animal dimidium corporis, hoc est, extremam alvum immobiliter figit, dum grandioribus pedibus tensa jam stamina apprehendit, & tunc reliquo corporis, capite præcipuè, continuatis compressionibus, stamen ab interioribus trahit: ubi vero ulteriorem optat progressum, mutatis sex anterioribus pedibus, quorum unguibus, staminibus applicitis, corporis moles suspenditur, caput antè protrudit, ejus vario motu circumducitur stamen, diversæque figuræ describuntur; ut plurimum tamen *spirales* sunt, vel saltem ad has proxime accedunt. Harum specimen hic Tab. 95. Fig. 3. habetis ex contextura quadam à Bombyce sub tersam vitri laminam efformata. His repetitis circumductionibus, quæ propria latitudine humanam non excedunt unguem, tota folliculi fabrica perficitur, quæ exterius hac terminatur figura. Vid. Tab. 95. Fig. 4. Peragitur folliculi textura quasi per triduum, vel saltem per biduum, juxta Bombycis robur, prægressam cibationem, aerisque ambientis temperiem. Hujus compaginata substantia non undequaque sibi similis est; nam exteriora primaque filamenta, quæ aliis fulcimento fuerunt, nullam colligantiam stabilemque connexionem habent, & eam folli-

Fig. I




Fig. II




Fig. III




Fig. IV




Fig. V



Folliculi portionem constituunt, quæ vulgò *pilum* dicitur, & apud aliquos inutilis lanugo. Plures autem sunt partes, quibus intimè compaginatur folliculus; nam in sex laminulas dividi potest, hæque non uno pollent colore, juxta scil. portionem & naturam succi, quem diversum in sericis vasis contineri diximus; quare prima operis die exterior folliculi, mollis tamen, textura habetur; subsequenti autem die novo expresso succo diversæ adduntur laminæ, & reliquo tridui postrema valdeque friabilis additur textura, dum interim resiccato stamine solidior redditur folliculus.

Singulus Bombyx ut plurimum folliculum sibi parat; interdum tamen *binii* circa unius tantum folliculi fabricam satagunt, unde ex filamentorum implicatione impossibile est, servata staminum continuitate, ipsum retexere. Hujus crassities dupla est, & duodecim circiter laminulis constans; interius nullum adest septum, sed una tantum concavitas; exterius parum diversa à mox descripta folliculi forma gaudet, cum fere semper depressior sit, & latior, geminis quasi juxta se positis folliculis coagmentata: Oblonga, papyri instar, loco folliculi observatur contextura, quæ Tab. 95. Fig. 5. quadrangularis est. Non raro superveniente hyeme Bombyx, in se ipsum retractus, nullo edito stamine, in *Aureliam* immutatur.

Inclusi intra folliculum Bombycis serica intestinula, proprio exhausto humore, non parum detumescunt, licet aliquid etiam succi superfit. Tracheæ vasa minus turgida redduntur, & intestinula, à ventriculi fundo orta, Aurantiorum colore perfusa vigent. Cor crebris pulsationibus ab imis ad superiora movetur; reliquus corporis habitus contractior redditur, & rugosus, ita ut singulorum annulorum latitudo in arcum flectatur, & parum etiam superioris cavum subintret; unde excitata rugæ, sicut & ani appendices, purpureæ redduntur.

Peracto triduo, absolutaque folliculi fabrica, Bombyx (contractus tamen) per longum decumbens quiescit: externus ejus color ex carneo vitellinus redditur; violacea quædam linea ad situm tracheæ orificiorum translucet; & triangularis illa macula, in supina dorsi parte, in primo, secundo & tertio annulo excitata, purpurea quidem, sed diluor, redditur; ungues, quibus pedes armantur, intro retrahuntur; crura gracilescunt, ut externa tantum tegumenta remaneant; & parula olim tracheæ orificia angustiora redduntur. Interius tracheæ vasa plumbeum colorem ferunt, in extremitatibus autem argenteum. Ventriculus exinanitus, parumque depressus sublidet, subflavo suffusus colore. Testes ampliores redduntur, eorumque vasculum patenter redditur. Omenti ductus adhuc florent, & ubi tracheæ ramis irrigantur, roseum acquirunt colorem. Ventriculi pariter vascula partim vitellina redduntur; singula tamen varicosa. Cranii cavitas

aquoso & subflavo refertur succo, crassumque & densum sub Bombycis corio latitat involutum. Intra quatrimum tandem, quo tempore Bombycis cor tardè movetur, corporisque moles angustior redditur, discusso exteriori corio, (senectæ instar) *Aurelia*, quasi novum animal, emergit. Expoliatio completur spatio minuti unius horæ cum decem secundis, hacque ratione (ut forte mihi videre contigit,) primò, celerrimus est cordis motus, totius corporis habitus convellitur, ita ut singulæ circulares segmentorum plicæ emergant, & ex transversali laterum constrictione externum corium ab interiori separetur; unde impetu facto, propulsa insigni corporis crassitie versus caput, senium deorsum repellitur, & tracheæ portiones à propriis exterioribus orificiis divulsæ rapiuntur una cum senio, quod tunc deponitur. Interim ex motu scissura excitatur in dorso prope caput, per quam reliquum corporis exit, retracta sensim deorsum senectâ versus anum, juvante non parum flavo quodam icore, è cranii cavitatibus erumpente, ita ut libera appareat *Aurelia*, seu Nympha.

Dum exit Animal, antennæ crassiores & mucosiores à reliquo *Aureliæ* corpore sejunctæ, præter implantationem, à binis cranii cavitatibus eruuntur; ubi revoluta ipsarum productio eundem occupat situm, qualem mandibularem binii olim Musculi. Alæ pariter, & crura, suis terminis circumscripta, apparent; hæc à situ anteriorum in Bombycè pedum extrahuntur, illæ vero à lateralibus dorsi partibus, quæ olim purpureæ florebant. Hæ vero exarata partes quoniam adhuc mucosæ sunt, hinc est, quod invicem de facili hærent, & sensim siccescentes ita arctè uniuntur, ut unum videatur indumentum, quod *Aureliæ* speciem exhibet. Quare cum hæ partes sint *Papilionum* propriæ, ipsorumque ulibus destinata, videtur Papilionum naturam citius, ac vulgo creditur, emergere, altiusque radicari; cum in Bombyce, ante folliculi texturam, Alarum inchoamenta, sub secundo & tertio annulo latitent; antennarum etiam delineationes in Cranio fiant, & expleto folliculo, proprio gaudeant termino: Nec incongruum erit dubitare, novum *Aureliæ* vitæ genus nonnisi jam geniti Papilionis larvam & velamen esse, ut nequaquam excitatus vel percussus externorum injuriis fictè firmetur, & adolescat, quasi fœtus in utero.

Excitata mox *Aureliæ* configuratio, præcipue exterior, rimanda sese objicit. Corporis extima figura ferè Ovalis est, segmentis seu annulis, per transversum ambientibus, constans: Ventrìs medium parum protuberat: versus caput & anum sensim decrescit, ut extremâ alvò in acutum desinat; ut Icones Tab. 96. Fig. 1. demonstrant. In superiori dorsi parte super secundum & tertium annulum

extenditur quoddam corpus A. parum emnens à reliquo corii, quinque obtusis angulis constans; unde *Umbonis* speciem habet. Hoc communem cum reliquo exteriori involucro substantiam sortitur, quæ tamen rectis fibris, copiosè per transversum ductis, parum exasperatur. Supra Umbonem hunc (ut ita dicam) situs adest reconditi capitis B. A lateribus descripti corporis exortum trahunt eminentiæ binæ C, quæ deorsum productæ, & circa imum ventrem extensæ, revolutæ, postremum ibi sortiuntur finem. Hæ frequentibus per obliquum ductus fibrulis, alarum compagem denotant; reliquum dorfi octo compaginatur annulis, qui reflexa quadam plicabili substantia continuantur; ipsorum color aureus in principio, sensim tamen saturatior obscuriorque redditur, & perpetuo linea quadam, quasi Citria, dorfi longitudinem designat.

In prona ventris *Aureliæ* parte plures observantur in superiori corporis regione parum protuberantes: Etenim, quæ ultra medium ventris occurrunt, latioresque sunt, alarum C Tab. 96. Fig. 2. extremitates constituunt, quas à dorfi lateribus enasci diximus: quæ vero his proximè emergunt, à summo corporis exortæ, deorsumque lateraliter productæ, antennarum D sunt inchoamenta; prope harum exordium protuberant bini monticuli E, quæ Papilionis latitantia labia indicant, reliquæ vero inferiores excrescentiæ G, crurum divaricatorum progressus exhibent. Reliquus venter sex distinguitur annulis, nullumque *sexuum* vestigium exterius emergit. In lateribus stigmata, olim tracheæ patula orificio, adhuc supersunt, non tamen hiantia.



Dissecto corio, seu potius peculiaribus concavitatibus, quæ singularum partium inchoamenta continent, iis præcipue in locis, ubi tumores mox descriptos adesse diximus, cinereus quidam turbidusque icor erumpit: exarata enim qualibet particulæ membranis quibusdam, veluti sacculis, qui partium configurationem possident, constant, ipsarumque cavitates humore quodam replentur, qui, propria concretionem, contentarum partium soliditatem, una cum ipsarum natura, manifestat. In interiori ventre adhuc superest vestigium Sericorum intestinulorum, si præcipue flavo scateant succo. Ventriculus parum contractus & rugosus apparet; ejus color in medio roseus est, in lateribus autem diu elixatam carnem æmulatur; interius concreto quodam succo, mellis instar, abundat, qui nullo adhuc pollet sapore: circa ipsum tenuia intestinula, seu vascula olim crocea producuntur, propriâ & antiqua servatâ figurâ, & Vitellina redduntur. *Cordis* motus ut plurimum à superioribus ad ima perpetuatur, rarus tamen. *Testes* hinc inde medium ven-

tris occupant, propriumque manifestatur vasculum, quod Lymphatico per simile est. Adiposi ductus ultra propriam albedinem parum rubedinis referunt. In interiori corij parte, exporrecti adhuc perlongum Musculi observantur; contigui enim annuli, quibus *Aureliæ* corpus compaginatur, non ita uniuntur, ut rectam designent lineam, sed intermediis plicabilibus & revolutis intro incisuris connectuntur, ita ut inferior annulus superioris segmenti cavitatem subintret; quod Musculorum ope contingit. Nam ipsorum fibræ exordium sumunt à superiori annuli parte, & deorsum deductæ in subsequenti portionem inferuntur; unde, quotiescunque Musculi tensi manent (ut in *Aurelia* accidit) necesse est, ut annulorum binæ partes, quibus Musculi affiguntur, parum sibi invicem approximentur, & ita retracto sursum inferioris annuli principio, secum etiam intro revoluta rapiatur annuli extremitas.

Aureliæ configuratio hucusque ruditer Vobis expressa, temporis progressu mutationes subit, donec *Papilio* manifestetur. Dierum enim decem spatio, æstate; autumno autem & hyeme, mensis unius curriculo successivæ perpetuantur dispositiones. Quare externus corporis color saturatior in dies redditur, cum circa caput, caudam, & per longum dorfi, exsiccatorum Aurantium cortici per similes color emergat; quin & tractu temporis inferior & reflexa qualibet annulorum portio, zonæ instar, eundem referat colorem, reliquum vero corporis, venter scil. & latera, vitellinum diu teneant colorem.

Externus habitus pilis subflavis condecoratur, à quorum radicibus, vigente aeris calore, sudoris guttulæ erumpunt. Annuli, quibus *Aureliæ* corpus constat, solidiores fiunt, & quasi cartilaginei. Alæ, antennæ, & crura propriis involucris contenta, extra sensim protuberant, & manifestoria fiunt, & ex superius descripto mucoso succo, postremò con crescente, ipsorum soliditas, & species emergunt: Dum proximè etiam proditurus est *Papilio*, nigræ quadam maculæ circa caput observantur, quæ latentes oculos indicant.

Interiora pariter immutantur. Tracheæ rami, amisso annulorum vigore, molliores redduntur, ita ut in seipsos collabantur, & ex plumbeis argentei fiant. Ipsorum etiam tunica vulgarium serpentum exuvias æmulantur, cum minimis quasi squamulis componi videantur. Tracheæ exterius orificium occluditur, ut aeri non amplius pateat ingressus. Omenti reticulares plexus subpaleares fiunt, ipsorumque membranæ non parum lacerantur, ut amissa propria continuitate, reliquum pinguedinis, hocque exiguum, quod in tam longa inedia non est absumptum, agrè contineant; cum universa hæc moles in frustula



stula contrita videatur. Ventriculi moles arctior & brevior redditur, ut quasi delitescat: Nam primo ipsius tumor parum deprimitur, deinde retractis fibris rectis, ejusdem longitudinem firmantibus, abrumpitur œsophagus, & ita superior ventriculi portio deorsum retrahitur, reliqua vero, inferior scilicet, versus ventris medium ascendit, nullumque subsequendum ventriculorum seu cavitatum remanet vestigium, cum forte in ductum, & vesicam, mox exponendam, absumatur. Ventriculi figura varia succedit, ex diversa contenti succi natura, & fibrarum carnearum retractione; nam ipsius membranæ extra fibrarum colligantiam eminent, ita ut Ventriculus crispus rugisque refertus appareat. Quæ tamen frequentior accidit, illa est, quam proposui Tab. 96. Fig. 3. in qua A situm superioris oris designat; B vero inferioris ventriculi color varius contingit; nam hic à latitante intus succo emanat, unde ipsius tunicæ, primis Aureliæ diebus, carnei coloris, diluti tamen sunt, mox rosei; deinde *pyropum æmulantur*, & tandem cyrneum, si in longum plus justo protrahatur Papilionis eruptio. Consimilis etiam succus in ipsius cavitate luxuriat, qui primo mellis colorem & fere consistentiam possidet, nullogue pollet sapore; mox rubicundus efficitur, & solidior, & interdum amaritiem acquirit; non raro etiam liquatur, & in humorem persimilem ei, qui in exponenda inferius vesica colligitur, abit.

Ab extremo Ventriculi B, crocea pendent vasa C, seu intestinula; hæc contento succo diu turgent: mox vitellina, & tandem quasi lactea, ex stabulante intus sanioso quodam humore, qui tamen singulas ipsorum partes non inficit, cum quædam vitellina adhuc vel subcrocea perseverent, ex nondum immutato contento icore. Ipsorum figura varicosa redditur, & hinc inde eminula tubercula emergunt. Hiant vascula hæc in longum quendam ductum D, ab imo ventriculi productum, in prægrandem quandam membranæam vesicam E, humiliorem alvi partem occupantem. Hic igitur ductus exporrectus, & latus, peristaltico quodam motu insigni pollet; unde lacteum humorem, quasi sanguinis saniem, quem à continuatis vasculis C. perpetuo recipit, successiva suarum partium constrictione ita agit, ut mirum reddatur spectaculum; interdum namque exaratus humor successivis pluribus constrictionibus deorsum in vesicam exprimitur; modo iterum sursum abigitur versus ventriculi fundum, ita ut perennis fiat fluctuatio; tractu tandem temporis, saniosum hoc excrementum in vesica E. recolligitur. Hæc piri figuram habet, mox insigni pollet, & perpetuo excrementis scatet; ejus substantia membranæa est, & exterius minimis eminentiis, quasi papillis, ex-

asperatur. Duplex videtur excrementum, hac vesica contentum, aliud etenim saniosum est, & quasi cinereum, quod perpetuo vesicæ fundum occupat & excretum tabis instar concrevit: alterum autem saturato & melleo pollet colore, & semper supernatat, etiamsi summa agitatione confundatur cum succo consocio. Hæc excrementosa materia, per alvum excreta, ita lintheamina & tabulas inficit, ut perpetua subsit macula. Ab hac vesica alter erumpit ductus F, qui in anum hians hujusmodi excrementis viam parat: membranæa pariter constat substantia, eaque molli, ut non parum etiam extendatur.

In foeminis, primis diebus, quibus Aureliæ forma emergit, Ovarum inchoamenta erumpere & manifestari incipiunt; horum substantia, inter primordia, mucosa est instar concreti nervei succi, cinereum ferens colorem, mox sulphureum: Ipsorum magnitudo inæqualis est; etenim cum multiplices sint (ut infra explicabitur) Ovarii tubæ, hæque veluti oblonga intestina, in communem commeatum tendentia, ideo Ova, quo magis ab hoc communi ductu distant, eò minora redduntur, proportionali servato ordine; ut in *Precaria corona*, quæ vulgò *Cavaliere* dicitur, observamus.

Perficiuntur, & augentur ova, ita ut ante novam Papilionis manifestationem singula ritè conformata reperiantur; licet interdum quædam imperfecta adhuc in tubarum extremitatibus deprehenderim Observantur etiam, in imo alvi, vesicularum & globulorum quorundam inchoamenta, de quibus uberius infra dicetur.

Transacto exaratorum novem dierum spatium, vel interdum mense ipso, quibus sub Aureliæ specie Papilionis viscera firmantur, nova ejusdem succedit manifestatio, quam summo opere juvat icor, inter Aureliæ corium & Papilionis cutem stagnans. Etenim excitata scissurâ in Aureliæ dorso (ubi *Umbonis* speciem extare diximus) &, circa caput & alarum implantationem, crebrâ pedum & alarum agitatione, qua hujusmodi à propriis extrahuntur sacculis, humectatâ papilionis cute, & ibidem implantatis plumis, de facili excutitur *Aureliæ* larva, & manifestus erumpit *Papilio*; unde duplex *Senium* in folliculo subest, Aureliæ scilicet & Bombycis.

Papilio, libertatem adeptus, novam exoptans auram, folliculi claustra urget; ab ore itaque copiosum eructat phlegma, quo proximum folliculi acumen madescit; tum, sursum elongato capite, urget, ejusdem texturam sensim laxando, & stamen ad latera deducendo; hocque capite, velut ariete, peragat, quousque datâ via erumpat anteriori corporis parte, quæ super externum folliculi corpus revoluta, fixatis firmiter pedum unguibus, extremum corporis, adhuc folliculo inclusum,

extrahit, & ita nova gaudens luce expandit alas, in sinistris ut plurimum circumvolutas & contortas, quæ sensim ex motu & aeris temperie eriguntur & vigent. Excrementum æruginosum impetu, & in distans ejicitur: Alæ, non elatæ è solo corporis machinâ, frequenter & celeriter dimoventur, & sonitus, quem *bombum* appellant, crebrò auditur.

Mole differunt Papiliones, cum inter ipsos adsit sexuum distinctio, ut ex pudendorum addenda historia patebit; unde *Masculus* minor est, gracilior item, & vegetior; alvi extremitas sursum in motu recurvatur; superiores ejusdem partes, capiti viciniore, impensè turgent, & licet alis gaudeat, non tamen volatu fruitur. *Fœmina* oblongo pollet corpore, ita turgido, ut multiplices zonas glabras, transversum corporis ambientes, exhibeat, quæ nil aliud sunt, quam annulorum portiones, quæ olim in Bombyce in rugas contractæ sub annulis latitabant, & in Aurelia etiam sursum revolutæ, corporis molem breviorē reddebant nunc; vero, ut ingenti Ovorum copię locus detur, laxatis musculorum fibris necessariò venter elongatur, & ita in annulorum confiniis glabræ hæ intermediæ patent zonæ.



Ut ipsarum verò singulæ, ut licet, pateant partes, attentius lustrandæ veniunt, Iconibusque manifestandæ; quare ab exteriori earundem habitu exordiemur. Harum corpus quasi Ovale est, & si deplumetur, eam circumscriptionem sortitur, quam hic Tab. 97. Fig. 1. habetis: Ejus enim annuli circulares sunt, & qui medium ventris occupant, latiores sunt; reliqui verò versus extrema exporrecti arctiores fiunt, ita ut ovalis fere consurgat figura. Caput habet A, Tab. 97. Fig. 2. exiguum tamen, in quo bini locantur oculi B. (ut in consimilibus observatur) qui semisphæram multis segmentis distinctam exhibent; unde innumeri quasi intercepti assurgunt oculi. In suprema capitis parte antennæ, seu ignava cornicula C. extenduntur, quæ insigniter foras eminent; eorum substantia sui generis est, & fere ossea, color ad castaneum vergit, figura vero filicis ramum æmulatur; etenim per longum articulata ad invicem succedunt quam plurimæ partes sensim decrecentes D, quæ satis procera, parum deorsum curvantur, & trunci instar hinc inde curvos geminant consimiles ramos E, à quorum lateribus fusci exiguique pili pendent: superiorem vero trunci partem, pilorum & plumarum, quales in reliquo abundant corpore, ingens copia tegit. Hanc consimilem articulationem in reliquorum Insectorum antennis passim observamus, unde in singula ipsarum parte flexionis motus excitari potest.

Inter oculos ad extremum oris finem bina pendent, palcaris coloris, lata corpora F, quæ

dum patula foras ex toto eminent, bubulum unguem referunt, & *Labiorum* appellationem fortiri possunt. Hæ latiori sui parte oculorum lateribus hærent, & libera deorsum pendent; solent autem intus retracta corrugari; quo casu, diminuta longitudine, ipsorum latitudo amplior redditur: sponte vero Papiliones, vel compressi ventris torturâ foras exerunt, & aquam etiam fundunt, seu mavis, exeunti ab ore humori locum præbent. Inter radicem antennarum, oculos, & labia triangulare spatium, quo os completur, resultat, solis pilis hirsutum, nullaque forma extuberans. Motum habet caput ad latera, sursum, & deorsum, cum aliqualem habeat cum subsequenti thorace articulationem.

Proxima Capiti occurrit corporis portio, Carneus scil. sui generis circulus, arctus tamen, seu membrana, quæ, dum exsiccatur, cartilaginis naturam acquirit; hæ cranium cum reliquo ventre continuat, *Collumque* æmulari videtur. A prona hujus parte, ventrem constituyente, bina erumpunt crura G, quorum substantia cartilaginea est, & solida, & interius excavata, ut musculis sit locus (ut passim in *Crustaceis* videmus.) Exarata crura G, sicut & subsequencia, quatuor habent insignes portiones ad invicem articulas, quibus postremo pedes H appenduntur, qui multiplici articulationum serie componuntur; quibus tandem bini adduntur ungues versus interiora recurvi. Prima igitur crura G, capiti proxima, implantantur in ima primi circuli portione sub ipsis oculis, & deorsum quasi perpendiculariter elongata, primam articulationem sortiuntur, quæ insignis est; subsequens vero articulus sursum, ad exteriora tamen, diducitur, & exporrigitur versus antennarum implantationem, ubi articulatio subsequens deorsum reliquum cruris & pedis dirigit, ita ut ex vario partium cruris situ bini designentur trianguli: Hoc tamen peculiare in his primis cruribus observatur, quod prima articulatio undequaque libera est, & ad extra divaricatur, reliquis autem subsequentibus binis crurum paribus ita arctè unitur propriis annulis, quibus connascitur, ut immobilis hæreat.

Subsequitur corporis pars, Thoraci analogæ, à qua bina hinc inde pendent crura I, pari ordine locata: hæ à lateribus proni ventris orta, & interiora versus deducta, primam articulationem sibi occurrunt, reliquo autem eundem progressum habent, quem nuper descripsimus; in hoc tantum differunt, quod prima articulatio arctè hæret ventri, ipsique unitur: singula hæc crura brevibus plumis & pilis commodè teguntur, hisque albis, & candidis. Crura hæc motum reliquo corpori communicant, & his validè animal objecta apprehendit; unde necessario non tantum in



cavis ipsorum articulis latitant musculi, sed etiam in pectoris cavitate, ubi implantantur.

Superior Thoracis pars, humeros æmulans, iisdem excitatur annulis, à quibus exordium sumunt exarata crura; hæc eminentes quasdam habet particulas in Aurelia ipsa assurgentes, parumque figura discrepantes: Etenim Tab. 97. Fig. 3. prope antennarum A implantationem, elata quædam circuli portio B, *Cervicis* instar, emergit, sub qua (ut reor) crurum vel antennarum musculi locantur: subsequitur scuti-formis quidam tumor C, cui alter quadrangularis appenditur. Hi omnes eadem annulorum substantia semi-cartilaginea excitantur, pilisque & pennis conteguntur. Sub his validæ & copiosæ fibræ carneæ, lutei coloris, conduntur, quæ totam pene hanc pectoris cavitatem replent, & versus superiora diriguntur, & tandem recollectæ musculos efformant, qui alarum radicibus inseruntur. A lateribus scutiformis hujus protuberantiæ, non longe ab alarum implantatione, bini quidam processus D cartilaginei, deorsum inclinati, foras erumpunt. Alæ E, seu, cum *Aristotele*, pennæ, non longè à descripto dorso & in Umbone implantantur: binæ hinc inde sunt; superiores K, quæ ab humerorum apice erumpentes ad latera extenduntur, & ampliores sunt; reliquæ verò L, Tab. 97. Fig. 2. humiliorem situm versus pronam pectoris partem occupant, & minori pollent latitudine, singulæ solidioribus quibusdam componuntur gracilibus & oblongis partibus M, quæ cæteris firmitudinem præbent; earumque substantia quasi ossea est: hæc, arborum vel plantarum more, à quodam communi quasi trunco pendent, qui alarum radicem firmat, & ulterius productæ dissociantur, & alias ulterius germinant fibras, quæ ad alarum extremitatem expositæ obliterantur; spatia vero inter solidas hæc fibras suborta tenui quadam & quasi diaphana replentur substantia, quæ specularem lapidem æmulator; unde ex his omnibus alarum confurgit expansio, ipsarumque levitas. Tota alarum moles undique pennulis, seu plumis, regitur; foramina etenim determinato ordine per transversum observantur, in quibus exiguæ pennæ inseruntur, quæ ex levi tamen manuum contræctione decidunt, unde hujusmodi alæ *farinaceæ* dictæ sunt.

Reliquum papilionis corpus, ab alarum implantatione usque ad alvum, octo compaginatæ annulis seu segmentis, quæ molli adhuc substantia succini colorem referunt, pilisque & pennis conspersa constant. Horum portio (ut superius tactum est) denudata pilis, sursum reflexa in masculis latitat, in foeminis autem Ovis turgens, unà cum annulorum reliquo foras eminet.

Ventris extremitas ob pudendorum varietatem diversimode terminatur; etenim in ma-

sculis ultimus annulus A in prona ventris parte cartilagineus, seu potius osseus est, & versus alvum in Appendices quasdam B, lancinatur. Vid. Tab. 97. Fig. 4. A postremo hoc annulo membrana quædam gilva pendet, quæ sensim acuminata osseam pudendi & ani machinam ambit & continet, sicque ventris cavitatis clauditur; hæc inflabilis est, & ad libitum, dum præcipue facibus datur aditus, quæ anus componitur, & penis custoditur, mirabilis est. Ut autem hujus singula pateant, papilionis venter digitis ita comprimatur, ut extremus tantum annulus cum erumpente sexu libere pateat, & tota Papilionis corporis longitudo perpendiculariter pendeat, illico occurrent bina hinc inde corpora in gyrum horizontaliter ducta, quæ in prona B ventris parte orta, lateraliter sursum producta, sensim graciliora redita incurvantur, ultraque prominent, velut insignes ungues, vel rostra; eorum color flavedinem refert, substantia vero, in basi præcipuè, solida & fere ossea est: hoc tamen interdum observavi, quod dum vi Papilio ipsa adunca reddit, non tantum mutari radicis situm, sed mediam & quasi acutiorem ipsorum partem flecti, & curvari quasi articulationem haberent.

In medio spatii, ab his descripti, & circumdati, osseum quoddam, velut flos C, locatur corpus, quod in superiori regione, hoc est, in extrema parte foras erumpente, retortis finibus D, patens os exhibet, anique E extremum custodit orificium. Pluribus officulis conflatum diceretis gibbum & convexum hoc corpus, si compaginationes, rimulasque attenderetis. Interior hujus cavitas tenui & gilva membrana investitur, quæ parum acuminata in modum intestinuli, extremum anum E constituit; unde ad animalis libitum exeritur, forasque propellitur. In primo rostrorum exortu A, ubi in B se contingunt primæ ipsorum productiones, convexa quædam substantia F, Umbonis instar, continetur, vel quasi pharetræ: Hæc propria subflava investitur membrana, intusque astulam G custodit, quæ interdum foras exeritur, *penisque* veram refert naturam. Situm igitur habet penis inter extremum osseum anulum, qui pronam ventris partem cingit, & anum, qui osseo sepimento fulcitur: ejus cannula ossea est, sui tamen generis, ortumque habet inter apophyses, seu extrema pharetræ, mox descriptæ, intra tamen ventrem condita. Hujus radix A Tab. 98. Fig. 1. & 2. modice arcuata est, & ejaculatorio vase, à parastatibus B seu asservantibus tendente, arte necitur, ita ut *penis* videatur ejusdem continuati vasis extremitas. Totus Cannulæ seu fistulæ ductus perforatur, ut exeunti semini pateat via. Circa ipsam plicabilis quædam tunica C, veluti *præputium*, ludit, inferiorem præcipue partem investiens. Superior penis astulæ

extremitas sensim gracilescit, & tandem sub specie solidi acuminatque rostri D. definit, quod versus superiora recurvatur. Ab hac eadem parte, quæ versus humum dirigitur in papilionis incessu, proportionalis *glans* E, quæ penis extremitas ornatur, erumpit: Hæc interdum turgida, & tuberosa redditur; tribus autem carunculis F. G. H. non raro inflatis componitur, quæ rugis & foveis asperæ redduntur; harum prima F cum reliquis rudem efformatura triangulum, apice sui que acutiore portione ab astulæ mucrone D pender, & sensim latior effecta, trianguli partem efformat: sub ipsa, hinc inde binæ asurgunt excrecentiæ carneæ G, H, quæ ab osseæ cannulæ cavo emergentes ad latera erumpunt, & acuminatis finibus I. K, veluti rostris, versus penis tergum parum revolvuntur, ita ut huiusmodi glans, floris instar, apertis & revolutis tribus foliis compaginetur. In medio harum meatus conspicuus L hiat, per quem semen emittitur.

Papilionis penis frequenter exeritur, & extra eminet more animalium, quæ averso corpore coeunt; etenim Glans penis, versus ultimum corporis directâ, dum ulterius horizontaliter movetur, ultra extremum alvi exportigitur, ejusque motus *spiralem* quasi designat lineam; nam vibrata penis astula revolvitur, ex quo probabile est, binos musculos, quibus penis foras exeritur, spiralem insertionem habere, uti in *pici* lingua, ut exeratur, observare est.

Parum absimilem *Penis* structuram in id genus Insectis aliis observamus. In vulgari papilione recurvus unguis A Tab. 99. Fig. 1. extremum ventris terminat, à cujus basi B bini acuminati processus erumpunt, inclusum autem spatium è membranoso sacco C, in extremum anum desinente, occupatur. Non longe ab appendicibus B, penis præputium D inseritur, à quo emergit ejusdem astula E cum propria glande; hæc autem peculiari quadam vagina F custoditur, quæ exterius pilis & plumis tegitur, interius concava est; &, cum duplici constet parte, hinc est, quod de facili, dum coituum est animal, hinc inde ductis & apertis partibus, penis est in propatulo. In *Cicadis* etiam foeminis, eadem pudendi conformatio imum ventris occupat: In his penis A binis constat ossibus, quorum extremitas, pluribus eminentiis aspera, glandem B constituit; custoditur autem vaginâ C. quæ & ipsa in binas aperitur partes non longè ab ano D. Vid. Tab. 99 Fig. 2.

A masculino pudendo ad foemineum transitum faciam. Ventris extremitas annulo A, qui in prona sui parte osseus est, compleretur; ejus forma lata & per-ampla est, pilis & penis tegitur. Ab hoc annulo complicabilis pender membrana B, quæ sensim angustata os-


seo quodam circulo C, angustiori ramen, circumambitur. Hic tribus lamellis osseis constat, in gyrum ductis, quibus ultima alvi custodia paratur. Inter dictos annulos *Vulva* D, quæ saturatori pollet colore, & solidiori etiam substantia: Ejus forma semel lunarem concham, vel apertum calicem æmulatur, & in profundiore sui parte scissuram E, qua penis admittitur, habet. Extremitandem ossei circuli spatium à membranea quadam tunica occupatur: hæc statò tempore ad animalis libitum, vel fortiter compressa alvo, ita turgida redditur versus imam ventris partem, ut foris eminens protuberantias F quasdam efformet, Cotonei pomi speciem referentes. Ab harum medio bini erumpunt ovaes tumores G, qui pilis conspersi, intermediæ scissuræ H, anum efformanti, locum præbent; unde probabile est, interius communem quandam cavitatem adesse, (velut in *pennatis* accidit) qua ultimò fæces, & ova, mox per anum exitura, parum detineantur. Observandum tamen, ani foramen superiora versus dirigi; quin & monticulos G, quibus custoditur huiusmodi scissura, non ita facile lustrantibus imam & pronam ventris partem patere. Vid. Tab. 99 Fig. 3.

Externum papilionis habitum hucusque descriptum, pennis & pilis regi diximus. Pennatum configuratio illa est, quæ parum in grandioribus pennatis apparet; astulâ enim A, ceu calamo, firmantur, qui sensim gracilescens, hinc inde plumas B appensas habet: Hoc tamen peculiare in huiusmodi pennis observatur; ab ipsarum scil. extremo confinio aliquas prominere proceras plumas C. Non eandem sortiuntur magnitudinem, ut in consimilibus passim observatur; sed aliquæ proceriores oblonga firmantur astula, reliquæ vero brevi; illæ ab extremo alarum limbo pendent, & pilis promiscuè habitum corporis tegunt; reliquæ verò alarum expansas cartilagineas cooperiunt. Vid. Tab. 99. Fig. 4. 5.

Consideratis exterioribus, interiora pandenda veniunt; quæ cum multum mucositatis habeant, arctèque trachæ vasculis implicentur, difficilem ipsorum indaginem reddunt.

Lacerata itaque cute, & annulis, quæ totius corporis operimenta sunt, dubitandum occurrit, an altera subsit membrana, cum interdum ipsius vestigia deprehenderim: Et in naturæ penu tam ferax est membranarum proventus, ut nil copiosius in animalibus observetur. Certum tamen est, carneas illas fibras, quibus universum retrahitur corpus, adhuc extare: hæc corporis longitudinem excurrunt; nec obliquarum vel transversalium vestigia deprehendere potui.

Hinc inde in lateribus ab interiori cute pendent trachæ rami, qui ad singula viscera diramificantur, in seipsos ita collapsi, ut circulo-



rum loco minimis quasi squamis compaginentur. Ventriculus, & intestina olim crocea adhuc observantur; qualia in Aurelia descripsimus. Medium dorsi, bini testes M, Tab. 98. Fig. 1. ampliores redditi, occupant: Hi fasciolorum figuram æmulantur, & à quam-plurimis tracheæ ramis gibba ipsorum pars contegitur. In concava sui parte vascula N. emittunt, quæ versus extremum alvi producta, sensim laxata, & in apophyses B extensa parastatarum, vel saltem asservantium, usum supplent. Hæc ulterius sub vasorum specie elongata, ejaculatoria vasa constituunt, quæ in unum ductum desinentia, ad penis radicem postremo deducuntur, & ita semini in testibus producto via patet in asservantia, ab his, in penis meatum.

Testes adulto jam Bombyce emergunt, in Aureliæ statu permanent, & auctiores redduntur, & postremo impensè contento semine ita turgent, ut soli vigcant, propriaque mole cætera viscera, jam sensim cadaverata, superent: Horum color palearis est, dilutus tamen, substantia vero friabilis, & mucosa.

Fœminarum ventris cavitas *Ovario* contiguousque visceribus repletur, ita ut ipsarum moles impensè emineat. Tab. 100. Fig. 1. Ovarium productio quædam intestinalis est, exortum habens ab extremo ano, membranæ constat substantiâ, quæ de facili extenditur, & corrugatur, multumque roboris possidet. Hujus truncus A, in anum desinens, minoris unguis latitudinem æquat: dum interius procedit, in binos dividitur ramos B, qui ulterius parum producti, singuli in quatuor æque oblonga intestinula C subdividuntur, & tandem unitis extremitatibus, ad centrum ventris reflexi, ultimum habent terminum. Horum quilibet in tota sui expansione similis est, & longitudinem Indicis æquat. Consimilem structuram in *Carabo*, & aliis etiam, deprehendi; illud tantum discriminis intercedebat, quod Ovarii fines seu rami, ubi Ova gignuntur, & detinentur usque ad debitum tempus, numero copiosiores erant, breviores tamen, ita ut quatuor tantum Ova tubæ seu Ovarii ramum occuparent; quod in *Cicada* etiam accidit. In Locustis autem copiosæ sunt Ovarii productiones, sed singulæ unicum tantum ovum continent; in nostris autem Papilionibus sexaginta, & ultra, ova D. in singulo exarato ramulo C. continentur. Tubarum interior cavitas ovorum generationem & commeatum promovet; in octo enim elongatis uteri productionibus C, ova exortum & incrementum habent, & ad statum usque excretionis tempus detinentur; quo apparente, sensim per continuatos geminos ductus B in ultimum A, velut in communem truncum exonerantur, & ita ovorum fætura succedit. Ovarii tubæ, tunicis conflatae, vasculis copiosis, ad modum

retis implicitis, irrigantur, à quibus probabile est ovorum materiam decidere; ut in uteris Gallinæ non improbabilius veremur. His adduntur evidentes tracheæ rami, quibus non tantum ipsarum extremitas firmatur, verum & totus progressus irrigatur. Motum habet Ovarium peristalticum; patenter enim impetu quodam retrahuntur ipsius partes, & præcipuè truncus prope anum, unde probabile est, fibris (velut in quadrupedum intestinis accidit) donari, cum ejus corpus maximè ibidem crassius existat.

Plura circa Ovarium natura locavit, quæ, cum in ipsum hient, hic pariter exponenda veniunt. Ovarii truncus A, antequam binos promat ramos B, oblongo cuidam corpori E necitur, cujus interior cavitas cum trunco A pariter communicat. Corpus hoc E colorem & substantiam quasi nerveam possidet, & aliquantulum solidam; ejusdem figura variat, interdum enim bina ovalia corpora F, arcte invicem contigua, præcipuam huic corpori molem præbent; interdum tamen unicus est venter, piri vel olæ fructus speciem referens. Huic F, perpetuo additur alterum rotundum modicèque latum corpus G, ovalis pariter figuræ, quod altera extremitate cæcas quasi radices promit, in imo ventris conditæ; altera autem extremitate colum seu ductum emittit, qui unitus portioni ovalium corporum F, communem pro exaratis sinibus canalem H efformat: hic autem in ovarium hians absumitur, unde lentus humor, hujus visceris ope relectus, in ovarii truncum exprimitur.

Ab opposita Ovarii parte, versus tamen anum, aliud pendet corpus I, majoris tamen magnitudinis; hoc globosum est, & colore figuraque Occidentalem margaritam æmulatur. Vid. Fig. 2. Tab. 100. Duplicem ductum habet, alter enim brevis & latus K, qui tendit ad radicem extremæ ossæ coronæ L, ubi in excitata ossæ concha Vulvam hiare diximus; aliud autem colum M, quod longius est, Ovario appenditur, ibique apertio ore desinit. Corpus hoc I interius habet configurationem: non enim sacculi instar ipsius concavitas laxatur, vel aperitur, sed lacerata exteriore tunica, quæ margaritæ superficiem imitatur, globulorum N quinque & septem ut plurimum racemus emergit, qui pedunculo communi O, huicque perforato, appensus, elongatus ulterius ad Ovarium M, & ad fœmineum pudendum L, propriam sortitur structuram. Interior cavitas mucoso quodam, persimili pristinæ hordeaceæ, succo refertur; quare cum in hanc, ut inferius patebit, immisso pene, semen ejaculetur, ibidemque detineatur & foveatur, illam *Uterum* esse credidi, à quo semen cum commixto succo sensim (ita enim probabiliter reor) per proprium ductum M pertranseuntibus ovis aspergatur; unde subsequentibus ob-

servatio.





servationibus firmare placuit non semel conceptam conjecturam. Papilionis foeminae, quae masculi concubitu foecundata, ovorum foeturam incoeperat, ventrem aperui, & Ovarium una cum contentis ovis, reliquisque adjacentibus visceribus extraxi, ut praesto essent pro eliciendo *icone*. Singula igitur Ova, in tubis contenta, parum compressa, sulphureique coloris, & consequenter infœcunda permansere; ovum autem, quod in Ovarii trunco prope Uteri hiatum hærebat, turgidum & violaceum statotempore redditum permansit, utpote foecundum. Quid simile etiam miratus sum in sponte diu defuncta papilione, cujus ventrem, cum plus justo turgidum intuerer, dissecui, & tota ovis copiosè scatebat: Non longè ab ano, in extremo ovarii trunco, quaedam aderant ova violaceo perfusa colore, qui transacto certo temporis spatio indui ab his solet tantum, quæ foecundata jam sunt: Interior continuatus Ovarii truncus in tumorem assurgebat. Dum igitur foecunda abstuli ova, en successit intestinulum, sarciminis instar, ex concreto quodam succo, in quo occludebantur quaedam ova violacei pariter coloris, affusum verò corpus, ex substantiæ modo, colore, cæterisque accidentibus, semen ab utero eructatum, ibique præter naturæ legem concretum conieci, cum in exteriori Vulvæ orificio eundem deprehenderim succum; & in Masculis etiam ab extremitate uretræ, in spiram circumvolutum persimile semen pendere viderim. Quare ex his veritus sum, Ovorum productionem absque masculi ope, ut in Gallinis accidit, peragi; ipsorum verò foecunditatem ex asperso masculino semine, jam in utero recepto, subsequi, dum singula ova à tubis decidua Ovarii truncum subeunt, in quem semen, jam utero conditum, aliaque ab adjacentibus visceribus eructantur. Et ut elicitam jam conjecturam sensatis, prout licet, firmaretur observationibus, alia molienda duxi. Ova igitur foemellæ, quæ masculum diu admiserat, ipsorumque foeturam inchoaverat, è ventre extraxi, eaque ab ovarii tubis, quibus continebantur, libera reddidi, illa tantum custodiendo, quæ adhuc tubis contenta Ovarii truncum non attigerant; hæc ad statum tempus servavi: In his itaque primævus & natus sulphureus color perpetuo duravit, quin & gracilia reddita sunt, emergente insigni quadam fovea in ipsorum medio, & exhausto ut plurimum humido, arida quasi omnia permansere, quod subventaneis ovis familiare est; postremo Ova hæc blando virginis calore & æstatis temperie fota, nunquam Bombycem edidere. Ut rursus evidentius & propius rem attingerem, Papilionis ova subventanea, expresso ab utero semine, vel ab asservantibus masculinis aspersi, ipsaque statotempore fovenda curavi; sed cum ipsorum color sulphureus perpetuo durasset, infœ-

cunda permansere: At maxima sane fuisset experiendi felicitas, si juxta præconcepta successisset. Consimilia interim vestræ sagacitati committo, dum reliqua Ovario adnexa viscera perlustro.


Prope igitur extremum Ovarii A finem, oblongam & insignem locavit natura vesicam P; hæc imam alvum occupat, & per transversum locata ovarii truncum superæquitat, longisque productionibus ad latera elongatis, moxque reflexis versus extremum ventrem, cæcis quibusdam radicibus suos sortitur terminos: Ejus substantia membranea est, renisque texturæ, unde de facili frangitur, & diaphaneitatem aliqualem præ se fert. Ejus forma, bina Brutorum uteri cornua unita, absque Uteri intermedio corpore, æmulatur; oblongum enim intestinulum, vel vesicam, qualis in pisceum ventre observatur, præ se fert, & modo extuberat in globulos, modo in formam vasis coarctatur, & tandem extremis sinibus in cæcos absimitur ramulos. A centro hujus vesicæ, ubi scilicet eadem Ovario incumbit, canalis quidam R, brevjs & arctus, eadem vesicæ tunica excitatus emergit, qui in subjectum Ovarium hiat. Repletur oblonga hæc intestinalis vesica P aquoso quodam & diaphano humore, qui aliqualem possidet amaritiam, & per exaratum colum R in Ovarium derivatur. Laterales hujus vesicæ productiones, hinc inde ab Ovario locatæ, sibi invicem communicant, cum pars supra ovarium cubans nullo polleat septo, unde compressione media contentus humor omnes pervadit productiones vesicæ, quin & fortiter compressis singulis vesicæ particulis nullus erumpit humor per cæcos fines Q, sed totus per ductum R in Ovarium exinanitur. Parum absimilem structuram in *Locustis*, *Carabæ*, & aliis observamus. Contenti humoris naturam tentaminibus assequi mihi non licuit ob ipsius paucitatem; interdum tamen suspicatus sum, naturam hunc liquorem ad majorem affusi seminis penetrationem, vel ad leniendum ovorum exitum, vel saltem ad ipsa custodienda, parasse; cum constet, Ova, dum in lucem eduntur, parum madida esse, mox exsiccata ita fortiter occurrenti tabulæ, linteis, & consimilibus, hære, ut nisi affuso vino diluantur, vel summa vi evelantur, nunquam à primævo dimoveantur loco. Nec multum dissimilia refert Immortalis *Harvens*, quæ in parva *Scotia* insula observantur; quædam enim ova, dum nascuntur, lenta quadam madent humiditate, quâ, veluti ferrumine, substrato saxo agglutinantur.

Avulso Ovario, cæterisque visceribus, ventris cavum occupantibus, occurrit Cor, longitudinem dorsii excurrans, quod in Bombycibus jam vigere diximus. Eadem est omnimoda structura, quam superius proposui, si externum colorem motumque inversum exci-

piatis:



7594A.3



piatis : Cordium enim tunica, densiores facta, amissa diaphaneitate subcroceum induunt colorem, unde in Papilione magis eminet cor, quàm in Bombyce: Motus etiam cordium, primis Aureliæ diebus acquisitus, adhuc perdurat, à superioribus scil. ad inferiora expressus, & successiva Systole succus propellitur. Nec ita constans est hæc naturæ semita, quin levi etiam ex causa varia reddatur, unde nil forte inconstantius; tot namque anomalix in hoc cordium motu contingunt, ut fas sit, parumper Vos detinere eorum historiam, quæ sæpius observavi. Memini in Papilione motum Cordis (quod rarum est) ab inferioribus superiora versus me observasse; deinde tamen, transacto brevi temporis spatio, mutatis carcibus, incœpisse à superioribus inferiora versus, diuque durasse: In consimili Cor movebatur versus extemum corporis; cordium vero, superiorem corporis partem occupantium, diastole rara erat; inferiorum vero celer & frequens, & quæ corporis medium occupabant, rarò pulsabant; tandem circa caput pulsus perduravit, quiescentibus reliquis corculis, motusque undosus erat, versus superiora directus.

In Papilione pariter Cor pulsare cœpit ab imis versus caput; secto interim per transversum cordis ductu inferior portio ab imis ad superiora movebatur, hac tamen ratione, ut humilior hujus pars celerrime moveretur, subsequens autem rarò, altera autem pars in oppositum pulsaret. In aliis etiam facta eadem cordis sectione, divisæ ambæ partes primo versus caput, postremo versus caudam constringebantur, & contentus Icor in singulis pulsationibus exprimebatur. Alias in Bombyce, proxime evasuro in Aureliam, cordis motus ante ventris sectionem ab imis ad superiora dirigebatur, peracta tamen sectione, mutato termino, septuaginta edidit pulsationes, quæ universum cordium tractum liberè excurrerant; sensim autem iterum rediit motus à cauda ad caput, & postremo parum diducto unguibus humiliori corculo, à superioribus inferiora versus revixit chorea. Frequentissime è mortuo animali diversi promuntur motus in tot corculis sibi invicem communicantibus; nam in unico tres sunt pulsationes, in contiguo tantum, vel binæ saltem: quin & in eodem corculo diversitas succedit; etenim si portio cordis ad latus inclinetur, celerrimas & frequentissimas promit pulsationes, tremoris instar, reliqua vero, proprium servans situm, de more pulsant. Motus etiam extinctioni proximus non unum perpetuo servat rhythmum; interdum namque frequentissimus est,

aliquando tamen sua extinguitur raritate, & affusa aqua vel saliva reviviscit.

Ut tandem pulsum varietatem expediam, binas addam inspectiones, quas contigit cum doctissimo Dom. *Carolo Fracassato*, Collega meo, deprehendere; quarum prima in *Eruce* corde, vulgariter *Pinn* dicta, successit. In hac igitur, corcula invicem hiantia ab inferioribus ad superiora, (ut in cæteris consimilibus, quæ ad meas devenere manus, perpetuo observavi) moveri cœperunt: Tunica eorum, diaphana & ipsa, subjectarum membranarum colore parum inficiuntur; interea tamen exarata corcula modo sursum modo deorsum versus constringebantur, unde contentus icor variis hisce moribus percussus fluctuabat; & quia pinguedinis bini globuli invicem hærentes in contento intra cordis cavitatem humore parum immerfi jactabantur, ideo mirum reddebatur spectaculum.

Hi itaque, ex Cordis Systole expresso humore, in quo innatabant, ab imis sursum pellebantur, & frequenter impetu regrediebantur; at ubi in latiori corculi parte commorabantur, superveniente Systole motum recipiebant versus superiora, summa cum velocitate, & quandoque ascendebant ultra tria corcula; quotiescunque vero in angustiori corculi parte stagnabant, subsequente compressione ut plurimum versus caudam exprimebantur. Non raro, perdurantibus Corculorum pulsationibus, motum vertiginis habebant, & interdum, & frequenter etiam fluctuabant enarrati globuli absque considerabili progressu.

Alteram observationem Tab. 100. Fig. 3. ex Aurelia collegi nuperrime excitata, in qua Cordium motus à capite ad imum dirigebatur; deinde ab hoc ad medium, à quo in oppositam caudam remittebatur propulsus icor, velut lusoria pila, & ita non parum duravit hic naturæ ludus, donec bini motus in oppositos terminos directi, à medio sursum & deorsum erumperent: & tandem unus superstes perduravit motus, a superioribus scil. ad inferiora.

Hæc sunt ea, quæ circa motum cordis in Papilionibus & Bombycibus frequenter observata, Vobis communicata volui, ut inde pensitatis singulis ulteriora eruatis; dum interim superior ventris portio utriusque Papilionis lustranda occurrit: Ab hac autem turgens quædam *Vesica* A pendet, quæ aere referta piri formam sortitur, & in auctiori sui parte tubulum B habet, qui in os Papilionis desinit. Hujus substantia membranæ est, & tenuissima, ita ut de facili laceretur, & perluceat; quare si exquisito Microscopio

Insistitur, fibrulas C, ipsam cingentes, exhibet. Hæ omnes Vesicæ circumferentiam ambiunt; aliæ enim per transversum deducuntur, reliquæ vero per longum; ita ut singulæ ipsius partes subsequente compressione exinaniantur. Exarata fibræ ita implicantur, ut rete consurgat. An sint vasorum productiones, an carneæ fibræ, interdum dubitavi; quoniam tamen non absimilem structuram in quibusdam piscibus, quibus membranei insunt Pulmones, quin & in ipsis Testudinibus reperi, ideo carneos musculos esse censeo, quales in urinaria vesica extant. Aere intus contento turget, eodemque expresso detumescit ad animalis libitum; unde non parum ovorum excretioni in foeminis, & seminis in masculis eam conferre rationi consonum videtur. Nec probabile est, vesicam hanc eundem sortiri usum cum vesiculis, quas in Piscibus passim observamus; etenim Papiliones pedibus solo hærentes corporis molem urgent.


Inter enarrata hucusque viscera graciles *Omenti* productiones locantur; hæ vitellinum referunt colorem, & cum omni fere orben-
tur pinguedine, de facili obscurantur.

Capitis interior compages, ob sui exiguitatem & friabilitatem, non undequaque mihi patuit. Hoc unum observavi, antennas anteriorem cranii cavitatem subire binis rotundis truncis, seu radicibus, qui in styloformibus processibus occurrentibus implantantur, & forte carneis fibris pro ipsorum motu continuantur. Reliquum Cranii replet *Opticus nervus* per transversum ductus; cinerei coloris, & cylindri figuram tenens; in medio tamen parum angustatus necitur *Spinali medulla*, deorsum productæ. Hic nervus ad basim oculorum, sui expansione, exteriorem tunicam, hancque nigram, constituit; interiorem pariter, quasi argentea, ulterius promit: Reliquos humores non licuit in totum assequi ob exiguitatem. Dilucidior tamen *Optici* structura in grandioribus *Canceris* observatur, qui facilius vobis præsto esse possunt, & ut reor, jam à vestra sagacitate examinati fuerunt.

Sed longa forte Papilionis partium historia vos tædio affeci, unde reliquum ejusdem vitæ, quod, ni fallor, Bombycis ultimum est senium, compendio complectar. Papiliones illico ac lucem adepti sunt; coitum tentant, nam masculus incurvata corporis extremitate celerrime progreditur & regreditur; donec in præhensam foeminam extremam alvum, ubi proprium locatur pudendum, vibret, & illico raptam foeminæ Vulvam unguibus & aculeis ad se trahit, sibi que jungit; pronam enim membranæ, anum

ambientis, partem ita unguibus retrahit, ut utriusque averfi corporis extrema se contingant: Mox penem exerit, ejaculatur, intraque pudendum foemineum condit, & tunc contracto corpore alas per vices quatit, & capite ipso lætabundus annuere videtur. Placuit editos alarum successivos ictus dinumerare, & sæpius in ipso coitu continuatim summa cum celeritate centum & triginta & ultra promit, quibus peractis conquiescit quasi mortuus, vel à conjugio separatus per horæ quadrantem jacet; iterum reassumpto coitu solitum alarum motum edit, longe tamen minus, cum sæpe non excedant triginta sex ictus: à quibus feriatur, hilaritatem tamen adhuc servat, erectas tenendo alas; quo tempore foemella elongato corpore, humique demisso ventre & dejectis alis jacet, mari tamen adhuc juncta. Hora interim excurret quietis, quam alarum pauci subsequuntur motus. Durat hæc chorea quatuor dierum spatio; in fine tamen otia longiora sunt. Transacto primo biduo solent mulieres ipsas separare, & sponte etiam interdum Bombyces ipsi post primos concubitus non iterum coeunt; quare masculus curvato corpore, eodem fere servato situ, celeri vertigine tentatur, editque bombum. Abruptâ copulâ, brevi, reliquoque vitæ curriculo foemina ova edit. Horum fatura ut plurimum quatuor partitis vicibus, quas repetiti coitus intercedere solent, completur; comprimendo enim & coarctando mediam & extremam corporis regionem, foras elongato ano, ova in subjectam humum vel linteolum propellit, quibus ita hærent, ut vix cultro & unguibus amoveri possint. Singulam ovorum excretionem subsequitur brevis quædam quies, qua vix *Angelica salutat*io recitaretur. Et licet Papilio novum semper mutet situm, contiguitas tamen, & proportionalis intercapedo, quin & ordo in excretis & humi hærentibus ovis observatur; ut lineam flexuosam designent. Excreta ova ut plurimum sunt 516. vel 514, interdum minor est ipsorum numerus, cum aliquando 446. dinumeraverim, & interdum 393. Non omnia tamen ova tubis contenta in lucem erumpunt, sed interdum viscoso quodam concrecente succo in Ovarii truncis quasi singula detinentur: interdum in ovario triginta adhuc remansisse observavi, & in foeminis, quæ masculi concubitus non sunt passæ, frequenter ovorum supprimitur fatura, ita ut parum vivant.

Perdurat Papilionum vitâ juxta diversam aeris temperiem; nam vigente æstus citius intereunt, unde quantum tantum diem attingere



attingere vidi; interdum tamen, ut *Augusti* mense, duodecim dierum spatio vixit Papilio; in principio autem hyemis ad mensem perductus est: superstite masculo per aliquot dies obire primo frequenter solet femina. Ante interitum à dorso decidunt plumæ, & pili, ita ut subjecti corii citrinus color erumpat; alarum extrema corroduntur, totum impenſe turgēt corpus versus superiora. In foeminæ cadavere aliqua interdum ova supersunt; viscera circa Ovarium locata observantur, & in oblongis vesiculis, superius descriptis, exiguum diaphani humoris stagnat.

Stercoris vesica interdum etiam turgida fanioso excremento emergit, nec appensa intestinula ex toto delitescunt. Tracheæ vascula mollia & flaccida supersunt. Venterculus ad superiora retractus obscuratur; Uterus inter cætera viscera, majorem nactus soliditatem & firmitudinem, evidenter patet, & viget. Aeris vesica ita turgēt, ut papilionis corpus auctius reddatur, & tandem exsiccatò cadavere, vacua quædam interior remaneat concavitas. In extremitate interioris alvi, quatuor vel quinque acuminati offci processus, à masculino pudendo derivati, observantur. Et quoniam hæc singula cadaver constituant, ideo abjiciuntur, solaque mox facta supersunt custodienda ova. Hæc illico ac edita sunt, citrium seu helvum dilutum referunt colorem, qui in tubis etiam efflorescebat, sensim tamen immutatur, ut *Xerampelinus* fiat, & tandem hyacinthinus vel purpureus evadat. Hanc successivam colorum mutationem multum juvat ambiens Aer; unde vigenti calore per biduum tantum Citrius perdurat color, & intra quatrimum Violacea redduntur: Interdum septem dierum spatio hoc totum peragitur negotium, & ingruente hyeme in longius protrahitur hæc colorum mutatio. Non idem tamen efflorescit color in singulis ovis; etenim, quæ subventanea sunt, quorum scil. fæturam non præcessit utriusque papilionis concubitus, primævum citrium servant colorem, sicut & ova, quæ à tubis Ovarii papilionis eruuntur, licet foemina jam vivens foecundata fuerit; interdum etiam à foemina, masculo conjuncta, subventanea quædam, inter cætera foecunda, eduntur, in quibus Citrius perpetuatur color.

Ovorum Tab. 100. Fig. 4. figura A ovalis est, parum tamen depressa, unde binas habet laterales concavitates B, quæ sensim, senescente ovo, patentiores redduntur; in subventaneis vero ovis frequentissime tanta excitatur concavitas & depressio, ut contusa videantur ova. In altero etiam ovorum acumine exigua quædam observatur fovea, pe-

nè similis illi, quæ in acino. avulso pedunculo, relinquitur.

Testâ, ut cæterorum animalium, ova teguntur; hæc nequaquam friabili constat materia, qualis in Gallinaceorum genere observatur, sed veluti cornuum lamina, diaphana & flexibilis est, unde in frustula, forcipibus ad placitum, scinditur. Exterior testæ superficies non absolute lævis est, sed rotundis minimisque tumoribus sibi contiguus aspera redditur, ut *Squatina* corium æmuletur.

Ovi concavitatem luteus occupat humor, qui solitum refert colorem, & levi elixatione concrevit. An ultra luteum aliud adsit, sensus non attingit. Membrana quadam crassiori Vitellus continetur: hæc plura habet, quorum dilucida cognitio physicas meditationes valde promoveret, si illius exiguitas non obstaret. In foecundis itaque Ovis violacea quædam corpora supra ipsam excurrunt: hæc non, vasorum in modum, tubuloso & sensim decrescente canali componuntur, sed graminis vel hederæ instar, duobus constantur gracilibus scil. pedunculis, & latioribus quibusdam corporibus, veluti foliis annexis: hæc communem non habent truncum, sed invicem implicantur; quæ vero intercedunt spatia, ovalibus replentur corporibus, circa quæ ludunt superius expositæ productiones. Hæc diaphano succo replentur, & proinde pellucida sunt, & in crudis elixatisque ovis patent. Hoc evidentius sperabam me in Gallinaceis ovis reperturum, sed excidit spes; nam hoc unum attingere potui in mox apertis ovis, & adhuc humectata exteriori membrana, cujus substantia furculis fere diaphanis exaratur, qui ramorum arboris instar in minores geminantur productiones, & mutua implicatione solitum rete efficiunt: Non est autem unius truncus, à quo singuli pendeant rami; intercepta vero membrana ab exaratis furculis, albis quibusdam frustulis, & globulis etiam constat, quæ omnia videntur correspondere mox deprehensis in Papilionum ovis. His addiderim, testam gallinaceorum ovorum cicatricibus frequentibus refertam esse; unde ex his veritus sum, affusum humorem in Ovarii trunco per hæc testæ stigmata in continuatos ductus, in membrana exaratos, propagari posse, cum avulso ovi cortice, quidam processus, qui à subjecta emanant membrana, lacerentur; & cum reticularis ille plexus in papilionum ovis violaceo succo turgeat in iis tantum, quæ masculino semine aspersa sunt, (infœcunda enim nullum hujus vestigium habent, sed frequentissime exsiccatâ in pulverem teruntur,) ideo dubitari potest,

test, subintrantem seminis partem in membranarum alveolis contineri, ibique conservari, & turgere, sive hoc contingat in ovalibus illis corporibus, seu in reliquis violaceis productionibus. Pervia foramina in Gallinaceorum ovorum testis indicare videntur guttulæ concreti cujusdam succi, qui in recentibus ovis, dum igni admoventur, à supradictis stigmatibus erumpunt. Placuit interdum, ovum recenter editum in spiritu vini una cum atramento, aliquando in oleo sulphuris, atramento commixto, incoquere, ut subingredientibus liquoris maculæ, & progressus in inclusis membranis hærent; copiosa igitur nigra stigmata insinuati atramenti emergere in subjectis membranis, & in albumine ipso.

Relata Papilionum ova linteolis hærent, & per totam astatem in cella vinaria, vel alia frigidiori mansione conservantur, hyeme autem rigente gelu, sub lectulorum stratis, ne glaciem concipiant, locantur; apparente interim vere, vino & aqua commixtis, modice calefactis, asperguntur, & ita à linteolis abraduntur, & tandem prope finem *Aprilis* blando mulierum calore incubantur, ut brevi Bombyces erumpant.

Quædam tamen Papilionum species apud nos est, quæ *ter bis* anno fecunda redditur. Nam ipsius ova sub finem *Aprilis* Bombycem edunt, à cujus mox natis seminibus novus ante principium *Julii* promittitur vermis, hujusque genita ova sub *Augusti* fine animal producant. At quoniam Bombycum cura non in solam speciei propagationem dirigitur, sed artificum præcipuus scopus est, ut ipsorum spolia in mercimoniam usurpentur, ideo servatur folliculorum debita copia, ut venturo vere Bombycium succedat soboles; reliqui, ne erumpente papilione, staminis continuitatem solvente, inepti reddantur, ardenti soli exponuntur, & ita inclusa Aurelia suffocatur. In folliculis igitur, qui fortiori pollent structura, septem horarum spatium exigitur, quo solaribus radiis pervadantur: in languidis verò, quinque, & ita per menses conservantur folliculi.

Ut retexantur autem folliculi, parumper calenti aqua macerantur, & scoparum apicibus ita agitantur, donec staminum capita emergant; unde in fasciculum contorta, per foramen, in ferrea lamina excitatum, ne folliculi ascendant sursumque rapiantur, sed in aqua immersi detineantur, transducuntur, & super harpedone multiplicatis circuitibus evolvuntur.

Laudabile vero efficitur *Sericum*, dum diversa uniuntur stamina; ut plurimum tamen octo exiguntur, & cum singulus quique folliculus laminis componatur, quas diversum referre colorem & robur diximus, hinc fit, ut debita singularum exigatur mixtura. Quare firmum & molle stamen partim ex debiliiori subalba textura, partim ex firmiori aurea portione componitur; atque ita ex folliculis, qui exterius aureo sunt colore, interiorius vero albidis, retextum stamen cum eo commiscetur, quod ab exteriori involucre eorum depromitur, qui *Soriani* appellantur. Non tota semper staminis longitudo retextitur, nec pro serico componendo filo apta censetur; nam laxior folliculi portio & tenuior, quæ Bombycem immediate circumdat, cum fragilis valde sit, nec ita facile separari possit, ut inepta rejicitur, & à nostratibus *Sirighella* appellatur; quod vero retextitur (ut interdum expertus sum) nongentos & triginta Bononienses æquat pedes, adhuc superstitie exteriori lanugine, & postrema folliculi illaque inepta parte, quæ quartam, ut suspicor, totius referte poterat. Eductum stamen, & in filum contortum, in plures usus facescit; & nemo est, qui vestium & ornamentorum varia inde producta genera ignoret.

Sed jam nimis in longum protracta est Bombycis historia, in qua quidem texenda, plura, quæ passim apud alios habentur, omisi; forte etiam graviora ob instrumentorum, quibus utor, ruditatem, vel saltem ingenii hebetudinem & imperitiam, neglexi, quæ sagaciorum labores expectant; reliqua, quæ ruditer exarata transmitto, vestram exoptant culturam, si tamen a magno opere, quo detinemini, interdum vacare contigerit; dum interim ego immensam Conditoris industriam & largitatem, Vermes istos ac Insecta quædam contemplatus, admiror, quæ prægrandium animalium viscera, à quibus effluit vita, nec gemina, nec plura voluit, sed ipsorum energiam longo veluti ambitu fractam, deductis in singulas corporis partes rivulis, emanare tantum jussit; in nostris verò Bombycibus, & consimilibus animalculis, ut artificium materiæ defectum suppleret, vitæ principia ingenti liberalitate ita multiplicavit, ut quælibet pars suo peculiari gaudeat Corculo, Cerebro, & Pulmonibus, & avulsa à cæterorum consortio adhuc vivere deprehendatur, ita ut cum *Plinio* fatear: *Mihi intuenti sape persuasit rerum Natura, nihil incredibile existimare de ea.* Valeat.

Fig. ii.




Fig. 8.




Fig. i.



Fig. 9.




Fig. 10.



Fig. 6.



Fig. 3.



Fig. 3.




Fig. 5.




Fig. 7.




Fig. 4.




Fig. 13.



Fig. 12. KAKERLACK L. Or.



SECTIO CXXXI.

ANATOME

PAPILIONIS VULGARIS

ALBI

D. Joh. de Muralto

è Miscellan. S. R. I. Acad. Nat. Curios. Dec. 2. A. 2.

Obf. 32. p. 200.

IN Capite Oculi insignes protuberant, ex infinitis specularibus punctis conflati, nigri, ciliis undique hispidis & griseis cincti; inter eos veluti crista erigitur proboscis longissima, in orbem convoluta, sensimque attenuata. Hæc dum mella & succos è floribus arripit, extenditur. Ori folioso à parte anteriore capitis adstant duæ oblongæ plumæ pilosæ elegantissimæ. Cornua duo nodosa post oculos, seu antennæ initio prætenues, in fine autem & pallidâ extremitate crassiores visuntur. Nodi numerantur viginti quatuor. Alæ superiores sunt triquetra, instar Scapulæ humanæ, pellucidæ, per decem costas subrubentes extensæ, in pectoris posticâ parte superius coeuntes, margine nigro cinctæ. Inferiores alæ minores sunt, farinaceæ, ad radicem pilosæ, decem costis identidem nigrioribus expansæ, figuræ ovalis, sub prioribus è pectoris fine utrinque progrediuntur.

Pectus elatum triangulare antè pilosissimum, posterius subnigrum existit. Hinc quatuor pedes successivè egrediuntur, quorum femora canitie hirsuta sunt, geniculi

bini, reliqui spinosi, adjuncto hamulo multiplicato, cum adverso in medio hamulorum ad retinendum cuspe articulato. In pectore flava & viscosa caro mobilis reperiebatur.

Alvus crassula, oblonga, quinque annulis sulcatur nigris; interstitia sunt subflava.

Ovarium utrinque contortum flavissimum, innumeris ovulis dotatum, ex alvo exprimitur. Adest & ventriculus triplex, quorum medius, cumprimis in fœmellis, instar noduli duri in se continet denticulatam particulam duplicem, subrubram, duram, latam, ad ruminandum aptissimam. Prior Ventriculus instar œsophagi longus & posterior sacculus nodulo applicatus humore plenus existit.

Extremitas ani fissa est per medium, è cuius hiatu pressa alvo, in masculis egreditur penicellus flavus, cum intestinis prælongis splendentibus, auratis. Vesiculæ duæ porrò, in masculorum alvo visuntur, una limpidò humore turgidula, altera cinnabarino liquore plena: quæ nihil aliud, quàm ventriculi, ut suspicor sunt.

SCHOLION.

ADmirandam Papilionum Speciem, quam FOLIA AMBULANTIA eam ob causam vocant, quod vermiculi aliquanto post nativitatem tempore in plantam convertuntur, pedesque & alas in terram immittunt, Argentorati in *Dn. D. Scheidij* theatro Anatomico vidit *Henricus de Rouviere* in *descript. Itin. per Galliam* quam recensent *Acta Lips. Mens. Nov. A. 1713. pag. 528.* CANCRUM VOLANTEM autem Vid. TAB. CI. Fig. 13.

SECTIO CXXXII. DESCRIPTIO ANATOMICA PERLÆ

D. Joh. de Muralto

è Misc. S. R. I. Acad. Nat. Cur. D. 2. A. 2.

Obf. 79. pag. 195.

Perlæ caput maximâ parte è protuberantibus & perspicuis oculis vitreis, ex infinitis speculis conflatis constat, in quibus punctum nigricans è profundo visitur. Scutum nasale triplex squamatum albicans frontis locò prostat. Duas fetas sex verticillis articulatas cornuum spatium supra frontem gerit, inter quas Papilla medio fissa prostat. Osculum duplici squamâ mobilis legitur ab inferiore parte, sicuti nasi squama à parte superiore. Ipsum autem os è chela duplici spadiceâ, utrinque spinosa hirsutissimâ fortiore, quâ mordet, constituitur. Lingua est plumea. Collum nigris pingitur lituris oblongis, in triplici protuberantiâ scutata & hirsutâ à parte posteriore. Pectus gibbosum est, hirsutum, obsoleto coloris. Per ejus posteriora deducitur linea superius cruciata, inferius foliolò utrinque signato conspicua. Pectoris latera sunt tuberculis & striis inæqualia. Anterius è pectore ex uno quasi puncto pedes oriuntur, quorum femora ex oblongis articulis surgunt, tibiæ verò spinosissimæ & pedes proprii hispidi, duplici hamò armati.

E dorsò duæ utrinque alæ pluribus costis nigris, pulchrè reticularibus expansæ oriuntur, quas complicare perla non valet. In summo harum alarum ad costam marginalem Spadicea macula cernitur. Reticulares striæ ad costas majores alarum mox albicant, mox nigricant. Alvus longa est, tribus lineis nigris, per longitudinem diductis picta & sulcatur novem annulis. In fine annuli septimi uteri exitus est, per quem plurima ovula in acervo collecta, transparentia, alba, dum viveret, deposuit. Quivis annulus in ventris medio apicem pratenuem albicantem gerit.

Caudæ appendices duæ sunt parvæ, ut murium pilosæ. E mediò harum appendicum excrementa alvi subrubra deponuntur. Foliolò anus clauditur.

In Pectore caro fibrosa, filamentosa & musculosa cernitur.

Ventriculum cum intestinis longus ductus nigro liquore factus constituit.

Ovarium insigne duplex innumeris ovulis pallescentibus scatet.

SECTIO CXXXIII. DESCRIPTIO ANATOMICA APIS

D. Philippi Jacobi Sachs à Lewenheimb

in Miscellan, S. R. I. Acad. Nat. Cur. Dec. I. Ann. I.

Obf. 13. p. 42.

IN Apibus mediante microscopiò conspiciuntur officulorum commissuræ, juncturæ, pedum unguiculi, alarum discolores formæ & variò colorum penicillò undatæ & interpictæ denticulorumque distinctiones, quibus libare flores non

desinunt. Vid. *Fontana Obf. 10.* Per hoc instrumentum observatur, quod Apis ceram externè supra femur ferat: quòd mel in stomacho gerat, illudque parumper alteratum & tanquam chylum, ut pipiones, evomat. Si namque apis separetur in duas partes,

tes, conspicitur subito in iis instar grani mellis vesicula, quæ si sugatur dulcis est. *Borellus in Obs. Medico-Phys. Cent. 1. Obs. 10. De Francisco Stellato Fabrianensi*, Academico Lynceo, narrat *Joh. Faber in Hist. Mexicana L. 1. p. 757.* quod mirabilem anatomen præbuerit partium omnium externarum, quæ in ape minuto animalculo sint, oculorum sc. linguæ, cornuum, juba, aculei pedis, digitorum aliorumque in eâ, & in æs incidi curaverit. Unde de eodem *Ignatius Braccius* lusit, annotante *Leone Allatio in Apibus Urbanis de vir. illustr. p. 113.* seq. carmine:

*Fulvam tuerensque Lynceus Jubam
Apum, Leoninæ parem,
Ocellulosque, seta quos vallat crebra
Et duplici labellulâ.
Servata vaginâ, quod & mirum magis
Ex ore linguas parvulo,
Prodire quinque acutulos gladios velut
STELLATUS exiguo vitio.
Rimatur hæc FRANCISCUS oculari
meus.
Plura quoque de observatione apum par-*

tium per microscopium, quæ aliàs ab intuentium oculis in ipso animalculo absconduntur, *Fabius Columna* annotat. in *Fabri Hist. Mexicana f. 895.* Nec non *Friedericus Cæsius* Dux Aquaspartæ, S. Angeli & S. Poli Princeps, Marchio Montis Calii & Baro Romanus, qui ipsemet, teste *Leone Allatio in Apibus Urban.* p. 91, edidit *Aparium*, cum universâ mellificum familia. Notat quoque *Kircherus in Mundo subterran. l. 12. f. 2. c. 2. expl. 1.* si microscopiò excrementitiæ partes Apum examinentur, quod videantur frequentes primo quidem velut folliculi, mox iis ruptis vermiculi, quorum alii jam erucas referant, alii jam alis assumtis, in perfectas apes formentur. Novissimè elegantissimam Apum Anatomiam cum Fig. edidit *Dn. Maraldus*, Galus in Observationibus suis de apibus, quæ haud ita pridem ex Historia Acad. Regiæ Scientiarum Anni 1712. p. 391. prodierunt cum *D. Josephi Warderi*, Medici Angli, *Monarchiâ Apum*, A. 1718. è lingua Anglicæ in vernaculam translata & Hanoveræ à *Nicolao Færstero* edita.

SECTIO CXXXIV.

DESCRIPTIO ANATOMICA CRABRONIS

D. Joh. de Muralto

è Misc. S. R. I. Acad. Nat. Cur. D. 2. A. 1.
p. 139.

CRabrones in capite antennas habent verticillis denis instructas, quorum ultimum prope caput ramo mobili affabrè jungitur, ut velut cornu complicari queat. Verticillorum superficiem puncta exasperant castanei coloris, suntque illa geniculata instar Cannæ Indicæ, seu arundinis. Articulatio cum infimo articulo versus caput fit per *ἐναρθρώσιν* ita ut superior articulus concavâ sui parte inferioris articuli caput rotundum custodiat. Porro in verticillorum extremo visitur lanugo, qua objecta mirum in modum percipiuntur. Cæterum medulla spongiosa verticillis hisce continetur. In craniò futuræ loco extuberant splendida puncta tria nigricantia, tanquam in triangulo transposita. Cranii margo undique pallet & utrinque supra osculum emittit processum ex spadiceo pallescen-

tem. Anterius calvaria divisâ est margine pallescente & quasi futuram habet usque ad scutum, cui est fimbria fusca. Alias & caput & reliquum corporis pilis aureolis instructum hispidumque cernitur.

Scutum verò propter oculos pallidum est & plus minus quadratum; forsan commodè frons dici posset, punctis protuberantibus & splendentibus notata & pertusa. Utrunque sub fronte os est, in quò notantur maxillarum loco è latere opposito cornicula quatuor apicibus seu dentibus serrata, prætereà cava & musculis annexis prædita, quorum motu maxillæ agitantur ad præmordendam alimoniam. Deinde recurvata lingua quadrifidâ, pennata & pilis inæqualibus hispida, cujus extremum punctis rubris notatur. Porro sub ore mystax geniculatus duplex major & minor menti loco repe-

reperitur; minor articulos tres habet, major quinque. Anterius sub lingua eminentia est cor referens, foliis hispidulis utrinque adpositis, margine nigricante, loco osculi nodulus pertusus, rubescens instar fragi.

Oculi sunt oblongi, pellucidi duri, convexi & retis formâ contexti.

Aperto craniô officula plura foraminulenta & spongiosa notantur. Illius medio præterea adhæret fibrilla seu nervus in omne corpus distributus, qui in sui principio & fine tenuissimus existit, in medio autem crassescit & sacculum subflavum humore plenum adhærentem habet. Figura fermè talis est, qualis intestini Coli.

Ab occipite exit collum membranosum, loco spinalis medullæ fibrilla instructum & puncto spadiceo forinsecus notatum.

Thoraci adhærent muscoli, à collo exorti. Pectus munitur scuto hispido & bifidato, itemque dorsum triangulari, nigricante binisque rubentibus lineolis picto. Apici huius scuti utrinque adponitur crusta coloris castanei, basi verò tuberculum geminum bifidum nigricans & alvum seu abdomen margine rubente pectori annectens.

Pectoris scuto articulatim junguntur pedes priores pilosi & hamati seu spinis horridi. Extremus pes primi ordinis articulis quinque lunatis gaudet: alter ordo pedum

à thoracis nigricantibus tuberculis exoritur & longior existit. Tertius inferius è fine pectoris procedit omnium longissimus.

Dorsi scuto triangulari utrinque adnascuntur alæ spadiceæ, secundum longitudinem protensæ & plicatæ costisque ad robur instructæ. Sub majoribus his alis latent aliæ minores. Pectoris cavum filamenta musculosa stipant, quibus pedes ac alæ immixtis tendinibus variè moventur. A thorace alvus filo tenuissimo pendet, infernè luteus, supernè spadiceus, constans è sex vaginis annulatis, ceu totidem segmentis continuis, quæ puncta nigra distinguunt.

Pro pulmonibus in huiusmodi insectis ad sunt tracheæ niveæ. Cæteræ fibræ sunt musculi.

Aperto alvo visuntur intestina & vasa complura lactea vel potius spiritalia.

In imò abdominis glandula porosa observatur, cui adhæret incurvus aculeus nigricans, qui rehortante promi seu exferi & inter duas caudas pilosas recondi potest. Hic à basi crassa & divisâ surgit in apicem tenuissimum, cujus superficiem stipant hamuli, alii atque alii subtilissimè flexi. Cavus autem est aculeus, cui glandula conglomerata humorem venenatum immittit, quem irritati crabrones identidem excernunt.

SECTIO CXXXV. DESCRIPTIO ANATOMICA CICINDELÆ

D. Joh. de Muralto,

è Miscellan. S. R. I. Acad. Nat. Curios. Dec. 2. A. 1.

Obs. 67. p. 167.

Cicindelæ dorsum tegitur undecim scutis nodosis splendidis & per medium lineâ notatis ac fimbriâ pallescente circumscriptis.

Scutum primum lunatum est, & caput aptè recondit. Alterum scutum collare refert. Tertium latius est. Cætera usque ad ultimum æqualia sunt & sensim angustiora. Ultimum magis pallet, ac in duplicem apophysin caudatam abit.

Caput in summitate utrinque emittit cornua duo, nodis 10. hispidis verticillata, affabrè mobilia, sub quibus utrinque protuberant oculi splendentes angulosi: hinc os

visitur denticulatum & maxilla inferior hispida & triangularis. Caro colli & pectoris velut cinnabaris rubescit.

Pectus promit utrinque 3. pedes, articulis 3. mobiles, duplicique hamo instructos. Juxta 1. & 2. ordinem pedum triangulus visitur, cujus basis ad pedum ordinem primum, angulus autem ad secundum ordinem spectat.

Inter secundum & tertium ordinem pedum protuberat caro punctis notata subrubens, & papilla carnea inter utrumque tertii ordinis pedem.

A pectore quatuor vaginæ seu scuta fusca exeunt;

exeunt, in medio sulcata, instar Piscium cutis, quæ Gallis Chagrin dicitur.

Ultima scuta tria eboris instar candicant & in obscurò lumen emittunt, quò aër vicinus noctu mirè illuminatur.

Ovula sex virentia exemi è ventre & duas venulas per alvum diductas notavi. Lucida autem illa splendensque materia sicca erat & fibras glutinosas referebat.

Alias Cicindela *Aldrovando* dicitur LAMPYRIS ALATA, cum nihil aliud sit quàm Mas Lampyridum & cum his congregiatur, ut ex aliis demonstrat *Rajus* in *Zoologia* p. 493. *Mat. Med.* Foemellæ autem simpliciter

LAMPYRIDES

audiunt, de quibus seqq. *Olaus Borrichius* in *Epist. Bartholin. Cent. 4. Ep. 92. p. 530.* Per campestria Glocestriæ lampyridum fulgor

oculos nostros ad se traxit, in quibus seqq. notavi 1.) Magnitudo & forma lampyridi pene eadem quæ vulgari apiculæ, nec color diversus, alæ tamen desiderantur. 2.) Sex ei pedes & duo versatilia cornicula, qualia cochleæ, quibus iter prætentat. Caput ceu muscis orbiculatum. 3.) Corpus ei ex octo Squamosis concretum annulis. Soli duo extremi annuli, qui caudam constituunt, infernâ parte albicant, ex quibus tota illa & admirabilis lux proficiscitur, ad quam in tenebris quoque literas non difficulter legabamus. Quid quod chartæ puræ inclusa lampyris per mediam chartam lumen spargeret, ac si candelam chartulæ inclusam vidisses. 4.) Adhæret noctu foliis graminum, postica & inferna corporis parte aëri obversa, Lux (*) illi quasi flammæ subviridis, quæ in libera luculentior, quàm in captiva.

SECTIO CXXXVI.

ANATOME

MUSCÆ VULGARIS

D. Joh. de Muralto

è Miscellan, S. R. I. Acad. Nat. Cur. D. 2, Ann. I.
pag. 158.

Musca habet caput pectus & alvum. Capitis partem anteriorem potissimum constituunt oculi, qui utrinque eminenter prostant, immobiles ut gryllorum oculi & punctis infinitis, ceu totidem gemmulis elegantissimè ornati, ac circulo ut plurimum albo cincti, supra quem pilorum series exsurgit, qui ad angulum oculi majorem & corpora duo cylindriaca, in mediâ facie sita, continuantur, recurvi & ramusculorum instar implexi. Intra pilorum istorum sepem corpus membranaceum latiusculum holoserico nigro haud absimile reperitur, quod à circulo albo oculorum prodiens pluribus foraminulis notatum oculos distinguit. In summitate autem capitis corpori huic implantata eminentia coronam refert, quippe ex circulo aureolo consertam ac triplici gemmâ nigrâ pulcherrimè splendente ornatam.

Hic etiam setæ plures recurvæ exsurgunt.

Infra membranam nigricantem oblonga corpuscula duo sursum deorsumque mobilia

Tom. II.

ac interpuncta visuntur, quibus plumosi tres pili, caudæ muris pilosæ similes, insident, quorum posterior semper brevior est & à levi quacunque aëris agitatione commovetur. His pilis cavitates duæ subjacent, intra quas illi aptè reconduntur ad muscæ irritationem.

In parte capitis inferiore corpora utrinque prostant maxillas referentia, albida, punctis nigris conspersa & pilis hispida; hæc ab inferiore parte versus corpora Cylindriaca sensim incurvantur & in summò acumine pilos prælongos decussatim emittunt.

Infra pilos hosce cavitas alia cernitur ori similis, in quâ proboscis complicata delitescit. Superior oris hujus pars membranæ ad instar albicans pellucida est. Proboscis Elephantinæ non absimilis in extremitate pilosa est & oris instar fissâ. Ex media proboscidis parte progrediuntur corpuscula duo cylindrica pilosa.

Collum à parte posticâ binos habet musculos, quibus caput pectori adducitur, antè verò collare griseum & plumosum conspicitur, sub quo speculum spadicei coloris.

A collo

(*) Lumen illud oritur à materia phosphoro quodammodò simili, quia etiam eximi potest.

A collo œsophagus internè descendit in thoracem, qui à parte posteriori usque ad alvum in utroque latere pilosus est, ac in medio alis binis transparentibus tenuissimæ texturæ instructus.

Dorsum lineæ nigræ, sex rectæ & tres transversæ distinguunt.

Extremitas dorsi pallidior est cæteris thoracis partibus.

Internè costæ pulcherrimè differentes videntur, itemque caro flavescens & glutinosa. Duo autem foliola abdomini à dorso incumbunt. Intestina cellulas & vasa nigricantia secundum longitudinem deducta possident & flavescensem transparentemque pituitam continent.

A pectore pedes sex prodeunt spinosi & in extimâ parte unguati, prætereaque ductus hamis instructi, ad adharendum aptis. Articulus est in femore, genu & pede extimo.

Alvus est verficolor, plurimùm autem ad caruleum vergens, pilosus propemodum ac è quatuor vaginis complicatus lineisque totidem notatus.

Ventriculus cum intestinis velut cochleæ intortus est. Ovaria duo cum ovulis notantur & in foeminis & in masculis. Existimo me in muscis aculeo instructis flava ovaria nigris fibrillis conspersa notasse. Dubium an mulcæ sint hermaphrodita.

Cor in abdomine latet sub diaphragmate pallidum, Conicum, unico ventriculo simplici donatum & pericardiò cinctum.

Stomachus amplus est ac membranaceus, sæpeque compresso digitis alvo vesicæ instar cum sonitu disrumpit.

Mesenterium flavum intestina appositè conjungit.

Penis oblongus est & nodosus, in medio albidus ac utrinque lineis nigris notatus apiceque nigro præditus.

Vulvam pilosam recurvus apex præcludit.

Doctissimus Regiæ scientiarum Academiæ focus de la Hire existimat tres illas gemmas in capite muscarum esse oculos cum palpebris, quod tamen sectio nostra neutiquam approbat.

SECTIO CXXXVII.

ANATOMIA

CIMICIS MURORUM ET LIGNORUM

D. Job. de Muralto

è Miscell. S. R. I. Acad. Nat. Cur. Dec. 2. A. 1.

p. 141.

MUrorum & Lignorum Cimex (vulgo *Holschwentelen*) insectum est pusillum, oblongum, scuto corticato & sulcato tectum, binis cornibus oculisque prominentibus totidem, osculo item, dentibus, pedibus quatuordecim & geminâ caudâ instructum, Astaco fluviatili quadantenus simile. Cornua articulos sex habent utrinque scabra, atque mobilia: hinc triplex scutum foliorum instar transversim ad labium superius pertingit. Maxilla superior XV. dentes possidet lunatos, inferior verò utrinque unicum dentem molarem castanei coloris gerit & sese cum superiore complicat. Oculi ad cornuum latera prominent ceu gemmæ ni-

gricantes coacervatæ. Sub osculo utrinque binæ visuntur squammulæ pilosæ: In ore verò lingua & palatum exactissimè.

Pedes utrinque septem sunt, intra scuti crenas reconditi. Unicuique horum acutissimus hamus in extremitate adhæret. Prima pedis articulatio crassior est & ventri adprimè aptatur: reliquæ celerrimè mobiles antrorsum porriguntur.

Scutum capitis crustosum est & perinde ut dorsi nodosum, oculis pro tutela scutum foliaceum adpositum.

Venter pallidus est, intra quatuor primores pedes ova & fœtus plurimi, ceu in membranâ reconduntur, qui recens nati celerrimè discurrunt. Ovula ex luteo virescunt,

rescunt, cylindriaca sunt & racematim coacervata.

De cæterò squamatum hoc est animalculum. Squamæ autem caudis & squamis cancrorum assimilantur.

Intra pedes posteriores utrinque 2. eminentiæ albidæ notantur, sub quibus vulvæ similis hiatus squammulis tectus cernitur.

Ab ore ad anum usque ventriculus & intestina continuantur recto ductu. Ad intestini latera decurrit utrinque vas flavum spirale & porosum, à quo circa medium corporis ramus transversim exit, cui glan-

dula conglomerata alba utrinque adjacet. Color hujus vasis croceus est & catenam plurimis globulis contextam refert. Intestina scatent excrementis nigris & cellulas instar coli obtinent.

Intra duas glandulas ante caudam positas punctum carnis observatur, quod cor esse suspicor.

Cauda duplex est & Castoris caudam refert, inæqualem, latam & in principio ac fine acuminatam. In medio apicula tenuis visitur.

SECTIO CXXXVIII.

DESCRIPTIO ANATOMICA CANTHARIDIS

D. Joh. de Muralto

è Miscell. S. R. I. Acad. Nat. Cur. D. 2. A. 2. p. 44.

Cantharis Aldrovandi I. (ein Goldkäffer) magnitudine ad scarabæum majalem foliaceum accedit.

Dorsi integri color viridis auratus est splendensque insigniter. Venter & pedes hirsuti ex rubro & viridi ut cuprum nitent. Crustosum est hoc insectum, nec ulla mollis particula in eò tangitur. Dum ambulat interposita quiete mox gradum accelerat, mox remittit eundem & caput quandoque pectori admovet.

Caput pro proportionem exiguum est, scuto smaragdino punctato, prominente tectum: è medio scuto utrinque oculi nigricantes speculares protuberant, cum antennis geniculatis, nodosis, ornamento simplici plicatili in extremitate instructis. Mystax parvus geniculatus osculo utrinque adstat. Item & articulata forficula ad apprehendendum apta. Lingua plumbea duplex ore exferitur. Inter oculos & antennis utrinque processus à scuto capitis orbitæ loco notatur. Mentum barbatus est & speculo quadrato collum insignitum. Scutum pectorale planum oculo cernitur, sed microscopiò punctatum viride visitur. Pectus repletur tracheis niveis spiritalibus & anteriore parte de se emittit pedes priores, femoribus pilosis, tibiis obtusè denticulatis latiusculis, pede propriò articulato nodoso & spinosis processibus donato, in extremitate hamis hærentibus duplicibus. Ablato

pectoris scuto, antequam ad vaginas alarum devenerim, nivea vascula egregiè pulsare conspexi, unam alteramque bullam ab eodem pulsu excitari & liquorem limpidissimum effundi. Vaginæ alarum corticales sunt, foris intensè virides splendentes, punctatæ, intus cavæ nigricantes, loco quo dorso attextæ fuerant, triangulus cernitur apice viridi, basi subrubra splendente aurata. Alæ complicatæ sub vaginis aderant, quinque costis spadiceis insignioribus expansæ. Fibre alarum non reticularis, sed textura oblonga fuerant. Complicatio alarum fit per articulum in costa extremâ conspicuum, quò mediante ad formam unguium duorum pars alæ inferior subingreditur partem superiorem. Dorsum sub alis octo annulis fulcatur mobilibus & utrinque ad modum commodiorem in longam lineolam secatur. Sub triangulò splendens est cavitas, quæ tracheis in ordine dispositis cincta movetur. Anterius pectori adstat nodosus & aureus apex, juxta quem alter pedum ordo producitur & sub hoc apice ordo tertius, ejusdem fermè structuræ cum ordine primò, nisi quod in fine tibiæ duplex, non simplex spina emittatur.

Alvus sex annulos aureos rubentes habet, ad divisuras seu sectiones dorsales usque continuos. Ex ultimo annulo, reclusa vulvâ membranæ, seu ovario transparente plura candidissima ova extruduntur.

Ventriculus & intestina simplicem & rectum ad anum usque ductum tenent atque nigricante stercore repleta sunt.

Præ cæteris in hoc Scarabæo mirandum ordinem & structuram trachearum s. vasculorum spiritalium cum valvulis s. nodis vi-

di, in quibus erat vita, motus, aer &c.

Deinde Pectoris os triangulare, ut in Cervo volante, carnem filamentosam compactam suffulcit ac undique aërea hæc vascula sobole numerosâ carnem eandem ad-

eunt.

SECTIO CXXXIX.

DESCRIPTIO ANATOMICA PULICIS

D. Joh. de Muralto

è Miscellan. S. R. I. Acad. Nat. Curios. Dec. 2. A. 2.

Obf. 54. p. 137.

EXile hoc animal fusci coloris, capite subrotundo, sex pedibus, ore aculeato, pectore scutato & ventre crasso constat.

Caput quodammodo simile est locustæ vulgaris capiti, occiput rotundum. In capite utrinque oculi nigerrimi, rotundi & gagatis instar splendidi. E fronte cornicula duo sexies geniculata hispidaque prominent, sub quibus inter osculum duplicatum aculeus teres, striatus & pilosus apice subtilissimo exit, ad pungendum idoneus. Ad latera oris & aculei pedes anteriores egrediuntur, tribus articulis aptè complicati spinisque horridi & hamo duplici armati pro manibus.

Pectus deinde alios atque alios pedes pro-

mit, spinis longis brevibusque horridos, novissimè autem longissimos, quibus fit saltus simulque ob id valdè musculosos ac in femore guttatos. Pedum hami omnes sursum spectant. Dorsum vaginæ sex tegunt & squammatum reddunt: adsunt & spinæ seu pili.

Venter sulcatus est & nonnihil hirsutus. Eò pertusò ventriculum cum intestinis flavò humore repletis erumpere vidimus. Conspevimus quoque ova candida & perspicua. Corculum sub capite hæret in Pectore.

Conf. *Miscell. cit. Dec. 1. A. 1. Obs. 13. fol. 52. & Ann. 11. Obs. 27. ut & Schraderus de Microsc. p. 10.*

SECTIO CXL.

ANATOME

PULICIS FLORUM SCABIOSÆ.

D. Johann de Muralto

è Miscellan. S. R. I. Acad. Nat. Cur. Dec. 1. A. 1. p. 138.

ANimalculum hoc toto corpore virefcit, alas autem quatuor dilutè cœruleas habet, nigris nervis expansas & hispidas.

Externa figura locustam exprimit. Caput

transparet oblongum, ex quo producitur apex pilosus, acutissimus & aliquantum recurvus. Hoc è floribus alimoniam exugunt, ut sese sustentent. Ad latera capitis prominent oculi bini nigricantes & splendidi instar cutis

cutis illius, quam Galli vernacula sua *chagrín* vocant. In capitis parte anteriore & superiore cornua duo prostant, quatuor nodis hispidis & mobilibus articulata.

Pectus de se mittit 6. argenteos pedes tribus articulis flexos, in extremitate duobus hamulis armatos & punctis nigris hinc inde

notatos. Ab alvi extremitate prominent caudæ oblongæ duæ virescentes & rotundæ. Juxta articulos pedum & propter cornua ovula albida plurima minima velut in scarabæis pilularibus notantur. Intestina transparent & liquore viridi scatent situmque veluti in locustis habent.

SECTIO CXLI.

DESCRIPTIO ANATOMICA PEDICULI

D. Joh. de Muralto

ex Miscell. S. R. I. Acad. Nat. Cur. D. 2. A. 1. p. 136.

Pediculi caput insignes habet oculos protuberantes & nigros, ad latera suturæ sagittalis positos, hinc ab eorum angulis majoribus surgunt utrinque anteriora versus cornua, instar crysalli transparentia, quinque nodis hispidis verticillata. Os hispidum est scutoque tectum acuminato. Ab oculis per collum ad thoracem binæ excurrunt lineæ. Os nigricat & in acutum protenditur.

Pedibus senis, utrinque tribus instruitur articulis, pilosis & hamatis. Hami sunt simplices, sed ii cum primi articuli extremitate instar forcipis serratæ stringunt & apprehendunt cutem humanam, cui insident. Venter scutatus est & ex octo vaginis plicatilibus sive annulis compositus, per quem transparet sanguis ex cute & venis humanis haustus & ventriculo ac intestinis traditus. Cor in thorace latet. Circa oculos spinæ

pilosæ eminent. Cæterum notavimus ea omnia, quæ Clarissimus D. *Hookius* in sua *Micrographia* de Pediculo notavit. Forsan autem quod ille hepar existimat, hepar non est, sed tantum sanguis, qui transparet per ventriculum & intestina.

Aliàs ut Dn. *Schræckius* in *Schol.* observat, microscopii ope in abjectissimò hoc animalculo *Joh. Faber* non solum oculos, barbam & prætenso duo in fronte cornicula deprehendit, sed pedes insuper in utroque latere ternos prælongos, longum unum, brevem alterum & pollicis adprimè locum suppletentem, quibus & cutem adprehendit & serpendo gradum figit. Vid. *Ejus Exposit. in N. A. Recchi hist. nat. Mexican. p. 473.* ut & Clariss. D. *Friderici Schraderi diff. epist. de microscop. usu pag. 9.* nec non *Hookium & Borellum* in *Ephemerid. German. & Gallor.* citatos.

SECTIO CXLII.

DESCRIPTIO ANATOMICA ACARI, SIRONUM, COMEDONUM & CRINONUM.

Autorum variorum.

Hic nec cultri, nec oculi juvat acies, sed microscopia in subsidium sunt vocanda. Horum ope *Inclutus Leeuwenhækius* in *Arcanis Naturæ detectis pag. 394.*

ACARI

Anatomen ita describit: Hoc animalculum octo habet pedes, in quorum singulis omnes articuli, quantum fieri potuit, accurate

ratè sunt exhibiti. Præter illos articulos singuli pedes instructi sunt duobus minutissimis unguiculis curvis in pedis extremitate, quibus animalculum citissimè aliquid apprehendere & se sustinere potest. *Capitum* pars anterior adeò est acuta, licet aliquo modo fissa (ex qua apertura partem aliquam instar linguæ proferri vidi) ut os aptum sit ad musculos carnosos ex pedibus pediculi comedendos. *Oculi* sunt lyncei.

Porro ex utraque capitis parte prominebat pilus curvus, cujus initium erat in parte capitis crassiore & finiebatur non longè à capitis extremitate, ac si illuc quoque fuisset capiti affixus, quod & ferè putabam. Sed sæpe videns, cum acarus hos pilos pede suo attingeret, antequam eò caput purgaret, quod & feles nostræ, aliaque animalia solent, & ita hos pilos locò suo moveret, illos instar particulæ chalybeæ ad curvitatem suam resilire, cogitavi num hi pili curvi facti essent ad tutelam pupillæ.

Plura de congressu, generatione & ovulis acarorum vid. cit. loc. & apud *Sinibaldum* in *Prodrom. Hist. Nat. Scot. Part. 2. lib. 3. p. 33.* Figuram verò ex eodem *Sinibald.* Tab. 11. F. g. 4. vid. in *Tabula nostra ultima* Lit. F. Hactenus de acaris in cascò, lardò &c.

Cæterum hòc nomine etiam, ob similitudinem, quam ratione corporis & figuræ inter se habent, nonnullis venite solent

SIRONES

Vulgò *Die Reitsiesen* seu vermiculi in cute humanà pustulis affectà delirescentes, qui effossi minutissima insecta candidi puncti speciem præ se ferentia, microscopio inspecta animalia pilosa & prorsus urso similia exhibent, juxta *Kircherum* in *Scrutinio Pestis S. 1. c. 7. p. 4.* Alii, ut *Borellus* Obs. 21. Histrici similia faciunt. Mirandum sanè in tam pusillò animali & quasi puncto omnia tamen organa, pedes, nervos, oculos & alias partes animalium observari. Monstrosam illorum figuram cum permultis & oblongis post tergum caudis depingit *D. Hauptman* in *Epist. ad Athanasium Kircherum, de vivâ mortis*

image & tract. Germ. de thermis Wolkensteinensibus p. 200, allegante *D. Phil. Jacobo Sachsis à Leuvenheimb* in *Miscellan. S. R. I. Acad. Nat. Cur. Dec. 1. Ann. 1. Obs. XIII. pag. 42.*

Magis tamen horribiles spectantur

COMEDONES & CRINONES,

quorum descriptio apud *Celeb. Ettm. ùlerum* in *Valetudinario infantili c. 2. §. 33.* ita traditur.

Crinones sunt vermiculi. Capillorum Spissorum seu setarum curtarum formâ nudo oculo aspicienti se exhibentes, quando nempe mellis affricci dulcedine alleciti in loco calidò foràs prorumpere nonnihil, frigoris verò ipsi inimici sensu denuò se intro recipere observantur. Accuratè magis per microscopii adjumentum iidem observari possunt: Sic enim coloris cinerei, cornubus seu potius antennis binis longis prominentibus instructi: oculis rotundis grandiusculis, caudâ oblongâ, in fine villosâ, uno nomine aspectu horridi observari solent, prout ab amicò curiosò & artificiosò, sc. *DN. Christiano Schaffero*, Serenissimi Dom. Saxon. Mauritii Apelle Aulico, dexterrimè, (non secus ac alia minutissima insectula, in specie Sirones, it. termites seu potius lendes caseorum &c.) sub formâ in TAB. CII. delineatâ ob oculos ponuntur.

EXPLICATIO FIGURARUM TAB. CII.

- A. Ostendit Crinonum quantitatem & figuram, prout nudo oculo occurrere solent.
- B. Offert Crinonem integrum per microscopium accuratè observatum & ab ipso observatore dextrè delineatum.
- C. Similis est Crino, sed cui sub separatione à cuticula corporis cauda truncata fuit.
- D. Ibidem Crino est alius, sed majorem sub sui à cuticula separatione noxam passus.
- E. E. E. Crinones exhibent, microscopio observandos.
- F. Figuram acari offert, prout à *Sinibaldo* microscopio observatus fuit.

PARALIPOMENA.

DESCRIPTIO ANATOMICA

LARI CINEREI

D. Michaelis Bernhardi Valentini.

ANno 1716. circa finem mensis Junii LARUS CINEREUS MINOR mihi adferebatur, qui cū rarissimè nostris in oris compareat, dignus videbatur, qui sectioni committeretur.

Avis ipsa vix spithama major erat, in dorso & alis colore leucophæo ad cœruleum quodammodò inclinante gaudens, rostro autem nigro, oblongo, sed gracili & quodammodo arcuato, intus concavo & colore quasi miniaceo gaudente instructa: qualem colorem etiam oculi & pedes (quorum digitos similis membrana intersepiebat) præ se ferebant. Caput in summitate nigrum spectabatur. Alæ, ut in omni larorum genere longissimæ erant, ita ut complicatæ etiam caudam prolixitate superarent, explicatæ vero tota ave longiores sint, cineræ pariter, sed in costis superioribus albæ.

Dissecta avis odorem piscium, sed non

adeo ingratum, spirabat, quos in escam ejus cedere, spinæ piscium minores in ventriculo, inter arenulas, adhuc obviæ testabantur. *Oesophagus* pro corporis proportionem, amplissimus erat, cum primis in confiniis ventriculi, ut in ciconia. *Ventriculus*, in quem definit, oblongus occurrebat, carneus quidem, sed non tam crassus ac in aliis avibus, sed quodammodo membranofus, ut in Tarda, tunica interiore rugosâ insignem cavitatem formante. Hunc in parte inferiore amplexabatur *Hepar* ingens subflavum & bilobium, quod in parte superiore *Cor* excipit, pro cujus mucrone excipiendō vestigium illic est expressum. *Lien* longus & rubicundus: *Pulmones* quasi minio inferti, rutilabant, *Renibus*, ut in aliis avibus, situatis.

Similia spectantur in LARO CINEREO MAJORE, cujus Anatomem habet *Jonstonus* in *Hist. Nat. de Avibus* pag. 93.

ANATOME CICADÆ

propediem exhibebitur à *Julio Portendera*, Philosopho & Medico Pisano, cum *Tabulis Botanicis*, ut *Nova literaria Eruditorum* A. 1718. Idibus Sextilibus promi-

serunt. Ostendetur illic cicadas strepitum rostro efficere, non alis aut aliis partibus.



THE
NEW YORK
LIBRARY
ASTOR LENOX TILDEN FOUNDATION
1215 6TH AVENUE
NEW YORK 17, N.Y.

1. The first part of the book is a history of the
city of New York from its first settlement
in 1624 to the present time. It is written
by a distinguished historian and is
one of the best works on the subject.
2. The second part is a history of the
state of New York from its first settlement
in 1614 to the present time. It is written
by a distinguished historian and is
one of the best works on the subject.
3. The third part is a history of the
United States from its first settlement
in 1607 to the present time. It is written
by a distinguished historian and is
one of the best works on the subject.



APPENDIX
AD
AMPHITHEATRUM
ZOOTOMICUM,
CUIUS
CONTENTA SEQUENS PAGINA
OSTENDIT.

CONTENTA APPENDICIS

I. *ANONYMI*

METHODUS SECANDI CADAVERA
HUMANA, CUM SUPPLEMENTIS
NOVISSIMIS ANATOMIÆ EXPERIMENTALIS
ET INFUSORIÆ.


II. *D. SIMONIS PAULI*

MODUS DEALBANDI OSSA
PRO SCELETOPIÆIA.

III. *D. JOH. RAUII*

COLLEGIUM ANATOMICUM,
CONSTANS EX

OSTEOLOGIA,
MYOLOGIA,
SPLANCHNOLOGIA,
ADENOLOGIA,
ANGEIOLOGIA,
NEUROLOGIA.



ANONIMI METHODUS SECANDI CADAVERA HUMANA. PRÆPARATIO I. DE EXTERNIS INTEGUMENTIS.



AD externa integumenta separanda licet magnus non requiratur labor, nihilominus tamen ut affabre id fiat & omnia integra ac à cæteris liberata appareant, diligentia opus est. Turpe enim

videre cutim multa pinguedine conspurcatam, relinquere partem cutis pinguedini adhærentem, aut membranam carnosam pinguedine tectam monstrare, licet hoc in valde pinguibus omnino evitari non possit, cum sub ipsa & supra ipsam consistat.

Resupinato itaque Cadavere duc lineam a mucronata sterni cartilagine ad umbilicum usque, eoque dimisso eam protrahere ad ossa pubis, quam postea ad angulos rectos secabis ab utraque parte e regione umbilici, prope quem has sectiones connectes per alias minores, ut subjecta figura ostendat,

†

Has sectiones adeo profundas facies, ut *cutim* solam seces, quod ex colore facili negotio cognosces: alba enim est cutis, pinguedo autem flava; quod ut recte assequaris, caute procedendum cultroque potius transverso, quam recto utendum. (*) Rectus enim nimis

velociter secat & partem aut pinguedinis, aut cutis ferè lædit semper. Id præstabis duobus in locis, ut in angulo dextro superiori & in sinistro inferiori, ad spithamæ longitudinem.

Postea *pinguedinem* eum sibi substrata membrana carnota in iisdem locis, in angulo superiori & sinistro inferiori, separabis: ubi cavendum, ne subjecti musculi lacerentur, præcipue in sectionibus profundis, quod levi negotio evitabis.

Abhinc in aliis duobus angulis, sc. in sinistro superiori & dextro inferiori, omnia integumenta junctim separabis a subjectis musculis, & sic separanda erit *membrana carnosa*, quam perquires sub pinguedine cultri cuspide & inventam a pinguedine separabis; ubi cavendum ne membrana, quæ facile cuspide cultri lædi potest, laceretur. Idcirco expediet *cuspidem* versus pinguedinem semper dirigere.

His peractis candelam accensam uni ex 4. cutis angulo, aut, si placet, duobus, sc. ubi membranam carnosam a pinguedine separasti, submoveas, usque dum in vesiculam eleveretur, quæ deterfa cuspideque cultri a cute separata vesicula *cuticulam* exhibebit.

(*) Pro meliori cautela Celeberr. Anatomicus D. Carolus Drelincurtius, Prof. quondam Lugduni Batavorum, itinerarium quoddam cuti subtrudebat, catheteri sulcato, quo Lithotomi utuntur, haud ablimili, quod inter instrumenta mea servo.

PRÆPARATIO II.

DE

MUSCULIS ABDOMINIS.

HÆc sane præparatio licet tantum musculorum sit, tamen nulli secunda censenda est, ob difficultatem ipsos separandi; quare magna diligentia hic opus est.

Externa primo integumenta separanda sunt altius, ut sc. in pectore appareat serratorum majorum portio: in inferiore parte ossium pubis margo & ileon conspiciatur, & lateraliter usque ad vertebrae lumborum, propter musculorum principium, subtrahenda.

His separatis *primum par musculorum, oblique descendens* nominatum, separare incipies in pectore, ubi cum serrato majore conjungitur per dentatas productiones, quas ibi ab invicem separabis: ubi *lineam* distinctionis *albam* invenies, cum *inscriptionibus*, quarum tres, quatuor, aliquando etiam quinque esse solent; ubi observabis ipsa non desinere in serratum, sed graciles tendines exporrigere in marginem inferiorem costarum.

His productionibus dentatis separatis ad dorsum Te convertas, ut principium omnium trium musculorum, sc. oblique descendendum, oblique ascendendum & transversorum, illinc prodeuntium separes; quod ut bene efficias, opus est, ut latissimi dorsi finem hic extensum prius eleves, ubi nulla erit difficultas. Hoc latissimo aut separato, aut elevato tuum primum musculum eleves aut separes, cavendo ne subjectum musculum laceres: quod evitabis, si ductum fibrarum, quæ contrario modo incedunt, bene observabis.

Hoc primo aliquantisper liberato ad *secundum* devenies: cujus principium quasi rotundum, primum prope: quo elevato observabis membranofum principium tertii, quod a vertebrarum processibus transversis provenit.

Secundo aliquantum separato, (uti primum fecisti) ad *tertium* descendes, in quo minor difficultas erit.

His principiis separatis ad primum musculum te iterum convertas, in quo separando nullam habebis difficultatem, usquedum supra *rectos* pervenies, ubi cum oblique descendens tendinem ab oblique ascendens tendine separare volueris usque ad lineam albam, difficilimum, imo vix possibile erit. Quare postquam ipsum tendinem supra rectum musculum, ad latitudinem pollicis ab inferiore sive subjecto musculo, ab oblique ascendens tendine separaveris, inferiorem tendinem secabis, eumque cum superiori unitum a subjecto musculo recto: ubi nulla erit difficultas,

nisi ubi inscriptiones nervæ ejusdem musculi recti inveniuntur. Hunc tendinem ab inscriptionibus liberabis, si cum prius & superius & inferius ita separabis a carnosa recti musculi substantia, ut quam subtilissimæ remaneant ipsæ *inscriptiones*, quas postea facili negotio secabis. Observabis tamen in imo ventris *processus peritonæi*, vasa spermatica involventes, quos intactos & illæsos servare debes.

Primo igitur musculo ad lineam albam usque deducto ad secundum venies, in quo separando, ubi carnosus est, nulla difficultas erit: sed cum incipit tendinosus fieri, non levis labor erit. Propterea Tibi nequaquam propones ipsum producere usque ad *lineam albam*, sed postquam aliquam partem tendinis separaveris, ipsum dimittes; deinde tui tendinis portionem, quam supra rectum reliquisti, versus principium separabis, ita ut ex toto detegatur musculus rectus.

Tertium postea a peritonæo separabis, idque digitis potius, quam cultro. Sed sub sterno (sub quo ascendit) major difficultas separationis. Idcirco sternum, vel (ut melius dicam) cartilagine sterni ad inferiores costas diductas observabis & elevabis, ut totum tuum musculum videas & a diaphragmate ac peritonæo sine dilaceratione separare valeas. Cautè tamen hic incedendum versus superiora, prout musculi subtiles sunt & facile franguntur.

His tribus ita separatis ad *rectos* deveniendum, in quibus nulla difficultas, nisi prope mucronatam cartilagine, quoniam illinc abit vena a mammariis internis descendens, quæ diligenter servandæ sunt. Id etiam faciendum in parte inferiore, sed hic magis conspicuæ sunt. In his musculis separandis observabis illas inscriptiones non esse in parte interiore illorum, sed in parte exteriori solum, sc. ubi tendines musculorum oblique descendendum ipsos tegunt. In his postea perquires anastomosis venarum superiorum cum inferioribus, quam aliquando facile, aliquando difficulter, imo interdum plane non invenies, ob summam vasorum tenuitatem.

Tandem prope ossa pubis in fine rectorum aliquando videbis *quintum par* musculorum, quod *pyramidale* dicitur. Aliquando tantum unicum musculum reperies, aliquando etiam nullum, in quo casu observabis rectos latiores esse prope ipsa ossa. Hoc quintum par a lateribus & a se invicem liberabis, ita ut appensum maneat in parte superiori lineæ albe in inferiore osse pubis.

PRÆPARATIO III.

DE

EXTRACTIONE VENTRICULI,
INTESTINORUM, OMENTI,
MESENTERII, HEPATIS, VESIC.

FELLIS, LIENIS & PANCREATIS.

INter difficiliores Anatomicorum administrationes hæc merito collocanda, ob difficultatem tum extrahendi partes, tum ipsas præparandi; propterea summa diligentia requiritur opusque ordine sequenti aggrediendum.

Dissecto *peritonæo* in 4. partes, ut supra in exterioribus integumentis factum est, *venam umbilicalem* a *peritonæo* separabis usque ad epa. Deinde *omentum* ab intestino colo, fundo ventriculi, liene & pancreate.

Postea *intestinum rectum* a suo ligamento separabis inferius, quantum fieri possit, idque duplici ligatura ligabis & inter utramque secabis eiusque separationem versus superiora prosequeris, observando intestinum colon in fine, antequam rectum evadit, flexum facere ad superiora, quo aliquando ad lienem, aut saltem ad renem sinistram pervenit, aliquando non. Hoc *colon* separabis versus superiora a rene sinistro, a liene, a fundo ventriculi, ab epate & a rene dextro, usque ad os ileum dextrum, ubi desinit.

Tum *tenuia intestina* separabis a mesenterio, usquedum videbis *Pancreas* annexum, ubi facta duplici ligatura, ut inferius in intestino recto factum, illa abscindes, & sic intestina omnia extrahes.

Intestina postquam ab excrementis liberata & expurgata (**) fuerint, supra tabulam eo ordine extendas, quem in Veslingii syntagma re observare licet. Sed prius particulam ipsorum abscindas, in qua tunicas demonstrabis, facta externa tantum separatione, quoniam alia ex se manifesta sunt, secta per longitudinem ipsius particula.

Postea finem ilei & principium coli ligabis, interstitium inter utramque ligaturam per longitudinem versus *cæcum* secabis, ut ibi *valvulam* existentem, quæ excrementa ex crassissimis intestinis ad tenuia regurgitare prohibet, ostendere possis.

Tandem intestina, ligatis extremis, inflata relinques. Inflatio autem fit per follem, tum in superiori, tum in inferiore parte.

Postea oportet *Mesenterium* separare, sed prius partem illam, quæ rectum & colon in parte sinistra alligat, secare opus est, incipiendo ubi rectum secasti. Quo in loco observabis hæmorrhoidalem venam ad rectum protensam, quam illasam cum mesenterio separabis, & cum ad superiora provenies, ubi os sacrum desinit lateraliter, observa, ne aut *vasa spermatica*, aut *ureteres* lædas, quod in cadavere non valde obeso facili negotio evitabis.

His conservatis ad superiora procedas: sed cum ad lumborum vertebrae pervenies, observabis *arteriam mesentericam inferiorem* ad hanc partem protensam, quam a trunco separabis, & sic caute adscendes.

Postea *ventriculi orificium* superius investigabis, diligenter incides & separabis digitis a diaphragmate, altiusque, quantum fieri potest, ligabis, uti & postmodum secabis.

Deinde *Lienem* a Diaphragmate separabis & a rene: ubi caute incides atrenteque observabis, ne renem succenturiatum simul extrahas. Pariter observabis principium vasorum spermaticorum ex utraque parte. Deinde radicem mesenterii separabis, ubi observabis duas insignes *arterias*, quarum superior *cæliaca*, inferior autem *mesenterica* superior dicitur. Has a trunco separabis.

Deinde *hepar* a diaphragmate separabis, cui adhæret per *ligamentum latum* & sæpe etiam per multa filamenta, quæ digitis franges.

Postea *venam cavam* supra Epā prope diaphragma & sub ipso secabis, ne venam ad renem succenturiatum dextrum protensam lædas. Altam enim habet originem: quare adhibita diligentia truncum secabis statim sub ipso hepate, & sic omnia junctim extrahes; quæ a sanguine purgabis ac supra tabulam, eo ordine quo in corpore posita sunt, extendes & si quid erit in ventriculo, illud extrahes.

Circa *superius ventriculi orificium* nervos perquires, quos facili negotio invenies, si altam fecisti sectionem. Hos inventos filis ligabis eorumque divaricationem circa ventriculum

(A) 3

sepa-

(**) Fit hoc per tenuia, vel per infundibulum, vel per syringam majorem aquam sæpius infundendo & in recto exprimendo.

separabis diligenter : ubi observabis ramum insignem a sinistro ad hepar tendere, quem diligenter filo ligatum asservabis.

Postea *venas & arterias ad ipsum ventriculum* tendentes pervestigabis & primo a sinistro ramos ad ipsum tendentes tres aut quatuor in membrana, quæ a ventriculo ad lienem exportrigitur, facili negotio invenies : quos diligenter tum versus ventriculum, tum versus eorum originem a circumfusiis membranis diligenter separabis.

Horum vasorum primum (id vero illud, quod magis propinquum orificio superiori ventriculi) *vas breve* dicitur : Alterum & tertium sunt *gastrica minores* dictæ.

Hæc vasa licet simplicia appareant, revera tamen sunt vena & arteria, quas a se invicem separabis.

Versus fundum ventriculi videbis *venam & arteriam*, ab his iisdem splenicis ortam : quæ vasa & ventriculo & omento ramos porrigunt & dicuntur *gastro-epiploica sinistra*.

Hæc diligenter separabis & videbis ferè semper ea extendi versus partem dextram ventriculi & jungi cum *gastro-epiploicis dextris*. Hic, si diligentia uteris, nullum erit negotium.

Postea a dextris principium venæ & arteriæ gastro epiploicæ dextræ invenies; ubi observa-

bis hanc a ramo coeliaco, illam a mesenterico ortum trahere.

Abhinc ad superiora ventriculi Te conver-
tas, ut gastricas dextras & sinistras reperi-
as; nec circa sinistras multa erit difficultas, quo-
niam, si circa suas membranas separabis, va-
sa apparebunt, eorumque trunco invento ver-
sus originem progredieris, & videbis venam
oriri a ramo splenico, aut prope ipsius exor-
tum : arteriam a ramo coeliaco. In separa-
tione tamen horum vasorum per superiorem
partem disseminatorum diligentiam adhibe, ne
nervos huc tendentes feces, & progredere ver-
sus orificium inferius, ubi gastricas dextras re-
perire opus erit. Nec de arteria erit difficul-
tas, sed de vena semper erit maxima : aliquan-
do ipsam non invenies, sed loco ipsius vide-
bis sinistram usque ad pylorum extensam ac
pyloricæ annexam : aliquando ipsam inve-
nies sine multo labore, quem etiam mino-
rem habebis, si a venæ portræ trunco incipies
inquisitionem : sed caute incedendum erit ob
multa servanda circa hepar.

His ita præparatis *Tunicas in ventriculo* sepa-
rabis, facta sectione angulari hoc modo A.
Postea separata ima tunica sectionem facies,
quæ ad cavitatem ipsius pertingat, ut mediam
& intimam tunicam ostendere possis.

PRÆPARATIO IV.

DE

HEPATE, LIENE, PANCREATE, MESENTERIO & VESICULA FELLEA.

IN hac 4. præparatione multa sunt facien-
da, pauca autem scribenda, quum, dum
agitur de vasis, pauca scribi possint. Ut
autem opus tuum peragere valeas, *ventricu-
lum & omentum* ex toto separabis & abjicies.

Postea *Pancreas* a subjectis membranis va-
riisque circumfusiis liberabis : ubi observabis
nervulos & arterias ad illud porrectas; appen-
sum tamen intestino duodeno relinques, quo-
niam cum auferis ventriculum, ut portionem
intestini illam, quam Pancreati appensam re-
liquisti, conserves, statim infra ventriculum se-
care oportet.

Pancreate separato *venam & arteriam ad
Lienem tendentes* diligenter purgabis, sed pro-
pe arteriam investigabis nervulos ad Lienem
disseminatos. Exiles cum sint, filo ligabis &
asservabis. Vasa hæc, præcipue prope Lienem,
diligenter purgabis.

Deinde *nervum*, quem a Ventriculo ad
epar tendere supra observasti & filo alligasti,

separabis usque ad ipsum epar, ad quod prope
venæ cavæ truncum adhuc alius nervus ten-
dit, quem in detectione trunci reperi-
es & sta-
tim ostendere poteris.

Sed cum devenies ad *mesenterium*, obser-
vabis arteriam mesentericam superiorem, cu-
jus truncum filo ligabis. Postea ejus ramifi-
cationem & pariter venæ per mesenterium de-
teges : ubi observabis, ut ipsas ostendere pos-
sis. Servabis etiam aliquam portionem mem-
branæ superioris & inferioris ipsius mesenterii.

In detectione *vena mesenterica*, aut splenicæ,
invenies ortum *hemorrhoidalis*, quam serva-
bis & separabis usque ad extremitatem, abji-
ciendo illam portionem, quæ versus renem
sinistrum disseminabatur ad intestinum colon,
simul cum ligamento, relinquendo tamen por-
tionem, ubi rectum continebatur.

Postea *ductum biliarium* purgabis, tum ad ve-
sicam felleam, tum ad epar : sed observabis
prope ipsam arteriam a coeliaco ramo usque
ad

ad epar distributam, quam diligenter separabis, & cum prope vesicam felleam id facies, observabis ramulum seu nervulum exilem huc protensum.

Venas cysticas aliquando inveniens ad truncum ulque separare poteris.

Arteriam autem celiacam videbis statim in 2. dividi & propagari in utrumque latus ipsius epatis.

Observabis postea aliam arteriam ad ipsum epar tendentem, à ramo cœliaco & aliquando à mesenterio ortam, quam etiam purgabis.

In purgatione *vena portæ* observabis prope truncum multa filamenta seu multos ductus, aliquando manifestissime apertos, intra quos etiam stylum admittere poteris, tum præterea nervulum à plexu sexti paris donatum.

His ita peractis caute secabis secundum

longitudinem *Pancreas* ea parte, qua vasa respiciebat ipsisque adhærebat, usquedum ductum ipsius detexeris: quo detecto facili negotio eum per totam longitudinem pancreatis reperiēs. Cautè tamen progredere, ubi intestino adhæret, ut *insertionem* inveniās, observando quoque ductum biliarium, ne illum seces.

Ductus hic Pancreatis fere semper in idem foramen cum choledochō sese aperit; quod ut clarè ostendere possis, intestinum secabis secundum longitudinem.

Tandem membranas lienis, epatis & externam vesicæ felleæ separabis eo modo, quem in ventriculo docui. Poteris etiam detegere aliquas *ramificationes venæ cavæ* per superiora hepatis: item *vena portæ*, præcipue duos ramos priores & etiam insertionem umbilicalis.

PRÆPARATIO V.

DE

RENIBVS, VRETERIBVS, VESICA & VASIS SPERMATICIS.

Hæc omnia prius è corpore sunt simul extrahenda & postmodum supra tabulam expurganda.

In extractione primo *vasa spermatica* elevanda sunt à partibus inferioribus, ubi sc. abdomen egrediuntur, procedendo versus superiora, usque ad ipsum ortum. Observabis tamen in parte inferiori *vasa deferentia*, ne ipsa seces, quoniam, cum alta sint, facile secari possunt cum membranis. Cum id feceris, *ureteres* liberabis à vesica versus renes, postea *renes* ipsos ex utraque parte, bene observando *renes succenturiatos*, ne ipsos lædas, & cum ad arteriæ truncum deveneris, ipsum secabis ubi intra productiones diaphragmatis descendit.

Postea utrumque truncum, *venæ* sc. & *arteriæ*, versus inferiora separabis, & postquam invenies *divisionem rami iliaci* in internum & externum, ibi secabis, ita ut divisionem hanc habeas.

Postea *scrotum* divides per medium & utrumque *testem* cum suis involucris versus superiora separabis observabisque, ubi ex abdomine exeunt *vasa spermatica*, prope os ileum carnosum corpusculum, musculum *cremasterem* vocatum: quod diligenter simul elevabis. Postea *vasa deferentia* separabis versus vesicam: Sed cum prope ipsam illa deduxeris, tum ab ossibus pubis vesicam, & à sacro intestini recti portionem, quam in extractione intestinorum reliquisti, separabis, quod manibus & sine ope cultri præstare poteris.

Postea diductis cruribus *penem* ab ossibus pubis separabis, ad cujus latera videbis arterias, venas & nervos per superiorem partem ipsius tendentes, quos secabis, sed observabis *musculos erectores*, quos prope os diligenter separabis secundum totam longitudinem ipsorum, simul etiam elevabis intestinum rectum, secando circa ipsum ad latitudinem 2. digitorum, cavendo, ne quid laceres; id autem præstabis & interius & exterius, sc. in cavitate ossium. Deinde ex toto liberabis, & sic omnia extrahes, ac supra tabulam extends, eò modò, quo in corpore disposita sunt.

Postea *intestinum rectum* separare poteris, in quo nulla erit difficultas, nisi in parte externa, ubi muscoli sunt, circa quod observabis, ut ipsi suos *levatores, erectores penis & dilatatores urethræ* relinquant. In cæteris nulum erit periculum.

Hoc intestino separato ad superiora te convertas & *adiposam membranam à renibus* separabis: aut, si placuerit, in uno latere vasis suis junctam relinques. Videbis enim ab *emulgentibus* huc porrigi venas & arterias.

Observabis tamen in parte renum superiori & inferiori, ne separando membranam adiposam simul auferas renem succenturiatum. Hanc membranâ remotâ separabis *renes succenturiatos*, observando, ut ipsis sua vasa relinquant. In dextro venas à trunco *venæ cavæ*, in sinistro à *vena emulgente* eas oriri.

oriri clarè videbis. Arterias autem aliquando à trunco, aliquando ab emulgentibus ortas reperiēs, quas etiam adeò subtiles multoties invenies, ut labor sit eas posse servare.

Quibus separatis *vasa emulgentia* & truncos usque ad eorum divisionem dissectos purgabis, observando prope arterias emulgentes nervos ad renes distributos & etiam principia vasorum spermaticorum.

Postremò *principium ureterum* prope renes à circumfusa pinguedine liberabis, ipsosque ureteres ad eorum usque insertionem expurgabis; sed cum prope vesicam devenies,

observabis *vasa deferentia*, quæ prope ipsos ureteres transeunt.

Postea *vesicam* expurgabis, relinquens ipsi annexam aliquam portionem in parte posteriori membranæ externæ. In inferiori parte prope collum observabis diligenter *capsulas feminales*, tum *glandulas*, quas *adenoides* nominant: quæ omnia à circumfusiis membranis diligenter purgabis & tandem *musculos erectores penis* separabis parumper & ab invicem *dilatatores urethræ*. Et sic omnia habebis præparata, pro 5. præparatorum demonstratione.

PRÆPARATIO VI.

DE

PENIS & TESTIUM ANATOME.

Hic non multum erit laborandum, si antecedentia rectè observaveris.

Penem primo excoriabis benè & diligenter, relicta solum aliqua portione cutis in extremitate ipsius, ut *praputium* ostendere possis.

Deinde *vasa* per ipsum excurrentia investigabis, eaque in parte superiori, & erunt venæ duæ, totidem arteriæ & pariter nervi: quæ omnia separabis usque ad aliquot divaricationes.

Postea *urethram* nonnihil separabis à lateribus, ita ut divisa à *spongiosis corporibus* videri possit; & tandem corpora ipsa secundum longitudinem secabis diligenter. Deinde arteriam prope ipsum excurrentem videas, quæ sanè observabilis est.

Ad *testes* postea redibis, circa quos primò externa integumenta separabis, in quibus rarò pinguedinem invenies. Acute separabis membranam carnosam, quæ *dartos* dicitur. Postea ubi *vasa* è corpore egrediebantur, observabis expansionem musculosam, quæ musculus cremasterem constituit. Hunc separabis à contentis vasis & descen-

de versus testes: videbis ipsum definere in *membranam vaginalem*, quæ testes involvit, quamque simul liberabis &, si diligentiam adhibere placet, rubicundam tantum huius membranæ partem separabis, alteram verò subjectam tenuiorem, quam *nerveam* vocant, supra testes relinques & postea secabis.

Circa ipsos testes observabis *vasa variciformia* dicta, quæ principium deferentibus præbent, à circumfusiis membranulis & aliquantisper ab ipsis testibus separanda, ut videri possint.

Epididymes ipsas in medio ipsarum aliquantisper separabis & tandem *tunicam albugineam* dictam, quæ immediate testium substantiam involvit, more consueto separabis.

Hic aliquid dicendum esset circa separationem *vasorum spermaticorum præparantium*, & præcipuè *pyramidalium*; sed cum describi non possit, omittendum censeo. Si placuerit tamen, poteris ipsa ab invicem separare, quousque possibile. In qua separatione observabis miscellam horum vasorum adeò intricatam, ut oculus defatigatus ipsam dimittat.

PRÆPARATIO VII.

DE

PARTIBUS GENERATIONI INSERTIVENTIBUS IN FŒMINIS.

Circa renes succenturiatos, truncum venæ cavæ & arteriæ magnæ, nec non principium vasorum spermaticorum ureterumque progressum, nulla est differentia ab iis, quæ in Viro dicta fuere.

His itaque separatis, prout in viro factum fuit, ad inferiora descendes, ubi primum observabis *ligamenta rotunda* dicta, quæ ab utero ad ossa pubis exporriguntur. Hæc statim separabis versus uterum, sed observabis, ut longior-

longiora quantum fieri possit, seces. Tandem prope ossa, ubi in membranam dilatantur. Postea crura diduces & *pudendum muliebres* separabis, ut in pene fecisti: sed observabis, loco musculorum penem erigentium, duos pusillos musculos, aut 3. *pusilla corpora* exilissima & quandoque instar venularum, continuationes q̄. ligamentorum rotundorum. Hæc ab eodem loco & eodem modo, uti penis erectores separati fuerunt, educenda sunt: differunt enim sola magnitudine.

Deinde vesicam ab ossibus pubis, uterum & intestinum rectum separabis in partibus internis, prope ossa, ut in viro fecisti. At si vasa hypogastrica secare velles, opus erit in sectione truncorum descendendum, cavæ sc. & arteriæ magnæ, ut iliacum ramum internum utrumque serves, cum ab iis oriatur. In cæteris idem facies, ac in Viris.

Hæc cum è corpore eduxeris, lavabis parum, posteaque supra tabulam extends renes, renes succenturiatos, truncos venæ & arteriæ magnæ, ureteres, vesicam, principia vasorum spermaticorum, eo modo, quo in virò separasti, hic quoque perficies. Intestinum item rectum pari modo separabis: quod & minore labore facies, cum propter suos musculos nihil aliud servandum sit.

Ad testes postea Te convertas, circa quos totam expansionem membranofam, circa

ipsos exporrectam, separabis, relicta tamen ea quæ inter ipsos & tubas existit, quæ *ligamentum latum* utriusque lateris uteri constituit. Hic, si placuerit, minori cum difficultate *vena & arteria spermatica anastomosis* pervestigabis, in quibus observabis venas & arterias ad uterum in parte superiori disseminatas conjungi cum inferioribus ab hypogastricis & præcipue arteriam.

De venis & arteriis, ab hypogastricis hinc diffusis, vix habeo quod dicam, cum hæc cultrum diligentem requirant, ob incredibilem earum divaricationem, circa quam tamen experieris diligentiam.

Uteri vaginam purgabis & postea ad *Clitoridem* devenies, Hanc observabis in parte superiori sub cute, circa quam nullam habebis difficultatem, si ea, quæ in extractione ipsius dicta fuerunt, diligenter observaveris.

Inventis enim cruribus, facile etiam ipsa reperitur. Hanc separabis, ut commode videri possit, quam aliquando observabilem, aliquando exiguæ molis reperies.

Tandem si quid erit circa labia superfluum, id abscindes, & præcipue pinguedinem, quæ ipsis substrata esse solet. Ligamenta rotunda, nisi ad uterum deduxeris, deduces, ac ultimo loco tunicam communem uteri, more solito, secabis.

PRÆPARATIO VIII.

DE

FŒTUS HUMANI ANATOME.

Licet in fœtu pauca sint quæ demonstrantur in Anatome, attamen ne mutila videatur hæc introductio & de ipso quædam subjicienda sunt.

Fœtus quem præ manibus habes, vel cum *secundinis* paritur, vel fractæ erunt, vel non. Si fractæ, circa illas nihil aliud erit agendum, nisi ut duplicitatem earum ostendas, quarum interna subtilior, externa densior erit. Sin autem integræ, illas in parte anteriori secabis & *placenta* appensæ relinques. Deinde *vasa umbilicalia* prope ipsam placentam ab invicem parum separabis, extracto ipsorum velamento aut involucre, intra quod continebantur. Hæc parum etiam per placentam separare poteris, ut coram divaricatio appareat.

Postea ad fœtum Te convertas, quia si membranis carebit, Tibi quoque hujus laboris occasionem adimet.

In fœtu autem oportet sectionem facere ab umbilico ad lumbos, utrinque ad cavita-

tem abdominis, ut *arteriam & venam umbilicalem* cum *uracho* videas; quibus vasis conservatis omnia integumenta & musculos etiam à mucronata cartilagine ad ossa pubis usque secabis, relicto umbilico, & hæc omnia diduces, ut viscera conspici possint. Deinde arterias umbilicales ab invicem & *uracho* separabis easque diduces. Postea intestina crassa à lateribus separabis, ut *renes succenturiati* & veri videri possint: circa quos observanda observabis.

Postea diligenter diaphragma secabis prope costarum cartilagines, ut pulmões & cor extrahere possis, quod præstabis elevando sternum unco & dissecto pericardio prope diaphragma. Deinde apprehendes aut unco aut digito manus sinistræ pulmões & cor, & omnia versus inferiora trahes. Deinde secabis cultro vasa prope jugulum altius, quantum fieri potest, ut cor & *thymum* habeas. Arteriam pariter & venam cavam cum oesophago prope diaphragma secabis

& deinde cor & pulmones extrahes. Circa quæ primo extrahendum *corpus, thymus* dictum, quod in vasorum divaricationibus in superiore parte observabis, sed hoc nullius erit monenti. Postea observa arteriæ magnæ truncum, ubi flectitur versus inferiora, & ab ipso in venam arteriosam videbis exporrigi *tubulum* brevem quidem sed conspicuum, quem diligenter observabis & separabis: est enim *anastomosis per canaliculum* dictum inter aortam & venam arteriosam. Vt verò vasa recte conspiciantur reliquias pericardii &

arteriæ magnæ superfluitatem demes & extirpabis.

Tandem venæ cavæ truncum secabis secundum longitudinem, quo diducto à sinistris videbis anastomolim inter venam cavam & arteriam venosam per *foramen ovale*.

Si foetus in lucem editus non fuerit, poteris observare *substantiam pulmonum*; & hæc de foetu sufficiant.

Si quis plura desideret, consulere poterit *Gualterum Nodham*, Anglum, in *Embryotomia Comparata*, Tr. ejus de Formato foetu subjecta.

PRÆPARATIO IX.

DE

PARTIBUS CONTINENTIBUS IN THORACE.

IN Thorace primum sunt separanda quatuor externa integumenta, non sicut in abdomine, quia jamdum eadem demonstravimus: sed junctim ea detrahes hocque præ aliis facta sectione in medio pectoris, secundum totam ejus longitudinem. Deinde supra clavicula transversim usque ad processum spinatum scapulæ: hancque sectionem ulterius protrahes secundum longitudinem brachii, usque ad medium ipsius. Postea omnia integumenta junctim separabis, ita ut superius claviculas detegas, à lateribus autem totum musculus serratum majorem & brachium in parte interna, usque quo sectionem fecisti, habeas.

His peractis ad musculos devenies primo, in pectoris regione reperies duos amplissimos musculos totumque pectus fermè tegentes, quos *Pectorales* vocamus. Hos separabis circum circa levi negotio; ubi cavendum tamen ne secum subjectos musculos serratos minores eleves: præterea ne deltoidem laceres, quum continua illorum corpora videantur: ea tamen distingues beneficio venæ cephalicæ, quæ inter utrumque excurrit; hos diduces usque ad insertionem suam in scapulæ processum anchyroidem.

Abhinc *serratos majores* separabis, ut ipsos aliquo modo ostendere possis, quoniam propter insertionem ostendere non poteris, cum in scapulæ basin ferantur.

Quibus separatis ad *subclavios* adscendas, quos observabis sub claviculis latentes. Itaque expediet claviculas elevare, caute tamen, ne ipsos ladas. Hoc evitabis, si prope os ipsam separationem facies; musculos postea circum circa separabis, relinquendo ipsos appendentes costis & superioribus claviculis.

His omnibus expeditis ad *intercostales* tandem devenies; quorum aliquot separabis. Hos à margine inferiore costæ inferioris dedu-

cas, sed difficultas erit ne lacerentur subjecti, sc. interni, quod evitabis, si cuspide cultri primo facies levem sectionem secundum longitudinem costæ, ubi adhæret. Deinde musculus externum incipies elevare, ubi cessat, quod observabis, ubi costæ cartilaginibus sterni alligantur, observando fibrarum ductum, quoniam decussatim incedunt; sed si aliquam portionem recte separabis, postea sine labore totum separare poteris.

Quibus omnibus separatis *Sternum* removebis, secundo cartilagines, ubi costæ junguntur. Postea in parte inferiore & internâ separabis *Diaphragma*, idque sine omni difficultate, attamen diligenter. Abhinc *mediastinum* à sterno separa, illud prope hoc secando, ut integumentum relinquant.

Sterno ablato ad *Diaphragma* devenies, cujus nervos videbis à partibus superioribus ad ipsum ferri, quos videbis descendere supra pericardium in latere sinistro magis conspicuos, in dextro latere paulo depressius: hos secabis superius, ut deducas ad *diaphragma* usque. Postea hoc circum circa à lumbis & costis separabis, sed cum ad vertebra devenies, observabis ipsum extendi in duo corpora carnosa, rotunda versus inferiora, & tandem in tendines crassos, quos diligenter separabis. Ultimo loco ipsum à pericardio liberabis: ubi diligentia opus & patientia, ob arctam inter se connexionem.

Hoc separato *pleuram* prope vertebra secundum longitudinem secabis leviter & manibus à subjectis costis separabis, ut ipsam ostendere valeas.

Postremo *diaphragma* extends supra tabulam & in ipso *venas* proprias separabis, quas duplices invenies, à trunco sc. venæ cavæ, dum ipsum perforat, duos videbis & totidem à *Mediaestino*. Cum nervis descendentes *arterias* invenies in medio ipsius, ubi trunco descen-

denti

denti foramen præbet. Tandem membranas superius & inferius more solito separabis, hoc unum tamen observando, ut supra tabulam ponas inferiorem ejus partem, ut pars

quæ pectus respicit videatur, ob nervos ad ipsum delatos. Ultimo loco *membranas* illas, quas sub sternò separasti, ab invicem separabis, ut *duplicatura* conspiciatur.

PRÆPARATIO X.

DE

CORDE & PULMONIBUS

AD hæc extrahenda levis requiritur labor. Nam si superiora recte præstiteris, satis erit vasa omnia in confinio thoracis & colli secare, deinde junctim prope vertebrae lumborum omnia separare, relinquendo tamen *venam azygos*, ut eam ostendere possis; quæ postquam extraxeris supra tabulam expones & parum ablues, si opus fuerit: frequenter enim à sanguine conspurcantur.

Tunc in parte posteriori gulæ portionem videbis, quam separabis & abjicies. Observabis postea in parte posteriori superius prope asperam arteriam duos truncos nervorum, qui à sexto pari propagantur: hos diligenter separabis versus pulmones, observando attente eorum divaricationem seu ramificationem; nam ex his unam observabis ad basin cordis ferri, quam facilius invenies, si infra arteriæ magnæ truncum, ex corde exeuntem, & venam arteriosam perquires & postea adscendendo ad ortum suum deduces. Alterum deinde & aliquando etiam duas invenies ad pericardium, in parte superiori: nam in inferiori, si diligentiam adhibueris, videbis à phrenicis propagari aliquos ramulos.

Postea circumfusas membranas & minutas glandulas circa asperæ arteriæ divaricationem & truncum auferes, & superfluam longitudinem arteriæ aortæ & venæ cavæ ascendentis obtruncabis; deinde vasa ad pulmones tendentia à circumfuso pericardio liberabis, ut ea ostendere valeas, quæ filo alliga-

bis utrinque. Tandem membranam pulmonum, more solito, separabis, & si placuerit, etiam cordis, elevato ex una parte pericardio. Potes etiam *vasa cor irrigantia*, venam sc. & arteriam coronariam, aliquantisper separare, sed satis ex se patent. NB. Si ventriculos monstrare placet, omnia vasa à pulmonibus liberabis & ramificationes abscindes. Deinde ne valvulas tum in vasis, tum in ventriculis existentes lædas, ita progredere:

1. Quære *venam cavam*, quam ex magnitudine & substantia tenuitate bene cognosces: & immitte digitum, quo pervenias in *dextrum ventriculum*, quem una cum vena secundum longitudinem secabis: ubi reperies *valvulas*, regressum sanguinis in venam cavam impediennes. 2. Hoc aperto ventriculo, in eodem explores indice *venam arteriosam*, qua reperta digitum tuum extrahe. Postea ubi venam prius abscidisti, cultro per longitudinem illam divide in 2. partes, perge eousque dum *valvulas* regressum sanguinis in dextrum cordis ventriculum prohibentes inveneris. 3. Si *sinistrum cordis ventriculum* reperire & considerare desideras, digitum in arteriam venosam, ut in venâ cavâ fecisti, immitte, quam una cum ventriculo supra digitum dissecas: ubi *valvulas* videbis spectantes in cor & prohibentes sanguinem regurgitare in pulmones. 4. Ultimo *arteriam aortam* eodem modo aperias, quem supra in venâ arteriosa docui. Tunc enim facili negotio potes etiam monstrare *valvulas* sanguinis recursum in sinistru cordis ventriculum obstantes.

PRÆPARATIO XI.

DE

MUSCULIS LARINGIS & LINGUIS.

NE musculorum multitudo confundat, ordo hic servandus: 1. Lineam ducas à mento ad extremum colli, eâ profunditate, ut possis cutim cum subjecta membrana carnosa secare: qua perfecta angulum cutis, qui collum cum sternò conjunctum occupat, unguibus elevabis & cum subjecta membrana carnosa ab aliis partibus separabis, ascendendo versus superiora: in qua separa-

tione non erit magna difficultas, hoc unicum observando, ne membrana carnosa, quam cum cute elevabis, secetur.

Hæc itaque juncta simul separabis, tandem, donec marginem mandibulæ detegas & versus posteriora processum mastoideum. Deinde *Musculum mastoideum* separabis à suo principio, quod à sternò habet, versus suam insertionem in procellum mastoideum. In

hoc musculo separando observabis musculum *coracobyoideum*, qui transverse sub ipso progreditur, idque circa medium ipsius. Hunc itaque mastoideum musculum separabis usque ad processum antea dictum. Mox ad 2. *paria musculorum*, quæ à *sterno criuntur*, te convertes. Horum *primum* à *sterno* ortum recta versus superiora progreditur & in os hyoides dictum definit. In hoc pari separando cavendum, ne subiectum simul elevas, quod fit levi negotio.

Primo pari separato *secundum par* separabis eodem ordine, in quo nulla difficultas: ab eodem enim principio suo, quod ab angulo superiore scapulæ trahunt, primo separabis & sic versus superiora progredieris, donec ad os hyoides pervenies, in quod desinunt.

Postea glandulas, quas prope mastoideum processum & sub mandibula conspicias, extrahes: pariter *venas jugulares* & *arterias carotides*, quas à lateribus recta adscendentes videbis, ubi nullum erit negotium.

Hic tibi observandum erit *septimum nervorum par*, quod ad linguam fertur: in quo separando observabis unum & aliquando 2. ramulos ferri ad musculos cartilaginis thyroideæ & aretonoideæ: ex quo patebit eos non tantum à recurrentibus suos nervos recipere.

His ablatis ad *musculos digastricos* Te convertas. Hos videbis à processu mastoideo carnosò principiò oriri, deinde tendinosos fieri & versus superiora progredi, & iterum carnosos factos in mentum inferi. Has itaque à suo principio liberabis: ubi cautè cultro uteris, ne subiectos musculos feces. Deinde versus superiora progrediens circa partem tendinosam non rarò observabis ipsum perforare musculum teretem, quem *Styloceratohyoideum* vocant; quod sic fiet: oportebit eum circumcirca parum dilatare, ut carnosum corpus musculi tui per ipsum traducere & tandem ipsum ad menti partem anteriorem deducere possis. Quod si illa præparatio non aderit, ut sæpe fit, minori negotio tuum opus perficies. Deinde ad latera superiora Te convertas, ubi procul à prædicto processu mastoideo versus anteriora & interiora digitis explorabis *processum styloidem* dictum, à quo 3. *musculos* oriri videbis in utroque latere. Horum *primus*, qui cæteris longior & potentior est, ab ipso processu exortus, versus anteriora progreditur & in os hyoides inferitur.

Quare separato principio (cautè tamen, ne subiectos alios duos ladas) ipsum ad os hyoides usque deduces.

Alter qui medius est, ab eodem prin-

cipio natus in linguam protenditur & styloglossus dicitur. Hunc eodem ordine separabis, à principio sc. ad insertionem usque.

Idem erit de *tertio*, qui in pharyngem implantatur. In quibus musculis separandis te moneo, ne minus curiosus sis in cadavere, ubi aliæ partes facile lædi possunt, de illorum insertionem, cum ipsos post extractionem multo tutius & exactissime præparare queas.

His musculis separatis in parte superiore prope mandibulam nervum conspicias, qui à partibus superioribus ortus & prope os mandibulæ descendens in linguam implantatur. Hunc versus suum principium separabis & linguæ insertum relinques: est enim propago 4. paris ad linguam destinata.

Postea ad *mentum* Te convertas, à quo *tria musculorum paria* oriri conspicias.

Horum *primum* cæteris evidentius est & latius ossi hyodi destinatur, quod ab ipso mento separabis: in quo nulla alia difficultas, nisi quod simul possit facili negotio auferri secundum par: quod si fieret, non nullius momenti error est. Id autem cognosces ex fibrarum progressu; nam fibræ primi paris oblique nonnihil incedunt, istius verò recta in os ipsum, cui etiam destinatum est.

Quod si factum fuerit, ab ipso primo hoc *secundum* separabis. Si autem non à mento id facies, nulla est difficultas.

Postea *tertium* par separabis à mento ipso idque haud difficulter.

His sic peractis à parte interiore adversus sternum asperam arteriam & oesophagum à subiectis omnibus musculis & vertebis liberabis, versus superiora adscendens; deinde ad caput ipsum devenies.

Postmodum hæc omnia ad unum latus, sive dextrum, sive sinistrum convertes & prope *pterygoideos processus tria paria musculorum* investigabis.

Horum *primum* oritur ab interno latere ipsorum processuum & in gulam fertur, quod statim sub oculis habebis: ipsum igitur à suo principio liberabis,

Abhinc ad *aliud* par magis absconditum te convertes investigandum, quod oritur in extremitate illius situs, qui inter unum vel alterum processum pterygoideum efficitur, ubi carnem respicit. Hoc autem satis feliciter deteges, si secundum longitudinem musculi pterygoidei interni dicti cultrum demittas: Videbis enim musculum perquirendum transversim ascendere circa principium dicti pterygoidei & versus acutum illum processum, qui in extremitate palati positus est, tendinosum



fig: i




fig: ii




fig: iii



fig: v.



fig: iv.



dinosum fieri, flexuque facto versus gargareonem ferri. Quare illo recte detecto separationem aggredieris, instituendo sectiones ex utraque parte ipsius musculi, secundum ipsius longitudinem. Tutius enim est sectionem facere à parte tendinosa versus principium, quanto profundius fieri poterit. Separato principio & portione carnosa, si tendinem levi negotio extrahere cupis, processum illum acutum, quem tendo iste conscendit, purges, dextre tamen, ne tendinem ladas. Quo facto sine multo negotio tum musculum separes prope exortum ilius.

Sed nonnihil interius conspicias musculum alterum teretem, quem secabis, quantum fieri potest, profundius, ut cartilagineum corpus ad principium ejus adhærens, secum educas.

His ex utraque parte separatis *Gargareonem* ipsam ab extremitatibus palati liberabis, instituendo sectionem prope ossa: Id facies de summa parte gulæ, quam prope caput secabis, sicque omnia conjuncta educes.

Ut autem omnia invicem separaretur & quot pari musculorum ad unamquamque partem ferantur & quænam illa sint, considerandum. Ego utor hoc ordine:

1. *Gargareonem* à cæteris partibus separo, cui 2. paria musculorum assignantur, eaque sunt, quæ ultimo loco separata fuerunt; quibus inventis eos simul cum ipso gargareone ex utraque parte libero: ubi observo tamen glandulas duas (***) quæ à lateribus ipsius positæ sunt easque statim separo & servo simul cum istis cartilaginibus, quæ ad principium requiruntur.

2. *Linguam* accipio, cui tria paria musculorum inferuntur: horum primum illud est, quod secundo loco à processu styloide separatum fuit & dicitur *styloglossum*, quod à lateribus est & satis patet. Secundum oritur à cornubus ossis hyoidis & in basin ipsius linguæ fertur, diciturque *ceratoglossum*. Hoc ab osse separandum est diligenter, ne musculi ipsius ossis lædantur, ascendendo versus linguam. Tertium in basi ipsius linguæ positum, quod nulla fere opera eget. Observabis postea 2. paria nervorum ad linguam ferri, quæ cum ipsa à cæteris paribus liberabis. Deinde sine multo negotio ipsos nervos postea à substantia tamdiu separabis, ut aliquæ divisiones conspici queant. Prope septimum nervorum par, illud sc. quod circa basin positum est, in parte anteriori, h. e. versus acumen linguæ, observabis *venas raninas*, quas separabis, ut videri possint. Deinde musculos *ceratoglossos* separabis ulterius, ut recte appareant; sub quibus observabis arterias ad linguam diffusas, quas itidem separabis, ut conspiciantur:

& tandem *musculos basioglossos* nonnihil separabis & sic eum dimittes.

3. Ego accipio *pharyngem* seu *Gulam* superiorem, cum ea œsophagi parte, quam in ventriculi separatione ipsi adhærentem reliqui. In hac sunt separandi musculi ipsius primo, deinde quia ad alias partes feruntur & præcipue ad thyroidem.

In parte igitur superiori, ubi capiti annectebatur unum par musculorum, videlicet *cephalopharyngaum*, separatio instituitur, quod operacultri faciendum: ibi autem rudis tantum delineatio conspicitur. Secundum par postea lateraliter nonnihil illud est, quod à processibus alaribus separasti, quod clare apparet & *Sphænopharyngaum* dicitur, sed à circumfusis membranis separandum est, ut melius videri possit. Tertium cæteris evidentius, licet teres sit, est illud, quod ultimo loco separatum fuit à processu styloide, quod optime videtur & *Stylopharyngaum* dicitur. Major difficultas in *Oesophago* est, à cartilagine thyroide separando, ubi caute procedendum, ne cæteri musculi lædantur: ductus tamen fibrarum secantem docet, & expedit œsophagum potius lādere, quam cæteros: hic enim propter magnitudinem suam levem sectionem floccificat: quæ omnia si recte præstentur, oesophagum affabre separatum dabunt.

4. *Os hyoides* separo, in quo separando observandum unum tantum par musculorum, quod ab ipso ortum in cartilagine thyroide fertur, quare ab ipso separandum & postea cum suis musculis erit extrahendum: circa quod nihil aliud præstandum, nisi quod musculi ab invicem separandi sint usque ad os ipsum, præcipue duo illa paria, quæ à mento separata fuerunt.

5. *Cartilagine thyroide* cum tribus musculorum paribus: quorum primum est secundum illud, quod à sterno jam separatum fuit & *sternothyroideum* dicitur. Secundum, quod ab osse hyoide separasti & *hyothyroideum* vocatur: & tertium quod à subiecta cartilagine cricoide separandum est, idque investigandum in parte anteriore, ubi arcte duæ cartilagines connectuntur satisque evidens est, licet breve. Separandum ergo à cricoide diligenter: facile enim læditur, ob summam tenuitatem. Dicitur *cricothyroideum*.

Hoc separato cartilagine separare oportet, caute tamen, ne musculi interni rumpantur vel lædantur: quod evitabitur, si nihil carnosum in parte interna thyroidis relinquatur. Cartilagine thyroide separata musculi ipsius inspiciendi sunt, num sc. ad insertionem suam usque separati fuerint nec ne? Si separati, nihil aliud relinquitur faciendum: Sin minus, separandi sunt & dimittendi.

(B)-3

6. Rema-

(***) Glandulæ hæ, *Amygdalæ* & *Tonsillæ* vocatæ, in medio habent rimam, quam Chirurghi inexperti sæpe pro ulcere habent, observante *Ruychio* in *Musæo Anat.* & *D. Widmanno* Disp. de *Tonsillis*. Vid. TAB. CIII. Fig. L

6. Remanent ultimo loco separandi musculi *cartilaginis arytanoidis*, cui septem musculi tribuuntur, tria, paria & unus sine socio. Primum par *cricoarythenoides* postici dictum, cæteris clarius, positum est in parte posteriore supra basin aut latiore partem cricoidis cartilaginis, quod facili negotio ab ipsa separatur ad insertionem usque. Inter utrumque hunc musculum in parte superiore supra cricoidem inter unam & alteram portionem cartilaginis arithænoidis, posita est carnosissima sub-

stantia, quæ septimum musculum, *arytanoides* dictum, constituit, qui a superiectis membranis liberandus est, ut conspici possit.

Tandem duo paria musculorum, unum quod antèrius positum & *thyroarytanoides* dicitur, & aliud ad latera *cricoarytanoides* vocatum, ab invicem separanda sunt, quorum dissectionem fibrarum ductus docebit; in quibus omnibus incredibili patientia, patientia, patientia opus est.

PRÆPARATIO XII.

DE

MUSCULIS DORSI & CAPUT MOVENTIBUS.

Concurrunt unà musculorum quantitas & qualitas in hac operatione ad augendam difficultatem, quæ certe inter difficiliores censi potest, ad quam imminuendam ordo præcipue conducit, qui talis erit:

Primo supra processus spinatos omnium vertebrarum, a capite ad podicem, duc lineam, ut omnia integumenta communia seces. Deinde transversales duas facies, unam in lumbis, alteram in collo ejusdem profunditatis. Postea integumenta communia junctim separabis, ita ut in superioribus caput detegas ad altitudinem summitatis aurium, & lateraliter prope radices illarum & totum collum detectum etiam habeas. Deinde humeros ad medium ipsorum etiam & in inferiore parte lumbos, portionem ossis sacri & marginem ossis ilei detegas.

Postea ad musculos devenies & primo separabis *musculum cucullarem* seu *trapezium* dictum, ducto principio ab inferiore parte ipsius, ascendendo versus superiora, ipsum separando a vertebrarum processibus spinatis.

Cum autem ad collum pervenies, observabis ipsum fieri nonnihil tendinosum prope spinas vertebrarum, deinde carnosum ascendere ad caput, ubi membranosis inseritur: sed vera insertio est in scapulæ superiorem partem, seu in processum spinatum: ad quem progrediendo observabis musculum fortiter adherere processui ipsi secundam totam longitudinem ejus, a quo aliquantisper liberabis & postea dimittes, relinquendo ipsum adherentem capiti & summo humero.

Postea *latissimos dorsi* dictos separabis, ducto initio ab eorum medio & transversim procedendo versus vertebrae: ubi difficultatem habebis circa ultimas thoracis & primas lumbo-

rum, quum ibi subiaceat *ferratus posticus*, qui facile a te simul extrahetur, nisi diligentiam adhibueris pariterque patientiam; ut taceam principium ipsius tendinosum, quod a spinis vertebrarum habet, firmiter annecti latissimæ membranosa productioni. Cum hunc separaveris, facili negotio deduces suam productionem membranosa ad os sacrum usque, cui adnexam relinques. Deinde versus humerum adscendens insertionem tui musculi deteges, cavendo, dum sub margine anguli inferioris scapulæ progredieris, ne *rotundum musculum majorem* laceres. Postea *ferratum majorem* separabis, a spinis vertebrarum ad costas deducendo, in quo nulla difficultas. Deinde ad superiora adscendas & primo *Rhomboideum* a spinis ad scapulæ basin deduces sine ullo negotio, cavendo tamen *ferratum minorem*, qui ipso suppositus est, ac statim separandus venit eodem ordine, quo major.

Postquam *Splenios* separabis, ducto initio a spinis & oblique adscendendo versus caput, observabis ipsos emittere tendines evidentes in processus transversales primæ colli vertebrae & tandem in mastoideum terminari, cui annexum relinques.

Sed major difficultas erit in *complexo*, circa quem diligentiam adhibebis, observando ejusdem longitudinem, qua aliquando ad medium thoracem descendit: ubi oportet diligenter progredi, ne lacerentur circumpositi, cujus principiis laceratis facili negotio ad caput diduces ejusque insertionem separabis ab occipitio, usque ad processum mastoideum, ut obliqui superiores conspici possint.

A scapula deinde anteriore parte videbis extendi musculum, qui ejusdem *Levator* dicitur. Hunc postea separabis, observando ipsam variis tendinibus infigi in naso & labio superiori

riori hunc *communem* dictum, ad cuius latus externum, i. e. versus aures, sed parum intimius ab eodem primo osse maxillæ superioris videbis exporrigi *musculum* pariter in ipsum labium, qui primum ipsius constituit. Hunc *musculum* aliquando tanta pinguedine circumfusum invenies, ut abesse credas. Ipsum itaque purgabis, ut appareat, annexum principio & fini (ut & alios superiores) relinquant. Postea ab eodem, sc. primo osse, ubi Zygoma constituit, videbis prodire *teretem musculum*, satis longum, qui oblique descendendo in idem labium inferitur. Hunc statim a circumfusa pinguedine liberabis, quem aliquando duplici principio præditum observabis. Deinde ab osse Zygomate videbis extendi *musculum* brevem quidem, sed carnosum, qui recta descendendo in maxillæ inferioris angulum valido fine figitur. Hunc a principio & parum a lateribus liberabis, ac fini annexum relinques, qui *Masseter* vocatur.

Ab huius insertionis latere anteriori videbis affurgere oblique nonnihil *musculum*, ac in labium inferius inferi. Hic *musculus* latior est ortu quam in insertionem, a lateribusque tantum separandus est & in medio a subiecto osse, ut elevati queat; & hic est *musculus labium deorsum deducens*.

In parte etiam anteriori menti obscuras quasdam lineas, observabis, recta adscendentes: ex quibus *musculus Depressor labiorum* constituitur.

Basiatorem seu *oris sphincterem* circumcirca separabis, ut circa oculum fecisti.

Postea inter utramque maxillam, ubi os insufflatione tumescit, observabis rotundum *musculum*, quem *Buccinatorem* vocant. Hunc ablata pinguedine, quæ circa ipsum esse solet, circumcirca separabis.

De *Digastrico* ad hanc ostensionem spectante nihil dico, quum separatus fuerit in separatione Laryngis.

Remanent adhuc 2. *Musculi pterygoidei* dicti, quorum unus *internus*, alter *externus* appellatur. Hos inverso capite videbis a processibus alaribus ossis sphenoidis in maxillam inferiorem exporrigi, quorum qui superior est ac in processum maxillæ inferioris obrusum, quem *Condylum* vocant, infigitur, *externus* est: Alter in eundem terminum, in quem *Masseter* defigebatur, implantatur, sed in parte interiori. Hos ab invicem separabis, ut distincte videri possint: quod facilius præstabis, si maxillam inferiorem in 2. partes divideris in medio menti, ac versus exteriora convertes, tunc enim clarius apparebunt.

Musculum quadratum maxillæ inferioris, qui *πλάτυσμα μυῶδες* Galeni dicitur, rectius appensum relinques maxillæ dextræ, ne sit impedimento in separationem aliorum.

De *musculis dilatantibus & constringentibus alas nasi* nihil dico, quum visum subterfugiant, nec cultro effingi possint.

PRÆPARATIO XIII.

DE

CEREBRO & CEREBELLO.

IN *cranii sectione* satius est in paulo decliviori loco eam instituere, quam in sublimiori, ut cerebrum melius diffecari possit.

Itaque cranio ablato *Dura Matris* ablationem prosequeris, in qua *Processum falcatum* servabis & *sinum tertium* ejusdem, per medium exeuntem. Hoc præstabis, si a parte posteriori ad anteriorem facies sectiones duas, quæ *processum falcatum* medium includant & una ab altera distet per latitudinem unius digiti. Quibus peractis eas transversim ad aurium regionem deducas, relicto medio processu intacto.

Post *duræ matris avulsionem* *piam* elevare poteris, eodem ordine, sed diligentia opus erit, quum subtilis sit, licet aliquando duram æquet.

Post huius elevationem *processum falcatum* ab osse Ethmoide separabis ac ad posteriora convertes: tunc, si partem dextram ce-

rebri a sinistra deduces, in fundo divisionis videbis *corpus* albicans, quod *callosum* dicunt: ad cuius horizontem utramque partem cerebri secabis, & tunc apparebunt *ventriculi anteriores* dicti.

Si a prima sectione ad ipsos non perveneris, poteris diligenter cerebri portionem iterum secare, deinde ad eos devenies: in quibus duo observabis: 1. *Plexum Choroidem* dictum & arteriolarum, interpositis etiam minutissimis glandulis. 2. Productionem quandam rotundam & albicantem ex substantia cerebri, quæ sub his fere latet & descendendo crassescit inque latius principium desinit: hanc Arantius vocavit *Bombycem*, quam diligenter prosequeris, ablata portione cerebri, quæ supposita est ipsi & etiam deducto nonnihil *plexu* choroide; ubi diligentia si uteris videbis etiam & hos sinus versus posteriora extendi: quod

quod exequeris per subtiles portiones ablato diligenter cerebro.

Postea *speculum lucidum* contemplaberis, quod est inter utrumque ventriculum in parte anteriori. Totum hoc interstitium diligenter observabis ac ad posteriora declinabis, observando, ut utramque bombycem eleves. Hoc interstitium *fornix* dicitur: cujus tria crura sunt, uterque bombyx & 3. portio, quæ ad anteriora exporrigebatur, supra speculum lucidum. Hoc igitur ad posteriora converso, si cerebrum in medium nonnihil deduces, apparebit *tertius ventriculus*, in quo primo observabis *Pinealem glandulam*, ac sub ipsa 4. eminentias albas, duas posteriores, quas *Nates* vocant, & duas anteriores, quas *Testes* nominant. Postea in parte anteriore ipsius ventriculi videbis duas alias eminentias, quæ a posteriore versus anteriora exporrectæ sunt ac inter se rimulam habent: has vocant pudendum muliebre.

His contemplatis ad nervos devenies & primo elevabis cerebrum in parte anteriore, quod diligenter præstabis, ne nervos olfactorios lædas: quos videbis residere supra os Ethmoides, ac ab ipso manubrio cultro diligenter elevabis.

Quo peracto ad alios Te convertes. Sed prius opus erit secare *processus latos dura matris*, quibus cerebrum a cerebello distinguitur: in quorum sectione cavendus est nervulus prope marginem, ubi cerebri inferiorem partem attingunt. Hoc vero observato processus secabis prope ossa in circuitu ac ad posteriora reduces.

Deinde cerebrum si elevabis antè, videbis primo post olfactorios *nervos* (qui inter nervos cerebri non numerantur) *opticos* & sub ipsis secundum Neotericorum ductum, *Tertium & Quartum* simul, & sub ipso *nervulum*

distinctum in principio & progressu suo, sed qui postea ipsi unitur.

Deinde diligenter *Cerebellum* a latere elevabis, & tunc apparebit *Nervus Auditorius*, qui quinto loco numeratur & sub ipso ex multis filamentis *Sextum*. Tandem in profundo *Septimum* contemplaberis.

His consideratis ad cerebri cerebellique extractionem venies, secando in utraque parte nervos omnes: quod præstabis prope ingressum eorum in foramina ossium; sed cum secaveris opticos, sub ipsis animadvertes *infundibulum*, quod in *glandulam pituitariam* tendit, & tunc glandulam ipsam a sede evelles; ea circumcirca dissecta & separata, post nervorum dissectionem progredere, ut iis dissectis cerebrum extrahas, quod supra tabulam repone, sed inverso modo, sc. ponendo supra tabulam partem superiorem, ut superius remaneat basis ipsius, in qua nervos dissectos investigabis. Abhinc *infundibulum & Pontem* inspicies, quæ nihil aliud est, quam portio cerebri, quæ ad spinalem seriem arteriarum præcipue & venarum, quæ Rete Mirabile constituunt, locatur.

Postea *spinalem medullam* a cerebro elevabis parumper, ut cavitas, quæ inter ipsam & cerebellum est, appareat. Hæc cavitas *quartum cerebri ventriculum* constituit, ac in spinali medulla calamo scriptorio comparari solet.

Mox *Cerebellum* aggredere, ac in medio ipsius inter utrumque Lobum *Processum Vermiformem* contemplaberis, & si quarti ventriculi processum diligenter investigabis, in cerebello apparebit lata quædam cavitas, in duos semicirculos distracta, ac *Cisterna* ab Arantio dicta. Substantiam denique cerebelli contemplare & sic totum opus absolves.

PRÆPARATIO. XIV.

DE

O C U L I S.

Oculos duplici modo extrahere licet, vel scalpro ablata superiori & laterali portione ossæ orbitæ: vel integra ea servata. In priori levis difficultas, si hoc tantum observes, ut prope ossa omnia separes junctim. In secunda major est difficultas & præcipue in angulo interno, ubi opus est, ut prope os ipsam separationem facias diligentem, ob nexum tendinis musculi trochlearis, quoniam ibi firmiter adhæret. In inferiori Orbitæ parte cavebis oblique inferiorem: uno verbo, omnia separabis prope ipsa ossa diligentissime.

Oculo evulso primo in parte superiore videbis *musculum elevatorem* palpebræ superioris, quem statim liberabis usque ad *palpebram*, quam etiam circumcirca ab oculo segregabis & postea repones. Musculos oculi deinde aggredere. Primo melius erit investigare trochlearem musculum, quem facile in aliorum separatione invenies, cavendo ne lædatur tendo ipsius, qui antè transversim nonnihil fertur. Hoc separato ad alios devenies, in quibus si *obliquum inferiorem* observabis, nullam amplius habebis difficultatem. Musculis inventis interfusam pinguedinem & membranofam portionem auferes

feres & oculum supra tabulam extends, inveniendū *nervulos* ad unumquemque musculum. Cum autem *membranas* separare volueris (nisi alium oculum habueris) musculos omnes avelles & a parte posteriore versus anteriora forfice divides oculum in 3. aut 4. partes, secando *primam* tantum tunicam, aut *secundam*. Ubi ad *corneæ* confinium veneris, observabis *ligamentum ciliare* dictum, quod crystallinum aut *pupillam* tenet. Hoc obser-

vato *humores* decidere fines in cyathum aut supra tabulam, observando, utrum simul exciderit *retiformis tunica* nec ne? Si non, eam investigabis sub *uvea* & repones. Sin ceciderit ab humoribus, separabis. Postea *uveam* a *Sclerotide* separabis manubrio cultelli & supra tabulam extends cum ipsa *dura*, & sic totum perfeceris. Peteris etiam humorem crystallinum a vitreo separare, ut ejus forma pateat.

PRÆPARATIO XV.

DE

AURIBUS.

Circa *auriculam* levis remanet labor, cum superius præparati fuerint ipsius musculi. Eam itaque ab osse separabis & in parte superiore ipsius circa cartilaginem incurvatam communia integumenta separabis, ut & ab annexa carne & circumfusa quacunque materia purgabis. In quo observabis, ne cultrum mittas in meatum auditorium, alias musculum externum facile laderes. Deinde inter processum mastoideum & styloideum observabis *nervulum*, egredientem ibi per exsculptum foramen, quem diligenter servabis. Osse purgato ad *musculos* devenies, quorum primum invenies in *meatu auditorio*, sed cultri opera eget, ut formam acquirat. Itaque inferiorem partem ipsius meatus scalpro auferes, cavendo, ne laceres membranam tympani, quam deteges, ut videri commodè possit. Deinde *musculum in parte superiore* videbis, sed potius membranam crederes: quem musculum tamen observabis ipsum crassiorem esse membranæ, ideo pro musculo habetur: cultro eum efformatum ab osse separabis & ad membranam usque deduces. *Secundus* autem, qui *internus* est & dicitur, latitat in *canaliculo osseo* proprio, & situs est supra ingressum venæ jugularis internæ. Itaque e regione prioris musculi videbis versus partem acutam ejusdem ossis petrosi ingressum venæ, aut saltem foramen, per quod ingrediebatur supra ipsum nonnihil lateraliter versus partem internam capitis, progrediendo versus tympanum. Si os diligenter fregeris scalpro, observabis *teretem*, licet musculum pusillum, qui exterius progrediens & cum suo tendine parum assurgens in *malleum* inseritur: ubi opus erit diligentia ob imbecillitatem ejus & præcipue cum tendinem ex toto separare volueris ab osse, ut clare appareat ejusdem insertio.

Hoc autem præstabis cuspide cultri. Sed in nervis erit major difficultas & præcipue in

eo, qui sub malleo excurrit, quos tamen sic investigabis: Primo in osse, in quo hos nervos præparare volueris, mastoideum & styloideum processum auferes & etiam totam partem inferiorem *meatus auditorii*: item musculum externum & membranam tympani, quæ meatum respicit. Membrana detracta & nervulo observato ipsum firmabis & *nervos* detegere incipies, ducto initio ubi exeunt, inter processum mastoideum sc. & styloideum, ut dictum est. Itaque ibi incipies scalpro, acuta acie prædito, *duos nervos* detegere, ascendendo versus tympanum; sed cum parumper detexeris, diligenter incedes. Deinde conjunctionem utriusque invenies, quam investigabis abradendo os sollicite. Cum hanc inveneris, crassiorem dimittes & solius *minoris* curam habebis, ascendendo versus ingressum ejus in os, quem non procul a malleo observabis. Versus igitur ipsum abscedes ascendens, abradendo diligenter & leviter os: deinde nervulum deteges, quem a suo canaliculo extrahes cuspide cultri, postquam eum detexeris. Hæc præparatio verbis non eget, sed patientia & diligentia. Hoc detecto & canaliculo extracto *crassiorem* paulo ulterius detegere poteris, sed parum, cum nimis profunde demergatur. His ita præparatis ad ingressum *nervi auditorii* accedes & progressum ipsius deteges scalpro: deinde in 2. partes divisum invenies. Tum dimissa molliori parte, quæ in cochleæ centrum inseritur, ad utramque ulterius detegendam progredieris, ubi diligentia opus erit, cum facile frangatur. Posses postea ferra transversim secare os prope insertionem nervi mollioris, dum tunc apparebit cochleæ cavitas; sed hic opus est, ut aliquoties te exerceas in exsiccatis ossibus; sicut etiam non parum proderit, si nervorum progressum investigares in ipsis, cum, licet absint nervi, eorum tamen canaliculi appareant. Et hæc de auribus.

PRÆPARATIO XVI.

DE

MUSCULIS BRACHII.

Brachium primo a corpore separabis largiter secando : postea illud excoriabis, ubi nulla difficultas, nisi in vola manus, quia tendo palmaris musculi fortiter adhæret cuti, & si aliqua diligentia uteris, non habebis difficultatem.

Cuti detracta musculorum partes superfluas in superioribus abjicies. Primo antè Pectoralis portionem relinques, ubi insertionem ostendere poteris : Deinde *serratum minorem* & *subclavium* ex toto separabis. Sic postèrèus relicta portione latissimi dorsi *serratum anteriorem majorem* a scapulæ basi, item *rhomboidem*, *levatorem scapulæ* & *cucullaris* portionem. Postea ad duos musculos separandos accedes & primo *Deltoidem* separabis a clavicula & a processu spinato scapulæ, unde originem sumit, & descendendo eum perduces ad insertionem suam. Postea *supraspinatum* separa & *infrascapularem*. Deinde *rotundum majorem*, in quibus nullum discrimen investigabis. Postmodum *rotundum minorem*, qui aliquando vix ab *infraspinato* secernitur; facilius interim illum separabis, si ad insertionem in os humeri recurres, quam distinctim invenies & postea retrocedendo unum ab alio separabis. Deinde *infraspinatum* a scapula liberabis. Scias tamen *rotundum* utrumque relinquendum esse principio & insertioni suæ adnexum. Hac occasione poteris deducere portionem latissimi dorsi ad suam insertionem. Deinde ad cubiti flexores & extensores devenies & primo antè *flexores* separabis, quorum duo sunt, *Biceps* sc. & *Brachialis*, prope unum ex bicipitis principio. Imo ipsi adnexum videbis musculum *coracoidem* dictum, quem ab osse bicipite separabis : Deinde eundem bicipitem, in quo levissimus labor, brachium pariter ab osse humeri (relicto annexo principio) liberabis & abhinc *extensores cubiti*, circa processus transversales vertebrarum colli, quos diligenter deteges.

Postea descendes ad *sacro-lumbum*, quem a longissimo distare aliquantisper videbis, in parte superiore thoracis. Ab hoc musculo videbis tendines varios emitti, qui in singulas costas implantantur, a prima ad ultimam. Hos tendines separabis lateraliter, ut elevari possint : Deinde corpus secundum longitudinem totam a costis liberabis, relinquendo ipsum adhærentem in lumbis longissimo, quum ab ipso separari non possit, cum unum sit eorum principium.

Deinde ad *longissimum* devenies, quem a *Semispinato* in parte superiore facili negotio separabis : sed cum descendis, majori cum difficultate. Tendines hujus musculi videbis exporrigi in processus transversales vertebrarum, quos cum inveneris, facile separabis.

Cum ad superiora devenies, in collo videbis portionem quandam, a qua contrario modo observabis demitti tendines longissimi ab inferiore parte & versus superiora exporrigi, illos autem a superiori ad inferiora. Hanc portionem carneam existimo esse musculum transversalem colli, ideo tendines diligenter separabis.

Postea *Spinatum* deteges, circa quem nihil aliud faciendum, nisi quod ejusdem tendines, quos in spinas vertebrarum colli extendi constat, detegendi sint. Hoc præstabis, si processus ipsos prius diligenter invenies & postea cuspide cultri pervestigabis ipsos tendines in parte superiori colli.

A spina secundæ vertebræ ad caput videbis musculum recto ductu, quem *rectum capitis* vocant. Hunc a capite separabis versus spinam & sub ipso alterum *pusillum* a prima vertebra ad caput pariter observabis, quem pariratione separabis a lateribus.

A capite in processum transversalem primæ vertebræ videbis musculum carnosum & huic in parte inferiori alterum oppositum, a secundæ vertebra in eundem processum exporrigendum. Hos lateraliter separabis, relictis annexis in utroque extremo. Horum primum *oblique superiorem*, alterum *oblique inferiorem* vocant. *Semispinatum* postea separabis, eo modo, quo supra *spinatum* fecisti. Deinde principium tendinosum longissimi & sacrolumbi a subjecto musculo sacro dicto separabis, observando prope os sacrum & spinas vertebrarum lumborum hoc principium esse solum tendinosum : quare cave ne subjectum musculum sacrum laceres. Cum autem ad latus progredieris, videbis ipsum carnosum fieri, sed præcipue ubi processibus transversalibus lumborum adhæret : quos cum separaveris, cave ne subjectum *quadratum* lædas ; quod evitabis, si sectionem invertas a latere, sc. ad vertebra. Hæc præcipue sejunctim usque ad primam costam & postea dimittes. *Quadratum* lateraliter separabis, relinquendo ipsum annexum inferiori & superiori parti.

Tandem

Tandem tendines sacri muscoli peruestiga- spinatis usus fuisti: & sic preparationem ab-
bis eo ordine, quo in Supraspinatis & Semi- solves.

PRÆPARATIO XVI. DE MUSCULIS FACIEI.

Suspiciamus in excoriatione opus fuit diligencia, hic utique erit; nam adeo arte connectitur cutis in quibusdam locis, ut sine læsione auferri non possit. Sed expediet cutim ipsam secare, quam subjectas partes. Opus itaque sic aggredere:

In summitate capitis duc lineam cultro ab occipitio ad frontem, & recta descendendo per medium nasi labiorum & menti faciem in 2. æquales partes divides. Hanc sectionem è regione aurium supra caput interfecabis ad angulos rectos; descendendo prope aures in partibus anterioribus usque ad collum.

Postea angulum cutis in parte dextra anteriorem elevabis parum & simul cum pinguedinis pauca portione, quæ hic esse solet, observando, ut totam membranam carnosam relinquant: quod præstabis constituendo sectionem in pinguedine.

Hanc separationem protrahes ad supercilia, vel prout placebit. Postea sub pinguedine videbis membranam carnosam capiti annexam, quam separabis a pericranio sine multo labore, ac ad eundem modum, quo cutim produxisti, deduces.

Postea *Pericranium* separabis a subjecto osse: quod pericranium si duplex facere placuerit, utique poteris; at secundum quid ossi annexum relinques. A cranio separabis dorso cultri, quasi abradendo diligenter, ubi levis erit difficultas.

Abhinc in eodem latere partem posteriorem cutis cum pinguedine separabis, relicta pariter membrana carnosam: hocque facies usque ad posteriora, ubi in occipitio post aures observabis annexam capiti portionem carneam, sed subtilem, rotundæ fere figuræ. Hanc scias esse *musculum occipitalem* dictum, quem a superioribus elevabis, ac in parte inferiori adnexum relinques.

Postmodum ad cutem parte sinistra anteriorem te accingas, in qua separatione universaliter sciendum te semper id præstiturum sub membrana carnosam: ubi diligentia & patientia opus est, præcipue, cum ad nasi alas & labiorum confinia descenderis, ob arctam connexionem.

In collo autem (nisi id præstiteris in extra-

ctione musculorum laryngis) opus erit Te relinquare membranam carnosam, quæ verè carnosam est, maxillæ inferiori annexam, quam diligenter separabis a cute: qua extracta feliciter ad musculos devenies.

Et primo quidem in fronte videbis musculum *Frontalem*, semicircularis fere figuræ. Hunc statim circumcirca separabis in superioribus & a lateribus, atque a subjecto osse separabis, relinquendo eum ibi, ubi ad *clausorem palpebrarum* devenies, quem circumtensum oculo observabis ac ad separationem ejus Te convertes, in qua nullus labor: nam circumcirca tantum secandus est & leviter in circuitu elevandus musculus.

A lateribus pariter supra musculum temporalem supra aurem perpendiculariter expansam videbis *inscriptionem musculosam*, quæ a rotundo principio sensim angustatur, ac in partem superiorem auris insigitur.

Duos alios videbis musculos in parte posteriore auris, si cutim diligenter separaveris, quos Anatomici in 3. partes dividunt, ac *tres musculorum posteriores auriculæ* efformant. His separatis membranam, quam musculo temporali superentensam videbis, separabis, relinquendo ipsum annexum ossi *Zygomatis*.

Postea musculum ipsum separabis, ducto initio a parte superiore, & descendendo observabis ipsum transire per os *Zygomatis*, ac robusto tendinosoque fine in processum maxillæ inferioris acutum devehit; Hunc itaque totum separabis, ac ab ossibus, excepto hoc processu, liberabis.

Abhinc ad nasum accedes, supra quem aliquando videbis *musculosam perigraphiam*, ab acuto principio prope angulum internum oculi sensim dilatando in alas desinere nasi; hanc itaque tali figurâ separabis, quam, si non recte appareat, cultro separabis & franges. Prope ipsum angulum & descendendo a portione anteriori primi ossis maxillæ superioris observabis pariter expansionem musculosam, quæ descendendo partim in confinio nasi, partim in labio superiori terminatur.

Hæc portio constituit musculum nasi, cuius tres ab aliquibus numerantur. Horum primus a scapulæ cervice originem sumit, al-

ter infra caput humeri & tertius inferius. Hos progressu unitos relinques, dum impossibile in suis principiis ab invicem separabis, sed in est eos separare.

PRÆPARATIO XVII.

DE MUSCULIS MANUS.

Hic vix ullus ordo servari potest, sed musculi separandi sunt ut sese offerunt. Ut tamen pauca moncam, primo *Musculos flexores* dictos separare poteris & inter ipsos primum facies *palmarem*, quem contrario modo, quo uti soles in aliis, separabis, relinquendo sc. cum annexum suæ origini & separando ab insertione: in qua observabis expansum ejus tendinem per volam manus latiore. Hic musculus aliquando abest, sed tendo manus tunc oritur a ligamento ossium carpi, cui annexus est, & tunc relinquitur. Postea dissecto eodem ligamento apparebunt tendines flexorum digitorum.

Sed prius separare poteris flexores carpi, quorum unum ad pollicis basin, alterum ad minimi digiti os tendere videbis. His ergo separatis ad flexores digitorum devenies & primo observabis duos amplos musculos, qui in plures etiam possunt dividi. Horum qui externus est *flexor secundi digitorum internodii & perforator* dicitur. Subjectus vero *perforans & flexor tertii internodii* vocatur. Hos primo ab invicem separabis, ducto initio a tendinibus in carpi regione, observando ut unicuique 4. relinquantur tendines. Postea separabis & observabis ipsis annexos *musculos lumbricales*, quos statim separabis, sed in tendines flectentes tertium internodium deduces ad ipsa internodia. Postea *flexorem tertii internodii pollicis* separabis, qui crassus & magnus est, ut sine labore eum separare poteris.

Abhinc a ligamento carpi videbis carnis corpus ascendere ad radicem secundi ossis pollicis. Hoc corpus in 2. divides partes & sic duos habebis *Pollicis abductores*. Postea in vola manus observabile latum & expansum corpus carnosum, quod ad pollicem pariter tendit, ac è regione superiori inseritur, pariter in 4. partes dividendum est, quarum tres distincte apparent & quarta fer-

me beneficio cultri facienda est. Hisce paratis brachium investiges, & ad *Extensores* devenies, in quibus ferme ordinem eundem, quem in flexoribus observabis: nam *extensores secundi & tertii internodii* simul separandi & parum ab invicem segregandi sunt; in principio & progressu tendines separari non possunt, ideo junctim deducendi sunt ad tertium usque internodium. Mirum hic observabis Naturæ lusum; nam aliquando extensor secundi internodii minimi digiti abest: quandoque in uno digito duplex observatur, modo cum extensore pollicis communio observatur & aliquando etiam carpo aliqua adheret. Itaque prout videbis naturam fecisse, ita etiam cultro facies. Post hos separabis *extensores carpi*: item *Pronatores radii*: pariter *longum supinatorem* utrumque & *pronatorem quadratum*, quem ab ulna ad radium deduces, non minus ac *pollicis extensorem*: in quibus levis requiritur labor. In cubito etiam, si recte observabis, videbis distinctam portionem carneam transversam incedentem, quæ *musculum anconem* constituit; hunc a lateribus separabis ac ortui & insertioni relinques: quibus omnibus separatis ad *internodios osses* accedes. Hos levi negotio separabis, si digitis ab invicem seducis, ac ligamentum inter utrumque positum in fine recto carpi & in principio digitorum secabis, quia statim apparebit insertio internorum & externorum in parte externa manus, prope os metacarpi, quod minimo digito separabis. *Abductorem* ejusdem minimi digiti sic a pollice ad indicem videbis, musculum singularem, quem pollicis alii assignant, ego indicis esse reor. Dum *extensores carpi* separabis, observabis prope illum, qui versus pollicem fertur, alium etiam musculum, qui ossi metacarpi, quod indici est subjectum, infigitur ac *indicator* dicitur. Observabis etiam extensores multoties ferri in metacarpum, præcipue illum, qui pollicem respicit.

PRÆPARATIO XVIII.

DE

MUSCULIS PEDUM.

IN ultima hac operatione non spernendus requiritur labor, ob musculorum multitudinem. Supposito igitur, quod sine cadavere toto musculos pedis singulos demonstrare velis, primum *musculum psoas* a lumbis separabis, descendendo versus femur, donec ejus continuitatem cum *iliaco interno* reperiās. Postea eum dimittes & in parte posteriori omnia secabis, prope os sacrum, secundum longitudinem, quod recte prope os facies. Deinde ossa pubis ab invicem separabis. Postea cuspide cultri pervestigabis conjunctionem ossis sacri cum ileo & hanc secare tentabis, quod fiet facile. Deinde vi deduces tuum præparandum femur ab altero. Itaque ex toto separabis ac supra tabulam repones, ut ad ejus excoriationem accedas. In hac Tibi primo observandus venit tendo *musculi membranosi*, qui totum femur & etiam crus involvit. Hunc servabis, si primam sectionem feceris diligenter in parte externa: observabis illum namque sub membrana carnosa, eoque reperto non multum laborandum erit. Solum circa plantam pedis res ardua erit, ubi cavendum, ne expansionem tendinosam, quæ sub ipsa protenditur, lædas, quod facile evitabis patientia. Cute extracta primo separabis *musculum iliacum* internum, ad os ileum, usque ad insertionem suam cum musculo *psoas*. Deinde ad membranosum devenies, quem facilius in portione sui tendinis seu membranae invenies & in parte interna supernaque femoris separabis adversus ipsum adscendens: quo reperto ab osse eum separabis ac versus inferiora deduces. In separatione autem istius musculi non est necesse, ut totum tendinem serves, sed satis erit, si portionem integram relinquant, etiam anteriorem, ut possis ostendere concurrere quoque illam ad involvendam patellam. Hoc musculo separato *Sectorem* divides & post ipsum *lividum*, quem ab osse pubis transversim in femur ferri observabis: sed ab ipso descendendo separabis *bicipitem*, quem relinques adhærentem toti longitudini lineæ asperæ femoris, post quos poteris *rectum* separare, in qua nulla difficultas, uti etiam in *gracili*, *feminervoso*, *semimembranoso*, *bicipite* &c. si tantum caveas partem inferiorem hujus musculi, quæ originem trahit a medio femore. In parte superiore *Gluteos* tres observabis separabisque, quorum *major* infra trochanteres descendit, *medius* au-

tem & *minor* in trochanterem minorem inseritur. In parte posteriore, ubi os sacrum adhærebat, paulo infra conjunctionem ejus cum illo, *pyriformem* videbis musculum, qui transversim fertur in sinum trochanteris: hunc separabis & postea ad *obturatorem internum* venies, quem in parte interna foraminis, quod ossi pubis assignatur, expansum videbis. Hunc circumcirca separabis animadvertesque ipsum ferri tendine suo supra tuberculum ossis ilei, qui facto flexu in marsupium recipitur & in trochanterem desinit. Sub uno videbis *quadratum*, quem a lateribus etiam separabis. Postea ad *obturatorem externum* devenies, quem ut recte separare possis, oportet *lividum* a suo principio separare & tunc obturatorem observa facto flexu transversim ferri in trochanterem, ad quem deduces pauculo labore. Postea ad *musculos tarfi* accedes, quos separabis, prout sese offerent. In parte posteriori primo *Gastrocnemios* & sub iis *soleum* habebis: in parte vero superiore, inter utrumque, *plantarem*, pusillum, sed conspicuum & eo magis mirabilem, quod natura illum inter tot vastos collocaverit.

Sub his videbis transversim sub poplite musculum dictum *subpopliteum*, quem observabis & a lateribus separabis. Circa *flexores* & *extensores* eadem fere est ratio ac in manu. Differunt tamen, quod *flexor secundi internodii* oriatur in planta pedis, ab osse calcis, & *flexor tertii* eandem carneam recipit portionem, a qua postea *lumbricales* oriuntur; sed ut hos musculos detegere possis, opus erit tendinosam expansionem, ibidem existentem, separare, relinquendo illam calcis annexam. Postea *adductorem pollicis* & *minimi digiti* separabis & hic etiam observabis *abductorem pollicis* & *majorem* & *minorem*: sed minorem cavebis diligenter, quia transversim fertur & aliquando adeo pusillus est, ac pinguedini adeo involutus, ut vix observari queat, nisi summa adhibita cautione. Circa *extensores digitorum* videbis etiam & *extensores secundi internodii*, in dorso pedis oriundi, qui suis tendinibus conjungitur cum *extensore tertii internodii*, ut in manibus quoque fit. Reliquos extensores, prout sese ostendunt, separabis: inde *lumbricales* & *interosseos*, ut in manu observatum fuit. Reliquum est, ut patientia rei magnitudine compensetur.

SUPPLEMENTUM I.

DE

PRÆPARATIONIBUS NOVITER
INVENTORUM, VASORUM SC. LA-
CTEORUM, LYMPHATICORUM, DUCTUS THORA-
CICI, DUCTUUM SALIVALIUM &c.

Quandoquidem enchireses præcedentes ante inventionem vasorum lacteorum, lymphaticorum, ductus thoracici & glandularum salivalium conscripserunt, haud abs re erit, si pauca de illorum demonstratione subjiciamus.

VASA ergo LACTEA quod spectat, illa in brutis, v.g. canibus & felibus facillime ob oculos ponuntur, si alimentis polytrophis primum pasta aliquot abhinc horis parumper strangulata aperiantur; quemadmodum & tunc VASA LYMPHATICA, in cava hepatis parte copiose conspicua, imo & DUCTUS THORACICUS simul eo modo, uti in TAB. XXIX. Fig. 2. præcedentis *animalium historiae* observare licet, demonstrari possunt. Enchiresin tradit *Caspar Bartholinus*, Thom. Fil. in *Specim. Administrationum Anatom. Cultro Anat. Lyseri* in fine addit. p. 33. verbis seqq. Ad demonstrandas autem venas illas lacteas cum thoracico ductu, aperto post pastum animali vel vivo, vel strangulato, vinculis inhibeo chylum tribus in locis: 1. inter intestina & glandulas in medio mesenterii: deinde prope receptaculum, ubi lacteorum truncus vel unus vel plures sequuntur ductum vasorum sanguineorum, quæ ibi cum ramo mesenterico superiore ab aorta prodeunt: denique in thorace omnem inhibeo chylum, ligato Pecquetiano ductu, cujus in venam insertio hoc modo investigari potest. Separata cute in latere sinistro usque ad spinam dorsi, & detecto latere sinistro colli, sectio recta instituitur per muscolum cucullarem & rhomboidalem, atque inserto digito intra scapulam & serratum majorem, refecanda est serrati connexio cum basi scapulæ. Deinde detecto plexu nervorum sub eo inferendus est stylus, ita ut a subjectis partibus liberari & disseccari possint absque læsione subjacentium partium, atque tum membranae caute removendæ, ne vasa lymphatica per eas decurrentia rumpantur, usque dum lactea & lymphatica in conspectum veniant. Ubi ergo inventus thoracicus ductus, sursum in venam continuandus, sicque insertio ejus detegenda est.

Ut vero in homine (quem vivum aperire &

crudele & illicitum est.) Ductus hic ad oculum demonstrari possit, nova & egregia Enchiresi utitur Excell. Dn. *Salzmannus*, Anatom. Argentinenensis, quam in speciali hujus tituli Disp. ita describit:

Postquam hætenus variorum de receptaculo chyli & ductu thoracico tam in animalibus brutis, quam etiam in homine visis observationes recensuimus, hoc capite novas aliquas jam allegatis adjiciemus, & novam circa has partes Enchiresin, hætenus, quantum equidem novimus, incognitam, Curiosorum oculis & censuræ subjiciemus. Differt autem illa ab aliorum hac in re factis experimentis, quod hac probe perspecta non opus habeamus homines vivos, utpote quod, uti supra diximus, religio vetat, cultro anatomico subicere, neque etiam ad supplicium damnatis cibos, quos assumere plerique detrectant, ad satietatem, imo ad nauseam usque ingerere: quod etiam necesse non habeamus casum vel fortunam propitiā exorare, quo illa nobis has vias offerat & aperiat, quo certam earum partem nobis manifestet, siquidem in quovis subjecto humano omni tempore, etiam post plures a morte dies, totus tractus vasorum lacteorum tertii generis ad oculum demonstrari, liquore quodam colorato, vel etiam cera repleti, & in humore balsamico per insigne temporis spatium conservari potest, quorum ductuum tres, cum annexo receptaculo, hunc in modum præparatos asservamus. Est autem illa enchiresis (ut paucis rem edisseramus) ut vas quoddam lymphaticum (quorum ingens numerus ad inferiorem cisternæ partem properat) infra receptaculum prope renes investigetur, id quod facili negotio obtinebis, si defixis in venam emulgentem sinistram oculis eam accurate examinaveris: huic namque tria ut plurimum vasa, lymphatica dicta, superincumbunt, quæ a partibus inferioribus sursum delata oblique per medium dictæ venæ emulgentis repunt; atque recta ad receptaculum tendentia eidem liquorem suum contentum infundunt: Quæ vasa cum satis insignis magnitudinis sint, in oculos facile incurrunt.

His

His visis, illi, quod magnitudine & capacitate quam maxime conspicuum est, parvo quodam vulnuscule antea inflicto tubulum adaptata, illoque mediante flatum immitte, quo subeunte animadvertes vesiculam attolli eo in loco, ubi receptaculum situm est, & partes superincumbentes elevari: præterea aerem inflatum ulterius supra diaphragma progredi, & canalem quendam tenuem & pellucidum distendere, postea in venam usque subclaviam sinistram transire, & ex hac in cavam, dextrumque cordis thalamum irrumperere, porro etiam in descendantem venæ cavæ truncum ruerè, eundemque toto sui decursu dilatare & replere. Cujus rei certior fieri poteris, si loco aeris, qui, tanquam corpus fluidissimum facile diffluit & dilabitur, liquor coloratus, e.g. lac (quod ob colorem, quem cum chylo communem habet, apertissimum est) mediante syringe eidem vasi lymphatico injicias: illud enim, quia argenteo colore nitet, in receptaculum & ductum thoracicum penetrans omnia manifestiora reddit, ita ut tota hæc via lactea uno obtutu conspici queat. Quoniam vero lac eodem modo, ac alii liquores, fluidi manent, & toti statim effluunt ex his partibus, ubi forte aliquo in loco vel per præcipitantiam, vel etiam inadvertentiam (id quod facile evenire potest) acie scalpelli vel levissime læduntur, & tale vulnuscule neque ligatura, neque alia ratione commode coerceri potest, hinc præstat ceram vel albam, vel alio quodam colore imbutam; aut etiam sebum hircinum huic rei adhibere, quippe quæ frige facta indurantur, & talem consistentiam, uti loquuntur, acquirunt, ut alienis etiam terminis non contenta non amplius diffluant.

Dum autem hæc fiunt, probe cavendum est, ne fluidum injectum, sive illud aer sit, sive lac, sive etiam cera, nimio cum impetu propellatur & cogatur in hæc vasa, utpote quæ, cum tenerissimæ structuræ sint, facile rumpuntur: id quod totum experimentum irritum reddet & inquentem sine suo frustrabitur. Quod si vero ex voto res successerit, hos ductus a vicinis partibus, nervis nimirum & vasibus, nec non membranis facili negotio discernes, & sollicita manu cautoque scalpello separabis, eadem prorsus ratione, quam *cap. 1. §. 7.* indigitavimus. His itaque omnibus, quæ modo enumeravimus, detectis, perlustratis & separatis de toto hoc invento triumphare poteris. Et hæc etiam methodo usus est Nob. Dn. Kisling, Medicinæ Candidatus dignissimus, cum proxime elapso Anno 1710. d. 19. Martii receptaculum Pecqueti & ductum thoracicum in homine primo videret. Ipsi enim inexten-

mendis partibus genitalibus occupato in conspectum venerunt supra jam allegata, & venæ emulgenti sinistræ incumbens vasa lymphatica, quorum medio aperto & inflato animadvertit flatum transire in canalem thoracicum & venam subclaviam, atque redire per venam cavam infra diaphragma abscissam. Hinc non sine ratione suspicatus est hoc vasculum in receptaculum æque ac ductum chyloferum immediate hiare, id quod autopsia etiam confirmavit; nam cum inventum hocce ulterius prosequeretur, & lac dicto vasculo injiceret, omnes hæc viæ ab immisso humore candicante repletæ atque turgidæ apparuerunt: id quod hujus rei certiores nos reddidit.

Divulgata enchirisi nihil aliud superest, quam ut nonnullas observationes, beneficio illius factas, quomodo nimirum hæc vasa in diversis subjectis sese exhibuerint, subjungamus. Quod ipsum quidem icones (*) ad calcem dissertationis adjectæ aliquatenus declarant: at tamen, quo tota hæc res melius intelligatur, brevi aliqua explicatione opus esse existimamus. In primo itaque subjecto, quod muliebri fuit, vidimus vasa lymphatica, aut lactea secundi generis plurima, præsertim vero quatuor (*fig. 1. uuuu*) præ aliis conspicua, suisque nodis & quasi articulis, valvularum indicibus, instructa, quæ ab inferioribus sursum delata in receptaculum sese insinuate videbantur. Secundo, receptaculum Pecqueti (t) quod exacte è regione arteriæ coeliacæ (p) situm erat, & corpori primæ lumborum vertebrae incumberebat. Referebat illud sacculum insigniter cavum duos circiter digitos minores latum, & quatuor longum, atque in plures quasi vesiculas divisum, secus ac Cl. Birrholinus vult, qui nonnisi glandulosam ejus substantiam admittit. Eo in loco, ubi dexter diaphragmatis tendo primam insertionem habet, & prima lumborum vertebra secundæ jungitur, scilicet è regione arteriæ mesaraicæ superioris (q) bifurcatum conspiciebatur. Postea in ulteriore ejus præparatione repertum est, idem non in duos tantum ramos, sed potius in quatuor, eoque insignes distribuit quibus unus, qui in parte sinistra ex altiore ejus loco propullulat, una cum duobus mediis recta descendebat; quarto, qui omnium amplissimus erat, a prioribus oblique deflectente, & latitudine digiti minoris infra emulgentem sinistri lateris arteriam sub aortæ trunculo laevam versus tendente; in hoc ramo nulli nodi conspiciebantur, quemadmodum in tribus prioribus, ita ut probabile videatur, cum nullis valvulis munitum esse, sicque receptaculi partem constituere, reliquos vero lymphaticorum albo adscribi debere. Tertio, cisterna

(*) Icones cit. vid. in *Medicina n. Nov. Antiqua Part. 1.*

cisterna in superiore sui parte angustior facta definebat in canalem chyli ferum seu ductum thoracicum (*xxx*) secundum dorsi longitudinem ascendente, & corpori vertebrarum ejus superincumbente. Decurrebat autem inter venam sine pari, quæ Græcis ἀζύγος dicitur (*e*) arteriam aortam seu magnam (*b*) & ex parte œsophagum, ita quidem ut inferna sui sede vena azygos, superna vero œsophagus ipsi superimpositus fuerit, vena sine pari a latere dextro, a sinistro vero arteriæ aortæ trunco semper accumbente. A qua arteria æque ac vena hinc inde surculi certis indistantiis hunc ductum supergressæ ad latera excurrebant, quorum alii venæ (*1234*) alii vero arteriæ intercostales (*5678*) ab Anatomicis vocantur. Præterea in loco, ubi alias bifurcatus est, & aorta è corde exurgens, hicque in figura abscissa (*cc*) ipsi superincumbit, nimirum inter quartam & sextam dorsi vertebram, mirum in modum ampliatur, ut duplo major & capacior, quam aliis in locis conspiceretur. Porro inferna sui parte dextrorsum magis reflectebatur, (si situm arteriæ magnæ, non vero spinæ dorsi spectes, huic enim immediate incumbit) ubi vero ad exortum venæ ἀζύγος pervenit, oblique & sinistrorsum versus superiora pergebat, sub œsophago absconditus latens, cui etiam mediantibus fibrillis tenuissimis arctè adhærebat. Deinde a corpore vertebrarum dorsi magis deflectens & œsophagum quoque deserens ad arteriam carotidem sinistram, ubi illa cum subclavia ejusdem lateris è trunco aortæ ascendente exortitur, properabat; postquam eo pervenerat, in sacculum satis capacem & transverso pollice longum ampliatur, qui aliud quasi receptaculum & quidem superius constituebat: ab hujus sede inferiore propullulabat ramus satis insignis, arteriæ carotidi sinistræ mediantibus fibrillis arctè adhærens, qui post aliquam ad superiora inflexionem rursus descendebat, atque supernæ receptaculi parti inferebatur, suo decursu circulum quendam (*yy*) satis accurate describens. Cui circulo in multis convenit cum illo torifero, qui a Bilsio primo demonstratus tantopere deprædicatur, de quo vid. *cap. 1. §. 8.* Insertionem ductus thoracici in venam subclaviam sinistram (*ff*) duplicem (*fig. 1. zz. & fig. 3. c.*) in hoc subjecto reperimus, ostioliis juxta se invicem positis (*fig. 4. bb*) eo præcisè in loco, ubi vena subclavia & jugularis interna mutuos in amplexus ruunt. Alterum ostiolum, quod superius non immerito vocatur, & altero inferiore multo majus existit, statim a latere valvulæ majoris (*fig. 4. aa*) positum erat, quæ parietem intermedium jugularem inter & subclaviam format, imo sub eadem absconditum quasi latebat, & non nisi vena sursum sublata conspiciebatur. Al-

terum vero ostiolum, quod inferius est atque minus, a priori latitudine semidigiti minoris transversè distans in venæ subclaviæ parte magis inferiore & quasi in ejus limine situm obtinuit. Utrique adstat valvula propria duplex seu bivalvis, illi, quæ circa principium intestini coli conspicitur, quoad structuram non absimilis.

Quo autem certior huic invento veritas constaret, eundem ductum chyli ferum aliquot post diebus in subjecto virili quærivimus, & duce eodem vase lymphatico pari modo invenimus, qui ratione sui decursus cum priore quidem conveniebat (*uti illud è fig. 2. patet*) nihilominus tamen multa etiam peculiariora, & a priore multum diversa exhibebat. Et primo quidem receptaculum Pecqueti nullum sacculum insigni cavitate præditum præ se ferebat, sed ductus solummodo hoc in loco magis quam alibi dilatatus & amplius erat. (*q*) Paulo inferius vero super corpore secundæ lumborum vertebræ tres potissimum glandulæ conspiciebantur, quarum duas (*cc*) figura 2. exhibet, mediantibus suis ductibus (*dd*) & sibi invicem & ductui chyli ferum conjunctæ; id quod inde collegimus, quia liquor illi, quæ in dextro latere sita erat, injectus eam transiit, atque in alteram, ut & ductum ordinarium penetravit. Tertia glandula situ inferior & cum prioribus triangulum constituens, prope finem terciæ lumborum vertebræ plures canaliculos minores sibi invicem annexos habebat, ductu quodam insigni, qui ordinario & quoad capacitatem, & quoad structuram non absimilis erat, ad eandem pergente, ita ut non nisi ejus continuatio esse videretur. E quibus elucescit, hanc de glandulis lumbaribus observationem cum illa Bartholini egregie concordare, & utramque avtopsiæ inniti, quamvis nonnulli contrarium sibi persuadeant, vid. *cap. 2. §. 3.* Paulo superius fasciculus atque congeries infinitorum tubulorum miris anfractibus, gyris & flexibus capreolorum vitium instar constans, ac vas spermaticis in corpore pampiniformi prope testem comparanda observabatur, (*fig. 2. e.*) qui tamen omnes in ductum chyli ferum (*gg*) hiabant, ita ut lac huic injectum in illos quoque transiret. Erat iste fasciculus transversum pollicem latus, & unum cum dimidio longus, atque immediate sub arteriæ magnæ trunco (*fig. 2. aa*) situs, ubi coeliaca ex eodem egreditur, partim sinistro ultimæ dorsi vertebræ lateri, partim etiam corpori primæ lumborum incumbens. Paululum supra eundem alius a latere sinistro se conspiciendum præbuit (*f*) non adeo latus atque diffusus, uti prior, undecimæ dorsi vertebræ incumbens, qui æque ac ille ab injecto in ductum ordinarium lacte repletus fuit, licet cera ob canaliculorum exilitatem eo penetrare

netrare non potuerit; hic nonnullos furculos, minimos licet, ad latus etiam dextrum emiserrat. Post ductus chyli fer multum angustabatur, donec circa finem octavæ dorsæ vertebræ in duos ramulos abierit, quorum dexter absque ulteriore divisione & sine ullis anfractibus ad primam usque dorsæ vertebram ascendit; recto etiam tramite, nisi quod, ubi circa quintam sinistrorsum progrediebatur, levi quadam & superficiali tortuositate (sit venia verbo) præditus fuerit. Alter vero, isque similiter, multis statim gyris anfractuosus, circa exortum suum majoribus, mox vero in progressu exilissimis conspicuus erat (oo) qui canaliculi minores partim versus sinistram & quidem majore in copia, partim vero dextrum versus latus evagabantur: tum in furculum majorem collecti circa medium quintæ dorsæ vertebræ cum ductu ordinario coaluerunt; idem deinde ductus prope medium primæ ejusdem dorsæ vertebræ duos rursus in furculos dividebatur, (b) capacitate & longitudine sibi invicem æquales, & duobus digitis transversis longos, qui post brevem sui decursum rursus ampliabantur, atque in sacculos sibi etiam æquales, & figura sua, ut & magnitudine fructum corni referentes (12) abibant; hi ramuli in superiore sui parte ferè coeuntes circulum quendam aliquo modo exhibebant, eodem forte titulo, quo rorifer ille Bilsii, dignum. Insertio ejus hoc in subjecto, pari ratione ac in priori duplex erat, & orificium duplex, majus alterum, alterum minus: verum cum hoc discrimine, primo, quod quemadmodum in illo alterum situ inferius, alterum superius dici poterat, ita in hoc utrumque eadem ferme in linea atque altitudine positum videbatur. Secundo, quod insertio fere magis in principio venæ jugularis internæ sinistri lateris (l) paulo infra ejus valvulas primas, quam in vena subclavia (ii) observabatur.

Cum autem Experientia (non fallax illa & rudis, qualem multi nostro hoc seculo jactant, sed solida & constans) sit cognitio nullo docente per usum reperta, eorum quæ non una vel altera vice, sed sæpius, imo sæpissime uno eodemque modo evenerunt, & in pluribus subjectis observata sunt: hinc non contenti hanc encheiridin in uno vel altero cadavere adhibuisse, & vias microcosmi lacteas vidisse, sed iisdem vestigiis insistentes hoc inventum ulterius prosequi & qua ratione in alijs sese haberent, indagare allaboravimus, præsertim cum in primis duobus subjectis naturam mire ludentem deprehenderimus. Quam ob causam Anno hoc currente sub initium mensis Martii aperuimus subjectum virile, & viso receptaculo ductuque chyli ferro in hujus insertionem quoque inquisivimus, quam inla-

tere dextro in vena subclavia reperimus, quæ alias in sinistro ordinaria naturæ lege conspicitur; id quod adeo peculiare & extraordinarium est, ut *Diemerbr. Anat. l. 1. c. 11.* se unquam in homine insertionem ductus in subclaviam dextram invenisse neget. Mense insequente Aprili cadaver furis (pene dixerim homicidæ, quippe qui, ut suam servaret, lictoris uxori vitam adimere in animo habebat) suspendio interempti, permittentibus id summis justitiæ Arbitris, in Theatrum nostrum Anatomicum devehiri curavimus. Erat illud valde musculosum, & quoad viscera optime alias constitutum, excepto quod dexter pulmonum lobus arctè satis adnatus erat pleuræ; id quod frequentissime, & modo non in omnibus corporibus observatur, quemadmodum illis, qui cadaverum apertioni sæpius interfuerunt, satis superque notum est. Reperimus in hoc subjecto Receptaculum Pecqueri eadem ferme ratione, qua in primo constitutum, referebat namque sacculum oblongum, amplum, & insigniter cavum, in quem multa vasa lymphatica sese exonerabant, quique simili modo sensim & sensim in canalem extenuabatur. Hinc inde etiam in ipsum hunc ductum vasa ejusmodi sese insinuabant, & quidem potissimum circa ejus initium duo valde insignia, in dextro alterum, alterum vero in sinistro latere.

Tum ubi vertebrae dorsæ attigerat, inter quartam & sextam ejus vertebram divaricationem quandam, quæ isthmum quasi efformaverat, habebat, latitudine duorum pollicum transversorum longam: quæ talem se conspiciendam præbuit, qualem *Job van Horne diss. de ductu chyli ferro* nobis depingit, excepto quod in ejus investigatione arteriolas intercostales per eandem transire vix observaverimus. Præterea dexter bifurcationis ramus multo major & capacior erat sinistro; uterque post brevem sui decursum cum se invicem coalescebat. Ipse hic ductus prope insertionem suam etiam in sacculum satis conspicuum dilatabatur, non tamen adeo insignem ac in prioribus subjectis, eumque unicam & simplicem, quia neque canalis dividebatur, neque etiam circulum quendam decursu suo describebat. Eodem die subjectum virile ad manus erat, in quo easdem etiam partes perlustravimus, & receptaculum priori aliquo modo simile, ut & bifurcationem prædicto in loco deprehendimus. Ut vero certiores redderemur valvularum, quas unanimi ferè suffragio huic ductui attribuunt Anatomici, tentavimus eo in loco, ubi supra cor ad lævam magis reflectitur, aerem, atque postea lac in eundem propellere, & quidem versus inferiora (nam via contraria & versus superiora quævis injecta facili negotio

pergere supra jam diximus & ostendimus:) verum, licet parva quædam ductus portio intumuerit, tamen neque spiritus inflatus, neque etiam lac injectum, multo minus cera ulterius permeare potuit ob valvulam obstantem, quæ nodum quendam repræsentavit: hinc imminente ruptionis metu ab ulteriore propulsione desistendum erat.

Et pauca hæc de nostra Encheirisi Dissertationis Academicæ loco allegasse sufficiant. Quod si quis de ista dubitare forsan vellet, illi eandem una cum nonnullis ductibus cera repletis & liquore balsamico imbutis, atque a putredine vindicatis, ad oculum demonstrare paratos nos profiteamur.

Quod DUCTUS SALIVALES attinet, illorum duo quam maxime conspicui sunt, alter *externus Stenonianus*, è glandulis parotidibus retro aures oriens & per musculum buccinatorem in oris cavitatem penetrans: alter *internus Warthonianus*, è glandulis maxillaribus sub lingua decurrens & musculum biventrem superequitans: qui uterque facillime detegi poterit, si quis figuras TAB. CIV. è Diemerbrœckii Anatome petita probe consideraverit, in qua

FIGURA I.

- a a a a. Parotis est conglomerata.
- b b. Parotis conglobata.
- c. Vas lymphaticum ex conglobata deorsum tendens.
- d d d d. Radices ductus salivalis exterioris.
- e e e e. Truncus ductus salivalis.
- f f f. Venæ jugularis rami exteriores.
- g g g. Nervi, qui ut intra glandulam & caput, sic & extra illum locum, ut in h. sibi innectuntur.
- i i. Nervei funiculi ductum salivarem comitantes.

FIG. II.

- a a. Ostia vasorum a glandula buccarum inferiore prodeuntium, quorum nonnullis seta immitti potest.
- b. Apertio ductus salivaris exterioris in papillarum summa & postrema occurrens. Reliqua puncta innuunt cætera foramina, per quæ compressione viscidus humor exit.

FIG. III.

- a a. Glandula sublingualis.
- b b. Vasa ejus.
- c c. Vasorum excretoriorum oscula.
- d. Sinus ad latus linguae observatus.

FIG. IV.

- A. Foramina palati, per quæ lentus humor eximitur.
- b b. Tonsilla.

FIG. V.

Vasculum unum ex illis, quæ ex glandula buccarum parte inferiore prodeunt.

FIG. VI.

- A. Glandula maxillaris pars posterior.
- a a. Radices posteriores ductus salivalis.
- C. Truncus posterior ductus ejusdem, tendinem musculi biventris conscendens.
- D D. Reditus ejusdem & unio cum ductu anteriore.
- E. Truncus communis ductus salivalis.
- F. G. Musculus biventer.
- H. Progressus dicti trunci versus dentes anteriores maxilla inferioris.
- I. Apertio ductus sub lingua.
- K. Glandula rotunda maxillari assidens.

FIG. VII.

- A. Posterior glandula maxillaris pars.
- B B. Anterior ejusdem pars cum radicibus anterioribus ductus salivalis.
- C. Truncus posterior ejusdem ductus, tendinem musculi biventris conscendens.
- D. Reditus ejusdem & unio cum ductu anteriore.
- E E. Truncus communis ductus salivalis.
- F. Musculus biventer.
- H. Progressus trunci versus dentes anteriores maxilla inferioris.
- I. Ductus salivalis sub lingua apertus.
- K. Glandula rotunda maxillari assidens.
- L. Series asperitatum sub lingua latere.
- M. Lingua extra sedem propulsa.

FIG. VIII.

- a. Parotis conglobata.
- b. Conglobata maxillari inferiori apposta.
- c. Conglobata alia supra fauces sita.
- d. Glandula communis.
- e. Lymphaticum vas ad jugularis axillarisque confinium tendens.
- f f f. Lymphatica tria a tribus glandulis a. b. c. in glandulam communem d. delata.

FIG. IX.

Oculus vituli sinister.

- A. Glandula oculi superior innominata.
- b. Angulus oculi major.
- c. Angulus oculi minor.
- d d d. Lobi in quos anterior glandula linguae limbus est divisus, per quorum interstitia lymphatica e. e. e. exeunt.


FIG. X.

- A. Interior palpebra superficies.
- b b b. Glandula innominata, quæ una cum vasculis c. c. c. per tenuem palpebra tunicam transpatet.
- d d. Oscula vasorum lachrymalium.

FIG. XI.

- A. Glandula lachrymalis in interiore angulo.

B. Car.



B. *Cartilago ex ipsa glandula prodiens.*

bb b. *Limbus cartilagineus.*

cc. *Membrana.*

dd. *Ostia duo, ad utrumvis cartilaginis latus unum.*

FIG. XII.

a a. *Punctorum lachrymalium ad extremas nares continuatio.*

b b. *Vas excretorium naribus proprium.*

SUPPLEMENTUM II.

DE

RAMIFICATIONIBUS VASORUM SANGUIFERORUM & LYMPHATICORUM PER INFUSIONES ꝛ. ꝙ. & CERÆ OPE SIPHONIS DETEGENDIS.

Quantam non tantum curiositatem ac jucunditatem, sed & utilitatem conjunctam habeant injectiones anatomicæ, *Regnerus Græfius* jamdudum in *Traſtulo de usu Siphonis* ex professo, quod ajunt, docuit: ad oculum vero utraque ex tot Anatomicorum Celeberrimorum Scriniis & Museis eluceſcit; è quibus pretioſiſſimum *Museum Anatomicum Ruſſchianum*, jam maxima ex parte typis & æri incisum, instar omnium eſſe poterit: cujus præparata a Ruſſorum Monarcha 25000. florenis coempta damno non facile reparando naufragio perierunt.

Quum vero Exteri, his in rebus verſatiſſimi, materiæ injiciendæ præparationem ipſasque encheiſeſes data opera celare ſoleant; hinc in gratiam eorum, quibus peregre abire Corinthumque adire non licet, utrobique ea, quæ alii in arcanis habent, candide aperiam, ut in Germania noſtra, juxta inſtitutum *Societatis Regiæ Pruſſiæ Scientiarum*, crebriores ejusmodi præparationes pariter inſtitui poſſint.

Primum E. locum occupet

INJECTIO ꝛ. IN BRONCHIA Pulmonum.

Stannum ad hanc operationem aptum eſt illud, quod Germanis & Belgis vocatur *Holſter-Zinn*. Quodſi vero illud ad manus non fuerit, Stannum commune ita præparetur.

℞. *Borracis* 3℔.

ꝛ 3ij. fluant in igne & ſibi mutuo incorporentur.

Encheiſeſis hæc eſt:

Eligantur pulmones ſani, non ex aſthmaticis aut alio morbo infectis (in his enim operatio non procederet) deſumpti, cum aſpera arteria, quam tabulæ affige, ut pulmones deorſum tendant, expreſſa prius aqua aut humore illic contento, quantum fieri poterit. Abhinc infunde ꝛ liquefactum, non nimis

fervidum, ſed moderate calidum, in arteriam aſperam, & quidem una vice (non interrupto modo aut pedetentim, alias operatio non ſuccedet ex voto) uſquedum arteria tota ſit repleta. Pulmones refrigerati in v abhinc coquantur ad carnis decidentiæ, & habebis aſperam arteriam c. ramulis inſtar arbuſculæ, qualem in Muſeo meo habeo.

INJECTIO ꝙ.

Quemadmodum non è quovis ſtipite ſit Mercurius, ita nec quivis hic ꝙ poteſt injici feliciter, ſed legitime præparatus. Quodſi ergo ꝙ vulgi ita figere deſideras, ut ſubtiliſſima quævis vaſcula non tantum pervadat, ſed & illic maneat, ita procede:

℞. ꝙ. 3j.

borracis 3j.

hac proportionem, plus minusve: inſere mortario lapideo ſupra Δ moderato (non luculento & intenſo, aliàs ꝙ qua data porta ruit & tenues evaneſcit in auras) piſtillo lapideo aliquantisper agitando & miſcendo: ſic eundem ad injiciendum & conſervanda corpora adhibere poteris. Alii eundem figunt per ſalivam immixtam. Alii ꝙ deſtillant ex cinnab. c. Sale ꝙ.

Encheiſeſis.

℞. Viscus aut partem, in quam ꝙ injicere deſideras, & inſta tubulo minori.

Hoc facto vaſi aut parti inſere itinerarium ſubtiliſſimum, ſ. tubulum anteriorem (ein Vorlag) mediante apice: ſummitati hujus immitte alium tubulum & vaſe in parte inferiore acu filo inſtructo prius perſoſſo & filo ad citiſſimam conſtrictionem parato è vitro ꝙ infunde tubulo, è quo ꝙ in tubulum anteriorem ſeu itinerarium & ex hoc in vaſculum appenſum depluet. Quodſi jam ſufficiens ꝙ copia vaſ intraverit, filo illud conſtringe ut ꝙ illic incarcerationetur, qui digitis paululum compreſſus in exiliſſimos vaſorum ramuſculos

musculos se dividit, elegantissimo spectaculo.

Not. 1. Anastomoses raro penetrat.

Not. 2. *Bidlovius* & ex arteria in intestina, licet pressum, non penetrasse observavit, sed in furculos arteriæ saltem abiisse.

Not. 3. Quando vasa & repleta sunt, teneantur supra H liquefacto, siquidem vapor è plumbo & coagulat, ut instar Z fixus appareat; quamvis si acu pertundantur vasa, effluat. *Blancardus* laminæ Saturninæ modò fusæ & adhuc calidæ vasa repleta applicat eundem in finem. Alii vasa & referta vernice ex Gummi lacca c. spir. vin. rectif. aut copal. c. Ω Terebinth. solut. incrustare solent, ne & evanescat.

Artificium

*Valvulas cordis semilunares
per & exsiccandi.*

R . Valvulas cordis semilunares ex aperta arteria aorta, easque cum particula hujus arteriæ extende supra tabulam, cui extremitates portiunculae arteriæ clavis æneis vel acubus majoribus affigantur. His paratis tubulo aperi valvulam unam, atque immitte per tubulum &, & sic & sua gravitate extender valvulam. Hoc modo age cum omnibus aliis valvulis. Has ita repletas valvulas appone igni temperato, vel etiam loco calido, exsicca, & abhinc seq. vernice (quæ aliis in corporibus conservandis summum arcanum est) a putredine in forma sicca, instar Mumiae, per multos annos præserva:

R . \odot . spic. ver. lib. j.
camphoræ zj .
 $\Omega \odot \times$. $\text{z}\beta$. M .

Calefiant & calefactis obducantur corpora balsamanda.

NOTA. Qua ratione & per Antliam Pneumaticam tutò vasis immitti possit, vid. in *Armamentario Naturæ s. Tom. III. Musci Museorum*.

Tandem &

CERÆ INJECTIO artificiosa

addenda erat, quæ ita fieri solet:

R . Cera alba (*gebleicht Wax*) vel communis, cui sebum agninum intermixtum, eaque aut \oplus . viridi, aut cinnabari communi rubro colore tingitur, ut hac arteriæ, illa vero venæ repleantur. Abhinc vasa præparanda aqua calida (nam triplex aqua sub hac operatione ad manus sit oportet, sc. fervida, calida & frigida) imple, eamque rursus exprime: Siphonem vero, quo uteris, una cum tubulis suis, aquæ fervidæ injice, ut penitus calefiant. Cera interim liquefacta extracto pistillo attrahatur & quantocyus fieri potest vasis impellatur, ita tamen ne hæc aut nimis citato aut vehementi impulsu dissiliant. Vasis sic reple-

tis spongia aqua frigida ebria applicetur, & cera statim coagulata sistitur ipsaque operatio perfecta est. Siphon interim aquæ ferventi rursus immittatur, ut cera illic hærens & coagulata colliquescat, & vel vasis ulterius injiciatur, vel ad Siphonem repurgandum ejiciatur.

NOTA. *Blancardus* jubet ut sub operatione membra animalium, quorum vasa cera sunt implenda, ∇ . calidæ immersa teneantur, ad præcavendam intempestivam ceræ coagulationem.

SIPHONEM

negotio huic accommodatum & Celeberrimis nostri seculi Anatomicis familiarem describit & depingit supra laudatus *Regnerus de Graaf*, in *diff. de usu Siphonis*, libro de *Virorum organis generationi inservientibus* annexo, & hæc in TAB. CV. ab oculos posito, in qua

A A. Siphon est ex ære vel argento confectus, ad eam circiter magnitudinem, quam figura repræsentat: quamvis nonnulli magis curtum, sed crassiores eligant.

B. est pars Siphonis superior, quæ aperitur, ut liquorem propellens extrahi possit.

C. est pars Siphonis inferior, cujus extremitati 1. Tubulus intorquetur.

D. Liquorem propellentis pars superior.

E. Liquorem propellentis pars inferior, lino obvolvenda & a superiore separata.

F. est clavis, cujus pars inferior K. excipit partem tubulorum N.N.N. ut per eam tubuli firmiter Siphoni affigantur. L. est pars clavis superior, quæ aperiri potest, ut in cavitate clavis fila ænea ad deobstruendos tubulos conserventur.


G G G. Tubuli diversæ magnitudinis eorumque partes superiores M.M.M. partem Siphonis 1. excipientes. N.N.N. partes tubulorum clavem intrantes. O.O.O. Partes inferiores tubulorum exiguo globulo munitæ, ut melius in vasis ligari possint.

H. est circulus ex corio confectus, qui Siphonis parti inferiori affigi debet, ut inter tubulum & siphonem aqua erumpat.

K. est itinerarium, cui tubuli I. inseruntur.

L. M. Sunt partes, quarum vasa & sunt repleta, ut instar ramusculorum appareant.

Caterum ut hoc siphone mediante etiam sanguis è toto corpore brevi & commode elutriari possit, D. *Casparus Bartholinus Junior* in citatis administrationibus æque ac in *Actis Hafnensibus* illi appendicem aliquam lateralem, cum binis valvulis, altera foras intro, altera introforas spectantibus addidit, ut siphone in vase, cui insertus erat, continuo permanente maxima aquæ quantitas immitti & emitti, sicque simul sanguis è venis & arteriis ita elutriari possit, ut **SECTIO INCRUENTA** postmodum institui valeat. Cum vero illæ valvulae facillimè flaccescent & corrumpantur, hinc illarum loco



loco *Muschenbræckius*, Mechanicus Lugdunensis in Belgio, in illarum locum duplex epistomium (den doppelsten Graau) cum tubulis quibusdam flexilibus, aquæ immergendis, substituit, quo mediante & aliæ quædam operationes Anatomicae, intestinorum v. g. depura-

tio commodè fieri possunt. Omnem vero admirationem superant *subjecta Anatomica artificialia* è cera ad vivum effecta (in *Wachs* possit) & Lutetiae Parisiorum hodie inventa, in quibus absque ullo tædio & horrore tum partes integræ, tum vasa omnis generis spectantur.

SIMONIS PAULLI MODUS DEALBANDI OSSA

PRO

SCELETOPŒIA,

Ex Actis Hafniensibus Thom. Barthol.

Vol. II. Obs. XVIII. & CXIII.

Elegantissimum modum a se inventum, dealbandis cum humanorum, tum aliorum quorundam animalium, bipedum, quadrupedum, itemque volatilium aut pennatorum ossibus apprime conducibilem, pro secreto hætenus servavit Vir rerum Anatomicarum & Naturæ peritissimus, *D. Simon Paulli*, Rectorum Medicorum Senior, & Experientia Medica Primas, quem tamen diu revelare publico promissit. Quominus necdum, quam dedit olim, servaverit fidem, facile ab Orbe erudito veniam impetrabit, cum alia studia, publicæ utilitati destinata, eundem ab eo instituto retraxerint, ut Machinæ Anatomicae, quam sub manibus eruditissimis habet, ea reservaverit. Cæterum, quia vitæ cum Orbis plausu actæ summa spes, quod dolemus, verat inchoare longam, Anatomes & Chirurgiæ Studiosis hoc inventum communicare constituit, Actis nostris inferendum, velut trophæum præclarorum Operum in hoc studiorum genere hætenus conscriptorum. Publico nomine Seni inclyto gratiæ amplissimæ debentur, quod non tantum propria manu nitidissime constructis sceletis Theatrum nostrum Anatomicum, cui primus spiritum vitamque dedit, exornaverit, famamque his aliisque factis extenderit virtutis suæ opere: verum etiam antequam

--- -- sua Turnum

Fata vocant, metasque dati pervenit ad ævi, publici juris facere arcanum diu pressum voluerit, meque interprete vel parario, posteritati consecrare, quo Prosectores spolio ovent, gaudeantque potiti, & sceletos nitidissimos compingere doceantur.

Ipsa Viri Magni verba afferam ex Epistola eruditissima Parænetica, ad me publice scripta Hafniæ 10. Junii, seu Feliciani die Anno 1673. Nemo enim rectius artificium hoc descripserit

quam ipse artificii elegantis Autor Experientissimus: Ita autem ille pag. 6. & sequentibus:

Sciunto ergo illi (Studiosi Anatomes &, Chirurgiæ,) ossa arte albescere, ut iis nitorum, ebur æmulantem, tractu temporis, si prius artificiose & decenter cocta, post deinde, noctu interdum, cœlo sereno ac tempestuoso, sudum cum est, aut, ut cum *Ovidio*, loquar,

-- -- *densi funduntur ab athere nimbi*,
atque adeo libero acri ac apricationi, in edito, aliquo loco ædium, ad orientem & meridiem, sitarum, post solstitium hybernum, nempe, Decembri in finem se præcipitante, (quod, maximo observandum est opere,) Januario, Febuario, Martio, Aprili, denique Majo, potius, quam aliis sive mensibus, sive anni, temporibus, exponantur. Cujus rei rationes, & causas scire qui discupit, petere potest, ex meo commentario *de febribus malignis*, itemque ex Historia lenticulæ palustris mei, *Quadripartiti Botanici*. Hoc solum hic loci, addo, exaltari, ut Chymici loquuntur, sal illud, quo nivea & pluvia, hyberno & verno, tempore, prægnans aqua est, si utrique illarum lapidis scissilis, Danice *Sköbersteen*, Germanice *Schieferstein* / Gallice *Ardoise*, dicti, fragmenta majora, cubitum circiter, longa, per dies aliquot, imo septimanas, veluti maceranda immerferis: quæ lapidis, scissilis frustra, probe permadefacta nec deterfa, subternas aut subicias ossibus necesse est, dum ea insolantur, & quidem super apta & spatiosa lignea abiegna, haud querna, tabula; cujus oras aut margines faber lignarius undique asseribus, palmum ad minimum, altis, pollicem crassis, circumdedit, non ad, perpendiculum, ac ad angulam acutum, sed, obtusum, ideo sic aptatis, ne Solis seu orientis,

„entis, seu occidentis radii intercipientur,
 „sed ut illi toto die ossa omni ab umbra libera
 „pertingant, aut penetrent: Quæ universa
 „abiegna sive tabula, sive mensa, lintrem re-
 „presentans artificiosam, arena littorali &
 „ei simili, quæ cotidie ad templum, Nauta-
 „rum præsertim devotioni dicatum, die Sol-
 „mens Kirchē / hic Hafniæ cumulata aut in
 „pyramides formata, venum omni populo ex-
 „ponitur, conspergenda non solum, sed quan-
 „tum ejus capere potest, ad digitorum duorum
 „crassitiem replenda; quam arenam hinc inde
 „operis, aut contabulas lapidis scissilis fragmen-
 „tis majoribus aut cubitalibus, quibus, ut pau-
 „lo ante innui, demum ossa imponis, ac ita
 „aplicationi exponis: cujus arenæ præcipuus
 „hic usus est, ut ea tumules carpi ac metacar-
 „pii, tarsi ac metatarsi ossa, Germanicè die Bei-
 „ne der Hand Wurzel / das kleinere Hand-
 „Gebeine; metacarpium das grosse Hand-Ge-
 „bein; Tarsi die Beine der Fuß-Wurzel;
 „Metatarsi die Beine des Mittel-Fußes / ap-
 „pellata, medullosa ac perpinguia, quo Solis
 „subsidio eorum sive medullam sive pingue-
 „dinem, ut charta bibula atramentum scripto-
 „rium, imbibat, quæ a coctura eorum adhuc
 „in iis reliqua est. Sed revertor ad aquarum
 „nivearum aut pluviarum usum: quibus, nisi
 „pluviæ cadant, opus est utraque, nempe &
 „ossa, & lapides scissiles iis substratos, con-
 „spargere interdum frequenter scopis vestiariis,
 „ex fetis rigidioribus confectis, in iis intinctis:
 „imo expedit & ipsa ossa scopis perfricare, sed
 „non ocyus, quam appetente meridie, aut,
 „ut cum Poeta loquar,

„Jamque dies medius rerum contraxerit umbras,
 „& rorem præcedentis noctis Sol matutinus om-
 „nino ab iis abliguriverit, seu ut Germani
 „Nos Megapolitani loquimur, bet dat te Rna-
 „ken drög werden: atque ita supplere defe-
 „ctum pluviae, aut hac arte eam imitari adde-
 „cet. Insuper observatione dignum, si dex-
 „tre hanc enchiresin ipse sive institueris, sive
 „absolveris, advertere te, Sole sub ardente,
 „ferire tibi nares tuas, aut te olfacere sulphu-
 „reas lapidis scissilis madefacti exhalationes,
 „non cominus tantum, sed eminus quoque
 „imo ex loco a tabula, cui instrata fragmenta
 „scissilis lapidis una cum ossibus sunt, satis re-
 „moto aut distanti, haud aliter, ac si in loco a-
 „liquo solo neglectum fumaret sulphuratum
 „accensum. Et his Solis subsidiis, usque dum
 „autumnus appetit, porissimum calcinatio (u-
 „tor Artis Chymicæ vocabulo) hæc, vel quasi aut
 „superficiaria, ut ita dicam, absolvitur, ossi-
 „bus incorruptis nec friabilibus, ut accidit
 „cornibus cervinis, per Philosophicam calci-
 „nationem: quæ ipsa nigro illo cortice splen-
 „dido, quo obducta aut veluti incrustata sunt,
 „exuuntur, si eadem per aliquot dies in vanno

„quadam apta ac capaci, superfusa ipsis pluvia
 „aqua, solum maceraveris: ita ut levi bra-
 „chio post deinde defricari possit, ac jurares,
 „ignis blandi & aquæ subsidio ea Philoso-
 „phice esse calcinata. Sed cum lapides scissi-
 „les non solum sale sui generis, ast quoque
 „sulphure insigniter abundant, hinc accidit, dum
 „proximus ardet Ucalegon, ut vicini testa,
 „contabulata lapidibus scissilibus, asperginem
 „frigidæ non ferant, sed in frustra ac testas rum-
 „pantur, sæpe tanto impetu, ut in facies in-
 „volent incendium restinguentium. &c. &c. &c.
 „Verum Deo volente, si vita suppetit, didu-
 „ctius hæc a me tractabuntur, simulque ubi
 „de coctura ossium, decenter instituenda, pri-
 „mitus a me actum est, congruo loco ichno-
 „graphiam concinnam instrumentorum, par-
 „tim a me ipso inventorum, partim a phry-
 „gionibus, automatarum fabris, torno denique
 „victum sibi quærentibus artificibus suppedi-
 „tatorum, ad exterebranda, emedullanda, ra-
 „denda, perpolianda, ac ultimo coagmentan-
 „da, ac in sceletum compingenda ossa variorum
 „animalium necessariorum, illorumque uten-
 „di modum dare meditor. Interim paucula
 „hæc prælibet quasi, ac æqui bonique consu-
 „lat hic loci prolata, benevolum lectorem
 „obtestor.

Tantum de hoc artificio nos scire voluit
 laudatus *D. Simon Pauli*, cujus veritatem in
 sceletis variis probavit, quæ in Augusto Sere-
 nissimi Regis nostri Museo, & Academiæ quo-
 que Theatro conspiciuntur, & Autoris dexte-
 ritatem loquuntur. In quibus tamen nitore
 suo servandis notandum, ut a pulvere & situ
 loci humidi præcaveantur, vel si forte pulve-
 rem exceperint, ut solenni aliqua abstersione
 mundentur. Damno suo experti sunt injuriam
 loci humidi sceleti, qui in Theatro Anatomico
 dispositi fuerunt, unde ut illorum splen-
 dori consulerem, magnam illorum partem in
 superiorem Musei Academici Cameram, ma-
 gis illustrem & siccam, transtuli, bona Dona-
 toris cum venia, ut inter cætera Naturæ variae
 spectacula, partim a beato nostro *D. Henrico*
Fuirenio congesta, partim ab aliis munificis col-
 lata, curiosorum oculis paterent. Usus arti-
 ficii contemnendus neutiquam est. Candore
 enim ita acquisito diutius perennant ossa ani-
 malium, cultores sapientiæ alliciunt, propria
 veste suæque dignitate pari exornata superbiunt,
 comta magis quam sumtuosa.

Reliqua cocturam ossium, cum primis ster-
 ni, concernentia laudatus supra Autor in alia
 Epistola seqq. aperit:

Atque priora cum ad Te *Bartholine*, Anato-
 micorum Coyphæ, Amicorum intime, a me
 abhinc aliquot menses perscripta sint, nec Tu
 solus, sed & alii Amici, Cocturæ ossium in
 Sceletos compingendorum modum, quo ea
 coquere

coquere sum solitus, non solum desiderent cupide, sed etiam obstinate urgeant, in me ego retrocedere ac ita cogitare mecum: *mortalium neminem vel in crastinum vitam sibi polliceri habere*, hinc compendifaciam omnia illa hic loci, quo meo candore, studio ac solertia, *Patria huic mea* atque adeo publicos in usus, Medicinæ & Chirurgiæ Candidatis gnaviter commodem: Cetera vero post cocturam potissimum expedienda quæ veniunt, in commodius tempus & otium rejiciens. *Senum enim anima & vita veluti est honesto otio perfruisi, aut in eo porro consensescere.* Hinc pulchra & auditu jucunda Chori illa, apud *Senecam Tragicum* sunt:

Me dulcis saturat quies

Obscuro positus loco

Leni perfruar otio.

Expedit ergo scire, ossa recens natorum aut juvenulorum omnis generis animantium, bipedum, quadrupedum, volatilium, aut pennatorum, ad Sceletosex iis compingendos ideo ineptissima esse, quod eorum epiphyfes, dum elixantur, facile hiscant, imo penitus ab ossibus absiliant; ut taceam quod illa ipsa porosa, nec adeo solida, ac ætate provectiorum sint, & coctura cineraceum colorem adipiscantur, horum vero, ceteris paribus, arte ubi lavigantur, aut perpoliuntur, insigniter nitescant. Sed ad rem:

Opus itaque est, decoquenda cadavera, cute aut pelle universa exuta, eviscerare primo, mox deartuare eadem, post dein integrum Sternon, una cum cartilaginibus, a costis septem legitimis Thoracis scalpello Anatomico solenter resecare, quinque vero notharum costarum cartilagines præfectas seorsum studiose recondere, ac singulari arte tractare; (Evolvendus hic integer *Vesalii* textus est, & inspicienda antecedentia & consequentia illius loci sunt, cujus partem infra exscripsi,) quo cum animus Tibi est post apricationem ossium, (de qua pluribus a me hac ipsa in Epistola actum est,) & iis quidem artificiose dealbatis, construere Sceletum, easdem cartilagines compingere, aut filis æneis costis nothis, arte naturam imitante, jungere queas. Sed plerorumque Sceletorum costæ nothæ mutilatæ nec cartilaginibus suis præmunitæ in Theatris Anatomicis passim conspiciuntur.

His rite peractis, ad Caput itur & Cranium capeffis. Cranium autem humanum, ob Cerebri copiam & magnitudinem præ aliorum animalium, ferra, quadrantem ulnæ nostratis Selandicæ vix excedentem, dentibus aut crenis parvissimis (Lucretii vocabulo utor,) ex Norici ferri, (Galeno nostro non ignoti,) optimæ notæ laminis aut bracteis confecta, seu quæ motum in automatis causantur, aus einer *Buckfedern einer Nürnbergischen Taschens-*

Uhren versertiget/ bipartito discindis, ac cerebrum eximis, ubi cute prius nudatum cranium, ossibus jugalibus non effractis sed integris, utrimque temporalibus musculis excisis, filo ex cannabe neto (*Segel-Barn*) sed attrito carbonum atrato, spiræ in modum circumdederis, idque reciproces ter quaterve, quo hac enchiresi pericranio veluti litura inducatur, aut si mavis linea aut regula, cujus vestigia amussis loco pericranio scalpello discisso, te sequi addecet, ut non tremula manu ita modereris ferrulam, (*meritissimo deinceps in Anatomica Schola Cephalicam appellandam*) ne in cranio oberrando illius naturalem venustatem foedè deturpes. Quod ut evites, scito Chirurgorum ferras amputandis Sphacelo corruptis ossibus commodas, neutiquam huic enchiresi aptas esse. Hiat enim nimis ab illarum usu cranium, ob scobium Cranii copiam inter ferrandum descobinatarum. Serræ interim hujus cephalicæ descriptæ, aut quasi depictæ subsidio, aliorum animalium capita non indigent, sed omne illorum cerebrum, pauculum aut parvulum quod est, comparatum ad humanum, aptis in rem eam curvis aut repandis instrumentis ferreis, per primum & maximum eorum occipitum foramen, priusquam ossa coquis, aut potius eorum capita eo modo exsculpis, ceu coquæ aut promæcondæ butyrum ex vasculis exsculpere condocessatæ sunt.

Truncato capite, postmodum cadaveris humani septem colli vertebrae a duodecim Thoracis, & has iterum a quinque Lumborum, & osse sacro ultimo dividis, illæsis vertebrarum apophysibus. Omnibus his jam peractis, cadaverum concisorum universa membra, musculis suis adhuc vestita aut cooperta, adipe omni recisa, semel atque iterum probe aqua proluis. Denique requiritur, eadem per pauculas solum horas, in pluvia, aut ea deficiente alia limpida, aut fluviali aqua ut maceres, quam ceu cruentam & inutilem postmodum evannas aut profundis, & mox coniectis in aliquot amphorarum aquæ capaci ahenis, deartuatis ossibus, pro individuorum aut animalium magnitudine, carne adhuc (ut innui,) nondum nudatis affundis aquam, & procuras jugiter, ea ut ferveat ac bulliat, despumasque subinde sordes innatantes, una cum ipsa medulla ossium, inter coquendum liquefacta, transudante ea quasi per eorum epiphyfes. Usque adeo verum illud Hippocratis, omnia perspirabilia ac permeabilia esse. Hinc caveas maxime opus est, ne frigidam suffundas, in subsidium illius aquæ, quæ inter coquendum evanuit, sed requiritur alia fervida. Secus si faxis, multimode incommodas ossibus, quæ Tu emaculata & nitida exoptas comparare Tibi. Cavendum etiam pari solertia est, ne in coctura

coctura ossium vel tantillum illorum extra aquam nudum promineat, aut veluti caput efferat, quantillum digituli alicujus procondyli altitudo præ se fert sive admittit, quip- de ossa post deinde corrumpuntur, aspectu foeda.

Quin & illa quoque monenda ex usu esse arbitror, nempe ut manus & pedes, cute detracta, singulis sacculis, vel setaceis, vel linteis raris indita, seorsum in lebere coquas, quippe quæ præ aliis membris sive artubus pinguedine & medulla quasi stillant. Ut taceam te hac via præcavere posse, ne ullum illorum ossiculorum intercidat, ne dextra cum sinistris permutes; sic expedit, ut quamlibet coctarum utriusque lateris filo cannabino evincias, coque mundo, ea serie, qua a Spina dorsi, aut potius vertebris rescinduntur, quibus utriusque lateris Claviculas jungere potes.

Ceterum quæ huc allata sunt de Enchiresi ossa coquendi ut niteant, ea potissimum intellecta volo de hominum non morbidorum, sed violenta morte peremptorum ossibus, itemque boum, equorum, leonum, apro- rum, cervorum, canum, & quæ tamdiu possunt & debent coqui, usque dum eorum caro inter elixandum quasi in pugnum contracta aut conglomerata appareat, aut ossa advertuntur sponte sua periostii suis nudari occipere: carnibus ipsis, una cum membranis, ligamentis, nervis, tendinibus adeo propemodum friabilibus, aut potius emollitis & excoctis, ut solarum manuum tuarum opera facile, citra scalpellorum anatomicorum usum, proteri, aut defricari ab ossibus queant; Et tunc temporis hoc unice studendum est, ut summa celeritate, aut mora omni ablata (iterum moneo prius aquam despumes,) attus omnes convenienti fuscina ex ferventissima aqua extrahas, radasque solum perfunditorie ossa, sed diligenter linteis asperioribus, ad ignem calfactis, detergas, eaque iis implices, ut sensim, præsertim acri hyeme, aut cum

--- *inversum contristat Aquarius annum,* frigefiant & utcunque exsiccantur. Impossibile ergo esse advertis ad Clepsydræ metiri horam, aut temporis punctum assequi nos posse, quo tempestive omnia hæc peragi vel possunt vel debent, cum serius ocus, tanta in varietate coquendorum animalium, carnes abscedant ossibus; quod pridem Incomparabilis proxime præcedentis seculi Anatomicus, alter Democritus, *Vesalius* nempe, his verbis docere nos voluit, inquiens: *Coctioni nullum tempus præfinitur, cum id ex atatum ratione plurimum variet.* Nec intercedo coquinaria in arte coquos nobis sive Anatomicis sive Medicis palmam præripere; dolendum interim *Galenum* nostrum post *Platonem* asserere, ita

cum iis esse comparatum, ut si contingat ut apud pueros & homines imprudentes Medicus & Coquus judicium subeant, Coquus non paulo plus suffragiorum ferat. Sed ne quis de studio interim hoc meo detrahat, & id redarguat philautias pruriginæ, proin modo laudatum incomparabilem *Vesalium* mutum Præceptorem, seu Promachum meo loco hic sistam, cujus vestigia in multis me esse sequutum non diffiteor. Quæ ergo ille de Synthesi ossium & cartilaginum Sterni nos docuit, illa merentur ut exscribam & sagaciter hic loci executiam, cujus hæc sunt: *Jam pectoris os, ipsique connexas cartilagine sedulo emundabis, quod eo minus prompte perfeceris, quo id pluribus obducitur membranis, pingueque est, & interim coquendum ne utiquam venit, vixque calente aqua aspergendum. Cum vero cartilagine carne spolias, cavendum est, ne membranam cartilaginibus proxime obductam, illique correspondentem auferas, quam circumosseam dicimus. Quippe hac membrana a cartilaginibus discerpta, illa infirmius pectoris ossi committuntur, & contracta, breves & intorta evadunt. Insuper quo minus cartilagine hæc contrahantur, pectoris os ad ignem non est exsiccandum: sed alicubi, tantisper dum ossa necesse proposueris, in loco non nimis humido reponendum, ne rursus cartilagine plus aquo flaccescant, ac postea deformem thoracis ossium fabricam constituent. Nihil enim aque elegantem Sceleti struem vitiat, atque pectoris os cum cartilaginibus, si modo illa negligentius observentur, & non jam compactis ossibus potius quam antea exsiccari permittantur. Hactenus Anatomicorum Patris atque Principis verba.*

Verum enim vero cum *Juvenalis* faciles cineres iis & in urna perpetuum ver comprecatur, qui Præceptores Parentis loco coluere, utique oppido turpiter me darem, si secuto hujus vitio epidemio, & quo *Seneca* teste non ad rationem sed ad consuetudinem vivitur, illius famam sugillarem, & *Senem* (quod grande nefas) veluti de ponte dejicerem, ideo quod diversus in doctrina, de sterno præparando, ac temporis sceletio aptando, ab illo abeam: quum palam sit, diem docere diem, atque hinc laudatum *Senecam*, ceu Vatem veridicum, prædixisse: *Venturum nempe esse tempus, quo ista, quæ nunc latent, in lucem dies extrahat & longioris ævi diligentia.* Jugi ergo opera & indefesso Anatomico studio operam mutuam filio meo carissimo *Jacobo Henrico* complusculis abhinc annis mihi tradente, in præsens vero *Regios inter Secretarios non ultimo loco domi forisque nomen qui profitetur suum, mihi videor sive doctus sive affecutus esse, longe alia rem aggrediendam esse via (quod pace p. m. Vesalii dixerim) ac ille præcepit, si ex sententia aut concinne sceleti thoracem compinges. Nam ut Vesalio omnino subscribendum esse comperi, dum nobis*

bis severe cocturam sterni interdicit, vix calente aqua conspergendi, ita usus & experientia, ad quæ provoco, ipsum quodammodo redarguunt, quod præcipiat: Sternon ad ignem non esse exsiccandum, cum primum requiratur Sternon, sebo & similibus sordibus foedatum, aqua ut maceres, mox id undique, sed blanditer, detergeas, linteis mundis & siccis, quibus id denique ceu stragulo cooperis, super mensa seu alia tabula sepositum, ac spatio aliquot dierum siccescere id sinis, post dein membranis illius integris, nec derasis, ubi id exsiccatum advertis, præpinguè tamen tactu aliquandiu quod apparet, suspendis id ex æneo filo, ac ad blandum camini aut hypocaufti calorem, pone fornacem sensim exsiccas, insuper habens quamcunque in partem cartilagine sterni adhærentes sursum vel deorsum, vel ad latera se torqueant, ita ut polypum quasi se præsentent, cotidie magis magisque rigescentes, quas minime reflectere ac retorquere, sed sinere eas decet, ac manum ab iis abstinere. Nec intercedo, æstivis quoque mensibus, sternon arena littorali eum in modum tumules, ut de Carpi ac Tarsi ossibus tradidi. Nam nihil damni sterni & cartilaginibus facis, aut, ut cum *Jurisconsultis* loquar, das, si dictum in modum utraque tractentur. Imo tantum abest, si ad ignem blandum, (blandum dico) ea exsiccantur, ut corrumpantur, ut eo interveniente ab omni corruptione præserventur, nec tineæ, ad atomos minimas comparandæ, tractu temporis iis innascantur, aut ea rodant exedantve.

Atque hæc de Sterni partibus & illius apparatu. Jam iterum capeffis artuum ossa, ubi per aliquot dies, imo septimanam unam itemque alteram, probe & ut decet sponte exsiccata sunt, illorumque capita & epiphyses, v.g. ossis humeri & femoris utrimque perterebras, ac convenientibus aut in rem eam aptis instrumentis, alio loco deinceps a me accurate describendis, medullæ a prima coctura quod reliquum est, ex iis extrahis, extrudis & interne epiphyses corrodis, earumque scobes excutis. Et hoc quoque de pedis & metapedii, carpi & metacarpi, denique digitorum ossibus intellecta volo.

His ergo peractis omnibus, Caput, una cum Cranio, ossaque majora, quibus innominata Anatomicis dicta annuero, iterum solerter coquis, sed non tam diu ut ante id hac, aut prima vice, & si opus, alia quoque minora, ut costatum, vertebrarum, manuum pedumque ossa: quæ universa postmodum, ut antea docui, aplicationi per aliquot menses exponis. Os autem Sacrum, valde porosum & leve, ita ut quandoque aquis innatet, omnium minime coqui postulat. Nec Caput multas coctiones suffert, ob diversam, ex quibus constat aut concrevit, ossium sive naturam sive temperiem. Quin & hic loci

monco, quadrupedum extrema pedum ossa, una cum eorum ungulis, omnino non esse coquenda, sed probe lota, membranis, tendinibus, &c. demtis, super furno pistorum, noctu interdiu fere sub tepido seposita, esse exsiccanda. Quin & volatilium tibiæ integræ, una cum explicatis aut passis super tabula eique filo æneo adstrictis pedibus, non elixantur, sed aeri solum calidiori, & Solis radiis exponuntur, eo in situ, qui volatilibus naturalis est, dum in plano & æquo loco pedibus insistant. Bisulcorum vero ossa pedum, aut hominum tarsis analogæ, v.g. Cervorum, nec non utrinque dentatorum, v.g. Canum, & quorum pedes in digitos scissi sunt, detruncas care, eaque, uti pelle pilosa undique Natura magistra investita sunt, dictum in modum, solius furni calore, probe ubi lota sunt prius, citra ullam cocturam aut alium apparatus exsiccas.

Ultimo denique Anatomæ & Chirurgiæ Studiosos non temnendam enchirēsin hic loci docebo, quæ hæc est: quod, ubi animus Tibi est sternon filis æneis costis jungere, ac decore formare Thoracem, id maceres prius in aqua necesse sit, in qua cartilagine illius, quamcunque in formam contractas, sponte quasi sua, ita sensim se explicare cernes aut observabis, ut pristinam ac naturalem iterum nanciscantur figuram. Verum sub hunc temporis articulum, quo sternon lentum ac flexile, instar viminum, apparet, requiritur, ut id linteis mundis & siccis detergas & hinc inde iisdem molliter tangas aut foveas. Sed maturato hic opus esse scire Te velim, ut Sternon, Cartilagine costasque omni ablata mora prius filis æneis revincias, quam ea iterum sponte rigescent sua, aut ultimam manum huic operi imponas; quæ omnia dictum in modum filis æneis revincta invicem, naturali in situ, eoque minime mutato, servanda sunt summo studio. *Hactenus Senex & canitie & celebritate venerandus.*

Quod jam instrumenta ad sceleti coagmentationem necessaria concernit, illa fuse describit & simul ob oculos ponit *Lyserus* in fine *Cultri Anatomici*. Omnium optima est machina Tornatoribus familiaris (eius *Dreher* *Banc*) qua promptè & expeditè ossa (è quibus jam ante coctionem medulla terebra ad id formata erat extracta) perforari & abhinc filis ferreis combinari possunt.

NOTA.

Anatomici quidam Celeberrimi in Belgio ossa non coquunt, sed putrefactioni tam diu committunt, donec carneæ & membranaceæ particulæ abscedant: quod licet ob foetorem tædiosum, ipsorum tamen Sceletorum firmiati & nitori proficuum videtur.

D. JOHANNIS RAU II

Prof. Anat. Lugdunensis Batavi

OSTEOLOGIA
CORPORIS HUMANI.

PRÆLIMINARIA

DE

VARIA OSSIUM COMBINATIONE
EORUMQUE APOPHYSIBUS,
EPIPHYSIBUS &c.

OMnia corporis humani ossa generaliter bifariam sibi invicem junguntur, sc. vel cum, vel sine motu.

Ossa motus ergo sibi juncta in genere articulantur per DIARTHROSIN, quæ tres sub se species continere dicitur,

1. *Enarthrosin*,
2. *Arthrodiam*,
3. *Ginglymum*.

Prima Species, ab arthrodia essentia non differens, ea est articulatio, qua profundum acetabulum ingens ossis alicujus caput in se recipit, ut in osse femoris & caverna ossis ischii videre licet.

Secunda est, quando cavitas non adeo profunda capitulum depressum recipit, prout humerus cum scapula cohæret.

Tertia demum vocatur, cum os idem excipit & excipitur, ut in cohæensione cubiti cum humero videre licet: quæ ultima species revera est duplex arthrodia.

Altera articulatio, quæ sine motu fit, SYNARTHROSIS audit, quæ juxta Antiquiores pluresque Modernos pariter tres Species comprehendit, sc.

1. *Suturam*,
2. *Harmoniam*.
3. *Gomphosin*.

Prima ita dicitur, quando duo ossa instar durarum ferrarum per dentes quasi sibi invicem junguntur, ut in cranio & maxilla superiori epiphysibusque videre licet.

Secunda, si duo ossa simpliciter, vel per li-

neam simplicem sibi cohærent: quæ falsa est & nullibi reperitur.

Tertia, quando os ossi instar clavi infigitur, ut in dentibus maxillæ inhærentibus observatur.

Præter has Autores adhuc duas alias articulationes addunt, quarum unam vocant NEUTRAM, ex eo, quod neque ad arthrodiam, neque ad Ginglymum referri possit: Alteram vero SYMPHYSIN.

Prior falsa est & nusquam reperitur. *Posterior* vel cum, vel sine medio fieri dicitur: quarum hæc posterior fictitia est. Prioris vero, quæ cum medio fit, tres Species constituunt:

1. *Synneurosin*,
2. *Synchondrosin*,
3. *Syssarcosin*.

Primam dicunt si ossa quædam mediante membrana aliqua cohærent, pro exemplo adferentes ossa in capitibus infantium recens natorum. Cum vero membranæ inter ossa illa occurrentes nihil aliud quam ossa adhuc mollia sint, hinc articulatio hæc nulla est.

Secunda vocatur, quando duo ossa per intervenientem cartilaginem combinantur, ut in ossibus maxillæ atque pubis observatur.

Tertia per carnem intermediam fieri putatur, exemplo scapulæ costis per carnem musculosam junctæ. Sed hæc ratio est absurda.

APOPHYSIS est appendix ossi continua. EPIPHYSIS est appendix ossi alicui contigua.

PARTIS I.

SECTIO I.

DE

OSSIBUS CRANII HUMANI.

CRanium octo sub se ossa comprehendit, scilicet

I. OS CORONALE,

in quo notentur 1. ejus *duo sinus* seu *cavitates*, membrana quadam glandulosa obduta, quæ mucus ex parte separat a sanguine, quandoque per duplex, communiter autem per unicum foramen in nares destillantem, quando scilicet bini hi sinus in ductum communem abeunt.

2. Ejus 2. *Apophyses*, ad firmiorem conjunctionem vicinorum ossium idoneæ, è quibus anterior ossi nasi fulcrum præbet.

3. Ejus *fossa exteriores*, pro spatio musculis, glandulis & pinguedini oculorum concedendo.

4. *Fossa* seu *cavitates* ejus *interiores*, quæ commodum locum præbent anterioribus cerebri lobis.

5. Ejus *ductus cæcus*, pro firmando sinu duræ matris longitudinali.

6. *Lira* ejus pro excipiendis cerebri circumvolutionibus.

II. OS OCCIPITALE,

in quo observetur primo ejus *Apophysis coronoides*, quo per arthrodiam cum primæ colli vertebræ cavitatibus articulari possit.

2. Ejus 2. *cavitates* cerebello locum concedentes.

3. Ejus binæ *fossæ*, sinus laterales duræ matris firmantes.

4. *Spina* ejus & *epiphysis*, pro firmanda posteriore parte sinus longitudinalis.

III. & IV. OSSA PARIETALIA,

quorum 1. *fossula minores* pulsu arteriarum sunt effectæ, cum ossa adhuc membranosa essent.

2. *Oblonga* autem *fossa* sive *fulci* pro firmanda superiore parte sinus longitudinalis inseriunt.

V. & VI. OSSA TEMPORALIA,

in quibus 1. *Processus* aut *apophysis Styloides* punctum fixum efformant musculi stylohyoidei, styloglossi & stylopharyngei.

2. *Processus Mastoideus* firmat insertionem tendinum musculorum mastoideorum, ejusque *cavitas interior* facit ad auditus perfectionem.

3. *Processus Zygomaticus* transitum format tendini musculi crotaphitis seu temporalis, & ex parte ortum musculi masseteris & Zygomatici.

4. *Cavitas Æinoïdes* apophysin Condylodem maxillæ inferioris excipit, ut cum eadem per arthrodiam articuletur.

5. *Ductus auditus ossæus* transitum præbet aeri tremulo usque ad tympanum.

6. *Processus petrosus* in se continet omnia instrumenta ad formandum sonum & excitandum auditum necessaria.

7. *Rima*, e qua musculus biventer seu depressor inferioris maxillæ procedit.

8. *Aqueductus Fallopii pars ossæa* aerem per os & nares haustum recipit & eundem in anteriorem ossis petrosi partem retro tympanum deducit.

VII. OS SPHOENOIDES,

in quo notetur 1. *Processus pterygoïdes*, inseriens pro firmando capite musculorum pterygoïdeorum.

2. *Processus temporalis*, faciens ad firmiorem articulationem ossium frontis & temporum.

3. Ejus *Processus parvus posterior*, ad caput musculi pterygostaphilini externi (qui uvulam movet) firmandum.

4. Ejus *Apophyses Clinoides posteriores & anteriores*, quæ cavitatem efformant pro excipienda glandula pituitaria & suffulcienda dura matre, quæ ipsa cerebrum simul sustinet, ne sua gravitate glandulam modo dictam opprimat & in secretionem suam impediat.

5. Ipsa *fossa* seu *fovea*, in qua glandula pituitaria sedem suam habet.

6. *Fossa* seu *caverna processus pterygoidei*, pro firmando capite musculi pterygostaphilini interni.

7. *Parva eminentia* seu *Apophysis*, pro usu juxta originem & progressum hac mediante variando.

8. Ejus *caverna* pro mediis cerebri lobis.

VIII. OS ETHMOIDES

seu

CRIBROSUM

offert 1. *Os planum*, quod neutiquam est os peculiare, quamvis Autores illud ita describant, sed tantum Apophysis dicendum, seu

excreſcentia offis cribroſi. Facit autem ad formandam oculi orbitam.

2. *Criſta Galli* ſive *proceſſus interior*, pro firmando tendine ſinus longitudinalis.

3. *Os ſpongioſum* ſimiliter os ſpeciale non eſt, ſed apophyſis offis ethmoidis, cujus uſus eſt, ut membranam pituitariam ſuffulciat, quæ immediatum olfactus organum eſt.

SECTIO II.

DE

OSSIBUS MAXILLÆ SUPERIORIS & INFERIORIS.

Superioris maxillæ offium 6. paria cum dimidio numerantur: Primum conſtituunt duo OSSA MAXILLARIA SUPERIORA, ſtriſte ſic dicta, pro articulandis dentibus & formanda majore palati parte; in qua *ſinus* & *cavitates* mucum in membrana glanduloſa, qua obducuntur, a ſanguine ſecretum excipientes, haud aliter ac in ſinibus offis ſphœnooidis & offis frontalis fieri ſolet.

Secundum formant duo OSSA LACHRYMALIA, quæ inſerviunt ad formandam orbitam, h. e. cavitatem bulbum oculi excipientem, & ſimul ad conſtituendam majorem partem canalis naſalis; ubi apophyſis ſuperior cum primis inſervit ad dictam formationem orbitæ, ductus lachrymalis & concamerationis naſi.

Tertium ſuppeditant OSSA NASI, ad cartilagineſ & alias partes molliusculas, ad naſi conſtitutionem concurrentes, ſuffulciendas.

Quartum dant OSSA JUGALIA, quæ ſpatium concedunt, ut oculi orbita debitam amplitudinem obtinere poſſit. In his notentur Proceſſus diverſi, ſc. 2. *proceſſus anterior* & *ſuperior*, qui ad rotunditatem orbitæ faciunt: abhinc *proceſſus poſterior*, ad proceſſum Zygomaticum perficiendum: & tandem baſis ſeu *proceſſus inferior*, ad formandum caput muſculi maſſeteris.

Quintum ſuppeditant duo PALATI OSSA, ad cavitatem ſ. fornicem, ab offibus maxillæ ſuperioris formatam, quadantenus prolongandam, ut partes molliores eo firmius illic annecti poſſint.

Sextum conſtituunt OSSA SPONGIOSA INFERIORA; quibus ultimo VOMER addatur, cujus officium eſt ſuffulcire mediſtinum naſi cartilagineum, naſum in 2. partes dividens.

OS MAXILLARE INFERIUS

in recens natis è duabus conſtat partibus. Uſus ejus nutritioni corporis humani dicatus eſt, dum ope muſculorum commotum & maxillæ ſuperiori, quæ immobilis eſt, admotum per dentes ſibi infixos cibos interpoſitos comminuit.

In hoc obſervetur 1. *Baſis ejus*, ad ſuffulciendos dentes alveolis ejus inſedentes.

2. *Labium exterius*, ubi tendo muſculi platoidis firmatur.

3. *Angulus Maxillæ*, qui inſervit inſertioni tendinum muſculi maſſeteris & pterygoidei interni.

4. *Collum ejus*, ad Apophyſin Coronoidem & Condylidem ſuffulciendam, inſimulque inſertionem tendinis muſculi pterygoidei externi excipiendam.

5. *Apophyſis Condylodes*, ut ſe cum offis temporalis cavitate per arthrodiam articulare valeat.

6. *Apophyſis coronoides*, ubi tendo muſculi temporalis inſeritur.

7. *Parva eminentia*, ut capitta Muſculorum Geniohyoidei, Mylogloſſi & Geniogloſſi eo firmius annecti poſſint.

8. *Labium inferius*, cui adhæret præteriens muſculus digatrius aut biventer.

SECTIO III.

DE

FORAMINIBUS CRANII INTERIORIBUS.

Inter hæc 1. occurrit in utroque latere *Ductus* ſ. *meatus pro fibrillis primi nervorum paris*, olfactorii ſcil. quæ ob-

literantur in membrana os ſpongioſum inveniēte.

2. *Ductus pro nervis opticis*.

3. *Fora-*

3. *Foramen inaequale*, quod transitum concedit nervo pathetico, oculos motorio, pari sexto & primo ramo quinti paris.

4. *Ductus pro secundo ramo quinti paris.*

5. *Locus, ubi fibrilla quadam per orbitam in cranium penetrat, ab ophthalmico Willisii oriens, quæ abhinc cum fibrillis olfactorii per foraminula ossis cribrosi pergit similemque cum hisce usum habet.*

6. *Dicta modo foramina ossis cribrosi.*

7. *Ductus pro ultimo ramo quinti paris.*

8. *Ingressus rami arteriae carotidis externæ, qui in duram matrem se dividit.*

9. *Introitus arteriae carotidis internæ.*

10. *Exitus septimi paris nervorum, sc. auditorii.*

11. *Anterior pars foraminis perforati, è quo octavum par cum nervo spinali procedit.*

12. *Posterior pars foraminis perforati, quam vena jugularis interna permeat.*

13. *Exitus noni paris.*

14. *Foramen per quod vena vertebralis transit, quæ tamen non in omnibus subjectis invenitur.*

15. *Foramen amplum pro spinali medulla transmittenda.*

16. *Ductus per quos vasa quadam sanguinea processum petrosum ingrediuntur.*

17. *Parva eminentia seu Apophysis pro firmanda dura matre, postquam hæc foramen perforatum in 2. partes divisit.*

18. *Foramina ingressum præbentia vasis quibusdam sanguiferis in sinu ossis sphaenoidi se diffundentibus.*

19. *Foramina diversa vasa quadam sanguifera transmittentia, quæ ab oculis proficiunt & anteriori duræ matris parti inserviunt.*

SECTIO IV.

DE

FORAMINIBUS CRANII & MAXILLARUM EXTERIORIBUS.

Hic notandus est 1. *Meatus pro ramo nervi ophthalmici Willisii, qui in musculum frontalem & cutim distribuitur.* Interdum foramen hoc non occurrit, sed ejus loco fossula.

2. *Introitus fibrilla, seu filamentum minoris, de quo in præf. sect. num. 5. dictum fuit.*

3. *Ingressus pro vasis nonnullis sanguiferis, quæ sinum ossis sphaenoidis ingrediuntur.*

4. *Meatus nasi osseus, qui lachrymas per puncta lachrymalia in saccum admittit & easdem ad nares derivat.*

5. *Foramen per quod ramus V. paris nervorum transit, ut se in faciem disseminet.*

6. *Foramina nonnulla, quæ fibrillis quibusdam nerveis a secundo ramo V. paris transitum concedunt, ut in faciem distributæ dispareant.*

7. *Foramen incisivum, per quod mucus in os deducitur.*

8. *Foramen, quod ramulus a secundo ramo V. paris oriundus penetrat, ut se in gingivas, uvulam & partes molliores, palatum investientes, diffundat.*

9. *Foramen quod portionem duram nervi auditorii transmittit.*

10. *Foramen per quod vena quadam a sinu la-*

terali duræ Matris in venam jugularem externam abit.

11. *Ingressus venarum vertebraliū.*

12. *Foramen per quod sinus longitudinalis superior, interveniente vena quadam, cum vena jugulari externa communicat.*

13. *Fossa pro vena jugulari interiori, ad firmandum saccum venæ cavæ internæ, qui aptus natus est ad sanguinem venosum descendentem, instar valvulæ, cohibendum, ne subito & cum impetu in dextrum cordis ventriculum & auriculam decidens in sanguine venoso adscendente turbas quasdam moveat.*

14. *Canalis quem permeat arteria quædam a carotide interna oriunda, quæ communicationem fovet cum vena jugulari interna: Item nervus a tertio ramo V. paris, qui plurimas fibrillas pro dentibus emittit & in 2. partes se dividit. Major pars è foramine maxillæ inferioris prodit, ut in musculis labiorum, quadrato sc. triangulari divisa dispareat: Minor vero cursum suum prosequitur & dentibus incisivis communicatur.*

15. *Foramen majus, quod tendo musculi temporalis transit.*

OSTEOLOGIÆ

PARS II.

DE

OSSIBUS TRUNCI & ARTUUM.

SECTIO I.

DE

VERTEBRIS COLLI.

Secunda Sceleti pars complectitur ossa colli & pectoris, costas, homoplatas, vertebrae dorsii & lumborum, os sacrum, os pubis & artus. Pectus autem constat 12. vertebrae & sterno. Costarum duodecim verae, decem vero spuriae vocantur: quas omnes partes sigillatim perscrutabimur.

COLLUM 7. continet **VERTEBRAS**, quarum prima **ATLAS** vocatur, ex eo quod Caput sustinet, quod Philosophis nonnullis haud inepte microcosmus audit. In hac vertebra notentur 1. *Cavitates clinoides superiores*, quae inserviunt ut vertebra haec uniri possit cum apophysibus coranoidibus ossis occipitis, & quidem per arthrodiam: utut id nonnisi ob flexionem & extensionem fiat.

2. *Cavitates clinoides inferiores*, ut eo facilius se rotare possit supra vertebrae l. spondylum colli secundum, epistropheum dictum.

3. *Eminentia ejus obtusior* apophysi seu spina (quam reliquae vertebrae habent) caret, cum puta in finem, ne musculos recti majores, in spina vertebrae secundae originem suam capientes & capitis extensores, in officio suo impediantur.

4. *Ejus incisura vel excavatio*, quae locum concedit arteriae & venae vertebrali, ut & decimo pari nervorum capitis secundum Willisium, quod nobis primum colli audit.

5. *Cavitas in parte corporis interiori*, ad recipiendam apophysin odontoidem vertebrae secundae colli, & simul transitum medullae spinali concedendum.

6. *Apophyses transversae* in hac longiores sunt quam in reliquis, ut musculos majores obliques, capitis rotatores (qui in spina secundae vertebrae exoriri in hanc apophysin transversam

inseruntur) longius a se invicem segreget, ne per apophyses transversas epistrophei laedantur.

Spondylus secundus **EPISTROPHEUS** dicitur, cum primus supra illum circumrotetur; unde & vertebra haec ab aliis **AXIS** vocatur, sumta similitudine ab axe carpentarii, circa quam rota volvitur & rotatur. Specialius autem *processus ejus dentoides* nomen hoc meretur, qui hic pra aliis observari meretur.

Antiquiores tertiae colli vertebrae quoque **AXEOS** nomen tribuebant: verum cum haec nihil peculiaris habeat pra reliquiis colli vertebrae, hinc nomen illud non meretur.

QUATUOR RELIQUAE etiam nihil pra aliis obtinent, nisi quod 1. *apophyses* illarum *spinosa magis* quodammodo incisae sint, idque ad meliorem plurimorum musculorum illic occurrentium insertionem: quodque *apophyses* illarum *oblique adscendentes* majorem, quam reliquae, cavitatem habeant. Interim ultimae binae prolixiorem saepe spinam habent & interdum minus incisae sunt.

2. Notentur earum *foramina* arteriae & venae transitum concedentia.

3. *Apophyses illarum transversae*, ad distinctius & melius firmandos musculos illic originem suam sumentes.

4. *Apophyses spinosae*, ad capita plurimorum musculorum, cum primis tamen musculi splenii & circumflexi caput attollentium, firmanda.

5. *Apophyses obliquae superiores*, ad superimpositarum vertebrae obliquas apophyses superiores recipiendas.

6. *Apophyses illarum inferiores*, ut ab apophysibus substratis insequentium vertebrae excipi possint.

SECTIO II.

DE

VERTEBRIS DORSI.

Sequuntur VERTEBRÆ DORSI, quæ numero XII. in utroque latere se cum totidem costis jungunt. Hæ nihil peculiare habent, nisi quod 1. *apophyses* illarum *spinosa* depressæ magis jaceant ac in vertebra colli & lumborum, ne motus illarum tantus sit ac priorum, quum eo ipso partes in pectore & abdomine illis conjunctæ & adhærentes aliâs læderentur, aut ad minimum in officio suo naturali impedirentur.

Præterea 2. *Cavitas in basi illarum* pro articulatione cum capite costarum attendenda.

Abhinc 3. *Sex superiorum apophyses transversæ* *cavitatem* habent ad recipiendam eminentiam costarum, ut cum his articulentur.

4. *Sex posteriorum apophyses transversæ* nullam ejusmodi cavitatem habent, sed earum loco parvam eminentiam, quæ a cavitate ultimarum 6. costarum excipitur, ad articulandum se mutuo per *synchondrosin*.

5. Non negligenda sunt *foramina*, quæ per concursum singularum duarum vertebrarum

formantur per *apophyses transversas*, ut transitus concedatur fasciculis nervorum, quos *Spina dorsii* de se spargit.

Alias in specie Vertebra dorsii prima *vertebra eminens* vocatur, quod præ aliis magis emineat.

Secunda autem vocatur *vertebra axillaris*, quoniam circa regionem nervorum occurrat.

Reliquas, usque ad undecimam, vocant *Costales*, sed insulse, cum præcedentes & binæ subsequentes non minus costis articulentur.

Undecima *arrepis* dicitur, quoniam *apophysis* ejus *spinosa* rectior protenditur, quam reliquarum.

Duodecima *præcingens* audit, non quod (ut Autores habent) circa hanc regionem cingula portentur, sed quia interdum *apophyses* ejus transversæ una cum *apophysibus* obliquis *fornicem* quasi efficiunt, ad processus obliquos inferiores vertebrae decimæ similiter excipiendos.

SECTIO III.

DE

VERTEBRIS LUMBORUM,
OSSE SACRO & COCCYGIS.

VERTEBRARUM LUMBORUM numero V. sunt, quæ omnes nihil peculiaris habent, nisi quod *basis* illarum major sit, quam aliarum, & adhæc mediante crassa cartilagine magis a se invicem distent, quam reliquæ: idque non sine causa, quoniam crassa cartilago plus spatii occupans facilius etiam & plus cedere, sicque major commotio fieri potest.

Adhæc *Apophyses* illarum *transversæ* longius quoque distant a se invicem, ut per easdem major quoque motus fieri possit: eaque de causa recta etiam prominent, majores quoque, quoniam muscoli hic inserti etiam satis magni sunt.

OS SACRUM ita dicitur, quoniam partes genitales, quæ sacra audiunt, suffulcit. Constat ex 4. aut 5. partibus immobilibus & per *synchondrosin* junctis.

In hoc notetur 1. ejus *gibbositas*, ad formandam cavitatem pro constituenda pelvi.

2. Ejus *foramina* in extrema & posteriori ejus parte occurrentia magis, quam in lateribus: ad promovendam, vel ad minimum non impediendam articulationem cum osse ileo. *Foramina* autem illa sunt 8. in parte anteriore 4. & in postica 4. Posteriores membrana obturantur, nec ulli per eadem feruntur nervi, ut Veteres opinati sunt & cum illis Moderni cespitarunt.

Apophysis ejus 1. duas cavitates & unam habet eminentiam, ut sic articuletur cum osse ileo.

Notentur etiam ejus 2. *apophyses* obliquæ & 3. *spinosa*. OS COCCYGIS in recens natis è diversis partibus constat: In adultis autem unicum tantum os constituit. Facit ad suffulciendum intestinum rectum & originem indulgendam musculis ani levatoribus.

SECTIO IV.

DE

OSSIBUS INNOMINATIS.

Horum tria sunt: I. OS ILEON, ita dictum, quod intestinum ileon situm suum illic habet.

II. OS ISCHION, alias COXENDIX, quod ad maiorem partem acetabuli formandam facit.

III. OS PUBIS, quod in parte anteriori & in medio cartilagine quadam est conjunctum: neutiquam tamen cedit aut disjungitur in partu, ut Medici quidam Cathedraarii perhibere solent.

Notatu digniora in hisce sunt seqq.

1. *Cavitas interior ossis ilei*, quæ inservit ad continendum corpus musculi iliaci, seu flexoris ossis femoris.

2. *Cavitas ejus aut facies exterior*, ad extensores femoris continendos, qui tres musculi glutæi sunt.

3. *Costa ejus*, quæ & *margines* audiunt, ad tendines musculorum abdominis recipiendos, cum primis obliquorum & transversi.

4. *Labium internum*, ad tendinem musculi transversi excipiendum.

5. *Labium exterius*, ad originem Gluteo majori præbendam.

6. *Spina ejus anterior & superior*, pro ortu musculorum extensorum cruris (des Schiens beins.)

7. *Spina ejus posterior & superior*, quæ cavitate ossis ischii formare juvat, ut eo firmiori synchondrosi ossi sacro coarticuletur.

8. *Spina posterior & inferior*, inserviens ad combinationem ossis sacri cum osse ischio, mediante crassa cartilagine & ligamento quodam, foramen, unde nervus ischiadicus procedit, insimul ex parte formante.

9. *Excavatio pro meliori exitu nervorum*, venarum & arteriarum cruralium tendinisque musculi psoas.

10. *Excavatio pro transitu vasorum spermaticorum.*

11. *Excavatio pro defensione & meliori com-
meatu nervi ischiatici.*

12. *Tuberositas ossis ischii*, pro constituendo puncto fixo musculorum penis, ut & elevatoris ani.

13. *Acetabulum ejus*, ad caput ossis femoris recipiendum & sic per arthrodiam se articulandum.

14. *Scissura*, pro ortu ligamenti rotundi illicque simul spatio concedendo, ut cedere possit, ne lædatur in hoc vel illo motu, dum v.g. equo vehimur absque stapedis usura.

15. *Supercilium ejus*, ad cavitatem profundiorē reddendam, ut os femoris eo magis a luxatione liberetur.

SECTIO V.

DE

CLAVICULIS & HOMOPLATIS.

Sequitur jam ut CLAVICULAM utriusque lateris in Sceletō quoque contemplemur, cujus usus est, ut homoplatam suffulciat, ne humerus plus justo versus anteriora procidat. Adhæc brachium majus robur per eandem lucratur, dum alii ossi incumbit & vectis instar eo melius agit.

Notetur hic ejus 1. gibbositas, faciens ad pulchritudinem.

2. *Cavitas ejus* pro concedendo transitu nervis & venis, quæ versus brachium feruntur.

3. *Extremitas ejus interna*, ut se sternō per arthrodiam jungere valeat.

4. *Extremitas ejus externa*, ad articulationem cum acromio per synchondrosin subeundam.

In OMOPLATIS autem plura adhuc attendenda sunt, scilicet

1. Earum *Basis*, quæ recipit tendinem musculi rhomboidei & pro suffulciendis reliquis suis apophysibus inservit.

2. *Costa earum superior*, pro suppeditando principio musculo cuidam, qui perperam Coracohyoides vocatur, quum punctum suum fixum non tam supra processum, quam costam ejus habeat.

3. *Costa inferior*, ad punctum fixum quorundam musculorum extensorum brachii constituendum; quin & partem tendinis musculi dorsi latissimi recipit.

4. *Angulus superior*, ad recipiendum tendinem musculi elevatoris scapulæ, patientiæ alias dicti.

5. *Angulus.*

5. *Angulus inferior*, ad punctum fixum musculi rotundi majoris & minoris constitutum.

6. *Facies ejus externa*, ad partem corporum musculorum v. g. *Infraspinalis*, rotundi majoris & minoris suffulciendam.

7. *Facies interna*, ad corpus musculi subscapularis suffulciendum.

8. *Ejus Spina*, ad tendinem musculi trapezii recipiendum & formandas insimul cavitates *Suspraspinalem* & *Infraspinalem*.

9. *Cavitas Supraspinalis* receptaculum est musculi *Supraspinalis*, cui principium tribuit.

10. *Cavitas Infraspinalis* originem præbet maxima ex parte musculo *Infraspinali*.

11. *Apophysis acromion*, ut per *synchondrosin* cum clavicula uniatur.

12. *Apophysis Coracoides*, quæ punctum fixum est musculi *coracobrachialis* & tendinem musculi *pectoralis minoris* recipit.

13. *Collum* ejus, quo *cavitas clinoides* formatur.

14. *Cavitas clinoides*, quæ inservit, ut per *arthrodiam* cum humeri capite articuletur & punctum fixum sit tendinis musculi *bicipitis*.

SECTIO VI.

DE

EXPLICATIONE STERNI & COSTARUM.

STERNUM in adultis ex duobus tantum ossibus per *synchondrosin* conjunctis est conflatum.

In primo ejus osse notatur i. *Fossa* quædam pro transitu arteriæ *Tracheæ*.

2. *Eminentia* ad formandum punctum fixum musculorum *Sternohyoideorum* & ex parte musculorum *mastoideorum*.

3. *Cavitas* ejus pro articulatione cum claviculis.

4. *Foramina* 2. priora, pro articulatione binarum priorum costarum per *synchondrosin*.

Alterum os Sterni 1. Sex habet *Foramina* ad excipiendas septem costas veras.

2. *Cartilaginem Xiphoidem* seu *Ensiformem*, pro insertionem concedenda ex parte musculis abdominis rectis.

Totum alias Sternum facit ad defendendas partes in thorace contentas & instar seu-

ti ab injuriis externis defendendas: adhuc suffulcit articulationem costarum & simul locum concedit *mediastino* sibi jungendo.

Quod jam *COSTAS* attinet, illarum XXIV. numerantur. Interim quandoque tantum XXII. inveniuntur, sed tunc XI. tantum vertebræ similiter occurrunt.

Quatuordecim è XXIV. illis *costa vera* audiunt, quæ ad unam omnes cum Sterno articulantur. Reliquæ decem *spuria* audiunt, quia Sternum non attingunt. Ultimæ ex illis nec per cartilaginem, instar aliarum, Sterno junguntur, sed in carne musculorum vicinorum obliterantur.

Notatu digniora in costis sunt i. *Corpus* illorum.

2. *Extremities anteriores*, quibus cum Sterno junguntur.

3. *Extremities posteriores*, ut se cum 2. corporibus vertebrarum jungere possint.

4. Illarum *Costa superior*.

5. - *Costa inferior*.

6. - *Labium interius & superius*.

7. - *Labium interius & inferius*.

8. - *Labium exterius & superius*.

9. - *Labium exterius & inferius*.

Omnia hæc labia inserviunt tum ad punctum fixum, tum ad insertionem musculorum intercostalium.

10. *Incisura*, juxta quam (ut sibi persuadent) arteria, vena & nervus intercostalis sita esse debent.

SECTIO VII.

DE

OSSE BRACHII seu HUMERI.

IN HUMERO observetur primo omnium Extremitas seu Epiphysis superior, caput vulgo dicta, qua cum homoplata per arthrodiam articulatur.

2. *Corpus humeri*, ad principium & finem plurimorum muscutorum sustinendum.

3. *Collum humeri*, ad caput cubiti suffulciendum.

4. *Excavatio ejus*, pro concedendo transiru capiti inferiori musculi bicipitis.

5. *Fossa* ad excipiendum tendinem musculi pectoralis.

6. *Extremitas ejus inferior s. epiphysis*, ut se cum ulna per arthrodiam & ginglymum articulare valeat.

7. *Ejus Apophysis interior condyloides* ad originem omnibus musculis carpi flexoribus concedendam.

8. *Ejus duæ eminentiæ*, ut a binis cavitatibus epiphyseos in ulna per ginglymum excipi possit.

9. *Strima equalis*, qua cum radio per arthrodiam articulatur.

10. *Cavitas ejus minor & anterior*, ut sub flexura cubiti apophysin coronoidem excipere valeat.

11. *Cavitas major posterior*, ad brachium superius in extensione cubiti excipiendum.

12. *Spina ejus seu anguli*, ad meliorem muscutorum firmationem.

SECTIO VIII.

DE

EXPLICATIONE CUBITI.

CUBITUS è binis constat ossibus, *Ulna* sc. & *Radio*.

In ULNA notetur 1. *Extremitas seu Epiphysis ejus superior*, qua se per ginglymum cum humero conjungit.

2. *Epiphysis ejus inferior*, qua se cum binis ossibus carpi superioribus per arthrodiam jungit.

3. *Cavitas ejus sigmoidea*, ad duas eminentias humeri excipiendas sitque ginglymum formandum.

4. *Cavitas lateralis interna*, ad excipiendum marginem cavitatis clinoidis radii, pro rotatione & insinuatione sub motu prono & supino.

5. *Apophyses coronoides*, ad formandam cavitatem sigmoideam.

6. *Olecranon*, ut musculis flexoribus humeri succurrat, quando brachium extenditur, aut aliquid elevatur.

7. *Eminentia minor in cavitate sigmoide*, ut a strima humeri per ginglymum excipi possit.

8. *Spina* qua firmitus annectitur ligamentum, quod inter radium & ulnam reperitur.

9. *Reliqua Spina & Anguli*, pro majori firmitate muscutorum.

10. *Eminentia pro firmitate tendinis musculi brachialis interni*.

11. *Eminentia ejus lateralis epiphyseos inferioris*, quæ inservit ut fossa radii sub motu prono & supino desuper rotetur.

12. *Apophyses ejus styloides*, ad luxationem carpi, in quantum possibile, impediendam.

13. *Cavitas ejus clinoides*, ut se cum tertio ossiculo carpi per arthrodiam articulare valeat.

In RADIO similiter haud pauca sunt perpendenda, sc. 1. *Corpus radii*, pro fulcimento, ortu & insertione muscutorum, ad instar aliorum sui generis ossium.

2. *Epiphysis seu Extremitas ejus superior*, pro articulatione cum humero per arthrodiam.

3. *Epiphysis ejus inferior*, ut se cum 2. ossiculis carpi per ginglymum uniat.

4. *Cavitas ejus clinoides*, ad excipiendum capitellum humeri, pro articulatione per arthrodiam.

5. *Margo ejus*, ut juvet ad suffulciendam cavitatem clinoidem.

6. *Tuberositas ejus*, pro insertione musculi bicipitis.

7. *Spina*

7. *Spina ejus*, pro firmatione ligamenti chei-
riformis.

8. *Anguli ejus*, ad firmandos magis mu-
sculos.

9. *Binae cavitates*, ad formandum gingly-
mum cum primo ossiculo carpi.

10. *Apophyses ejus styloides*, ad præcavendam
luxationem carpi versus exteriora.

SECTIO IX.

DE

OSSIBUS MANUS.

OSSA manus in tres classes distinguun-
tur, *Carpum* sc. *Metacarpum* & *Di-
gitos*.

CARPUS ex octo constat ossibus, quæ
partim ad articulationem cum metacarpo
& radio, partim ad meliorem commotio-
nem, per plurima interstitia sc. internodia in-
serviunt.

Speciatim 1. attendantur 12. *Ossicula*,
quæ cum radio per arthrodiam articulan-
tur.

2. *Ossicula tria*, quæ similiter foveam effi-
ciunt, ad ligamentum annulare suffulciendum,
ut tendines profundi & sublimis absque impe-
dimento transire possint.

METACARPI ossa in genere faciunt ad
suffulciendos musculos interosseos. In specie
autem *noduli ejus* inserviunt ad articulatio-

nem, quam per arthrodiam subeunt cum pri-
mis interradiis.

DIGITORUM tres Phalanges sc. interno-
dia statuuntur:

In *Prima phalange* notetur cavitas clinoi-
des, ad excipienda capitula metacarpi.

In *Secunda phalange* inseruntur tendines sub-
limis perforati.

In *Tertia phalange* inseruntur tendines pro-
fundi seu perforantes.

Similiter **POLLEX** tres phalanges habet,
in quibus notatu digna est 1. *Cavitas exigua*,
pro recipiendis meliusque fovendis tendinibus
flexorum digitorum, scil. profundi & subli-
mis.

2. *Parva eminentia*, cui se ligamentum,
quod tendines modo dictos ambit, firmiter
applicat.

SECTIO X.

DE

OSSIBUS FEMORIS, TIBIÆ & FIBULÆ.

IN OSSE FEMORIS notetur 1. ejus ex-
tremitas, quæ se cum osse ischii per ar-
throdiam articulare possit.

2. *Caput ejus*, ad excipiendum acetabu-
lum. Sunt, qui hanc articulationem enarthro-
sin vocant, sed tunc species articulationum
multiplicatur.

3. *Collum*, quo caput ejus suffulcitur.

4. *Fossa*, cui ligamentum rotundum inse-
ritur.

5. Ejus processus *Trochanter major*, ad re-
cipiendos tendines musculorum extensorum
femoris.

6. *Trochanter minor*, pro insertionem tendinis
musculi iliaci & psoas.

7. *Pecten ejus*, ad Trochanterem augen-
dum, simulque cavitatem formandam pro
insertione musculorum geminorum, quo
in officio suo, dum inflantur, non impe-
diuntur.

8. *Eminentia similis*, ad meliorem firma-
tionem tendinis musculi tricipitis.

9. *Spatium* pro musculis obturatoribus fe-
moris.

10. Cavitas pro insertionem musculorum qua-
drigeminorum.

11. *Corpus femoris*.

12. *Linea ossis femoris*, ad meliorem firmatio-
nem musculorum.

13. *Extremitas ejus seu epiphysis inferior*, ut
se cum tibia articulare possit.

14. *Condylus internus*, pro ortu musculo-
rum.

15. *Condylus externus*, pro origine muscu-
lorum gastrocnemiorum & plantaris, qui
similiter a condylo hoc proficiscitur.

16. *Eminentia seu caput internum & externum*,
ad formandum ginglymum cum tibia.

17. *Cavitas pinguedine repleta*, quæ transitum
concedit vasis sanguiferis majoribus & nervis:

quibus pinguedo loco culcitæ mollis est, ne per crebrum pedis motum lædantur.

18. *Cavitas pro eminentia minore tibiæ excipienda.*

19. *Cavitas pro excipienda rotula.*

20. *Rotula, quæ usus intuitu cum olecrano ulnæ convenit.*

21. *Ejus eminentia, ut a cavitate sibi debita excipiat.*

22. *Binæ cavitates ad excipienda duo capita ossis femoris.*

In TIBIA occurrunt 1. *Epiphysis seu Extremitas superior*, qua per ginglymum articulatur cum inferiore cavitate ossis femoris.

2. *Binæ ejus cavitates, ad excipienda capita femoris.*

3. *Ejus Eminentia, pro cavitate sibi proportionata.*

4. *Brevis appendicula, pro cavitate superioris Epiphysis fibulæ.*

5. *Tuberositas ejus, pro insertione aponeurosis, quæ per omnes musculos tibiæ extensores formata est.*

In TIBIA præter ipsum corpus 1. occurrunt ejus spinæ, pro majori firmatione musculorum, ut sæpius hæctenus dictum fuit.

2. *Epiphysis ejus inferior*, quo cum astragalo per arthrodiam (aut juxta alios per Ginglynum) articuletur.

3. *Cavitas ejus exterior*, ad eminentiam extremitatis inferioris fibulæ excipiendam.

4. *Ejus Apophysis*, quæ malleolum internum, ad luxationem Tarsi versus interiora præcavendam, format.

In FIBULA tandem occurrit 1. *Ejus extremitas superior seu Epiphysis*, ut se cum tibia uniat.

2. *Extremitas inferior*, quo cum inferiore tibiæ parte articuletur.

3. In corpore ejus observentur *spina*, ad majorem firmationem musculorum.

4. *Cavitas*, ut cum eminentia tibiæ articuletur per synchondrosin. Nonnulli tamen articulationem hanc vocant emphiarthrosin.

5. *Eminentia Epiphysæ inferioris*, qua per synchondrosin cum extremitate inferiore tibiæ articulatur.

6. *Ejus Cavitas, qua cum astragalo jungitur.*

7. *Ejus Apophysis*, quæ format malleolum externum & impedit luxationem tarsi extrorsum versus.

SECTIO XI.

DE

EXPLICATIONE OSSIIUM TARSI, METATARSI & DIGITORUM PEDIS.

IN TARSO occurrit, 1. *Astragalus* seu Talus, qui per ginglymum cum tibia jungitur.

2. *Calcaneus*, articulatus cum osse cuboide per ginglymum.

3. *Naviculare*, cum astragalo per arthrodiam articulatum, cum tribus ossibus cuneiformibus autem per ginglymum.

4. *Cuboides seu Os Tæssera*, quo cum calcaneo & quarto osse metatarsi, iisque quæ ossa digitorum pedis minorum suffulciunt, per ginglymum articulatur.

5. *Ossa cuneiformia*, quo omnia cum osse

naviculari, singula vero cum ossibus metatarsi per ginglymum articulantur.

6. *Eminentia ossis calcanei*, pro insertione tendinis Achillis.

METATARSUS e quinque constat ossibus, quæ nihil peculiare habent præ ossibus digitorum, nisi quod longiora sint.

DIGITI PEDUM è 14. ossibus constant, quoniam major tantum 2. habet: nihilque peculiaris alunt præ digitis manus, nisi quod breviora sint, sicque articuli hi ad motum minus apti sunt.

OSTEO.

OSTEOLOGIÆ

PARS III.

DE

OSSIBUS RARO VEL

NUNQUAM IN SCELETO

OCCURRENTIBUS.

Inter hæc agmen ducunt

I.

OSSICULA AUDITUS,

quæ in processu petroso latent, quorum primitus IV. sibi invicem adhærent sc.

1. *Malleolus,*
2. *Incus,*
3. *Rotundum,*
4. *Stapes.*

Sed 5. præter hæc in recens natis *annulus ossæus* reperitur, cui tympanum firmiter adhæret.

Porro in eodem processu observamus *cochleam*, *tres canales semilunares*, *cavitatem tympani*, *labyrinthum*, *foramen ovale*, *vestibulum & foramen rotundum*: quæ omnia pro tyronibus nimis subtilia videntur.

II.

OSSA SESAMOIDEA.

Horum numerus non semper idem observatur. Nominantur ita a similitudine cum semine sesami. Sedes illorum est in ossibus

metacarpi & metatarsi, ubi cum phalangibus articulantur. In eo, quod cum pollice majore articulatur, nunquam non duo inveniuntur, quæ, ubi cartilagini cohærent, exiguam cavitatem formant pro transitu tendinis. Usus illorum præcipue est, ut loco trochleæ inserviant ad faciliorem motionem tendinis flexorum digitorum: neutiquam vero ad firmandam articulationem, ut Antiqui olim statuerunt.

III.

OS HYOIDES.

Tribus id ossiculis constat, quæ duas epiphyses minores habent, duasque majores, quæ posteriores mediante cartilagine se cum processu styloide conjungunt. Usus ejus generalis est, linguæ pro basi serviare, orum præbere plurimis musculis laryngis, linguæ & pharyngis, tandemque punctum mobile constituere musculorum proprium, formationi vocis inservientium.



MYOLOGIAE RAUJANAE

SECTIO I.

DE

MUSCULIS CAPITIS,

quorum VII. Paria sunt : Unum sc. i. Flexorum : Quinque (sc. 2. 3. 4. 5. 6.) Extensorum, & unum Rotatorum.

NOMEN.	ORIGO seu PUNCTUM FIXUM.	PROGRESSUS.	INSERTIO seu PUNCTUM MOBILE.
1. <i>Mastoides</i>	Oritur a parte superiore & exteriore, ut & laterali ossis sterni.	Oblique ascendens super omnes qui in collo collocantur musculos.	Latissimo tendine inseritur faciei exteriori ossis occipitis, circa regionem processus mastoidis, & ossi temporali.
2. <i>Splenium</i>	Oritur gracili tendine a latere apophysium quinque vertebrarum superiorum dorsi, & carnosis tendinibus a spinosis trium ultimarum colli.	Oblique ascendens NOTA. Splenii quasdam fibras carnosas per tendines graciliores apophysibus transversis superiorum 4. colli vertebrarum conjungi, imo confundi cum tendinibus musculi transversalis, qui est colli extensor.	Inseritur supra insertionem musculi mastoidei.
3. <i>Complexum priori suppositum</i>	Oritur tendinibus diversis a facie exteriori capitis, vel potius capituli apophysium transversalium 3. superiorum dorsi & 6. interiorum colli vertebrarum.	Supponitur priori, rectos atque obliquos capitis musculostegens	Implantatur ossi occipitali. NOTA. Hic musculus inter transversalem & spinosum colli musculum locatus tendines etiam cum utroq; hocce musculo confundit, una cum Splenio. Porro Splenius & hic fibris adeo concurrunt, ut chiasmum efforment, ad fortiorem capitis extensionem.
4. <i>Rectum majus</i>	Oritur ab apophysi spinosa Epistrophei.	Oblique ascendens	Inseritur occipitio circa foramen magnum.
5. <i>Rectum minus</i>	Oritur ab eminentia seu apophysi spinosa Atlantidis.	Majori succumbens	Inseritur lateraliter inferius eundem.

6. *Obliquum*

NOMEN.	ORIGO.	PROGRESSUS.	INSERTIO.
6. <i>Obliquum minus</i>	Oritur ab apophysi transversali Atlantis. NOTA. Hic musculus uterque caput rotare non potest, cum caput non supra primam, sed secundam colli vertebra rotetur.	Oblique ascendens <i>Notandum tamen quoq;</i> Quodsi eveniat, ut dextri lateris obliquus minor cum obliquo majore sinistri lateris agat simul, tunc illum quodammodo ad rotationem concurrere posse.	Inferitur supra re- ctum majorem.
7. <i>Obliquum Majus</i>	Oritur ab apophysi Spinosa Epistrophei. NOTA. CUTIS CRANIUM TEGENS 4. habet Mus- culos; sc. 2. Fronta- les & 2. occipitales.		Implantatur apo- phyi transversali At- lantis.
<i>Frontales</i>	Lateraliter ad os frontis consiti.	Inferiorem tendi- nem cum musculis or- bicularibus palpebra- rum confundunt.	
<i>Occipitales</i>	Ad latera ossis oc- cipitis positi tendines aliquando cum inser- tione musculi mastoi- dei confundunt		Sunt hi musculi cu- tanei ex tenuissimis fi- bris carnosus in latum expansis constati.

SECTIO II.

DE

MUSCULIS FACIEI,
IN SPECIE PALPEPRARUM
& OCULI.

PALPEBRA utraque oculi uniuscujusque unum communem habet musculum, qui *Ocularis* dicitur, totam orbitæ circumferentiam ambiens eique tenuissimis fibris adhærens, utriusque palpebræ constrictor.

PALPEBRA SUPERIOR proprium habet *Elevatorem*, qui parilem habet cum musculis rectis oculi originem, latissimo & tenuissimo tendine pinguedinem, quæ rectos tegit, suprascandens. Inferitur palpebræ superioris tarso.

OCULUS movetur VI. Musculis, 4. prioribus Rectis & 2. Obliquis.

NOMEN.	ORIGO.	PROGRESSUS.	INSERTIO.
1. <i>Rectus superior</i> seu <i>Attollens.</i>			
2. <i>Rectus inferior</i> seu <i>Deprimens.</i>			
3. <i>Exterior</i> seu <i>Abducens.</i>	Oriuntur nervum opticum ambientes, ex foramine orbitæ irregulari:	Hinc oculi bulbo in quadrangulum incumbentes &	Inseri latissimos tendines emittunt ad anteriora oculi tegenda. Hanc expansionem aliqui vocant membranam oculi tendinosam, quæ esset distincta.
4. <i>Interior</i> seu <i>Adducens</i>			
5. <i>Obliquus superior</i> seu <i>Major</i>	Oritur illic, ubi recti suam originem habent,	Per trochleam, quæ conjungitur ad partem superiorem ossis lacrymalis in orbita transgressus	Inferitur infra musculum palpebræ proprium, scandens ad partem inferiorem & quodammodo lateralem oculi.
6. <i>Obliquus inferior</i> seu <i>Minor</i>	Oritur ex orbita, ubi processus ossis jugalis anterior & inferior jungitur cum osse maxillari.	Oblique versus angulum oculi minorem tendens rectum inferiorem s. deprimentem suprascandit.	Implantatur (in intermedio corporum musculorum rectorum inferioris & exterioris) bulbo oculi.

SECTIO III. DE MUSCULIS NASI.

Nares s. Narinae habent utrinque duos musculos, qui aliorum saltem expansiones videntur.

NOMEN.	ORIGO.	PROGRESSUS.	INSERTIO.
1. <i>Pyramidalis</i>	Videtur productio Frontalis, quæ	Supra ossa nasi ad cartilagine superiores narium protensa	Iisdem inseritur.
2. <i>Myrtiformis</i>	Videtur productio incisorii labiorum	Obliquè descendens	Inseritur lateralibus interioribus cartilaginibus narium.
<p>NOTA Uterque hic musculus videtur narium dilatatorius</p>			
3. <i>Orbicularis narium</i>	Est Communis		

SECTIO IV.

DE

MUSCULIS LABIORUM

Labium utrumque simul V. musculos habent communes, sc. 1. Orbicularem. 2. Zygomaticos, utrobique unum, 2. Buccinatores, etiam utrobique unum.

NOMEN.	ORIGO.	PROGRESSUS.	INSERTIO.
1. <i>Orbicularis</i>	Ipsa labia constituit.		
2. <i>Zygomaticus</i>	Producitur à facie exteriorè & inferiorè ossis Zygomatici.	Obliquè descendens	Inferitur orbiculari ad conjunctionem utriusque labii.
3. <i>Buccinator</i>	Productus ad finem gingivarum utriusque maxillæ.		Implantatur etiam orbiculari.

LABIUM SUPERIUS

habet musculos duos proprios, sc. 1. Elevatorem
& 2. Depressorem.

NOMEN.	ORIGO.	PROGRESSUS.	INSERTIO.
1. <i>Incisivus</i> , sic ab insertione suâ dictus	Oritur à facie exteriorè & anteriorè ossis jugalis & quidem processus ejus anterioris & inferioris.	Obliquè descendens	Inferitur orbiculari circa dentes incisivos: unde quoque nomen traxit: ubi ampliora existunt labia & ora magis retrorsum.
2. <i>Triangularis</i>	Oritur latiori basi à parte media labii exterioris basis maxillæ inferioris.	Hinc gracilescens obliquè ascendit	& inferitur fibris musculi orbicularis, quæ finem labii superioris constituunt.

LABIUM

LABIUM INFERIUS

etiam utrinque proprios musculos habet, scil. 1. Elevatorem & 2. Depressorem.

NOMEN.	ORIGO.	PROGRESSUS.	INSERTIO.
1. <i>Caninus</i> , sic appellatus ab insertione ad dentium caninorum regionem.	Oritur ex cavitate, quam pars superior ossis Maxillaris cum processu ossis jugalis exteriori & interiori conformat.	Obliquè descendens	Inferitur fibris musculi orbicularis, quæ terminum inferioris labii constituunt.
2. <i>Quadratus</i> . Hic ratione diversæ cursûs fibrarum interiorum & exteriorum duplicem habet usum; hinc ab Anglo <i>Guil. Cowper</i> in <i>Myotomia</i> sua reformata in duos divisus est.	Oritur à labio exteriori & basi maxillæ inferioris circa locum synchondrosis ejus.	Rectè ascendens & ab utroque latere junctus.	Inferitur toti orbiculari inferiori.

SECTIO V.

DE

MUSCULIS AURICULÆ
& ORIS.

AURICULÆ EXTERNÆ varii adscribuntur muscoli, quos omnes negamus, præter duas *expansiones*. Superior à facie externa & superiore processu mastoidei tenditur in partem superiorem & posteriorem conchæ. Inferior videtur consistere ex fibris quibusdam, nunc magis, nunc minus carnosis, aberrantibus à parte inferiore obliqui minoris, ad partem posteriorem & inferiorem conchæ. Accidit Interdum, quòd hæ videantur distinctæ à prædictis musculis.

MEMBRANA ORIS SPATIUM OBDUCENS, cum UVULA duo habet musculorum paria

NOMEN.	PUNCTUM FIXUM.	PROGRESSUS.	PUNCTUM MOBILE.
1. <i>Pterygostaphili- num Externum</i>	Oritur latâ conjun- ctione à progressu posteriore & exte- riore ossis sphœnoidis & parte superiore cavi- tatis processus ptery- goidei	Descendens in illa ipsa cavitate tendi- nem reflectit supra apophysin alæ proces- sus pterygoidei inter- næ quasi supra troch- leam.	Inseritur membra- nosæ appendiculæ, u- vulæ dictæ, laterali- ter. Unde fit, quòd hic musculus ratione originis & insertionis in alium sensum mo- veat uvulam. Illam enim versus anteriora trahit, foramen palatinum posterius amplificat & vocem hâc ratione & verba obtundit
2. <i>Pterygostaphilinum internum</i> sic dictum, quo- niam ad latus inter- num prioris colloca- tur.	Oritur ad partem anteriorem initii ca- nalis, qui arteriam carotidem cerebri in- ternam continet & unâ	accumbens cartila- gini, quæ latus inter- num aquæductus Fal- lopii cartilaginosum reddit firmitus, ab ipso punctum fixum reci- piens & carnosum ten- dine obliquè descen- dens.	Consumitur in re- plicata membranæ palatinæ appendicula. Uvula enim nihil aliud est, nisi extremi- tas 4. horum muscu- lorum, membranâ oris communi obdu- cta.

NOTA.

Hic contrarium præ-
dicti usum habet. U-
vulam enim versus
posteriora trahit,
membrum constringit,
orificium coarctat &
voci acuendæ famula-
tur.

SECTIO VI.

De

MUSCULIS LINGUÆ,

quorum utrinque tres numerantur.

NOMEN.	ORIGO.	PROGRESSUS.	INSERTIO.
1. <i>Genioglossus.</i> ratione insertionis agens os hyoides ele- vat & linguam extra os protendit.	Oritur à parte in- teriore & superiore menti	Fibris suis descen- dit, quarum	Superiores quædam basi ossis hyoidis im- plantantur: aliæ bre- viores & plures linguæ mediæ inter apicem & basin inferuntur: imò cum ipsis fibris linguæ musculosis confunduntur.
2. <i>Basoglossus</i> prioris antagonista	Oritur à toto cor- nu atque basi ossis hyoidis.		Implantatur ad la- tera linguæ eâdem di- stantiâ, quâ prior in- feritur.
3. <i>Styloglossus.</i> linguam ad latera ducens.	Oritur ab epiphyfi styloide.	Confundit tendi- nem cum basoglossus.	Inferitur eodem in loco.

SECTIO VII.

De

MUSCULIS LARINGIS.

Horum sex paria sunt, quorum tria ad cartilaginem Thyroidem pertinent, tria verò ad cartilaginem Arytenoidem. Duo priora etiam vocantur communia: Posteriora 4, propria. Cum hæc utrumque punctum in larynge habent, illa alterum alibi obtinent.

NOMEN.	ORIGO.	PROGRESUS.	INSERTIO.
1. <i>Sternothyroides</i> seu <i>bronchialis</i> , partem inferiorem cartilaginis thyroidis supra illam diducit seu dilatat, & conse- quenter appensam si- bi rimulam seu glot- tidem & membranam quæ tendit à thyroide ad os hyoides, am- plificans voci obtun- dendæ famulatur.	Oritur partim à par- te interiore & supe- riore ossis sterni: par- tim à parte capituli claviculæ	Sursum ascendit, bronchiis incumbens, unde etiam bronchia- lis dicitur.	In insertione con- fundit tendinem suum cum tendine sui anta- gonistæ, scil. hyothy- roidis lateraliter in cartilagine thyroide.
2. <i>Hyothyroides</i> præcedentis anta- gonista.	Oritur à parte infe- riore ossis hyoidis ad basin & cornu.	Repens fibris suis carnosis supra faciem exteriolem alæ carti- laginis thyroidis.	Inseritur ejusdem (thyroidis sc.) apo- physsi inferiori rotun- dæ.

NOMEN.

NOMEN.	ORIGO.	PROGRESSUS.	INSERTIO.
3. <i>Cricothyroides</i>	Oritur à parte anteriore & exteriorè cartilaginis Cricoidis		Inferitur labio inferiori & interiori cartilaginis thyroidis, spatio nimirum quod est inter utramque ejus apophysin inferiorem.
4. <i>Cricoarytænoides</i> ab invicem diducit cartilagine arytænoides & consequenter glottidem dilatat.	Oritur in parte inferiore & posteriore cartilaginis cricoidis.	Repens supra ejus superficiem posticam.	Inferitur parti inferiori & posteriori cartilaginis arytænoidis.
5. <i>Arytænoides</i> , prioris antagonista, rimulam s. glottidem claudens.	Hoc par longè aliter, quam Auctores communiter tradunt, oritur & inferitur. Dexter oritur à basi dextræ cartilaginis arytænoidis & sinister à basi sinistra	Fibras alterius sc. dextri interfecat.	Inferitur apici cartilaginis arytænoidis dextræ.
6. <i>Thyroarytænoides</i> cartilagine arytænoides earumque apophyses in alium situm deducit	Oritur à parte laterali & superiore cartilaginis.	Largâ fibrarum serie ascendit, quarum	quædam parti anteriori basis cartilaginis arytænoidis: alia verò apophysi ejusdem cartilaginis inferuntur.

DE

MUSCULIS PHARYNGIS

habentis 3. Musculorum paria & unum sine pari.

NOMEN.	ORIGO.	PROGRESSUS.	INSERTIO.
1. <i>Stylopharyngæus</i>	Oritur à processu styloide.		Inferitur parti superiori pharyngis lateraliter.
2. <i>Sphæno-pharyngæus</i> &	Oriuntur junctim horum musculorum fibræ à cranii basi, partim circum circa processum pterygoideum ossis Sphænoïdis & processum posteriorem & inferiorem ejusdem ossis, partim circumferentiâ anteriore foraminis maximi ossis occipitis:	Atque ita ab utroque latere nonnisi unicum musculus efficiunt. Fibræ ejus longitudinaliter pharyngem ambiunt, imò cum Sphinctere pharyngis confundunt,	Ita, ut hoc in musculo maxima pars pharyngis posterior quasi in vaginâ contineatur.
3. <i>Cephalopharyngæus</i>			
4. <i>Pharyngæus</i> seu <i>Oesophagæus</i> , vel & <i>Thyrooesophagæus</i>	à parte posteriore.	Pharyngem ambit atque	Implantatur ubique labio exteriori & posteriori cartilaginis thyroididis.

SECTIO IX.

De

MUSCULIS OSSIS HYOIDIS,

quod V. paribus musculorum instructum est.

NOMEN.	ORIGO.	PROGRESSUS.	INSERTIO.
1. <i>Sternohyoides</i> os hyoides versus inferiora trahens	Oritur à parte inte- riore & anteriore cla- viculæ, incumbens musculo bronchiali	Confundit tendi- nem suum cum cora- co hyoideo.	Inferitur parti supe- riori ossis hyoidis.
2. <i>Geniohyoides</i> prioris antagonista.	Ab eminentiâ men- ti interiore enatus.	Recta linea descen- dit,	Inferitur parti supe- riori ossis hyoidis.
3. <i>Mylohyoides</i> , a quò obliquè ad latus versus superiora trahitur os hyoides	Ortus à facie ante- riore & interiore ma- xillæ inferioris	Obliquo ductu	Inferitur ossi hyoi- di circa conjunctio- nem com, cum basi
4. <i>Coracohyoides</i> antagonista modo memorati muscoli	Punctum fixum ob- tinet in rima superio- re scapulæ	Obliquè adscendens fit ratione musculi ma- stoidei incumbentis biventer.	Implantatur eodem loco, quò Sternohyoides cum hoc ten- dinem confundit.
5. <i>Stylohyoides</i> cujus antagonista est alterius lateris sty- lohyoides.	Oritur à processu seu potius epiphyfi styloide.	& postquam per ventrem ejus muscu- lus maxillæ biventer transgressus est,	Implantatur tereti tendine lateraliter ba- si ossis hyoidis.

SECTIO X.

DE

MUSCULIS MAXILLÆ INFERIORIS

quorum 6. paria sunt, duo Depressorum
& 4. Elevatorum

NOMEN.	ORIGO.	PROGRESSUS.	INSERTIO.
1. <i>Platoides</i> seu <i>Platysma myodes</i> , est musculus cutaneus fibris tenuissimis carnosus	Oritur à totâ facie externâ claviculæ.	Immediatè cuti succumbens & tegens omnes musculos anteriores colli.	Inferitur labio exteriori totius maxillæ inferioris aponevrosin emittens musculos faciei regentem.
2. <i>Biventer</i>	Oritur carnosô capite ex cavitate, quæ posterius processum mastoideum occurrat.	Tendine suo mediò transgreditur per musculum stylohyoideum & simul ossi hyoidi conjunctus, ut angulum acutiorem efficiat: alterum emittit corpus carnosum, quod	implantatur basi maxillæ inferioris ad latus synchondrosis.
3. <i>Crotaphites</i> maximus totius maxillæ musculus elevator.	Oritur à parte posteriori & laterali ossis frontis, à parte inferiori & laterali ossis bregmatis, à tota superficie ossis temporalis, excepto processu mastoideô.	Tendine suô fortissimô per foramen Zygomaticum transgressus & quibusdam fibris carnosus illi adhærens.	Implantatur processui coronoidi maxillæ inferioris.
4. <i>Masseter</i> . Hunc quidam duplicem faciunt, sed ratione originis & insertionis non est nisi unus	Oritur à parte inferiore Zygomatis ex processu posteriore & inferiore ossis jugalis & processu Zygomatico ossis temporalis conflat	Rectè descendens.	Inferitur faciei externæ anguli maxillæ
5. <i>Pterygoides internus</i>	Oritur ex cavitate processus pterygoidei.		Implantatur faciei interni anguli maxillæ.
6. <i>Pterygoides Externus</i> Hic musculus una cum 3. prioribus agens elevat maxillam. Verùm in alterutro saltem agens latere solus maxillam volvit.	Oritur à facie externa alæ exterioris processus Pterygoidei		Implantatur faciei internæ colli processus condyloidis.

SECTIO XI.

De

MUSCULIS COLLI,
DORSI AC LUMBORUM.

Collum duo habet musculorum *Flexorum* paria, sc. longum & scalenum. Extensores autem colli duos autores nominârunt, transversalem & spinosum. Sic etiam *extensores* dorsi & lumborum tres utrinque fecerunt, diversis eos nominibus appellantes. Sacrum vel Sacrolumbarem, longissimum dorsi & semispinosum; sed cum tres horum musculorum in uno latere non sint ab invicem distincti, sed planis tendinibus arctè conjuncti, non etiam distinguendi sunt. Dicendum verò unicum par esse musculorum, quod collum, dorsum & lumbos, quantum articulatio admittit, extendit. Lumbi præterea habent utrinque proprium flexorem, qui vocatur triangularis; reliquos serrati expediunt

NOMEN.	ORIGO.	PROGRESSUS.	INSERTIO.
1. <i>Longi</i>	Oriuntur tendine graciliori e corpore secundæ vertebræ dorsi	Inter corpus & apophyses transversales vertebrarum omnium collocatus.	Tendinem unicuique porrigit & tandem circa Atlantem finitur.
2. <i>Scaleni</i>	Triplici tendine oriuntur, duobus prioribus à prima; tertio à secundâ costâ, aliquando etiam à clavicula	Emittunt varios tendines, qui capitulis	Implantantur apophysium transversalium omnium vertebrarum colli.
3. <i>Extensores colli</i>	Oriuntur partim tendinoso, partim carnoso principiò à parte posteriore ossis sani.	Collocati intra cavitatem, quæ ab apophysibus spinosis omnium vertebrarum colli (excepta primâ) efformatur & à parte posteriori costarum ejicit innumeros tendines:	Quorum alii exte-riores ascendentes faciei posteriori & exteriori omnium costarum implantantur. Sic de aliis innumeris hujus musculi tendinibus intelligendum, sive transversalibus, sive spinosis apophysibus implantentur.
<p><i>Notandum</i> tamen, quod illi tendines, qui apophysibus sive spinosis sive transversis colli inseruntur, collum vel extendant, vel ad latus flectant. Id quod etiam de illis, qui a pophyis sive spinosis, sive transv. vertebrarum dorsi implantantur notandum. Idem de lumbis &c.</p>			
		H. 2	NOMEN.

NOMEN.	ORIGO.	PROGRESSUS.	INSERTIO.
4. <i>Triangulares</i>	Oriuntur à cristâ posteriore & superiore ossis ischii	atque variis tendinibus	Inferitur omnibus apophysibus transversalibus vertebrarum lumborum & definit in labium inferius & posterius costæ ultimæ.
5. <i>Serrati postici (a) Superiores</i>	Oriuntur cum aponevrosi ab apophysi spinosa ultimæ colli, ut & primæ & secundæ dorsi vertebræ	Obliquè descendens ad faciem externam costarum.	Inferitur parti posteriori costarum 3. 4. & 5. veraum
6. <i>Serrati postici (b) inferiores</i>	Oriuntur cum aponevrosi tenuissimâ ab apophysi spinosa 8. 9. & 10. vertebrarum dorsi.	Paululum obliquè descendens.	Inferitur faciei exteriori & posteriori secundæ & tertiæ costæ spurie.

NOTA

Utrumque horum musculorum (a. b) par, cum sit tenuissimum, videtur potius vagina muscoli dorsi mobilis, cujus fibræ carnosæ tam laxè cohærentes parili involucrio versus superiora & inferiora continet, ne in magnis motibus hujus musculi fibræ discedant & tonum naturalem amittant.

SECTIO XII.

De

MUSCULIS RESPIRATORIIS

Nulli sunt muscoli pectus dilatantes respiratorii, sed intercostales una cum triangulari sunt constrictores. Diaphragma verò costas neque constringit neque dilatat, sed pectoris unicè cavitatem ampliat; id, quod latius de organo respirationis explicatur; Costæ autem utriusque lateris habent XXII. musculos, sc. XI. Internos, quorum fibræ obliquè deorsum & antrorsum currunt, & XI. Externos, quorum fibræ contrario ductu cum prioribus chiasmum faciunt. Vocantur hi musculi *Intercostales* & sunt in universum XLIV. Oriuntur autem & inseruntur labiis costarum & circa has ex tendinibus suis periostium efformant, suntque Pectoris constrictores. Diaphragma duplicem habet musculum, inferiorem & superiorem. Sternum unicum, sc. Triangularem, qui modo sequuntur.

NOMEN.	ORIGO.	PROGRESSUS.	INSERTIO.
1. <i>Diaphragmaticus inferior.</i>	Oritur duplici tendine: cujus tendinis pars exterior junctâ a medio corpore primæ vertebræ ossis sacri & omnibus lumborum originem ducit & tandem	ascendens fibras laterales carnosas utriusque lateris cum fibris carnosis inferioribus superioris musculi diaphragmatici. Porro ulterius ascendens	aponevrosi ejus mediæ & parti posteriori circulo carnosô implantatur; in cujus mediô œsophagus transmittitur Tendines verò sinistri paulò inferius fibræ carnosæ ab aortâ transgrediente disjunguntur.
<p>NOTANDUM</p> <p>quod hujus musculi tendo in vertebris non eandem semper servat originem, sed in utroque latere differenter non rarò oriatur.</p>			

NOMEN.	ORIGO.	PROGRESSUS.	INSERTIO.
2. <i>Diaphragmaticus Superior.</i>	Hujus fibræ carnosæ ab aponevrosi omnibus fibris mediâ producuntur & cartilaginibus omnibus, quæ costas spurias cum veris committunt, conjunguntur, ita ut hic musculus	Obliquè pectus ab abdomine distinguat, versus dorsum multo humilior, quàm versus sternum: qua ratione etiam eandem cum pectore figuram habent ferè ovalem.	Hic contractus seu agens cavitatem pectoris amplificat, quoniam fibræ ejus convexæ ad pectus collocantur, ad abdomen concavæ: ideò agentes convexitatem imminuunt, consequenter spatium concedunt pulmōni, quò facilis ab aeris pondere exterius hominem ambiente diduci valeat. Hâc ratione Diaphragma est organon vitæ primarium, cū sine aeris haustu animal subito pereat, quū absque diaphragmatis motu respirare non possit.
3. <i>Triangularis</i> videtur habere officium constringendi cartilagineas,	Oritur ab interiore mediâ & inferiore parte sterni inferius, aliquando cum diaphragmate confusus.	Hincutrinque currens	Inferitur dentatim extremitatibus cartilaginum sterni, quæ 3. 4. 5. 6. & septimæ costæ veræ junguntur.
Hunc quidam duplicem faciunt, forte ob Xyphoidis bifurcationem subinde occurrentem,			

SECTIO XIII.

De

MUSCULIS ABDOMINIS

quorum utrinque V. sunt.

NOMEN.	ORIGO.	PROGRESSUS.	INSERTIO.
1. <i>Obliquus descendens</i> seu Externus.	Exoritur 1. aponeurosi largâ labii exterioris cristæ ossis pubis, juxta ejus synchondrosin, usque ad spinam seu eminentiam anteriorem & superiorem ossis ilei, quæ aponeurosis perforata est, pro transitu vasorum spermaticorum in viris & ligamentorum uteri rotundorum in foeminis. 2. Fibris carnosiss exoritur à spina dictæ ossis ilei & subsequente circumferentiâ cristæ ilei, ad latitudinem digitorum transversorum.	Porro aponeurosi sua ex duplici fibrarum serie efformantium conflata tegit superius fibras carnosas muscoli recti laxè, intersectionibus verò ejusdem firmiter hæc aponeurosis est conjuncta, imò fibræ tendinosæ invicem confunduntur. Porro conjungitur <i>Linea alba</i> , quæ est interstitium album inter utrumque musculum rectum, à cartilagine ensiforme usque ad os pubis conflatum, ab aponeurosibus tendinosiss musculorum abdominis & peritonæo.	Inseritur fibris suis carnosiss parti anteriori trium ultimarum costarum verarum & quinque spuriarum & per digitationes inseritur digitationibus muscoli pectoralis & digitationibus antici serrati inferioris Parte suâ superiore & posteriore (quæ vulgò & perperam ab omnibus fere Auroribus dicitur conjungi apophysibus transversis vertebrarum) nonnisi musculis intercostalibus, qui duntaxat inter 1. 2. & 3. collocantur, conjungitur, idque versus horum musculorum anteriora: ita ut aliquando tertium musculum constituent intercostalem fibræ hujus muscoli.
2. <i>Obliquus Ascendens</i> seu Internus	Oritur fibris carnosiss à tota circumferentiâ cristæ ossis ilei, usque ad os pubis, ubi aponeurosi suâ adhæret, aponeurosi altera minimè.	Conjungitur lineæ albæ cum priori. Sed notandum hîc, aponeurosin ejus quasi duas efformare lamellas, quarum superior unâ cum priori aponeurosi musculum rectum tegit: inferior eidem musculo substernitur.	Inseritur mediante aponeurosi labio interiori cartilaginum primæ & secundæ costæ spurix & per fibras carnosass cartilaginibus sequentium trium spuriarum eodem loco.

NOMEN.

ORIGO.

PROGRESSUS.

INSERTIO.

3. *Transversalis*

Oritur ratione puncti fixi à lineâ albâ, per aponeurosin, quæ parti inferiori aponeuroseos prioris musculi juncta musculo recto substernitur.

Hic transversaliter emittit fibras, carnosas, quarum,

Superiores, implantantur cartilaginibus omnium costarum spuriarum: Mediæ fortissimam emittunt aponeurosin, quæ musculus triangularem lumborum tegens cum aponevrosi transversalis alterius lateris communicat. Inferiores labio interiori & anteriori cristæ ossis ilei inseruntur!

4. *Rectus*

Oritur principio tendinoso ab eminentiâ anteriori ossis pubis.

Tendinibus priorum musculorum inclusus fibras carnosas habet laxè coherentes & distinctas intersectionibus ut plurimum tribus, aliquando 4. rarò quinque. Hæ intersectiones quasi totidem musculorum plana efficiunt.

Implantatur cartilagini ensiformi & anteriori parti cartilaginis primæ costæ spuriae.

5. *Pyramidalis*

(NB.) interdum plane nullus, interdum absque socio alterius lateris.

Oritur à parte laterali synchondroseos ossis pubis.

In progressu subinde confunditur cum socio

Inseritur lineæ albæ inter umbilicum & pubem.

Hi muscoli duplicem habent usum 1. pro respiratione, quâ sterno & costis inserti. 2. pro chylicatione & motu peristalt. intestin. quatenus lineæ albæ innixi.

MUSCU-

MUSCULI PENIS

QUatuor numerantur, duo *Acceleratores*, ipsi urethræ incumbentes & totidem *Erectores*, duobus lateralibus corporibus superjacentes; Horum musculorum usus primus est, ut contribuant ad erectionem penis; sic enim Erectores corpora nervosa lateraliter tensa reddunt, acceleratores verò tertium, urethra dictum. Notandum etenim hoc tertium maximam ad partem balanum constituere, sicut quidem flatu immisso probari potest. Raw & Ruyschius acceleratores etiam ita vocant, quoniam remanentes guttulas urinæ extra urethram propellunt. Acceleratores ex Sphincteris ani fibris provenientes primò videntur simplicem constituere, ast paululum progressi in duos dividuntur.

SECTIO XIV.

De

MUSCULIS CLAVICULARUM

quarum unaquæque unum habet muscolum,
ejusdem nominis

NOMEN.	ORIGO.	PROGRESSUS.	INSERTIO.
<i>Subclavicularis</i> movet claviculæ partem anteriorem versus inferiora & anteriora. Uno verbò succurrit motui musculorum scapulæ, cum hac absque illa moveri nequeat.	Oritur facie exteriore & anteriore ossis sterni, ubi prima costa jungitur.	Claviculæ succumbens.	Inferitur parti inferiori & exteriori claviculæ, ubi cum acromiō conjungitur.

SECTIO XV.

De

MUSCULIS SCAPULARUM,

quarum unaquæque 5. habet musculos

NOMEN.	ORIGO.	PROGRESSUS.	INSERTIO.
1. <i>Elevator proprius</i> - seu <i>patientia</i> .	Oritur quadruplici tendine ab apophysi- bus transversis 1. 2. 3. & 4. vertebrarum col- li		Implantatur angu- lo superiori scapulæ.
2. <i>Cucullaris</i> seu <i>Trapezius</i> Hic ratione cursûs fibra- rum scapulam variè mover.	Oritur ab occipitio, musculum Sphericum ibidem tendine subte- gens, ab omnibus apo- physibus spinosis colli & septem (subinde pluribus) dorsi.		Inferitur tendine la- to superiori parti sca- pulæ.
3. <i>Rhomboides</i>	Oritur ab apophy- sibus spinosis 5. ver- tebrarum inferiorum colli & trium (subin- de 4.) dorsi.		Tendine carnosio implantatur toti basi scapulæ.
4. <i>Pectoralis minor</i> Seu <i>Dentatus ante- rior</i> , aliis superior: anterioriorem & supe- riorem scapulæ par- tem versus inferiora & anteriora flectit.	Oritur à facie exter- nâ 2. 3. 4. & 5. costæ, dentatis productioni- bus circumcirca, ubi costæ cartilaginibus sterni junguntur.		Inferitur processui coracoidæo.
5. <i>Dentatus major & inferior</i> Scapulam variè mo- vet anteriora versus. Cum enim scapula multò mobilior co- stis, dicimus in costis esse hujus musculi punctum fixum; id quod olim quoque annotat Fallopius.	Oritur à facie exte- riore & anteriore 1. & 2. costæ spurix, atque ab omnibus costis ve- ris, etiam facie exte- riore, sed magis me- diâ, quàm anteriore, dentatis productioni- bus novem.		Implantatur totius basis scapulæ costæ in- teriori.

SECTIO XVI.

De

MUSCULIS HUMERI

novem, sc. 2. Elevatoribus. 3. Depressoribus

2. Adductoribus & 2. Abductoribus

NOMEN.	ORIGO.	PROGRESSUS.	INSERTIO.
1. <i>Deltoides</i>	Oritur à parte exteriore claviculæ, à cromiò & spina scapulæ.	Tegit ventre caroso articulum humeri & confundit fibras suas carnosas cum initio brachialis externi & interni	Inseritur parti anteriori & magis superiori quàm mediæ ossis humeri
2. <i>Supraspinatus</i> feu <i>Subscapularis primus</i> & <i>superior</i>	Oritur à totâ cavitate supraspinali scapulæ.	Tendine suo inferiore aeromion & claviculam transgressus.	Inseritur parti superiori capitis ossis humeri.
3. <i>Infrascapularis</i> vel <i>Subscapularis</i> vel <i>Immersus</i>	Oritur à totâ facie internâ scapulæ.		Inseritur parti interiori capitis ossis humeri.
4. <i>Rotundus major.</i>	Oritur ab angulo inferiori scapulæ.	Confundens tendinem cum latissimò dorsi	Inseritur interiori colli ossis humeri.
5. <i>Latissimus dorsi.</i> aliis quoque <i>aniscalptor</i> dictus.	Oritur ab apophysis spinosis vertebrarum lumborum & trium inferiorum dorsi	Tendinosâ expansione tegit muscolum triangularem à costâ exteriore ossis ilii. Porro fibris carnosis partem posteriorem & lateralem pectoris tegit	Cum tendine rotundi majoris confundens fibras inseritur eodem in loco.

NOMEN.	ORIGO.	PROGRESSUS.	INSERTIO.
6. <i>Pectoralis major</i>	Oritur à facie interna omnium costarum verarum & claviculae		Inseritur ad latitudinem 4. dig. infra caput ossis humeri angulo exteriori ejusdem. Hic tendo hujus musculi duplicatur & in tam parvo spatio tot fibrae tendinosae commodè implantantur.
7. <i>Coracobrachialis</i> Vocatur quoque <i>Perforatus</i> , quoniam nervus eum pertransit, quod praeter ceteris ipsi peculiare. Apud Veslingium nomine destituitur. Riolano verò <i>Coracoideus</i> ab insertionem & ortu dicitur.	Oritur à processu coracoide scapulae.		Inseritur parti mediae & interiori brachii.
8. <i>Rotundus minor</i> vel <i>Transversus brevior</i>	Oritur à costâ inferiore scapulae.	Confundens tendinem cum infraspinato.	Inseritur capiti ad posteriora.
9. <i>Infraspinatus</i> vel <i>Scapularis inferior</i> & <i>secundus</i> .	Oritur à tota cavitate infraspinali, ex tota superficie externa scapulae.		Inseritur cum rotundo minore eodem in loco.

SECTIO XVII.

De

MUSCULIS CUBITI,

numero VI, quorum duo Flexores & 4.
Extensores

NOMEN.	ORIGO.	PROGRESSUS.	INSERTIO.
1. <i>Biceps</i>	<p>Tendo interior oritur à processu coracoides.</p> <p>Exterior ex parte superiore cavitatis clinoïdis scapulæ ortus fortissimò ligamentò in incisurâ ossis humeri, quæ in vaginâ continetur.</p>	Cum tendine musculi coracobrachialis confusus.	Inferitur tendine fortissimo eminentiæ superioris prope caput radii. Hic tendo aponevrosin emittit musculos adjacentes quasi tegentem. Unde in V. S. punctus gravia producit symptomata.
2. <i>Brachialis internus.</i>	Oritur à totâ superficie interiore mediâ & inferiore ossis humeri.		Inferitur eminentiæ superiori prope caput ossis ulnæ.
3. <i>Longus.</i>	Oritur à parte superiore costæ inferioris scapulæ.	Hos duos quidam faciunt unum bicipitem.	Hi tres musculi tendines confundunt & aponevrosin constituentes tegunt posterius articulum cubiti & implantantur à parte posteriori olecrano.
4. <i>Brevis</i>	Oritur à totâ spinâ exteriorè ossis humeri		
5. <i>Brachialis externus.</i>	Oritur à tota spina exteriorè ossis humeri		
6. <i>Anconæus</i> , Sic dictus à processu posteriore ulnæ, quem alii vocant <i>Olecranium</i> .	Oritur à parte posteriore & inferiore ossis humeri.	Supra apophysin humeri protensus inter ulnam & radium descendit.	Implantatur ad latitudinem duorum digitorum infra olecranium.

SECTIO XVIII.

DE

MUSCULIS RADII,

numero IV, sc. duobus Pronatoribus & totidem
Supinatoribus.

NOMEN.	ORIGO.	PROGRESSUS.	INSERTIO.
1. <i>Pronator rotundus</i>	Oritur à condylo internô ossis humeri, confundens principium suum cum palmarî, radiæ interno, sublimi, profundo.	Obliquè descendens	Inferitur parti anteriori & mediæ radii.
2. <i>Pronator quadratus</i>	Oritur à superficie internâ & inferiore ossis ulnæ.	Transversim fibris suis carnosus.	Implantatur eidem loco radii.
3. <i>Supinator longus.</i>	Oritur ab angulô exteriori ossis humeri ad latitudinem duorum digitorum supra epiphysin.	Rectè descendens	Inferitur faciei exteriori capituli inferioris ossis radii.
4. <i>Supinator brevis</i>	Oritur ab apophysi inferiore & exteriori ossis humeri, ubi nimirum cum radio jungitur		

NOTA.

In toto brachio directè extensô ac dimisso omne dicitur externum. quod pollicem spectat: internum verò, quod situm est versus auricularem. Secus in pede.

SECTIO XIX.

De

MUSCULIS CARPI,

qui 4. habet, duos Flexores & duos
Extensores

NOMEN.	ORIGO.	PROGRESSUS.	INSERTIO.
1. <i>Radius internus</i>	Oritur à condylo interno ossis humeri, confundens principium suum cum rotundo sublimi & profundo	Obliquè descendens.	Inferitur ossiculo metacarpii primi ordinis, quod pollicem sustentat.
2. <i>Ulnaris internus</i>	Oritur à condylo eodem, confundens principium cum Palmaris, Sublimi, Profundo		Inferitur ossiculò primi ordinis, externo & minimo, illi insidens ossiculo, quod minimum digitum sustentat.
3. <i>Radius externus</i>	Duplicem habet originem, alteram ab angulo exteriori & inferiore ossis humeri: alteram à condylo exteriori ejusdem ossis. Principium suum confundit cum Extensore communi	Aliquando musculus toties est separabilis, ita ut in duos distinctos musculos separari possit; sed perpetuum est, quod	duos habeat tendines, quorum exterior inferitur faciei externæ, capituli ossis metacarpi, quod indicem sustentat: inferior inferitur eidem loco ossiculi, quod digitum medium sustentat
4. <i>Ulnaris externus</i>	Oritur à condylo exteriori ossis humeri, confundens principium suum cum extensore communi, cum duobus Extensoribus pollicis, cum Indicis extensore.		Inferitur ad faciem anteriorem capituli metacarpii ossis quod digitum auricularem excipit.

SECTIO XX.

DE

MUSCULIS PALMÆ,

quorum 2. sunt.

NOMEN.	ORIGO.	PROGRESSUS.	INSERTIO.
<p>I. <i>Palmaris</i></p> <p>USUS</p> <p>ejus est, (quantum cuti inseritur) cutim corrugare: Quantum musculus, & vaginis subjacet, tendines & musculos in situ continere, vim in motu augere, pari ratione ac <i>Ligamentum annulare</i>, quod quoque est tendinosa expansio musculorum, pollicem & auricularem moventium</p>	<p>Oritur à condylo inferiore ossis humeri, confundens principium suum cum Pronatore rotundo, radio internò, digitorum sublimi.</p>	<p>Transgreditur tendine suò ligamentum annulare.</p>	<p>Inseritur partim cuti, expansò in latum tendine: partim vaginulis membranosis, quæ tendines sublimis ac profundi continent & aliquando etiam musculus circumjacentibus.</p>
<p>2. <i>Caro quadrata</i> seu <i>Musculus quadratus.</i></p>	<p>ad latus Abductoris minimi digiti confusus</p>		<p>Tendinem suum cum tendinibus palmaris confundit hacque ratione parilem usum habet.</p>

SECTIO XXI.

De

MUSCULIS DIGITORUM
MANUS

& quidem

PRIMI INTERNODII, 4. Dig.

quod X. Musculos habet, 4. Flexores, 3. Abductores

& 3. Adductores

NOMEN.	ORIGO.	PROGRESSUS.	INSERTIO.
1. <i>Lumbricales.</i>	Unusquisque ex his oritur ab ipsius digiti, cui implantatur, ten- dine Profundi		Inseritur ad latus externum capituli su- perioris primarum phalangium.
2. <i>Inter ossei externi</i> 3. <i>Interossei interni</i>	2 Oriuntur in inter- stitiis ossium Meta- carpii, hâc ratione, quod interni in volâ manus magis emine- ant & tendines suos emittant ad latus ex- ternum (versus polli- cem) primæ phalan- gis, ubi toti cum ten- dinibus Extensoris communis confun- duntur. Externi (sic dicti quod corpus eo- rum carnosum magis extrorsum prominet) simili ratione cum ten- dinibus Extensoris communis confun- duntur.		NOTA Omnes hi musculi Lumbricales & inter- ossei simul agentes flexioni phalangium, quibus implantantur, summopere famulan- tur.

SECUNDUM INTERNODIUM

quatuor digitorum simul unum habet Flexorem,
qui dicitur sublimis

NOMEN.	ORIGO.	PROGRESSUS.	INSERTIO.
<i>Sublimis</i> seu <i>Perforatus</i>	Oritur partim à condylo interno ossis humeri, partim à media parte radii.	In quatuor tendines divisus, qui à quatuor Profundi tendinibus perforati	Bifidi implantantur parti laterali internæ & posteriori phalangum quæ numero secundæ dicuntur.
<p style="text-align: center;">NOTA</p> <p>Hos 4. tendines aponevrosin emittere in ipsa vaginâ, in qua concluduntur, quæ parti an- & interiori primæ phalangis implantata flexioni lumbricalium succurrere videtur.</p>			

TERTIUM INTERNODIUM

eorundem digitorum quoque simul habet unum Flexorem
qui est Profundus

NOMEN.	ORIGO.	PROGRESSUS.	INSERTIO.
<i>Profundus</i> seu <i>Perforans.</i>	Oritur à parte superiori & mediâ ossis ulnæ.	Dividitur quoque in 4. tendines, qui perforant sublimis tendines.	Inferitur ad partem posteriorem & inferiorem tertiæ digitorum phalangis.

OMNIA

OMNIA INTERNODIA

simul unus Musculus extendit, sc.

NOMEN.	ORIGO.	PROGRESSUS.	INSERTIO.
<i>Extensor digitorum communis.</i>	Oritur à condylo externo ossis humeri & parte posteriore radii & ulnæ.	Confundens principium suum cum duobus Extensoribus carpi, in 4. tendines divisus, qui circa internodii primi juncturam tendines invicem confundunt.	<p>Porro unusquisque tendo in latum deductus implantatur parti posteriori omnium phalangum.</p> <p>NOT.</p> <p>Hos tendines subinde dividi in plures, qui tamen non nisi hinc quatuor digitis prospiciunt.</p>

INDEX CUJUSLIBET MANUS

duos proprios habet Musculos

NOMEN.	ORIGO.	PROGRESSUS.	INSERTIO.
1. <i>Indicator.</i>	Oritur à facie exteriore & media radii	Confundens principium cum pollicis extensore longo.	Tendinem confundit cum tendine extensoris communis & implantatur eodem loco.
2. <i>Adductor.</i>	Oritur à parte inferiore & interiore primæ phalangis pollicis parte laterali ossis metacarpii.		Inferitur ad latus externum capituli primæ phalangis.

AURICULARIS

Musculos tres proprios
habet

NOMEN.	ORIGO.	PROGRESSUS.	INSERTIO.
1. <i>Extensor proprius.</i>	Hic ut plurimum deficit, quando nimirum ab Extensore communi duo tendines ad hunc digitum exporriguntur; quare credendum illum musculum nil nisi partem Extensoris communis esse.		
2. <i>Abductor</i> seu <i>Hypothenor</i>	Oritur carnoso principio ab ossiculo metacarpii illi conjuncto, quod digitum minimum sustentat.		Inseritur lateri externo capituli superioris primæ phalangis.
3. <i>Adductor</i> seu <i>Antithenor</i> prioris antagonista.	Oritur à parte interiore ossis metacarpii, quod primam sui phalangem recipit.		Inseritur inferius in præcedentem seu abductorem.

SECTIO XXII.

De

POLLICIS MUSCULIS

quorum VI. numerantur.

NOMEN.	ORIGO.	PROGRESSUS.	INSERTIO.
1. <i>Thenor</i> feu <i>Ductor</i>	Oritur à ligamento annulari,		Inferitur in totam superficiem primæ phalangis & parti superiori secundæ
2. <i>Hypothenor</i> feu <i>Abductor</i>	Oritur supra præcedentem.		Inferitur lateri externo capituli superioris primæ phalangis.
3. <i>Antithenor</i> feu <i>Adductor.</i>	Oritur à superficie interiore ossis metacarpii, quod digitum medium sustentat.		Inferitur parti interiori totius phalangis primæ pollicis & parti superiori, secundæ
4. <i>Flexor.</i>	Oritur à parte internâ & mediâ ligamenti, quod ulnam cum radiô conjungit.	Confundens principium suum cum sublimi & profundo.	Inferitur ad partem internam & superiorem tertiæ phalangis.
5. <i>Extensor longus</i> 6. <i>Extensor brevis</i>	Unam & eandem habent originem, à parte mediâ & posteriore ulnæ & radii.	Hinc unicus quodque videtur esse musculus, duos habens tendines, quorum	Longior implantatur tertiæ pollicis phalangi exteriori: Brevis capitulo superiori primæ phalangis pollicis & hâc ratione dicitur musculus brevis & longus.
7. <i>Tertius Extensor.</i>	Præter duos modò dictos tendines aliquando tertius adest, qui implantatur secundæ pollicis phalangi, quare musculus extensor tertius, sine alio nomine, vocatur. Quia tamen eandem habet originem poterit cum duobus prioribus unicus dici.		

SECTIO XXIII.

De

MUSCULIS OSSIS FEMORIS

quod XIV. habet, sc. 3. Flexores, 3. Extensores,

5. Abductores, 2. Rotatores, & 1. Adductorem.

NOMEN.	ORIGO.	PROGRESSUS.	INSERTIO.
1. <i>Psoas</i> , quem quidam di- vidunt, sed inutiliter.	Inter apophyses transversas & ipsum corpus vertebrarum 1. 2. 3. lumborum: ubi confundit tendi- nem cum tendine in- feriore diaphragmatis. Tota capacitas ossis ilei	Hi duo tendines confundunt & per incisuram superio- rem & anteriorem ilei simul egrediun- tur, adeò, ut pun- ctum mobile utrius que sit	Trochanter minor.
2. <i>Iliacus</i>			
3. <i>Lividus</i> feu <i>Pectineus</i> . Videtur hic pars tri- cipitis & à Gallis vo- catur <i>Riolanista</i> quasi ab illo inventus, cum tamen Galeno & Ve- silio etiam notus fue- rit.	Pars superior ossis pubis circa Synchon- drosin.	Obliquè decurrit.	ad partem inferio- rem insertionis duo- rum priorum.
4. <i>Gluteus major</i> Hi tres glutæi con- fusione fibrarum qua- si unum conficiunt, cum triplici caudâ.	Partim in labio ex- teriore totius cristæ ossis ilei, partim à la- tere ossis sacri.		Duobus d'gitis in- tra trochanterem ma- jorem.
5. <i>Gluteus medius</i> .	Paulò inferius, quam prior, sed non in os- se sacro.		In Trochantere ma- jore, quem tendine inferiore parte suâ te- git.
6. <i>Gluteus minimus</i>	In parte inferiore & antere cavitatis ex- ternæ ossis ilei.		In partem superio- rem Trochanteris ma- joris.

NOMEN.

NOMEN.	ORIGO.	PROGRESSUS.	INSERTIO.
7. <i>Fascia lata</i> , communis femoris & tibiae abductor.	In eminentiâ superiore & anteriore ossis ilei.	Emittit largum tendinem s. membranam tendinosam, quæ omnes musculos anteriores tegit.	In parte anteriore genu.
8. <i>Quadratus</i>	à parte posteriore & exteriore tuberositatis ossis ischii.		In cavitate inter utrumque trochanterem.
9. <i>Pyramidalis</i> , subinde quasi biceps, ut in nostro subjecto	In parte inferiore & laterali ossis sacri & prominentia posteriore & inferiore ossis ischii.	Progreditur per cavitatem posticam ossis ilei	Hi tres demum confundunt tendines in cavitate intra Trochanterem majorem.
10. <i>Geminorum superior</i>	In apophysi posteriore & interiore ossis ilei		
11. <i>Geminorum inferior</i>	ab eminentiâ posteriore & inferiore ossis ischii		
12. <i>Rotator</i> seu <i>Obturator internus</i> , qui rotat femur extorsum	In circumferentiâ interiori & inferiori foraminis magni ovalis.	Reflectitur tendine suo per incisuram posteriorem & inferiorem ilei. Confundit etiam tendines cum tribus prioribus.	Idem.
13. <i>Rotator Externus</i> .	In circumferentiâ exteriori magni foraminis.		Intra cavitatem eandem infra insertionem priorum.
14. <i>Triceps</i>	Hujus caput primum in superiore tuberositate ossis pubis: alterum ad latus synchondroscos ejusdem: tertium s. infimum à parte internâ tuberositatis ossis ischii.	Tendine confusô, latô, carnosô.	A parte interiore totius Spinæ ossis femoris.

SECTIO XXIV.

De

MUSCULIS TIBIÆ,

quorum X. sunt , sc. 4. Extensores &
6. Flexores.

NOMEN.	ORIGO.	PROGRESSUS.	INSERTIO.
1. <i>Rectus s. gracilis superior</i>	Ab eminentia anteriore & inferiore ilei à tota parte anteriore femoris. à toto latere interiore femoris. à toto latere exteriore femoris ab ipso trochantere usque.	Quatuor horum tendines efformant aponevrosin illam, quæ tegit patellam & eique adnascitur & quasi ligamentum præbet.	
2. <i>Cruralis</i>			
3. <i>Vastus internus</i>			
4. <i>Vastus externus</i>			
5. <i>Sartorius</i>	In tuberositate anteriore & superiore ossis ilei.	Oblique super extensores priores.	In parte interiore & inferiore epiphysis superioris tibiæ.
6. <i>Gracilis seu rectus inferior.</i>	In parte superiore ossis pubis, juxta longitudinem Synchondroseos (partim ab osse pubis, partim ab osse ischii)		
7. <i>Semi membranosus.</i>	In tuberositate ossis ischii.		In apophysi posteriore & interiore epiphysis superioris tibiæ.
8. <i>Semi nervosus</i>	Etià à tuberositate ischii.		Infra gracilem anteriorem.
9. <i>Biceps,</i> <i>cujus</i>	caput 1. longius in eadem tuberositate. 2. brevius in parte inferiore & exteriore femoris		In epiphysi superiore fibulæ.
10. <i>Subpopliteus</i>	Oritur à parte posteriore & laterali processus condyloidis externi ossis femoris.	Supra partem posteriorem superioris capituli fibulæ una & adjacentis distæ apophysis partem reflexus oblique descendit &c.	Inseritur parti posteriori & superiori tibiæ.

SECTIO XXV.

De

MUSCULIS TARSI,

Quorum VIII, numerantur, 2, Flexores & 6.
Extensores.

NOMEN.	ORIGO.	PROGRESSUS.	INSERTIO.
1. <i>Tibialis anticus</i>	Critur à facie tibiæ exteriore parte supe- riore circa Epiphysin ferè usque ad latitudi- nem 3. digitorum su- pra inferiorem epi- physin.		
2. <i>Peroneus anticus</i> , ita à situ dictus	Tendine suo post malleolum externum reflexus - quasi sub trochleari & ibidem etiam ligamentum quoddam annulare transgressus,		
3. <i>Gastrocnemii</i> duo quorum	Exterior oritur à parte posteriore & su- periore processus con- dyloidis ossis femoris externi,	Corpus hujus u- triusq; musculi car- nosum invicem con- funditur	
4. - - -	Interior verò ab in- teriore processu & eo- dem ferè loco,		

NOMEN.	ORIGO.	PROGRESSUS.	INSERTIO.
5. <i>Plantaris</i> , perperam sic di- ctus, cum ad plantam non pertingat,	Oritur à parte inte- riore processus condy- loidis	Priori subjacet, sta- tim in tendinem gra- cilem abiens cum ten- dine ejusdem confu- sum.	Hi cum prioribus tendines suos omnes confundunt; ita componentes for- tissimum <i>Achillis</i> di- ctum tendinem, qui parti posteriori & superiori ossis calca- nei implantatur.
6. <i>Solaris</i> seu <i>Soleus</i>	Oritur à parte su- periore & posteriore fibulæ & tibiæ.	Prioribus subjectus	
7. <i>Tibialis posticus</i>	Oritur à ligamento, quod fibulam cum ti- biâ jungit & eodem loco à perinæo	Illud spatium to- tum opplet ferè ad 4. usq; digitorum trans- versorum latitudinem, ab apophysibus infe- rioribus utriusque os- sis & per ligamentum annulare transgressus.	Tendine fortissimò implantatur parti late- rali & posteriori ossis navicularis.
8. <i>Peronæus posticus</i>	Oritur à parte su- periore & mediâ ma- gis, quàm posteriore ossis peronæi.	Per ligamentum annulare transiens re- flectitur, infra malleo- lum externum: hinc ad latus ossis calcanei progressus eidem con- jungitur particulari li- gamento: atque ubi- que os cuboides attingit; in adultioribus osculum habet ten- dini suo innatum. Porro supra musculos interosseos internos obliquè transgressus.	Inseritur ad latus externum primæ pha- langis pollicis vel quinti ossis metatar- si.

SECTIO XXVI. DE MUSCULIS DIGITORUM PEDIS,

quorum PRIMUM INTERNODIUM
 XII. Musculos habet. sc.

NOMEN.	ORIGO.	PROGRESSUS.	INSERTIO.
IV. <i>Lumbricales</i> Flexores	Oriuntur partim à tendine Profundi, partim corpore carnosò à cavitate interiore & inferiore ossis calcanei.		Singulorum tendines implantantur ad latus internum primæ phalangis.
IV. <i>Interossei interni</i> , Adductores	Sic dicti ratione factus in latere interno ossium metatarsi versus pollicem.	Tendines suos ad latus internum primæ phalangis emittunt, ubi cum tendinibus extensoris longi confunduntur.	
IV. <i>Interossei externi</i> , Abductores,	Ita vocati, quoniam ad latus externum ossium metatarsi collocantur		Tendinibus suis eodem modò, ut priores (ad latus tamen externum) primæ phalangi implantantur. NB. Interim unius digiti & externi alterius sibi invicem accumbunt.

SECUNDUM INTERNODIUM

unum habet flexorem sc. Perforatum

NOMEN.	ORIGO.	PROGRESUS.	INSERTIO.
<i>Perforatus</i>	Oritur à parte inferiore & anteriore ossis calcanei	& postquam aponevrosin, quæ musculi plantaris usum habet & palmari similina emisericit ut plurimum 4. tendines dividitur, aliquando saltem 3. qui à profundo perforati.	Implantatur partim posteriori & inferiori secundæ phalangis. Minimus enim digitus, aliquando nullum ab hoc musculo tendinem recipit.

TERTIUM INTERNODIUM

unum habet Flexorem, qui est
Perforans.

NOMEN.	ORIGO.	PROGRESSUS.	INSERTIO.
<i>Perforans</i>	Oritur à parte superiore posteriore & mediâ tibiæ,	Transgrediens per ligamentum annulare reflectitur supra malleolum internum & infra pollicis abductorem transiens in quatuor tendines dividitur. qui	Implantantur primis phalangibus, parili ratione ac in digitis manus.
<p>NOTA</p> <p>Duorum musculorum Perforati ac Perforantis singuli tendines vaginam quandam subeunt, eodem modo ac in digitis.</p>			
OMNIA			

OMNIA INTERNODIA

duos habent Extensores

NOMEN.	ORIGO.	PROGRESSUS.	INSERTIO.
1. <i>Extensor longus</i>	Oritur partim à ligamento fibulam cum tibiâ jungente anteriorius, partim eodem loco à fibulâ.	Ordinariè in V. tendines divisus, rarò, in quatuor.	Quatuor illi tendines digitorum phalangis implantantur eadem ratione ac digitorum extensor communis. Quintus verò parti & externæ & posteriori ossis metatarsi, quod minimum digitum sustentat. Hic enim videtur succenturiari motui musculi perinæi antici.
2. <i>Extensor brevis</i>	Oritur à superficie posteriore ossium metatarsi trium.	Quatuor tendines emittens, qui confusi cum tendinibus Extensoris longi	Implantantur eodem loco, sed tantum pollicis & tribus digitis sequentibus. Minimus enim rarò ab illo tendinem recipit.
DIGITUS	MINIMUS	proprium habet	Adductorem, qui di-
<i>Adductor proprius &</i>	Oritur partim à parte anteriore & inferiore ossis calcanei: partim à posteriore & inferiore parte ossis metatarsi, quod minimum digitum sustentat seu suffulcit.	Videtur pro parte biventer, ut commodius tendinem Peronæi postici transmittat.	Inferitur parti exteriori & inferiori capituli primæ phalangis minimi digiti.

SECTIO XXVII.

De

MUSCULIS POLLICIS
PEDIS,

quorum V. numerantur

NOMEN.	ORIGO.	PROGRESSUS.	INSERTIO.
1. <i>Flexor</i>	Oritur à parte posteriore mediâ & inferiore ossis Peronæi.	Reflectitur interius supra os calcaneum.	Implantatur tertiæ phalangi pollicis.
2. <i>Extensor</i>	Oritur à parte mediâ ligamenti, quod fibulam cum tibiâ jungit:	Per ligam. annulare transgressus tendine suo	Inferitur 2. & 3. phalangi pollicis.
3. <i>Abductor</i> s. <i>Antithenor.</i>	Oritur partim à latere interiore eminentiæ ossis calcanei, partim ab inferiore & anteriore ossis navicularis.	Est etiam biventer, ut commodè sub se transmittat tendines perforantis & flexoris pollicis.	Inferitur ossibus sesamoideis pollicis ad latus internum
4. <i>Transversalis</i> vel <i>Abductor</i>	Oritur à parte anteriore & inferiore ossis metatarsi, quod minimum digitum sustentat	Supra inter osses transversaliter incidens.	Inferitur lateri externo primæ phalangis pollicis.
5. <i>Thenor</i> seu <i>Adductor</i>	Oritur à parte mediâ & inferiore ossis metatarsi, quod tertium digitum & quartum excipit.		Implantatur eodem loco cum transversali.

NOTA.

Tibialis anticus, Peronæus anticus & posticus, Extensor longus, Extensor pollicis, videntur unicum musculum constituisse. Sic etiam Pollicis Flexor, Tib. posticus & profundus: Principia quippe carnosa confundunt.

SPLANCH.

SPLANCHNOLOGIA RAUIANA

Seu Tractatio

DE

STRUCTURA & USU VISCERUM.

De

CORDE & PULMONE.

IN pectoris Cavitate Cor & Pulmo hæret. Cor in medio pulmonum sedet, ut commodè ad omnes pulmonis partes tria magna sua vasa ejicere possit; nam in gratiam horum vasorum pulmo exstructus esse videtur. Sanguis enim per Cordis vasa ideò multifariè per pulmonis vesiculosam substantiam explicata dividitur in majorem superficiem, ut in majori quantitate aër per asperam arteriam in pulmonem delapsus, sanguinem reficere possit. Nam Cor & Pulmo sanguificationis organa dici debent, quatenus chylus in dextra auriculâ, & deinceps in Corde intimius per pulsum cordis sanguini commiscetur; & in pulmone commixtus & in corde jamjam chylo nutritus per minima in pulmone vasa depressus & adhuc exactius in pulmone commixtus una aerem recipit. Vides jam Cor in pulmonis gratiam fieri; pulmonem in gratiam Cordis factum esse: Cor ut pulmoni sanguinem tribuat, pulmo, ut eum recipiat, cum chylo commisceat, & ut aerem ipsi per suam asperam arteriam tribuat. Cor pendet à suis vasis, quæ in pulmonem dejicit, & quæ versus collum explicat. Ceterum undique liberum est, ne in motu suo constrictorio impediatur. Involvitur membranâ crassissimâ, pericardiô dicta, enata ex ipsis vasorum Truncis, à corde innatis. Hæc membrana (quæ interstitium linquit, inter se & Cor) facta videtur, ne aer in pulmonem frigidus ingressus, cordi calidissimo horrorem quendam frigidum convulsivum incutiat. In cavitate pericardii ∇ , non secus, ac in aliis cavitatibus, pectoris sc. Abdominis & Cranii, post mortem reperitur, cui aquæ nescio quas, mirabiles fontes & scaturigines adscribere Authores. Unus è glandulis pe-

ricardii eam productam esse asserit: alter in cono: Tertius in basi Cordis ejusmodi glandulas fingit. Nos verò hanc ∇ m vapores concentratos esse conjicimus in mortuis, quia nunquàm adeò abundanter in vivis reperitur dum à motu visceris, quod tangit, per venas facilè absorbetur, & in sanguinem regurgitat. Egò itaque non aliam originem ∇ æ pericardii adscribo, quàm aquæ in aliis cavitatibus repertæ.

Cor musculus est Cochleæ instar convolutus. Fibre ejus carnosæ in tendinibus vasorum oriuntur, & oblique excurrunt, quarum reflexio Conum cordis constituit, & sic fibre in Cono intersectæ in partem oppositam ascendunt, & iisdem vasorum tendinibus sic directè implantantur, ut relinquant sinum in suo centro, quem sinum sinistrum vocamus. Exteriores fibre alium sinum constituunt, quem dextrum dicimus. Hic in superficie externa habet etiam fibras quasdam longitudinales.

Cursu itaque fibrarum cordis observato videbis Cor se constringere & eodem momento utrumque ventriculum coarctari, eodem modo, quò videmus Cochleam intorqueri in Loculamento suo. Hæ fibre Cordis carnosæ interius in ventriculo, & exterius tenui membranâ investitæ sunt, ut alii musculi.

Cor ob vehementem motum, quem exagitat continuò, magna recipit vasa, duas sc. arterias coronarias, venam unam maximam & multos nervos.

Cordi superius, vel potius vasis è corde egredientibus, duæ appenduntur auriculæ; una major est quæ dextro appenditur ventriculo, altera minor, sinistrâ. Hæ auriculæ musculi excavati sunt, multis columnis car-

nosis

noſis in cavitate exornati, ut vehementius conſtringi poſſint. Dextra ex utrâque cava in venalem ſanguinem, à toto corpore reſſuum, impetum facit, & eum cum chylo conquirit & ulterius miſcet, eumque vi quadam in dextrum ventriculum propellit. Siniftra auricula ſanguinem, aëre & chylo in pulmone præparatum & lentè reſſuentem, per quatuor venas pulmonales quaſi de novo excitat pulſu ſuo, & celerius in ſiniſtrum Cordis ventriculum deprimit, quia ex illo per aortam ad omnes corporis partes per magnam arteriam depellitur.

Motus Cordis duplex eſt: Auricularum quoque duplex. Auriculæ dilatantur & conſtringuntur, non una poſt alteram, ambo ſimul: ſimiliter Cordis motus ſe habet; Cor conſtringitur & dilatatur, non unus poſt alterum ventriculum, ſed ambo ſimul.

Motus Cordis & auricularum dilatatorius Diaſtole dicitur: Conſtrictorius verò ſyſtole. Motus hic auricularum & Cordis diverſo fit tempore: nam eodem momento, quo auriculæ ſunt in diaſtole, Cor eſt in ſyſtole: & vice verſa quoque dilatato corde conſtringuntur auriculæ, & ſanguinem in Cor per duplicem viam propellunt: dextra in dextrum ventriculum, per orificium Cavæ, cui in cavitate ventriculi tres valvulæ appoſitæ ſunt, quæ foramen hoc cavæ in conſtrictione cordis occludunt, ne ſanguis per eandem viam reſſuat. Siniftra auricula eodem momento ſanguinem, è pulmone reſſuum, & jam ad nutritionem & functiones animales aptum, in ſiniſtrum ventriculum propellit, qui ſanguis, ne in conſtrictione

cordis reſſuat ad venam pulmonalem, proſpectum eſt in ventriculo duabus valvulis, ſimilibus illis, quæ in dextro ventriculo ſunt. Dextri ventriculi valvulæ tricuspides vocantur, ſiniſtri mitrales.

Eodem modo Cor conſtrictum ex utroque ventriculo unò momento ſanguinem depellit, ex dextro ventriculo in arteriam pulmonalem per pulmones, quia ne regurgitet, ſuſtinetur in orificio pulmonalis tribus valvulis ſygmoides. Ex ſiniſtro ventriculo depellitur in Arteriam magnam ad omnes corporis partes, qui ne reſſuat, ſuſtinetur ad orificium arteriæ magnæ per tres valvulas ſemilunares.

Sanguis per arteriæ magnæ diviſiones poſtquàm functionibus animalibus & nutritioni Corporis inſervit, ab omni chylo & aere orbatus tranſit in venas, per cavam reſſuit ad dextram Cordis cavitatem, ut novum ibi chylum, & in pulmonem propellitur, ut novum ibi aerem recipiat. Ex pulmone in ſiniſtrum ventriculum ſanguis, jam chylo & aere reſtauratus, propellitur. Et hæc eſt circulatio ſanguinis in adulto & in omnibus animalibus, quæ Diaphragma habent; nam in his tota M. S. per pulmones trajicitur. In amphibiiſ autem & aliis quibusdam animalibus, quia nullum habent diaphragma, & quæ unicum tantum habent in corde ventriculum & unicam auriculam, pars ſaltem vigefima ſanguinis per pulmones trajicitur, quæ pars ex pulmonibus reſſuens in auricula M. S. commiſcetur, & apta eſt totam maſſam corrigere & reſtaurare in his animalibus.

CIRCULUS SANGUINIS IN FŒTU PER COR ET PULMONES

NON longè abſimilem circulationem abſolvit ſanguis in fœtu, cùm adhuc in utero hæret, & Pulmo fœtus adhuc otioſus eſt. Fœtus enim in utero per Pulmonem non reſpirat. In Fœtu corde autem canalis eſt, arterioſus dictus, & unum foramen quod dicitur venoſum. Foramen ovale eſt inter duarum auricularum interſtitium, hiatus maximè in dextram auriculam, obvelatur in ſiniſtrâ auriculâ membranula, quam valvulam nominant. Per hoc foramen maxima pars ſanguinis ex utraque Cava in auriculam deſſuens tranſit in ſiniſtram auriculam, inſalutato ventriculo dextro. Pars tamen prædicti ſanguinis venalis, quia deſſuxit in ventriculum dextrum, ex eò depellitur per orificium arteriæ pulmonalis: qui ſanguis ne per diviſiones arteriæ pulmonalis deſſuat in pulmones, cautum eſt canali arterioſo, qui oritur ad orificium arteriæ pulmonalis, &

inferitur ad partem inferiorem anguli aortæ poſt ejectionem trium arteriarum, quæ ad cervicem aſcendunt. Poſtquàm verò infans natus eſt, & pulmo aere diſtensus, trahitur prædictus canalis arterioſus ex linea rectâ in obliquam, & arteria pulmonalis magis rectilinea fit, ſicque ſanguis ex dextro ventriculo rectam lineam ſequens, obliquum canalem negligit, ità, ut hic totus concreſcat, & in ligamentum abeat. Sanguis hic dextri ventriculi jam non amplius per canalem arterioſum in arteriam magnam depulſus, & abundanter fluens per pulmones, & reductus per venam pulmonalem pendulam illam valvulam in ſiniſtra auricula adeò foramini ovali pondere ſuo adplicat, ut pondus valvulæ ſuperet pondus ſanguinis dextræ auriculæ, qui ſanguis ſolitus erat hanc valvulam diducere, & tranſire in ſiniſtram auriculam, eò tempore, quo hæc valvula à ſanguinis per pulmo-

pulmonem fluentis pondere resistentiam nullam faceret. Hæc in foraminis ovalis valvula indefinenter à pondere sanguinis sinistra auriculæ parietibus foraminis ovalis applicata eidem accrescit, & foramen totum, quantum est, evanescit. Vides jam mutatam lineam rectam canalisi arteriosi in obliquam, ab extensione pulmonis per aerem, causam esse sui ipsius occlusionis.

DE PULMONE.

Videtur jam, quomodo pulmo in gratiam cordis, Cor in gratiam pulmonis constructum sit, & utrumque sanguificationis organum statuendum. Videamus paulisper ejus structuram. Pulmo constructur tribus potissimum vasis: uno aëricato: Alteris duobus cursui sanguinis. Jam de illis non loquor vasis, quæ nutritioni pulmonis famulantur, quæ sunt arteriæ, venæ, nervi & vasa lymphatica.

Primum prædictorum vasorum Trachea dicitur seu aspera arteria. Hæc dividitur in tres partes, cujus prima & superior Larynx dicitur, & hæc larynx definit ad primum Tracheæ annulum; altera pars, Trachea dicta propriè, incipit, ubi Larynx definit, & se dividit in duos ramos; nam pars inferior Tracheæ divisa non amplior Trachea, sed Bronchos seu Bronchia nominatur.

Larynx quinque constat cartilaginibus: Cricoide, Thyroide, duabus arithenoidibus & epiglottide, quæ concava folii arboris instar Thyroidis cavitati juncta, à pondere ciborum & potus è gula in oesophagum descendentium deprimitur supra glottidem, foraminulum & orificium asperæ arteriæ, ne quid ciborum vel potus in asperam arteriam decumbat. Ceterum glottis ab epiglottide nunquam occluditur, nam libera per illud fit respiratio.

Notandum præterea hanc structuram glottidis ceterarumque cartilaginum, quatenus à musculis futs flectuntur & extenduntur, simplici sono modulando famulari; Aspera verò arteria à principio usque ad finem cartilaginibus teretibus per totum cursum instructa est, ita ut semilunam referant, nam à parte posteriore, ubi oesophago incumbit Trachæa, diffractus illarum circulus conveniebat, ne deglutitionem liberam oesophago, incumbente sua duritie impediret. Ceterum si cartilagines hæc non adessent, & tunicis solummodo hæc fistula confecta fuisset, Trachæa illa indefinenter concideret, & liberum aeris in pulmones ingressum & egressum impediret. Simili modo Cartilaginibus undique per totum pulmonem explicata Bronchia in-

structa sunt, hac tamen differentia, ut annuli cartilaginosi integri sint, quivis diffracti, nam tria interdum quatuor cartilaginum frustula paulisper tum hiantia unum annulum constituunt. Hæ cartilagines quò profundius in pulmones descendunt bronchia, eò tenuiores fiunt, & quasi evanescent. Hi annuli sic constructi sunt, ut liber aditus aëri in pulmones pateat, & ut ille aer, qui respirationi inservit, à pulmonis vi elasticâ constrictus, bronchiorum ramificationibus plenius expelli possit, in fine bronchia explicantur in minimas vesiculas tenuissimas, membranaceas, quarum viginti vel plures unicum lobulum constituunt, qui tunc lobi plurimi à Bronchiis pendent, quali modo videtur uvas à racemis pendere. Porro omnes lobi ab una membrana, à pleura in utraque pectoris cavitate ejecta investiantur & compaginantur & unum pulmonem constituunt, in utramque pectoris cavitatem divisum.

Videtur jam totam membranofam pulmonis substantiam asperæ arteriæ explicationem esse, & sic longè lateque expansam esse in innumerabiles parvas cellulas, ut aer per fistulam Trachæam ingressus, in multifariis his cellulis in multifariam superficiem expandi & explicari possit. Secundum pulmonis vas superius memoratum Veteribus arteria venosa dicitur, quod arteriæ structuram habeat, & sanguinem venosum vehat; sed ad omnem confusionem evitandam potius Recentioribus Arteria pulmonalis audit. Hæc unico Trunco ex dextro cordis ventriculo ejecta post trium ferè transversorum digitorum latitudinem dividitur in duos ramos, quorum unus ad dextrum pulmonis latus, alter ad sinistram exspatiatur. Tertium pulmonis vas vena arteriosa dicitur veteribus, quod venæ structuram habet, ut sanguinem arteriosum vehat, sed rectius cum Recentioribus vena pulmonalis dicitur. Hæ 4. Truncis è sacco sinistra auriculæ enascitur; duo ex his ad dextrum pulmonis latus, duo verò ad sinistram pergunt, & postea fit horum duorum vasorum, arteriæ scilicet & venæ pulmonalis sequens Divisio: nempe in quemcunque lobum excurrit & dividitur bronchos, mox eam ad sociatur divisionem ramus arteriæ & venæ pulmonalis, ei incumbit vena, succumbit arteria, ita ut bronchi divisio in medio hæreat, Hi rami vasorum concomitantur ramum bronchi, usque dum ille in cellulam membranofam abit. Tunc vasorum sanguiferorum extremitates innumerabiliter, pilorum instar, in lateribus cellula membranosa, rectis instar, explicantur & coeunt,

coëunt, qui coitus arteriæ & venæ à Malpighio reticulum dicitur. Concipitis jam, quot innumera vesiculæ membranosa pulmonis sunt, tot etiam sunt reticula vesiculosa ex extremitatibus arteriæ & venæ pulmonalis producta. Sic constructus est pulmo; sic factæ multæ illæ vesiculæ reticulo dicto vasorum instructæ, ut M. S. per Pulmonem trajecta in magnam superficiem explicetur, & aer illam in majori superficie tangere possit, uno verbo: Pulmo trajectorium Organum sanguinis est, ut in eo sanguis cum chylo intimius misceatur, & ab aere reficiatur, ope respirationis: sed & respirationis organon pulmo est, non activum, sed passivum; activum verò organon sunt musculi, quos nullos admittimus, præter Diaphragmatis, Abdominis & intercostales. Abdominis & Intercostales musculi Diaphragmatis Antagonistæ sunt, quorum omnium fabricam in myotamiâ inspexistis.

Fit verò Respiratio sequenti modo: Diaphragma, quod involuntarium motum habet, quo momento in cavitatem Abdominis descendit, pectoris cavitas dilatur, & pondus aeris hominem ambientis gravius Pulmonum substantiâ membranosa, mox in Pulmonem irruit, & gravitate sua pulmonem distendit, ita ut pulmo totam pectoris cavitatem repleat, firmiter adplicatus contra pleuræ parietes. Et hæc est inspiratio, quæ quando profundior esse debet, musculus Diaphragmaticus inferior superiori in auxilium venit, magis convexitatem diaphragmatis augendô.

Exspiratio fit quando à motu suo remittit diaphragma, & musculi abdominis & intercostales pectoris cavitatem constringentes, & vim facientes in aerem inspiratum, augent ejus aeris pondus, ut superare posset atmospheræ pondus, hominem ambientis; Et hæc est exspiratio, sine quâ respiratione nullus mortalium vivere potest. Nam aeris ope sanguis reviviscit, & sanguinis circulatio promovetur, sine quâ omne corpus mortuum.

CHYLIFICATIONIS ORGANA.

Primum omnium os dici debet, cujus structuram in myotomia vidistis. Hôc cibus apprehenditur & dentibus incisoriis offertur, quibus primò incisus molaribus comminuitur. Quod ut commodè fiat, indefinenter linguâ & musculis buccinatoribus cibum, jamjam incisum intra dentes molares devolvimus. Eô ipsô momento è continuo maxillæ inferioris & linguæ mo-

tu glandulæ salivales pressæ & concussæ abundanter salivam suam emittunt, qua imbuta pasta masticata secundum dissolvens recipit; nam primum cibi dissolvens aer in illo hærens dici debet.

Glandulæ verò salivales sunt Parotides, infra maxillares & sublinguales, amygdalæ & innumera palatina. Cibus in cavitate oris sic preparatus ope linguæ, buccinatoris musculi & membranæ palatinæ in fauces protruditur, ex quibus dilabatur in hiantem pharyngem; hic ne hiet, per musculos suos expansorios, & pondere suo deprimit epiglottidem supra glottidem; eodem momento constringuntur musculi levatores ossis hyoidis, præcipue genio-hyoidei & etiam genio-glossi & mylo-glossi, & cephalo-pharyngei & sphæropharyngei, quos membranam carnosam esse vidistis. Sic omnes contracti musculi pharyngem quasi breviorē faciunt, & sic bolum pastæ insitum œsophagi protrudunt, ubi musculus sphincter œsophagi se constringens bolo transgredienti eam formam & figuram imprimit, ut commode pondere suo per œsophagum in ventriculum delabi possit, paulisper adjutus in descensu à serie fibrarum longitudinalium œsophagi, & circumfusione Lymphæ, abundanter per glandulas œsophagi exspuat.

Plurimæ sic pastæ paratæ in amplum ventriculum per orificium superius descendunt, & congregati in ventriculo ibi per aliquod tempus morantur, donec multa Lympha, ex ventriculi glandulis elicitæ. Pasta in ventriculo commista sit per fortissimum & continuum Diaphragmatis motum & Hepatis impetum in ventriculum. Tandem sic pasta per motum ventriculi sic conquassata constricto ventriculo per fibras suas carnosas rursus ascendit ad pylorum (qui est orificium ventriculi inferius) & per hunc descendit in intestinum duodenum.

Notandum: Ventriculum non esse intestinis continuum, quod statuunt plerumque Scriptores; sed ventriculi finem in initium Duodeni, infundibuli instar, intrudi, & finem coni reflexum anulum illum membranofum constituere. Ceterum ventriculus tot habet, quot habent intestina membranas, & fibræ carnosæ ventriculi non differunt à fibriscarnosis intestinorum, nisi quod crassiores sint fibræ carnosæ intestinorum tenuium, tenuiores verò fibræ intestinorum Crassorum. Membranæ verò intestinorum sunt quatuor, extima peritonæi dicitur, altera vasculosa, tertia muscularosa, quam duplex fibrarum series con-

constituit : externa series longitudinalis est, interna annularis, nulla spiralis series quam innuunt inepti Anatomici. Per has fibras continuus motus vermicularis seu peristalticus intestinorum perficitur ad protrudendum cibum & potum, per multifarios intestinorum anfractus ad rectum usque quem pondere suo faeces à chylo orbatae & adjunctae pressione muscutorum abdominis & diaphragmatis aperiunt, ut ejiciantur extra corpus, qui postmodum anus se denuò ope musculi sui sphincteris & duorum elevatorum restringit in pristinum statum. Intima membrana & quarta intestinorum dicitur villosa, quod multi quasi villi à superficie ejus interiore pendeant, quos villos vasorum lacteorum orificia esse conjicimus. Hæc membrana in intestinis tenuibus (quæ sunt duodenum jejunum & Ileum, in his enim præcipue fit chyli à pastâ separatio) innumeras constituit semilunares pendulas productiones, quarum una alteri opposita respondet, quæ productiones nominantur valvulae conniventes. Hinc conjiciendum est; si hæ omnes valvulae dissolverentur, membranam hanc villosam sextuplo & ultra longiorem debere esse aliis membranis intestinorum. Ideo autem tam longè facta est & has pendulas productiones nata, ut chylus majorem superficiem, à quâ absorbeatur, habere possit, & ne motus peristalticus eum justo citius ad intestina crassa devolvat; antequam scilicet pasta omni chylo orbata est per productiones has prædictas, & longam circumvolutamque viam intestinorum apprimè impeditur. Vidistis pulcherrimo ordine intestina tenuia mesenterio juncta esse, & sic à mesenterio in ordine retineri, ne unum alterum amplexans obstructions intestinorum pariat, quod ileum vocant. Observamus tamen plurimum hos duos morbos produci ab inductione intestini partis inferioris in superiorem.

Mesenterium duplici lamella constat, vertebriis superioribus lumborum & inferioribus dorsi fortissimè junctum, cujus usus est multam pinguedinem continere, quæ molliter mesenterii glandulas innumeras & vasa lactea ac meseraica sustentat.

Intestina tenuia desinunt in crassa, & finis jejuni non continuus est, sed contiguus cæco, eodem modo se intrudens & valvulam cæci constituens, quo vidistis finem ventriculi annulum constituere in duodeno. Cæcum hoc intestinum principium coli est, & ligatur mesocolo ad partem superiorem ossis ilei dextri firmiter. In parte superiore habet tenuissimam appendiculam, quæ innumeris glandulis scatet, lympham dulcem uberrimè excernentibus, quæ facibus

jam omni chylo orbatis & in cæcum abibentibus denuò admiscetur, ut duritiem leniat & acridinem corrigat, ne crassa intestina in transitu lædantur.

In eum sensum & intestina tenuia duplicis ordinis glandulas habent, quarum quæ minores coacervatim congestæ sunt, miliares dicuntur: quæ majores solitariè posita, lenticulares appellantur. Intestinum Colon omnium maximum est & rectissimum quod ab ileo dextro, membranis suis peritonæo junctum ascendit in latere dextrò, superascendit ventriculum omento ibi junctum, descendit ad hypochondrium, lienem tangit, ut in dextro latere Hepar, & descendens incumbit sinistro Reni, mox illum deferens ad ileum fere sinistrum descendens duos vel tres facit circulos, & circa os sacrum in rectum desinit. Triam notamus Ligamenta in Cæco & in colò, quæ quasi tres breviores fimbriae sunt, quæ exteriores membranas horum intestinorum, interna intacta quasi retrahunt & corrugant, ut interna longiores illas productiones, & valvas commodius producere possint; Quæ productiones usum habent, ut ponderibus facum resistent, ne continuo homo ad ejectionem sollicitetur; nam notandum & villos esse in intestinis crassis & ventriculo, ut intestinis tenuibus.

Pasta in duodeno tertium & quartum dissolvens recipit, succo nimirum è glandula pancreate effluente per ductum suum singularem indefinenter, sub acido, cujus ductus orificium terminatur in orificio ductus bilarii. Alter dissolvens bilis est, quæ conficitur in Hepate; nam totum Hepar nihil est nisi glandula biliaria & ducit bilem secretum à sanguine arterioso, per ductum suum Hepaticum, ad ductum biliarium communem, per quem vel fluit in intestinum, vel impedita à collapsò intestino refluit ad vesiculam bilariam, quæ ibi coacervatur, donec ventriculus cibo repletus vesiculam pondere suo incumbentem premat, ut eò tempore, quo se ventriculus exonerat in duodenum (tempore nempe digestionis) etiam abundantius, & bilis affluat in intestinum.

Tandem ab intestinorum motu peristaltico protrusa pasta, accedente continuo respirationis impetu, in intestina facta, pasta illa ad omnia intestinorum latera fortius adpulsa, pars tenuior, quæ chylus dicitur, in lacteorum vasorum orificia protruditur, quæ ne refluat, à valvulis lacteorum impeditur, & cujus cursus à chylo à tergo affluente promovetur, & sic illa innumera vasa lactea primi ordinis, in glandulas meseraicas desinunt, in quas lympham

via lymphatica devehunt, quæ cum chylo miscetur, & ex his glandulis secundi ordinis vasa lactea nanciscuntur, quæ in unum Truncum abeunt, qui Truncus dicitur *Receptaculum Chyli*, locatum supra arteriam magnam descendentem, ubi transit musculus inferiorem diaphragmatis. Receptaculum hoc gracilescens iterum longum ductum ejicit, qui *chyliferus ductus* dicitur, quod carent volatilia, venis lacteis quoque destituta. Hic ductus incumbit ad latus sinistrum magnæ arteriæ, & circa quartam & quintam dorsi vertebra dividitur, & rursus unitur. Hic multa lymphatica pectoris ei junguntur & lympham ipsam infundunt. Tandem ulterius uno ductu ascendens ut plurimum venæ subclaviæ sinistræ inferitur, & hic chylus venoso sanguini miscetur; interdum divisus alium ramum ejicit ad jugularem internam sinistram. Nullam habet hoc orificium in venam hians valvulam, sed sic est orificium, ut unum tramitem habeat cum cursu sanguinis chyli influxus. Chyli autem descensus promovetur pulsu arteriæ magnæ, cui accumbit.

DE HEPATE.

Hepar quoque inter chylum facientia organa numerari debet; hoc enim magnum viscus unice gratia secretionis bilis factum est, accumbit diaphragmati, cujus figuram convexam habet, & per transversum jungitur ope membranæ peritonæi. Sterno autem jungitur ope membranæ ligamenti lati, quæ etiam pars peritonæi est. Porro ope ligamenti rotundi jungitur umbilico, quod ligamentum in fœtu vena umbilicalis erat.

Hepar inferius concavum est, & in medio ventris hæret, sed ad dextrum latus dexter lobus ejus magis descendit; & hic defectus descensionis in sinistro latere refarcitur liene, ita ut lien & hepar fornicem quasi constituent, in cujus cavo commodè locatur ventriculus & fovetur. Ad constitutionem itaq; Hepatis concurrunt arteria, & cœliacæ ejecta, pro nutritione ejus, & vena huic respondens, quæ in cavum Hepatis exoneratur. Nervi ab intercostali & octavo pari, qui cursum prædictorum sequuntur, hepatici dicti sunt. Tandem vena portæ maximam partem Hepatis constituit; pars vero venæ portæ inferior sunt venæ meseraicæ omnes; porro, à cava descendente ramus maximus ad Hepar dispergitur, & tandem ductus Hepatis excretorius innumeris ramis per Hepar explicatur. Notandum: membranam quandam à peritonæo educam totam Hepatis substantiam involvere: hanc postmodum membranam tribus semper vasis, id est,

ramo à vena portæ, ramo à vena cavâ, & ramo à ductu hepatico vaginam dare & vasa illa per totum excursum continere. Porro ultimi ramusculi trium vasorum unicam quasi cellulam constituunt, quæ cellula ductu excretorio continua est, eodem modo, quo in pulmone vidistis cellulas aëreas esse continuationes asperæ arteriæ & eodem modò, quo vidistis in pulmone ultima extrema arteriæ & venæ pulmonalis reticulum vasculosum constituere Malpighii. Sic conjicimus extrema venæ portæ venæque cavæ circumcirca cellulas Hepatis reticulum constituere; quod tamen, secus ac in pulmone, hiatus quosdam in cavitates cellularum dimittit, per quos in has cellulas bilis à sanguine venæ portæ depluit, & per continuatam cellularum ductum excretorium excernitur illico, vel in intestinum duodenum, vel in receptaculum bilis, vesiculam felleam.

Sciendum præterea est, bilem in hepate à sanguine venoso venæ portæ secerni. Cellula præterea Hepatis plurimæ junctæ lobulis à racemis pendent, veluti uvæ. Videtis jam Hepar glandulam esse ex innumeris glandulis confectam; quam structuram unius ex prædictis, si intellexeritis, structuram aliarum glandularum in corpore, sive conglomeratarum, sive conglobatarum facile intelligetis. Nam alio modo pancreas, glandulam maximam, non confectam esse conjicimus. Hæc ductum excretorium suum in ductum choledochum insinuat, & succum suum una cum bile expuit in intestinum duodenum, pro chylo præparatione. Verum tamen est, succum pancreaticum acidum alium esse, qui bilem amaram, quæ differentia desumipotest ex differenti materia, ex qua succus elicited est; nam bilis ex sanguine venoso, succus pancreaticus ex sanguine arterioso, secretus. Sed cum Saliva in parotidibus & in aliis glandulis alii succi secernuntur, ab uno eodemque sanguine arterioso, Veteres id à singulari partium qualitate deduxerunt: Recentiores à differenti pororum figura, alii à specifico quodam in glandulis fermento, ita ut in his rebus valde dubitent scriptores.

DE LIENE.

Lien ad Chylificationis organa quoque spectare videtur, quamvis de ejus usu tam certè, ac de Hepatis, loqui non possumus, cum nullum hucusque invenerimus ductum excretorium, qui nos de verò usu visceris certiores faciat. Videtur lien vasorum glomer, membrana propria à peritonæo obductus, membrana propria vasa, arteriam & venam & nervum vaginulæ instar

in penetralia lienis concomitatur. Venæ extremitates in latas cavitates explicantur. Extremitates arteriarum tenuissimâ expuunt sanguinem arteriosum, in latas venarum cavitates, ut ibi magis explicatus, interrupta quadam à sanguinis circulatione mora ne-ctatur, at paulisper immutetur, quam mutationem ipsi adscripsit Malpighius, ab affluente humore acido, ex glandulis innumerabilibus venarum, cellularum parietibus appensis. Sanguis hic per moram vel humorem immutatus refluit sic per venam splenicam, quæ vena venæ portæ inosculatur, ita ut hic sanguis, in liene paratus venæ portæ sanguini commixtus illum præparet, pro commodiore secretionem bilis in Hepate. Videte jam, quâ ratione splen Chylificationis organum dicatur; quod scilicet bilem promoveat, quæ iterum bilis chylo parando destinata est.

DE OMENTO.

Omentum quoque ad Chylificationis organa spectat, quatenus scilicet organon pinguedinis est, quæ liquida pinguedo intestina duplici ratione imbuat: ut acedinem intestorum oleaginitate sua demulceat, & ut fibras intestinorum Carnosas pro motu flexiliores faciat. Duplicem habet omentum lamellam, ut abundantius oleum in sanguine secernat, & ut in diversas superficies intestina inungere possit. Infra umbilicum descendit aliquantò profundius à ventriculo, Hepate & colô pendulum est, ut se commodius in intestinorum circulationes insinuare possit.

DE RENIBUS ET VESICA.

Renes duo sunt inter ultimas & penultimas ab utroque latere vertebrae & costas locati, dexter paulisper declivior est, à lobo dextro Hepatis depressus. *Figura* nota est, quæ alia in infantibus, alia in adultis. Illic crenata, hic plana in margine. Ne-ctuntur venæ cavæ & arteriæ magnæ per vasa sua emulgentia, lumbis superioribus per membranam peritonæi, quod extimam eorum membranam constituit, quæ dicitur pinguedinosa.

Renes inter glandulas numerantur: quoniam serum falsum, quod urina dicitur, à sanguine arterioso fecernunt. Comparatis renibus cum Testibus & Hepate clarè videmus glandularum differentiam à differenti glandularum structura dependere; nam Renes habent aliarum glandularum requisita, arterias ex aorta multas magnasque, quæ in illorum substantiam penetrant, tum etiam

venæ longè majores, & plures à cava descendente arterias concomitantur, quæ in totam substantiam, (nervis eis adjunctis) deferuntur, & membrana propria renum in innumeras divaricationes distinguuntur, & ab hac membrana vaginulis donatæ papillas constituunt, quæ urinam à sanguine transmittunt, cincta antè & excepta à productionibus pelvis, quæ productiones infundibuli, coni instar, urinam ex papillis excipiunt, eamque ad pelvim ducunt. *Pelvis* verò hæc coarctata inferius longum constituit Canalem, qui à rene descendit supra lumbos ab utroque latere in vesicam & ad anteriora inferitur, repens infra membranas per spatium duorum vel trium digitorum; & hi ductus, *ureteres* dicti, ducunt urinam ex renibus ad vesicam, donec hæc vesicâ urinâ repleta ad ejectionem sollicitetur. Ne autem urina refluat ad ureteres, cautum est reptatu inter membranas vesicæ prædictis ureteribus: nam interna membrana pressa urina ureteris orificium contra externam membranam occludit, & comprimit, ne aliquod refluat; nam ipso ventus, quo vesica repleta, hæc orificia non transibit. Vesica autem renibus appensa per ureteres, cui urinæ receptaculum ideò factum, ne homo continuo urinam ejiciat; nam si immediate urina nulla interveniente vesicâ, per ureteres extra humanum corpus fluere, continuo guttatim mingeremus; sed jam vesica interveniente, omnes illas guttulas à renibus continuo depluentes quasi in matulam excipimus, & illam postea certis temporibus è corpore ejicimus. *Vesica* hæc 4. habet membranas: in pelvi locata ossi pubis per extimam membranam (quæ est duplicatura peritonæi) juncta est, altera vasculosa est: Tertia musculosa: interna propria. A musculosa membranâ vesica vim elasticam recipit. Hæc necessaria est, ut urina in eâ collecta adjuvantibus musculis Abdominis & Diaphragmatis exprimatur ex eâ, & ejus Sphincter à pondere urinæ aperiatur. Sphincter verò nihil est, nisi productio fibrarum carnosarum, ab ipsa vesica & Sphinctere aniejectarum, collo vesicæ post prostatas adplicata, qui Sphincter constringit antè orificium vesicæ, ne involuntariò nobis exeat urina. Ad hanc urinæ continentiam summo opere faciunt musculi acceleratores & erectores penis.

DE PROPAGATIONIS ORGANIS IN VIRIS.

Testiculi duo extra corpus propendentes sunt semen continentia organa. Sunt autem

antem glandulæ, quæ ex sanguine arterioso semen eliciunt, & illud confectum per ductum excretorium exspuunt in vesiculas feminales, in quibus ad tempus coitus coactum, vi convulsiva muscutorum vesiculas ambientium, per duo orificia in urethram supra prostatas ejicit, ut ab hac urethra, unâ cum prostatarum liquore ejiciatur. Nervos Testiculi habent à lumbis & pari intercostali: arterias duas tenuissimas, unusquisque unam, ab aortæ Trunco supra mesentericam inferiorem ejectas, dexter venam è cavæ Trunco descendente infra emulgentem excipit: sinister ut plurimum venam suam ab emulgente sinistra excipit. In hoc venarum exortu aliquando lusus naturæ est; nullæ in his sunt valvulæ, sed unaquæque vena in transitu suo supra musculum iliacum, usque ad Testem, extra corpus multifariè in multos circinnos dividitur, capreolorum instar, qui loco valvularum esse possunt.

Testiculus ex innumeris vasculis albis, pilo tenuioribus constat, quæ vascula omnia membranâ fortissimâ in globum contorquentur & involvuntur, intus divisa per transversas membranas in sex cameras, sive loca distincta. Et hæc est pars Testiculi prima albuginea, propria membrana, ut diximus, involuta. Superius insidet alius quasi parvus Testiculus, *Epididymis* vocatus, ex vasculis multis constans, sed majoribus vasculorum Testiculi. Hæc vascula communicant cum vasculis Testiculi, & Semen in Testiculo confectum excipiunt. Hæc vasa Epididymis tandem ultimò in unum vas abeunt, quod vas per annulum, per quem alia vasa spermatica egrediuntur, ad Testiculos, in ventris cavitatem ingressum reflectitur ad latus anterius & inferius vesicæ, ubi inter intestinum rectum & *vesicam vesiculam* feminalem ejicit, & reflectit ad latus: Tandem ab utrôque latere ductum subtilissimum inter prostatas & urethram dimittit; qui ab utrôque latere orificio hiat in urethram, ad latera Eminentiae carneæ, quæ caput gallinaginis vocatur.

Notandum semen indefinenter confici, sed non continuo ejici per hos ductus: Hinc semen, quod conficitur in Testiculis & per vasa deferentia ad horum usque principium ducit, non potest per eos exire, nisi tempore coitus; Quapropter regurgitat in vesiculam feminalem; ut tempore coitus semen abundantius adsit. Hæc mechanica ferè eadem est, quam vidistis in vesicula fellea & ductu choledochi, ac ductu biliario communi. Ceterum notandæ sunt duæ illæ glandulæ ad radicem urethræ: & finem colli vesicæ inferius locatæ, quæ in ure-

thram novem vel decem hiant orificiis, album liquorem tempore coitus exspuentibus, quem liquorem dicunt vehiculum seminis esse.

Restat examinare ipsum *penem*, qui ratione urethræ vesicæ continuus est. Dividitur in tres partes, in Penem, Corpus & Coronam, mictioni & ejectioni seminis destinatus, qui erectus semini ejiciendo aptus, non mingendo, quia mingendo contrariò flaccidus aptus est. Ad ejectionem itaque tria corpora nervosa constructa sunt; unum minus, quod totam ambit urethram, & anterius explicatum, apicem duorum nervosorum majorum obtegit, quæ penem propriè constituunt. Corpora itaque duo nervosa majora ad latera interiora ossis pubis exoriuntur, & nihil aliud sunt quàm multæ cellulæ membranosæ ad principium circa os pubis, musculi elevatores corpora nervosa tegunt; & maximas venas, quæ ad corpora nervosa spectant. Erigitur enim sic penis, quod hæc omnes cavernulæ repleantur sanguine, & sanguinis per venas regressus impediatur, à musculis venæ accumbentibus, acceleratoribus & erectoribus. Sed ne penis nimium expandatur à repletionem sanguinis, cautum est membranâ quâdam nervosa, quæ tria illa corpora nervosa ambit & impedit, ne penis monstruosus fiat. Ab hac etiam membrana oritur ligamentum suspensorium penis. Ceterum cute tegitur penis & membranâ carnosâ, & quæ pars cutis præputium dicitur, nihil est, nisi cutis reduplicata.

Scrotum dicitur ille saccus cutaneus; qui testiculos obvolvitur, & hæc est communis Testiculorum membrana; sed altera subjecta Dartos seu carnosâ dicta, perperam communis dicitur, quoniam in duos sacculos divisa est, quorum unusquisque singulariter singulum obvolvitur Testiculum, æquæ ac membrana vaginalis, huic subjecta, quæ à peritonæo producta singulo testiculo vaginam privatam concedit. In superficie hujus membranæ exteriori membrana carnosâ hæret, quam alii membranam Erythroïdem dixere, & vaginalem elythroïdem; sed elythroïdes nihil est, nisi eremaster musculus, qui una cum sacculo Dartos usum habet, sustinere Testiculos, ne pondere suo extra corpus pendentes vasa spermatica nimium trahant, & in coitu, blandè comprimere testiculum, & eum levare, ad seminis ejectionem uberiores sollicitare.

DE PROPAGATIONIS ORGANIS IN FOEMINIS.

Dividuntur in interna & externa. Hæc vulvam constituunt, illa sub uterò com-

pre-

prehenduntur. Ad vulvam primò spectat *mons Veneris*, qui est eminentia super os pubis, à pinguedine multa producta, ne in coitu durum os pubis, si sola cute obductum foret, viro officeret, neque ipsa cutis fœminæ & viri in mutuo affrictu dolorem patiatur hic loci. In utroque sexu pilis seu *crine* instructa est.

Tandem notamus *magnam rimam* pro exitu fœtus. Hæc enim si in cute non esset rima, difficilis foret fœtus egressus; nam cutis difficilius explicatur, quam aliæ partes. Ora hujus rimæ multâ pinguedine instruuntur, quæ labia dicuntur magna ideò, ne foramen vulvæ continuò hiet, sed clausum sit. In rimâ superius notamus Clitoridem cum suo præputio, quæ *Clitoris* duobus corporibus nervosis constat, similibus, sed longè minoribus, penis in viro. Desinit Clitoris in capitulum simile balano virili. Corpora nervosa ossi pubis ad latera junguntur, & musculos erectores habent. Caput balani multis nervosis papillis instructum est, æque ac in viro, quæ papillulæ in erectione clitoridis valdè tensæ, valdèque sensiles fiunt, quæ si tangantur, titillationem causantur, & fœminis lasciviam addunt. Præputium clitoridis est continuatio membranæ interioris vaginæ. Præputio inferius continuæ sunt *Nymphæ*, ad latera clitoridis adstantes, quæ valdè spongiosæ sunt, & multis papillis nerveis instructæ. Hæ sanguine turgentes multum faciunt in fœminis ad libidinem in coitu augendam: Præterea Nymphæ dictæ sunt, quod ad latera orificio urethræ adstent, & urinæ rivum in mingendo dirigant, ne depluat in orificium vulvæ. Vulvæ orificium in recenter natis membrana oclusum est, quam *Hymen* dicunt, virginittatis notam: Hæc superius foraminulum rotundum linit, pro purgatione menstruorum in illis, quæ pubertatis annos ingressæ hanc virginittatis notam conservârunt. Rarissimum tamen quoddam est, hanc videre membranam, utpote ut plurimum digitis jam disruptam; disrupta autem ut plurimum in 3. vel 4. monticulos contrahitur & residet, quas eminentias Auctores postmodum *Carunculas* nominant, quas aliqui, sed perperam, Hymen dicunt.

Vagina jam sequitur pars prima interiorum partium, quæ est Tubus intestino similis, carnosâ membrana, (cujus fibræ longitudinales sunt) instructus, excipiens orificium uteri, quomodo vidistis, productiones pelvis papillas excipere. Vagina hæc transversas multas habet rugas delicatiores in illis, quæ virum nondum passæ sunt, nec pepererunt, quam in illis, quæ contra.

Harum rugarum usus est, blandè amicare in coitu coronam balani, & penem in titillatione ad blandam convulsionem excitare, ut semen quantitate majori in uteri cavum exspui possit: Quæ Titillatio ut magis augeatur, vulvæ antè & vaginæ tota multas habet lacunas sive caveas, in quibus glandulæ hærent, quæ continuò & præcipuè tempore coitus irritatæ, humorem quendam subsalsum evomunt, quo undique vagina imbuta imbuit balani virilis papillas, easque planè mordet & placidè titillat.

Uterus in pelvi locatus intra duplicaturam peritonæi, inter vesicam & intestinum rectum, nil est nisi reticulum vasculosum, à hypogastriis vasis productum, & membrana interna & externa obvolutum, pyriformem habens figuram, & fœtu accrescente in immensum explicatur & continuò crassior fit. Nam tempore partus ejus parietes crassitiem duorum digitorum habent, & hæc crassities nil est nisi sanguis, qui enixo fœtu sub nomine lochiorum venit, & tunc uterus pristinum suum statum iterum recipit.

Uterus firmatus 4. *ligamentis*, duobus latis seu vespertilionibus (quæ nihil sunt, nisi continuationes peritonæi) & duobus rotundis, quæ etiam contortæ membranæ esse videntur: hæc per anulum musculi obliquè descendentis egressa in osse pubis pinguedini implantantur; & ad latera fundi uteri appenduntur, ope membranæ peritonæi, *Tubæ Fallopianæ* & *Testiculi*, qui testiculi similia habent vasa seminaria, ac vidistis in viro, sed longè majora. Ratione ortus & structuræ hi Testiculi *ovaria* dicuntur, intus multas habent vesiculas, humore limido repletas, quas vesiculas ova dicunt. In his ovis conjicitur totius fœtus corpus jam hædere sub fluida forma, eodem modo, quo vidistis in ovo gallinæ totam gallinam inesse. Hoc ovum dicunt, spiritus feminis, in uterum injecti, per tubam Fallopianam ad unum ovum transgressos vivificare, & tunc ligamentum foliaceum extremitatis Tubæ, quod musculosum est, quasi manus adplicari illi ovulo, illudque extrahere ex ovario vi quasi in suam cavitatem, quæ postmodum Tuba per suum canalem illud deprimit in uterum; cui illud appensum mox ab affluente sanguine matris explicatur & fovetur per novem mensium spatium, quod est Terminus partus.

Partus multis membranis involvitur, hæc scilicet, quæ extima est, & intima tenuissima Amnios dicta. Allantois in homine non reperitur. Multa etiam aqua in ovulo hæret, in qua natat fœtus, ne ab injuriis inte-

finorum vel compressione vel concussione lædatur. Sciendum porro est, sanguinem matris ex matre in fœtum non transire, sed in placentulam utero annexam (quæ tamen placentula pars ovi est) & Chylum suum ibi deponere, quem fœtus in suum sanguinem haurit, ex se eò delatum, per duas arterias umbilicales, ubi commixtus cum chylo refuit per venam umbilicalem in Hepar & cavam fœtus. Vidistis jam locum communicationis inter matrem & fœtum placentam esse; quomodo verò sanguis circuletur in fœtu, vidimus supra.

Glandulas plerumque omnes in corpore vidistis, quarum diversam descriptionem Adenologiam dicimus, junctis vasis lymphaticis, quorum universa Historia necdum ab Anatomicis detecta; non tamen dubitandum est, omnes partes corporis habere vasa lymphatica, quamvis hucusque non ubique visa. In bronchiis & cruribus venis accumbentia, in Hepate, pulmone, renibus & intestinis, collo, Testiculis, utero, plurima jam ab Anatomicis depicta sunt, vid. Nuckius & Syvamerdam. Hæc raro in cadaveribus, sed melius in vivis canibus deteguntur: Hæc omnium vasorum tenuissimis sunt valvulis instructa, sed unde lympham suam accipiant nedum constat: Constat autem lympham illam, quam continent, ab ipsis vehi nunc in glandulas meseraicas, vel in ductum Chyliferum, nunc in venas.

DE SENSIBUS EXTERNIS.

PAUCA de sensibus externis, scilicet de auditu, visu, olfactu, gustu & tactu, addamus. Sciendum sensus fieri per nervos, id est nervum quendam ab objecto extra hominem sic debere affici, ut eo mediante affectio hæc nervi communicetur sensorio communi, (quæ est pars medullaris cerebri substantiæ) & hoc sensorium commune afficiat animam, cujus vera sedes nulli mortalium, sed, Deo uni nota est. Organum enim non sentit sed anima: nam in mortuo omnia organa adstant, cadaver tamen nihil sentit. Differentia rursus organorum differentem sensum causatur, quoniam unius organi structura ab alia differt, non verò (quod aliqui putant) à differenti nervorum fabrica: nam omnes ex eadem substantia medullari constant & constantur, & si e. g. nervus auditorius retinam in oculo constitueret, hic visioni famularetur. Concedendum tamen est, mollitiem, duritiem & crassitiem ad differentiam organorum plurimum facere. Hinc videmus nervos

organorum duriores esse, quibus sentimus immediatum contactum corporum, ut in gustu & tactu sit, quam nervos illorum organorum, cum quibus mediante re aliquâ sentimus, ut in odoratu, ubi non nisi particula, ex odorantibus exhalantes, mediante aere ad membranam pituitariam deferuntur: in aure vibrationes aëris corporum sonorum mediante aere laminam spiralem feriunt: in visu radii ab objectis emissi, & diversimodè ab humoribus oculi refracti, retinam membranam tangunt; Et hæc est ratio, quod hi sensus molliores habeant nervos, & cerebro sint propiores.

DE TACTU ET GUSTU.

ORgani Tactus structura consistit in universa cute in corpore papilloso, quod est crusta superior cutis, quæ crusta ex concursu nervorum efformatur, & quæ parvula ex illâ eminentiâ ejiciuntur, papillæ nervosæ dicuntur, quæ nihil aliud sunt, nisi nervorum extrema explicata & contorta. Acutius est organon in volâ manûs & pedis præcipue, ut & apice digitorum, quoniam hic loci corpus quoddam reticulare album & spongiosum, à Malpighio inventum, supra corpus papillosum positum est, per ejus foraminula papillæ corporis papillofi transgrediuntur, quò magis quasi sustentarentur & pendulæ teneantur, ut mobiliores sint ad recipiendum impressiones tangibilium. Haud longè absimili modò fit Gustus, ubi hoc reticulum longè crassius infra linguæ epidermidem locatur; hoc tamen linguam superius investit, non inferius: Corpus papillosum in lingua crassius est, quam in cute: Papillæ ex eò prominentes triplici sunt ordine & longè majores, quam in cute, quarum aliæ pedunculo insistant minores, aliæ pyramidales majores. Et hæc sunt gustus organa. Gustus tamen fieri nequit salivâ deficiente, quod videmus in illis, qui in febribus ardentibus aridas habent linguas, & tunc gustare non possunt. Saliva enim duplicem usum circa gustum habet: 1. ut linguæ papillas humectet, 2. ut ipsis cibis masticatis permisceatur, ut saporibus cibi se intimius papillis insinuare possint; prolabia subtiliorem habent structuram quam cutis; nam ibi papillæ innumera tantum epidermide obducuntur, hinc magis sensilia sunt prolabia, & hinc illis prægustamus; unde Latini dicunt: Vix primis labiis salutavit vel prægustavit artes.

DE ODORATU.

Odoratus organa sunt *narina internæ*, quæ constant ex innumeris spongiosis ossibus

ossibus & sinulis, quæ omnia ossa spongiosa perioftio obducta sunt; perioftio rursus membrana pituitaria incumbit, quæ undique glandulis stipata indefinenter mucum secernit, qui ut omni tempore, in quocunque etiam situ caput positum sit, ad membranam imbuendam adsit, adservatur in multis sinibus maxillaribus scilicet & frontalibus, sphænoidalibus & cellulis ossium spongiosorum. Hæc membrana spongiosa est & nervos olfactorios excipit, & immediatum est olfactus organon, qui olfactus in eâ fieri non posset, sine narium mucagine, quæ tenax & glutinosa in eâ hærens odorantium particulas excipit, eosque fortius retinet, & insinuat nervis, ita ut etiam per aliquod tempus particulas has, amotis objectis, in narinis retineamus, quod cellula prædicta spongiosa uberiores adsint. Quo latior est hæc membrana, eò itidem hic sensus acutior; quod videmus clarè in canibus venaticis, qui præstantiorem hunc sensum habent, quam alia animalia, ob Cellularum multitudinem & conicam earum figuram.

DE VISU.

Vidistis in oculo adnatam membranam, quæ tegit tendines musculorum. Vidistis scleroticam, quæ bulbum oculi constituit, cujus pars anterior pellucida Cornea nuncupatur: Huic etiam subjectam membranam Choroidem, cujus pars anterior perforata prunella dicitur, observastis. Prunellæ circumferentia iris vocatur; hanc iridem quoque vidistis duplici fibrarum serie musculosa instructam esse, longitudinali & semilunari. Illa series constringit pupillam in locis ferentioribus: hæc verò sive semilunaris vel circularis papillam in locis obscurioribus dilatat. Vidistis porro ligamentum ciliare musculosum. Vidistis porro humorem illum atrum, undique superficiem internam membranae choroidis obliquentem & ligamentum ciliare posterius & anterius quoque obnigrantem. Vidistis denique membranam retinam à nervo optico productam: denique tres humores, aqueum, anterius hærentem, inter humorem chrySTALLINUM & Corneam, transeuntem per pupillam & humorem chrySTALLINUM vitreo insidentem, vitreum autem omnium maximū, molliorem chrySTALLINO, aqua durior. ChrySTALLINUS lentis formam habet, & omnium minimus est; Membrana tenuissima, quæ ChrySTALLINUM investit, chrySTALLOIDES dicitur: quæ humorem vitreum amicit, vitrea vocatur, seu amphiblostroides. Sex musculos & multos in oculo nervos quoque vidistis, multam bulbum ambientem pinguedinem,

glandulam lachrymalem bulbo incumbentem, hujus 4. vel 5. ductus excretorios, qui se aperiunt in superficie interiore palpebræ superioris. Vidistis Carunculam carneam, in cantho oculi majori, in hoc cantho in utraq; palpebra duo puncta lachrymalia, quæ sunt orificia pororum canalium desinentium in saccum lachrymalem ossi lachrymali incumbentem. Vidistis quoque hujus sacci canalem nasalem; denique duas adspexistis palpebras, earumque musculum orbicularem, superioris proprium elevatorem, tersum Cartilaginem: in extremo utriusque palpebræ cilia, ut his Cartilaginibus firmiter innecti possint. Denique vidistis innumeras glandulas miliares Meibomianas mucaginosas ad ora utriusque palpebræ in superficie interna fitas. Ultimo supercilia conspexistis, quæ impediunt ne sudores à capite depluentes in oculum irruant. Ciliis verò avertit homo animalicula & pulveres quæ corneam obscurare possint. Glandula lachrymalis continuo lympham eructat, quæ supra corneam defluit, eamque continuo abluit; quod ut commodius fiat, motum nictitantem involuntarium habent palpebræ, quæ spongiæ instar, aqua lachrymali interveniente, corneam detegunt. Hinc lymphæ ope motus palpebrarum defluit versus puncta lachrymalia, quæ lymphæ ut commodè ingrediatur, & in saccum defluat, cautum est Caruncula; & ne facile effluat per ora palpebrarum & in lachrymas abeat, sed per puncta absorbeatur, pulchrè cautum est structura concava palpebrarum & inunctione olei è glandulis subpalpebralis defluentis, & ora palpebrarum inungentis. Aqua enim non facile super oleum fluit & transcendit. Ad cetera de usu partium oculi scire, convenit opticam discere. In hunc finem legere poteritis Guil. Briggs in ophthalmographiâ.

DE AUDITU.

Auditus organon, quod facilius exploratur, quam cetera organa sensuum, partim osseum, partim membranofum, partim cartilagineum est. Dividitur in aurem externam & internam. Externa cartilaginea est, in varias eminentias & cavitates figurata, quæ Cartilagines fortissimè obductæ sunt perichondrio, quod alii ligamentum nominant. Cute denuò tenuissima & pinguedine obducta, est auris externa, in quâ diversæ cavitates & eminentiæ ab Auctoribus diversa receperunt nomina (de quibus vid. Spigelium & Valsalvam) quæ omnes cavitates in Concham terminantur. Concha verò principium meatus auditorii est, cujus pars anterior cartilaginea est,

inferior & superior membranosa, posterior verò ossea. Totus hic meatus auditorius eadem cute, quia auris obducitur, sed tenuiori. Hac cutis ut & ipsa concha innumeris pilis ornata est, ut animalicula à meatu auditorio avertantur. Pars superior membranosa hujus meatus & ipsa auris interior & exterior superficies innumeris glandulis stipata est, quæ per ductulos suos excretorios: oleum quoddam in meatus cavitatem destillant, quo inungitur & ipsa membrana tympani, quæ meatus finem constituit, ne à continuo irritante aere in meatum hæ partes nimium arescant.

Altera pars auris interna, in osse petroso exsculpta, dividitur in duas partes: Prima est cavitas Tympani, in qua notamus primò ipsam membranam Tympani, & ejus nexum in rimam circularem, ejus conum productum à manubrio mallei, & duos ductus, quorum unus Eustachianus ad palatum, alter ad cellulas processus mastoidei ducit. Secundò notamus tria ossicula invicem per strictam diarthrosin juncta, nam quartum ossiculum rotundum epiphyfin dicimus processus rostriformis incudis esse. Primum itaque ossiculum est malleus, secundum incus, & tertium stapes. Incus sic positus est, ut ejus capiti caput mallei articuletur, & ejus processui longiori stapes, ita ut incus videatur axis, sub qua malleus & stapes moventur. Malleus in gratiam membranæ tympani factus est, nam huic malleo duo inferuntur musculi. Processus mallei longus adnascitur interius membranæ Tympani. Hi musculi malleo inferuntur, scilicet externus processui longo, qui trahens malleum membranam laxat, pro excipiendo sono acutiori; Alter, qui internus dicitur, Trochlearis est, & inferitur infra malleum manubrio mallei; hic tendit membranam pro excipiendis obtusioribus sonis. Videtis jam duos musculos hosce in membranam Tympani in totâ circumferentiâ agere, quod fieri non potuisset; si tendo musculi in ipsam membranam implantatus fuisset. Stapes insidet fenestræ ovali, per membranam ligatus, qui quando malleus tendit membranam Tympani, protruditur in foramen, & aerem hærentem in vestibulo comprimit, consequenter tendit in Cochleâ laminam spi-

ralem: vice versa, quando membrana Tympani laxatur per malleum, malleus retrahit stapedem ex foramine, & aer in vestibulo magis laxatur, minus etiam tenditur membrana spiralis. Porro notamus in cavitate Tympani nervum, chordam Tympani constituentem, à tertio ramo sti paris ejectum & portioni duræ implantatum. Hic nervus prospicit partibus in cavitate Tympani locatis. Abhinc notamus in eadem cavitate duas fenestras, quarum ovalis stapede occlusa (qui suum privatum adhuc habet musciculum) ducit ad vestibulum, & tres illos canales semicirculares, & ductum spiralem laminæ spiralis inferiorem, in quo ductu, ut & superiori, & in tribus canalibus semicircularibus, & vestibulo aer hæret, quo mediante lamina spiralis, quæ nervos portionis mollis per nucleum excipit, commovetur & vibratur, & sicce nervi extrema afficiuntur, qui motus sensorio communi communicatus, animam pro auditu afficit. Sic enim audimus: Corpora sonora aerem vibrant, quæ aeris vibrationes mediante aere deferuntur ad aurem externam, quæ cornu instar vibrationes colligit in cavitatibus suis, quas commodè ad concham ducit, ex concha irruunt in meatum auditorium, in cujus fine lateraliter vibrant membranam, sed perpendiculariter illius conum, quæ membrana excipit aeris vibrationes & eas communicat aeri in cavitate Tympani contento, illuc deducto per ductum Eustachianum vel palatinum, qui aer à membranâ Tympani vibratus membranulæ, fenestram ovalem occludenti, vibrationes communicat: quæ vibrata membranula denuo aerem in ductu spirali inferiore cochleæ commovet: Hic commotus vibrat sibi incumbentem laminam spiralem, quæ nervos commovet, & eis impressiones illas aeris communicat, quæ membranæ externæ Tympani à corporibus sonoris exceperit. Et hoc est audire. Videtis jam ad auditum aerem in quadruplici loco contentum, requiri: 1. qui extremus hominem ambit, 2. qui in cavitate tympani continetur, 3. qui in labyrintho continetur, & 4. qui in ductu laminæ spiralis inferioris residet.

TANTUM!

ADENOLOGIA RAUJANA.

Comprehendit omnes totius Corporis glandulas, & hac occasione vasa lymphatica.

Glandula, à figura glandis sic dicta, est secretionis organum, à sanguine arterioso aliquid segregans: Ad illam conficiendam par-

partes requiruntur quatuor, arteriæ, venæ, nervi & ductus excretorii vel quinque, quando vasa lymphatica ad illarum structuram concurrunt.

In genere duplices sunt: Aliæ *NUTRITIVÆ*, id est succum, qui est alimentum variarum partium, à sanguine fecernentes, qui ad partes vel augendas, vel in statu conservandas conducit. Aliæ *SECRETIVÆ*, quæ pro variâ occasione varios è sanguine succos eliciunt, variis usibus destinatas. In specie tot sunt, quoties figura illarum externa differt, vel tot, quot usus sunt, ab illis expectandi; Et quamvis ex varia illarum structura varia illarum partium in istis secretio dependeat (quod à posteriore judicandum) à priori tamen mechanica hucusque nos fugit.

Glandulam in genere esse variam vasorum conglobationem sive convolutionem, judicandum est ex partibus, quæ in ejus structuram impenduntur.

Arteriæ sanguinem evehunt; venæ superfluum revehunt, radices ductus excretorii à sanguine secretum liquorem recipiunt; nervi vitam ipsis addunt; ut aliis omnibus partibus. Conjiciendum itaque venas arteriis continuas esse, sed circa utriusque vasis inarticulationem multifariè contortam, quæ arteriæ extremitas pro re nata gracilior facta, & ejus membranæ tantum tenues, ut sanguis arteriosus, vi pulsus cordis continuò pressus & lentè in venas transmissus, in transgressu à lateribus per tenuitatem membranarum quasi per spongiam transudet humorem à sanguine secernendum, qui à latiori spatio, quod radices ductuum excretoriorum efficiunt, exceptus à continuò appellente humore in ductum excretorium propellitur; hinc varias videmus glandulas, quæ multo humori secernendo destinatae sunt, esse positas in locis, ubi motus quarundam partium continuò illas premit, & uberiores secretionem continuò sollicitat, & cordis pressioni succurrit. Exemplum sumitur in glandula parotide, quæ pro maxima parte posterius ad angulum maxillæ motu in loquela vel masticatione conquatur, ut uberius humorem à sanguine secernendum exspuat, ad humectandam linguam in loquelâ & masticatione ciborum, haud aliter ac maxillæ inferioris glandulæ, à motu linguæ indefinenter compressæ. Id quod dixi de parotide, de aliis in universo corpore notandum, quas uberius, quam pressio sanguinis efficere potuit, humorem secernere oportuit: & quidquid sit dicendum, an à varia glandularum pororum constitutione & mechanica variam humorum secretionem depen-

dere, & unicum esse sanguinem arteriosum, è quo omnes corporis succi excernuntur, si bilem excipias, quam & à venoso productam esse concipio. Glandularum autem nutritivarum, ut monui structuram eandem saltem esse, ut arteriæ, cui venæ inosculantur, advehant, quod transmittunt fibræ in partes, quodque postmodum ab ipsa partium natura in illarum substantiam convertitur & naturam. Cæterum, glandulæ differunt fabricâ externâ, nam aliæ unicum habent ductum excretorium, aliæ plurimos: aliæ sunt globosæ, aliæ triangulares, oblongæ & tot ferè, quot excogitari possunt figuræ. Aliæ rursus succum glandulæ, aliæ in spatium variarum partium effundunt, ad illas lubricandas, quod singulâ glandulâ expensâ magis innotescit; nam oleaginosum aliæ, falsum aliæ, aliæ butyrosus, vel humorem alterius naturæ à sanguine separant.

Sudorifera } universum sanguinem purgant.
&
Renes }

Harum humores à sanguine eliciendi, ad oeconomiam sustinendam inepti: adeoque videntur aliis inservire; nam si urina vel sudor ejusdem naturæ non expurgarentur, ineptus foret sanguis officio aliarum glandularum.

Corticalis Cerebri substantia, (quam totam glandulosam esse ego conjicio) conchæ instar se habet; figuram enim glandularum omnino rotundam requiri ad secretionem nihil efficit.

Plexus Choroidei glandulæ sunt pineales eundem habentes usum, pituitariæ mucum secernunt, quas in piâ matre statuit Willisius, illis non indiget. *Pituitaria* membrana nasum internè & omnes sinus investiens, maxillæ superioris *Sphænoidales*, *Ethmoidales*, *frontales Parotides*, infra *maxillares*, *sublinguales*, *Palatina*, *uvula labiorum*, & totius oris omnes salivam secernunt.

Innominata oculorum humorem aqueum, eluendæ Corneæ destinatum: *subpalpebrales* Meibomii humorem oleaginosum secernunt, qui palpebram illinens prædictæ aquæ è glandulâ innominata productæ effluxum propedit supra illas, ut commodius ad puncta lachrymalia per continuum nictitantem palpebrarum motum intrudatur; nam uti videmus, oleum non facile aquæ misceri, ita hic facta est palpebrarum inunctio oleosa, ne lympa illa in sacculum lachrymale propellenda, supra palpebras continuò effluat, & nomen Lachrymarum mereatur.

Mensus auditorii glandulæ oleosum fucum fecernunt, qui istum obtinens ejus exsiccationem impedit, aere continuo in illam à sonoris Corporibus propulso.

Huc pertinent glandulæ *Oesophagi, ventriculi, intestinorum* miliares & lenticulares, mesenterii, Pancreas, Hepar, Lien, fuc-centuriatæ, omentum, testes & pinguedinosa totius corporis. Ceteræ sunt illæ, quæ innumeræ musculorum interstitiis & aliis partibus accumbunt, ut sunt *Thyroides, occipitales*, sive sint, (ut loquuntur) Conglobatæ, sive Conglomeratæ. Conglomeratas glandulas conglobatarum acervum esse dicunt.

DE MAMMIS.

Mamma dividitur in ejus glandulosam substantiam & papillam. Ad circumferentiam papillæ areola reperitur, quæ est annulus ab alia cute colore differens; plurimæ Glandulæ hîc rotundæ sunt: nam singulæ singulari membrana obvolvuntur, invicem accumbentes connascuntur per propriam membranam, quæ illas singulas cingit, & hæ massam mammarum constituunt & ejus quasi semiglobum. Porro hæ rursus Glandulæ communi membranâ, revera Carnosâ involvuntur, quâ membranæ carnosæ

scroti non absimilis est, sed tamen durior & fortior. Unaquæque harum glandularum suum habet ductum excretorium, plurimis ex ductibus excretoriis conflatum, qui ductus è variis glandulis educti sunt; nam talis prædicta glandula è plurimis aliis conflatur. Porro hi ductus excretorii variè rursus inosculantur, pampiniformi inoscultatione vasorum spermaticorum more. Ex hac retiformi inoscultatione, nunc decem, nunc plures, uno verbo, incerti numero educuntur minores ductus, qui ad latitudinem papillæ explicantur, & orificiis suis in extremitatem papillæ hiant, quæ orificia sunt ductuum excretoriorum omnium harum glandularum ultimus hiatus. Papilla igitur nil aliud est, nisi cutis & prædicta membrana carnosæ communis quibus pinguedinis quantitas & hi ductus interspersi. Areola vel prædicta cutis videtur attenuatio & firmior quædam immutatio, cujus generis etiam papillæ cutis esse videtur, ne impetus continuus infantis, quem in areolam fugendo ingerit, tam facile cutim offendat. Videmus enim cutim adultiorum statim fugiendo rubescere. Verosimile etiam est, lac à sanguine eodem modò secerni, ut aliorum humorum secretio à sanguine in aliis glandulis producit.

Plura vide in *Neurologia & Angeiologiâ*.

ANGEIOLOGIA RAUJANA.

Vasa quæ sanguinem vehunt, sunt duplicia, Arteriæ scilicet & Venæ.

ARTERIÆ iterum dupliciter considerari possunt, ratione situs nimirum & ratione usus. Ratione situs alia est *Pulmonalis*, veteribus dicta vena arteriosa, & alia *aorta*. Ratione usus alia ad filtra corporis sanguinem vehunt, alia sanguinem pro nutritione.

Diximus aliam esse Pulmonalem arteriam propter usum, non primarium, quoniam sanguinem à centro ad circumferentiam vehit, parili modo, quo aorta ad circumferentiam totius corporis sanguinem ducit: sed secundarium, quoniam sanguinem nec dum præparatum, sed ad præparationem continet, cum è contra arteria Aorta omnibus numeris absolutum variis functionibus aptum contineat.

VENÆ sunt quadruplices, 1. *Pulmonalis*, veteribus arteria venosa dicta, 2. *Cava*, 3. *sinus dura matris*, 4. *Porta* pars inferior, ejus enim superior usum arteriæ obtinet, quoniam in hepar venalem sanguinem infundit.

Notandum, *Pulmonalem venam* non differre à *cava* nisi ratione contenti: Illa enim sanguinem maxima pro parte à chylo & aere restitutum concludit, hæc à partibus summe laxatum, refluente recipit.

Sinus dura matris ratione contenti non differunt à cava, sed ratione fabricæ, ulterius in demonstratione cerebri explicandæ.

Portæ verò ratione contenti, non differt à cava, sed ratione exonerationis sanguinis. Pars enim hujus inferior sanguinem ab intestinis, ventriculo, liene, & quibusdam aliis partibus pro parte refluxum in truncum majorem recipit, & inde officio arteriæ fungens, mediante sua ramificatione superiore per hepar dispersa in usum separandæ bilis effundit.

Statuerunt Recentiores & Arterias & venas ex quatuor constare membranis, & arterias ea ratione crassiores dixerunt, quoniam arteriarum membranæ robustiores, venarum verò tenuiores sint. Externam dixerunt nervosam, subsequenter vasculosam, tertiam glandulosam, & quartam denique, seu internam, musculosam: quam ultimam

tunicam in venis una fibrarum serie, longitudinali nimirum, constare dicunt. In arteriis verò aliam adhuc seriem fibrarum, pariter ac in intestinis; annularium scilicet, habere censent. Quæ an autopsiæ convenient, videbimus de membranis, Tunicis, & aliarum differentiis in genere agentes.

Notandum præterea & venas arteriis multo numerosiores esse & illis quoque plus quam quadruplo majores existere; id quod summopere necessarium erat, quandoquidem venæ sanguinem jam in filtris variè disjunctum recipiunt, cujus particulæ laxissimè cohærentes ampliori spatio indigebant.

Pulsus, quem in arteriis sentimus, unicè cordis systoli debetur, non verò membranis vasorum ipsorum; quamvis non negandum, ab impulsu sanguinis diductas illas vim suam elasticam quodammodo exercere.

Venæ non pulsant, longius à corde diffusæ & impetu in sanguinem facto per innumerales arteriarum & venarum divisiones infracto. Hinc cum oporteret, illas pulsare, valvulis hinc inde membranosis sunt stipatæ, quæ pondus renitentis sanguinis in cordis Systole quodammodo suffulciunt, ne nutritius & variæ secretiones omni ex adversò facta pressione præpediantur.

Omnes in corpore arteriæ, (excepta pulmonali,) sunt productiones magnæ arteriæ sive Aortæ, ex sinistro cordis ventriculo propulsum sanguinem ad corporis universam peripheriam ducentes.

Cava illi respondet ad sanguinem refluxum à toto corpore ad dextram cordis cavitatem, ducit, ut inde de novo commixtus Chylo per arteriam pulmonalem in pulmonem depressus novum iterum accipit aerem, & per venam pulmonalem reducit in sinistram cordis cavitatem ex qua, ut dixi, aortæ porrigitur.

Quando autem diximus cavam sanguinem ab omnibus partibus revehere, excipienda sunt intestina, ventriculus, lien, Epiploon, quæ partes refluxum sanguinem non Cavæ, sed Portæ immittunt.

DIVISIO VENÆ PORTÆ.

T Runcus major crassitiem ferè digiti obtinet. Ex eò prope hepar educuntur *Cysticæ*, gemellæ dictæ, quoniam in utrumque latus vesicæ felleæ exporriguntur. Porro *duodena* ex intestino duodeno in truncum Portæ exporrigitur. Tandem ad latus sinistrum maximum ramum dimittit, qui me-

rito *lienaris* venæ portæ dici potest, quandoquidem maxima ejus pars lieni prospicit. Prope hujus rami originem emittitur ramus, quem Gastricum dextrum auctores nominant. Porro ad latus sinistrum sive opposito latere hic ramus (major scilicet lienaris) emittit, ubi ei incumbit pancreas, septem, octo, decem, aliquando plures ramusculos Pancreati, secundum ejus longitudinalem ductum, (nullus de hoc scripsit.) Tandem lienaris ramus ad oppositum iterum latus emittit ramusculum, qui nominatur *vena gastrica sinistra*. Hic una parti lienis superiori prospicit, & tandem in tres, quatuor, aliquando quinque ramos divisus lienis Portam ingreditur, quorum unaquæque divisio ramum ad ventriculum remittit, quos ramos *vasa brevia* nominamus. Inferior divisio lienaris rami, qui scilicet ad lienem spectat, *Gastro-Epiploicam* emittit. Antequam truncus Portæ ulterius dividitur, emittit *venam Pancreaticam majorem* in qua oritur ab ipso trunco Portæ. Porro dividitur truncus Portæ in duos truncos majores, sinistrum superiorem & minorem, & dextrum inferiorem & majorem: Minoris rami pars inferior *Hæmorrhoidalem internam* constituit. Pars superior hujus rami crassis intestinis prospicit. Ramus major maximæ Portæ divisionis ad latus dextrum alium emittit ramusculum, qui bifidus partem inferiorem ad intestina crassa, superiorem ad ventriculum & omentum emittit, qui *coronariam ventriculi* etiam constituit. Cætera pars maxima hujus trunci Intestinis tenuioribus & Mesenterio prospicit. Notandum, hæc vasa variè se invicem inosculari & circa intestina in arcus reflecti, fortè, ut propagatio ad intestina copiosior fieri possit.

DISTRIBUTIO AORTÆ.

A Oorta, in medio cordis fibrarum tendini juncta, recta versus superiora in initio ascendit ad latitudinem 6. vel 7. linearum. Circa ejus initium, ubi valvulæ interius semilunares ipsi conjunguntur, duos emittit ramusculos, qui quoniam circulariter, coronæ instar superius concingunt fortè ut commodius in omnes cordis partes & auriculas ramuli ab ipsis emitti possint, dictæ *coronariæ*. Porro Aorta oblique inflectitur, & angulum efficit, & tandem in Aortam desinit. Ex hoc aortæ angulo, parte nimirum ejus superiore & media, tres educuntur maximi rami, meritò ad Aortam ascendentem referendi, quarum dexter *carotidem dextram & subclaviam* ejicit. Carotis autem hæc dextra patitur

divisionem parilem ac sinistra mox describenda.

Subclavia verò hæc dextra ejicit *cervicalem* dextram. Cervicalis dextra & ipsissima subclavia hujus lateris patiuntur eandem divisionem ac cervicalis & subclaviæ sinistrae sinistri lateris ulterius describenda.

Secundus ramus ex aortæ angulo productus, seu horum trium medius, inferius subclaviam venæ cavæ delatus, laryngi à latere incumbens, *sinistram carotidem* efficit, cui jugularis venæ cavæ internæ incumbit. Nullos hic ramus antequam dividatur, emittit ramusculos: dividitur verò circa situm cartilaginis scutiformis in duos ramos majores, quorum interior *carotis interna*, exterior *carotis externa nominatur*, ratione situs. Carotis hæc externa maximum emittit ramusculum, qui reflexus toti prospicit laryngi, & quicquid ad ejus constitutionem concurrat. Mox alium, paulo superius ad linguam, os hyoides & ejus musculos, emittit majorem, qui quosdam circa suam originem emittit ramulos, glandulis, sibi adjacentibus, prospicientes. Alium paulo altius, in opposito latere, minorem, qui in duos ramos divisus, anteriorem, per foramen ossis sphænoïdis posterius sibi soli proprium transmittit, ut duræ matri prospiciat, parte nimirum ejus mediæ ac superiori. Tandem cum duræ matri in cerebro prospexit, emittit unum & alterum ramusculum, qui per foramen sibi particulare in canalem osseum, ad latus foraminis particularis positum, ingressus est. Quando hic canalis hiat in orbitam, tunc hic ramus prospicit variis oculi partibus: sin verò secus meditullio ossis sphænoïdalis & frontalis prospicit. Notandum quodsi hic canalis deficiat, semper hic ramus viam habeat per foramen irregulare in orbitam ad oculum. Notandum præterea, varios ab hoc ramo ramusculos per duram Matrem excurrentes, ubi sinum longitudinalem duræ Matris attingunt, ipsi sinui hinc inde inosculari, ita ut si in quavis alia corporis parte nulla huc usque detecta sit Anastomosis arteriarum cum venis, hic illa admittenda sit. Quia ratione verò hic inveniantur, latius in demonstratione Cerebri demonstrabo vel deducam. Altera præscripti ramuli divisio fertur ad cervicem & ibi musculis variis colli prospicit. Tandem in tres ramos dividitur Carotis Externa, quorum anterior omnibus sub mento partibus & supra mentum locatis, imo parti inferiori & anteriori faciei prospicit. Hic ramus etiam circa suam originem prospicit parti superiori & anteriori colli ramusculo quodam, porro aliæ glandulæ infra maxil-

lari & partibus ipsi adjacentibus. Exterior maximus horum varie divisus *Temporalem* ejicit, hinc laterali parti capitis, faciei & fere occipitis, ubi etiam glandulæ. Parotidi prospicit. Interior ramus, varie iterum divisus, prospicit partibus inferius aurem collocatis, imo & musculis quibusdam caput extendentibus. *CAROTIS INTERNA* nullam divisionem patitur, sed in angulum duplicem reflexa, qui duplex S. Romanum non incongruè repræsentat, per canalem ossi petroso sibi duntaxat, particulariter insculptum ad cerebrum fertur, ubi ab utroque latere antè non solum, sed etiam cum spirali trunco & cervicali utroque conflato, cum quo adeò jungitur, ut quasi irregulare parallelogrammum repræsentet; hæ mutæ inosculationes præterea variis ramusculis præter has majores inosculationes & vertebrales cum carotidibus & carotides cum illis convinciunt ab utroque latere. Præterea notandum, has carotides cranium ingressas varios emittere ramusculos, qui nervis egredientibus associati illorum substantiæ & membranis prospiciunt: Et præterea duos alios ramos considerabiles emittit circa ejus ingressum in cranium, qui nervis opticis allocati & ipsis & aliis partibus quibusdam oculi prospiciunt. Hoc officium quoque præstant *arteriæ cervicales* & ab ipsis producta *spinalis* nervis sibi proximis: Et sic ab hisce arteriis varii emittuntur rami, quorum duos nominamus *anteriores*, duos *medios*, & tandem *posteriores*, qui inter 4. cerebri lobos extensi & innumerabiliter divisi inter circumvolutiones cerebri à pia Matre sustenti deferuntur ad corticalem præcipue substantiam Medullaris tamen substantia quoque & ipsa pia Mater, plurimas ab hisce recipit arterias, pro nutritione musculorum.

Tertius, qui ex angulo aortæ produci-
tur, ramus, postquam rectâ fere lineâ ad latitudinem pollicis ascendit, dividitur in duos ramos, quorum internus *vertebralem* efficit, quæ in canali ex apophysium foraminibus transversalium colli efformato recipit, & per foramen apophysis transversalis Epistrophæi egressa angulum efficit, tendendo ad foramen apophysis transversalis Atlantis, ubi iterum egressa posterius apophysin atlantis, cui jungitur, & ad os occipitale reflectitur, secundum quoque angulum efficiens.

Tandem per foramen magnum ossis occipitalis ingressus cum altera alterius lateris vertebrali, supra medullam oblongatam collocata jungitur & spinalem alias dictum *cervicalem* truncum efficit, qui, ut diximus, varias anastomoses cum carotidibus inte-

rioribus efformat, & uti etiam monuimus, in descriptione carotidis internæ, variis cerebri & cerebelli partibus prospicit. Notandum, quod hic vertebralis truncus varie cum arteriis muscularibus, ad latus apophysium transversarium collocatis, communicet. Porro inter unamquamque vertebra, ubi nervi egrediuntur, ramusculos emittit, qui cum alterius lateris vertebrali juncti, illam efficiunt duarum arteriarum superiorem partem, quæ medullam spinalem à parte posteriori & anteriore comitatur ad finem usque. Cæterum vertebralis dextra nullam aliam disseminationem patitur, nisi quod paulò altius à subclavia dextra ejiciatur. Externus rami tertii, ab angulo aortæeducti, ramus constituit *subclaviam sinistram*, sic dictam, quoniam claviculæ succumbit. Hic in parte ejus anteriore ejicit *arteriam mediastinam*, quæ ad latera ossium sterni collocata ad utrumque latus varias emittit arteriolas, quarum interiores prospiciunt ipsis ossibus sterni, exteriores parili ratione ad cartilagineas anteriores costarum exporriguntur, sicut videmus *arterias* intercostales ad latera costarum exporrectas, ubi musculis intercostalibus ramusculis ut commodius prospicerent, ad latus superius & inferius uniuscujusque cartilaginis ramulus extenditur, qui ramuli, uti monuimus, variis ramusculis, ab utroque latere emissis, prospiciunt musculis intercostalibus, inter Cartilagineas locatis, & tandem per anastomoses cum arteriis intercostalibus junguntur. Ab hac Mediastina circa originem emittitur arteriola, quam *Thoracicam* nominant, quæ transversim supra primam secundamve costarum verarum superiorum delata, in intercostales definit ibidem loci. Porro ad latus Mediastinæ oppositum emittit ramum, qui supra nervos brachiales reflexus ad partes scapulæ superimpositas deducitur, hinc *subscapularis* dicta illis enim partibus pabulum sanguinis adducit.

Subclavia aliquando unicum, aliquando plures ramulos emittit, qui superiores intercostales in homine constituunt, nimirum primam, secundam & tertiam. Porro ejicit subclavia alium adhuc ramum, qui quoniam elevatoribus brachii prospicit, dicitur muscularis superior sive *Muscula*. Tandem antequam subclavia in Axillarem abeat, emittit *Mammariam*, quæ in varios divisa, musculo pectorali & mammae glandulis prospicit. In Axillarem definit *subclavia*, ubi claviculam deserit, & statim à parte inferiore ejicit considerabilem ramum, qui bifidus, ramum superiorem ad partes infra scapulam collocatas dimittit, hinc *infra-*

scapularis dicta. Hinc inferiorem ramum infra caput brachii reflectit, ut variè divisus musculis illic loci prospiciat. Tandem unico incedit usque ad juncturam inferiorem brachii, qui ab utroque latere emittit arteriolas variè divisos, nunc majores, nunc minores. Minores partibus interne in osse humeri locatis, Majores quasi ad angulum reflexi musculis à parte posteriore ossis humeri collocatis & aliis partibus prospiciunt. Ad juncturam verò in duos ramos divisus est, quorum internus unico ramo incedit usque ad os Metacarpi, quod minimum digitum & subsequenter sustentat, ubi postquam varios ramusculos ad partes sibi adjacentes emisit, dividitur in duos ramos, qui in transgressu ad unumquemque digitum, non tamen omnes, sed minimum & ipsi subsequenter iterum dividitur, ita ut ad apicem usque digiti ad utrumque latus arteriola collocata illis prospiciat. Externus (divisionis maximus ramus) ab utroque latere varios emittit ramusculos, ut de priori dictum est. Tandem dividitur in duos ramos, quorum externus variis ramusculis prospicit partibus in externa manu collocatis, pollicis & ejus musculis; abhinc inferius pollicem ramulum considerabilem reflectit, qui partibus in palma manus collocatis prospicit. Externus hujus ultimæ divisionis ramus parili ratione digito indici & subsequenti medio prospicit, ut de Auriculari & ejus socio diximus. Inferius anguli reflexionem, ubi Aorta ascendens Mediastino conjungitur, emittit ramum unum in 3. divisum vel quoque 3. distinctas arterias perperam sub nomine *Bronchialium* descriptas, quoniam non Bronchiis solum, sed & mediastino, œsophago & toti Pulmonali substantiæ prospiciunt. Porro notandæ veniunt, ab utroque Aortæ descendens latere, emissæ *intercostales*, quæ adeo secundum longitudinem costarum exporriguntur, ut ramus unus sit superius costam, circa labium ejus nimirum superius, alter (qui est major) inferius, in sulco costæ locatus. Uterque hic ramus definit variis anastomosis in astomoses Mediastinæ, uti diximus, circa initium cartilaginum interiorum costarum, ita ut intercostales non cartilaginibus prospiciant, sed Mediastinæ prædictæ. Intercostales hæc duæ arteriæ arteriæ exterius & interius costam emittunt varios ramulos, qui costas cingentes commodius in musculos intercostales disseminantur. Tot duplicatæ sunt arteriæ intercostales, quot costæ sunt, nam unicuique duæ subministrantur. Tandem Aorta absque divisione diaphragmatis muscoli secundarii tendinem transgressa, mox ejicit in parte

parte ejus anteriore in imum ventrem ramum celiacum. Celiaca (maxima in imo ventre arteria) mox dividitur in 4. considerabiles ramos, quorum primus & minor ejicit varios ramusculos ad glandulam succenturiatam sinistram; porro ille ipse ramus ad sinistram latum emittit *Gastricam sinistram* dictam, tandem desinit totus ille ramus in *Diaphragmaticam*. Tandem superior trium ramosum *splenicam* producit, quæ varios emittit in transgressu pro Pancreate ramusculos, dein emittens ramum, qui ventriculo simul & spleni prospicit, comitem ei quam Portæ Gastricæ sinistram diximus. Demum disseminatus in lienem parili ratione ramusculos ad ventriculum reflectens, quam quoque in Porta descripsimus, ut si quis distributionis rami splenici portæ habeat ideam, habeat & hujus disseminationem. Alter ramus *Gastricam dextram* facit. Tertius & maximus *hepaticam* producit. Ab hac hepatica, antequam in Hepar disseminatur, producuntur primo dicta *coronaria*, seu *Gastro-Epiploica*, deinde Gastrica alia, & ab hac varii ad finem ventriculi ramusculi, tandem duodena & cystica gemellæ. Et hæc est Celiacæ divisio. Huic proxime subsequitur à parte anteriore & quodammodo, dextra ejecta Mesenterica superior, quæ intestinis tenuioribus prospicit, parili ratione ac vidimus in Disseminatione Portæ. Tandem ad latitudinem duorum digitorum à facie interna inferius hanc Mesentericam superiorem Mesenterica inferior ejicit, quæ intestinis crassis inservit, parili ratione ac de Portæ divisione monuimus. Ad latum utrumque Aortæ circum circa Mesentericæ superioris originem ejiciuntur *Emulgentes* sive *Renales* dictæ Arteriae, duplici quandoque, quandoque unica origine. Ex hisce emulgentibus ejiciuntur arteriolæ variae, ad renes *succenturiatos* deductæ, hinc *succenturiata* dictæ. Illæ vero quæ ad ipsorum renum membranam exporriguntur, *adiposæ* appellantur. Tandem ab utroque latere ejicit Aorta *lumbares*, quæ eadem ratione, atque intercostales, ad costas expanduntur. Hæ circa abdominis latera exporriguntur, nervis lumbaribus comites. *Seminaria* in viro nunquam deficientes, ex Aortæ latere anteriore, inferius emulgentes, ejiciuntur, ad testiculos extra corpus delatæ. In mulieribus vero una vel altera seminalis quandoque deficit, quoniam uterus & ovaria ab Hypogastricis plurimas accipiunt.

Aorta tandem ad latitudinem unius pollicis transversa infra Mesentericam in duos ramos dividitur, sub nomine Iliacarum auctoribus cognitos. Circa hanc divisionem,

in medio emittit unum ramum, qui dicitur *sacra*, quoniam offi sacro interius incumbens partibus ibi circumjacentibus prospicit. Hæc arteria quandoque duplex est, quando nimirum uterque ramus unam ejicit. Notandum quod diximus circa arterias Medullæ spinalis sanguinis pabulum advehentes in descriptione arteriarum vertebraliū, quæ nimirum ab Aortaeductæ intercostales & lumbares arteriæ circa illarum originem ad medullæ spinalis anteriorem & posteriorem arteriam efficiendum (eodem modo ac de vertebralibus dictum) amulentur; ubi vero aorta dividitur in Iliacas, sacra memorata ejecta hoc sibi officium pro cauda medullæ spinalis adsciscit. Uterque Iliacus iterum dividitur, ejus divisionis pars interna dicitur arteria *Hypogastrica*, quæ ejicit ramusculos ad vesicam, intestinum rectum, uterum & ejus partes, nimirum ovaria eorumque appendices alas vesperilionum quamvis hæ sint peritonæi productiones. Illæ quæ ad intestinum rectum tendunt arteriæ, dicuntur *Hæmorrhoidales externæ* ratione differentia quia illæ arteriæ, quas recipit intestinum rectum, à Mesenterica inferiore productas, *Hæmorrhoidales internæ* dicuntur, simili modo ac venæ, à Porta vena ad hoc intestinum deductæ, nominantur *Hæmorrhoidales internæ*; quæ à cava, externæ, ea de causa, quod Porta & Arteria Mesenterica in cavatatem abdominis longoque ductu distributiones ejiciunt.

Ramus Iliacæ arteriæ externus ejicit circa offis Ilei incisuram inferiorem & anteriorem, primo ad latum externum *Epigastricam* dictam, quæ inter abdominis musculos reflexa illis una cum lumbaribus prospiciens cum mammariis per varias inosculationes continua Veteribus ansam dicendi præbuit, uterum cum mammis, hisce intervenientibus arteriis & venis, adeo communicare, ut ratio non sit aliunde petenda, quare post partum mammae turgeant. Crediderunt enim per lac infantem nutriri in utero: eo verò à matre soluto, lac ad mammas reverti. Sed omnia hæc detecta sanguinis circulatio evertit. *Pudenda* ab opposito Epigastricæ latere ex Iliaca ejicitur, quæ quoniam versus os pubis delata partibus à pudore dictis prospicit, ita nominatur.

Tandem hic externus Iliacæ ramus per incisuram anteriorem & inferiorem offis Ilei extra cavatatem abdominis egrediens, constituit *cruralem* quæ mox iterum duos emittit ramusculos minores, pinguedini & vicinis partibus prospicientes. Postea in duos majores dividitur *ramos crurales*, externum & internum. *Externus* mox iterum bifi-

bifidus emittit ramum bifidationis externum ad musculos glutæos, internum ad capita musculorum vastorum, & gracilis superioris. Major verò ramus, id est, bifidationis primæ internus, usque ad mediam partem ossis femoris exporrectus, inferius illud excurrit, ut ibi adjacentibus musculis, videlicet Vasto externo & Bicipiti prospiciat, circa ejus verò originem musculo sartorio, semimembranoso, seminervoso, gracili inferiori & aliis, qui ipsis proximiores sunt. *Internus arteria cruralis ramus* major, inter musculum triplicem, gracilem superiorem, vastum internum & infra sartorium incedens, ab utroque latere varios emittit ramusculos, musculis & partibus aliis inservientes; Tandem posterius Epiphyfin inferiorem delatus dividitur in duos truncos majores, quorum externus *subpopliteam* efficit; reflectitur enim ad partem anteriorem & superiorem, fibulæ & partibus adjacentibus sanguinis pabulum affert. Externus *Arteria furalis* dicitur, quoniam inter musculos suram constituentes defertur: Ibi enim partibus circumjacentibus officium præstat; furalis hæc arteria circa partem posteriorem tarfi iterum dividitur in duos Ramos, internum & externum. Externus, circa malleolum externum reflexus, lateri extremo Pedis & superiori & inferiori prospicit. Internus pari ratione lateri Pedis interno, tandem ad latera digitorum pedum eodem modo excurrunt, ut circa digitos manuum vidistis. Caterum distributione convenit hæc arteria cruralis cum Brachiali.

VENÆ CAVÆ DISTRIBUTIO.

PAULO secus se habet venarum in corpore distributio, quandoquidem multo numerosiores sunt venæ & præterea ampliores quam arteriæ. Habent venæ interius productiones membranosas, valvulas dictas, duas semper sibi ratione situs & altitudinis correspondentes, non illum, ut Auctores dicunt, usum habentes, ut sanguinis nimirum circulo succurrant, hoc enim ipsa circulationis lex efficere potest, etiamsi longius a corde distitæ venæ ejus impetum vix sentiant. Alia itaque de ratione valvulas e venis non omnibus, sed *cava solum* & ejus disseminationibus familiares diximus, ut in quacunque cordis Systole sanguinem venalem pro illo momento repressum, suffulciant, ne tale pondus extraneum arteriosi in venas sanguinis ingressum repellat, & sic varias in corpore secretiones præpediat. Et præterea videmus valvulas semper inferius orificia dissemina-

tionum venarumque appositas, ut sicce sanguinem per illa orificia & majores venarum ductus ingredientem, quasi per diverticula recipiant, ne levem sanguinem, in majoribus venis motum, ab utroque latere appulsus sanguinis interrumpat. Notandum, in ipsa cava inferiori maxima & superiori trunco, antequam bifidatus, vix unquam videri valvulas; si enim adessent membranosa, tenues & subtiles hæ productiones in ipsis his majoribus truncis cordi proximis, impetui sanguinis, à cordis Systole causato vix resistere potuissent, quapropter in distributionibus potius conveniebant, in quibus quæ ratione dividitur, impetum in se factum amittit. E contra Vena portæ nullas habere debuit valvulas, quandoquidem illa cordis pressio in Systole in Portæ sanguinem impetum exercere non potest. Venæ enim Portæ pars superior arteriæ officium possidens, in partem suam interiorem receptum sanguinem in hepar dimittit, hinc arteriæ potius fabricam obtinens, nec valvulas habere ejus pars superior debuit, nec inferior indigebat. Hæc Hypothesis de cordis pressione in sanguinem venalem cavæ illis vix intelligenda erit, qui non distinctè ventriculorum cordis & auricularum systolen & diastolen, cognoscunt, qui sciunt auriculas, ut ventriculis minores, sic etiam illam quantitatem sanguinis, quem ventriculi continent, retinere non posse, ita ut illæ impetum cavæ sanguinis in ventriculos delabentis tantum augeant.

VENÆ CAVÆ ASCENDENTIS DISTRIBUTIO.

CAVA dextræ cordis auriculæ continua, in saccum quasi explicata, antequam in duos distinctos explicatur ramos vel truncos, duos quandoque vel unam emittit venam *coronariam* dictam, cujus disseminatio coronariis arteriis in cor & auriculas disseminatis correspondet.

Porro in *ascendentem & descendentem cavam* hic saccus definit: Ratione situs superior dicitur illa, quæ corde est superior, ratione contenti fluxus descendens. Hoc ipsum de descendente intelligendum quoque est, quod nimirum ab aliquibus ratione cursus sui sanguinis ascendens nominetur. *Ascendens*, à situ ita dicta, ad latitudinem unius pollicis emittit ad partem ejus posteriorem *venam Azygos* sive *sine Pari*, quæ venas *intercostales* constituit, in dextro latere spinæ dorsi incumbens, ad ultimum usque diaphragmatis secundarii musculi

musculi partem descendit, in sinistro autem latere per anastomosisi jungitur Emulgenti renis sinistri. Ab ipsa hujus Azygos parte superiore vena considerabilis ad pulmonis fabricam expanditur, quæ forte illa est, quam scribit Bourdon & Ortlob Samichellium vidisse; sed cum scribunt Samichellium ipsam ex cava productam vidisse, dubitandum, an hunc ille Autor putaverit, quam describimus. Porro ex intercostalibus sinistri lateris superioribus pulmo quoque varias recipit venas: Quin ex illis quædam, quæ ad Mediastinum venæ exporriguntur, ex intercostalibus & ex ipsa Azygos productæ, ad pulmonem varii ramusculi feruntur. Deinde ipsum quoque Diaphragma a parte Azygos inferiore recipit considerabilem ramum, qui unâ Pericardio prospicit. Tandem *Ascendens hæc cava* dividitur in *duos ramos*, quorum uterque circa initium divisionis unicum emittit ramusculum, *Mediastinam* efficientem, quæ parilem cum arteria hujus nominis patitur distributionem: quæ Mediastina in progressu etiam Pericardio prospicit. Uterque major hic cavæ superioris ramus transversim supra arterias ascendentes situs, in 3. dividitur maximos ramos: Internus est *vena jugularis interna*, Medius est *vena jugularis externa*, Extimus *subclaviam* constituit & inde productam *Axillarem*. Jugularis *interna* pariter ac arteria carotis nullos emittit ramos, nisi circa latera Cartilaginis scutiformis, ubi plurimos emittit ad partes, quibus arteria Carotis externa prospicit. Tandem saccum in infossa ossis *temporalis* constituens, definit in utrumque *sinum dura matris* transversalem, ita ut sinus venalem sanguinem per venas ex cerebro refluentem recipiant, illumque jugularibus prædictis internis infundant, ut sic ad cor refluat. *Vena jugularis externa* illis partibus prospicit, quæ ad partem inferiorem cartilaginis scutiformis, posteriorem colli & capitis sunt collocatæ. Tertius ramus scilicet externus Axillarem constituit, quam antequam describamus, notandum, ex ipso angulo cavæ ascendents, ex quo tres hos majores truncos eductos monuimus, duos adhuc alios emitti ramos, quorum inferior *intercostales* superiores constituit, alter *vertebralem* efficit: quæ vertebralis pariter ac arteria hujus nominis in canali transversalium apophysium coronoidearum ossis occipitalis delata, partem ibi sanguinis receptam ad superiorem cavam vehit. Hæc vena vertebralis pariter ac venæ intercostales & lumbares circa suam originem in specum vertebrarum emittunt ramusculos, unaquaque unum, qui simul

juncti *canalem communem* efficiunt, quos *sinus* nominamus *spinalis medullæ longitudinales*, qui longitudinales sinus in transversum medullæ alios emittunt sinus, ex quibus venulæ minutissimæ egredientes venas spinalis medullæ efficiunt: Et sic sanguinem, ab arteriis receptum per hos sinus, quasi per totidem diverticula, ad intercostales, vertebrales, lumbares & exinde in Azygos & cavam revehunt, ita, ut, cum medulla spinalis à fabrica cerebri non differat, sed ejus quasi sit appendix, parile etiam fatum sanguini venali refluenti per sinus contingere oporteat, id quod latius in demonstratione cerebri explicandum. Axillaris antequam dividitur, varios emittit ramusculos, qui istis in distributione conjunguntur, quos ab arteriis subclaviis in omni latere deduximus. Tandem divisa in duos maximos ramos, externum & internum, qui circa juncturam cubiti iterum juncti quasi angulum efficiunt, ut eo ipso nimirum commodius variæ venæ ad brachium & manum exporrectæ disseminari possint, parili fere ratione, ac vidimus in Portæ disseminatione, quæ circa intestina angulos efficit, ut ad intestina propagatio uberior & commodior fieri possit. Externus prædictus ramus *Cephalica*, aliis *Basilica*, vena dicitur, ab utroque latere emittens ramusculos, qui ad partem ossis humeri superiorem reflexi, ibidem partibus collocatis famulantur. Internus arteriæ accumbens *Hepatica* nominatur. *Mediana* vero dicta est ramus, qui ex angulo utriusque hujus venæ ejectus in aliam venam ex ipso etiam angulo productam inosculatur. Caterum respondent cæteræ venæ arteriarum distributionibus, hac distinctione habita, quod venæ cuti sint propinquæ magis quam arteriæ, arteriæ magis profundæ quam venæ. Et hæc est cavæ ascendents distributio.

VENÆ CAVÆ DESCENDENTIS DISTRIBUTIO.

CAVÆ ramus descendens ratione situs inferior dicta, in homine intra pericardium ad tendinosam usque diaphragmatis circulum delatus, illum perforat, atque in ipso transgressu duos emittit ramusculos, toti diaphragmatis substantiæ prospicientes, *diaphragmaticas* venas dictas. Porro Hepar cavæ conjunctum ab illa plurimos recipit cavæ ramos, qui venæ portæ superfluum sanguinem revehunt: horum verò inferiores & minores à cava in Hepar deducti forte arteriæ Hepaticæ respon-

respondent. Tandem *adiposas* quasdam emittit cava superiores: deinde *Emulgentes* duplici quandoque, quandoque uncia origine. *Emulgentes* dextra, ut & sinistra, *Adiposas* & *succenturiatas* ejicit. *Succenturiata* ad diaphragma quandoque venas ejiciunt, id quod tamen ut plurimum circa finistram observamus. A Porta etiam vidimus aliquando habuisse glandulam *succenturiatam* venas. Duæ porro *seminaria* à cava ejiciuntur, dextra à trunco inferius *emulgentes*, sinistra ab *emulgente*, quæ in muliere utero & ovariis famulantur, in viro intra duplicaturam peritonæi per annulum aponeurosis musculi obliqui exterioris in vaginalem processum peritonei delatæ, testiculis vices præstant. Per varias anastomoses in toto exortæ & progressu divisæ iterum junguntur, & à latere quosdam ramusculos partibus circumjacentibus, peritonæo, videlicet & pinguedini, imperiunt. Porro ab utroque latere emittit *lumbares*, lumbaribus arteriis comites. Tandem circa ultimam lumborum vertebam, vel etiam os sacrum in *Iliacas* dividitur, quarum utraque in duos dispescitur ramos, exteriorem & interiorem. Interior bifida, *Hypogastricam* vel *sacram* in utroque latere constituit; *Hypogastrica* hypogastricæ arteriæ perpetuus est comes. Exterior *Iliacæ* ramus, arteriæ ejusdem nominis comes, circa exitum ex abdomine emittit

Epigastricam, de qua circa arterias abundanter diximus: deinde *pubendam*. Ab hinc *cruralem* constituit venam, quæ circa os pubis bifida existit: Unum enim ramum emittit minor, qui comes est cruralis arteriæ ramo externo, alter ramus medius arteriæ accumbens crurali majori ab utroque latere trifidus, partibus ibi adjacentibus prospicit. Tandem major ramus infra genu descendens ad pedem, circa Epiphysin tibiæ superiorem, dividitur in duos ramos, quorum externus reflexus infra fibulam, ad partem anteriorem & superiorem pedis, *Subpoplitea* nuncupatur: alter ramus major varie divisus & iterum junctus, *Surales venas* constituit, & pedis parti interiori, superiori & exteriori prospicit. Tertius ramus internus cuti succumbens unico ductu ad genua usque fertur, ubi divisus, & circa medium tibiæ iterum junctus, ad pollicem usque pedis excurrentes *Saphenarum* à latere ejicit, cujus sectionem tam famosam veterum credulitas in suppressione mensium tradidit. Hæc porro prospicit pedis parti interiori & superiori, interiori & inferiori, ac laterali. Caterum ad pedum digitos disseminantur venæ ut arteriæ, hæc tamen habita ratione, ut sæpius monuimus, quod earum disseminationes sint crebriores & ampliores.

FINIS.

NEUROLOGIA RAUJANA.

DUplex est Cerebri Substantia medullaris, alia, quæ cerebri, alia, quæ cerebelli propria dici debet.

Cerebri Substantia Medullaris in duas tamen abiit radices, quæ ab utroque hemisphærio egredientes se conjungunt eò in locò, ubi his duabus cerebri radicibus medullaris cerebelli substantia inferius circumjicitur.

Inferius cerebelli Substantia nodum sive protuberantiam exhibet, qui nodus Eminentia annularis Willisii seu Pons Varolii dicitur. Ad finem hujus medulla oblongata ab utrâque cerebri & cerebelli Substantiâ efficitur, quæ jam aliam structuram nanciscitur, non internam, sed externam, id est, eandem habet, quam spinalis medulla, & quo videmus modo corticalem cerebri substantiam æquè ac corticalem cerebelli medullares Substantias exterius amicare, sic corticalis sive cinereæ

medullæ oblongatæ & medullæ Spinalis Substantia à medullari amicitur. Nam cum oportebat medullam oblongatam & spinalem ab utroque latere nervos ejicere, necessarium fuit tali modo medullarem substantiam (à quâ nervi oriuntur) positam fuisse, ideò etiam à substantia cerebri medullari inferius posita nervi à cerebrò emittendi propagatur, quum corticalis Substantia amiciat medullarem, ut commodè in Partes sibi subjectas tendere & disseminari possint nervi Cerebri. Videmus jam aliam dici ab Auctoribus medullarem cerebri, aliam cerebelli, aliam medullæ oblongatæ, aliam denique medullæ spinalis Substantiam.

Medulla oblongata fit ex medullaribus radicibus cerebri & cerebelli, desinit circa primam colli vertebam, ubi ratione spinarum Dorsicaudex ille cerebri, quum illarum foraminibus excurrit, dictus est SPINALIS

MEDULLA, oblongata *Medullæ* continua. Et quivis quadruplex sit *Medullaris Substantia*, omnium tamen nervorum origo ab Auctoribus tantum duplex statuitur, quatenus *Nervi* sunt vel *Cerebri*, vel *Nervi spinalis medullæ*.

Priores sunt ii, qui à *Medullari Cerebri Substantia*, in cranio adhuc contenta, emittuntur, id est, ex *Substantia cerebri medullari*, *cerebelli* & *medullæ oblongatæ*.

Spinales, sive Posteriores, ex caudice dicto *cerebri* in vertebriis, usque ad os coccygis collocato, ejiciuntur.

Omnes hi *Nervi* ratione *Substantiæ internæ* non differunt, & qui sensui famulantur, iidem & motui inservire possunt: ita ut differens effectus, qui à *Nervis* editur, differentiæ potius organorum, quibus inferuntur, quam nervorum ipsorum differentiis adscribendus sit.

Hoc tamen observamus, nervos qui sensoriiis externis proximè cerebrum collocatiserviunt, molliores ut plurimum esse, ut videmus in olfactoriis, opticis & auditoriis.

Præterea notandum, quod nervi, qui organis ab aere afficiendis famulantur molliores sint longè, fortassis eâ de causa, quod aer vim tantam in illa organa facere non possit, quàm corpora duriora in alia, & ut impressiones molliusculas aeris commodius recipere possint, illasque cum sensorio communi communicare.

Videamus jam ipsorum Nervorum cerebri origines & explicationes in partes. Nos cum Willisio numeramus quidem, sed non decem. Verùm *NOVEM* tantum *PARIA*, quoniam par ultimum decimum scilicet ad cervicales potius spectare videtur.

PAR I. est *OLFACTORIUM*; (veteribus processus mamillares) corporum striatorum propago, postquam ad utrumque latum apophysis cristæ galli delatum est, in varias dividitur fibrillas, in tot nimirum, quot sunt in osse cribroso foraminula, quæ fibrillæ hæc foramina ossis cribrosi transgredientes ad utrumque latum vomeris ejusque adjunctæ cartilaginis membranæ pituitariæ porriguntur, quæ membrana verum & immediatum est olfactus organum.

PAR II. *OPTICUM* Thalamorum suorum appendix est. Hi duo nervi omnium maximi, in cerebrorum circa infundibulum conjunguntur, non tamen, quod videre hæcenus licuit, per substantiam, quamvis rationi id congruum sit, iterumque sejuncti ac per propria foramina cranio elapsi ad oculum excurrunt, & Retinam in oculò constituunt, immediatum visionis organum.

PAR III. OCULOS MOTORIUM: oritur à parte posteriori & interiore radicum medullarium cerebri & cerebelli, quæ eminentiam annularem constituunt. Hoc sex habet ramos.

[I.] Parvulus est, qui una cum ramo ophthalmici nodulum nervorum efficit, à quò nunc septem, nunc pauciores, nunc plures ejiciuntur ramuli, nervum opticum ambientes usque ad scleroticam membranam producti, in tota Bulbi circumferentia, unà cum arteriis & venis scleroticam perforant, & supra choroideam membranam protensi solito in musculis illis explicantur. Hi sunt nervi quos vocamus Ciliares.

[II.] Tertiis paris ramus musculo palpebræ superiori proprio:

[III.] Oculi adductori:

[IV.] Oculi depressori:

[V.] Oculi superbo (elevatori:)

[VI.] Et ultimus obliquo & inferiori impenditur. Et hæc est vera in homine hujus nervi divisio, in brutis longè differens ab hacce.

PAR IV. seu *PATHETICUM*, supra utramque radicem medullarem reflexum, oritur ad latus quarti ventriculi infra nates & Testes, ex funiculis medullaribus, qui ad cerebellum spectant: unico musculo Trochleari, sive obliquo superiori prospicit.

PAR V. oritur ex parte inferiori radicis medullarium cerebelli, quæ eminentiam annularem constituunt, multis fibrillis constans, in tres dispescitur ramos, quorum [I.] nomine *ophthalmici* apud Auctores venit. [II.] Duos præcipuos habet ramos, quorum primus minor sub dura juxta Sellæ equinæ latus rectâ incedit, atque in canale, in parte interiore orbitæ sito, proprio excurrrens per foramen orbitale inferius egressus, ibidem loci narium musculis, orbicularis musculi parti inferiore pinguedini Zygomaticæ, labii superioris musculis, cutique famulatur. Nota hunc ramum in transgressu nunc tres, nunc quatuor, emittere fibrillas, quæ per singularia foraminula huic canali insculpta ingrediuntur ad dentes superioris maxillæ incisivos, caninos & molares anteriores duos. Secundus ramus major perpendiculariter descendens, singularem musculo crotaphitæ impertit ramulum, & deinde ulterius descendens, varios emittit ramusculos, qui per foraminula in parte posteriore maxillarium ossium ingressi dentibus maxillæ superioribus molaribus inserviunt; tandem nunc unum, nunc duos, nunc tres emittit ramulos, quos in transgressu in musculum Pterigoideum externum

num transmittit. Denique per unum canalem, ab ossibus Palati & maxillæ ossibus formatum, nunc aliis duobus canalibus illis Palati ossibus insculptis in tres ramos divisus transgreditur ulterius & ad Palatum reflexus ibidem Pterygostaphilinis musculis, membranæque Palatum circumcingenti, & ceteris prospicit. Et hic est quinti paris ramus secundus. [III.] *Maximus* quinti Paris per singulare foramen ossis sphœnoidi insculptum emissus, mox ramum ejicit pro Crotaphite, alium pro massetere, alium pro Pterigoideo interno, nunc aliquem pro Buccinatore, interdum modò unum in pinguedinem adjacentem. Deinde hic ramulus ulterius progressus dividitur in duos, quorum exterior in canalem maxillæ inferioris, unà cum arteriâ & vena, ingressus, variisque fibrillis dentibus molaribus prospicit, & tandem se bifidens circa molarium dentium anteriorem; major ramus egreditur per foramen, quod in facie externa maxillæ inferioris occurrit, ibidemque musculo quadrato, aliisque circumjacentibus ramulos largitur: ramus minor propagatur in canali maxillæ inferioris & incisoriis Dentibus caninisque ramulos impertit. Alter quinti Paris ramus major interior ad latus linguæ defertur, linguæque musculis & quicquid linguam constituit, pensum solvit. Ab hoc ramo, antequam ad linguam accedat, reflectitur ramulus, qui supra ductum Fallopii Eustachii auris locatus, cavitationem tympani ingrediens, ibi chordam, sic dictam, constituit, & tandem in cavitationem tympani oppositi lateris per singulare foramen ingrediens, inosculatur Portioni duræ nervi auditorii.

PAR VI. duplici radice oritur ex parte anteriore eminentiæ Pyramidalis Medullæ oblongatæ & circa arteriam carotidem internam quasdam fibrillas emittit, quæ cum ramulò rami tertii Paris quintæ conjunctæ proprium constituunt nervi intercostalis; quod verò à constitutione nervi intercostalis reliquum est, per foramen inæquale egressum, ad oculi obductorem defertur.

PAR VII. oritur radice sua molli ex parte superiore eminentiæ olivaris; radice verò sua duriore ex radice cerebelli medullaris substantiæ, quæ molli radici proxima est. Portio dura singulariter è craniò egrediens, non juncta cum molli, foramen ossis Petrosi ingressu mox in canalem sibi proprium post processum styloideum ingreditur, cujus canalis finem ante Galenum, ut illa testatur, vocârunt foramen cæcum; quasi nihil per eum egrederetur; sed per hoc, ut diximus, Portio dura excurrit, &

versus aurem reflexa in tres dividitur ramulos, quorum inferior ad partes, quæ sub maxilla inferiore sitæ sunt, nimirum glandulas & pinguedinem, musculos ossis hyoidis, linguæ excurrit. Superior minimus ad aurem internam porrigitur: Medius horum trium maximus variè divisus & iterum conjunctus, ita ut pedem anserinum non incongruè repræsentet, Parotidi glandulæ immixtus; supra maxillæ inferioris collum exterius excurrit, ibidemque nunc quinque nunc sex præcipuos ramos emittit, quorum aliquis ad palpebras usque & musculos frontales, alii ad musculum orbicularem oris excurrentes, variasque emittentes fibrillas, partibus quibus incumbunt, prospiciunt, nimirum faciei labiorumque musculis, pinguedini & masseteri musculo. Altera septimi Paris Portio mollis revera nomen *auditorii* nervi meretur, & cavitationem vel foramen processus petrosi, ejus receptioni destinatum, ingrediens, in tres ramos dispescitur, quorum maximus per plurima minutissima foraminula basi nulli cochleæ insculpta, in fibrillas plurimas divisus, ibidemque in ductibus Laminæ spinalis membranæ tenuissimæ, quæ spiralem laminam ab opposito latere nuclei suspendit, impenditur. Ceteri duo rami portionis mollis minores per duo singularia foramina vestibulum ingrediuntur, ibidemque in quinque ramos divisi per orificia quinque canalium semicircularium ingrediuntur, membranulisque cavitates horum canalium investientibus impenduntur.

PAR VIII. sive *VAGUM* oritur ex medulla oblongata, inter eminentiam olivarem & pyramidalem, nunc 7. nunc 8. fibrillis; mox cranium egressum glandiformem nodum obtinet, cervicalem dictum, qui ibique cum glandiformi nervi intercostalis nodo, & IX. Pari junctus quosdam parvulos ejicit ramulos, adjacentibus musculis prospicientes, & præterea ramum notabiliorem, qui cum extremitatibus nervi recurrentis confusus abit ad musculos ossis hyoidis & Laryngis.

Hoc Par ad latus asperæ arteriæ locatum, arteriis carotidibus accumbens, ad latitudinem unius digiti alium emittit ramulum, qui prædictis arteriis venisque jugularibus internis officium facit per varios ramusculos, quos ab utroque latere ejicit.

Nullum porrò usque ad arteriam subclaviam emittit ramusculum, antequam plexum efformat sic dictum *Thoracicum* (nam plexus ejus superior dicitur *Cervicalis*.) Ab hoc plexu Thoracico procedit utrimque ramusculus, qui, quoniam in dextrò latere supra arteriam subclaviam, in sinistrò verò

supra angulum aortæ descendens, reflectitur & reascendit ad latus asperæ arteriæ; ibidemque musculis Laryngis externis & internis prospicit, nominatur *nervus recurrens*. Hujus extremitas cum ramusculo, à plexu cervicali octavi paris emissio, inosculetur super scutiformem cartilaginem, musculisque ossis Hyoidis Laryngis &c. prospicit.

Porro hoc Par in pectore & abdomine variè; cum intercostali sic dicto nervo commiscetur & inosculetur, quæ duo paria simul efficiunt varios Plexus inordinatos, qui à partibus, quibus incumbunt & prospiciunt, nomina receperunt, nimirum *Plexus Pulmonis* dicuntur, quia sibi sunt ab utroque latere, qui porro nervulos emittunt, secundum longitudinem Bronchiorum excurrentes, totius pulmonis substantiæ prospicientes: aliqui ramusculi versus œsophagum excurrunt. Plexus cordiacus eadem ratione cordi ejusque partibus prospicit.

Denique dextrilateris octavi Paris, Truncus supra œsophagum transcendit, & aliquando sinistri lateris trunco tribus ramis totus inosculetur, aliquando Diaphragma cum œsophago transiens ventriculo impenditur, Parti nempe superiori. Sed sinistri lateris octavi Paris Truncus bifidus vel trifidus ad orificium ventriculi variè scandens, posterius & antè totum ventriculo prospicit innumeris ramulis, Plexum stomachicum constituentibus. Sed præter hos ramos diffundit quosdam ad nodum usque gangliiformem semilunarem & ad Plexum semilunarem illi accumbentem gangliiformem, ex quibus plurimi rami dimissi & inosculati *Plexum* producant *Mesentericum superiorem*, ibique paulò infra ventriculum terminatur, & hæc est octavi Paris divagatio.

Par intercostale, novo nomine à Willisio indigitatum, quod costas omnes, ubi cum apophysibus vertebrarum transversalibus conjunguntur, suprascandit. Primam originem ut plurimum à tertio ramo quinti Paris recipit, aliquando à quinto Pari solum, aliquando à quinto & sexto Pari simul, unico ramulo circa arteriam carotidem internam, ubi osseum canalem, ossi petroso insculptum, penetrat. Sunt tamen alii, qui à duobus ramis quinti Paris & uno Sexti originem hujus nervi deducunt. Tandem membranis firmiter inferius prædictæ arteriæ adnatus & extra cranium dimissus dilatatur & *gangliiformem nodum* producit, *Cervicalem* dictum; deinde cum ramulo noni Paris conjunctus & ad latus internum octavi Paris locatus, usque ad primam dor-

si vertebram defertur; quin & in hoc transgressu ad unumquemque nervum cervicalem ramulum emittit, qui nervis istis cervicalibus inosculetur, & alios minutissimos circa horum ramulorum exortum ad musculos adjacentes, & tandem unum vel duos, qui cum octavo Pari *Cardiacum* & *Pulmonalem* Plexus efficiunt.

Tandem *Plexum Thoracicum inferiorem* gangliiformem facit, ex quo Plexu transmittuntur duæ fibrillæ, quæ semiarctus instar arteriam & venam subclaviam ambientes, Plexui rursus Thoracico inosculantur. Denique hic nervus, ut monui, transcendit in cavitate Pectoris infra Pleuram intra apophyses transversas & costas usque ad lumborum vertebrae, ubi Lumborum vertebrae magis appropinquans, supra illarum corpora ad os sacrum usque excurrit, ubi circa finem ab utroque latere ramis transversis ossis sacri inoscultus desinit; descendens verò à latere vertebrarum, è singulis illarum internodiis furculum recipit.

NB. Ad unamquamque vertebrarum juncturam hunc nervum longissimum tres emittere ramulos, ex Plexu ejus gangliiformi demissos; ita ut in singulis vertebrarum interstitiis, ubi scilicet spinales cum hoc conjunguntur, reperiantur.

Duo horum ramulorum in Thorace inosculantur mox nervis dorsalibus, ex medulla eductis, alter in musculos dorfi & adjacentes intercostales diffeminatur, aliquando unicus tantum ramus loco duorum (qui dorsali nervo inosculantur,) reperitur. Circa 5. 7. & 8. vertebram nunc 4. nunc 5. ejicit utriusque lateris truncus ramos, qui oblique corpora vertebrarum suprascandentes infra Pleuram repunt per Diaphragma, & ibi conjuncti præcipuos efformant Plexus gangliiformes & duos semilunares gangliiformes, ex quibus plexibus emittuntur rami innumeri, qui multipliciter divisi & implicati plexus dicuntur, nomina recipientes à Partibus, quibus accumbunt & prospiciunt, ut *Stomachicus*, *Hepaticus*, *Lienalis*, *Renales*, *Mesentericus inferior & superior*: à quibus Plexibus fibræ dimissæ cum arteriis in viscerum substantiam deferuntur.

Nota: *Plexum Mesentericum inferiorem* esse minorem superiore, & eandem cum superiore originem habere.

Observandum præterea intercostalem hunc nervum circa lumbos & os sacrum, (ut diximus circa costas) lumbaribus & ossis sacri nervis inosculari. Ex fine ejus emittuntur ramusculi, qui partibus in Pelvi locatis prospiciunt. Notavi aliquando nervum à Plexu gangliiformi maximò, qui ad os sacrum est, ejici & comitari vasa Sperma-

spermatice ad annulum usque. Et hæc est divisio intercostalis nervi, quam si quis bene perpenderit, nullos nisi hos IV. nervos, octavum Par nimirum & intercostale partibus, quæ in pectoris cavitate & infimò ventre recluduntur, animadvertet prospicere.

PAR IX. sive *LINGVALE* ex latere medullaris substantiæ medullæ oblongatæ paulò posterius prædicto Pari oritur, nunc duobus, nunc pluribus fibrillis disjunctis, quæ partim intra, partim extra cranium (sive circa egressum) conjunctæ maximum unum efforinant ramum de quo mox cranium egresso quædam ejiciuntur fibrillæ, quæ biventre mastoïdi, & quibusdam ossis hyoidis musculis prospiciunt: Cætera rami pars maxima infumitur in linguam, cujus per totam longitudinem extensus exiles propagines in utrumque latus dimittit.

PAR X. paulò hoc nono posterius ex eodem ferè loco & initio nempe medullæ spinalis vel modo medullæ oblongatæ Substantia medullari variis ejicitur fibrillis, (sed hoc benè perspectum, est Portio noni Paris, quæ simul per foramen decimum egreditur & cum reliquis radicibus conjungitur; non enim intra primam vertebra & occiput egreditur, ut Willisius aliique omnes Anatomici voluerant; nam nulli nervi hic transeunt, sed primum Par cervicalium inter primum & secundum colli vertebra exit, & sic non sunt nisi novem nervorum cerebri Paria) cum primo vertebralium & secundo & cum Plexu cervicali intercostalis nervi inosculatim reflectitur ad musculos occipitales, hisque adjacentibus partibus prospicit.

XI. Cerebro adjecit nervum unicus omnium celeberrimus Dr. Bidloo, novo ingenio præditus, nova (si Diis placet) hinc gloria decorandus, ut quem nervum jam ante Willisium Galenus clarissimè descripserit. Iste contra Willisium cerebri nervum faciens, produxit duplicem rationem, quare nervos cerebri distinguat à nervis spinalibus, id est, quod à cerebri substantia medullari, quanta in cranii ossibus continetur, ejici debeant: secundo quod per foramina cranii ossibus insculpta excurrere debeant: quæ ultima ratio pro ipso militare videtur. Sed cum præcedente minor sit, potius erit, ut cum Galenò nervus hic nominetur. Nervus ad latus medullæ oblongatæ locatus, magnum foramen ingrediens, vel cum Willisio (qui Galeni nomen siluit,) *Nervus spinalis*, unà cum octavo Pari egrediens, & se in muscu-

lum Trapezicum disseminans. Quæ qualitas, quod nempe in musculum impendatur, spinalibus magis est propria.

Unde statuimus, hunc nomen nervi Cerebri non mereri; nam oritur ex medulla spinali, inter secundam & tertiam originem nervorum cervicalium, unico ramo, & magnum foramen ossis occipitalis ingrediens, ubi est medulla oblongata hic egreditur, reflexus cum octavo Pari ope arachnoidis membrana junctus per illud ipsum foramen cranii & postea iterum octavum Par relinquens supra musculum Splenium reflexus, impenditur, uti dictum, in musculum Trapezium.

Restant jam nervi quos *medulla spinalis* ejicit, quos antequam describamus, quædam dicenda sunt, de spinali medulla.

Diximus supra, eam esse caudicem medullaris substantiæ cerebri & cerebelli, hoc tamen medullæ spinali accedere, quod corticalem, sed paucam substantiam interius collocatam habeat.

Spinalis dicitur, quod spinæ vertebri sit inclusa, osseo hoc scuto ab exterioribus injuriis munita, eadem ratione ac cerebrum cranio inclusum est; sed cum ex pluribus frustis canalibus spinarum osseus sit formatus, nimirum ex pluribus vertebri, quæ longe hiant, hinc oportuit aliud quid esse, quod defectum illum compensaret: propterea videmus vertebriarum hiantia interstitia singulari velamine forti obducta esse, quod primum hujus medullaris corticis velamen audit. Hoc velamen hinc inde perforatum est, inter unumquodque nempe interstitium vertebriarum omnium per quæ venulæ ab intercostalibus, cervicalibus, lumbaribus ejectæ, hunc Canalem egredientes supra duram matrem spinalis medullæ, semicirculi instar, ad alterum latus reflexi, si unum officium habent, in duræ matris Cerebri Sinubus descriptum, in quas venulas sive sinus hiant venulæ medullæ spinalis, & posteriores, & anteriores, duram matrem medullæ spinalis posterius perforantes. Arteriarum verò ad medullam spinalem propagationem vide in *Ancheiologia*: Circa hos sinulos per totum osseum canalem hunc quoddam velamentum pingue, posterius duram matrem spinalis medullæ, locatum reperitur, quod potius humore suo oleaginoso, quem discernit; flexilitati vertebriarum famulari videtur, quam medullæ spinali, cum tale quid circa cerebrum non videmus; & cum hic extra duram matrem sit locatum, ratio suadet, modò dicta veritati consentire.

Dura mater, spinalem medullam tegens, an-

anteriori ante basi vertebrarum jungitur, ut hac ratione pendula sit spinalis medulla, ne pondere suo cerebrum nervosque, ex hac medulla egredientes, nimium afficiat.

Hæc spinalis medullæ dura mater est dura matris cerebri & Pericranii continua productio, eundemque habet usum, quem illa: nimirum ut fibrillas nerveas simul liget & obteget. Et hoc est secundum, vel si magis placet, tertium medullæ spinalis integumentum.

Tertium vel quartum est membrana, propter tenuitatem *Arachnoides* dicta, quæ & medullam spinalem & nervaceas fibrillas ligat & involvit, continua illi, quam in basi cerebri circa medullarem ejus substantiam exhibuimus.

Quartum sive quintum medullæ spinalis integumentum est pia mater, piæ matri Cerebri continua, quæ medullarem ejus Substantiam immediatè involvit.

Hæc medullaris Substantia antè & postèrè quasi divisa videtur, & revera medullaris substantia corticalem substantiam ambiens hic loci divisa est, idèò ut vasa corticalem substantiam commodius intrare possint, & hæc est hujus Divisionis ratio.

Corticalis hæc Substantia alium nullum quàm cognovimus in Cerebrò habet usum.

Not. porrò: totam spinalem medullam ex fibrillis constare, quæ ita ordinantur, ut ab utroque latere medullaris hujus substantiæ & antèrè & postèrè plurimæ fibrillæ concurrunt, (quarum Concurfus nervum efficit) qui nervi in collo *verticales* sive *cervicales*, in dorso *dorsales* seu *costales* appellantur: in lumbis *lumbares*, in osse sacro *ossis sacri*; in osse *coccygis* ejiciunt *nervos*, tot, quot efficiunt duæ semper vertebræ juncta foramina, quotque in osse sacro antèrè occurrunt; „per postèriora „enim ossis sacri foramina nulli nervi egrediuntur contra Verheyen.

Not. Quemlibet Nervum ex spinali medullâ egredientem duas habere planè distinctas origines, unam antèrè, alteram postèrè.

XXIX. *PARIA* sunt, quæ spinalis medulla ejicit, unum ex infimo ossis *Coccygis*, quinque ex sacro hiat, perquam breve & tenue, abiens in Pinguedinem, quæ foramen inferius occludit, ut XXX. in totum sint.

Par I. Cervicalium & II. variis modis inosculatum reflectitur ad postèriora, ibidemque musculis adjacentibus (capitis & colli) fibrillas impertit.

Par II. Præterea ramum supra muscu-

lum mastoideum reflectit, qui auri externæ prospicit.

Par III. Musculis mastoideis, splenio, rhomboidi aliisque proximè adjacentibus ramusculos dat.

Par IV. Circa ejus originem nervos diaphragmaticos ejicit, qui ad latus Pericardii incedentes in partem diaphragmatis carnosam implantantur.

Diaphragmat. cum hunc nervum aliqui triplicem originem habere à secundo, tertio, & ab hòc quarto, dicunt.

Præterea hoc *Par* ramo quodam infra-spinali, scaleno & longo officium facit. Reliqui Surculi nervorum cervicalium per musculos capitis, colli & scapulæ disseminantur.

Tandem hujus *Paris Truncus*, qui cum tribus inferioribus cervicalium inosculatus, cum primò dorsalem nervum brachialem constituit; nam hi rami concurrentes, & quasi in vaginâ conclusi membranacea, inter claviculam & costam primam, una cum arteria & vena subclaviâ excurrunt ad brachium inter tendines musculi pectoralis & latissimi dorsi, ibidemque mox in 6. dispartuntur ramos. Antequam hi rami ab invicem disperguntur, plurimi enascuntur circa vaginam, quam diximus hos ramos continere, ramuli in musculos brachii & scapulæ disseminati.

Duo primi 6. prædictorum ramorum, externus & internus cutanei sunt. Primus externus cutaneus merus est, desinit superius flexuram cubiti. Secundus externus paulò major, coraco-brachialem perforans, partim cutaneus, partim muscularis est, circa medium tamen musculi bicornis, (extensoris carpi) & supinatoris longè desinit. Tertius iterum major supra Processum condyloidem humeri internum reflectitur, & exterius ferè usque ad carpum excurrens in duos ramos dispescitur, quorum unus ramulum ejicit supra ulnam, intra musculos incedens ad extremam manum, qui ibidem tribus digitis, minimo subsequenti & medio prospicit. Alter ramus major supra Ligamentum annulare excurrens, minimo digito duos, subsequenti verò unum ramum tribuit integro lateri.

Quartus, rursus paulò crassior ramus, inter musculos Humeri unâ cum arteriâ & venâ transcendit supra Processum Condylloidem internum & interius, atque inter cubiti musculos incedens, & ipsisque cubiti musculis involutus ad latitudinem trium digitorum supra musculum quadratum ramum ejicit, qui ligamentum inter hæc duo ossa circa musculi quadrati initium perforans, ad manum externum

sternum deferitur, ejusdemque ibi manus partibus externis prospiciens.

Tandem ramus quartus intra ligamentum annulare delatus, ejicit varios ramusculos, quorum unus in varios divisus, pollicis musculis & lumbricalibus prospicit. Porro duos ejicit pollicis utique lateri inservientes, unum indicis lateri externo prospicientem, deinde unum, qui divisus alteri lateri indicis utroque medii, & lateri annularis digiti externo, quod indici proximum est, vices præstant, uno verbo: hi nervi eandem disseminationem quam arteriæ patiuntur.

Nervus quintus est omnium crassissimus circa finem musculi Ceraco-brachialis transcendit ad partem posteriorem brachii, ibidemque Cubiti musculis extensoribus ramo prospicit. Tandem supra Condylodem processum externum brachii reflexus inter musculos, qui radio accumbunt, excurrit partique externæ manus, pollicis exterius & digito indici prospiciens.

Sextus & ultimus omnium est brevissimus, & prope capitulum superius humeri supra musculum infra scapularem reflexus prospicit musculis faciei externæ, scapulæ aliisque accumbentibus, item Pinguedini & cuti.

Hæc est nervorum brachialium descriptio. *Nota* tamen circa hos nervos, ubi musculo transgrediuntur, continuo ab utroque latere effundere ramulos, qui in musculos his nervis proximè accumbentes disseminantur.

Hoc quoque circa ramulos digitorum locum habet.

Sequuntur jam *Costales* sive *Dorsales*, quorum primum nervis brachialibus impendi diximus. *Nota* tamen, hunc ramum circa principium ramulum *Costalem* costæ primæ impertiri. XII. Costales ex medullâ spinali egressi, unicuique costæ interius accumbunt, varios emittentes ramusculos, qui musculis intercostalibus pleuræ prospiciunt & eundem angulum formant, quem Costæ circa cartilagine costarum anteriores ejiciuntur, ita ut superioribus partibus, quæ supra sternum locantur, prospiciant, inferiores dorsales parti superiori musculorum Abdominis in varios ramusculos ibidem divisi.

Lumborum I. Par in musculos abdominis impenditur & musculum Psoas. Secundum lumbarium Par musculis, qui abdomen constituunt, ramum dat, inò extra abdomen, aliquando in pinguedinem, quæ fasciam latam obtegit, deferitur. Alteri ramo Tertius subsequitur inoscula-

tus, cum secundo priori ramo & tertio subsequenti Lumborum Pari; Hi variis modis invicem inosculati, modo cum quarto & quinto Pari *cruralem nervum*, adjecto ramo ex ossis sacri primo Pari, constituunt, & præterea totidem, quot ferè sunt hi lumbares nervi, longos ramos emittunt, qui partim musculis abdominis, partim partibus in pelvi locatis, vesicæ, utero, vesiculis femin. musculis intestini Recti, partim rotatoribus sem. oris officium præstant, alii verò ex Lumbaribus ad Penem usque & vulvam excurrunt.

Ex Tertio Lumbarium insignis ejicitur ramus, qui per foramen ovale ossis innominati transgrediens, scroto partibusque in eo contentis, nimirum testiculis, minutissimis ramusculis prospicit: Altera vero hujus rami pars in musculum tricipitem disseminatur.

Notandum, quod ramus à secundo pari Lumbarium emissus, qui musculis lumbaribus prospicit, extra abdominis cavitatem supra Iliacum repit, & auterius Pinguedini ossis femoris officium facit.

Nervus cruralis, unà cum tendinibus Psoas & Iliaci extra abdomen excurrrens, mox innumeros emittit ramusculos, musculis, cuti & Pinguedini ossis Femoris incumbentibus inservientes.

Interius duo rami majores ad musculum vastum externum & internum ejiciuntur.

Ille qui ad ramusculum vastum externum accedit, ferè merè fit cutaneus, inque cutem & Pinguedinem, quæ malleolo interno accumbit, terminatur.

Omnes crurales rami & ramuli modo descripti, in transensu ab utroque latere innumeros emittunt ramusculos, qui partibus sibi adjacentibus prospiciunt, quod quoque circa nervos manuum notandum est, & circa Ischiadicum mox describendum etiam notandum est. Nervus itaque cruralis ut ex descriptione patet, ut plurimum parti anteriori ossis femoris prospicit; Ischiaticus è contra posteriori femoris parti, uti ex descriptione mox patebit.

Ischiaticus nervus, omnium in genere maximus, ex tribus vel quatuor superioribus ossis sacri partibus per foramina ejus interna emissis & ramo ultimi Paris lumbarium efformatur, qui ramus est ramus communicationis inter nervum Cruralem & Ischiaticum, ad femur extra pelvim infra musculum Pyramidalem descendit, & in ipso descensu supra flexuram adhuc ossis femoris duos emittit ramos, quorum posterior & minor glutæis impenditur. Alter us-

que ad genu fere descendens varios emittit ramulos, qui superius glutæis, inferius tibiæ flexoribus, & una cuti & pinguedini officium faciunt, deinde nervus Ischiaticus supra caput ossis femoris ulterius excurrens, infra ejus juncturam plurimos emittit ramulos, qui in minores divisi, tibiæ flexoribus impenduntur.

Idem paulo superius flexuram, maximum emittit ramum, qui bifidus, *minorem* ad cutim & pinguedinem, quæ ad partem superiorem & fere mediam peronæ os obtegunt, dimittit; majorem supra peronæ capitulum superius reflectit, & in musculos antè peronæo accumbentes superius, & in medium musculorum diffundit.

Idem circa juncturam genu emittit unum longissimum ramum, qui ramos emittit circa suum Principium capitulis gastrocnemii implantatos.

Longissimus hic ramus supra medium gastrocnemiorum excurrens merè solito aliorum nervorum in transgressu diffundit ramos ad partes sibi accumbentes, & tandem infra malleolum internum reflexus cuti & Pinguedini, (ab utroque latere diffundens ramos) exterius prospicit, nimirum pedis lateri exteriori & superiori, ubi usque ad digitos emittit ramulos.

Tandem hic ramus varios emittens in transgressu musculos, infra malleolum internum reflexus, præter plurimos quos diffundit in soleam ramusculos, duos maximis emittit, qui istam Plantæ pedis formæ non absimilem ramificationem producant,

nam æqualis est circa plantam pedis nervi divisio, ac in manu externâ & circa digitos pedum.

Tandem uterque ramus ulterius excurrens dividitur in X. ramos, qui eodem modo lateribus digitorum pedis officium faciunt, ac circa manum in digitis nervos internos descripserimus.

Et hæc est Nervorum per totum Corpus descriptio brevis, notabiliorum nempe ramorum; minores enim tam multifariè variant, ut si viginti disseceamus cadavera, nec unicum alteri omnino circa ramusculos minores, convenire reperiemus.

Nec crediderim, si quis centum disseccaret cadaverum nervos, istum exactissimè tamen varium naturæ lusum reperturum, neque in tanto numero unicum convenire exacto cum altero deprehensurum esse, multò minus descriptioni Nevrotomiæ Domini Vieussens congruere videbit, licet hic ramos majores omnium partium exactè satis descripserit; è contra melius prosecutus est nervos Cerebri Clarissimus Willisius.

NOTA PRO CORONIDE.

Omnia in præcedentibus ab Autore *D. Ranto* (hoc anno denato) tradita V. Tabulis æri incisæ & chartæ majori regię impressis eleganter haud ita pridem ob oculos posuit *D. Glüsing*, Hamburgensis, penes quem, una cum alia Tabula Instrumenta Chirurgica continente, quatuor Marcis Lubecensibus veneunt.



INDEX ANIMALIUM,

quorum descriptio Anatomica in Amphitheatro continetur,
 è quibus ea, quæ literis obliquis seu cursivis impressa sunt, in
 Parte II. inquiri debent.

A.

<i>Acarus</i>	229
<i>Actor scenicus</i>	38
<i>Acus marina</i>	119
<i>Agnus</i>	130
<i>Alce</i>	53
<i>Alosa</i>	122
<i>Anas</i>	57
<i>Anguilla</i>	126
<i>Anguis</i>	170
<i>Animal marsupiale</i>	130. 136
<i>Anser</i>	58
<i>Aper</i>	123
<i>Indiae Orient. moschatus</i>	124. 118
<i>Apis</i>	222
<i>Aquila</i>	1
<i>saxatilis</i>	17
<i>Araneus</i>	190
<i>Ardea stellaris</i>	48
<i>vulgaris</i>	47
<i>Asinus</i>	9
<i>Astacus fluviatilis</i>	139
<i>marinus</i>	137
<i>Avis scenica</i>	38

B.

<i>Balena</i>	97
<i>Bombyx</i>	194. 209. seqq.
<i>Bos</i>	82
<i>cum fœtu vaccino</i>	88
<i>Barbariae</i>	89
<i>Bubalus Indicus</i>	88
<i>Bufo communis</i>	207
<i>Indicus</i>	208

C.

<i>Camelus</i>	29
<i>Cancer communis</i>	139
<i>planipes</i>	137
<i>volans</i>	221
<i>Canis</i>	138
<i>carcharias</i>	118
<i>fœmina</i>	139
<i>Cantharis rosacea</i>	227
<i>Capra</i>	130
<i>Capreolus commun.</i>	108
<i>moschiferus</i>	109
<i>Castor</i>	170
<i>Casuarus</i>	32
<i>Cati mundi</i>	123

<i>Catopardus</i>	95
<i>Catuli leporini</i>	145
<i>Cercopithecus</i>	146
<i>Cerva & Cervus</i>	76
<i>Ind. Canad.</i>	78
<i>Chamaeleon</i>	193. 194
<i>Cicada</i>	201
<i>Cicindela</i>	224
<i>Ciconia</i>	51
<i>Cimex muror. & Ignorum</i>	226
<i>Coati mundi</i>	123
<i>Cochlea terrestris</i>	178
<i>Columba</i>	67
<i>Corax</i>	71
<i>Cormorant</i>	72
<i>Cornicula</i>	69
<i>Corvus</i>	71
<i>aquaticus</i>	72
<i>Crabro</i>	223
<i>Cricetus</i>	152
<i>Crinones</i>	230
<i>Crocodilus</i>	190
<i>Cuniculus</i>	186
<i>Cygnus</i>	56
<i>Cyprinus</i>	123

D.

<i>Dama</i>	115
<i>Domicella</i>	38
<i>Dromedarius</i>	29

E.

<i>Echinus terrestris</i>	177
<i>Elephas</i>	1
<i>Eme</i>	32
<i>Equus</i>	91
<i>Erinacei</i>	177
<i>Eruca</i>	194

F.

<i>Felis</i>	156
<i>catuli</i>	157
<i>Zibethica</i>	158
<i>Folia ambulancia</i>	221
<i>Formica-Leo</i>	190

G.

<i>Gallina</i>	58
<i>Gallus</i>	59
<i>Indicus</i>	63
<i>Garrulus</i>	77
<i>Gazella</i>	103
<i>Glis</i>	

INDEX ANIMALIUM.

Glis	187	Papilio	221
Gryllo-talpa	188	Pavo	66
Gryllus sylvestris	186	Pediculus	229
		Perla	222
H.		Phoca	85
		Phocus	93
Halec	133	Pica albo-atra	69
Hippocampus	168	Picus glandarius	77
Hystrix	177	Martius	78
		niger	77
K.		Pintados	59
		Polypus	167
Kakerlac Ind.	192	Porcus	122
		Psittacus	68
L.		Pulex	228
		scabiosa	ibid.
Lacertus	191		
Lampectra	131	R.	
Lampyrides	225		
Larus cinereus	231	Rana	209
major	ibid.	Surinamica	212
Leana	45	in piscem mutata	ibid.
Leo	32	Rangifer	72
Lepus	142	Raja	125
Limax major terrestris	179	Rupicapra	111
Locusta	181		
Lucius	122	S.	
Lumbricus terrestris	180		
Lupus	140	Salamandra	192
canarius	102	Salmo	120
cervarius	99	Sarda	133
Lutra	174	Scarabeus cornutus	190
Lynx major	99	liliaceus	193
		majalis	192
M.		Sciurus	189
		Scorpio	193
Marfupialis foemina	130	Sepia	170
mas	136	Serpens	171
Martes	190	Caprimulgus	172
Melis	152	Silurus	101
Milvus	69	Siren	79
Musca vulgaris	225	Sirones	230
Mus alpinus	188	Strepsiceros	103
Indicus	189	Struthio-Camelus	18
Norvvagicus	188		
Mustela fluviatilis	132	T.	
Mytulus	157		
N.		Tajaca	118
		Talpa	183
Noctua communis	75	Tarda	45
faxatilis	76	Taxus	152
O.		Testudo Indica	214
		lutaria	229
Ostreum	144	marina	227
Otis	44	terrestris	225
Ovis	125	Tetrao	45
P.		Thois	202
		Tigris	94
Palumbes		Torpedo	110
		Sinus Persici	115
	67	Trutta	121
		Turtur	

INDEX ANIMALIUM.

<i>Turtur</i>	E	67	Urfa & Ursus	47
			<i>Urtica marina</i>	108
	V.		Vulpes	141
			<i>marinus</i>	82
Vacca	-	82		
<i>Vespertilio</i>	-	78		
<i>Vipera caudifona</i>	-	175		
<i>communis</i>	-	173	X.	
Vitulus	-	82	<i>Xiphia</i>	102
<i>Unicornu marinum</i>	-	80		

F I N I S.

CORRIGENDA.

Part. 2. pag. 77. col. 1. lin. 6. post verbum
ligamentis omiffa sunt voces, feu fibris.

Reliqua, eaque non pauca! in Parte II.
& Appendice (quæ in vicinia impreffa sunt)
occurrentia Lectoris Benevoli attentioni &
emendationi relinquo.



THE HISTORY OF THE
REIGN OF HENRY THE SEVENTH
BY JOHN HALLAM



DESIGNATIO PAGINARUM

quibus Bibliopecti Tabulas æneas agglutinare debent.

Oder:

Verzeichnuß derjenigen Stellen, woran die Buchbinder
die Kupfferstücke leimen sollen.

TOM. I.

TAB. I.	ad pag.	TAB. XXIV.	ad pag.
II.	27	XXV.	125
III.	13	XXVI.	130
IV.	35	XXVII.	135
V.	36	XXVIII.	136
VI.	46	XXIX.	138
VII.	50	XXX.	140
VIII.	56	XXXI.	146
IX.	73	NB. XXXII.	151
X.	75	XXXIII.	157
NB. XI	76	XXXIV.	161
XII.	80	XXXV.	174
XIII.	88	XXXVI.	177
XIV.	90	XXXVII.	182
XV.	93	XXXVIII.	187
XVI.	98	XXXIX.	189
XVII.	101	XL.	190
XVIII.	102	XLI.	193
XIX.	106	XLII.	206
XX.	110	XLIII.	208
XXI.	117	XLIV.	211
XXII.	121	XLV.	224
XXIII.	123		227

TOM. II.

TAB. XLVI.	ad pag.	TAB. LXXIV.	ad pag.
XLVII.	17	LXXV.	126
XLVIII.	31	LXXVI.	130
XLIX.	32	LXXVII.	136
L.	38	LXXVIII.	141
LI.	43	LXXIX.	143
LII.	47	LXXX.	145
LIII.	50	LXXXI.	158
LIV.	52	LXXXII.	161
LV.	55	LXXXIII.	167
LVI.	57	LXXXIV.	169
LVII.	58	LXXXV.	170
LVIII.	62	LXXXVI.	172
LIX.	65	LXXXVII.	173
LX.	66	LXXXVIII.	181
LXI.	74	LXXXIX.	189
LXII.	76	XC.	197
LXIII.	79	XCI.	199
LXIV.	81	XCII.	201
LXV.	84	XCIII.	205
LXVI.	93	XCIV.	206
LXVII.	100	XCV.	207
LXVIII.	110	XCVI.	209
LXIX.	117	XCVII.	211
LXX.	119	XCVIII.	212
LXXI.	121	XCIX.	214
LXXII.	122	C.	216
LXXIII.	124	CI.	218
			221

AD APPENDICEM.

TAB. CII.	pag.	TAB. CIV.	pag.
NB. CIII	13	CV.	26
	19		28

UNIVERSITY OF CHICAGO

THE UNIVERSITY OF CHICAGO PRESS

1901

7.1.10

XXXX

XX

XX

1901

UNIVERSITY OF CHICAGO

THE UNIVERSITY OF CHICAGO PRESS

1901

Σ 14/194

